



A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>



Ex libris Bibliothecæ quam Illusterrimus
Archiepiscopus & Prorex Lugdunensis
Camillus de Neufville Collegio S S.
Trinitatis Patrum Societatis J E S U
Testamenti tabulis aatribuit anno 1693.

3424

b.l.b. 3 fig. 2383

I V S T I L I P S I

V. C.

OPERA OMNIA,

POSTREMVM AB IPSO AVCTA

ET RECENSITA:

N V N C P R I M V M

C O P I O S O R E R V M I N D I C E

I L L V S T R A T A.

Tomus Secundus.



A N T V E R P I A E,
E X O F F I C I N A P L A N T I N I A N A
B A L T H A S A R I S M O R E T I.

M. D C. X X X V I I.

Cum Priviliis Cesareo & Principum Belgarum.



IVSTI LIPSI
EPISTOLARVM
SELECTARVM
CENTVRIA PRIMA
MISCELLANEA.



I. Lipsi Operum Tom. II.

A 2

5

AD P R A E T O R E M, C O N S V L E S , E T S E N A T U M R E I P . V L T R A I E C T I N A E .

Viri Nobiles , Viri Prudentes ,


PISTOLAS meas aliquot , quas his diebus collegi , & errantes redegi sub vnum huius Centuriæ velut signum , visum mihi in lumen dare : idque sub tutelâ nominis vestri. Caussam habui duplicem. Prior est , quia lumen aliquam tenui huic , & per se obscuræ scriptioni , conciliare conatus sum à luce vestrâ : quorum antiqua , potens , & amoena vrbs splendet inter Belgicæ primas : vosque in eâ , per prudenteriam & virtutem . Caussa altera. quod benivolentia vestra huc me impellit & comitas , quâ publicè ac priuatim insigni semper in me fateor esse vsos. Omitto amicitias , quæ mihi cum plerisque vestrorum ciuium artæ : sed pedem numquā in urbem vestram posui , quin clara mihi signa semper exhibueritis eximij cuiusdam adfæctus & cultus. Cum honore & amore venientem excepistis , hærentem habuistis , abeuntem dimisistis. Quo meo merito ? nullo , fateor : sed solo impulsu beneficæ & humanæ naturæ. quæ velut fato aut Genio , inter adsitas omnes gentes , propriè est vestra. Quod eò maius beneficium interpretor ; quia tam munis fuistis , in re & verbis hactenus immunem. Id autem ne vltrâ sim , verborum ecce saltem & scripti munus hoc capite : Epistolæ inquam meas , nouum & veterem ingenij partum . nouum dispositu , compositu veterem . sed partum profectò infirmum aut informem : & quem , per diuturni hoc morbi tedium , nec fingere nec polire mihi mens , quemque abiecisse verius videor , quam peperisse. Vosei tutores , imò patres aduoco : tangite , tollite expositam hanc prolem : & in primis auctoritatis vestræ scuto defendite , contra maligni liuoris dentem. Ita Deus vos & vestram urbem ciuilium hac bellorum flammâ aliquando eripiat , quâ vndique nunc estis cincti. Lugd. Bat. Id Nouemb.

LECTOREM MEVM SALVERE IVBEO.


 N tibi Epistolas nostras, mi Lector, sed in parte: & eam ipsam partem, non mentior, trepide emisi, & quodammodo volens nolens. Volentem me sane volentia tua facit. cuius favoris aura suauiter adhuc mibi spirat: nolentem, ipsum argumentum. Primum, quia id temne: nec fame ab eo magna spes aut seges. Epistolas enim meras damus: id est, diales nostras nugas, iocos, lusus, & cum amicis garritus. Quid seruum hic magno opere, aut cultum? quin epistola esse desinunt, si nimis tales. Ordinem aut dilectum in materiam, curam aut limam in stilo, quispiam exspectat? à me frustra: quia in blandiente illâ heresim, ut epistolas sub manu nasci debere censem, & sub acumine ipso stili. Atque adeò (dicam verè) bis non scribo, bis vix eas lego. Profundunt mihi ex liquido quodam canali pectoris: & ut animus aut corpus meum est cùm scribo, ita illâ. Victor mens solitus dicere, indices ei semper valetudinis nostra meas litteras, etiam cùm indices non essent. Benè. languent enim illa, excitantur, dolent, gaudent; calent, frigent mecum. Ut verbo dicam, affectus animi corporisq; mei in hac tabellâ. Quod si quedam in his serie, tamen pauca: & preponderat, vereor, leuiorum multitudine. Nam nullas esse, falso dixerim. quia interdum intercurrunt tota, & ex professo tales, philologa aut philosopha, & salubrium aut docentium praeceptorum. Consulimus, monemus, cauemus, apud iuuentutem presentim: quam cura mihi semper ad utilia, non solum ad amena ducere, & animo ac robore ponere supra vulgum. Quas ipsis si paulò diligentius scripsi, & velut percolui digniori quadam sermonis veste: nihil, credo, peccavi. quia hoc quoque sine curâ meâ magnâ, sine ambitu. cuius manus facile mentem sequitur: & cùm implevit eas materies grandior, chartam mihi ultrò verba. Famam igitur sine laudem sperem hic haud magnam. atque adeò infamiam qui non timeam, cùm oculos sine ad eum hoc flexi, sine ad rem ipsam? illud quidem, prouum ingerere calumnias utraque manu; hanc, natam accipere toto sinu. Detegimur enim in epistolis, & subiicimur oculis panè nudi. Nosse me, aut alium vis? epistolas lege, qua depingunt. Ingenij mei, affectus, iudicij, imò & vita, non vanâ imago istic. Alibi fucus & simulatio habitat: hic candor, hic veritas, & non nisi nativus ille color. Qui simulet in subita illâ, & sapè calidâ, scriptione animus? non potest. qui apud amicum, & se alterum? non vult, non debet. Reuerâ enim deprehenditur aut emicat, priusquam se componat: nec velum ei ducere succurrit, quo tam citò, & apud tales, se tegat. Protrahit igitur hominem maximè hac scriptio: & ideo iudiciis calumniisq; exponit. De te tuisq; memoras? quod carpanter reperient, ut vanum, aut iactabundum. De aliis? hic quoque, quod carpanter. Illi in laudes nimis pronus videbere, alij in reprehensiones:


7

hensiones: huic ad superbiam convergere, alteri in adulacionem proclinare. Denique in publicâ & cunili re, sub cineribus qui occulti ignes? Pietatis mihi rem alibi tange: apud hanc aut illam partem peristi. Reges aut status: cadaver es & funus. At qui hac in epistolas sapè intercurrant necesse est, aut illane currant. In quibus omnibus et si nos (quantum prudentia quidem me atulit) temperauimus: tamen vereor ut temperet sibi à me quoque intemperies quorumdam. Voces iam audio, & praeideo. quid ad me? ego à verâ culpâ tuatum abesse me scio, quantum carptores illos à verâ laude. Improvidè fortasse alibi aliquid dictum emisisti illi oculi reperiant: at nihil impie aut maligne. Hoc testor, hoc profiteor. mali iuris, mali moris ille, quisquis aliam mentem mihi affinget ex suâ mente. Nec hoc te ledat, quodcunq; aut alterum alibi laeti: aperte, fateor, nec tamen nominatim. Se ille quicunque est prius prodat & accuset necessum est, quam me. Cur autem non liceat? Pestes & vitia hac hominum detegi, ex usu hominum est: et si non aperte ipso. Peti se illi sentiant, alij suspicentur. In hoc tamen quoque, sicut in ceteris, si quid peccatum: post emendabitur. quia nunc unicum hunc librum, velut in gustum, damus, & periculi faciendi causâ. Emitto, inquam, hanc Centuriam, aut premitto verius, ex Epistolari meâ legione, tamquam ad incertâ itinerum exploranda: & si nulli aut pauci hastes; fidenter omnes copias producam in hunc Fama campum. sin laquei & insidia; quiescam; & tenebo me iure in fidis silentij castris. Tu ô bone, faue, ama, fauenter, amantem.

I N D E X EPISTOLARVM SELECTARVM CENTVRIAÆ I. MISCELLANEÆ.

A.	BRAHAMO Ortelio epistola	liij.	E.	
	Adolpho Metkercho	xcij.	Errico Memmio	lxxxvij.
	Alexandro Ratloni	xij., xxxij.	Euerardo Polioni	xvj., xlvj., lxxiiij.
	Amico cuidam	lxij.		F.
	Andrea Dudithio	xcij.	Florentio Tinnio	xc.
	Andrea Schotto	xlv.	Francisco Bensio	lij.
	Augerio Gisleno Busbequio Cesaris Legato	xiij., lxij.	Francisco Modio	xxvij.
	Bonaventura Vulcanio	lxv.	Francisco Raphelengio	xxxv.
	C. Cornelio Prunio	lxvij., xcj.	Francisco Raphelengio Francisci filio	lxxvij.
	Cornelio Valerio	lvj.		G.
B.	Carolo Clusio	xlviij., xcj.	Gabrieli Roelandio	xlviij.
	Consulibus & Senatui Antuerpiensi	lxix.	Gaspary Schuermanno	xlviij.
	Dominico Lampsonio	j.	Georgio Benedicti	lxxiiij.
		lx.	Georgio Ratallero Presidi Ultraiect.	xxv.
			Gerarto Falkenburgio	lij.
			Godschalco Steevvechio	xlj.
				Gulielmo
			A. 4	

<i>Gulielmo Breugelio</i>	<i>vij.</i>	<i>Lernutio & Gisclino</i>	<i>xxvij.</i>
<i>Gulielmo Cambdeno</i>	<i>xxvij.</i>		<i>M.</i>
		<i>Marco Antonio</i>	<i>lij.</i>
		<i>M. Valerio Collino</i>	<i>xcv.</i>
<i>H. Hadriano vander-Burchio</i>	<i>lvij.</i>	<i>Martino Antonio Delrio</i>	<i>xvij.</i>
<i>Henrico Ranzonio</i>	<i>lxxxvij.</i>		
<i>Henrico VViltio</i>	<i>lv, xcviij.</i>	<i>Martino Lydio</i>	<i>lvij., lxix, lxxix.</i>
<i>Hieron. Berchemio</i>	<i>xxij.</i>		
			<i>N.</i>
		<i>Nicolao Biesio Cesareo Medico.</i>	<i>xxx.</i>
			<i>P.</i>
<i>Iacobus Cuiacio</i>	<i>lxvij., lxxvj.</i>	<i>Paulo Busio</i>	<i>lxxxix.</i>
<i>Iano Douze</i>	<i>ijj., xv, xxij., lxxj., xcvi.</i>	<i>Paulo Melisso</i>	<i>lxxxij.</i>
<i>Iano Grotio</i>	<i>xvij.</i>	<i>Petro Egmondo</i>	<i>c.</i>
<i>Iano Gruterio</i>	<i>xcij.</i>	<i>Petro Pythæo</i>	<i>vij.</i>
<i>Iano Gulielmio Lubecensi</i>	<i>xj, xxxix, lxvij.,</i>	<i>Philippo Lanoye Nobiliss. iuueni</i>	<i>xxij.</i>
	<i>lxxvij.</i>		
<i>Iano Hauteno</i>			<i>R.</i>
<i>Iano Lernutio</i>	<i>x, xiij., xx, xxxvij., xl, li, lxxxvj.</i>	<i>R. Pinçao</i>	<i>lxxxv.</i>
<i>Ioachimo Camerario</i>	<i>lxxv.</i>	<i>Rolando VVincelio</i>	<i>lxxx.</i>
<i>Ioanni Ionstono Scoto</i>	<i>xxxvij.</i>		
<i>Ioanni Moerentorfio</i>	<i>lxxij.</i>	<i>S.</i>	
<i>Ioanni Rotario</i>	<i>xcix.</i>		
<i>Ioanni Sambuco</i>	<i>xxxvj.</i>	<i>Stephano Pighio</i>	<i>v.</i>
<i>Ioanni Viniano</i>	<i>xlix.</i>		
<i>Josepho Scaligero Iuli F.</i>	<i>cij.</i>	<i>Theobaldo Teelingio</i>	<i>xxix.</i>
<i>Iosie Mercero</i>	<i>xxxij.</i>	<i>Theodoro Cantero</i>	<i>xljj., lxxxvij.</i>
		<i>Theodoro Leevrio</i>	<i>xix, xxvj, xxxj, xxxvij,</i>
<i>L.</i>			
<i>Lauino Torrentio</i>	<i>lxvij., xcviij.</i>	<i>Vitiori Gisclino</i>	<i>ij, ix, lxx, lxxxj.</i>



I V S T I L I P S I
EPISTOLARVM SELECTARVM
CENTVRIA I. MISCELLANEA.

EPISTOLA I. *Louanium.*

CORNELIO VALERIO S. D.

NITAE genus, quod à reditu elegeram, & indicaui præsens tibi mi Valeri, & probauit: quietum istud, modestum, latens, remotum ab ambitu & à curis. Et iam ingressus serio eram: cùm (ecce subitā vim fati) vereor vt subitò id mutem. Nam tempora quæ impendeant, vides; & quæ tela improviso exorsa ciuilium bellorum. quæ si pertexitur, & nisi stamen eius ac subtemen pax aliqua abrumpat, stare mihi diutiùs non licitum in hoc loco. Quomodo enim? exposito cottidie non rapinis solùm militum, sed iniuriis: quorum quàm libera licentia sit, nosti. Heu vitæ legein! cui annexum, angi & dolere in omni sorte. Itaque agellos istos mente iam deserio, & specto Grudios vestros. non planè inuitus, fateor, cùm te cogito & Canterum nostrum: quem tamen audio & doleo in lento esse morbo. Quid autem tabes ea est & marcor? an quis alius languor? De illâ, visus mihi dicere medicus Geinima. quod Musæ tamen prohibeant, & diurnare paullò magis in terris velint Parnassium hunc alumnum. Sed caussa morbi quæ? studia, an curæ?

* Morbos
causa pro-
ducere &
curare solent.

* Τίττεοι γάρ τοι καὶ νόσος δυθυμία: ait Tragicus. De studiis tamen magis credo: quæ calidè ille nimis habuit & inten-tè. Numquam vidi tam indefessum inge-nium, & laboris huius Musici aut appetens magis, aut fertens. Semper ille in libris, chartis, noctu, diu, assiduus, accubuus: nec dies solùm omnes appensi & numerati ad hanc curam, sed horæ. quas singulas ad clepsydram diuidere, & attribuere ille solitus huic lectioni, aut huic scriptioni. De Plinio suo scribit & iactat alter * Plinius? atqui torpor ille hominis & desidia mera, si cum hac assiduitate comparetur. Nos, mi Valeri, remissiores: & si per hanc viam mors, sum immortalis. Vis scire, quàm ignauiter cessem? Tot protela admonitio-

num tuarum nondum effecere, vt vel manum admouerem Commentario Corneliano. ita subiit me ignauiae huius dulcedo: &, quod illeipse Cornelius ait, *inuisam primò desidiam, cæpi amare.* Mutabo fortasse, cum loco. Tuus certè non sermo solùm excitabit me, sed vultus. quem iure vereor & veneror, ductorem doctoremque meum in meliore hoc animi cultu. Vale. In Iscano meo. a.d. XII. Kal. Decemb. 15. LXXV.

EPISTOLA II. *Brugas.*

VICTORI GISELINO S. D.

RARAS à te litteras, mi Victor, accipio: sed certè caras, stillantes mero melle & amore. Vellem vtrumque. vt & diligentiā tuam amare possem, & adfectum. At principium tuum vanum, de abitu meo Coloniam. Vnde hoc autem? ab amico aliquo, an à famâ? non enim à me certè, aut meis litteris: nec vinquam mihi fuit in mentem. Apage illud scelus (ita loquor) vt pedem hac prouinciâ efferam, non visis vobis. Et sanè paullùm modò hic morbus perseverasset, veniebam ad te non solùm corporis, sed animi medicum mei. Nunc, cum deo fauente, reualui: & gallum debeo Æsculapio tuo. O diecula illa, quam vñā mecum exoptas, quando exoriere? quando te & Lernutium, in Iscano isto, complectar & fruar? quando in pergulâ illâ ad Lunæ lumen garriemus, viuēmus, imò & bibemus? Dī aīniciæ præsides, repræsentante mihi hoc votum. Festino enim. quia vt cogi nubes has video, breuī dabunt tempestatem. Circa nos militares globi: qui vereor non vt interpellent, sed pellant. O locum hunc beatum, absque metu isto sit! A Samboco herè ad me litteræ, sanequām amicæ. Humanissimum virum corām repperi, non pro opinione mēa (tecum hoc sit) litteratum. Ita in his quoque rebus, ludit & illudit illud siue Fatum publicum siue Fortuna: & quidam merentur famam, quidam habent. Inter illos, in eādem Germaniā Andream Ellingerum noui, deus bone, virtutum

* Epist. v.
lib. 111.

rum magnum & penitus doctum ! at ille pñè ignotus latebat & fallebat inter suos. Ita fatua sñpè huius æui iudicia, aut iniqua. Et nos quid speremus, aut laboremus? dormiamus potius, aut cucurbitas pingamus. quorum alterum ego quideam iam facio. Scripsi enim hæc ipsa ad lychnum, labente manu, premente somno. In Iscaho meo. III. Non. Octob. &. I. LXXVI.

EPISTOLA III. *Lugdunum Bat.*

IANO DOVSÆ amicissimam salutem mitto.

Ecquid tinniunt tibi aures, mi Dousa? Ita multus non in sermonibus meis solùm es, sed in litteris ad amicos. Vel nunc cum Rogersio nostro, quām multa, quām suavis, de te fabulatio! Adest enim mihi, ne nescias, hoc ipso tempore, & quidem in mensâ. Ita dico, in mensâ & in eâ mihi hæc scripta. Abituriebat enim ille. nec fas certè sine meâ manu: pñè scripsoram animo, quem ille, à me exsulem, auferet ad te secum. Non sum ex iis qui

Composita dicta pectori euoluunt suo;

Quæ cùm componas, dicta factis discrepant: vbi ait Attius. audi, Dousa, veram vocem: mens omnis & affectus apud te est, ex quo legi suauissimos & felicissimi Genij tuos versus. O te magnum, & mei stomachi vatem! Non Musæ ipsæ Lipsium magis ament, quām ille te. Itaque non vltro fero desiderium. &, nisi res nostræ turbidè porrò turbauerint, cis paucos dies excurrat: & usurpabo istis oculis, quem nunc animo, auribus, linguâ. De Giselino nostro & Lenutio, omnia recta. nisi hoc tamen, quod vterque nuper in vincla coniectus (percutio te? pone metum.) nuptiarum. Etiam ego in hoc carcere. si vir es, veni, & Iunones nostras vide. Salve mellitissime. Louanij, Nonnis Aprilibus, &. I. LXXVII.

EPISTOLA IV. *Vbios.*

GERARTO FALKENBURGIO S. D.

Mvnvs vestrum accepi egregium, mi Falkenburgi, imò regium. Et cur non vestrum? ego scio Redigerum caput huic dono fuisse, te pedem: nec tam beniuolo conciliatori minus debere me, quām datori. Animus enim est, quem in his talibus specto: nec pretium iis vñquam à se facio, sed ab affectu. qui in te certè maior. Aurum autem ipsum, quid nisi splendens quæ-

dam terra, & nitidius paullò lutum? Iudicium tuum de libellis nostris mihi gratum: sed vtinam iudicium! siue tamen amor, is quoque gratus, quia magnus: nec aliter vñquam tam rectam certamque mentem cogeret in errorem. De lapsu memoriae quod submones, verum est: corrigam libens. Quod autem his & ad Pulmannum litteris iteras & pungis de seruitute: audi quæso liberè & diffusius paullò meum sensum. Ego qui status patriæ huius sit, nec ignoror mi Falkenburgi, nec nego: (aspera in eo multa, intenta, rigida, præter mores, aut præter leges:) sed hoc quoque scio, qui meus. Apud me ecce, & in rusculo meo viuo: cur angar, quid Cotta aliquis aut Carus moliantur in aulâ? Vim aliis inferunt? nondum mihi. opes delibant aut diripiunt? pereunt eadem absenti. ad impium aliquid adigunt? numquam. Mentein enim istam liberam quis tyrannus mihi artat? internam sententiam quis cogit? cultum metumque diuinum è pectori isto quis eripit? Et si velint: ecce sacram ancoram,

* Tίς ἐσι δέλα Τε τὸ Θεων ἀφεγητις ὥν;
Hoc enim firmum aduersus externa omnia
telum, non timere propter quod timentur.
Sic Socrates adfectus, qui Athenas non deferuit, infessas non vno, sed triginta tyran-
nis: sic Seneca, qui sub Nerone, imò cum Nerone vixit: sic Heluidius, sic Thraseas,
& magna illa sapientum manus. Me cur in alia vocas? Animo diffidis, aut annis?
noli. Ego enim mi Falkenburgi in iuuenili
hoc pectori sic sum adfectus, vt deum, vir-
tutem, & me constanter colam: non adul-
er imperantibus, sed nec irriterem: & cum
Corneliano illo * lerido, inter abrupta contu-
maciam & deforme obsequium, pergam iter am-
bitione ac periculis vacuum. Periculis inquam,
quorum non ego (homini quantum licet)
occasio sim aut caussa. Quod si aliunde &
ab externâ vi ingruant, quomodo aut vbi
excludam? Non Vbij vestri ab iis me libe-
rent, non liberæ omnes Imperij vrbes. Sed
reuerà (dicendum est) peccamus multi in
hanc partem. prouocamus pericula, & la-
cessimus sñpè imperantes, vanâ quadam
specie aut superbæ libertatis, aut incautæ
pietatis. Modestia autem est quæ Deo pla-
cita, & his qui dij in terris. Reges vt fulmi-
na esse didici: dura frangere, mollibus ple-
rumque illæsis. Itaque hæc tempora, vt
nimbum, habeo: donec deseuierint, latito
& me tego. Nec nimium tamen de sœvitâ
illorum

* Quis ser-
vus est per-
ire modi
qui non si-
met?

* De coitis
cautæ pru-
dencie apud
Tacitum.
Annal. IV.

illorum queror: quia scio exoriri posse deteriora. Rusticulus ille mihi in mente: qui de Antigono rege viuo questus, cum obiis- set successore peiore: terram laboriosè in- uertens, & votorum iam pœnitens, *Antigo- num*, inquit, *refodio*. Faxit & ille deus, vt hie turbæ nostræ stent, neu breui procellæ in- gruant sœuiores. Sed hæc magis feria for- tasse, quam pro epistolâ: occasio tamen iis ex iteratâ tuâ accusatiunculâ: & gaudebo, si consilij mei ratio proba iam apud te probum. Talem enim non minùs repperi, quam amicum mihi: qui vt esse perseue- res, rogo. Ad Redigerum ipsum scripsi seorsum. In Iscano meo, Kal. Sextilibus. Anno ∞. I O. L X X V .

E P I S T . V . *Viennam.*

S T E P H A N O P I G H I O .

FIDEM meam culpas? audi. Prandium mihi hodie apud heroëm nostrum (non enim virum dixerim) Busbequium. post prandium longiusculæ etiam fabulæ: sed de litteris, vt apud illum solet. Hæc res diem mihi abstulit, & me tibi. Ignosce, & iam etiam cognosce. Nam de Prætorum lictoribus, liticulæ nescio quid adfero ad te nostrum Prætorem. Vulgus & auctoritas veterum sex eos facit. loca & testes tibi no- ti. At duos fuisse tantum, lex vetus mihi in- gerit, apud Censorinum ista: *Prætor urba- nus qui nunc est, quique postbac fuerit, duos li- ctores apud se habeto. usque supremam ius inter ciues dico.* Cauillari poteram & effugere, tamquam minimum duos lictores lex esse vellet; de pluribus non vetaret. sed ligauit iterum meus Plautus: apud quem in Epi- dico clarus ab hac re iocus:

*At enim unum à Præturâ tuâ Epidice abest.
E P. quidnam? T H. scies.*

Lictores duo, duo viminei fasces virgarum.
Inter ornamenta esse Prætoria disertim duos lictores numerat, duosq; fasces. Hac repre- hensione, huc ibam: vt censerem Plauti & veteri illo æuo haud plus duos sanè fuisse, at numerum posteà auxisse, splendoris ma- joris caufsa. Sed hoc quoque diuerticulum interclusit mihi importunè tuus Valerius: in quo lib. i. cap. i. lego de Furio Bibaculo: *Prætor sex lictoribus præcedentibus arma an- cilia tulit.* quod factum notæ tuæ Chroni- cæ referunt in annum vrbis D XVI : id est, ante adulthoodum Plautinum æuum. An Præ- tori urbano & peregrino si fortè bini tan- tum: aliis extra vrbem, & ad auctoritatem

apud subditos, plures? Iuua, iuua: angor ego & resisto. Præmium tibi operæ, cœnula cras apud me in diuersorio noto. sed eâ le- ge, vt ambulatiuncula præcedat ad siluu- lain nostram *Querquetulanam*. Salve à tuo Lipsio, & dormi. Viennæ, Idibus Ju- niis, ∞. I O. L X X I I .

E P I S T . VI. *In Pictones.*

I O S E P H O S C A L I G E R O I V L I F .

S. & amore nuntio:

QVI verè erga te magnus. Nam iam an- teà, mi Scaliger, cum veneratione qua- dam amabam te paternæ & tuæ virtutis caufsa: nunc magis; cum te quoque video conspirare mecum in hoc adfectu. Nam, quâ de me erant, litteras tuas Plantinus mi- hi legit: & amicas valde, & honestas. Ar- que in amore quidem tuo, gaudeo: in iudicio, triumpho. quia (verè, & ex animo) si quisquam est proborum cui probare me meaque velim; is tu es, inter probissimos primus. Nam hunc vulguim, morus ego si morer. Epistolicas his diebus emisi: rude opus, nec istarum aurium. Vide tamen: & agnosce nos in litteris multa velle, te posse. De Plauto quod item ad Plantinum: apa- ge. egone ante te? Iamdiu libraui hoc onus; cui impar ista ceruix. Tu hic unus Hercules siue Atlas nobis, & fulcire debes comi- cum istud cælum. De Nonio etiam cogi- tare te audimus. verone & serio? item de Manilio. sed litteræ tuæ nihil tale nuntia- bant. Credimus tamen: quia hæc omnia per iocum & ludum te posse scimus, in quâs alij sudant. Aquila in nubibus, quod Græ- ci dicunt, verè tu es: vides, immo peruides omnia; & quidquid venaris, capis. Sed de- fino huiusmodi sermonum: quia reuera-

* Κεφαλοὶ αἰδεῖ σωρῷ
Αὐτὸν μόχθων παρθέναν ἔπειτα εἰσῆγαθόν.
Tu salve, & me ama, qui te æternum. Lo-
uanij, a. d. vi. Kalendarum Decembrium;
C I O. I O. L X X V I .

E P I S T . VII. *Lutetiam.*

P E T R O P Y T H O E O I C . S . D .

PLANTINO nostro clapsi ex Troiano casu, id est incendio suæ vrbis, & ad vos abeunte: iure mihi amplectenda occa- sio fuit, mi Pythœe, compellandi tui. quem iamdiu (verè tibi, & in os dicam) inter pau- ces Gallos amo & admiror. Ignotum, fa- teor:

teor: sed à vultu, non ab animo. quem politissimum exosculatus sum sàpè in tuis scriptis. Nec blanditiæ apud te sunt. testabuntur id publicè Epistolæ meæ, per hunc tumultum autem adspicere lucem: in quibus, sererit tanti, repères cum beniuolentiâ memoriam tui. Te pariter quæso, ut hunc eundem affectum erga me aut sumas, aut retineas: & vt planè pleneque me bees, mutuis eum litteris foucas atque alas. Litteris, non rerum grauium, aut de arcanis regum (quid ad me ista?) sed quæ alucinentur libere & vagè per studia nostra: quid tu, quid Scaliger, quid alij vestri Galli meditentur, eiusdem nobiscum Musæ. Vale, & me ama. quod valde facturum te scio, si scias quām valde ego te. Fratri tuo Francisco, lectissimi ingenij iuueni, à me salutem dico. Louanijs, xvi. Kal. Febr. ∞. 10. LXXVII.

EPIST. VIII. Bruxellam.

GWILIELMO BREVGELIO REGIO
CONSILIARIO cognato meo S. D.

MAGNUM, sed amicum mihi dissidium tecum est, de agro deque vrbe. Tu istam præfers, ego illum: & rationes mihi, nisi fallor, magis firmæ. Quas quoniam herè inter differendum leuiter libauimus, vñne hac epistolâ (otium enim & libertia mihi) promain accuratiùs & diducam tibi per partes? Scio velle. aurum tantùm, vt sic dicam, vacuas ædes mihi aperi: & admitte, sodes, peregrinantem veritatem. Agrum & in eo cultum, meliorem Vrbe esse aio, ad Sapientiam, ad Mores, ad Voluptatein: addo & Fructuñ. De Sapientia: non negabis, quin illic aptior ad eam animus, vbi is liberor & magis sui iuris. talis autem in agris est. Opida vise & adi: non effugies, quin vñà tumultus, procellas, turbas. Circumstrepent enim te subito res hominesque: & negotium tibi non solùm tua negotia facient, sed aliena. Ut difficile est in conuiuio lauto & opiparo solum esse siccum & sobrium: sic vacuum, inter tot occupatos. Ille ad sponsionem te trahet, & ad forum: ad nuptias alius, & ad templum. In ipsâ viâ, clamores alibi & lites: pugna non nullibi & arma, & mox iudex, lictor, carcer. Domum ipsam tuam cùm veneris: ne in secretum venisse te cense, aut penetrale. Irrumpent ecce salutatores, inuisores, & nomine amicorum quidam fabulas, imò epulas, captantes. Hos nullum limen submo-

uet, nullum velum: & per omnes rimas inuolant importunæ illæ musæ. Inter ista & inter istos, quis libris liber locus? quis cogitationibus? sine quibus an vlla legitima ad Sapientiam exercitio aut via sit, haud equidem cerno. Et tamen fac te felicem, aut fortem: otium aliquod in ipsâ vrbe diu luætus tibi vindices: nego id liberum, firmum, aut aptum animo vegetando. Spernit enim naturâ suâ includi cælestis ille ignis, & aërem amat ac campos. Ut generofas feras cauea domat & frangit: sic altas mentes vrbicus ille carcer. Equum ad cursum apertus & liber circus prouocat: animum ad studia, vagans vacansque aura. Siluam illam viridem videt? hîc carmen auet aut hymnum deo pangere. Horti illam purpuram? hîc cum libellis suis decumbere. Aquæ illud murmur? ad eam altiori cogitatione abiici. Et nocte ipsâ aut sub eam, pictuñ illud patensque cælum eum capiet: & inter tot stellas errantes, aut inerrantes, à curis terrisque erro, mente scandet super illas. Adde quòd hîc altum securumq; otium: nemo qui appetet, aut interpellat: & amicissima semper studiis, solitudo & quies. Vides igitur quæ in hac parte ager ante vrbem habeat: nec vanè à Columellâ scriptum, *Vitam rusticam proximam & quasi consanguineam sapientiae esse.* Quòd si nunc ad Vitam me vocas & ad Mores: bonâ fide, ytrubi, te quoque iudice, illa innocentior, & hi puriores? veritas tibi exprimet quòd in agris. Oculos paullisper coniice in magna illa & commerciis crebra opida: mentior, nisi ambigas cœtus illic hominum, an confluges vitiorum. Adfert enim seorsum quiske suas culpas: quas mixti vulgant, & velut contagie, tradunt inuicem capiuntq; morbos animorum. Quin ut flumina per se dulcia, cùm in mare venerint, salescunt: sic homines haud mali, ex agris in vrbem redacti, tactu inquinantur & mixtione. Illic enim ambitio, auaritia, libido propriè habitant: & fons omnium vitiorum, depudere. cui origo, non negabis, ex crebro illo inter se adspectu occursuque. Itaque prudentes olim legislatores & qui semina iecere boni status, ciues suos plurimum ab vrbe & conuentibus abductos, habere voluerunt in agris: quos ad probitatem, modestiam, robur, gymnasium censuere & palæstram. Romulus ille æterni auctor imperij, in duas classes cùm ciuem diuisisset, Seruos ac Liberos: istis duo tantum studia Militiæ & Agri dedit, illis artes reliquas, quæ

quæ ad Mercurium & ad lucrum. Ita enim est. mercatura & quidquid artium ad opes ducit, dicit ad vitia: nec animum solum emollit & effeminat (verè Sallustio dictum) sed corpus. Quis vires & viros umquam in opidis quæsiuit, aut inuenit? adeò vetus illud verum in omni gente & æuo est, *Optimum militem legi ex agris.* Parthi olim belli potentes: sed sparsi in agris. Scythæ: sed in tugurijs obertantes. Germani: sed priusquam vrbes coluissent. Turcæ hodie: sed minimum dediti in amoenitatibus opidorum. Quin illud ipsum Genitserorum agmen, iure terror orbis, non ex agris solum, sed pænè dicam haris collectum, & mapalibus pastorum. Nam Romanos tibi quid ingeram? Curios & Fabricios nosti serentes, occantes: *Quinctios arantes, & Dictaturam induentes:* & uno verbo, non milites solum ab agris, sed duces. De Moribus ergo vides. qui si usquam etiam hodie prisci integrique quærendi sint, vestigia reperies in agris. ubi apud se quisque: & ideo pudor, innocentia, simplicitas manet, & vita malorum fraudum artiumque expers. Sed quid possim in hac parte magis verè, magis ampliter dicere, quam Hippolytus ille apud Senecam? quem, quæso te, audi.

*Non alia magis est libera & virtio carens
Ritusque melius vita quæ priscos colat,
Quam que relicti moenibus campos amat.
Non illum auaræ mentis inflamat furor,
Non aura populi, & vulgus infidum bonis,
Non pestilens inuidia, non fragilis fauor,
Non ille regno seruit, aut regno imminet,
Spei metusque liber.*

& adde plura pulcherrimi cothurni, quæ omittere. Ad Voluptatem enim transeo: quæ tamen hic tam obuia, ut indigner super eam moueri mihi litem. Elementa omnia intueor: vim suam usumque palam & toto, ut ita loquar, sicut in hoc rure nostro effundunt: obscurè & parciter in tuâ vrbe. Solem vide: melius hic nitet. Aërem: lætius latiusque diffunditur & ridet. Aquas: purius bibuntur. Terram: hic tantum cernitur in verò suo vultu. Alibi in planitiem effusè porrigitur: alibi in collem placide adsurgit, aut magis rigidè in mótem. Illic herbis & sponte natis arbustis vestitur: hic, fruge fructibusque, & feliciore ligno. Quem non delebet tam varius adspectus & cultus magnæ matris? cuius apud vos una facies ædibus pressæ aut paumentis. Iam domum si venisti, hic prorsus gaudiorum & amoenitatis

I. LIPSI Operum Tom. II.

vera sedes. Manè surrexisti? ad musicam quidem & circumsonant te ac velut salutant chori illi alitum, suauiter fritillantium, trutillantium, minurientium. ad quos non æquiparent se tibiæ, citharæ, aut ex arte vlli cantus. In hortum prospexisti? oculorum aciem tibi præstringet illa ipsa nocte exortum agmen florū & herbarum. In pratum? occurrit Vere nouo arbores odorā quadam & canā niue perspersæ: eademque sub Autumnum, aliâ pomorum purpurâ siue cerâ distinctæ. Propius easdem adspice. infestationes mirabere & matrimonia: adulteria etiam, & suppositos fætus, insciâ matre nec inuitâ. Quam lasciuam comprehensionem fæcunditatemque quisquis in ligno non miratur; ipse profectò lignum. Iam ad agros diuertisti & tua rura? illâc boues lente pacuntur & oberrant; hîc pecudes magis vagè lasciuunt & hœdi. Porcus alibi volutatur & grunnit: alibi crista cohors cugurrit & scalpit. Segetes illâc tuas vides, & filiginis, farris, hordei vberes fasces: siluam istâc, & ad hiemem lignorum strues. Vite in deinde alibi florentem aut maturäsentem; & spe iam præbibis factum illum alibilemque liquorem. Quorum omnium quæ copia in vrbe sit? quin ne imago quidem satis certa & expressa. Sed ut iij qui parietem intuentur, ex leui linearum ductu, animalia in eo & facies sibi fingunt: sic vos harum rerum futilis quasdam umbras. Ita viuitis in pulcherrimo hoc mundo, mundi exsules: nec bona aut dona eius plenè umquam nostis. Postremum Fructus mihi superest. de quo quid ambigimus? cum non solum cultus & ornatus plerisque vitæ ab agris sit, sed vita ipsa. Agricultio enim moriatur: & vna humanum genus. Adde illa commoda: agnum aut hœdum à stabulo, pullum è corde, porcum ab harâ, & tot dapes inemptas: quas vos ægrè & carè præstinatis à foro aut macello. Quod si opes omnino quæris & aurum: rideo ego & sperno. & tamen si quis hæc quoque ambiat, non alibi parandorum vberior materia & seges. Non palatia, non fora, non scenora plures ad opes euexere: quam beati isti agri. & addo rei caput, quod tutò euexere: quod citò, quod innotenter. Thales ille olim anno uno diuitias amplas corrogare potuit, emptu prospero omnium oliuarum: & viro prouido sapientique non hodie idem fas, in segete, pecude, siluâ? Sed de his quia non libenter, nec ampliter quidem differo: & mitto te, si vobis,

B

les,

les, ad veteres rei rusticæ scriptores, à quibus disciplinam eam petas. Nam ego fastidio, sicut & illud, quod crebrò ac pertinaciter mihi obiiscis de dignitate. Dignitatem ea mansio non habet, inquis: immo nec pietatem, quia patriam is desertum. Dignitatem: me iudice, amplam: qui Reges & Principes fuisse scio in hæc parte. An illud dignius, in foro latrare, tribunal siue aulam lambere, fastum in æquales, adulationem in superiores exercere: quam Sapientiæ sacram colere, Naturæ opes lustrare & promere, denique placidè viuere, placidè mori? Nam de patriâ, quid ais? In hac confusione rerum ad clauum ego sedeam: vbi nemo auditurus, non nemo etiam irrisurus recte gubernantem sit? Sæculum hoc paullisper vide. quo noxæ integritas, contumeliam pudor, ludibrio fides est: & aude suadere ut ijs præsim, quibus, hoc ipsum (pænè dicam) ægrè mihi est, quod intersim. Concludens voueo, vt procul ab vndo illo vrbium mari, in hoc tranquillo & rurestri portu quiescam & consenescam: vbi Deum in primis piè pureque venerer, deinde Sapientiæ studia & Musarum tractem, & quidquid propriè ad usum aut cultum animorum. Vbi classica nulla aut tubas audiam, vbi coruos aulæ aut fori non videam: sed modestè tranquilleque mihi & mecum victem, expers ambitionis & pallentium curarum. Cumque ultimus ille & decretorius dies venerit, spiritum hunc, sine metu, sine motu, emittam: & apud notos ignotosque memoriam mei relinquam bonam potius, quam magnam. Habes quæ pro agro, in agro scripsi. quæ si approbas, tandem etiam hoc institutum meum: neu ultrà commouendum me cense ex beatâ istâ sede. Ita Deus beatum aliquando te faciat, cum uxore liberisque: quos saluto. In Iscano meo, III. Kal. Octob. 15. Lxxv.

Carmen ecce etiam adiunxi, quod eidem argumento, calore isto effudi.

LAVS ET VOTVM VITAE BEATAE.

ILLE est par superis deis,
Et mortalibus altior,
Qui fati ambiguum diem,
Non optat leuis, aut timet.
Quem non ambitio impotens,
Non spes sollicitat lucri:
Quem non concutiunt metu
Regum præcipites mine,
Non telum implacidi fous.

Vno sed stabilis loco,
Vulgi ridet inania:
Securoque oritur dies,
Securo cadit & dies.
Vitam si liceat mihi
Formare arbitriis meis:
Non fasces cupiam aut opes,
Non clarus nunc equis
Captiva agmina traxerim:
In solis habitem locis,
Hortos possideam atque agros,
Illic ad strepitus aquæ
Musarum studiis fruar.
Sic cum fata mihi ultima
Pernèrit Lachesis mea;
Non ulli grauis aut malus,
Qualis Langius hic meus,
Tranquillus moriar senex.

EPISTOLA IX.

VICTORI GISELINO.

LEGI tuas, ad os appressi & ad pectus. O quæ penna tibi me sistat? Ego ille constans deiector vñâ cogitationis hac plagâ. Scripta mea desideras & nugas: ego te, te. Sed quâ agis? vt ex nuntio intellego, perbellè. Gaudeo. nam timebam, ob substractum tibicinem Moufflinum celeri casu. Nos fluctuamus, vt qui maximè sunt qui ad arma inclinant, sunt qui ad Irenen. Aiunt & apud vos puncta esse pro istâ. Quidquid est aut erit, ego te non amo sed pereo. De scriptis, scripsi ad Ocellum nostrum, non inuidet. Proprid. Kal. Septemb.

EPISTOLA X.

IANO LERNVTIO S. D.

HAFTIVS apud nos est, ille cuius tu sororem. Eum rogaui de te multa, & retulit omnia quæ vellem, excepto silentio: quod caussam habeat necesse est vel ab obliuione nostri, vel quod malo, ab inertia tuâ. Et quis insolitus hic torpor? Tu ille qui lassere me soles, taces ad meas binas? Omnia mutantur, ait ille: non enim addam vel omnis causâ, mutari amores. melius de te sentio. & tamen si amorem non deseris, non etiam debebas officia amoris. An etiam nunc te angit nupera mea fuga? Peccas: & emenda hanc culpam, vt in amicitia sis sine mendâ. Amicum nostrum audio adscitum in aulam, & in medicum Ducis. Gratulor: & magis, siquid is titulus ad Plautinam

nam aulam. Nam si nomen tantum, & nihil ab eo vnceti: sperno. Nos hic in alto otio (Nemesis non audiat:) & te istuc in uitare audemus vel habitandi causâ. Multi certe vestrates oculos flectunt ad hunc portum. Plantinus ædes hic habet, Typographiam instituit. Quid inulta? viuimus & vigemus. Tu vicissim, quid valeas, quid facias, cum Victore, cum vxore, cum amicis, nisi significas: scito serio me. sed deleo. nec cadat in amorem nostrum vinquam hoc verbum. Vale, Lugduni Batauor. Pri- die Idus Septemb. &c. I. lxxxii.

EPISTOLA XI.

IANO GULIELMIO LVBECENSI S. D.

AD FIRMO tibi Iane Gulielmi: pauca munera iamdiu gratiora mihi fuisse, & animo tuo, & versibus, quorum utrumque tam benignè offers. Ille enim amoris plenissimus, isti elegantiæ: & cogor (nisi ab ingenio meo abeam) valde redamare illum, istos æstimare. Hoc magis, quod ultro prouocas, quod ignotum, quod immertem. Nam quod beneficia quedam mea in publicum profers & prætexis: desine. hoc ipso video quam me ames, qui non admodum laudanda laudes, & per adfectum recedis à certissimâ iudicij tui normâ. Itaque hoc ex fide tibi respondeo. vicissim amari te à me, vero honestoque affectu: quem dies ipsa augebit & accendet. ea est eritque tua virtus. Lugduni Batau. III. Ei- dus Sextil. &c. I. lxxx.

EPIST. XII. *Gandam.*

ALEXANDRO RATLONI S. D.

RARÒ scribis. sed nescio an ideo litteræ tuæ desiderio ipso cariores: His quidem postremis fateor me non voluptate solùm perfusum, sed gaudio: si verbo eo ut nobis fas in tristitia hac rerum. Nam de Antuerpiâ, quæ monstra audimus? Deus bone, huccine tandem erupisse tot mensium consilia male sana, male cocta! O factum à regio iuuene minime regium! Etsi nobis adhuc tenebre, nec de re totâ satis certis nec de causa. Eiusne fraus siue error? an vulgi consternatio & furor? Quiduis enim potius, quam ut perfidiæ noua hæc macula inuratur laudatissimæ olim optimæq; genti. Sed hæc publica videbit publicus ille Re-
tor. Tu in re tuâ quid? etiamne fluctuas?

I. LIPSI Operum Tom. II.

sic apparet. atqui statuendum semel aliquid est, cui firmiter inhærescas. Mutatio quidem hæc crebra, & desultorium, ut sic dicam, genus vitæ, non ex visu tuo, non ex famâ. Pessimæ, & Græcorum quoque prouerbio damnatae sunt, nutantes & * dīχωλαι illæ <sup>* Veroque
claudican-
tes fensor-
ia.</sup> Litteraria hæc vita & otiosa tranquilitas, quid non habet comodi? Non externa illa fortasse. sed nec terra quæ aurum aut argentum gignit, res alias producit: nec animus, qui se colit, & virtutem. Cetera, ille ferè sterilis. Quid tamen præferas huic vni? cui honos, cui salus comes, cui externa & interna quies. Militiam gustasti: & vides quam non ea suavis. Itaque, mi Ratlo, huc redi: & si me audis, in Musæo hoc portu nauim tuam defige & liga semel sacro morsu. Ad circumfusa illa & vana bona si abis, quis finis? iactabere, & natabis semper inter cupidinum nouos fluctus. Non enim ratio, sed opinio tibi illas ingeret: cui insitum, variare & pœnitere. Ut chamæleon, quoniam aurâ (vt aiunt) non cibo vescitur, hianti semper est ore. sic illi cupidine, quos ventus inflauit vulgarium opinionum. Hoc volunt, hoc nolunt: hoc hodie spernunt, cras appetunt. & vt resculæ, quæ fluminibus innatant, temerè impinguntur in hanc illamve partem. Hinc perpes illud tedium in nobis, & velut nausea omnium rerum. damnamus parentum & nostra vota; & tam cupidè quæsita quedam deserimus, quam antè quærebamus.

*Certa amittimus, incerta appetimus, atque hoc euenit**In labore atque in dolore ut mors obrepat interim.*

exclamat verè meus vates. Ecce ille ad aulam adspirat, & intravit? rursum fastidit, & beatos censet qui latent. Alius priuatim victitat? ægredicit, & inuidet purpuratis. parique leuitate togati ad sagum properant, & hi rursum ad togam. Et quis non de Lachesi suâ queritur? reges ipsi de suo regno. At tu inter eos esto, quos Ratio, quos Sapientia firmauit: nec circumagere mihi vulgarium iudiciorum omni vento. Ut Vlysses ille donec Leucothea velum ei suppedituit, natat nigrum pontum: sic tu hoc vitæ salum, donec peccatus tibi præcinxerit candida illa diua. Constantiam dico. quam, audi, admitte, serua.

* H' δὲ εποίει οὐνὸν αἰτίην φαῦτο βελύ. <sup>* Hoc milit
ex animo
visum op-
timum con-
siliuum.</sup>
Vale. Lugduni Batauorum. x. Kalendas Octobr. &c. I. lxxxiii.

E P I S T . X I I I . • Brugas.

I A N O L E R N V T I O m e o s a l u t e m m i t t o

QVAM recepi iam ipse. Hinc enim iure ordior: & gaudere te iubeo, mi Lernuti, quia à molestissimo morbo reualui, imò reuixi. Ad fauces Orci destitutus mihi hos menses fuisse videor; ita me oppressiunculae & obstruciunculae illæ internæ pessimis adfecerant modis. Et audésne credere? non leue momentum ad valetudinem meam habuerunt & litteræ tuæ, & carinen: illæ amicissimæ, hoc scitissimum. nec fuerit vñquam vt tam pias, tam disertas preces non audiuerit illa Dea, cuius sedem aptè in Fortunatis insulis ponis. Quæ autem illa tam auida Parca, quæ vincula inter nos abrumpere non parcat sanctissimi amoris? Quin audi me, & securus animi es:

*Di me tueruntur, dñs pietas mea**Cura eft:*

& porrò, vt spero, erit. Turbæ apud nos ingrauescunt, abiectâ spe pacis. quæ vereor, vereor autem? imò spero, vti breui ejciant me ad vos. procul enim futuri videmini ab hoc belli nimbo: qui imminet prorsum capitibus nostris. Sed quid ais? Dousâne nuper apud vos? nec ad me? ô factum ab amico non amicum! Quòd dixerit, subita res fuit, necessarius redditus: nihil audio. nuntia illi à me sodes, sexcentis versibus non luet hanc culpam. In Statium aliquid meditari te suadet mihi noster Modius. vix persuadet. cur enim celes? & quidem cum tuo damno. Nam & mihi notata quedam ad sublimem illum & celsum poëtam (ita censeo & appello, non herclè tumidum) & libri apud nos veteres, qui te iuuent. Innue, mittam. Epistolicae nostræ nondum emissæ. sed vix eas teneo: ita ituriunt. De quibus quid iudicaturi sitis, timeo. Alia enim quædam à prioribus meis hæc scriptio. cui nitor ille abest, & luxuria, & Tulliani cincinni: pressa ybique, nec scio an quæsita nimis breuitas. Quæ me tamen nunc capit. Timanthem pictorē celebrant, quòd in eius operibus plus semper aliiquid inteligeretur, quām pingueretur: velim in meā scriptione. Magni Scaligeri ad Amorum illos * Triumuiros vidi, legi, probauit. In Propertio tamen traiectiones illas versuum crebras, mirari malim quām imitari. Tu quoque non ita sentis? scio. sed quis Polydamas ausit illum Hectorem? qui dñs ho-

* Notas en-
iis ad Ca-
tullum, Ti-
bullū, Pro-
pertium.

minibusque fauentibus tenet profectò, & tenebit hoc regnum. Itali eum quī dei- ciant? silent. nec iam à multo tempore quidquam ab eâ gente litteratum. excipio Quæsita Aldi per epistolam, & Fuluij de Nummis. Muretus noster Orationes pan- git & edit, & dāt se in floridum illum elo- quentiæ campum. ad famam consultè, imò & ad quietem. Nam Criticæ istæ tricæ quām non latè se spargunt! quām laboriosè colliguntur, & scribuntur! In quibus nos ta- men etiam, nescio quo fato an morbo, in- sanimus. Pergebam in hoc garritu. sed alias mihi in auribus garitus, nuncij ad excu- bias trahentis. Arma capio, pono stylum. Quid ais? satin' tuti Belgæ, hoc milite? Ite, dormite in vtramque aurem. Louanij Idi- bus Iuniis. ∞. I. LXXVII.

E P I S T . X I V . Louanium.

M A R T I N O A N T O N I O D E L R I O

Conſiliario Regio S: D.

MIRA tua fides in me, mira pietas. amo- ris enim certè verbum leue est, in re quam rari pro fratre fratres audeant, pro li- beris parentes. Me meaque absentis defendisti: & obiecisti te non molestiis solùm, sed periculis, in hac flaminâ rerum. Veni- sti vltro ad meos, erexisti, securos esse iufi- fisti: hoc tantum questus, quòd non in- dicassent. Itaque quòd res opesque meæ sal- uæ, quòd scripta & libelli (id est, vita ip- sa:) beneficium est vnius tuum. Quid scri- bam? gratias agere me? ne concipio quidem: & affecisti me in summo beneficio vnâ hac iniuriâ, (quod olim ingeniosè ille ad Cæsa- rem) vt viuendum & moriendum mihi sit ingrato. Gaudere me tantum nuncio; meâ cauſâ, tuâ, saceruli. Meâ, cui is amicus obti- git; tuâ, cui ea virtus; saceruli, cui hoc exem- plum. Mea salus salve. Antuerpiæ. a. d. iv. Non. Mart. cI. I. LXXVIII.

E P I S T . X V . Ultræctum.

I A N O D O Y S A E m e o S: D.

SI LENTIVM tuum mihi, Dousa, mole- stam: absentia multò magis. Vbi au- tem fides? intra dies octo exspectari vo- lebas te: menses ecce labuntur. Statueras hoc iam anteā? an quid interuenit? an pla- cent tibi nouitij isti & fallaces mores? An potius vxoris partio te detinet? quæ genuit tibi (ita audio) decumam iam prolein. Ma- cte

Cte hac fortitudine dicam, an fortunâ? vtrâque certè opus. nec minùs hîc, quâm in agricultu, Labori & Euentui litandum. Sed tibi quidem propitius vterque deus: & gloria Masanissæ te manet, si sic pergis. Vide tamen ne dum assiduuus nimis in illis vallisibus, desertum eas nostros montes. Suspicor: & iure. Vt quid enim procaces illæ anteà Musæ tuæ tam diu silent? cur tribus his mensibus gutta nulla nos irrigauit poëtici tui humoris? Emenda: & hîc & ibi vir esto. Libelli etiam tui addicti Plantino, vbi sunt? Solue fodes, aut Prætorem exspecta & suspensum capiti tuo libellum. Non enim differo, non protollo. Indicein Francoforte en habes. sed sterilem bonarum rerum: & nihil nundinæ istæ ad Phœbum. Melleri tamen Spicilegia edita, acutissimi ingenij iuuenis: vtinam rectissimi, verè addam! Sed profectò aut fallor in hac omni litteraturâ: aut ille valdè in censendo, & scribendo. Quales pleræque eæ coniecturæ? quâm non callidæ solùm, sed calidæ? imò quâm audaces? Mihi crede, corrumpendis ista, siue perdendis potius libris literisque sunt: si dimanat hæc labes. Et dimanabit. Ita iuuentutem hanc video: & tantum ingenij specie blanditur hîc calor. Iam stilus ille quis? doctus, antiquus, arcanus, inquies. Scio. sed quò tam doctus, antiquus, arcanus? Ego ille ipse qui aliquid hîc capere me puto & sapere, sæpè quæro aut non video eius mentem. Quæso mittimus tenuem nimis subtilemque hunc colorrem, & Apellæas, vt sic dicam lineas: & Venus nostra inspiciatur etiam à vulgo. Vt nihil minus expedit, quâm agrum optimè colere, (aiebant veteres:) sic censuerim de stilo. Nimis ornas? fucus & affectatio apparet. Nimis attenuas? tenebræ & squallor. Modus autem in omni re optimus: etiam in epistolâ, quam finio, & te saluere iubeo noue Hercules Musarum, noue matrum. Lugduni nostræ, a. d. 111. Nonarum Aprilium. ∞. I. LXXX.

EPIST. XVI. Ultraieatum.

EVERHARDO POLLIONI meo S. D.

AMEA enim velut manus, à domo, & à disciplinâ. Ut statuarium opus suum delectat, si laudabile: sic in te iure mihi placeam, si tu bonis. Quod futurum omnino est, mi Pollio: si non audies solùm præcepta quæ crebrò dedimus, sed obaudies: eaque

I. Lipsi Operum Tom. II.

admissa in hoc pectus, re exprimes, & fatis. Ad virtutem ante omnia te hortamur: cui litteras istas seruire volumus, magnum vel in parandâ eâ adiumentum, vel paratâ ornamentum. Non enim solùm pulchrior & imptiorque per doctrinam virtus, sed fortior: nec colorem modò ab illâ ducit, sed sanguinem & robur. Egregiè noster Seneca: *Etsi magis refert nostrâ fortiores fieri, quâm doctiores: tamen alterum sine altero non fit. Non enim aliunde animo venit robur, quâm à bonis artibus, quâm à contemplatione naturæ.* Quod ita verum scito, si doctrinam non hanc mollem & amoenam solùm intelliges, quam φιλολογίαν haud male appellamus: sed virilem illam magis & robustam, quæ in naturâ aut animo occupatur, quamque φιλοσοφίαν propriè indigetamus. Illa enim sola, tantum abest vt tutum securumque te præstet inter hos vitæ fluctus: vt moueat sæpè excitetque in ambitioso animo cupidinum nouas tempestates. Itaque vt nautis solitarium Helenæ fidus non placet: non item mihi ista. Geminî illi sunt, qui cum apparuere, tranquillitatem nautis nunciant: tibi hæc duo, si iunges. Quod voueo ex animo: & in firmâ hac spe saluere te iubeo carum mihi caput. Lugduni Batauor. 111. Nonas Octobr. ∞. I. LXXXII.

EPIST. XVII. Delfos.

IANO GROTIUS.

Art tu quasi ad Collegium etiam scribis: cui vitam fuisse te nescis, & obiisse illud te abeunte. Certè à nuptialibus tuis facibus, funereæ accensæ sunt Musis & quidquid hîc fuit Musicorum. Rem dico. solutus dudum ille cœtus: non tamen etiam vinculum amoris, quo inter nos ligati. Tu mihi sæpè in mente, raro in oculis: nec leporem & virtutem tuam deleuerit ex animo meo vlla dies. non magis quâm tuo literarum studia exciderint, etsi callidè id præte fers, & negas agnoscere te Deas, idque carnine, quod agnoscant ipsæ Deæ. Abi Socratice noster εἰερός, & apud tam fidum age ex fide. Tu Musas, te illæ amant, amabunt: & cum illis ego. Carmen totum approbum: nec Critica illi à me nota. Rem ipsam & argumentum vt melius nôrim curabo: & legam quæ scripsit Belgicus hic Euclides. Nos Pindaricus ἀλέκτης ille νέος respicere cœpit in parte. vtinam diffusiore paullò vultu, vt sanitas

B;

apud

apud me sit læta, plena, firma. Quam tibi, vxori, liberis (nónne rectè ita loquor?) opto. Lugduni Batauor. postrid. Kal. Sextil.

E P I S T . X V I I I . Lutetiam:

A V G E R I O G I S L E N O B U S B E Q V I O ,
Cæsareo Legato S. D.

NOmen ipsum tuum in litteris ante legendum me adfecit, & lectio multò magis. Iudicium talis viri meritò magnum apud me est: & hæc tam prolixa benivolentia, quam solo animo meruisse me scio. Nam rem quidem tu auges: & facis tam liberali beneficij interpretatione, vt vltò oblige, & nouam gratiam debeam tibi. Quam vt prorsus soluam, ne exspecta. non est istarum virium; non item animi. qui magis magisq; illigari tibi cupit, & numquam dependere, vt pendeat à te semper. Liuji variantes lectiones ex codice Puteani quas submittis, gratæ mihi: etiam utiles spero, post perfectum commentarium Cornelianum, in quo vnuus nunc sum. Absoluto enim eo opere, libens sanè manum & lمام adiecerim vberrimo historicorum. Permittit iam valetudo: quæ non paullò melior, post iter Antuerpiense & haustum auræ siccioris. Nam marina ista & palustris, nescio quomodo corpori huic non amica. Sed quis in Belgicâ alijs angulus ad quietem? Itaque ferimus, & hîc hæremus: donec Deo visum pacem huic Belgio reddere, & nobis veterem sedem. Quod, vt res sunt, vouemus potius quam speramus. Amplissime & Nobilissime Vit salutis. & inter cultores virtutis nominis que tui Lipsium non falsò cense. Lugduni Batauorum Non. Mart. 88. Id. lxxx.

E P I S T . X I X . Hagam.

T H E O D . L E E W I O C o n s i l i a r i o S . D .

IN silentio tuo, mi Leewi, mirabar, & (hanc enim libertatem amicitia mihi dat) indignabar. Sed indignatione tibi non ingratâ, cuius fons ab amore. Iniuriam mihi ferre videbar, quia priuabas me hoc alloquio: quod etiam in negotiis occupationibusque meis usurpo cum libentiâ & volupitate. Veluti hoc ipso tempore, quo Plantinus cum genero apud me est: & eripit mihi non inuitio optimam diei partem. Ego tamen scribo. de re priuatâ, valere me non optimè, vt hoc anni labentis tempus fluxio-

nibus meis ferè est infestum. De repub. nec multa nec bona. Hostis Ninouiam obside-re dicitur, & imminere meæ Bruxellæ, certè copias colligit circum illam. Galli lente & frigidè agunt; nec pro ingenio gentis. Ita vides, mi Leewi, in longum trahi rem, & produci calamitates patriæ iam exhaustæ. Nec abiiciendus tamen animus. quem si ratio non adfectus subegit, ille est eritque in firmâ arce, quam nulli insultus, nulla vis perfringent. Sed opinio nobis hæc facit magna & metuenda, quæ ratione si examinas, leuia sunt. Bellum metuimus. ita enim accepimus à parentibus, ita à nutrice, ita à publicâ vulgi voce. Sed imponunt. Cur enim bellum malum? nempe quia vastita-tem inducit, quia pauperiem, quia mortem. Atqui hæc ipsa mala non sunt, nisi malis. Quot viri boni beatiq; paupertatem appetiere vltò? Litteræ ipsæ diuinæ eam nobis conciliant, vt rectam ad cælos viam. Mors autem quid? metuenda viro? optanda potius: quia finis huius miseræ, & principium melioris vitæ. At enim hæc Philosophorum sunt, inquies, dictu pulchra, re & vsu aspettrima. Imò, mi Leewi, communis hæc vox totius generis humani: quotiens absteras adfectuum illâ nube radius diuinæ men-tis illucebit. Sic tu, sic ego loquemur inuiti, si rem pendemus ad veri iudicij lancem. Signum vis? Ecce pone mihi ex illo ipso corrupto & corruptore vulgo aliquem in morbo. spernet diuitias, spernet opes: sani-tatem dumtaxat vœubit corporis & men-tis. Scilicet seriò cogitare iam de se cœpit admotus ad extrema: & inanum obliuiscitur, cùm periclitatur de salute. Exsulant ad-fectus, cùm ratio redit: & erigit attollitque se animus; corpore iacente. Tamen sani redimus ad eadem omnia: quia litigium il-lud cum adfectibus fuit, non diuortium: nec proposito aliquantis per boni, sed metu sumus. Quare maneamus in hac viâ, quam institimus, segregandi nos à vulgo: nec id sermone tantum, & velut in pompam fiat, sed reipsâ, & quod dicitur, Bonâ fide. Va-cillamus, imò cadimus interdum? Surgamus, & citâ celeritate corrigamus, quod temporis eruptum lapsu. Viden' vt miles quoque, si cécidit, surgat alacrior, & ani-mos irasque sumat à casu? Idem nobis sit, & constanter pergamus ad illum Tranquil-litatis internæ portum, qui verè efficit beatos. Vale. Lugduni Batauor. III. Idus No-uemb. 88. Id. lxxxii.

E P I

EPISTOLA. XX.

IANO LERNVTIO *meo* S. D.

DIMISI nuper à me Ouderemannum vestrum sine litteris, valdè præter meum votum. Sed mihi crede, ita distinebar, ut eius rei facultas mihi nulla. Nec nunc magna: (Plantinus enim apud me cum amicis est, quibus dies dandi pænè toti:) tamen erigit & conari me iubet epistola tua, si qua alia, plena suavitatum. Vel illud de **S V A V I S** tuis quām mihi spirat! crede, quod omnes Arabum diuinitæ, imò quod illeipse halitus à suauorum deā. Tu tantūm perge, & damna me huius voti, ut citò teneam amplectarque libellum, & te in illo. Sed de titulo cur mutasti? Mihi simplicius suauiusque inscribi **S V A V I A** videbantur; quām funereā & atrā voce **SECVNDI MANES**. An frontes seueras metuis, & consultum tibi is modestiā inscriptionis? Frustrà. quatenus ego gustum suūpsi, pura illa basia tua: quæ & Catones capere possint, & dare ipsæ Vestales. Denique quoisque scribimus istis? paucis nobis potius. & da quod in sinu tenere Scaligeri possint & Turnebi. De Plantino, verum est. ædes hīc conduxit sanè amplas, & partem vacante Typographiè trāsferet istuc. Aliquid ea res fortasse me excitabit ad lucubrandum: cùm interesse editioni libellorum nostrorum licebit, imò præesse. Nam alias, & valetudo sāpē illud igneum, quod in nobis, retundit: & iudicia hæc multorum aut maleuola, aut malesana. De Germaniā quidem audistin' ? Proscribere misellam Satyram nostram nuper voluere, & eiicere edicto extra imperij fines. O pisces, pisces! non hæc aqua, in quā vos natetis: & magis vobis faciat ille ab Cithærone liquor, quām hic ab Helicone. Sed feramus: & quoniam cœpimus, aremus etiam hoc litus. De Venatione in manus iam sumperoram, & eram in secundo libro: reieci, & iterūm datus me videor in temporē. Catarrhi mei id faciunt, statim mihi sub hoc tempus & solennes. A Scaligero nuper litteræ. edit De Emendatione temporum, & promittit breuī exemplar. Vale mi anime, cum anima tuā, & cum iis qui ex felici vestro cœtu. Lugduni Batavorum. III. Id. Nouemb. 15. LXXXI.

EPIST. XXI. *Antwerpian.*

HIERON. BERCHEMIO IC.

NIMIVM vrges, mi Berchemi, de imitatione. nuper omnibus sermonibus, nunc epistolis hoc agis. Quid censes? aliquos thesauros mihi esse doctrinæ reconditæ? erras. siquid in hoc genere posse tibi videmur, magis à casu siue naturā est, quām ab arte. Et tamen quidquid illud est quod sequor, quod teneo; non vtrā celabitur. & proximā epistolā præcepta aperiam, ad quæ stilum meum fingo & conformo. Tu Minerual, sis, para doctori nouo. Scaligeri ad Ausonium en tibi. O virum, ô filium à patre magno magnum:

*merito cui doctior orbis**Submissis defert fascibus imperium.*

Eniinuerò ille vñus est, quem miramur, quem æmulamur, imò ne mentiar, cui inuidemus. Felicem Galliam hoc sole! cuius claritas non ad eos solūm qui nunc sunt, sed ad posteros diffundetur, quamdiu quidem erit in terris noimen litterarum. De rep, quid scribam? manus mihi labat, & ingemisco. Carcer ille nouus tot Lentulorum quò erumpet? de quibus ambigua hīc fama. alij emissos dicere, alij artiū teneri: hi culpam affingere, illi demere. Omnia incerta mihi, præter illud: quod omnino futurum video, vt plebecula illa aliquid plus faciat. Habet hoc semper noua libertas, vt ad licentiam facile deflectat: quid censes de vrbe, cui insitum & fatale, turbare? Vt fistulæ diu interclusæ aut interceptæ turbidiores aquas emittunt: sic isti actiones, aliquaindiu pressi. Sed nos quoque hīc in metu. Quidam inter optimates partium non optimatiū: qui, vt cum Pindaro dicam, * εἰναὶ τεῖχος ὁ φερόντων, αὐλαὶ χολιάς αὐλαῖνοντος * Non in-
απαταται. Plebs ista mollicula. quid augurer? hostis tantūm adueniat: ego tibi spondeo, non fore hīc Numantiam aut Saguntum. Cometam & nos per hos dies vidiimus: immanem, dirum, & facie haud sāpē visitatā. Quid portendat, quæris? Chaldæus non sum, nec cæli signa cognoui: tamen hoc vetus noui,

Oὐδὲις καυτής ὅτες ἐγένετο Φερός.

cui versui magis quām Aristoteli credo, qui hæc talia ad caussas fortuitas refert & infernas. Quid tamen aut quibus minetur, distinctè nouit ille *Prudens futuri temporis arbiter*: ego communiter, non referre

eum aureum sæculum. Vale. & illustri Comiti tuo à me salutem. Louanij III. Idib. Octob. 20. I. C. LXXVI.

EPIST. XXI. *Duacum.*

PHILIPPO LANOYO,
Nobilissimo iuueni S. D.

IN Italiam cogitare te audio, nobilissime iuuenum: & audio volens. Placet ea mens, quam agnatam scio non nisi optimæ cuique menti. Humiles istæ & plebeiæ animæ, domi resident & adfixæ sunt suæ terræ: illa diuinior est, quæ cælum imitatur, & gaudet motu. Itaque siue prisco siue nostro æuo, peregrinati ferè sunt viri magni. Sed ista hîc cautio: vt id fiat non cum voluptate solùm, sed cum fructu. Vagari, lustrare, discurrere quiuis potest: pauci indagare, discere; id est, verè peregrinari. Vt tu id pos sis, finem verum fructumque ante omnia mihi propone, quem is petitum. Vt enim ij qui iaculum mittunt, non in vanum dirigunt, sed scopum præspeculantur ad quem collineent: sic tu præfini, quid peregrinatione istac quæras. Duo, nisi fallor: utilitatem, & voluptatem. Non enim hanc solùm. nec vt coronarij bellissimas saltem herbas floresque struppis aut coronis innectunt, salubrium nullâ curâ: ita hîc tu. Quin contrâ potius, plura ad mentem ac salutem referes quam ad sensus aut adspectum. Ac de voluptate aliquid dicere vacuum sit: cùm ea sponte obuia: nec quisquam tam lapis aut frutex, quem non titillet ac flectat amœna illa variaque spectio gentium, vrbium, locorum. Natura scilicet illuc aurgatur, nec duce opus vllâ ratione. At in utilitate laborandum est. quam nec secuti omnes; nec qui secuti, adsecuti. Eam tibi ingero, & triplici hoc limite designo, Prudentiæ, Scientiæ, Morum. Hæc enim omnia peregrinatio adferre debet; si consilio, si ritè instituta. Ac Prudentiam ab eâ peti, Homerus nobis satis auctor; ille non poëtarum solùm eximius, sed, me iudice, sapientum. qui cautæ illi Vlyssææ prudentiæ quam aliam caussam vbiique tribuit, quam quod πολύτερην: quodque, vt ipse ait,

* Multorū
mores ho-
minum &
simil op-
da vidis.

* Πολλαδιν αἰδεγ' πων ἤδη εἴσαι καὶ νόον ἔχει?
Et verè. Instituta enim illa varia gentium, ritus moresque hominum, formæ ciuitatum, incredibile est ad iudicium & prudentiam quam potenter possint. si tamen non visa aut libata ea leuiter; sed admissa, re-

tenta, & collata inter se examinis quadam lauce. Quod ante omnia tibi censeo faciendum. Vide inquam, audi, iudica: nec conquire solùm hæc talia, sed in ea inquire. Et inquisitio quidem à te & tuâ mente erit: conquisitio ab hominibus esse debebit, aut à libris. Nam & libri ferè siue historiæ peculiares suis quibusque locis & linguis sunt quas indagabis: & homines æuo & vsu proiecti non deerunt à quibus percontando discas. Etsi enim modestiam & silentium iure tibi suadeam: tamen nihil abnuo quin per iter fræna sæpè laxes effræni illi membro. Ius tibi sermonis non in viâ solùm (si qui eiusmodi comites) sed in hospitio sit: nec ante mensam modò, sed in eâ, & post eam. Sed sermonis ius intra hos fines, quærendi de moribus, legibus, facie cuiusque vrbis. addo & de Principibus, bellis, casibus, aut siquid euentuum magis insigne. Hæc notabis, hæc sepones. certus ex iis ciuilem illam prudentiam inseri, tacitâ quadam vi & viâ. Vt enim herbas, vt arbores, crescere non cernimus, sed creuisse: sic factam hanc prudentiam potius, quam fieri. Atqui incrementum & irrigatio illi, ab his inquisitorij, vt sic dicam, humoris guttis: quas altè perbibit melior animus, & paullatim madescit sapientis iudicij succo. Atque hæc de Prudentiâ dixerim: verbis parcè, rebus ampliter, si rebus experiris. Ad Scientiam te nunc eadem manu duco. Quam mirere fortasse, quod peregrè quæram. cùm domi illi sedes potius, & hæc litterarum studia quiete secretoque magis gaudeant, quam motu aut discursu. Sed delices huius admirationis, si animum flectes ad dupliceim, qui ad Scientiam, modum. Aut enim ab Auribus ea, aut ab Oculis est: à Doctore dico, aut à Libris. Et de libris quidem, ne mo it negatum quin domi habeantur, tractenturque melius: in doctoribus, aliter esse ratio suadet mecum. Quæ enim illa, obsecro, tam felix regio, quæ felicissima omnia ingenia includat? Quin sparsa illa: &, deo dispensante, sua cuique terræ velut gemmula quæ illustret. Hanc adi; hanc audi: & è sacris illis pectoribus, hianti orbe bibe abditæ doctrinæ fontes. Quis non à Turnebo aliquo doctior redeat? prudentior à Sigonio? disertior à Mureto? quorum ego non auditum solùm magno emerim, sed visum. Quod si notitia etiam aliqua tibi cum iis accedet (& id primum apud tam humanos:) deus bone, quæ occasio hîc tibi discendi

descendi & ditescendi ! quot gazas legere & recondere cottidie poteris latentium litterarum ! Mecum vides. tu arripe tantum : & me auctore , in usum eiusmodi virorum omni arte irrepe , vi irrumpe. Nusquam meliore damno frons ponitur. Hæc Platonis, hæc Pythagoræ, Democriti, & aliorum sapientium mens fuit : qui relictâ penu artium Græciâ , non ad cultos solum , sed ad barbaros peregrinati , acri quodam cupidine discendi. Iam & alia ab Oculis vilitas : qui hîc tibi soli & nudi ad Scientiam sæpè duces. Italiā ecce nunc adis , illam frugibus , viris , opidis cultam , illam famâ inclutam scriptisque. In eâ non vestigium usquam pones , non oculum flectes ; quin monumentum aliquod premas , aut memoriā usurpes , ritus siue historiæ priscæ. Illîc Thrasymenum miserantibus oculis subiicies , aut æternum imperij vulnus Cannas : hîc magis lætis , Albanum , aut Tybur , aut nobiles Baias ; Plinius alibi mansio , & Virgilij aut Propertij patria tibi ostendetur ; alibi rudera Varronianæ aut Tullianæ villæ. Quanti & quam arcani gaudij ista visio ? cùm non animo solum , sed pænè oculis sese inferunt manes illi magni , & sola preimimus pressa toties ipsis. Iam coloniae illæ veteres , iam templa , theatra , arcus , se pulchra , lapides , quem non & doceant mirificè & delectent ? Doceant dico . quia re uerâ notata aut exscripta hæc talia , mirum quantâ luce mente perfundant , trepidantem per veterum scripta . idque experti dicimus ipsi. Ut omitram etiam illud commodum , quod nescio quomodo attollatur & grandior sese fiat animus , adspectu tot sublimium & gradium rerum. Cupidinem veræ virtutis & gloriæ ingenerat , visa toties aliena gloria & virtus. Ad Mores iam venio , qui postremus mihi locus ; tibi , si quid sapi o adolefcens , primus . Ab hoc enim scopo si aberrasti , aberrasti ab aliis : & inutilis , immo noxia , scientia omnis prudentiaque est , secreta à probitate morum. Cetera speciosa puta , hanc necessariam : illa ad ornatum adhibe , hanc ad salutem. In moribus autem duplex mihi præceptio : & ut bonos rectosque ubique adnotes , & fugias malos & detortos. Sed in bonis , ne inentiar , haud magna fortasse petegrè copia est. Latent enim plerumque verè protobi : & in pectore intimo domicilium Virtus habet , non in vultu aut fronte . atque inde ut extrahatur , usu opus & notitiâ qua-

dám propiore : ad quam peregrinantibus rarò accessus . Tamen elegantiâ quædam morum & comitas , & externa quædam , vt sic dixerim , virtus , quin apud exteris iure queratur , non negabis. Quid in cultu , vestitu , actionibus deceat ; quæ Venetes & lepôres in sermone aut gestu , docere te rite politiores illæ gentes possint , Itali , Hispani , Galli . atque ita rus illud nostrum aptè sæpè diluas quæsitâ istâ urbanitate & peregrinâ . Sed quæsitâ , non affectatâ ; usurpatâ modicè , non ostentatâ : alioqui nihil comptu eo incomptius , elegantiâ ineptius. Risimus non semel eiusmodi histriones , qui ab Italiâ aut Galliâ noui , gestus nescio quos mimicos molestè usurpabant , & delicias parvum non dicam ciuiles , sed viriles. Tu hæc fuge . & in primis vera & interna animorum vitia , quoruim ubique larga & obuia seges . è quâ ne quas spicas improvidè colligas , magna mihi pro te cura , immo metus. Admittimus enim nescio quomodo & combibimus facile peregrinas illas culpas ; siue quia nouitate aliquâ blandiuntur , siue quia specie virtutum. Atque ut venena vinis admixta , medicorum scito , perniciter & perniciosa petetrant : sic peccata hæc adsita virtuti. Ferè enim ita fit : ut in quâ gente via certa increbuere , mores iam vocentur , nec in veniam modò véniant , sed laudem. Adde , quod naturâ ipsorum priores nos ad mala imitanda. Ut prius , leui manu , & volante penicillo , rugas , verrucas , nœuos in facie expiimit , hauid tam facile ipsam : sic probitatem laboriosè imitamur , nullo negotio maculas illas animorum . Aduigila hîc igitur : & iam-antè seriò prouide , quæ vitia cognata vel amica cuique genti. Quis enim neget ? ut hominibus singulis , sic populis suæ laudes , suæ labes. Galliam ecce cogitas ? leuitatem & vanitatem etiam , quæ in plerâque eâ (omnini , falsò dicam) gente. Italia in proteruiam in eâ & libidinem. Hispanias ? typhum querendam & Africanum fastum . Germaniam ? coinesationes & ebrietatem . Quæ velant illi , scio ; & comitatem , fiduciâ , grauitatem , hilaritatem interpretantur falsò . at tu vitabis , nec in venas rapies peruersi iudicij aurâ bladientem pestem . De moribus tantum est . & prætexui hanc telam : nisi quod leue patergum illi addam de Italiâ ipsâ . Laxat enim nescio quomodo vela huic stilo , prouehitque longius amor & cura tui. In terram is igitur terrâ istâ meliorem , fateor : gentem

gentem gente nobiliorem: haud scio an probam magis, an fidam. Ingenium, & subtilitas, & magni erectique animi in illis locis habitant: non semper puri, simplices, & ad Gallicam istam niuem. Ideoque incautis & apertis nobis nonnullum ibi periculum, & quidem à dupliciti telo. Nam & inter viros multi tecti, callidi, periti simulare: & inter fæminas, formæ conspicuæ, sed lasciuæ & procaces. **H**ec Scylla, ibi Charybdis: & duo hæc discriminata ut enauiges, opus non prudentiâ quædam solùm, sed dicam fortunâ. Prius tamen illud me angit minus. quod amoliri magnam partem posse videor cauentibus quibusdam præceptis. Nam contra insidiantes illos aut simulantes, quidni firmum scutum à simulatione item aliquâ sit? Cres mihi esto inter Cretas. Nec viam tibi tamen ad fraudes præeo. absit. sed vt medici, venena quædam venenis pello, in salutem tuam non in noxiam. Ad minutas & innocentes quasdam simulationulas te voco: nec ad alienas infidias, sed ad animi tui opportuna tegumenta. In Italiâ totâ tria hæc mihi serua. Frons tibi aperta, lingua parca, mens clausa. Comis & communis vultus aduersus omnes sit, animus externo nulli pateat: & velut in thecâ clausum eum habeas, dum redeas ad notos animos & verè amicos. Epicharmæ sapientiæ illæ nervus hîc valeat, & fidere. Nisi facis: non vñus Vlysses Alio te circumueniet; & dolorem nobis debes, illis risum. Atque hæc tamen cautio mea propriè in vulgus Italorum dirigitur. Nam de nobilibus cur diffitear? reuerà optimates illi plerumque optimi: celsi, alti, sinceri, virtutis, gloriæ, litterarum amantes. In vulgo aliter esse obseruauimus, qui fex & limus, & verè vulgus. Itaque in illis; vetus Italicus aut Romanus sanguis ferè apparet: in istis, per eam, nisi claræ reliquiæ (fidenter dicam) Gothorum, Vandorum. Iam contra tellum alterum quâ muniam te, aut moneam? Ita sim saluus, vt opto potius quam spero te hîc planè saluum. Tantum mihi metus & ætas tua facit, quæ in ipso æstu: & illæ non dicam fæminæ, sed Veneres, Venetæ aut Romanæ. In naturâ tantum tuâ spes omnis præsidij hîc, & voluntate. Quarum si alterutra ad calidas & callidas istas Solis filias inclinat: quis hominum te seruet? certè rues: nec vlo præceptorum sufflamine te sistam. Tamen ne nihil dicam aut addam: ecce armaturam à me duplarem,

Oculis, Auribusque. Oculos inquam, primùm mihi claude, & auerte longè ab illecebrosa hoc aspectu. Aditus enim mali morbi hinc est: nec amor aut cupido facile irruperit, nisi per geminas has fenestras. Sed & aures etiam muni, contra omnes non Venereos solùm, sed paullò magis venustos sermones. Ij sunt enim qui titillant, qui excitant: & vt cupere ab aspectu est, sic velle ab auditu. Igitur vt athletis olim munimenta quædam aurium adponi mos (*ἀμφωπός* vocabant) ad vitandos iæctus: sic tu hoc firmum contra amatoria vulnera habe velamentum, Amatorium nil audire. De hominibus dixi (quæsto ne cum inuidiâ cuiusquam aut irâ: quia liberè aliquid protulerim fortasse, nihil acerbè aut malignè:) adiungam & aliquid de locis. Qui varij in Italiâ omni & pulchri: vt non iniuriâ deliberes, quem præferas ad videndum, siue habitandum. Et meo quideam sensu(vidimus enim plerosque omnes, & triuimus) prima tibi vel antiquitatis causâ, adeunda Roma est: adeunda tamen, non habitanda. Confusio enim ibi & *σύγχυσις*, aëris & morum haud pura puritas: & quod verissimè à Varrone dictum, turba turbulenta. Loca igitur illa prisca & vetera, monumenta ac rudera,

— *et campos, ubi Troia fuit,*
cùm lustratus satis & veneratus fueris: Neapolim mihi abi, & paullisper inside illam nobilem, illam cultam, illam amoenam. Per quam viam deliciæ locorum multæ, quas omitto. sed si inhabitanda diutiùs Italia est, in Thuscos mihi redi, & illos incole, linguæ, aëris, morum causâ. Omnia hæc ibi pura. Quod si de opido etiam quæris: Florentia mihi aut Senæ placeat: & magis istæ. At iam in ambitu & reuersione, Bononiæ amicam studiis libens videbis, & eâdem laude insigne Patarium. quibus cùm dies aliquot dederis, non pigebit in urbe maris dominâ (Venetas dico) lustrandâ ponere septimanæ. Heu ad inuidiam pulchra, opulens, felix vrbs! minùs tamen ad nostrum Genium, quia Mercurio amicior quam Mineruæ. At in exitu grande illud & diffusum Mediolanum te capiet. in quâ fine Italæ finis mihi epistolæ. Deum supplex precabor, vt te seruet, & tu ista. Vale nobilissime iuuenis, vale, vale. nec Deus mihi * auguria perficiat, quæ in tristimente. Antuerpiæ III. Nonas Aprileis, &. IC. LXXVIII.

* Certe ve-
ra. obitæ es-
tim eipso
peregrina-
tione, prin-
ceps nostra
iumentus.

EPI

EPIST. XXIII. *Ultraiectum.*

I A N O D O V S A E S. D.

HEVS tu, sacrificia. Lipsius etiam viuit. Discrimen igitur tibi? inquieris. Grande, capitale, mi Doufa: & quidem sine crimen discrimen, à scriptis iterum meis, non à factis. Satyram ego nuper scripsi, & illa me pænè proscriptis. Iocari me putas? vero, ferio, à grauibus, imò à grandibus viris res agitata: à proceribus Imperij: tamquam in læso aut turbato publico statu. Suspendo adhuc te: rem habe. In iocis illis Menippæx nostræ, aliquid est de lauri poëtarum, quam largitur Cæsar: & ab eâ iste ignis. Aiunt, ignominiâ à me affici vniuersum id genus: aiunt, Cæsarem ipsum aspergi iniuriâ, quasi non id ei ius per me aut potestas. Itaque à Legatis ipsis Cæsaris litteræ subito Francofurtum, quæ grauiter me accusarent, minarentur: & Satyram ipsam priuatum irent publicâ luce. Hæc audis? hæc credis? non ego ipse: nisi litteras eas vidissem his oculis, tenuissem hac manu. O sæculum, ô viri! Ite vos docti, vigilate, scribite: & profamâ, subite hanc flamam. Et tamen vt cumque calumniarum ferax æuum: quis materiam iis censisset in re tam leui? Nisi si hoc proprium mihi fatum, ut ex candore istarum niuium oriatur semper aliquis ignis. In Epistolicis meis nónne simile? Benè certè sperare de iudicijs posteriorum debo: cui tam iniqui sunt viui. Tu vide, ride, & si vir es, pro Satyrâ nostrâ Satyram in saturos illos scribe. Nónne enim nostrâ? tu certè eius magna pars es. Vale mi oculissime. Lugduni Batauor. III. Kalend. Iulias. ∞. I. LXXXI.

EPIST. XXIV. *Londinum.*

G V L I E L M O C A M D E N O.

MVNVs à te accepi, Vir ornatissime, per mihi gratum, Britanniam tuam: quam illustrasti ingenij & industriæ clarâ face. Multum patria tibi debet: multum exter nos. qui per te pulcherrimam insulam videmus, etiam cùm non videmus. Perge in hoc & simili studiorum genere, quod abesse non potest quin tibi famam, posteris æternum ferat fructum. Lugduni Batauorum. IV. Kal. Sextil.

EPIST. XXV. *Ultraiectum.***GEORGIO RATALLERO** *Præsidibidem Consiliū Regij S. D.*

VALDE alienus à gratiis omnibus sit, Vir Amplissime, cui non & litteræ tuæ gratae, & hæc ad amicitiam in uitatio, tam amica, tam honesta. Quam quod prior, quod vltro suscipis: iure magni facio, qui scio quām tu sis magnus. Et amauit quidem te, imò colui iam pride, tacito quodam sensu: qui diu inclusus, libens nunc se promit & exspirat, ad hanc suauem beniuolentiæ tuæ auram. Cui tamen non dicam paria, sed maiora facio: quod plures mihi ad amorem & æstimium tui caussæ. Doctrina, dignitas, virtus, & ante omnia hæc humanitas: quā trahis & nectis me tibi, adamantino quodam vinclo. Quod nulla vis, nulla fraus, laxabit aut soluet; donec

Lumine adempto animam moribundo corpore fundam.

Idque tibi non per epistolam scriptum, sed velut per fyngrapham volo sponsum. Tu mihi quæsto responde: & hunc, ut sic dicam, amoris noui fruticem, quem tam amanter eduxisti, euocasti, alere & fouere perge beniuolentiæ tuæ radiis, ô Belgij & meus splendide sol. Lugduni Batau. postrid. Kal. August. ∞. I. LXXX.

EPIST. XXVI. *Hagam.***THEODORO LEEWIO** *Consiliario S.D.*

MAGNUM illud Antuerpiense facinus, magnum: dicerem & malum, si de caussâ mihi liquidò constaret, aut fine. Sed tamen hoc ipso malum, quod malum imò exitium patriæ trahet secum. Heu, quæ videmus! quæ audimus! quām inopinata! quām obliqua! quām non pro veteri fide & more regum! Nec tamen, mi Leewi, deicere. erige te potius: &, ut palma, attollat se animus contra nouum hoc pondus. Inspice ludibria rerum humanarum, & aleam ambiguæ Fortunæ: quæ gaudet iactum aliquem ex occulto iacere. nec exspectandum. Hinc ille vulgi stupor & querela, *Quis putasset?* quæ non cadit in mediocriter sapientem: qui iam antè ita meditatus, ut sciat hæc & deteriora posse euenire. Ut in bello, etiamsi hostis absit, semper excubiæ: ita vigilat ille contra improsum omnem iactum. *Quis fuit ille dies, cùm hæc & alibi insulæ*

insulæ totæ aquis absorptæ, aut vrbes terræ motu? Quis eorum, qui tam magnâ ruinâ perierunt, id putasset? Nec exempla nobis defunt istarum, quas patimur, cladium: sed ipsi nobis. qui, insito à naturâ vitio, proni semper ad spes meliores. Quas coercere tamen potius sit, & laxiores habenas permittere timori. Non deerit consilium aut solatium illi animo, qui timuit quidquid potuit timeri. Iure à Romano sopho laudatur is versus,

Cuius potest accidere, quod cuiquam potest.
Quem velim impressum tuæ menti, vna cum amore mei. Vale. Lugduni, Prid. Kalend. Febr. 15. lxxxiii.

EPIST. XXVII. Brugas.

LERNTIO, ET GISELINO.

SALVETE meæ animæ. ita enim meritò vos appellem, quia quamdiu istic fui, vixisse videor: nunc vitâ frui quasi per umbram. Circumagunt me hæc turbæ in Numidæ morem: & adhuc discurri sine late, sine certis sedibus. quas tamen positurus in Batauis videor, Ordinum vocatu, & stipendio sanequàm honesto. Sed temporaneas, non perpetuas: saltem,

Dum hæc consilesunt turbae, atque iræ leniunt.
Aliter videtur quibusdam è meis, qui in mutatione hac rerum ad dignitates & splendores vocant. videatur: mihi stat vetus illud decretum meum, reipub. tam confusæ non misceri. Orpheus ille vester Lugduni est, & (in video vobis hunc risum) partes has simulat, & ambit professionem. Exambiètne? non, si Batauos noui: in quibus certè plusculum, quàm pro veteri verbo, auris est & cordis. Eurydice etiam eius hic: & illa professionem. O Doufa, viuis & Satyram non scribis? Sed ridebitus coram. Ita enim de vobis recepit mihi Winterus vester, adolescens adprobus & perhumans. Facite, & properate ad hæc Neptunia loca: in quibus ego cum Dousâ tam arctè, tam auidè, vos amplectemur, quàm Amymonem suam illeipse Neptunus. Sed hospitium quidem vobis (ita iubeo) apud me erit: familiare scilicet & sobrium, nec propter vos maiorem fumum vicinia videbit. Properate tantum. quod ut magis faciatis, nuncio accepisse me nunc nuper Lutetiâ à Pythœo Trochaicum vetus, cui titulus Perugilium Veneris, elegans & scitum carmen, & dignissimum illâ ipsâ déa. Plura

non addo. venite, videte, valete. Lugduni Batauorum, Kal. Veneris. 15. lxxix.

Sed heus tu, Lernuti! est quod à te seriò petant mei horti. non magnum aliquid, sed illud idem quod hortus tuæ, Seminari. Itaque siquid seminij tibi superest, non illius Plautini (apage nuptiales nunc nugas) sed istius hortensis: quæso, hoc nuncio mitte. Habeo enim & colo hic in ipsâ vrbe hortum, amœnum potius quàm grādem, concessu nostri Hauteni. Pro eo, ad Venerem natū mihi herè hoc Carmen. quidni enim friuola mea mittam, ut eliciam gemmulas tuas? Ita callidè captator sum: nec nego.

AD STELLAM VENEREM PRO HORTO.

ALMA Venus, quæ cælorum colidardua tēpla,
Quæ maria ac terras vitali semine comple:
Quâ sine nec flores hortos, nec gramina campos
Vestierint, neque frugiferas animalia terras,
Quæ ve solū pedibus fulcât, quæ ve aera pennis:
Tu dea, tu fautrix hortorum in cultibus esto,
Adspiresque meo numen genitale labori.
Nam sine te nil Flora potest, nil flava Segestis,
Nodutisque, herbae pubenti optabile numen.
Pelle malum virus à floribus; imbricitorque
Ne noceat Aquilo; neu grando, neu robigo,
Effice. diua potes. Solis Lunæque potestas
Te supera: sed consensu tua tertia regna.
Nec tibi Mercurius certauerit, aut tibi Mauors:
Ipse tuo fasce submittit Iuppiter igni.
Interea, dum nos fera mœnera militai
Exercent, lituique vocant ad ciuica bella:
(Patria da veniam) Hauteni securus in hortis
Ipse habitem, fallatque meos cultura dolores.
Non ego Bellonæ sim victimæ, non ego Marti
Miles: nascentique alius mihi risit Apollo.
Sat patriæ Belgisque datum, si fama Camœne
Nostræ erit, atque aliquis venienti Lipsius aeo.

EPIST. XXVIII. Heripolim.

FRANCISCO MODIO S. D.

ERGÓNE viuis Modi, & nos amas? De vtroque enim ambiguos reddebat & locorum interualla in quibus agis, & silentium quo tamdiu non iuste vsus. At nunc emendasti, & longâ epistolâ cessationis culpam eluisti in parte. nam totam tum deum, si perseverabis. Et quamquam remotum te doleo seiunctumque à nobis; tamen quod in iis locis, & apud eum virum es, lenit desiderium, & gaudio pænè mutat. Amo enim, amo, Germaniæ illū tractum, in quo beatè viximus olim ipsi: & gratulor

lor de hospite, qui, vt scribis, tam benignus est in meliores Musas. Sæpè apud notos prædicavi, sed parùm credulos, Homines etiam illa tellus alit ingenio doctrinaque pares nobis, fide & virtute meliores. Experiiris ipse: & magis experieris cotidie, si omissâ inanum specie, de re iudicabis ex re ipsâ. Interea vides portum aliquem & receptum in his studiis esse, per res adfictas: nec vanum illum quicunque scripsit,

* Td r̄x̄p̄r̄ ȳr̄ ār̄āj̄ā c̄p̄p̄ōs.

Ego quidem auctor tibi sim non commouendi ex iis locis, donec Belgio huic fiducia status melioris. Nam nunc quām fluctuemur, vides. Fœdera, & domini noui: & omnino aut mutatio, aut interitio rerum. Sed malo aliquid de studiis. Tacitum ad me, siue Eclogas potius tuas in Tacitum, si mittes, gratum: & vtar, non sine memoriâ eius, per quem vtar. Paramus enim iterum vulgare Commentarium nostrum, sed auctiorem. Habemus & libros duos de Venatione iam adfectos, Saturnalium priorum (quæ dilaudas) titulo & exemplo. Sed & de Epistolis meis edendis aliquid cogitabam, si quas colligere aut seruare potui in hoc naufragio nostrarum rerum. Quæ mens iniecta mihi nuper, non nego, per Italos: quorum epistolas ambitione editas vidi, & (liberè dicam) non inuidi. Quid enim? à verbis cultas eas censem? sæpè nee Latinæ sunt. à sententiis acutas? torpor & tempor merus est. O Italia, ubi Politiani tui, aut Barbari? defecisti: & hoc saeculū ambitionis & fuci aliquid fortasse plus habest, re deseritur & seriat illa doctrinæ. Etiam Agellius nobis nuper in manibus: depositimus, postquam aliis audiuius eam esse curam. De Matulis illis & Petreis, iam aliquid inaudiuerā. sed quid? etiam illæ nitedulæ extrahi volunt è suis senticetis? à me frustra. Tu tantum purga me calumniarū ciusmodi apud Posthium: & animum hunc illi aperi candiorem vestram niue. De poësis Germanis aliquid dixi aut scripsi: at non de germanis, inter quos mihi ipse. Fucos & de honestamenta poëtarū saltem tetigi: quorum fertilis sanè illa ora. Vidimus nos, & vides ipse. Quis non ibi somniasset vult in bicipiti Parnaso? Itaque yates omnes audiunt, & prodeunt: & comptri sublimesque multi, cum Cæsareâ suâ lauru. Quos non squidera sperno aut rideo: hoc tantum iis instillo, Laurigeri multi, pauci Phœbi. Quin re plerumque didici. minimè re poëtas, qui titulo ille

I. LIPSI Operum Tom. II.

sunt & nuncupationes. Extrema tua epistola pupugit me de M. Antonio. Itane est? abiit? certè doleo. Nam ænaulatiunculas illas eius (ita appellare malo, quām calumnias) nihil motori. Habere hoc scio ista studia, vt nescio quomodo facilè pariant ribilitatem. quāh ego seriò contemno: sed & hoc mihi seriò dolet, contemni per hanc illa. In contentionibus enim istis quis risus sæpè vulgi? & iure, cùm tam pueriliter desipientes eos videant, qui ad sapientiam alii magistri. Ratallorum Præsidem quod salvare tu patronusque iubetis: ille verò salutis. iampridem enim à nobis abiit ad beatam illa loca; idque præcipiti quoddam fato. Nam bene valens ad curiam cùm venisset, subito deliquio animi concidit, nec surrexit. Ita ceptus patris optimus ciuis, nobis amicus. Hoc ante septem menses accidisse scitote, & mecum dolete. Vale mi. Modi, & magnè illi patrino tuo à me salutem. Lugduni Batauor. Nonis Augusti. 15. LXXXII.

EPISTOLA XXIX. Hagam.

THEOBALDO TEELINGIO.

APPELLA me vero, & litteris, & sermone: nec excusa. Vaco semper ingeniis, quibus discere vacat: quale est, & spero erit, tuum. Hoc excusa, quod ad epistolam profanam, carminis noti addideris: nam id te decebat. An alienum ab Musis me censem? non sum. amavi adolescentem & nunc amo, & scio eas esse, quæ lato & lato limite ad sapientiam & virtutem ducunt. Lasciuia modò caueatur, & obscenæ illius de laquei, quos in Musis illis artibus sæpè texit. Tu redux me appellabis reducem, (nam & ipse iam in ulteriore Batauam excurrebam:) & hoc mihi semper gravior, quod maior in te ardor ad discedendum. Etatis tuaæ florera cogita, & æui huius fluxum: quodque Æneas ille Homericus aurigæ suo dixit, tibi cogit.

* Verum, age, nunc manibus flagrum & splendens frana de cipo.

EPISTOLA XXX. Vienna.

NICOLAO BIESIO Cesareo Medico.

No s quoqua, mi. Biesi, Legatum Budensem vidimus. Magna pompa, multi comites: vestis & mores nobis exteris mira. Pellis illa iniecta puerorum anteeun-

C tium

tium humeris, numquid abest à prisco Scytharum ritu & habitu, qui pelliti? non videtur. Vestis illa laxa à Braccis? nihil. Sed & honoris habendi ritum, quem Cæsari retrogradiens exhibuit (solenne id genti) odoramus esse à Persis. Ammianus suggerit lib. xviii de Antonio quodam, qui transfuga ad eos eorumque mores: *Simul hoc dicens è medio prospexit abscessit, non aduersus, sed dum cuanesceret, revercundè retrogradiens, et pectus offendens.* Garritum hunc præmisisti. plura, si voles, in cænâ: ad quam bona fide me fistam. Salue.

EPISTOLA XXXI. Hagam.

THEODORO LEEWIO S. D.

IT A certè opportuit. in viam, inquam, officij redire, à quâ exorbitauimus vterque animùm diabolh. negligentia aliquâ, vt scio, aut contemptu: sed fortasse dulcedine cœficationis, & fiduciâ amoris. Id enim de me fateor; de te opinor. Quin sæpè sic afficior, vt quemadmodum mulieres, quæ vterum ferunt, ad omnia nauseant: sic mihi nec scribendi libido villa sit, nec legendi. Mare quoddam mortuum esse aitnt, sine vento sine motu: sic sæpè ego. Sed tu me excitasti: præsertim illâ parte epistolæ, quâ consiliu[m] me petis de summâ vitæ. Deliberas de coniugio, aut cælibatu. Difficile mihi sententiam interponere, præiudicio iam patièdeuinctam. Vides enim quid ipse fecerim: Ita nisi à coniugio dixero, damnem me ipse hæc esse est aut inconstantia; aut terroris. Sed seponam tamen paulisper eam cogitationem, & de totâ re videbo quasi liber & exsolutus. Ac principio coniugium. si quis damner, impius sit in utramque legem, & ciuium, & naturæ. Stare genus humanū non posse oīnes scimus, sine viri mulierisque cœtu. Non ergo vniuersè id quæris, credo, an coniugium probandum: sed strictius, an sapienti, an hoc tempore, an tibi. Sapientiae studia & vitæ quietem si sequeris; nescio an ducenda vxor. Exempla veterum sapientū in utramvis sunt: ratio magis est vt neget. Si enim liber animus, Deo & sibi vacans, ad sapientiam & tranquillitatē requisitur: non video quomodo adsumenda illa cura, quæ noctes diesque adhæreat, angat, coquat. Si satis molestiae in te tuisque cupiditatibus regredi, frænandis: quid atiunde accersis, cui imperes & moderere? Cymbam nostram difficulter gubernamus: eccenauim adiun-

ctam volvimus, cum tot armamentis? Et sero adhuc, si reges. sed quid si regere illa vult? si fulmenta lectum scandunt, vt vetus verbum est? quid? nōtine bellum tibi non ciuile, sed familiare sumendum est de principatu? At enim moderatam audiente inque tibi speras. Ita censeo, & opto. sed quâ in re vñquain magis spes & vota fefellerunt? An ex composito illo vultu, oculis, verbis, toto corpore ad modestiam facto, vxorem eliges? crede mihi, nulla fides. Proprium hoc & velut innatum illi sexui, vt crudel adhuc & vix pueritiam egressæ simulent, fingant, fallant. At enim fide & commendatione aliorum, inquietes. Nostum equum sic emere aut agrum. Et quâ in re libentiū, aut midū cum periculo, fallunt amici? Si in equo aut agro imposuerunt, expostulandi mihi saltem ius est: at id non in isto. Canetur tibi illud cōnicum, *Habebas vt natus:* & querelæ tuæ in ventum ibusit, immò in irrisum. In genere hoc prædicterim de sapiente: iam temporâ ista videamus. Si res latae & prolixæ: magis ferrem te ligari hoc nexu. Nempe publica solarentur: itempe in spem honorū & felicitatis tui liberos susciperes, educares. At nunc quid nisi communites calamitates & bella? ne domi tu quæras. Quid nisi exsiliū, exsiliū, imminet, & mutatio vniuersi status? ne ad autem lœcum liberos procedas a te censeas. Denique te ipsum (quod tertio posti) ihtuere. Animus tibi ingenuus, & corpua: id est vires valetudoque parum firma. Etatis quidem bona pars superest; sed & bona elapsa. ingeniu[m] tibi come, molle; quod ferre iniuriam potius possit, quam inferte. Hæc omnia vide sis, at apta ad mores faminosos nostri æui. Et Diogenes quidem ab omni ætate coniugium remouebat, satis scitè. Nam iuueni, inquietabat, nondum ducenta est vxor: seni nūquiam. Græcè hoc sonat melius, ταῦτα μηδέποτε, ταῦτα γέρν μηδέποτε. At ego certè non vanè id restrinxerim ad statum mediū inque hoc æuum, quod velut viñu iam deferbuit; quale, mi Leewi, est tuum. Hæc in parte vnâ dici possunt, nec pauciora in alterâ: quæ quoniam scio subiici & à te tibi & ab aliis cottidie, laborem non sumam in iis recensendis. Eo inimis, quod frustra scio fraderi coniugia aut dissuaderi: quæ à cælesti nutu & à fato haud variante diluntur. Benè Euripides,

Εἴ τις ἀσθενεῖ πάθειαν πορεύεται;
idque didicimus nos ipsi. Bina Socratis monita tantum addam. Primum, juuenes cas-
libes

* Est allus
off vno ac-
que feminina
therns.

libes similes esse piscibus, qui alludunt circum nassam & gestiunt inire; contrà, qui iam inclusi, exire: simile in matrimonio esse, quod ambiunt liberi, damnant capti. Alterum, Sciscitanti cuidam Vxorem an non duceret? *Vtrumuis*, inquit, *feceris*, *pennitebit*. In quo verè oraculo concludo, & ambiguum te sententiæ meæ relinquam, non amoris: qui tam verbosam à me Epistolam expressit. Vale.

EPISTOLA XXXII. *Lutetiam.*

IOSIAE MERCERO S. D.

Ad me verò sàpè eiusmodi muscæ aduolent (ita per iocum te appellas:) imò apes. quoniam tu & litteræ tuæ plenæ suauitatum, & meri mellis. Ipsâ quidem causâ scribendi quid mihi gratius? Appetere te amicitiam meam: quæ si vltò offerenda sit tam benè natis ingeniis, nihil abeam à decoro. Tu tamen anteueristi. et si non ignotus planè, vt ais: quia famæ aliquis radius te quoque illucet à magno illo patre: cuius eruditio, & virtus, clara apud omnes. Et tu succedes, imò præcedes: si pergis modò in hoc laudis stadio, quod currere cœpisti recto & felici pede. Nam notæ tuæ ad Cornelium nostrum quas mittis (verè, non blandè dicam) vix tuæ ætatis. Macte hoc acuminè! quod vide te, quæso, ne ambitio deprauet aut calor. Nam illud nisi ad rectum maturumque iudicium dirigis; noces, non iuuas, & infligis scriptoribus vulnera, non sanas. Nos Tacitum vulgare iterum paramus, cum Commentariis nostris (sive Notæ erunt) ad omnes libros. Nam priores sàne illi ad Annales, refingendi etiam sunt: quia & lapsus alibi sum, & quædam mihi elapsa. Cur negem? semitam sàpè ingredior, cùm maximè censeo viam: & gratiam serio habeam, si quis corrigat, dirigat, reducat. Ad P.' Pythœum litteras iam nuper dedi. accepítne? inquire obsecro. Nam ipse quidem silet: at non in illum meus amor. quod indicabis, & salutem à me nunciabis ipsi & fratri. Vale. Lugduni in Batauis. Idibus Martiis. 15. lxxxii.

EPISTOLA XXXIII. *Gandavum.*ALEXANDRO RATLO *amicissimam salutem.*

LECTIS litteris tuis, mi Ratlo, & dolui dolorem tuum, & gauisus in constan-
tiâ sum: quòd videam te quæ euenerunt ita
I. LIPSI Operum Tom. II.

ferre, vt ferenda humana sútis, & vt dignum est iis sapientiæ studiis quæ traçtas: Nam reuerà hæc bella, hæ turbæ, hi discursus, quid aliud quâm ludi? cruenti fateor, sed tamen ludi, quos instruit ambitio & sœvitia nostrorum regum. Itaque non ferenda solùm ista, sed ridehda. Et vidésne cùm nuces sparguntur, vt currant pueri, & rixentur? idem isti, qui oppida & arces rapiunt, diripiunt, alieno malo & suo nullo bono. Atqui ea ipsa quæ tanti faciunt, propter quæ sudorem sanguinemque fundunt, si diuotâ vulgi nebula consideres, nuces sunt. Quare mi Ratlo mittamus ista, & habeamus eo loco quo sunt: id est, pro nugis. Ad nos redeamus, & ad eum quem dicis *τερψάγονα λόδων*: in quo solo quies & tranquillitas firma: *cetera fluminis ritu feruntur*, vt canit Poëta ille inter verè sapientes. Senecam nostrum tibi place-re ex animo gaudeo. Scio non alias è priscis magis consentire cum Christianâ pietate, quâm eos qui è Stoicâ domo. In quo numero etiam Arrianus est, qui digessit Græcè Dissertationes Epiстeti, mihi valdè probatas. Quære, moneo, & lege. Nos hîc turbæ iterum exercent, quæ sub discessu tuum soppitæ. sed sopitæ tantum: natu euigilant iterum & viuunt, metuone in reip. malum, & scholæ nostræ exitium. Nisi fallor, ea imminent, vt non discessisse à nobis videare, sed nos præcessisse. De Gallis mihi quidem ~~z~~ nigmata. Veniunt, non véniant; volunt, nolunt: audent, timent; & omnia ancipiunt metu suspensa & suspecta. Turcarum princeps aliquid in Africâ mouet: & aget is saltum bonâ fide. Mitto ad te Saturnalium meorum primam partem De Gladiatoribus, vt videoas crueltas etiam illas in pace pugnas. Salutem quibus dici voluisti, dixi: iidemque te resalutant. de patris tui morbo doleo: quem à me saluta, & tu vale x. Kalend. Feb. 15. lxxxii.

EPISTOLA XXXIV. *Brugas.*

IANO LERNVTO.

SPES iterum me fecellit. quid fecimus, quòd totiens in nos vana ista dea? Mercurialis ille hodie ad me rediit, negavit posse: Rem dicam? poscere volebat, nec audiebat: quia collybum vulgo iacti dinumerant trium florenorum in centenos. Id lucellum inhiabat; nec petere scilicet ab amico volebat, nec ego dare, te inconsulto. Tu dispice illuc. aut, si vis, Attunicum excuse: in hoc

C 2 statu

statu abeuntium, redeuntium, transferentium, reperies qui velit. Loquere cum Moreto, efficaci ad res tales. Sed quid me celersti? tunc Grudios? Peream, nisi adprobo: ad quietum locum, amoenum, & quod caput, amicum Paci, & eximum à milite ac Marte. Si expedire te vincis possessionum tuarum potes, abi, curre, vola. Ego nonne aliquando vicinus? si dū me, & mihi Iscanum meum seruant; quam sedem destinavi reliquæ huic vitæ. Cum lege, si securitas illuc; si status, quem Modestia & Probitas non spernat. Parere boni possunt & debent; seruire, ancillari, adulari, non nisi viatorum ancillæ. Valeat autem æternum mihi patria, si valebunt in eâ ista. Tu quoque, mi Lernuti, (sed ab aliâ mente) mihi vale. i. Octob. 88. I. LXXXV.

EPISTOLA XXXV. *Antwerpian.*

FRANCISCO RAPHELENGIO.

DILATVM mihi responsum ad superiorem epistolam tuam, non dimissum. Dum enim cottidie discessum sororum tuarum exspecto, atque aliud ex alio interuenit; septimanæ aliquot in hoc silentio exactæ, vt vides. Ceterum grata mihi tua scriptio, vti & amor: cui à me cum fide respondebo. Filius tuus in studiis perseverat, & effecimus ne quid Typographia auocaret illum aut impediret. Cursum certè hunc studiorum interpellari aut sisti, non erat è re eius. De filio altero tibi agnato, gratulor: etiam filius tuus, vt videbis è carmine Genethliaco, quod credo illum iam misisse. In Constantiâ nostrâ pergimus: sàpè negotiis, sàpè valetudine, retardati. Iuuat tamen opus argumento saltem utile futurum hodie multis. Nubem enim hanc temporum vides: nec Solem aliquem qui pellat. Ille quidem Gallicus, qui *'Discvssvrvm'* se promiserat, videtur Fovisse. Et Austri isti cum Circiis mixti & iuncti, vereor vt dent mage maiores tempestates. Omnia hodie Principum, infida, intuta: nec veri solatij vsquam spes, quam in se cuique. Firmemur iam antè contra hæc omnia, quæ euenire homini non solum possunt, sed communi quadam lege debent. Ciceronis falsi Consolationem vidimus. quæ me quidem adeò non erigit, vt deiciat potius: scripta videlicet frigide, solute, & verbo dicam, inepte. Quis ille tam stultus, qui sperauit se posse imponere nobis falsâ hac personâ?

*Ad dictum eius alterum:
Dicitur, & sonat.

sub quâ latet aliquis ne superioris quidem, vt suspicor, æui. Bardi Typographi, qui tam ambitiosè hæc diuulgant! sed credo in nostrum risum, & suum quæstum. Valde me Ciceronis pœnitiat, si ille vel in medio dolore tam clumbis. Nusquam nerui, nusquam sententiarum sanguis: ne color quidem verborum, nisi cum cerussâ & fuco. At tu vale, & sine eo me ama. Delphis. huc enim sorores tuas abeuntes deduximus. 111. Idus Septemb. 88. I. LXXXIII.

EPISTOLA XXXVI. *Viennam.*

IOANNI SAMBVCO S. mitto.

Div mihi nullum alloquium apud te, ne per litteras quidem. causâ & temporum horum, quæ nos turbant: & locorum, quæ sciungunt. Nam nos, vt audisse te credo, in Batauis agimus, apud Oceanum verè vndosum: & iactamur ciuili tempestate, tibi non ignorâ. At nec loca tamen, nec tempora, gratam mihi memoriam Sambuci excutiunt: quam testari volui per hanc occasionem, primò nunc datam. Qui enim illuc viam affectarer, præter hûc adolescentem, nactus sum neminem: & nunc illi ordinarij, ordines deseruere per hæc bella. In studiis, dum Mars hîc feruet, languide versamur: ita tamen, vt cogitemus editionem nouam Taciti, cum pleno iustoque Commentario in eius omnes libros. Èa in re iuuari me à te posse sentio, vsu libri manuscripti, quem memorâ teneo Viennæ olim vidisse. non illum quidem antiquissimum: sed è quo tamen non dubiè aliquid eruamus, & Criticâ istâ sagacitate indagamus. Quare si eum ad tempus gratificari mihi volueris, amorem in me ostenderis, & simul morem tuum tenueris rei litterariae adiuuandæ. Videtur sub has nundinas tutò transmitti ad Plantinianos posse: quibus mandata dedimus accipiendi, adseruandi. Velim voluntas tibi & occasio in mittendo non desit: nobis fides constabit in remittendo. Salutem ab eo qui meritissimò te amat, Iusto Lipsio. Lugduni Batauor. Kalend. Mart. 88. I. LXXIX.

EPISTOLA XXXVII. *Hagam.*

THEODORO LEEWIO. S. dico.

SEMPER amo litteras tuas, præsertim eas quibus (vt sic loquar) nota aliqua impressa est bona mentis. Vel hæ postremæ quæm

quām sine affectatione prudentes ! quām verè Philosophum referebant , & sine ullo suco ! Itaque ut calebant adhuc à meā latorisque manu, iis rescripsi. Melonis tui odor vel hucusque nares meas adflavit: & mentior , nisi saliuam mihi mouet & desiderium gustandi. Sed cohibe tamen. & vide ne gnatum illum , qui vnicus nobis , nimirū properè autellus à matre. Auster saltem & imber hic abeat ; & soles aliquot videat puriores. tum licebit,

Extremum hoc oculis lumen radiatum rape.

De Alenconio me hercè quid dicam nescio : ita ænigmati similis res est. Venit, non venit : accessit , recessit. Credo non illum Callipidem, qui proverbio locum fecit, tardius ambulasse, quām hunc subnixum tot equitum alis. Nec aliud tamen adhuc audiimus quām , Veniet. Si serio hæc aguntur, facile præfigio difficile & diuturnum bellum : cuius exitus Deo in manu est. Ad nos quidem quid ista ? non magis quām si Æthiopes inter se belligerent, aut noui Indi. In animo nobis pax sit, cum affectibus concordia : & ecce omnia tranquilla. At enim patria pericitatur. Patetur. sed quis nostrum iter præcludet publicis fatis ? Habet ista transitus suos, imò interitus : quogum tempora cùm venerint , nulla vis aut consilium ea firmet. Et tamen illi ipsi patræ, cùm res feret , non manu, non mente, deerimus : atque hoc scilicet agemus , vt non solum boni viri simus , sed & boni ciues. Vale mi amicissime. Lugduni Batauor. xv.Kalend.Septemb. eo.Io.LXXXI.

EPISTOLA XXXVIII. Rostochium.

IOANNI IONSTONO SCOTO.

Quod & me amas , & Constantiam meam laudas , mi Ionstone : alterum valde amplector & approbo , alterum timide , quia scio reipsa non attingere me culmen ho claudis, in quo collocat me tuus affectus. Etsi tamen non nihil blanditur, quod David Chyrræus (quis ille vir?) pariter tecum , vt ais , siue iudicat , siue errat. Quidquid huius est, amo iam , amò Constantiam meam , quæ tam multos mihi conciliat amicos. In quo numero vt fidenter te deinceps censeas, mi Ionstone, iubeo, non solum rogo. Quod si Deus mihi tangere & videre Germaniæ solum iterum dederit (fiet fortasse voto citius , vt res hinc fluunt) te videbo, & dexteram iungam, test. I. LIPSI Operum Tom. II.

seram Fidei & Amoris. De Carmine gratiam tibi habeo , magis magisque habitus, si crebrò me epistolis tuis salutaueris, in quibus notas claras video elegantiae priscæ & doctrinæ. Lugd. Bat.xi. Kalend. April. eo . Io. LXXXVIII.

EPISTOLA XXXIX. Lutetiam.

IANO GUILIELMIO S.

LIBENS vidi Quæstiones tuas Plautinas; mi Gulielmi : in quibus non doctrinæ solum notæ vberes & actis cuiusdam iudicij , sed etiam amoris in me tui. Partem enim mihi inscribis. cum magnâ meâ gratiâ (liberè profiteor) vel quia scriptoris eius res est , quem amo vnicè , vel quia benivolentiæ hoc testimoniū me delectat ab eo, quem æstimo , quemque amo. Ego profectò si vñquam occasio erit, præstabo me ad gratiam referendam non modio , sed horreo toto. At in libro eo tuo, magnæ mihi voluptati non semel interpositum iudicium , de studio Sapientiæ & Morum. Magis hac sententiâ ! Obscro enim , vt quid ista humanitatis studia tam ambitiosè adfectamus, tantum propter ipsa? Abutuntur plerique ad malam & vanam pompa, vt scis , verè cum Appione illo cymbala quædam inanis iuuentutis. Tibi melior, vt video & gratulor, mens : atque vt porrò sit, quæso & hortor. Nostrum illud de Constantiâ censeo vidisti. nunc damus De Amphitheatro, & cis paucos dies habebis : eti opus ludicum , & natum mihi per remissiones , vt stilus ipse indicabit. Dedi litteras ante septimanias sex ad Egmundum , quibus inclusæ alteræ ad Busbequium dē te, imò pro te: quid iis factum , nescio. quia haec tenus nihil inaudiui. Quæso inquire. Ille quem tangis , quid & vbi agit ? Vt unam in gratiam cum virtute redeat ! nam mecum tunc vt volet, & quando volet. Busbequium si conuenis, salutem illi à me dicio: & è iuuentute selecta, Iosia Mercero, si nosti. Passeratio item doctori publico , & si quibus aliis ex eo numero procerum innotuisti. Vale.

EPISTOLA XL. Brugæ.

IANO LERNVTIO S. D.

CISTAE tuæ hefterno die ad me perlatae binæ. hoc ante omnia scire te volui: sed perlatae bene madidæ , per continuum im-

C ; brem.

brem. Itaque valde vetemur, si quid in iis sit, quod periclitetur ab vdore, ne putiscat: præsentim si quid è lino aut lanâ. Cogitet tua vxor: & si videtur, aliquem fidum huc mittite, qui inspiciat, aperiat, euentilet. Nos quidem amicam & sedulam omnem operam custodiamque pollicemur? quantum id potest. Collocabimus etiam eas bono & aërio loco. Scripsi bis ante septimanas aliquot, & valdè fallor si meas non acceperitis. Carmina tua adhuc apud me sunt. Dousam enim exspecto in horas, cui velim ostensa. Ego, nisi quid interuenit, intra septimanas duas aut circiter Antuerpiæ ero. velim sanè te videre & amplecti: & si illuc venis, posses mecum pergere in Batauos: atque ita ipsum iter nobis non sine gaudij & amoris fructu. De Giselinî re, omnia haec tenus nequ quam, & non nihil turbellarum inter Magistratum & Curatores, occasione professoris cuiusdam admissi Senatu inconsulto. Priuata profectò & publica turbant. quid refert? si quies modò apud nos & in hoc animo sit: ex quo puro siue impuro, liquidum omne aut turbidum manat humanarum actionum. Ut in corpore ægro & corrupto, quidquid infertur, alimentum est morbi, atque abit in noxam: sic in homine, qui internum illud non depuravit. peccatum dico, fontem & originem cupiditatum. Opes adfluunt? auaritia te torquebit, & angor seruandi, dispensandi. Desunt? inopiam non feres, & quæres eas per vndas & per ignes. At motus ab animo petendus est: cui compósito semel & securto, numquā superest aliquid aut deest. Sola, mi Lernuti, quies est & internæ illæ opes,

* Qui res
ad viuunt
homines,
dixi & pu-
tavimus.

^{Olōn r' w' ζώντοι, καὶ ἀρειοὶ ρελάσοι),}
vt ait Homerus. Vides philosophari me tecum: nec excuso. amplius dico, Sæpè faciam. Valdè enim te tuamque egregiam naturam trahere ad hæc alta velim (quò scio propendes:) & collocare te supra hominem, etiam dum es in humanis. Et enitèris, si nitèris. Vale, & salutem à me virorum optimus noster Giselinus, à quo responsum exspecto, sed non lentum vt solet. Lugduni Batauor. III. Non. Feb. 10. I.C. LXXXIV.

EPISTOLA XLI. Pontem-Museum.

GODSCHALCO STEEWECHIO S. D.

M IHI & scriptio tua grata, & magis Coloniam redditio: quam extra noxam fuisse gaudemus, et si non extra me-

tum. Scimus quām intutæ viæ his temporibus: quibus ad iniuriam omne ius prædonibus non militibus, dant hæc latrocinia non bella. Tu quoque gaude. portum enim iterum attigisti, in quo acquiescere possis, Musarum suauiter adspirante aurâ, sine vento vlo aut nimbo civilis huius tempestatis. De promissis Plantini, securus es. hominem non nosti, si ambigis: & credi illi potest, tamquam Fidei ipsi. Nec tamen deero submonere, cùm redierit: quod fieri cis paucos dies. De Modio, certè amicus ei sum. (ingenium & adolescens eius virtus ita merentur.) ac valdè auctor tibi, sic rem in scriptis tuis temperes, vt. nequâ parte eum aut stringas aut lædas. lædas autem laudes imò volo. Ita de illo ipso Vegetio meruit: & sepone mihi, sodes, omnes istas æmulatiunculas, quæ intercurrunt hæc studia malo iure, malo more. Inuidet quispiam? hoc ipso inferiorem se ostendit. quia apud humiles dumtaxat animos habitat, & in altos dirigitur liuida illa dea. Sed tu non talis. moneo tamen vel ex superuacuo, quia peccatum hoc in litteratorum nostrâ genere peccatur hodie nimium crebrè. De Vegetio ipso sic sentio. scriptorem non malum potius, quām bonum esse: & hoc tamen quod in eo boni, depravatum & pollutum à patribus variâ labo. Creber enim in illorum manibus: quæ nec innoxiae usquequaque, nec puræ. sed nec oculatae. Itaque non iniuriâ ad perpurgandum eum tu Modio nostro velut optio succidis: & opto vt cum publico fructu, cùm tuâ famâ. Quod fiet, si stilum manumq; modestiâ quâdam temperabis & diriges: malisque ambigua quâdam ulcera relinquere, quām distictè auferre omnia, & præcipiti quodam ferro. Medicos in Criticâ istâ ferre possum: sectores ad Matrem déum ablegem, procul à virginali nostro choro. Vale mi Steeweckii, & mutuiter me ama. Lugduni Batauor. Postrid. Nonas Octob. 10. I.C. LXXXII.

EPISTOLA XLII. Ultraiectum.

THEOD. CANTERO S. D.

ITANE Dalius noster abiit & abiit, non vi-
surus amplius, non videndus. Sanè doluit
eo magis, quòd subita ea plaga, & præter
exspectatum. Nam letalis quidem ille mor-
bus (phthisis enim vera erat:) sed quis pu-
ras tam præcipitis cum fati? Trahere, vt
scis, plerumque solet, & lento passu ducere
ad

ad Orcium illum thesaurum. Sed nimis
rum ut nauim interdum improbus vortex
absorbet: ita homines nigra dea. & præser-
tim eos, quibus indoles melior, & inge-
nium supra annos. Quod in Dalio planissi-
mè fuit. Claudium Quadrigarium scribere
memini: *Hec maximè vexatur deorum iniqui-
tiae, quòd optimum quemque non finunt inter nos
diurnare.* Aptè & verè. nisi quòd iniuritati
inapiè tribuit, quod est æquissimæ æquita-
tis. Cur enim cælestes illæ animæ diu in hac
face? abeant imò, & euolent ad suum cæ-
lum. De Arnobio, vrge coepit. Quis post
Tertullianū interfactos scriptores doctior?
ideoque doctorum limâ dignior? Etsi bona
sanè in eo opera Gelenij: quamquam in-
terdum (quis non Critorum?) exerret per
aquarelli nimium aut calorem. Satyram
quam vulgai his diebus, en tibi. Nomen
te terret? frustrà. edentula est, &, vt anti-
qui nostri loquebantur, planè ianox. Lasci-
uiam alibi agnoscas, nusquam morsum.
Artemidorum tuum totum avide legi, &
velut *apud*. Nescio quomodo non sperno
totum hoc diuinare (id quoque fortasse à
nostrâ porticu:) & eam rem visus mihi ille
commodè & acutè tractasse, ex ipsis fonti-
bus naturæ. Salve. & salutem à me, vt Co-
micus noster ait, plenis faucibus propina
Lamberto Burchio Decano, viro qui litte-
ras & literatos vnicè amat; ideoque digno
qui ab iis vnicè ametur. quod me bonâ fi-
de facere ei nuacia, imò sponde. Lugduni
Batauorum, quo dic Cæsar olim in Curiâ
Pompeij. &c. lxxxii.

In Arnobij tui isto loco, lib. i. Et tamen,
d' iſti, qui pollutas res nostras vitiorum criminamini:
ſtribiligenes & vos iſtas in libris illis ma-
ximus atque admirabilibus non habetis? Nonne
aliud hec vtria, aliud dicitis hos vtrres? celus &
celum? non item filius & filum? crocus &
crocum? fretus & fretum? sanguis & sanguen?
Odoror duplex vitium. Ac primùm scrip-
serim, res nostras vitio verborum criminamini.
Fugit enim omnino prior illa verbisyllaba,
retrahenda ex Arnobij ipsâ mente. Hoc sci-
licet politi illi & docti Romani obiicie-
bant nostris, solœcismis obſitas res nostras, vi-
tiorum deformitate pollutas, vt ipſe præmisit.
Respondet: variari sermonem pro arbitrio,
& illos ipſos veteres à talibus solœcismis
non absuiffe. Nam, inquit, aliubi hec vtria;
aliubi dicitis hos vtrres. Ita enim alterum vi-
tium tollo; Aliubi, inquam, scribo, non
Aliud. Clamat res, & sequentia exempla.

An enim aliud sanguis, quam sanguen?
fretus, quam fretum? Minime. Variatum
tantum licenter genus ostendit, & modò
Vtres positos *ārī ūfī dīcūs*, modò Vtria.
Ecce in Nonio: *Vtres ūfū generis masculini
sanguis. Neutri, Linus Andronicus: Flacci te-
get veria.*

EPISTOLA XLIII. Hagam.

THEODORO LEEWIO S. D.

Ta vero laudo, non imitaris meam pi-
gritiam, & quamquam ad binas tuas
iam filii, tamen tertii etiam laceffis. Etsi,
mai Leewi, nulla hæc pigritia. ignoscas aut
missarum potius, si scias quam per omnes
hos dies distrahab & distinet negotiis nec
seriis nec bonis. Amici & alieni adpellant,
interpellant: ad contiuua vocant: & hoc
putant comitatem, auferre mihi vsum ve-
ræ vitæ. Pareo tamen, & quamdiu in hoc
proscenio sum, sustineo personam. Mal-
lem ad interiora illa gaudia diuertere, stu-
dia dico & sapientiæ exercitationes: à qui-
bus non per hæc solùm acerbissima tempo-
ra, sed etiam lætiora, veros petam quietis &
gaudij fructus. Sed differo sèpè illa, non
dimitto: quod tibi etiam vnu venire certò
scio. Plantinus nunc adeſt, seriò à me mo-
nitus de * Thalete illo Gallico, seriò ad suos

iterum scripsit: & illi responderunt iam Ita indi-
genau Mi-
chaëlis M. B.
tani librū
Gallicum
Gustuum
sticulæ: pro-
bum, fa-
piencem, &
valde ad
meum gu-
sum.

Lutetiâ se petiisse. apud nos scilicet sapien-
tia illa non habitat. De adolescente quem
super mihi commendaras: scis quam om-
nia velim tuâ causâ. Hoc tamen nolo. & fi-
rationes omnes meas audias, scio, ipse non
velles me velle. Multis iam recusaui. quos
omnes offendō, si vnum admittam. deni-
que rimam aut fenestrām hanc si aperio,
toto ostio admittendi alij sunt. Quies au-
tem mea id non patitur, & ratio vitæ quam
per silentium ago. Peto ergo vt id excuses:
& maiora aliqua à me petas, cum opus erit,
non neganda. Institutum tuum de omisso
domo, hactenus probo si in eo pérseteras.
Semel enim constituendum est quod vitæ
genus eligas, solitarium an sociabile, si-
lud cum paucis & sapientibus quos nichil
Deus adspexit, communè tibi futurū illi;
hæc, cum multis. Et vtrumque tamen illi
rectum, qui incommoda vtriusque fert.
nam vt omnia tollas, vanè cum vulgo spe-
res. Siue vxor ducitur, siue omittitur: ha-
bebis quod doleas, quod querare. Nec in
hac omni vitæ tam optabile aliquod bo-

num est, quod non mixtum poculo aliquo inerorum. Hæc publica & æterna lex: cui, improbus & refractarius est, quisquis repugnat. Ut athletis olim sors non electio aduersarium dabat, cum quo ceptarent: sic cuique nostrum vitæ suam conditionem fata, cum quâ luctemur. Hanc vincere oportet, id est ferre. Huius enim pugnæ robur omne in patiendo est, & victoria in cedendo. Res publicæ non in bonâ spe. Præcipuæ aliquot Flandriæ & Brabantiaæ vrbes naufragare incipiunt, & fastidire præsentem hunc statum. siue diuturnitas belli id facit, siue gubernatio non usquequaque inculpata. Consilia arcana agitare dicuntur de pacificando cum hoste. quidquid horum est aut erit, nos pessima timere nihil nocuerit: & vt pugiles, iam nunc parari ad strenuam cum omni sorte pugnam. Paupertas imminebit? exsilio? carcer? proponamus interdum animo has imagines; & persuadearimus illi quâm nihil in his aut certè non multum mali sit illis, qui mala ea non putant. Reuerà enim vti opinio diuitias bonum fecit, sic eadem inopiam malum. Sed hæc facilia dictu videntur: fortassis etiam factu, si quis conetur. Nunc plerique eò stultitiae venimus, vt nec aspirare audeamus ad bonam mentem. Sicut ij qui phrenesi laborant, irrident aut verberant suos medicos: ita nos. Vale. & me amantissimū tui, ama. de hortulo tuo nihil narras noui. meus in eadem causâ. qui iampridem animam agit, aut potius egit. Credo enim per huius ipsius dici æstum ablatū illi omnem succum & vitam. Hoc quoque feramus. Leidae. viii. Kal. Iun. 15. LXXXIII.

E P I S T O L A X L I V. *Ansuapiam.*

GASPARI SCHVERMANNO IC. S. D.

LITTERAS tuas, mi Schuermanne, libens vidi: at nondum sororem. quam ne frustrâ mihi commendaueris efficiam, si quâ in re operâ meâ illi usus. Constantiam nostram quod laudas amasque, gaudeo: complecti magis te velim & amare virtutem ipsam. quâ certè in omni æuo, & hoc nostro in primis, opus. Hostis, vt audio, vicinus vobis, perfidâ eorum in quibus numerum fuit eritque fides. qui vt trutina in eam partem vergit, in quâ plus ponderis; sic ipsi in eam, ubi plus æris. Pestis iam olim & calamitas nostri fundi. sed quâ auertas? cùm etiam nunc immixti nobis, nec longe

à clavo, quibus idem morbus. Ambitio aut Auaritia multa regna & opida euerit: utinam ne utraque hunc Belgicæ statum! Hortatis me, vt iuuem. votis possum, non consiliis: quis enim audiet? Publicè dico. at priuatim si quosdam possim erigere, & in singulis ciuibus de totâ patriâ benè mereri; non immunis hæc mea quies. Conati id sumus in postremo hoc scripto, & combimur porro, si Deus mihi dat vitam. Nam otium ipse mihi parabo, etiam in æstu negotiorum. Gabrieli Roelandio, adfini tuo, velim ex me nuaties benevolam salutem. Vete cum amo & æstimo inter paucos meos Belgas. Vale. Lugduni Batau. postrid. Non. Nouemb. 15. LXXXIII.

E P I S T O L A X L V. *Toletum.*

ANDREAE SCHOTTO:

CARVISSE me alloquo litterarum tuarum tamdiu, mi Schotte, non resolûm; sed cogitatione molestum fuit. Illud, quia priuati voluptate eâ mihi durum: istud, quia trahiebatur animus hoc silentio in varias suspicionum partes. Quid censerem? mutatum esse te? non fidei tuae videbatur, non amoris. Offensum? verebar. vtique cùm oculos flecterem ad illum, qui non mihi, non bono cuiquam satis bonus. Sciebam litteras te crebro commutasse cum eo, & sermones: sciebam & hominem duplicum, cuique (sed non mente Ennij) *plures lingue & plura corda.* In aliis didici, quâm illi volupec disiungere & soluere, qui mihi iuncti. At rursus tuae prudentiae videbatur, non temere ei credere, qui aliarum rerum apud te sâpè vanus. &, vt video ac gaudeo, haud planè credidisti. Litteræ hætuæ mihi testes, scriptæ ex veteri more & amore. nam binas alteras, quas dedisse dicas, non vidi. Istæ me delectarunt; & te mihi restituerunt, me tibi. De mansione in Toletanâ vrbe, & in illustri domo, gaudeo. eò magis, quoniam splendorem hunc cum fructu video, nec interiora illa tua studia interpellari aut abrumpi: quod sâpè in illis aulis. Senecam patrem quod paras, approbo. Vnicè me sapientia in filio delectat: in patre comitas, lepos, & facundia quædam profluens ac simplex. Sanè Controversiarum illi libri mirificè non corrupti solùm, sed abrupti: atque opus in elimandis ingenio meliore, sed in primis libro. quem valde veterem & integrum si repperisti, vt ais, apud Couaruuiam;

ruuiam; vtere, sodes, & adnitere. nos iuuabimus in parte. Nam quæ notata mihi, quidni transmittam libens? De Lanoy nostri morte, valdè mihi acerbum. Amabam adolescentem altæ indolis, niuei pectoris: & destinabam eum olim in corruptâ hac nostrâ nobilitate velut gemmam. De Papio etiam, vt video, inaudisti: qui mersus Mo-sâ flumine, dum in eo inueniliter ludit & natat. Sed hæc tristia. illud lætius, quod amicum mihi te interprete & tamquam parario conciliatû video Ant. Couarruuiam, virum à stirpe, à fratre, à se verè illustrem. Deus bone, quæ illa ad me epistola! mentionor, si ab aliquot annis litteras vidi magis litteratas. Imbutum profectò arcana doctrinâ pectus illud oportet, quod promit tam docta. Quidni ita iudicem? facile nobis* *ex tè regarō & nō ὅρασμα γενόμενον.* Veterani venatores ceruum ex impresso vestigio dino- uerint: ego ex scriptiunculâ virum. Saluta quæso à me: & quoniam te serente, & sub tuâ velut manu, hæc amicitia surrexit, effice vt eodem te irrigante, augeat & crescat. Libellos nostros misimus, & in his Electa: in queis reperies amicam memoriam tui. Iure. quia amamus te, & æstimamus: quod velim à te mihi fieri, alterum certè. Vale. Nonis Iuliis. ∞. I. lxxxii.

EPISTOLA XLVI. *Vleralectum.*

EVERARDO POLLIONI S. D.

LITTERAS tuas & adiunctum Carmen, Euerarde, legi lubens. Alteræ memoriae mei; alterum diligentiam tuam testabatur: quam te non remittere in ipsis remissionibus, lætor. Et ita te dignum est. Quid ætatis sis, vides. in hoc vere, nisi virtutis doctrinæque feceris sementem, frustra cum æstas erit, exspectaueris fructum. Indoles tua ingeniumque ad alta te vocant, & sæpè Homericum illud instillant:

Πατέρης μυρόνος:

* *Omnis virtus memore esto:* nec nos monitores tibi defuimus aut doctores. Nisi sequeris & adsequeris, præter ipsum te, quem culpes? feriæ nostræ finem habent cum ipso Caniculae fine. Sub id igitur tempus te exspecto: sed ad Valerianum scitum: *Vegeta ingenia quo plus recessus sumunt, hoc vehementiores impetus edunt.* Vale. Lugduni Batau. vi. Idus Sextil. ∞. I. lxxxii.

EPISTOLA XLVII. *Antuerpiam.*GABRIELI ROELANDIO Ic. *mitto salutem.*

GRATAE mihi tuæ gratiæ: quas tamen ita ad me mittis, vt ipse eas non dimittas. Habitant enim apud te illæ Diuæ: nec aliud pectus magis amant, scio, inter meos Belgas. Fama ita mihi anteà dixerat: nec mentitam eam, firmant lepidæ istæ litteræ & litteratæ. Atque utinam post hos nimbos lux & sol aliquis tranquillitatis, in quo apricari nobis liberè liceat, & sermones sæpè miscere, non solum scripta. Voueo. quid sperem tamen nescio, cùm oculos deflexi ad hunc rerum statum: qui indies minus stabilis, & nisi à Deo aliquo fulciatur, (non enim à Gallo illo tibicine) ruet. Iani Guilielmi litteras accepi: paullò antè etiam librum *Quæstionum.* quem ego ita probo, vt negem aliquid melius in hòc genere vidisse ab aliquot annis. Rectam viam adolescens ille ingressus est: & ingenium in eo ac iudicium pariter magna. At tu mi Roelandi salue, quod vt mihi quoque magis magisque sit, litteris me tuis sæpè appella. Doufa, nisi fallor, scripturus est, quem sciére debes tui peramantem. Ad finem tuum Schuermannum saluta. Lugduni Bat. Non. Maiis. ∞. I. lxxxiv.

EPISTOLA XLVIII. *Viennam.*

CAROLO CLUSIO S. D.

ET salutem à te accepi, mi Clusi, & munera quæ Plantinus noster reddidit; bis mihi grata, quia & à te missa, quem tacito quodam sensu dudum amo, & quia missa in optatum mihi finem. Vis enim ea scientæ amicitiae esse, & offers velut arras quas libens accipio, & restipulor tibi scientè, eâ fide & officiis cultum à me in hanc nouam amicitiam, quæ sunt inter verè bonos. Talem enim te scio, nec minus integritate & ingenuâ quadam virtute clarum acceptumque, quæm doctrinâ. Atque utinam tempora aut conditio nostra permittant, minus longè vt absimus: non litteris solum beniuolentiam hanc foueremus, sed alloquiis & adspectu. Sed istud quoniam non datur, nec fortasse citò dabitur (augescunt enim hæ turbæ, & in isto mari cotidie maiores fluctus:) quod relicum est alterum amplectar, & te amicissime Clusi per chartaceum hoc æquor (vt cum poëtis loquar)

loquar) sāpē adībo, sāpē salutabo. Vale.
Lugd.Bat.Non.Maiis, &c. Iō. LXXXIV.

EPISTOLA XLIX. *Antuerpiam.*

IOANNI VIVIANO S.

VTRVMQVE libellum carminum tuorum accepi, mi Viuiane: gratissimum mihi & argumento & tersâ (ita sentio) versione. Sciunt experti, quām arduum sit in talibus & mentem scriptoris exprimere, & non abire à proprietate aut venustate prisci sermonis. quod vtrumque egregiè es adsecutus. Atque meo voto, poëtæ nostri alij laborent in similibus argumentis: quibus non oblectari tantū animi possint, sed instrui & iuuari: pietas & mores inferi, qui nimium exsulant ab hoc æuo. Itaque Prouerbia eiusdem regis, hortor te, accelerat & vrge; quibus ne in externâ quidem sapientiâ melius aliquid apud omnes Sapientes. Otium nōnne adest? Mercurius certè vester non calet. Mars vobis ante portas, & hactenus non nimis felix. Deus tamen ille mōster iuuabit: quem bonum & propitium semper scimus bonis, vt eumque externa ista cadant. Remitto muneri Constantiam nostram recusam, cum Epistolæ nouæ additione ad Lectorem. Dousæ non libellos tuos offerre potui, non salutem. abierat enim à nobis in Angliam peregrinādi causâ. De loco Iosephi nihil mihi in mente, præter adsentiri Ortelio. Sed nec in Serrato nummo iuuo multum: de quo tamen quid sentiam, iam dixi in Notis meis ad Tacitum, qui tantū non absolutus. Vale mi Viuiane, & pariter me ama. Lugduni Batauor. &c. Iō. LXXXIV.

EPISTOLA L. *Lugd.Batau.*

IANE HAVTENE

ALPSIO tuo salue. Suaues herè conuicias habuimus (auribus enim meis inerrat ille sermo) elephantos. Multa de ingenio eorum, deque mirâ indole, garriuimus: omnia iucundè, nisi quòd in plerisque indignabar haud plenam mihi esse fidem. Quid censem? madidum esse me? non fui. Quin siccus nunc & sobrius ingeram tibi eadem: & laudum hunc campum stilo paullò certius decurram, quām linguâ. Nōnne Hilariūm isti dies sunt? lubet ludere hunc lusum. Sed fides mihi priùs stabilienda veterum, quibus præcipue innisa

LIPSÍ

mea fides. Nonne mo enīam eam herè eleuabat: & nimios harum rerum aiebat fuisse, aut vanos. Itāne? quibus igitur hæc res notior? Nobisne, qui omni hoc nostro æuo vix * vnum vidimus, cumque pusillum, iuuenem, bonarum artium rudem: an illis, quibus cotidie bellua ea in ore, in oculis? quibus tam crebra de ingenio & moribus eius pericula facta, in bellis, in ludis? Habebant enim & docebant magnâ curâ, Afri, Asiani, Græci, ad prælia: Romani magis ad spectacula & Venationes. Quamquam Europæis tardè sanè innotuit; & * ἐλεφαρτες (Pausanias verba sunt) πρῶτοι τοῦ ἐν Εὐρωπῇ αἰγαλεόδρομοι: qui victâ scilicet India, intulit siue immisit. Sed ab eius tamen morte statim crebri: & transportauit in Italiam ipsam Pyrrhus, bello quod cum Romanis. Hinc quoque iam Romæ nobiles. & magis per Punicâ bella: quibus tanta copia, vt uno tempore centum quadraginta duos ceperit & in urbem miserit L. Metellus. Nam Critolaus apud * Plutarchum a- * In Pan- pertè mendax; qui à Paullo Aemylio, bel- leis. lo Pyrrhi, centum sexaginta Romam mis- sos vult, & quidem turritos. At postea sanè Romæ semper: siue capti, siue magis pre- tio parati ad populi voluptates. Vides initia, vides frequentiam. quæ magis expressa apud Plinium: quem, si voles, legi. De fi- de igitur veterum cur ambigimus? Nōnne nouerunt hoc animal? intimè atque optimè. An fallere nos voluerunt de compacto? nec potuerunt quidem, in re cotidie om- nium oculis sensibusque expositâ: & in qua miracula milleni aliquot homines simul vi- derunt, id est theatra tota. Ista ipsa ætas fi- dem fidei illorum struit, etsi in alio illo or- be. Lusitani nauigationibus suis terras eas aperuerunt, in quibus animal hoc cre- brum. Insula Madagascar eos habet, & qui- dem Indicis maiores: habet Zeilam, vbi venales sunt miro modo. ad mensuram enim admetiuntur, vt pannos, aulæa, te- lam: tanti palmos singulos. ita cum ma- gnitudine pretium crescit. Habet prouincia Malabar, Goa, & tota illa ora: itemque regnum Beniamen inferioris Æthiopiae, sed omnes (quod notes) albos. Qui adie- runt, qui viderunt; eadem aut similia nar- rant de ingenio bruti huius non bruti. Quæ vt serio aliquando noscas ac, credas: cape à me de naturâ eorum & moribus. quæ nihil aut paullum ab homine abire, miretur ali- quis, imò indignetur. Sed priùs vniuersè cominc-

* illis, qui anno LXXII dona Ce- lari missis ab His- paniam regis.

* Eleph- tes primi iner Euro- peos Alex- ander ba- tuis.

In Pan- leis.

ac sine morâ nanim traxit in mare. Trepidas ad hæc, & nutas? Age, age, mouebo tibi in isto exemplorum mari magis maiores fluctus: & ambiguum relinquam, non dicam an hominem capiant, sed ad hominem imò supra hominem sapient elephantes. Dixi enim de priori limite, qui discrimine obscurè: alterum vide, Rationem. quâ ego omnino carere me fateor, si prorsus ille. Audi igitur è Plinio, quæ huc spectant. Ait:

Imperiorum obedientia.] Clara, & quam nemo neget. Semel domiti, omnia ab homine, & pro homine perférunt: & tan-ta illa moles vel à pūsione regitur ac dirigitur tredecenni. idque sine vi, bacillo tantum (καλεῖται in Philostrato scriptum) aut leui ferro. Et quid non imperentur? etiam iugum subière, & traxère currum. Oppianus id tradidit, & Romæ primus ostendit Pompeius, ac posteà sæpè Principes securi. Numini docent. Tertia in Plinio laus,

Eorum que didicere memoria.] Tenax sane memoria, & ad humanam, vt mox dicam. Sed ingenium Plini cur omittis? Prævaricaris in hac causâ: quia si vlla propria & magna iis laus, hæc est acuminiſ & ingenij, de quo, te silente, non ego silebo. Ingenium igitur iis docile, facile, flexible, aptum ad omnes artes: & artes Belli dico, siue Pacis, Quod vide mihi, & disce, è paucis his effectis. Ac de bello, quis non ingenium eorum admiretur: siue cum belluis pugnam, siue in homines iussu hominum habent?

*Aelian. vi. cap. lvi.

*Aelianus vii. cap. xxxiv.

* Libello Nōtrepe Tār. Σ. cap. * Aelianus lib. vii. σοτηρίου γερουσίας ταναγρ.

* Lib. xiiii. cap. xxii.

dam corporis custodes, atque ita agere, ut alternis in stationem succedant, sine somno quidem aut conuentiâ oculorum. A peritissimo milite, dic sodes, quid aliud exspectes? iam quanta fides eorum in dominos, quām ad extremum spiritum pro iis pugnant; satis tibi clatuerit vel ex uno elephanto illo Por. qui decantatus: & ab eo disce omnes. Hæc de belli artibus. At in pacis; quid hominem doceas, quod non istos? Quorum tanta in discendo (*Ælianî verbis & sententiâ vtar) * Lib. ii. cap. xli. Obiecta ratiō & facilitas.

* Διπλοὶ εἰς διάδημα, vt eas disciplinas artesque hauriant, quas ægrè hoīo ipse. Circa corpus, circa animum hoc considera. De corpore: conformant id ad omne in ex arte motum aut gestum. Ingeniculare, submittere, & adorare reges docentur. * Aristoteles: Πόλλα τὸ επιδέιν τὸ ξεύποντον εἶναι επεργα- * II. Hist. cap. xlvi. ξεύποντος διδάσκοντος τὸ πατερία. multa erudiuntur & sciunt, quando & regem adorare condiscunt. Saltare etiam & choreas ducere. * Plutar-chus: Ορχαστική μαθήσαι, καὶ χορεῖσαι, καὶ παροχεῖσαι: saltationes discit, & choreas, & adora-tiones. Ad scopum iaculari, armis uti, nata-re. Strabo: Οὐτως δὲ επιδιδασκότες εἴδη, οἵτινες καὶ λιθο-ζεῦς οὐκοῦ μεντόντες, επίδοις γενόντες, νεῦ τοι καλ-λυτοι: adeò autem mansueti, vt τὰ lapides ad scopum iaccere, arma usurpare, & naturae opti-mē discant. Vbi tamen τὸ νεῦ siue Natandi verbum mihi anceps: quia nec alteri id tra-ditum, & alienum à naturâ elephantis qui aquas profundiores horret. Ventilare, gla-diatores militaresque motus edere docen-tur. Plinius: Vulgare erat arma per auræ iace-re, non auferentibus ventis, (vt scilicet iterum iacta recipere). gladiatores congressus edere, aut lasciviente Pyrrhice colludere. Denique in theatris eos gestus effingere, quos vix Pyla-des aliquis aut Bathyllus. * Plutarchus: Εγώ * Libros τοὺς θεατὰς επιτείχους χρηματανεῖσθαι καὶ μεταβολαῖς τῶν ζωῶν. ὃν εἰδεὶ αὐθερπίας μετέσαις τὸ ποτίλον καὶ περιττὸν οὐ μηδὲ καθεξεὶ παρέσθη πάντα πάδια εἰστον. In spectacu-lis ostendit elephas eas gestum figuræ & va-rietates, quarum copiam atque concinnitatem difficile sit humanae velli industriae exprimere aut memoria complecti. Itaque & funambuli elephanti reperti sunt, irritum vobis he-re & explosum. * Plinius: Postea & per fu-nes incessere. * Iterum: Mixum maxime, & ad-uersis quidem funibus subire, sed regredi magis, utique pronis. Quorum verborum mens: quod & ascendat per extenos funes aduer-si: & regrediantur etiam per eosdem proni. * Seneca: Elephantem minimus Æthiops iubet * Epistola subcidere in genua, & ambulare per funem. * Lib. viii. cap. xi. Eod. lib. cap. iii. Sueto-

Suetonius Nerone: *Notissimus eques Romanus elephanto insidens per catadromum decucurrit.* id est, per funem in theatro extensem; interprete Dione de hac ipsâ re: *Kαὶ ἐλέφας, οὐκοῦν τὸν αὐτότερον οὐδὲ τούτον εἶδε, τὴν δὲ εἰσιθεῖται ἐπὶ γονίων κατέδειπον, αὐτούτῳ φέρετον.* *Elephas ad superius theatri fastigium consernit, atque illinc perfunes decucurrit sefforem ferrens.* Quod genus spectaculi primum exhibuisse Galbam, qui posteā Imp., Suetonius idem monet: *Prætor, inquit, commissione ludorum Floralium nouum spectaculi genus, elephantos funambulos dedit.* Et quæ frons vlt̄a obduret contra tot & tales testes? Atque haec tantâ curâ & intentione discut (id quoque valet ad vim testandam & indolem acrem animi:) vt sæpè deprehensi sint noctu velut dictata sua ruminantes & meditantes. Plutarchus cum Plinio mihi auctor, quemdam tardioris ingenij, & verbis verberibus que malè sæpè acceptum, inuentum ad Lunam gestus illos & motus præscriptos exercentem. Grandia hæc, grandia: tamen de illis artibus quid dices, que non nisi propriæ videntur humanæ mentis? Legere aut scribere, quis ab homine sciunget? ego: nisi si elephas inter eos. Nam is quoque scribit, Rides? time potius. ænulus mi Hautene repertus muneris tui, & tuæ artis. Plinius è Muciano clare adfirmat: *quemdam Græcas litteras pingere didicisse, eaque lingua scriptissime: IPSE EGO HAEC SCRIPSI, ET SPOLIA CELTICA DICAVI.* Et Philostratus: *Scribunt igitur, atque tripudiant, & ad fistulam saliunt.* Quòd si hos duos testes eleuas (herè ita memini)* Æliano quid facies, qui oculis suis id spectasse pænè per oculos suos iurat? *Vidi, inquit, ego ipse quemdam in tabulâ litteras Romanas promuscide scribentem,* rectè & non contortè. Quintiam cum scriberet, oculi eius cum rigore deiecti in tabulam erant: ut planè intentos diceret scriptitantes.* Sed iam concludam hæc de artibus, insigni & nimis certo exemplo, cuique milleni aliquot oculi spectatores: munere, quod Romæ publicè dedit Germanicus Cæsar. *Plinius tangit, & magis vbertim narrat* Ælianu: exque iis ego. *Ludis igitur illis, Tiberio Principe, duodecim elephanti theatum inducti sunt sive Circum, induiti floridas & histriónias vestes. Ac primum ad vocem Magistri diuidebantur in diuersas Circi partes, inter eundum molli & saltatorio gressu inundantes: iterumque ad eamdem vocem coibant, & efficiebant saltatorium quemdam orbem. Sed & flores spargebant, &*

corollas, & ad cantum terram pedibus leniter & numerosè pulsabant, & omnia præstabant que peritissimi luditorum. Jam uidem (quod insanum mirum) docti mensas accumbere, cibum potumque sumere, parcè, modestè, ordine, humanum in modum. Letti erant humiles (agnoscis Romanum ritum) instrati purpurâ & auleis: mensæ ad eos, vario & dapsili instrumento: disposita pocula aurea, argentea, minuta, grandia: cibi in lancibus, panis, caro, fructus. Ecce ingressi duodecim elephantes, sex mares, totidem femine: illi togati, hastolata. De corè & verecundè in lectis se reclinant, mensam accumbunt. tum signo dato (non enim antè) in mensam promuscides sive manus suas extendunt: summâ modestiâ cibos capiunt, delibant. non voracitas vlla in iis, non aviditas visa, non majoris meliorisve partis appetitio, preceptio. denique cum bibendum, pateram pueri porrigebant: siue promuscide eamdem genialiter hauriebant & (iucundæ potionis hoc annexum) reliquis vni circumstantes aspergebant, velut cottabum facientes. Hæc meis verbis texui, sententiâ germanissimâ Æliani. Et effare. potuitne spectaculum magis ad Gratias, ad Venerem, ad Naturam? cui virtutem his oculis arbiter paullisper ego! id mihi ante omnes theatrorum opes, luxum, nugas. Atque hæc nisi promptissimi cuiusdam & acutissimi ingenij signa sunt, tardus validè & cæcus ego. Quid illa, quæ non à doctrinâ insita sunt, sed emicant & subsiliunt naturæ ipsius sponte? Cuiusmodi spectata in iis sæpè, ad prodigium usque, sagacia & acuta. Quale illud *Plutarchi: *In Syriâ elephas quispiam alebatur. seruus curator additus, tunc cotti die de dimenso subtrahebat, & dimidio belluam malo furto fraudabat. Forfuit, ut herero præsente cibum daret: & admensus igitur est totum. Elephas ut iniuriam diu sibi factam, quæ posset, detegeret, accuratè hordei partem separat: dimidium sibi seruat, altero repulso. quid nisi clamans, calidissimo inuento, illud diarium sibi hactenus fuisse?* Alius (refert idem scriptor) cum rudera & terram magister ad explendam mensuram pabulo idem idem misceret: *fraude fraudem hanc ultum iens, in ollam eius carnium plenam, è foco correptum cinerem iniecit.* Sed exemplum quod ab Acoſta, fidem omnem superat, etsi scriptū ex fide. Palam enim & spectante populo res gesta est. *Elephanti cuiusdam in urbe Cochinchina ad horam cibus non oblatus. Queritur, & barrit. Magister excusat, & vas æneum eius cibarium ostendit perfluenſ & pertusum: cauſam hanc mora esse,*

D

quod

quod cibi non ultrà tenax. iubet igitur, si esse velit, ad fabrum ærarium ferat reconcinnandum. Ille paret, promuscidè aufert, fabro offert. Faber sine per neglegentiam, siue ludos belluam faciens, infideliter reparat atque obstipat. Elephas refert, herus ritum videt, & indignatur. inclamat illum absentem, hunc præsentem: denique redire iubet cum illo ipso rite. Facit. & fabro querulus impingit. Ille homo suavis iterum imponere conatur, & admoto malleo claudere rimam simulat, non claudit. Nec tamen imponit. nam ille catus lebetem resumptum ad flumen defert, immergit, & aquâ implet periculi faciendi causâ. Videt effluere. Plenus igitur irarum ad fabrum recurrit, intonat magnâ voce. Confluunt vicini, & inter eos Vicarius regis. Faber blandis verbis demulcet (nescio an vltra audeam dicere) belluam: & was denique sumit, & refingit probè atque ex fide. Sed ille ne tum quidem fidens, iterum ad flumen, & ad haustum. dum contineri aquam videt, revertit se ad adstantes & ostendit, velut testes eos aduocans in hoc factum: ita demum abiit domum. Quid addam? nec verbum: quia reverà datus sum in stuporem. Et cur iam * Äliano non credam, qui iure optimo duplex cor tribuit tam cordatis? Sed satis ad ingenium ista: redeo ad Plinium meum, qui suggerebat

Memoriam.] Ea autem pars tam magna in hoc animante, ut homini non dicam nihil cedat, sed eum excedat. Vnum exemplum vetus dabo, pauca noua. Michaël quidam Glycas inter Græcos, Annales scripsit haud improbè nec indecenter. Is in parte primâ prodidit: *Elephantum quemdam cùm in Circum deduceretur, sedentem in foro ad Milliarium aureum Magistrum ferarum, subitâ irâ atque impetu interfecisse. Caussam non aliam violentia fuisse, quam quod ante annos totos decem, eodem in loco, idem Magister, eundem elephantum ferro percussisset. quam iniuriam tot annos recondens, tunc demum iussisse ultum.* Aliud ex Acostâ: *Miles quispiam in urbe Cochinchin elephantum, per lasciviam, in fronte putamine nucis percusserat: (grandem illam Indicam intellego, quam incolæ Coccum appellant.) Elephantus putamen studiosè tollit: illud, atque iram, recondit. post dies plusculos, in via quapiam publicâ obambulantem militem conspicit. accedit, & elatum ex ore putamen, promuscidè suâ acriter in illum coniicit. tum exultabundus abiit, quasi talione illâ iniuriam probè vltus.* Iterum ex eodem: *Miles elephantem in eadem urbe cum rectore obuium*

habuit. noluit decidere. elephas suam & rectoris contumeliam id interpretatur: vlcisci tamen à rectore prohibetur. Post dies aliquot, in ripâ Mangata fluminis (id urbem alluit) militem fabulantem otiosè repperit. Cum rector non adesset, corripit illicè hominem, in altum tollit, nec precibus nec clamore adstantium motus, aliquo- tiens flumine mersit, alleuans subinde & demittens: Cumque lusum eum satis diu lusisset, contentus hac vindictâ, hominem rite sue iam diffidentem, rectum & illæsum desituit eo ipso loco unde sustulerat. Sed hæc in deteriorem & vindicem partem Memoriæ exempla: ecce etiam in beneficam & benignam. Acosta idem mihi suggerit: *Elephantum in urbe Goâ fuisse, qui annuo illo & solenni furore correptus catenas abruperit & vincla. Fugientibus omnibus, seruulum quempiam qui vlnis infantem dominicum gestabat, in ædes properè irrupisse, oblitum sarcinae quam deposuerat in illâ trepidatione ante ædes. Elephas adest mortem omnes & obtritum pueri exspectant.* Ille contrâ, manu suâ leviter attollit; in humile teatum, quod è regione ædium, collocat, respectans curiosè, satine puer illic sine damno. Dein furibundus cursum suum exsequitur. Id datum omnes interpretabantur veteri beneficio; quia mulier earum ædium domina & infanti mater, elephanti transiungi sepius panem aut fructus obtulerat. Et alia quædam legere tibi fas, si lubet apud eumdem Hispanum. Ego in Plinio pergo, qui admonet

Amoris.] Quod ipsum iure mirum. Nam sicut Sermo & Ratio homini peculiaria videntur, sic certi quidam Adfectus. Inter quos audius ille & varius amor, proleni tormento, soli huic animantium datum. Sed abnuit elephas, & hac quoque parte sociat se nobis. Serio enim amat. Trinita & nota * historia est illius qui Aristophani Grammatico præbuit se riualem. Vterque enim Alexandria in Ægypto corollariam quampiam amauit. nec minus studij aut ingenij elephanto fuit ad declarandam & mitigandam suam flammam, quam illi acuto & litterato. Forum, in quo ea desidebat, crebro adire: adsistere, suspirare, poma aut flores offerre: manus intra sinum blandè penetrare: & ea omnia, quæ Venereus aliquis nepos. Alia similis in * Äliano. In Antiochiâ urbe Syrie, elephas inter cicures more suo ad pastiones iens, vedit fortè mulierem haud inscitam, pariter corollariam. Vedit, periit. Assiduus ille apud eam; promuscidè faciem, manus, lambere, tergere; & quacum-

* Narrat
Plinio c.v.
& Plutar-
cho, in li-
bello Πέ-
τρα τοῦ
ζεων.

* Lib.vii.
cap.xliii.

*quacumque poterat, blandiri, insinuare. Quin & illa redamauit, corollas & flores aliasque amoris illecebras sèpè offerens. Cùm perseverasset mutuus hic amor, mulier ecce ad plures abiit. elephas desiderium non tulit, nec mentis suæ ultra compos datus est in furorem. Sed & honesti fidiique amoris non deficiunt me exempla. Habe vnum. * Antigono regi elephas famina fuit. Euénit vt in obsidione opidi Megaren sis, puerum páreret vxor Indi elephatistæ. Is suâ linguâ commendat infantem inter bellicas turbas elephanti (ita nomen eius fuit) Nicæa. Capit illa serio in fidem: & omnia officia exhibet, quæ piissima aliqua nutrix sive mater. Infans ante pedes eius deponi debebat. nisi fieret, cibum non capere, iram omnibus signis ostendere & dolorem. Gaudere contrà, eo adiacente. & tum cunas mouere ad oblectandum, aut somnum conciliandum; tum ventilare & pellere muscas. quod faciebat sanè scitè, arundinis ramum promiscide suâ motitans. Atque hæc officia interdum etiam usurpabat elephas maritus. Pergit Plinius, & addit*

Gloria cupiditatem.] Qui sanè ipse affectus hominum proprius; & inter eos, animæ cuiusque maximè sapientis. Exempla eius in hac belluâ pluria. tu vnam vetus à Plinio cape, nouitum alterum ab Acostâ. Plinius: Erat, inquit, Antiocho regi elephas, cui (ita enim hominum canumque exempla distinguuntur) nomen Ajax. Is dux plerumque agminis, generosus, celsus, & velut rex in regio illo grege. Euénit vt flumen transmittendum esset. renuit infelix, & malè suâ sorte Ajax. Pronunciatum enim illicò à Magistris, Principatum eius fore qui prior transisset. Intellexit, & arripuit Patroclus (hoc elephanti alteri nomen) fluuiumque transmisit. Premio igitur donatus est; phaleris argenteis, quibus mirè gaudent, ornatus, & velut in possessione positus principis loci. At Ajax noster properè ab hoc Ulysse circumuentus, fatum etiam qua potest, illus veteris exsequitur: & mortem ignominiae preferens, inediâ se confecit. Acosta autem inquit: In litore vicino urbi Goz tormentam grande æneum communendum erat. conatur elephas: non potest. Instigante magistro & duos iuniores elephantes ostentante, qui id facerent ni ipse faceret: iterum iterumque conatur, tanto nisu, ut medius illicò creparet. Endum gloriam illam præceptum alteris iuit, miser sibi vitam. Sed prosequitur laudationem suam Plinius, & adiungit magis alta. Est enim, inquit, elephantis, quæ etiam in homine rara,

I. LIPSI Operum Tom. II.

Probitas.] Ergóne virtutes elephanto? virtutes. vt nequid scilicet ad perfectum, omnibusque numeris hominem, desit. Et de probitate, planè verum est. Innoxium enim, pudens & pudicum hoc animal: probæ mentis, probi oris. Vis ei vt omnibus noceat; vt nemini, voluntas. Homini occurrit?

**vitam non adimit: ostendit viam. Feræ alteri transit. Quin nisi irrites & impugnes, nec in Arenâ quidem excitabis ad lœdendū. In magistros rectoresque suos mira illis pietas. * quos aliquando per calorem aut furem imperfectos, ita luxuriant, vt inediâ interficerint sese ipsi. Eadem in natos: quos, *vrgentibus venatoribus adeò non deferunt, vt millies capi, cædi, malint, quām ipsos. Adde reuerentiam in grandiores & senes. quibus de * loco, de potu, de cibo iuuenes concedunt, bonæ suæ Naturæ legibus, non Lycurgi ullis minis adducti. Adde pudorem, & castitatem. quia non nisi occulte & siluis tecti coëunt, & sanè rarenter. Nam quod Plinius, & ex eo Solinus prodiderunt,*

*non amplius quām semel párere, nec plures singulis: validè refutat ratio. quia si vnu saltem è duobus: iamdiu, minuente numero, defecerit id genus. * Ælianu tamén usum Veneris semel item iis tribuere videtur. Sed ea ex Aristotele hausta, malè aut lecto aut intellecto. Nam * ille hoc tradit: Marem quam semel inierit, non ultra tangere. interposito tamen triennio coitum repetere, sed nimis in aliâ. Fæminarū vterum biennio gerere, párere singulos. Strabo etiam de initu eorum & partu, magis cautè & verè. Adtextur in Plinio*

Prudentia.] Quam non dilato, satis mihi in Acumine & ingenio dictam & doctam. Ostendunt tamen & hanc propriè in Acie instruendâ, in tardandis secutoribus fracto abiectione dente, in fluuium transmittendo. quæ apud Plinium, Philostratum & Ælianum vide. Sequitur

Æquitas.] Quam in se, quam in aliis amant. In se, exemplum à Petro Bellonio narratum Clusio nostro. In Asiaticâ, inquit, peregrinatione nostrâ hospitiū diuertimus medio iam die, & acri æstu. In comitatu nostro elephas erat: in hospitij stabulo viatoris alicuius asinus, quo ipse vectus. Comedebat forte hordeum, magno illo ingrediente: qui famebat. Itaque stimulo illo impulsus, asinum pellit, ipse hordei reliquum audiè inuadit & vorat. Superuenit mox elephanti dominus, dimensum suum hordeaceum, de more, elephanti offert. Ille,

D 2 spe-

* Plinius
cap. iv.

* Strabo
tradit, lib.
bro iv.

* Aelianus
lib. vi. c. xv.

* Lib. viii.
cap. xviii.

* Lib. v.
Hist. Ani.
mal. c. xiv.

spectante hero & ipso Bellonio, memor iniuriæ & rapinæ, reparatum statim it, & diuiso in duas partes promuscidè suâ hordeo, alteram asino procul stanti & mussanti offert. Atque ille & iste suas deinde partes edunt. Vis æquius aliquid aut iustius? sed amplius, retegunt scelera, amore isto Iustitiae, & alienas etiam iniurias vlciscuntur.

Historiam Æliani duplè te non celo.

* Lib. x.
cap. xv.

* Narrat Romæ euenisse, Imperatore Tito: *vt vxor elephantisæ malo iure cum altero mæcharetur. Videt elephas, non fert domini hanc iniuriam: irruit, & in ipso complexu, vitrumque dentibus transfigit. Denique prouidè ita copulatos relinquit, stragulo tegit. Et cùm dominus aduenisset, stragulo reiecto facinus ostendit, & se vltorem. Hoc pro magistro, sed probo.*

* Lib. iii.
cap. xvii.

Narrat * iterum in illum, sed improbum. *Fuisse magistrum elephanti, qui adulteraret. nec contentum furtiuâ libidine, vxorem suam claram sustulisse, & ad praeseppe elephantis sepelisse, alterâ illi mox induetâ Elephantum hoc scelus tacitum non habuisse. vxorem nouam illuc traxisse, & cornibus pedibusque refodisse cadauer, tantum non rebus ipsis mulieri inclamantem, cui, & quomodo innupsisset. Extrema laus est*

*Religio.] Quam veteres omnes tribuunt consensu. Lustrari aquâ, orientem solem ab iis adorari, * Plutarchus & * Ælianuſ mihi auctores: Lunam nouam, Plinius & * Ælianuſ. Sed & hoc ad Religionem, quòd mortuos è suo genere sepeliunt, & prætereuntes iniiciunthumum. Ælianuſ ille idem hoc tradidit libro i. cap. xl ix. Homines ecce, mi Hautene, elephantes feci; Sermone, Ratione, Adfectibus, Virtutibus præditos: quid superest, nisi vt etiam diuinos? diuinant enim. & Oppianus de hoc animante dixit:*

Μαντικὴ ἐν σηθεσιν ἔχει κέαρ.

Diuinum cor habere in pectore.

additque præscire eos fatalem suam horam.

* Dion amplius, scientiâ eos ornat cælestium rerum. *Ηδη γάρ τοι, inquit, καὶ εἰπεῖν εἰπω, δοῦ περὶ τῷ τῆς φωνῆς τὸ πατεμάτιον θεοῦ αὐτὸς ἐπαιῶν, καὶ τῷ τῷ σέωφι γεωργίᾳ συνάσσων. Quidam hoc etiam aiunt, eos, præter quòd sermonem patrum intellegunt, scire etiam quæ in cælo gerantur. Sed inter quosdam illos, ne te fallam, non ego. Habes lusum, natum non importunè mihi ex hesterno lusu & ioco inter vi na. cui vt seria multa & vera inesse nihil ambigo, ita quædam maiora vero: nec vsque quaque in his talibus veteres illos Fidei littasse, facile tecum credam. Quis enim tam*

magni oneris sit, vt quidquid illi imponunt; vehat? Nec tamen mali quidpiam in istis, etiam falsis: quia innoxia mendaciola sunt, & volente deo Risu nata. Qui si te non aspexit dum hæc legis; iamnunc me imponente licet usurpes cognomen prisci illius Crassi. Iterum salve.

E P I S T O L A L I.

I A N O L E R N V T I O S. D.

IPSVM pectus mihi commouit series malorum, quæ es passus. Heu homines, quid sumus? quid speramus? Atque ego sub idem illud calamitatis tuæ tempus, nescio quo instinctu, in Saturnalibus meis adfinixeram orationem tibi de incertis casibus vitæ. Sed benigno Deo gratia, qui concussit te, non deiecit: ostendit vulnus, & non impressit. Vtile enim, mi Lernuti, vtile, admoneri nos interdum à summo illo Principe & imperij illius, & fluxæ nostræ conditionis. Nempe quid est homo? lutum, vt ille ait, scitè mixtum. quid vita? hæmina vna sanguinis: quam quilibet leuis casus rumpit, quælibet febricula corruptit. Solus animus & eius actiones æterni. Vides pulcherrimum hoc mundi corpus? ruet aliquando. Vides hanc Belgicam nostram? iam ruit. ne indigne mur interitum aliquot hominum, cùm cadauera futura sint cæli terrarumque. Saturnalia nostra credo te accepisse. primam dic partem, quæ de Gladiatoribus. Nam reliqui sunt aliquot libri, De Venatione, & Circo: in quibus etiam tuus sermo. Iudicia vestra liberè, liberè, velim adscribi: vt mutemus, si quid tale erit, iteratâ editione. Iubebo enim, si otium aut valetudo mihi constat, simul excudi omnia quæ ad ludos Romanos. Nunc molesti mihi quidam nomine Ordinum, vt Grammaticam conficiam, quæ legi possit in Belgicâ vniuersâ. Ride, si sapis: & vide quò me vocent isti. Apud vos miles, vt audio, & turbæ. Si ita est; quid si expediās te ab eâ vrbe, & secedas in hæc loca sub Neptuni regnum? Nam terrestres dij, parūm nobis æqui. Cautè id fiat tamen, & circumspetè. Nam & apud nos nescio quid turbellatum, ab iis qui pax deberent esse inundo: at illi fax sunt. Vale mi suauissime, & aut me exspecta sub æstatem, si quies illâc; aut ego te, si hîc. Vxorem saluta à me ex animo, & tua pignora dissuauia. Victorem nostrum silere ita miramur, vt suspicio sit ne

ne & ille penetrauerit ad loca silentum.
At tu eum saluta, & è veterno excita. Salutat te Dusa, Hautenus. x. Kalend. Febr.
∞. Iɔ. LXXXII.

& erige in his turbis & confusione rerum.
ix. Kalend. April. ∞. Iɔ. LXXXIV. Si quid ad
me voles, mittes tutò ad Plantinum.

EPIST. LII. *Romam.*

FRANCISCO BENSIO S. D.

DEVM ego testor, vir optime, vt in solo nomine tuo lecto exsili: quanto magis in commemoratione amoris, quem integrum in uiolatumque seruari apud te cognoui! ita enim ad me scribit P. Egmondus: quem certum mihi, amatum anteā, vel nuntij huius causā, magis amare. Non enim dissimulo. verus & vetus mihi in te affectus est, hæresque mihi in arcano isto penetrali. Genus vitæ mutasse te audiui: quod salutare tibi futurum omnino confido. Et reuerà, mi Bensi, quid hæc humana sunt, nisi iactationes & fluctus? in quibus nihil firmum sit, nisi ad anchoram ea alliges veræ Pietatis. A me quoque abiit illa iuuentus: & vna mihi hæc cura, vt quidquid hoc est æui, in virtute & seriis iam studiis traducam. Publicè id testari cœpi: & edidi nuper De Constantiâ libros duos, qui pietatem (nisi fallor) aliquam præferunt, et si priscæ Philosophiæ velo. quos ad te mitto, non vt inspicias modò, sed iudices: & liberè me moneas, si quid exorbitans in iis aut minus rectum. Nec amantis affectu iudicabis, sed vt apud Pindarum est,

*Sensensius
vñis & si-
gida Rada-
mibi.

* Βελγίς ē ὁρθαῖς Ραδάμιστος.

Hoc omnino peto. M. Antonium Muretum (ex animo dico) amo æstimoque. minus promptè id ostendo, quia quædam in me ab illo non amica. Ita enim inoneor litteris multorum. Quo meo merito? nam ego te iudicem non defugio, qualiscumque ea est, litis. Tacitum edidi. quid ergo? an illius? quæ h̄c iniuria est, si campum eumdem Famæ decurri, sine fraude? Sed mihi iam ista non magna: & reuerà pudeat me verba consumere in talibus rebus. Nati ad maiora & meliora quædam sumus, & ego & Muretus. Quem tu quidem à me salubris, & animum hunc illi firmabis volentem semper eius & amicum. Ita me posteritas amet siue æstimet, vt ego illum. Constantiam nostram vt cum eo communices, volo siue iubeo: cuius exemplar etiam à me exspectet. iam enim recuditur. De Amphitheatro ante paucos dies edidi: & mittam. Tu quæso me ama, & interdum solare

L. Lipsi Operum Tom. II.

EPIST. LIII. *Romam.*

M. ANTONIO S. dico.

CA V S S A mihi scribendi nata ex tuis ad Plantinum litteris: quas cum gaudio vidi, cum motu animi legi. Vel in manu tuâ conspectâ lœtabar: quanto magis in hoc animo, & tam insigni testimonio amoris? quem si à quoquam mortalium, à te certè volo. Ita adolescens iudicaui, ita nunc, consensum queindam esse conspirantis iudicij nostri & naturæ. qui ad coniunctionem, quæso te, valeat; non ad æmulationem, aut, quod pudet me dicere, simultatem. Et fuere tamen improbi homines, qui id sperarent: à quibus alia quædam ad me delata olim, non nego. sed vana, falsa, vt nunc video; & quibus caput homines non profesti solùm, sed vtrique nostrum infesti. Ea, per communes deos deasque, obliteremus mi Amice: & beneficiis inter nos certeimus, non querelis. Electorum librum iamnunc vulgaui: paro Saturalium sermonum, & de vitâ ac scriptis Annæi Senecæ. quem nec inuitus ad te misericor, quasi vadem amicitiae coëuntis & sanescientis. Etsi quid in eâ ægrum? nec aliud peccatum vtrumque, quæam cessatione, & amicitiae, vt sic dicam, inusu. Quod ipsum emendemus. Viximus amicissime vñà, viuamus porrò & moriamur. En ego ille, cuius ingenium & os coram probasti: nec a morem absentis requires profectò aut fidem. Te vt euindem sperem, faciūnt paucula, sed impressa & signata epistolæ tuæ verba: quæ ruminor identidem & examino, vt solent amantes. Vale. Lugduni in Batauis, ad magnum & sine terminis mare. III. Kalend. Decemb. ∞. Iɔ. LXXXI.

EPISTOLA LIV.

ABRAHAMO ORTELIO S. precor.

PER fidem, Orteli, vt tu vtrumque largus es, & amando, & donando! Misericordia ad te nescio quid munusculi nuper, Amphitheatrales meas nugas: tu rependis illicò & reponis, sed verum amplumque donum, THEATRVM tuum. Ad tutelarem Prætorem ibimus? Profundis enim tua, & quidem valde * aquæ & ræfæ: cùm pro libelo,

* immensa
mensura.

D 3 lo,

lo, libros; pro ludis, seria: pro orbiculis Arenarum, diffusum istum terrarum Orbem admetiris. & eum ipsum in triumphali veste, purpuratum auratumque. Quid censes? donis magnis capi me? non magis quam numina (si comparare fas:) quae ut voluntatem solam in oblationibus metiuntur, sic ego. At ea in te magna: & ideo munus tuum iure mihi magnum. Vtinam hic quoque animus aliquà tibi liqueat! in quo acris flamma, sed per nullam occasio-
nem erumpendi, adhuc clausa. Quod vereor, mi Orteli, ut breui quoque vestrae vrbi sit. Quae enim istae pontium moles, quas audimus? aut quid parat nouus ille Xerxes? Non ego * καὶ πρώτων στάσιων, cuin Aristophane: sed maior profectò est & prudentior opinione nostrâ ille Princeps. Hoc ipsum opus quanti animi est? prisci, & Romani. Ac compedes profectò Poliorcetes ille iniiciet indomito vestro Scaldi, nisi quid subueniant filij isti Neptunini. Batauos & Zealandos dico, qui tamen lentè accurrunt, nec ut ad socialem flammatum. Heu * καὶ πρώτην προσπέμψεις! & falsa vobis vita, si aufertur hoc salutum. Quid suadeo igitur? fugam, sed non ab vrbe, mi Orteli, aut solo patrio; tantum à vulgo. Ad Constantiae nostræ asylum te voco, & ad arcana illa Sapientiae templæ. Cuius tectum si seimel subis & penetras, tectum ego sarcumque te habeo ab omni vi, ab omni hoste. Salus missa à Dudithio, Cratone, Monauio, mihi grata: quae tres stellæ in vnâ iam vrbe, valde illustrant Germaniæ illum tractum. tu quoque à me remitte. Viuiani nostri poëma vidi: valde mihi tersum & probum. Sed Itinera-
rium vestrum quando ad nos? Ne preme. & quod boni prouidiique patres, si tibi ob-
sideri visum, emite saltem hanc prolem. De * Chirio Fortunatiano, indagatio tua noua. adeò autem mihi ille non visus, ut nec auditus. quin ipse vltro peto, si alicunde eruis, concede usuram. Ad Scottum no-
strum scripsi. en litteras, quas mittes, & a-
morem nostri non dimittes. Lugd. Batau.
iv. Kal. Ianuar. 15. LXXXIV.

EPISTOLA LV.

HENRICO WILTIO S. D.

VERE existimas. officium mihi fuit tua scriptio, imò beneficium: quia & amoris tui in me index, & diligentia, quam intermitti à te in hoc otio gaudeo, non di-

* Cauda
blandiens
sive adul-
lans.

* Crater
malorum!

* Scriptit
de Imp. olim, &
exemplaria
in Italia
edita, sed
per pauca.

mitti. Adde amicam in uitationem tuam: cui quòd hoc tempore non pareo, ab occu-
pationibus meis est, non à voluntate. Nam animum si consulo; reuerà ambit esse ist-
hic, & regustare humanitatem vestram,
quam anno superiore pleno ore hausí. Sed ita conditio mea est, vt mos mihi potius alienis cupiditatibus gerendus sit, quam meis. Impedimenta, quae desubitò mihi nata, scripsi ad Pollionem: nec hīc itero. Itaque quod benigni creditores solent, volun-
tate meâ sustentaberis, & illam nunc ac-
cipes in solutum. At te, mi Wilti, hortor (quod in extremâ epistolâ tuâ prudenter scriptum) cogites, quam in præcipiti cursu ætas tua sit: nec facilè facturum te messem, si in hoc iuuenili vere neglexeris facere se-
mentem. Sementem dico, & virtutis & do-
ctrinæ. Ad utramque enim te voco. quòd hæc sine illâ damnosa: illa sine hac, parùm decora aut ornata sit. Aures tuas sæpè in-
sonet illa Democritici, ut opinor, laudata vox: * Πολυτελέσατε τὸν αὐτολόγον χρόνον. Ut in flu-
mine vnda vndam trudit, nec vñquam re-
uocas elapsam: sic in tempore dies dieim,
ne reparas amissam. Cogita, & vale. Pa-
rens tuus à me saluebit, & noster Canterus.
Lugduni Batauor. 15. Idus Sextiles. 15. LXXXII.

* Sumptuo-
sissima in-
dura tem-
pus.

EPISTOLA LVI.

CONSULIBVS ET SENATVI

ANTVERPIENSIS S. D.

NOBISSIMI & Amplissimi Domini, Munus accepi, non meo munere, sed splendore vestro dignum. Pretium in eo respiciam, siue artem; omnia eiusmodi, quæ animum vestrum abundè declarent, & quæ me deuinciant nouo vinclo. Cuius si non soluendi, at laxandi saltem aliquo genere officiorum, vtinam facultas mihi vñquam sit! Intelligeretis profectò æsti-
mare me munera posse, & accipere: non tam propter ipsa, quam eos qui affectu ta-
li dederunt. Ingenue dico. Aurum illud aut argenteum nihil me mouet, aduersus talia satis firmum: mouet prolixa hæc vestra hu-
manitas, quæ omnia non impetrare solùm à Lipsio potest, sed imperare. Valete Am-
pliss. Cos. & Senat. vrbemque vestram re-
gite inter hos fluctus, præeunte & guber-
nantre supremo illo Nauclero. Lugd. Batau.
iv. Idus Ianuarias. 15. LXXXIV.

EPI.

EPISTOLA LVII. *Vltraiectum.*

HADRIANO VANDERBURCHIO V.C.

Er litteras tuas nunc accepi, & nuper carmen. vtrumque gratum mihi fuisse scire debes, etiam me silente: quidni enim testimonia hæc à pectore tam amico? At tu etiam Valerium Max. vltrò submisisti: in quo priuatim mihi, & publicè non nihil litteris etiam contulisse te, re (spero) ostendam. Maneat feliciter hic cœptus amor inter nos, qui Genio ingenioq[ue] non dispare; & his solatiis vtamur in mæstitiâ publicâ temporum & infeliciſſimi æui. Nam vt sol aliquis alius tenebras & turbas istas pellat, video nondum. Ligna & oleum ad miserrum incendium hoc Belgicæ ſuggerunt paſſim. & nos ardemus: vicini alij rident, ſpectant; alij miserantur, ſed miserantur tantùm. Deus ſcilicet ille eſt qui punitum it iure veterem noſtrum luxum. feramus; aut ne feramus, emendemus. De inuere apto ad valetudinem meam firmandam, habeo gratiam. ego quid mittam? animum & verba: cetera immunis. Vale. Lugduni Batavor. v. Kalend. Febr.

EPISTOLA LVIII. *Amſelrodamum.*

MART. LYDIO S. mitto.

NEC epistolâ tuâ quidquam mihi potuit accidere gratius, nec admonitione ſiue censurâ. In vtraque amor tuus elucet: in hac magis. quam niſi liberè in amicitiam admittimus, tollimus pulcherrimum eius fructum. Ego de meo ſenu noui & attestor, libentilimè me ſicubi deflexi, non corrigi ſolūm, ſed corripi: certè cùm de animo mihi conſtat corrigentis. quem totum candidum purumq[ue] in te ſcio, mi Lydi, & famæ ac ſalutis meæ amantem. Itaque nec excuſatione nec tergiuersatione iſtâ opus: quâ (verè dicam) gratiam admonitionis corrupisti in parte. Ego enim me ab amicis non blandè amari velim, ſed fortiſter; id eſt, vt viris ac ſapientibus eſt dignum. Sed de notâ ad verba illa paginæ 66.

* Lib. I. cap. xx. *Vidit, non erigit: ſciuit, non faxit, &c.* Constantiæ meæ: ſententiam meam breuiter ſic habe. Cùm ea ſcripsi, ad peccatum & ad malum respexi: quod Deo ſanciente & præſribente euenire, durum mihi videbatur dicere. Fateor eam vim eſſe Prouidentiæ diuinæ, vt nihil in minimis maximisque eueniat, quod à filo illo non pen-

deat: tamen cautionem cautissimam in verbis & effatis adhibendam cenſeo, vulgi in primis cauſâ. Itaque Damasceni verba hoc fine adiunxi. Nam ἀργυρων, ἀργυρων, ἀργοεισμὸν, ratione quādām diſtingui ab hominibus, & cauſâ hominum, non ignoras: nec temerè dixerim, Peccata euenire Dei præfinitione. Nec tamen certamen hīc mihi vllum tecum: ſed rem altam, intricatam, & vereor vt homini ſemper obſcuram, ſic explicō. Definitum à Deo omne agnoſco, quidquid euenit: trepidō tamen dice-re, peccata ipsa. quorum fontem à ſolâ ma-lâ voluntate noſtrâ eſſe cenſeam, supremâ illâ voluntate permittentē. Exempli cauſâ. In Tarquinij adulterio, in cædibus ab Herode innocentum, duo ſpecto: factum ipſum, & crimen. Factum à Deo definitum fateor, & comprehendō ſub fatali illâ lege: crimen, quod ſoli voluntati inhæret, non videor fateri poſſe, ſine iniuriâ Dei. Caufam omnium retum diuinam voluntatem statuo, omniumq[ue] euentuum etiamſi ma-li ſint: at non cauſam cauſæ mediæ, quo-ties ea mala. Alias quomodo effugimus, vt non auctor ille ſit mali? vt non adprobator? Itaque ea quæ ex * Actis aptiſſimè ad-ducis, huc accommodo. Mortem Christi

* Acta A.
poſt. c. II.
vide.

deſtinatam ab æterno, proditionem Iudeæ ab æterno, mediaq[ue] omnia quæ ad ſalutare illud opus ferrent: ſed non crimina ad-nexa ipſis factis, quibus fundamentum in impiâ tantum voluntate. Quòd ſi tamen ſatis habemus generaliter & vniuersè dice-re, omnia non præſcita ſolūm à Deo, ſed præſcripta, hoc reſpectu, quòd illa ipſa facta ſine peccato euenire non potuerunt: ego non pugnaciter pugnauero, & fatebor forteſſe (cùm omnia examinauimus) vim hanc in eſſe cathe næ illi & nexui Prouiden-tiæ immotæ & æternæ. ſed diſſeri tamen ea in vulgus, periculi inuidiæque plenum exiſtimem: vulgo autem scriptus meus liber. Habes ſtrictim mentem mei ſcripti. Tu ſi quid aliud obſeruas, aut ſi quid etiam eſt in quo ambigis, valdè à te peto ne me co-les. Non deleſtabunt me ſolūm eiusmodi iudicia & indicia, ſed docebunt. In iſtis ipſis quæ nunc ſcripsi, ſi quid aberro, dirige: reipsâ videbis, me non admoneri ſolūm poſſe, ſed emendari. De miſſo ad me Heroldo, habeo gratiam. remittam cum fide, vbi legero. Quamquam de Germaniâ Taciti, nescio an hac editione emoliar accura-tè. Occupationes, & valetudo, & Typo-

D 4 graphi

graphi festinatio , sàpè nobis impeditamento. Quod paginâ eiusdem Constantiæ meæ 131. in margine positum est, * *Davidis adulterium* : facile obseruasti peregrinationem esse meæ mentis. Itaque velim pro eâ notâ hanc in librō tuo substituas, * *Quâ populum ambitiosè recensuit*. quod alios etiam monui. Vale. Lugduni Batauorum, xii i. Kalend. Decembris, &c. 15. LXXXIII.

E P I S T . L I X . *Antuerpiam.*

CORNELIO PRVNIO S. D.

LIBROS hos de Constantiâ cùm ad Se-
natum vestrum , Vir Clarissime , mit-
terein: valdè peccassem , si non ad te vna. Nec enim Senatus solùm ipsius magna pars
es: sed & mei. qui amo te , qui abs te a-
mor : nec cùm Antuerpiam vni , facile
pectus teperio magis promptum in me
aut primum. Addo & causam tertiam,
quia prudens tu & doctus : cuiusmodi le-
ctore, imò iudice , opus mihi in nouitio
hoc scripto. Parùm adhuc tritum istud ad
Sapientiam iter : nec scio an ipse id pera-
grauerim vsquequaque pede recto. aut si;
an aliis videbor. Sæculum enim & mores
non ignoras , quamque in re quæ pietat-
em tangit , varij hodie sensus & dissensus.
Non sententia , sed verbum aliquod à ca-
lente calamo anceps fugiat : ecce calum-
niarum subitus & magnus ignis. Quæ
caussa abstinuit me, fateor , ab altiori ini-
tu in sacrarum illud rerum mare. quò
materies alioqui & ingenij ventus voca-
bant: sed repressit hic metus, & ad nauiga-
re iussit litus. Elephantes aiunt , et si amni-
bus impensè delectentur, haud temerè ta-
men eos ingredi , cùm inscij sint natandi:
idem in Theologiâ mihi. quam amo, quam
æstimo ; & tingo salubribus eius aquis li-
bens animum , non tamen mergo. Quæ-
stionum enim vortices illos horreo : iisque
ne inuoluar , ad video & obambulo saltem
eius ripas. Et hinc tamen haurio & ex tu-
to sumo , quæ ad usum. Nam acumina
aut dissertatiunculae quid iuuent ? Quod
ille de Virtute censet , rem eam esse non
verba: iustius ego de Theologiâ. cuius ve-
rum seriumque finein censeo , Vitam. Ut
melior, non vt doctior fiam , sacra illa vo-
lumina tango : vt pectus instruam , non
vt acuam mentem. Procul à me isti , qui
alti & subnixi ambulant , * μέλω τνα ἡ ξερ-

* Maiorem
quām pro
boniis, sa-
pieniam
sapientes.

άνθερπον σοφίαν σορού : quique , quod Socrati
objecit olim , * ὁμειργάλον) ζητῶντες τε την * Saragane
υπὸ γῆν καὶ τὰ ἐπαρχία. Et cùm omnia tamen inquires-
subtilis ingenij alâ peruolarint , miselli , terram in-
præteruolant ipsi se. Reliqua sciunt : il-
lud vnum quod scitu necessarium est ne-
sciunt , vt se sciant. Sed hos mitto. te Vir
amicissime quæso , vt gratum hoc munus
animumque nostrum habeas : & istum a-
mes , illud examines. quo fine præcipue
scito à me missum. Siquid alibi aliter di-
ctum : hoc magis mihi amicus , quò libe-
riùs monueris. quia inter eos ego qui labi
& errare possunt , sed & inter eos qui re-
surgere & emendari. De Amplissimi Tor-
rentij valetudine & statu ; gratum mihi si
per te cognouero. Iure nobis carus , ratus
ille vir. Vale. Lugduni Batauor. xviii. Ka-
lend. Nouemb. &c. 15. LXXXIII.

E P I S T . L X . *Leodium.*

D O M I N I C O L A M P S O N I O ,
*Leodiensi Episcopo & Principi
à Secretis , S. D.*

DIV est cùm scriptorio ad te , Vir cla-
rissime , sustinui medium scriptum il-
lad promissum exspecto , materiem scili-
cat vberiorem respondendi. Nam lata &
læta illa epistola , quid ferè aliud habet,
quam adhortationem & laudes? Quæ am-
plector utraque , quia in iis amorein tuum
agnosco , sine labe , sine fugo. Non me-
rui. quid refert? hoc ipsum delectat , tali-
bus viris & iudicibus meruisse videri. Non
enim fallacia tua verba , sed prompta è
pectore , & vt ille ait * ἐν φρεσῷ μυχῇ. Ita-
que calcat mihi addis ad decurrentiam re-
liquam hanc viam : quod detrahunt mihi
sàpè iudicia quorumdam , qui θεολόγων , vt
volunt , παιδεῖ. Misceri enim hæc nolunt:
& satis esse puram illam à Christo doctri-
nam , sine mixtione ullâ Sapientiæ huma-
næ. Nec acriter iis sanè pugnem : nisi quòd
nescio quomodo apud homines vim ali-
quam habeant & iuuent etiam ista exter-
na. Quis veterum Theologorum Philosophiam spreuit ? usurparunt imò & Græci
& Latini , sed suo quodam fine. Ego ex usu
non iuuentutis solùm nostræ , sed generis
humani putem , trahi & conduci omnia
ad metam hanc pietatis : modus teneatur
tantum , & vt hæc diuinis litteris seruant,
non vt contrà. De Ampitheatro , philolo-
gum aliquid nuper edidimus: & exemplaria
mitti

* πραcor-
diorum po-
netrali.

mitti iussimus ad Clariss. Torrentium, vna tecum. Nunc feriamur: nisi quod Taciti Commentarium recensemus, & in quibusdam refingimus, sed leui manu. Ximenio tuo, imo nostro, velim a me multam salutem dici. quem virum olim pene puer Coloniæ vidi & audiui, sed numquam pernoui. Doleo, & excitor, non in amorem solùm eius, sed amplexum: ita multa a multis audio de sincerâ illâ & doctrinâ & pietate. Tu si mihi interpres & conciliator amicitiae illius es, magno me beneficio deuinxeris. Otho Venius a nobis abit, sed inuitis: insignis moribus & arte adolescens, & cuius manus vsui mihi esse poterat ad multa Antiquitatis illustranda. Eum commendatum tibi, tamen commendo. etiam me: quem scire certò debes tui ex animo amantem. Salutat te I. Doufa. Lugduni Batauor. Prid. Kalend. Jun. 80. I.C. LXXXIV.

EPISTOLA LXI.

THEODORO LEEWIO
Consiliario S. D.

HAVENVS noster ad te venit: cui vtinam ego comes! Sed valetudo validè vetat: quæ semper anceps, nunc acerba, tenet, ligatque me domi. Alioquin in votis mihi prorsus, te videre, te solari, & officium exhibere quod eiufi modi tempora exigunt ab amico. Litteris id feci anteà: sed nescio quomodo momentum hinc magnum habet frons ipsa & ipse vultus. Euripides non vanè mihi visus scribere, Non serenitatem nautis gratiorem in tempestate aduenire, quam lugenti amico amicum. Sed & hoc brevi, ut spero, fiet. Interea mi Leewi, firmare quæso paullum, & frigus illud tenebrasque dolorum calsace & illustra ad Rationis soleim. Ante omnia nouitatis opinionem hanc exue, quæ luetui tuo male fauet. Miserabili, inquis, genere mortis periit, & quod luetu municipium omne nostrum compleuit. Scio, & affectu aspectuque primo ipse misereor: sed hinc quoque paullum te attolle, & secerne a vulgo. Quid illud miserabile? cum omnia circumspexeris, Mori. Varia ad illam metam via fert, cluosa, plana, breuis, longa: eadem tamen omnibus quies, cum perueniere. Tua per difficilem partum, & velut per nimbos fluctusque delata est in Beatum illum portum: dela-

ta tamen. & præteritus labor adeò non grauis illi nunc, etiam gratus. Tu tantum ne miserare, imo nec mirare. Scilicet id genus Fati non cadit in hunc sexum? non communis ille omnium prægnantium timor? Imo non crebriores alios sermones audias, si in confessum aut conuentum venias muliebrem. Attamen hic nostrum omnium error: cum triste aliquid accidit, etiamsi non nouum, habere id ut nouum. Per circumstantias quasdam augemus, polimus, & velut fucum ac lenocinium circumponimus dolori. Peruersi mortales! contrà oportuit: & in omni casu oculos flectere ad communem dispersamque legem: Non Hagam solum aut Batauiæ hunc angulum intueri, aut quid pauculis ibi annis gestum sit: sed diffundere cogitationem per sola hæc terrarum. Conditionem tibi pono. Iure non lugebis solum, sed indignabere ut in nouo fato: nisi alibi terrarum, hac ipsa horâ, idem ille aut acerbior casus. Et tamen cur peregrinere? reperies exempla eadem, si quæres, in finitimis istis locis. Quamobrem exsurge, & contra leuia ac lusoria hæc Doloris arma, arripe vera. Quid vita, quid mors, quid fatum sit, serio cogita. Scio placari posse implacabilem etiam dolorem. Quid enim hæc vita, quam eripi lugeimus? ludibriorum scena, miseriarum mare. per quod ut maximè ex voto tibi feratur nauis, tamen in multos scopulos impinges, multis vadis obhærescas necessum est. Quid ipsa mors, quam timemus? requies, gaudium, & vera vita. aut siquid in eâ mali, malis tantum. Quid iniferaris traductam ad hanc, optimam matronam, & per fidem salutis suæ velut certam? Iam Fatum quid æterna, ab æterno, in æternum, dei lex: quam adeò non abrogare fas, ut nec obrogari ei licet aut derogari. Si ab æterno & immobilis: stulte, quid cum Necessitate pugnas? hoc unum vinces, ut pluribus plagi contusus vincare. Si a deo: impie, quid quereris? Culpare non potes aliquid in malum aut acerbum in eo & ab eo, qui Bonitas & Benignitas est totus. Naturam eius si exprimere vales, non melius aut magis proprium expresseris, quam per eas voces. Mortua igitur tua est? debuit. illo tempore, illo fati genere? debuit. Lex ita lata: quam frustra solicitant & exagitant acuminata hodie ingeniorum: non enim mouebunt. Quin nos, qui sapimus, pareamus

mus potius; & quod necessariò patiendum est, etiam libenter patiamur. Leuamentum aliquod miseriārum est, non reniti. Cur autem renitamur? Non Deus solūm est, quia ita de nobis statuit: sed & pater. Salutare igitur, bonum, prosperum: quidquid sensibus oculisque nostris aliter videatur. An illi curæ aut amori nos esse non putas? magis quām nos nobis. Sed & pueris parentes multa præter votum imponunt, idque tutelæ aut salutis causā: item ille nobis. Hæc mi Leewi serio discute & bonā fide. leuaberis, si ostium pectoris semel rationi apeties, remoto repagulo isto vulgarium opinionum. Plura me Hauteni discessus vetat addere: iubebat tamen amor, qui magnus mihi in te semper & sanctus. Vale. Kalend. Martiis. ∞. I. LXXXV.

E P I S T O L A L X I I .

A M I C O *cuidam S. D.*

IRASCI debebam mi**, si possem. Tu ne vt iter vllum suscepferis, non dicam sine comite me, sed sine conscientia? Hoc verum fuit? Pectus tuum roga: non dicet id esse pro veteri illo & fido inter nos amore. Caput meum hoc tango & testor, nullum mihi caput carius fuisse tuo. Quid autem suspicer? arcanam aliquam causam huius confilij fuisse? non inquiero. & si ea aperienda mihi nō fuit totā fronte, saltem vestigiis & sub personā ostendenda. Ego te in meis rebus tale aliquid numquam celasseim. An subitò hoc tibi natum, & per mortem vnius illius viri? Hoc potius credo: quia reuera causæ tibi temporanei alicuius secessus hīc non iniustæ. Noui collegas tuos, scio quibuscum res & consilia miscenda fuerint: homines & actiones, parùm ad tuū stomachum aut ad nostrum. Interea tamen (quaeso) hoc volens audi à volentissimo tibi amico) nec nos omnino eam rem celandi eramus, nec certè vxor: quæ misera se adstiterat. Quamquam nos solamur & erigimus: certi, non aliud latere sub hoc instituto tuo, quām secessum aliquem ab his turbis. Tamen mulieres nosti; (etsi tua sanè prudens, & mariti ex animo amans) & linguas siue malas, siue vanas. Quibus, oro te, in tempore medere: & ad nos redi, qui manere tecum parati, abire, pænè dicam perire: omnia, vt ferent res & tempus. Quæ enim tibi caussa eximij alicuius consilij, aut singularis? Confusio hīc & discernit? sci-

mus: sed & animum tuum nouimus nihil horum metuentem. Denique inter homines istos dum viuimus, obsecro vitam etiam instituamus humanā hac & communī. Pax aut bellum erit, communiter consilium aliquod capiemus, quod paci hūic attemperemus siue bello. At ego tamquam serio scribo, & quasi monendus mihi sis: quem liquet usurpare hanc profectionem animi causā; etsi cum angore aliquo tuorum. Quibus etiam, mi **, consule. & ad suavitatem conuictus illius nostri redi, sine quo tenebræ nobis in mediā luce. Verè dicam etsi vulgariter, Vita sine te nobis non vitalis. Res adhuc hīc quietæ: sed Brabantia tamen & Flandria raptantur, vt audire te credo etiam istīc. E Galliis litteras iam bis accepi, & quædam in iis noua. vti de Re accipitrariā carmen, subtilis & nouitiae inuentionis. Veni & vide, & (quod Constantiam tuam meamque decet) ride: cur enim non spernamus hæc circumfusa & externa, iure iis altiores? Nobiliss. VV. Philippum Sidnæum, & Dierum, si vides, saluta à me quaeso: & iis indica, per te stetisse quod eos non viderim tecum. Certè enim inuitis meis omnibus iuissim. Tui valent: vale & tu, & fac vt breuī te videamus exspectatum. Salutat te Hautenus noster, qui hilariter herè apud me in prandio fuit, ad funus Melonis. Inuideas illis exsequialibus epulis, si intam albo pectori liuor. Lugduni Barauor. x. Kalend. Septemb. ∞. I. LXXXIV.

E P I S T . L X I I I . *Laretian.*AVGERIO BVBEOVIO
Cesaris Legato, S. D.

PERIISSE litteras meas nuperas ad te, minùs doleo, quod de officio meo tamen tibi constat. Nihil enim in iis magnum aut serium. hoc tantum, adfectus mei & cultus significationem continebant: quem à iudicio susceptum, constanter seruo. At tuæ istæ litteræ, quām mihi gratæ, & in mediis his molestiis iucundæ! Præter enim amorem (qui largiter appetit) etiam grauissimi testimonij tui pondus continent & iudicij de meis scriptis. Quod amo magis, quām probbo: quia mihi viriū mearum conscius ego sum, & modicæ laudis. Fuimus his septimanis aliquot in Taciti Commentariis resingendis, & nouis quibusdam attexendis, vt videbis. exemplar enim Antuerpiā iussi mitti: si tamen commodè id poterit per has turbas.

turbas. Nam caput illud Belgij à corpore nostro semi-avulsum. Ripas obsident, & tormentis aditum nauibus arcent: et si nau-tæ adhuc perrumpunt. Nobis mutatio non impendet iam, sed adest: faxit ille Deus ut in bonum. Quamquam hæc sunt illa, aduersus quæ Constantia nostra nos armavit: quæ hoc saltem mihi profuit, quod ab eâ scriptione impressum animo meo sensi aliquod robur. Plures hîc imperant. nec vidi eam rem benè umquam cessisse in bellis. Discidium etiam animorum præfigio, & motus fortassis in ipsâ plebe. Nobis tamen decretum patriam non mutare, si mediocris aliquis in eâ status. si nullus, & si confusio tantum & raptus: quæcumque terra dederit nobis aliquam sedem. Nec enim liberi prægrauant, & sola mihi vxor. Ianuarii Guilielmum commendaueram tibi superioribus meis litteris, adolescentem, siquid video, probi ingenij, animi, iudicij. Ei si quid benignè facere potes aut dicere, quæso ne grauere. Ex istâ iuuentute non est aliis, de quo melius sperem. Itineraria tua Plantinus si accipiet, edet. nos qualemque augmentum auidè exspectamus. De Thraseâ meo poliendo cogitabam, vereot ut tempora permittant. Quidquid tamen ea permittent, mihi certum conferte ad hanc meliorem curam: & quod in me est, fugitiuas virtutes retrahere in nostrum ænum. Valdè me huc incitat etiam tua admonitio, & votum, quo honorifice nimis epistolam tuam claudis. Vale Ampliss. Domine. Lugduni Batau. x. Kalend. Septemb. 15. LXXXIV.

EPISTOLA LX IV. Leodium.

LAEVINO TORRENTIO

V. amplissimo S. D.

ITA Salus aliquando serio me respiciat (nam hactenus quidem adit, abit, & vacillat) ut mihi insigni gaudio imò robori sunt tuæ litteræ, tam amanter ad Plantinum de me scriptæ. Te noui, me noui: & hoc scio, hunc tam prolixum adfectum non meruisse à tali viro. Quid dicam? me meaque offerrem & addicerem, nisi iam pridem addicta tibi, nexu quidem & vinclo, quod non nisi atra mors rumpet. Commentatiunculas nostras semestris hic morbus valdè tardauit: morbus, qui per interualla duxit me ad Fati limen, & reduxit. Nec nunc optimè: et si in optimâ spe, ut

Medici volunt, & iam in abscessu atque inclinatione sit morbus. Absque eo, iam & Suetonium meum haberem (meum? imò verè tuum, cum tuo integro Cominentario, meis tantum ad oram Notis: præterea, votum tibi & dicatum:) & Dialogos nostros De Rectâ institutione iuuentutis, quibus sermonis partes do Philippo Lanoyo & Pappio nostro. Amo enim & amaui rectissimum ingenium adolescentis, dignissimi hac vitâ, nisi meliorem ei Deus destinasset. Plura iubet amor meus, imò ardor: vetat languor, & serim hoc diei, quo litteræ conspecte nobis. Excusa. & apud Dominicum Lampsonium item nostrum, cui cis paucos dies vbertim scribam. Officij enim aliqua cessatio apud me per hos menses, non amoris: qui mihi æternus in tales viros. Vale, & salueat à me Læuineius tuus. Lugduni, ut volunt, Batauorum. Postrid. Kalend. Ianuar. 15. LXXXV.

EPISTOLA LX V. *Lugd: Bat.*BONAVENTURA VULCANI,
Vir & collega amice,

CALLIMACHVM, Bionem, Moschum, Ciānūc à te accepi: vno partu trigeminos, rarum & felicem ingenij tui fætum. Publicâ caussâ (verè dicam) tibi debedo: priuatâ magis, quia duos ex iis mihi inscribis, hoc est, immortalem me facis. quo quid homini ab homine maius dari potest? Viuent enim amoenissimi poëtæ illi, quamdiu Musæ: & cum iis tuus labor: & cum labore tuo meum nomen, quod Musæo illi peplo intexuisti amicâ & doctâ nimis acu. Gratias agam aut habeam? referre malim. & tamen verbis quoque nunc dicam, sed paucis & fidis. Emptum me tibi hoc munere; mancipio tuum. & addo improbi hominis priscas illas voces, sed probè & sincriter: *Quid concupiscas, tu videris: quod concupiueris, certè habebis.* Libros nouitios, quos è diuite bibliothecâ tuâ prompferam; per hunc puerum recipe. De ** Collectaneis iudicium queris? illud Iuliani scitum profero: * ἔγραψαν, ἀνέγραψαν, κατέγραψαν. Magis ad guttum meum Conuiuialia Stuckij, ex eadem gente, non ab eâdem mente. Firmiora hîc omnia & lectiora. De Sigma, quod obiter quærebas & videras, ille nihil noui: fortasse nunc ego. Nam quæ in antiquis scripsi, vacillantia aut falsa. Non enim Sigma antiquis Biclinium propriè, ut sensi ego:

Vidi, legi.
damus.

ego : non diæta aut cænatio tota, ut Cælius: non mensa ipsa, ut Brodæus : sed nisi fallor, certa in cænatione pars seorsum erecta & exstructa ad recipiendum lectum. idque hemicycli aut lunata formâ, quâ littera illa Græca passim hodie in lapidibus & priscis libris. Suggestum , inquam , quoddam ligneum (sive quâ meliore materiâ, non impedio) semirotundum : in quo perpetuus vñus lectus , ad sex septem conuias recipiendos . Quod velut dimidiatum triclinium repertum inferiore æuo , ad facilem & magis aptum vsum. Ab Apuleio hîc mihi prima lux , & à me illi. de Psyche, lib.v. Vixque statim proximo semirotundo suggesto propter , instrumentum cænatorium rata refetis suo commodum , libens accumbit. Non nominat Sigma, fateor: sed auribus oculisque ingerit quasi nominasset , ita clarè. Semirotonduum suggestum ponit , & Instrumentum cænatorium appellat. quid capere aliud est, quâm hoc Sigma ? Triclinij enim certè non illa forma. Radium mihi etiam aliquem, etsi à tenebroso æuo scriptor , allucet Ditmarus Episcopus lib. iv. Chronicor. De Othono Imperatore : Imperator , inquit, antiquam Romanorum cupiens consuetudinem reuocare , magnâ ex parte iam suis deletam temporibus , multa faciebat quæ diversi diversè accipiebant. Solus ad mensam quasi semicirculum factam , loco ceteris eminentiore sedebat. Quod libens item rettulerim ad Sigma : sicut illud ad Principalem morem , quòd solus, quòd loco eminentiore. Sed mensam ipsam ad Sigma , lunata item formâ fuisse hinc discis. parte dico eâ , quâ conuias tangebat : nam illâ , quâ alios , fuerit linea sanè rectâ , ad ministerium & adstitionem puerorum scilicet aptiore. Et quamquam de mensâ hîc Ditmarus : non tamen eam solam venisse in id nomen (eruditissimo Brodæo scriptum:) peruvicit Sidonius , qui in his versibus discriminat clarè:

*Non tibi gemmatis ponentur prandia mensis,
Affyrius murex nec tibi sigma dabit.*

Ita omnino lego, non Sigma, ut vulgò. Idem alibi nominat , & ostendit duplex fuisse, Æstium & Hibernum.

*Cominus aspicitur vel prima vel extima turris:
Mos erat hic dominis hibernum Sigma locare.
Vbi Locandi verbum refutat item Cælium,
Diætam capientem ipsam. At ea non trans-
fertur ; non locatur in turre. Cetera , quæ
huc faciunt, aut ego aut Stuckius iam dixi-
mus. De Antecæna etiam ambigo, quòd ad*

vocem. Macrobius sanè ita : sed in Apuleio & Isidoro tuo Antecænum , sive multitudo casu Antecænia reperio. quidni rectè, quo flexu à Scenâ Proscænum ? Ille libro ii. sic : *Proflus gladiatorie Veneris ante-
cænia*, Alter lib.xx. *Merenda est cibus qui de-
clinante die sumitur : quasi post meridiem eden-
dus & proxima cæne. unde & Antecænia à
quibusdam dicitur. nisi si hîc vtrobique An-
tecaena reponenda : quod haud temere pu-
tem. Salve iterum mi Vulcani : iterumque
tibi à me gratiæ. quas promam semper &
recondam, habebò æternum & debebo.*

E P I S T O L A L X V I . Lutetiam.

IANO GUILIELMIO S. D.

SERIÒ ægrotabam, mi Guilielmi, tamen expreslit amor ut scribereim : non miraberis, si paucis. Hepatis enim acer nec sine discrimine morbus est, qui me septimanas iam aliquot adfligit : quam partem ad vitam eiusque munia principem esse, non ignoras. Litteræ tuæ nuperrimæ suaves. ce lasti in iis me de Epistolâ in Sigonium, quam missam tamen è Britanniâ vidi. Gaudeo conspirare te mecum : cuius iudicium super eâ Consolatione credo te iam vidisse. Sed tu , sodes , cur non acriùs paullò egisti hanc caussam ? Debebas. & sine adspectu illius, quem nimis attollis , falsæ huius protolis patrem. Agnosco stylum , disiunctum, otiosum, lentum : & illam (audeo apud te dicere) Sigoneitatem. Quid sibi volunt Itali ? Transalpinos omnes esse fungos ? Scilicet ne mo nostrum inter oletum illud diuidet, & Tullianam myrrham. De Re Accipitrariâ nouitiae & acutæ inuentionis carmen accepi : legi mihi iussi per hunc ipsum morbum. placuit, Gratias quæso à me auctori & datori nuntia. cuius mihi laudes gratae , eò in primis , quòd iunxit me laudatissimis illis viris. De P. Fabro : gaudeo mihi impositum. Tamen scripseram etiam aliquid ad Cuiacium. tu purga. Tacitus noster prodit , & nouæ ad Historias reliquæ que libellos Notæ. sed Notæ tantum. plura valetudo vetuit, & hæ turbæ, quæ rerum & mansionis nos faciunt incertos. Saluta Brissonium , Memmum , Scaligerum , & tu salue quidquid me erit. Constantia nostra iterum prodit , cum Praescriptione aduersus quosdam , qui in *Lorelia aoteles*. Critica omnia nostra imprimuntur uno volumine iunctim , quibus noua quædam addemus, si valeo

si valeo & viuo. Lugduni Batauor. xiiii. Kalend. Octob. &c. I. lxxxiv.

EPISTOLA LXVII.

IACOBO CVIACIO IC. S. dico.

SAEPE mihi de te sermo, Cuiaci clarissime virotum: apud te adhuc nullus. Hoc pudor vetuit: illud iussit amor & admiratio tui. quæ non apud me solum, sed apud omnes in quos scintilla aliqua diffusa lucis melioris. Et evaluerunt tandem hæc duo, ut abrumperem ingenitum mihi modestiæ vinclum: & iter ad amicitiam tuam struerem, sine vllis cuniculis, aperte. *Perit enim procari, si latet,* aiebat ille: & sæpè iam litteris nec vnis nec vnius, spes imò fiducia mihi facta mutui tui affectus. Quæ non me fallet: si noui humanitatis verè genium, qui spirat in tuis scriptis. De rebus meis si in hoc aditu amicitiæ aliquid quæris: cetera commodè agimus, nisi quòd inter eos, quibus rerum bonarum non magnus sensus. Bella etiam & tumultus, quibus inuoluimur, fieri non potest quin interdum & tangant nos & angant. Si de studiis: Commentarium Cornelianum vulgamus iterum, sed pleniorum addimus epim. in. Historias, & adiunctos libellos. Utinam autem fas polire mihi eum præsentis qui limâ! Quia non licet, velim tibi animus omniumque sic vel per litteras dirigidì m̄e, corrigendi. Labimur enim, Cuiaci, in hoc genere ego aliisque: & illa tua velut propria laus, exacta certaque esse quæ semel ex adyto tui pectoris profusa. Paramus etiam de Amphitheatro seu Venatione libros tres, vt siant legitimi Saturnales quinque. Nescio quid præterea in Liuio nuper exorsus: quod pergam detexere, si auxilium mihi paulò firmius librorum. Duo tressque apud me sunt: sed quasi de compacto consentientes. Tu, vir maxime nostri æui, si dignum me habes quem redames, quem rebus item tuis consiliisque (de litteris loquor) participes, in cælo me collocabis nouâ aposthōsi. Ios. Scaligerum quem scio me tantum amare quantum tu, & quantum te (liberè enim addo,) ex animo salutes velim: cuius libros De emanatione temporum audiè, audiè expectamus. Nisi ambitiosum sit, includam in eamdem salutem magnum Brissonium, Puteanum, Fabrum, Pythœosque, viros clariss. & ideo mihi quoque famâ notissi-

I. LIPSI Operum Tom. II.

mos. *Amare autem liceat, si potiri non licet.* Vale Vir clariss. Lugduni, ut volunt, Batauor. iii. Non. Octobreis.

EPISTOLA LXVIII.

THEODORO LEWIO
Consiliario S. D.

DISTVLI ad te scribere, Vir clarissime, non libens. Morbus meus hoc fecit, qui non sine discrimine etiamnunc me vexat. Ego fero: & æquissimo animo. exspecto illum diem, quo Imperator hoc corpore, imò carcere, me soluet. Obstructiones sunt quæ me tenent, internæ inflammations, nescio quæ arcana alia symptomata, ad quæ medici ipsi trepidant & caligant. At non ego. Scio hanc legein vniuerso humano generi datam: nec magis mirum aut nouum mori hominem, quam nasci. Denique quid est quod in sæculo hoc me teneat aut delectet? Publica video: pessimè habet. Priuata: etiam in iis suæ crucis. Melonem nostrum tibi gratum fuisse, mihi gratum. Sanè bonos & eximios aliquot habui hoc anno. sed quid? ego, velut Tantalus sit in ter suas vndas, esurio inter medios melones. Nec gustare quidem mihi fas, ob hunc morbum. Constantiam nostram recudit Plantinus. pauca mutata aut addita præter Epistolam, quam videbis. Exemplar Latinum Seb. Gryphio nostro dabis, cui ex votu debeo. Belgicum vxori tuæ seruieret: si tamen hæc ad sapientiam illius sexus. Sed tu, sitanti est, interpretando iuuabis. Ego te illumque saluere ex animo iubeo. nam longior scriptio mihi non facit. Valete vterque. Leidæ, ix. Septemb. &c. I. lxxxiv. hodie paullò rectius valere visus sum.

EPISTOLA LXIX.

MARTINO LYDIO S. D.

VALDE me, Lydi, de scriptiunculis meis vrges: vtique de Thraseâ. quod nolle. Cur enim ex tanti? & si essent, non certè differrem, si otium aut vires mihi tempora darent & hæc valetudo. Quæ nunc quidem (deo magno gratia) præter spem melior: sed infirma tamen ancepsque: & quam fouere ac vegetare per quietem debeo, quam meditatione aut scriptione infringe. Paratus sanè magnâ ex parte Thraseas, fateor: sed limam tamen exspectat & extream illam manum, quæ mihi quidem

E maxi-

maximè in labore. Cetera enim impetu & calore quodā scribimus: iudicij hīc res est, & acrimoniaz, & intentionis. Materiem ipsam vide, grauem, seriam: an præcipitanda tibi ea videtur, & in pugnam aut aciem vocanda mea fama? Futurum id enim certe in rebus illis sublimibus, nisi omnia non benē solūm dīcta, sed etiam caute. Sæculūm hoc noui, contentiones & variantes sententias, quæ vbiq[ue] vigent. & vt veram libere maximè exprimam (non enim vim quam deterrebor:) videndum tamen vt verbis & tempore id faciā opportunè. Festinare in alio quoquis scripto possim fortasse, & debeā: hīc non nisi maturare. At de Agellio, ecce magis me tibi facilem. Etsi enim H. Stephanus iamnunc eum dedit: tamen non spicæ mihi solūm multæ, sed fasces reliqui, quos carpam ex Attico eo agro. Itaque Plantino vltro iam locutus sum: nec differemus, si cursum typographiæ eius non sistent aduersi isti venti. Nam Antuerpia si amittitur, optimi viri res in arcto: nec facilè de sumptibus expediatur papyro. Quamquam id quoque curabimus. Sed tu mi Lydi, quando in Frisiā? Gratulor enim tibi hoc otium, non otium: honestum tibi, vtile futurum iuuentuti. Meo votō & electione, iampridem tibi is locus apud nos fuisse, & Dousam habeo creibri iudicij huius mei testem. Sed Deo aliter visum: qui te meque ad salutem foueat & firmet. Vale Vir amicissime. Lugduni Batavor. iv. Kalend. Jul. 15. LXXXV.

E P I S T . L X X . Brugae.

VICTORI GISELINO S. D.

ITANE litteræ à Victore? tandem, tandem. Quod in gaudio improviso, vix credidi meis oculis cùm légerem, manibus cùm tenerem. Itaque verè scribis, pro bono tibi cessit periculæ cessatio: quia in morem abisse videbatur, & desisti flagitari. Imò præscriptio tibi iam pænè proderat (si Iurisconsultus esse vis) nisi hæc interrupisset scriptio. Sed vide vt non specimen solūm emendandi nobis præbeas, sed re emendas: nec gustum modo, sed rectam plenamque cænam. Alias, quò arenti mihi & sipienti pauculæ istæ guttæ, si venâ tu iterum interclusurus es huius suavitatis? Sed non facies: quia non vltro ego facilis in ignoscendo, vel te auctore. Quòd si iram etiam meam contemnes: quid? quid? Veniam videlicet

ipse, & iterum tē mihi adseram suberactum non bonâ fraude. Trellæo illi dīj omnes benefaciant: qui adiutor tibi, vt opinor, & interpres honestissimi muneris. Sed ad carmen eius suadēsne rescribam? nec enim hominem satis noui aut mores. De scidis reciperas, noua & mira. Sed siue illum pœnitentia (non enim pudor) furti subiit: siue eum apud quem deposita: tibi quidem ex animo gratulor de receptis. Vide, vt tecum illis. Nam certe, mi Victor, indignantur iampridem nostræ dæx desertas sicut te, illo militiæ suæ principe olim & antesignano. Purga: & ostende emansionem hanc fuisse tantum, alendis ingenij viribus, & velut quiete irrigandis. De Plinio, ego quidecum valde sum auctor. Nec excusa. velis modò, fides mea interueniet de successu. Plantinus ædes hīc emit, Typographiam instituit, & videmur effecturi vt stipendium ab Ordinibus accipiat honestum. Fortassis ea res erget excitabitque me ad studia, alias sapè languentem. Laco noster, vt audio, planissimè periit: nec deseruit illum præeuntem Némelis, etsi pede claudo. A Cuiacio benigna multa ad me & honora. Gifanij Agellium exaudi audimus. quem ego scriptorem ante quatuor menses ad Plantinum misericordia & anxiæ correctum: curq[ue] omiserit aut dimiserit, ne nunc quidem scio. Nec quæro sanè aut curro. Nam si mens aut otium mihi, satis multa in aliis scriptoribus quæ agamus: ne eripiam hanc patri problem, iam certè nubilem & plus quam quindecennem. Scisquid ille semi-Italus questus de filiolâ suâ nuper: non sine risu meo, credo etiam vistro. Quem mihi commendasti, cupio omnia: sed nihil ego aut Dusa extricamus. Nam de Plantino quam ei spem ostenderam, profertur in eius aduentum, id est ad initia veris. Ante nihil statuere de domo suâ vult, aut potest. Dusa noster Commentarios ad Petronium scripsérat, nunc totus in Historiâ concinnandâ suæ gentis.

E P I S T . L X X I . Londinium.

IANO DOVSÆ V. N. Salutem opto.

AN pœtiū linguam? ista enim decest, qui tamdiu files. Vindictam talionis merebare: sed noster amor si non maior, certè acrior: procatur, & laçessit te vltro. Valemus ego, tui liberi, tua vxor. non meæ Musæ, quæ frigent absente suo sole. Exore-

re.

re. & aut vultu tuo coram calface ; aut illinc saltem radios & stricturas aliquot per epistolam mitte.

EPIST. LXXII. *Antuerpiam.*

IOANNI MOERENTORFIO S. dico.

VXOREM ad te redeuntem, mi Moerentorfi, quā dimittam sine litteris? Ægrēas scribo, fateor: sum enim in alienā vrbe & domo: scribo tamen. siue quia debeo, siue quia valdē volo. De filioli tui apud nos obitu socer, credo, iam scripsit. Ego te soler? animo facio: verbis nunc non licet, nec opus est, si firmitudinem animi tui probè noui. Sæpè eam in litteris ad socerum aspexi, sed in alienis rebus : te illa deseret in tuis? Non opinor. præsertim cùm ita placita tibi ea virtus, vt per eam Constantia etiam nostra : quam non legis solum audē, sed vertis. Vidi enim specimen, & probo. illud vellem, plus aliquid tibi permitteres, nec vestigia vsqueaque sermonis Latini premeres pede tam certo. Arta per hanc curam versio, adstricta, tenuis, sæpè obscura. Est suus videlicet cuique linguæ Genius, quem non auellas, nec temere migrare iusserris in corpus alienum. Quām multa Latinè breuiter scripserim ; quæ si totidem verbis transferas, sententia nec plana satis, nec plena sit! Quām multa rectè & altè : quæ in aliâ linguae iaceant, aut vacillent! Quod iis præser-tim euénit, quorum stílus paullò magis ab eruditione haber & à curâ. Iam allusiones illas, annominationes, flexus, & in uno sæpè verbo imagines, quæ tam dextra mens vertat, vt eadem vis iis aut Venus? Exorbita igitur : & hoc erit rectam in vertendo viam tenere, viam non tenere. De pecuniolâ Faciens grata tua cura. expediemusne ali- quid à nummario hoc tricone? quidquid erit, tibi debebo. De cistâ scriptoriâ, ô gratum & opportunum tuum munus! planè cā egebam. gratiam tibi meæ Musæ. Tu tam benignus in nos salue ; & vide vt va- lidum te reperiatur valentula iam tua vxor. Delfis, III. Idus Septemb. & IO. LXXXIII.

EPISTOLA LXXIII.

GEORGIO BENEDICTI.

Et carmen tuum valdē mihi gratum, mi Georgi, & beniuola memoria mei. sed illud longè gratissimum, quod valens & in- columis appuleris ea loca, ad quæ missus es

I. LIPSI Operum Tom. II.

velut ad mercatum artium seriarum. Philosophiæ dico, & in primis Theologiæ, ad quam postremam, non actiones solum omnes tuas, sed cogitationes necessum est collineare. Quæ tamen ipsa, quoniam sine pietate & puritate nulla est; caue, te quæso, ne quid labis aut maculæ trahas ex cœtu iuuentutis maculosæ. Fuge illos, fuge, qui liberioris vitæ obtentu ad licentiam trahunt: quæ vna ianua & aditus ad omne scelus. Magna non frustrà nobis de isto ingenio tuo pollicemur: tu vide sollicitè, ne id de- prauent praui. In flexu ipso ætatis es: in quo si non laberis, speramus te inoffenso deinde cursu pertingere posse ad metam. Vale. Lugduni Batauor. & IO. LXXXIV. Deus te seruet, in quo & à quo omnis salus.

EPIST. LXXIV. *Lutetiam.*

IANO GUILIELMIO meo S. D.

Ego vero Quæstiones tuas iam antè vi- deram, & legeram cum curâ. An gem- mæ hæ non luceant? an nes celentur? ita- que non itero apud te iudicium meum, quod apud alios nusquam celo. Si tamen de alterâ editione cogitas, sunt minuta quædam quæ te monebo. Quid ni moneam? amihi hoc est: & vtinam id mihi iuueni fa-ctum in meis scriptis! Quamquam reuerà tua iuvenile nihil spirant, matura, adstricta, grauia: nisi quod à iudicio tuo abeo in pauculis locis. Itaque abi, nec festinatio- nem mihi excusa, quâ nihil peccas. Noster, ille noster, etiamnum Lutetiæ? & quando tandem videbimus in luce illas Noctes? sanè longa & difficilis satio in hoc Agello. & metuo vt acerbi etiam fructus, incusante & incurante Oberto. Doleo. sed videor ta- men de his studiis nostris posse dicere,

* Δίκη δίκην ἔπειτε, καὶ βλάβην βλέψετε. *Litam pa-
ris sic, noxa
item noxam
serit.
Impudentiâ id fit & scœuitate quorum-
dam, qui perfudere animum scientiâ, non
imbuere. Gulielmi Furnerij, ad De ver-
borum significatione, vidimus: probum;
& sine ambitione doctum planè opus. Fa-
ueo, admiror, amo. Petri Fabri Ad Regu-
las audiè exspecto: nec inducor vt lædi me
credam posse ab eo viro, non certè si me
nouit. Quid tamen eius sit (nam è Coluio
nostro inaudiui aliquid) liberè, vt oportet,
scribe. Ego æquiter punetiunculas aliquot
stili eius feram, qui sæpè me iuuit. Errico
Memmio viro summo, (ita dudum sentio)
meo nomine indica: scriptum ad me ab

E 2 Egmun-

Eginundo de oblatis Notis aliquot in Tacitum. sed litteras eas tardè, imò serò redditas: itaque non postulas èas me, habere tamen ei gratiam, proinde ac si impetrasssem. Dicare me ipsi hunc animum, & sine fuso amorem. Clarissimo viro Claudio Puteano, iam diu etiam labore, vt animus meus innotescat. scio illum esse inter lumina illa Galliae: & velum valdè eum à me saluere. Sed tu, mi Guilielmi, quid agis? quid cudas? vt enim vegetum ingenium tuum est, non cessas. Perge quæso te gnauiter in hac viâ, quam ad æternitatem tibi strauisti. De Scaligero, doleo siue indignor esse nebulones, qui conuidentur & obstrepant viro, quem non lèdant^{* αξω-}
* Inuincit
rables deo-
rum liberi.
τοι γε θεῶν παῦδες, ait Pindarus: sed nos per eum, & cursum illum impediunt benè monendi & scribendi. Et quis, obsecro, ille Insulanus, qui iactat etiam reges? Me pariter morantur interduin, & turbant hæ pestes. De Iosiæ Merceri Nonio, gratum. vrge vt promat. Ad Augerium Busbequium credo mñe nunc aut certè breuî scripturum, cum testimonio quod tibi debeo. Nicolao Fabro, Pythœis, Passeratio, multam à me salutem dicio. Vale; & salve à Dousâ nostro. Lugduni Batauor. xv. Kalend. Iunias, &c. I. LXXXIV.

E P I S T . L X X V . Noribergam.

IOACHIMO CAMERARIO *Doctori*
Medico, S. M. precor.

EXHILARARVNT me litteræ tuæ solo nomine & aspectu. Grati mihi semper Camerarij, ob vnum illum virum, quem Germania vestra habuit sine pari: & tu merito inter eos, cuius beniuolentia in me olim signa non obscura. Libellum à te missum falsi Ciceronis, cum iis quæ adiuncta, accepi & legi lubens. O duram frontem Sigonij, qui hoc pertendit! sed sentire eum ita serio, vix fides. Quid autem ais de altero illo Riccoboni responso, si vidisti? satin' vt acriter & veris armis in Sigonium itur? Ait non obscurè, illum ipsum auctorem esse laudatæ Consolationis. Vide & ride hoc bellum Italum, cui me non misceo. Ut quid enim? mihi tam clarum est quæ Solem illum lucere, scriptum hoc nouitum esse & improbabæ nimis spei. Nec dissentient, scio, docti. Sigonio ignoscere possumus, si agit suam caussam. et si metuo ne labecula aliqua ab hac re offusa priscæ illi

gloriæ. Ita fit, si quis eam non habet cum modo. Nos Tacitum recudimus, & Constantiam in quâ Notas aliquot adiunxi mus, ad reprimendas calumnias quoru mandam: quarum hoc sanè sacerulum ferax. & eâ re tardari nos ad nouum aliquid pangendum non negamus. Andreæ Dudithij per te litteras accepi: viri magni, alti, & de quo illud possim

^{* πηλασθεον εκ Δοκ. επ. Ο.}

^{* Epist.}
^{ex Ioue ra-}
^{mbo.}

Salueat à me, & tu vna amicissime Came rari. Lugduni Batauor. xvi. Kalend. Iun. &c. I. LXXXIV.

E P I S T . L X X V I . Biturigas.

I A C O B O C V I A C I O Ic.

NON ipse contentus in amicitiam tuam penetrasse, aliis ecce fores aperio, quasi in eâ vetus. Iuuenem hunc tibi commendo, familiarè nuper meum, otis & ingenij probi. Commendo autem ita, non vt ad interiorem illam amicitiam tuam admittas (aliis seruetur aditus ad illa adyta) sed ad externam hanc notitiam, quæ in adsatu posita & adspectu. Hæc enim illi sufficit: & adolescentibus id ætatis satis gloriæ, Vidisse, Conuenisse. Quamquam hic etiam Audisse referet: quæ vnicæ illi caussa Biturigas, imò Galliam, petendi. Tu mi Cuiaci illum, vel meâ caussâ complectere, & me omnino, qui æternum tuus. Lugduni Batauor. Non. April. &c. I. LXXXV.

E P I S T . L X X V I I . Lutetiam.

FRANCISCO RAPHELENGIO
FRANCISCI F. S. D.

I AM vir es, laudo. Binæ à te litteras accepi, tu à me nullas: non culpâ tamen nostrâ (scripsimus enim vbertim nuper) sed Legatorum qui diem ex die ducunt, & more suo morantur. In eorum enim comitatū I. Esychius noster est, cui fasciculum dediimus. Valetudo nostra infirma, incerta. non etiam animus, cui fixum parere & sequi magnum illum Deum. At rumor ille falsus, qui vos terruit de meâ morte: qui tamen idem Brugis & Leodij sparsus, ne mirer apud longinquiores Gallos. Homines de meo capite possunt ludere, statuere tantum supremus ille Princeps. Ego mortem non timere dudum didici: quin vt hæc tempora & languores mei sunt, propior sum appetenti.

^{* Kpeῖσ-}

<sup>* Mollius est
semel mori,
Quam con-
tinuerit in
diem affligi
meli.</sup>

^{* Κρεῖσον εἰσδημάξ θεων}

H³ τὰς ἀπόστας ἡγέας πάχεα κακῶς, ait Æschylus. In studiis quòd pergis & perseueras, gaudeo. quid sequendum tibi, reperies in litteris meis primis. Passeratio sedulam operam da: qui vna columnna labenti nunc Scholæ. Nam vetus sanè Parisiensium doctorum gloria valdè flaccuit & immuniuit. Sapientiæ studia & virtutis ne omitte. Pietas tibi in mente, modestia ante oculos, & demissio animi: ad quam numquam satis te horter. Illa fundus bonorum omnium & fundamentum: nec pestis alia plura ingenia abripuit, quam Confidentia & æstimatione sui. Tu abstine. Reuerà enim quid sumus? quid scimus? Quò longius progrederie in scientiæ veræ viâ, tenebras, & circumfusam caliginem magis cognosces ingenio humano. De me ne labora, si quidam inuideant aut carpant. An ego eximius sim inter homines qui sunt, qui fuere? Omnes qui excellere aliquā in re conantur (non enim dicam qui excellunt) statim adflavit & adussit malevolentia ista aura. Cita veteres, reperies. circumspice hodie nostros: idem. Quid miraris si Marcus aliquis hoc in me faciat, aut Lacon? Mihi sententia de me, non nisi apud me fertur: nec quis sim, alium rogo. Interno isto iudice si probus audiam: quid addent aut dement? mihi hi sermones? Nec famam tamen sperno, aut neglego: sed hoc de te moneo, non esse eam nostræ potestatis. ideò inter externa habendam, & in momentum nullum ad beatam tranquillamque vitam. Quis sim, in me situm est: qualis audiam, in vano isto vulgo. Sed ad te redeo. Iuxta sapientiæ studium, stilum cole & exerce: qui diuæ illius fidus & necessarius minister. Quid enim recondita illa aliis proderit, nisi spargere & emittere ad plures eam poteris felici quadam pennâ? Stilum autem, meo iudicio, Plautus & Cicero tibi perficiunt: aptâ quadam, & quam ex me sæpè audisti, mixtrâ. Æuum tuum vides? propera. non aliud magis idoneum disciplinæ. Auum tuum vides? item propera. infirmus enim ille tibicen, qui te sustentat. Morbi & languores cottidiani illum vrgent, facturi aliquando quod minantur. Quis autem studiis tuis gubernator, amissio illo? Nam & ego sanè infirmus. quo tamen viuo haud spero quidquam tibi deerit. Vale. & veram virtutem nosque ama. Lugduni Batauor. xvi. Kalend. Ianuar. ∞. I. LXXXIV.

I. LIPSI Operum Tom. II.

EPIST. LXXVIII. Aurelianum.

EVERARDO POLLIONI S. D.

ERГОНЕ in Galliâ tam diu es, & files? Siue affectum meum in te respicis, siue consuetudinem quâ domi meæ vslus: peccas. Nam me certè vel morbus excusat, qui quattuor iam menses perpetim me vexat. Et tamen cum miti arbitro tibi res est. scribe, & excusasti. Loca illa quî placent quî homines? Probi illîc, scio, improbi: que: sed hos, mi Pollio, vita: & in primis si qui nequiores aut leuiores. quæ vetus gentis illius nota, & nunc per bella, per tumultus, auxit valdè. At illos (probos inquam doctosque) elige & exerce: his adhære: lingam ab iis disce & mores. Ut aromata odorem semper aliquem adfricant tangenti: sic boni & modesti, auram aliquam suæ virtutis. Inter hos Aureiani (illîc enim agere te censeo) Furnerium antecessorem habeo: quem virum probum esse audio, penitus doctum è scriptis scio. Si potes, illi innotesce: & si gratum esse putas, à me saluta. Pestem in iis locis saeure accipio, nisi si iam desæuiit hoc frigore & hac hieme. fuge contagem illam, quantum humaniter potes: sed ante omnia pestes illas animorum, sodales malos, qui fraude & arte inrepunt & inrumpunt. Plura, cùm rescripseris. Nos enim adhuc in morbo: nec sine discrimine, nisi clemens ille Deus auertat. qui virtutem modestiamque tibi seruet, & nostri amorem. Lugduni Batauor. xvi. Kalend. Ianuar. ∞. I. LXXXIV.

EPISTOLA LXXIX.

MART. LYDIO S. dico.

SO LICITVDO tua de valetudine meâ, non magis mihi noua, quam amor tuus, quem iamdiu ostendis. Vtraque grata. consilium etiam, quod amicè adiungis contravim melancholici morbi. Sed mihi, mi Lydi, non planè capitalis ille morbus, non inquam vera Melancholia; sed tantum suboles eius, flatuosa illa hypochondriaca affectio, longa & saua nihilominus, nisi quòd cerebro & menti adhuc parcit. Quæ constant mihi, nisi erro. Nam in hoc ipso morbo illud mirum, quòd cùm maximè despiunt, sapere maximè sibi videntur: & ita aberrat à se mens, vt se non quærat. Libellum quem dicas Aloysij Luisini, vidi

E 3 num-

numquam. argumento certè iamnunc placet, nescio an tractatione. De Thraseâ meo aliisque scriptis, quæso minus vrge. In morbo hoc nisi morbidum quid possim? & ego me ne sanum quidem ad scribendum scio accedere, nisi cum vegeta mihi mens & acris. Cum calore quadam nostra illa pangimus, non minus quam poëtæ. At nunc frigeo & rigeo, anni tempore & morbo. Ego mortuus in Galliâ & alibi dictus sum, ut ex litteris non vnis intellego: falsò. Vtinam tam falsò I. Guilielmius noster, quem emigrasse scies Julio mense Auarici Biturigum, correptum ardidâ febre. Item C. Sigonius in Italâ abiit, reliquum in eâ gente lumen. Herè mihi dictus Cuiacius idem fecisse, nec tamen certò. Quid ais? nónne funestus & fatalis ingenii hic annus? videtur. De me, Deus ille & seruator meus videbit: qui nec præter mentem meam hac in re aliquid statuet, nec præter votum: Obsecro enim quid nos teneat aut liget in hac fæce? Nihil me: qui magis magisque in dies video & rideo furorem Principum & vulgi. Etiam priuata si introspicis: miserix, & angor, & languor: & cum Homero

* Mern
fabis ex
merori.

— * δέχεται κακὸν ἐπικακάς δεῖ.
Quæ tamen Christiani meritò ferimus, quamdiu Deo illi visum, qui explorat & purgat nos per hunc ignem. Tu vale. Lugd. Batau. xvi. Kalend. Ianuar. 15. LXXXIV.

E P I S T . L X X X . *Romani*

ROLANDO WINCELIO S. mitto.

Me quoque certè accedit ad redamandum amor hic tuus, cuius scintillæ exsiliunt & emicant in omni epistolæ tuae parte. Quem quod meritum meum siue aluit, siue accedit? Nam quod magni aestimas hoc nescio quid litterularum, quod in nobis est; vide mi Winceli, ne abducatur & seducatur te affectus. Voluimus sanè quædam in publicum; sed adolescentes, nec annis aut iudicio satis adhuc firmi. Quibus, benignè mecum agitur, si venia à Lectore tribuitur; nedum ut cumulus iste laudum. At tu tamen ea extollis, & cum aliis quibusdam errorem erras, quem negare mihi non possum esse gratum. Posteritas saltem (ut ille inquit) ita de me meisque aut erret, aut iudicet. Nam viuus certè iudicia multorum experiar validè in me prona. Quorumdam etiam aduersa, fateor. & cur

offendar? scio quod sàpè meritò. Lapsi enim non semel sumus, præsertim in iuuenilibus illis scriptis: quæ tamen nunc reprehendo & retracto, & à postremâ hac incude firmiora erunt, nisi fallor, contra malum dentem. Sed cur tamen in me iniqui? Dent mihi aliquem ex omnibus æuo nostro Criticis, qui non peccent; & flageller ego solus. Sed hos omitto. illud tantum instillo: si temerè arroferint,

— * καὶ μᾶς δάκοι ἀρδεα πονεῖσθ.

* Etiam
muss mo-
mordere
virum im-
probum.

Sed libentiùs ad beniuolas & amicas animas deuenio, in quibus te auctore dehinc censeo Illustrem Gondosaluum Pontium, Neapolitani Proregis nepotem: cui quid nisi gratias agam pro affectu? addo etiam redamare me iure, etsi ignotum. quomodo enim non, qui tam benignè prouocat? De Mureto summa mea opinio est, & erit: & felices vos sanè illo doctore. Patria nostra porrò turbat: nec scio quando nobis adfulgebit tranquillitatis ille sol. Itaque nos etiam sàpè frangimur: nisi quod conatus solari me meosque Belgas sum nupero De Constantiâ scripto. quod scire equidem velim, quî faciat ad Italorum teneram saluam. Vale mi Winceli. iam enim interpellor, inò auocor. Nonas Apr. 15. LXXXIV.

E P I S T . L X X X I . *Rotomagum.*

VICTORI meo S. dico.

Quod deficientibus aspersa frigida, hoc mihi vestræ litteræ. Relevant recreantque labentem me, & virium adspirant nouam auram. Hem, amor quid potes! tu honeste, tu vere & qui semel in puro amicitiae solo egisti radices. Intemperies mea adhuc me tenet. ita enim verius appellare video posse, quam morbum. Cetera valeo: calor tantum molestus in hepate, mesenterio, & pænè dixerim venenatis in eo venis. Eæ sunt, eæ venulæ, quæ pugnam mihi cum stomacho mouent: quæ calorem eius succumque ad se trahunt, malâ vi aut fraude. Caputne alterum de Melancholiâ Rondeletij tui legisti? is purus putus meus morbus. Myrhialeim Arabes, nisi fallor, appellant. Pugno sanè cum eo strenuè; & abieciisse sàpè video, sed ut Antæus quispiam, virescit & resurgit. Frigidis iuuari imprimè video: sed crebra & continens eorum vſio, scis quam non ventriculi ex vſu. Hic nodus. habes ei cuneum? an tu quoque cum veteris Scholæ medicis obhæres? Dico, veteris.

nam

nam isti noui à Paracelso, auxilium pollicentur ab Vitrioli aceto. Frigerare id aiunt, penetrare, aperire; & simul robur addere visceribus & membris. Et sanè (iram & vocem comprime) iam vtor, successu non infeli. De exitu videbo: si iuuare ita portò pergit, ego inuentorem hunc deum. Phlebotomiâ nuper etiam usus eram, & iuuit valde. sed quid dicam? Ut ille in Aetnâ ignis interualla sua habet, & cùm desæuiisse creditur, redit: ita meus iste. Quem nisi brevî tollo, me tollet. Quid refert? genera rosa & Herculea hæc ad cælum via est, per æstum & per ignem. Ego, mi Victor, iamdiu paratus ad hoc iter: nec cum alio affectu minor mihi pugna, quâm cum metu mortis. Vitam habeo, velut hospitem. si manet, non eiicio: si abit, non teneo, nec pænulam scindo. De Modio, grata mihi narratio. Fauco & faui iamdudum illi ingenio: nec (cùm à paucis vobis abij) in Belgio habeo, cui factum velim magis. Placent mores & indoles, & (constet sibi tantum, nec transuersum eum abripiat aliquis Lacon) fructus, scio, dabit studiorum. Sed cur ad me non scripsit? cur ne salutem quidem adscripsit? Peccatum largum; siue illius qui dicere omisit, siue tuum qui scribere. De Lacone quid? trepidas in aduentum eius & palles? Sta tantum: spondeo tibi, fugit. Nihil eo homine * *xερκοδελόνεγρ.* Scelera hoc faciunt, & occultum illud in pectore flagellum: quod commouet, quisquis cum constantius aspexit. De Apuleio & Pintiano, curæ habebo, imò iam habui: & indica si quis alias tibi à viuo mortuoque me usus. Dousa in Angliam abiit legatus. Mihi, si vires paullò magis firmæ, (nam atrophia quædam coniuncta cum hoc languore) decreta Vbios excurrere, priuatæ meæ rei causâ: & illinc Eburones, ad acidos fontes. Mira iis vis dicitur & propria in hunc morbum. Videbo. & pro valetudine omnia faciam, pro vitâ haud multum. Mori enim mihi non graue, graue tabere istud & languere. Tu salute, cum tuâ. Fratri tuo, si iam adest, amicissimam salutem: quem tuâ, & magis morum eius caussâ, seriò amo. Rubicasum nostrum valere audio, sed calcare totum in rebus. Dea Lua eum adiuuet, & nexibus illis malaum litium exsoluat, quibus implicatur. Valde eum saluta, & iube (ita loquor) amantem me amet. In Batauis, xi. Kalend. Sextil. 15. LXXXV.

* Crocodilo
familias.

EPIST. LXXXII. *Lutetiam.*

FRANCISCO RAPHELENGIO
FILIO S. dico.

GRATAS exspectatasque nobis fuisse tuas litteras, nihil opus est scribam. scio te id scire. etiam affectum tuum amauimus, qui & in epistolâ se ostendit, & in carmine quod adiunxi. Tu verò & in amore nostri perge, & in virtute ac modestia multò magis: fine quibus caue censeas, non dicam famam ullam tibi esse posse, sed vitam. Litterulæ enim, & aliæ elegantiae siue cultus ingeniiorum, vacuæ ab ipsis, sordes sunt & deliramenta mera. Modestia est, quæ ad cognitionem nostri nos dicit: hæc ad virtutem & ad Deum, in quo omnis felicitas. De professoribus quod distinctè scripsisti, gratum. Ego audiendi tibi Genebrardi auctor sum in Hebræis, in Græcis Heliæ aut Gullonij, (nam magnus ille Auratus lectionem, vt audio, iam defit:) vt res suadebit, aut scriptor aliquis quem legent. Philosophiam ante omnia non desereres: cuius fructus deinceps gustabis in progressu. At nunc obdura. Sed de litterariâ tuâ sarcinâ, quid? peritne? insignem * *μετωπα* tuam: quam vide seriò * *neglegere* emendes. etiā in eadem sorte meæ literæ? Nam memini dare me tibi ad Memmum, & Pincæum, & Fauerium. cur non scribis, vt saltē iterum scribam? Nam silentium meum trahi alioqui possit in culpam. Agellum (quandocumque difficilis ille partus lucem videbit) fac habeamus: & si quid aliud prodibit, quo scias nos capi. Scribe de P. Fabri ad Regulas iuris, an prodierit; aut potius mitte. quod facile tibi per Somnium. Contagionem pestiferam valere istic audio: tu quantum in te est vita, & segregâ à turbâ. Abstine à multiplici omni cursu, discursu: donec hiems & gelu telum infregerint malæ diuæ. Valetudo mea nondum ex voto, melior tamen: sed ita, vt nec corpus nec mens mihi satis firma. non certè ad labores. Itaque studia nostra cessant. non tua spero: quæ nisi audie, imò calidè prosequaris in hoc flore æui, frustrâ postea quæres fructum. Hæc monita nostra tuâ sponte seruabis, confido: nequid tamen ea laxent alij, nonnullus mihi est metus. Quos vita, per Deum immortalem: & mala illa, soluta, & petulca ingenia, fuge supra ipsam E 4 pestem.

pestem. Non enim hæc magis corrumpendo corpori est, quam illi animo: cui per subdolas blanditias instillant & adfigunt venena. Euripidæum illud cogita,

* Labor
glorie ge-
nitor.

— * πόνος δικλείας πατέρης.
Avus tuus & auia valent. tibi volunt semperque volent, si voles ipse. Salve & vale. Vxor mea te resalutat. Lugduni Batauorum Prid. Kalend. Decemb. 10. LXXXIV.

* verba
alara.

Ecce tibi ad Busbequium librum & epistolam. si ita Portero visum fuerit, tu illi meo nomine dabis. Sed vide ut tales viros conuenias honestè & modestè. Hoc ætatem tuam, hoc institutionem decet. Inter loquendum (moneo enim nunc, quia fortasse non aliis tibi monitor) caue tua verba præcipites, ne sint cum Humero * θύμη πόνος. vitium tuum nosti: quod nunc aut numquam corrige, & effe sermones tuos, clarè, articulatè, distinctè. Sed heu tu. de sumptibus itinerariis tuis quid audio? valde vos quidem largi. non conueniebat. An tempora hæc nescitis angusta, arcta? Sed in posterum attentiore futurum te confido. Vale. III. Kalend. Decemb. 10. LXXXIV.

E P I S T . L X X X I I I . Lutetiam.

PAVLO MELISSO S. D.

EPISTOLAM tuam, mi Melisse, quî non eamem? indicem constantiæ tuæ in amore. & magis carmen, quod de morbo meo scriptum cum ingenio & affectu. Gratiam habeo, & debeo. Sed te quis Deus, quæ Dea è Germaniâ tuâ mediâ traduxit subito in Gallos! Amor nisi fallor, non ille à Cipride, sed hic à Phœbo, discendi, videndi, & doctos cognoscendi. Quorum omnium fores & pectora, non dubito, quin patescent tibi. Nos etiam in morbo: contra quem animo magis, quam corpore pugno.

* Morbos
necessum
ferre cali-
sus doloros,

* Νόσος δ' αὐάγει τὰς θεντάτους φέρει,
ait Sophocles. in I. Guilielmij morte yaledè indolui. De vultu aut facie non eum noueram: optimè de animo. nec censeo melius aut rectius ingenium fuisse hoc æuo. Sed Deo ita visum, optimos quoque traducere ad optimam illam vitam. ad quam in tot turbis & molestiis nos quoque adspiramus, & te saluere iubemus, optime poëtarum. Lugd. Bat. Kal. Decemb. 10. LXXXIV.

E P I S T . L X X X I V . Ultraiectum.

THEODORO CANTERO V. N.

DIV & sæpè ad te scripturio, mi Cantero: tardauit morbus, qui aliquoties minatus discedere, non discedit. Redit enim per intervalla, & cum serio surrexisse me censeo, prosternit. Tamen nunc iterum meliusculè est, & omnino aut mensis huius genitalis aura me reficiet, aut nulla. Ad vos cogitai sæpius. (inuitabat, præter amorem vestrum, aër) sed absterrit via longior, imbecillitas, finitiimi etiam nunc terrores. addere audco, & conuiua vestra: quæ lenta nimis apud vos & lauta. Librum II. Electorum nuper demum tibi per Vulcanum misi. credo accepisti. Cetera cessamus: & sati abundè habeo, si omni curâ corpusculum hoc sustento. Labores certè nec ingenij quidem fero aut subeo, sine manifestâ noxâ. Ferenda ista: donec aliter visum magno illi & benigno Deo, qui te mi Cantere feruet, & me (si ita expedit) aliquando firmet. Vale. Lugduni Batau. Non. April. 10. LXXXV.

E P I S T . L X X X V . Lutetiam.

RENATO PINCAEO Senatori Regio S. D.

VAE hæc tam obuia humanitas tua est, Vir clarissime? quod vltro appendum mihi fuit, ipse defers vltro, amicitiam & coniunctionem tuam: quibus, moriar, si quidquam mihi gratius accidere potest à talibus Viris. Splendor, fama, opes haud altè me tangunt: iuuant & penetrant hæc iudicia, quæ profici scio à viris, mystis Virtutis & Doctrinæ. Quarum candidatum me non nego: sed hoc tantum. & vereor vt purpuram serio umquam induam tanti honoris. At vos ita benigni, vt non rem tantum ametis, sed umbram etiam & speciem, omnesque in quorum animis effulget aliqua * τε καλὴ imago. Itaque mi Pincæ (amicè & familiariter iamnunc te compello) amorem meum vicissim serio tibi offero: spondeoque futurum, prius vt à me excidam, quam vt ex animo meo illi, qui tam proclives ad me amandum. Amplissimo quidein Brissonio, & Regij concilij & cœtus nostri Præsidi, publicè deuinctum diu me scio; priuatim nunc, hâc amicâ salutatione. quam meo nomine illi reddes, cumulatam affectus tui

aurā. Vale vir Clarissime, & litterarum hoc iter si crebrò teris, gratum mihi: qui numquam vincar in officij aut fidi amoris cursu. Lugduni Batauor. ix. Kalend. Octobr.

EPIST. LXXXVI. Brugas.

SALVTEM AMICISSIMAM
IANO LERNUTIO.

Tv certè, mi Lernuti, in amore iuxta & in litteris prolixus. Nam Victor noster quām breuiculus! In hac raritate nuntiorum, difficultate temporum, tribusne verbis ad Lipsium? Ita fecit. pro more suo, imò naturā: quam quia nosco, ignosco. At effusionem tuam amo & amplector: cum quā iure pariabo. Valetudo nostra ne nunc quidem ex voto. Mensis Maius iuuuisse aliquid & vegetasse visus, sed vt in floribus quoque, vigore fluido & haud diurno. Anceps enim hæc sanitas, mi Lernuti, anceps. Hodie stare me putem? cras relabor. vires recepisse? amitto: & quod medici mecum mirentur, cæcis nec liquentibus cauissis. Calores saltem viscerum sentio & nescio quos edaces æstus. Quid me aliosque fallam? tabes ea est, nisi erro, & certā sed lentā viā eo ad mortem. Nec ingemisce. Deo ita visum: cui nos tam libenter, tam fortiter paremus, vt manum non verterim, hoc siāt an illud. Ennianum istud verè proclamo:

Viuam an moriar, nulla in me est metus.

Cur aliter adficiar? Æquissima hæc naturæ lex est, quæ pariter ligat omnes. Carnifex illud Fatum te meque exspectat: & alium alio tempore duci iubet magnus ille Imperator. Ecce tibi plebeium aliquem tam constantem, vt lictorem suum sequatur, & manum vtrò exposcat percussoris: aliena ab eruditis vis ea sit? Non à me: nec præibo ad mollitem hanc exemplo. Ut fera auis, apertâ caueâ, non eiicitur, sed euolat: sic ego libens in apertum illum purumque campum. At enim iuuenis. Fatoe, sed vitæ huius tam satur, quām Priamus aliquis aut Nestor. Quousque enim eadem? edere, bibere, legere, scribere: & adde miserias, quas largiter suppeditat hoc æuum. Sed mitto hæc sophera: ad matya venio tuarum litterarum. Electa nostra Secunda probari tibi ais vnicè. Gaudeo. eoque magis, quòd seriò verebar ne parùm ad Genium priorum scriptorum meorum is fætus. In morbo quippe conceptus & editus, quid mirum si referat aliquid triste &

morbidum, & rabeat ipse à spiritu hoc tabente? Quòd si aliter; præter speim meam est, non præter votum. Epigrammata tua in impurum illum valdè pura. Cur plura eius generis nōn mictis, reficiendi saltem mei? Pascor enī libens hæc ambrosiā: quam per altū istud otium vbertum necessum tibi est gigni. Sed illa aspis etiāmne Audomari? Æternū velim, necubi propinquior halitu suo vos afflet. Agellius autem eius tam ambitiosè promissus, vbi est? Stephanicum enim vidimus, & in eo scomata ac tela non obscurè in istum. O improbum pariter & infelicem! Vbiue vapulat, & corpus eius tot cicatricibus infamiae iam occalluit, vt plagæ nouæ non sit locus. Et tu tamen hoc cadauer petis? me inuitio: qui mucronem hunc acutissimi ingenij seruari & dirigi velim in digniorem hostem. Hic quidem calcandus est, non feriendus: & demittat atque abiiciat se necessum est, quisquis eum tangat. De Modio, gratissima. vos monete, firmate, & comitate vestrâ retinete, quæso, in hæc meliore viā. Fax aliqua Belgis aliquando ab ingenio illo. Rubicasium nostrum amo, & in pectore gero. Litigâne etiam & tricatur? an Grudios nostros potius abiit, sedem illam Musarum olim & Gratiarum? Quæ breuī assurget, nisi fallor, & viorem & calorem iterū ducet ab hoc Zephyro pacis. Ibi enim certè iam lucescit: si verum quidem est de Machliniâ, quam deditam nos audiebamus. Critica nostra en tibi. quibus versiculos de meliore venâ, Deo duce, audacter inseruimus, numero ccc. vñiam comite Fortunâ! Spero. Vxori etiam Cilicis illius aliquid concredemus: nec de fide ambigimus, tantum de successu. Dî viales adeste, dî præstites, dî tutelares. En epistolam, an querelam? meri enim in eâ morbi & mortes, quæ non ingrata tamen tibi, si quid in Lipsio gratum habuisti, præter corticem hunc externum. Ille enim abiicitur. at Lipsius vester nullus moritur: eumque præire scitote, non perire. Longūm mihi saluete, tu, vxor, liberi. Lugduni in Bat. Kalend. Sextilib.

* De auris
transmissis
anigmas.

EPIST. LXXXVII. Lutetiam.

ERRICO MEMMIO V. A. S. D.

ANIMVM sèpè corpori imperate, vir Amplissime, non vanè dictum: ego testis. Ecce enim cùm Iani Guilielmij epistola

stola ad me venisset, amoris & iudicij cui de me index; et si languebam ex acri & diffici- li morbo. (nam hepar mihi laborat ex in- flammatione & infarctu) tamen animum secuta hæc manus est, & per affectum potui, quod vix per vires. Scribo igitur; & gra- tias serio tibi ago pro amico isto in me ani- mo, in eoque ut perseueres, si necessum est, rogo. Etsi cur necessum? quem vltro aman- dum delegisti, non spernes, ut opinor, cu- pientem iam, imò ambientem. Utar enim isto verbo, & ambio reuerà amicitiam talium virorum & gratiam, quos velut sidera quædam huius æui habeo, & à quibus lu- cem conciliare me posse scio pallenti meæ famæ. Quam vulgarem, & à vulgo, nihil moror: bonam, & à bonis, numquam con- temnam. Vale Ampliss. Domine, & à va- lente me litteras pleniores exspecta, &, ut sic dicam, magis robustas. Lugduni Bata- uor. iv. Kalend. Octob. 15. LXXXIV.

EPIST. LXXXVIII. *In Holstiam.*

HENRICO RANZOVIO, *Viro illustri,*
Vicario Regis Daniae, Salutem mitto.

LEVEN significationem animi & iudicij tui, Vir illustris, pro beneficio habue- rim: quid censes hoc testimonium & litte- ras, tam amicè ad me, tam honestè de me scriptas?

Omnis mortales sese laudari expetunt, ait poëta vetus: non valde tamen ego, nisi à laudatis. Inter eos autem, quis ante Ranzouium mihi sit? Genus tuum intueor? no- biliissimus es. Famam? clarissimus. Virtu- tem & doctrinam? vtrâque maximus. nec facile quem his iunctim rebus prætulerim tibi, reperiam in Europâ. Itaque beasti me hoc tuo iudicio, beasti. & iam deum Constantia nostra mihi placet, cùm illa vo- bis. Incitor ad scribenda talia: quæ apud rectas istas mentes sint recta. Tribuni illi, quos indicas, me absterreant? nihil. iactent se apud suam plebem: mihi adfatum satis- facitur, si eques hic plaudat & Senatus. Ut eadem purpura homines delectat & ad gaudium prouocat, tauros offendit & irri- tat ad pugnam: sic eadem veritas aut virtus intellegentes capit, lædit improbos & im- peritos. Itaque scribere hæc talia (quidquid incurvant) nihil tardor. & vt Luna, quod luminis à Sole accepit, infero huic mundo refundit: sic libens ego dona, quæ à magno illo Deo. Qui te, Vir illustris, reip. & bonis

seruet: & mihi hunc animum tuum, quem tam amanter defers. Vale. Lugduni Batauo- rum Idib. Februar. 15. LXXXV.

EPIST. LXXXIX. *Delfos.*

PAVLO BVSIO V. *Ampliſ. S. D.*

CVRATOREM te (ita iamnunc intellego) huic Scholæ datum, Vir Amplissime, iure tibi, & magis nobis gratulamur. Tibi honorem aliquem: nobis grande benefi- cium, quod ab hac electione meritò spera- mus. Speramus? imò iam tenemus. ea vo- luntas tua est in iuuandis optimis studiis, ea facultas. Illa clara; qui omnia pro nobis egeris, laboraueris, re priusquam titulo Cu- rator. ista etiam non obscura; qui magnus es inter magnos. Sedes in hac publicâ, ut sic dicam, nauis, non inter remiges aut naua- les socios, sed inter eos qui ad gubernacula & ad ipsum clauum. Vis igitur, & potes: & ideo adfirmatio mihi non iniusta, de af- fectu optimo & simul effectu. Sed sub ini- tia tuæ Curæ, ingeram tibi maximè curas duas; de Collegio & Philosophiâ. Diu ni- mis dilat' vtraque res, cum nostro, imò cum patriæ damno. Collegium inquam ante omnia instituendum est, in quo ali iu- ventus aliqua possit: certo numero, disci- plinâ, lege. Domus iis vna sit, vna mensa, vnum caput: lectiones variæ, pro captu cuiusque, & pro iudicio Præfecti. cui hîc & alibi distictè parebunt. Numerum esse quâm maximum velim: certè non infra tri- cenos aut quadragenos. Sumptus in eam rem aliqui faciendi, fateor, sed exigui pro fructu. Hoc seminarium lectissimorum ho- minum erit: hæc seges eorum, qui ad Ec- clesiam, ad remp. admouendi. Nec alios legi quâm ex ipsâ patriâ velim, qui in eâ, pro eâ, & ab eâ alentur. Cur enim lac ma- ternum hoc germanæ soboli præceptum, indulgeatur & immulgeatur exteris? ne fa- cite: & sumptus cùm à vobis, ad vos etiam fructus redundant. Cetera quæ ad legem & disciplinam, tunc distictè superædificabo & addam, cùm positum hoc fundamen- tum. Quòd si Ordinibus de Collegio ægrè aut tardè persuademus, (tempora video & impensas:) age, inite saltem hanc viam alteram, quæ impendij minus habeat, com- pendij non minus. Pro Collegio, substi- tuite Mensam communem. Ita suadeo, ad Germanorum aliquot Principum exem- plum. qui in Academiis (vtiamur voce tritâ) subsi-

subsidiū hoc subtiliter & utiliter impenēre paupertinæ iuuentuti. Domum aliquam à se præbent, instruunt: nec eam nimis laxam. In hac Oeconomū cum familiâ collocant; cui cura nulla præter eorum, quæ ad victum. Conueniunt cūm eo certis legibus & ferè istis. Domum hanc, tibi & familiæ habeto. frumenti annui tantum numerum, ad panem: tantum, ad zythum siue ad potum. Iuvenes cottidie ad mensam recipiunt quadragenos, quinquagenos. pro obsonio viritim quid pendent? Et ferè inseparabiles conueniunt, de pretio aliquo minuto: inque unum onus (excipio quod cubiculum ubi quisque parat) incumbit iuuentuti. Singuli inquam pro obsonio obligantur, cetera liberi & immunes. Sed id quoque leges suas accipit, quantum & quale ab Oecono mo detur. Iam Rectoris & Professorum illa cura est, qui ad hanc mensam admittantur, qui admissi reiiciantur: & quater anno recensus habetur & examen eorum, qui beneficio Principali digni siue indigni. Submouentur, retinentur, subrogantur, ut censoribus illis visuri. Conviuolum iisdein tunē, pro labore. Mihi credere, non alia res sumptuum minus grandem habet, fructum magis certum. Nam in ordinariis illis collegiis, scimus quam multa ambitu peccantur, adiungendo, reiiciendo: scimus quam verba ferè sint, præclaræ illæ de disciplinâ leges. Nescio enim quomodo, assidua conuictio illæ & contubernium, non ex usu iuuentutis. qui, vecunque artreas aut separas, sermones communicant, consilia, vitia, sordes. Non id peccati in meā Domo, in quâ, præter mensam, nil commune. Nec aliud ea est, quam velut publicum Diuersorium: sed parcum, sed honestum. Cogitabis: & cūm voles, colloquemur. Iam de Philosophiâ, quam turpe! Ceteras hic minores, & velut ancillas artes, coli & colere: negligi illam dominam & reginam? locum ei non esse in proprio suo loco? Quo enim aliter hac omnis Academiarum institutio, quam ad Prudentiam Sapientiamque in primis spectat? Atqui ad eas Philosophia ducit: quam tu, Vir sapientissime, induc. Barbaries te terret, & spinosa illa viarum? Pelle illam, has purga: quas patres nostri malis tribulis, malis scrupulis, impleuere, per prauum acumen. Ipsam illam legitimâ Diuam reuocari à te volo: non hanc squallidam & personatam. Nam Scholarum hunc, ante annos trecen-

tos aut quadringentos, usum siue abusum cur teneas? Sperne: & reduc omnia ad verecundam veramque formam: cui, præter frumentum, maior sanè dignitas & ventus. Quis enim amoenior adolescens ad illa tam in amoenâ veniat? fugiunt imò, cūm aduenire: & imbibere non iniuriâ spernunt tætrum illud absynthium doctrinarum. Nos Aristotelem redicimus: sed ipsum &, si me audis, non solùm. Ipsum dico. quia obscuri illi in eum & aculeati Commentarij, cui rei? Detorquent rectissima ingenia, & in acuminum flexuosos labyrinthos abducunt, à vero Philosophiæ fine. Ipsum legisse, & intellexisse, satis sit: & maximè in iis libris, quos hi minimè legunt. Logica illa ætatem eos occupant: concepta ab Aristotele fortasse, numquam ita scripta. Politica quis tangit? quis De animalibus? aliaque diuina, ob quæ mirati illum nos & prisci sumus? Nam Ethica ipsa, leuiter libant & velut in transcurso. Scilicet hoc iamdiu moribus his obtainuit, vt nulla pars minus ad Philosophiam facere censeatur, quamquam quæ ad mores. Atqui ea præcipua erat, vel verius sola. Iam, nec solùm, addidi: & bono iure. Cur enim vni Aristoteli locus in hoc procinctu sit? Ille signifer quidem aut Imperator, si volunt: commilitent tamen alij, & in una legione non unus saltem Centuria aut Tribunus. Plato aliquod agmen mihi ducat, aliquod Epictetus, Plutarchus, Seneca: & in opinionum nonnullâ varietate, omnes tamen pro sapientia & sub ea pugnant. In Ciuali & Morali eius parte, an ille à Lycæo indignetur Platonem sibi apponat? fortasse hec præponi. ita diuinitus librilli de Rep. & Legibus magnâ ex parte concepti sunt & conscripti. An Senecam sapere & Plutarchum? Idemque de Physicis censem: ad quæ & Senecæ Quæstiones Naturales, & Lucretij etiam liber sextus, aliquod, me arbitro, adferant momentum. Nec enim vel poëtas expunxerim ex hoc maniplo: & cum fructu hæc talia publicitus legi censem in Scholis. Sed plura item & distinctè magis huius rei, coram. Illud mihi non monendum es, sed rogandus, ne te aliorum trahant iudicia quorumdam. Nouam viam noui homines ineunt: & explosâ illâ sectâ veteri, sapientiæ frugem querunt in agellis Rami, aut Philippi. Quid dicam? neutrum culpo. uterque doctus, sedulus, industrius: sed valde erro, si errorum hunc errare nos voluerunt ipsi.

Compen-

Compendia perueniendi conscripserunt: an vetuerunt adire loca & templa ipsa? Atque isti ita eos complectuntur; vt non viam illos, sed metam censem: nec per eos ad veteres transitum faciant, sed in his subsistat. De Philippo, vt vir fuit, aliam ei mentem fuisse planè scio: de Ramo, sperro. Quòd si alteruter hoc adfectauit: si ipse solium illud Sapientiae insidere, priscis cieclis: nñ ille apud sapientes omnes valde insipiens. & quem isti ipsi tyrunculi Principatu mox deiicent, qui per prauam seditionem elegere. Puerorum eniun ista (dicam liberè) illudia, & Saturnalia dierum aliquot regna. Nec tamen eos sperno aut refuto prorsus (scio, & fateor, multa in his breuitate & ordine bona:) manere tamen intra fortunam suam iubeo, contentos parietibus & auditionibus priuatis. Puluere in scholasticum & aërem adflectant? non ferent: obruentur sicutilis & pugionibus istorum, qui prodeunt à Veteribus illis castris. Iuuentus nostra à me hoc audiat: Numquam ille magnus erit, cui Ramus est magnus. Pergebam in hac scriptione: (vides quām benigna materia:) reuocant me non mēae occupationes, sed tuæ. Eas aspicio: & in ambulatiunculam nostram vnam, aut cænulam potius, hæc conferam, quām vt manum tibi & mentem impleam epistolâ tam longâ. Quod initio dixi, repeto: gratulari me, & optare vt curæ has cutas habere possis, non rogare. Cur enim rogem? scio te iuxta ac me velle: nec penes te numquam culpam futuram non impetrati huīus aut non effecti. Deus illis, in quorum manu res est, tuam mentem det, tibi seruet. Vale Amplissime & amicissime vir. Lugduni Batauor. iv. Idus Iulias. &c. I. LXXXIII.

E P I S T . X C . *Vlraiectum.*

FLORENTIO THINNO
Syndico reipub. eius.

S I L V I aliquandiu Vir amicissime: sed (dicam veram caussam) fiduciâ solâ amoris. Oblivio tui fuerit? absit. hæres mihi tu & humanitas tua in medullis. Neglegentia mea? nec illa. quia alibi socors, numquam in hac parte quæ ad Amicos. Amor, inquam, fuit, firmus inter nos amor: & ab eo fiducia, quia tam certus eram non irasci te posse Lipsio, quām non amare. Et tamen siquid hīc quoque culpæ, morbus excusat;

sub cuius vmbone sæpè nunc in his talibus latito & me defendeo. Nam etiam nunc apud me ille hospes, lentus, defes, certus non abire. Vitrioli acerum a te nuper accepi, siquid acria eum fortasse fugarent: & vtor. Nam nec Heurnius noster improbat, medicus mihi in omni hoc morbo fidus, peritus, & (quæ laus ei propria) cautus. Refrigerat sanè aperitque insigniter: sed nocet exsiccando. Itaque nondum plenè iuuat. A Pollione nostro ante biduum ad me litteræ. Omnia, quæ volumus. Aureliani sanus agit: Furnierio ignoruit: pecuniam accepit. Consulit super abitu, aut mansio-ne. Illum ego suadeam, vt rem video & natas in regione eâ desubito turbas. Et Basileam (antea mihi scriptum) cur non emigret? placet locus, incolæ, mores. Atque adeò si nulla vis alia aut metus expellat, suadeam Germaniæ tamen adspectum. Vtile enim & è re peregrinantium, qui Galliam infederint, in illam transfilire: vt siquid ex gente istâ adhæserit exultans, diluant siue temperent Germanâ grauitate. Quærit & de Titulo, Vbi? Ego, dum rem adserat, Aureliani an Biturigis, non discernam. Et illam adseret; aut valde me fallent semina, quæ hīc ieccerat firmioris doctrinæ. De rep. non illa mea cura. Tamen excusso Palinuro nostro valde fluctuat hæc nauis, nec Æneam aliquem promptum video, qui succedat ad clavum. Varij inter Ordines sensus: bene: si non disensus. Deus videbit: ad quem configio. quia, vt scitè Plinius, tuic votorum præcipuis locus est, cum spes nullus est. Quæ ipsa vota mihi interposita pro tuâ meaque (si id expedit) salute. Vale. Lugduni Batauorum, a.d.xii.Kalend.Iulias. &c. I. LXXXV.

E P I S T O L A X C I .

CAROLO CLVSIO V. C.

M i Clusi, & litteras tuas accepi, & cum iis thesaurum (ex animo sic appello) hortensem. Cariores mihi bulbi illi Tuliparum selectarum, quos ad me mittis, quām si globulos totidem ex auro vel argento. Vulgus non credit: ego de meo animo & ex animo loquor. Grandes tibi gratias habeo: & cum habeo, debeo: ac debeo semper. Infortunium quod in pede tibi cuenit, mihi dolet. sed quid? tu hanc sortem, ego aliam: & quemque clade aliquâ internâ siue externâ afficit Homerica illa

Atc.

Atc. Dea tristis, amara, perambulat hunc orbem, nescio quomodo magis celeri pede, quam candidæ Litæ. At tu quiescis, & id luges. Utinam nobis domi illa desidia! Sed (en tempora, mi Clusi, imminent) iactamur & pellimur ad nescio quæ terrarum. Nam hîc palam discidia. Tamen sermo etiam aliquis de Irene: sed vereor, ut sermo. Te vocavi nuper: nunc reuoco, cum video instabilem statum. Nos in studiis agimus, & promouemus haud multum inter tot turbas: tamen his diebus feriatis nescio quid in Senecam adnotauimus Tragicum. quæ mitto, si te forte delectat ille poëta. Paramus Politica, & grandiora quædam; sed quid mihi aut tibi spondeam, per hæc tempora & valetudinem hanc incertam? Hoc vnum. amare me virtutem, doctrinam, & amaturum semper: eosque qui eâ prædicti. te, mi Clusi, inter primos. Vale. Lugduni Bataui. vii. Kalend. Nouemb.

EPIST. XCII. *Prælaniam.*

ANDREÆ DUDITHIO V. N.

Cef. Consiliario S. D.

IN ruborem me das hâc humanitate tuâ, Vir illustris. Scribis vltro, compellas vltro: & promis atque offers ea, quæ improba pænè mentis sit à tali viro sperasse. Ego enim te noui Dudithi. & quamquam inter nos multæ terræ, multi montes: tamen etiam huc penetrauit se dudum fama nominis tui & virtutis. Boni omnes ita me probent amentque, vt iam pridem ego te, etsi tacito dumtaxat quodam sensu. Quæ enim mihi occasio aperiendi? ad quam præiuisse nunc te, & velut strauisse hoc iter beniuolentiæ & amoris, sanè gaudeo. In quo sedulò & cum fide decurrendo, numquam erit vt vincar. Libellos nostros & Constantiam laudas. mentiar, nisi id mihi gratum: non quia laudes me capiant nimis aut titillent, sed quia testimonia talium virorum. Itaque addis ad reliqua calcar. quo egere nos interdum fateor, ob iudicia siue columnias quorumdam. Nam valetudo mea nunc (proprio Deo dixerim) nihil impedit: & querela illa, quam Constantiæ subtexui, scripta in morbo meo ante aliquot annos. De Amphitheatro librum edidimus: quem mittó ad te non vt munus, sed nouæ amicitiæ velut arram. Supersunt Saturnalium aliquot libri: qui digesti, imò perfecti, nisi quod aliquam exspectant iudicij limam.

I. LIPSI Operum Tom. II.

Quam haut facile adhibeo, partim negotiis districtus, partim his bellis: contra quæ etsi stamus erecti, tamen auocant sæpe hunc animum à talibus cogitationibus, & in se intendunt. Remedium tu amice offers: scio enim quod domiciliū, & apud quem, designes: & exoscular adfectum. Sed multa mihi nunc impedimento. familia, vxor, (nulli tamen liberi) parui è sorore nepotes, quibus tutor ego, illâ nuper mortuâ, imò velut pater. Sed nec corpus mihi nimis firmum ad longum iter: etsi integra adhuc & viridis ætas. Itaque non decretum mihi commouere ex hac patriâ, nisi fluctu aliquo maiore expellar: quod non semel nobis timendum videtur, in hâctam diuturnâ tempestate. Alioqui beniuolè me habent Bataui, & stipendio sanè honesto. Nicasiu Ellebodium ab aspectu nunquam noui, optimè à nomine: iam tunc cùm Romæ apud Cardin. Granuellanum agerem, paucis mensibus post eius discessum. Nam ipse tunc Patauij: & scio me aliquando ad eum scripsisse, Cardinalis nomine & iussu. Scire velim viuâtne, & ecquid agat. Idem de Michaële Bruto: quem ex Epistolis editis video tibi amicum, itemque ex Præfatione eâ, quæ in iudicio tuo de Cometis. quem libellum iam olim audie legi & cum fructu. De ** Mathematico scripsiteram olim ad Ortelium, sed nescio reuera sine futurus ad satiuam vestram & gustum. Mathematicus enim merus est, sine aliâ arte, imò pænè linguâ: denique ex generè, qui ~~unxavat~~ potius quam ~~unxavat~~. Addè quod ægrè nunc auellatur ab his locis, in quibus arti eius honos & vñsus. Siquid de altero eruam, non grauabor indicare. Donellus Iurisc. amicè te resalutat: quem Norici abstrahere conati à nobis ad Altôrianam Academiam, frustra. Manet enim mansurusque est, quamdiu hæc schola. Valde & tibi se insinuat noster Dousa: itemque Plantinus, qui apud nos nunc agit, & casu cùm has scriberem intervenit. Vale Amplissime & nobilissime Domine. Lugduni Bataueri. eo. I. LXXXIV. Saluto ex animo D. Monacum, si est istic.

EPIST. XCIII. *Middelburgum.*

IANO GRVTERO S. D.

IMPEDITVM in Galliam iter tuum molestè fero. & hoc tamè malo, quam vt cùm peruerteris, periculum tibi aut fuga.

F

Quam-

Quamquā rumores illi magis grandes fortasse, quām graues. Sanè qui modestiores illinc veniunt, omnia magis placida nuntiant, nec de bello etiamnunc aperto. Suspectam tamen pacem esse fateor: sed quando non in illā gente? vtique hoc statu: quo de religione illud discidium malè sartum malè coit. Consilium tamen à me si quāris: ego censeā per Galliam transire te posse ad Germaniæ fines. Basileam vel Argentoratum dico: atque illic velut è speculâ prospicere quis in Galliâ ventus. Si Zephyri pacati: redire. si Austri aut Noti: hæc re a-pud crassiorem, sed & quietiorem gentem. Omnino consilium non est, dare te frustrâ & cupidè in turbas. quarum si tibi amor manc apud infelices Belgas. De Electis meis. si is, fer ad Brissonium vnâ: si manes aut aliud iter capis, remitte. Nam vt per nuntium, non sunt tanti. atque ego tantum munus illud velut conciliando tibi viro magno dederam, & aditu muniendo. Vale, & salve à me nondum saluo. Lugduni Batavor. XIV. Kalend. Maias. eo. IC. LXXXV.

E P I S T . X C I V . *Antuerpiam.*

ADOLPHO METKERCHO

*Praefidi Flandrie S. D.***Admissio
prius reip.*

Quod rariū te appello, Vir amplissime, quā occupationibus tuis est, non à meis. Illis hoc largior: quas cùm in reip. durâ & patriæ nostræ salute defigas, non inscitius solum sed impius sim, si temerè interpellam. Et verò quid magnopere ad te scribam, præter colere me & amare? neutrum ambiguum, quā deberi hoc tibi à bonis omnibus scis & iam reddi. Effecit enim dum (ratur in *πολεμώνας*) integritas tua & mira probitas, vt inuidiam odiumque non minùs in aliis viceris, quām auaritiam in te & ambitionem. Ad patriæ salutem consilia tua omnia diriguntur; ad tuam, ciuium vota. Sed hæc apud alios malo. Studia nostra per has turbas non vigent, sed nec planè cessant. Aliquid De Pronuntiatione linguae Latine meditabamur, vt tu de Græcæ: sed exemplo magis eodem, quā curā fortasse aut successu. Tenuis enim hæc materia: & quam vix impleam, nisi à suspitionibus & conjecturis. Nam auctoratum nos h̄c ferè inopes. Plantinus etiam ad Grammaticam concinnandam impellebat, quā communis Belgio vniuerso esset. Specrabat id enim Ordines decreturos. Vix ego.

nec si faciant tamen, valdè ingenia aut Genio meo scriptio talis. Quamquam facor ut ilissimi instituti rem fore: nec magis peccari in iuuentute instituendâ, quām hac Grammaticarum varietate. Inter magistellos factionum res est: & quisque hanc aut illam præfert, quia posthabuit eam alter. Iam illi ipsi qui condunt, quid? hoc vno reges. Mihi puero triplex olim Grammatica prælecta, in triplici migratione. Ad annum decimum tertium nugæ illæ tenuerunt; & adfirmo tibi ab anno octavo eadem me tenuisse, et si non eodem modo. Quinque illi anni si in stilo & grauiorum rerum scientiâ positi fuissent, quis mihi fructus? Et hæc peccantur cottidie, non tam imperitiâ, quām ambitu docentium & prauitate. Cui vos quoque, velut publico malo, mederi par sit: si tamen à grauioribus illis respiratis paullum & ad mortem morbis. Quos Deus aliquando à misera hac Belgicâ auertat, & te Vir Amplissime nobis illique seruet. Vale. Lugduni Batau. III. Idus Novemb. eo. IC. LXXXII.

E P I S T . X C V . *Lutetiam.*

M. VALERIO COLLINO

S. multam precor.

NON largiter solum, mi Colline, sed quā maiorlaus, firmiter amas. Louanijs cœpisti: comitatus te in Galliam adseritus etiamnunc non deserit, et si in temporum & locorum grandi interuallo. Adde inter nos silentium: quod frigus inducere potuerit vel incitatissimo amori. At tuus nec intepuit quidem: & scintillas acres sparfas video, & colligo in epistolæ tuæ omni parte. Redamo, redamo; & iure, pectus tam fidum, tam amicum. Locum sic fatis honestum tibi illuc esse gratulor: nec, si me audis, muta. Ad patriam enim cur aspires? Zephyri interduum aliqui melioris spei, fateor: sed turbant subito ex transuerso Noti. Cur autem iuuenilem hanc, vt sic dicam, nauim in feruidum illud fretum immitas, cùm statio tibi aliqua saltum, si non portus? Obdura. credo aliquando, post tam diuturnas tenebras, misericordis Belgis sol aliquis illucebit firmioris pacis. Nos quoque non mutamus: et si exteri ianuam aperiant & inuitent. De pugnis, quas in improbos quosdam pro me pugnas, (ita scribis:) gratum, nec gratum. Ab affectu gratum: re displacet & effectu. Quid enim litigio isto vincis?

vincis? non illos meliores facis: non me honestiorem, quem nihil maculant linguarum illæ sordes. Ita seriò sentio. laudari me, cùm culpant tam illaudati. Non virus illud homuncionis ego noui? inter cuius minimas culpas est liuor. Alia peccata sunt, quæ ipsum eosque perdiderunt & perdunt, qui adhærescunt. imò qui tangunt. Tu fuge igitur, non pugna. Cessisse hic præstat, quâm incessisse: quia nec vincis quidem ac repelis sine maculâ tam maculosos. De Hospitalij Epistolis editis, valdè gratum. haueo inspicere: magis quâm illos ad Ciceronem Commentarios, famæ grandioris quâm rei. Quid refert? emptores suos, imò & amatores reperient vana illa doctrinarum. Nos solida nihilominus amabimus, contra iudicium hoc vulgi; & te vñâ, mi Colline, quamdiu tu me & virtutem. Vale. Lugduni Bat. Pridie Kalend. Septemb. oo. I. C. LXXXV.

EPISTOLA XCVL

IANO DOVSÆ *meo S. dico.*

LEGI ad vxorem litteras tuas, quâ de me erant. Bellum hominem & facetum: qui tam arguto schemate scribis ad me, & non scribis. Quid censes? excusatum iri te? Non debebas. præsertim cùm non alieni solum multi huc cottidie, sed ipse à te tuus homo. Et tamen excuso. non tam arte istâ captus, quâm inductus à naturâ tuâ: quâm cetera efficientissimam, cessare plerumque scio & fastidire in scribendo. Culpa ea in amicitiâ, fateor: sed cui non sua labes? Nec circumfusa illa Thetys eam in te eluerit suis vndis: nedium vt ego me postulem minis. Taceo igitur, & patior. Emansio vestra præter vulgi vota & nostram spem est. Et iamne in illâ aulâ tricæ & remoræ? nec tamen miror in re tam intricatâ: cui, in vrbe vrbium iam amisâ, nouus nodus. Multi apud nos concidunt, multi dilabuntur: è familiaribus tuis abit quantum potest *Iupiter ille Tonans*. Iam valedixit, iam sarcinas collegit, iam est in viâ. non tenuerint hominem Batauæ omnes quadrigæ. O vim metus, & verè* *τὰ νύπτην δεῖμα!* A quo penitus etiam Hybrida noster sumit, ad eamdem fugam. qui tamen dissimulat, & resistet, vt ait, hac hieme: scilicet cum eiconiis ad vos venturus, sub æstate. Ceteri valeamus, & stamus. Valemus. vt & me includam: haud planè etiam firmum, adsidentem tamen iam sanis, imò & accumben-

I. LIPSI Operum Tom. II.

tem. Nam conuiuio etiam obire hilâriter audemus: quibus ades plurimum, & non ades. Nam mens nostra sæpè apud te, & de te lingua. At inuitatiunculâ tuâ, & illorum procerum, nunc non vtor. Dî boni, quâm voluissem nobilissimam insulam! Sed anteâ languor impediuit; nunc hiems, quæ per continentes has tempestates occupat præmaturè. E Galliâ mihi litteræ; & hoc noui, Petronium ibi recusum cum tuis Notis. Apud me est, videbis redux. De Mureto, nuntiant vixisse. anteâ tamen Senecam Romæ edidisse castigatum & illustratum. Valdè velim vidisse. Rogertius noster istâ quâ valet? quem inuideo tibi, te illi. Fabulani enim assidue, muginainini, & estis vñâ quando libet, quamdiu libet. ô beatum par! & quod vñain per me impar! Saluta sodes, & excusa me de silentio iustissimâ morbi caussâ. Sed heus tu! imitabor tuum φυσικα, & ad alium id hac epistolâ scribam. Cognatus mihi illâc est in eomitatu Busij, appella hominem, salutâ, (caue neglexeris.) dic accepisse vñas eius litteras, cupere plures. responsurum me in breui: impeditum adhuc morbo. O velum mihi vtile, & hâc saltem parte salutarem morbum! patrocinatur in omni culpâ. Tu ne inuide, cui frons tam dura, vt excusari etiam poscas & possis sine illo. Nos editionem Epistolarum paramus (si quid forte subiitum in hoc morbo) & iam concinnauimus ad libros plures. Tardat, quod offendam alibi aut inuidiam vereamur, ex candore & libertatè. Quomodo tamen aliter ad amicos scribamus? Sed videbo, & incidam aut recidam: nequi noui in nos venti. Qui vñiam te referant, mihi, vxoriique! quorum alter te amat, altera perit. Vale. Lugd. nostra, Kalend. Septemb. oo. I. C. LXXXV.

EPIST. XCVII. *Leodium.*LAEVINO TORRENTIO
V. Amplissimo S. D.

LITTERÆ tuæ quâm gratæ mihi acciderint, haud facile effabor. Mittentem intueor? scio ab eo viro, à quo nosci per honestum, non dicam compellari. Ipsas? plenæ sunt fidæ cuiusdam benivolentiæ, & salutarium præceptorum. Et fateor, de Constantiâ in eâ iure ita sentis. Aptare enim veterem philosophiam ad Christianam veritatem volui: & in cogitatione eâ totus dumsum, illapsa & clapsa in mihi quædam fortassis

F 2

se,

se, quæ illam magis sapient quām istam. Non purgo. correctionem imò policeor. & effectum me ut ad culmen illud veniam, à primo isto velut gradu. Ego enim serio scio & sentio, in vno Deo & Filio eius Christo, qui nos benignè redemit, liberauit, spem omnem positā humanæ salutis. Vias ad eam perueniendi, expressas in Sacris litteris. nec hæc externa omnia, & Philologa siue Philosophia, aliud esse quām accessiones quasdam & ornamenta: folia inquam, non fructus. Quod iudicium meum in isto ipso de Constantiâ libro in fronte apparet: qui iam iterū sub Plantiniano prælo. At Senecam & Stoicos admiratus sum. Certè. sed non ut qui verum, me iudice, viderint: sed qui paullò magis tamen in iis tenebris oculos aperuerint, quām ceterum vulgus. De immortalitate nostrâ aut malè aut timidè senserunt, & scripsierunt: esto. (etsi disputari cā de re potest) deum tamen adipisce: quæ secta aut illum magis aperuit & homini inseruit, aut ea quæ ad ipsum? maiestatem dico eius, prouidentiam, gubernationem, & curam nostri. Quem primum limitem esse ad cognitionem & amorem veri dei, nemo negat. Hæc mihi sectam illam non probam prorsus fecerunt (absit:) sed probabilem tamen supra ceteras, quæ magis humi & circa hominem repunt. Iam de moribus & animorum lustratione, quis Senecæ, Epicteto, Arriano (quamquam ille, Epictetus alter est, & loquitur ferè eius verbis) hac parte præponendus? Multa & præclara Plato, confiteor, multa Aristoteles: sed non robore eodem aut neruis. Spirat nescio quis calor in Senecæ aut Epicteti scriptis, qui ad lectorem quoque peruenit: nec disserere illi magis de virtute videntur, quām inserere & inculcare. Quòd si vitâ eam & fatis non expressere: quid miramur? Vera fidei & vera lucis fulcrum illud defuit: cui qui non innixus, necessum est in partem aliquam ruat. Et tamen hîc quoque facile peccari sentio, si quis eos nimis apud lubricam iuuentutem hanc miretur & laudet. Abstrahat enim à veris & legitimis illis animorum medicis, alliget ad agyrtas istos. quod cùm aliis, tum mihi quoque deinceps censeo cauendum. Non enim satis, ne ipse errem; sed ne alteri sim erroris caussa. Itaque, ut illuc redeam, iure quædam in scripto illo meo desideras: & præsertim magis expressam pietatem. Quam ego, te hortatore & duce, non animo meo deinceps geram

inclusam, sed proferam & præferam clare in scriptis. Factum antè à me parciùs, (si veram caussam vis) in hoc ancipi statu rerum & varietate iudiciorum, metu offensionum. At ego te sequor: nec inuitus in placidum illud mare rapior ab hoc Torrente. Quod supereft, & te (vir maxime) ex animo amari & coli à me scito. & canam illam veritatem. De Dousâ hoc quoque confirmo, virum modestissimum optimumque esse, & tui amantem. Plantinus ad nos redierat: è quo speramus aliquid audituros de tuis scriptis: quæ æstimari magis à nobis scito, quām apud te promo. Vale. Lugd. Bat. Prid. Nonas Maij. &c. I. LXXXIV. Dominic. Lampsonium valde velim à me salutes, cuius litteras accepi, at non illud quod in iis promissum. Item Lazuinieum, sororis tuæ filium.

E P I S T . X C I I X . *Lutetiam.*

HENRICO WILTIO S. D.

Qvòd salui adueneritis, idque ex litteris tuis intellexerim, valde gratum. contrà molestissimum audire, de morte Sigoni & Guilielmij. Sed ille præter æratem nihil passus est, (canescebat enim:) & fructus vberes cepit & reliquit studiorum suorum. iste noster, extinctus in ipso æui & ingeni flore. Feramus, & vereor ut hic annus fatalis sit ingenio non vni. Me quoque carpit lentè morbus: etsi mitior nunc paullò molliorque. Lutetiae, siue in plerâque Galliâ totâ, pestiferam luem vigere audio: caue & fuge, quantum humaniter licet. Abs tine à discursu, ab intemperie, luxu, & imprinis ab insolenti illo Baccho. Nisi caues, fatum tibi per illam viam. Melissum istic esse, gaudeo: & magis si vsus tibi cum illo. Velim te in hac peregrinatione innotescere viris, qui claritatis aliquid habent ab ingenio & scriptis. Hæc enim res ad tuam lucem. De Cuiacio quid est? Auaricinc agit: an Lutetiae est in consilio Regis? ita nescio quis rumor ad me adfert. Tu hæc & talia scribes: quæ grata nobis scis intellectu. Eadem viro epistolam meam ostendere poteris ad Ianum Guilielmum (si tamen occasio erit) quia si memini, quædam in eā quæ ad illum. Aperi prius, & vide: & quod videbitur face. Sed ô illius alumni nostri ignauam ignauiam! itan' eum perdidisse aut proiecisse commissas litteras? At ego de superbiâ & contemptu pericliter apud Mein-

Meminiāt, Pincēum, Faucerium, quem Leidē olim nosti. Plura vetat languor: nec manus aut mens mihi satis prompta ad scribendū. Deum rogo te seruet, & augeat cum annis modestiam & virtutem. Lugd. Bat. Kalend. Decemb. ∞. Iō. LXXXIV. I. Au-

Mercurius Phæbus.

rato, viro & poëta suimmo, item Passeratio à me salutem.

EPIST. XCIX. *Antuerpiam.*

IOANNI ROTARIO S. D.

Et ipsæ litteræ tuæ, Vir prudentissime, mihi gratæ: & gratiæ cauſa, quæ te impulit ad scribendum. Amor enim & humanitas est: quem niſi mutuum amem, manantem à tam puro fonte, durus sim & inhumanus. Atque ego te, mi Rotari (verè & sine blanditiis dicam) iam antè inter iunctos habebam & inter caros: ita multa de virtute tuâ audiebam, & studio sapientiæ & doctrinæ: quod rarum inter tui ordinis homines, quibus * pennatus ille deus carior est quām * laureatus. Nunc autem à te litteris tam amantibus prouocatus, sequar in hunc amicitiæ campum, nec vinci me patiar officiis, quæ ab animo quidem sunt & affectu. Constantiam nostram à te probari gaudeo, & magis illud, quòd significas te iam olim in studiis his Sapientiæ deditum: quæ sperni scio à quibusdam vt superuacua, & in quibus parùm ad virtutem sit momenti. Sed errant. quoniam etſi à diuinis litteris verum omne robur, & purâ luce nos perfundi fatear pietatis: sunt ta-

mercurius Phæbus.

men hæc iuxta diuinum verbum adminicula quædam, quibus dirigi & firmari possint vacillantes isti gressus. Nam quin castè & cautè Philosophiâ vtendum sit, non abnego: eaque ad normam & velut lapideum exploranda cælestis legis, cum quâ tamen consentire pleramque eam (dico quæ de Moribus est) quis item neget? in Platone, Trismegisto, Epicteto, Arriano, altas præclarasque multas voces reperio: quid refert à quo eæ profusæ, si ab uno illo spiritu veritatis? Quem inspirasse, ubi libuit, prisca illa etiam pectora, & oracula edidisse per homines vanos & profanos, nihil ambigo. Inter vetustissimos Iobum vide. quem è gente electâ fuisse non censem, & tamen scripsisse omnia electa. Mercurium illum ter maximum, quem dixi. mysteria in eo multa & arcana nostræ legis; etſi Ægyptium fuisse traditum sit, nec imbutum

I. LIPSI Operum Tom. II.

veris sacris. Idem in philosophis est, & omni illâ scholâ quæ à Socrate: quorum scripta notas non obscuras & scintillas præferrunt clari illius ignis. Itaque vt in prælio, non gladiis solùm & grauioribus telis res geritur, sed etiam funditorum quædam opera & leuis armaturæ est: sic in hac nostrâ contra vitia & affectus militiâ, non solùm illo penetrante Verbi mucrone, sed etiam philosophorum hastis & sagittis aptè interdum & utiliter pugnabimus. Sed digredior. & tu fortasse aliquid de repub. item nostrâ exspectas, vt remunerer te hâc quoque parte. Sed quid scribam? lenta hîc omnia, non læta: & videntur res nostræ velut in vado quodam adhærescere. idque eo tempore, cùm velis & remis festinandum sit. Nam qui in nos pugnant, quos progressus cottidie faciunt, vides. Remedium hîc mutatâ reipub. formâ & ab uno capite quæritur, utinam utiliter! Sed vix spero. ita multi palam, plures dissident occultè. A labo eâ quæ Flandriam corrupit, immunis nostra Batauia non est: & hîc quoque varia iudicia & discordia animorum. Ita vereor ne rebus nostris fractis & labentibus *extremum malorum* (vt Tacitus noster ait) *discordia quoque accedat*. Quod si fit, clamatum est: & exsequias Belgicæ, quibus commodum est, ite. Sed hæc sunt illa, aduersus quæ Constantia nos munit: & in cuius præsidio ego quidem acquiesco. De falso Cicerone illo, gaudeo tibi probari iudicium nostrum. Illud miror, Italos fuisse tam obesæ naris: à quibus, si deo placet, aureus ille partus. De Boulenio & Panhuiſio, faciam sedulò: & si quid aliud erit, in quo gratum facere tibi tuique similibus possum. Salue. & per te Iohannes Viuianus vir planè bonus & poëta. Lugd. Batauor. XIV. Kalend. Ianuar. ∞. Iō. LXXXIII.

EPIST. C. *Antuerpiam.*

PETRO EGMONDO S. D.

GRATULATIONEM exspectas? increpatbo. Tûne Roinâ recens redieris, & tribus verbis ad Lipsium? idque post biennium, & illo ipso biennio per silentium elapsò? Certè tuum. non enim ego etiam silens, qui ad te crebro, ad Bensium etiam, & ad Wincelium dedi. At nunc, tamquam in oculis mihi & ore assiduus, ita languide scribis & quasi inops rerum. Quin si de te nihil & itinerum euentu: faltem de ma-

F 3

nu

nu illâ nostrâ aliquid litteratorum ? quid Fuluius, quid Muretus, quid meus Bensius astitent , & illi velut Patres litterarum ac Senatores ? quid iunior alia soboles , qui succrescunt ? Non enim effætam nunc ingeniorum Italianam censeo , illam nutricem eorum olim & parentem. Hæc peccasti. &, vt spem imò viam veniar ostendam , purga. Quod fiet vnâ re, si priores illas litterulas delebis & obrues grandi aliquâ epistolâ , longâ , latâ ; & quò magis latâ , magis lærâ. Talibus enim alloquiis egeo nunc , ô Egmonde, in torpido hoc morbo. qui me, annum & tres ipsos menses, iam tenet ; nec notus quidem adhuc plane medicis , adeò non remotus. Ardores viscerum sunt & interni æstus , haud procul ab Hypochondriacâ melancholiâ : nisi quòd mens & caput mihi sana. quæ tentari tamen & lædi per eum morbum non te , credo, fugit. Similis aliquis languor fuit , qui magnum Laurentium illum Medicem tenuit & citò abstulit , sed per imperitiam medicorum. Nam aliàs , ad mortem non ita præceps. Ego omnibus armis in eum pugno, & præcipue auxilio Nympharum (frigida enim in potu & esu mirè iuuant:) & aliquid sanè proficio : nisi quòd ad extremum , vereor vt suppeditet me tam pertinax hic luctator. Victus enim aliquoties non vincitur , deiectus non cadit , fugiens non cedit. Antæsus quis est:

— ab ipso

Sumit opes animumque casu.

Et profectò Terræ illa progenies, ducet me ad terram. De me habes. nam de studiis, scilicet in languore hoc languent. Tu au-

tem quid ? Grudiósne cogitas , & illâ honorem ? Faueo , & voueo. illud miror , in eâdem togâ candidâ tecum conspicî tam nigros. Etiámne ille, ab Lutetiâ huc adspicrat ? O frontem , frontem ! Nec tamen illum nimis culpo (perseuerat enim esse quod fuit:) magis illos, qui flectunt & inclinant se ad tales. O vrbis mihi olim amata & culta , misereor. tenebræ & infamia tibi , per tam obscuros , tam infames. Tu autem , si me audis , obdura & fortiter age : perunes , si inter suffragatores aut arbitros , vlli erunt mediocriter boni. De migratione nostrâ : amicè tu , nescio an ex famâ meâ, aut ex vsu. Inter hirundines istas ego? æstates aliquot otij & pacis hâc egimus: vis mutem ad ingruentem primam nimborum hiemem ? non decorè, fortasse nec prudenter. Perpetuum enim serenum in illâ parte quis mihi spondet ? Obscura , mi Egmonde, hæctalia : in quibus vetus illud Tiberianum iure nobis placeat , vt *confilia, quibus impares sumus, fato permittamus.* Homo hâc quid videat ? desipit maximè , qui sapit maximè . & solus ille æternus æthereusque oculus est , qui hos euentus cernit , & dirigit sæpè præter omnium mentem. Illi ego hæc & me permitto , & clamo ex animo hoc vetus:

* Αγε δι μ αδ ζδ, κα συ γ ε περιεργήν:

Tu mi Egmonde vale , & Clarissimum Iurisc. & Antecessorem Iohannem Wamesium , si occasio tibi , à me saluta , virum prudentem , doctum , & (quod expertus sum) in virtutem & litteras valdè pronum. Idem cupio & censeo de Antecessore Philippo Suerio.

* Tu Impi-
ter me de-
ciso, & Fa-
talitas.



IVSTI LIPSI
EPISTOLARVM
SELECTARVM
CENTVRIA SECVnda
MISCELLANEA.

AD ILLVSTREM VIRVM
 THOMAM BVRGIVM
 BARONEM,
 ET
 BRIELANVM PRÆFECTVM.



LTERAM Centuriam epistolarum nunc emit-
 timus, Vir illustris, & nomini tuo meritif-
 simò eam dedicamus. Si amor aut beneficia
 huc me vocant : ille in me magnus, & hæc
 crebra. si dignitas aut virtus : vtrâque orna-
 tus es inter gentis tuæ primos. Genus tibi no-
 bilissimum, & antiquâ stirpe decòrum : ma-
 gnitudo animi & prudentia eximiæ, & cuius
 vtriusque specimen dedisti in his Belgicis quoque turbis. Ad ar-
 ma quoties te hostis aut occasio duxit, tu manu strenuus, consilio
 prouidus : & quies cùm fuit, Præfectura tua te habuit cum ciuium
 militumque veneratione pariter & amore. Quinetiam in illâ no-
 ñte temporum, cùm homines quidam maioris animi quâm consi-
 lij hæc nostra turbarent, & vno velut filo appenderent publicam
 salutem : ea moderatio & prudentia tua fuit, vt in mediis flammis
 flammatæ non tangeret, & pænè vñus firmus quietusque stares in
 communi illo motu. Magna ista sunt : & maiora futura, si maior
 aliquis aut latior virtuti tuæ campus. Quod voueo : & te, Vir il-
 lustris, rogo, vti inscriptionem hanc accipias velut animi cultus-
 que mei in te pignus. Vtriusque quidem eximij exiguum ; sed
 quid faciam : vt Vlysses ille apud Alcinoum nihil habet quod
 rependat pro ingentibus meritis, præter vota & grates : ita ego,
 quem cetera destituunt præter munera hæc mentis. Quæ tamen
 vobis magnis quoque sæpè magna. & meritò : quoniam fama &
 æternitas ab istis : &, vt ait Pindarus,

* Sermo fa-
 diu dicens
 viuis, quem
 cum Gra-
 triis volen-
 tibus lin-
 gua extule-
 rit è pro-
 funda-
 mente.

* ῥῆμα δ' ἐργμάτων χρονιώ-
 τερον Βιοτίου,
 οὐ πεσεῖται Χαρίτων τύχα
 γλῶσσα φρενὸς ἀξέλει βαθείας.

Vale. i i i. Idus Apr. oo . I o. xc.

A D

AD LECTOREM.



ABE etiam hanc CENTVRIAM Lector, sed puram, simplicem, & sine mixtione. In priore illâ alienas aliquot inserimus: nunc displaceat, & detraxi. Non ergo digna illa edita digna, sed non à me: & mali exempli, arbitrium hoc sibi sumere in scripta aliena. Mihi fieri nolim: & tamen faciunt. atque ecce edunt alibi hanc aut illam epistolam, me non ignaro solum sed inuitio. Quia hac temeritas, siue improbitas, est? Clamo & testor apud homines qui sunt, qui erunt, inimicus mihi quisquis hoc facit.

QVICVMQUE QVODCVMQUE MEVM, PRAETER ME,

DIVVLGAT AVT DIVVLGABIT,


PRAESES LITTERARVM ET FAMAË DEVS VINDICATO.

Homo imperite & * Opéra nées. verba aliquot apud te familiaria, aut libera, aut blanda effudi: sed apud te: & in lucem tu hac calide effers? Quid hoc est aliud (utar disertissimi viri verbis) quām tollere è vitâ vitæ societatem? tollere amicorum colloquia absentium? Quām multa loca solent esse in Epistolis, quæ prolata si sint, inepta esse videantur! quām multa seria, neque tamen vlo modo diuulganda! Abi igitur inhumane, inepte: nec sic me produce, immò traduce. En, cùm cautè omnia & circumspecte scripsimus (ut hoc anum est) non effugimus morsum: tu subitaria mea prodis, id est, latus pectusq; meum nudum obiicis ad omnem iustum? Abstine. & tu Lector, mea ama, sed med.

INDEX EPISTOLARVM SELECTARVM CENTVRIA II. MISCELLANEÆ.

A	BRAHAMO Mylio epistola	xxvij.	F.	
	Abrahamo Ortelio	xxxvij,lix,xcix,c.	Federico Morello	lxix.
	Aemilio Rosendalio	xix.	Francisco Benfio	lxxv.
C.			Francisco Hildesheimio	lxxij.
	Carolo Clusio	xxiiij.	Francisco Iunio	xvij.
	Casperi Vosbergio	lxxxvij.	Francisco Nansio	xxxvj.
	Christoph. Plantino	xxvij,lxxij.	Francisco Raphelengio Filio	cvij,xxxvij,ljij,
D.			lxv,lxxj,lxxij,lxxxvij.	
	Dionysio Gothofredo	xxxij.	G.	
	Dominico Baudio	xxij,lxxx.	Gerardo Tuningo	lxxvj.
	Dominico Lampsonio	xv,l,xxxvij.	Gulielmo Cripio Filio	lxxxij.
E.			H.	
	Elberto Leonino	xij.	Hadriano Saravia	xx,lxx.
	Euerardo Polioni	xij,xxxix.	Hadriano Turnebo Hadriani Filio	j.
	Euerardo Reidano	xcv.	Henrico Borbonio Principi Dumbarum	lvij.
				Henrico

<i>Henrico VViltzio</i>	<i>rviij, lviij.</i>	<i>Martino Lydio</i>	<i>xc.</i>
<i>Hieronymo Grofslotio Lisleo</i>	<i>xij.</i>	<i>Matthaeo Dressero</i>	<i>xxxvij.</i>
<i>Hieronymo Mercuriali</i>	<i>xlviij.</i>	<i>Michaeli Forgacz, libero Baroni de Gimes</i>	
<i>Hugoni Blotio</i>	<i>xciv.</i>	<i>lxxxiij.</i>	
		<i>Michaeli Huralti Hospitali</i>	<i>lxiv.</i>
		<i>Michaeli Montano</i>	<i>xlj, lv, xcij.</i>
			<i>N.</i>
		<i>Nathani Chytrao</i>	<i>lxxxix.</i>
	<i>lxxvij, xcviij.</i>	<i>Nicodemo Frischlino</i>	<i>xxxv.</i>
<i>Iacobo Augus̄to Thuano Amerio</i>	<i>lvij.</i>	<i>Nicolao Oudarto</i>	<i>xcij.</i>
<i>Iacobo Corbinello</i>	<i>v.</i>		
<i>Iacobo Cuiacio</i>	<i>xvij.</i>		
<i>Iacobo Monauio</i>	<i>lxxvij, xcviij.</i>		
<i>Iano Douſa V.N.</i>	<i>lvij.</i>		
<i>Iano Douſa Filio</i>	<i>xliij.</i>		
<i>Iano Duyſtio</i>	<i>xxxij.</i>		
<i>Iano Grutero</i>	<i>xlj.</i>		
<i>Iano Lernutio</i>	<i>ix, xvij, liij, lxviij.</i>		
<i>Iob. Arcerio</i>	<i>xxv, lxxxij.</i>		
<i>Ioh. Guliel. Stuckio</i>	<i>xxvij.</i>		
<i>Iosepho Consalues</i>	<i>lxij.</i>		
<i>Iosepho Scaligero</i>	<i>xxij.</i>		
<i>Ioseph. Scaliger Iul Cesaris F. Francisco Vertu-</i>			
<i>niano</i>	<i>xlv.</i>		
<i>Iosie Mercero</i>	<i>xxxij.</i>		
<i>Isaaco Casaubono</i>	<i>lxxxiv.</i>	<i>Regnero Grutero</i>	<i>xcvij.</i>
<i>* Iul. Scalig. Ferrerio</i>	<i>xlvj.</i>		
			<i>R.</i>
<i>Lauino Caluardo</i>	<i>lxxix.</i>	<i>Theodoro Bernardi</i>	<i>xlj.</i>
<i>Lamberto Culenio</i>	<i>xlviij.</i>	<i>Theodoro Cantero</i>	<i>lxij, lxxvij.</i>
<i>Lamberto vander-Burch</i>	<i>vj.</i>	<i>Theodoro Leevvio</i>	<i>xvij, xlj, lxviij.</i>
<i>Lanceloto Brunio</i>	<i>xcvij.</i>	<i>Theodora Marcilio</i>	<i>xxix.</i>
		<i>* Typographus Lectori</i>	<i>xcvij.</i>
			<i>T.</i>
<i>M.</i>			
<i>Maria Gornacensi, virginis nobili</i>	<i>lvj.</i>	<i>Victori Gifelino</i>	<i>ij.</i>



IVSTI LIPSI
EPISTOLARVM SELECTARVM
CENTVRIA II. MISCELLANEA.

EPISTOLA I.

HADRIANO TURNEBO
HADRIANI F.

MERVM mel, non epistolam, à te, Clarissime Turnebe, accepi. Tu mihi gratias? ego tibi, qui tam grata & benignè interpretaris officium, quod sine scelere non omissem. Qui vir diuinus ille parens tuus fuerit, norūt & fatentur omnes, quos stupor non præpedit, aut liuor. Ego à puerō, velut astro quopiam inclinante, iui in amorem illius & laudem: nec grandior mutauit affectum, sed auxi. Nonnemo inuidet? esto: ille viuet in suminā æternaque gloriā, quamdiu res Græcæ aut Romanæ. Nec plura h̄ic de illo: de te, germanissime Turnebe, sic habe. non ambire me amicitias, naturā & iudicio propensum ad te nebras & quietem: sed triumphare in tuā, quem iure amo purum aurum ab illo auro. Plura libet, non licet. testis mihi iste Hier. Grossotius vestrās, insignis iuuenis, qui iam nunc mihi adest, & abit. At nobis haut s̄ep̄ opportunitas mittendi, scribendi ta- men semper voluntas. quod crebrò & magis serio faciam, ita amor hic inter nos perennet, quem coīmus auspice & teste immortali tuo patre. Postrid. Id. Mart.

EPISTOLA II.

VICTORI GISELINO.

INVITI à vobis abiimus, inuiti. Quid vis amplius? apud amicum hoc satis est: ceterū, calceum hunc vide, neino yestrūm scit vbi me premat. Apuleium tuum scriptum conferre coepi: quædam in eo valdè bona. Venationes etiam nostras attigimus, sed frigidè imò contemptim. A peregrinatione enim hac supinus & aliarum cogitationum, vagè adhuc in studiis erro. nec facile insistam lineæ, nisi recreatus aduentu vestro: qui, per omnes deos, ne me fallat. Hoc communiter rogamus, Dousa, Hau-

tenus, ego. Varias Lectiones legi, editas in Galliâ nuper. placet ingenium adolescentis, placet aliquot locis nostri imitatio, si non furtum. Idem in libello Quid dicam? discipulos habeo, & breuī faciam sectam. Sed vt ait Pindarus,

* Td dī φύα νερπίσω dīπαν.

Sanè siquid in oratione nostrâ aut stilo probandum: totum à naturâ est, vix à curâ. Rationem meam scribendi scire vis? fundo, non scribo. nec id nisi in calore & interno quodam impetu, haud aliter quam poëtæ. Siquid operosius paramus; tem meditamur, disponimus. verba facile succidunt, ac pñè præcedunt meam mentem. Istos rideo, qui etiam epistolas, si dīs placet, lentè & velut ad numerum componunt. Verba examinant, circumspiciunt, traiciunt: & miselli cum omnia fecerint, viñbras putas non homines loqui. Ita tenuis tota scriptio, sine sanguine, colore, carne. Sed diffundor. peccatum meum solenne, cum ad te scribo. Nunc emendo, & fileo; & te valere iubeo, ac venire. Ni facis, Amor Giselini res tuaς tibi habeto. Lugd. Bat. xv. Kalend. Iun. 80. 15. lxxxi.

E P I S T O L A III. Lutetiam.

IAC. AVGUSTO THYANO AMERIO.

DISTVLI ad te scribere, V. C., dudum: præter morem meum, & præter votum. Amantes redamare non ego negligens: & tu merueras, non amore solùm, quem benignè vtrò attulisti, sed ingenio, sed doctrinâ, sed probitate: quæ tria in uno Carmine tuo clatè vidi. Sed amabo te, ita perpetuū Fama te amet & Virtus, ignoscet: & morbum hunc nosce, qui non sinit me esse mei iuris aut moris. Verba non dedi, non misi: dedi animum, misi affectus mei s̄ep̄ auras, qui apud te & duos illos quos in extremo Carmine tuo mecum jungis. O cælestem pñè dixeram Trigam! nisi de terrâ & luto meo aliquid afferrem ego, finalis ille tertius equus. Nam iugales duo, reuerà suprà homines: & tu

& tu item auriga, qui iunxisti. Nos Epistolas dedimus nuper: & valde hauebam exemplar tibi illisque mittere, nisi qui has feceret, recusasset. Nostri per hoc bellum, nec tuta, nec trita nunc viarum. Valetudo mea meliuscula: sic tamen, ut extra morbum potius videar, quam languorem. Damus nunc & edimus *De Pronunciatione Latinæ linguae Dialogum*, tenue in re tenui opus, nec dignum meliori vestrâ aure. Tu ex animo à me salue: qui æternum tuus sum. ita sim saluus. Clarissimis Cuiaciō & Scaligero salutem. Lugd. Bat. 111. Id. Februar. 80. I. LXXXVI.

E P I S T O L A IV.

P E T R O V I L L E R I O F i l i o .

V E R E scribis. semper tu mihi curæ, & nunc es: ita ingenium tuum & mores: & pater etiam, inerentur. Utinam aliquâ curâ meâ te curem, & à morbo isto reléuem, qui pertinaciter vrget! Quid facias? feres. certus ad salutem tuam hæc dirigi, et si non ad voluntatem. Si vulgi more loquerer; querelas miscerem, & dolorem meum ostenderem in casu, quo hæc ætas tua & tu indigni. Non faciam. fortiorem esse te & me volo: nec te cupere solatia ex alienâ sympathiâ, nec me promere dolorem, et si doleam. Nam hoc non nego: si deo visum esset, alium te malim. cùm non visum; quod ipse vult, nolens, (vt sic dicam) volo. Hoc de te scribo. in me nónne idem? languor hic biennalis me tenet, & abiicit in validissimâ hac æui parte. Annum enim trigesimum-nonum vix attigi. quid tamen angas, aut opponam? facit ille, qui me fecit. Nónne in figuli manu est, effingere leui rotâ vasculum, & idem frangere? Et hoc melius, quod figulus noster nos non frangit, sed refingit, & è miseris beatos, ex inferis superos reddit. Sed hæc talia aut tibi sæpè, aut omnium optimè pater dicet. De iuris studio, quid nunc cogites? profectò solitudinem id non amat, cui forum semper propositum & turba. Ad Philosophiam magis te nunc ducam, quæ non deflectet solùm in hoc iædio, sed firmet. Eloquentia & stilus rus tuum non spreuerint; in quibus si tempus hoc ponis (donec melior tibi valetudo) id non perdis. Scripsimus *De Pronunciatione*; leui manu, vt in re leui. en habes, vide, & à me salue, qui ex animo tibi cupio. Lugduni Batauor. Kālend. April. 80. I. LXXXVI.

E P I S T . V.

Lutetiam.

I A C O B O C O R B I N E L L O .

LITTERAS ad me mitis, non adfectus solùm plenas, (leue id verbum sit) sed amoris. Benignè ad amicitiam prouocas, laudes adiungis, è quibus has vix agnosco, illam appeto pari tecum voto. Gentem vestram amavi semper: & ex eâ illos maximè, qui vetere illâ Italâ digni. Qualem te esse, mi Corbinelle, non solùm ex igniculis litterarum tuarum, quos sparsos colligo, video: sed etiam ex testimonio viri magni P. Victorij, qui de indole tuâ ad virtutem magna prædicat, nec vana. Atque utinam pessima hæc tempora concedant nobis liberum eundi redeundi iter! profectò viderem vos, (lumina illa Galliæ etiam includo:) & neectar illud sermonum vestrorum haurirem audâ aure. Sed nos iactamur: nec Æolo etiam vos, vt video, lassis. Venti vbique & tempestates: quæ, mirum, nisi hoc anno euertant, certè conuertant, hanc Europæ. Fratris tui μελανόψυχος historiam & tristem exitum legi. quid mirerunt? hodie illæ viæ, & nil nisi σκολæ videmus à plerisque his dynastis. O Italia, Italia illa prisca, vbi es? At tu, vir nobilissime, solare te cum aliis rationibus, quas litteræ & sapientia tibi suppeditant, tum maximè communice Fato, quod iniquum hîc semper in bonos. Exempla tibi prompta scio. tu scito & hunc animum: quem iamnunc serio deuoueo in tui amorem. Lugduni Batauor. 80. I. LXXXVI.

E P I S T . VI. *Utrechtum.*L A M B E R T O V A N D E R - B U R C H ,
Decano.

A MO iure tuas litteras, amoris & prudenter simul plenas. Amorem enim interpretor, meas laudes: quas adfectus tibi magis certè, quam iudicium dictat. Quid enim sumus? conari me magis scio quam efficere, velle quam posse in publicum prodesse. Quidquid tamen id est (& esse aliquid vobis tam fidis amici credo) gratum mihi, quod gratiæ saltem locum parit apud tales viros. At prudentia tua, in iis mihi clara, quæ de publicâ istâ re scribis: quæ sanè confusa, turbida, & utinam non vicina ad occasum. Quis bonus non queritur de eâ tecum? sed hoc unum reli-

ctum

Etum est , quoniam mederi non in nostrâ manu. Imò fortasse nec humanâ. Deus ille est , qui publicas has clades immittit , qui alit , & fouet ; & tum finiet , cùm nos earum caussas. Ex autem peccata sunt. quæ adeò apud nos non desinunt aut minuunt , vt augeri mihi & adcumulari videantur vna cum pœnis. Iritamus cottidie magnum illud numen , & quasi puniendi iustæ caussæ non sint , damus nouas. Quando luxus , fastus , libido maior , impunitior ? & religio passim nunc in ore , improbitas in corde. Verba pietatem sonant , facta ambitionem , avaritiâ : nec in vno alterôve , sed apud plerumque ordinem , ætatem , sexum. Itaque de pace aut tranquillitate , nihil ego spero. — *bella horrida , bella exspecto* : aut certè tyrannidem non optabiliorem quoquis bello. Hli ad quos Victoria inclinare se videtur , irati veniunt : & si qui moderari volunt , nescio an audientur. In omni bello cruda post victoriam principia : magis in ciiali , vbi odia & acerrimæ factiones. Sed Deus videbit : cui , quod ad me , curas has ex animo relinquo. Sicut & illam de valitudine meâ : quam non ego quidem , Vir amicissime , neglego , nec mortem vtrò appeto : sed cùm feci quæ humanitus possum , securus exspecto euentum. Hoc cu-ro , vt vitam meam corrigam , vt deo meo placeam , vt sedem ab his nimbis quietam in superâ illâ arce possideam : vnde adspiciam humana hæc omnia , & contemnam. Intercà tamen nec studia prorsus omitto , nec ea omnia per quæ publicè aut priuatim humano generi videor posse prodesse. Ostendent id brevî quædam etiam scripta nostra , quæ iterùm paramus. De Floro tuo manuss. quem offers , valdè gratum. malta sanè reperio , non animaduersa Vineto aut Stadio ante me censoribus : & repe riā plura , scio , si auxilium mihi tui libri. Itaque si cum quamprimum ad me miseris , beneficio adficies me & posteros : nec id celabo. Vale , & fratrem tuum Graphiarium amanter à me saluta , cum gratiarum actione pro munusculo nuper ad me misso. Lugduni Batauor. &c. IC. LXXXVI.

E P I S T . V I I . *Antuerpiam.*

FRANCISCO RAPHELENGIO Filio.

TVAS reuersus vidi libens: non etiam ea , quæ in ipsis. Languorem præferunt , & nauicam in rebus omnibus seriis & hone-
I. LIPSI Operum Tom. II.

stis. Vidi , mi Francisce , iam olim insitum tibi hoc vitium: quod ratione & curâ , quæ so te , vince. Iaces , nisi facis. Quid hominis tam proprium , quæ erigi & spectare alta? Alta dico , id est , quæ ad ætheream illam partem pertinent , cælitùs immissam nobis mentein. Hæc colenda. nec potest sine meditatione , sine actione : neque ista , sine labore. Hunc igitur usurpa : quidquid reclamet fastidiens illud tædium , haud longè à veterno. Tu deo , tu auo , tu mihi , curæ & cordi es : nec te deseremus , si non te ipse. Doctoris illius noui diem quod obieris , bene factum : quod cum versu celebraueris , nec male. Sapientiæ pars est leuiter desipere , & paullum extra viam rectam ire , ad vitandum violentum aliquem occursum: Vidésne vt nautæ vela sinuenter & obliquent : & teneant nihilominus suum portum? imitare. Pietas tibi interna & vera sit proposita , Modestia & Virtus : in externis , personam interdum sume aut pone , pro re aut pro æuo. Studia tua calere velim (ætas ista hoc postulat) & videbimus quid in rem tuam maximè sit vna cum auo. Surge tantum , & confide. Ineptias..... vidimus , & risimus. quis comprimet Critorum hunc luxum? Satyra mea frenos non det: opus lege aliâ aut rege. Vale. Ex vrbe , in quâ tu olim , xvi. Kalend. Decemb. &c. IC. LXXXVI.

E P I S T . I I X . *Biturigas.*

HENRICO WILTIO Ic.

CANTERVS apud me erat , cùm tuas accepit. dicam gratas ? gratissimas , ita me Deus amet , vel hoc nomine quod à sex mensibus primas & solas. Et tu de me quereris ? bellè. at ego pluries scripsisse me scio (vide an deceat) quæ te respondisse. Excusabis non redditas. credo : feramus igitur inter nos & excusemus , non tam culpam communem , quæ temporum sortein. Valerudo tua & studia prospera , mihi gau dio. perseuera. Nónne apud illum virum es , qui sæculi decus ? vide ne frustrâ : frequenta , audi , disce. Pollio meus honore ab illo auctus: quod ab illo , iure ante honorem ipsum censeat. Scripsi ad eum , & quæ grata mihi Dedicatio illa , ostendi. Vos , quæso , inter vos concorditer & amicè viuite : quia Belgæ , quia ex meâ domo , quia sacerorum eorumdem & studiorum. Senectus mea , si ad eam pertingo , solatium sibi spon det

G det

det in vobis. Sed quando videobo? quando reditis? mihi placet non porrò vos curtare, in Germaniā flectere, illinc lares. Iuno Iuga vos exspectat, & Quies. Etsi patria hæc etiamnunc turbulentia. sed si non antè peregrinandi vobis finis, quām hīc quies, quis finis? Tua ad Nonium grata, proba. Sed litteras vrge, & sapientiæ studium ne omitte; ad quam metam dirigi velim omnia tua. Infelix semper erro, si ab illâ aberras. Ut nauis quæ inter fluctus sine clavo iactatur, sic mens quæ in hac vitâ sine sapientiæ gubernaculo. Mores illi plebeij, stolidi, vani, ne te inficiant caue. Alphæus mare Siculum subterlabi dicitur, sine mixtione vndarum; ad suam Aretusam: tu per leuitates, per vanitates, ad amataim illam Diuam. Videlis ea vtile, non se inferuisse: transisse, non miscuisse. Edidimus nuper Centuriam Epistolarum. magni illius viri mihi illuc mentio, & sæpius fuisset nisi impeditisset ille vir quem hīc nosti. Scenæ seruendum est, quamdiu ego in hoc Theatro. Sed verum meum sensum breuî aperiā magis & diffundam. Nec vos quidem omisi, tñ & meum Pollionem, vt videbitis, aut potius iam vidistis. Nam libri, credo, allati. Etiam nunc edidi De pronunciatione Latinæ Linguæ Dialogum, mihi probum. Tu salue, & redi si parenti tuo ita visum. De Italiâ, non tibi, non Polioni nostro nunc ego auctor, ponite vana cogitationum.

xvi. Kalend. Maias. oo. I. LXXXVI.

E P I S T O L A I X.

I A N O L E R N V T I O S. dico.

ITA perpetuus inter nos amor sit, mi Lernuti, vt cum aculeo discessi à vobis. Cursim, inquies. Quid facerem? aliud animus, aliud res suadebat. Vitam meam nosti, & scenam cui seruimus. Si vñquam aliquid verè scripsi, hoc est. quasi anima à corpore, auulsus sum à vobis. Fuge aliud suspicari in me: quem, culpa tua est, si nondum nosti. Nam apud amicos nihil me vno simplicius: apud alios, sanè sim quod Vlysses. Nónne & aulam, & Etruriam ego vidi? sed iis non vtor apud simplices & candidas istas mentes. De colligendis & digerendis poëtarum nostrorum versibus, ego verò tibi iterum auctor. Famam tuam cum alienâ auctum ibis (quanti enim est, putas, illa recti iudicij gloria? apud me, super ingenij aut doctrinæ.) decus item Germaniæ

& nostræ Galliæ. quarum interest, non omnia ingenia intra Alpes clausa videri. Non exemplū nuperum illius vidisti, qui Italos poëtas digessit? sed vellem eius, imò ipsorum causa, magis cum dilectu. Inter nostros Lotichium amo: Ianum Pannonium æstimo: Scaligerum patrem admiror. qui si felix illud ingenium & inuentionum inuidendū acumen curâ temperasset & limâ, coronari contra omnes poëtas posset ab illo ipso æuo prisco. Hac, nisi fallor, deficitur: nec in edendis quidem eius adhibitum, quod debuit, discriben. Eò suaserim, illius & aliorum optima quæque ab optimo iudice selegi: & tu is eris. Reliqua in sermonem reiicio, qui inter nos proximo mense. Ita enim scribo, ita impero. Venies inquam ad hunc Iunium: & iamnunc aures clando ad omnem excusationem. Extra iocum, Lernuti, in hac breui fugaciue vitâ fruamur huncfrustum. Ferrum nostrum in igni est. Vale. xv. Kalend. Iunij. oo. I. LXXXI.

E P I S T O L A X.

P. VILLERIO.

SO LATI O mihi anteà amicorum litteræ, nunc remedio: nec vña medicina magis leuat hunc languorem, quām alloquia hæc à vobis. A te inter primos: qui me serio amas, quem serio ego amo. Vultum tuum videre nuper cùm Hagæ es, optabam. Fefellisti. contentus manu sum, quia scio quæ negotia te circumstant & implacent, atque abripiant sèpè inuitum. Ego hoc vno felix, quòd meus. Sed nimirum, vt qui semel nauim & mare ingressi, in arbitrio ventorum sunt, nec redeunt ad terram, cùm volunt: sic vos, qui in rempub. Tenet illa inuitos; & cùm terram maximè spectatis, retrahit aliquis æstus. Atque vtinam tui similes teneat semper; Remiges & sentinatores plerique sunt, qui nunc ad clauum. Hinc iactatio, & ad extremum, naufragia: nisi ab alto dirigat ille Deus. Inuitatio tua in Zelandiam, grata: & puto, parebo. non illi alteri consilio, de Galliâ. Nec vera nego quæ de opportunitate, salubritate, & suavitate locorum hominumque narras: sed peregrinandi mihi nunc vna caussa, Valetudo. Eam meliorem posse fieri per acidas illas aquas medici suadent, & (vt in spem nostram proni sumus) persuadent. Tentasse quid nocuerit? eo certè animo, vt nihilo abieciō illinc redeam, quām

quām catn, etiam si omnia sint contrā. Vitam hanc magnificere Christiani non puto, quem manet vita illa melior: sed nec abiicere, & remedia spēnere, quād data huic fini. Gallia vestra, si deo ita visum, sanum me videat; & exosculer magnas illas animas, quas ignotas amo: imò etiam, queis ignotus amor. Nam si usquam in Europā, amicos mihi in eā gente esse, hoc scio. Busbequius meus iamdiu iuuitauit, differo. In grandi illā Epistolā tuā, de stilo & imitatione quod monuisti, verum est. Quām multi in iuuentute nos æmulantur! & rideo: quia aut à mē procul illi, aut prōcul certè ego à recto. Nihil magis breuitate amo, sed si simplex: nihil magis breuitate odi, sed si affectata. Quid etiam, si fuca-ta? nam verba emendicant, & abstrusiores aliquot phrases: ad quād, non dicam risum non tēneo, vix iram. Comprimam' publi-co aliquo scriptō, & de Imitatione totā. quid mihi videatur, monebo. Nam ego vt mutem, serum est. arbuscula hæc, siue recta, siue aliter, crevit & induruit in hanc formam. Ciceronem amo. olim etiam imi-tatus sum: aliis mihi sensus nunc vīro. Asianæ dapes non ad meum gustum, Atticæ magis. De Lemoticensi: an frōstrā monueris, vide. Misi enim exemplar ad filium tuum, non ad tē: quia parūm dignum te argumentum. Sed tamen cùm ad filium, nōnne & ad tē? qui imago verā tui, imò tu-ipse. Sanitas tantūm ei adsit. quam Deus ille dabit, si salutare: & in eādem te Vir amicissime seruabit. Lugduni Batauor. Kalend. April. ∞. I. LXXXVI.

EPISTOLA XI.

HIER. GROSLOTO LISLAEO.

TANTVM non in procinctu iam eram iturus Ultraiectum, & inde in Germaniam; cùm me litteræ tuæ iuenerunt. Di-cam gratias eas? non gratior Gratiarum ip-sa diua: per se, & non nihil à clausulā illā, quād de Mercero. Illéne illīc? hīc malleum: & iamnunc vos iuitem, nisi abeam. In re-ditu fiet, si viri estis; & tam vicini videbi-tis & habbitis saltem oram Batauiæ nostrā. Mihi valetudinis vnius caussā susceptū hoc iter. imus enim ad acidos, qui iuxta Con-fluentiam, fontes. Valebo per eos fortalīc, aut valere iubebo hæc omnia humana. Ad alta illa ibo, nec ibi quoque me amor ve-strūm deseret, qui altè in pectore isto hæret.

I. LIPSI Operum Tom. II.

— * Boz d' Empiricus 65 av.
Lugduni Batauorum. vi. Kalend. Maias. <sup>— * dī verd
fīne mīhi
nōtā</sup>
∞. I. LXXXVI.

EPISTOLA XII.

ELBERTO LEONINO
Geldria Cancellario.

PECCARE mihi viderer, si expertus te habeam consilij, quod firmandæ vale-tudinē meæ cepi. Iter in Germaniam instrui ad acidos fontes: in quo iam sum, sed sorte non nimis fausta. Discrepant quidena adhuc nullum, sed in hoc opidulo, circum-cludor à turmis equitum, quæ in Belgium patantur. Ita differtur mihi via, imò pñē auferitur: quia perit opportunitas pars anni, & hyacini sustinendæ haud planè firmum hoc corpus. Ambigo an pergam, an subiectum me dem, & resistam in aliquā maritimā vrbe: ad vos quidem bonā fide redibo, nisi impediatur, ut vos iuriscon-sulti loquimini, vis maior. Ego vir ampli-sime, amorem & officium omne tibi offe-ro, ab animo non factō: & iure debeo, quia te compri mei amantem. Vale. Oldenbur-gi, Non. Octob. ∞. I. LXXXVI.

EPIST. XIII. Francofurtum.

EVERARDO POLLIONI.

QVID ais? filuisse me? erras. Nullas ego à te vidi, ad quas non sedulò respon-derim: & habui te, mi Euetardè, semper inter primas curas. In languore tuo doleo: & miror quid illud mali morbi, quod vi-rides tam valde afflxit. Sed aetas tua est, quād facilè resurget: & siquid spirituum aut san-guinis perierit, reponet. Tu modò te cura, sed sine curā: & quidquid Deus ille nōster dabit, excipe libenti, imò & hilari fronte. Viuere te vult? velis. Mori? non nolis. finis & initium nostri ab illo sunt: felices, si in illo. Exdāeu quædam sumus à magno illo figulo: quid querimur, si singit nos & re-singit? Hæc tibi, & per te mihi dico: qui & ipse valde inter infibecilles. Febris quidem nupera vix vitam mihi reliquit: & eam ip-sam, præter spem omnem medicorum. Ba-sileam meam placuisse tibi, gaudeo: vrbe in eo nomine planè dignam. In Galliis non-dum ~~yālm~~: & sane doleo Wiltzium no-strum iuolui, nonnullā suā culpā. Ut quid enim desidet & cunctatur, præter nostram & parentis mentem? Nam de abscessu int-

G 2 Ger-

Germaniam, suasi pridem. At quod ad te nunt, mi Euerarde: ego de reditu serio tibi auctor: siue quia pater ita poscit (scis quid illi debeas) siue quia tua valetudo. Amicus hic & familiaris aër, facile tibi dederit nouas vires. Et quid ibi hæreas? inter bonos & doctos, scio: sed sine magno tuo vsu. Meta itineris quæ tibi fuit, eam iam attigisti: nec tu mihi Ulysses aliquis es! ^{et} Philoctetes. Tertent te hæc ambigua? qā̄ magis, quā̄ nos? Sanè infirmus hic patricius status, fateor, & qui sine manu Dei palam ruit: sed valde erras, si his percuntibus, sperras illis fitmitatem. Europæ libertas conquisit, si temel hoc vallum. Ego hoc non suadeo solùm, sed hortor: & fac, vt in viciniori te aliquando conquiescamus. ^Attendo esse me scis: tu, & qui alij probi è disciplina nostrâ, mihi ^revide. De genere vita quod capias; hoc vnum deo, vt nullum. Late nunc & quiesce, donec desquiat ciuilis hæc tempestas. Plura coram. nam me spero in primis videbis. Prid. Kalend. Mart.

* sine lib
eris.

* Liberi.

dè velim. Nunc tamen in aliis curis sum, vt videbis. Nam, cùm absoluero, mittam. In tuis ad Cuperalem de Aspto Turcarum lègi: addas opportunè notulam è prisca. Glossis, ^{Διδειον λαθον}, Afrum. & iterum: A'arpōne, candor. Vberius alias. nunc salue, vir magne: & tui amantem ama. Lugduni Batavorum.

E P I S T . X V . Leodium.

D O M I N I C O L A M P S O N I O .

S PERABAM & aspirabam ad vos, mi Lampsoni: sed, heu, sperabam. Consilia illa omnia cuerit is, qui melius nobis, nobis it consultum. Redij, & acquiesco: nisi quòd lepidissima tua epistola saluam mihi sapienter, & ^{περιγραφη} iterum ^{alio} quæritur ad vos facit, Amoris & Venerum ita plenos, O sermones nectarei, quos promittis! ô fabula! ô epula! ô Iunonem tuam mihi non timendam, quam placem non verbulo uno, sed ocello! Nullo loue opus ad iram eius leniendam in hunc Æneam: qui paratus est satisfacere, & altera tanta scribere aut dicere in viros. Viles mihi, & domini nascuntur tales sermones. Dic illi, saluta, dissuauia. Quid ais? satir' familiariter? non excuso, galis apud te volo esse. Noster ^{ad ipsam} estne Antuerpiæ? vbi cumque, ille meus. Imaginem nostram mittam breui. ^{Venerabilis, filius Romæ} quam sculpi iustimus à Goltzio, qui te amat, & multum sapere in isto quoque genere ait non falsò. Amici quidam in Germaniam, & ultra, me vocant: ego delibero, & caueo nequid temere. ^Quæ d'ū māavō ^{Duras} ^{magis felicitatis} ^{omnōvō}. Quid ni circumspiciam? ^{citas circumspicitorum} vbiique sunt quæ arceant, quæ allicant: nec ad gustum humana omnia, quamdiu erimus in humanis. Contentus ergo ego meo Catone. Tamen Austelli nonnulli nos hic turbant: sed adhuc occulte. si pergunt, & magis se aperiunt, mihi quoque ad alia consilia viam. Politica dogmata pango, selecta ex antiquis. Minus gloria ea scriptio habebit, scio: sed & minus inuidiae, & fidei plusculum apud eos, quibus homines magni (vt poëta ait) Propter milie annos. Valetudo vacillat. sustentamus eam quantum potest, remissionibus, peregrinatiunculis, & praesertim hortuli deliciis: in quo leges ecce meas vide. nam inserui, vt rideas. Vale. xiiii. Kalend. Iul. 80. I.C. LXXXVII.

LIPSIA-

LIPSIANI HORTI
LEX
IN IPSO ADITV, SVB PERSONA
BIFRONTIS IANI.

* B. F.

*Quisquis es, STA, LEGE, PARE.
IANVS ad hoc limen sic EDICO.*

- K.I. *HORTO & HERO fruendi tibi ius
est:*
*Sed illo ad ASPECTVM, isto ad SER-
MONEM.*
*Nisi OCVLIS, quidquid heic satum aut
natum, ne LIBATO.*
TIRO esto, MANVM apud te habeto.
*Si effers ad TACTVM aut ad RAPTVM:
Verbo dicam, te EFFERTO.*

- K.II. *Sed nec HERO & queque Frvi-
TOR.*
Ante SEXTAM vespertinam ne ADITO:
Poſt SEPTIMAM ne MANETO.
Hore alie, ad alias illi curas.
Heic cogitat, heic pangit:
STILVS heic est, Abi MvsCA.
Quid si & CAENA? Abi MvsCA.

- K.III. *SERMONES etiam ne exleges.*
IOCARI licet:
NARRARE licet:
ROGARE licet:
Sed nihil SERIVM.
GRATIARVM hic locus est.

- K.IV. *Siquid AMOENIVS tamen in STV-
DIIS;*
Inter AMBVLANDVM
Differe, doce, disce.
Et MVSARVM hic locus est.

- K.V. *Tu qui SERIOSVS,*
Tu qui RIXOSVS,
EXESTE.
CLVSIVS ego sum vobis.

- K.VI. *CANIS, præter vnam, EMANETO.*
HECVBA, præter vnam, EMANETO.
Habes? hoc etiam.
Qvo Qvò TE AGIS, TE VIDEO.

EPIST. XVI. Hagam.
THEODORO LEEWIO.

*E*rgo tamdiu te exspectamus frustrà?
Non hoc pollicitum, cùm nuperimè
istic essemus. Praesta age fidem, imò & a-
morem: & veni non quia promisisti so-
lùm, sed quia cupis. Certè debes. quid iu-
cundius quām cum amicis versari, diu non
visis, aut vix visis? Nam aspicere & non al-
loqui, nec videre quidem est: si non fallit
ille Sapiens, *Loquere ut te videam*. Verbo-
rum satis habes, si vir bonus es qui soles:
si degenerasti, nec preces quidem te ad-
ducent. Quibus abstineo, quia amicis sum-
mum precandi genus est, Velle. Ego te die
Dominicā exspecto vespere in cænā, cum
Dousā & Hauteno. Hæc, vt iuris prisci ver-
bis vtar, summa dies esto. Vale & ambula,
aut vehere potius. Postrid. Kalend. nouas.
○. IO. LXXXVII.

EPIST. XVII. Biturigas.
IACOBO CVIACIO IC.

*D*iv filui, sed inuitus. Bella hoc faciunt,
quæ viam nobis omnem intercludunt,
pænè & vitam. Ego Germaniam medita-
bar nuper, & tentaui, sed non volente
Euentu. Nunc huic epistolæ spem fecit ad
transitum Hier. Grossotius, egregius ado-
lescens, & quod inter laudes eius pono, tui
amans: ideo amatus est mihi. Vtinam ipsi
mihi os illud intueri coram aliquando fas:
quod vnum miror hodie (Scaligerum ta-
men adiungo) in Europā. Vidi nuper Iu-
onis in misellum Titum. Periit infelicissi-
mus hominum, hoc vno tamen felix, quod
ab illâ manu: tuáne an Scaligeri, an vtrius-
que? Nam præter vos, fallor, aut nemo sic
scribat. Excitastis sanè quosdam, imò non
excitastis: quia, certum habeo, immorien-
tur ambitioso illi veterno. *Admonere possum,*
aiebat ille olim ad Galbam, *corrigerem non
possum*: hoc hîc valet. Elogium tuum quo
me consecrasti, legi. & ab amore ample-
ctor, à iudicio & admiratione (nam & cā
voce vteris) quâ ausim? Debeo tibi, Cuiaci,
debeo: & falsa in me dictio, *Beneficia
tam diu grata esse, donec videantur posse ex-
solui*. Ego non possum, & quia non pos-
sum, vt insani illi amantes, hoc magis vo-
lo. Thuanum amo. vbi is est? Scaligerum
depereo. quid agit? quid non agit? vtrum-
uis

uis enim potest & debet: illud ex voto nostro, hoc pro æuo. Politica nescio quæ ego molior, non à me, sed à priscis. illorum gnomas filo quodam verborum meorum neceto, &, irriso olim verbo, ferrumino. Vellem quædam de Iunonis filio, qui apud nos: sed differo, ne differar. Ventura enim hæc ad te quis spondet? Vale vir maxime. Lugduni Batauorum Postrid. Idib. Mart. ∞. I. LXXXVII.

E P I S T O L A X I X.

I A N O L E R N V T I O.

IMBVISTI me liquore litterarum tuarum suauiter aridum & iamdiu earum fitientem. Reuixi. Te tuosque viuere & valere gaudeo: ego q[uo]doque vtrumque. et si istud mediocriter. Animus me sustentat, & concepta opinio non fore perpes discidium hoc nostrum. Nonne ab Albione spem faciunt albæ dæ? h[ic] narrant. Politica etiam nunc me tenent, nescio an cœptum opus bonâ aui, certè lenti. Pennas suas non habet. quin vellico & carpo eas vndique ex alieno scriptorum corpore: coquæ res tardior. Quale futurum opus sit, nec ipse adhuc scio: & tamen auguror, melius quam laudatius: id est, maioris rei, quam famæ. sed vos iudicabitis. In Senecam poëtam haud pauca notaui: quem legi his diebus, & nimis me cepit. vtique Medea & Thebais: quas supra omnes alias esse, nec eiusdem vatis, mihi certum. Tu quid censes? quid iuuas? nam aut ipsum dare molior, aut ad eum Notas. Idem de Liuio. in quo nimia nobis bona. Senecam propriè meum, id est Philosophum, præripuit mihi is, cui ego olim Tacitum, vt aiebat. Quamquam non tam ille me absterret, quam hic Lutetianus Faber, qui politè post illum dedit, & ne quid spei relinquat, pollicetur etiam Prætermissa. De rebus Amici apud Amicum securus esto: excipio Fatum aut Vim. Victoriole nostro iamne melius? spero. causâ duplici: quia & sedes ei pinguior, & in Autumno iam messis. Reuirescite, me amate, planè planè tuum, & tuum. Proprid. Kalend. Septemb. ∞. I. LXXXVII.

E P I S T O L A X I X.

ÆMILIO ROSENDALIO.

Vi x legi tuas, & respondi. Quid ais, aut quid censes? illusisse me? Non is sum,

nec qui amo verba, vt ille ait, blandicella. Strictim laudaui te, sed ex animi mei sensu: nec h[ic] vela te aut excusa. Diis gratia, ego is sum & eò veni, vt saltim iudicare possum de meliore & elegantiore ingenij venâ. Nec tamen feci aut facio, vt te attollam: quin contrâ, promouisse te cense, non peruenisse. Modestia est, mi Rosendali, & pudor iste ipse quem in te amo, quæ sistere te debent in candidâ illâ Virtutis & Sapientiæ calce. Si ista deserunt, non velis ullis peruenies aut ventis. Pestem hanc video in pleraque iuuentute nostrâ hodie, quæ simul sapere cœpit, iam sapit: & vix limen libauit arcane huius domus, putat penetrasse. Tu caue, quod facis: & sponsorem me capè felicissimæ tuæ viæ, quem anteâ in parte ductorem. Seriæ quidem beniuolentiæ meæ hoc symbolum habe. quod tardè ad plerasque litteras & vix respondeo: libenter & auidè ad vestrum talium, qui à nobis semel inducti in Viam hanc rectam, calcatis eam constanter pede recto. Pergitte, crescite, viuite, in vestrum & patriæ bonum. Fratri vota eadem reddo, quæ mihi. Leidæ, in hortulo meo, quem cum voles, vide; propriid. Kalend. Iun. ∞. I. LXXXVII.

E P I S T O L A X X.

HADRIANO SARAVIAE.

CERTE mihi iucundum fuit litteras tuas, & in iis te, regustare ex interuallo. Tamdiu cur siluisti? Scire debes me tui & fuisse, & esse, ex quo semel te noui, peramantem. Collegæ fuimus, iuncti sermonibus sæpè & consiliis: & vt illa nunc nō sint (Deo visum aliter) manebimus tamen iuncti animo, optimâ illâ parte nostri. Dissident quidam à te, qui mihi assident? nihil ad rem. Amare, & iudicare, ego possum: nec probo sanè omnia, quæ fero. Naturâ mitis & lenis sum, vt nosti: nec facile me oppono, præfertim sine spe ullâ profectus. Me & mea, quantum possum, compono & curo: publica fateor me numquam tangere, nisi inuitum. Perpetuum hoc mihi iudicium est, nec facile villa Suada aut Sophia eripient mihi hunc errorem. Stoicos illos, quos sæpè miror, scio hac in parte esse alios: qui in rem eunt, &, vt poëta ait, ciuilibus vndis se mersant, sed mihi ingenium meum dicat aliud, & in primis valetudo: quorum neutrum suadet mihi trahere hoc iugum. Itaque priuatim amicus esse didici, & fidus amicus?

amicus: iuuare patriam aut rempublicam, animo & voto possum, vix consilio aut facto. Quod me in ea loca inuitas: vellem, sed valetudo nunc quidem arcet. Videbo quid haec æstas ferret: animus quideam iamdiu auet videre pulcherrimam & maximam insularum. Vale. x. Kalend. April. &c. I. LXXXVIII.

EPISTOLA XXI.

JOSEPHO SCALIGERO.

ADOLESCENS hic cum ad te iret, mihi Scaliger, nefas putauit sine meis litteris. Utinam ego cum illo! sed * *ἀνυώλων* hoc votum: ita Gallia vestra, & nostra item, turbat. Quis prudens pedem nunc domo? & tamen ardet mihi animus amplecti te ante fatalem illum diem. Si villa quietis aura adspirat; certus esto, nos ad te recta. Iamdiu ne publicè quidem nos alloqueris: quid tibi factum? Per deum noscete, & sperne hoc æuum maior hoc æuo. Pungunt aut allatrant? qui? nempe ij qui palum non digni figere præ te in parietem. At nos amamus, miramur, & quicumque sumus * *τοις αἰρείσθαι πηλεῖς*. facturi hoc æternum, ita amet me ille Æternus. Ad Seneçam Tragicum aliquid meditatus sum. habes. nisi ferre grauabitur hic ipse, qui olim ait fuisse tuus: & ut nunc per me sit, rogo. Vale. Lugduni Batauor. xi. Kalend. Maij. &c. I. LXXXIX.

EPISTOLA XXII.

P. REGEMORTERO S. D.

EPISTOLAE ego tuæ * *ἀπωθύσεσθαι* responso debo, & quæstiunculam libabo quam proponis, sed breuiter & cum Homero * *δημόχοχαδλω*. Quid enim hinc vela pandam? hoc ipsum timide, quod pedem omnino pono in hanc cymbam. Quæris, an sapientias aut ius conciscere sibi mortem? Olim id disputatum: nunc decisum. & scis quid hac in te statuant religionis nostræ leges, quas improbè solicitemus. Tamen vis aliquid pro veterum mente? distinctè & breuiter. Stoicis adhæream; quibus * *ἀντερέσθαι* placuit, sed non * *αὐτίσθαι* aut semper. Cum necessitas suprema ingruit, puta à tyranno aut aliâ vi violentâ, nec mori tibi fas decorè aut honestè: putant arbitrij nostri esse vitam nostram. Pauculos dies aut horas quidni præueniam, non metu aut ignauia,

sed honesto illo fine? non, inquam, ut euadain, sed ut aliâ viâ vadain. Quid si morbus etiam vrgeat difficilis, pertinax, & sine spe medicorum? videatur haud improbum, non diu iactari in hoc mari, & transire coimpedio ad portum. Idem in acerbitate temporum, & cum omnia misericordia plena, sine spe alleuationis. Atqui durare melius est, inquietum alij: & hoc viri fortis. Non negamus, ubicumque breue aliquod malum est, & quod habere possit medicina: ubi aliter, o ignauiam mori toties, & non mori! *Rebus secundis seruare* nos poëta iubet: sed non per aduersa aduersis. Ut in domo conducticiâ si habitem, nihil peccern si paullum exeam ante diem pensionis: ita hinc videtur. sed videtur: & nihil definio (absit, absit) præter definita piis sapientibusque viris. In Thraseâ nostrâ locum hunc magnificè tractauimus, & ut viro illo dignum. quem tamen premimus, quia nimis nos premant iudicia aut voces calumniosi æui. An iamnunc non pecco, quod haec * *ἀποφθάλμα ταῦτα*? sed apud te *utrum*, & ex lege dictâ. Scribis amplius de Galliæ rebus: quæ hercules incertæ, & nescio an id quoque regnum venerit ad fatalem metam. Nos quieti per illas turbas: nec præter votum etiam mors illius Albionij, quem putant parùm in nos fuisse æquum. Adolescens, quem mihi commendas, ita erit: & ex vultu ac moribus iudico mereari. Vale. Lugduni Batauorum, ix. Kalend. Februar.

EPISTOLA XXIII.

DOMINICO BAUDIO.

DOLOREM tuum quod apud me effundi dis, gratum: certè apud amicum, & de amico. Collegæ illi meo non ego volo, & semper volui: ex animo. nec moror quid maligni suspicentur aut effutiant pro suo more. Deus, ego, res mihi testes: & tempus quædam aperiet, quæ nunc latent. Eò dico, quia haec res ita gesta est, ut me celata omnia sint, & nunc adeò celentur ab iis, qui nihil aliarum rerum me celarunt. Non credunt: esto. hilum non ego deterior, sed nec tristior: qui sto apud iudicem, cui nemo mentitur. Curuæ illæ mentes sunt, quæ de me tam curua. At tu Baudi esto quod semper: id est, bonus & volens, & æquus in eum, qui talis in bonos. Sed de sermunculis parùm est, quos nemo par mihi vita-

G 4 uit;

uit; nemo maior: res magis ipsa me angit, cui vtinam à me medicina. Nec de causâ inquirō, quam tu tangis: vulnus ipsum quā coibit tam grande, tam patens? Auctoritas alterius partis agitur, alterius honor: & scis alioqui quām lenti cedere isti nostri. Heu multa in hoc æuo quā publicè, quā priuatim molesta! illud in primis, quod rebus miscentur, suspicione aut voluntate vulgi, illiipsi qui extra res omnes se proiiciunt animi quodam decreto. Talis ego, nec mentior, sed rarum tamen aliquid in hac vrbe, non solum Scholâ, cui Lipsij nomen non insertum, verò siue falsò. Dousam nostrum ama, excusa, & inter plures scito esse vnum: aut certè ne damnna (quod in hac missione maximè damnatur) inauditâ causâ. Ego cum à diebus aliquot non vidi: & me subtraho, & manum cum Milone haud temerè in sero inter hiantes has rimas, quæ (Deus ita faciat) coibunt. nisi, quod ea quæ munus Recturæ & officium amici mihi imponunt, non deserō, non deseram, nec cum offensâ. Salve mi Baudi. III. Non. Maij. eo. ID. LXXXVII.

E P I S T . X X I V . Viennam.

CAROLO CLUSIO.

SCRIBERE me ad te, mi Clusi, mirum est: & non ego, non aliis quispiam id censuisset, ante mensem. Ipso enim natali meo XIV. Kalend. Nouemb. acris & feruida febris me inuasit; quæ corpus per se haud validum ita duos menses pñè afflixit, ut omnium iudicio iam in ipso Fati lamine stare. Viuo tamen, clementis dei beneficio palam

— * θάνατον καὶ κῆρας αἰνέτας.
Meas accepisse te gaudeo, & quæ in Senecam adiunxi. Ea nata mihi subito, nec otium habuisse aut animum plura exemplaria conferendi, tute facile vides. Gratum mihi quod Excerpta tui codicis miseris, quæ inspiciam opportunè. Lapidem Ancyranum accepi. & iam antè habebam descriptum à Busbequio: sed tamen gaudeo firmari eius fidem & industriam alterius etiam descriptione. Nam tua hæc, parùm aut nihil mutat ab illius. Vsui ea nobis in volumine Antiquitatum Smetij (vbi crebra tui quoque mentio) quod h̄c edimus elegantibus typis, nec sine publico, vt speramus, bono. Vnde vos illud nacti? inquies. Dicam quod rideas, Prædones à

* Fato
formatus
ob ipso.

prædonibus. Milites, inquam, nostri in tumultu hoc Belgico res Marci Laurini diripuerunt, inter eas, hunc Thesaurum. Centurio qui habuit, in Angliam venalem detulit: emerunt illuc Academiæ nostræ (cum casu pro legatis adesserent) Curatores. Ego auctor diuulgandi, & adiutor. Autuariū enim addidi Inscriptionum aliquot, quas Smetius aut non vidit, aut omisit. Utinam tu propior nobis fuisses! nec enim dubito, quin iuuare largiter potuisses, & bonam symbolam conferre ex ære, quod peregrinè collegisti. At nunc serum: nam liber lucem iam spectat. Quod desideres, me cruciat: & utinam agere ac perage-re tibi fas utilissimè cœpta! Dacia non miror si te trahit. me quoque, si deus meus patet, in primis delectaret ea loca lustrare, quæ trita scio vestigiis Romanis. Quot illuc lapides & monumenta prisca! Lazius me docuit, qui multa adfert, nec adfert: ita exscripsit parùm fidè aut curiosè. Nos etiam nunc in spe de Irene. Illa quæ Albionī præsidet, legatos missura, imò iam missæ dicitur ad Principem scuti equestris. Tu quid ais? diffidis. Ego illud cogito, Optare liceat, si potiri non licet. Illa viro Vincentio Pinello cùm scribes, quæsto te, salutem ei à me dicio, ignoto de facie, non de famâ. Amo virum, magnum meritò apud omnes magnos. Idem te rogo de Hier. Mercuriali, quem Felicitas mihi dedit, vt coram etiam Romæ nossem. Vale. Postrid. Idib. Ianuar. eo. ID. LXXXVIII.

E P I S T O L A X X V .

IOANNI ARCERIO.

LITTERAE tuæ honestissimi amoris indices, mi Arceri, an gratæ mihi fuerint ne quære. Gratissimæ. & in iis ἀφελότεραι illa tua & candor, quem haud minùs quām doctrinam amo. Pauci hodie tales: & plerique, quod doleo, * σκαλπια aut curuæ men- * oblique tes. De morbo meo, & eius grauitate, nihil vanum audisti. Pñissimè factum (cum Plauto meo loquor) vt irem ad beatos. Sed tamen viuo, imò & dei benignitate meliusculè etiam habeo, quām ante morbum. Quod autem rogas vt te quoque in cohortem meam adscribam amicorum, frustra rogas: quia reuerà iam adscripti. Notitia mihi aliqua tecum dudum fuit, & nuper instituta etiam amicitia, idque in sacrâ mensâ: nec violabo, quamdiu me violen- ta

ta illa dea non violabit. Spondeo. & arram velut pacti huius mitto syntagma nostrum ad Senecam, haud magnæ rei aut molis, in quo tamen (nisi mea in fallunt) non vulgaria aliquot Notæ. Vale mi Arceri, & vxorem tuam à me meaque saluta. Leidae, Kalend. ipsius Ianuarij : quas salutares tibi precor & faustas. &c. LXXXVIII.

EPISTOLA XXVI.

IOH. GVLIEL. STUCKIO.

Quod gaudes & gratias mihi agis, Vir Clarissime, pro testimonio quod in Epistolis meis tibi reddidi : ego quoque gaudeo, & si patetis, gratias etiam tibi ago. Quidni pro tantâ & tam rarâ gratitudine? præfertim quam elicit beneficium à me nullum. Quid enim mi Stucki in te contuli? paucorum verborum testimonium, doctrinæ & industria tuæ ita debitum, ut non qui dixerit benignus existimetur, sed qui vacuerit, malignus. Abest autem à me hoc vitium, & absit in omne ætum. Candidum mihi valde iringenium fateor, & quod alienas virtutes sive dotes videt facile, & visas amplectitur atque amat. Hæc mihi causa eius elogij, à naturâ meâ profecta : nec magis de te demerendo cogitavi, quâm sol ille cum nobis lucet. Tamen hoc quoque laudibus tuis nunc accedito, quod non solum doctus, probus (hoc sciimus,) sed etiam mirifice gratus essem: quod nunc disco, & eò magis exemplum exoscular, quò rarius in hoc ævo. Passim ambitio, infidia, detractio; & commune parvus magnisque ingenii vitium, ingratitudo. A veteribus haurimus cottidie, quæ scribimus: quotusquisque fatetur aut meminit? A nouis multa subducimus: & dissimulamus callidi, quasi hoc uno magni, si nemo præter nos magnus. Sed quod miris, hoc istis sæpè euénit: & vestis iis detrahitur in publico hoc theatro. Sed quorsum ista? ut producam, & paullisper tecum fabuler: quem astimatum mihi anteâ, certum est iam dehinc amare. Tu me quoque Vir clarissime, & salue. xi. Kalend. Sept. &c. I. x. c.

EPISTOLA XXVII.

ABRAHAMO MYLIO.

LITTERÆ tuæ quomodo mihi non gra-
tia? Adfectus in iis vndique eluet: sed vereor, ut adfectus. proscriptis meis & pro

famâ pugnas: sed rem audi, amanter magis quâm prudenter. Quid enim acri hoc amore tibi vis? probare inc aut mea iis, qui non probant? frustra. & hoc est quasi cibum aliquem conciliare illis, qui abhorrent. Ut palati inclinationes quædam sunt, quas haud mutes: sic iudicij. nec in probando minus differimus, quâm in agendo. Ut hæream in hac stili linea: age, quis inter veteres, & inter nouos, eadem ratione scripsit; aut scribit? Similes fortasse aliquos reperies, & id ægrè: nullos pares. Natura in corporibus raro hoc commenta est, vt vel ab eadem parente fætus assimilent: visita à diuersissimis ingenii stylum? Quod si ille variat: necessum est & iudicia. quia quisque optima assequi, aut certè sequi se, censet. A fonte ingenij intimo; Myli, ista sunt: & diffusa oratio, stricta; latra, scuera; quemque delectat aut indelectat, vt quisque est talis. Hinc nationes olim totæ disciderunt de optimo genere dicendi: & nosti oratores Atticos, Asiaticos, Rhodios: quid miraris homines singulos? quid hoc æuo? cum imperitissimus quisque audacissimus, & iudicij hunc calculum sibi sumit quilibet è litterariâ plebe. De eloquentia iudicant, qui non dicam cuius coloris illa sit nesciunt, sed vix Latina lingua. Itaque Myli non tu, non ego, his sermonibus mouemur: & de Apelieis istis lineis Protagones aliquis iudicet, non qui auersi ab hac arte aut Musâ. At Critica nostra non effugiunt etiam ^{enfusam}. Gaudeo, & ideo scripsi. ^{enfusam} Præter naturam cuiquam hoc videatur, ac non meam: qui tam libenter iudicor, quâm iudico ipse. Cui in tam libero scribendi genere non liber cuique sensus, dissensus, imò & lingua sit. Non modò absit & malignitas, quam odisse nle, cum Homero, fateor. ————— ^{equemque Orci portas.} Sed in eo suaves; quod Orationes me ne-
gant scribere. Velle dixissent, edere: agnoscerem; & causam darem cur laudem non quæram in hac arenâ. De scriptione quis abnuet, qui vel puerum me nouit? Istantiam omittamus, sed audi simpliciter. hæc palestra mea vetus est, hoc studium quò usus me duxit & naturâ. Vix duodecennis orationes scripsi, habui: pueriles scilicet: sed quas grauior etiam ætas laudaret in illâ ætate. Nec destiti postea: & credo me specimen etiam dedisse in Battato hoc solo. Improbatum aliquid addam. si stadium istud eloquentia aperiuit set

set mihi mōs m̄ei æui, decurrere id ausus essem cum nonnemine prisci æui. Nec verbum vlt̄a addo. erubui. Tu vale. Lugduni nostræ, Kalend. Iunii.

E P I S T . XXVIII. *Coloniam Vbiorum.*

CHRISTOPHORO PLANTINO S. P.

IN curâ de te fuimus, mi Plantine, ob tempestatem, quæ præter anni tempus, sub discessum tuum exorta. Venti quidem prosperi, sed violenti, grandes: deus faxit, vt breuî audiamus fuisse, sine tuâ noxâ. Imbecillitas etiam corpusculi tui nos torquebat, timentes vt parùm esses ferendæ agitationi inter vñdas. Solatur me vnicè tuus animus, magnus ille semper, & se maior, vbi discrimen. Apud te, vt volumus: apud me, vt possumus. Nam morbus meus non deserit etiam hanc materiam, & ignis ille interior in eâ lentè ardet. Sustentamus ramen, & corpore atque animo repugnamus. Typographia bono loco. operæ modestæ. nos Tranquillum daturi videamur cis paucos dies. Nam de Thraseâ (etsi bona pars iam parata) tardamus, offensiuncularum quarumdam metu: etsi non negamus multa iis inesse, quæ non ad famam meam magis, quam ad publicum bonum. Videbimus porrò, & statuemus. Franciscus tuus meus rediit ante biduum, mihi quidem valde gratus. Litteræ quas ad me teque adderunt, testimonium de ingenio & moribus habent valde honestum. Qui hæc dedit, seruet quæso augeatque. Sed eo quid fieri vis? hîc habes, an euocas ad te? Si hîc: dabimus operam ne otio abutatur, & vt id locet in studiis benè coepitis. Si illuc traducis: (nec id fortasse, vt tempora sunt, abs re) tua hæc cara, vt collocetur apud eos, qui iuuentutem benè & peritè formant. Scis quid in sermone suaserim. Plura hîc non innouata à tuo discessu, qui nunc me sanè mordet. Ludouico Peresio afflico nostro, & M. Varroni, item Ximenio, Metello Sequano à me officiosam salutem nunciato. De rebus tuis & consiliis exspecto audiè. Vale ego alter. Lugduni Batau. iv. Kalend. Septemb.

E P I S T . XXIX. *Lutetiam.*

THEODORO MARCILIO.

CLARVM insigne beniuolétiæ in me edis, Marcili, litteris vlt̄o & tam amante

ad me scriptis. Quæ ita gratae mihi sunt, vt velim omnia quæ publicè scribo. Nam quod tu me ames, æstimes, quî non amem? Ingenij tui fætus vidi, noui eos qui te nōrunt: in illis omnia erudita, bona legi, & ab istis audiui. Hæc de te * nāvē pōpū, cōnā * pauca quidem, pāpā m̄w̄c. Nam in me, vereor vt tu & tua ^{peccata} fidia. Gallia parùm veri. Ab amore vel ab humilitate effusæ illæ laudes sunt: quorum ille in te nuper natus, hæc à veteri æuo insita præter omnes gentes huic genti. Error iste est, error: sed amicus, & nescio quomodo sapientissimo cuique eum gratus. De tuâ meaque patriâ quæ auguraris, vñnam nē tam certa: factamur, imò intergimur, nisi quid adiuuat supera illa manus. Arcturus tuus turbat, & rex quispiam etiam ab Arcto: qui clauso freto, minatus nobis nuper miserrimam omnium mortem, Famem. Quid ceasæ? nisi in totâ Europâ, sed non sine sonitu, interti orbem hunc rerum. Id ego video & fero: non solum præceptis ab arcianoribus libris firmatus, sed malorum vsu ipso, qui in animo isto genuit callum. Valetudo nostra anteps, propior tamen bonæ. qualem tibi longam, longam, mi amicissime Marcili, (is mihi deinceps crisi) opto. Lugduni Batau. iv. Kalend. Iun. 15. LXXXVII.

E P I S T O L A XXX.

PAVLO MELISSO S. D.

CERTE postremæ tuae mihi traditæ, vñā cum Exequialibus, quæ fecistis piè & legitimè Principi Anhaltino. Tot aliis tuis quid factum? illud, quod non insolens hoc æuo, abiectæ credo, aut interceptæ. At carmina illa vestra me recrearunt, tua in primis, sanè docta: sed & F. Iunij, quem ego nesciebam harum etiam esse Musarum. Ille autem est in primo choro. Stenius etiam vester adprobus. Quid dicam? Aonij illiæ montes, & nisi Dousa vñus veter, nobis luridæ, imò Stygiæ paludes. Quidni sic appelle, per funesta hæc bella? Nos tamen obduramus, colimus, & vi quadam retinemusabiturientes illas Diuas. Iustitia minatur: cuius (hoc quidem loco) præses,abit & deserit Donellus. non sponte: missus enim est à Scholarchis, cauissis quas non dicam. Sed de Pronunciatione etiamne vidisti? gaudeo, magis, si apertè mentem explicares, & aut consensum in eâ re mecum, aut dissensum. Nam nunc quæ loqueris,

queris, meræ mihi ambages. Hortensius non sum, nec Sphingem accepi, quæ adiutet. De poëmatis Bargæi, monui Plantianos: aiunt se misisse, & in vasis inclusa, quæ sunt nunc (esse certè debent) Francofurti. Baroniem Serotinum vidi, stellam, verbo dicam, Germaniæ vestræ. Iani Guilielmi poëmata, premis, an edis? Neutrū suadeo, quia incertum mihi an pro ceterâ eius famâ. tu despice, & tui amantes nos ama. Lugduni Batau. Kalend. Iuniis, & I.C. LXXXVII. V. Nob. Othonem Grynradum salutes à me velim.

EPISTOLA XXXI.

IOSIAE MERCERO.

LISLAEV apud nos fuit: cur non vnâ tu? Bella occasio erat: quam vereor vt nunc amissam, frustrâ posteâ requiras. At qui, cùm illâ sis, Batauiâ te nostram, & in cā Lipsium non videre, dedecus sit nostrum mi Mercere. me coniungo. Non enim tanti ego tibi? Nec crede hanc esse

* longam
viam diffi-
cilem:

diei vnius res est, cùm leuiter fauet ventus. Sed, spero, emendabis. Nostra ad Senecam Tragicum iam mitto. quid censes? & an non mecum facis in iudicio illo, quod de scriptoribus feci? Nam * πυθανὸς ἔχει τὸ μέλος αἰδεῖον ὁ πλεῖστος, ait Pindarus: non etiam tu. Profectò si consideras, Thebais illa, Thebais, * ὀξεῖα pulchra est: & quoties lego, * οὐδὲς μὲν ἔχει, vel potius * ἄλλο. Nemo vatum visus mihi tam altè, & tam feliciter, volasse. Iuonis Villiomari in Titium ante paucos dies vidimus. Nescio an recens lectio me ita ceperit; sed non videor scriptum bellius legisse à multis annis. Non decima illa Musa, Plautus, possit aliquid magis Musæum. Sed dic sodes, quis scriptor? non enim ille falsus Iuo.

* Montiar.
an verum
dicant iu-
bis me ans-
tus.

* Ψεύμα, ἡ τηνμον ἐρέω. κίλετο δέ με θυμός: Scaliger noster est, lumen illud & columnen litterarum. Non diuinaui? Quæ tamen ibi correctio inter basilicas videtur,

Dicit ab hirsuto iaculum torquere Capellâ, nondum mihi proba. Nos aliò longè du-cimus Iuuinalis eos versus. Sed hæc talia (deus faciat) aliquando coram. De patriâ, valdè * πάτερ μου, mi Mercere, noster hîc status. Mihi parùm certum est hîc manere; imò certum non manere, si hæc manent. Turbones nimis multi: vtinam vnuis aliquis, qui sub Hadriano! Sed tu vale, &

nos ama. Lugduni, x. Kalend. Octobr. & I.C. LXXXVII.

EPIST. XXXII. Basileam.

IANO DVS TIO.

Si villa res me delectat, mi Duysti; ea est cùm vos tales video, qui me audistis. Amantes mei, æstimantes: suprà quæmeritum fortasse est: at non suprà, quæ vos decet. Tu inter eos insigniter gratus: cuius beniuolentiæ in me, iudicij apud omnes de me, clara in litteris tuis video signa. Perge verò, amare inquam non tam me, quæ ea quæ censes in me, Virtutem & Doctrinam: quæ te clarum aliquando efficient, & mihi certè effecerunt iamdiu carum. Studium tuum cognoscendi & compellandi illustres viros, laudo: & pudorem in omni re ama, non in istâ. Hic fructus inter alios peregrinationis tuæ sit, vidisse illa lumina, quæ cogitatione ipsâ te illustrerent, excitent ad sui imitationem. Ruinæ & monumenta veterum heroum nos commouent aspectu: quidni istæ viuæ imagines virtutum? Itaque quod Italiam etiam ex Germaniâ cogitas, approbo: cum cautione tamen illâ quam olim Lanoyo meo (nam Epistolas meas video te vidisse) prudè præiui. Non repeto. Hoc tantum Varronis inclamo, CAVE CAVE CANEM. Multi in animo, nonnulli in corpore admorsi, æternum dolorem retulerunt è pulcherri-mâ illâ terrarum. Tu me capis: audi tantum, imò ausculta. Patauij si Hier. Mercuriale Clarissimum Medicum, imò æui nostri primarium, si inquam vides: à me saluta, & dic ad suauissimam eius epistolam respondisse. O vtinam anni & vires mihi quæ olim! profectò lustrarem amata mihi loca, & amplecterer viros, quorum nomen me recreat & diffundit. Sed coérceo exslientem animum: te rogo, vti in me sis quem ostendis, certus à Lipsio idém tibi fore. Lugduni Batauorum, Kalendis Iuniis. & I.C. LXXXVII.

EPISTOLA XXXIII.

DIONYSIO GOTHOFREDO.

BREDERODIVS noster, dum ad vos iter affectat, defiderium & memoria mihī excitauit tui. Meritò te amo, qui iam dudum me: & id ostendisti non vno signo. Scripta tua, quæ in publicum elaborasti, nobis

nobis grata , tibi honesta : & in similibus edendis vt perseueres , te horror. Vides languescere Galliam tuam , & ponere paullatim ardorem illum discendi , docendi , scribendi. Vos pauci è subsidio adeste. Malum illum deum & * θρολογία abiisse à vobis , gaudeo: vtinam & * λημός ! quod , vt hæc tempestas anni est , spero. Nos pessum imus: aut valdè fallor : nec sustentat scirpea illa , quam induximus , ratis. Fraudes , inscitia , calor , quid non corrumpunt ? Fuit apud nos nuper Paulus Stephanus Hen. F. mitis animi adolescens : quod velim patri nuncies , & à me salutes. inprimis autem Casabonum , eiusdem , vt audio generum , cuius ingenio & crescenti famæ valdè faueo. placent nimis scripta eius , quæ vidi. Cetera à Brederadio nostro audies : quem vt commendem tibi , à se commendatum , non laboro. tamen uno verbo id facio , sed serio prorsus. Vale V.C. & me ama. Lugduni Batauor. Idib. Sextil. ∞. I. LXXXVII.

E P I S T . X X X I V . *Antwerpian.*
FRANCISCO RAPHELENGIO *Filio.*

Si paullò tardius , mi Raphelengi , ad litteras tuas respondeo , non miraberis , si me & te videbis. Me , qui ita cottidie interpellor & occupor , vt omne tempus sermonibus aut colloquiis pænè dandum sit , exiguum aliquod meditationi aut stilo superfit : te , qui ipse in hoc largo otio , in flore ingenij , aut spissò ad nos scribis , aut files. Et tamen scito affici nos tuis litteris , & hærere in istis medullis semel conceptum tui amorem. Postremæ tuæ me recrearunt. in quibus omnia beniuola in nos (de quo numquam dubitaui : nec aliter tibi facere fas est) & de te ipso plena bonæ spei. Vitia vides mollioris illius præfertim & residis animi: quæm vtinam , vtinam , semel excites & erigas , mi adolescens , non tam citò relapsum. Contemni à te humana , gaudeo. quæ me quidem auctore pedibus etiam trahe: sed ita vt contemptus iste ab alto quodam animo sit , non qui ipsus se contemnat. Pars illa ætherea in te viuat & vigeat : cetera illi seruant , sed non vt cum illis ipsa. Hoc modestiam aut sapientiam censes , iacere ? nihil agere ? ad nullum vitæ genus collineare ? Ignauia est , magnorum etiam sæpè ingeniiorum pestis. Subit enim , vt ille inquit , *inertia ipsius quedam dulcedo , et in via primò desidia postremò amatur.* Vt lignum

occulta teredo consumit : sic animum delimat paullatiū & exedit ignauus hic affectus. Homo es , è duplii materie , cælesti & terrenâ : ad duo etiam natus , cælum & terram. Illud in primis ; sed nec hæc neglegenda est , quamdiu es in istâ. Id est , famam , opes , amicos , doctrinam , hæc omnia modicè parare debes , quæ magna esse vides apud homines etiam magnos. Ad vanam & validam ambitionem non te voco: ad media tantum illa : quæ usum sui variū præbere nata sunt , bonum bonis , malum malis. Per hunc omnium rerum immodicum contemptum , vide ne in contemptum veniat vita ipsa. Tempora mendant in languorem , inquietes. quid tempora ? tu semel statue quis esse debeas , illuc cogitationes actionesque dirige : cetera ex loco habe , quo tempestates aut ventos. Munies te contra illa , vt poteris : neminem contumaciâ aut loquentiâ irritabis: cetera permittes illi , qui tempora & temporum dominos regit. Raro allisa nauis est , quæ modico velo legit litus. Eminencia feriunt procellæ. Hæc cogita : & illud in primis , vt attemperes te ad consilia aut tui , siue iussa. Quis illo tui amantior ? quis usu rerum peritior ? nec puta prudentiam omnem à litterulis manare , aut nescio quæ hac doctrinâ. Telum ea & adiumentum acré , fateor : sed non sola.

Tua in Senecam mihi proba sunt. quid si aliud tale in alium oratorem , siue poëtam ? elige. Quæ conferre cœpisti cum Ortelij nostri libro in altero Senecâ , video non mala esse : cupio vt perseueres , & vt quemque librum absoluenter , ad me mittas. Ego his diebus Controversias contuli , & repelli haud pauca Censoribus non visa nec Romanis nec Gallicanis. Res nostræ fluctuant , & turbat vicinum mare : nos illi (Deo hoc debemus) qui solemus , inconclusi. Vale mi Raphelengi , & si me amas , te ama. Lugduni Batauor. propriid. Kalend. Septemb. ∞. I. LXXXIX.

E P I S T . X X X V . *Marpurgum.*
NICODEMO FRISCHLIÑO.

SEROTINAE tuæ ad me litteræ , tamen gratæ : vel quia tam amanter ad amandum prouocas , vel quia communicas iis rebus , quæ in Germaniâ geruntur. Quam terram velut alteram parentem (origine enim

enim nos Belgæ inde) iure diligo, atque eò magis, quòd benigna ea nutrix mihi fuit per aliquot annos. Statueram regustare liquores eius, & in itinere medio fui: repulit me aduersantis Fortunæ velut ventus. Ergo nunc iterum in aquosâ Batauiâ meâ, mihi tamen carâ, quia carus ego illi. Cum Crusio tua liticula non nihil me cruciat. nollem in hac paucitate eruditorum eos inter se

^{* Aduersis seruibus deponuntur.} — ^{A'rnoldius maximaq[ue] iuratio.} Sed tamen, liberè dicam, et si ætate ille grandior; tu mihi in hoc certamine Achilles, ille Troilus videtur. Plus virium in tuâ hastâ, imò & causâ: si tamen eam per calorem & immodestiam (quod spero longè à te esse) non corrumpis. Ego miror homines esē, qui plus Grammaticorum præceptis tribuant, quam illis per quos Grammatici viuunt. Mihi probum & rectum est, quidquid proba & prisca illa ætas scripsit, et si Grammaticorum omni cohorti aut non lectum aut neglectum. Tamen Crisia na illa nondum vidi, & ideo iure amplio, ne audiam illud, ^{* unde dixi.} Te amo, & salvare iubeo, & crebrò terere hoc litterarum iter. Agere te Marpurgi gaudeo, apud Principem, qui sapientiâ Germaniæ Princeps. Vale. Lugduni Batauor. vii. Nonas Ianuar. ^{** necaus sum.} I. lxxxvii. Stilo nostrate.

EPISTOLA XXXVI.

FRANC. NANSIO. V. C.

SALVE mi Nansi. en habes Nonnum stuum, quem remitto lectum à me cum voluptate. Ipse Poëta mirificus (vt res quidem illa & versio patitur) & tu Censor, in eo emendando. At defectus quos in ea supplex, iam non defectus: cùm tam felici & pari venâ carmina addideris tua, nec tua. Nonnum enim totum spirant, quem concoxisti. Perge, & ede. ego suadeo: quem scire debes tui amantem esse. Prid. Kal. Iunij, ^{**} I. lxxxvi.

EPISTOLA XXXVII.

ABRAHAMO ORTELIO.

THESAURVM abs te, mi Orteli, vidi & in parte legi: verè thesaurum. Condita in eo habes, quidquid Græcia aut Latium habuit, in eâ quidem argumenti parte.

I. Lipsi Operum Tom. II.

Placet materies, ordo, industria: illa utilissima, iste facilissimus, hæc summa. Iam præloquia illa & velut lumen operis, quid? bona. Bochij vestri & Vackheri versus laudabiles: quos ex vngue illo viros puto; & gratulor vestræ vrbi. Quæ iamne respirat? Diu sauces vobis premit atra & famelica illa Diua; quam pellet, nisi fallor, nata mox copia pleno cornu. Deus faxit! ciues enim certè amamus, & quicquid Belgarum est, longè ab odio quod factio gignit. Byzantina Imperatrix (Irenen dico) quando ad nos? heu, tardè. nec viam video: nisi quia Deo, cùm volet, ^{* ἀπαντάπειρον πόλεμον.} Cratoneum medicum abiisse audio, & doleo. ^{* omne inutum, permisum.} amauit me vir, ego illum. At nos manemus, in extremâ velut vitæ lineâ stantes, & animo dumtaxat, non corpore, fortes. Politica nostra pergunt, sed, vt familiaris poëta meus loquitur, testudineum gradum. Ita sæpè interpellamur, ab amicis, à mune re quod sustineo, à morbis. Fero omnia, & te in pectore aternum. Vale. Prid. Non. Iulias. ^{**} I. lxxxvii.

EPIST. XXXVIII. Erfordiam.

MATTHAEO DRESSERO.

ETIAMNE ex distitis illis locis aura ad Eme beniuolentiae: etiam. & spirat ea suauiter in tuis litteris, quas ante paucos dies accepi amoris & honesti iudicij plenas. Vtique gaudeo, et si illo magis quam isto: quia riuus hic ab eo fonte, & multum me æstimas, quia multum amas. Et verò iam pridein inter nos cognouimus, cùm in Germaniâ vestrâ aliquamdiu Ienæ agerem, & ad meliores artes præirem iuuentuti. Tunc (memoriâ teneo) coitum inter nos fœdus amicitiae, non nisi nobiscum morituræ. Perseuera: ego de me hunc affectum tibi spondeo ^{* εἰς διάθεσας.} Quem utinam tempora ^{* in perpetuum.} & res nostræ ferrent, vt aut præsentes, aut certè vicini magis ostenderemus! fruerer te non solùm cogitatione, sed etiam possessione, & manum injicerem in cervices tam amicas. Fata negant. nec aliud relinquitur, quam arcta & arcana illa animorum coniunctio: quam magis imagisque ligemus per epistolarum hæc vincla. Verba ista sunt, fateor: sed ^{* Διηγήσας φυχῆς,} & re comprobanda, cùm res se dabit. Salve Vir eruditissime. Lugduni Batauorum.

H. EPIST.

EPIST. XXXIX. *Patauium.*

EVER. POLLONI.

ITALIANE te tenet? præter opinionem meam, fateor: & tamen gaudeo. Quis non amem illum locum, in quo iucundissimum viximus ipsi olim? qui ante nos, sedes tot illustrium animarum? Sanè amo, & si adire aut peregrinari in eo dissuadeam, repugnem interiori meæ menti. Tamen tardè nec libenter concessi hoc tibi. quid mirare, si timidus amor est? si iusta etiam mihi caussa timoris? eò magis quia gentem & loca illa penitus paullò introspxi. Ad Lanoyum quæ scripserim, legisti: credere non scripta ea animi causâ. Mare, mare, nauigas, & id scopulosum: caue ne obhæreat alibi ista ratis. Cautè inter captatores homines ambula, te cela, linguam preme, omnia proba etsi non probas. Certamen aut dissensus omnino tibi caueha, & vt feliciter hospitem agas, age seruum. Iactantia aut libertas nobis serventur: nobis etiam omnis tuus amor castus, purus, & nequid delibent ex eo obsecnæ illæ aues. Quantumuis formâ aut plumbis blandiantur, ah! fuge; aut potius pugna, quod dicitur, * *περι πέδην*. Reuerà de illis agitur. Præsidium tu in moxi ponis, & quod nusquam, vt ais, figes pedem. malo vt nusquam oculum, inprimis ne animum: & vt ille semper munitus sit in eiusmodi occursus aut aspectus. Hoc tamen suadeo, vt vidisse Italiam satis habeas, hoc quidem tempore: non placeat tibi pernivisse eam aut insedisse. Viros magnos regio fert, scio: sed sepositos aut subductos: & vi prompti sint, vix per illa discrimina adiungendos. Minus mihi sape, & diutiùs viue. Quibus nunc velim te innotescere, paucos noui. Anni octodecim sunt, cum Italiam ego reliqui: & qui tunc vigebant, plerosque ex ijs reliquit vita. Ad Hier. Mercuriam litteras tamen dedi: virum probum, candidum, illustri doctrinâ & famâ. Boniæ, opinor, nunc reperies. Romæ est Fulvius Vrbinus, cui salus à me fortasse tibi dederit admissionem. Est ibidem Latinus Latinus, si tamen viuit, probissimus senum quos ego noui, & omni litteraturâ instructus. Eum quoque à me saluta. Reliqui è grandibus sunt, ad quos te non mitto: qui rem, vt opinor, quæris, non splendorem. Quod superest, Deum, vt Comici ver-

* de car-
nidibus.

bo vt ar, animitus rogo, cautam circumspetamque mentem tibi det, & audiam ad tuos redeundi. Wiltzium meum, si illic est, à me saluta: à quo iampridem nihil audire me, sed eohibeo. Tu vale. Postrid. Kalend. Septemb. &c. I. LXXXIX.

E P I S T O L A XL.

PETRO ALOSTANO.

Dovs a meus ad vos venit, & est in quo operâ tuâ ei opus: quam vt benignè, & vt ingenium tuum est, comiter illi exhibeas, te rogo. Resp. nostra quo loco sit, vides: & quò perduxerint nos acerba quorumdam consilia, nec percocta satís ad Prudentiæ sollem. Hinc immites isti fructus, quos ciues illi vestri numquam gustarunt, te regenite. Utinam & nunc (tibi hoc, nec tuâ caussâ dilecam) eiusmodi aliquot ingenia nobis ad clauum! facile sedarent hi fluctus. Nisi fit, mergimur, mi Alostanæ, mergimur. Deus iuuet, & te Vir Clariss. seruet. Postrid. Kalend. Aprili &c. I. LXXXVII.

E P I S T . X L I . *Burdigalam.*

MICHAELI MONTANO.

SCRIPSI ad te ante mensis &, vt tempora hæc sunt, suspicor non vanè, parum rectè eas litteras, certè parum feliciter, datas. Nam nec ab eo cui Lutetiam curandas miseram, responsi quidquam accepi. Itaque iterum scripti. non quia tuâ magni interest, sed quia meâ, scire te & accepisse me humanissimas tuas litteras, & eo quidè animo quo à tali viro merebantur. Non blandiamur inter nos. ego te tale. n censeo, qualem publicè descripsi vno verbo. Inter septem illos te referam, aut si quid sapiens illis septem. Nam externa & polita ista doctrinarum, sermonis & linguarum ad fastum & fastidium usque scientiam (audi intimum meum sensum) sperno ego valde, nisi cum prudentiâ quadam & recti iudicij normâ coniuncta dirigantur ad usum vitae. Ea duo postrema in te esse vidi, & illa non deesse. Nos in Politicis aliquid meditabamur, desumptum ex veterum agro: & iam pars non scripta solùm, sed tradita typis. tamen differo, & sustineo me tempotum horum adspicere. Ego enim, vt pericula quæ obueniunt, non timeo aut vito; ita non temerè ea prouoco aut arcesso. Scio autem quād facile vel in optimis consilijs pec-

peccetur, æuo quòd impetu, non consilio fertur. Intereà in Senecam Tragicum aliquid Criticum dedi: quem scriptorem, vel ob nomen, scio & te amare. Nunc edo *Curas meas secundas* (ita appello) in Tacitum. Quid faciam? aliquâ fallendum hoc otium est, si non salubri, certè non inutili occupatione. Tu vir magne ecquid agas, & in primis ecquid valeas in Regni vestri morbo, fac me tui amantein scitiorem. Lugduni Batauorum, xvii. Kalend. Maias. ∞. I. LXXXIX.

EPISTOLA XLII.

THEODORO BERNARDI S.D.

BENE habet, mi Theodore. de Amico illo nostro extra metum sumus, imò extra suspicionem. Ille viuit (ex litteris eius mihi constat) & viuet, ut spero, in multos annos. Heu dolorem meum, si aliter! Varijs virtutibus amorem nostrum meretur, & certè amore. Quòd quæris à me de Apellæ illis lineis, verásne eas censem, & quales? ad prius respondeo, veras: nec fas ambigere, nisi si fidem spernimus historiæ omnis priscæ. Ad alterum nunc sileo: & censo ut priùs ab Amico illo nostro quæras, cuius ingenium grande & capax, diffusum per has quoque artes. Mirificus ille vir est, & quem Homeri verbis iure appelles

— * Δαιρέγεα, ποιησούστω.

*prudens, varidus, prædictus.

Ego corām aliquid tecum. quem decretum mihi visere ineunte hoc Vere, atque vñā cum Henrico Spiegelio meo amplecti. Amovtrumque: uterque me amate. Lugduni Bat. Prid. Kalend. Mart.

EPISTOLA XLIII.

THEODORO LEEWIO.

GAVDEO & gratulor (hinc enim primū ordiar) quòd iterū te dedisti in iucunda hæc nuptiarum vincla. Deum quæso, vti felix tibi ea res & salutaris sit: id est, matrimonium concors. Nam in eo voto, ipcludi censem reliqua vota. De quo mihi magna spes est, quòd eam non ex dote legisti, sed ex naturâ, & ex ipsâ. Sic decuit (quidquid vulgus h̄c dicet:) & equum emere, non sellam aut strata. De rep. nostrâ nec ex ruis litteris mihi magna spes est, nec ex rumoribus vulgi. Si vtrinque pertendunt, quis exitus? Cedere altera pars debeat, aut potius vtraque, & sic coire in

LIPSI Operum Tom. II.

arctum & amicu[m] fœdus. Amentia! hostis in latere, & tantum non ad portas Annibal: & nos litigamus? Atque hæc per eos eueniunt, quæ sententiæ suæ tenaces, iudicia omnia & consilia spernunt aliorum. qui quam viam semel ingressi sunt, nec omittunt, etiam in errore manifesto. Pestis iam olim huius & plurium rerum publicarum: nec facile excutienda, si aut ipsa potens, aut obsedit potentes. Felices illi Principes, quibus electio & iudicium est hominum, quibus fidant & credant. Interè quocumque loco nostræ res: nos, mi Leewi, nostro maneamus, id est, inconcuso illo & firmo. A deo & à fato eius pendeamus, certi subire sortem omnem quam ille dabit patienti ceruice. Calcitrones isti & refractarij equi, hoc consequuntur, vt verbera etiam aliquot excipiant, nec excutiant tamen iugum. Omnino lenius omne malum fit, leniter ferendo. Qui interpretando auget, qui velut scalpit suum vlcus: facit, quod qui onus ad onus sibi addunt. Ego tecum sentio. standum in hac acie, & sine fugâ vllâ cogitatione, vincendum aut cädendum: sic tamen, quamdiu palam aliter non suadebit ille Imperator. Lugduni Batauorum xi. Kalend. Octobris. ∞. I. LXXXVII.

EPISTOLA XLIV.

IANO DOUSA Filio.

SCALIGERVUM patrem, quem sæpè tibi laudo, mi Dousa, ipsum h̄c vide. Quis depinxit? quonemo melius, aut verius potuit, se ipse. Quando? cùm fallere ei minimè libitum, paucis diebus ante summum diem. Heu, quis ille vir! pænè ausim dicere,

— * Σοφίων μὲν ἀλίσκεται τὸν αὐθαύπτον.
Tres sunt quos admirari vnicè soleo, & qui in hominibus excessisse mihi huma-
num fastigium videntur, Homerus, Hip-
pocrates, Aristoteles: sed addo hunc quar-
tum, qui natus in miraculum & gloriam nostri æui. Scripta docent (etsi bona, imò optima, eorum pars perijt:) tum hæc Epis-
tola. quam tu mi Dousa, quantum po-
test, lege, describe, remitte. Nam Pici non
ita aurum suum custodiunt, vt ego hunc
thesaurum.

*Sapientia
similis dicitur
immorta-
bilis.

EPISTOLA XLV.
Ios. SCALIGER IVL CAESARIS F.

Francisco Vertuniano S.

INCIDI in Epistolam Patris mei, quam ultimam prudentissimus Senex dictauit. Agnosces, puto, manum meam. eam ille dictauit inuitissimus. hoc est, rogatu Paschalij illius qui se historici Regij non tam munere quād nomine venditabat. Quod nisi te ex Epistolā ipsā cognoscere mallem, pluribus tibi explicassem. Hoc vetabat ingenuus pudor; sed officium scribendi expressit importuna hominis loquacitas. Quare, quum te videam studiosum Scaligeri nominis, non dubitaui te hanc Epistolam non solum in delicijs, sed etiam in miraculi parte habiturum. Adde quōd eam in parte officij te habere volo, quōd ad me pertinere putem te nihil ignorare eorum, quæ ad amicitiam nostram aut augendam aut conseruandam spectare videbuntur. Quum Epistolam eam descripsis, remittito. Nam non tantū meā, sed etiam omnium bonorum interest, eam non perire. Vale, ac me ama. Vlmiū nostrum saluta. Abenni. propid. Kal. Jun.

EPISTOLA XLVI.

Ivl. SCALIGER FERRERIO S.

Q VOD tuis elegantissimis litteris non respondebam, multas afferre causas possum, sed omnes quidem prater meas occupationes. Nam quemadmodum iucundissima mihi fuit salutatio tua, ita nihil mihi prius esse oportet, quād ut omnibus omissionibus ostendā diligenter & mihi fuisse honori, & dandam esse operam ut mutuis officijs eliciam frequentiorem. Ceterū ad hanc usque diem nemo se obtulit nobis, qui istuc iter faceret, nisi Questorum magistri, quorum tanta est superbia, ut præ se contemptis ceteris omnibus pene regnent. Podius verò noster pene prius abiit quād accēdit. Atque nunc etiam ita scribo, non qui habeam quidem, sed ut ne mibi desim, si forte quopiam meliore fato nactus fuero nuntium aliquem opportunum. Scriptoris verò mea summa in eo potissimum versatur, ut quam maximas possim gratias agam viro de nostro saeculo benē merito Paschalio, qui ita censuerit, me augere posse numerum virorum illustrium, praesertim in Regia historia. Ac quamquam diuturnā ambitione meus animus aeger, sibi studuerit aliquid comparare, quo se humo, ut aut ille, tolleret; sapè tamen sese respiciens ac sui compos factus, faciendum putavit, ut iam partē glorie acquiesceret: non quōd vel recusem, vel parui faciam me vti beneficio tanti viri; sed satis habiturum me debere arbitror, si quantus illi modo notus sim, tantū me ostendat posteritati. Nam quod

tam gratiōsē atque humanē petit, de me ut histriam conscribam, quin ad id adducar faciendum, tres omnino caussē prohibuere. Ac primū quidem pudor ingenuus, & dignus vel familiā nostrā vel meā institutione. Deinde quōd quam maximis atque illustrissimis de rebus meis ubi narrauero, tum maximē dixerint me mentiri, quicumque tantum litterarum cum tantā belli gloriā in seipsis coniunctum non esse indignantur. Tertium verò illud est, quum elogio simplicissimo transgendū illi video, que ne maiori quidem libro comprehendī possent. Pugnauit pedes, eques, adolescens, iuuenis, miles, præfetus; certamine singulari, in obsidionibus, in campo ciui- li, ad ludos equitum ordinarios, in excursionibus, in exercitibus: sēpius vici, aliquando vicitus sum, corpore, non animo; non virtute, sed fato: sed ita ut etiam aduersi casus ipsi maiori mihi fuerint honori propter egregia facinora, quād ipsis hostibus victoria loca infinita non designabo. Familiæ nostræ merita à Taxili usque temporibus erga regnum Gallicum ad moam usque operam notissima sunt. Quōd si exempla non sunt odiosa, poterit illius erga me amor eius animum eō impellere, ut simul & Mastiniam & Xenobontem componat, quorum virtusque idea vix me unum exprimat. Vides quād ridiculus mihi ipse factus sim, quād vix centesimam quaque partem delibarim. De his omnibus ita ut voleat. Nam familiam meam quotusquisque doctiorum neget, si nobilitas in vetustate sita est, esse omnium nobilissimam? cuius lux in Alani splendore ac virtute aduersus Attilam primum refūsit. Si ad capita Principum species, liberalium, magnanimorum, fortissimorum, per paucā gentes cum eā sint comparanda. Si quis malit intueri cognationes, deductos nos sciat multis ex Imperatoribus. Quintus enim ego sum ab Imperatoris Ludouici Bauari filia. Si quid verò conferunt etiam ad finitatem, quis ignorat Mastini Scaligeri filiam Beatricem, Barnabæ Ducis Mediolani vxore, decem filias peperisse, quæ omnes maximis Europe Principibus nuptæ fuerint; una etiam Eduardο Regis Angliae filio, quo defuncto duxerit eam uxorem Dux Andegauensium; altera verò Sicilie Regina fuerit? Sed ut parcam historię; hic est ille Barnabas, cuius fratri nupsit Valentina, & quoniam honoris causa nomino, & quā nominata fine statuo gloriæ nostræ. Nihil enim mihi honorificius contingere potuit, quam ut essem sub luce Regum Francorum, non solum tamquā ciuiis adscitus ab Opt. Max. Francisco Rege duino; verū etiam particeps benignitatis atque pietatis Regis incomparabilis Henrici secundi. De meis vero vel similijs vel scripturis nibil ad Paschalium mittam.

De

De ijs moribus, qui ad vegetum robur animi pertinent, etiam in hac extremâ senectute, qui pene octogenarius sum, per pauca poterit, nisi gravis est. Omitto frigoris, astus, inedia patientissimum, dies integros laboribus fregisse, noctes etiam continuasse. Hoc multis fortasse commune: illud non fortasse multis; vespere post expedita diurna ne-

** Sed cxx. gotia ad sexaginta versus commentum esse, de Iomicos inde canasse; post canam dictasse que ad agrotomanos, lo. filius dixit nam & ipse de scribebat distante Pace.*

rum post triduanas prescriptiones pertinenter; postea somnum cepisse; summo mane experictum fremitu nuntiorum qui opem meam petunt cotidianam, interrogasse, respondisse, dictasse sub grandium usque; meridie pransum illos ipsos versus quos vespere concepissim, ad verbum sine vlla hesitatione scribi iussisse. Qui hoc non mirabitur, fortasse ne illud quidem, decem & septem Aeschylis versus semel modo lectos summâ fide memoriter illico reddidisse. Habet que à Paschali humanostris rogatus, à me ipso coactus effudi; non quod digna putarem tanti viri lucubrationibus atque admiratione posteritatis, sed ne viderer barbaro fastidio tam luculentum officium contempssisse. Vale. Agenno. Prid. Non. Julij.

Tuus Scaliger alienâ manu. mē enīm
ægerimâ hoc tantūm subscrispi.

EPIST. XLVII. *Patauium.*

HIERONYMO MERCVRIALI.

*A d litteras quas à te vnas accepi, iamdiu Vir Cl^me respondi. Vtinam s^apiūs scriptoris hoc mutu^a iter teramus! quid mihi iucundius? Sed, vt ille ait, multæ inter nos terræ sunt, & multi montes: qui tamen separant me à te, nec separant, ad quem saepè transuolo cogitationum & desiderij leui alia. O Italia, quam vidi olim, non pernoui quando te regustabo? Ita me deus ainet, vt hoc auco. vero or vt frustra, cùm tempora video, & valetudinem quoque istam, quæ ambigua & infirma. Sed vt hoc non sit, fas mihi tamen vos interdum litterarum hac viâ adire & alloqui. quod facio nunc ex occasiuncula, quam mihi præbuit egregius & ingenuæ doctrinæ iuuenis Euerardus Pollio; cui apud te commendando hoc satis erit, quod vsus olim fit domo mē & mensa. Si te videt, ama iuuenem, & benigniore vultu excipe. necenim aliud pretium querit, aut certè non maius, peregrinationis suæ, quam eiusmodi viros & hæc lumina vidisse, ijsque innotuisse. Adolescens est * & ^{της πελλων}. Idem à te peto pro Henrico Wiltzio, si is quoque templum tuum adibit, ex-*

I. LIPS. Operum Tom. II.

cipias propitius & volens. Hypochondriorum meus mōrbus remisit, sic tamen vt intemperies & imbecillitas in hepate remaneat: cui vt possumus, non tam ^{* φαρμακοί*} mendica ^{mentaria} quād diætā medemur. Abiisse te honestis simâ vocatione Bononiam audimus. ni id esset, valde rogarem in Viri magni Vinc. Pinelli amicitiam me insinuares: quem ego iure æstimo inter Italorum primos. Vale, & feriò amantem tui ama. postrid. Kalend. Septembr. 80. I. xxxix.

EPIST. XLVIII. *Svvollam.*LAMBERTO CVLENIO IC^m.

S i vñquam, lubens litteras tuas & te in suis regustauit ex interuallo. Molestus mihi esse vereris? numquam potes caput tam amicum. atque hoc debeo Bronchorstio; qui vt beneficium à me impetraret, prior mihi obtulit litteras tuas: cui adfutatum me in omni re noli ambigere. Ipse id videbit, & scio scriber. Vtinam potius tibi in re simili gratificandi occasio esset! sed patria te & publicum munus tenent, & (vt verum factar) ita hoc rerum statu omnia h̄c & alibi ambigua, vt nesciam an amici sit alium temere commouere. Dissidij semina palam video. Deus ille faciat, vt opprimantur in herbâ. Animos magnos illa gens auxiliaris gerit, & nostris certum non cedere de prisca libertate. Vtrique tamen vt spero aliquid remittent, nec funem hunc contentionis trahent, quod non potest sine casu & pernicie alternâ. Nobis enim, quod Deus auerat, oppressis, quæ illis perennandi spes? Huic rei symbola aliquot conscripsi, quæ h̄c vides, in usum & gratiam præfecti vestri monetæ. Arcanum omnem sensum non explicui: nec opus, perit enim horum talium Venus, nisi aliquid sit, quod lector & inspector quærat, & inuento eo gaudeat. Comitem Dordraci fuisse, sed statim in Zelandiam rediisse, credo te scire. De summâ rerum, non aliud habeo quod nunciem. suspecta enim adhuc omnia, & mutuâ quadam diffidentiâ suspensa. O Belgica, hūc redacta es, vt timere eos ipsos debeas, quos euocasti ne timeres! Impeditor, ignosce. nam animus mihi certè diutiùs tecum fabulandi, quod aut coram aliquando fieri, aut per litteras ocio meliore. Vale Vir Clarissime, & prorsus mihi care. xi. Kalend. Sextil.

EPIST. XLIX. *Brielam.*

PETRO REGEMORTERO.

ERGONE meas nondum acceperisti? at dedi
illiipsi qui tuas adulit, atque adeò etiam
ad Baudium. Socordia hæc hominum, an
perfidia? Tamen amorem & curam tuam
amo, qui me alteris etiam compellas, & si-
gnificas quæ gratum mihi intelligere & sci-
re. Nam et si, mi Regemortore, reip. non
misceor (scis hac in parte decretum meum,
quod nulla res mutabit) tamen non ita ^{*ut} re-
tropo, aut ab communi hac vitâ abeo, vt
exuam solicitudinem omnem de patriâ &
affectione. Ego illi benè cupio, & ex animo
ijs oīnibus qui hanc procurant. Utinam
concordia illa inter nos, quæ esse debeat: &
quæ nisi breuî coit, perimus. Ego tecum
quoque sentio, legum ita habendam ratio-
ne in nobis, vt præualeat suprema illa lex,
Patriæ salus. cùm hæc periclitatur ob priua
aliqua scita siue leges, scio non solùm fle-
ctendas istas sed frangendas: & improbus,
quisquis aliter sentit. Sed tamen videndum,
nequid nimis tendatur: & ne acti conten-
tione rumpatur, quod dicitur, hic funis.
Vtrique cadimus, si id fiat. Principibus ho-
norem & dignitatem seruari, æquum & ve-
rum est: sed, per deum immortalem, ne ita
illa omnia ad exactam & summam ratio-
nem reuocemus, vt neglegamus salutem.
Tempestas & venti in hoc mari sunt. quis
ille nauta, qui vno cursu & certâ, vt sic di-
cam, lineâ peruehi conetur in portum?
Flextendum est, vela commutanda, ob-
uertenda: & curandum, vt tutò potius per-
ueniamus quò institimus, quæm vt citò.
Dies multa dabit quæ nunc ardua viden-
tur, & ille ^{*omnium} pater Tem-
pus. ^{magni-} ^{tempor} ^{maris} ^{χειρ}. Calore
quisquis vtitur apud frigidas has gentes, fal-
letur & labetur. Duci volunt, non trahi. Ille
noster ^{*μαγαλίτωρ}, utinam largiatur aliquid
istis cum vsurâ recipiendum, & submittat
se non nihil vt crescat! Liberè hæc ad te scri-
bo (sed solum) nec celo sententiam meam
in hoc dissilio non dissilio, quæ est, Indul-
gere. Si pertendimus: è leuiculis rebus ve-
niemus ad mage maiores rixas. Cum Or-
dinibus vt conueniatur, id est opidis, caput
rei est: de hominibus singulis, quales &
quanti illi sint, quis labore? Sequentur, aut
rueant. De collegæ mei negotio, rogari no-
lo. Non dicam fenestrâ, sed rimâ mihi aper-
tâ, omnia conabor ad perfringendam hanc

arcem: quamquam ille, quod scis, nescio
quâ causâ alienior à me in totâ hac causâ.
Sed nihilominus ^{*μελέος}. Tu vale. XII. Kal. ^{*cura erit.}
Octob.

EPIST. L. *Leodium.*
DOMINICO LAMPSONIO.

Hec tu, quid nuntij habes non inten-
to pestui solùm, sed infidi? Ille me in hor-
to subito opprimat, litteras tuas porrigit (il-
las quidē optatissimas) poscit illicò respon-
sum. Intra horulam, inquam, negat. Intra se-
mihorulam, negat. Quid ergo faciam? in-
quio. Mitte fodes, inquit, Hagam: totuī
diem ego cras illâc, & in tali domo. Ego, mi
Lampsoni, testor Genium amicitiae; misi:
sed litteræ ad me remissæ, cùm illè nūsqam
comparuisset. Hoc præfari volui, & silen-
tium excusare. nunc ad tuas. Vrges valdè vt
conciinem De institutione Iuuentutis. fiet:
sed non antè potest, quæm hoc pertexuero
in Politicis, quod sum exorsus. Valdè id
opus me tenet: magis quæm vñlum meum,
etsi nec meum. Colligo enim & consarcino
ex scriptis alienis. Quid faciam? vereor vt
error iudicij mei fuerit in ordiendo: nunc
constantiae laus est in absoluendo. Quæ-
dam etiam interueniunt, de temperie in Re-
ligionis rebus, & talia, quæ hoc ^{τεῦ} cum
omnium gratiâ aut veniâ non dicas. Ta-
men faciam, & breuî vt spero habebis. Nūc
istud breue adtextum siue ^{συστήμα} habē ad
Cornelium: non gustandum, nisi illo lector.
Opus ^{τό} edito fuit, quia iterum Commen-
tarij nostri eduntur cum hoc augmento:
quos qui non habebunt, contenti sint illo.
Status publicus apud nos valdè ^{*κυανίζει}. de ^{*βαθυτάτη}
Pace multus sermo & multa spes fuit: nunc
iterum languescit. Petrum. Oratum quòd
amicum mihi conciliasti (tuum hoc esse
scio) gadeo. Virum magnum, & quod ca-
put ^{εἴστι}, bonum esse, quidni credam, qui tibi
sic placeat? Itaque responde illi audacter de
mutuo meo animo: quem factis verbisque
ostendam, vbi res ^{εἰναι} feret. Sed nō
ego Oratum noui aliquem Coloniae olim
opinor, & qui erat ex Leodiensiun gentē
apud Patres illos meos, quos nōstī. Nec ta-
men opinor hunc esse. Tu quæ promittis;
ayt vt verius dicam, offers de Institutione
à Ximenio scriptâ, si me amas, fac vi-
deam. Valdè me ijs aut adiutum iri scio,
aut firmatum. Lugd: Batavor: xv. Kalendi
Iul: ss. Io: lxxxiiii.

EPIST.

• EPIST. LI. *Dantifsum.*

IANO GRUTERO.

BREVES & tristes tuas nuper accepi, de parentis optimis fato: & nunc vberiores paullò, non lætiores. Nimis, mi Grutere, jaces. Quid te moneam? scio te hanc in rem omnia quæ me scire: hoc deest, quod non usurpas. Re media habes, sed recondita velut in thecâ tuę mentis. non expromis. At nunc est ysus eorum, aut numquam erit. Vidés publicè, vides priuatim omnia aduersa, tristia nec spem cuiquam nisi in se, id est, labore & contemptu quodam omniū rerum. Quid alios, quid me censes? agere scilicet dies festos, in morbo iam biennium non cubo, sed, quod deterius ego censeo, ambulo. Ager etim omnia munia fungi cogor sanorum. Alius me scribere, legere vult, aliis conuiuari, hilarescere, & omnia agere ut solebam. Et tamen, mi Grutere, apto me huic scenæ, & hilari vultu personam sustineo, quam imposuit magnus ille Aedilis. tu idem fac. Non es qui ille, & ille at multi etiā infra te sunt, & qui in cælo sibi videantur, si tuo loco. Alia solatia omitto: hoc quod sapere & scire supra vulgum aliquid tibi datum est, quanti æstimas? Si vero pretio, supra omnes debes humanas opes. Descende in te, subtrahē ab circumfusis & extensis, & oblectare cum interno illo deo qui in te viuit. Ille, ille melior ignis, nisi opprimis, extinguere vñā flammulā potest humida hæc omnia & letacurarum. Huic rei en nouum subsidium, libros. Misimus enim quos petisti. At tu Pericula tua cur nobis inuides? irascor. Ego me velut Familiarem aliquem Larem vel primum placandum censem hisce libarentis. Culpan vides, tu emenda. In Plautū iam nuper accepi, & sanè placuerunt. Non scripsi: quia tunç nullus videram, & hæseruant ex Notæ apud Aemilium nostrum Rosen-dalium, me non inuito. Amo enim & illum adolescentem, ingenij planè boni & recti, id est cui. De Constantiā nostrâ quod etiam nunc quidam carpuunt: securus esto, mi Grutere. Morbus hic quidam animi est, & nocere magis volunt, quæm nocebunt.

Illi ager penitentia solui

Fama superstes.

* Ad omnes inquam, estis noui doctores. hoc scriptum. Semel hoc dicendum fuit, ob Lentulos istos, quorum abundans ea ora. At tu vale. Lugd. Bat. Prid. Kalend. Septemb.

^{*} Exors
moris
^{*} Extors
inuidia

EPISTOLA LI.

FRANCISCO RAPHELENGIO Filio.

PRAEFATIONEM tuam duplēcē vidi, mi Raphelengi, titulo ipso alteram mihi gratam. Ad me enim est: in quo non tam memoria mei delectat, quæm gratitudo, quâ merito declaras in eum, qui voluit tibi semper, vult, & volet. Vtraque proba satis: vellem paullò longior. Nam etsi breuitas mihi amica, in quo haud infeliciter me sequeris: tamen in adolescentiæ isto æuo maior quædam vbertas mihi haud displiceat. quæ ipsa etiam esse potest, sine fraude vllā breuitatis. Plura cur non scribis, etiamsi non pluribus? id est, cur non extendis siue Epistolæ siue Præfationes tuas, & materiae plusculum addis? Nam verba non desidero: & in eo mihi places. Vide ne rem tibi dicā: nec tu iudicio istud facias, sed fugā quadam laboris aut intentionis ingenium tuum, mi adolescentis, in omnia validum. vtinam tu exerceas, & solum illud fertile magis affiduo, & sic dicam, vomere inuertas! Diligentiam à te volo, diligentiam: nec eam cum impetu, sed stabili quodam animi tenore. Quid? influere eruditonem aut virtutem ipsam censes, famam aut opes affluere, sine contentione & labore? erras. * Στοιχαίρε πό-
νοις παλαιών, vetus & vera gnoime est: quam, si quid me aut te amas, ama. Manutium & Stephanum quoties tibi ingessi? tu supra eos esse potes (verè tibi vaticinor) magnâ conciliatrice Aui tui famâ: quam illi non habuerunt. At tu hæc contemnis. vtinam omnia externa! sed contemnas tamen cum modo, qui nisi adest, insipiens omnis Sapientia euadit. Homini ego nihil humanarum rerum magnum esse fateor, si animum & cælestem illam particulam spectes: si corpus, & si vitam cur prosum neglegas ea, quæ ad opes faciat aut honores? Abiecte sapit, quisquis ea sic abiicit. Erige igitur te, & aptum præbe ijs ad quæ Auus, Pater, Ego, te destinamus: adiuturi omnes in hoc honesto cursu, non clamore solùm & fauore, sed & rebus. Ego quidem non opem solùm meam, sed & opes ad hanc rem polliceor: vt te præbeas dignum ijs qui genuerunt, ijs qui docuerunt. Omnino autem (hæc summa admonitionis meæ est) magis assiduum & crebrum te velim in scribendo, in legendo: magis etiam tui amanuem, & æstimantem, non quò ad superbiam te vocem (absit, absit)

^{*} Dij bona
laboribus
vendunt.

H 4 illa

illa p̄stis) sed ut ad tui pretium: id est, ne dona quæ magnus ille Deus in te contulit, vt aquam immotam, fordescere patiatis & obfolere. Senecam tuum exspecto cum ijs ipfis Præfationibus, in quibus nihil muto. nec in meis quidem laudibus: quas decorè tu mihi das, et si numquam recepturo. Ad te redeunt. Mitte quamprimum exemplar. In Thebaide versum repperi (nescio an ita in alijs libris) *Meosque manes manibus infestis petit Fædatque vulnus. ineptè. cùm legendum sit, Meosque inanes.* De Senecâ Ortelij nostri gratiam illi habeo, & tibi tamen facio gratiam conferendi. Nimis nouitium exemplar est, vt video ex ijs quæ adnotasti de æuo. Nos in Tacitum damus CURAS SECUNDAS: in Politicis paullum resistentes, in temporum hoc flexu. Vale. Lugd. Bat. vi. Kal. Maias. &c. I. lxxxix.

E P I S T O L A L I I L I A N O L E R N V T I O.

corpus ca-
lum AVDES, non dicam scribere, sed cogitare, quæ scribis? Egò tui obliuiscar? ego te deseram in hoc casu? Ah, mihi Lernuti, pectus mihi scindunt hæc tua verba. Sol citius suum cursum, quæ ego relinquam tam diu sancte habitum amorem. Negas scripsisse me. qui potes? Ternas dedisse me scio, vnas famulo tuo ipsi in manus: binas misisse ad vxorem. Quid possum, si eæ perierunt? Iam in retuâ, & ad leuandum miserum hunc casum, quid omisi? Scripsi ad , scribi iussi ad : nec ut pro amico, sed ut pro me ipso. Nihil factum, inquies. Doleo. nec nimis miror, qui scio (vt nunc se verterunt vices) gratiâ meam leuem esse apud hos è stirpe Bruti. Utinam qui hîc potiuntur rerum, ius habeant in eo loco! Lipsius non essem, aut tu non illîc. Tamen scripsi in Britanniam ipsam: & in primis ad Thomam Henneagum, virum illustrem & mihi amicum. Daniel etiam Rogersius redux è legatione Danicâ hîc fuit. serio cum eo egi, nec solùm ut ipse admiteretur; sed ut apud quos ipse aliquid posset. quid tamen dicam? quod res est: rem volunt isti. Castorum fabulam legisti? cùm omnia fecerimus, usurpanda erit, & non eripies te nisi abiecta tui parte. Mihi si valetudo paullum modò firmior (caput hoc iuro) iam in Britannis essem, aut in tuis vinclis. Sed quæ vacilem, & quæ aegrè * ὥντας hoc sustineam, credo te audisse. Ceterum spero aliquid à

promissis Rogersij, quem ipsum audio futurum inter Legatos. Tu int̄ceā, mi amice, esto quem esse te expedit; id est, vir, & fortis. En palæstra & arena, in quâ Deus spectandum te præbuit: exere insitum dñi robur. Clama in Fortunam, Nihil agi non si libertatem mihi eripias, sed si ipsam vitam. Ignavi animi ad prius iactum concidunt: tu ostende aliquid in te esse auctioris auræ. Ego, imò nos omnes quoiquot hîc, planè tui sumus. si quid possumus, viam præsigna: inibimus, pñne dixerim, vel illam quæ fert ad Orcum. Tu int̄ceā vale, & *Ἄγαρε τοι, βα τίς ονκὴ ὁ φίσαν πέντε. vi. Idus Martij. &c. I. lxxxix.

* Etym.
nus eti-
us po-
mate quo-
quo secula
laudens.

E P I S T . L I V . Romam.

HENRICO WILTZIO S.D.

GRANDIVSCVLVM interuallum fuit à te litterarum, mi Wiltzi. Accepit nunc deum, quæ te Neapoli fuisse nunciarent. Gaudeo, & gratulor vniuersam hanc peregrinationem adhuc cessisse ex voto. Deus reliqua sic secundet. quamquam quid reliqua? Deus te ad nos reducat, quod & suadeo & opto. Satis vñsi datum, satis etiam voluptati: longior emansio discrimen fortasse habeat, non fructum. Si patriâ decretum carere vobis, donec omnia hîc tranquilla: quando fiet? In omni Europâ turbas subseri vides turbis. Tu nobis te redde, & componere ad hoc æuum: in quo ipso minùs recto, viuere semper tibi sit recte. Externa ista vis si nos cogat, malè agatur cum diuinissimâ illâ parte. At hæc talia coram. Nam ego non consilio, non auxilio vñquam deero: & amo vos qui apud me olim, ut si ex me essetis. Meus Pollio, ubi est? audio cogitare Viennam & illum tractū. Nolim. & si propior sim, (quoniam verba nostra neglegit) manum iniiciam h̄tic erroni. Redite. in patriâ, apud parentes viuite, atque ita mihi valete. Ad Franc. Bencium scripsi ante menses pauculos. O virum, quem ego olim & nunc amo! Frater mihi fuit, nec solui vñquam possit artus ille amor. Iam dotes in eo sunt, dignissime vel admiratione vel amore: quas tu coram vides & gustus. Da te viro. paucos meliores aut maiores dabit tibi ille tractus. Vale. Lugd. nostræ, III. Kalend. Maias. &c. I. lxxxix.

E P I S T .

EPIST. LV. *Burdigalam.*

MICH. MONTANO.

I AM semel ad te scripsi, Vir Nobilissime: nce satis certum habeo, an litteræ ad te perlatæ. Interuallum locorum grande est: & addo, quod nihil hodie tam receptum, quam fallere fidei. Iteraui igitur. & scire te hoc volui, cum gaudio me litteras tuas accepisse, & legisse cum voluptate. Diu est cum te noui, nec noui: à mente & scriptis, non à corpore. & admiratus sum (nihil hinc vanum) rectitudinem iudicij-tui, eò magis fortasse quod in plerisque simillimum id meo. Nam fateor: in Europâ non inueni, qui in his talibus sensu mecum magis consentiret. Vtinam plura tibi scribere mens, aut otium! quamquam istud fortasse, non illa: quia auersum te ab omni gloriâ video, etiam verâ. Non debebas. & habere in oculis si non æternitatem temporum, at misericordiam hominum: qui talibus monitorum auxilijs omnino ducendi, fulciendi. Me valetudo prohibet ab ijs, quæ vellem. tamen, negligendi, conor & serpo: & nescio quid in Politicis brevi dabo, meo textu, non tamen filo. Videbis inter primos: vtinam & probes! De Galliâ tuâ & te videndo, quod inuitas & offers: gratu est sed quâ possum: valetudo me ligat: & si non illa, etiam turbæ quas non effugiam, vt video, nisi in plenâ libertate. Salue, vir nobilissime, ab eo, cui tu semper carus & magnus. Lugduni Batauorum, III. Kalend. Septemb.

EPISTOLA LVI.

MARIAE GORNACENSI, *Virgini nobili.*

VAE tu es, quæ sic ad me scribis? Virgo? vix facis fidem. Hæcne, non dicam lectio & ingenium, sed prudentia & iudicium cadant in illum sexum, in istud æuum? Commouisti me virgo: & nescio an gauisus sim saeculi, an doluerim sexus nostri causâ. Accedere tu ad nos vis? imo supra nos ascendere. atque ita facito, deo hominibusque fauentibus: certe me. qui te ignorant amo; & quem affectum paucis præbeo, miror. Q mihi lucem, quâ te propius nôrim! non enim dicam probius. adeò satis te nosse videor è pauculis scriptis, atq; adeò vel sine scriptis. Ex uno iudicio tuo, quod de viro illo magno fecisti, non ego de te iudicem? Non cadit hoc nisi in illum, illamve

(tu ad cautionem hanc nos ducis) qui ipse valde magnus. Ut animam nisi anima non capit: sic sapientem nisi sapiens. Maesta tu, & persta in hoc ad Virtutem & Sapientiam gradu; tuum etiam in illo iudicio, quod frustrâ vereris ut mutem. Darem, nisi dedissem. & vellem uberiori: imo non vellem, adeò tu benignè id explicas & peritè. Intelligi sàpè mihi detur à tali mente, loqui per talem linguam. Itaque ne me roga quid hinc castigem: hoc unum, quod rogas. siue etiam hoc alterum, quod à me illustrari censes Græcas litteras Latinasque. Cetera in parte amplector: hoc de Græcis, omitte. Candidè ego apud te candidam. videamus aliquid in Græcis, sed haud multum supra vulgum: & satis mihi; si haurio ex eâ lingua quæ ad animi aut scriptionis meæ vsu. At tu iam corrigenda serio, audi. Peccasti: quid ita non plura ad me libri tui misisti? Si pigi, cur non argumentum & materiem saltem perscripsisti? Curiosus enim sum, vt sciam (nouum•monstrum) quid paritura sit virgo. Ad nostrum illum amicum & tuum, vt appellas, patrem Mich. Montanum, scripsi ante mensem, misi Antuerpiensi viâ: spero accepisse. Tu virginam istas, & in ijs spirantem nostrum affectum! Vale, vale, æui nostri (viue tantum) vera Theano. Lugd. Batauorum.

EPISTOLA LVII.

IANO DOVSÆ.

VID in Bembi historiâ reprehendam, singillatim & distinctè vis tibi scribam. Estne, mi Dousa, tanti? aut an ego naturâ * φλογίσθη? neutrum: sed tamen quia valde vis, age,

* Τοὶ μὲν ἐγώ τοι ταῦτα μάλ' ἀστείως ἀγοράω. * carpēndū
Stilus est quem reprehendo, supinus, languidus, & affectatâ imitatiunculâ fractus. * Hac tibi
Ut pueri pedes per delicias male ponunt, & ego, tibi ego
imitari vatias discunt: sic iste, cum recte
scribere posset, maluit prauo elegantiæ stu- hac valde
dio flectere orationem & eneruare. Magnos
vitios ea ætas sub magnanimo Leonè tulit:
sed quosdam qui in puerili illâ hæresi, vt
religio ijs esset scribere aut dicere aliud,
quam à Cicerone scriptum aut dictum. In- veraciter
ter eos Bembus. Itaque vniuersa scriptio, edam.
composita & formata ad æuum priscum:
& omnia sic de re Venetâ, quasi de potenti
illâ re Romanâ. Hoc fero. etiamne verba
omnia ex illorum moribus tracta ad hos
nostros? & ubi ea non sunt, nescio quid
plu-

plurium ambitu dictum, quod assequi debamus diuinando? Hoc, ut mea quidein mens est, damno: & fallor, aut tu & viri omnes mecum. Ecce. Patres conscripti semper, Venetorum Senatus: ipsæ Venetiæ ~~xer~~ ἔχονται, Vrbs anni numerati: non à Christonato, sed ab urbe conditâ. qui militiæ eorum Praefectus, ~~αρχως~~ vbiue Imperator: etiam tunc cùm alienis auspicijs ductuque militat, vt in bello Neapolitano Contarenus. Atque hæc inter minores noxias. Illa iam ~~γενασα~~ ^{* ηγενητα}: Rex Vrbini, Rex Mantua, Rex Poloniae, Rex Camertium. Quid censes eum dicere? Duces. Atque item Ducatus ipsos, Regna. Quin disertè etiam scribit, Gallorum regem ab Imp. Maximiliano impetrasse, ~~vti~~ se Regem Mediolani diceret. Heu vanitas! quiáne Cicero nouitium hunc titulum non nout, confundendi minutis isti dynastæ fuerunt cum vero aliquo magnoque rege? Saltem Regulos dixisset, & ferreim. Ab eadém mente & caussâ sunt hæc: Sophi Rex Armeniae, qui nobis Persarū: Rex Thracum, qui nobis Turcarum. Tuam fidem, siue frontem potius, Bembe. ille tibi Thracum modò rex, cui bina Imperia subiacent, & triginta amplius regna? Nec in titulis solùm isti lusus, sed in nominib⁹ ipsis. Quale illud de Ludouico Romane Gallorū rege, quem Aloysium (magis ~~πωμαῖς~~) scilicet) vbiue appellat: & alibi cum facetâ additiunculâ, quem isti (qui isti? barbari nos & inepti) Ludouicum appellant. Quid, quòd etiam in diuinis rebus hæc sibi permittit? & Fides nostra non nisi Persuasio illi est? Excommunicatio, Aquā ~~α&~~ igni interdictio: Peccata morituro remittere, Deos superos manesque illi placare. Ipse Deus raro in stilo aut animo: sed prisco ritu, Di immortales; idque in serijs maximè sententijs aut rebus. Atque adeò, quod omnem stultitiam superet, prudens ille Senatus Venetus ad Iulium Pontificem publicè scribit, ~~vti~~ fidat diis immortalibus, quorum vicem gerit in terris. Felicem te gentis & patriæ, Bembe! quia si nostrum aliquis trans Alpes sic scripsisset, profecto non tulisset impunè. Iam quæ periphrases in eo & circuitus verborum? Senatus Venetus dono misit Aloysio regi Gallorum Aquilas sexaginta, ex carum genere quibus in aucupio ~~vti~~ reges consueuerunt. Quid Aquilas? Ita Falcons tibi dicere religio est? quâ

* Imò & tamen voce * Iulius Firmicus vñus. Accipi inter cognomina tres igitur dixisses, vero magis etiā minus præsa Ro- augusto verbo. Sed addis etiā Reges vti con- manor. Falcones. suesse. Reges tantum vñus rideo, & pergo. Scri-

bis ibidem, donatas regi pelles pretiosiores, canis ab summo inter nigrum colorem conspersas, ducentas. Quæ istæ sunt? Genetas dicis, an potius Zebellinas? Quin, malūm, exprimis: & res nouas nouo aliquo nomine dicis? Si puritati sermonis tui metuis. adde, ~~vt vul-~~ gò dicimus: nihil infuscas. At illud ambiguum etiam nunc me habet, quòd Iulius Pontifex Contareno, cùm classem Hostiam adduxisset, vni Corsi carros sexdecim, boues sexdecim, hircas genitalibus defectis bis totidem dono misit. Qui enim isti Hirci? maritine capraram per delicias in Italâ exsecantur? an vis dicere Verueces? Quòd si ad Verba & Phrases etiam venio: benigna hercules materia cauillorum. Ecce scribit, Velle se bovinem suum Byzantium mittere. Iterum: Reip. hominem ad se missum. quod nos dicemus, Actorem aut Legatum.

Turrim terream appellat, Propugnaculum siue aggerem è terrâ. quo exemplo? Sumpti, Tumulti, Senati, inflectit ad Plautinū æuuim, cùm reliqua omnia minimè antiquarij sermonis. Neminem vnam partem muniunt. pro, Nullam: quia Ciceroni alibi Nemo defaminâ dictum. Proopidum sæpè, quod nos Suburbium, Prodromus, qui Vicedominus Venetis: itemque, Proimperator, & Proordines: putidè vt sentio, aut nouè. Rebus suis veritus, crebrò & ad nauseam, pro Timens aut Diffidens: quia idem ille Cicero se in fortasse, Vereor mihi. Senatus decreuit, vt eorum qui fortiter atque amanter ad flumen Taurum contra Gallos remp. gesserant, ratio habetur. Iterum: Praefectos, qui se omnes nec strenuè nec amanter eo bello gisserant, missos fecit. Sæpiusque. & illud Amanter inuitâ sanè Venere amat. Lauredanus naues onerarias quatuor secum afferens. Hern! pro monstro est. Attulit: imò adduxit. Tamen iterat alibi: Legatus Baiazetis equum Patribus attulit. γενοις & ineptis, siue mariis venerit, siue terrâ. Pensionem annuam, quam posteri eius sequerentur, Senatus instituit. Imò, quæ posteros eius sequeretur. Petunt, vt quo celerius fieri potest, via se dent. Solœcum est, nec à Latio, sed ab Idiotismo Italorum. Plura sunt. cur ea colligam? ipse vide. & fateberis pleraque talia affectatè atque improbè scribi; certè indecorè. In pueris ista vix ferimus: te virū, & in tam serio scripto, Bembe, deceant?

* οὐδὲ τέ σε χρή
Νημάτας διχέσθη ἐφεὶς ἐν τηλίκῳ Ιασί.
At tu Doufa vale, & si quid temerè culpaui,
mone. In Musæo meo. H. III.

EPISTOLA LVIII.

HENRICO BORBONIO, PRINCIPI
DOMBARVM,

ILLVSTRISIME Princeps, noua & prædicanda hac humanitas, quâ vlerò ad me scribis. Quis ego sum? unus aliquis è vulgo litteratorum. Tu quis es? Inter Galliae primos, regiâ stirpe, & quod magis est, iadole ac virtute. Atqui etiam amas me, & amicitiam meam (ita scribis) poscis. Illust^{me} iuue his, commutas nomina terum. officium & cultum nostibi debemus: amicitia est inter pares. Tamen & hanc, aut certe amorem, tibi spondeo: qui ita me cepisti, vt nihil magis in votis sit, quam patrem ostendere hunc in te affectum. Natales tu ad magna revocant, ingenium ad summa: ecce mè non solùm approbatorem fautoremque tuat laudis, sed voce & stilo præconem. Dein ego quæso, utrū mentem hanc tibi, quâ ad optimam optimosque accessus raperis, serueris & te afflicto regno. quod nisi per ciusmodi columnas stat, ruit: Illustissime Princeps vale. Kal. Augustis.

EPISTOLA LIX.

ABRAH. ORTELIO.

COGNATVM tuum, mi Orteli, modestis simæ frontis & animi iuuéni eò libentiis vidi, quia litteras à te attulit: neceas tantum, sed & munus. Adiunxit enim Tabulam Hispaniæ veteris, iucundam mihi & valde opportunam hoc tempore, quo Liuium & bella Punica auditoribus meis publicè explano. Scis tu, quām multa illuc mentio passim & bellorum in Hispaniâ & locorum. Itaque & gratias tibi habeo, & te planè hortor ut eandem operam in Galliâ etiam nobis præstes. nam de Germaniâ, iam effecisti. Tum si Illyricum voles, aut Græciam, aut Africam, iudicij tui esto. Cessaturum enim te non esse, omnino mihi persuasi, præsertim cùm & grati labores tui sint, & otio (rebus illuc tam quietis) iam abundes. Monauis amore in me pridem noui, & nunc ex litteris eius recognoui. Oro, saluta amanter à me virum probum, doctum, & gratum mihi inter paucos. De Thraseâ meo, tu & ipse vrgetis. quid pollicear? aliud mihi nunc sub manu: & eo absoluto, videbo quò me impetus, aut potius iudiciorum hæc aura feret. Nam, quidquid ego constans, tamen

: mi: Orteli ægrè obduramus contra minutos istos & cotidianos morsus: præsertim ubi aliquid, quod rāgere finis Pietatis videatur. Doctus scio, quid sit irritare hos Canthares: qui omnia peruvant, & olim etiam ad cælum. Nostri apologū. Nos h̄ic in otio, an in longum? nam minas iterum audimus & apparatus. Deo rem cōmitto, qui publica ista ex sui numinis & nominis gloriâ dirigat, & te mi: Orteli seruet. Lugduni Batauorum, xvi. Idib. Decembris, 10. lxxxix.

E P I S T . L X . *Amsterdamum.*

PETRO PAWIO.

Q VID QVID damnaturi me Stoici nostri sunt, miseratus sum & dolui duplēcēm tuum casum. Illum de amissio parente: hunc noctum, de libris & scriptis. Ego scio quantum vtrumque vulnus sit, vtrumque expertus: & hoc postremum in nostro animo valet, quod in multorum omnes Fortunæ. Nonne hæ diuitiæ nostræ sunt? suavia inellifacia, è tot scriptorum flosculis confecta. Et multa, vt breuitas huius qui est, haud facile refinguntur. Addo, quod nescio quomodo delectant nos iuueniles illi & primi nostri labores, quos velut primitias libauimus & intulimus in aram hanc Musarum. Me undecimum iam annum catente patrâ vides, itemque agris & opibus, quas mihi Deus modicas, sed ad meum usum uberes dederat: tamen mihi crede, nulla iactura proprius mihi cor tetigit illâ libroru, quam feci in Louaniensi vrbe. Subito enim abeendum fuit, & nisi sic abiisse, numquā abiisse. Tuas miseras narras, inquis: sic me solaris? Ego verò, mi Pawi, vel sic. Parentem alterum amisisti: ego vtrumque libros naufragio: ego, quod magis mordeat, furto. Quid tibi igitur eximium euenit, quod eximiē doleas? Fero meum casum, quem non muto: tu quoq; fac, hoc exemplo. Vis communia illa me dicere? Hominem te esse: Euenire hæc in vitâ: Deum voluisse: Doloendo nihil te profecturum? Hæc omnia verisimè possem: sed subijci ea tibi à te scio, aut certè ab ijs qui apud te. Ego simpliciter & pro amico ago, & hortor te ad incommoda pari mecum mente ferenda. De munere tuo apud nos moneri nolo semel dicā, quid quid mearum virium erit, faciam: et si nihil, in re quæ alieni arbitrij est, polliceri possum de effectu. Iudicium meum & commendationem largiter habebis. Vtrumque auun-

auunculum tuum amicè à me saluta : & Henrico hoc amplius nunciā , benè redditos mihi nummos , quos Hamburgo accepereat: et si puto eum id scire. Vale. Postrid. Idus Nouemb.

E P I S T . L X I . *Lutetiam.*
IACOBO AVGVSTO THVANO.

DIV, mi Thuane, siluisti; nec eò minus tam
en, vt spero, amasti. Spero: nò video,
cùm ex epistolâ tuâ amicissimè scriptâ, tum
ex munere quod beniuole adiungis. Año
illam, & hoc laudo: argumento eximium,
tractatu arduum, & in quo verè alti atque
acris ingenij tui signū. Perplexa illa & bre-
via, tam aliena non solum à sermonibus no-
stris, sed à moribus, vertere magna laus sit:
quid carmine & versu illigare? & id dilucide
atque elegáter? Non blandiar. sed, mihi cre-
de, rem magnam confecisti, inuidendam
celerius quàm imitandam. Nobis humilior
per hos dies labor, in addiunculis adCom-
mentarium Cornelianū. *Curas Secundas* ap-
pellaui, ab ipsâ re. Velim non videoas solum,
sed censeas: quoniam illud cuiusvis est, hoc
verè amici. Cuiacius ille magnus éstne apud
vos? ego ita accepi. Si est, eius cauſâ nihil
doleo: sed perij illa, cui ipse anima, Schola
Bituricensis. O virum, quem miror, quem
amo, quem vtinam complecti mihi fas an-
te excessum! Scaliger quid? valere intelligo,
sed cessare. Non sic oportuit ingenium na-
tum ad tam magna. Si piget huius sæculi
(nec immerito) at cogitet natorū natos. Res
apud vos, vt audio, mirificè calent. Si vera
adferuntur, nihil inuidemus vestræ quieti.
Nos Velleum, Florum, Liuum ordine
cogitamus: deus mihi vires, & ô vtinam co-
piam iudiciorum vestrorum! Nam híc ego
in solitudine: vna vrbs vestra abundat supra
reliquam Europam. Librum tuum, quod
volueras, misi ad I. Drusium. responsum
ecce habes. Ecquid tu, ecquid alij vestri pa-
rent, velim scire: si quid tamen per has tur-
bas. Vale. Lugd. Bat. III. Non. Jun.

E P I S T O L A L X I I .
THEODORO CANTERO.

QUOd silentium excuses apud me, mi
Cantere, nihil est. Siluerunt tuæ litteræ?
at non amor: quem viuere in te scio & spi-
rare. Quòd tamen occupationibus meis id
adscribis: nolo. Cautero inco non ego sem-

per vaco? verè dicam. tua probitas & mode-
stia, in litteris studium, in litteratos amor,
admissionem tibi tuo iure apud me dede-
runt inter primos amicos. eaque vtere. num-
quam non Lipsius tibi pater, leuato, vt sic
dicam, velo. Iuuenalem quòd doceri totū à
me velles, & probas quæ in eo lègi, gaudeo:
sed vereor vt id ex omnium gustu sit, qui
volunt Historias & alia (vt censem) magis
ardua, à me legi. Ego tamen scriptorem eum
inter apprimè vtiles numero, & dignum fe-
rio interprete & accurato. Itaque occasione
captâ Satyram vnam publicè prælègi, sed
extra ordinem * & aīs dīs ēmūēs. Siquid vtrà
tentabo, vtar libro quem mihi offers: et si
ipse bina exemplaria habeam satis proba:
Sed tu quid agis? nouum aliquid cogitas?
an Arnobium refingis? Colligo enim ex epi-
stolâ tuâ: nec hanc quidem curam te po-
suisse. Cupis vt ad Cuiacium scribam pro
Excerptis exemplaris Regij: quod facturum
me pollicor priuâ occasione. Ceterum in
republicâ an apud vos quies? ita videtur.
Vtinam & concordia cum finitimi pro-
vincijs, sine quibus firmum nihile esse vobis
potest contra hostem. Benè, quòd ille alibi
distringitur, eoqué simultates exercere va-
cuū nobis fuit. Classis illa magna ab Occi-
dente, nunc apud Orcadas stare dicitur, ex-
spectare ventum quò redeat ad incœpta.
Videbiimus quò recident magni isti & pla-
nè regij conatus. Latrocinia adhuc fuerunt,
nunc bella. Heus tu, audistin' captiuū Hagæ
Hispanum Doctorem Medicū esse, virum
litteratum (mirare in Hispano) Latinè di-
sertum, carminis etiam pangendi non
ignarum? Is ad nos scripsit, & subleuari mi-
seriam suam cupijt, vt consecranei eorum
studiorum. Fecimus in parte. Vale mi
Cantere. Lugduni Batauoruī. Postrid.
Kal. Septemb. 88. Iō. LXXXIX.

E P I S T O L A L X I I I .
IOSEPHO CONSALVES Doct. Medico.

A LTERA scriptione me occupas, priu-
quam priori responderim. Et cur silui?
non tui contemptu, aut negligentiâ: absit.
sed quia ipse venire Hagam parabam, & in
sermone vberius liberiusque tecum agere,
quàm litteris possem. Id consilium meum
euectio vestra subita impedit: & prius au-
diui Medemblickæ vos esse, quàm ituros
coghouisse. Excusa ergo silentium à cauſ-
sâ iustâ. At nunc scribo, & te, mi Iosephe,
per

per deum & per salutem tuam rogo, ut
animum attollas contra Fortunę vehemen-
tem hunc iustum. In carcere es, à tuis &
à patriā remotus: quæ grauia esse fateor
his, qui parūm exploratos habent casus &
res humanas. Te quid hīc fugiat? si v̄su
non didicisti, quām fluxa & caduca hæc
omnia nostra, imò & nos simus: hausisti
certè è litteris, & illæ tibi millena exempla
suppeditarunt casuum similium aut gra-
uiorum. Tricæ & spinæ, hæc omnis vita:
& falleris, si quæreris in eâ gaudiorum flores.
Nosipſi, quid?

Vt herba solstitialis, paullisper sumus.

Abeunt hæc vana, & nos abimus: nec quid-
quam firmi, nisi in firmo illo loco. A Plato-
ne tuo didicisti, *παρεδημάς των ἐρίτων. Hæc
cogita, & propriè ad tuum casum, assiduum
& pænè sollennem hunc esse fortunæ ludū.
Quid crebrius in omni memoriā quām
carcer? quæ conditio aut ordo ab eo liber?
Nobiles, ignobiles, seruos & reges accepit,
& capiet. Perseus ille Macedoniæ rex, sce-
ptro simul & libertate spoliatus, spiritum
nō traxit solum in carcere, sed effudit. Idem
Gentio, Iugurthæ, Ptolomæis aliquot eu-
enit, & ne ad vetera te mittam, tua gens, illi-
ipſi Hispani, regem Galliæ Franciscum in
custodiā habuisti; & reges Mexicanum &
Peruanum etiam in vinclis. Heu sortem hu-
manam! nasci, dolere, mori. Et tamen feli-
ces inter omnes miserias, hoc vno Christia-
ni: quod via nobis per hæc ad aliam vitam,
in quā gaudiorum nec modum ullum esse
scimus, nec finem. Huc adspiremus, hæc
spernamus: & vocem illam ex pectore effe-
ramus, *Dissolvi velle, & esse cum Christo.* Mit-
to ad te libellos nostros de Constantiā, quos
petiisti: magis tamen ad Sacros libros te
horter, è quibus vera solatia petas omnium
malorum. Mittam ad te Biblia minuscula,
vti cupis, quimprimūm nancisci potero.
Nam Antuerpiā petenda sunt: quoniam
hīc inopia eiusmodi exemplarium. Vale
Clarissime doct̄or, & confide. Viuit Deus.
Lugduni Batauorum IV. Eid. Nouemb.
• IO. LXXXIX.

EPIST. LXIV. *Hagam.*

MICH. HVRALTO HOSPITALI.

TUNE ad me ultrò non scribis tantum,
sed & venis? tu ille maximi viri magnus
nepos? O mihi iucundum lectu Hospitalis
nomen, quod nisi iure quodam sanguinis
LIPSI Operum Tom. II.

ferres, posses similitudinis & exempli. Scri-
pta illius per te edita, dudum vidi; & habeo
(certum me scito dicere) vt Homeri libros
rex ille Magnus. Litteratus aliquid edi for-
tasse potuit, & poterit, nego quidquam lit-
teratus & prudentius simul. Pulchra hæc
coniunctio; & quæ nisi sit, abite qui in stu-
dijs quæritis solidam & veram laudem: me
iudice non feretis. Quod amanter Hagā vo-
cas, imò lictoribus missis pænè ducis: igno-
sce si non pareo. parebo. Nam dies Mer-
curij, qui feriatus nobis est, nisi quid interue-
nit, tibi me sistet. Ita dico, non ut occupatio-
nes excipiam aut talia impedimenta: sed ut
vnicum morbum. qui etiam à vadimonio,
ut scis, excusat. Ego autē iam annos aliquot
nescio quomodo non tenui solum, sed in-
certā valetudine: nec quidquam promittere
de me non dicā in diem possum, sed in ho-
ram. Tamen fauebit & faciet Genius meus,
spero: eò magis, quod non ad seria vocor
(cum Teritate quid mihi?) sed ad risus &
Plauti mei sales. O te vitum argutū! qui vi-
disti, quo uno possum capi. Veniam, veniam,
& hic mecum. Vale, III. Non. Septemb.

EPISTOLA LXV.

FR. RAPHELENGIO Filio S. D.

CARMINA tua de me legi: proba & ar-
guta. & in quibus hoc vnum moneo, ut
videas sic me deinceps laudes, nequid of-
fendas eos apud quos viuis. Temporū non
ignari sumus: cum quibus pugnare te nolo,
et si haud seruilter seruire. Apud te & in-
teriorum tuum animum liber esto, recti iu-
dicij & sensus: in sermone interdum tem-
pera, nec offendere qui possunt offendere. Sa-
pientia vera firma est, non tamen elata: non
timet pericula, sed nec prouocat aut laces-
sit. Ascanij illius apud poëtam iuuenilis
nimis ardor est, qui

*Optat aprum, aut fuluum descendere monte
leonem.*

Non ita nos, qui abundè fortes sumus si ex-
cipimus, non etiam incurrimus in discri-
men. Plura vellem, non vult hoc æuum. Se-
necæ Excerpta tua accepi: & erunt v̄sui, si
deus volet. Nam ego amo & adiutum seriò
volo scriptorem illum, præceptis optimum
si non vitâ. Quamquam in ipsâ vitâ, si con-
sideras, præponderat vilibus aut seruilibus,
recta eius facta. Certè extremus ille Actus
si in fabulis poscit palmam: laudabilis val-
dè in isto. Iure doles & culpas, quæ ad
I Poly-

Polybiūm scripsit, vt opinor, exsul. Quid facias? verè tūc iacuit: nec credam animo eius plenè adhuc impressum à Sapientiā robur. Ego non tam miror scripsisse eā hominem, quām indignor edidisse. Quiddam temporibus sēpē dāmus, sed furtū & apud vnum alterūmve: quod non nisi propudium aliquod hominis diuulget. Sed de isto aliās, & fortasse ad ipsum. Esse qui opinionē tuam sefellerint in amore & honore litterarum: non miror. Per bella ciūlia non spirant Musarum venti. Tamen, mihi crede, illæ viuent, & in portum venient inter medias turbas & naufragia multorum. Tu eis adhære, & Pietati ac Virtuti in primis: sine quibus nec verè honestus vñquam eris, nec Meus. In nummo Orteliano (frater tuus me consuluit) nihil video, nisi ipsum sciam & quæ adiuncta: id est, quo tempore, quid symboli, &c. Lugd. nostræ, iv. Kal. Nouemb. ∞. Iō. LXXXVIII.

E P I S T . L X VI . *Burdigalam.*

P E T R O . B R A C H I O .

LITTERAS à te accepi, mi Brachi, benè lamicas. Etiámne amor ad me penetrat è locis tam longinquis? nec tamen de te miror, qui totus es ipse Amor, sed fidus ille honestusque. Ita me Fama & tui similes ametis, vt cor mihi tetigit tam pius ille tuus in tuam affectus. O exemplum in omni æuo ratur! & magis in isto, quo non solùm desijmus laudanda facere, sed etiam laudare. Liuor & obrectatio passim, bonorum operum impedimenta aut venena. Quid tamen te morentur? qui vitæ delinimenta projicere & conculcare potuisti, nónne facile ista? Mihi constantia tua admirabilis est, amicitia grata, scripta nuper visa & probata. Nam tulit ea ad me noster Dousa, quem nihil eiusmodi florū, quos Musarum vspiam hortus alit, potest fallere. Tu vero salue poëta, non poëta: ingenio talis, moribus iuxta Socrates omnes aut Catones. Ab eius filio habes cārmen quale petiisti. Cur non à me? iuro salutem meam, ab aliquot annis nihil tale iam scripsisse, & vix posse. Morbi quid habeam, tenes: & quām non per eum alacris animus & poëtaster. Ignosce. volui, sed hoc tantum. Tamen aliās videbo, & si quis etiam halitus me adspirabit ex illo vestro & veteri meo fonte, seruiet cælesti tuæ AMATAE. Nunc festinabat Faius Hospitalij magni nepos,

cui litteras has dabam. Vale, & qui constantis amoris exemplum es, constanter etiam me ama.

E P I S T O L A L X VII .

I A N O . L E R N V T I O .

LITTERAS tuas ad Coluium vidi, non ad me: nec indignor. Illud indignor, quod tam diu in tristissimo illo squallore sedes, & nonnullâ tuâ culpâ. Quid exspectas? liberari *ἀμεί? numquam fiet. Scribamus *sine p̄tio? omnes, & ad omnes: numquam nisi minis extis placabimus tuum illum Ditem. Fuge, fuge, ab Acheronte: præsertim cum de Irēnes accessu nulla vlt̄ spes. Decedet aliquid rebus tuis. Vbi sapientia? hoc scilicet maius, vt tibi? Pereant illa omnia, dum saluus nobis noster Lernutius. Quamquam nonne mini, quem non nomino, exigua sit è magno metallo illa rasura. Sed qualisqualis, ferenda, subeunda. Aliā viā qui effugium tibi esse suadent, non suadent vt amici. Torqueor cum hæc scribo. Tūne illis aliquid credis, quibus nequid ego crederem, tu mihi primus auctor? Sperne, & sape. Litterulas cogitas, & nostras deas. valdè scilicet gratiosas apud illos *ἀγειοφόρους & militares. *agrestes In pretio pretium est, mi Lernuti: & cetera in fronte grata sunt & verbis. Verba ego tibi non dabo. siquid possum, non pete, sed iube: siquid non possum, abstine tormentum mihi dare, cui hoc satis tormenti, quod tu tamdiu in tormento. In Rogersio specula aliqua erat: ille nunc in Daniā. Ad Tho. Heneagium bis scripsi, sine responso. Præfectus Brielanus, & per eum rogatus Vlissinganus scripserunt, sed non alio effectu, quām vt meliusculè habereris. Ipse mihi Brielanus corām dixit (probè autem nouit hominem) precibus aut intercessione solā numquam te liberandum. Habes meam sententiam. vtinam ad eām tua inclinet, & omittas aliquid siue de constantiā illā tuā, siue de rigore! Quod mihi, hoc amicis & notis omnibus tuis videbatur. Cistas & quæ in ijs, confecto rerum Indice, traditas scito Sayonio cognato tuo. ille porrò misit, quod debuit: & credo, iam appulisse. Nos cum certum aliquid in rebus nostris statuerimus, te non celabimus. Vale. & illinc euade, si nos valere vis. iv. Idus Septembris. ∞. Iō. LXXXIX.

E P I -

EPISTOLA LXVIII.

THEODORO LEEWIO.



De silentio ne excusa, aut me accusas. Nónne & ego silui? Sed profectò, quod aliás scripsi, serius & fortis iste amor delectatur quidem fomentis litterarum, sed & sine ijs viuit. Noster, vt spero, æternū. Co-gitatio eum pascit, cùm non sermo. De pede tuo molestum mihi audire: idque ex meo sensu. Nam ego eam partem tam caram, quām ipsum caput habeo: cui vita sedentaria, non sit vita. Scis quām ambulatio-ne delecter & motu. Cura eam igitur, sed lentè & molliter, quia nerui reduci ad officium volunt, non cogi. Filium tibi agnatum ex animo gratulor. deum precor vt is tibi heres sit non opum magis, quām animi & virtutum. Crescat, crescat. Ego illum & te videbo, cùm priuū se aperuerit & diffuderit stricta hæc aura. Nónne in mediâ hie-me etiamnunc videmur? Quid catellum illum nuper mihi visum & simul amatum offers: agnosco amorem. Accipio: & habeo pro munere magis mihi caro, quām si gemmas à te vel aurū. Non rideo. amauī à pue-ro totum hoc genus, & video idem fecisse præstantes aliquot animas ab æuo. prisco. Telemachus ille Homeri in concionem etiā vénit, canibus duobus asseclis, & Patroclo fuisse nouem * κυνας θετερην, idem vates tradit. Non enim ad venationem sc̄lūm aut Dianæ studium: sed ad voluptatem & tute-lam habebant.

* canes
menario

*Hæc leuis omnia canum, fido cum pectori, corda.
Ad summam, mitte, sed per fidū aliquem:
ego eum paullò ampliū amabo, etiam tuā
mittentis cauſā. Sed bonā fide, vxorcula
non ringitur? carere eo potest, aut vult? ab-
fit vt iratam habeā tuam lunonem; quam-
quām ea tam mittis, vt nesciam an habeat
bilem. Sed eā lege tamen mittito, si volet il-
la. De rep. nostrā non vanē asseris pendēre
eam ab alienā. Ita est. in Galliā certamen
nostrum cernitur: & qui ibi exitus, exspe-
ctandus & nobis. Vt cymba magnæ alicui
nauī annexa, ita nos Galliæ sumus, imò ple-
raque adeò Europa. Exspectemus euentum
fortes, erecti, & si volumus numquam ser-
ui. Poëta Ennius olim egregie:*

*Ea libertas est, qui pectus purum &/ fir-
mum gestitat.*

Aliæ res obnoxiae nocte in obscurā latent.

Tale pectus induamus, non concutient

I. LIPSI Operum Tom. II.

nos oīnna humana. Vale, & vxori tuæ salutem dico, pusionem etiam tuum à me suauiare. Lugd. Batav. VIII. Kalend. April.

EPIST. LXIX. *Lutetiam.*

FEDERICO MORELLO V. C.

Tvne ille es, mi Morelle, qui amicitiæ meæ fores suauiter pulsas? ades, ades. nemo hoc anno gratiōr inīhi hospes. Præsertim qui Florente illo comitatus ad me venis: quem quis excludat, nisi quem Gratia & omnes Musæ? Nam protectò illud Siculi vatis in eum conuenit

— *Xapítor iegyq̄ purðr.*

* *stirps fa-
tra Gra-
ciarum.*

Deus bone, quām me delectarunt illa Tragica eius siue Comica! Altera res tentata magno nostro Scaligeto, altera nec illi. Gratalare viro. cuius ego labori faueo, & maximè argumento. O quando nos & vos inuiset candida illa Diua? Si quando, certè ego recto pede ad vos, mihi populariter tamamicos. Libellos epistolæ tuæ adiunctos per-cucurri: sed hoc tantum. nam herè demum accepi, cùm in viâ diutulè hæsissem. Amaui & exosculatus sum tuum iudicium in Thebaïde, quam voluisti etiam producere in illud Europæ theatrum. Age, age, sic oportet: inferere inquam iuuentuti non ea quæ probantur maximè, sed quæ probanda. Certè illa fabula sublimis & ætherei spiritus est, & soni in versibus supra omnes tubas. Tu, qui legisti, agnoscis. Notas ad eam Florentis vidi, & amauī. Cui à me dico, scriptum illūm vñā tecum non in externo & ambi-tioso isto anicorum albo, sed cum paucis * è ταις ερων δέλτοις. Qui quòd elogia ali- * in animi
tabulæ.
quot tam amica mihi tribuit: quædam non agnosco, in quibusdam nec ignosco. Irascor in illo ad Thebaïdem, quòd me Prætoris magni loco habet, sc̄ nec lixæ. Apage immodestam hanc modestiam: & ita me nōrit atque æstimet, vt etiam se. Eiusmodi viri (non sinuoso pectori hoc dico) magnus honos mihi, si non asseclæ mei, sed colle-gæ censeantur. Illa iudicia eius de Scali-gero patre castigatoria, & planè ex meo sensu. Laudabilior ipse apud me, ob eas laudes. Nam quod de Tullio dixit vetus magister, *Profectissime multum cui is placet: ego yeriūs, Magnum esse, cui Iulius iste magnus.* Cuius ego vitam iamdiu haueo imittere in scripta, si aliquod mihi auxilium ab ijs qui interiora & minuta illa vitæ nōrunt. Nam maxima nobis patent, mira & ingeniosâ

I 2 de

de se alibi atque alibi scriptione. Tu mi Morelle, ut claudam & coerceam animum nimis se diffundentem, me amare perges, vel constantiae tuæ causâ: ego quidem te seriò, per vestigia Turnebi nostri & munera euntem ad illud ipsum veræ gloriae culmen. Lugd. Bat. vi. Id. Decemb. 15. LXXXVIII.

E P I S T O L A LXX.

HADRIANO SARAVIAE.

QUOD siluisse mescribis, miror & doleo: cùm plenè & seriò responderim ad priores omnes litteras tuas. Quas ab aliquo iam interuallo nullas vidi, præter has querulas & breues. sed ideo mihi gratas, quia tales. Nisi & me & mea amares, non quereretur de officij huius intermissione. Illud grauius, quod de morte filij rui (heu vici) scribis: in quo, numquam ex animo gaudeam, nisi ex animo sum tristatus. Amabam modestissimum ingenium, nec ultra laudandum, ne desiderium & causas dolendi tibi augeam. Scis communem legem, Dei ab æterno decretum, & alia quæ alij hauriunt à tuo fonte. Hæc ipse tibi nunc instilla. Imus huc omnes, mi Saravia: nec seiungiur, sed leuiter alter alterum anteimus. O beati, qui in beatâ illâ ametâ! nam hîc etiam in optimo statu, quid nisi misericô? quanto magis in his publicis Europæ ruinis? Nam mutari eam totam & inuersti, nemo prudens non videt. Censebam Politica nostra posse me mittere sub hoc tempus, tria aut quaterna folia etiam nunc restant. Firmioris attentiæ iudicij Lectoribus probaturum me id Opus spero, numquam ijs qui peruvolant, & instar apum scripta saltem delibant. Thomam Heneagium à me salutes velim, virum Musis & mihi valde carum. III. Kal. Sext.

E P I S T . L X X I . Antwerpian.

FR. RAPHELENGIO Filio.

SENECAM tuum sub vesperam accepi, & eum ipsum ad lucernam libau. Placet seriò: perge, perge. Malè cœpisti, si hîc desin. Saluam tantum, quod dicitur, nobis mouisti; exple desiderium vberiore aliquâ mensâ. Quid tam proprium huic studio, quod auum tuum immortalem reddidit, quam Critice? quam si adiungis iudicio, ut cœpisti, & opportunè: non rem solum ma-

gnam feceris, sed famam. Neutraim harum contemne, etsi aliquid ante eas pone. In poëtis alijs velim te simile aliquid aggredi: an in Iuuenale? iuuabo: aut in quocumque alio, quem leges. Nam hoc Poëtices studium, & in eâ emaculandâ labor, non dederet hanc ætatem. posteà ad gratiora te ducam. Hortamina quæ nuper ad te scripta misi, credo legisti & imbibisti. O vtinam! vtinam eregas, inquam, te, & uno certoque tenore eas, alacer semper & vegetus. quid non effecture? Velim ad me seriò & liberè scribas, siquid est quod te mordeat aut absurdeat. depones in fidum & amicum planè sinum: nec id tantum, sed etiam auxiliatorem. Nam ego te, mi Raphelengi, quamdiu ero, non deseram: & iuuabo consilijs, & quâ aliâ re potero. Confide. cum leni non medico solùm, sed amico tibi res erit: indica siquid est morbi. Spero sanè nihil esse, & scio caussam tibi non præberi ab Auo, qui te amat ut ex se natum, non ut nepotem: tamen cùm interdum iacere te ex litteris tuis intellego, suspicor nescio quid non esse ad tuum sensum. Æuum & mores illos noui. torquent? indica. si concoquere non potes, subueniet * θηθηπια. * peregrinatio. Ego scio non omni ingenio conuenire, quod Homerus Marti suo ascribit, * αλλο * buc illus. περιπλόκο. Reperiemus quod ex vsu tuo fiat, & cum gratiâ tuorum. Deum rogo ut te firmet, iuueniles leuesque animi motus tollat: quibus subiici te non ignoras, & vincere eodem debere ac paullatim atterere, hoc quoque non ignoras. Vale. Ex urbe nostrâ veteri. vi. Id. Nouemb. Optimo Ortelio salutem. Nos è Nundinis neclitteras, nec Catalogum. satin' seriò vestri nos curant aut cogitant?

E P I S T O L A LXXII.

Francofurtum ad Oderam.

FRANCISCO HILDESHEIMIO.

TAM benigna tua salutatio meritò litteras meas elicit, etsi breues. Multa mihi tribuis, Vir Clarissime, sed vereor ut amo reinductus, qui in hanc laudis partem non bonus iudex. Ego te amo ob amorem, & seriò deinceps censeo inter meos. Quod si in Germaniam aut loca propinquiora vim quam venero (ita autem statui:) crebrioribus istis litterarum alloquijs foquebitur amicitiae hæc herba. Sin hîc mansero; profectò id arduum in tanto interuallo. Rari à nobis

nobis homines illuc, nisi ad mercatus Francofurtenses: nec iij semper certi. De Plinij loco eruditè disseris, nec quidquam addidero aut mutauero in tuis dictis. Macte! vi-
rum te esse video, quales in illo orbe pauci.
Sed, nisi fallor, breuī cas quoque horas illu-
strabit melior hic Phœbus. Vale. Lugduni
Batauor. Postrid. Kalend. Sextil.

EPIST. LXXXIII. *Antuerpiam.*

CHRIST. PLANTINO.

Miamice, nulla vñquam epistola tua
aut gratior mihi aut grauior fuit hac
postremā. Languidā manu scriptionem
tuam nimis exosculatus sum, & seruabo pi-
gnus fidissimi inter nos amoris. at dolui in
<sup>*Quæ illi
p̄frena.</sup> tuā afflictissimā valetudine, quam tamen
mens mihi dictat & præfigit iam esse me-
liorem. O Deus, & tu, facite me compotem
huius voti! Aliud nihil scribo, nisi hoc. quid
quid à me factum voles, etiam cum me
præcedes & in vili hac terrā non eris, im-
pera: non viuum magis amavi, quam
postea verè viuum amabo. Salue, Salue,
Salue.

EPISTOLA LXXIV.

FRANCISCO RAPHELENGIO *Filio.*

CERTE, mi Raphelengi, tristi nuncio per-
cussi sumus, tristi: nec cuiquā vestrūm
qui sanguine iuncti estis, aut in amando
cessi, aut nunc in dolendo. Amisisti tu aurum
optimum, alij patrem, ego amicum, san-
ctum nomen & rarum hodie in terris. Heu
mi Plantine, quis mihi post te alter? nemo:
non magis quam ante te talis quisquam
fuit. Beatum quidem te, qui extra præsens
& imminens omne discrimen, extra mole-
stias, quæ senile etiam caput tuum circum-
stabant: at nos voluimus & reuoluimus in
medio æstu. Tu mi fili multum amisisti,
in omni fortunā tuā consilium, solatium,
opes. Amabar te, hoc scio. Sed feramus, & il-
lius maximè exemplo (in quo enim hæc vir-
tus clarior?) prompti volentesque sequamur
magnum illum Deum. Scripssem ad Mo-
retum & heredes, sed ita me salus amet, vt
ego minimè aptus sum ad solandum. Non
quia iaceam (hoc dedecus Constantiæ no-
stræ non imprimam) sed quia haud ita fir-
miter stet, ut erigeret alios possim. Vacillo
ipse, & rationum idem tidem fulcro me sus-
tent. Ad tēnuper brüiter scripsi de Italiam.

I. LIPSI Operum Tom. II.

nunc hoc addo, omnino ad nos venias,
priusquam in alteram partem aliquid
decidas. Ere tuā erit: nec quicquam suade-
bimus, non dicam præter utilitatem, sed
fortasse nec tuam voluntatem. Ades. Po-
strid. Idus Iul. 20. IC. LXXXIX.

EPISTOLA LXXV.

FRANCISCO BENCIO.

TANDEM, tandem, vñas à te litteras.
Nam & ego ordinar à querelâ. Tu ne
misisse quidem fareris: ego scripsisse serio
me testor, sed tamen frustra. Quæ autem
mea culpa est, si homines parùm fidi hodie
aut diligentes? Ego te, mi frater, diligo: &
nuinquam suauissimam illam consuetudi-
nem nostram ruminor, sine interioris ani-
mi motu. Tuæ litteræ me excitant, & velut
adspirant in hoc languore nostro vitalem
aliquam auram. O terra, ô viri virtutinam per
vires aut tempora vos regustem! Sed ego, mi
Benci, inclino, non tam æuo fractus (eâ par-
te adhuc vireo) quam lento & nescio quo
intestino morbo. qui tamen vitæ officia at-
que ipsa studia leuiter interpellat. Vos ia-
cturam ante biennium in Mureto fecistis:
cuius Senecam, extreimum opus, etsi non
confectum, probamus. Orationem tuam in
eiusfunere, & quidquid tuū, vidisse velim.
Rarò ad nos veniunt melioris cæli illæ de-
liciaz: & possunt tamen per Plantinum. Ad
eum virum mitte, quidquid ad me voles:
& in primis (per sacrum illum Amorem te
rogo) si quid editum à te, aut edendum.
Censuram vis? libera erit. Laudes? effusæ:
nec aliis hodie id fecerit magis ex affeetu.
Amo, amo, primos illos meos ignes, & in ijs
puriter liquesto. Illustrissimum Sirletum
superesse apud vos gaudeo, columnen per-
fectissimum virtutis & doctrinæ. Fulvio
Ursino quid sit, quid Latino Latinio opti-
mo seni, gratum si per te sciero: & si à me
eos salutabis. Edidi quædam nuper, sed le-
ua, nec nunc mittenda. Vale, & me ama tui
& probitatis amantein. In Bat. prid. Ka-
lend. Septemb. 20. IC. LXXXIX.

EPISTOLA LXXVI.

GERARDO TUNINGO.

Ad litteras tuas, mi Tuninge, brüiter
respondeo: & hoc ipsum amoris est,
quod respódeo. Nametsi vis illa morbi me-

I; reli-

reliquit, tamen languor & debilitas manet: nec mens aut manus satis apta ad suum munus. At ego te ex animo amo, & crescenti virtuti tuae faueo: eoque expressa mihi haec scriptio, eius iudicij mei index. In foro versari te iam credo: & quamquam res nondum calent (tempus ista adfert) tamen carceres tibi aperti ad cursum. Stadium hoc sub initia molestum & arduum fortasse videbitur: dies mollet, & scopus qui tibi in oculis esse debet, cum Lucro Honor. Dignitas enim & splendor plerumque ab isto campo. Ego ad amicos meos cum scribam, non deero te commendare de eâ notâ quâ te noui. Tu confide. sponsor ego tibi, si perges hac Virtutis & Modestiae viâ, quâ cœpisti, de optimo successu. Vale, & duo illa, ac me vna, ama. Lugd. nostræ Batauor. v. Kalend. Decemb.

E P I S T . L X X V I I . *Vlraieclum.*

THEODORO CANTERO.

CVM mutationem rerum audiui, quæ apud vos facta, lætatus sanè sum, quia omnia in melius versa & modestius: nec tamen valde miratus, quoniam veterem illum statum violentum & turbidum, sciebam non posse esse diuturnum. Illud nescio an lætari debeam, te potissimum electum qui clavum teneas in hac tempestate. honori tuo quidem gratulor, idque amicissimo animo: sed molestias video, atque adeò discrimen etiam quod adiunctum, nisi clementer te dirigat & seruet ille, qui te huc destinavit. Id quod spero, & eum ex affectu rogo. Illud ego valde velim & suadeam, ita clementer & leniter omnia nunc administrari, vt vix appareat conuersum esse orbem rerum: appareat, inquam, dolore cuiusquam aut pœnâ. Vltio & affectus seponantur; & satis sit (meo quidem iudicio) inutilis homines remoueri ab reip. administratione. nisi si quis est vnuus aut alter, qui pallam in eâ se gesserit malâ fraude. Sed nec omnia subito mutanda, etiam quæ mutari melior ratio suadet: lentè, lentè, & minimo sono. Pro nostro Arcerio solicitor. manebit illi sua conditio? velim, quod in te sit, iuves. Non enim puto virum è callidis illis esse, qui omnia & omnes turbant. Thihnius noster an redierit, nondum audiuius. omnino ego opinor: & admouendum iterum rebus virum peritissimum rerum. Quod cum sciero, ad eum scribam. De Pre-

toris reditu, audiui: & velim meo nomine illi gratuleris. Nisi aura hæc turbida impediret, ego sanè ad vos euolarem, & facerem linguâ quod nunc stilo. De filijs tuis, ij mihi curæ erunt. Sæpè me adeant, semper mihi grati. Valc. iv. Idus Octobr.

E P I S T O L A LXXVIII.

Vratislauiam.

IACOBO MONAVIO.

LITTERAE tuae à se gratæ, mi Monavi, hoc asperum habuerunt & triste, quod nunciârunt de morte Andreæ Dudithij, magni & sapientis viri. Qui, et si præter ætatem nihil passus videri potest, aut præter communem illam legem: tamen profectò dolori est, & amicum nos amisisse, & Germaniam in hoc statu rerum spoliatam notæ modestiæ & prudentiæ viro. Nam in aulis Principum, quâ multi passim, vt sic dicam, incendiarij turbarum, & qui * πῦρ * ignem πῦρ addunt? à quorum ingenio alienissimus hic noster, natus sedare ciuiles istas tempestates, non excitare. Sed deo pacis visum, vocare ad se istum Pacatorem: ideoque feramus, in Constantiæ nostræ monitis fixi. De amore tuo in me, gratiam non habeo solùm, sed refero. quomodo? amando. atque ego te vnum hoc pretium expetare scio tui affectus. Mihi quidem iucundum & quasi pabulum quoddam studiorum est, amari non tam à magnis, quâ ab eruditis & vitâ quoque probis viris: quâ in classe te scio esse, optime Monavi. Nos valde nunc distingebamur editione Politicorum. quod opus Regibus Principibusque scriptum, utriamvisi quoque ijs sit! quod non despero, si capere tamen poterunt ejus generis scripta. Sed deus videbit. ego arduo labore defunctum me scio, & soluto pede ad mitiora & planiora iturum. Thrasæas noster omnino differendus est, & te aliosque rogo, ne quis me roget. Vale Clarissime Monavi, reliquum in ijs locis affectus mei fulcrum. Nonis Iunijs.

E P I S T O L A LXXIX.

LAEVINO CALVARDO.

SCRIPTIO tua mihi grata, & scribendi causa. Amor in me, & humilitas in afflictos te impulit: quoruam utrumque amo, & hanc etiam laudo. At illud mihi iuxta ac tibi nouum, fuisse in eo grege Hispano.

Hispano hominem Latinas quoque litteras doctum, & doctorum amantem: cui auxilium, aut certè solatium, meritò debemus. Id, quod in me est, non faciam solum sedulò, tam amicâ præfertim tuâ rogatione inuitatus, sed iam feci. Conueni quosdam qui cum Prætore huius vrbis agant, qui nauim eam cepit, & in cuius hic est manu. Videbo an in vrbem nostram adduci possit, eamque habere pro custodiâ. Sanè Musarum illum alumnum æquo iure censeri cum Barbaris, ignomina nostra sit mi Caluarde. quem ex animo saluere iubeo, & me amantem tui quoque amare. xvii. Kalend. Septemb.

EPISTOLA LXXX.

DOMINICO BAUDIO.

PLVSCLAS à te litteras accepi, fateor: ad quas silui, non voluntate aut subitâ ignauia, sed quia deinceps sic cogit valetudo. Tibi narro Baudi. frangor paullatim, frangor: & per assiduum hunc languorem deserit ponitque calor & vigor ille in nobis, velut ventus. Velo ferri solebamus, nunc vix remis. Politica etiam mea, serium opus, valdè me tenuerunt. Nunc ipsa absolu, nondum quæ ad ipsa: id est Notas. Inuidia fatebitur arduum & operosum opus esse, nescio an probum. Tu certò & semel sic existima, te à me æstimari, amari: & semper id fore, siue scribo, siue sileo. donec perpetuū tamen silebo. De munere siuitulo, quo non sine fructu gaudes, tibi gratulor, & vœo atque auguror maiora. Amande ama. Idib. Iul. 20. Id. LXXXIX.

EPISTOLA LXXXI.

In Hungariam.

MICHAELI FORGACZ, libero Baroni
de Gimes.

AMANTER valdè me prouocas ad scribendum pariter & amandum. quis tu es? ignotus mihi, imò notus, vel ex vnâ epistolâ istâ, in quâ faciem video pulcherrimâ mentis. Etiámne ille vester temotus, & verè Martialis tractus, educat ac profert Palladias istas proles? gratulor tibi hanc indolement, te patriæ: quæ profectò præsidium grande & lumen exspectat ab eiusmodi alumno. Quòd si hanc directam ad laudem & Virtutem viam, plerique è tuâ classe in-

gredi vellent: quid Europâ beatius? quæ nunc iacer misera, vndeque telis confixa ciuilium turbarum. Sed resurget profectò aliquando (& ea certa spes me tenet) eiusmodi adminiculis & fulcris. Tu perge, & te litterarum ac Sapientiae studijs primùm, mox patriæ trade: palam facturus, quantum intersit inter doctos cultosque Nobiles, & istos, qui nihil lucis habent nisi à luce maiorum. Meam quidem amicitiam quòd appetis; ita cupidè offero, vt ipse propior appetenti sim: & in tempore ostendam. Lucubrationibus nostris quòd delectari te scribis, vtinam & iuuari! Spero tamen id facturum opus quod nunc edo, in quo Principein formo & eos qui ad gubernacula rerum admouentur. Laboriosè mihi opus scriptum fateor: sed vobis, vobis, non huic vulgo. qui nec capiet, nec si capiat, fructum faciet in præceptis quæ nihil ad ipsum. Regendi imperandiisque munus vobis conuenit, plebi obsequij gloria, vt ille inquit, *relicta est*. Nobilissime Baro vale. Nonis Iunij, 20. Id. LXXXIX.

EPIST. LXXXII. Coloniam.

GVLIELMO CRIPIO Filio.

AD epistolas tuas respondere, mi Cripi, magis volo aliquando quam possum. Distringimur nimis sæpè, nec cùm nuncius appellat, vacamus illico ad scribendum. Addo, quòd plerumque ille festinat. Hoc semel scito, & excusa. Aliás, amo te, tuumque ingenium: quod excitari etiam nostrâ voce nonnihil velim ad pulcherrimas artes. Etsi enim per te profitus erectorisque es: tamen vt equum in cursu plausus, sic optimam indelem laudes & adprobatio iuuant. Quamquam quid valde iis apud te opus? patrem habes, * *πατέρας* ^{omni viri rute decora-} *μεγάλον τίκτοντα*, vt ait Homerus de Ulysse: ^{rasum,} virum reuerà & vsu & doctrinâ inter Belgarum primos. Hunc audi. * *Αἴματα* ^{et} *σάγκινα* ^{es boni caro} *αγαθῶν φίλων τίκτοντα*: quæso ne degenera, & lucem quoque à te aliquam adfer ad illam lucem. Quod porrò scribis de libris illis priscis: magis est vt vœeam, quam vt credam. Sæpè iam ita decipiuntur. Blandi rumores sunt de *Ciceronis Republicâ*, *de Litteris reliquis*: sed rumores. — *καὶ οὐδὲν δέ τι μετὰ τούτων εὐτέλειαν*. Vale, & in virtute ac doctrinâ pariter mihi cresce. Lugduni 20. Batauor. Postrid. Idus Mart.

EPISTOLA LXXXIII.

IOH. ARCEARIO.

VIR doctissime, Res tuas iterum stabili
loco esse, idque in ipsâ patriâ, valde tibi
gratulor,<sup>* & ab in-
simi men-
te gaudes.</sup> ηντο βαθείας γνωμης συγχάρεισθαι. Præ-
sertim cùm honestissimum illud munus a-
deptus sis, & in locum successeris viri nobis
olim amiti. Ita profectò est. Deus non de-
serit suos, sed abducit à loco vt ad meliorem
reducat, & obijcit sàpè non sperata. Nos in
tenui & veteri nostrâ valetudine, tamen Po-
litica absoluimus: quæ vtinam ne mecum
langueant, & sint, quod dicitur, ηππεις γῆ-
πας. Mihi tamen firmum compactumque
opus videbatur, & ferendo æuo: sed inhi.
Vestra aliorum iudicia exspecto, nec antè
me do ad absoluendum. Nam quod ad
notas attinet,<sup>* equis se-
nium.</sup> μέχει ἐργον αἴρετον, vt ille inquit:
& id quoque fecit morbus. Exemplaria
quattuor ad te mitto, distribuenda pro in-
scriptione singulorum. De Galliâ, credo
vos audisse magnum illud facinus, & ino-
pinatam Regis cædem. Ego video Deum
res magnas, res nouas moliri, & conuersio-
niem status in vniuersâ Europâ.

— * Πολλάων τολίων κατέλυσε κάρπα,
H' δ' ἐπι καὶ λύσθ. <sup>* multa-
rum ur-
bum saluis
culmina:
Atque et-
iam soluit</sup>
Vtinam saluis nobis! Vale vir ornatissi-
me, & cum vxore tuâ à me meaque salue.
Lugd. Batauorum, XIII. Kalend. Septemb.
eo. I.C. LXXXIX.

EPISTOLA LXXXIV.

ISAACO CASAUBONO.

NON redditas tibi litteras meas, mi Ca-
saubone, non miror solùm, sed indi-
gnor. Spernam ego te? ne differam quidem:
& respondi illico vt accepi tuas. Gratæ mi-
hi & à tali ingenio, quod iamdiu æstimo:
& à tali affectu, quem calidum profectò
in me promis. Amo, amo vicissim; nec tam
frigidum aut rigidum mihi pectus, vt
non incalescat & moueat ab hoc igne.
Strabonem tuum vidimus, & multain eo
proba. perge per Deum, & quoniam Scali-
ger noster in hoc genere toto silet, tu prodij
& age hanc personam. Decenter, mihi
crede, potes. Sed, heu, Gallia vestra quam
æstuat! vetus, florens, & illud regnum, vt
sic dicam, regnum, quam periclitatur non
conuersti sed euersti! Illacrumo. nam fateri
debeimus illustrium ingeniorum iam ab

aliquot annis hanc matrem fuisse, aut se-
dem. Nos quoque in veteri nostro bello: sed
minùs ferido, & consumimur lento quo-
dam igne. Feramus; & nos, mi Casaubone,
istis litterarum Sapientiæque studijs inuolu-
uamus: in quibus abductio, aut certè ali-
qua seductio est à turbis. Vale. Lugduni Ba-
tauor. Postrid. Non. Sext.

EPISTOLA LXXXV.

PHIL. MARNIXIO.

ACCEPISSE te librum nostrum, legisse,
probasse, seriò ego gaudeo. In tuo iudi-
cio quidni acquiescam? qui secasti hos flu-
ctus, & benè penitus te immersisti in re-
rum ciuilium istud mare. Nostri ergo, &
peritiam tibi ingenuit ipse usus. Qui nobis
quidem modicus adest, & liberè cum Ho-
merico adolescente fateor,

* Οὐδὲ τι πα μαθοι πεπίρημα πυκνοῖσιν. <sup>* Neque
ego adhuc
sermonum
prudētum
vsum ha-
bo.</sup>
Quò magis vestrum est, monere & diri-
gere siquid peccamus. Quod malles in
Εὐτελεῖας illâ, re verbis quoque me ὑπεβοή,
spretis illis profanis: fecissem profectò, si di-
stinctius & accuratiū dicendum de ijs mi-
hi putassem. Hocomisi, aut distuli: & cau-
sam nōne vides? Cùm tam pauca & timi-
dè dixerim, nunc quoque vndique incur-
runt, pænè dixerim,

— * Αἰσχρεῖοις συέσθη ἐπιχότες. <sup>* agrestibus
fusibus fa-
miles.</sup>
quid futurum erat si magis me diffudissem?
Libauit igitur: & ideò in stilo quoquenihil
mutauit, & exiguum illam laciniā perte-
xui filo quo reliquam vestem. Quòd si ta-
men tibi hīc aut alibi aliud videtur, mone,
& me deuincies. Aliorum voces siue ca-
lumniæ, asperæ: ^{* άγαθὴ δὲ ἀρδεῖας τοῖς ἔτεσι.}
Tuus Gedeo Borzelarius mirum est quam <sup>* bona ad-
monitio
amicis.</sup>
senobis probet, modeltiâ, diligentiâ, pro-
fectu. Stirpe suâ dignus euadet. Vale. Lug-
duni Batauor. Prid. Kal. Octobr.

EPISTOLA LXXXVI. Leodium.

DOMINICO LAMPSONIO.

IAM nunc mihi adest, qui ad vos abit. Ipse
tibi dicet, tempus mihi non fuisse ad lon-
giam scriptiōnem: atque adeò, vt familia-
riter tecum loquar, è lectulo me excitauit.
Sed vigilo, vigilo cùm Lampsonij nomen
auribus & menti meæ insonuit. Iamdiu
etiam ego à te nihil. quid tum? tamen scio
amare te, quam me spirare.

* Οὐδεὶς ἱερᾶς ὅσκη ἐκ ἀεὶ φιλεῖ.

Poli-

* Non est
amator,
perpetuus
qui non
amas.

Politica nostra absoluimus: cape, lege, arbitrare. Nam iudicem aliquem retinique similem, valde mi Lampsoni volo: versatum in rebus scilicet, nec à lectione solum sed ab vnu doctu. Vide sicubi erramus. Brevia ista sunt, & adstricta, fateor: sed apud te quid excusem? scio in eiusmodi rebus rem te velle, non supina aliquot, & natantia verba, quoniam nimis ferè inclinant, qui res Civiles hodie scribunt. Ni mis, inquam, se per disputatiunculas diffundunt. At mihi Cretenses illi probi: quos Plato ait * πολιτείαν μᾶλλον, οὐ πολιούχαν δουκούς. Nos iam in manu habemus Dialogum De magnitudine Romana: & perficiemus, si Deo visum. Epistolatum etiam Centuriam alteram extrudimus, & priorem reformamus. Apud me ista: tu quid? scribe, scribe, nec (quod callide amantes solent) desiderio nos torque. Lugduni Batauorum, Postrid. Idus Sext. 15. LXXXIX.

EPISTOLA LXXXVII.

FR. RAPHEL ENGIO Filio.

Mi Raphelengi etiam nunc fluctuas? quo usque? Semel statue rationi & nobis pareas, an tibi. Illa suadet differri iter in proximam æstatem, ob caussas multas. E famâ tuâ erit, è re tuâ, ex vnu familiæ Plantiniæ. Tardcirò solui & abrumpi illum cœtum sublato capite, sit indignum. Caussas quas habes, ego quoque intellego, atque adeò approbo: sed calidè nihil fieri volo aut importunè. Nenimis cupidè cupe quod cupis. Malo omnis sit nimia hæc festinatio! Audi me ex animo loquentem. Ire te in Italiam ad multa vtile est: vt ab his turbis, vt videoas & discas, vt locum & occasionem quæras emergendi. Hæcomnia vera sunt, & suadeo: sed hoc quoque verum, magis detorè te iturum post aliquot menses, magis tutò sub æstatem, & magis prouidè omnia ac dispositè acturum. Vtinam antè te vidisse! id quoque è re tuâ fortasse esset, & certè ex meo voto. Sed nos ea audimus, vt verear ne breuî interclusæ omnes viæ. nisi si ipse sub Ver proximum in Germaniâ me sisto, quod haud despero. O iuuenis in quod æuum incidisti! sed tene viam rectam, haud pœnitibet. Ne pugnacum temporibus, & serua te ad meliora facta, sed sub tegmine & umbrâ semper modestæ Virtutis. Ego desino: haud multa liber. xiiii. Kalend. Sextil. 15. LXXXIX.

EPISTOLA LXXXVIII.

CASPARI VOSBERGIO.

DISTVL I respondere litteris tuis, sed sine tuâ vllâ noxâ. Nunc id facio per Legatum Regis, cuius negotia tibi commende, & peto, quod in te est, ea matures. Nostri quām lenti sint, præsertim vbi pecuniaria res est, non te fugit. Politica grata tibi fuisse gaudeo: quæ tu quod thesaurum appellas, magis ex amore facis, quām quia merentur. Hoc tamen liberè dixi & repeto; ruminanti ea plusculum aliquid semper suboritur, quām primâ specie, visum. Hortaris me ad reliqua, & præsertim ad Aristocratiam: quam ego quoque probo mi Vosbergi, sed bene compositam, & qualis illa Spartanorum fuit, aut hodie Venetorum. O quis deus eam dabit! Tamen illam quoque conceptam in mente habeo, & vnius omnino libri res etit. Sed priusquam aggrediat, certum mihi audire & libare iudicia de toto hoc genere scribendi. & si vniuersum displicebit, silere; (cur enim vela faciam aduersis ventis?) si in parte, cognoscere, & refingere siquid minus recte aut consideratè à nobis scriptum. Nam id numquam pigebit. Apelles in magnis suis laudisque operibus hoc seruabat, vt ea publicè proponeret omnium oculis ac linguis, atque ipse velo aliquo tectus iudicia venaretur etiam minitorum: cur nobis hoc non fas in opere, quod tangit omnes? Sed nec Notas, vt vides, plenè absolu. quod caloribus istis immodicis turbues, qui valde me dederunt in languorem. Te valere opto, & nos amare. Lugd. Batauor. xiii. Kalend. Septemb. 15. LXXXIX.

EPISTOLA LXXXIX.

NATHANI CHYTRAEO S. D.

ACRES quasdam faces epistola tua mihi subdidit, quam ipse amor tibi scripsit. Non me fallunt supina quædam aut natantia verba, & illa quæ ab imo pectore profecta. Talia tua sunt. & iam mihi carior noster ille Lydius, per quem tu quoque inter meos caros. Quid verbis me diffundam? redamo sic amantem: virtutis doctrinæ quæ tuæ merito primum, sed etiam fratrius aspectu, qui mihi inter Germaniæ primos. Scripta tua & illius iam olim vidimus, & tenui-

* dulci si- tenuistis nos s̄apē illā^{*} γλυκεῖα Σειρῆνις ὅμοι λόγων.
rene fer- Non plura apud te repergamus in hoc cur-
monum su, & quod reliquum est vitæ viuamus

* mutuum amantes. — * Φίλα εἰδότες αἰλιθοῖσιν.

Accipe daque fidem. & saluc. Lugd. Bat.
Idib. Mart. 20. I. xc.

EPISTOLA XC.

MARTINO LYDIO.

AMICA tua epistola, vt semper, atque etiam anxia pro nostrâ famâ. Agnoscō amorem : sed de purgatione , quod scribis , quæso omitte. Quid me eluas apud eos , mi Lydi , quibus decretum qua-
* maculam inuerte. cuunque de caussâ ^{μῶν αὐτῶν}? Ieiuna inò turpia sunt quæ adferuntur (ago li-
* diligen- berè:) & te aut me non noui, si hæc ^{αὐτῶν} excuso. Impiè hoc scripsi, inquiunt, quòd Religionem omnem tolero in repub. modò vetus. Etiámne gentilium? etiámne Turcarum? etiam. Vbi hoc scripsi?
Verba aduers. sed ô boni , ergo notulam graue ijs legere, quæ ad oram? Coercui enim ecce , & restrinxi: Mos PROBVS ^{et} vetus seruandus. Satin' clara hæc verba? ita vetus tenerendus. si probus. Iam illud alterum, in quo sœvitiae me arguunt, bellum. Quis verba ea bonus integerque vir legit , qui non capiat ex meo bonoqe sensu ? At possunt aliorū flecti . Multa talia in omnibus scriptis : sed eos nempe carpi- mus , qui sic flectunt. Melissæ aliquæ flo- res nostros insideant, non istæ Arachnæ. Quid verba facio? his talibus suadeor , non vt aliter scribam , sed vt ne scribam: & silentio tuti simus , quoniam ratione vix licet.

* Multi malevoli in nos ma- ^{* Δυσιδημέες γέδ πολλοὶ ἐφ' ἡμῖν μηχανόντες.}

Ego tibi verum verbum dicam . Quos- dam ex istis torquent non quæ scripsi, sed quæ non scripsi. Intellige , & me iam olim tuum ama. Lugduni Batau.xvii.Kalend. Apr.

Qui has tradet , Nansius Filius erit, vt opinor. Faueas ei quæso meâ caussâ, & aut cœptam spem promoue: aut si ea mortua , in nouâ hac iuua. Ab ipso au- dies. Saluta amicos Arcerium , Drusium, Eillardum. Ecce responsum etiam ad Nath. Chyträi epistolam : rogo te cures.

EPISTOLA XCI.

REGNERO GRUTERO.

GRATAE mihi tuæ litteræ, mi Grutere, necestquòd excuses. Peccares, nisi sic peccares. Ego, etsi non semper respondere aut scribere vacuus, tamen legere: & nimis quâlibet libens sermones vestros libo, qui aliquando in nostrâ disciplinâ. Statuim & for- miam Academię vestræ per te cognoui. probus est: sed in primis ille vir magnus, quem iure laudas. Iunium intellego: cui tu, mi Grutere, adhære, & recondita multa hauri ex arcano illo vberique penu. Chrysian- nus aliquidne De temporibus post Scalige- rum? durus ille concursus est : & tamē scio esse , quæ post eum addi illustrarique possint. Nos post Politica edita redimus in veterem campum ; & vel mores Romanos illustrabimus, vel spinas aliquot in eo run- cabimus, Criticâ istâ falce. Deus valetu- dinem modò & otium mihi det: de quo- rum altero vix spero. cum turbas video quæ in Galliâ natæ. Vale mi Grutere, & ide- mitem me appella. Lugd. Bat. 111. Id. Sext. 20. I. lxxxix.

EPISTOLA XCII.

MICHAELI MONTANO.

VIR Nobilissime, perepistolam raro te alloquor, s̄epissimè animo & affectu. Utinā res vestræ aut nostræ quietiores: num- quam ego deum videam , nisi te viderem. Nam litterarum hoc colloquium, nugæ: meri amores & incra suauitas , os aliquod amicum intueri & amplecti. Sed, vt ille ait,

Nuū δὲ τοῦτο τις λόγος. —

Politica nostra tandem edidi, diu pressa, & nescio an vel nunc emissa aue satis fausta. Æuum ego & hæc præiudicia an ignoro? sed tamen temperasse me videbis , & nihil nisi communibus præceptis scripsisse: exci- pio paucula de Religione. In quâ consilium nostrum nec improbum , nec imprudens fortassè apud probos. O tui similis mihi le- Etor sit! & tu iudicium tum liberè, & vt vir es, scribe. Turbæ apud vos magnæ: si inge- nium tuum noui (vt certè è scriptis noui: in quibus non fallax tui imago:) quiescis. Quod vt tutò & diu possis, æternum Deum rogo. xv. Kal. Octobr.

EPIST.

EPIST. XCIII. *Mechlinium.*

NICOLAO OVDARTO.

ACCEPISSE te libros Politicorum mihi gratum; & magis, te probasse. Ex animo tibi dico. probari tui similibus lucubratiunculas nostras gaudeo, et si plerique scribimus non huic æuo. In illo ipso opere Politicorum, quām multa parūm ad palatum huius illiusve partis! nec aliter fuit, aut erit, vbi sunt partes. Veritatem puram candidamque ego scio, & immunitam ab omni affectu. Ut oculi, vbi glaucoma obsidet, puriter non vident: non item mens, vbi affectus. Præjudicium iudicium omne tollit. At in ijs quæ de Fato scripsi, gaudeo quod liberemones. et si ego me infistere tritam & priscam viam sentio, nec in aliâ mente esse Thomam & argutos illos in Ecclesiâ Doctores. Tamen si quid aliud, video: & tuo monitu libens non explicabo solum; sed, si opus, retractabo. An me pudeat? numquam. & veram rectamque viam tardè videre & inire possumus, numquam serò. Magnum illum virum nobis obijssè, doleo: &, heu patria, quām talibus nunc eges! Imperus & calor est, qui nos perdiderunt & perdent. Sed ego longius progredior. cui hoc tantum propositum scribere: me te amare, & gaudere in amore tuo mei: quem ut propages deinceps ac serues, consuetudinis causa, rogo. nam necesse non esse, facile ex eo mihi liquerit, quod sine villo nomenclatore, tot annos firmiter eum in arcanâ istâ mente coluisti. Vale Vir agnissime. v. Idus Novemb. ∞. I. LXXXIX. Berchemij nostri mentio in epistolâ me excitauit. quid illo fit? vbi est? amo, amo virum.

EPIST. XCIV. *Viennam.*

HYG. BLOTIO.

VERE diuinasti. perierunt litteræ tuæ quas Thisio dedisti: neque ego vllas, ^{*contuber-} ^{nalisbus} præter has à ^{*συμβιωτες} meis, vidi. An ego tamen diu aliâs filuissem?

^{* Iupiter} ^{buc auer-} ^{ia. & im-} ^{moniales} ^{dg. alij.} * Zeūς τῷ γ' α' λεξῆσει καὶ αἴθαντοι θεοὶ ἀλλοι. Merito amantes ego mei redamo, & te mi Bloti inter primos, verum & veterem Musarum mystam. Ergo scito auctoritatem tuam mihi caram, gratum etiam de scriptis iudi-

cium: quod et si nimis sumit ab affectu, tamen, liberè fateor, his talibus

— * A' εξε) ἔρδος θυμός.

Tu si me litteris tuis sæpius appellaueris, & in ijs rerum etiam aliquid asperseris quæ istic geruntur (præsertim si quid ad nos & hæc studia;) beabis, & reipsâ videbis prouocatum à te, quod dicitur, * τέππον εἰς πεδίον. ^{* equum in planiciem.} Vale. Lugd. Batau. Idib. Martijs.

Illustri Baroni Hieronymo Beck à Leopolstorf gratiam debeo pro affectu in me, quem ex animo iubeo saluere. item nostrum Leunclauium.

EPISTOLA XCV.

EVERHARDO REIDANO.

SCRIPATIO tua me affecit, & iudicium de Politicis; quæ votum mihi præcipuum est ut approbem vobis. Aliorum sermonculos quid curem? placere ijs & satisfacere in alio quoquis arguento magis possum, quām in isto. Ego liberè quod mihi visum est dixi, & sæpè magis ex usu publico, quām ex gustu. At sunt etiam quidam qui Batauiæ finibus me includunt, & omnia scribi volunt pro hoc statu. Inepti! quod non Plato, non Aristoteles, non quisquam veterum fecit, qui scripsere aliquid in spem diuturnioris æui. Hic illa forma reip. alibi alia: atque utinam nobis Princeps sit, sed ille adstrictus & legitimus, & qualem formo. Iam etiam quidam diffundit me voluerunt, & iuisse potius per liberam semitam & vestigia nostra. Haud difficile mihi, fateor: sed alio me duxerunt rationes quas dixi, & quas non dixi. Faciam tamen aliquando, si viuo, & Notis meis siue Commentariolis abundè explebo hanc sitim. Mihi jamus in materies ea parata, sed premissus, & calatum paullisper retinemus scripturientem. Ego, uno verbo, te amo, & id mihi fieri à te percupio. Vale. Lugduni Batauorum XII. Kalendas Mart. ∞. I. xc.

EPIST. XCVI. *Londinium.*

LANCELOTO BRVNIO.

PADDEIVM tuum insignem virum libens vidi, & officia præstiti quæ potui prolixè. Malo ab ipso hoc te audire. Sum naturâ in omnes benignus, tum maximè in nostri

nostri gregis homines, & qui commandant se colore isto litterarum. Colore inquam, non fuso. quia reuerà Paddeius tuus, imò iam noster, serò se melioribus istis scien-
tijs tinxit. Nos titulum ei dedimus, sed rem attulit ipse ad nos abundè. De valetudine meā quid scribam? potes ex ipso audire, qui ^{in pessor.} autòm. Tamen vos medici probè scitis, quidquid dissimuletis, leniri non tolli hos morbos. Vbi semel radices egerūt, hærent. Itaque langueo, & præsertim per hos Caniculæ insanientis æstus, qui corpus hoc per se siccum & aridum, pænè reddiderunt cornu. Animo tamen egregiè adhuc sustento: & deus mihi seruet hanc mentein, numquam eâ parte succumbam. Britanniam vestram & vos amicos videre iam diu gestio: sed nescio quod impedimentum mihi nascitur aliud ex alio; & ægrè inuto locum, quem numquam tamen sine fructu & bono valetudinis inuto. Sed videbo, & fortassis aduolabo ^{ad dōzav.} Franc. Vlmi *De Liene* iam diu lègi, missum ad me è Galliâ. nam ego vestrâ medica, præsertim si quid elegantius, valdè appeto, & diuerto suauiter in illos naturæ hortos. Tûne in eodem argumento? diuulga, & doce nobilem aliquem vsum in nobili illâ parte.

^{* præter opinionem.} Sed heustu, quid Typographis vestris visum Politica mea recudere? non debebant. * A'ntè adhuc opus est: & prætereà, prima illa exemplaria ad vos missa, haud satis emaculata. Alia aut emendatoria sunt, aut præferunt certè suas mendas. Itaque factum hoc non amo: sed te fideliter mi Bruni. Vale.

<sup>* Imper-
ficium.</sup>

LECTORI.

ERANT in editionibus aliis Epistola quaterne, que ioci aut salis aliquid haberent, non in gentem, sed in hospitia gentis, & præsertim rusticana. Aliqui mortuum aut lesionem interpretati sunt: & quia non est, nec fuit is animus, nunc omisimus induxi-
musque. Earum loco ista Centuriam expleant: qua defensionem habebant, & sine cuiusquam malâ gratiâ, opinor, legantur. Vale.

EPISTOLA XCVII.

TYPOGRAPHVS LECTORI S. D.

EDIMVS hanc Epistolam, Lector, et si aueto-
renon tam volente, quam nolente. Nec enim
eò scripserat ut ederetur, non certè sic sola:
sed quia iam factum in Germaniâ ipso ignari-
fissimo atque inuito, frustrâ teneri videt quod
effugit. Euenit etiam, quod solet, ut fugitiua
parum compta esset atque ornata, imò parùm
recta. que causa illi maximè, ut edi pateretur
iterum, minus mali scilicet si minùs malam. Ita-
que propriam ei vestem reddidit, & qualis in
arculâ remansit. Hoc tantum serò testatur: ne
nunc quidem ista quasi publicè responsa velle.
quid opus in rebus leuibus? & abest alioqui
animus eius ab omni non solùm concertatione,
sed defensione: & putat sapientius spernere
hæc talia, quam refutare. Præsidium famæ, non
in verbis, sed in ritâ suâ ponit: atque illum
integraliter sperat apud eos, qui hanc norunt. Quod
ad scripta etiam attinet, acrem sed æquum iudi-
cem non recusat: in quibus siquid erroris alibi
aut caloris, prouocat ad humanam conditionem,
cuius hoc proprium, sicut nusquam labi diuinæ.
Id tantum rogat, Lector, ne leues aut liuidi ho-
munciones temoueant, neu calumnijs istis teme-
rè acceptor sis: quia illud verissime dictum,
Διαβολή θεοί δενότατοι. ετ τη δύο μέρη σισ οι αδιάσο-
μες, οι δέ οι αδικόμενοι. Calumnia res iniquis-
simæ: in quâ duo quidem sunt qui inferant
iniuriam, unus qui ferat. Tu ne alter ex ijs
eis, & hoc Menandri cogita:

Οὐκ δὲ φεβολῶσι πεθεῖ ταχὺ,
Ητα πανεῖς ἀνός θεὶ τὰς βόπτες,
Η πατέτασι παιδαρίς θυμόνες ταχ.

Calumnijs quisquis fidem præbet citò,
Aut ipse mente moribusque est im-
probus,

Aut mente eâdem cassus, & prorsus
puer.

Vale. Antuerpiæ. Kal. Sept. 10. XCII.

EPISTOLA XCVIII.

I. LIPSIUS IACOBO MONAVIO.

INCOLVMEM te redijisse ex Pannonicâ
peregrinatione (Ortelius indicium fecit)
ex animo, mi Monavi, gratulamur, &
Deum rogamus, vt in patriâ quoque talem
te seruet. Nos adhuc in peregrino solo apud
Eburones: vrbe, in quâ olim & nunc, in nos
proni & benigni. Tamen deliberamus sub
xsta-

extatem de sede aliâ, & magis certâ : si quid tamen certi in hoc motu rerum. Nam quocumque me verti, in hoc ambitu aut palam bella, aut eorum metus. At nos quietem, ut scis, quarebamus: ubi inueniendam nisi in superis illis locis, & aeternum quietis? Tamen de pace nunc aliqua mentio. sed mentio magis, quam affirmatio : & qui statum rerum peruident, parum etiam sperant. Sed cum Poëtâ,

* Verum
Iupiter hac
est Olympi-
pius astru
habitor.
Homer.

A'λλα τε γε ζεύς οὐδὲν δύναμις οὐδὲν εἰπεν.
Ei nos hæc, & nos in te ipsum permittimus: certi, quod non magnam illam solum orbis nauem, sed hanc quoque cymbulam diriget Prudentia suæ clavo. Sed quod ad Quietem, fascinare eam nuper Saturnius quidam oculus voluit, calumnij in me iactis, quas vidisti. Voluit, non fecit. nam nos hæc talia adeò ad animum non admittimus, ut vix ad oculos : & sciunt amici, quam multis denique mensibus post inspectus mihi hic libellus Curiosi & audi quid simus talium ? quæ certum nobis est contemnere magis, quā vindicare. Atque adeò, bonâ fide, nec nunc vidisse: nisi ijdem monuissent, inesse quædam, quæ non ad famam doctrinæ nostræ solum pertinenter, sed & probitatis. Inspecti igitur, & quid dicam ? Scriptum vniuersum est compositum ad inuidiam pariter & infamiam, quam mouet mihi apud homines singulos, & apud gentes totas. Deus immortalis, hanc acerbitatem cadere in Christiana pectora? idque ob leues aliquos, scænatiles, & ut grauissimè dicas, improvidos iocos? Nam in Westphalos ecce aliquid dixi. Hoc caput, hæc arx accusationis est. Testor fidem, Monaui, animo & mentenihil neclusse quidem in ipsum, sed in ea, quæ ad ipsum. Vbi virtuti eorum aut robori aliquid à me detractum ? De cultu dixi, & genere vitæ externo: quod valde elegans apud ipsum esse, nec ipsi quidem dicant. Atqui nefas illa tangere. Quid Erasmo igitur fiet, qui tam vberitatem & liberem illusit in hospitia omnia Germania ? Quid Clenardo, qui in Hispania ? Nec tamen usque adhuc vidi mus, qui dicam ijs scripsit. Ferri solent & possunt hæc talia, amœnitates, aut si vis, lasciviae ingeniorum: nec oderunt hos sales, qui salem ipsi habent. Ij sciunt, dicta à maledictis, & hæc à maleficiis differre. At iste capitum etiam me anquirit, & (verba eius sunt) crucem mereri hæc, crucem. Credo sane, sed eam, in quâ Cupido apud Poëtam

I. LIPSI Operum Tom. II.

adfixus, iocularem. Sed extra iocum, si quid in Epistolis illis nimium aut asperum est, quæso, è nostra mente molliatur: quam palam testor numquam fuisse ad lendum. Verba quædam si ire videntur longius, reuocanda sunt, nec id me facere pudebit publicè, &, ut sic dicam, in ipsis Rostris. Utinam peccus hoc videant ! nunc est, & fuit. Humida sunt illa & lapsantia quædam verba, & nata non nisi in summo ore. Quid, quod in morbo nata? ille excusat. Querulum hoc genus, & præsertim nos, quos atra hæc bilis vexat: quæ cùm exar sit, * Εὐμαρέως κεράπ' ἀυτῆς ηγέλη χρυσοῦ φανεῖται. vt ait Poëta. Atqui Germanos etiam vniuersos læsimus, quibus paſsim (ita inquit) tam stultè, quam ferociter insulto. Quæ frons Theocritam infrunita hoc dicit ? Ego Germanos? parentes illos maioresque nostros ? Nam ita scio & sentio, nos Belgas plerosque origine illinc esse: & quamquam positi locisque Galli sumus, tamen stirpe & sanguine Saxones, & læti libentesque audi mus INFERIORES GERMANI. Vbi igitur, aut cur læsi ? Dicta & scripta mea excutiantur, latebra nusquam in quâ hæc calumnia delitescat. Quin contrà, diserta & exserta verba & laudem & elogia gentis, alijs inuidenda. Scripsi & edidi in commentario ad Germaniam Taciti : CANDIDAM GENTEM : &, CASTVM ORBEM : &, MAGNAM MEAM PATRIAM : &, fastigium, si examinas, omnis laudis, PACE ET BELLO OPTIMAM GENTEM. Quæ vis imagis honora, magis viua & spirantia verba ? Tamen cumulaui, & ecce iterum ad Annalem Taciti decimumtertium, PVGNACISSIMA ET FIDELISSIMA GENS. Et in Epistolis : HOMINES ETIAMILLA TELLVS (Germania) ALIT, INGENIO DOCTRINAQUE PARES NOBIS, FIDE ET VIRTUTE MELIORES. Ades liuor. quis germanissimus Germanus potuit de matre suâ benignius ? Nec usquam læsa à me hæc pietas (ita loquor, & sentio:) nisi si quid ioculo in bibones quosdam, &, ut hoc quoque ioco, * καλίκης ἐπέρας. Sed ille Calicum ren igeris non contentus hoc mare in me commo- sue etat uisse, Imperatorem ipsum concitat, & Apud bones. postulat me Maiestatis. Ius, inquit, eius Athena. minuisti, in laureâ Poëtarum. O homo, nec personum in illo somnio feci. Sed tu colligis, ut video, omnium sermonum aurulas, & ijs vela tua ad calumnian-

K dum

dum imples. Fuit res in inuidiâ aliquâ, fateor, recenti illo scripto: tracti in causam per eos qui iure læsi, etiam qui non læsi. Sed seorsim postquam Epistolâ excusauit & aperuit (exstat in Saturnalium nostrorum fronte:) omnis ista bilis soluta est in risum. Quid enim aliud schemate illo (non sanè scommate) volui, quâm quod verbum vetus: *Multos Thyrfigeros esse, paucos Bacchos?* Et hoc sciunt, & dolent illi ipsi, quos merito suo cinxit Phœbæa illa laurus. Ad Imperatorem quidem quid istud pertinet, si sint qui imponant & obrepant? Ego tantum absum, vt hædere aut illudere voluerim Principum illum principem, sacrum caput Christiani orbis: vt contrâ ab adolescentiâ cultum omnem venerationemque detulerim ipsi, & eius genti. TACITVS meus cum præfatione ad MAXIMILIANVM iuit, Imperatoris huius Patrem: Electa ad Archiducem MATHIAM, eius fratrem: POLITICA nostra, ad HVNC IPSVM & Christianos reges. Cur non facerem? deberi mihi hæc & alia meliorum ingeniorum libamenta visa, *domui ad summum fastigium genitæ*, arci & propugnaculo vnico in æternum illum hostem. Hæc sunt in vniuerso illo scripto, quæ digna reiectio ne aliquâ censui. nam reliqua sunt conuicia aut scommata insalsa, illepida, nata inter haras.. Peponem habet loco cordis, quem ea delectent. Atque ego, quid me opponam? Spreta illa exolescent: & vt in omni alio certamine, qui vincit, corona tur, ita contrâ hîc est, & accipit herbam, qui eam dedit. Nos scimus arbores quæ iuxta vias sunt, saxis & fustibus peti sæpius: & homines linguarum his telis, qui in limite melioris famæ. Non tamen ea no cent: imò iuuant. & vt frumentum tritura folliculos exuit ac deponit: sic nos concussiunculis illis paleas, si forte, vanitatum. quas nimis sæpè animis adhærescere è tractatione istâ litterarum non est negandum.

Lia. III. Oraculum est, *Nimiâ gloriâ luxuriare, & euangelicere viuida sæpè ingenia.* Interueniant igitur ut iliter hæc conuicia: & quod amicorum lenis spongia non eluit, deterat & defricet scaber hic lapis castigationum. Hæc nostra mens est, nec nunc solum, cùm folia in me cadunt, sed etiam cùm arbores (sunt, vt hoc æcum est:) nec aliud, quâm Palladium illud scutum pectori appreserim, NON MOVERI. Misericordia quid ad hoc

sciamina producimur? quid lucretiusculis istis nobis volumus? Ecce mors supra caput, & superum istud tribunal, ubi non scripta nostra examinanda sunt, sed facta. Sapiamus. Mihi quidem deinceps certum, Deum per maiorum vestigia constanter colere, studia & ex ijs famam non negligere, quatenus tamen ea usui Reip. esse possint, aut iuuentuti. Quod si interea homines me contemnunt, aut incurvant, contemno: & cum Achille clamo,

* Φερίω δὲ πεπονιῶς Διὸς αἴση.

Ecce habes, mi Monaui, longam, & pænè præter leges epistolæ, epistolam: sed prouexit me res ipsa, & filum istud responsionum: tum etiam hæc caussa, quod tibi homini Germano, & inter eos claro, probare nostram caussam voluerim: maximè duplcam, quæ ad gentem, & quæ ad Cæsarem: amandam à me semper illam, & hunc colendum. Vtrumque facturus sum Monaui & tibi. Vale. Leodici, Nonis Ianuarijs, &c. I.O. XCII.

* Spore me honoratum facio Ionis effa. Homer.

E P I S T O L A XCIX.

ABRAHAMO ORTELIO S.D.

EN mi Orteli illam ad Monauium, quam elegere te adeò non veto, imò volo. Scripta per hanc occasionem est, & quia quærebat ecquid in illum vellem? Scripta inquit, de ipsâ re, & breuiter, sed fortiter sati ad me purgandum. Reliqua nolui tangere, quæ in me ferè dirigit, & nihil ad ARAS FOCOSQVE PATRIOS: & ea ipsa cùm glacie fragiliora sint, quid insistam? Caeve autem tu aut alius alio me traxeris: longius non ibo. Si stimulos pugnis cædis, manibus plus dolet, ait noster: non alius hîc fructus. In Busbequij morte, & tali morte, in animo meo dolui. Seruatum hunc virum per tot discrimina, apud exteris, apud barbaros, vt in limine ferè patriæ latronum manibus (ita audimus) periret? Sed cùm recogito, quacumque viâ illa venerit, mors est: & paucis viris magnis contigit illa, quam Augustus optabat & habuit, * in Æra- ræcia. Sed loco eius * d'omua contigit, & sua uem famam reliquit doctrinæ suæ, prudentialiæ, probitatis. Nos quando ad hunc portum? Magis appetimus, cùm publica & priuata hæc naufragia videmus amicorum. Sed fiat quod Deo, & cùm Deo, vi sum:

* lenitus
mortis.
fama
bonitas

sum : cui parere , & velle quod ipse vult ,
summa non sapientia solum est , sed tran-
quillitas & quietes. Vale mi Orteli. III.Idus
Januar. &c. I. xcii.

EPISTOLA C.

ABRAHAMO ORTELIO S. D.

VIDI epistolam meam diuulgatam ,
& dolui , quocumque casu aut culpâ
id factum. Seriò loquitur. Hocne oportuit
me inconsulto ? & an sic oportuit so-
lam? imò & corruptam? Nam immutata
in eâ quædam aut omissa , quæ vel opti-
mè à nobis dicta. Ego Monauio non qui-
dem irascor (quî possim tam amico?) sed
tamen subirascor , quòd passus sit exscribi
ab hominibus , vt res docet , parùm fidis.
Atqui beniuoli illi mihi. Credo , sed an
quisquam supra me? Vulnus ego meum

optimè intelligo & sentio , atque vnà me-
dendi tempus. Sed enim edi merebatur.
Quis præsumit sibi hoc iudicium ? mihi
debebatur : nec feram in parente , si viuat ,
vt hac in re non dicam plus me , sed aliquid
sine me possit. Tamen factum est : quid
ergo faciam ? nisi illud

* Τλίσομαι , ἐν σύλλεων ἔχων θελαπενθέα θυμόν.

*Perpetiar,
tolerantem
animum
isto in pe-
tore gestæ
Homer.

Vndique mihi materies ad Patientiam ,
& latus campus in quo exerceam hanc
virtutem. Sed iterum dico , Monauio non
irascor : quem PECCASSE pronunciare non
possum , sed PARVM CAVISSE. Ego in poste-
rum : et si quî possum , nisi vt planè stilum
coërceam & hanc manum? Vnum est quod
melenit aliquid & mitigat , quòd epistolæ
eius me non pudet , & recitetur vel in thea-
tro Europæ. Tamen exempli improbi res
est , nec probus aliquis neget. Vale mi Orteli.
Leodici , VI. Kalend. Iul. &c. I. xcii.

L. APPULEIVS I. FLORIDORVM.

Hoc quoque genus inuenitur , qui meliores obtrectare malint
quam imitari , & quorum similitudinem desperent , eorum-
dem affectent simultatem : Scilicet vt qui suo nomine obscu-
ri sunt , aliorum innotescant.

APPROBATIO.

*Nihil continent hæ Epistola fidei Catholicae aduersum , aut quod quemquam
merito offendat. Actum Bruxella, 4. Augusti. 1592.*

Cornelius Worzel. S. Th. Licentiatus,
D. Gud. Plebanus.

I V S T I L I P S I
EPISTOLARVM
SELECTARVM
CENTVRIA TERTIA
MISCELLANEA.

I. LIPSI Operum Tom. II.

K 3

AMPL^{MO} ET NOBIL^{MO} DOMINO,
D. IOANNI DRENCKWAIRTO
 EQVITI, TOPARCHÆ DORMALIAE,
 SVPREMO BELGICÆ THESAVRARIO.



ENTVRIAM hanc MISCELLANEAM ad te mitto, non munus, sed particulam luendi æris, quod vatium & multiplex fatemur debere. Decem anni sunt, cum me beneficijs alijs super alia cumulas: vt non dicam relationem, sed actionem gratiarum studio videaris præuenire. Quid autem vel nunc refero? EPISTOLAS, plerasque ipsas ad te missas: & vel eo nomine tibi inscribas. Sed EPISTOLAS cum dico, quid nisi rem leuem & subitaneam, & intra verba consistentem dico? Sanè argumenti aut grauioris materiæ hīc parum est: etsi alibi aliquid intercurrit: sed quæcumque, nec felicibus bonisque temporibus, cum flos & acumen ingeniorum fuit, repudiatum ab editione & à famâ hoc genus. Epistolas quidem scribere, commune &, vt sic dicam, passiuum est: benè scribere, infrequens, etiam in communis & frequenti aliquâ linguâ. Eò magis iure laudem poscit, si quis in Romanâ præstat, iam olim desitâ: & quæ tamen diuinâ prouidentiâ vinculum gentium in Europâ hæsit, & thesaurus ac conditorium scientiarum. Quid? inquies. tanti ergo Latinè scribere? non: sed sic subito & in festinationis illo calore, & sine industria colore scribere, id fortasse pretium habet, apud peritos quidem arbitros rerum & ingeniorum. Nam si studium hīc & affectatio appetet, nihil est: simplex hoc genus est, sine fuso aut paraturâ, &

Qualis Apelles est color in tabulis.

Atque ego de elegantiâ nescio, sed de facilitate aut (vt liberè dicam) neglegentiâ scio: & quām nobis hæc sub manu seri nasciisque soleant, celerius fortasse quām scribam. Itaque velut præcoces quidam fructus sunt, ijdemque fugaces: qui tamen & vestris magnatum mensis inferri solent, & gratiam festinationis mereri. Quæso apud te, Amplissime Domine, ita sit: placeant quia in affectata sunt, quia candida & aperta sunt, simillima ingenio & moribus tuis. Scio equidem graues seriasque tuas curas, in officio laborioso & addam inuidioso: & in quo non dicam gratiam mereri, sed odium vitare difficile est. Quod tu tamen multos annos est, cum ita sustines, vt industriam fidemque tuam Regi anteà, nunc Principibus probaueris, & communiter omnibus integritatē, & animum ab omni labe aut corruptelâ immunem. Nam tu rationes istas Belgicæ, publicâ famæ voce administras, tam abstinerter quām alienas, tam diligenter quā tuas, tam religiosè quām publicas, & quæ sacrum illud nomen Patriæ tangunt. Hæc tua laus est, & in sedato animo vigor maximarum rerum capax: quem, vt cœpi, iterū rogo, ad hæc etiam minuta, sed fortasse oblectantia, demitti. Legistine Achillem inter media arma citharam & fides interposuisse, & animum ægrum curâ aut offensâ recreasse? Idem facito, hæc vt ludicra sumito: sed ab animo tamen serio & graui profecta, & in cultum tui deuoto. Louanij, v. Kalendas Martias. &c. I. c. II.

I N D E X
EPISTOLARVM SELECTARVM
CENTVRIÆ III. MISCELLANEÆ.

A	BRAHAMO Ortelio	xij.	Iacobo Marchantio	xxiv.
	Aegidio Schondoncho, Soc. Iesu	lxxxij.	Iacobo Pontano, Soc. Iesu	xxxiv.
	Antonio Richardoto suo	xcij.	Iano Grutero	xcvij.
			Iano Lernutio	lxxvij.
B	Balduno Junio suo	xlix, lij.	Ioanni Baptista Perezio Baronio	lxx, xcij.
	Balthasari Moreto suo	lxxxix.	Ioanni Bernartio I ^o	xxvij., liv, xcij.
	Balthasari Robiano, Senatori	lxxvij.	Ioanni Bezantenotto	lxvj.
C	Carolo Clusio	xvi.	Ioanni Brantio, Graphiaro	xx, xxxvij.
	Carolo Vcenhouio	xxvij.	Ioanni Carolo Enobardo V.N.	xlj.
	Claudio Frossardo à Broissia ad Contubernales suos	cviij.	Ioanni Drenckwairto, Thesaurario supremo Re-	
	Cornelio Anchemanto suo	lj.	gio, x, xiiij., xxij., xxvij., xxxvij., xlviij., liij.,	
	Quenzio Prunio V.C.	lxxij.	lxij., lxvij., lxxvij., xc.	
D	Danieli Susio V.N.	xvij.	Ioanni Hemelario	lxxxiv.
	Dionysio Villerio V.R. & Cl.	lxxx.	Ioanni Hollandio	xciv.
E	Erycio Puteano suo	lxvij., c.	Ioanni Moreto, Typographo	j, xxxvij.
	Euerardo Pollioni I ^o	xxxii.	Ioanni Orano, Presb. Soc. Iesu	xlv.
F	Francisco Billiodo	lvij.	Io. Seurio, Legato Hispanensi à Secretis	lxxiv.
	Francisco Modio	xvij.	Ioanni VVouerio suo	xliv, xlviij., lxxxvij.
	Fráncisco Mötmorencio Berseij Toparchæ	lxxxvij.	Isaaco Casaubono	lxix.
	Francisco Orano suo	lxxxvij.	Iudio Salinero	xcvij.
	Francisco Schotto, Senatori	xxxij.		
G	Gedeoni Tserbendrixio V.R. & N.	lv.	L	
	Gerardo Buytevechio	lxxxij.	Leuino Torrentio, Episcopo	cviij.
	Guilielmo Barclayo	xxxij.	Leonardo Leßio, Theol. Soc. Iesu	xix.
	Guilielmo Beeckmanno I ^o	xvij.	Luca VVyngardo V.N.	lxxix.
	Guilielmo Michielso I ^o	xxvij.		
	Guilielmo Scarbergero suo	l.	M	
H		Nicolao de VVeerd ^t , I ^o & Cognato	lxvij.,	
	Hadriano Vander-burchio, patri	lxxxij.	lxxxvij.	
	Hadriano Vander-burchio, filio, Senatori	lvij.	Nicolao Hacqueuillio	lxj.
	lxv.	xxvij.	Nicolao Oudarto V.R.	lvj.
	Henrico Schultetio	xcvij.	lv.	lv.
	Henrico Vveno I ^o	xlviij.	Nicolao Serario, Soc. Iesu	
	Hermanno Malleano	xxv.		
	Huberto Audeiantio	xxxix.	O	
	Huberto Giffanio I ^o	xv.	Othoni Hartio I ^o	xij., xxix.
	Hugoni Grotio	xcix.		
I	Iacobus Angiano, Equiti, Toparchæ Kestergatij	xc.	P	
	Iacobus Campio, Archidiacono & Canonico	ij.	Petro Lafallio, Caroli F.	xliv.
	Iacobus Carondeleto, Cancellario & Canonico	ij.	Petro Orano F ^o	iv, xxij., lxxxv.
			Petro Pantino Decano	lxiv, lxvij.
J				
			R	
			Retraclo Roberti	lxvij.
S				
			Stephano Turnebo, Senatori	xxxv.
T				
			Theodoro Cantero	lxv.
			Vibrando Ans kema	lix.

IVSTI LIPSI

• EPISTOLARVM SELECTARVM
CENTVRIA III. MISCELLANEA.

EPISTOLA I.

I. LIPSIUS IOANNI MORETO,
Typographo S. D.

SERIÒ & uno verbo, mihi Morete, semel hoc crede. quidquid à vobis ad me venit, gratum est, iucundum est: & meritò istæ tuæ litteræ, sincerissimi affectus in me plenæ. Nolo cùm testēris: scio. nec pariter ullus vñquam Plantinianus ramus erit, quem ego non amem, & cui non benefactum velim ex imo isto fonte. Osten-dam hoc semper, quamdiu melior illè sp̄ritus diriget hoc corpus. Sed hæc non nieces-faria: precibus tuis respondebo, quas velut publico nomine ad me defers. Thraseam tuum, inquis, flagitant omnes. De multis, mi Morete, credo: multos etiam aliter esse censeo, & quibus hæc nostra nec grata valde nec magna. Quæ iudicia ut nec magni ipse facio, nec planè tamen sperno: ita hoc facile apud me impetrant, vt differam opus, si non vt omittam. Philosophia ista non pro omnium gusto: & calumniam vitare fortasse melius, quam deprecari. Munus au-marij, in quo chartæ & epistolæ nostræ re-condantur, an non gratum sit te mittente? gratissimum: sed & re atque vsu opportu-num, & hactenus desiderabam. In oculis aut manibus cotidie erit: & quod sequitur, cius auctor. Ergo gratia tibi esto & dicta, & reposita: tu aut tui apud me inuenite, & amandi semper amate. Lug. Batau. v. Id. Decemb. 10. LXXXIX.

EPISTOLA II.

IACOBO CARONDELETO, *Cancellario*
& *Canonico*, S.D.

HAUD iniuriâ mihi gratularis, de felici aduentu ad Spadanas aquas. Certè per multa discrimina, & molestias, huc venimus: è quibus illa Deus depulit, & has mitigauit. sine illius præsenti numine & auxilio, per tot ambages viarum, in hac afflictâ

valetudine, nunquam venissemus ad propositam metam. Sed illi gratia esto, iam hic sumus: atque eo animo sumus, vt non ultra reuisamus ambiguos, & bonis parùm gratos, locos. Quæ ipsa caussa deferendi. Stratuimus in vicino tractu menses aliquot (for-tasse & ultra) agere, & in quiete ac solitudine abdere nos in vetera illa Musarum castra: Rogo eumdem illum Deum, vt cum publi-co bono. Quòd autem amorem tuum præfers, & testaris: ille verò mihi notus: occasio mihi sit, pariter testificandi & declarandi mei. Dionysium Villerium iampridem ego noui, & amo hominem verè elegantis inge-nij, niuei pectoris, & prorsus de meliore lu-to. Imò hoc te magis amo, quòd tu illum. Mihi valdè in votis, eiusmodi viros amplecti, & alloqui; magis, quam omnes Princi-pes & Dynastas. De nūrmis priscis, còram videbimus: capior, atque etiam aliquid capio. De fluctibus qui imminere nobis, ex præfagio illius Calchantis, videntur, non abnuo:

* — *Hūn ἃ μέτα πῆμα καλόνθι*:
sed tamē de exitu haud valdè angor. Quem Deus diligit, per equa per iniqua, per fluxus & refluxus perueniet ad suum portum. Vt-nam ego ad illum salutis! salutis inquam duplieis: nam & hæc corporis, videtur per fontes vestros etiam affulgere. Sed adhuc incertò: momentum tamen & * *ποπὴ ad inc-* * *inclinatib*
liora. Vale R. & Nobilissime Vir, & nos sub metam septimanæ proximæ exspecta. Nam rumor hic de Aulâ, ad quod nomen fugio.
vii. Kal. Iulij, 10. XCI.

* *nām nō
bus magnis
calamentis
voluntur.*
Pind.

EPIST. III. *Moguntiacum:*

IACOBO CAMPIO, *Archidiacono*
& *Canonico*, S.D.

DRAESENTIS tui vultus, & in vultu ipso conspicua probitas, me delectarunt: nunc litteræ, hanc ipsam præferentes, & in me amorem. Gaudeo, & redamo, atque ut litteraria hæc colloquia frequentemus, te rogo. Nummos accepi, atque aliquot Inscrip-tiones suo nomine gratas, tum & illius, à quo

quo profecta. Quis studium hoc eleganter in viro nobili, & Germano non amet? quæ gens, nescio quomodo, parùm adhuc eò inclinavit: sed cùm eiusmodi proceres viam facient & præibunt, facile istas Lunas sequentur minorà illa astra. Deus faxit, & vt huc potius se dent, quām ad inutiles & noxiæ illas super Religione disputationes. Vno verbo. ego Cancellarium vestrum amo, & beniuolentiam pariter eius in me probe neficio amplector. Cur non vidi eum, cùm essem in vestrâ vrbe? Nam ad hoc quidem temporis largiter fuit: sed credo absfuisse; aut de tali viro, & virtute neminem indicium mihi fecisse. si adfuit, & siluisti, tu mi Campi peccasti. Ego salutē, & obsequiosum animum illi defero; & tibi mi Campi significo, me in Eburonibus & nunc esse, & videri futurum hanc hiemem. Amici sunt, qui detinent, tum & locus & vrbs amena, & caput, quòd res in patriâ nostrâ eo loco, vt nemo ad eam adspirare possit, cui grata & amica quies. Sed nec securitas in plerisque oppidis, Batauo inualesce, & nostris per secordiam, aut pessimam disciplinam infirmis. Meotium capit, non illud solutum, & languidum, sed quod libri, & lucubrationes alant, ac vegetent, & quod aliquid egisse nos, etiam cùm nihil egimus, apud posteros testetur. Paro igitur plura: promptius, si diploma nobis, & interdictum à Cesare esset, ne quis nostra statim (vulgo iam fit) recuderet, & imitaretur. Fit cum Typographi damno, fit eum meâ fraude, cui via adimitur addendi, immutandi, castigandi. Spero me in ipsâ Imperatoris aulâ amicos repertrū, sed per quos id confici, aut impetrari maxime debeat, ignoro. Tu si scis, me quoque scitiorem facito, & magis magisque tibi deuinctum deuinci. In Eburonum dominâ vrbe. xi. Kal. Sextilis. 10. xcii.

E P I S T . IV. Leodicum.

PETRO ORANO I^o.

Hevs tu, suauiter herè vnâ fuimus: & quid dicam nisi me à confortio vestro mores ducere, & paullatim hilarescere? Deus faxit, remittat ille ater humor, quid nisi pater curatuim & atræ mortis? De floribus meis dicebam, & inuitabam, & nescio quid promittebam. O benignitatem in inopia! Leidae aliqua nobis copia,

Huc vna è multis capsula me sequitur.

Tamen veni, vide, cape. Incito te? Carmine

etiam facio: sed quod à prosâ istâ vix abit, & quale sub manu solet nasci.

PETRE, iuris & elegantioris
Musæ candide cultor, & sacerdos;
Quem ni sic amo, vt hos meos ocellos,
Atque vt tu geminos tuos puellos,
Iupiter mihi perdat hos ocellos:
Quando ad me venies, meosque flores?
Namque & gestio ego ipse te videri,
Atque illi mage gestiunt videre.
En Sol purior hic, & aura Veris,
Pinxit, vt Babylonicum tapete,
Nostras areolas. veni, videbis,
Gaudebis quoque. namque pars eorum,
Herculi vt decime, tibi sacrata est.
Ecquid te traho? sed veni, peribunt
Illi, ni properas tuumque donum.

E P I S T . V. Heripolim.

NIC. SERARIO, Soc. Itali S. D.

CVM usurâ salutem tribui, quæ epistolam bonam & vberem ad me traxit. Ita liberalis es? tamen, non mentiar, illo pænè fine misi. Quid dissimulem? amare te cœpi, cùm ob tua bona quæ ille ab alto tribuit, tum quia audiebam quòd me amares. Non debuit diutiùs quasi sub cineribus delitescere hic ignis: quin, quia honestus est, exserat se, & chartarum isto adminiculo det flammam. Ergo aperte iam mi Serati, amo te, & cupio à te amari. Spem facis, aut potius fidem, ita esse: atque ego non desistam, & donec oculi isti claudentur, non claudet hic affectus. Mittamus blanda. Leemptiuin meum (ita appello. amo virum, & longi molestique itineris mei comitem fidum) honore apud vos & titulo publicè auctum, gadeo: & scio meruisse. In patriam iuit, vtinam labascenti illi fulcrum! quod vix spero, ita omnia non ad inclinationem spectare videntur, sed ad ruinam. Pax quām proteruerit reiecta nuper, & illa Pindari * ιονχίν φιλόφερο, δίκης Συάτη? Omisera, exsulat ab Europâ: quia nec diu sedem habitura videtur in Germaniâ vestrâ. Illi Martiales iterum ad suum Martem: vellem ob aliam caussam, quām istâ. Sed hæc infelicitas nostri æui est, innouare, turbare, pugnare: & id specie Pietatis. In eaipsâ, hortaris vt in meis refingam vbi opus, aut certè illustrem. Iamdiu statui, impediunt aut tardant partim typographi, partiū quòd circumagimur, nec fiximus adhuc stabilem sedem. Scis quietæ mentis, imò & temporis, esse

* tranquillitas benigna, iustitia filia?

esset ale aliquod opus. Atqui conabor. & si mors præuenit, testor me alienum ab omnino nouitiâ opinione aut errore, firmum in veterum scitis. Vale. Leodici, xvi. Kal. Maijas. ∞. I. xcii.

EPIST. VI.

Leodicum.

DANIELI SVSIO IACOBI F.V.N.S.D.

Vr audiui de morte optimi patris tui, et si ipse doleam, tamen erexi me ad te solandum. Scio quām afflicteris; & inter alias virtutes, noui tuam pietatem. Sed mi Susi, debuisse illum mori non ignoras: & si tempora, & ea quæ circumstant, aspicis, fateberis, non potuisse opportuniū mori. Æuum pessimum, & vix in spe correctionis: vt felices merito censeamus, & verè ~~magistrat~~, qui educti. Ip~~s~~ in ætate quoque iam pessimā, & non senex sed senior, cùm illud Lucretij locum habere incipit:

Claudicat ingeniu, delirat linguaque, mensque.
Itaque si vñquam etymon illud Gr̄ecorum habere fidein debet, in his talibus potest: *τὸ γῆπας, ὁ δοῦλος τὸ γῆς ἐπῶν, dictum esse. Ipsi, inquam, qui in eâ ætate, abire desiderant, extra miseras suas, & ludibria aliena. Iam quicquid optandum homini, & quæ vitæ longioris caussa esse & votum solet, ipse adeptus. optimam famam, liberos propaginem stirpis, atque eos in fortunatis coniugis, iterum ad propagandum. Alia quæ in te vidit, apud te non dicam. Optare debuit mori, in hoc sereno Fortunæ, & priusquam nubes aliqua offuscaret. Addo, quod caput est, in mortuum piè, & in sano de religione & Deo sensu. Itaque ne mortuus quidem, sed terra h̄ic relicta & terræ reddita; ipse immortalis in cælū migravit, ad immortalem illum patrem. Hæc te solentur. nec absentiā eius cogita, quin vñā vbi sit cogites: & si pius es, in æterno eius gaudio gaude. Facturum te confido, & habes qui quod ego breuiter & aridē, copiosè & vbertim tibi instillent: inter eos, Delrium nostrum. Animum tamen meum vides, quem scito in amore tui esse & fore firmum. Louanij, vi. Id. Decemb. ∞. I. xcii.

EPIST. VII.

*Antuerpiam.*LAEVINO TORRENTIO *Episcopo.*

ADOLESCENTES eos vidi, quos per epistolam mihi commendas: nec frustra. Quid enim tu à me frustra? quin ita prom-

ptè volo, & debo, quidquid voles, vt admoneri modò debeam, non rogari. Et sàne in istâ re litterariâ, libens etiam officium confero; quia censeo in publicum me impendere, quicquid ad culturam facit nostratum ingeniorum. Paucos per hæc bella, omnino paucos, ad artes nostras adspirare non ignoras: & eò magis prouehendi sunt, si qui adspirant. Quæ enim tesp̄. tandem futura, si veteres, vt sic dicam, arbores excidantur aut concidant, nouellæ stirpes non depangantur in earum locum? Vastitas profectò, & tenebræ, & boni honestique inscitia, &, quod sequitur, contemptus. O vir magnæ, si plerique, qui ad tempub. sedent, hæc tecum iuxta intelligent! maior certè honos aut cura esset eorum, qui has artes profitentur aut ornant; nec sic iaceret hæc ipsa (Louanium dico) earum sedes. In quâ, præter veterem nominis dignitatem, quid pænè reliquum? nec publicis opibus, sed famâ suâ dixeris eam stare. Et tamen stabit, nisi vniuersa ruina patriam hanc inuoluit: à quâ nonnullus mihi interdum metus est, euentus istos improsperos, & magis caussas eorum intuenti. Sed benignus ille Deus, semper nostri tutor, auxiliabitur: qui te quoque R^me in C.P. scrubat Ecclesiæ & Reipub. fulcrum. Louanij, III. Idus Sept. ∞. I. xciii.

EPIST. VIII.

Dolam.

CLAVDIO FROSSARDO A BROIS-SIA S. D.

AMOREM ego, non audaciā interpretor, mi Claudi, quòd ad me scribis. Etsi enim varij interpellant, & verè dicā, melior diei pars scriptiunculis perit: tamen numquam mihi graue, capere aut reddere literas ijs, qui tui similes, in virtutis & doctrinæ viâ recto cursu pergunt. Est etiam naturâ insitum, vt amemus fauoramusque ijs, quos putamus operâ nostrâ meliores, aut instructiores. quo in numero censere te non desinam, qui aliquamdiu cum affectu & industriâ nos audisti. Et nunc patria tua te habet, magis loco alio quām animo, vt confido; & pergis haud dubiè in ijs, quæ benè cœpisti, & exstrues ædificium, cuius iacta iamdiu fundamenta. Deus faciat. & (ne aliò te mittam) pater tuus, vir magnus, tibi sit in oculis, quem ad culmen hoc honorum ea ipsa studia artesque duxerunt, ad quas te vocamus. Vixi ipse olim in eâ vrbe vestrâ, sed

sed non longum: & specimen etiam tunc aliquod publicè dedimus ingenij, aut facundiæ, siquid in nobis erat. velim scire, ec- quid schola nunc floreat? vereor ut minimè, cùm motus, si non vestros, vi- cinos tamen video, & Martem ac Bel- lonam vbiique in pretio magis, quam Phœ- bum aut Musas. Istæ vices rerum sunt, & magnus ille gubernator, modò temporum lenem aliquam mitemque æstatem inducit; modò asperam turbante inque hiemem. Fe- renda omnia; & exspectanda ac votis expe- tenda meliora. sed vita in primis: quæ si emedata, profectò hæc quoque brevi emen- dentur. Vale mi Claudi, & Amplissimo pa- renti tuo officium & salutem meam defer. Louanij, VII. Kal. Febr. ∞. I. xciv.

E P I S T . IX. *Vratislaviam.*

MATTHAEO WACHERO *Cancellario*
Silesie S. D.

Si à frequentiâ scribendi animum meum
æstimas & amorem; malè audiam ne-
cessè est, & deseruisse videbor militiæ huius
signa. Quod non ita est, spondeo: sed laxat
me, & velut coimeatum aliquem liberio-
rem dat, valetudo. Pares non sumus, quod
apud te profiteor, reponere tot epistolis,
quas vndique & assidue missas lectitamus.
Tamen vos mihi pauci illic eximij; & ipsa
cessatio etiâ habuit caussam, vt in occasio-
ne te affare. Ecce data est, scribo, & vnâ li-
bellos de CRVCE mitto. Titulus magnum
aliquid spondet: tractatui autem stilus no-
ster fortasse non respondet. sed vos legite,
& quod amicorum est, iudicate, atque eti-
am indicate. Amo admoneri. De filio,
quod postremis litteris consilium meum
quæsieras, nunc dabo: etsi ex ipso silentio
videre potuisti, quid sentiam. Nam si mit-
tendum huc iudicassem, certè respondis-
sem & id scripsisse: non placuit, ne nunc
quidem. quid ita? non quin iucundū esset,
tuum aliquem, imò te ipsum quodammodo,
hīc habere; sed quia omnia bello etiam
iacent, nec est vetus illa schola quæ fuit.
Exteri non conueniunt, ob viarum discri-
mina, & quia in vicino hostis. Qui Lou-
nij iam agimus, nihil mentiemur, si in libe-
râ quâdam custodiâ nos agere dicemus.
Vestigium extra urbem tutò non ponimus,
& illa prata, campi, siluæ, calcantur aut
adeuntur raro pede. Cur igitur nos ipsi hīc
agimus? quia alia nostra ratio à iuuentute.

Quicscere nobis propositum; illis discere,
tutò agere & iucundè. denique hæc patriæ
mea est, & incommoda etiam eius meritò
fero. Vt parentis aspera aliqua verba, filius
patienter audeat, extraneus aspernetur:
simile hīc esse dicam. Mollit etiam, quòd
Rex & Ordines honestè me & benignè ha-
bent. Sic agimus mi Wachere: vt apud te
omnia benè & votiuè, idque in longum,
Deum equidem rogo. Louahij, Non. Feb.
∞. I. xciv.

E P I S T . X. *Bruxellam.*

IOANNI DRENCKWAIRTO
Thesaurario supremo Regio.

HARTIVM dimittere sine litteris nolui,
illum Hartium in amore vtriusque no-
strum. Et quod me in tuo voluisti, gra-
tias habeo, & in animo agnosco. Non fal-
lunt me aut verba tam benigna, aut ipso
vultus, affectus tui index. Habeo, inquam,
gratiam, & debo: atque uinam in me sit,
quo foueam honestum istu[m] ignem! Quod
quidem petebas à me nuper, de adolescenti
aliquo, quem ad manum & honestiora mu-
nera haberet, qui esset ex meâ institutione:
hoc ipso quid de me sentias video, & statim
dedi operam, vt effectum darem. Scripsi ad
quemda, qui nunc Mechliniæ; sed frustra,
quia fides eius alteri iam obligata. Puta-
bam tamen illum aptum futurum, ingenio,
doctrinâ, moribus. Sed de alio cogitabo &
dispiciam, si eruere alicunde possim. Nam
bonâ fide, eiusmodi adolescentum copia
rara est, qui cum litteris Modestiam so-
ciant & Virtutem. Sunt qui in illis aliquid
possunt; sed ferè ijdem vani, elati, & mores
demutant. Scio te vtrumque velle, & à lit-
teraturâ modicè instructum, & à moribus
vel maximè ornatum. Sicut arborum illæ
optimæ, quæ non florem solùm, sed fru-
ctum ferunt: sic hominum, quibus præter
ornamenta doctrinæ, vita etiam est ad fru-
gem. Sed cùm de fructibus, tibi quoque
agendæ gratiæ, qui altiles opimos carduos
ex horto tuo submisisti. Quid remitto? ani-
mum serio semper tuum. Louan. xvii. Ka-
lend. Sextil. ∞. I. xciv.

E P I S T . XI. *Antuerpiam.*

ABRAHAMO ORTELIO S. D.

DISSEREBAMVS nuper, vt scis, in men-
sâ apud Antistitem nostrum de Gestatione:
& erat qui fortiter negaret in esedo
cam

cam fuisse. Contrà tendebam, & sciebam: sed non pertendebam, vt meus mos est, & vincar in talibus cito quām pugnem. Itaque altercationem desij; abeunti tibi & requirenti obtuli, scripto me consignatum, quod eius rei eset. Feci largiter, & totum hunc ritum explicatum, & in oculis ecce habes. Videbis, iudicabis, me amabis. GESTATIO veteribus Romanis crebro, vel assiduo potius in vsu, exercitij & valetudinis gratiâ: idque ferè sub balnei aut cænæ tempus. Quia, inquam, exercitij: ideo Glosæ veteres explicant Gestationem, γυμνασίον: itemque, Gestatorem, γυμνασίον. Sed laxum est, & finem rei, non rem dicunt. Presiùs meliusque eadem alibi: A' iōwεz, Gestatio. & A' wip̄l̄s, Gestatur. Id verum est, & latio omnis aut vectatio in naui, lecticâ, curru, venit in hoc nomen. Celsus per partes explicat libro II. in Capite proprio, De Gestatione. Genera, inquit, gestationum plura. sed tamē levissima est naui, vel in portu vel in flumine: vehementior in alto mari, vel lecticâ aut Scamno: actior vehiculo. Omitto illas in aquis, in terrâ igitur triplex est: Lecticâ, Scamno, Vehiculo. De Lecticâ, notuin est, & * alibi explicauit: Scamnum quid est? dico idem esse, quod Sellam. Nam in Lecticâ iacentes ferè vehebantur; in Sellâ sedentes, ideoque & Scamnum dixerit. Haud sāpē legas. sed in Iuuinalis Scholiaste veteri, huic sententiæ firmamentum repperi. qui vbi Iuuinalis dixerat,

— strata posita longaque cathedrâ: interpretatus est, Cernicalibus stratis, Scamnum dicit. Ergo eo auctore, idem Scamnum quod Cathedra siue Sella. Hæc est quæ Sella gestatoria Suetonio dicitur Neronis cap. x. Vitellij XVI. De duplici isto genere, iunctim ita Seneca De Breuitate vitæ: Ne illos quidem inter otiosos numeraperis, qui Sellâ se @ Lecticâ buc illuc ferunt, @ ad Gestationum suarum, quasi deferere eas non liceat, horas occurrit. De Scamno idem, Epistolâ LV. A Gestatione cum maximè strenuo, non minùs fatigatus, quām si tantum ambulasse, quantum sedi. labor est enim duferri: Posset quidem hoc & ad Vehiculum aptari; sed de Scamno verius, quia dixit, Ferri. Actertia est in Vehiculo siue Essedo. & communiter valde sic vtebantur, & hanc maximè intellegebant. Suetonius Vespasianus: Post decisa, quæcumque obueniebant, negotia Gestationi, @ inde quieti vacabat. Eadem enim illa quasi interpretans Aurelius Victor: Post autem negotiis

LIPSI Operum Tom. II.

tūs, quæcumque obueniabant, auditis, exerceri Vectatione, deinde requiescere. Idem Suetonius Galba: Nec ad gestandum quidem vñquam aliter egressus (ita hæc legerim) quām vt proximo vehiculo secum decies HS. in auro effert. Significat, sic timidum an cautum fuisse Galbam, vt numquam vel leuiter domo egredieretur, etiam ad Gestandum; quin secum altero & sequente vehiculo, decies illud HS. quasi subsidium fugæ (si interuenisset) efferret. Nec sanè quidquam in eâ lectione mutandum est. Seneca de peruerso illo Spanio, epist. CXXIII. Quæro circa horam noctis octauam, quis sit ille rotarum sonus? dicitur velle Gestari. Manifestè dat rotas: ergo essendum fuit. Sic Martialis:

Illi Flaminie Salarieque
Gestator patet effedo tacente,
Ne blando rota sit molesta somno.

Suetonius de Claudio: Solitus etiam in Gestatione ludere, ita effedo alueoque adaptatis, ne confunderetur ludus. In effedo igitur, subiectis equis, aut mulis: & quis vlt̄rā neget? Sanè mulos Iuuinalis adsignat, versibus mox dandis, equos Martialis, in istis:

Gestatus biungis Regulus effet equis.
Quia autem crebra, imò assidua hæc Gestatio; curæ fuit, vt locus eset in vrbe aut villis duplex, Apertus & Tectus. Ille in æstate vsui; hichieme. Et apertæ quidem Gestationes non nisi * arboribus cludebantur ad latera, plerumque infructuosis, & quæ speciem modò haberent. Vlpianus de Vsfufructu: Et si fortè voluptare fuit prædium, viridaria vel Gestationes, vel deambulationes, arboribus infructuosis opacas atque amenas, non debebit deijcere. Plinius lib. XI. epistolar. Gestatio buxo aut rore marino ambitur. Attectæ, porticibus cludebantur, opere & manu factis. Vtrumque genus Iuuinalis tetigit, Sat. IV.

* Vt Xyli.
& sunt ipsi.

Quid refert igitur, quantis iumenta fatiget Porticibus? quanta nemorum velletur in umbrâ?

Nam priora palam ad porticum Gestationam, in quâ effedo cursus. Et posteriora explicat Scholia, Viridaria, vbi solent Gestari. Iterum de Tectis, idem Sat. VII.

Balnea sexcentis, @ pluris Porticus, in quâ Gestetur dominus, quoq; pluit. anne serenum Exspectet, spargatque luto iuuentia recenti? Atque ex Porticus, fortasse & Viridaria, plerumq; rotundæ, & in orbem ibant. Quare? quia in exiguo spatio scilicet, amplior ita vectatio, continens & recurrens. Plinius in-

L dicauit,

dicauit, cùm dixit: *Rore marino ambitur.* Ergo Ambitus fuit: & clariùs inscriptio hæc marmoris, vbi & magnitudo Porticus expressa:

GESTATIO
CIRCINI. EXTERIOR
A DIAETA. APOLLINIS
AD. DIAETA. EANDEM
IN. CIRCVITV. P. oo. CC.
LXXVII.

Has tales, ditiores etiam in ipsâ vrbe habebat, suisque domibus. nec Martialem aliter exaudio, lib. XII. ad Sparsum quemdam:

*Et rus in vrbe est, & initio que Romanus,
Intraque limen clausus effedo cursus.*

Non aliud quām Gestatio clausa tectaque est: eoque non placeat rescribi, *latus effedo cursus.* Noto denique, solum ipsum in his arte factum & duratum fuisse leuiter: vt & concussio leuior esset, nec rotæ inæqualiter imprimarentur. Plinius in laudibus suburbani Comensis, lib. I. Epist. *Quid Euripus viridis & gemmeus? quid illa mollis, & tamen solida Gestatio?* Nam pro ipso loco accipit, vt superiora aliquot exempla item euincunt. Hæc veteres, & pro bono valetudinis, quod res ipsa dicit. Plinius item, lib. XXVIII. *In primis vero prodest (valetudini) Ambulatio, Gestatio, & ea pluribus modis.* Seneca commendat, epist. XV. *Gestatio & corpus concutit, & studio non officit. possis legere, possis dicere, possis loqui, possis audire.* Et de concusione illâ distinctius, epist. LVI. *Mibi tamen opus erat concutere corpus, ut sine bilis infederat fauces, discuteretur; sine ipse ex aliquâ causâ spiritus densior erat, extenuaret illum iactatio.* Sanè litteratorum, & qui menti operantur, exercitium illud sit: doleo perisse, aut certe per mores sine opes à nobis non usurpari. Tu vale ini Orteli. In Musæo nostro, prid. Kal. Iul. oo. I. xciv.

E P I S T . X I I . Bruxellam.

OTHONI HARTIO I^o S. D.

EN, mi Otho, ad nostrū Thesaurarium, (quidni nostrum? ego hercules corde veneror & amo) en inquam, de re quam commisit. Iuuenis de quo dixeram, & qui initio excusauerat, nunc paratus videtur, & rumpet vinculum quod ligabat. Scripsi igitur, & exspecto quid videatur. Si arcessi eum placet, & coram conspici atque audiui; hoc approbera, ne viuis mei suffragio admittatur. Confido equidem fore, qua-

leum volumus, & esse in eo quæ volumus; sed vos quoque dijudicare, quid nocet? imò id opus est, & decet. Rescribe verbo, non longos logos, auocor, & fabri mei strepunt. Adfirmo tibi, per laeuam hanc occupatiunculam iacere studia, & interiores litterulas nostras. Sed non diu me tenebit, abi ædificatio, meam imminuis, res tuas tibi habe. Vale. Louanij, VII. Kalend. Sept. oo. I. xciv.

E P I S T . X I I I . Bruxellam.

IOANNI DRENCKWAIRTO,
Supremo Regio Thesaurario.

Quo d agere cooperath cum adolescenti illo Batauo, vt operam daret tibi inscriptione, & alio ministerio honesto, et si initio remora aut impedimentum fuit, tam en video peregrisse. Peregrisse inquam, quod ad ipsum attinet: qui iam inclinat, & exspecto voluntatis tuae nutum. Si ita sedet, mittam ipsum ad te vt videoas, explores; & transfigas etiam, si approbabis. Evidem falli possum, sed moribus, industria, & mediocri doctrinâ, spero sustinere meam & tuam exspectationem posse. Honestus inter suos est, & natus è Persinis: sed pietas & religionis studium (ama caussam) amouit eum è patriâ, vbi patentes quoque sunt inter planè probos. Cetera, Vir Ampli^{me} tuo iudicio relinquo, quod certum mihi est acre esse & rectum. Verbo si rescribis, mittam eum ad te, & Mechliniæ euocabo, vbi nunc agit. Amplissime & Nobilissime Domine, diu Reip. Regi, & nobis salve! Louanij, VII. Kal. Sextil. oo. I. xciv.

E P I S T . X I V . Antwerpianam.

CORNELIO PRVNIO V. C. S. D.

Evge, ergo benignitatem tuam/ qui misera ad me mittis, non plenâ manu aut sinu, quod dicitur, sed toto curtu. Falebor tibi, velut istu latitiae percussus sum, cum vidi: & horto perpetuum emblemâ & ornamentum inservisti, quo maxime egebat. Nam florum aliquid, fructuum istorum nihil habebam: ut manus vnu non magnitudine solidam (verè tale est), sed opportunity mihi sic gratum. Fecisti quod scripseras, & Ditem patrem ab inferis excitasti, qui non florilegam Proserpinam, sed Floram ipsam rapere & Pomoram. Amo amores, etiam cognatum tuum Difstium, qui

tam promptè, tam benignè, hoc curauit. Quid autem vlrà dicam? etiam illud, pœnitentiam iam agere impudentiæ meæ incipiebam, qui sic confidenter postulassem, quod ipse non haberet. Sed næ ego pœnitentiæ illius magnaþ nunc pœnitentiā ago, cùm successum video, & iùs mihi hoc fuisse in candidissimo tuo amore. Enim uero, mi Pruni, ferrea hæc sunt tempora, liceat etiam vti interdum ferreâ fronte. Etsi mollis ea mihi per naturam est, sed sic desiderium & cupido induitat: qui audìè ista hortensia appeto, auocamenta non à studijs solùm, sed à curis. quas tempora hæc assidue & vber-tim gignunt. Quibus etsi non tollitur lu-men illud, vt sic dicam, mentis: tamen interdum offuscatur, & velut nubeculâ serenitatem eius subducunt. Tu verò accumulas etiam beneficium, & de fenestrîs in nouâ domo iterùm offers. Accepi & accipio, fenestrâs inquam: & duas nomini tuo inscribam. Te autem ipsum V.C. in hoc pectore, è quo nulla dies euellat. Louanij, III. Kal. Oct. ∞. Iɔ. xciv.

E P I S T . X V . *Fngolstadium.*HVBERTO GIFFANIO I^o. S. D.

CVM Francofurtite vidi, & magis cùm Caudiui, decretum mihi certò amici-tiam tecum colere, quâm etiam colo. Nihil in animo remisi, etsi in scriptione fortasse aliquid fuit, variâ vel culpâ vel caussâ. Culpa quidein in ijs, si qui meas (bis enim scripsi) aut non reddiderunt per neglegentiam, aut per malitiam suppresserunt: caussa etiam in me, quem occupatiunculae, & vale-tudinis infirmitas recidere cogunt & im-minuere totum hoc genus scriptioris. Su-mus Louanij, docemus, ædificamus etiam: an non bono magnoque animo, inter me-dias res aduersas? Litteris quidem quid hîc fiat, per te intellegis, nec pueros Musarum nunc in pretio, sed Marris. Apud vos aliter, & video Germaniam totam excoli, & fugi-tiuas è Galliâ artes sedem figere illîc. Longum ita sit, nec magnus ille hostis quietem istam turbet, qui in limite, vt audimus, af-sultat. Ego ab Italîs variè vocor, Pisæ, Pa-tauium, Mediolanum: tenet patria, à quâ tamen vel inuitus auellar, si possidet & man-cipio habet eam Mauors. De Ic^{is} quod re-quiris, nihil mihi nunc in promptu: sed nec otium nostra dispiciendi. Militia me exer-cet, sed vetus illa Romana: & cœpta iam

I. LIPSI Operum Tom. II.

est cudi. Tu quid agas, quî agas, & satin' ex voto tuo illîc & merito, velim scire: & te ætatem valere. Vale V. Cl. Louanij, Idibus Nouemb. ∞. Iɔ. xciv.

E P I S T O L A XVI.

CAROLO CLVSIO S. D.

A RGUMENTVM tescribendi non habe-re, & tamen scribere, certè amoris est argumentum mi Clusi. De quo inter nos ambigere quî possimus? inueterauit iam-di, & vt annosa arbor,

— quantum cvertice ad auras
Æthereas, tantum radice ad tartara tendit.
Sed mitto blandiri. Germanum nobilem, te mystagogo, in amicitiæ nostræ ædem rece-pi: & vt tua elogia sunt, non eam macula-bit. Valetudinem tibi in hac ætate satis va-lidam esse, gaudeo, & diu talem precor: de meâ quod quæris, ambigua est, & vt cum nostro Comico, magis varia quâm pan-thera. Totâ quidem hac ætate aduersa fuit: sperassem meliorem, si Aquis Spadanis vti mihi per terrores vestros licuisset. Videbo quid in proximâ erit, si tamen Deus & hanc dabit. Tu mi Clusi salue, & hunc ineun-tem annum atque alios felix vide. Louanij, III. Kalend. Ianuar. ∞. Iɔ. xciv.

E P I S T . XVII. *Leodicum.*GVLIELMO BECKMANNO I^o. S. D.

N VPER admodum litteras tuas accepi, & hauebam iamnunc respondere, sed muliercula elapsa mihi celerius opinione fuit. In morâ nihil intertrimenti: animus in-te est qui fuit, imò addo qui erit: id est, iu-dicio & affectu tui amans. Iudicium meum meruerunt cùm alia in te, tum modestia: quæ numquam me fecellit radix esse & al-trix virtutis & veræ famæ. Oculi & animus mihi sæpè dolent. cùm alijs iuuentutem istam video, proteruam, lubricâ, vanam; & id in laudabilem omnium rerum ino-piâ, aut raritate. At firma & bona mens, vt ager post quietem, fūctus promittit vbe-res, & non fallaces. In eâ re vtinam contulerit, aut conferat aliquid, consuetudo vel auditio mea. Scio optare, & non minùs tibi fauentem, quâm tuos esse. Tu autem non speras tantum, sed iactas, & inuidiosum exemplum adfers Alexandri & Aristote-lis: quod non agnosco, & scio esse super sorteum nostram. Affectum râmen tuum

L 2 agno-

agnosco & amplector, nec nolo sic errare leuiter, qui doctorem me habuerunt, aut habent: hoc sine, ut ardentius amplectantur aut perseuerent, quæ præscripsi. Duxisse enim & præiuisse ad bona me spero, & porrò volo mi Beeckmanne, vbi occasio aut facultas erit. De Orano iam olim meo, spondere ausim, quod te amabit, iuuabit, pro copiâ suâ & Genio temporum: nec vltra te scio velle. Ego hoc vnum à te, vti me ames, & fratri tuo Canonico affectum hunc à me nuncies cum salute. Louanij, postri. Non anni noui. I. xcv.

E P I S T . XVIII. *Ariam.*

FRANCISCO MODIO S. D.

GRATV LOR redijsse mi Modi, gratulor, & animi mei voto tibi adsum. Quando ad nos? inuise veteres tuas sedes, veteres etiam amicos: reperies & affectus veteres, nec temporum aut locorum interuallo mutasse. Ille quem amare me inuitò solebas (liberè dicam) abijt

Illuc, unde negant redire quemquam.
Sed abijt & noster ille Victor, ingenio dissimilis, & totus puritas, candor, fides. Rogas de meis studijs. quid si iacere ea dicam, per tempora parùm ijs amica? nec mirum, nec iniquum dicam, tamen, vt possum, erigo, & pars altera Militiæ me habebat. Machinas & instrumenta eius tractabam. O me vel in turbis beatum, quod animum abduco, & his oblectatiunculis pasco!

— nihil amplius oro.

*Maiâ nate, nisi ut propria hac mihi mune-
ra fixis.*

Eodem te, mi Modi, voco. nec ad elegantiæ illa solùm, sed sapientiæ studia: quæ & æuo huic, & ætati tuæ maturiori, sint apta. *Satis multum temporis sparsumus*, ait ille, *incipiamus in senectute vasâ colligere.* In freto viximus, moriamur in portu. Fac, fac ô ad alta natum ingenium! & semper sic sensi de te, & magnum spopondi. Quod autem in extremo me rogas, siquid in Cæsareos scriptores habeam, communicem: parare te eorum editionem: ecce subiunxi. & amplius dico, siquid in aliâ re iuuare te, etiam re meâ possim, pete, & puta factum. Louanij, viii. Kal. Febr. I. xcv.

In Vulcatij Cassio scribitur:

*Enumeravit deinde omnes Principes, qui es-
sent occisi. dicens meruisse Neronem, debuisse
Caligulam, Othonem. & Vitellium nec impe-*

*rare voluisse. Nam de Pertinace & Galba
paria sentiebat, cum diceret, In imperatore
auritiam esse acerbissimum malum.*

Mirum de Pertinace hîc dici, & illum Galba etiam (quanto post Galbam?) præponi. Sed magis mirum, hæc ab Antonino Imp. dici, qui Pertinacem antecessit. An ille de morte eius si forte diuinauit? Putarem, *de pertinaciâ Galbae.* & propriè significat vel tenacem nimis fuisse; vel & peruicacem in proposito non largiendi. Spartanus videatur eâ voce sic vsus in Seuero: *Cognomen Pertinacis, non tam ex suâ voluntate, quam ex morū parcimoniam videtur habuisse.* Nam Pertinacem & Parcum æquiparat. Sed videndum ne ibi verius (ex sententiâ) *morum acrimoniam.* Sic Capitolinus, in Albino: *Cum suis numquam cenauit, vel propter vinolentiam, vel propter morum acrimoniam.* Lampridius in Alexandro:

*Aulicum ministerium contraxit. ita ut annonas non dignitatem acciperent, fullones, vestidores, pictores, & pincerna, omnes castræses ministri. Itane Castræses ministri cum Aulicis hîc miscentur? atque adeò pincernis & id genus iunguntur. Vide num, gastrenses: οὐδέ τι
γαστρα. qui, inquam, ventris ministri sunt. Ita Ammianus libro xxv. Hyperochum antehac recte gastrensis ministru, id est ventris & gutturis. An placet se & gastrensis? sed vox comparet. In Festo est: *Mugger dicitur à castræsum hominibus, quasi mucosus, qui talis male ludit.* Suspicabar & hîc, gastræsum. quid enim talis, cum castris? qui illinc, vulgo certè, exsulabant. Atqui vulgi hoc verbum. Si tamen retines; tum placeat telis legi: & sic dictum ioto militari, qui in cottidianis proludijs siue exercitijs tela ignauè & languide mitteret. In Lampridi Heliogabalo:*

Vt ex totâ penitus urbe atque ex nauticis monobelos quererent. sic eos appellabant, qui viriliores videbantur.

Caussam eius nominis haud assequor satis, nec nimis scrutor: sed mihi clarus esset, monobulus: quasi asinino telo insignes. Ita Commodus hominem habuit magnâ prominentiâ, quem Onon appellabat. In Capitolini M. Antonino:

Cum agrotare cœpisset, filiū aduocauit, atque ab eo primū petiit, ut belli reliquias non contemneret, ne videretur Remp. prodere. & cum filius eirepondisset, cupere se primū sanitatem, ut vellet, permisit; petens tamē ut expetaret paucos dies, aut simul proficeretur.

A sententiâ corrigere admoneor, cupere se primū ciuitatem. Pater quidem filiū Commodo

modum hortabatur belli reliqua confidere; sed ille ad urbem adspirabat, quasi illuc imperium firmandum, & sedes eius occupanda. Sed reuerà deliciæ & luxus eum trahabant: quod ex Herodiano disces, quem huc vide. In sequentibus etiam lego: *ut una proficiscerentur.* Cùm vidit pater decretum ei ire, permisit, inquit, rogans tamen moram aliquam post suam mortem, ut nempe funere facto, vnam paternam & reliquias secum ferret: atque ita *una proficiscerentur.* In Vulcatij Cassio:

Scis enim ipse, quòd Maiestatis hæc natura est, ut videantur vim pati, etiam quibus probatur.

Sunt verba ex ipsâ epistolâ Marci ad Verû, sed emendanda, etiam quibus parabatur: vel, & quibus. Dissuadet Marcus puniri Cassium, etsi affectati regni & (ut loquebantur) Maiestatis suspectum. Caussam dat, quia ægrè persuadetur alijs, quemquam hoc tentasse: & vim, inquit, atque iniuriam passi videntur, qui ipsi eam parabant. Hoc est, quod subiicit: *Non credi Principibus affectatâ tyrannide, nisi interfectis.* In Capitolini Maximo & Balbino:

Maximum igitur atque Balbinum, quorum unus in re militari tantus est, ut nobilitatem generis splendore virtutis allexerit; alter ita clarus nobilitate est, ut & morum lenitate reip. sit necessarius.

Constat Maximum istum è nobilitate non fuisse: atque ipse Capitolinus mox addidit: *Maximo pater fuit è plebe.* Itaque legendum: *ut ignobilitatem generis splendore virtutis texerit: aut si quis mauult, alluxerit.* In Spartiani Hadriano:

Omnibus Hispanis Tarragonem vocatis, dilectumque ioculariter (ut verba ipsa ponit Marius Maximus) detrectantibus.

Imò tota hæc res iocularis non fuit: seriò actum, & puniti mox detractantes. Scribam ego: *populariter detrectantibus.* In Lampridij Alexandro:

Historicos eius temporis legant, & maximè Acholium, qui & itinera huius Principis scripsit.

Conuenire magis censem, qui & intima Iterum in Lampridij Alexandro:

Antonini nomen suscipi mereatur, Senatus Antonini mereatur.

Verius: *sustipe. Mereatur Senatus, Antonini mercantur.* Ohe, satis hæc sunt. *Mn̄ xóf & iāθω x̄ion, ait Pindarus. Vale.*

FONTES & ego te exspectamus. Quid venisti ut sic abires, consors discriminis tantum, & vix fructus? Redi cum bono Deo, ille aderit & securitatem dabit, fortasse & sanitatem. Turba quidem huc nunc exigua, sed crescit: & illi ipsi qui Limburgi sunt, & vibices vinculum adhuc gestant, illi, inquam, redeunt, & sperant meliora. Post latrocinium recens, viæ tutiores sunt, post tempestatem ferè serenitas: nobis, post periculum & fugam, quies & securitas adfint. Principi Electori qui à consiliis sunt, polliciti mihi tutelam, & nostri curam: nihil tamen adhuc factum cuius fructus appareat, & in oculos incurrit. Salve mi Pater, & tecum Smithus. Quandocumque venietis, cænulam vobis paratam apud me scitote, ex legibus Spadanis, tenuem, frugalem, cum fame dimissuram. Spadæ, iv. Idus Iulij. ∞. Iɔ. xciv.

IN ipsâ tristitîâ tuâ & luctu super paternâ morte, gaudium aliquod mihi fuisse, non possum mi Branti negare. Non quin dolori mihi dolor tuus fuerit, & seriò fuerit: sed quòd memoria mei in illo ipso adhuc actu apud te fuerit, & binis tuis litteris me compellaris. Benè factum, in tali sorte exprimit se animus, & clarè ostendit quos habeat inclusos. Itaque hoc ipso video valde me à te amari, quòd cogitationem & scripta etiam ad me mittas, & tacitè solatium aliquod petas. Vtinam dare possum, ut volo, mi Branti! si non pulsus dolor tuus, certè fractus esset, & talis à quo periculum non esset viro forti. Etsi cur ego dem' te ita cùm video, nihil opus: qui & legisti hæc omnia, quæ dici possunt & solent, & excerpta eorum quædā in epistolâ tuâ vtiliter sparsa certno. Duo quidem sunt, quæ solari te maximè debent. & communis illa lex, quædam fatuus est qui non cogitat, DEBVISSE MORI: & quòd indulgentiâ quâdam & benignitate diuinâ diutissimè eo fruitus es, & præter communem morem. Ad extremam ætatem parens ille tuus venerat, vedit in plerisque liberorum, quæ voluit:

te coniugio, prole, officio florentem: quid vlt̄ ei gaudij accedere potuit, imò quid non doloris? Aetas illa pessima subiecta tot incommodis, ætas hæc publica tot vitijs aut cladibus: vt nihil nisi miseras propagari illi voluerit, qui vitam. Votis, votis prosequendus est cùm abiuit mi Branti, vt feliciter & ad supera illa ierit; non querelæ interponendæ, nec reuocandus ad humum & miseras humanas. Quas qui recto oculo intuetur & dijudicat, proh Deus quid in vitâ eum teneat aut iuuet? Sed fatui ita plerique & terreni sensus sumus, vt viuere tantum vt viuamus iuuet, & quia innatus aliquis metus est à solutione & morte. Tolle hunc, vitæ suauitatem sustuleris; & vereor vt plerique faciant, quod ille qui Platonis Phædone lecto properauit ad spontaneam mortem. Hæc & talia meditanda mi Branti: non dilato, quia & scire te scio, & spero usurpare. Nos Louanij iterum sumus Spadā reduces, & pænè in Batauiam reduces, vt vis fuit & insidiæ hostiles. At Deus tutatus est, & velut nube me velatum ab ijs texit. Vbi dixi, v. Idus Sextil. ∞. Iɔ. xcv.

EPISTOLA XXI. *Leodicum.*PETRO ORANO I^o

BEKEMANNVS ad vos venit, quem litteræ meæ non tam conciliant, quām ostendunt. Vidisse eum & nouisse, amare est: ita sunt mores & ingenium adolescentis, addo & doctrinam super hanc ætatem. Doctrina autem ipsa melior politiorque est: in Iure vestro sine sordibus aut scabritie, denique & à Græcis fontibus hausta. Siue erit apud te in contubernio, siue crebro veniet, benignus ei meâ caussâ esto; & tua auxilium aperi, non priuati consilij solùm; sed & publici. De fide, & arcani patientiâ, sponsorem me cape. Filium tuum hîc erudiuit in Iuris rudimentis diligenter & libenter: qui filius adhuc bene valet, & se gerit, spero & semper. Vale mi Orane. Louanij, prid. Kal. xbr̄es, ∞. Iɔ. xcv.

EPISTOLA XXII.

IOANNI DRENCKWAIRTO,
Thesaurario supremo Regio.

CVM ipsa liberalitas Fontani Comitis mihi grata est, tum gratior te nuntiante: Quid potest benignius, à tali viro? & affectū profectō in me ostendis, quem animo

æstimare magis & pendere possum, quām sermone promere aut lingua. Quid autem gratias tibi agam? nec veteres quidem exsolui, & iamnunc tacitus mihi morsus est, quod pro nupero beneficio pecuniæ annumeratæ, nihil feci aut dixi, quo internam hanc gratitudinem testarer. Certè enim ea in animo est, crede Vir Amplissime; & inter omnes Belgarum proceres, tibi fatemur nos obstrictos. Age, quæ benignitas tua est, amare imò & curare (ita enim facis) me perge: non quod magis tuus siam, quod vix potest, sed quia generofis animis ita insitum est, beneficia sua amare. Amp. & N.D. Regi & Reip. vale. Louanij, prid. Kal. Decemb. ∞. Iɔ. xcv.

EPISTOLA XXIII.

IOANNI DRENCKWAIRTO,
Thesaurario supremo Regio.

QUOD iamdiu insueui, id facio; & cùm auxilij aut opis egeo, ad te recurro. Fiducia benignitatis tuæ, in metoties declaratae, impellit, tum etiam, quia ista res est, quæ propriè te & tribunal tuum spectat. Nam cum Aërario regio mihi res est: quæ: vt id exhaustam (iocanti dabis veniam) & ego quoque inter publicas necessitates, vñ cum multis, veniam petitor. Cum multis, sed in causâ remotâ & propriâ, & vt stipendijs semestris solutionem impetrem, quod Rex titulo Historiographi sui voluit me ferre acceptum. Libellum communiter ad Senatum vestrum (ita motis esse audio) concepi: sed tuâ auctoritate & gratiâ in primis niti me fateor: ac rogo, vt pro affectu tuo veteri, Amp. & N.D. mihi consulas, & rem hanc extardâ aut turbidâ expeditam reddas & tranquillam. Louanij, XII. Kal. Sept. ∞. Iɔ. xcvi.

EPISTOLA XXIV.

IACOBO MARCHANTIO S.D.

IBRVM tuum & litteras vñ accepi, et si leumdem librum aliquot iam septimannis antè à Moreto, sed ita vt ipse poposcerim: nam tenebat me (vt verum dicam) auiditas videridi. Vidi, legi, & vel publicè tibi velim dare testimonium, industriae, prudenter, sed & eloquentiæ, pro historico quidem modo. Illud vellem (vt omnia dicam) diffusiore te alibi fuisse; non mihi, cui abundè hæc satis sunt, & neruosa placere solent,

Confones solent, sed alijs, qui aut non capiunt hæc brevia, aut ad ea non excitantur. Cetera, in re accurata & inquisita sunt; nec moueat te, si quid: *Æt. Cesari* mutarunt, aut detraxerunt. Solet olim & nunc fieri, & sapientis est publicis his iudicijs suū dare. Illud doleo, nihil benignè adhuc in te factum ab ijs, qui possunt & deberent, si mens & indoles illa vetus esset. Heu sæculum, non pro nostris artibus! & ego, quem tu in copiâ amicorū, circumfluere aliâ copiâ censes, in me sentio: qui nihil magnoperè è studijs meis rettuli, præter nomen & famam, & ea quoque à multis calcata. Quid faciamus? quod fecimus. si rectum honestumque est ista collere, perseveremus: & prænium in illisipsis, ac fructu nostro interno, ponamus. Mihi crede, aurifer ille Tagus non nobis fluit: quidquid conetur, & spem faciat amica ibi tua proles. Quam animo complector & salutq, factu & meis verbis, cùm scribes. Vale Vir Cl^{me}. Louanij, postr. Idus Ianuar. ∞. I^o. xcvi.

EPIST. XXV. *Leodicum.*

HERMANNO MALLEANO S.D.

BINAS à te accepi, fateor, sed vnis tantum postremisque respondere mihi fas sit: tum quia occupatiunculæ ita suadent, tum quia in prioribus tuis nihil præter affectum in me erat, quem notum habeo, & item carum. Reponi eum pro meâ parte, semel seito. Rogas & angi te significas de valetudine meâ, præsertim in hac aëris intemperie, quæ multos in valetudinarium, multos in Charonium, apud nos quoque misit. Audi quod gaudeas, satis valeo, meliusculè etiam quām soleo: adeò in hac quoque re morbus meus singularis est, & extra leges communes abit. At horti quoque nostri rident & florent, sed subdolum, vt vereor: & proxima æstas funera nobis aut dabit, aut ostendet. Nam iam nunc esse arbitror, sed terra tegit & occultat. De otio tuo sic honesto & industrioso, gaudeo & gratulator. Perge in istis, nec Electa illa (sic appellare soleo) omitte, segetem veram doctrinæ. Quiè variâ illâ lectione nihil colligit, seponit, disponit: nugas agit, & in acceptum pauca refert. Ordo cuique suus solet esse, nec in eâ re temerè præscribam: tuum illum serua, & minora quæ occurrent, in Alphabeti seriem distingue. Sed heus, te dabitare etiam de fato Bogardi, olim hospitis tui! il-

le verò vixit, & dum Bruxellæ esseim, ante quatuor circiter septimanas, subito morbo extinctus est. Quid nouum? homo erat, & omnia in vnâ voce dicta. Te valere & viuire opto, mi Malleane. Louanij, xiii. Kal. Febr. ∞. I^o. xcvi.

EPIST. XXVI. *Brugas.*GVLIELMO MICHIELSI O I^{ao} S.D.

SCRIPPIO tua, quâ benivolentiam in me abundè testaris, pergrata sanè fuit: neque tarda, vt dicis. Nam scio multa interuenire in peregrinatione & itinere, ac priusquam stabilis aliqua fides sit, quæ mentem à tali cogitatione auocent: tam mihi excusanda, quām illud dolendum, morbum etiam inter caussas fuisse. Sed benè, quòd fuissè: & meliorem firmoremq, te tunc esse, eadem litteræ nunciabant. Vtinam de matre tuâ eadem spes sit! quam ego vereor, vti hoc genus morbi est, ad lentam & certam mortem ire. Sed præcipe tale iam nunc animo, & illum firma atque erige in omnem euenum. Vitæ hoc salutem, vt sic dicam, iam ingredi seriò incipis: pueritia & adolescentia tua lusit adhuc circa litus. Propone tibi & scito, multa salsa & amara euentura; sed quæ tamen voluptate aut amœnitate aliquâ sumimus ille Deus solet temperare. Vtraque modicè habenda sunt sapienti: hæc cum metu aliquo, illa cum spe, quia vtraque incerta, & vicibus suis mutantur. Idem in Republicâ tibi eueniet, cuius partem (& gratulor) nunc attigisti. Habeas, quæso, illam vt publicâ, & valdè nunc afflictam pro viribus erige aut solare. In ea quoque vices videbis, & Deum nunc vindicem, nunc fautorem: vt vel inerita nostra sunt, aut consilia eius occulta. Itaque nec in propinquo quidem naufragio eius despera. ita homini videbitur, sed ille vno nutu attolleret, qui omnia nutu suo regit. De Lernutio meo, grata quæ nuntias. amo veteri & fido affectu illum virum: & tempora si alia sunt (spero, bregi) ita viuam, vt ipse me, aut ego illum video. Vale mi Michielſi. Louanij, postrid. Kal. Febr. ∞. I^o. xcvi.

EPIST. XXVII. *Coloniam.*

CAROLO VENHOVIO.

EPISTOLAS crebras ad me mittis, & novo planè genere scriptas. Nam solutis verbis cùm legere me censeo, & scriptura

præferat, mox versum & vincula agnosco: nec tamen vel primâ scriptione me fecelli-sti. Ita me Musæ, Musicum & lepidum hoc genus est, & quod pauci imitentur, nec nisi quibus pectus imbutum poëticâ cùm copiâ, & stilus factus ad promendum. Mitte, mit-te sæpiùs, & nos oblecta. Scribis de Panno-nico bello, quod feruet, & quid mihi vi-deatur. Mihi? quod Principes faciunt, benè factum, nec in consilia illa inquiero. Videtur & necessitas fuisse bellandi, cùm gens illa effera sic instaret, & identidem inducias ac pacta violaret. Sempérne contemni & cal-cari? Et tamen bellum magnum, anceps præuideo, & cum poëtâ,

*Eheu quantus equus, quantus adest viris
Sudor?*

iñò & sanguis : nec vno alteroqué prælio res ibi decernenda. De exitu tamen benè sperem, quia caussa bona est: & confidam etiam, si Germani, qui fuerunt, sient. Cum bonâ veniâ gentis dixerim, ab annis cen-tum quæ mutatio, id est inclinatio facta? in robore, in opibus, in animis: nec dixeris esse vltra Martis illos pullos, & Homeri verbo,

* animo
leuino.

* Θυμολεότας. Profectò fuerunt. nec olim & Romano solùm æuo; sed Caroli Magni, at-que infra, perseuerarunt. Ecce, in Friderico-rum, Othonum, Henricorum rebus, quāma multa egregiæ fortitudinis opera? Vnum in Friderici primi occurrit mirabile. Obside-batur Tusculi Antistes Coloniensis à tri-ginta millibus Romanoruim, qui tunc Imperatori hostes. Ad opem ferendam, ceteris cunctantibus, Moguntinus progeries, & quingentos suos milites, cum Caſarianis octin-gentis educit. Inſtruuntur acies, sine astu aut fraude palam certatur: fusi fugatiique Itali, & ad quindecim millia ex ijs caſa. Res fide pñè maior: sed eius æui scriptoribus adſirmata. Neque alibi ſimilia, ſi non pa-ria, exempla defunt. vt iure iactare & dice-re Rudolfus Austriacus primus potuerit:

* Verba
ipſa in
M. Alber-to, cuius eui.
Se in qualibet mundi parte, cum electis quat-tuor galeatorum, & quadraginta peditum ar-matorum de Alemanniâ millibus, stare inuictum: estimans hos omnem multitudinem aggressuros. En robora illius gentis: quid potentia & opes? paucis indicijs colligendæ. Rudolfus Austriacus electus Imperator, cùm Aquaf-grani venit, coronæ cauſâ: occurrerunt ei Dux Bauarie, Saxonie, & alij cum viginti millibus equitum. Multitudinem aliam homi-num ſtrata publica, usque ad tria millaria, vix commode recipiebat. Postea deinde, in Adol-

phi electione: equos phaleratos habuerunt Moguntinus mille quingentos, Treuirensis mille trecentos, Albertus dux mille quingentos: & vbi reliqua omnis Nobilitas vtriusque clas-sis? Vnus Fuldensis Abbas sexaginta millia bellatorum Imperatori præbebat in hōstem. Nec in hominibus tantum, ſed in auro & argen-to exuberabant. Cives Friburgenses comiti (Rudolfo) domino suo, pro modicâ * emendâ, <sup>* Amendâ.
fue mal-</sup> viginti millia marcarum traadiderunt. Item: Ci-ues Columbarienses regi Rudolfo, vno anno, libra-rum triginta millia transmiserunt. Paullò pōst: Thuricenses mille quingentas, Constantienses mille ducentas, Columbarienses, quingentas marcas regi Rudolfo dederunt. Columbarienses, pre-ter hēc, mille octingentas libras expenderant pro cibarijs & ſeruitijs dominorum. Sed & qui-dam Imperatorū in pompâ & instrumento insignes. De Carolo Boëmo Imperatore, Annales: Erant omnia paramenta mensa ſuæ ad comedendum & bibendum, & nauicula conti-nens eleemosynam illius mensæ, omnia de auro ^{gna & re-cepaculum} puro, nec quidquam inibi apparebat argenti: om-nia autem inferiorū mensarum paramenta, etiam pro garcionibus, & currus ducens nauem conti-nentem eleemosynam, de argento fuerunt. Ecce, in illius æui ſimplicitate, etiam splendorem, iñò luxum. Omnia tamen superahant Ec-clesiarum opes, quæ pñè immodicæ tunc fuerunt. Vno exemplo oſtendam. Exſtat pars Chronici veteris rerum Maguntiacarum, per Conradum Episcopum: in quo recenſentur templi eius vaſa, vefteſ, ornamenti, Deus bone, cui ſine stupore legenda? Purpuræ, ta-petia, dorsalia, pallæ, caſulae, tunicae, infulæ, tiarae, anuli, thuribula, grues, pelues, vrcei, calices, gemme: tantâ copiâ, pondere, pretio, varietate, ut recenſere deterrear: duo tantum ex omni cumulo excerptam. Erant calices tres aurei (auratos omitto:) qui omnes habebant suas ampullas: & pyxidem ad hostias ex auro puriſimo, & margaritis. Vno calice aureo ſolus Pon-tifex, vel prelatus Ecclefia in ſummis festiuita-bus utebatur. Alij duo, tanto erant quantita-tis, quod cum iſpis diuina mysteria ne quaquando poterant celebrari. Erat enim vnius maior alte-ro. minor habebat cum patenâ marcas auri ele-etiſimi octodecim: in cuius pede per circuitum erant pretiosi lapides valde, & in patenæ cir-cituſ limbus, qui & ipſe gemmis non carebat. Calix maior quo marcas auri habuerit, nescio: certum autem eſt, quod ſpissitudo eius erat digi-ti, & per totum, tam in pede quam ſuprà, gemmis erat pretioſiſimis adornatus. Habebat etiam idem calix duas ansas, que manus poterant im-plere

plerē leuantis. Huius patena talis erat latitudinis & spissitudinis, quod ipsi congruebat, & ipsa gemmis per circuitū decorata. Hic calix habebat altitudinem vnius vlnæ, & capere poterat dimidium sextarium vini: nec ab omni homine poterat leuari à terrā. Alterum quod eligo. inter varias Cruces, vna fuit lignea, auro optimo vestita. in quā imago erat aurea Domini crucifixi, quæ imago cuiuslibet hominis communis magnitudinem excedebat: concava, sed multum spissa: cuius venter plenus erat reliquijs, & gemmis pretiosissimis. Dicebatur autem nec Romanum Imperium meliores habere. In huius imaginis capite, loco oculorum, erant duæ gemma quas carbunculos vocant, tanta magnitudinis, ut duo vitelli ouorum, qui in tenebris coruscabant. Huic cruci inscriptus erat versus iste:

Auri sexcentas habet hac crux aurealibras.
Et nota, quod vna libra habet duas marcas. sic ergo erant mille & ducentæ marcas auri probatissimi. Pro speciali huius auri examinatissimo valore, crux ipsa proprio nomine consuebat, vocabatur autem BENNA. Ex his mi Vtenhoui, robur, potentia, opes, velut per transennam vides: & quam ab ijs ætas hæc defecerit, quæ non nisi in virtia & luxum surgit. Quæ causa mutationis? plures, nec lubet dicere. vnam præcipuam à factionibus scio, quæ diuellunt iunctas olim vires: & Imperatori quid nisi precarium pænè ius & imperium manet? Sed produco scriptiōne, yoto non querelâ claudendam.

— stet Capitolium

Fulgens, triumphalisque posit

Roma ferox dare iura Medis.

Vale. Louanij, Kal. Iunijs. 15. XCVII.

EPIST. XXVIII. Mechliniam.

IANO BERNARTIO Ist S. D.

MELIVSCVLE mihi esse, aut potius minus male quam fuit, hoc tibi nuntio: et si vires aut alacritatem, quæ in ipso isto perpeti languore aliqua fuit, nondum recepi. Cùm Deo videbitur, fiet; aut eò me recipiam, quò noster Berchemius. quem virum vnicè probum & litteratum nos amisisse, fideli testimonio meo scito. Heu, quid istud est, virtutem & prudentiam omnem à nobis sic abire: virtia, arma, barbariam manere, vel augeri? Iampridem vidimus, quidquid illud est, mutationem in Europâ & nobis Deum parare, & velut refingere velle hunc orbem. Sed hæc exspectanda nobis scilicet, & ferenda mente, quæ fortes & pe-

ritos cælestium decet. Queri, mollitia est, reluctari, infania. Sed ad te, laudo quod pedem figas in genere vitæ, quod Deū & fata quoque scire debes tibi imposuisse. Aliud aliquod animo magis allubescit fortasse: sed quod tibi, hoc illis quoque euenire scito, qui compotes sunt eius, quod tu petis. Ij sibi displicant, tædia & molestias suas habent, & fortasse ad tuum illud acriter anheitant. Miseria aut insipientia nostra! numquam desiderijs aut iudicijs quiescere, absentia petere, præsentia contemnere, & vitam semper inter vota suspensam habere. Interea illa venit, quæ ad Berchemium vénit, & bonâ fide quietos semel silentesque reddit. At tu, mi Bernarti, viue & vale tuis. nam & augendum te brevi aliâ prole ex famâ, an ex tuis litteris accepi? Louanij, 1111. Idus Iun. 15. XCVII.

EPIST. XXIX. Bruxellam.

OTHONI HARTIO Ist.

INTELLEXI iamnunc ex litteris Marchantij de obitu Caroli filioli tui, neque nescio, ex communi parentum sensu, & tacitâ quâdam naturæ lege, te & matrem dolere. eoque manum stilo admoui, vt breuiter, sed fortiter te solarer. Quem? virum vsu & doctrinâ, rerum humanarum peritum & gnarum. Quid igitur tam obuium, tam asliduum in ijs, quam iste casus? Perambula cogitatione vrbis tuæ domos: rara est excepta, quæ familiam quidem & proles habet. Comparatione illâ inuenies, benignè etiam tecum agi, qui non plures amiseris: & plures sanè habes, atque vt diu in solatium & fulcrum instantis senij habeas, Deum rogo. Sed enim iste eminere genio & ingenio videbatur. Credo equidem, & hoc ipsum est cur hîc non perennârit: quia Deus ille optimus, optima ferè ad se trahit. Ad se, inquam mi Harti: & hoc caput alloquij, in superis beatissime locis filius tuus agit. Dubitare non potes: dolere igitur non debes, gaudere potius, si ipsum & bona eiusamas. Atqui citò perijt. Quid hoc est? aut quantum istud ipsum, quod longum nobis videtur? Triginta, sexaginta, centum anni, si cum volumine illo æui & cæli comparent, quid sunt? punctistitium, & vix mereantur hoc nomen. Nihil hîc diuturnum; & verâ imagine tibi exprimam nostram vitam? Vidisti fabulas haud dubiè actitari sœpè, atque etiam à juuentute in scholis.

Pro-

Prodeunt reges, satrapæ, alia officia, & quidam satellites, ac personæ in speciem, & mutæ. Ecce alij diutiū ex ijs hærent in scænâ, & loquuntur; alij ostendunt se tantum, & nec vocem edunt: simile nobis est, vario munere aut dignitate in theatrum hoc Vniuersi mittimur; alij silentio transimus, aut ostendimur tantum. Nihilo tamen deterior ille, qui in vili veste, qui non diu hæsit, quâm ille qui regem aut longum carmen egit. Apud Deum vita longa non optima, sed innocentissima: & eam filius tuus in purâ illâ ætate habuit, & nunc gaudium & triumphum. Adspicit te, & tuos, proq[ue] ijs orat & vota concipit: tu pone luctum, & patrem exue, indue Christianum, & virum. Cui rei quoniam & consuetudo & alloquia amicorum aliquid faciunt, ego & vxor vocamus amanter te & tuā ad nostros istos festiuos dies, & rogamus ut non negetis. Domus vobis mea patet, & totus hic animus: venite, possidete, valete. Louanij, iv. Nonas Sept. ∞. Iō. xcvi.

E P I S T . XXX. *Auguſtam.*MATTHAEO RADERO, *Soc. Iesu*, S. D.

Et amicitiâ libens tecum iungo mi Raderē; & illi firmandæ, quod petis de Martiale, in parte effeci. Amicum me toti Societati vestræ esse, quidni profitear? quæ prima litteris his alijsque me imbuit, quæ salutaria in omnem vitam præcepta dedit & præiuit. Amo hoc corpus, amo & membra: te inter isthæc, qui vel affectu tuo, vel iudicio de me, hunc affectum merebare. Etsi de iudicio, noli attollere nimis mi Raderē. ego me non vectari inter summos scio, sed inter medios incedere, paullò altiore fortasse ijs qui serpūt. Sed de Martiale quod tetigi, rem ecce habes. quid rem? pauca verba & notulas, atque eas alibi fortasse notandas. Tu facito, & Censor esto: tum etiam siquid vltrâ scire me putas, pete, non grauabor respondere, & certè te amare. Vnâ etiam Pontanum, eruditum & disertum virum, collegam tuum, quem saluto. Louanij, III. Kal. xbres. ∞. Iō. xcvi.

E P I S T . XXXI. *Antuerpiam.*FRANCISCO SCHOTTO, *Senatori* S. D.

BONAE fidei creditum est negotium, vt video, quod tam sedulò & maturè redditum est effectum. Tibi, & fratri tuo, hoc

nomine debeo: & magis etiam pro affectu, quem in me ostendistis. Antuerpiam non temerè semper amavi, in quâ tamen multi qui me amant. Coram hoc nuper didici, atque abundè & largiter me vobis dedi. At tu & alij, inquis, queruntur de celeri discessu? Itâne? amicè magis, quâm iustè profectò: & quæ vrbs me tamdiu tenuisset? non ipsa Bruxella, quæ patria mea esse vult, nec est tamen nisi in colatu. Alibi natus, ibi educatus sum. Sed confidite. si proxima æstas viuum & valentem me habet, mensem totum etiam vobis dabo, & conuiuam: sed eâ lege, ut semel in die epulemur, reliquum fabulis & sermunculis, aut etiam occupatiunculis, detur. Utinam frater tuus intereà ex Hispanis adsit! quem virum iam olim noui, & quia noui, amo. est inter eos, qui rem non speciem in doctrinâ habent. Vale. Louanij, Non. Nouemb. ∞. Iō. xcvi.

E P I S T O L A XXXII.

EVERARDO POLLIONI, *I^o*.

LAETVM me epistola tua reddiderat mi Pollio: ecce alteram ab amico aperio & lego, atque ibi triste illud de obitu parentis tui fulmen. Scio, & in animo isto sentio, ac quasi video dolorem tuum & complorationem: eò scilicet maiorem, quò melior ille tibi parens, & tu filius ei fuisti. Non sensibus solùm & animis, sed domo & contubernio hærebas: ut si amore natura & sanguis non inderet, posset dedisse consuetudo. O triste discidium! sed soletur te mi Pollio, breue discidium: & quamdiu scilicet hæc terra & alienum domicilium nos habebit? Viue diu, & ita voueo: sed ut viuas diutissimè, quid nisi septuaginta, aut ut improbè, centum annos? Leue & breue est, si Æuum respicis, quod fluxit ab æterno & fluet. O miseras, ô vanas cogitationes nostras & curas! congerimus, ædificamus, libros scribimus, & æternitatem nobis quacumque viâ spondemus aut optamus. Quid tamen aut quantula ista sunt? quamdiu etiam sunt? non loquar de opibus aut ædificijs, quæ statim æuo aut casu pereunt: ipsa illa Famâ, bonorum ingeniorum moribus, quoisque se producit? Aliquid de Cicerone hodie aut Senecâ: id ipsum variè, inter culpas & laudes: sed quot anni sunt? vix mille quingenti, aut paullò vltrâ. Caput ipsum ingeniorum Homerus, nomen vindicat & possidet à bis mille quingentis &

' & paullò amplius annis. Enim uero quid hoc est? trigesimâ aut quadragessimâ stirpe potui eum attingere, & vide quid longum aut diuturnum vocemus. Cogitatio ista sæpè me & solata est, & erexit ad contemptum aut calcationem potius rerum fugacium, id est humanarum. Consolatio altera, à communi omnibus lege. Rideamus, si quis cùm tributa populariter danda sunt, lamentetur, & sorte suam accuset. quid ita? quia omnes cùm dant, non superbè solùm sed stultè facit, qui se vult eximium aut exfortem. In hoc humani generis tributo cur non sic affecti sumus? cur fatuâ mollitie querelam & planctum miscemus? Hoc ipso quod homo natus es, mori natus es: & si quid ultra punctum, horam, diem, annum viuis, donum est non debitū, & in gratiâ ac lucro ponas. At nos obliuiscimur, aut non attendimus, & in tot mortibus quæ cotidie occurunt aut ingeruntur, vna aut altera nos mouet & deicet, quæ nostangit. Alij si pereant, nihil noui aut mali est: si nostri, ô nos miseris, ô infelices! Verba aut inuentiunculae non desunt, cur iniuria sit facta, cur Parca maligna fuerit: & vides sæpè acrides, credo, in hac rescænam vulgi. Stulti, bis stulti, quod sumus cogitemus, & non magis mirremur hominem subito, quam florem mori. At tertio, diuina cogitemus. Ad meliora eundum est, ad puriora, lætiora, prauis, turbidis, tristibus his relictis. Si ad ea te aptasti, & viaticum (vt si dicam) corrogasti virtutum & pietatis, quid male te habet abire, aut alium abisse? Gratare, si sapis ô homo, plausu & cantu prosequere, qui non diu in salo iactatus peruenit ad beatum portum. Plura sunt, quæ tu tibi mihi Pollio dices. Ego ex animo in dolore tuo doleo, quem aliquem esse & cupio, & par est (neque enim hominem exuimus) sed temperatum nec longum esse, hoc suadeo & opto. Tu inquam tibi dices. quidni hoc sperem, qui mihi sic lubenti prædicas studiuim tuum sapientiae & quietis? Exoscultatus sum eam vocem. tu reeffice, & nostri miserere qui volentes & adspirantes ægredit huc venimus. Scripta nostra vides multum (ingenuè fateor) à vano trahentia: ô si in eis iudicio & voto illa sint, quam alia & diversa sint? Verbum aut calami ductum non perdam in illis, quæ ad solati fortasse scientiam faciunt: occuper in istis, quæ ducunt ad duo dicta. Sapientia, inquam, me sibi mancipet, Quies interna & externa (si possit) ha-

beat: sibi alijs famam, honores, opes, cetera huimana. Ut claudam, amo te mi Pollio in intimo isto pectore, & opus te meum esse (ita profiteris) non admitto solùm, sed gaudens subsigno. Perge, perge in viâ quâ pauci calcant, sed Deo & pietate ducibus, & per intemerata vestigia maiorum. Louanij, Nonis xbris. ∞. I. xcvi. Nam tuas litteras satis serò accepi, & heri demum.

EPIST. XXXIII. *Lutetiam.*

GUILIELMO BARCLAYO S. D.

AT tu files. vbi promissa de Iliade aut Chiliade ad vnam lineam nostram? Expostulo. eò magis, quia materies illuc scribendi & seges, quam defectam referas in horrea nostra. Ab alijs de te cur audio, quæ non à te audio? Morsus & versiculos in doctores aduenas vidi, nec sine stricturâ nominis mei. Parum est tu modò rectus perge, nec deicere, sed nec deflectere aut siste ad repugnandum. Monuj anteà, & itero: modestia est, quæ te gratiosum exteris, quæ magnum etiam faciat & seruet. Ad contentiones si venitur, clades erunt, & Thebana aliqua pugna, in quâ vieti victoresq; plorent. Miseri homines, cur eò inclinamus? malitia est: vince, & quam dixi modestiam & frigus, ac me, ama. Louanij, ∞. I. xcvi.

EPIST. XXXIV. *Augustam.*IACOBO PONTANO, *Soc. Iesu.*

IN summo hoc frigore, cuius ego quidem impatientissimus sum, calfecit me tamen amica tua scriptio mi Pontane: & excitavit non ad scribendum solùm, sed ad redemandum. An non tales virum? inclino iamdiu, & ipse quod tu voluisti volui, ex quo scripta tua prima vidi: quod fuit Augustæ Treverorum, ex dono & beneficio Principum Bauariæ, quos transiens ante septentrionem illuc salutauit. Abeo tempore, credes mihi hoc Pontane, & in memoria tui inhæsit & probatio: atque ideo facile accendere hanc materiam, igni sic paratam. Quæ tu porrò in me nimis benigno corde & ore laudas, scito pauciora omnia esse: dare tamen operam ut sint, in primis Modestia & Probitas, quas ego estimo & tollo super nomen omne litterarum. O institutionem vestram olim mihi utilem! inhæret ea & inhæsit, atque illa Pallas fuit, quæ inter tempestates, jndi naufragia, seruauit hunc Vlyssem. Eadem

Eadem iudicium & sensum istam ad virtutes formauit, quas utinam sic indipisci, ut sequi, detur! sed conandum est, & Deus manum dabit. Is te mi Pontane seruet, & inter nos mutuum hunc amorem. Louanij, x. Kal. Febr. ∞. Iō. xcvi.

E P I S T . XXXV. *Lutetiam.*

STEPHANO TVRNEBO *Senatori S. D.*

TRISTE mihi auditu fuit, de Hadriani fratrii morte, triste: & pœnè sic, quasi alterum illum, tuum & Musarum parentem, iterum amisissimus. Nam & amicitia iam inter nos vetus satis, & certè fida, coäluerat: & caritas ibi nunc talium, à clade istâ funesti belli. Solatur tamen, quod & malis temporibus optimus ille subductus sit, & ne in virtutum & artium bonarum isto naufragio diutius iactaretur: solatur, quod & tu in locum & vicem eius sic vltro venis, germanus Turnebi sanguis. Veni, patent animi huius fores, & affectui tuo velut brachia pando & occurro. Sicut agricola in locum amissæ arboris aliam subserit: sic nos in amicis oportet. Evidem & corporis huius oculis usurpare te, atque alios insignes ibi viros, aueam: & spesne est, ut vel obiter fiat? Aliqua, cum pacem hanc video: maior, si valetudinem non videam, inclinante in & de ruinâ (cur dissimulem?) minantem. Sed siue viuo aut morior, vestri amans viuam moriarque: ut tu mei, per parentis, & nunc fratris, magnos manes precor. Louanij, postrid. Kal. Sextil. ∞. Iō. xcvi.

E P I S T . XXXVI. *Antwerpian.*

IOANNI MORETO, *Typographo celeberrimo.*

BRUXELLÆ fuimus, ADMIRANDA obtulimus, grati fuimus: quid vltre? inquies. Hoc satis: & cultū hunc atque alium Principibus debemus; & iamdiu imbibiri bonum, quia bonum, amare. Externa ab his internis expetere aut exspectare, inscritia sit: & cum alio æuo hæc fuerunt. Qui nunc, inquam, hæc quærerit; audacter ei edico abijcere.

Hæc studia, atque omnes delicias animi.

Recudere te autem ADMIRANDA nostra, mihi gratum sit, priusquam alibi alij. Factum in quibusdam meis in Italiâ aut Galliâ: & indignor, aut si non licet, doleo. quia & perperam multa; & mihi ipsi præcipiunt castigare quædam, aut recensere. Quid? polita

omnia, & subasciâ, ut sic dicam, à nobis dedicata? Non hercules. neque ita me ludit amabilis infania: neque sum ille ubique Candidus, & talos à vertice pulcher ad imos. Næui alibi, nodi, laxa quædam aut manca: & præoptem eluere, dissoluere, adstringere, adimplere. Nescio enim quomodo facilius hæc dijudico & arbitror, nitidè excusa à vobis, quæm confusæ à me scripta. non enim exscripta: & primam ferè manum nostram semper habes. At isti properi impediunt: calumniæ aut petitioni me exponunt. Nostri hodiernum * ποιλεπίπους. & quæm multi, * capidum reprobent, qui legunt hoc tantum, ut carpant? scire ab- den.

— *hic nigra succus lolliginis, hæc est
Ærugo mera.*

Iamnunc expertus in quodam altioris ordinis, qui luminibus meis ædificio suo sublimi obstruxit scilicet, & titulu mihi erectum inscrisit. Faciat ipse, aut alij: quid lœdunt? non me quidem. sed ut Sarpedon ille apud Homerum, hastâ petens Patroclum, equum eius iugalem interfecit: sic isti non me tangunt, fortasse impetum & velut ardorem illum animi prosternunt, quo ad honesta vehebamur. Etsi nec istum, & melior mentis ignis suscitat, siquid soporis infuderunt. Sed abeant hæc, & valeant: ego ut istud, ad vos adspiro. Quando? quæm maturimè potero. nam eti domi etiamnunc vincula, nec aperti carceres;

— *tamen istuc mens animusque
Fert, & amat spatijs obstantia rumpere
claustra.*

Semper ego non apud vos solum hilior, sed à vobis melior redeo: gratia amicis & tibi, qui sic comiter habetis. Tibi, cuius domo, cuius mensâ vtor, pascor: an non hereditarium tibi onus? Nam cum Plantino, heu illo nostro, tessera hæc mihi sancti hospitijs: cum vxore post illum: & te liberem, vtriusque heredem? Amice, ego tamquam polypus hæreo: per anticum emitte, per posticum insinuabo. Rides. & veni securus ab hoc metu, inquies. Scio, veniam: & fors sit scriptorum aliquid mecum. Vale, cum tuâ carâ & caris, quos saluto. Louan. viii. Kal. Octob. ∞. Iō. xcvi.

E P I S T . XXXVII. *Antwerpian.*

IOANNI BRANTIO, *Graphiaro S. D.*

SOCEVM tuum libens vidi, mi Branti, virum prudentem, probum, patriæ agantem. Cuiusmodi paucos hodie habe-

mus:

mus: & multi res suas agunt & augent, communium prætextu. Enim uero, spes sub nouo hoc Principe & statu noua ac melior nos respicit: si tamen & pax ab Angliâ afferget. Si non illa, & Bataui idem pertendunt: quam Salutis arcem vides? At sunt qui etiam de Regis nostri fato, sanè importuno (si ita est) narrant. Id verò fuerit omnibus consilijs nostris, si non turbat discerere tardandis. Deus adiuua, & miseros Belgas tandem solatij aliquâ aurâ adspira. De Orteliano Epitaphio, tecum volo: sed languor meus mentem aut stilum vix erigit: & occupor, si vñquam omnino tempore mihi opus, ut semel & opportunè fiat. Vale mi Branti. Louanij, vii. Idus Septemb. &c. I. xcvi.

EPISTOLA XXXVIII.

IOANNI DRENCKWAIRTO,
Thesaurario.

VENIT ad me Balduinus tuus, planè meus futurus, quia tuus. Nec aliâ commendatione est opus. In studijs eius dirigendis prima nunc cura erit: & placuit valde iudicium tuum de Græcis. Profectò, vt hodie iudicia sunt & exacta eruditio, nemo in aliquâ classe, qui linguâ cā non sit saltem tinctus. Et vsum etiam suum, immò dixerim necessitatem, in oīni ferè scientiarum genere habet. Itaque discet: sed non apud alium, quām me præceptorem. nam domi exercitia, & quasi gymnasium eius linguae habemus. De Philosophicis, mihi satis videbatur eum ad disputationes sèpè ire, quæ publicè in Collegijs habentur: atque ea optima ratio est & repetendi, & examinandi. Superest Iuris studium, quò credo cum destinari. & putem satis esse primo hoc anno, si Institutiones audiat, nec longius in illud pelagus se mittat. Nam stilus, & eloquentia etiam aliqua assumenda sunt, atque utilissimæ huic in omnem vitam partendandæ suæ partes. Hæc ita faciemus, nisi ipse aliquid mutas: & paullatim ac per gradus optimam īdolem (ita mihi videatur) ducemus ad optima, & scientiarum laudatum illud culmen. Deum precor, vt adspiret: eundem vt te, Ampliss^{me} & Nob^{me} Domine, Principibus, & rebus nostris diutissimè in columem seruet. Louanij, viii. Kal. Feb. &c. I. xcix.

I. LIPSI Operum Tom. II.

EPISTOLA XXXIX.

HYBERTO AVDELIANTIO.

IN domum meam cùm venturus sis (ita uterque volumus:) quid præcipui muneris tui futurum, non ignoras. Prædixi à manu, lectione, & studijs mihi eris: allus distinctionis, quæ ab ingenio aut instituto tuo discordet, immunis. In excipiendo autem aut describendo, dixi Orthographiam aliquam nostram sequi & scire te debere: sed & vsum distinctionum, qui nobis frequentatur. De istis hauebas discere: & quamquam ad quædam in publico Dictata te remitterem, tamen ecce ipse operam hanc tibi iterum subi; & scripto complexus sum quidquid huius tēi, pro meo sensu, esset. Legere, sequere & usurpa. Distinctio duplex, Sermonis & Scripti. Illa, quam in pronunciando adhibemus, (per interualla sustinemus, suspendimus, aut deponimus sermonem. Comma sustinet, Colon suspendit, Periodus deponit. Hæc virtus Distinguendi (ait Fabius) fortasse fit parua, sine quā tamen esse alia nulla in agendo potest. En momentum, quod in Sermonne habet: quid si maius etiam in Scripto dicam? Nam hercules confusa tota lectio & intellectio, nisi notæ suæ diuidant & quasi manuducant. Quid igitur ea est? Notandi certa ratio, quā secamus. (t) partimur scriptiōnem. Ea quæ veteribus fuerit, quærunt: ego amplius, an fuerit, quæro. Nam præsca omnia monumenta, lapides, tabulæ, æra legum aut orationum: in quibus omnimoda adhiberi ea potuit: nullam præferunt aut habent. Niſi hanc tamen, quā singula verba punctis suis disparant & secernunt: sed punctis vniuersi modo semper & pariforma. Quæ res, vt verum fatear, turbet magis & sistat lectorem, quām transferat & adiutet. Quod de lapidibus dico, ad libros etiam priscos traho: nec in ijs Distinctionum illæ variantes notæ. Ut alios omittam, exstant nobiles illæ Pandectæ Etruscæ, à Iustiniani æuo: quære, non dabunt. Quid ergo? ante Iustiniani æuum non fuerunt? mox videbo: sed tamen antiquitüs omnino, haud puto. Atqui Ciceron & alij videntur agnouisse. vt Crassus apud eum loquens induciuit: Non librariorum notis, sed verborum & sententiarum modo, inter punctas clausulas in orationibus veteres esse voluerunt. En notas à librarijs, & quidem in clausulis, & gratiâ interpungendi. Idem pro

M Mu-

Murænâ, in Iurisconsultos illudens: eos in singulis litteris, & interpunctionibus verborum occupari. Significat sensum mutari, & cautionem vel cauillum esse, ex interpunctis. Quid Seneca, nōnne clare? Nos, inquit, etiam cùm scribimus, interpungere solemus. Ecce interpuncta, & quidem sollemnia in scribendo. Hæc sistant, aut viâ illâ sententiae ejciant: sed nescio an propidum & sagacem. Nam prior Tullij locus possit planissimè altro uorsum duci, quasi dicat Veteres ideo non usurpare in clausulis interpuncta, ne ea potius quam modum & modulum, in verbis, considerarent. Locus alter, dicat Iuris interpretes in minutis occupari, scrutari in contractibus apices litterarū, & puncta verboquin: quia nempe ambigua sèpè hæc ista, & ad interiora aut sequentia ducenda. Id enim eveniebat in illis solitarijs punctis, quæ verba, ut dixi, singula, non membra aut sensus fecernebant. In Senecâ hæreo. & a dicit, spiritum stilumque hominis natura liter etiam pausare in scribendo, & interquiescere cum sententiâ: non rapidè semper, & torrentis vice in ferri? Profectò dicit: vide. Nam tota eius dissertatio est, contra præcipites illos & effusos in loquendo; & cursu verba conuoluentes. Quando igitur origo? nam res tam utilis, & quod caput, tam obuia, ad quam Natura ipsa dicit, non debuit, non potuit diu queri. Dicat aliquis sub Hadriano cœpisse. quia in Suidâ lego de Nicanore quodam Grammatico eius æui, scripsisse Πρὶς ἡμίς τῷ καθόλῳ βελτίᾳ: De interpunctione in genere libros sex: itemque partite, Πρὶς ἡμίς δὲ παρ' Οὐάρῳ, καὶ δὲ Καλλιμάχῳ: De interpunctione apud Homerum, & apud Callimachum: neque aliud egit aut scripsit, ita ut per iocū Στρυμονίας, Interpunktus aut compunctus (seruile conuicium est) vocaretur. Potuit igitur tunc agitari de inducendâ, et si nondum vulgo inductâ. Certissima quam reperio, mentio est in Diomedie Grammatico: qui appositionem puncti (ita loquitur) in triplici differentiâ agnoscit. Differentia est, quæ clarius apud Cassiodorum sic expressa: Sed ut his omnibus addere videaris ornatum, Posituras, quas Græci δέσμους vocant, id est puncta brevissima pariter & rotunda, & planissima, singulis quibusque pone Capitibus, prater translationem sancti Hieronymi, quæ colis & commatibus ornata consistit. quoniam illustrerunt faciunt orationem, quando suis locis aptata resplendent. Nam si corpus nostrum indiget per membra cognosci, cur lectio, cùm suis partibus

videatur esse distincta, confusa relinquitur? Iste quidem Positura seu Puncta, quasi quadam via sunt sensum, & lumina dictiōnum, que sic lectors dociles faciunt, tamquam si clarissimi expositoribus imbuatur. Prima est, Media, secunda, Subdinctio; tertia, Plena. Quas à maiori bus nostris ideo constat inuentas: ut spiritus longa dictione fatigatus, vires suas, per spatiā decreta (sive discreta) resumeret. Quas si manus cupidus lector agnoscere, Donatum lege, qui te posuit de hac re, breui compendio instruere. Pleraque omnia hīc habes: Nomen, Usum, Discrīmen. Nam veteres Posituras vocarunt: atque ita Isidorus. Positura, inquit, est figura Lib. t. ad distinguendos sensus per Cola, & Commata, cap. xix. & Periodos. dicta, vel quia punctis positis annotantur; vel quia ibi vox, pro intervallo distinctionis, deponitur. Ex nomine nouitio (hoc quidem sensu) vides rem non esse perantiquam. Addit Usum, qui liquet, Discrīmen deinde, triplicem eam esse, Medium, Subdictionem, Plenam. Isidorus autem ita: Sunt tres Positurae. Prima Subdinctio dicitur: eadem & Comma. Media, dinctio sequens est: ipsa & Colon. Ultima dinctio, qua totam sententiam claudit: ipsa est Periodus. Talia Diomedes: & consentiunt etiam in Notis, quæ, Isidori verbis, sunt istæ. Ubi in initio pronunciationis necdum plena pars sensus est, fit Comma: Punctusque ad imam litteram ponitur. & vocatur Subdinctio, ab eo quod Punctum subitus, id est ad imam litteram accipit. Ubi autem in sequentibus iam sententia sensum præstat, sed adhuc aliquid superest, fit Colon, mediumque litteram puncto notamus: & Medium distinctionem vocamus, quia Punctum ad medium litteram ponimus. Ubi vero iam per gradus plenam sententia clausulam facimus, fit Periodus: Punctumque ad caput littera ponimus, & vocatur dinctio. Ubi vides alia à nostrâ distinctione fuisse, quod ad notandi posituram aut signum. Nam idem punctum manebat, sed locis variabat. In fine Cassiodorus remittit ad Donatum: & sunt eadem ista etiā hodie in illo mutilo & fracto. quid opus verba reddere? Nos variasse isto æuo, non ignoras. & viros doctos pleniū paullò distinxisse, in Comma, Semicolon, Colon, Periodum. Comma, ubi minima respiratio est, & semicirculo notamus. Semicolon, ubi paullò maior, nec ad Colon tamē accedit, notamusque; quod locum sèpè habet in Contrarijs, aut Disjunctis, aut variâ Partitione. Colon autem, sententiâ in parte perfectâ, sed etiam crescente, & signamus duo pucta:. At Periodi nota est pun-

In Nixa
vwp.

Lib. II.
c. De Pro-
nunciat.

Lib. I. In-
stit. Divi-
nar. Lect.

punctum, longæ siue breuis. Nam & breues Periodi sunt (in epistolis creberimè) quasi membræ: & hæc ipsa punctus signet: sed cum discrimine, ut grandiore capitali litterâ non excipientur. Ista de Distinctione veteri, & nostrâ, sed in vnâ Periodo aut sensu. Est alia, quæ veterum fuit, nunc desit, meo voto reuocanda. Per versus libros diuidebant, & curiosè librarij subnotabant: quod versus esse, & ab Asconij, id est Claudijs suo, apparet. Nam is in Commentarijs, verba Ciceronis cùm citat & aduocat: *Versu*, inquit, à primo DCCCL. Item: *Versu* circiter ∞.xi. iterumque: *Circa versum à primo LXXX.* Versus appellat. ut & Græci sic. Nam ita Diogenes de Aristotele: *Libros eius omnes contineare pueris sicut et raps et rima exhorta, adeo ratiæ et genitio et syngenesia et syngenesia et quadrimenta quadraginta quinque millia versuum, itemque ducentos septuaginta.* Item de Chrysippo, qui πολυγράφατο fuit, in diem scriptissime versus quingentos. Plinius de Zoröastre: *vices centum ab eo millia versuum condita.* Galenus, *Lyci cuiusdam commentarium se legisse, adeò prolixum, ut quinque millia versuum contineret.* In Diuo Hieronymo, epistolâ ad Magnum, oratorem Rom. Scripterunt contra nos Celsus atque Porphyrius: priori Origenes, alteri Methodius responderunt. Quorum Origenes octo scripsit libros, Methodius usque ad decem millia procedit versuum. Iterum ad Damasum, Episcopum Rom. *Quos mihi iam pridem dederas Lactantij libros, ideo non libenter lego, quia et plurimæ epistole in eis usque ad mille spatia versuum tenduntur.* Denique lustinianus in Pandectis suis quindecim myrtades versuum esse. Ex quibus omnibus liqueat, certam & perpetuam distinctionem in Versus fuisse, in omni volumine & descriptione reperiendam. Sed fueruntne igitur veri Versus, siue linea? Hæremus. si fuissent; quomodo in membranâ aliâ atque aliâ siccarent? quomodo in litterâ maiore aut minore, ut solet? Nisi quis putat aut variasse per libros: aut certos modulos cuique volumini tributos, quos velut lege seruarent. Tale aliquid Isidorus: *Quedam nomina librorum apud antiquos certis modulis conficiebantur. breuiore formâ Carmina atque Epistola, at vero Historie maiore modulo scribebantur.* An satis huc faciat aut firmet, nescio: possit tamen aliquis & Versus explicare membra inuenta, & sectiones sic institutas. Hieronymum auctorem habeat. qui alibi Prophetas versibus descriptos à se fatetur: & communiter

I. LIPSI Operum Tom. II.

lib. vi.

Prefat. in
I. I.

de libris Sacris, *Siluam nominam, sensuamque barbariem per colu versuum digestissime.* Neque aliud sanè vult, quām quod Cassiodorus: *Primum D. Hieronymum, propter simplicitatem fratrum, colis et commatibus ordinasse translationem suam.* Et idem alibi: *Translatio sancti Hieronymi colis et commatibus ornata consistit.* Ergo idem isti *Versus* (Hieronymo quidem) quod *Cola & Commata:* & quid autem ista? nil nisi *Membra, & Sectiones.* Nam si hodieque *Biblia illa Sacra utiliter legimus distincta, & ipsi Versus appellamus.* Notat autem idein sanctus scriptor, exemplo pri- scō se hoc fecisse: *quia idem, inquit, in Demo- sthene et Tullio fieri solet, ut per colu scriban- tur et commata.* Cae acceperis de Inter- punctis, eo nomine: fallēris. quod dixi in- telligunt: & ita Demetrius definit, *Colon, aut simplicem periodum, aut compostæ periodi par- tem.* Ita Cicero *Commata sententias accisas* & breuiores, sed plenas: ita & Hermogenes genus tale sermonis, *κομματιδιον τελετην* ap- pellat. Hæc igitur fuisse videntur. si non; ut nunc sint, & exemplum illud Hieronymia- num usurpetur, consilium meum sit & vo- tum. Valdè ex vsu lectorum, & eorum qui excerptum aut subnotatum aliquid volunt, hoc esset. cùm ecce Liuim, Ciceronem, ta- les, non nisi per libros aut orationes diuisos habemus: & longum nec promptum in to- tis ijs aliquid querere; facile & obvium, si Versus designarent. Industrius aliquis vir facere debeat, & Typographi imitari. Vale, & ad nos quām matutinè veni.

E P I S T . X L . Ultraiectum.
HADRIANO VANDER-BVRCHIO S. D.

OSCULA tua & OCVLOS accepi, & FV- NERA mox & TRISTIA, quæ decorè subiunxisti. Æterna ita lex est, ut hæc in vi- tâ & vnu temperentur: benè ergo & in Car- mine, quod imaginem illius habet. Grata fuerunt, vnu re minus, quod missione eam excusandam putasti. Apud méne? qui sem- per talibus delector, vel pascor verius: & certè non sapènunt, ut ævum est, ingeruntur hæc mella. Ferox ille Mars, qui regnum possidet, animis ferociam & duritiam inse- rit, & abducit ab omni cùm humanitate, tum humiorum artium cultu. Patiamut, quæ non mutamus. At de EPISTOLIS meis, etiamne illîc vobis visæ? & tibi pla- cuiisse significas: non alijs fortasse, si qui alieni sunt à nobis. Utinâ religionis illa caussa,

M 2 id

id est res capitalis, vos non diuidat ! cetera dissimulari possint, et si non probari. Quando autem emendari? leuis & frigida spes, si homines video; si Deum, magna. Utinam nos modò emendemur, &

Per nostrum liceat scelus

Iracunda Iouem ponere fulmina!

Sed de EPISTOLIS, alias paramus : neque temerè tamen vos amicos immiscemus, ne beniuolentiæ specie noceamus. Vale V. Cl. & fratrem tuum V. R. Decanum saluta. Louanij, viii. Kal. Maias, statim ut tuas accepi.

E P I S T : X L I . Bruxellam.

Io. CAROLO ÆNOBARBO , V. N. S. D.

SERIVS omnino epistolam tuam accepi, non amoris solùm, sed curæ de me plenam. Cùm enim Antuerpiæ fuissim, itemq; dies aliquot Bruxellæ velstræ ; ecce reuerso demum epistola ea mihi reddita , cui alioquin animus & ratio erat vel statim responderem. Hoc igitur excuso, & ad rem nunc ipsam pergo. Aiste audisse de itinere meo in Italiam, & parùm probare significas, imò liberò & aperto ore (hoc quoq; amici) dissuades. Ut tibi totum sensum meum aperiam, diffundā me paullum , & in hoc chartaceo æquore exspatiabor, te, vt spero, fauente aut certè non sistente. Igitur de migratione aut mutatione aliquâ consilij aut status, hoc in primis cogitare te deprecor : neque est tale aut fuit, & in istâ præsentî meâ conditione & patriâ acquiesco. Quid enim alibi quæram aut spectem? opes? modicę obuenerūt, sed quas animus iste (audacter dicā) magnas facit, in minoribus etiam magnus. Fines mihi habendi iamdiu posui , & quod naturæ satis est, etiam cupiditati. Sed mihi vlt̄rā obuēnit , & ad morem etiam viuere possum, non solùm ad naturam. Ergo ab eâ parte nulla caussa migrandi aut innouandi. An ambitio fortasse impellit? & famam nouam apud nouas gentes querimus? Liberè dixerim, adesse eam super v̄ta, non solùm super merita: & vnum illud mihi curæ esse , non vt augeam, sed vt coërceam, ne in vana aut ventosa effundar. Itaque ab vtrouis isto te lo an stimulo non impellor: quæ autem vera caussa consilij mei, candidè & simpliciter audi. Annus Sæcularis ille facet instat, qui ex omni terrarum orbe Christo sacratos homines ad se euocat: ecce inter illos ego sum: cur non fas obire & frui hunc Pietatis fru-

L I P S I

Etum? Ego verò fecero, eò iustius próptius quæ, quod onera domi non sint, quæ remoruntur aut sistat. Nulla iuuacula vxor, quæ humentibus oculis abeunte detineat; nulli parui liberi, qui collo se innectant & ingeminant parentem. Pietatis hoc studium liberum est : & propior aut iustior nulla ratio, quæ sistat. At causa etiā altera, Valetudo. Tredecim amplius annos in Christi eâ sum & aduersa; vitam nec vitalem, vt sic dicam, viuo; & traho magis spiritum, quam duco. Quis ille baro mihi inuidet aut obijciat, si refouere eam vel instaurare peregrinatiunculâ tenteim ? At enim tenue aut infirmū mihi corpus, nec par molestijs. Agnoscō, sed hoc quoque vsu didici , illud ipsū assurgere & excitari per viam & motū. Melius notabiliter habere soleo, cùm ambulo: & ideo iure hanc veniam peto, vt ij qui vivere me volunt, patientur transferri & moueri. Denique causa tertia , viri Principes qui inuitant. Humanitatis est ijs se dare, & animum flectere ad desideria aut imperia illorum. At, inquietes, illi ipsi te illigabunt & sistent, & hoc amicos tuos angit. Audio, fateor, ab alijs metus similes: & timere me aliquid inducat communis hic timor. Cùm tamen oculos ad me, & hoc animi decretum reflexi , ridere magis subit , quam vereri. Egōne vt in hac ætate, & quod caput est in hoc languore , ad sedes me dem & spes novas? Iamdiu in ipsâ patriâ meâ rudein cogito, & mereri me autumo: transibo, & includi me patiar, in nouū ludum? Non faciam, mi Ænobarbe : apud me , apud meos maneo: & nisi Fatum aut Vis intercipiant, intra paucos menses Belgis me reponam. Deum rogo, vt ita sit: te autem, vt hanc esse mentein meam credas, quam ipsam tibi aperui , remoto omni simulationum velo. Vale Vir Nobilis & Clariss. Louanij, viii. Kal. Iul. 15. xcix.

E P I S T O L A X L I I .

IOANNI DRENCKWAIRTO, Thesaurario.

SICVT inter primos consilij mei de peregrinatione Italicâ certiore in feci : ita nunc debeo de impeditâ eâ , aut suspensâ. Litteras ex Italiâ nudius tertius accepi , quibus significant & pestem in aditu atque ore Italiæ fœuire incipere , & metum esse ne in reliquum corpus peradat . Imò iam in Ferrariensi tractu initia etiam esse. Itaque addunt deliberari Romæ, an sacer annus in alte-

alterum sequente inque non sit protogandus. Hæc causa iustissimè facit, vt tardem in hoc itinere, & in Veris saltem tempus protollam, aut & totum omittam. Nam cur apud te dissimulem? Animus auet & impellit peregrinari, sed corpusculi huius imbecillitas & pertinax inualetudo, cum ad iudicium redij, dissuadent. Ergo de cognato tuo nihil vlt̄rā, nunc quidem, cogitandum. maneat, studeat, ad metam suam eat. Quod cum bono Deo facturum eum spero: vtinam nos publicè ad optaram illam metam Pacis! nec despero in Principum aduentū. Ampl. & Nob^{me} Domine, Deus te Reip. & Principibus, sed & nobis, ætatem seruet. Louanij, viii. Kal. Sextil. ∞. Iɔ.xcix.

EPIST. XLIII. *Antuerpiam.*

PETRO LAFALLIO, CAROLI F.

EPISTOLAM perbenignam à te accepi, inopinatam, & ideò magis gratam, quia iuuat tales habere qui ament, cupiant, iuuent. Nam nechoc postremum abnuerim, vbi opus sit aut opportunitas: ac fuisse sanè in Italico nostro itinere, si id pertendissemus. Sed quæ interuenerint, audisti. Omitto meam inualetudinem sic affectam, vt medici pro fano me non facturum putent, si suscepissem: omitto inquam, & animus potuisset corpori imperare & vincere: sed publicæ illīc causæ sunt, quæ me quidem iustè videntur vel tardare vel arcere. Quidni, cum illi ipsi deliberent & cunctentur, qui me vocant? In hac ætate aliquid calidè aut temerè à me fieri indecorum sit, nec veniam habeat quam in iuuentute. Itaque differo aut supersedeo; haud libens, sed fatis, id est, Deo didici parere. Tibi autem gratias debeo, & semper in animo habeo, pro hac beniuolâ oblatione hospitij in domo tuâ Veronæ: quam urbem certum mihi erat videre, & suâ elegantiâ celebrem, & memoriâ antiquâ. Quod reponam, nunc non habeo, præter animum: quem scito & tibi addictum promptumque esse, atque cuiam tuis. Inter eos Petro Scholerio, cognato tuo: factum volo, & faciam vbi occasio erit. Re hoc malo ostensum, quam verbis dictum. Vale Vir ornatissime, & cum tuâ tuisque salute. Louanij, ix. Kal. Sextil. ∞. Iɔ.xcix.

I.LIPS I Operum Tom.II.

EPIST. XLIV. *Antuerpiam.*

Io. WOVERIO suo S. D.

HABES hesternas incas, quid iltis opus erat in vnâ modore, quam memoria tunc mihi subduxit. Buytewechianæ epistolæ exemplar. Micaultianæ iniiciendum erat: quia scis quā res eum tangat. Itaque neglectum à me, fieri per te rogo. Amplius, ferre te hanc mutationem consilij, & in eā philosophari circa spes aut cupidines coēcendas. Numquā indulgendum nimis esse, sed vt ij qui in procliui sunt, se se & equos si-stunt: sic in optabilibus & lœtis faciendum, ad quæ animus sponte fertur. Vis cogitare Deum aliquem moderatorem vitę & actionum esse? illum amantem & curantem nostri? Impediuit, disturbauit: ergo noluit: ergo neque ex vsu fuit, et si animus aliter vellet. Illum igitur ad diuinum apto, & non renuenti passu faci cursum sequor. Fac, mi Woueri, & simul quid parenti & tibi visum (in tuis rebus dico) fac sciam. Vale. Louanij, vii. Kal. Sextil. ∞. Iɔ.xcix.

EPIST. XLV. *Leodicum.*P. IOANNI ORANO, *Sacerd. Soc. Iesu.*

AM denique sedet tuum & amicorum consilium (nam omnes amici in eā parte:) manemus, nec Italiam hoc tempore adimus. Præter valetudinem meam nimis tenuem & infirmam, mouet & publica in Italia lues, quæ ipsa limina iam infedit. Ab Virbe litteras habeo, & inoneor ab ijs qui calidissimè inuitarunt, vt deliberem & cunctem, quò lues se ista dabit. Imò seriò agitari de Anno sacro prorogando, si paullum se diffundit. Scis autem quas molestias Italia peregrinantibus dare soleat, vbi vel suspicio eius morbi est; nedum vbi ipse. Itaque iam scripsi dilaturum me iter in Ver proximum, & tunc fortasse omnia setena magis, & certa quidem fore. Quid ipsos aut me iuuet, periculis & molestijs frustra exponi? Ea dilatio consilium etiam magis dabit, et si propendeo in patriâ & meâ istâ Spartâ manere. Apud te hoc promo. & quid me inquietet? pietatem tamen sepono: an pecunia? nec exspecto, nec peto: an ambitione fortassis minuam aliquid de famâ aspectus, nihil ad eam addam. Quicquid sit, ætas mea & iudicium iam maturiora, à vanitate abhorrent: & fortasse in pomparam ac speciem mul-

multa illīc dicēda, aut gerenda. Præcogitas-
ses hoc, inquies, nec addixisses. Melius erat.
sed tamen vel sic præstat ante viam sistere,
& temerè aut calidè aliquid dixisse, quām
fecisse. Calorem tamen mēū religio & pié-
tas excusabit, quā Deo teste affirmo in oculis
præcipue mihi fuisse. Vale Reu^{de} Domi-
ne, & hæc cum fratre tuo V.C. Petro Ora-
no, id est, cum me altero participato. Lam-
p桐ium communem viam iniisse audi-
mus: Deus manibus eius propitius esto. Lou-
uanij, vi. Kal. Sextil. ∞. I. xcix.

E P I S T . X L V I . *Antuerpiam.*HENRICO V WENO Ist.

BENE est mi Vwene, benè est (nam fami-
iliariter & abruptè apud te ordinar) quòd
in eandem sententiæ partem mecum venis.
Improbari tibi significas iter Italicum, id-
que magis quām magis cogitas: tibi autem?
imò addo verè & serìo, amicis plerisque
meis omnibus, cum quibus scripto vel ser-
mone de eo egi. Quid autem alios nomi-
nem? ego ille paullo antè calidus valdè &
destinatus, cùm iustâ iudicij lance rem pon-
dero, remitto affectum, & in rationis par-
tem incipio propendere. Duo me maximè
mouent. prius, quod & tu tangis, metum
subesse ne venia in faciliùs, quām me reci-
piam: & ne remora mihi illīc, aut & manus
iniectio, per beniuolentiam fiat. Quod si
esset; iuro tibi sanctè, vitalis non sim, & nul-
lo modo mores, ingenium, vitam ad illud
cælum & homines nunc aptem: En seresco,
& cani spargunt meas genas: mutabo fami-
liarem aërem, locum, victum, amicos? omnia
noua sensibus oculisque istis obijciam,
& in metâ pænè vitæ, noua vitæ spatia in-
grediar & decurrar? Mihi credet, hæream
aut deficiam iuxta ipsos carceres: neque
nunc ad senile & compositum iagenium
faciant, quæ voluptati erant olim. Pompam
dico, & splendorem, & speciosa omnia:
præ quibus maturus & iam frigens hic ani-
mus otium, secessum, tranquillitatem amat.
Duæ pestes humani generis Ambitio & A-
varitia, altera nec olim me cepit; altera iam
à plusculis annis dimisit, & nec laciniā me
tenet. Quid cogitem, aut cupiam? nisi pau-
cos hos & extremos annos, id est, pauxillum
vini mei reliquū, Deo libare & melioribus
utilioribusque Musis, quatenus eidem Deo
visum? Huic fini quies mihi conuenit, nec
concutere corpusculum hoc caducum, fra-

gile, & velut putre ædificiū, ruinæ iam pro-
pinquum. Enīm uero cogitauī & anteā, fa-
teor; sed Spes illa blanda & insidiosa mor-
talibus diua, suggerebat ipso motu & muta-
tione valetudinem posse corrigi, fortasse &
erigi in rectum & veterem suum statum.
Suggerebat: sed cùm rei vicinus & viæ, me
examina (secundum hoc quod me mouet,
esto:) Deum testor, tam imparem me longo
huic itineri, quām nauigationi ad extemos
Indos esse. Suscipere possum, patrare non
possum, & in viæ quadrante deficiā aut sub-
sistam. Hæc ita sunt: sed quare addixisti? in-
quies. Nolle m factum, vt liberè dicam: sed
me & illorum, qui vocabant, benignitas in-
duxit; & mea item cupiditas (cui pietas mix-
ta) prouexit. Suaue erat in cogitatione &
animo, reuifere visa olim loca, tot vrbes, tot
homines nobiles, & multos ex ijs nobis a-
micos. Sit venia honesto desiderio: sit venia
etiam impotentia, quæ exfortem me effe-
ctus facit. Quid autem quòd ab ipsis mihi
suggerita excusatio? imò disertè iam bis scri-
ptum, nequid adproperem; & metum ibi
luis esse, ac iam fines & limina Italæ infe-
disse. Ut nihil aliud sit, honestius aut certè
prouidentius maneo, & iter totum si non
tollo, iustè protollo. Quòd autem tu man-
tellum etiam & velū aliquod ab Aulâ quæ-
ris, nihil est, nec eò iueriū: & transflueat
hęc purgatio, & callidi illęlement à verâ fa-
cie hanc personam. Itaque in re maneamus,
securi iudiciorum, si qua præter rem dabun-
tur. Extremum quod vel inimici dixerint, sit
leuitas & temeritas: esto: malim dixisse ali-
quid temerè aut scripsisse, quām fecisse. Ibi
pudor dumtaxat, hīc pœnitentia sit adiun-
cta. Vale mi amice, & serìo te scio mihi, &
metili esse. Louanij, Käl. ipsiis Sextilibus.
∞. I. xcix.

E P I S T . X L V I I . *Eodem.*

Io. WOVERIO suo S. D.

ECÓNE vt de Galliā tibi dissuadeam? tum
planè à me abeam, imò mentis meæ ex-
sors sim, & cum Homero, * τὰς φρένας ἐκπεμπεῖς
ταῦλον. Galliam, Galliam in pectore amō,
in ore circumfero: & quidni? bonarum ar-
tium amātem, & ideo mei quoque (vtinam
meruerim!) diligentem. Illa verò tellus in-
genia semper habet, plurimum format: &
siquid nunc incultum aut ferox, à tristi &
* ταῦλον isto Marte est, qui nimis diu eos * immuni
pressit. Ipsa gens facta ad virtutem, alacrita-
tem,

tem, humanitatem: quâ postremâ ceteras orbis terræ gentes vincunt, certè vicerunt.
 * ^{aspera &} Sed fuerint hęc ^{oxθερανη ὀνέδεια}: beata Pax tranquilla omnia referat, & veterem ijs in-dolem ac mores reddat. Est, aut erit: tu interea me auctore vise, oblectare, disce. hoc postremū serio, nec ludus aut aberratio tibi sit, peregrinari. Plato iuuenes in suā Rep. abeo arcebat, quia vix apti eligere, & nouisse quæ proflīt: at senes non ire solūm, sed mitti volebat, relatuos siquid boni moris aut exempli vsquā esset. Hunc finem, hunc animum, et si non annos, habe: & velut speculatorē missum te cense, cum Diogene aliquo, ad res humanas explorandas. Splendet aliquid aut placet? accede, tenta, an verā luce: & si illā, mirare, aut adsume. Sordet aut iacet: calca, non solūm transī, & animosā fiduciā ad meliora abi. Ut rem tibi dicam, vbique utrumque reperies: alibi crebriūs, rariūs, bona, mala, mixta. Iuuet te, quòd iudicium iam (aut fallor) in bonam partem formaueris, & firmus stare possis contra vanitatem, non solūm prauitatem. O fac, & contuberniō meo honorem hunc concilia, prudentiæ aliquid ab eo, non solūm scientiæ hausisse. Si hanc solam; abdico, vt olim seueri illi parentes. Ceterū de Italiā, nolim vlt̄rā te aut me titillet. mihi exstinctus ille ardor (ita enim fuit) à sedatæ rationis quodam imbre: velim & te residere, nec meditari fortasse vana rerum. Res ipsas quæramus: umbras, pompas, breues stricturas, recto oculo videamus, noscamus, spernamus. Testimonium, quale volebas, h̄c habebis: de litteris fac nunc gratiam; occupor, quâ in re? extremâ (ne percellere) & testamentum cum vxore meâ iunctim condo. Hoç vera sapientia iam olim fieri suasit; nunc etiam plebeia, postquā superus ille Apollo ^{Nēos} ^{ἀρά πόλις ὡρα ταχίτι}. Itaque funera in oculis habemus, et si per hos dies rariora, & mite scere malum videatur. Deus donet, & te quo tenidis sanum ire, redire, & manere meum semper. Louanij, iv. Idus Sextil. ∞. I.C. IC.

TESTIMONIUM.

Ego, si quidquam bonā fide, iamnunc te-
 * <sup>ribim-
misi mor-
bum tri-
um.</sup> stificor, hunc IO. WOVERIVM è contuber-
nio ^{et} domo meā adolescentem, mihi carum,
Modestie, et Mufis fuisse: quas semper coluit,
^{et} vitam ad optima præcepta, ingenium ad artes
conformauit. Commendo serio, bis serio, quicum-
que illa amant: addam ^{et} verecundē, si quis me

amat, ut factum huic velit. Fuco verborum ne-
mini imponam, nec ipse morum: candidus est, bo-
nis benè natus est, & siquid ad rem, in re bonā.
Fauete, qui hęc legit̄, ^{et} breue sed fidum elo-
gium censete: quod à vobis amplius auferet, si
nosceritis. Louanij, iv. Idus Sextil. ∞. I.C. XCIX.

IVSTVS LIPSIUS.

EPIST. XLVIII. Bruxellam.

IOANNI DRENCKWAIRTO,
Thesaurario Belgij.

VALETUDO mea adegit; vt domum pro-
perarem: idq; breuiore viâ illâ Mechli-
nensi. Ita vos non vidi, nisi affectu & ani-
mo: quem quomodo non s̄apē istuc mit-
tam, magis magisque beneficijs vestris de-
uinctus? Ingratissimus hominum sim, &
dignus cui vel frons, exemplo Macedonici
illius militis, inuratur. Balduinus tuus ad
nos sanus saluusque redijt: hoc momordit,
quòd non te talem reliquisset. Si vota nostra
locum habeant, non illud modò sis, sed
pænè dicam immortalis. Balduinum tuum
scandere ad tituli illius apicem curabimus:
atq; utinam breuī ad ipsum illud culmen,
quò adspirat! Ipse adnititur, nos alleuabi-
mus: sed nihil properè, ne non ascensum
sed ruinam sibi struat. Sicut aues matres
non patiuntur pullos suos longius auolare,
sed comitantur & sistūt, & docent: nos item
hęc talia in nostrā iuuenture. At te, Ampl^{me}
& Nobil^{me} Domine, sanum & firmum se-
riō vouemus, publicā & nostrā causā. Lo-
uanij, III. Idus Sextil. ∞. I.C.

EPIST. XLIX. Bruxellam.

BALDVINO IVNIO suo S. D.

NIHIL timidè ad me aut cunctanter
scriptione debes accedere. cur facias?
amo affectum, qui impellit: sed & ipsum il-
lud scribere amo, quod te exerceat, me de-
lectet. In alto otio es, et si in negotiosā &
turbidā vrbe: sed in quā vana & ambitiosa
multa rerum videoas, nec pro mente studijs
melioribus operatā. Sicut terrā interiectā,
Luna lumen à sole amittit: sic animus ob-
nubilatur, interuentu isto viliorum rerum.
Itaque meritò eas fugis, & ad nos adspiras.
et si es tamen in contubernio Amplissimi
viri, tui auunculi: à quo haurias præcepta,
& exempla item videoas, ad Virtutem. Sed
vt nunc tua ætas, Louanium & hęc Miner-

M 4

ux

uæ dicata loca, magis tibi faciunt: redibis igitur, cùm illi visum, quia lues fit rarius & mitior, imò pennas quatere videtur, & à nobis abire (fiat, fiat) mala illa Diua. Censeo tamen Principum aduentum exspectes, qui appropinquare dicuntur, vt sollennia illa videas, nec visa tibi nec fortean videnda. Hoc suadeo. etiam illud, vt mentem & oculos ad libellos flectas, manum subinde ad stilum, ne otiosum tuum illud otium sit: id est, vt noster Seneca appellat, *hominis viui sepultura*. Vale. Louanij, xvii. Kal. Sept. 15. xcix.

E P I S T . L. Eòdem.

GVIL. SCARBERGERO suo S. D. •

BRUXELLA te etiam habet haud dubiè, & dies fortasse aliquot habebit, in hac publicâ lætitâ & pompâ, quâ vestra ætas, quid vestra? senior etiam aliqua merito delectetur. Sed vt te deinde Louanium nostrum, & domus etiam mea, habeat, id cupio: & hæc caussa scribendi. Reuisse yos, non quia diu abfueris, sed quia fortasse abfuturus: & in antecessum, vt ajunt, consuetudinis hunc fructum capiamus. Coram de itinere tuo & meo consilio. De Italico quidem ne vltre cogita, tam perijt quam extrema faba, vt Comicus ille iocatur. Caussæ nimis iustæ sunt. & vel sola tenuitas mea, & hic homo, vt sic dicam, monogrammus, pro mille. Pat non sum, quidquid coner, quidquid cupiam: & non Italia, sed via mihi sit sepulchrum. Vale, mi Scarbergere, & quod dixi, & (si voles etiam) iussi, veni. Louanij, iii. Non. Sept. 15. xcix.

E P I S T O L A L I.

AD CONTUBERNALES SVOS,

*Franciscum Oranum.**Io. Baptistam Perefum Baronum.**Guilielmum Richardotum.**Antonium Richardotum.**Guilielmum Scarbergerum.**Cornelium Anchementum.**Ioannem VVouerium.**Balduinum Iunium.**Philippum Rubenium.**Hubertum Audeiantum.*

ITANE de Potoribus & Edonibus scire aue-
tis? & decorè hoc poscitis? Ita. quia in
Scholâ etiâ differui in occasione, vt dicitis:
& velletis rariora ista exempla in promptu

habere, non ad imitandum, sed narrandum.
Addam ego, & detestandum. nam sic opor-
tet. monstra hominū fuere, qui huc se dede-
re; et si in theatris & regijs etiâ spectati, cum
fauore suo & plausu. Sed videamus igitur
primò Potores, & istos, cum poëtâ prisco,

* Συμποτίαν τε καὶ καρδιαν ἐπέτειον.

Proludo autem leuiter & vniuersè de toto genere: quos vbi & quando non est inuenire? In veteri & nostro æuo, in noto & nouo orbe videoas: & Plinij dicto, nullâ in parte mundi cessare ebrietatem. Nec vina solùm huic rei expeti, sed aquam adsumi: ô sagacitatem ingenij! quam repertum, vt hæc quoque incibriaret. Frugibus corrumpi variè eam scis, & herbis, & melle: quid quod & fumis atque odoribus alibi (de Peruanâ Indiâ scribunt) inducitur alienatio hæc mentis? Quacumque viâ, madescere tamen volunt & desipere: ac pro plurimum mente ille apud Comicum sentit: — *To δὲ ξῆν*

Εἰπέ μοι τί δὲ ξῖτι; τὸ πάντα γε, φημὶ ἔγω.

Οὐαὶ τῷδε γέρου πούθεσθαι χειμάρρος, δοτε

Δένδερον δεὶ τελεύτην καὶ τὸν ἡμέραν

Βρέχει, μέγεθος τοῦ καὶ τοῦ οὐαὶ γένεται.

Τὰ δὲ ἀντιτίθονται, αἱρεῖ δέκαν τοὺς

Ηὔπερσον τοῖς τοῖς, αὐτὸν προπονεῖ διατάλλων:

— *sed vivere*

Quid tibi videtur? mihine? bibere, ego inquit.

Vidēsne vt, ad fluenta consita arbores,

Et qua diebus perpetim atque noctibus

Rigantur, alto stipite & latâ comâ

Celo minentur? contrâ, que velut fistim

Patiuntur, has perire cernas stirpites.

Plures, inquam, consentiunt: imò velut ad

palmam currunt in Dionysiaco hoc agone.

Qui olim eam populariter tulerunt, Plato-

nis iudicio sunt *Scytha, Thraces, Celta, Iberi*:

nec vel hodie id culpes, nisi forte in Iberis,

qui demutarunt. Sed bellum, quod de ijs

etiam addit: *Σεύθαι καὶ Θράκες αὐξέτω παντάπαιοι χριβάριοι, γυναικίς τοῦτον αὐτούς, καὶ τοῦτον ιππάτων κατεχάριθμοι, καλὸν καὶ ὑπερμονεῖσθαι δύμα τοῦτον δύσην τομένοις:*

Scytha & Thraces meraco vino

pafsim utentes, viri atque etiam fême, &

in uestes sibi defundentes, bellam & beatam

vitam vivere se censem. Quid ais? agnoscisne

hæc & in nostris moribus? non etiam

illud de effusione? quam bibuli isti vtuntur,

sive cum recusanti alteri poculum in sinum

vestis proijciunt; sive cum ipsis audè bi-

bentes, suum stillatim perfundunt. Sed

Græcos tuos Plato quid ita omittis? scimus

& eos in hac classe, & prouerbio innotuisse.

Etiam Diui Basilius reprehensione acti,

qua

* Connivens
masculas, &
calicum re-
miges hue
strabones.

Antiph-
nes apud
Athens
libro 1.

quâ mores sui æui ita corrigit, ut tamen reuelet. Bibunt, inquit, audèt ^{et} confessantur, & propinan: sed bellum acroama, ^{σεξιόντος} τὸ πότης, ^{ἰνδούρχος} τοὺς νεαίας, θραις ^{τοὺς} αἴματα, ^{τὸ ποτόν} μεθυσαν, φιάλεις φέρον δίμεγέδης τοὺς καταλυμάν. Οὐ τὸ ἀποχόν αὐτῷ παρεσάμενος, κατασὰς εἰς τὸ μέσον, σχέση σκολιῶν σταλωμένοις τοῖς συμπόταις διανιψ τὸ μέθην. Διηγόμενοι γὰρ τὰς οὐδερρόποιας, καὶ τὴν περὶ ταῦτα ἔργα ^{τοὺς} περιαμφέλους οὐ ποδεξάμενος, ωντερ διπλοῦ δέξαμενος αὐτοὺς τοῖς λαμπεῖς, οὐν διποὺς αὐτῶν ὁ φυκτὸς διὰ τῆς αρχυρέων ὁχεῖδις ἐπαφόσι: potionē iam longius progrēsā, intrat adolescentis aliquis, validis humeris, & nondum ebrius, vas magnum ferens & sustinens vini refrigerati. Atque is propulso ordinario pincernā, in medio adstante, per obliquos canales quosdam, equalem omnibus distribuit ebrietatem. Partiti enim tubos illos, & ad se versum quisque accipiens & excipiens, tamquam ē cisternā uno spiritu bibunt, prorsus ut boues: adacti tantum in guttū ad trahere ^{et} demittere, quantum superne vas illud per argenteos filanos siue canales infundit. O bellum morem! ὦ Græcis illis elegantibus dignum! tam herculē quām alter iste (iuuat commemorare, vterque nouitius nobis est:) alter inquam Philoni expressus, & apud stirpem illam Græcorum Alexandrinos usurpatus. Certant vino, inquit, bibunt confertim ^{et} vix spiritum recipientes, cum identidem pueros à poculis iubent infundere. ^{et} si vel leuiter tardent, acriter increpant, quod calidum ijs (sic loquuntur) frigesciant. Deinde nique in pulchro hoc certamine μυαλα ^ε καλα ^ε λύλας, ^{αἱροῦσσαν, ὡτα, πόνας, καὶ χειρῶν} εὔρεις σακτύλας, καὶ ὄποια δι' ἀρ τύχη μέρη τοις σώματος: magna ^{et} pulchra inuicem patiuntur ^{et} faciunt, aures, narres, manuum extremos digitos, & si quām aliam corporis partem forstulit, sibi mutuò prærodentes. O non amentiā, sed insaniam! & fidem mihi aliquis habeat, nisi ipsa verba fidi auctoris adnumerem? Vide autem blandicias. nam sic ego interpreter: & suaves isti compotorculi, vino madidi, sensuum inopes, ita se comprimunt, dissuauiantur, allambunt. Dij deæque, quid irati aut hostes aliud faciant? Sed populos omitto, ne meos fortasse opus habeam tangere: viros videamus (is enim præcipuus noster tunc sermo) & qui singuli fortiter certarunt hoc certamen. Ecce Alexander Makedo olim, ipse quoque vini audius & capiens, & addam, suo & alieno malo captus quoque, is dico præmium aliquando publicè proposuit æregeatosis, siue meri potionis. Ludos rege illo

dignos, qui per Liberi vestigia ibat scilicet, & hunc quoque honorem ei habebat. Ipse igitur editor & arbiter: certant plures. sed qui plurimum hausit (ait Plutarchus) Promachus quidam fuit, qui ad * congios quattuor peruenit. Congius cepit olim libras decem circiter, siue sextarios sex: essent nobis tria vini pocula, largè. quod autem præmium? talentum. quod etiam mors. quæ homini post triduum aduenit: itemque alijs quadraginta & vni, qui miselli super vires certarant.

Felicior alter apud eumdem regem, in eodem isto vini modo, Proteus Makedo. qui, vt Ephippus scribit apud Athenæum, valido & sano semper corpore egit, et si vino adsiduè immersus Fuit aliquando, inquit, vt Alexander in coniuvio grande poculum posceret duorum congiorum, atque id Proteo offerret. Ille gratarer accipiens, & regem comitatis laudans, cum plausu omnium ebibit. Ac subinde idem poculum repetens, iterum eduxit, & obtulit impletum Alexandro. Quod hic quoque suscipiens ebibit, sed impar viribus non sustinuit, & in puluinar reclinato poculum ē manibus est elapsum. Vides & hunc Quadricongium potorem: & vix est vt supra donem. Nam Plinianus ille Nouellius

* Duodecimpocula.

Lib. x.

Lib. xiv.
Nat. Hist.

Torquatus Mediolanensis (Gallus fuit, vindicemus hominem cum hac gloriâ) tres dumtaxat congios bibit: sed quod miremur, uno impetu, (Plinij verba) spectante miraculi gratiâ Tiberio Principe. Hem, uno impetu, id est ἀποδισι? Et quod amplius miremur, in eo (iterum Plinij verba) rara hæc gloria, non labasse sermone, nec leuatum vomitione, non alterâ corporis parte, dum biberet: matutinas obisse vigilias: plurimum hausisse uno potu, plurimum preterea alijs minoribus addidisse: optimâ fide non respirasse in hauriendo, neque expirasse, neque ad elidendum in pavimento sonum ex vino reliquisse. O potorem omnibus numeris perfectum! quis contendet? non tu Cicero fili, qui duos congios simul haurire solitus: sed quid ad hunc aut priores? Abi proles à patre degener, & nec in vitio satis fortis. Firmus nominetur potius, qui Aureliani temporibus in Ægypto imperium usurpauit. Is vini non multum bibit, aquæ plurimum; mente firmissimus, neruis robustissimus. & tamen cum ad bibendum à notissimo quodam potatore, Barburo, prouocatus esset, situlas duas plenas mero duxit: & toto postea coniuvio sobrius fuit. Cui non dissimilis Bonosus, item inter minutos tyrannos. qui, vt Spartanii verba sunt, bibit quantum hominum nemo. De quo Aurelianus sè dicebat, Non ut viuatur natus

natus est, sed ut bibat. Quem tamen diu in honore habuit, causâ militie. Nam si quando legati barbarorum, unde cumque gentium, venissent, ipsis propinabat ut eos inebriaret, atque ab his per vinum cuncta cognosceret. Ipse quantumlibet bibisset, semper securus & sobrius, & ut Onefimus dicit scriptor vita Probi, adhuc in vi-
 no prudentior. Habuit præterea rem mirabilem, ut quantū bibisset, tantum mingeret, neque vni-
 quam aut eius pectus, aut venter, aut vesica gra-
 naretur. Is ipse cum, victus à Probo, laqueo
 vitam finisset, ioco locum dedit, Amphoram
 pendere, non hominem. Infelix quidem in
 Martis militia, fateor; sed hac Bacchi miri-
 ficus, & iuxta vel supra Torquatum Tricon-
 gium illum ponendus. Quid autem de Ca-
 matero Logothetā pronunciabo, qui Manue-
 lis Byzantini Imp. æuo & rebus interfuit?
 nam & is palmarū sibi poscit. Nicetas Choniates de eo: *Ingenio præstanti fuisse, eloquen-
 tiæ extemporalis studiorum & felicem: sed eum-
 dem omnium mortaliū edonem & bibonem
 maximum. Et quamvis vinum audiſſimè &
 largissimè sumeret, & spongiarum instar made-
 sceret, tamen mentem non mergebat ea copia; sed
 pedibus, capite, lingua constabat, ut sobrij, imò
 crescebat in eo ratio & oratio velut igne illo hu-
 moris accensa simul & irrigata. Hoc genere vita
 non solum Imperatori acceptus erat, sed & gen-
 tium dynastis. ad quos Legatus missus, alios in so-
 porem collocabat, alios aquabat potionū veteres,
 quique amphoras, ut calices, digitis versare so-
 liti erant. Sponsonem vero aliquando cum ipso
 Imperatore in ijt, exhausturum se vas Porphyre-
 ticum aquâ repletum: quod olim in aula sub diali
 Nicephori Phoca fuit, nunc visitur in huius Mi-
 chaëli conclavi aurato, quod struxit. Demiratus
 Imperator, Euge, inquit, o Logotheta. vestes flo-
 ridas, & minas aliquot auri accipies, si faxis;
 sin autem, ipse dabis. Ille n̄ moratus, vas illud,
 quod ad duos chōas sine congios capiebat, corpore
 & capite inclinato, instar bouis, totum simul
 exhaustus: & accepit statim ex pacto promissa.
 Quid dicitis? non hic palmarū, ut aiebam,
 iure suo poscit, & quidem duplē: non
 vini solum, sed aquę singularis potorū? Et ec-
 ce iam huic aut prioribus dabam: sed è
 Germaniā superuenit qui reuocet, & qui-
 dém nouis nouitius athleta. Nuptias ante
 pauculos annos in Norico fuisse audio virti
 nobilis. ibi ad conuiuas hilarandos, certa-
 men potionis propositum editumque, inter
 eorum ministros. Magno numero conue-
 nerant: sed vnum forticulus paullo minus
 sex congjs, haud longā morā, fertur ebibisse,*

& simul præmiū meruisse. A me quoque, ô
 homo an orca, accipe: & fateor nihil simile
 vidisse, audisse, legisse. In vno quidem isto
 potionis genere. nam Edones magnos, & si-
 mul potores, repperi fortasse, & super istum.
 Videainus. Mulier Alexandriæ olim fuit,
 quam Athenæus prodit, Libras carnis duode-
 cim edisse, panis quatuor chænicas, id est totidem
 & amplius librarum; vini autem congum adbi-
 bisse. O mea Venus, ô delicium, bella es &
 digna marito, sed Vulcano. Super hanc lon-
 gè (quid in vitro mirum?) Imperator Maxi-
 minus. quem Capitolinus auctor, bibisse sa-
 pè in die vini Capitolineam amphoram: comedisse
 & quadraginta libras carnis; ut autem Cordus
 dicit, etiam sexaginta. Scitis, quid illa amphi-
 ra? quadraginta octo sextarios capit: id est, ip-
 sos Congios octo. Trepidarem hæc dicere: sed
 bonus & priscæ fidei auctor adserit, quam
 ego non fugilem. Sed audi & crede etiam
 maiora. Vopiscus in Aureliano principe:
Vehementissime, inquit, delectatus est Phagone.
 qui usque multum comedit, ut uno die, ante
 mensam eius, Aprum integrum, centum Panes,
 Veruecem & Porcellum comedere. Clamas, &
 resilis? sustine etiam: biberet autem, infundi-
 bu lo apposito, plus Orcā. Cetera liquent: de Or-
 cā, scio vas vinarium fuisse, & amphorā sa-
 nè maius, sed quantum, mihi latet. Quid
 Clodius Albinus Imperator? is, Capitoli-
 no scribente, tantum pomorum haustus, qua-
 ntum RATIO HVMANA non patitur. Nam &
 quingentas fucus paſarias, quas Greci Callistru-
 thias vocant, IEIVNVM comedisse, Cordus di-
 cit: & centum Persica Campana, & Melones
 Ostiensis decem, & vvarum Lauicanarum pon-
 do viginti, & Ficedulas centum, & Oſtrea qua-
 dringenta. Hem, hem!

— dij talēt terris auertite pestem:
 certè à nostris hortis, quos ille cum toto fo-
 ro olitorio depascatur & vastet. Scio vos
 etiamnunc vacillaturos, & * inχη quādam
 usuros in assentiendo: & dedi tamen testes,
 dignos credi. Vultis & exemplum à supe-
 riore paullū æuo? nam vetera nunc ferè
 hoc fatum habent, ut etsi vera, vix videan-
 tur: an sui magnitudine, an nostrā declina-
 tione. Sed addamus non tale aut tantum;
 quod tamen venire in numerum possit.
Uguccio Fagiolanus inter Italæ tyraniones
 fuit, & sedes ei plerumque Lucæ, donec pel-
 leretur. Exsul igitur & iam senex, apud Ca-
 niem Sealigerum, Veronæ gloriabatur in
 mensa: se inuenem quaternos capos artiles, &
 totidem perdices, item hædi clunes affos, &
 vituli infar-

* Odo-
cim pœnula.

in partem pectus, preter saltem, unde in cana
refracta. Atque hic homo non in præmium,
sed in usum & pellendæ fami faciebat: quid
si exercuisset se, & neruos intundisset? Satis
talium. ite prodigia, & istos gurgites, pænè
dicam, maris aliquis gurges mergat. Louanij,
in nostrâ domo: quam quo fine incolli-
tis, ut hunc tangatis, Deum precor.

EPIST. LII. Bruxellam.

• BALDVINO IVNIO suo S. D.

Ecce ad ipsum adiunculum scripsi, & me-
tum ademi, qui te à nobis amouit. Quid
superest, nisi vt iterum te admoureas, &
Deas reuisos, quarum amore cales? O gratus
ille mihi, ô tibi vtilis affectus! & quid in hac
atate melius potes; aptius potes? Cole, cole
nunc istum adolescentiae agrum, bona fru-
ge scientiarum copiscere: & maturior, acci-
pies suaves illos Prudentiae, iustæ & Sapienti-
æ, fructus. Miseros, qui aut nolunt, aut
aeglegunt miserans, qui cum velint, non
possunt! At tibi facultas in primis adest, &
alter ille tuus parens (scis me Thesaurar-
ium dicere:) vberim suppeditat, quidquid
studijs, & eorum instrumentis, est opus.
Voluntas atque etiam in te est, quod
gaudeo: vt serues, vel vt auges potius, hor-
ror. Mihi hoc crede, perueniet ad optatam
calcem, quisquis serio volerit & nitetur: &
calibus vtroque oculo Iupiter huius, Mer-
curius dirigit, ipsa Minerva manum &
mentem ijs, & cum ijs, mouet. Abripior, &
Scarbergerus abit. Louanij, pridie Idus
Septembri. ex I. & C. CIX. pro illis, ut hanc
litteram vobis, etiam omnius hinc, ope-
re in EPIS. OLA. A. LIII.

IOANNI DRENCKWAERTO Thesaurario.
Scriptio n̄ huic nullum argumentum
Est, nisi affectus meus & mos maiorum:
Vt ergo suadet, vt vota, quæ pro salute tuâ
corde faciunt, stilo consigiem & ad te per-
feram: sed prius ad illum calide missa, qui
comportes (ita spero) faciet votorum. Deum
igitur rogo, quantum animo possum, vt
hunc Sæcularem nouum annum felicem ti-
bitusque decurrere, te valere per eum &
vigere, Principibus & Recip. sine offensâ
vacare, me amare donet, qui super percepimus
& deuotus tuus cultor ac clavis. Louanij,
postridie Kal. anni DC. supra c. Baldvini
tuus apud me valeret, quod facere eum
vis facit.

EPIST. LIV. Mechliniam.

• IOANNI BERNARTIO suo S. D.

Ecquid agis, mi Bernart? Raro, inquietus,
Interrogas. Fateor, & ignauum me cum
annis fieri, hoc quoque fateor: sed non in
amore & interiore affectu remissum. Qm-
nia fers aspergit ille, animum quoque. Sentire
incipio, & ingenio tam diu, tam assidue
exercito, rorpor aliquis adgnascitur, & quod
libenter facit, imprompte facit, aut nec fac-
cit. Ignoscit ita tu & tui ad æui hanc litream
veniatis, aut potius supereris, beati & felici-
ces. Quod precor tibi religioso & prisco vo-
to, in auspicijs huius anni: quo me Italia
sibi spondebat, & ego me illi: sed, ô numen
quod nos temperat, quād irritā destinatio-
ne! In patriâ hæreo, neque res tantum abiit,
sed desiderium, vt verum apud te libere
loquar. Etsi assidue litteras etiam nunc recipio
inuitantes, & nimis benignitate prouo-
cantes. Sed quid verbis opus? Fatali vī
magis & magis indies agnosco, in publicis,
In priuatis, in me ipso. Ratio omnis vellet
fortasse non peregrinari me, sed adire tam
enim maneo & video diuinus decretum.
LIPSIVM IN BELGIS MORI. Fiat apud
multos incuriosos mei, paucos contempto-
res, fortasse & nonnullos amulos: sed &
amicos volentesque alios, inter quos te
Mechlinia & Oudartum meum cum Har-
tio, sacra mihi nomina, habet. Eamdem vī
beam vestram & iste insidet parat **Vibrantius**
Anskermi, Iurisconsulti nunc titulo do-
natus, iam olim inter Musarum cultores,
imò etiam mystas. Vtique oratione valeret
soluta & vincita: quod magis ex illo noto,
noscet, atque vt velis terogo. Louanij, pos-
tridie Idus anni Sæcularis. ex I. & C. Vxori
tuz suauissimæ salutem per te nuncio, &
liberis tuis.

EPIST. LV. Gandavum.

GEDEONI TSERHENDRIXIO, V.R. & N.

Evngor munere salutationis per litteras,
quoniam coram id non datur, vt solet,
& quod mihi doleret. Suam sepè confabu-
latio nostra, & praescitum in re hortensi:
quā vtetque delectabamur. Tu magis, quia
solutior eras, & pænè sine alijs vaca-
bas huic cura. At mihi temporis iniuria om-
nem, pænè hanc voluptatem detergit. dico
temporis, non adspectu ad ista publica: se-
tristia

tristia (quæ mitigo potius hac occupatiunculâ:) sed hiemis iniuriam & acrimoniā intellego, quæ mihi hoc biennio funera continuata dedit, & florem omnem, ut sic dicā, florū meorum interfecit. Quidquid singulare erat, præsentia in Tulipis, habuisse me recordor, cum desiderio tristi & pungente. Miseras me & nolim, adiuua potius, & quoniam diuitem atque ubere me audio, instar vel Phœacum regis, participa veteri amico, & qui in beneficij magni loc⁹ hæc, etsi fugacia, munuscula ponet. Confido te factum. Certe si in caussâ simili tu à me, utrāque manu largiter ego donem. Nunc salutem, & hunc animum semper deuinustum. Louanijs, postrid. Kal. Mart. 150. I.C.

E P I S T . L V I . Mēchliniam.

NICOLAÖ OVDARTO V.R. S.D.

SOLEO volente animo, labente manu & pennâ ad te scribere, nunc ille contrahitur, & hæc resistunt. De republicâ me consulis: & quid scribam aut effabor? Istud mallem, & in tuum sianum intiores omnes cogitationes effunderem: à scribendo absterror, & nimis iustas habeo causas. At Princeps vult, inquit amicus ille nosten. Credo equidem, & eius certè interest fida & recta consilia dari: sed ego me in eâ classe non censeo, qui hoc statu rerum debeant aut possint. Adde quòd à republicâ remotus sim, auditione aliquid accipio, interiora rerum non noui: & quid ergo firmiter aut ex vsu suadeam? haud magis quam medius, qui ægri sui temperiem & constitutio nem ignoret. Vota tantum possum addere, quid si & quærelas? Hic quidem cottidiana materies, cum miseri rustici præter ora nostra, vineti abducuntur, haud aliâ specie quam si hostes irruissent. O patria, ô ipsi Principes! nam vt illius salus agitur, sic dignitas istorum. At enim mox remédia à publico Ordinum conuentu

Ecce quæ possum aut vox hoc tempore interea Deus illi Episcopō bene faciat. & nostra N. quorum utrumque candidè & liberè, quæ ex ysu sunt, aut certè videntur. Nam quid afferam? omnia ista mihi tenebras sunt, nec sapientiam aut frumentum video ei⁹ modi actionum: nisi si qua consilia specie tristia, exitu leta, ut sæpe in humanis solet. Occultat enim, ut Plinius ait,

vitorumque femina Deus, & plerumque borum malorumque causa sub diversâ specie latent. Plinij illius Panegyricum librum breuiā me videbis: & vetera illa monita ac consilia potius, quam mea noua. At quis usus inquietus. alibi fortasse, & ubi nolim. Quid faciam? nos, ut in theatris olim, spargimus ille aut alius sinum aut manum implet. Vale mi optime Oudarte, & vide an male illi (si sic pergitur) qui me super. Sed tu iterum vale. Louanijs, Idibus April. 150. I.C.

E P I S T . L V I I . Bruxellam.

FRANCISCO BILLIODO S. D.

Nihil minus quam à te beneficium, aut potius beneficia, exspectabam: quæ largiter, vitro, & aperto: animi sinu, mihi defers aut offers. Nam & nummos ad me mittis, ad extum aut supplementum Roxonianis: & florimetiam lectissimos ex parte tuo hostio polliceris. quem ille instruum, ut audio, & supra omnes Alcinos patre habet. Negem utrumque mihi gratiam esse mentiar. gratissimum est, & pro veteri atque insito animi mei desiderio & sensu. Veteres omnes elegantias, & has Antiquitatum reliquias à me amari, notum est omnibus, qui leuiter me norunt: sed & flores & hosti ornamenta in delicijs habent, non pruduit scriptis etiam publicè profiteri. Itaque vide libertatem & candorem, quo immūca pudicit in ipso hoc aditu amicitiae, grata, quæ misisti; grata, quæ mittere: atque ut mitas in Vere proximo (vix enim antevellendi copia) non rogo te sed appello. Quid enim rogem, iam debitorem? Sed extra iocūm scriptio tua mihi in animo placuit, qui eam amicitiae conciliandæ esse voluisti: quam pure & sine fraude equidem offero, amans honesti animi tui, & ad honesta sic propensi. Eum ut in illa & in intactam series Deum & te rogo. Vale. Louanijs, postrid. Idus Nouemb. 150. I.C.

E P I S T . L V I I I . Mechliniam.

HADRIANO VANDER BVRCHIO,

Filio, Senatori.

BENIVOLE atque factū & pro amico, quod me & dignitatistu & discessione gratum fecisti. Ego enim serio tibi recipio, & fautorē me esse incremantis tuis, quæ virtus & ingenium concilianti & vota interpono, ut plura adstruantur, quod in Princi

pum

pum gloriam & publicum bonum ceder. Illis & huic conuenit, tales euehi & educi. Hortor autem te vel ex superuacuo (nam sponte facturum confido) ut in isto munere dignum te & parentibus, & ipso te praebas; denique iustitiâ illâ, cuius sacerdotium nunc profiteris. Ecce in ipsis meis, quæ in simili occasione & arguento iam scripsi, si quid erit huic rei aut sensui, videbis, eliges: & hoc fine misi. Vale Vir Cl^me, & animo à nobis non abi. Louanij, xi. Kal. Nouemb. ∞. I^oC.

EPISTOLA LIX.

VIBRANDO ANSKEMA S. D.

Tv verò iacere mihi videris, aliter à studijs tuis exspectatum. Tædet status huius præsentis, & audē mutes. quid? itāne pessimus ille & abijciendus est? mihi non videtur: nisi ei qui lucem, honorem, alta, id est mala quærit. At ego te in nostrâ hac quietorum classe censem, vt

— *secunda placerent*
Otia, nascentesque irent in secula libri.

Transfuga es, & ad splendidas illas partes abis? Splendidas, sed miseras, & in experimendo demū scias. Non volo, inquies: sed à tricis imò forensibus ipsis liberari, & bonâ fide Musis operari. Velim mi Vibrande: & si tu sic serio, etiā illīc potes. Pater quod ad vsum, & tolerandæ honestè vitæ sit, affatim suppeditat. Si te excutias (liberè loquar) aliū in hoc vlcere vnguem reperties, & mixtum aliquid à cupidine fortassè non bonâ. At tempora etiā accusas. Facile est, & quis non tecum? pretium non est artibus bonis, non ipsis bonis, & hæc omnia præ feruidis & ambitiosis calcatur aut iacent. Vera sunt, sed in terrâ tu purum illum ætherem, & serenos semper animos, exspectas? non inuenies. nimbos magis, procellas, columnias: & mihi crede, nos quoque (quibus aliquis inuideat) largiter & crebro sumus his iactati. Iactati, sed non afficti: stetimus, & illud Pindaricum obinurmurauimus:

* — *O μήχας δὲ καὶ θεων Θεοί αὐλαῖ φῶτα
εἰ λαμβάνει.*

Ignai & viles magis tuti ferè & sancti sunt: alij prouocantur. sed nimirū vt aranearum casles animalia fortiora pertumpunt, sic istos à Fortunâ laqueos mens robusta. Aliqua tristia, & quæ nolis, incidunt:

* — *Τίς οὐκεπλησσει τοιόντων Χερόν;*

Aπαντήσειμαν δὲ τοιόντων Χερόν;

I. LIPSI Operum Tom. II.

Sicut stellæ in tenebris etiam fulgent; sic liquidus & libens viri sapientis animus etiam in istâ temporum caligine aut nube. Hęc solatia: nec auxilia tamen abnuo, quæ in mea quidem sint manu. Quæ tu quòd tam prompta censes, nimis falleris: nec fores vbi que, non dicam commédatiōi nostræ, sed in hi ipsi apertæ. Occasio exspectanda est: & præuertere aut facere eam, vereor ut succedat. obsecro te, nobis hoc crede,

Qui periti sumus in vitâ, atque vſu callemus magis.

Vale autem, & animo ne sic fluctuare: certus, quòd millies milleni in hac ipsâ Belgicâ sint, qui optét & reges sibi videantur in tuâ sorte. Louanij, v. Idus Ianuar. ∞. I^oC. Vxorem saluto.

EPIST. LX. *Utrechtum.*

HADRIANO VANDER-BVRCHIO, patri.

GRATVM accedit mihi & munus tuū, & scriptio, vtrumque veteris in me animi testis. Est sanè hoc in fido amore, & qui in virtutis, vt sic dicam, solo radices egit, vt non magis quām illa desinat, & æuo ipso crescat & vires suimat. In tuo experior: sed & fratri Decani, quem viuere & vigere, etiam in silentio aliquo, mihi liquet. At munus tuum parte aliâ etiam gratum, quod ostendit te nec in occupationibus, quas adsiduas habes, nec temporum hoc tædio aut caligine, deserere nostras illas Deas: quas pauci hodie æstimant aut amant. Gaudeo: & scio, præter honestam voluptatem, etiam lucem, & robur aliquod animo ab ijs inseri aut præferri, o quām necessarium in hoc æuo! Fruere, vt fecisti, & facis; sed & nos earum atque honesti omnis amantes anima priscâ fide. Louanij, vi. Kal. Decemb. ∞. I^oC. R. V. fratrem tuum saluto, & Canterum veterem nostrum.

EPISTOLA LXI.

NICOLAO HACQUEVILLIO S. D.

Ad Historiam cùm dare te cœpisti, fatigari hærcere in primâ viâ, & confusione rerum aut temporum, ignorantia eorum quæ & quando legenda aut eligenda sint, pedem figere, imò tædio aut desperatione pænè referre. Nō fiat mi Hacqueilli. opem imploras, pro copiâ meâ dabo: & si non plenè ductor (occupatio & valetudo nunc abnuunt:) tamen director ero, & digitum intendam, quò & quâ contendas. Historia nobis

* *magnum
periculum
virus
ignavum
nos tentat.*
* *qui, pre-
ter Deum,
Expers
malorum
cladum
atatem
exigit*

nobis proposita: quæ, & cuiusmodi? nam variat: & summa eius diuinis est, *Mithy storia* & *Historia*. Illa, quæ fabulas vero mixtas; ista, quæ purum & merum verum habet. In illâ poëtæ sunt, & id genus: qui oblectamenta auribus animisque querunt, & floridâ istâ veste ornant & augent corpus hoc veritatis. Veteres poëtæ, & rex eorum Homerus, pulchrè & sàpè utiliter fecerunt: cùm arcanos sensus aut altiora doginata hoc quasi velo obnubunt & tegunt. Sed hanc partem mittamus, non nunc adeundam: altera est vera *Historia*: quam licet bifariam partiare. Est *Naturalis*, est *Narrativa*: sit venia sic loquenti, planè, si non pure. Illa est, quæ naturæ faciem & facta reuelat, id est, rerum, stirpium, animalium ingenia, proprietates, vires tradit. Aristoteles, Theophrastus, Ælianuſ, Plinius fecerunt: & plures, quos æuum nobis subduxit. *Narratiuam* dico, quæ gestas actionesque prodit, sacras siue profanas. Ideoque à duplii hac materie iterum duplex, *Diuina* & *Humana*. Illa, quæ religionem, aut quod adhæret, tangit: hæc, quæ res plurimùm actionesque humanas. Iterumque ea duplex, *Priuata* & *Publica*. Nam aut singulorum res, vitam, virtutes, vitia recenset: & Priuata est, aut quæ publicè, plurimum vsui aut noxæ, sunt gesta: & Publicam appello. Omnes viles, propriè tamen & distinctè, *Naturalis* scientiam, *Diuina* religionem, *Humana* prudentiam, omnes delectationem habent. Ad quas autem te voco? velim ad omnes ire, sed in tempore. *Naturalem* nunc seponamus: *Narratiuam* ingero, quam vulgo & peculiariter *Historiam* etiā appellamus. Ad hanc priusquam venias, duo præmittenda sunt, *Geographia* & *Chronologia*. Illa, vt locorum, regionum, vrbiū notitiam aliquam concilie; hæc, vt temporum, quibus quæque res gestæ. Sed communem dumtaxat, & non illam exactam notitiam exigo: satis sit mundi partes fitusque distinguere, prouincias, & in ijs flumina, montes, opida clariora nouisse. In temporibus etiā seriem eorum & ordinem tenere, & velut terminis quibusdam finire imperia, bella, euentus. Velim equidem, & tacitus sàpè opto, imò ipse meditor, esse qui breuiter & compendio, & quod caput est, iudicio, ab orbe condito velut Fastos concinnet: nec aliud quām annos, & præcipua rerum, notet ac libet. Qui hactenus fecerunt, aut confundunt nimis, aut diffundunt: & nec notabilia aut laudabilia

tamen maximè excerptunt. Sed hoc dum fiat, potes Eusebio vtī, & nouellis quibusdam, qui herè & nuper prodierūt. Atque ista cùm parauimus, age ad ipsam iam *Historiam*: & quam præmittimus? pietas vult *Diuinam*. Facilis ea est, nec diu tenebit. *Iudaica* vetus est, è libris sacris. Iosepho, & eius interprete Hegesippo petenda: nostra hæc noua, id est *Christiana*, olim ex Eusebio, Sozomeno, pluribus, nunc ex uno Cæſare Baronio adfatiū haurietur: & quid in diligentia viri tantâ deest? Imò vt supersit, vereor: ijs vtique, qui ex professō Theologos non agunt, & sufficit vniuersè initia, progressum, dissidia, capita & antistites religionis nostræ scire. Non abnuo. compendium bonum ex aetissimi illius laboris sit, non sit fortasse bono auctoris. Est & *Miscella* religionis historia. vt Mahumetanæ, quæ magnam orbis partem, à multis iam sæculis, obtinet, vt Sennensium, Indorum, & qui alij vanam & simulacris seruam eam habent. Hæc quoque carptim quis neget viro Politico & experienti libanda esse? sed vt dixi, carptim. *Humana* supereſt: illa præcipua quò te voco. Præter prudentiam & rerum peritiam,

Hæc tibi virtutum stimulos, hæc semina laudū,
Hæc exempla dabit:

alibi vberius laudata & laudanda, nunc præēunda. Duplicem eam feci, *Priuatam* & *Publicam*. Ab vtrâ ordiemur? A *Publicâ* ego censeo: & hæc, ordinis doctrinæque caussâ, quadruplex iterum esto. Valdè, inquies, diuidis. Fateor. nec animi vel argutiarum caussâ: sed quia vsu didici, nihil ad methodum, id est viam rationemque docendi vel discendi, aptius & efficacius esse. Itaque Socrateim sequor, Diuisioni amicum: & cùm illo, *diuinum virum habeo, qui commode & opportunè utetur*. Sed ad rem, quadruplex hæc *Historia*: *Orientalis*, *Græca*, *Romanæ*, *Barbara*. Priima, quæ primi aut prisci orbis res habet: cùm nostra hæc omnia inculta, aut infrequentia, & certè obscura & ignota. Itaque in Iudæis, Ægyptijs, Æthiopibus, Syris, Persis, reliquâ Asiatâ, res ferè & nobiliores euentus tunc sicutunt: aut siquid admixtum, leue est, nec scriptione aut lectione diuellendum. Hanc primò nosci suadeam: & peti à Iustino breuiter: vberius deinde ab Herodoto, Diodoro Siculo, & si qui Græcorum eam suis miscent. Quædā enim *Polybius*, *Plutarchus*, *Zonaras*, alij suggerent, huc apponenda. Sed Diodorum ego laudo & approbo: vtinam plenum &, vt scripsit,

absō-

absolutum. Altera est, *Greca*, in quā Spartanorum, Atheniensium, Thebanorum, & præcipue Macedonum res sunt: quos huc traho, & includo. Præter iam dictos, dabunt *Thucydides*, *Plutarchus*, *Arrianus*, & *Q. Curtius* è Latinis. Per partes colligenda est, nam qui totam & ordine scripsérunt, totus ad nos non venit. Tertia *Romana* est: in quā vberitatem rerum & euentuum, eorumque insignia: & quæ plures scriptores illustrarunt. O magnum, o pulchrum imperium! & addo, diuturnum. ideoque non mirum si viris factisque brevia illa & fugacia Græcorum superauit. *Græci preceptis crudelent* (ait quispiam) *Romani exemplis*. Et hercules ita est, non fuit gens, puto non erit, quæ plura vel in militiâ vel in pace, laudis & virtutis suppeditabit. Itaque ad hanc, mihi adolescens, ad hanc segetem veni, manipulos frugum collige, & in usum tuum reconde. Sed ut ordine fiat, ea ipsa diuidatur trifariam: in *Veterem*, *Medium*, *Nouam*. Prima mihi est, à *Regibus* & vrbe conditâ, ad Augustum: *Media*, cùm immutato statu ad Principes ventum: *Nouae*, cùm iterum mutato, sedes ipsa Principatus Byzantium est translata. In *Veteri* scriptores Græci Latiniq; sunt, sed præcipui isti: *Dionysius Halicarnassus*, *T. Livius*, *Polybius*, *Plutarchus*, *Appianus*: quibus compendia adiungere liceat, *Vellejus*, *Flori*, *Eutropij*, *Orosij*. Velleianum laudabile fuit; sed potior pars periret. iudicio & ordine tamen scriptum, & quod exemplar pleniori Chronologiae sit ad imitandū. Faciant huic parti *Fasti Romani* à *Carolo Sionio* editi, & producti ad Augustum. At in *Media*, noster *Tacitus*, *Suetonius*, *Ammianus*, *Spartianus*, & adiuncti Cæsarei Scriptores: è Græcis autē, *Dio Cassius*, *Io. Zonaras*, *Herodianus*, legendi. tum & compendium *P. Victoris*, itemque *Eutropij*. Adde ad seriem temporum, i. mō & rerum lucem, *Onufrij Panuinij Fastos*, ab Augusto ad Iustinianū diligenter & industriè consignatos. *Nouas* supereft. & in eâ ferè Græci isti, *Zonaras*, *Zosimus*, *Procopius*, *Agathias*, *Nicetas Choniates*, *Nicephorus Gregoras*, *Michael Glycas*, *Georgius Cedrenus*: et si hîc ultimus quidem, anilium sæpè fabellarum scriptor, & veri inutiosus vel ignarus. Iudicio legatur tamen, dabit quod iuuet. De *Romanâ* habes: quarta erat *Barbarica*: quid nisi lacinia & spolium ab illâ veste? Nam hanc appello & intellego, cùm scisso fractoq; imperio, maior pars ad Gallos, Germanos, Turcas iuit, & alternatim hucusque mansit. Nec

enim Gothos, Hunnos, Vandalos, Scythas, aut illam faciem huc includo: quæ maneat in *Media* aut *Nova Romana*, & ijs inserta nempe legetur. Faciunt huc propriè tamen *Iornandes*, *Procopius*, *Agathias*, & si qui tales. Sed meam hanc Barbaricam varijs scripsere, atque ipsi ferè barbari, & addam barbarè. exstantque *Germanici*, *Galliti*, *Britannici* scriptores, in unum corpus nuper decorè & uti liter conduicti ac vulgati. Sunt & *Annales* & *P. Pythæo* editi: & cottidie huiuscè argumēti prodeunt, iudicio eligendi. Scripsit & *Carolus Sionius* de Regno Italæ, quod huc facit: & *Jo. Leonclavius* Turcica, uterque mihi bonus & laudatus. Quid omitto? *Laonicus Chalcondylas* se suggerit, in Turcicis Græcisque legendus, item *Guilielmus Tyrius*, & alij in transmarinis sacrificiis bellis. Hem, inquies, quanta materia, & quæ silua? quis ingreditur sine errore, & egreditur? qui Ordine insistet, qui industriam & Curam adferet, iam dicenda. Ordine, inquam, in primis opus. & ne confusa & vaga lectio sit, aut desultoria & interrupta. Hoc plerisque euenit. & velut ex equo in equū se traiiciunt, ab hoc scriptore in alium, ab isto arguento in illud: quo fructu? momentaneæ voluptatis, & ut tempus suum, i. mō & s. fallant. Apage tales istos, & ad *Amadéum* suum, aut si altius assurgere velint, *Heliodorum* cant. Tu Ordine leges. quem ex ipsis à me dictis et si potes instituete: tamen in exemplo dabo. Ecce Romanam *Veterem* legere decreui. ordiar ab vniuersali aliquâ notitiâ, & Compendium *Flori*, aut *Eutropij* præmitam. Tuirà capite, & ab ipso *Livio*: cui *Dionysium* adiungam, & *Polybium*, *Plutarchum*, aut *Appianum*: sed quemque in consimili argumento. Cùm peregero, ad *Medium Nouamque* veniâ, & constantiâ eâdem peragabo. Et de *Ordine* facile est, atque aniini tantum decreto opus: Cura plus habet operæ, & in eâ oīnis est legentium fructus. Duo in hac specto, siue exigo: *Attentionem*, & *Electiōnem*. Cùm legis, non suspensum aut attonitum te habeat tantum nouitas aut magnitudo euentuum: insiste, inquire, cui rei hoc facere possit, & ecquem usum sui præbere. Mora hîc aliqua inter legendum & tarditas, fateor: sed nimirum, dicto veteri, Nulla res potest esse eadem, festinata simul & examinata: nec esse quidquam omnium, quod habeat laudem diligentie, simul & gratiam celeritatis. Tarda igitur, & quære. cùm repertisti, tum sit *Electio*: id est, ut stilum capias

& excerptas, & velut annonam in horrea quædam reponas. Ea distincta etiam sint, & iam antè libri parati, meo iudicio, quattuor: in quos, quidquid eligis, conferas & tutò deponas. Nam memoriae suè qui credit tantum: quid agit? non dicam nihil; sed in breue, proficit: nec vlla ea tam vasta, capax, tenax est, quæ varia ista cum fide asseruet & reddat. Trade libris. in quo labor aliquis, & iterum in legendo remora: sed, mihi credere, ut ille, si quidquam in omni ratione studiorum. Libri isti quattuor, rotidem *titulos* habeant rerum, quas præcipue in Historijs notes: *Memorabilem*, *Ritualium*, *Civilium*, *Moralium*. Quid *Memorabilia*? res designo magnas, & cum admiratione aut motu legendas, siue audiendas. vt est notabilis *Potentia* alicuius regis aut populi, *Opera* vel *Opes*, *Prodigia*, & noui aut insoliti *Euentus*. uno verbo quidquid non obuium, & magnitudine vel raritate se commendat. *Ritualia* autem, quæ pertinent ad instituta ritusque veteres, siue quos in publico, siue in priuato usurpabant. Alios enim istos Orientales, Græci, Romanique habuerunt: & ab eâ notitiâ, seria omnis intelligentia dependet veterum scriptorum. At *Civilia* appello, quæ ad vitam & régimen commune faciunt, & hanc hominum iure & legibus deuinctam societatem. *Moralia* denique, ea quæ priuatum ad nos & vitam formandam, virtutibus amicam, vitijs alienam. Ecce, quattuor hi sunt *Tituli*: quid supereft? referre in eos, quidquid ad singulos illos facit, siue *Sententiæ*, siue *Exemplorum*: idque cum hac *Attentionis* curâ, & *Judicij* item normâ. Dic clarius, inquires. Nempe quisque liberalios & minores suos titulos habeat: quia Natura & Memoria ordine & partitione istâ gaudent. Ut illæ *Memorabilem*, in ea quæ attigi: nec nimis sanè argumentum hoc patet. Latissimè *Ritualium*: ac diuidamus in *Sacra* & *Profana*. *Sacra* omnia publica: continentque *Déos*, & eorum *Nomina*, item *Cognomina*: tum *Insignia*, *Munia*, *Cultum*, & *Templa*. Amplius, *Sacerdotes*, aliosque ministros: tum *Sacrificia* ipsa, *Hostias*, *Cerimonias*, & *ritus*: denique *Verba* *sollennia* & formulas precatiorum, & quidquid illos aut ista spectat. Nimis parti- ri, tenue est, & hîc inutile: spernes. Iam *Pro- fana* sequuntur: atque ea duplia, *Publica*, & *Priuata*. Illa, quæ communiter omnes aut plures tangunt, & publicis legibus aut institutis continentur. vt *Magistratus*, & singulo- rum *Munia*, aut *Ornamenta*: vt *Senatus*, *Mili-*

tia, *Prouincia*: *Praefectura*, *Officia*, & quidquid istis adhæret. tum *Leges*, *Iudicia*, & eorum ra- tio, *Supplicia*, *Tomenta*, *Pœne*: lætiora demique, *Ludi* & *Spectacula*, *Triumphi* & *Festidies*. Ad *Priuata* venio, & ijs subiungo, *Nuptias*, *Funera*, *Balnea*, *Convivia*, *Vestes*, *Nummos*, & quæ longum sit complecti. Minuta enim etiam intercurrunt: sed in sermone ostendenda potius, quam scripto adumbranda. Imò adeò minuta, vt nec *Titulos* suos grandiores quædam habeant: sed verbis signen- tur, & ordine isto litterarum. Ac si me au- dis, in plerisque eo vt̄ris: quia non ad fa- mam aut pompa ista disponuntur, sed tui usum. Sequuntur & excipiunt *Civilia*: ut- lissima pars ijs, quos genus aut destinatio ad rem publicam vocant. Is liber tres partes habeat, antiquâ & verisimilâ diuisione: sta- tus *Regum*, *Optimatum*, *Populi*. In quaque parte notes, & eò referas, quæ *Firmando* sint, aut *Vertenda*: & hæc ipsa subtilius diuidas, vt à me in *Politiciis* factum. Ut in hoc exem- plo cuim fiduciâ: & conueniant vel qui noua adferunt, aut vetera referunt, non da- bunt in ordine & methodo, quod fortasse anteponas. Sed unum etiam addi potest; & debet. vel vt *Sententiae* plures vni rei con- gerantur; vel vt *Exempla*. Hanc postre- madam partem non neglexi equidem, & ha- beo sepositam imò paratam in scrinijs, & audiam exire. Sed tu aut alius, non ideò re- mitte: & quisque sibi, vel firnius, vel iu- cundius certè, tale aliquid struit. Postrema sunt *Moralia*. quorum duæ partes, *Virtu- tum* & *Vitiorum*. Velim & hæc disponi or- dine litterarum: sed ita, vt *Virtute* præeun- te, cuique bina sua *Vitia* sint subiuncta. Tra- ho eodem etiam non *Vitia* propriè, sed *Affectus*: & *Cupidinum* stirpes, *Spem*, *Me- tum*, *Gaudium*, *Dolorum* adiecto: tum etiam de *Beatâ Vitâ*, & quidquid in Ethicis sedem suam habet. Sed satis hæc communia in scripto præxi: in sermone alia. illud in fi- ne te sedulò moneo, vt ne mole hac, quæ videtur, absterreare. Quid enim tam varia, tam multa inquires. Nihil est imò incredi- bile, quam cirò hæc suscipiantur, & fiant, si tenor & constantia sit, & quisque dies opus suum probet. Triennij res, non diu te differo: mihi si olim talis monitor, vel citius absoluisset. Cogita te in ipso flore æui, & corpus labori, animum intentioni ferendæ esse: quid cessamus,

*Dum res, & aetas, & sororum
Fila trium patiuntur atra?*

Non

Non fac, mi adolescens : cui ego factum consultumque tuâ causâ volo , tum & Cl^mi V. Legati Regij : qui etsi connubio tantum tibiparens , tamen vel naturalem affectu & curâ præstat. Tu agnosce, illum cole, me & bona ama. Louanij, III. Non. Decemb. & . I^oc.

EPISTOLA LXII.

IOANNI DRENCKWAIRO,
Thefaurario Belgice.

DIVINA planè virgulâ (quomodo enim aliter interpreter?) factum videtur, vt ipsâ hora ac pñnè momento, quo tuas accepi, hic ad me veniret, quem vides. Est mihi cognitione aliquâ iunctus , orbus utroque parente, in stirpe honestâ exiguis & vix dicendis opibus : tamen auxilio amicorum ad Magisterij gradu in peruenit. A quibus ipsis litteræ mihi commendaticiæ pro sub-sidio, vt Theologiæ studia, ad quæ adspirat, ordiri & finire feliciter possit. Evidem cùm humanissimam , & cui obligor , oblationem tuam viderem, & vñâ istum: putauit, vt dixi , diuinitus fuisse hunc concursum : & euundem statui, eo fine , sedulò commendare. Non vt cognatum tamen, nec hos aspectus in istâ re habeo: sed vt boni ingenij & industriæ, vt notæ modestiæ iuuenem, & qui toto animo ad Pietatem & sacra studia , imò & sacram vitam , id est Sacerdotium, contendit. Iuua eum in laudabili hoc cursu : nos quoque secundas faciemus, & in libris alijsque necessarijs iuuabimus , pro parte. Ego spondere audeo utilem Ecclesiæ futurum, & beneficij tui non ipsum solùm, sed & nos memores: qui assidue nouis à te, nec iniuti, obligamur. Non enim h̄c, vt in pecuniâ , redditione aut re opus , vt soluaris: sed agnitione & grato animo. quæ in nobis largiter esse & fore assero , quamdiu Deus ille dabit h̄c esse. Ille te Ampl^me & Nobil^me Domine, longæuum reip. nostræ & Principibus præstet. Louanij, prid. Nonas Decemb. & . I^oc.

EPIST. LXIII. Mediolanum.

ERYCIO PVTEANO suo S. D.

Ego verò honestissimum munus , à Senatu Mediolanensi in te collatum , & iudicio meo approbavi , & gratulatione etiam prosecutus sum : quam scripto con- I. LIPSI Operum Tom. II.

signatam per Velsorum nostrum misi. An aliter possem ? placet, placet hæc tui productio: sustine personam, quam sumpsisti, & mereare non vnam palmam. Sola gloria multis

— *quemuis perfere laborem
Suadet, & inducit noctes vigilare serenas:
te & hæc, & merces quæ etiam functioni
tuæ est adiuncta. Orationem, de quâ scribis,
auspicalem tuæ operæ, libens videbo: liben-
tiūs Promulſidem Epistolarum. quidni? mihi
inscriptam. Ambigis an amplectar? vtrā-
que manu: veniat & ad libentem, & addam
etiam merentem. Non negabis mi Putea-
ne, si non seuimus hanc arborem, tamen
rigauimus, putauimus: & in parte fecimus,
qualem alij mirantur, & ipsa esse gaudet.
An iniurium, si fructus aliquos ex eâ mihi
asseram? imò veniant & vescar istos primo-
tinos, & hæc libamenta audacter nobis po-
ne. Nos quoque iam edimus EPISTOLA-
RVM CENTVRIAM III. ad solos Italos
aut Hispanos (cauſa discernendi sic fuit)
ſiuē qui in ijs oris. In ijs & tuum nomen in-
terlucet, & Sacci nostri, & plurim ibi ami-
corum. Septalium esse in te, qui est, gaudeo,
& beneficia hæc mihi etiam inscribo. Quid
ſi ad eum ipsum hoc scribam? puto, niſi abſ-
trahor: tu vale, ille ſalveat. Louanij,
xv. Kal. Januar. anni & . I^oc.*

Hub. Audeiantius meus Carmen parabat
Promulſidi tuæ præponendum. Eſt is qui
nuper ad te ſcripsit. aīna amore dignum.

EPIST. LXIV. Bruxellam.

PETRO PANTINO Decano.

EN CENTVRIAM nostram , de quâ antè
ſcripsi. Dic ſeriò quid videtur? damus
& ſubſerimus alias? an ſatis eſt vnius hu-
iūs erroris? iudicium à te peto, quod pauci
mihi donent (ō miferiam!) inter meos Bel-
gas. Nam doctrinæ aut litterarum ſtudia
quò eant, vides. in terras certè alias: aut
fortassis eò denique , quò olim Astræa.
Nimbus à Galliâ dissipatus videtur, ite-
rumque ibi * *vñeu* & *absp*; ſi tamen regiâ & * *serenus*
bonâ fide hæres geruntur. Nam ſunt qui
verentur ne fallax ſerenitas , & in nos in-
cumbat ac detonet nubes illa bellii. Abomi-
nor, & Deum patriæ tutorem precor, & ti-
bi Vir R^{de} & Clariss^me. Louanij, x. Kal.
Mart. & . I^oc.

EPIST. LXV. *Mechliniam.*

HADRIANO VANDER-BVRCHIO *I^{mo}* &
Consiliario in Senatu Geldriæ S. D.

EN ad te quoque CENTVRIAM istam. Equidni autem? qui & me amas, & mea æstimas; atque adeò istis quoque leuioribus pretium aliquod donas. Utinam tecum alij! sed vereor ut tuum punctum amor mihi donet, alij refragentur, quibus iudicium in iudicio hoc adhibetur. Sed utcumque, vel error tuus gratus est ab eâ caussâ: & Numen precor, etiamsi ille definit, ista perseueret semper. Vale Vir Cl^{me}. Louanij, x.Kal.Mart. ∞. I^oCI.

EPIST. LXVI. *Bruxellam.*

PETRO PANTINO *Decano.*

T'v verò non ambiens & cunctanter, sed libere & apertâ fronte peterè debebas istud, quod tribui à me vides ambitioni etiam vulgarium ingeniorum: quid non Pantino meo, vndique sic merenti? Feci igitur, & hîc habes: utinam pro tui pretio, pro meo affectu! Meletæas chartas æquarēm, si hoc esset: nunc vires conantem deserunt, nec ad alta assurgimus vel studijs fatigati, vel languoribus fracti. Agnosce, & animum certè amicum ama. Louanij, v.Idus Mart. ∞. I^oCI.

IVSTI LIPSI

S V P E R

SS. PATRVM SYNTAGMATE
nouiter à PETRO PANTINO V. R.
& Cl^{mo} vulgato, & eruditè verso,
PHALEVCI.

Qvis nouus liber hic? liber sacratus,
Sacra nomina, res habet sacratas.
Quis auctor? Varij, vetusto ab aeo:
Cum mos & pietas vetus vigebant.
Quis produxit? & ipse moris, atque
Virtutis veteris: vetustiorum.
Gnarus artium, & vtriusque lingue,
PANTINVS meus. ille, comparatae
Cui niues videantur esse nigre:
Quem suum veteres velint Athene,
Quem suum vetus ipse Roma dici:
Quem meum cupio, & meum esse iacto:
Cui, dum corpore mens mea illigatur,
Fido & firmo adamante colligabor.
Quod SANCVS pater audiat, FIDESQUE.

EPIST. LXVII. *Bruxellam.*

REMACLO ROBERTI S. D.

DE Transsyluanâ mitiora nos hîc audiēbamus, & conatum magis turbandi pellendiique, quâm effectum fuisse. Opto ita sit. quia hercules eâ prouinciâ, post Canisiam, nunc amissâ: quid spei super de Hungariâ maneat? Quæ & nunc tenuis, nisi alia consilia & foedera Principes ineant ac iungant. qui ferè (veteri Europæ morbo) suis dissidijs & bellis atteruntur, publici discriminis securi aut negligentes. In Belgicâ nostrâ re, ego plagam aut plagas hac cœstate metuo: nec video equidem valdè comparatos ad arcendū. De Buscoducis (quanti momenti opido?) occultus rumor est ciues languidores fieri, & ut verbo dicam, naufragare. Si vis adhibetur, vereor ut, quod ferre possunt, ferant. Sed vobis hæc notiora. Quod nuper scribebas de libris apud te, quosdam vidi, quosdam nunc non lubet nec vacat. NN. ego habeo, & obiter legi: neque nimis me cepit. Legatus Regius recenter de te amicè & benignè scripsit, sensique. Ita enim de candore eius mihi pollicor, & dicta in rem collaturum, ubi occasio erit. Tu in eâ officium & salutem à me defer, & hanc ipse voto meo habe. Louanij, III. Idus Mart. ∞. I^oCI.

EPISTOLA LXVIII.

IOANNI DRENCKWAIRTO,
Thesaurario supremo.

Dvo voueo. & lætum tibi hoc sollenne, & plura, quæ valens lætusque addas: tum & in me eiusmodi culpas, ~~que~~ tali pœnitentiâ luantur. Tu me silentio offenderis? non potes in tuis occupationibus quas noui, & quæ rempublicam nostram summam tangunt: nec, absque ijs, caussa erat aut materies litteris respondendi, quæ nihil nisi affectus mei auram ad te mittebant. At tu benignè quasi offendam agnoscis, & optimo vino (gustavi enim heri) luis: quid nisi gaudente me in hoc affectu, & pro eo gratias agente, & perseverantiam optante? imò & sperante. quia à me, pro viribus quidem, semper alimentum ei erit in officijs & cultu, quem tibi debemus. De tuo Balduino, non possum nisi bona dicere, & meliora prædicere: ita & mores cius

eius & ingenium omnia ea præstant, aut spondent. Modestia & probitas adsunt, quæ à stirpe & gente traxit: adeo industria, & acrimonia ingenij, quæ à Deo dona habet. Iudicium adhuc formandum in multis, ut hæc eius ætas est: sed & supra ætatem in multis rectum & maturum habet. Confidentialia, & securitas, & illa dispositio sermonum paullatim accedunt: & nos elabrabimus polire, & reddere te dignum. In studijs, iam diu est cùm me auctore ius ciuile etiam adiunxit; titulum Baccalaurei meruit; & disputationes publicas ac priuatas (in quibus plurimum momenti est) adit. Itaque sperarem, & ausim promittere eum aptum futurum, qui proximâ hieme Licensiæ titulo insigniatur. Præmaturum est, inquires. Ita, si ætatem vides: non est, si progressum, & communem nunc etiam morem. Mouet me & caussa, quòd velim tempestiuè eum ad res admoueri, & tuæ auctoritatis velut manu educi & attolli. Nam spes certè omnis dignitatis eius in te est (post Deum quidem:) & te tamen mortalem esse, cogitare cogimur, et si multos annos voulimus etiam & destinamus. Sed hoc totum iudicij tui & prudentiæ facimus: & tempus supereft deliberandi. Amplmc & Nobilmc Domine, vale. Louanij, viii. Kal. Maijas. ∞. I^oC^oI.

EPIST. LXIX. *Lutetiam.*

ISAACO CASAVBONO S. D.

BARONIVS meus nondum venit, tuas tamen, quasi metatores præmisit hospitio indicendo, sanè gratas. Placuisse ipsum vobis, gaudeo: vtinam diutiùs in illo sole velut colorem potuisset ducere, sed negavit ille, cui ipsum nihil negare ratio iubet. De te quod addis, exuere paullatim scribendi edendi que animum: malè narras, nolim. Tu in illo ætatis ingenij que flore? & addam etiam, famâ ac fauore sic adspirante? Nam habes ea certè à doctis: ab omnibus si expectas, tum licet alias res agas, & has paucorum hominum facias missas. Iustiùs mihi ea mens sit, annorum, laborum, morborum veteri: & cui omnis lex & mos det missionem. Tamen perseuerero, et si vereor ut vel inuitum soluat illa ^{*incorabilius morbus,} * *στιατροπάσια*, graue onus, & quam nullâ medicinâ aut curâ excutimus, vix leuamus. Itaque SENECA meus diu iacuit, ne-

scio an attollendus. EPISTOLAS nuper dedi; sed ad Italos & Hispanos tantum: quia nihil ad vos, & logi aliquot aut inaniæ sunt, pudicum est mittere. Sed heus, loci sunt in Senecâ, in quibus hæremus aut pendemus, & possis mihi subsistere. ut in illo Consolationis Heluijanæ cap. x. *In genis Capitolij reeligat*, de Apicij luxu. Quid hoc ad eum? an comparatio est? an & mutatio placeat? Consolationis Polybianæ, cap. xxxv. *In quas per templâ aditur*: De Palatio accipimus, vbi templâ scio, sed an sic in aditu? & per ipsa intratum? De Irâ III. cap. xxii. *Huius nepos fuit Alexander, qui lanceam.* Mīrum, si Antigoni illius nepos, qui ipsi inter successores fuit: & nec in nomine quidem error, quia nemo talis inter Macedonas reges proauos. Atqui mox etiam addit: *Non habuit hoc aurum ille vitium.* Plura talia alibi in isto aut noto, aut corrigo: sed hoc noto tantum. In *Militiâ* etiam nostrâ, quid tibi videtur de *tripedali parma diametro*: de *Pili, palmari?* aliud à me sentis aut habes? doce volentein & imputaturum, & salve. Illud autem de frigore tuo in scribendo, iterum serio ingero: * *O' r̄e, o d̄' avtoς, τὸ ξεν & τούχας.* Incalcesce. Louanij, ix. Kal. Maijas. ∞. I^oC^oI.

<sup>* Hac ipsa
mens, mihi
crede,
mentem
non habet.</sup>

EPIST. LXX. *Antuerpiam.*

IO. BAPTISTAE BARONIO S. D.

GA V D E O te rediisse, et si præter opiniōnem in eam factum. Caussas parenti tuo fuisse non dubito, & vel illa causa sufficit, quòd voluit parens. Quâ Galilia placuerit, quâ ibi homines, atque alia, seruabimus in sermonem, auidè tecum miscendum, atque etiam amplexum. Veni, veni. sed quando? de die scire velim. nam ego peregrinatiunculam paro in Nervios, & amici iamdiu eò inuitant. Nolim te me absentein requirere, & doleam si fiat. Tamen, ut tuæ litteræ erant, intra paucos dies, atque adeò hac septimanâ, te exspectamus. Domum è quâ egressus es nosti: caue aliam ingredi, quamdiu ego viuo. Vides non rogare me hoc, sed iubere. Neque enim omni vindictâ te manumisi, & attineo vinculo aliquo obsequij, quod bono iure non laxes. Vale, & auum, parentem, fratres saluta. Louanij, viii. Kal. Maijas, ∞. I^oC^oI.

EPIS T. LXXI. Dolam.

IO. BEZANCENOTTO S. D.

AN & Ist titulum addam? certè donatum eo iam cum fratre esse, ex litteris colligo, quas ad me dedisti. Amo & scriptiōnem tuam, mi Bezancenotte, & iamdiu ipsum te: idque ob ingenij melioris dotes, quas Deus dedit. Excolere eas cœpisti, & proferre: sed cum ætate magis & magis: & nunc denique è scholis & vmbra ad fori & rerum lucem actionemque venitis. in quā versari vos cum laude, id est cum fide & probitate, velim atque optem. Doctrinam certè adferetis (nam & fratrem tuum includo:) sed per Deum immortalem, Themidi vestræ Mineruam etiam miscete, & Sapientiæ illa decreta adsumite, sine quibus in hac rerum caligine non est, mihi credite, pergere viam rectam. Ut in familiâ opus est herâ ac dominâ, quæ coérceat: sic in hac interiore œconomia, Sapientiæ illo imperio, quod affectus regat ac dirigat exultantes. Facite, ita Deus vobis faueat, & honore simul ac virtute mactet. Louanij, prid. Kal. Maijas. ∞. I^oci.

EPIS T. LXXII. Bruxellam.

NICOLAO DE WEERDT Ist & Cognato.

BENE est, benè est, pecuniam adnumeratam esse: nequid vlrà tergiuersetur vel mutet noster ille Proteus. liceat sic appellare meum Fabrum, virum bonum quidem, sed parùm in verbis aut pæctis (sensi aliquoties) stabilem, & qui aliquid trahat à leuitate sui ignis. Nunc tenetur, & vel anguis fiat, non elabetur. Hoc igitur lætum; illud mordet, quòd de aduentu tuo distulisti. An tecum igitur in reditu vis, & iamnunc spondes? At ecce quia meliorem Bacchum, & è femore Louis natum, gustare apud me noluisti: ego velut in pœnam, trifaciorem istum & Semele natum (Becani argutolas agnoscis) bibendum ad te mitto. Rogo, extra iocum, munuscum volens accipias, quod à volente scis imitti: & spero in suo genere non inter vilissima futurum. Gustus tui, tuam etiam addo, res erit: & si sedebit, ecce fontem è quo quotannis petas. Flores mei cladem, vt scripsi, magnam passi erant: reparauit in parte & supplementa

accisis copijs misit Gaspar Taius, Goïcken-fis toparcha, sanè quām opportunè & benignè. Gaude hoc mecum: nam & tibi in meo horto seritur & metitur, atque illo crescente crescit etiam tuus. Vale. Louanij, prid. Kal. Maijas. ∞. I^oci.

EPIS T. LXXIII. Brugas.

CORN. ANCHEMANTO suo S. D.

VALERE te, & apud tuos etiam esse, mihi quidem placet. At non mihi, inquiet, in hoc otio & desidiâ. Credo. sed patriæ & tuis aliquod etiam tempus dandum est, à quibus diutulè abfuisti. Prouidè item & lentè agendum de Peregrinatione. quam ego in Galliam nunc non dissuadeam, cui res quietæ & firmæ videntur, per Allobrogicam hanc pæctionem. Antea hercules hærebam, & ne nos traheremur in partes, id est in vetera mala & bellum. Itaque si amicis tuis idem videtur, & sedet te aliquò ablegare: age, cum bono Deo, fiat in Galliam, doctrinæ & elegantiæ iam olim sedem. De Italijâ, post illam deliberabimus. Tu tantum cogita iamnunc & imbibe, vt immunem te ferues à noxis & vitijs, quæ in eâ regione, per bella ciuica maximè, pullularunt. Luxus, libido, *ασθετικη*, regnum in multis locis habent: coérce te & abstine, & Honesti illum splendorem & Numen ante oculos pone, quæ fumos aut nebulas istas dissipabunt. Didicisse te ostende, non vt scias quid deceat, sed usurpes.

*Et graibus curis, animum sortita virilem;**Ignea longæuo frenetur corde iuuentus.*

Quibus curis? Scientiæ & prudentiæ, quæ scopum peregrinationi tuæ habes. Addo Virtutem: quæ suprema cura, & finium, vt ita dicam, finis: quam sic stringe, vt ab hac vitâ citius, quām ab eâ auellaris. Ita abi, & redi, semper meus, si illius. Louanij, VIII. Kal. Jun. ∞. I^oci.

EPIS T. LXXIV. In castra.

IOANNI SEVRIO, Legato Hispaniensi
à Secretis.

BENIVOLENTIAM, quam sermo tuus nuper spirabat, nunc & litteræ. quid debo? quid, nisi eamdem benivolentiam? quam animo huic firmo charactere impressam, audeo dicere, & non nisi mecum delendam. Tu foue, mutuum à me fiet. Conquereris de discessu meo inopinato; sed ita res tulit,

tulit, & diutiū domo & scholis absueram, quām meus aut publicus etiam vñus esset. Ea caussa mihi subductionis. alioqui, Genius testor, suaue esset apud vestri similes agere; vt frontem atque animum exporrigerem, vel studiorum seueritate, vel temporum hæc incertitatem contractum. Non licet, & in animi etiam libertate seruitus aliqua externa adiuncta, quam nullæ vindiciæ h̄ic quidem resoluant. Publica per te didici, in spe magis quām in re lāta. Sed tamen aut ego nihil in Principum rebus video, aut aliud aliquid agitur & arcane apparatur, quām vulgares isti oculi aut mentes vident. È cogitatione s̄pē me firmo. & nisi sit, fateor libere, vt nunc res eunt aut potius fluunt, nihil me pro votis bonorum, aut dignitate imperantium expectare. O dij deæque (liceat sic indignantem loqui) in tantis opibus, & vbi omnia ad magnitudinem sic parata & ad manum sunt, tamdiu nos: sed desino. Numen videbit: quod gaudet in uertere ista humana, s̄pē præter humanam spem aut mentem. Nostrum est, quæ non in nobis, ferre, & alto animo excipere omnem casum. De pace, siquid cum Turcis conueniet, mirabor, & gaudebo. Neque negem, hoc statu Christianæ rei, quamcumque illam optabilem & utilem fore. Mihi tua amicitia: quam delatam amplector, & tenabo: & tu me in sinu illo mentis. Louanijs, III. Kal. Iul. 151.

E P I S T O L A LXXV.

THEODORO CANTERO S. D.

L AETIS oculis atque animo litteras tuas vidi, legi: & pñne dicam,
— Amyclæs velut exultauit arenis
Pastor, ad Ideas Helenæ veniente carinas.
Vetus inter nos amor, & ab honestissimâ studiorum societate est; quem temporum hæc iniqüitas interpellare, non abrumpere potuit: & in me quidem vivit vixitque cum affectu & fide, qualem tu litteris his præfers, & volenti credentiique testaris. Ita sit utrumque, & maneat: nec externa ista dissidia animos tangant aut polluant, ab eâ labe iure suo exortes. Finem illorum si expectamus, quando erit? cùm nos non erimus fortasse. adeò pertinax Fortuna Belgis incumbit,

— que procudit enses
Et socias inimicat urbes.

Heu, quot iam illa
— * E φίμους νεραλας διδονεται, * hominum
& adhuc * περιστη, vt rerum hæc facies mi- validos
natur. Tu sapiens interea & felix, qui quan- Orco pro-
tum potes reductus à fluctibus terram le- jecit?
gis, & tibi studijsque asseris, vñco in his
turbis solatio & leuamento. In me quidem
sic exerior,

— quem mea tellus
Lare secreto tutoque regit:
libris & scriptis inuolutum. Ergo eumdem
animum iure tibi gratulor; & siquid adiutum
aut alienatum h̄ic ire possim, habes
volentein & audientem. Significas de Eleu-
sinijs sacris syntagma te parare: sed in quæ
etiam illa Cybeles & Isidis includas. Probo,
& pergere adhortor: quia pars ea sacrorum
multas ἀρχαιολογίas habet, & ad lucem etiam
scriptorum nostrorum, qui primitus pro-
fana illa & superstitione abiecerunt. Equi-
dem non deero, vbi distinctè rogabis, sup-
petiari: atque adeò etiam nunc vltro aliquid
de Cybeleij sacris adiungo. In Suetonij Cap. viii.
Othonem est, Expeditionem impigrè incobasse,
die quo cultores matris Deum lamentari & plan-
gere incipiunt: atque id inter tristia omina
recenset. Interpretes referunt ad diem
vi. Kal. Aprilium: quia in Ammiano ita le-
gerunt, lib. xxvi. Ad diem vi. Kal. (Apriles)
quo Romæ matris Deum pompe celebrantur an-
nales, & carpentum, quo vehebitur simulacrum;
Almonis vndis ablue perhibetur. Errant. imò
ad ix. Kal. Aprilis referendum est, qui dies
Sanguinis dicebatur. Is enim tristis, & plan-
etus: tunc suos Galli ordiebantur, atque
adeò corporum sectiones. Trebellius Pol-
lio in Claudio: Cùm esset nunciatum ix. Kal.
Apriles, ipso in sacrario Matris, Sanguinis die,
Claudium Imp. factum, neque cogi Senatus,
sacrorum causâ, posset. Vides diem sollemni
veneratione, & illo nomine frisse: quod
Tertullianus in Carmine ad Senatorem ad-
firmat. de Gallis:
— Mente fremunt, lacerant corpus, fundunt
que cruentem.
Quale sacrum est, vero quod fertur nomine
SANGVIS?
Caussam etiā ibi nominis habes, quia tunc
sanguinem incipiunt fundere, ac persecue-
rant usque ad diem illum (Ammiano-nota-
tum) vi. Kalendarum, quo Lauatio institui-
tur, & luctus suos ponunt. Statius:
Est locus ante urbem, quæ primū nascitur ingēs v. sila:
Appia, quaq; Italo GEMITVS Almone Cybelle
Ponit, & Ideos iam non reminiscitur aimes.
Itaque

Itaque dies ille tantū abest ut funesti omnis, læti potius fuit: & vulgo *Hilaria* dicebatur. Leges in Lampridij Alexandro, *Hilaria matris Deum*. De Lauatione porrò, cùm alij, tum Prudentius ~~et~~ hymno x. & Augustinus 11. de Ciuit. cap. iv. Herodian. l. i. Vides propensionem meam in te & tua studia, magis declarandam si sermonis alterni copia esset. Pollioni nostro dignitatem gratulor, Deum precatus ut bono publico excedendam. Liberi tui quid & quā agunt? iam & alter vxorem habet? In honesto quidem otio, tuo exemplo, esse arbitror: facient, te venerentur, nos ament. Louanij, prid. Idus Sextil. &. I^oci.

E P I S T . L X X V I . Brugas.

I A N O L E R N V T I O S . D .

Quid ait meus Audeiantius? irasceris, & tuum

Feruens difficultile tumeretur?
Ego rideo, & adeò satisfactionē non offero, ut à te eam poscam. O mens pura, & innocentiae sibi conscientia! At aliquid in Carminibus tuis me fugit, nec liberè monui aut notau. Prius potest, alterū abnuo: & quæ vidi, certè monui & scripsi. Fac me aliquid conniuentem oculo, aut parùm præsenti mente, legisse. Id quoque potest, & ut distractiones meas omittam, quis, quem non in suis & alienis aliquid fugit & elabitur? Si quis est,

— immolet aquis. Hic porcum laribus: ego fateor me inter Homericos sæpè esse, & oculis non semper acutis, imò non apertis. Sed hoc mittamus. ego tibi, mi Lernuti, & fuiserò & ero amicus,

Dum pecori lupus, & nautis infestus Orion. Sed de Audeiantio meo iterūm. adolescens adprobi ingenij est, & in Prudentium aliquid vellet, à te iniectum. Gifelini nostri illius quedam habes: per cum possent edi, & honore non solum saluo illius amici, sed aucto. Cogita, & scribe, aut si probas, mitte. Ostenda yes etiam exercet, sed spe tamen nunc certiore, ut audimus, eius potiundæ. Deus faciat: vtinam ego te aliquando! In Neruijs nuper fui, anno proximo (si vita mihi & vires) Morinos fortasse vestros & te, te videbo, quòd

Mens desiderijs ita fidelibus
nimiùm auet. Ita sim saluus, ut sentio & propono: ille modò

Gentis humanae pater atque custos
te meque in id tempus seruet. Louanij,
prid. Idus Sextil. &. I^oci.

E P I S T O L A L X X V I I .

I O A N N I D R E N C K W A I R T O ,
supremo Thesaurario.

ExCVS ARE metibi debeo, et si immunem à culpâ, sed ne silendo faciā me illi adfinem. Nam fui Antuerpiæ nuper, & Bruxellâ reuerti ac te adfari mos meus ac tui cultus volebant: sed mutaui, & compendio Mechliniensi viâ redij, quia monitus eram Præsidis filium cum Rubenio reuocari, & subito abeundum eis esse. Festinaui, ut Vale caperem & dicereim: in eâ tamen ipsâ redemptus, & tutum non putarunt exspectare. Eant cum bono Deo: quid autem, si in tam bellâ occasione Balduinus tuus cum ipsis? Fateor de titulo capiendo hîc, decretum nuper à te esse: sed & in Italia posset: nec tales certè itineris comites semper ei erit nancisci. Pro tuâ prudentiâ, Amplissime Domine, statues quod è re videbitur: nam mihi indicare conueniebat, tibi iudicare quèm Deus ille publico & nobis in columem diutissimè seruet, perpetuo nostro voto. Louanij, XVII. Kal. Octob. &. I^oci.

E P I S T . L X X V I I I . Antuerpiam.

B A L T H A S A R I R O B I A N O Senator.

A MICVM amicis me fateor: & sum hercules opido vestro, & illi V.C. de quo in sermone nuper egi. Eò grauiùs fero inter se dissidere, & ad lite m̄ venire, meo voto & tuo auxilio (ita cupio) finiendam. Annud hanc operam mi amice. quid honestius tibi, & fortasse utilius utrique parti potes? Opidum, si non nunc, fortasse postea detimentum, & quidem cum fænore sentiet: at iste pondus grauissimæ litis excipiet, & in eius humeros, qui consortes sunt, maximè inclinabunt. Adiuuemus, & vocem monitumque Rudolphi primi Austriaci audiamus. cui cùm plures lites cum pluribus esent, vna atque altera grauis cum Abbatे sancti Galli, tunc potente: accessit vltro & inuocatus ad eius conuiuum. mirante illo atque alijs (nam & inimicitia, ut solet, ex lite ortæ erant) ipse constanter persedit, & fine conuiuij cum Abbatे seorsim locutus transegit, & pacem cum eo pepigit; ita fidam, ut Abbas postea auxilio etiam ei in bellis fuerit, quę minuta (nam Comes adhuc erat) cum vicinis habebat. Sed vox eius abeuntis excepta à familiaribus est, totidem his

his verbis: *Quicumque tres lites habet, duas, si poterit, componat: hoc est meum consilium.* Et hercules meum, ô Rudolphe: sed hoc amplius, etiam tertiam, ut nullum caput huic Cerbero supersit. Age mi Robiane, non ternæ, sed ter denæ aliquæ vobis lites sunt: recidite istas maximè grandes, & quæ in monstra aut hydras succrescunt. Quid magis solenne, nostris moribus & iuridicinâ? Lis litem gignit, iterumque hæc aliam, & catena fit quæ heredes etiam ligat. Bonâ Vweni nostri veniâ hoc dicam, dubitare me an bono consilio in vitam & usum Ius Iustinianum à Lothario Imperatore reuocatum sit: sic dico, totum & plenum. Non quin bona in eo, arguta, & à sæculo veteri: sed nimis fortasse bona, arguta, vetera: & ideo seminarium ingenij, ad calumniæ fraudesque pangendas. Dic sodes, quæ multa in eo, quæ usum hodie non habent? quæ multa implicata, & variantibus sententijs endanda? quid si pugnantia quædam dicam? sed vix ausim, & iuncti vim bonibus me inuadant. Et de iure ipso prisco, parum etiam sit: sed Commentarij quæ multi & pænè infiniti accesserunt? atqui & ij si concordant, vim legis in tribunalibus nostris poscent. Amelij vetus querela an scommafuit, *Iuris prudentiam multorum camelorū onus esse*: quid nunc dicam? elephantos ab Indiâ adde, vix ferent. Atqui Platonis oraculum (recens à lectione sum) auribus meis insonat: Οὐ παρ' αἰς νόμοι πάλλοι, καὶ δίκαιωσθε τέττας, καὶ λίοι μοχθεῖ: Quod ubi leges malæ, ibi et lites malæ, et vita moresque praua. Audi, & scrutare: verè oraculum est, & de multitudine litium, nostra Belgica, vicina Gallia, & Italia dicent. Quomodo autem non & mores praua? nam prium concordia tollitur, odia aperta autoocculta in animis gignuntur; adde fraudes, insidias, & studium vincendi quo quis nexu, ac supplantâdi. Non enim, ut Celsus verissimè scripsit, *bona conscientia, sed vita etiora litigantis est præmium*. De multis hoc dico; absit de omnibus, & animus meus refellat. Sed proboru causâ indignor equidem, cum Iasones istos video, qui pallam ad Colchos & aureum vellus eunt. Et quidem non improbi solùm, sed stolidi aut fronte ferreâ, qui & artem hanc protollendæ siue tollendæ Iustitiæ iactant. Memini olim fuisse inter Byzantinos Oratores, qui interrogatus, *Qualis Byzantijs lex esset?* Qualem ego volo, respondit: ô dignum, qui patetur quod ego vellem! Sed an non hodie ta-

les, qui leges, ut cerā habent? pro animo aut
lucello suo huc illuc ducunt & flectunt?
Mentiri optem: sed hoc vnicē, ut Rex sit aut
Princeps qui medeatur, & paucas, faciles,
concordes leges donet. Sed hæc *Monitis Politicis* seruentur, epistolæ modulo grandiora.
Illud de re, quam institui, te rogo: pergas
nauare operā, & ut pax coëat inter volentes.
Noster certè cupit, & quoscumque interpretes eius aut pararios non recusat. Vtinam
tam in proclui Bataua nostra pax sit! quæ
ante annos aliquot prompta, magis magis-
que subducitur: & adeò non rem, vix no-
men eius admittunt. Quid autem fiet, si Of-
tendam non capimus? quos illi animos? Sed
capiemus, ita ominor: & vtinam illos nos-
que satietas pessimi & omnia atterentis
belli. Vale V.C. & salueat noster communis
Vvenus: an & hæc legat? legat, homo dis-
parissimus ijs, quos noto. Talium tacita
vota, si non voces, sunt mecum. Lōuanij,
xiii. Kal. Octobr. ∞. Icī.

EPIST. LXXIX. *Brugas.*

LVCAE WYNGARDO V. N. S. D.

En meas litteras, quas tuæ non elicuerút:
sed ipsis tuis factis iure debebam. Quid
enim iminus possim pro donis sic vltro &
vbertim missis, quā gratias stilo dicere, ani-
mo habere? Et donis herclē meo animo le-
pidis, & quæ verè sunt illi recreando aut ve-
getando. Nam flores & hæc hortensis oble-
ctatio ipsam virā pænè dicam mihi seruat:
cūm à libris & studijs, siue etiā turbis aut in-
terpellatoribus, illuc confugio, & ad aspectu
ac secessu me pasco. Quid sit in hac re arca-
ni affectus, nescio: nisi quòd & post vitam
veteres, hortos, & campos Elysios imagina-
ti sunt; & ipse Deus primo homini sedem
beatæ vitæ dedit ~~ad~~ ^{ad} ~~et~~ ^{et} ~~et~~. Desine, inquies:

* Μνδ̄ ἔξομόρητη μωείας τὴν σὸν ἐμοὶ:
* Nec af-
fricato
insaniam
tuam mibi.
Non faciam, desino: & publicæ occupatio-
nes aliò te ducunt. Quod proposui tamen,
gratias ago: hoc ipso maiores, quò magis
munus tu commendo. De Theocriti versu
quæsitum; βολέός τις κοχλίας ὀξεπτέν: —
non alium sensum arbitror, quam Bul-
bum (edulem scilicet) ex cochleari elefantam,
& propositam ad comedendum. Ita solent
etiam Latini. In Martiale aliquoties men-
tio, & iunctiū lib. iv.

*Et ficus Libycâ gelata testâ,
Cum bulbis cochleisque caseoqué.
Etiam Romæ hodie cochleas solent ap-
ponere,*

ponere , illi usui aut fini. Sed hoc sensu , vide an non copulâ insertâ melius scribi: *κοχλίαστρον θέμεθλον*. Valere te cupio, Vir nobilis, & * φιλέντα αὐτοφιλέν. Louanij , III. Idus Octob. &c. 15C1.

^{* amiantum redamare.} Iacobo Damhouderio salutem & gratias, rogo, à medicito , qui & se floribus procurandis benignè impendit. Debeo.

E P I S T . L X X X . *Tornacum.*

DIONYSIO VILLERIO V. R. & Cl.

BINIS me tuis affatus es , à tristi nostro (mihi certè) discessu : at ego filui. quid causæ distractiunculæ, quæ præter morem mihi me eripuerunt, nec nisi cogitationem & affectum passæ ad te mitti. Audi, sodes, & miserere. Nuptiæ vno tempore in domo meâ, hospites, interuentores. De nuptijs, vt sagax es, credo audisse. ancillam mihi ab annis XXVI. tæsam nocturnæ solitudinis (quid enim aliud ipsa aut ego dicam?) viro se iunxisse, & conuiuia illa, choreas, nugas in meâ domo fuisse. Ecce sub easipſas Bernartius mihi hospes, gratus sanè : sed cui me & tempus tamen impendi. Quid de exteris aduentoribus dicam? qui anno inclinante velut per agmina adfluxerunt, & salus capienda ab ijs & danda, humanitatis quâdam lege, fuit. Atqui vix credas, quot horas & isti eripiant, et si in breuibus fabellis. Iam sollennes & adſiduas occupatiunculas meas omitto, in dies docere, scribere, & quidquid muneri meo adhæret. Scio ipsum te ingemiscere in splendorâ hac meâ miseriâ, & quam fama aliqua melior nobis donat. Quid etiam omitto? quid? vel præcipuum turbamentum, quod tamen famam video ad te tulisse. N. N. triennium ferè in meo contubernio & curâ, præter omnem omnium opinionem, tantis opibus & spe relictâ, in diuī Francisci cœtum se dedit, & diuino cultui mancipauit. Quâm me percusſit censes hoc * *ἀδόκητον*? & eò magis, quia auunculo & parentibus (nam & ij viuunt) magnam hanc in animo plagam futuram videbam. Itaque statim vxor illius & soror huc ad me, & mecum ad illum: conamur refrigerare aut abducere: at ille, veluti rupes, sermunculos nostros assilientes fregit aut repulit, & Deo duce vitam electâ dixit, quæ nisi cum vitâ non eriperetur. Ita ultimus ille meorum me deseruit, & in solitudine iam reliquit. Quam tu damnas & dissuades, & atræ meæ bilis foementum aut alimentum

<sup>* inopina-
tum</sup>

habes. Falli te puto: ego certè amo, & corpore atque animo eâ pascor. Quâm liberæ mihi nunc cogitationes sunt? quâm curis istis alienis aut externis non districte? quâm vigor itaque & diffundor? in cælum, terras, maria, in nostrum & alium orbem. Apage à me, illum, qui

Non horam secum esse potest, non otia recte

Ponere, sequi ipsum vitat fugitius & erro.

Ego sapientiæ non dicam indicium, sed initium tamen esse puto, secum consistere, & sibi vacare. O si rure hoc etiam liceat!

Propter aquæ riuum, sub ramis arboris alta. Sed bella hoc vetant, nec Ostenda illa etiam PACEM OSTENDIT. Classem in Hiberniam sex millium Iberorum appulisse autumant: illam magnam, Africæ inuadendæ paratam, tempestate disiectam, & re nullâ nec tentatâ quidem reuersam. Hæc in publicis sunt: etiam illud, Reginam Hispaniæ peperisse, sed prolem fæminam. In priuatis tuis quid? bibliothecam pergis instruere? Index hic Francofurensis quædam dabit. Io. Macarius, cum gratâ tui memoriâ, ante biduū mihi adfuit, vna cum Wingij nostri fratre. Vterque gratus, & in mensulâ meâ miscuimus fabellas. Quando tecum iterum? dispeream nisi aueo: & fiet, ita tu atque ego valeamus. Louanij , III. Idus Octob. &c. 15C1.

De Neruijs tuis, seriò aliquoties à te quæſitum, quæ mihi visa hîc habes. Cæſaris & Strabonis tempore has sedes coluisse. Treuirorum finibus, ab Oriente; ad Occasum à tergo, Ambianis & Atrebatibus iunctos; Veromanduos, in Meridiem, Atuaticos in Septemtrionem despexisse. Porrectos in longum magis, quâm latum: ab Oriente in Occasum. Hodie nomenclaturâ fines eorum si vis designem; arbitror supra Namurum (vulgò Namurcum) & ab Arduennæ finibus cœpisse: iuuisse in Meridiem Fumacum versus, tum Chimacū, Auennas, Bauacum, Valentiana; & flexu deinde in Occasum & Septemtriones, Orchiacum, Tornacum, Alde-nardam; iterumque flexu in Orientem & Meridiem, Geertsbergam, Angium, Brainum, Gemblacum, denique redijsse Namurum. Coniectura hæc nostra est: & quis aliud in his adferat? sed veterum profecto verbis sensibusque innixa. Nam magnos fines habuisse, Cæſar apertè indicat: qui ab Ambianis triduum iter se fecisse per Neruios ait, priusquam ad Sabin-veniret (hodie Sambram) vbi copiæ eorum & castra. A Treuiris autem cœpisse quod

quod dixi, non id quidem Cæsar, sed aper-tissimè bis Strabo scribit, libro quarto: & à Germanis utrosque ortos, ipse ibi, & Tacitus in Germaniâ suâ, scribunt. Iungit & Panegyricus scriptor, *Neruiorum & Treuironum arua*. At Tacitus *Bethasij*s finitimos facit iv. Histor. *Civiles Bethasios quoque ac Neruios in fidem acceptos copijs suis iungit*. Et anteā: *Claudius Labeo quosdam Neruiorum Bethasiorumque in arma traxit*. Atqui isti *Bethasij* Brabantini nostri videntur, quâ parte Hannones tangunt: & hodieque iuxta *Hallas* vicus est *Beeths* nomine, qui vetus illud refert. Itaque fines eorum ab hac quoque parte satis stabiles videantur. Plura quæ dicam non habeo: nisi *Torniacum* vestrum (sic ibi scriptum) à Reginone nominari, in anno Christiano cccc. xcvi. *Hilpericus*, inquit, fugiens cum uxore & liberis *Torniacum* est ingressus. At in Antonini itinerario est *Tornacum*.

EPIST. LXXXI. Audomaropolim.

ÆGIDIO SCONDONCHO Sacerd. Soc. Iesu.

* simul &
dilectus * animo
objici. * nec partis
tempore pri-
oriens * amè mi-
hi quâmo
mores nu-
tu lumina
velut. * πρὸς τὸν θαύματον μέλαν τέφρῳ ἀμφίκε-
λυψι.

ABIESTI sanè à nobis, nec vel solenne illud Vale dixisti aut scripsisti. Accusem? absit: scio vestrorum imperia, quibus statim & * εμποτίως sit parendum. Doluisse tamen me non nego, cui plures iam amici sic abiuncti aut erepti: inter eos Delrius ille, ad Europæ fines, sed suâ sponte, relegatus. Hemelarij nostri litteras legi, & ex ijs disco etiam nunc * παπινοφεγεῖ. Habet à naturâ modestum illud, & pænè immodi-cè: erigendus est, quod sermone & litteris scio me factitasse. Et profectò nec Aula illa ei placet, ubi fumi & fuci multum; & Batauus ille candor non delectetur, non deleget. Nostri mollem frontem, parùm aptam inter duros illos, & cum Homero, * καὶ αὐτοῖς μοῖσας ἔχοντας. Itaque de mansione vix sua-deam: cur non ad nos redeat, vitæ genus eligat, in quo & salutem & quietem suam curet? Mihi videatur: nec Batauia moueat, videnda obiter non insidenda. De me, in studijs scriptisque sumus, sed languide, & in languore. Non ille me deserit: neque ego tamen illa,

Tu vale mi Pater, tuo & plurium bono. Lo-uanij, iv. Kal. Nouemb. 1551.

I. LIPSI Operum Tom. II.

EPISTOLA LXXXII.

GERARDO BVYTEWECHIO.

Et addam meo? an alia iam te habet? Habeat, sed non totum: & in te ius meum teneo, nec ullum vinclum nouum ab illo veteri resoluat. Sed faueo & gratulor toto animo huic incepto, & Deum rogo id non prosperare solum, sed prope-rare. Satis diu suspendisti nostra & paren-tuum vota:

Eia age, iunge toros, atque otia deme iu-uentæ.

Omnia eò vocant. natura ipsa, quæ hanc legem jugandi & gignendi dedit, & sæcula per sationem propagandi.

Sic rerum series, mundique renascitur ætas.

Vocant & tui, quibus vnicus es, & (nisi fallor) stirpis tuæ extremus. Patiare extin-gui? non debes. & quamquam tempora tristia vel turbida cunctari suadeant; ætas tua recusat, & nunc fieri, quod aliquando possit, impellit. Habet etiam hæc vita suas voluptates & lenocinia, præsertim tali compare, qualem describis, à stirpe, à parenti-bus, à se honestam, bonam, mitem. Euripi-dis effatum est:

* Γάμοι δὲ δόσοις μὴν ἐνθετάσσοι Εροῦ,
Μανάεις δὲ αὐτῷ διέ μὴ πίπτωσι δι,
Τὰ τέλοντα διοι, τὰ τὸ Θύεταις δισυχῆσι.

Adsit illud, absit hoc à tuis nuptijs:

— det Juno reverenda

Vincula, & insigni geminet Concordia * Mortaliz
quibus se-
cunda nu-
ptia
Cedant,
beata vita:
sed quibus
aliter,
Illi domi
infeliciser
agent, &
forū.
tadd.

Mihi in eo uno voto omnia inesse videan-tur, & ubi pax & concordia inter confor-mates obtinent, felicitatem illam & alia bona comitari. FIAT, FIAT: & amplius, huic fe-licitati fecunditas comitetur; vt verè illa sit γάμος, quam pulchrè * ωδὴ τὸν γονίαν vete-re magistri deriuarunt. Sed heus, scis & in domo meâ nuptias, & quidem duplices, fuisse? Verè in domo meâ priores. è quâ ancilla mea Anna illa, quam nosti, ante padicas septimanas enupsit: alteras è do-mo, si non in ipsâ. Tenes memoriâ N.N. gente vestrum, Thesaurarij ex sorore nepo-tein apud me triennium circiter egisse? & modestè quidem ac laudabiliter egisse. Sed exitus fuit, opinioni nostræ dispar, & relicta magna spe opum (nam auunculo, non solum patri, heres destinabatur)

O. in

in Divi Francisci familiam nomen dedit. Hoc ipso die manè publicè induit cœtus eius sacram vestem. Deus robur adspiret, & athletam ad metam sistat: et si cursum hunc currere cœpit nobis omnibus inscijs, neque enim dicam (de me quidem) inuitis. Reliqui etiam mei contubernales ordine abierunt, in Italiam, in Galliam, Hispaniam, quò sua quemque fors duxit: & in solitudine sum, diu mihi optatâ, & in omni æuo dilectâ. O si commeatus ad vos sit, qui solet! testor Numen, oculis imò & osculis tuam nunc libem! vetamur. tu vicem meam facito, atque ita ut iterum nos lætifices, te patre, parentibus tuis aus. quos saluto, & gaudium illorum gaudeo, quod animi his luminibus cerno. Vale, & rem gere mi Buyteweichi, verè ^{et in p. 158} ~~et in p. 159~~, ait vir sanctus: ne vt lasciuſculum hoc culpes. Louanij, v. Kal. Novemb. 1581.

^{* à fo-}
diendo,
Isidorus
Pelusiota,
in Epist.

E P I S T . L X X X I I I . Bruxellam.

NICOLAO DE WEEERTD I^o & Cognato.

D O L E O & gaudeo in vnâ tuâ, & vnius argumenti scriptione. Doleo iterum præteritum me in officio, quod sic libens lætusque obtuli, & usurpem: gaudeo tamen peperisse tuam, & vinculis illis exsolutam, quæ etsi optabile periculum, periculum tamen ostendunt & minantur. Deus & ipsam det valescere, & prolem natam crescere, suæ gloriæ, gaudio longo atque usui vestro. Differs me in filium. age igitur ne tu Fabius aliquis, magis Annibal esto, & felicius te ad Romæ portas siste. Ne cunctare, & cognatum mihi da, cui sanctiore parentis etiam nomine iungar. Fict, ominor: & deceat tibi menses suprema dies supto. De seminibus quæ misi, vix opus gratiam dicere: si scias quā animo liberalis & benignus in te sim, plura poscas, & addam, feras. Modestiam tamen non exue, & sic si non promptius, tamen libentiū scito me daturum. Vides artem? incito te & reproto: sexus etiam ille solet, de quo initio egi. valeat, & tu vale optime Cognate. Louanij, prid. Kal. Nou. 1581.

Salutem & officia defero Cognato sacerdo, & Cognatæ.

E P I S T . L X X X I V . Romam.

IOANNI HEMELARIO.

A GE, cum Deo, fiat. Veni, inquam ad nos, imò & ad tuos: sed ut videas, non adhæreas aut ibi sistas. Commeatum ego quidem tibi do. Nam cur dissimulem? iamdiu mihi ægrè est, non esse te Romæ ex destinatione aut spe meâ, nec eo loco quem aliud æuum adsignasset. O Europa, quā in omnibus membris labascis! Nam si ibi etiam, ubi alta & immota pax est, in exiguo pretio & vix assis sunt istæ pacis artes; quid alibi arbitremur, aut speremus? Mundus lex viderit:

— ego utrum

Nave ferar magnâ an paruâ, ferar unius
& idem.

Tibi sit istæ constantia. & aut ratio profectò aut usus dabit. Diogenem aut veteres sophos tibi non ingero, qui Alexandros & Philippos omnes prouocabant in suâ vberi inopiâ: vide Christiana nostra olim & nunc (venia verbo sit) mendicabula: reges omnes non æquant securitate & tranquillitate, sed vincunt. Iacis semina aliqua melioris mentis in tuis litteris: Deum precor ut foueat, attollat, matureret. Tantum horrort & ingero, non sic ^{trahere opere}: tolle caput, ^{humili &} ^{abjecta} ^{mente off.} quod Deus ad sidera erexit, & melior tua mens eò dicit. Hanc audi: fumos & fucos illos non vide, non audi, qui obnubilant & specie ingentium ad minuta impellunt. Impedimenta esse & fore, non nescio: sed altus & Deo suscitus animus

— per obstantes ceteras.

Explicit sua victor arma.

Tu eo faciente facies, mi Hemelari: atque ita mihi salve. Louanij, prid. Kal. Novemb. 1581.

E P I S T . L X X X V . Leodicum.

PETRO ORANO I^o.

A PVD te nec excuso quidem, quod si. leam. Non mihi semel liceat, quod tibi frequens, & pænè in morem vertit? Feci apud Carondeletum: & tu quoque è lustralibus illis aquis sume. Filium valere, gaudeo; & magis, quem volumus & destinamus, esse. Angit de lite, quam imminere significat in domo à Patruo relicta: & si mei arbitri-

arbitrij res sit, ad concordiam potius inclinet. Cum Principe viro res est; & nosti Homericum,

* Nec m
Polidi regi
concedere
rum
Adversus.
Mīte σὺ Πηλεύθη Σίλ' ἐπισκέψου θασιλῆ
Αἴτησίν.

Fiat tamen, quod tu iudicabis, harum rerum vetus & gnarus. Billatum redijisse, gaudeo: idem breuit de Principe vouemus, & in circumstantibus turbis aut periculis ex yſu vestro fore putamus. Te quoque valere, mei voti est, & semper me amaturum amare. Louanij, postrid. Kal. Nouemb. ∞. Iɔci.

EPIST. LXXXVI. *Romam.*

FRANCISCO ORANO suo S. D.

RESPONSVM debo binis iam tuis litteris: immo non debo, nec paria tecum facere in hoc genere aut induxi animum, aut copia meaferat. Otij vos beatos! nos obtuimus, & quod publicè minus aut tardius aliquid præstamus, fit priuatis istis scriptiunculis, quæ à manè ad vesperam sæpè habent. Quid querar apud te gnarum? ideo ignosces, & animum semper in te agnosces, qui est & fuit. Litem tibi esse nolim: odi ipsum nomen: & vtique non cum illo è Dynastis: ac si me audis (ad patrem etiam scripsi) transfigas & componas. Plurimum potius aliquid amittes, quād ut dēcē aut carpe pericliteris.

Contractio melius parua Cupidine
Vectigalla porriges.

& vitæ genus quod elegisti, in arcta te tioni detrudet. Ethnosc & vbetas, meo presagiō, te manent. Noster ibi Richardorus ecquid apud te frequens? etedo non frigere amicitiam, quæ in domo meâ, & iure contubernij, incepit. Alter etiam mox frater, Guilielmus, ibi erit: & ante quinque septimanas à mediis illuc ituriente. Rubenium vna. ô insignem iuuenem, & optimis litteris artibusque non tinctum, sed imbutum! At audi aliud, cum tuo miraculo. N.N. ille noster, quem iam Licentiae destinabamus, in D. Francisci cœtum se dedit, amicis omnibus ignaris, inuitis, iratis. Quid tu ais? nonne maior vis, aut altior vox, eum traxit? Publica sunt, quæ fuere, & fortassis erunt, lenta, ambigua, tristibus lætisque varianda. Ad Ostendam adhuc sedemus: de claudendâ à mari spes erat, benè si rata. Si fallit, vereor vt aliâ vi aut viâ ali-

I.LIPSI Operum Tom. II.

quid fiat: nisi Deus palam iuuat. qui nobis in tot malis constantiam, tibi salutem mi Orane seruet. Louanij, postrid. Kal. Nouemb. ∞. Iɔci.

Audeiantius te salutat.

EPIST. LXXXVII. *Hispalim.*

IOANNI WOVERIO S. D.

ESTNE? amantes ad ineptias etiam labi? In te experior (ignosce) mi Woueri: qui sermone nuper, & nunc litteris iteras, ut aliquid pangam de vitâ meâ & scriptis. Cui rei autem? alijs? ineptum, aut superuacuum est: & nihil in illâ, quod nosse aliorum int̄erfit. Tibi igitur? atqui in contubernio meo fuisti, & hoc pænè est, vitam meam totam nosse. Quid enim in eâ nisi æquale illud & vñiforme, quod vidisti? legere, docere, scribere: & cetera tranquillū, & ab actione remotum esse. Quid ergo narrem? non maiorum res gestas, non meas possim: & tenuia in nobis pleraque aut minuta. Tamen quia valde cupis, & ego naturâ obsequens: accipe ea ipsa tenuia, & quidem à carceribus; id est, cùm missus sum in hanc vitâ. Id fuit, Dei benignitate, Anno ∞. Iɔ. XLVII, die qui D. Lucæ sacer est, xv. Kal. Nouembbris. Nox media me edidit: cùm mater (ita narrantem sæpè audiui) superiori proximâ nocte, vidisset vigilans & exsonnis, duos puellos mirè candidos, per cubiculum inambulantes, inutuum se complexos. Interpretatio (si tamet illa) ipsi nobisque incerta. In Hisano autem suum genitus, municipio aëre, aquis, situ perameno: quod tertio milliari à Bruxellâ, itemque à Louanio abest. Vidisti ipse me ducente: quid describam? & locum adeo domumque nunc semirutam, in quâ sum natus. Non enim auitâ illâ nostrâ & paternâ, quæ incendio perierat, paullò post instauranda. Parentes mihi, *Egidius Lipsius* & *Isabella Petirinia*: ille vnicus parentibus, hæc vnika: opibus & genere vterque per honestis. Aius *Nicolaus Lipsius*, quieti & litteris operatus: propatrius *Martinus Lipsius*, vir ob doctrinam Erasmo familiaris, & à suis illiusque scriptis notus. Vxor aui *Margareta Eechoutia*, stirpe nobili: & maiores, pater, fratres eius, in Principum nostrorum aulis. Proauus *Iustus Lipsius*, cui vxor *Anna Linckebekia*, genere nobilissimo, sed in virili stirpe iam extincto. Ea in dotem villam, agros, domum con-

O 2 tulit,

tulit, quæ in Iscano: atque ea occasio mei illigat. Nam pater & maiores, domo omnes Bruxellenses erant: atque ibi, aut in viciniâ, opes. Agitatum in sacro fonte & die meo lustrico, de Lucę nomine imponendo, caussâ à me dictâ: sed pater abnuit, & aui paterni, maternique nomen in me renouauit. Parentes Iscanum aliquot annos tenuit, quia & mater in propinquo villam & agros vberes habebat, supra Wavriā: & pater item in Iscano dicta bona. Ergo & ibi educatus sum: non sine dupli periculo, quod præsens vitæ meæ fuit. Puer quadriennis, egressus domo ad vesiculam leuandam, video niues (media hiems erat) in colliculum vtrimeque, ut via media esset, scopis aggetas. Conscendo, in faciem cado, spirandi impos & iam suffocandus: nisi ancilla, quæ supernè verrebat, bono fato me respexisset, & erectum seruasset. Alterum, cum domus, vt dixi, repararetur, pertabulata & machinas fabrorum lusito: decido quindecim pedum altitudine, cum sodali meo: qui crus sibi frangit, ego caput & sinistram aurem leuiter lædo. Tutela mea, Genius fuit: &, quod cingulo sericeo suspensus in petticâ hæsi, donec eo soluto caderem, sed ictu molliore. Annos iam sex natus, Bruxellam cum parentibus migro. ibi studijs litterarum initior: facili promptoq; ingenio adeò, vt præceptor me parvulum (memoriâ teneo) genibus impositum, & sic recitantem, alijs ostenderet in æmulationem aut exemplum. Inter condiscipulos *Dionysius Villarius* tunc fuit: ô carum mihi exinde nomen. Grammaticalia statim hausi, & sponte ad linguam Gallicam etiam me dedi; quam è libris sine doctore ita didici, vt scribere possem, etsi loqui & legitime pronunciare non possem. Sed hic mihi etiam discri-
men, non nisi à Deo palam depulsum. Cum æqualibus currere & lusitare, feriatis diebus, extra urbem solemus: & euénit, vt circa Sennam flumen. Ibi cymbula ripæ applicita, & fune ad arborem religata, haud longe supra frumentariam molam. nos intramus, soluimus, & agitamus: videt molitor, accurrit, & voce minatur. Mei deserunt, exeunt: pænultimus ego idem conor, sed pedibus priorum repulsa cymba, & à ripâ disiunctior, saltum fecellit. Capite igitur præceps in flumen labitur puer vno, qui post me, diuinitus animato vt pedem mihi prehenderet, atque ita suspensum teneret. Interea molitor aduenit, attollit semiani-

mem, aquæ saturum: & sospitator utrique nostrum fuit. Utique inquam. nam & cymba prono fluxu (absque illo erat) ad molam ibat, eius vorticibus inuoluenda & mergenda. Sed ad vitæ meæ spatia redco. Anno decimo Athum Hannoniæ alegor, bona famæ scholam: atque iterum ibi Grammaticalia, prauo æui nostri more. Biennium in ijs detineor, mox carmen cœpi scribere: & anno tertio Coloniam Vbiorum porrò, ad Patres Societatis mittere. Ij me Rhetoris, ij Philosophicis imbuerunt: capere sanè pronum, atque ibi & alibi anteà (non per iactantiam dico) semper ductorem & principem meæ classis. Sub id tempus pietas pectus meu in tangere, & Patribus ipsis velle accenseri: parentes sciuerunt, abduxerunt, & annos iam sedecim natum Louanium amandarunt. Ibi litterarum & antiquitatis hæc studia ad se traxerunt: quorum tamen gustum amore inque Coloniæ insuperat *Gerardus Kempensis*, præceptor incus in Græcis, acerbi homo fati. Sed Louanijs compares mihi comitesque in ijsdem studijs *Ludovicus Carrio*, *Franciscus Martinus*, *Arnoldus Deimus*; ductore omnium nostrum *Cornelio Valerio* & quasi chorago. Nam lis *Petro Nanno*, qui primus honestum ibi ignem accenderat, successor datum studio non impar, ingenio inferior. Accessere mox *Martinus Delrue*, *Victor Giselinus*, *Iacobus Lernutius*, *Andreas Schottus*: interiores isti, & ex æsse amici: & uterque ille primus, arcti affectus, liberi oris. Dum autem inibi sum, & Iuris etiam artem libo, pater mihi fatus fuit: viracer, manu promptus, sodalium ac coniunctionum appetens, & qui hac comitate amplius patrimonium valde attriuit. Mater curam: tuis reliqui, & nostrum (mei & sororis dico) suscepit: matrona in summâ modestiâ virilis animi & consilij, & cui ex illo sexu, ævo, populo, non aliam iudicio præponam. Hæc mea caussâ Louanium venit, sedem transiuit, atque ibi ex hydrope non diu post obiit. Annum agebam tuum ferè decimum octauum, & publicè iam specimen aliquod mei dederam declamando in Scholis, aut differendo. sed magis magisque Musa vetus me capere: & eius amore Italianam cogitare. Feci. sed libris anteà *VARIARVM LECTIONVM* quattuor conscriptis atque editis, quos *Antonio Perenotto Cardinali Granuellano* inscripsi. Primus hic mihi aditus ad famam, etiam in illius patroni nostri

Anno 15. LXIII.

Anno 15. LXVI.

nostrī domūm fuit: in quam Romæ admissus, biennium circiter regi: cum omni benignitate ab eo habitus, & ad studia tractanda non incitatus solum, sed adiutus. Eram à Latinis ei epistolis: sed otium & omne liberum tempus dabat inspectioni lapidum, locorum veterum, & si quid visendum noscendumque in urbe aut circa esset. Bibliotheca etiam Vaticana mihi per cum & Guilielmum Zirletum Cardinalem (aureo æuo dignum) patuit: & in ijs studijs curisq; tempus illud sumpsī. Innotui Paullo Manutio, Fulvio Ursino, Latino Latinio, Hieronymo Mercuriali, Antonio Mureto: familia-
rissimus Plauto Bencio, qui Francisci postea nomen sanctius cum sanctiore vita assump-
psit. Petrum Victorium etiam, & Carolum Sigoniu[m], per viam vidi: atque ego veneratio-
nem illis, ipsi affectum mihi exhibuerunt. Louanium deinde redij, annum unum egi,
in *anu[m] ipsâ adolescentiæ,

Iucundum cùm etas florida ver ageret:

& egi (simpliciter apud te dicam) haud usquequaque ad prisci Catonis normam. Li-
ber eram, parentum & tutorum expers: at-
que ita choreis, sodalitijs, nugis, ludum &
libentiam aliquam ætati dedi. Sed non diu
dedi: natura melior me reduxit, atque ego
adeò me subduxì peregrinatiunculâ: quam
Viennam Austriae, & in Cæsaris Aulam,
decreui, suscepì, perfeci. prius tamen &
obiter Dolâ Sequanorum lustratâ. Ibi acer-
rima febris me pænissimè sustulit: quam
contraxeram Oratiunculâ in honore & ti-
tulo Giselini mei dictâ à meridie, & conui-
niomox insecuto. Euasi, Viennam perrexì.
atque ibi Augerio Busbequio, Joanni Sambu-
co, Ioanni Cratoni, Stephano Pighio innotui, &
placui: atque iij retinere me & interrogare in ijs
locis, non vñ conditione conati. Frustrâ.
nam patriam respectabam: & animo re-
deundi, per Bohemiam, Misniam, Thurin-
giā, & ea loca iter institui: cùm acerbi nun-
ciij de afflictâ nouis bellis nostrâ Belgicâ,

Anno 15xxiiij. patrimonio vi militum attrito, me pedem
figere in ijs locis adegerūt. Ienæ patillò plus
annum mansi, docui, & illa primordia mihi
ad Professorium hoc munus suêre. Sed
rebus paullum modò tranquillatis, oculos
iterum ad meos & mica flexi, Coloniâ Vbi-
tum veni, vxorem duxi; mei magis animi,
quam amicorum, impulsu. Sed, vt ille ait,
— Tardu[m] d[omi]n[u]m p[ro]p[ter]a d[omi]n[u]m: & concordi-
ter sanè viximus, fructus tamen matrimonij,
id est liberorum, exfortes. Coloniæ no-
I. LIPSI Operum Tom. II.

uem menses substi: TACITVM primò cor-
rectum, & NOTAS ad eum dedi: ibidem
ANTIQUAS LECTIONES conscripsi. Inde
in Iscanum meū migraui, animo destinato
ruri agere, & tabernaculum vitæ in quiete
illâ collocare. Bella vetuerunt, Louanium
compulerunt: atque ibi (hoc tamen ex ami-
corum consilio) iuris studijs paullò magis
seriò me dedi, & titulum etiam Ist publicâ
^{Anno} lxxxvi. inauguratione sumpsī. EPISTOLICAE mēx
lucem tunc viderunt; & sub tempus LEGES
REGIAE & DECEMVIRALES concinnatae,
non famæ tamen sed auditorum gratiâ;
quibus publice interpretatus sum, itemque
Liu[m] quædam. Tum acriores procellæ ite-
rūm & venti, quibus nihil proprius factum,
quam ut mergeretur Belgicæ hæc nauis.
Fluctu, cum pluribus, electi sumus in Bata-
uiam terram: insedimus, sed mente, ut sta-
tionem eam haberemus, non portum. Tur-
bæ tamen è turbis mutare vetuerunt, & tre-
decim ipsos annos tenerunt. Cur autem
negem: homines benignos & beneficos rep-
peri: sed relinquere eos Religio & Fama
(acre utrumque telum) adegerunt. Dum ini-
bi sum scripsi,

ELECTORVM LIBROS II.

SATYRAM MENIPPAEAM.

SATURNALIVM LIBRR. II.

COMMENTARIOS PLENOS IN CORN.

TACITVM.

DE CONSTANTIA LIBRR. II.

DE AMPHITHEATRO LIBRR. VI.

AD VALERIVM MAXIMVM NOTAS.

EPISTOLARVM CENTVRR. II.

EPISTOLICAM INSTITUTIONEM.

DE RECTA PRONUNCIATIONE LIS-

GVAE LATINAЕ.

ANIMADVERSIONES IN SENECÆ

TRAGOEDIAS.

ANIMADVERSIONES IN VELLEIVM

PATERCVLVM,

POLIFORVM LIBRR. VI.

DE VNÀ RELIGIONE LIBRVM.

Pluscula, ut vides, & (ut in meis.) optimâ
ferè: quid mirum? in flore æui & ingenij, in
alto otio: nec valetudo, nisi sub extremos
annos, titubauit. Tum hepatarius iste mor-
bus, & tabes an languor, inuasit: & quam-
quam remisit, bonâ fide numquam dimi-
sit. Illinc digressi, Leodici aut Spadæ bien-
nium propœmodum egimus, valetudini per
Acidulas illas refouendæ: tum Louaniæ
regressi, vltimam, nisi fallor, & fatal-
lem meam sedem. A quâ tamen variè
O 3 au-

auocati fuimus, à Pontifice, Rege Galliae, Venetis, Duce Etruriæ, Bononiensibus: sed placuit mansio, vt in ævo meo labente, & valetudine iam lapsâ. Stipendium mihi modicum: sed rex Philippus, faciente Petro Enriquez Comite Fontano, auxit, & Historiographi etiam sui titulo donavit. Scripsimus autem Louanij,

DE CRUCE LIBRR. III.

DE MILITIA ROMANA LIBRR. V.

POLIORCETICON, v.

DE MAGNITUDINE ROMANA, iv.

DISSERTATIVNCVLAM, ET COMMENTARIUM IN PLINII PANGEYRICVM.

Hæc octennio circiter, ad istum annum $\infty. 150.$ qui nunc currit. Et pluria ac varia affecta nobis aut profligata esse, non negamus: sed temporum aspectu quedam premi, & iudicio differit. En, mi Woueri, nostram vitam & scripta: dic serio, non subponit impetrasse? de meipso tamen aut indole meâ, tria etiam verba. Corpus & facies non indecora, vtique ante morbum: os probum, animus verecundus; ingenium docile & capax omnium, excipio Musicam: iudicatio collineans & recta: memoria non sine præceptorum miraculo, etiam in puer: quæ nunc, et si elanguit, non defecit. Eloquentia nobis prompta, nec sine Venere, in publico: priuatim, restricti magis, & minus amoeni. Stili & inuentionum faciles: labori & assiduitate impares; & naturæ, quam illis, in omni ætate obstrictiores. In cultu, gestu, sermone modici: & exterorum qui *Lipsum* videbant, sèpè requirebant. Quod supereft, bona & bonos amavi, amatus sum: scientiam, & magis sapientiam, colui: lites fugi, honores fugi: domi forisque benignus, comis, & quem vereri posses, non timere. Sed quò eo? tuus quoque me calor abripit: reprimi, & cum Euripide,

*Σωσοφρεῖν τοι βέλοι, ἀλλ' οὐκεοτεῖν
Confipere, non despere tecum debeo.
Louanij, Kal. Octobr. $\infty. 150.$*

E P I S T . LXXXIX. Duacum.

FRANCISCO MONTMORENCIO
Bersey Toparchæ.

A DOLESCENTEM nobilem Gommicourtum, cognatum tuum, mihi commendas: & est certe, quia tuus, & quia te & stirpe suâ (ita vultus & sermones mihi dicunt)

dignus. Ego, quidquid in meâ copiâ erit, faciam libens, & promptius laxiusque, quam dicam. Significas etiâ te, animi causâ, Dissertationem in publico habiturum super Peregrinatione. Quin laudabis eam, non ambigo: instrumentum profecto usui rerum & prudentiæ. vt ingenuam voluptatem omittam, quæ in ipsâ est, & post ipsam. Nam & cogitatione, quis non eadem illa visa, reuisit suauiter & gustat? colloquia, viros, vrbes, agros, siluas, montes, flumina: quæ mihi imagines sèpè ambulant aut dormitienti ingerunt, & cum delectatione in ijs acquiesco. Platonem caussæ suæ duxerint, vt è compositâ republi- câ cam tolleret, aut parcè & tardè indulgeret: manum aut suffragium ego non dedecim, & alijs suadcam, ipse viruperim, hoc lustrare & vagari. Quid? Deus ipse, nône hominem condidit, vt Philosophus optimi sensus ait, * *Θεὸν ἀνθρώπον, εἰ τὴν ἐργα-
τηρίαν σει
& συνομι-
οπεραντι-
Epiet.*

*Si Ladas ego, pennipèse Persæ,
Aut si Pegaseo ferar volata;
οὐ quantum maris terræque obeam? quam
nota & noua regionum lustrem? Sed ligam
mūr ætate, coniugio, languore, bellis: ita
que intra affectum manemtis, leuiter tamen
inuidentes quibus licet, sed & indignantes
quibus non libet. Vides quò eam, & quam
ipsa iniectio tua animum mihi mouerit &
soluerit in has voces. Coérceo, eumdem ad
te mitto non peregrinatum, sed habitatum.
Vale Nobilme Domine. Louanij, postrid.
Idus Nouembr. $\infty. 150.$*

E P I S T . LXXXIX. *Antwerpian.*

BALTHASARI MORETO suo S. D.

BENE factum de Corollario. merebantur & hanc laudem siue elogium nostri canes. Dic serio, non risisti cum legislâ. At ego & Equos laudatum ita iui, & Centuria sequens dabit. Libros Lutetiâ accepti, sanè gratos & in meum usum. De Chronicis, scriptoribus, posteà videbimus: Vweno nunc gratia & salus esto. nam ego interea, vt spero, Antwerpian & vos video. Tum de subsidijs operis, ad quod ædificandum inclino. Etsi FAX mea est, quam velim item absolutam: & ausim dicere, nihil utilius conceptum in rei litterarum. O subi-

ram

tam mortem illius amici ! cui bono nūnc illa, quæ falsò appellantur bona? quid pos- sidenti dederunt? vmbram, non fructum: & vereor vt nec hic superstes impendat, & heredibus modò seruet. Ludibria humana! & fortunam meritò cæcam, quæ ad me aut alios non venit, aliter vsuros, imò & fruitu- ros. Res nostræ publicæ me interim angunt, id est sollicitum habent quò sint euasuræ. Partes nostræ crescunt, animos & ordinem & disciplinam habent aut sumunt: nos in confusione, & nec monita sequi lubet aut exempla. Fati vis est, agnosco: cui parere & sine murmure obsequi vetus sapientum dogma est. Ego audio, te amo mi Morete. Louanij, xv. Kal. Decemb. 151. Par- rentes, & fratrem tuum saluto, ac redditum ei gratulor corde.

EPISTOLA XC.

IACOBO ANGIANO, *Equiti,
Toparchæ Kestergatij.*

ANTE dies plusculos vidi epistolam ad cognatum tuum Berlegemium, in quo & salus mihi per te misla, & amica men- tio veteris consuetudinis nostræ, iam à pueri- riâ contractæ, erat. Gauisus sum, fateor. nam quî obliuiscar primos illos amores ac delicias, quas simplex & malarum artiōm ruditæ ætas gignit? Atque ea mihi inhæ- rent, & suavi recordatione etiamnunc sen- sus titillant. Rogo igitur te, vt ia legitimam & matutam, id est virilem amicitiam ex- crescere iacta iamtunc illa semina velis: quod fiet, si recondita ea in hoc animo, vel- ut aruo, affectu benivolentiæ tuæ velut Zephyri flatu, & alloquio interdum vt im- brie, educes ac rigabis. Quod autem petieras, in memoriam tuorum maiorum ali- quid breue, & monumenti loco, pang: ecce feci. duo hîc habes, vt̄ris alterutro, vt tibi vi- sum: & siquid addi, dem, mutari censem- bis; significabis, & factum putabis. Nār ego Nobil^{me} Domine, cultum & obsequia virtuti ac dignitati tuæ debo, & hac scri- ptione defero ac subsigno. Louanij, xi. Ka- lend. Decembt. 151. Historiam gentilis tui obiter vidi. totam adhuc non licuit; vñsi fore video in ijs quæ paro. Remittetur, cùm votes.

EPIST. XC I. *Mechliniam.*

JANO BERNARTIO suo.

ZYPENVS, insignis iuuenis, & commu- nis noster litteras à te tulit, adspectu magis quām lectu gratas. Nam de inuale- tudine tuā habebant, mihi triste: nisi quòd spero tentatiunculam modò esse, non fir- rum autcūm *discrimine morbum. Quid- quid erit, porrò significa, & Deum rogo vt læta. Te autem, vt in omni sorte tole- res, & constes præceptis illis tuis, quæ Con- solationi Boëtianæ miscuisti. Non est tibi integrum, mollem aut pro vulgi more & sensu esse, qui altas illas voces emisisti, & regnum omne fortunæ calcantes. Remini- scere, & vt alij velint, tu exemplo præ, & præsume. Alioquin, quid nisi citharæ simi- les sumus, quæ suaves sonos edit, nec ipsa eos audit: sic nos egregia monita & doctri- nas, ipsi ab ijs expertes? Si in scribendo de- lectare nobis propositum, aut etiam alijs non nobis prodeste: desinamus hanc ope- ram licet, facilius & promptius aliâ arte assecuturi. Clausula est, patienda humana esse. quare? quia Deum sequi, vetus & com- mune sapientiū dogma est:

— *cuncta autem hac superium demissa
suprema*

Mente fluunt.
quod alti quoquis ille poëta tuus dixit. Sed de Boëtio, non brevi fruemur & addixit ita Mo- retus in suis ad me litteris: & puto ad te idem. Milites à Buscoducensi liberatione redeunt, & agiminatum hanc transeunt: ô li- beratione nobis optatâ! Etsi ea Deo potius adscribenda, qui hiemem, nubes, gelu indu- xit, & aërem commilitare nobis, omnesque in eo Genios, fecit. Sed periculo quām pro- pinqui fuius: magnæ, miræ, non creden- dæ in brevi illo tempore Batauorum mu- nitioes. Dixi tibi, & verum est, Romana opera & militiam imitantur: & ad illud Corbulonis, Dolabra, non gladio solum, vi- etoriam querunt. Sed quomodo cumque, vi- cimus, apt obtinuimus: etsi cum tremore aliquo hæc securitas,

*Magnaque post lacrimas etiamnum gaudia
pattent.*

Actum de hac vñbe & Academiâ erat, si ea in partes aduersas cessisset. Ad Ostendam quid fiet, in dies exspectamus, spei iam propiores, quia & illi hiems ista præprope-

O 4 ra

ra nobis opportuna. Deus victoriam illuc, tibi valetudinem mi Bernatti donet, ac tuæ seruet: quam saluto. Louanij, vii. Idus Decemb. & .I.C.I.

E P I S T . X C I I . *Romam.*ANTONIO RICHARDOTO *suo.*

NVL LAE mihi litteræ tuæ suauiores (eo verbo vtendum est) his postremis, quæ de reditu tuo non spem sed fiduciam faciebant. O res breuî sit! ô te meum, & tu me, amplectare! Non annos, sed lustra videris abfuisse: quos ego quidem magis numero, quia pauci mihi supersunt, senescenti, & cuius, cum poëtâ,

Lenit albescens animos capillus.

De te igitur lœtum, de fratre Guilielmo pendemus animi: & quid suspicabimur? Ne vos quidein aliquid audisse? nam nos certè (parentem etiam tūum includo) ab eius discessu nihil. Nisi si litteræ perierint, aut in viâ alibi hæserint, triste nobis omen ab hoc silentio detur. Sed Deus auertat, qui illum & te seruet, & vtrumque nobis, sed te statim reddat. Titulo Præfecti equitum donatum te à Principe, puto audisti: & ampliora te manent, cùm adueneris, quæ magis magisque, cum ætate, mereri te cupio: & crescere vnâ virtutis & prudentiæ studium atque amorem. O patriam nostram adflétam, & consilij vel auxilij egentem! Etsi consilium; sint qui dare possunt, inter eos consilij caput tuus parens: sed Deus inclinare & flectere ad ea corda Principum potest, iteique ea ipsa prosperare. Sæpè enim, aut non raro, optimè consulta successus destituit, qui à cælo pendet. Tu vale, & veni optatissime nobis, & D. Legato fratri tuo me & mea seriò defer. Louanij, xvi. Kal. Ian. anni & .I.C.II.

E P I S T . X C I I I . *Antuerpiam.*

IO. BAPTISTÆ PEREZIO BARONIO S.D.

TRISTE mihi fuisse, & velut plagam in animo, hoc inopinatum de discessu C.V. Ludouici Perezij aui tui, per te potes scire. Nostri amicitiam quæ inter nos vetus & fida fuit: quidni talis, ab annis iam triginta amplius contracta, & sine offensâ, imò querelâ, habita ac culta? Scio & te tuosque, mi Baroni, indoluisse in hoc casu:

qui alterum tamquam parentem amisistis, in omni sorte, consilijs factis que adiutorem aut directorem. Itaque alterâ iam anchorâ nauis hæc vœstra spoliata est: Deus seruet illam sacram, & parentem tuum diu velit superesse. Quid tamen est? dolere vos & ego debemus, & causa est: sed cum modo, nec quò affectus solùm aut natura, sed ratio trahit, audire & sequi. Non enim vt puluis aut paleæ ab omni vento, sic nos rapi à perturbatione debemus: sed hanc coercere, & animum pondere illo rationis & sapientiæ stabilire. Quid autem ea dicit? nihil insolens euensis, mortalem mortuum esse, nec diuulsum à nobis, sed prægressum. In eadem viâ omnes sumus, ad eamdem Fati metam tendimus, & pertingemus,

*— siue reges,**Siue inopes erimus coloni.*

Quod ergo omnibus, quod semper euénit & eueniet: cur vt proprium dolorem aut cladem interpretemur? Qui periti cælestium sunt, in Solis aut Lunæ deliquio non stupent aut timent: sciunt enim mox redituram utriusque sideri suam claritatem: simile nobis Christianis sit. qui gnari diuinarum promissionum, non mortem hanc habemus, sed transitum ad vitam. Pro breui istâ, turbidâ & impacatâ, æterna nos manet, curarum turbarumque expers. Iactamur hinc inter vndas, & noui semper aliqui aliquid fluctus: ô quando erimus ubi purum illud certumque seruiri est? quo tempestas, imò nec metus eius, adspirat? Sicut fuimus, quamvis crassus, cùm altum petat, dissipatur & perit: sic necesse doloris omnem nubem, si cogitatione alta illa adeamus. Faciamus mi Baroni, nec illa plebeia cogiteamus aut loquamur, Heu cur ille mortuus? cut me deseruit & reliquit? O stulte, debuit:

*Certa etenim vitæ finis mortalibus instat,**Nec demitare letum pote, quin obeamus.*

Ab Epicteti portiùs sapientiâ illa mutemur: *Non sum æternitas, sed homo: id est, particula Vniuersi, ut hora dies. Venire igitur me oportet, ut horam, & præterire, ut horam.* Videsne in agris vt fruges satæ in herbam, iaculum, in aristam surgunt, maturescunt, & metuntur? sic in nobis. venimus invitati, quidam in herbâ, alij in culmo pereunt, plerique in maturitate aliquâ metuntur: & quæ causa querelæ est? Ante oculos sortis humanæ conditio ponatur: ita sati & nati sumus. Enim uero in nostro isto, si examinas,

minas, iustior gratandi etiam causa, quam querendi occurret. quod aequabilem vitæ cursum, cum optimâ famâ, sine Fortunâ insigni plagâ, peregit: quod ad terminos etiam illos æui peruenit, quo pauci omnino pertingunt. Vedit & reliquit familiam florentem, liberos, nepotes, pronepotes: ut nec obijisse quidem videri debeat, qui in tot animis corporibusque suorum viuit. Ut agricola parum aut nihil dolet in arbore amissâ, quæ ex uno trunco plures frutices & iam pænè arbores dedit: sit hîc simile. non tamen ut nihil, sed ut modestius leuiusque doleamus. Ille quidem in superis locis, beatus inter beatos agit, ut speramus: & apud nos tamen memoria virtutum eius viuit & viuet. quid apud nos? apud alienos, & populum etiam hunc vestrum: quem probitate illâ & benignitate suum fecerat, iuuando, consulendo, consolando, velut communis omnium patens. Hæc talia cogitemus mihi Baroni. & ut spinas aut tribulos, et si adhærentes aut amplectentes, dimouemus; ad poma aut vuas vtrò manus porrigimus: sic in isto casu, quod iuuare aut alleuare potest, apprehendamus; pungentia illa & noxia, et si offerunt se, depellantius. Fac, te quæso: ego tecum dabo operam: & communia hæc vtrique solatia (nam & ipse egeo) scito à me scripta. Lodanij, vi. Kalend. anni noui instantis. 15CII. quem youeo parenti tuo & tibi feliciter labi.

EPIST. XCIV. Pragam.

IOANNI HOLLANDO.

GAUDEO te rediisse incolumem, aut certè hunc esse incolumem, ut epistola tua mihi dat augurari. Nam diutinam valitudinem te passum intellexi; & doluit: spero omnia mitiora nunc fore & meliora, in patrio tuo solo. Sed & hoc gaudeo, tam rediisse, qualem scriptio ostendit: ita me Deus, plena honestissimi desiderij & studij, atque uno verbo, Bonæ mentis. Rogo te, perge in hac via & vitâ, & reipublicæ ornamentum vel subsidium dona, ubi non laboranti? Certè apud nos aspera omnia & in anicipi, & non ab uno hoste laboramus. Sunt qui in aperto, sunt qui cuniculis oppugnant: atque utinam ut vires, ita consilia sint, ad resistendum! Qui volunt, differant: sed mihi firmum, plus men-

tem quam manus valere, plus industriam quam omnes opes. Confluant à veteri orbe, confluant ab isto nouo: alimenta malorum erunt, non remedia, nisi cæcum illum Plutum Prudentia dirigat & moderetur.

Sed quid vana cano? quid fixos arceo casus?
in supero illo consistorio decretum, quid nobis vobisque, & quomodo fiat. Iuuat vide interdum occultas fatorum vias, & quam ipsis nobis contra nos vtantur. Quæ causa est illa, in quâ sistimus:

— *nusquam pietas, non gentibus æquum
Fas aut cura Louis.*

Sed heu, inopinata etiam de vobis! tabellas illinc laureatas exspectabamus: cupressinæ aduenerunt. Triste mehercules & pænè funestum, de Canisiâ: vtique si hostis occasione suâ & viribus norit vti. Solimannus aliquis si esset, Germania vbi esset? At Deus hæc moderatur, & sistet ut spero impietum barbarici hostis, & nos vitam, ipse fortunam emendabit. Louanij, vii. Idus Ianuar. 15CII.

EPISTOLA XCV.

IOANNI DRENCKWAIRTO,
supremo Thesaurario.

COGNATVM hîc meum vides, & beneficio deuinctum tibi cliehem. Sed beneficio, quod plenum firmumque nunc effici, est in tuâ manu. Nam ecce Quæsturæ munis ante biennium amplius, te uno procurante, accepit: sed honorarium certum nullum adiunctum, quod nancij qui ab eratio Brabantico sunt videntur adsignasse. Sed cum ea res firmitatem aut vires habere non possit, nisi collegij vestri auctoritas & approbatio accedit: rogo benignè eam impetriri digneris, & beneficium tuum absoluere atque exornare. Iure equidem pro illo labore, quia neptem meam ex sorore vxorem habet: & eius liberi inter heredes meos erunt. Plus autem famæ, quam opum relinqueret ijs possum: nec has valde ambitionem & bonorum gratiam, quam Deus adhuc mihi dedit, & rogo seruet. Idei Ample & Nobil Domine incolumem, ex nostro voto, id est vel tria saecula. Louanij, prid. Idus Ianuar. 15CII.

EPIST.

E P I S T . X C V I . Sauonam.

I V L I O S A L I N E R I O S . D .

BENE de moribus meis iudicas. tales sunt, nec faciles & ingenui solum, vt scribis; sed mites, placidi, oleo tranquilliores. Impotentia tantum a me abest, quantum potentia. Quid ergo ambigis in Tacitum edere, quae concinnasti, et si a me meisque, vt ait, diuersa? Tu vero securus ede, non offendere meæ, sed certus gratiæ: si digna illo scriptore & doctorum auribus dabis. Equidem & ego iam olim aliquid in illâ materiâ pinxi aut sculpsi: sed nihil est Protogenis aut Apellis: alius quicunque manum addat, imò & cupressum appingat. Testor supernum Numen, gratum & venerabilem mihi fore, per quem

Respicere ignoto discam pendentia tergo.

Ego enim vt omnia viderim? non si Minerua aurea lucerna, vt vetus verbum est, illustrasset. Euripidæum illud rotundum & verum:

** Non unus
aliquis sci-
re natus
omnia est:
Sed aliud
alijs pra-
missum posuit
Dens.*

** Αλλ' εἰ γὰρ ἀντὸς πατέρος θεῖσας βεγκάρ
πέφυκεν. αλλὰ δὲ ἀλλοι τεγματίζεται.
Audis, mi Salineri? tibi quoque præmium
paratum, & labori sua merces: profer.
Qui putat se in his antiquis, & æuo obscu-
ris, aginæ semper æquilibrio ferri: errat,
& non Varro ipse fecit in alienis scriptis
(testimonia sunt) doctior tamen illisipsis
qui scripserunt. Multum est leguisse, inquisi-
uisse; plus rectam iudicij normam attulisse,
sed totum, attigisse. quod Fortunæ aliquan-
do est, non doctrinæ. Enim uero longius
ibo, & philosophari tecum lubet, & decet.
quid hæc sunt, aut quanti pretij, diuinasse
& correxisse? In præsenti, delectatiuncula;
in præsenti, gloriola: post quinquaginta,
aut pro magno centum annos, nemo te aut
me auctorem inscribet. Non putemus nos
Troiam cepisse, cum depositum alteri lo-
cum sanauimus: quid? vnum alterumque
verbum. O si animum, o si mores! o si
illam Sapientiæ officinam ingrediamur,
Ιατροῦ φυχῆ, atque ibi Aesculapio & Hygeiæ
faciamus ac liteimus! Non me diffundo.
illud ex animo & interiore pectore, per me
tibi liberum sentire, dissentire: neque sum
ille Alexandro sublimior, qui nefas putem
oppugnari. Facito. sed si me, non mea
causa, audis, modestè & modicè: & veri-
tas, non ambitio, finis elucescat. Conui-*

tiari, inequitare, alienum est non à docta
solùm mente, sed humanâ. Nónne & tibi
fieri potest, nec vlla cautio errorem (in his
quidem Criticis) vitet? Et à me vt sis secu-
rus; alius pro me, aut post me, optionem
& succedaneum se dabit. Mibi quidem in
his & maioribus frigus iam adhæret: siue
ab ætate, siue à Sapientiæ consultis: nec in
magno habeo, quod olim in summo.
Menedemi dictum aureum, & sublimiori,
id est tuæ menti, imprimendum: *Qui
Athenas nauigarent, primò Sapientes esse, tum
Philosophos, tum Rhetores, denique rudes &
idiotas.* Adfirmo tibi, nemo proprius rem
tetigit, utilius aperuit: & solida, non in
ventum docta mens, quò diutius discit, in
re plura, in opinione pauciora novit. Mi
Salineri

* ——— *Taῦτα οὐ
Τῷ τῷ θεῷ ομοίως, καὶ οὐτὸν τὸ γλώσσην, λέγει.
Vale. Louanij, v. Kal. Febr. 20. 1522.*

* *hæc tibi
Et mente
pariter at-
que lingua
edisse.*

E P I S T . X C V I I . Francofurtum.

I A N O G R Y T E R O .

Q VERELAM tuam in litteris ad Sweer-
tium vidi, parùm meo animo iustum,
& tamen grata à causâ primâ & origine;
quam confido amorem & desiderium esse.
Quidni sic afficiaris erga amicum vete-
rem, & quod caput est doctorem? Forma-
uimus certè te mi Grutere, & in optimâ
studiorum viâ præiuimus, quam felici de-
hinc pede calcasti, & vt porrò facias vo-
ueo & hortor. Scis etiam præcipuam ali-
quam curam & affectum nostri in te fuisse,
nec vt in theatro aliquo misilia hæc tan-
tum in vulgus sparsisse. Te iuxtimus pro-
pius, & in sinum tuum, vt sic dicam, con-
tulimus: quæ Deo & ingenio faciente de-
inde auxisti. Hæc non vt exprobrem dico,
vix vt imputeam: sed vt ostendam quis
fuerim, & ex eo quis sim etiam discas.
Quid enim me mutarit? vnum in te aut cir-
ca te est, quod optem aliter: reliqua con-
stant, & te mihi firmant. Atqui filui. Quid?
non Leodico ad te scripsi? In publico vide-
bis mox epistolam, si non antè acceptam.
Vtrum ego à te interea, haud commemini:
hoc tantum, in litteris ad Ortelium de me
sæpè fuisse. Abeant ista: amemus, quod
agimus agamus, rem litterariam & nos iu-
uemus. Seneca communis ille noster, quæ
præcepta huic rei donat! quæ ab his infe-
ris

ris ad alta, à vanis ad solida, à turbidis ad quieta dicit? Sequamur, & ita in illo emendando simus, ut ab eo quoque emendemur. Vale mi Grutere, & amate hactenus & amande. Louanij, postrid. Idus Febr. &c. I.CII.

EPISTOLA XCVIII.

HENRICO SCHVLTETO.

presum-
ptam fa-
pientiam; LITTERA ETUQ, quibus amicitiam meam appetis, tuam defers, gratæ fuerunt, mi Schultete. Amor, humani generis nectar, suauior gratarque est, cùm à superiore illo Amore venit, id est Honesti & Boni: ex quo velut traducem esse tuum istum scio: Atmas illa, & ob illa me, quia & à me amari (nec falsò) censes. Utinam & compotire detur! studeo equidem, & omnibus ingenij machinis hoc conor. O triumphum, qui pervincit! quamquam nec superari hīc turpe est, dummodò arma non proicias, & victus quoque velis vincere. Progrediamur, si non peruenimus. Nam laudes, quas tu plenâ manu in me cumulas, non nisi oculis libo, in animum non admitto, nec assensus mei suffragium dono. Imò esse qualem describis, vix opto, cettè non spero. Odi istam nunc crebram ^{*dōxaiaioφiaj}; cùm illud Aristarchi locum vindicat, Olim ^{vix} septem sapientes repertos, hodie ^{vix} totidem rudes. Maneamus in modestiâ, in bonorum studio, nec vela ad blandientium sermonum auras explicemus. Quod me rogas de Numeris Platonicis, libelli res non epistolæ sit: nosti implexum illud à se, & interpretantium variâ tractatione districtum. Da aduocationem: at amori tuo vel statim respondeo, & meum fideliter reddo. Louanij, prid. Kal. Febr. &c. I.CI.

EPISTOLA XCIX.

HYGONI GROTI.

presum-
ptam fa-
pientiam; A DAMVM tuum vidi, partem legi, & ex eâ omnia probavi. Num similem te tui esse, facile præcipio. Dicerem miratum me, nisi priora tua hoc verbi & affectus iam exemissaent. Ita iamantè te dedisti, & hoc ingenij specimen, ut bona & alta à te exigere debeamus, non solum expectare. At placuit mihi etiam vnicè argumentum, & quòd ad seria, id est Sapientiæ illa studia te

dones. Leuia ingeniorum, qui tantum animi delicias consequuntur, verborum elegan-
sermona
conciuinata
... . tias, & cum Euripide, ^{*λέγων εὐμορφίας.} Nos * Nos vero ad rem gradum addamus, & nihil pensius tractemus ijs qui ad verum animi cultum, id est ad Salutem ducunt. Intellectualis philosophia magna studij huius pars est, quam feliciter in Adamo tuo libasti. Perge, hanc ama, & sine vento scientiam, & sine nouitate doctrinam. Publicâ viâ qui excidit, & semitas quærerit, errores & flexus quærerit. Sperne, ita Deus te hīc honestum, alibi beatum velit. Louanij, III. Nonas Febr. &c. I.CII.

Patrem & Patruuin ex animo saluto.

EPIST. C. Mediolanum.

ERYCIO PVTEANO suo.

PROMVLSIDEM tuam vidimus, id est vina & mellâ. Planè pro suo nomine liber est: & acumen siue acrimoniam in sensibus habet, & in verbis puritatem, atque etiam suavitatem. Quid amplius dicam, nisi illud,

*I bone, quòd tua te virtus vocat, i pede fausto.
Ad alia, longius longiusque mi Puteane: sed
pede semper recto, id est per viam quam
veteres calcarunt, & ego monendo aut do-
cendo præiui. Nouitios istos si audias, sto-
lidos aliquos Hermas; despectas, & ad lan-
guida quædam aut frigida te dones, quæ ipsi
Tulliana vocant. O quâm indignetur & co-
lorem non teneat, si resurgat ille Tullius, &
hæc cernat! Ille altus, ille excitatus, & ala-
cer, plenus spirituum & sanguinis, probet
hos tabidos, iacentes, & verè ^{*χαμαιτεῦς λό-} bumi
serpentis
serpentes* Atqui phrasin eius & verba habent. Ne-
scio. dicunt: sed hoc scio, non verba, sed pe-
ctus & vim mentis esse, quæ disertos facit.
Scitè nuper à Politiano dictum, meliorem
honestioremque leonis faciem esse, quâm
sphinx; et si ista ad hominem propius acce-
dit. Nihil est hoc imitari, si à te nihil inspiras; imò si omnia tua non facis, & velut è
proprio fonte emitis.

*— qui sibi fidit**Dux, regit examen.*

Alij seruant, mendicent: fama aut vita non respiciet, quidquid hoc est scriptorum. Stu-
porem! ad vnius illam imitationem nunc nos vocari: quod nemo veterum aut priorum somniauit! Scilicet plus cordis nostri magistri habent, quâm Fabius & ipse Ci-
cero,

cero, qui ad omnes non oratores solum, sed historicos, poetas etiam ducunt. Sed omitto has lacunas, quae non nisi ab imbre implentur, a se arentes: tu inter viuos, ut dixi, fontes esto, & quod sequi solet, perennes. Sed heus, quod ultimò scribebas, te meā causā Romam, quale est? impetrandi ciuilis illius tituli? Si ita, quo titulo te afficiam nescio, beniuolentis nimium, an patrum sapientis. Et quid tibi aut mihi vis? conciliare magnum hunc honorem? Non recusem si detur equideū, vel ob nomen illud priscae vrbis: sed si ultro. te autem, id est me (quis enim aliter interpretabitur?) hoc agere? Abstine, ita liuor aut calumnia

ab utroque nostrū abstinenceat: nec in istis elogijs posueris fundamentum famæ. Magis fortasse, si rara essent. scisne Alexandrinum olim, cum ciuitate donaretur a nescio quo populo, contempssisse & irrisisse: sed cum legati addidissent, Nemini hunc honorem delatum, nisi Herculi atque ipsi: tum denique amplexum, & a socio illo pretium dedisse? Non idem h̄c erit: & cum bouâ veniâ dicam, magna illa ciuitas se impertuit non nimis magnis. Finio, tu ambire ultra caue vel sensu, non dicam vultu aut voce: & me tantum ama. Louanij, postrid. Kal. Nouemb. 1551.

APPROBATIO.

Miscellanea hac Epistolarum Centuria I. Lipsi Professoris ac Historiographi Regij, utiliter admodum imprimetur.

Gulielmus Fabricius Nouiomagus, Apostolicus
ac Archiducalis librorum Censor. •



IVSTI

IVSTI LIPSI
EPISTOLARVM
SELECTARVM
CENTVRIA QVAR TA
MISCELLANEA
POSTVMA.

I. LIPSI Operum Tom. II.

P

ILL^{MO} ET REV^{MO}
 D. IOANNI ANDREÆ
PROCHNICO
 EPISCOPO CAMENECensi, &c.
 MAGNI ANIMI ET VIRTUTIS VIRO,
 CENTURIAM HANCCE LIPSIANAM,
 IVSSVS DEDICAT CONSECRATQVE
 IOANNES WOVERIVS ANTVERPIENSIS.



Iamicitiam, quæ interfite, ILL^{ME} DOMINE,
 & immortalis memoriæ IUSTVM LIPSIUM
 fuit, eiusque principium, progressum, insu-
 per & fructus mecum examino; illud sanè
 occurrit, mutuam vtriusque pectoris carita-
 tem; in angustum nimis humanæ vitæ mo-
 mentum incidisse. Imò post periculum credi-
 dimus, quām vicinæ ingratitudinis necessita-
 ti, imminentis fati properantia LIPSIVM incluserat; cùm non
 aliter viuus cum beneficijs tuis paria facere potuerit, nisi vt mor-
 tuus præstaret. Sanè ego proximus, & quem quasi initiatum amo-
 ris vestri sacra non excluderent, scio; cùm anteà vitæ & cunctis
 hisce mortalibus repudium constanter dixisset LIPSIVS, præti-
 muisse tantum, ne cum BENEFICENTIA PROCHNICIANA
 sibi viuendi spatium deesset. Talis enim ista fuit, tantoque impetu
 iam securum vicinâ libertate seriem inundauerat; vt, si callide
 mentem tuam producere nobis liceat, iudicemus, te cum abeun-
 te tunc LIPSIО festinasse. Verum, non aliter quām vehi suetos
 vel minimum grauare pondus solet, ire si cogantur; ita sarcinæ
 quoque huius insolentia, omnes solitum adficere benefactis, one-
 rabat. Vindicare se igitur constituit, & Sapientiæ suæ memor, ne
 intestatus vno die viueret, sic cùm gratitudine transfegit:

*Jamhinc parata est Centuria Epistolarum selecta; quam, si quid mihi con-
 tingit, in arca mēa reperies, à te edendam; & ILL^{MO} PROCHNICO ex-
 mēa destinatione inscribendam. O! Optum ab aereo aeo! In Prefatione
 DIC, quā ego debetem.*

Dicam, nec verbis tuis, VIR SUMME OMNISQUE NVNC
 PARTICEPS AETERNITATIS; sed exemplo; te ingratitudinis
 I:LIPSI Operum Tom.II. P 2 vel

vel supremum superasse ingenium, dum nec mortem beneficijs opponis, nec vulgi iudicio vteris, desinentium vota quod maximis meritis æquiparare solet. Meritò spreuit, ILL^{ME}, magnus ille animus omne erga benefacta artificium; ne vel sic quidem, obstrictum sibi humani generis nomen, vnius priuati debiti compensatione laxaret. Itaque hac conscientia quoque latus decessit; &, augurari vti licet, inter ingenij scientiæque bona numerauit, neminem hisce instructum mori ingratum. Nam temporibus moribusque nostris ignotam liberalitatis tuæ industriam, quâ denique defunctum superasti, qui prospicere potuit? Reliquias, (ò pietatem!) & iam sepulti amiciossa, marmoreo condere cippo frustrè conatus, in cælum, vt sic dicam, excurris; & iacenti proximam, D^IV^AE^QV^E M^AT^RI sacratam aram, sumptibus tuis decorari iubes, vt, quod mortuo impendere non potuisti, diuina reciperent. Stabit cum sæculis monumentum; & ab ipsâ Sarmatiâ auro imbutum PROCHNICI nomen, vt viuentis LIPSIA moribus permixtum, ita sepulti quasi cum cineribus conditum, futura tempora venerabuntur; omnisque ætas testabitur, dignum te fuisse, quicum immortalis ingenij studia desinerent. Sed & dignus tu eras, cui mens tam inclyta absque fortunâ contigisset: nunc dum regale decus maiores tuos illustrat, altaque ab origine per Duces de Bybel deriuatus in te sanguis natales instruit; quod nescienti collatum, etiam virtutibus præscribitur. Ecce benignitatem fortis tuæ accusare malo, quâm exclamare, ò virum fortunâ suâ dignum! Sæculi mea indignitas impellit; contra quam testarignumquâ desinam, quantum supra fortunæ corporisque bona, animi virtutes emineant. Nam pænè ceterorum mortalium dum prima tibi vota vltro obuenisse conqueror, simul adfirmo, propriâ sic luce te exsplendescere, vt talem fortunam facere potuisses, nisi accepisses. Olim inter Principes fuit, qui par imperio videbatur, nisi imperasset. Nos inuidiæ fatorum obijcimus, ideo sceptrum maioribus tuis perfidiâ ereptum, ne tu dignissimus regnares. illis enim te imputare malo, quâm ipsorum facta pro virtutibus tuis narrare: quod ijs sufficit, quibus nobilitatis satis magnum præsidij, languens vita atque ignobile est otium. Contrà, te ad verum decus nitentem, ingenij cultus, illaque studia exceperunt, à quibus facilis in omnes dignitates decurius est. Denique vt nihil nisi summum eligeres, sacra placuere; sanctisque altaribus purum admouisti sacerdotem. Qui cum infra dignationem titulus non esset, tamen ita totius Poloniae suffragijs certatum est, vt passim spes suas ambitione donarent, nec fauentium aliter vota declinare posses, nisi peregrinatione te eriperes. Sed numquam Virtus se deserit; & huius corporis quasi opacitatem, boni nominis fama, tamquam umbra, semper conse-

consequitur. Italiam elegeras, & in eâ Romam, Reginam orbis. Sed & ibi popularium tuorum te cura sequitur, Serenissimique Regis fauor inuenit; vt quem Cracouensis Ecclesiæ clero præposuerat, Regni Neapolis legatione ornaret. Quo in munere, an fidem, industriam, prospicientiam; an magis cum summis æquabilitatem, cum paribus humanitatem, erga inferiores munificentiam, hic perstringam? Iniuria virtutum sit, coarctare famam; & dignam annalibus memoriam, vnius paginæ angustijs strangulare. Te vel ideo, quia vitare soles, sequentur præconia; neque æternitas magis deerit virtuti tuæ, quam nunc dignitas. Cui grande augmentum vti CAMENECENSES Infulæ nuper attulere; ita tamen ad maiora adhuc gradum gratiamque superesse, nos cum benevolentia amici tui contemplamur. Me enim feriò, inter illos serios numero, *quos nec ambitio impotens, nec spes sollicitat lucri*, & qui gratis vti amari possunt, ita colere vicissim. Te modò (cum voto desinam) PRÆSVL ILL^{ME}, magna & potens patria recipiat; SIGISMUNDVS Rex inuictissimus, VLADISLAVS maximi Patris spes, columenque regni, reducem aspiciant: neque anteà tecum pariare fortuna desinat, quam purpuram reddat; si non cum sceptro olim genti tuæ illatam, sacram faltem, sacratis tuis meritis debitam.



I N D E X
EPISTOLARVM SELECTARVM
CENTVRIAÆ IV. MISCELLANEÆ.

A	BRAHAMO Bibrano Equiti Silesio	xcij.
	Ægidio Martinio Syndico ciuitatis Bruxellensis	lxxxiiij.
	Andrea Chiocco V.C. & Doctori Medico	lxvi,
	xcj.	
	Andrea Schonæo I.V. & S.Th. Doctori	vij.
	Andrea Schotto Soc. Iesu	iv.
	Antonio Richardoto suo	xliij.
B.		
	Balthasari de Zuniga, Legato Regio	ij.
	Balthasari Moreto suo	xxx.
	Bartholomæo Leonardo Argensola	lxv.
	Bartholomæo Petro Lintrensi, Doctori Theologo	xv.
C.		
	Carolo Billéo Consiliario	lxvj.
	Carolo Clusio	xxxvi.
	Carolo Duci Croyo & Arschotano	lvij., lxiij.
	Cornelio Vandalio	lvij.
	Curtio Pichene	lxxxvij.
D.		
	Dionysio Villerio	x.
	Dominico Baudio	lxvij.
E.		
	Ericio Puteano suo	liv.
	Eustathio VVolouiczjo V.R. & N.	Lithuano
	xcvij.	
F.		
	Ferdinando de Salinas, Consiliario	lxxij.
	Francisco Polæ I ^o	lxxxvij.
	Francisco Raphelengio suo	xxxix.
	Francisco Sweertio F.	xij., lxx.
	Francisco Tregiano, Britanno V.N.	lxxv.
G.		
	Georgio Vveno	lv.
	Gerardo Buytewechio	xij., xlvj.
	Godefrido Hertelio	lij.
	Gomesio de Amescua I ^o	lxiv.
	Guilielmo Greuio Nepoti suo	xl.
	Guilielmo Richardoto suo	v., xxxiv.
H.		
	Hadriano Saissenallio	xxxv.
	Henrico Laurentij Spiegelio	xvij.
	Henrico d'Oultremanno, Senatori	xiv., xx,
	xxxij., lxxxix.	
	Henrico van Etten, Praesidi Aerarij Brabatici	lj.
	Henrico Vveno I ^o	xxiv., lxix.
	Heriberto Rosweydo Soc. Iesu	xlij.

I.	Jacobo Augusto Thuanio, Praesidi	xxv.
	Iacobo Carondeletio	lxij.
	Iacobo Reste V.N.	ix.
	Iano Bernartio	ij.
	Iano Lernutio	lxxxij.
	Iirmia Pierffenæo I ^o	lxvij.
	Ioanni Andrea Prochnicio Legato Regis Poloniae	
	xcvij.	
	Ioanni Baptiste Baronio suo	xxxvij., xlix., lxxiv.
	Ioanni Buchario Doctori Theologo	xvij.
	Ioanni Buisonio Consiliario	l.
	Ioanni Hemelario suo	lxxvij.
	Ioanni Moreto	xxix.
	Ioanni Seurio	lx., lxxij., xcij.
	Ioanni Vergerio Aurano	lxij., xcij.
	Ioanni VVouerio suo	xlv., lix., lxxxij., lxxxiv., c.
	Iulio Cesari Carocciolo	lxxix.
M.	Ludouico Septalio V.C.	lvj.
	Lupercio Leonardo Argensola	xxvij.
N.	M. Antonio Bonciario	lxxvij., xc.
	Marco Antonio Perezio V.N.	xlvij.
	Marco Velsero	lij., xcij.
	Marquardo Frehero I ^o	xlj.
	Martino Ant. Delrio Soc. Iesu	xxij.
	Maxæmiliano Vignacurtio V.N.	xxxij.
	Maxæmiliano Vriendtio	j., xvij., lxxv,
	Maximiliano Plouwierio	lxxxv.
P.	Nicolao Montmorencio, Toparchæ Kendefio	
	xxvij.	
	Nicolao Oudarto	xliv., xcix.
	Nunno Mendoze V.N. & Principi à cubiculis	
	xxvij.	
R.	Petro Brachio	xciv.
	Petro La torrio Quintanadueñas	xxij.
	Petro Pantino V.R.	vij., xix., lxxx.
	Petro Peckio Consiliario	xxvij.
	Philippo Arenbergio Baroni Seuenberga	xxxj.
	Philippo Boskhiero, Ordinis D. Francisci	xxj.
	Philippo Rubenio suo	vj., xxxvij.
S.	Remacio Roberti	xlvij.
	Sebastiano Rolliardo I ^o	lxxxvij.

IVSTI

I V S T I L I P S I
EPISTOLARVM SELECTARVM
CENTVRIA IV. MISCELLANEA
P O S T V M A.

EPISTOLA I.

I.LIPSIVS MAXAEM, VRIENDTIO S.D.

CARMEN iam alterum à te
habeo mi Vriendti, prius
de me (in ijs de Cruce) al-
terum ad me, quod recen-
ter nunc & amanter mit-
tis. Vtrumq; mihi à se gra-
tum. quidni a te scriptum, homine elegan-
tiae & doctrinæ veteris, & qui, cum Lucretio

Museo continguis cuncta lepore?

sed & ab argumento ea grata, quia aut æsti-
mationem mei habent, aut amorem. Hoc
postremum eximiè, & in tuis etiam velut
pararium amicitiæ inter nos conciliandæ.
Ah mihi Vriendti, quām serò, & quām pæ-
nè frustrà! Nam nolo erres, ego te à primo
illo gustu amauī, & certus sum idem mihi
à te factum. Conspiratio quædam inter nos
est (palam video) non studiorum tantum,
sed animorum & iudiciorum. Itaque ami-
citia ipsa iam fuit, sed testior: referanda est
& in claram lucemmittenda, te nunc inui-
tante. Fiat cum bono Deo, & Fidium illum
inuoco (siue Sancum à sanctiendo vocari
placet) me sanctæ & veræ Amicitiæ leges
tecum culturum, quamdiu in terris his co-
lam. O multa in ijs tristia! o hoc recens acer-
bum, de fato nostri Gubernatoris! sed cùm
sapientiâ ista mitigantur, tum non nihil &
melle hoc amicitiæ. quod gustatū regustare
mihi sàpè animus, si te quoq; habeo prom-
ptum & volentein. Confido, imò scio: &
aut neminem in Belgicâ hac noui, aut te ex
scriptione tuâ. (imago ea animi est) mi
Vriendti. Alligemur: en dextrâ, cedò tuam.
Louanij, xii. Kal. Mart. oo. I. xcv.

EPIST. II. *Mechliniam.*

IANO BERNARTIO S. D.

DEBO vltimis tuis responsum, fateor, si
morem communem spectem: non de-
beo, si aut valetudinem, aut decretum iam
meum. Paria vltrà facere in hoc genere,
neque lubet, neque licet. Valetudinem præ-

texui, & verè: quid si occupationes, & in-
terpellationes etiam addam? Iuro tibi ami-
cie, mirari ipsum me, cùm dies lapsus est,
vires aut mentem mihi ad tam varia consti-
tisse. Sum in hac scænâ, & Fama produxit:
sed ego illam desero, & hanc sperno, quam
tueri per ista non est tanti.

Semita certè

Tranquilla per virtutem patet unica vita:
at virtus in secreto etiam est, imò contagia
ista vulgi fugit. In Statio te pergere, benè est:
de loco isto, in Siluis:

Omnia nam latae pila attollentia frondes, Lib. v.
Multaque fumosâ signatur lancea pennâ:
seorsum à te sentio. Ná tu ad sagittas refers,
de quibus Plinius: *Volucrē fecimus ferrum, vt*
citius mors ad hominē perueniret. Non opinor:
ne illud quidem, in armamentarijs signatas
ab Abascantio, id est seruatas lanceas vete-
res, & fumosâ pennâ insignes. Quæ mea
mens? Critica. errorem scripti arguam, &
Laurea legam: quod vitij & in Senecæ Con-
solatione ad Heluiam olim notabā. Hæret
nempe cum priori versu, imò versibus, sen-
tentia: & Domitiano blandiens, de more,
Statius; Vndique laurus & victoriæ, inquit,
ab Euphrate, à Rheno, ab Istro: & fasces &
pila laureata, lictorum siue speculatorum
(qui litteras tunc victoriales adferebant) &
multa laurea signata nigrâ pennâ, siue atramen-
to. Neque enim aliò, quām ad epistolas vi-
ctoriæ indices hæc retulerim, è prouincijs
solitas mitti. Hoc placet. tamen in libro meo
scripto cùm reperiam, *Nullaque fumosâ: sus-*
picari etiam incidit, an non mos fuerit, Spec-
ulatorum lanceas in clade aliquâ & re tri-
sti, pennâ atrâ insigniri, celeritatis simul &
funeris notam. Enim uero tale Scholia stes
vetus ad Iuuinalis versum:

tamquam@ diuersis partibus orbis sat. iv.

Anxia precipiti venisset epistola pennâ.
vbi commentatur: *Antea siquid nuntiabant*
Cōsules in vrbe (lege vrbe) per epistolas nūtiab-
bant. Si victoriæ nuntiabantur, laurus in epistolâ
figebatur (puto, figebatur:) si autem aliquid ad-
uersi, pinna figebatur. Dixi: iudicabis, & vale-
bis. Louanij, III. Kal. Mart. oo. I. xcviii.

EPISTOLA III.

BALTHASARI DE ZVNIGA, Legato Regio.

BENEFICIVM. est meminisse te Lipsij, quid appellare & scripto alloqui? præser-tim in ijs occupationibus, quæ militares & molestæ circumstant, atque utinam felici mox euentu! Multa sperare nos hoc iubent, Deus, caussa, Principes, Fatum Austriacum: sed tamen sic produci obsidionem, nec ex voto, nec opinione nostrâ fuit. Dicam, quod videtur? Ut Teucer ille, apud Homerum, sub Aiacis clypeo latens Troianosi nuadit & interficit: sic occultos isti tutores & auxiliares habent, quorum viribus opibusque subleuentur. Non nescitis: sed tantum re-medium est, scire non videri: ut nunc qui-dein est status rerum. Si miles tamen noster perseuerat, nec aliquid turbat; cōfido equi-dem de vrbe illâ, & ab eâ alijs obtinendis. Sed cura hęc vestra sit, quos ad Remp. Deus ille admouit. nos vt nautæ vndis agitati, non illas respiciunt, sed in cælum & astra oculos tollunt: sic inter turbas medias, abijs animū abducimus, & ad altiora, certè quietiora, applicamus. Libri & scriptiunculæ nos habent. inter istas Philosophia vetus, ordine & breuiter à me explicanda: idque in Senecæ nostri gratiam, nec tamen solius eius usum. Alij quoque scriptores lucem mutuabuntur. Epistolæ etiam nostræ plusculæ breuî diuulgandæ, & videbis, & (quæ tua harum quoque rerum peritia est) censem. Ill^{me} Domine saluum te breuî, & publi-ca vota in tuto exspectamus, & cum suspi-rio optamus. Louanij, v. Kal. anni noui 151. quem feliciter ordire & decurre. Ciceronis locus, de quo quæris, sententiam habet, Duillium non contentum vnius diei triumpho, imaginem aliquam & instar eius usurpare in vitam reliquam: idque in publico, cùm à cœnâ rediret, cereo funali (sic in Cicerone lego) & tibicine præeunte. Idem Valerius lib. 111. cap. vi. Flor. 11. cap. 11. & Silius, in his versibus:

*Cui nocturnus honos, funalia clara, sacerque
Post epulas tibicen adest, castosque penates
Insignis leti repetebat murmure cantus.*

Hæc autem ideò triumphum referebant, quia *Faces* & *Funalia* in eo usurpata, itemque *Tibicines* ad sacra in Capitolio peragenda, & qui cum alijs eius generis præibant. Vul-gò non hæc nota.

EPIST. IV. Antuerpiam.

ANDREAE SCHOTTO V. R.
Presbytero Soc. Iesu.

TRISTIS legide fato, quod oculis tuis euenisset: et si no lim hercules te eâ re tristem. Quàm ab honestâ caussâ contra-xisti? studia & perpetua discendi docendi que cupiditas vitium & tabem hanc attulerunt: ut nec meminisse eius possis, nisi vna optimi in remp. litterariam animi operæque. Lacena illa ad filium, ex vulnere claudicantem, *Macete, gradum non pones sine memoria virtutis*: idem in te. oculi cùm negabunt, merita succurrerent orbitatis eius caussa. Illud te serio hortor, imò & rogo, vti dum Sol nondum plenè occidit, ea quæ in scrinijs tuis affecta habes, perficias, & emittas in publicam lucem. Scio pluscula tibi esse: certè de SENECA patre cur omittas. aut tardes? Vtile illud ad eloquentiam scrip-tum est, & quod in vno velut corpore præfert tot membra veterum Oratorum: tuus autem in eolabor vetus, & mihi notus iam olim, & laudatus. Quin multa etiam addideris, nec ambigo. quando enim tu cessas? Itaque nostrâ & iuuentutis caussâ hæc ede-tum & tuâ, quia gloria te manet, auda-cter me spondente. Etsi vitæ & votorum tuorum modestia non eò adspirat: sed tam-en si hanc neglegis, nos vide. Vide & Bel-gicam, in quâ cum vno iam aut altero hoc agis; & abit à nobis, mi Pater, melior illa omnis mitiorque Musa. Clausula est, ne claude hæc tua:

*Parcentes ego dexteræ**Odi, sparge rosas:*

quæ suauiter nos & posteros recteent ac delectent. Vale. Louanij, VII. Kal. Mart. 152.

EPIST. V. Patavium.

GVLIELMO RICHARDOTO suo S. D.

IRATVM me fuisse, atque etiam nunc esse, debo fateri. Quid? tres totos menses vos abfuisse, & nullum verbum? Imò quartus iam mensis præcipitabat, & tunc denique de aduentu vestro Dolam. Gaudeo in-columes; doleo & iterū irascor, sic incuriosos nostri, aut negligentes. Simile in Italico itinere. venisse in Italiā, Mediolani fuisse, Puteanum nostrum vidisse priuatim, & in publico audisse, ex eius litteris dudu didici, requiro

requiro etiam hunc vestras. Vnas diu post
sanè accepi, quæ hoc significant tantum,
Patauij vos esse: cetera prioribus & vberio-
ribus litteris notificada. Eas nō vidi, quibus
creditæ sint, vos videte. Ecce, habes caussas
iræ, & vel ipso te iudice non iniustæ: nec ta-
* primiore in pedore, quam ad meus. men Achillæam illam putas, * seppotiplex ad alia, & ad Horatium inescito,

frasti facilem, tamen ut placabilis essem:
maxime erga tales, quos corde amo, & nec
offendant cum offendunt. Vnum hoc tan-
tum, Emendate. Gratum porro, Patauium
allubescere, ipsam (ut commemini) gratam
amoenamque sedem, sed studiosorum in-
genia siue mores exasperant: nec ea licentia
pro boni cuiusquam gustu, non pro eorum
item sua. Sed eò ventum est, artes & studia
titulus fiunt, & satis est hunc inscribi. No-
stræ h̄ic r̄s languidæ, lentæ, cum tædio
bonorum & pænè desperatione. Quando
enim, aut quis exitus? Ordo & composi-
tio apud partes nostras sunt, aut crescunt:
nos qui fuimus, aut deteriores sumus. Ab-
iijcio publica; in priuatis, solitudo & studia
me habent, illa quidem etiam inopinata.
Nam Balduinus noster mihi & rebus nun-
cium reuinisit, & condidit se in cœtum
D. Francisci, Deo consecrandus. **Thetaūma, dñm*
sed utrum. & *Judea:* res ita gesta, & quidem subito, pri-
die nuptiarum quas ancilla parabat, & pa-
travit. Nobis molestiae, discursus, scripta,
rescripta, & quæ non ignoras. Nam inui-
tissimo auunculo hac gesta. De studijs por-
ro, EPISTOLÆ meæ iam lucem videbunt;
tribucæ in *Centurias quinque.* Plutes non li-
buit addere, & vel sic satis exposui me ad
iectum. Vesta in ijsnotitia: ego ut in ani-
mis vestris, quia commeruisse videor, ro-
go vel posco. Vale mi Richardotæ; & vel
hoe interim scribe, te valere. Louanij,
vii. Kal. Mart. 1501.

EPIST. VI. *Patchium.*

PHILIPPO RYBENIO *semper suo S. D.*

piente quarto, Dolam venisse, tum diutulè
pòst, Patauim. Binas in vniuersum vestras
vidimus: neque illas quidem vberes, quas
initio aduentus in Italiam scribitis dedisse.
Vestri hîc neglectui eas, aut nos (vt liberè
dicam) habent: & alioqui illigantur, & ani-
mis distringuntur ad Ostendam. Inauspi-
catum incepit! cui nec nunc finis, nisi in
spe, atque eâ languenti. Italiam autem pla-
cere tibi gaudeo mi Rubeni; & magis pla-
cebit, opinor, magis intrata. Nam limitem
adhuc eius insedisti, imò nec eius propriè,
sed Galliæ; si cum antiquis terminare lu-
bet & loqui. Velim autem, vbi tempesti-
uum erit, de ipso te mihi scribas, quem se-
dulò curo atque amo, ecquid destinaueris,
manere, redire, quam vitę viam inire. Apud
nos, si sic pergitur, Scythica barbaries bre-
uî, & quod non dico. Deum meum testor,
fastidire me & patriam (venia dicto sit) &
vitam pñè adderem, sed **CONSTANTIA**
vetat, & in extremo hoc spatio gressum fir-
mat. Edidi **CENTURIAM** vnam ad *Germ.*
¶ Gallos; tres ad *Belgas*, vnamque *Miscella-*
neam: his quattuor ultimis nomina etiam
vestra, vt anteà animo, inseruntur. Vide-
bitis, si tamen hæc ad vos perferentur. De
Seneca aut alijs, nihil addo: * — & ἡδη τα-
λῶ (ait diuinus vir) ὑπέρβιον ἐντασσεῖται. Vale-
tudo me ligat: & pñè illud iam placet
sedetque

— Μεγάλη παιδισκοίς ἀνθρώποις σωσή. * magna in
Deum precor, mi Rubeni, te longævum,
& in melius æuum, quale ingenium tuum silensium.
merebatur. Louanij, vi. Kalend. Mart.

80. I. CII.
Balduinum nostrū statim à discessu vestro,
dixit exaudiens nō sōcius, & cracoviensis
rati; nō misericors, credo te audisse. Agit etiam-
nunc in cœtu Divi Francisci, hac vrbe.
abūdiātū
à mundo,
& omnibus
vita volu-
ptatibus
aut curis.
E P I S T . VII. Cracoviam.

ANDREAS SCHONAEQ. I. V.

Vol. 2. Dr. J. B. Doctori.

LANGVOR me habebat, nec ab eo prom-
ptus eram ad scribendum: tamen me
fecit etius amor, mi Schonæ, quem in lit-
teris ita palam, quam si in ore atque oculis,
ostendis. Itane procul, & in illis quoque re-
giomibus ego; id est litteræ amantur. Nam
quia libasse eas cœscor, vos in me inclinatis:
gaudentem, & libentius quod eundum est
euntem, quod spem relinquam doctrinæ
in Europâ hæsuræ, quæ vos etiam in ul-
timo eius limite adspergit, imò arctiori

amplexu sibi iunxit. Deus bone, quis bono
& veteri æuo de vobis hoc sperasset? cum
horror illâc & squallor, neç nisi Martis se-
des, & incolis cordi * — Πάλεμός τι κακὸς εἰ-
φύλωμεν ἀνί. Quàm mutastis? & humanitatem,
elegantiâ, omni cultu animi, prouocare au-
detis lætissimam quinque gentem. Mirus
Prouidentiæ ordo! & cælestis ille agricola
has illasque partes excolit, & velut nouales
quosdain agros, alternis serit. Quid Græci,
quid placent sibi Itali? Græcia & Italia nu-
per in Galliâ, & nunc in Germaniâ aut Sar-
inatiâ reperiantur. Macti estote, applaudi-
mus: & tibi priuatim mi Schonæ, qui vtra-
que oratione, solutâ & ligatâ, potes polles-
que. Vidi enim; & ipse ille qui attulit Comes
Teuczinius, lumen & decorem infudit, no-
bili stirpe atque animo iuuenis, & qui cre-
scit in laudem vestri regni. Hac quoque par-
te vos beatos! apud nos in omnia alia stu-
dia nobiles versi, & inuoluit eos * — Πρ-
λέπεται πάλος αὐτὸς ἀπαυστρίας. Sed frui Comite
vestro diutiùs, mihi votum fuisse, lingua
diserto & prompto, mente & iudicio bono:
sed via eum trahebat. me languor sistic,
non aliquis nouus, sed ille vetus, & qui in
tam pertinace luctâ deiicit, vel supplancat.
Bonâ fide, ego ire me sentio ad metam:
quid mali aut noui?

— omnes una manet nox
Et calcanda semel via leti.
Tu longum longumque vale mi Schonze,
& optimas ibi artes propaga. Louanij, po-
strid. Idus Mart. 151.

EPIST. VIII. Bruxellam.

PETRO·PANTINO S. D.

CENTVRIAS à me capte, & in ijs te legere:
Sæpiculè, sed non toties quoties in ani-
mo te memoro. & gesto; Non huber, profari
in Fenniæ, neque me decet: sed tamen quæ-
dam inter Epistolas Sænt, quæ famam habe-
re nunc & olim possunt. Neque enim om-
nes: & quasdam non iudicio meo edo, sed
alienæ ambitioni, apud te liberè, aut
amicitiæ dono. Tu si es, quem cupio & ven-
seo, & addam, scio, comparem me iudicij
qui fac: id est censuræ. Non est sibi emenda-
tio, & altera editio est in manu. De publicis
silo, & linguam mordeo: tamen popula-
riter ruinas video, & ille Jupiter

* Ordine corrispet, qui causa est, & uno verbo, Philostratus est, qui neque causa est. MVR. Vale V.R. & Cl^{me}. Leonati, Kal April. &c. CICERO.

EPIST. IX. *Mediolanum.*

JACOBO RESTAE V. N.

AMICA atque diffusa scriptio tua, et si in
morbo, ad respondendum impulit:
neque animo contractius, et si manu fortas-
se fiet. Nam hanc ægrè, illum alacriter ad
te moueo & mitto, libenter apud tales hæ-
surum, & vel ætatem aucturum. Prudentia
& virtus tua (non blandior) ex ipso chara-
cterismo scriptionis tuæ innovat : neque
opus testimonij vel productione Puteani
nostrî fuit. Itaque amicitiam libens volens-
que tecum pango : fouendam deinceps literis,
colendam etiam officijs, quæ inter-
capedo quidem hæc locorum admittit.
Nam bonæ & antiquæ fidei in his talibus
sumus: utinam & ingenium, aut opera eius,
quæ tu æstimas & attollis! Enim puerò qua-
liacumque, cara tamen habeo, quia me ca-
ruim vobis talibus reddunt. Ut perseueres
mi Repta, ego rogo, & ambire me quod
ambiebas subsigne. Louanij, Kal. April.
cc. Idcii.

EPIST. X. *Tornacum.*

DIONYSIO VILLERIO S: D.

Hegustu, inclamo. Itaque de salute meâ sollicitus, ut nec verbo inquireas? Ad extremam lineam pœnè redactus fui: & ubi à te cura aut solatium? Sed, quod ipsa scriptio excitatior tibi dicat, ita meliorsculus sum, & virum aliquid ac spirituum recepi. Antwerpia me vidit, nunc Bruxella, sed & Halæ, ac votum huc Dijus Virgini (disee è Carmine) persolui. Vides me armâ suspenderem, & ornam moliri. Toto certè animo, in hoc turbido & ambiguo statu rerum: cum meditari & firmari satis est, aduersum imminentia aut præsentia mala. Quid priuatim? vidistin' qui me lacescant? improbus & imperitus aliquis, ut quinque verè dixerim ab Italiam: qui glaucomam obculos obijcit, vello libri antiqui. O meum risum! Icio, & publicè testatus sum (nam respondi) nihil eius esse, & mantellum diligentiore inquisitione huic mendacio detraxi. Torum sane scriptum, si quis inquirat, et sapientia traxique, et si quid vilium sit. Tamen, ut dixi, respondi: sed ita me Deus, cum parte impare compositus, & Græco verbo, σχέσις & πάθη & συμφωνία. Indighon, non homini qui scriptis (ambigua famitas * olla & petra non commentari. sum

cum excusat:) sed qui legere & aestimare etiam præ se ferunt, quadrante non emenda. Ipsam rem dico : & cum cogito, pænè pœnitet respondeisse. Eò ventum esse? ut pro benefactis & promeritis conuicia & calumnias referamus? Nam cum poëtâ:

**bac talia
præmia
nostræ*

— Td μδν λαχωλν γέγει ιπεις;
Beata in secessu vita, sed & in tenebris: quoniam reuerâ pauci qui, non dicam præmia, sed iudicia laboribus nostris donent. Feraimus: & cum Theognide sentiamus,

**Fac bend,
sed tibi fac.
quid fama
præmia
quarum*

Eν ἐρδτω εἰ πάττη. τί ν' ἀστελον δὲνον ιαλλεις;
Nobis, inquam, viuamus, Deo & nobis morituri. Valere te cupio, mi optime Ville-ri: nam de rep. nec verbum lubet addere: à te tamen audire. Louanij, Idib. Iunijs, ∞. I^oCII.

Wingio Canonico mihi percaro salutem dico.

EPIST. XI. *Lug. Bat.*

GERARDO BYTEWECHIO S. D.

LIBENS intellexi de vxoris vtero graui-do, libenter audiam (Deus breuî faciat) de soluto & leuato. Sit hoc gaudium tibi, sit tuis, & ciuem aut ciues paullatim patriæ dones, bonos è bonis. Sed quid tu ita nihil de alijs? an non epistolas meas vidisti? in ijs vnam alteramque ad te, aut de te? Plures non libuit, temporum metu, & ne beniuolentiæ specie noxam noceam. Quid autem de ijs ibi censem? quid Scaliger? quid etiam agit? Breuî & libellum pugnatorium videbis, quo Italo respondi protervit̄ incurrit̄. Inuitus hercules, sed amici protruse- runt. nam libello quidem eius, si examines, nihil ineptius aut imperitius: tamen aplaudunt quidam, quibus suave sit umbram aliquam luci huic fieri. Iudicia! & tempus est desinere me omnis scriptionis, si hæc obtinent. Vale mi amice, cum Tuâ, & futuro Tuo. ita Deus (iterum rogo) do net. Louanij, Idib. Iunijs, ∞. I^oCII. Par- rentivtrique saluere & gaudere.

EPIST. XII. *Antuerpiam.*

FRANCISCO SWEERTIO F. S. D.

LIBENS tuas litteras nunc vidi, è quibus quæ apud partes nostras feruntur aut iactantur omnia didici. Nam Demetrias cum lego, ipsos & eorum sensum video; audire. Neque ambigo apparatus & vires aliquas esse: an tantas, an in tempore, &

quod caput est, feliciter exserendas, suspen- do, & optimo magistro Tempori comit- to. Quod de Italo meo scribis, & te auidè exemplaria exspectare, videbis breuî (nam & brevis libellus est) ac simul eius imperi- tiā. nam impudentiam omitto, quæ mun- do innotuit: per me autem, illa. Equidem nihil minùs libenter facio, quām repugno, etiam lœsus, etiam in facilī & iustâ cauſâ: sed hîc æui gratiâ aliquid dicendum fuit. quia plerique fauent contra nos dicenti- bus, & sine examine, pedibus in partes illas eunt. Retrahendi sunt, & vel inuitis oculis fulgor veritatis inserendus. Auda&ter dico, qui mea leget, quales sumus, illum & me norit. At de Britannicis iudicijs, risi. Etiam N.(doctus & industrius vir) me miseratur? Ego illum, si seriò ita sentit: & omnis do- Etina vetus & vera, nugæ & ludi sunt; aut talia habenda à modicè doctis, quæ scripsit LVCIVS meus dicam, an Apuleij? Satis hîc: ego in scripto represli, & Europæ ostendi utilia hæc iudicia nec nauci esse: nec pænè Pygmæum imponi in colosso. Tacitus & ego (liberè, liberè dico) non sumus ad hos arbitros aut Censores. Sed iterum de repu- blicâ. quæ me hac æstate solicitorum habet: tu si quid audies (& audis) scribe, sine præ- stationis periculo, & vt audies tantum. Vale mi Sweerti. Louanij, VIII. Kal. Iul. ∞. I^oCII. Tuam saluto, & prolem cresce- re voueo ac valere.

EPIST. XIII. *Tornacum.*IOANNI BYCHAERIO *Doctori Theologo.*

POPVLAREM tuum, & nostrum auditio- rem Vacquerium, libens vidi, magis quia à te veniebat, & litteras etiam, id est pignus affectus tui, ferebat. Amo & æstimo te iamdudū, nec à temporibus iudicia mea pendent, quæ Ratio format, illa æterna, & à fluxu casuum euentuumque non suspensa. Vbicunque es, quocumque munere aut fa- to, scio te BYCHAERIVM esse, id est virum seriò probum & doctum, & amore talium dignum. A me præsto, tu redde, ab affectu quidem merenti. Iste, quem vides, vester est: commendo, nec onus tamen impono, qui scio te in externo solo esse, & alienæ sa- pè gratiæ indigere. Sed vultum atque ani- mum exhibe: sufficit: nec Deus ipse vltra poscat. De Galliâ autem vestrâ, quæ ista sunt? quis non misereatur gentis, in quiete inquietæ? et si cauſas tamen intimas nos dissiti

dissiti parùm scimus, neq; cupio equidem, nisi quatenus posteris opus sit tradi. Dies hoc dicet. te Reu^{dc} & Eximie Domine, inter ictus Fortunæ stare cupio, & tenixum ac Deo, spernere quidquid assultat, vt fluctus quosdam aquæ abeuntis, & alludentis non lædentis, vbi robustior materia occurrit. Louanij, Kal. Iulijs, 1500.

E P I S T . X I V . *Valentianas.*

HENRICO D' OVL TREMANNO,
Senatori. S. D.

Et libens, & iudicio feci, quòd tuum non men Centurijs nostris inseruerim: boni militis, & vel inter Triarios, vt sic dicam, accensendi. Non amor hoc solum in me, sed eruditio tua & ingenium postulant, clara & rara inter meos Belgas. Itaque meritò feci, & doleo pluries non fuisse: quia nōnum & nuperum scilicet inter nos commercium hoc litterarum, et si amore non nouo. Quod autem nunc scribis de Arriâ illâ Pæti, & laudem eius & factum meum probas, ô quām mihi gratum! O quām non plebeiæ mentis talia hæc iudicia! Nam sunt qui aliter, inter graues etiam viros, & nihil nos mirari nisi nostrum, id est Christianum, volunt. Quæ & ipsa herclè miranda & super-miranda fateor: sed quæque suis finibus & æuo claudenda, & aliâ atque aliâ lege vel adspexit laudanda sunt. Ut inter gentiles, quis ex vtroque sexu, quis ex omninatione, super hanc Arriam iure se attollat? Et stili mei penicillo factum hoc vnum eius satis expressum censes: ego ambigo, & dicam magis adumbratum. Certè illa lux præstringit ingenij aciem, nec plenè etiam admittimus, nedum vt efferamus. Simile in Martialis vltimo versu tu iure notas: nec est pro robore fæminæ in omnia constantis & inuictæ. Sed ô tuum ingenium, & simul vbertatem, in reformando! testor Genium, admiratus sum. Triginta quatuor sensus (tot adnoto) pro vno substituisti: & quosdam argutos, & altos. Placent maximè isti,

Si ferrum hoc refugis, hoc mihi Pæte dolet.

Hunc cape, libertas hic tua Pæte sita est.

Pæte feri. an trepidam vis iuuem & ipsa manum?

Nec alij degenerant: et si Martialem excusat, quòd robore iam expresso, affectum illum & castum amorem coniugis voluit etiam negotium. In Coreti nostri fato dolui,

non dolui. Nemo bonus optet pessimo hoc æuo esse diuturnus: & nescio an de altero optet. Monumentum ei à te positum placet: atque ecce versus etiam meos repono, sed alterius rei, quos hîc inclusi. Te nunc animo, et si ab alloquio auerto. Vale V. C. Louanij, vii. Idus Iul. 1500.

E P I S T . X V . *Duacum.*

BARTHOLOMAEO PETRO LIN TRENSI
Dottori Theologo.

EPISTOLAM tuam, quam affectus solus expressit, accepi, & curâ in eâ mei amavi. An possum aliter? vice parentis in me affecteris, & solicite de valetudine non quæris solum, sed iuuas. Consilia enim suppeditas, nec à ratione absona, & usurpanda profecto, si imbecillitas illa & defectio virium etiamnunc me haberet. Sed nuntio tibi, quod gaudeas, meliusculè esse. Antuerpiam, Bruxellam, Hallas profectus fui: & vel ipsa peregrinatio, vel Diua illa Virgo, quod libens credo, me recreauit. Sanè Patronam eam iamolim adoptavi & colui, & sensi variè auxiliarem. Votum quod ei voui & solui, hîchabes. De scriptis meis, polliceri haud multa possum, nec magno labore adhuc subsistere: tamen confidere quædam animus est, iamdiu affecta. Interuenit etiam nescio quis Italus (transfuga & malarum partium, vt audio) qui publico scripto me lacescivit. Aliquid reposui, & me mittente brevî videbis: et si non magnum aut valde serium, sed talibus vel ipsorum causâ respondendum est, vt desinant vanitatis, & quod non sunt ne esse se putent, aut putentur. Quod ad Catonem attinet, certum nec illum nec prisci æui auctorem esse, imò nec Ausonij in eo stilum aut ingenium agnoscit. An ille tamen, quem sagaciter eruisti, videndum ac penitandum est. De me, certè nihil nunc adfirmem: hoc tantum, coli te in isto animo & amari. Louanij, vi. Idus Iulias, 1500.

cùm hostis castris nostris propinquus esse nuntiabatur, id est nobis: et si de consilio eius nihil etiam liquebat. Nostris in tuto, si tueri se satis habent: in pugnæ discriminem rem mitti ego nolim, & ratio fortasse mecum.

E P I S T .

EPIST. XVI. *Gandavum.*

MAXAEMILIANO VRIENDTIO.

APAGE, plurifariam in epistolâ, et si amicâ & gratâ, peccas, *Scipione*, isto te niti dicis. tûne? qui alteri trepidanti apud me potes scipio esse. Peream, iterumq; peream, si non te inter primos meos Belgas ab elegantia ingenij & morum æstimo, & quod sequitur, amo. Nempe ostendisti, inquis: & me in Centurijs illis, vt capite censum, habuisti. Erras mihi Vriendti, iudicio inter Classicos te censeo: sed quid factum? vnam epistolam ad te scribere memini, ea quæ sita nusquam comparuit, & Audeiantius qui mihi à manu est, bonæ fidei iuuenis, querelam & pænè dolorem in eo meum dicit. Men' tui pudeat? quem iactare & ostentare apud exterios etiam velim, debeamque: & meruisti. Emendabimus, & quamquam à te vitam & famam habes, tamen si non te, affectum erga te (ita viuam) ad posteros propagabo. Mitte, sodes, exemplar epistolæ illius, si tantum fuit ut seruares. Italo in me iniurio nuper respondi: videbis, & scio, ridebis. Tuum Carmen in aiamatum mihi Symbolum & ANTIQVOS Mores, nimis libens legi: ama, ama & illos ô Vriendti, & me, pectore eos reque animam tem. Saluto Hardwynum nostrum. Louanij, ipsâ horâ pænè quâ tuas vidi. prid. Idus Iul. ∞. I^oCII.

EPISTOLA XVII.

NICOLAO MONTMORENCIO,
Toparchæ Vendesio.

DVPLEX beneficium accepisse me interpretor, & scriptioris tuæ, & doni quo misisti. Ipsa profectò scriptio grata, pri-
mum sed firmum testimonium animi tui sic in me affecti. Quid de bono dicam? breuiter sed fideliter, carissimum esse & à se mereri. Materies, quæ pietatem, id est caput virtutum, an omnem virtutem dicam? tan-
git. Quisquis eâ caret, aut neglegit, quid veri non dicam Christiani hominis, sed ho-
minis habet? Ad eam nati omnes, nos quo-
que peculiari Dei gratiâ instituti sumus:
teneamus & amplectamur, vnicam quietis hîc ancoram, vnicum ad perpetuam salu-
tem viaticum & viam. Ego verò tanto ca-
rius hoc tuum habeo, quod vti fruique cor-

I. LIPSI Operum Tom. II.

tidie eo cogito, & domi vel in ædibus sacrâs habere hoc precationum vel meditatio-
num instrumentum. Hortatore me non
eges: est nobis & omnibus: testari tamen possimus, laudabilis aut utilis operam
tuam ponî non potuisse, non si Patriæ aut
Principi vitam & sanguinem impenderes:
ô quâm melius Deo, & cultui eius propa-
gando, hunc animum, hunc stilum! Nobilissime Domine, valere te, & semper hoc agere, Deum precor. Louanij, Idibus Lu-
lijs, ∞. I^oCII.

EPIST. XVIII. *Amstelodamum.*

HENRICO LAVENTII SPIEGELIO S.D.

CERTE animum meum retigit tua scri-
ptio, & corde profecta amicitia & com-
memoratio, quæ inter nos fuit. Fuit? imo
est, atque erit, quândiu alter nostrum erit.
Significas autem de con sorte vitæ & thori,
quam iterum tibi is adiunctum: & quid di-
cam aut suadeam? Priorem tuam vidi &
noui, probam, modestam, & tui planè in-
genij: de istâ (si iudicio elegisti) idem mihi
sperare datur, & Deum rogo vota nostrâ
adimplere. Magna res est, vt inquis, in istud
mare se dare, in quo fluctus, venti, procel-
læ interdum: & ipsa res coniugij, prius
quam animi coëant, molestias & auersio-
nes suas (interdum & contentiones) habet.
Mirum cogitatu, quod Deus homini soli-
tum & leuamen fæminam dedit; sâpè au-
tem contrâ est, & nescio quo naturæ virio
in pœnam & noxam abit. Absit ut tibi eue-
niat, qui miti ingenio amorem prouocas:
& si melioris animi aut sanguinis aliqua
contigit, cælum in terrâ hac (vaticinor)
habebis. Ut tua nunc ætas & prudenter
sunt, iudicio elegisse debes: affectui si ob-
secutus es,

*Non illigatum te triformi**Pegasus expediet Chimerae.*

Deus hoc nolit; & in extremâ ætatis metâ
spatium decurrere det cum gaudio, & ex
prole etiam, si in Fatâ tabulis ea scripta.
Quod voles de coniunctione & colloquio
iterum nostro: vtinam esse possit, vtinam
vel spes sit! Sed cum tempora video, quæ su-
premus ille Arbitr̄ disponit & ordinat,
veteor ut hîc videre inter nos vetemur, non
tam en amare & animis iungi, quod facio,
& à te fieri deposito. Vale mi amicissime
Spiegeli. Louanij, vi. Idus Sextil. ∞. I^oCII.

EPIST.

EPIST. XIX. *Bruxellam.*
PETRO PANTINO V. R.

En libellos nostros, inspice, & ride. facies certè in altero, vbi res & verba eò ducent, & fallor, aut paris mei stupor. Lusimus hoc irritati, non tamen irati: quod scriptio ipsa dicet, in quâ lepidi aut amoeni aliquid, vix asperi aut amari. Quid autem exigas aliud? non fuit ille hostis cum quo statim & collato pede pugnaremus: velitandum verbis fuit, & velut præpilata ista diutorum spargenda.. Reuerà enim nihil ille nisi **φύσια καὶ μόλυς*: nos dispúximus, ventum eduximus, iacet & flaccet. De meis ista: intuis, querebaris nuper deoriere, quod nōnum munus imponit. Videris deponere vele: nec dissuadeam, vt ** φιλέμον καὶ φιληυχός* illud ingenij tui noui. Sed deponere, id est cum pace & veniâ Principum: nec abiciendi jus tibi cense. Tua hoc prudentia moderabitur. quę utinam & in publicis nostris luceat! Nam ista quò eunt? quid si Galli etiam semiscent? Timeo, quod prouidi omnes: & eueniet, si vera quę de occultis illis coitionibus narrantur. Si quid certum habes, significa, me ama, & vale. Louanij, v. Idus Sextil. ∞ . I^oCII.

EPIST. XX. *Valentianas.*
HENRICO D'OVLTREMANNO S. D.

CARMEN tuum in Senecam accepi, bonâ fide, bonum. Vtar, sed quando? quando, inquis, Seneca tuus prodibit? Definire non possum, vt hæc sunt tempora; sed & vt mea valetudo. Nónne illa vidēs ad Martem omnia, non ad pacatas nostras Diuas? Iamdiu quidem ea turbida, sed nunc maximè,

*Nunc mare, nunc filiae
Threicio Aquilone sonant.*

Vides exercitus & instructas utrimque clas- ses: & nos in medio aut propinquo, ab euenu- tu pendentes. Nónne hæc sunt, quę

— vitæ rationes vertere possint,

Fortunæque tuas omnes turbare timore?

Sunt, si vulgū spectes: à quo tamen iamdiu electione & iudicio me excreui, Virturi & Constantiæ propior, & externa ista leui & spernente oculo delibans. O si valetudo tan- tum mihi firmitior! nihil me turbet,

*Non si terra mari miscetur, & mare celo.
Hæ cogitationes meæ aut interna exercitia*

sunt, mid' Oultremanne, quibus me firmo aut erigo: & sine prouocatione aut iactan- tiâ, in Fortunam accingor.

Quò me fata trahent, virtus secura sequetur.
Sed cum Enniano Neoptolemo, *Philophandum*, verū paucis. Libellum hunc vi- des: an & is pro philosopho? An non melius ex alto despicere, & nec audire quidem pae- ros istos vagientes? Fortasse sed nec illud in- utile, semel qui simus ostendere, & illos ad Delphicum illud ducere, vt *Se norint*. Feci, iudica, & seriò amanteim ama. Louanij, xix. Kal. Septemb. ∞ . I^oCII.

EPIST. XXI. *Lucemburgum.*

F. PHILIPPO BOSKHIERO,
Ordinis D. Francisci S.D.

FATEOR & agnosco culpam, quę videri potuit, & non fuit. Silui ad tuas, sed quā causā morbi an languoris, qui tenuit, & ad beatā loca (ita sperabam) pænè traxit. De- duxit inquām, non traxit. nam cur inuitus è vitā abeam, in quā manere nihil inuitet? Procellas & nimbos vides, vt in noui orbis quibusdam damnatis insulis, sine pausa perpetes; vides & vitia magnis auctibus crescerē: vides ipsas delicias nostras & meliorum mentium, dico litteras, cursu non grādu abire. Itaque pransus paratus eram, vt ait ille: Imperator tamen in statione etiam manere iuslit; & nutui eius audiens esse de- beam, non solùm decreto. Eadem tu mi Boskhieri, qui corpore disiungeris, nec vul- tus aut sermonis mei copiam habere doles. Cur autem? in exiguo ista sunt: animis ad- esse atque hæc possumus, & testor te meo carum esse. Scripta tua faciunt, in quibus non imitatio, sed imago mei, & pænè egō. Affectus in eo tuus elucet: sed & ingenium, qui tam feliciter quod vispotes. Adolescen- tem à te commendatum vidi, affatus sum paucis: sed in ijsipisis paucis agnoui inge- nuam mentem, & melioribus natam. Qui has fert, dedi & libellum à me ferendum, nouitium nostrū fœtum. Ridebis pugnan- tem Lipsium: quo nihil (verè dicam) mi- trius: sed, vt poëta ait,

Sæpè etiam instanti læsa repugnat ouis.
Et cauissas rescripti alias publicè dedi, leges, & me amabis, & quod adhæret, precibus iuuabis apud Numen, cui cottidie facis. Ita salu R.P. & malihi percare. Louanij, xviii. Kal. Sept. ∞ . I^oCII.

EPIST.

EPIST. XXII. *Græcium.*

MARTINO ANTONIO DELRIO
Presbytero Soc. Iesu.

Tv ad extremas Germaniæ oras, ego nuper ad illas Fati vltimas telegatus videbar : iterum viuo (sic loquendum est) & semper in te meus amor. EPISTOLAS nostras vidisti? te in ijs, et si alia duabus etiam Centurijs seruantur. Nam partiri me vides, & in quamque Centuriā plures annos velle insertos. Quid autem hoc tui silentij? ægrotas, fastidis, an (quod abhorreo) contemnis? Vidistin' illa Itali, qui proterè me lacescit? h̄ic Rescriptum meum habes, breve sed forte, aut fallor, & tibi ac cuicunque bonæ mentis iustum probumque. O petulantiam simul, & inscitiam! De æuo quid sperem nescio, cùm has exerrationes video, & probatas etiam, quibus ego probari me pretium censebam. Quid est? mens me aut illos deserit? an bonâ fide, & liberè, melior ille doctrinæ Genius Europam nostram fugit? Hæc priuata: publica in metu, & nobis proprio. Hostis adfuit, equitum peditumque vi succinctus: vigilarunt Principes, & ille abiit, alibi vires (vtinam pari fortunâ!) explicaturus. Vobis quoque Bellona vestra, sed fatali hostium ignauia parum etiam damnosa. Deus ita porrò donet, & optimos illos Principes saluos auctosque velit, te imprimis mi Pater. Scribe, scribe, aut irasei me non dicam, sed posse. Louanij, xvii. Kal. Sept. ∞. IōCII.

EPIST. XXIII. *Bruxellam.*

PETRO LA-TORRIO, *Quintanadueñas.*

SCRIPATIO & animus tuus mihi grata: è quibus illa in me affectum, hic in virtutem & sapientiam præfert. Perseuerare te, in isto maximè, id horror mi La-torri: quo fine in vitam venisse nos, & diuinâ illâ image ornatos, non ignoras. Consulis me de itinere tuo, an mansione. Breuiter, mihi mansio placeat: & ubi melius, quām apud domesticum illum tuuim magnum doctorem? Auunculum dico. cuius prudentia, virtus, etiam doctrina mihi nota. Ad illius Scæuolaæ-latus hæreas, & affectum eius tibi pignora: quod non aliâ re magis facies, quām studio & promptitudine discendi. Quid si etiam (sed de eius consilio) de vinclo aliquo iugali cogites? Quod ætas tua

I. LIPSI Operum Tom. II.

non abnuit, sed nec vtilitas: ac sæpè, vt noſter Tacitus, matrimonium ad maiora nitenti decus ac robur fuit. Sed de consilio, vt dixi, eius à quo penderedebes, &c, vt cum Lucretio hoc dicam,

— ad cuius numen nutumque moueri.

Habes sensum meum, sed compendio: multiloquium & occupatiunculae & natura mea refutant. Louanij, vi. Kal. Septemb. ∞. IōCII.

EPIST. XXIV. *Antuerpiam.*

HENRICO VVENO I^o S. D.

IVRE extollis liberalitatem Arschotani Ducis: rara est, & apud nostros præsertim populares. qui quiduis magis in pretio fortassis habent, quām id cui pretium non reponant. Sed ita mores & iudicia: cum quibus pugnare me iubet, quisquis ad scriptiōnem vocat. A quā, vt ista omittam, valetudo tamen satis auocat; non illa nunc quidem abiecta, sed non iterum per studia (satis sensimus) abicienda. Libellum nostrum non displicuisse, gaudeo: hoc scio, æquis & ini quis arbitris hominem illum repulsum & reuictum. Alius exorjetur, & iam audio: eamus, & hoc fine laboremus. Omitto: de rep. magis angor animi. Grauiam relictam discessu, an fugam dicam, nostrorum h̄ic audimus. Adfuit mihi ex Italicis copijs vir nobilis & doctus, qui narravit visa. Quid autem de Brabantia nostrâ spes, si illam & quæ adhærent (Buscuinducis, & reliqua Geldriæ) amittimus? Consilia nostrorum iamdiu non capio: qui spem totam in Pluto reponere videntur, sed utinam non cæco? A Galliâ pax & serenitas iterum nuntiantur: palam quidem. quæ in animo nubes aut nimbi aggregentur, nunc suspicio, actiones posteà dicant. Valerete, cum Tuâ, mi Vwene amicissime opto, & Robianum illum nostrum saluere. Louanij, vi. Kal. Sept. ∞. IōCII.

EPIST. XXV. *Lutetiam.*

IACOBO AVGUSTO THVANO,
Senatus Præsid.

FRATRIS tui filium, & in eo THVANOS vidimus, id est, magnorum illorum virorum non stirpem solūm, sed mentem. Multa in eo comitas, virtutis & doctrinæ amor, & qui breui sermone se planè in peccatus nostrum immisit, & vt sic dicam, illatebrauit. Nec tui affectus nos celavit, et si

Q 2 olim

olim cogniti : sed sic perseverare & vivere, id quoque gratum , & à tali teste , audire. Utinam illa tua consors vivat! quam abisse, nunc denique mihi auditum. De inualetudine olim aliquid : sed exitiabilem fuisse, hoc fugiebat. Scissem , & solatij aliquid à me habuisses: an & eguissem? Nam tuus Iobus domi, & à te, omnia dicta aut dicenda suppeditabat. In historiâ tuæ gentis & Regum te pergere gaudeo , & quâm materia & silua rerum cottidie crescit ? Illa nupera conjuratio prodigiosa fuit ; exstincta ab Hercule: quando nostra hæc bella ? Lenta, pænè dicam perpetua:

*Et vereor ne tarda prius per membra senectus
Serpit, & in nobis vitæ claustra resoluat,
quâm ponere aut remitti videamus. Te &
vestrum regnum obiter semel vellem , &
acre atque internum votum est: an dam-
nabor eius, nescio : sed cupiens sum, & tui
amans, Vir Amplissime, cum Casaubono,
quem saluto. Louanij, vi. Kalend. Sept.
œ. IocII.*

E P I S T . X X V I . *Madritum.*

LUPERCIO LEONARDO ARGENTO-
LAE S. M. ex animo D.

OAMICAM tuam scriptionem! ô elegan-
tem & eruditam ! Et pararium tu et-
iam alium queras in eo amori? Mihi crede,
vel alter hic titulus iungat & adstringat:
quid vterque, & sic eximius ? Imus, imus
quò nos trahis, & amicitiæ ac fidei dextram
reddimus porridenti. Tibi tantum? imò &
fratribus tuis duobus , quos ab eadem du-
plici notâ commendas : & vt nunties ijs de
affectu meo mutuo, hoc rogo. Mi Luperci,
tales Geryonæ plures in Hispaniâ nobis
sunt, regnū teneant, sed in litteris: quoniam
illud sceptorum magnanimo dicto sper-
nis. Sed quò pauciores ibi , magis fortasse
lucetis , sicut in nocte clariora illa astra.
Quod autem hortaris me ad edenda porrò
quæ concepi & affeci, ac nominatim ve-
strum Senecam: velle non abnuo, vtique de
isto , quem amo & æstimo super omnes
(audebo dicere) Sapientiæ doctores. Gloria-
mini. & quamquam Hispania illa multa
pacis decora tulit ,

*Nil tamen hoc habuisse viro præclarius in se,
Nec sanctum magis, & mirum rurumque
videtur.*

Itaque iure operam ei damus, & adminicu-
lamur, quâ possimus : sed inualetudo tar-

dat aut sustinet, tum & ætas mea frigus iam
& ignauiam habet. Quid etiam ? assidua
tristitia hæc temporum, bellorum implexa
series , animum non erigit : imò sapientiâ
& constantiâ opus est, vt à lapsu teneamus.
Sortem nostram , etsi dissitus , audis : &
nisi adamantinus es, miseraris. Vobis gra-
tulor in illâ pace ingenium atque has artes
coletibus: & vt diu liceat, Nuimen precor.
De consilio tuo scriptionis, & vt mare illud
Pacificum siue Mortuum (ita eleganter
iocaris) nauiges ac teneas, omnino probo
ac consuadeo : ad nostrum istud Arctóum
si venis, pericula sunt , & nec Vlysses tutò
nauiget :

— ita perfurit acri

*Cum fremitu, sauitq; minaci murmure pontus.
Tuta, tuta, id est vetera, & me eorum aman-
tem, ama. Ego te & tuos fratres, certò & fide
antiquâ. Louanij, iv. Kal. Sept. postridic
quâm tuas vidi, œ. IocII..*

E P I S T . X X V I I . *Bruxellam.*

NVNNO MENDOZAE V. N.
& Principi à cubiculo.

RESPONSVM hîc habes ad amicam, si-
militer elegantem, & eruditam (hæc
iungenda sunt) Lupercij epistolam: qui à se-
metetur amorem , sine ylo interprete aut
proxenetâ. O virum veteris Genij , & me-
lioris æui! Has scintillas epistola eius iacit,
quibus inquit in amorem sui accen-
dit. Sed respondi, & titulum adieci, quem
tu in magnoponebas, AMICI LIPSIANI:
verè ita sum, & ero, qui sic virtutem , do-
ctrinam, & elegantiam amant. Plures mo-
dò Hispania vestra nobis donet! quod fiet,
cum Deo visum , & Parnassus ille qui in
Græciâ exaruit, frondes & aquas suas in
Iberiâ proferet & fundet. Opro, opro ; nos
& vos beatos! Quod scribis porro , in ipsis
castris mentem & affectum tuum ad me
isse, gaudeo: & repono tibi serio, nec imme-
morem tui aut incurium Lipsium egisse.
Sed heu, quâm parum adhuc ex voto mili-
tares nostræ expeditiones! Quid in Fatis sic,
nescio : sed in causa optimâ spem tales
non defero, & quamquam tarda aut ambi-
guæ ea videtur, vindico & ad bonos bonam
traho. Deus adfirmet, & te III^{me} Domini-
ne, seruet. Louanij, III. Kal. Septembr.
œ. IocII.

E P I S T .

EPIST. XXVIII. *Mechliniam.*PETRO PECKIO *Confiliario.*

LAETAM mihi tuam epistolā! ex animo fateor: à tali, & sic scriptam: In alijs curis studijsque fuisti, sed felicitas & altitudo ingenij tui fecit, vt optima semper amares; nec hoc tantum, sed haberes & potireris. Rarā hodie sorte. & ferè qui ad res aut negotia se donant, artes aut elegantias, id est animi illum cultum, neglegunt: tu vtraque iunxisti, & quid nisi Mercurium sum Minervā? Nam Marsyam me appellare, dederet: & ille eloquij & simul lucri Deus foro potius, meā quidem designatione, præfit. Sed extra omnem iocum, prudens simul atque elegans es: & tales nobis ad reip. clavum sedeant & gubernent. Veteres vestri Iuris consulti nōnne tales fuere? omnium confessione, qui vetera norunt: necego de bono aut felici saeculo spero siue spondeo, nisi iterūm antiquemus. Diuīsio ista artium scientiarumque ab imbecillitate nostrā est, & eius confessio: vos isti, melior progenies, iterūm connectite,

*— quod numquam sine perniali**Discidio potis est sciungi, sequē gregari.*

Quid te horter? si dehorter, tamen facias, & vis optimæ naturæ, id est melior in te vel apud te Genius, peruinat. Quod autem & meis libellis eō tē duci scribis, benignitas tuæ est.

*— sic Cereri sua dona merumque Lyæo
Reddimus, & diues præde tamen accipit omni
Exuias Diana tholo.*

Non, inquā, iuvant te nostra, sed delectant. Quo fine & ista accipe, recenter in Italum quemdam (si nomen non imponit) rescripta. Ille in me, vt videbis, petulanter incurrit: excepti, opposui, & scuto saltem me defendi. En nostra præmia! quando rudem accipimus, an nobis damus?

*— suspiro ruris amæni**Riuos, & mucro circumlita saxa, nemusque.
Liceret frui menses an annospaucos, ante
mortem! Sperare vix dat ista Belgicæ**Fortuna, suo lata negotio, &
Ludum insolentem ludere pertinax:*

& tu quoque, opinor, vides & doles. Sed ite tristia. in amore tuo acquiesco, quem vultu & sermone nuper, nunc scripto affirmatum, rogo te, iterūmque rogo perseverare, in amore & cultu tui meritum. Louanij, viii. Idus Septembr. &. Iocii.

*I. LIPSI Operum Tom. II.*EPIST. XXIX. *Antuerpiam.*

IOANNI MORETO S. D.

ITANE filiam tuā abiisse? abijt. Dolorem dedisse? dedit. Ferenda tamen hæc sunt mi arnice, vt omnia quæ diuinitus immituntur, & Æternæ illi legi seriò subijcienda hæc voluntas. Nemo hominum eripuit, non vis alia aut casus: ille tantum, cum quo nec pugnare possis, nec iustè de eo queri. Ius suum tenet in dando, & adimendo. Plures liberos habes, sed in ijs quoque Fatum idem potest polletque: vtere tamen & fruere (longum spero) dum indulget. Habe, vt amissurus; amiseris, tamquam habeas. Quomodo? suaui meinoriā retinendi sunt; & hoc ipsum quod fruiti sumus, in lucro & beneficio ponendum. Ingratus ille, qui præteriorum oblitus, præsentia tantum cogitat aut futura. Imò, quod Philosophi dicebant, certissima illa voluptas est, quæ fuit. Amplius mi Morete. Deus sine solatio te non reliquit: non fuit tibi vñica. Vt igitur tunicam si amississes, aliam sumeres & te cā tegeres: sic nunc fac, pro filiā eripitā aliam substitue, imò & filios, & certam iam posteritatem nepotes. Amabas quæ perij, sed & reliqui sunt quos ames. Itaque vt concludam, dolere tibi licet (quis parenti abnuat?) mærere non licet; lacrymare, sed non plorare. Inter exempla roboris, vnum Plantinum tuum meumque cogita: quem ego in eiusmodi casibus non fortè solūm, sed pænè durum vidi, — *Ωœi ut cornu
xiege nō ostregn. Imitare, tuam solare: quod autem
& ego conatus sum epistolio adiuncto.* Louanij, vii. Idus Sept. &. Iocii. Au- la hīc fuit, Præses Richardotus in meā domo.

EPIST. XXX. *Antuerpiam.*

BALTHASARI MORETO SVO.

TRISTIS audiui de morte Hadrianæ sororis tue. Illiusne, quæ ante paucas septimanas vegeta & valida hīc fuit? quæ florem primū adolescentiæ suauiter ostendebat? illius. Vides mi Morete, quām fata ordinem non seruent, & quos vota ac spes nostra vitæ longè destinabant, eos abripi, & superstites relinquì languentes aliquos aut senes. Philosophemur, & de nobis quoque cogitemus, hodie fieri posse, quod intra decennium aut lustra aliqua solet.

*Q 3**Nihil*

Nihil est tam certum, quām incertū illud mortis. Itaque Ēgyptij olim sapienter, qui *Domos* has nostras, *Hospitias* appellabant; *Sepulchra* autem, *Domos*. Nam mora quām breuis sāpē in illis est? quām in istis certa & æterna? Imus, & ibimus: pauci cogitant, nīsi cūm in metā sunt, & iam iuerunt. Tu hæc & plura tibi, sed & parentibus subiçe: matri maximè, quam scio dolere in hac iacturā, vel potius mārere. Iacturā, pānē eius propriā: & solatium vel auxilium in hac habebat, maiusque sperabat. Sextum Toninum Annalium accepi, atque illud sollenne, Gratias dico. Vale. Louanij, vii. Idus Sept. &. I C II.

E P I S T . XXXI. *Bruxellam.*

PHILIPPO ARENBERGIO,
Baroni Seuenbergae.

SICVT aspectus tuus nuper gratus iucundusq; mihi fuit, & videre hanc indolem ad alta & honesta omnia natam: sic nunc tua scriptio, quæ me in iudicio illo & honestissimā opinione tui vehementer confirmavit. Genus vtrinque inclytum; & stemmata Regum Principumque præfers: sed quā eaipsa illustrare aut ornare studijs Virtutis & Prudentiæ potes, ad quæ adspiras? O nobilissime adolescens, huc te dona: & cetera externa aut aduenticia esse cogita, hęc animi ipsius propria, & æterni illius æterna bona. Et iam viam ingressus es, quæ rectā eò ducat, imò multū in eā progressus. sed hoc(da veniam)monenti mihi crede & obsequere, vt non ad delectationem aliquam nudā ista referas, sed ad finem fructumque duplē, quem adsignauit. Virtutem dico, & Prudentiam, summa in humanis bona. Sicut floribus alij ad odorem aut adspectum vtuntur tantū, apes etiam ad mellificium: sic sedulæ mentes debent, in fructum & vsum traducere studia hæc litterarum. In quibus, vt tua nunc ætas & conditio est, Historiarum lectio vel primum locum sibi vindicat, vtile ad rempublicam, & consilia actionesq; dirigendas, instrumentum. Adhibe. & Iustinum, me suasore, lege velut variarum rerum, gentium, temporum compendium: tum & Plutarchi Vitas, in quibus summatim Græca & Romana habes. Liuum deinde, Polybium, alios licebit adiungere: & cum æuo crescente non peritia solūm & iudicium, sed & amor crescat legendi cottidie & discendi. Hæc olim palæ-

stra & velut gymnasium Principum erat, ante suscep̄tām rem publicam, in suscep̄tā: & vt alia exempla omittam (sexcenta sunt) vnius Theodosij Iunioris eo suggestum Is ^{Vide Sozo-}
^{menum in}
^{Prefat.}
^{Hist Eccle-}
^{sistica, &}
^{lege.} de die quidem, iam Imperator, militiæ, Senatui, iudicijs, & uno verbo negotiis vacabat: noctu autem studijs librisque se dabant, candelabro ita affabré & ingeniosè factos, vt sponte oleum in lucernam instillaret, nec ministris aut interpellatione opus haberet, ad lumen alendum aut producendum. Rarum magnumque exemplū est, vobis magnis imitandum: fac Perillus Domine, & in tenebris istis terū quasi sidus te datum cense, ad lucendū & dirigendum. Mea scripta, quæ Ill^mus Paren̄s tibi dedit, siquid eò facient, gaudabo: & magis, si te perseverare in optimè cœptis audiero, nec abduci ab eā, quæ mundo huic imperat, Vanitate. Louanij, iv. Id. Sept. &. I C II.

E P I S T . XXXII. *Valentianas.*

HENRICO D'OVLTREMANNO, S. D.

OTVAS epistolas: amor eas insidet. ô tuū carmen! venustas & eruditio commendant. Mi d'Oultremanne, iamdiu est cūm vulgo te excerptum vidi, sic sublime ferri magis & magis cognosco, cūm admouemur. Parco dicere, non sentire. O patria, quæ ceteris abundas, quām virorum hodie sterilis aut inops es! Videmus, doleamus: & posteri etiam, vereor, dolebunt. Nam littoræ, aut cultus iste omnis animi (Phœbum me puta) intra lustra bina aut terna, non nisi nomen & vmbra erunt. Eò magis tu & similes (etsi quām pauci similes?) eminetis, & arcto vinculo itis me iunctum: neque nos

Supremā citiū soluet amor die.

Hæc benignè, sed & cādide: & ne vñquam mihi aliquid ex sententiā, nīsi hæc Ex ANI-MI SENTENTIA dixi. Sed heus, túne ad nos? inuito, & rogo. videā hospitium quod melior ille animus insidet, mortale immortalis. Aula hīc iamnunc, & alij hospites, non ab Helicone, aut nostro fonte illo mandentes. Res non ex voto, vt scis, tamen vultu constant; & vt cum poëtā dicam,

Gloria mixta malis, afflictisque ambitus aulae. Terror hīc nobis, & discrimen etiam incurrunt: CONSTANTIA alleuat, & Prudentiæ alligat:

Crux est si metuas, vincere quod nequeas. Ad carmen tuum redeo, quod auribus meis

meis inferat; edi & viuere dignū, seu viuo ipse, seu non viuo. Nam seposui & h̄dgregau ijs, quæ à morte etiā velim (& sola illa quidem) vulgari. Tu mi d' Oultremanne,

— cui liquidam pater.

Vocem cum citbarā dedit,
his talibus, verè scira mentis Mosarum & bellarijs, pascere atque erigere nōs perge. Pascor & erigor enim, quò rariores istæ Diales epulæ à meis Belgis. Nam ab exteriis, non nego, offeruntur interdum. Tu me semper, semper amaturum, ama. Louanij, prid. Idus Septembr. 15CII.

E P I S T . X X X I I . Bruxellam.
MAXAEMILIANO VIGNACURTO V.N.

EPISTOLAM tuam libens vidi, legi, & tñsi querelis mixtam, sed quas amor tuus in pietatem & virtutem, & me quoque, temperat ac lenirit. Doleo equidem in Aulâ te sic iactari: sed Aulam cùm dixi, quid miri est? Mare qui intrat & nauigat, fluctus expectat; qui Aulam, hōs motus. Illud suauius, cogitare de Franc. Balduini, magni sanè viri, scriptis eruendis & concinnandis: fac mi Vignacurti, & rem publicam ac posteritatem hoc munere auge. Quod in extremo autem de meâ etiam illâ Præfatione est: non offendor libertate: absit: sed audi tamen quod res est, & ratio approbet, talia illa scribi non vt testimonia, sed incitamenta. Moneimus magis qui esse debeant, quām testamur sic esse. An nouum fit? Traianum tu illum (et si egregium Principum) credis tu fuisse ad Plinij laudationem? Idem in alijs: & Reges aut Principes cùm laudamus, non adulamur, sed per ambages & flexum ducimus, quò nos & bonum publicum velint eos ire. Ego tuum ingenium, & in purâ virtute asserendâ purum animum amo; vtinam æuum ita sit aut fuerit, vt induamus & usurpemus! Spem non video, & tamen tecum & te amo: tu me mi Vignacurti. Louanij, xi. Kal. Octob. 15CII.

E P I S T . X X X I V . Bononiam.

GVLIELMO RICHARDOTO S. D.

ULTIMAE tuæ me delectarunt, bona mentis atqüe etiam dictionis plenæ. Amplecteris virtutem, & quæ eò dicit, doctrinam, & præcepta nostra sarta tacta habes: quæ nuper in litteris repetij, affectus

magis mei testandi, quām vsu cui causâ. Etsi cur nou repetam atque ingeram? Sicut matres, quæ pueris bellaria & fructus in simum ingerunt, sollicitè succingunt ne excidant: sic nos satagere conuenit ne pereant, quæ optimè monita olim insinuauimus, & nunc per litteras renouamus. Quod probas & gaudes de responso in LVCIVM, fecimus. & fortè an iam videris: haberet certè me mittente, nisi sarcinas istas cursores tabellarij ferre grauarentur. Sed respondimus * μηχαλείωσή γλυκαίως, vt in istos decet, qui non nisi temora Bonæ mentis sunt, & Virtutis ex professo hostes. Itaque vt leones, aspiciimus, & conteinimus:

* ——— Κωνές δὲ ὑπὸ καγχάλοφι

Πυκῆδε υλακτόστες.

Fratrem tuū reducem audē exspectamus: pater h̄c adsuit, domum meam honestauit, & hospitem magnū mihi dedit. Ad publica ibat cum Principe, ô vtinam lœta! Sed quid tibi dicam? patria iacet, affligitur, & per seditiones istas, quæ iam in morem, & pænè dica in laudem verterunt,

Pro curiâ, inuersique mores? periclitatur aut perit. Deus sustentet, te mi optatislime Richardote nobis seruet, & oculis atque amplexui meo iterum sistat. Louanij, x. Kal. Octob. 15CII.

E P I S T O L A X X X V .

HADRIANO SAISSEVALLIO, Gallo,
domi nobili, S. D.

PARANTI abitum, quod petieras, mitto, atque adeò partem animi tecum mitto. Fateri debeo, comem te, & cum modestiâ suauem, in omni conuictu fuisse: quod gratiam tibi vel amorem apud me aliosque peperit, & pariet quò hæc & te feres. Ista à Naturâ habes bonâ tibi parente: perge Disciplinam addere, & serijs seuerisque etiam studijs animum formare. Germaniam infidere te suadeam, & probitatem illic naturam videbis & grauitatem: adsume vtique, non in tuâ gente semper (vt nunc æuum) reperienda. Habet hoc commodi peregrinatio, quòd fas per eam iniscere mores & temperare. Ut autem in Musicâ è diuersis vocibus concentum quærimus, & probamus: sic in vitâ, è varietate harmoniam. Sed & alijs fructus. Ingenia quædam translata proficiunt. & vt fæminæ interdum, antè steriles, alijs viris iunctæ concipiunt: sic illa fœcundantur mutatione, & sub

Q 4

alio

* magnific
& gene-
rosa.

* canes au-
tem ganni-
re videbi-
vna.

alio alioque doctore. Perge cum Deo igitur: qui te meo voto sospiter, & bonum clarumque reddat.

TESTIMONIVM.

QVICVMQVE HAEC LEGETIS,
OFFICIA, CVLTVM, SALVTEM DEFERO.

VIRI boni est virtutem amare & adiutum ire, sicubi ignota ea est, vel testimonij & subsidij eget. Quod promptè in isto V.N. HADRIANO SAISSEVALLIO, atque etiam merito, facere me profiteor: quippe qui eum ab annis pluribus nouerim, consueverim, & virtutis semper, antiquæ pietatis, doctrina & humanitatis reppererim peramantem. Quisquis noscet proprius & accedit, idem mecum fatebitur, nec ei testimonium istud scriptum. Sed si cui subito occurrit aut obijcitur, vt solet; præsertim cum nunc peregrè ad mercatum optimarum artium eat; hunc rogo fidem nobis habere, istum amare & fouere, affectu illo & auxilio dignum. En me sponsorem, non paenitendum cum si quis benigne complectetur aut faciet: me etiam creditem, & in accepti tabulas beneficium hoc relaturum. Scripsi & signavi

Louan. vi.Kal. Iustus Lipsius Professor, &
Oct. & .I.CII. Historiographus Regius.

EPIST. XXXVI. Lugd.Bat.

CAROLO CLVSIO S. Maximam D.

OMENVM Clusium! iure sic appelle, & in hoc exultem. Constanter & acriter valde me amas, nec scriptio solùm tua, sed res & munera adfirmant. Iterum dico, Meum. Quid autem ego? hilum in affectu non cedo, & semper Clusius mihi in animo, sèpè in ore. Deus fecisset, vt habitatione iunctiores fuissimus: multa conuersatio & voluptas comitata essent. Nunc vetus illud obtinet, Deum sequi & obsequi. Quæ de re Christianâ publicâ in Pannoniâ nuntias, haud læta vsquequaq; sunt, aut mixta: imò nunc terrores meri, & fugæ, & cædes. Illa Alba-Regia nuper recepta, iterum erepta est, promiscuâ omnium qui inerant cæde, aut seruitute. Tartarorum vis ingens in Daciam irruptura sperabatur: copijs nostris exiguis, & lentè etiam paratis. Hæc longinqua: in propinquonobis turbæ, nec bellum solùm sed feditio affigit. Eritne finem his videre, & semel optatam illam faciem Pa-

cis? Numen faciat: ego te illuc & amicos. Quod ad scripta tua reliqua, doleo in morâ hominis, nobis amici. Monebo hercules, & vt publica ea faciat publicâ omnium nostrum, qui doctrinâ amamus, causâ. Illud in clausulâ iucundum, de vigore oculorum tuorum in hac ætate, mirando mihi & inuidendo. Heu, vbi ego sum? quattuor lustris minor cæcutio, & nisi vitrea auxilia subleuant, vix legam aut scribâ. Pænè indignor: & magis, quia veteres hac alleuatione vlos non lego. Atquin & illi nónne assidui in studijs? Quid dicam nescio, nisi fortè sic nostram esse: ferendam igitur, & te mi Clusi ætatem amandum. Louanij, iv. Kalend. Octob. & .I.CII.

EPIST. XXXVII. Antuerpiam.

IOANNI BAPTISTAE BARONIO suo S.D.

EQVIDEM gaudeo patrem in tua vota, & mea consilia, consensisse. Non tamen quia tua vota, sed quia de pleno ita iudico, id fore ex re & vnu tuo. Adnitere, ne opinio hæc nos fallat; & peregrinatio tibi sit, quod debet, morū & vitæ formatio ac magistra. In primis autem, mi Baroni, modestiam fetine, & ad te subinde, inter vana aut vaga illa redi. Sicut currus in præcipiti aut declivi fune retinentur, & se sistunt: sic animus debet, vbi quæ allubescunt aut innitant. Talis Italia erit, o pulcherrima & cultissima terrarū! sed Sirenas & Circas etiam illic cogita, & esse quæ videas, sed & vites. Plura à me audisti, aut & in meis legisti: non itero. fiduciam in ipso te habeo, quem Natura ad Virtutem & Modestiam genuit: ne degenera, & ipsum te ac nos audi. Ecce litteras ad nostros illos, quibuscū viuere te iuuet atque expediatur: aliud si in re tuâ possum, pete, & factum puta. nam serio te amo. Louanij, III. Non. Octob. & .I.CII. Deum ductorem & tutorem tibi precor imo corde. Scribe de viâ, si vacat, & cum illic eris: non deero respondere, & consiliari atque auxiliari, si opus.

TESTIMONIVM.

EXTEROS & non plenè & certè notos tralatia humanitas nostra commendat: quomodo non istos, qui è domo, disciplinâ, & velut si in nostro prodierunt? In ijs est IO. BAPTISTA BARONIUS, vir nobilis, ingenio & moribus laudatissimus, & cui ego vel liberos meos (si Deus

Deus dedisset) similes eſe exoptem. Quadriennium circiter apud me egit, ad aliena loca it viſendi: diſcendique gratia: comitor eum benivolentia, & hac etiam commendatiuncula apud amicos. Videte & excipite libentes, obſecro, vel mea cauſa: paria fecero in re ſimili aut alia, ſic iuſte & honeſtē rogatus. Testor & ſigno.

Louan. III. Non. Iuſtus Lipſius Professor, & OEt. &c. I.CII. Historiographus Regius.

EPIST. XXXVIII. Bononiam.

PHILIPPO RUBENIO ſuo S. D.

• facet
Patroclus. **A**NTE dies octo ſcripsi, itero in occaſio-
ne, quia Baronius noster ad vos abit.
O quām libens! tam libentes illum vos vi-
dete, & ſuſcipite: quod eius & meā cauſā
confido facturos. Velit contubernio etiam
vobifcum iungi, & pater cupit: potestis, do-
nec Roma vos alteri ſubdit. Facite, me pe-
tente. Adolescentem noſti, commodum &
comein. De patriā ille dicit, aut fama iam
dixit. O res triftes! *καὶ ταῦτα ηὔπονας*. Medi-
cina tamen illinc exſpectatur, an non ſera:
Comitem Fontanum venturum muſſant,
noſtos abituros: ſed adhuc muſſant. Inter-
ea hostis Grauiā potitus, Bucoducis im-
minere dicebatur, ſolitariæ iam & paue de-
ſerteræ. Pars exercitus in ſeditionem (ſollenti-
ni iam more) laſfa, ferrum & ignem nobis
miňatur. Hostes iudicati ſunt decreto
Principum: nondum vindicati. Vridique
nobis terror: quēm pellere Philosophiæ
præceptis conor, & Senecam ad Heltiam
matrem (de Exſilio eſt) publicè eo lectum.
Ite triftia, in priuatis ijdem ſumus. Lucio
illi Apuleiano respondimus, vidiffe po-
tentis. Alia vix cogito, ſubduci tempus eſt &
viuere nobis ac mori. Louanij, III. Nonas
Octobr. &. I.CII.

Hæc ſcripta etiam D. Praepoſito ſunto, ad
quem ego nuper yberriſt: ſaluere nūc
opto.

EPIST. XXXIX. Lugd. Bat.

FRANCISCO RAPHELENGIO ſuo S. D.

EXCVS ARE te silentium tuum mi Raphelengi video, an & probare? An ipsi tibi, non dicam mihi? Ab affectu hæc querela eſt: & niſi ille eſſet, non requirerem affatus iſtos litterarios, qui me fatigant, nec ſi- nunt iuris aut quietis meæ eſſe. Sed amo te iam olim: & quia hoc, curo: & vtruinque,

defiderium excitat audiendi de abſente & ſciendi. Sed mitto præterita, & dono: ex-
cuſa vnā re, vt emendes. Epiftola quidem hæc
tua copiosa, & ante oculos mihi posuit per-
egrinationes tuas omnes, & plerasque aetio-
num. Quid ſecutus ſis, video: otium &
quietem, quā ingenuæ mentes capiuntur,
internā tamen ſemper aliquā actione &
motu. Fratris mors reuocauit: id eſt Deus.
pare, & fatis obsequere, & perſonam ſuſtine
quam imposuerunt. Deficerere te hoc inu-
nus, ab aucto iam transmiſſum, mihi non pla-
ceat: niſi nimis ſapere tibi placeat, & ideò
non ſapere, quia nimis. Vbiq[ue] locorum
quies eſſe animo destinato potest, in Baijs
medijs, in Alexandriā, aut Romā: & ſemper
ab externis ad ſe redire ſas, qui illa non aefti-
mat, & hæc amat. Ego inu[nus] meū in pu-
blico fungor, colloquia varia & vana etiam
habeo: vna ambulatiuncula in horto aut
inuenib[us] me mihi reddit, & in Elyſiis cam-
pis, id eſt tranquillitate, reponit. Qui locis
iſta alligat, fallitur: etſi eligere mallem, ſi
copia eſſet: ſed mores, opes, fata prohibent:
& ijs obsequi igitur, ſapientia eſt, & cogitare
ſe hominem non Deum eſſe. Ipsi Genij mu-
nia ſua & leges habent, nec errant liberè aut
otiantur, ſiue operantur. Sed de peregrina-
tione. iudicia tua ſcribis ſuper Italiā, Get-
maniā, & mihi proba! Omnino ita eſt. con-
ueniunt in illo genere, qualitate aliā diffe-
runt quam exponis. Pauci hæc ita iudicent:
tu maſte. Sed & Belgicani noſtram quod
ante oras omnes terrasque Europæ ponis,
nec abetras. illa ſuperat, ſi homines, indu-
ſtriam, comitatem, mores, bona terræ nata
aut inuecta refpicis: ſuperat, inquam, nec
Europæ ſolum traetus, ſed orbis vniuersi.
Vnam Sinarum diſtione exiſtio: ſi vera,
qua de ea famâ feruntur. Scite iam potestis,
quia veſtri, ſtrema & felici temeritate, ad ea
quoque loca, vt audiimus, equis lignieis ve-
hementur. Vtiam pax modò hanc noſtram
refpiciat! quod vix iam vouemus, adeò non
ſperamus. Alioqui huc te vocem, & viuere
& mori in genitali tuo folo, in oculis noſtri,
aut non longinq[ue]m, velim. Vide, &
ſortile etiam: ſi fortasse Deus, præter ſpeſi
aut ſpeciem, aliquid misertus noſtri donet.
Nam mihi crede, in electione cuiuscum-
que loci diſcrimen eſt: aut inibi, aut à te,
aliquid mali turbæque erit: exemplum à
Plotino Platonico cape. Ille vir ſapientiā in-
clitus, eius & quietis ſuæ ſtudio, Romam
reliquit, Campaniam elegit, aëre, copiā,
fru-

fructibus, delicijs celebrem : & vbi pax immota (illo quidem æuo) & nec metus belli erat. Iuit, insedit: quid factum? Consilia humana Fatum vicit, morbus totum corpus inuasit, membra & nerui riguerunt, oculorum orbis caligarunt, & putre denique corpus sanguinis corrupti vitio contabuit. Vbi es humana prouidentia, aut electio? Vides, mi Raphelengi, hominem humana vbiique pati: locum non excipere, sed animum vincere. quem fas semper exercere, & quietum ac modestum sine peruvicaciâ aut arrogantiâ sapere: quod facere te hortor, & pro amore in te rogo. Itaque de domo aut alijs, nihil festinare suadeam: mature & circumspetè omnia. quia, vt ille ait,

* hand su-
* a. celeris
** pruden-
tia.
— Φροντίδιον ταχεῖς, χάρις ασφαλεῖς.
Vale mi Raphelengi, cum fratre Iusto, & sorore. Louanij, xi. Kal. Nouembr. ∞. Icii.
De Pollione nostro, triste quod nuntias. De morbo audieram, à te de morte. Singulariter amauit: sed quid est? decuriam amicorum hoc anno amisi, siue præmisisti. nam & ego sum in cursu.

E P I S T . X L . Bruxellam.

GVLIELMO GREVIO Nepoti suo
ex sorore S. optat.

ACCEPI primas tuas litteras, quibus ostendis aliquid in studijs doctrinæ te promouisse. Pro ætate, non queror: industriam adiungi velim & incitatū animum, qui ad optataī nobis metam te sistat. Quid metam? semper hîc in viâ sumus, & nulla ætas, nullum ingenium, ad ultima Scientiæ aut Sapientiæ perducet. In Deo hæc perfectio: sed nos nempe imago eius sumus, & ideo conniti pro captu & viribus debemus accedere proximè, & referre illum in nobis ac circumferre. Nam in exemplum natî sumus, atque etiam auxilium: iuuare nos, tuin alios, & æstimare vnius corporis membra esse. Magnus hic orbis est: sed vna ciuitas. conspiremus in mutuos usus, & ad hanc rem à pueritiâ aptemur. Tua nunc hæc ætas est: in palæstrâ es ad discendum & exercendum: excitare ô meus sanguis, & me quoque ad instar aliquod propone. Vides tot annos non mihi vixisse? laborasse & operatum esse reip. voce aut scriptis? Sequere. atque utinam diem videam, quo spes alluceat te per hæc & illa veterum vestigia iturum: mea, & pænè me, impendam, vt apparatum & instrumenta ha-

beas, id est libros & doctores. Etsi de doctore, iam curauimus: habes virum præter vulgus doctum, & tui amantem: audi, sequere, obsequere, magis quam ipsos quibus vitam debes. Nam nasci vulgare est: benè institui, altera vita est, & quæ ad Æternam illam ducit. Vota apud te Deus OPTIME MAXIME concipio, vt quoniam me proli exsortem voluisti, hunc è Sorore (nimis olim catâ) nepotem ad veræ doctrinæ & virtutis studia ire patiaris, aut potius impellas: nobis solatium & gaudium, tibi gloriam, alijs lumen & exemplar. Fiat, & tu contendere, aut iam nunc abdico te & sepono. Louanij, prid. Non. Nouembr. ∞. Icii.

E P I S T . X L I . Francofurtum.

MARQVARDO FREHERO 1^{ro}.

MELLI mihi fuit, ex interuallo regusta. re tuum amorem. Coram feceram, cùm Francofurtum me fors duxisset, etiam mox per litteras: abiunctio deinde longior, & meæ an tuæ occupationes interpellarunt. Si vis, illuc redeamus, & exserat se amor qui in pectore hæret, & ab eo numquam exsulauit. Tua interea vidi, & in ijs te redamaui: præsertim illa Historica, quæ blattis & tineis tu inuidisti, & è situ eruta illustrasti. Vtile opus, magis quam hæc recentia, & turbida quædam velut musta, passim nobis à crudis studiorum ingenij propinata. Ad metam litteræ properant, & nimia fecunditas ista vires exhaustur, si lustrum etiam unum alterumque manet, Constantij SAPHYRVM iamnunc lustrauit; nec de gemmâ aut sculpturâ scio, te in eâ artificem & variè cælatorem agnosco. Benè, quòd nostro VEL SERO inscripseris: & cui amanti magis aut intelligenti? Vir magnus est, vel maximis comparatus; & Boïca eius iam vidi, nondum legi. Nos nec scio quid philosophamur, quòd ætas & Genius ipse meus vocant: nec scio an alijs, sed nobis (ô quam decorè aut utiliter per hæc tempora!) philosophamur. Te amamus, & amaturi sumus, melioris animi & iudicij virum: tuam etiam MARGARIM, tuâ; Vtenhouij, eius caussâ. Talis illa mulierum non mereatur? dissuavior: sed castè,

— fuge suspicari

Cuius vndenum trepidauit ætas
Claudere lustrum.

Louanij, postrid. Non. Nouem. ∞. Icii.

E P I S T .

EPIST. XLII. Antwerpian.

HERIBERTO ROSWEYDO Soc. Iesu.

LEGI tuas, & quæ è Batauis adiunctæ. Ad has in tempore respódebo: nec enim est quod properari poscat: & ipse scriptor mihi notus, non quidem ab illâ primariâ potâ, & amicitiæ tesserâ, id est Pierate. De Oratiunculâ illâ meo nomine vulgatâ, quid miri est? sic luet ludere, imò non ludere sed rem facete, Typographis dico. Eorum instanciâ, & malitîa deinde se præbente, præclari isti scetus oriuntur: quorum illi nuperum quâm in ipso pœnè partu extinxerim, Epistola mea ad Senatum Francofurtensem, iam publicata, dicit. Simile in isto, inquit. Non faciam, quis finis sit? pragas prouocem his oppositionibus: nec meum est, sed Principum; his falsimonijs mederi. Gladio aliquo iustitiae rescinderida ista, igne Decreti abolenda erant. Viderint, qui habent tenet: ego per ista non deterrior, ne turpiet quidem apud eos, qui sanâ mente sunt, nec nobis iniquâ. Aliorum scabies facile suscitatur his frictionibus, fatetur: pruriunt, garriant, me paucarium non habebunt. Sed de Oratiunculâ illâ, sciro etiam non nouum esse, est ipsa, quæ ante decem annos publicata, & non refutata aut reiecta publicè in ijs De Cruce, AD ELECTOREM. Vale V.R. & P. Rectori ex animo à me salutem. Louanijs, postrid. No. Nouembris. 1501.

EPIST. XLIII. Brugia.

ANTONIO RICHARDOTO suo S. D.

EPISTOLAM pro te vidi, & scito me doluisse. Nam audiè te exspectabam, iamdiu non visum, & in animo tamen gestatum: atque ita me Deus ille in superis locis, ut ego te hinc conspicere cupiebam. Causa tamen ditati aduentus (non enim omisi) quia iusta videntur, querelam defiso: & gratulationem potius nupois amatæ fororis tuæ subiungo. Deus velit eas latus sustinque nunc & in posterum esse, & protes etiam, familiæ vestræ fulcra. Floret ea, & cœlesti quodâ fauore adfurgit: sit longum, & vos quoque pergitate metiri. Apud me non es, sed meus etiam nunc es: itaque curio, & monita mea interuenient, spero, semper grata. Ab animo certè me debent. Videlisti Italiam & oras exterias, multa in fron-

tem pulchra & splendentia: redi idemtide ad vera & interna bona, atque ijs te exorna. Aula tenue habebit, aut habet: aula: id est, quantumvis composita, in quâ rana & splendentia multa sunt, sed fallacia, & falso quodam circumdata, in rorosus vacua aut prava. Nosce, & te excerce, & vera ac solida illa affecta. O quâm me, magister, iuuer, si Senecam interdum legas serio & scrutere. Quâm ille te firmet contrâ lapsus, & res amnes pretijs suis docet & stimare? Scio in hac cœitate non omnium rati gustum habere: sed te volo esse eximium, & à mea disciplinâ profectum, incadere velut exemplum. Bella est elegantia, & comitas ista morum: quis nescit aut negat? sed Sapientia si adiungitur, & eius mater aut protela Modestia, quantum decus accedit: sic vero, à gemina. Satis audi & anima ista, ac me tui peramantem. Louanijs xvi. Kal. Decembris. 1501.

EPIST. XLIV. Machliniam.

NICOLAO OVDARTO semper suo S. D.

MIRATUM me in lectione litterarum tuarum dicam: licet. Iratum? noui? pet: & tamen pœnè debui, in opinione de me, tam alienâ à me, & quæ in somniocavimus hoc numquam intulit. Ego inigrerim ego Leodicum? Nam quâ causa? Res urbide sunt, sed: nisi mutantur, detiores etiam futuræ: quid tamen ad me eximiè, ut ante alios, & præter alios, de abitione cogitem? id est fugâ? Ego vero à vitâ potius, quâm ut sic ab honesto, & illâ CONSTANTIA, quam stilo illustrauit, & factis non obscurabo. Heus tu, quisquis tibi auctor (bonâ yepiâ etiam illius, quem reuerteri me scis) à vano sumpsit, aut à se pœnè dicam, sumptus Nihil rei, nihil sermonis, nihil cogitationis. Possum me purgare planius? Vnum hodie nunc tamen habe: Si res prorsum ad vltima, id est ad incitamenta, libenter me Leodicum sedem refugij lectorum, urbem Dco & religioni iamolam amicam, in me pronam, & quod inuitet, viris aliquot egregijs prudentiâ & doctrinâ in secessam. Habes de istâ re, & quidem Sibyllæ dictis veniora: De publicâ, piget scribere, an & pudet? Vbi consilia? vbi vel umbra prudentiæ, in re præsertim militari? Ridetur vetera, & nos eorum amantes: sed iij qui amplectuntur, quâm nos rideant, & verbarent etiam, viides. Audi iterum aliquid, quasi à Sibyllâ aut

aut Marcio. Quamdiu in nouis istis, id est vilibus & prauis manemus, melior & altior Fortuna nos despiciet, nec Victoria alas suas huc vertet. Vrgebunt illi, *accipiter rufelut molles columbas.* Omitto non laeta: cum Pantino sentio, nec sentio: remedio locus est, si morbum agnoscit æger. Si non, Belgica per me esto

Victima nil miserantis Orci.

Vale mi optime, & constantem me inter omnes fluctus (ita videbis) constanter ama. Louanij, xliii. Kal. Octobr. 1502.

E P I S T . X L V . Antuerpiam.

IOANNI WOVERIO suo S. D.

VENISTI? mihi nondum, nisi videro. Ades, amplectar te & teneā, & animos ac sermones vna misceamus. Quādo facis? anni, mihi, dies: magis quām pupillis istis

— quos arcta premit custodia matrum.

Gaudeo Italiam, Hispaniam, Galliam, denique & Bataviam vidisse: in hac ultimā illum quem amo. Et amari te ab eo nuntias, volenti & credenti. Sed ista & alia contrā: reperies me capite semiçanum, aut certe mento: animo forte in corpore, ut soleo, id est Augusti verbo *betizantem.* Veni, veni, refice hoc, & illum auge: quod rogare me dicam, an iubere? Vtrumque, neque vindictā, etiam te inanumisi. Domum meam nosti: caue in aliam, & hoc quoque ego ac mea (nosti illam Iunonēm? ne offende) iubemus. Louanij, postrid. Kal. xbris. 1502.

E P I S T . X L VI . Harleum.

GERARDO B V Y T E W E C H I O S. D.

L AETVM auditu de tuā prole, mihi qui amicus sim; quid tibi qui pater? Euge! hæc crescat, viuat; & aliam, ac melioris quidē sexus, Deus ille communis omnium parens donet. Ecce fructum & gaudia conjugij mi Buyteweichi: sed & curas suas trahent, & habe istam vt vsu, non mancipio datam, si sapis. Homo hominem genuisti. EPISTOLAS meas non displicere illic, hoc satis est: probari omnia, & grē id mihi probes, in isto æuo, & dissentiente plurifariā sensu. Sed satis, non carpi: & si faciant, quid ad me? Animum & me bonum fuisse cūta scripsi, hoc scio: & suis quæque temporibus aut hominibus aptasse. quod vnum in Epistolā arbitror requiri, à prudēte quidem

& æquo censore. Alij abeant, valeant, vapulent vel cum LVCIO nostro. Sed heus, vos nunc nōne feroce? omnia rident, terrā, mari: vtinam nos vna, & vetus illud corpus iterū simus. Io. Wouerius valdē mihi amatūs iuuenis te quæsiuit Lugduni nostræ, non repperit: exspecto reducem, & is quoque (ne nescias) ædes meas infedit. Fructum rettulit, virtuti amicus, vanitati extraneus, & qui rectā viā ad Sapientiæ ædem tendit. Vellem vidisses. At Nic. Micaultium nostrum nec vltra videbis, qui abiit

Illuc, unde negant redire quemquā.

In flore æui fuisse scis, in viā ad honores, & merebatur: Deo visum eripere, & apud se (ita sperare Pietas eius iubet) habere. Nos trahimus animam, & animo etiam stamus; corpusculo languidi, nec de firmitate aut diuturnitate eius spondentes. Sed hæc quidem, non dicam cura, vix cogitatio me vlt̄a habet: sto succinctus, & cūm innuerit ille Imperator, viam carpo. Sandelinus ille noster nuperrime apud me fuit: o situ ynā! sed libēns vidi, & in eo Bataviam, semper mihi caram regulaui. Valere te cupio mi Buyteweichi, quod exte est, ex quā est, ex quibus tu & illa estis. Louanij, postrid. Kal. xbris. 1502.

E P I S T . X L VII . Bruxellam.

REMACLO ROBERTI S. D.

M ALE & per errorem hoc consul Grauiensis, quod binas ad te dedissem. ego verò nullas, neq; occasio fuit: & abeunti salutem ad te ferendam mandaueram, & si quid haberes de republicā vti significares. Fecisti in his litteris: atque vtinam lætiora fas nuntiare! Hostes abierunt è prouinciā spoliatā aut vastatā, cuim prædā & famā: nos quid sumus qui fuimus, id est tardi, frigidi, & quæ nec ad te stilo committam. In animo isto dolet, qui video fundamenta status huius labi aut ruere: in promptu tamen remedijs, si consilia alia essent. Sed omitto: ego serio mecum philosophor, nec meditatione solūm, sed stilo. Per vetera Sapientiæ præcepta eo, & animum ijs ad virtutem & robur firmo. Reuerà etiam, cūm altiūs mentis oculos sustuli, quid aut quantula hæc Belgica nostra est? cultissima terra, fateor, quas sol videt: sed terra, sed regiuncula, & non dicam cum Vniuerso, sed cum Terrā ipsā comparata, portiuncula exigua & velut punctum. Quot tu mūtationes,

tiones, clades, cædes, in noto & ignoto orbe cottidie committi censes? Vulgaris ea mens non attendit: quæ in se non abit, nec scit Mundum hunc ciuitatē sibi esse. Mihi est, & amplector, & curo: ac si mala fata hanc partem premunt aut perdunt, multum soli superest quod colam, & ubi tolerem hoc quidquid reliquum est vitæ. Queritur aut angi, stultum est: specto, exspecto, & Deum sequor. Is te mi amice, tuam & tuos seruet, & mutuum inter nos amorem. Louanij, postrid. Non. Decembres, &c. I.CII.

EPIST. XLVIII. *Antuerpiam.*
MARCO ANTONIO PEREZIO V.N.

ADMIRATIO simul & dolor me inuaserunt, cùm de inopinato obitu socii tui, & amici nostri, intellexi. Heu, quid homines sumus? quâm fragilis materia, ut leui casu rumpenda? Profectò exempla ista cùm è proximo incurrunt & nos feriunt, meritò animum ad conditionem & cognitionem sui aduocent, & quâm totum hoc viuere lubicum sit, breue, nihil. Annus iste unus in domo tua funera duo habuit: quis scit an ante exitum non etiam habebit? Voueo, sed non spondeo: & omnibus euenire, quod illis, potest: cogitemus, & in ista armemur. Vnde? à constantiâ, id est à Deo, cuius supremæ voluntati nostram hanc subiungi par est, & æquis oculis animisque spectare, quidquid iussit. Imò & subire quidquid iussit: non aliter quâm cælum, stellæ, aëris, maria, & omnia illa magna opera parent conditori. Cleanthis illi versus, pro verâ. & Christianâ sapientiâ sunt scripti:

*Duc me parens, celsique dominator poli,
Quocumque lubitum: nulla parendi est mora.
Adsum impiger: fac nolle, comitabor gemens.*
Hoc faciendum cùm alijs, cum tibi Vir nobilis, qui inter huius æquanimitatis & constantiæ exempla, in familiâ Patrii tui es educitus. Vis aliquid illustrius? ille vir mihi semper visus verum Philosophum agere, & vitâ, non sermonibus, exprimerè eum atque referre. Obscero te, in hoc tristi casu oculos mentis nunc èò fleste: & post Deum, robur ab illo etiam sume. Fateor cum incommodo familiæ eruptum vobis hoc fulcrum, & prudentia eius vario vñ domi forisque etiam esse poterat: quid tamen est? nonne supremus ille pater & rector etiam viuit, & curam tutelamque suorum gerit? facit & faciet: magis, si in illum spem & cogita-

I.LIPS. Operum Tom. II.

tiones tuas mittes. Iam vos ipsi èò æui & experientiæ venistis, vt per vos sapere, regere, & per vestigia maiorum virtutem colere, rem non negligere, possitis. Itaque minore dolore hoc ferendū, quod nunc ablatus ille director est, cùm operam eius neque ætas, neque prudentia vestra, nimis requiebat. Unus est Baronius meus, cui immaturus perisse videri potest: sed nec potest, quia scio te in locum eius vicemque ventrum. Duo nomina, Fratris & Patris, simul sustinebis: atque ut facias, amantere rogo. Etiam illud, ut tu atque vxor optima animum erigatis, & solatium non à ratione solùm, sed à liberis eriam vestris capitatis: quos Deus plures dedit. formate & dirigite in eius gloriam, & vestrum & familiæ gaudium atque honorem. Ita sit, & eidem Deus illos vobis, vos illis longum seruet. Vale Vir Nobilis & Clariss. Louanij, vi. Idus Decembr. &c. I.CII.

EPIST. XLIX. *Bononiam.*
IOANNI BAPTISTÆ BARONIO suo S. D.

INOPINATA multa homini, & sèpè tristia: in re disce. Parens, heu, tuus ultimum tibi visus abiit: & subito abiit, dolore & admiratione nobis relictâ. Etsi istâ quidem vix mihi: scio enim Parcam adsiduè super caput stare, & iactu aliquo percellere nec exspectato. Sicut in aquâ pisces ludunt, in aëre aves volitant, securè insidiantium: at illos hanus adducit, istas rete inuoluit: sic fit nobis, & aliquem è magno grege adsiduè venatur & capit pallens hæc Diua. Solare te à communione, ad quam aptari non Sapientia solùm suadet, sed Necessitas cogit. Si æquanimus fers, simplex dolor est: si aliter, alter. Bononiae te nunc esse, speramus; si es, fruere optimo illo veteris tui contubernij consortio, & dolorem alloquijs etiam illis mitiga aut merge. Rubenium ama & adhære: bono tibi erit, hoc mihi crede. Ceterum amissio hoc fulcro, non diu peregrinari aut animo indulgere egò suadeam: veni, tua cogita & cura: sed & de Tuâ aliquâ cogita, si animus & amici ita suadebunt. Certè in Italâ desiderete nolim, etiam illâ insidiatrice aliquâ: per Germaniam redi, & hanc obiter lustra. Ista mihi nanc visa: sed sic ut te audiam, si quid melius inijcis: tu Rationem semper, & cum illâ tuos. Louanij, v. Idus Decemb. &c. I.CII.

R EPIST.

E P I S T . L . Montes.

IOANNI BVISSONIO *Consiliario & Syndico Ordinum Hannonie.*

EPISTOLA tua subita & inopinata ad me evenit, sed Fidem testor, grata. An non à te esset, quem animi tacito iudicio & sensu iamdiu aestimaui, & addam amauui? Bona & certa de te Fama hoc fecit: nec nisi opinio Virtutis tuæ affectum illum mouit, nunc augendum & asserendum à tam amicâ tuâ scriptione. Quàm volupe mihi est accessisse: veleo sine, vt inclusum illum meum aperirem, sine occasione non reuelandum. Ut pyrites gemma ignem in se habet, sed non nisi attritu exserit: sic in me, habui amorem, sed tacitum, litteris tuis nunc eductum. Non fallam te vir optimè: qualem vel epistola hæc mihi adfiram: non, inquā, fallam, & te, Virtutis ac Doctrinæ sacerdotem, cum vtraque illâ serio & fortiter amabo. O vtinam in misera patriâ multi hoc ingenio, & habitu sint!

— quis pudor, & Iustitiae soror
Incorrupta Fides!

Quàm plerique vela gratiæ, commodo, deterioribus affectibus pandant, scio te mecum videre, & dolere. Belgicum ingenium è Belgicâ migrat, & Felicitas etiam illa vetus vna migrat, fortasse non nisi votis reuocanda. Sed à re, id est à te non abeo: animo animali tuū amplector, & Dexterâ hac fidem Sanctæ amicitiæ consigno: nouam, sed vt ille ait, animis deinceps non annis aestimandam. Ita esto. & Fides iterum aduocata Epistolam claudat, quæ cœpit. Louanij, xvii. Kal. Ianuar. ∞. I CII.

E P I S T . L I . Bruxellam.

HENRICO VAN ETTEN, *Praefidi
Ærarij Brabantici.*

QVEM hîc vides, virum eruditum & in Theologiâ acrem, caussam scriptioni meæ præbuit: voluitque commendari in re, quam ipse dicet. Rogo audias, & si æqua aut publicè profutura (neque enim aliter) exponet; rogo & audientiam & fauentiam ei accommodes. De inualetudine tuâ nuper aliquid, sed obscurè & per nebula audiui: credo podagram fuisse, atque vtinam fuisse. Reliqua in te integra: ætas, corpus, animus (quod caput est:) & hic præcipue nobis colendus. Quòd magis adolescimus, id

est maturescimus, videmus nihil in homine, præter interiorem illam partem, collendum: & reliqua adiuncta, vt verè & fortiter dicam, nugas & fumos esse. Quid si nec esse? solum illud æternum est; & nos cùm ei accedemus, & conabimur Virtute assimilari. Illa æterna, & in parte nostri æterna: quò eo? Exorbito? vix apud te, quem scio & meditationum, & lectionum, & sermonum talium esse. Quid tuus Filius nunc in Galliâ? ibi hæret, an reuocas? Ipse quoque maturescit, & admoueri recip. (vtinam tranquilliori!) utiliter potest. Faueo illi, te Nobilis & Clariss. Domine aestimo atque amo: deberi mihi alterum utroque nomine puto. Louanij, xvii. Kal. Ianuar. ∞. I CII.

E P I S T . L I I .

Augustam.

MARCO VEL SERO S. D.

HISTORIAM Boïcam tuam vidi, et si non te mittente. Hoc culpo leuiter, illam toto pectore & ore laudo. O dignum priscâ gloriâ gentis scriptum! dignum optimis his Principibus! dignum & te mi Velsere. Exemplum præiuisti hodie ad id genus scripti: quod iacuisse à mille amplius annis boni arbitri fateri debeamus, vtinam per te excitandum! Sed præiuisti, iudicio, industria, stilo. Una Praefatio tua de opere præiudicat, plena prudentiæ, & decoræ gravitatis. Hæc ego amicus, sed non vt amicus: boni peritiqüe iudices omnes dicent, quos in hoc æuo optem tibi magis, quàm præstem. Quòd autem meum breuiter nomen inserueris, pluris aestimo, quàm si ab alio, & alibi diffusam laudem. Gratiam tamen an dicam, ambigo. si enim à iudicio tuo est, debuisti: si ab affectu, ego debeo. Vt cuimque, amo te amantem, etiam nec amantem, ea est tua Virtus. Louanij, postrid. Natalis Christiani, ∞. I CII.

E P I S T . L I I I . Coloniam.

GODEFRIDO HERTELIO S. D.

LITTERAE tuæ tardè in hi delatae, et si viç haud magno interuallo. Vide autem an non promptè respondeam, iamnunc vt eas legi. Amo enim vos tales, mi Herteli, bona & crebstâ indole, ad bona & recta euntes. Itaque & coram vel iuuare voce & lectionibus soleo, vel animo fauere certè, & monitione etiam, ubi locus, excitare. Idem

lit-

litteris, sed breuiter facio. Vidisti viam, quā ad Honorem & Virtutem eatur? insiste obsecro, nec prava aut plebeia iudicia diuertant: quæ nimis hodie ad vanitatem aut levitatem inclinant. Eadem ad superbiam & confidentiam: cui nullum fulcrum aut fulmentum, nisi ab inficiā est, & destinato optimorum contemptu. Quām te iuuabit grandiorem, & æui iudicijque maturiorem, solidiora hæc amplexum esse? fruges, non flores captasse tantū? Facere te hortor toto animo, & eodem anno: quod etiam hoc Testimonio, vti cupiebas, expressi. Louanij, v. Idus Ianuar. 15CIII.

QVI HAEC LEGETIS,
SALVTEM ET OFFICIA MEA DEFERO.

INTER exteros, qui in hac studiorum sede egerunt, GO DEFRIDVS HERTELIVS, gente Germanus, fuit, commendatus mihi ab Illi Vi-
ro Matthæo VVackhero, sed qui ipius se vītā &
moribus magis deinde commendauit. Vixit enim
hic circiter triennium modestè quod ad vitam,
industriè quod ad studia: & utrobique vel bo-
nam vel excitatam indolem ingeniumque ostendit. Iuris studia scopum habuit, adiumenta &
directionem etiam litteras: atque his causis ho-
norem inter consortes studiorum affercutus, Colle-
gio studiosorum Iuris præfuit Decani titulo or-
natus. Ab his initis ad altiora progressurum,
spes & votum nostrum est: fauor modo bono-
rum adiuuet. quem impetratum ei cupimus, at-
que utinam aliquid faciat gratia nostra! Rogamus, &
saluere vos iubemus, qui hæc legistis. Lou-
anij, vi. Idus Ianuar. anni 15CIII.

Iustus Lipsius, Professor, &
Historiographus Regius.

EPIST. LIV. Mediolanum.

ERYCIO PVTEANO suo.

VIDI, vidi Septalij nostri ad Aristote-
lem, ô gratum mihi & æstimatum
opus! Fateor amasse virum, in te & me amic-
um: sed nunc pernouisse, qualem prædi-
cabas. Fruere illo, me inuidente: cui hoc
mali fati est, non habere consortem studio-
rum aut sensuum meorum; & solitarium
pergere hanc viam. Stoïca Philosophia val-
dè nunc exercet, quam Senecæ illustrando
præmitto, & seorsim edo. Alio æuo bona
hæc fore, opinor aut scio: quid isto, quod
in dies magis (apud nos quidem) ab omni
Honesto abit, nescio: & periclitabor tamen,
I. LIPSI Operum Tom. II.

& Bona docebo atque ingera, et si non alio
quām conscientiæ huius fructu. Illūnum Bor-
romæum sic in me esse, intra me gaudeo, &
laudibus de illo tuis applaudo. Sed tu Ro-
main? excursus opinor causâ, nec mansio-
nem te cogitare. I & redi, ubi semper
meus. Louanij, xvi. Kal. Febr. 15CIII.
S. D. Audeiantius tuus.

EPIST. LV. Antuerpiam.

GEORGIO VWENO S. D.

PRAETER opinionē Antuerpiæ manes,
non præter animum meum, qui hoc
probat, & consilio statuisse parentem tuum
censet. Ætas tua iam maturescit, ingenium
adest; forma iudicium apud illum, quo me-
liorem directorem nec votis optes. Cùm
feceris, & in viâ rectâ fueris studij præser-
tim, cui manciparis, Legalis: age, ad nos re-
di, & reliquum illum cursum decurre, cum
tuo & reip. bono. Nam & hanc in oculis
tibi esse cupio, & ciuem te afflictæ Belgicæ
cogitare. Habes & in contubernio patris
cognatum Bylium, bonum adiutorem, &
honestis omnibus artibus iamdiu tinctum.
Ab hoc quoque hauri & disce: atque vt
possis, Modestiam retine (habere enim mihi
adhuc visus) nec opinio vlla te inflet, pe-
stis omnis profectus. Sicut in Iberiâ equas
à vento Fauonio concipere aiunt, sed eu-
nido fœtu: sic in istâ re fit, & qui ab Opini-
one blandiente grauidi, serium nihil pa-
riunt, tumidi tantum vtres. Audi me, &
ama. Louanij, xvi. Kal. Febr. 15CIII.

Ciceronem te non deponere, hortor, &
stilum interdum ad eum conformare. Pa-
renti scribere nūc prohibeor: breuî faciam.
Saluta hunc, & illam: atque vnâ Robianum
& Schottium, ex animo.

EPIST. LVI. Mediolanum.

LYDOVICO SEPTALIO V. C. S. D.

ONVS denique Septalium mihi no-
tum! ô virum in animo isto magnum,
& probum! ô mihi etiam amicum! Nam
hæc omnia Commentarij tui me docue-
runt, nunc denique inspecti, et si nondum
te mittente. Sed vidi, & inediufidius digna
omnia summo illo viro, cui lucem præfers,
& Philosophiæ simul ac Medicinæ, cuius
vtriusque multa pars & arcana in libris ijs
tractatur, & Septalio interprete egebat: id
est vtriusque illius perito, & Philologiæ

R. 2 simul:

simul: quam decorè & vtiliter his quoque iuisti intermixtum. Itaque eruditum & elegans simul opus est; & quisquis in hoc Senatu nostro talis est, iudicio meo *consciscet consentientque*. Maecte amice! & veteris Italæ gloriæ assere, & ostende magnas illas animas viuere in posteris etiam & spirare. Vtinam pluribus! & longa atque immota ista Pax vestra excitet ingenia ad optimas artes, non ad lasciviam aut vanitatem, quò eunt. Atquin & mihi partem laborum tuorum inscripsisti, & ea ipsa quæ de *Labore* erant. Gratum censes? ita, vt nullum munus suprà possit: & quid super immortalitatem sit? quam etsi à meis quoque scriptis sperare leuiter possim, fidentius iam cùm tua accedunt: tua, quæ *ere perenniora censeo*: & talis meus in te amor erit, debitus nunc, antea delatus, aut tuo certè relatus. Salve, & ita ego sum saluus. Louanij, xvi. Kal. Febr. 1503.

EPIST. LVII. *Lugd. Bat.*

CORNELIO VAN-DALIO S. D.

NVMQVAM ego te mi Van-dali, nisi in litteris istis vidi, & iam autumo nouisse. Quid? exteriorem te? minimè, sed ipsum te, id est interiorem animi faciem, ita me Deus, pulchrâ & Honesti illius amantem. Itaque iamnunc amo, & faueo: hortor etiam in optimâ viâ, quam inisti, recto & indefesso pede pergere, tuo bono, aliorum exemplo. Quidni exemplo? supra vulgum aliquid vos tales estis, quos Deus vt lumen prælucere voluit, & ingenij dotes has frui dedit: ne aliò vertite, nec insitas scintillas & **cavuquata* per neglectum suffocate. Scribis cogitare te aliquid in Agellium, & subsidium postulas. Illud laudo, & scriptorein ego habeo purissimæ latinitatis, & planè ad comœdiam antiquam: istud non abnuo, sed nunc differo, a valetudine & otio negatum. Illa tristis, hoc nullum est: perget tamen, nec differ. & quid Tiresiam etiam quæris, cùm Phœbum illic habeas? Adi, & consule: scio posse, imò & velle. Louanij, xv. Kal. Febr. 1503.

EPISTOLA LVIII.

ILL^{MO} ET EXCELL^{MO} PrinciPI CAROLO
Duci Croyo & Arschotano.

NON epistolam à te, sed thesaurum accepisse mihi visus sum (ex animo scribo) in tam effusa declaratione beniuolent-

tiæ tuæ, ô quo meo merito paratæ! Itaque ego illam inter reposita & cimelia habeo, atque habeo, quamdiu in humanis rebus ero. Gratitudinem referre me quî sperein, aut quî possim? nisi solo animo, quem tu magne Princeps non vinces; & si ille quod vult possit, beneficia tua profectò æquet. Nunc voluntatem in solutum defero, atque etiam ipsam rem, quanta ea ab ingenio aut stilo meo (hæ meæ opes & dotes sunt) manare vñquam potest. De republicâ vix aliud scribere licet, quia nihil in cā aliud. Languimus, medicina quæ solet: hostiles minæ & apparatus. In Embdanâ regione omnia illis prospera, & confectum pñne iam bellū. Propugnacula & arces, quæ Comes struxerat siue munierat, spatio trium septimanarum omnia expugnata: & ipse regione suâ exactus, ad Imperatorem iuissit dicitur, suppetias rogatum. In Hiberniâ pergunt Angli reliqua sibi subiçere, coloniâ etiam nouâ deductâ, & opido ad mare Hispánicum exstructo. In Galliâ turbat, vt aiunt, & coniurationes: atque illa nobilitas, nescio quo fato, videtur nunc ad res nouas & fidem exuendam prona. An is quoque inter fructus bellorum ciuilium est? Nostriseditiosi in suos aliquot sœuicunt, & atroci morte affecerunt, conuictos (vt aiunt) consiliorum cum Principe & occultæ pactionis. Leodici Princeps Elector exspectabatur, aut iam venit. Alia in publicis non habeo: in meis totus in Philosophiâ sum, sed in Stoicâ: & Senecam, vtillem vitæ magistrum, conor illustrare. Valerudo moram sœpè facit, per hiemein ferè mihi tristior: quæ vt benigna te, Ill^{me} & Excell^{me} Princeps, longum respiciat, intimum est meum votum. Louanij, xv. Kal. Febr. 1503.

EPIST. LIX. *Antwerpianam.*

IOANNI WOVERIO suo.

Deus benè. gratias grates agimus, pro salute præter opinionem quorumdam redditâ, etsi ex omnium voto. Meo, hoc scis. O quam timuimus! nec fatum mihi ab annis aut lustris tristius fuisset. Aino enim toto pectore te, quia Honesta amas, ad quæ à Naturâ videris mihi factus. Sequare illum in te Deum; nihil abripiat, quamcumque specie aut illico: fuge iudicia & vota communia, aut abducent ab illo & illis. Videte te & amplecti validè & calidè cupic-

cupiebam: sed tempore, atque etiam tibi impero quiescere, nec ante veris temporem te commouere. Ego ad Senecam aliquid molior, & *Manuductionis in Stoicam Philosophiam libros tres* præmitto. Item, *Physica Stoica libros tres*. Opus istis, aut totus Seneca seponendus. Quid sperem tamen his hominibus hæc me probaturum? paucis, & perpaucis: & hoc ideo, quia bona & non in pomparam erunt. Vanitatis nunc regnum. Tu vale magis magisque mi Woueri: & scribe ad responsurum; sed cum exceptione, Si vacabit. Scis quām sāpē, imò semper, distinear: & iuro tibi confici me; quōd confessus non sum, mirari. Louanij, xiv. Kalend. Febr. ∞ . I.CIII.

EPIST. LX. Bruxellam.

IOANNI SEVRIO S. D.

DIGNITATE te auctum ab optimo Principe, animo meo gratum est: & gratus, te nuntiante. Significas enim hoc ipso, censere te lætitiam conceptum ex eo à me iri: nec falleris, concepi. Mereri enim te arbitror, & posse ac velle patriæ prodere, & Principibus operam nauare. Certè mi Seuri dona à Naturâ, id est à Deo, habes: sed & probitatem obseruaui: illa exsere, & hanc adhibe; tuo & publico bono fiet. Legatum non volentem te dimittere, hoc opinor: atque vtinam ille optimus optimum aliquem, & tui similem, in locum possit surrogare. Multa requiruntur: & quædam etiam, quæ fortasse non opus requiri. sed præsens hic status rerum suspicione mouet, & circumspicere omnia cautè iubet. Quando autem abis? quandocumque, à me non abi, & animo semper, interdum & litteris iungamur. Sed & cum conforte aliquā tuā nunc iungere: quōdāt vocat, & certa nunc dignitas inuitat. Ipse bonus ciuis esto, & relinque qui post te sient. Ego philosophabar in his turbis nostris, aut & periculis: nam paullatim ad limatein hæc loca admoueri, non ignoras. Loca etiam per se parum tuta aut firma: quid refert, si Deus tutela nostra est? Ego ita confido, & vt tua sit, corde eum precor. Louanij, xiv. Kalendas Februar. ∞ . I.CIII.

EPIST. LXI. Leodicum.

IACOBO CARONDELETO (quod Deus approbat) recens *Præposito Leodicensi designato.*

MAGNUM equidem gaudium sensi, in dignitate quā recenter es auctus. Meritoris eam, aut aliā vel grandiore, virtutis & prudentiæ tuæ prærogatiuā: & tacito murmure fortuna à nobis accusabatur, quæ in comitijs suis alios anteferret. Nam voto etiam nostro, vt hoc nunc edam, in patro nostro solo exspectabar: & aliquid allaboreasse me scio, sed illâ cæcâ non fauente. Iam oculos aperuit, honorem tibi non dedit, sed soluit: quo vt diu frui vtriusq; Reipublicæ, sacræ & profanæ, bono possis, Reu^{de} & Generose Domine, intimum meum est votū. Deus audiat, & corā gratulari me aliquando, periculorum securum, sinat. Louanij, xi. Kal. Febr. ∞ . I.CIII.

EPIST. LXII. Louanij.

IO. VERGERIO AVRANO S. D.

ADES, ades cum istoc tuo impetu (ita scribis) & palam mihi ingere non honesti studium tuum solum, sed profectum. Bonâ fide, epistola tua istum præfert, & simul ingenij tui acumen, & à cælo aliquem ignem: quem fateor me amare in iuventute, & vt signum, imò vt sponsorem optimi animi habere. Hunc excolamus, mi Vergeri. primū illis sapientiæ diuinæ studijs; deinde & ornamenti siue adiumentis, quæ huic omnis antiquitas admouit. Subit me delectatio Gr̄cos illos veteres Latinosque legentein, pietatis nostræ assertores aut propagatores: subit interdum (dicendum est) & miseratio, cùm video non pari splendore aut dignitate tractari. Age, tu & quibus Deus benignius fuit, excitamini, & iungite per imbecillitatem aut impeditiam disiuncta. Sed ad tuam rem, & scriptiōnem. Consulis me de epistolâ ad Antistitem vestrum. Dicam? bona & arguta est, & tale ingenium tuum ubique præfert: hoc industria tua addet, vt colorem & phrasim priscæ eloquentiæ magis ducas. Natura ubitalis, non ambige velle ui opera de successu. modicā, inquam, conformazione opus, & velut Mercurio, qui digitum in viam intendat. Alij laborent, & imitentur: tu cum Pindaro scito, * $\pi\delta\varphi\alpha\pi\tau\iota\sigma\tau\alpha\pi\tau\alpha$. Ad solum Tullium te vocant: vo- cent, nec me volente audies; quia Genius ∞ . I.CIII.

aliò trahit. Sicut in humano genere vultus multiformes, & alius aliter pulchet aut decorus est: sic in eloquentiâ scito, nec omni industriâ pariabunt. Lenis aut mitis aliquorum oratio erit, & vt stagnum; aliorum, flu men referet; quorum dâ, torrentem. Vis, vno verbo? ignem, aërem, aquam, terram in stilo reperies: vt aliquid horum regimen in corpore & mixtione istâ tenet. Hoc fateor, & suadeo, connitendû esse ad optimâ, & arte ac ductu quodâ adhibito: sed non vt vis Naturæ adferatur, & ne fiat, vt veteri prouerbio monemur, *inuitâ aliquid Mineruâ.* Vbi sola imitatio est, & huic adhæremus: quid fit? persona scænica. & vt quidam magnorum yîorû habitum, atque incessum, aut gestus imitantur, cetera & interna dispa res; sic dictiunculas aut clausulas aliquas Tullij, si forte, referimus, ad vim & Ven rem eius non adspiramus. Itaq; audi magis hæc, et si magnorû virorum monita, quâm ausulta: ætas tibi dicet, vera me dixisse. Tu interea age, quod cœpisti, & cælesti isto li quore perfusus, ad aquas etiam Heliconias accede; sed ignem tamen tuū retine, à cælo, à cælo infusum. Scintillam etiam eius in affectum mei exsere: ego souebo & augebo in Amicitiæ legitimæ flammam. In Musæo nostro, vii. Idus Martias, ∞ . I^oCIII.

E P I S T O L A L X I I I .

ILL^{MO} ET EXCELL^{MO} Principi CAROLO
Duci Croyo ∞ Arschotano.

HEVRIA tua (quæ antiquorum Heuer lea est) venit ad Te ILLVSTRISSIME PRINCEPS, politâ manu desculpta: & qual em aut opere, aut mente, iam deformati. O visendam HEVRIAM, & dignam exteris in imagine & adumbratione etiâ ostendi! Factum est tuis auspicijs: prodit & se promit: sed Tuis primùm oculis, vti par est, se exhibet, versu aliquo nostro obiter insignita. Neque istæ curæ Te nunc dedecent: qui ante octodecim annos, bello & militiâ, RE GI PRINCIPIBVS QVE fortem felicemque operam nauasti: & fidem in illos, caritatem in patriam, pietatem in Deum affatim ostendisti. Honestum igitur otium si exerces, quid mirum est? Neque tamen, nostro vo to, diu exerceas: iterumque Patriæ subueni, heu, laboranti & imploranti. Deus illam respiciat, PRINCIPIBVS TIBI QVE inspi ret bona consilia, simul & facta. Louanij, ix. Kal. Mart. ∞ . I^oCIII.

MOESTA ô BELGICA nostra tolle vultus,
Tolle, ∞ lumine lætiore lustra
Magni PRINCIPIS hoc opus; sacratum
MVSIS & VENERI, ∞ venuſtiorum
Quidquid est hominum. superba gaude
His adaucta Palatiis, ∞ Hortis,
Hisce Fontibus, hisce ∞ Arboretis,
Xystis, Limitibusque, ∞ Ambulacris.
O dispar facies vetustiori!
Antè scabra loca hæc, ∞ absque cultu
Horrida, ardua, iniqua, sabulosa:
Nunc quâm splendida, quâm polita rident!
Ades GRAECIA tu vetus, vetusque
Ades ROMA: mea ecce BELGICA audet
Se conferre. ∞ an ausit anteferre?

E P I S T . LXIV. *Panormum Sicilie.*GOMESIO DE AMESCVA I^o S. D.

Ego ad tales litteras, & à tali, fileam? diffe ram, aut contemnâ? O vel cogitationem in me injuriā! & vide quâm hoc factum. Binas tuas, id est, priores ante annū & sesqui datas, alteras ante menses octo, nunc denique accepi, nunc, horulâ antequam ista ipsa scribo. Rem dico. in mensâ eram, tuæ dan tur, lego, allubesco, manum à cibo ad cala mum transfero: est hoc cessare, aut adspernari? Talem dignitatem non debeo, tale ingenium non possum: quod vel vtrauis epistola satis mihi ostendat. Sed in priore affec tum tuum promis, & laudes meas tangis: illum toto pectoris ostio admitto, has semi clauso, & vt amicę proculos illos solent. Ve lim agnoscere, conscientia mea reiçit, nec nisi conatu talem adfirmat. At tu non quæ edidi solùm amas, sed in futura etiâ immi nes, & aues quæ peperi, & quæ parturio, sci re. De illis, Epistole meæ vltimæ dicent, qua rum Centurias quinque pronuper dedi: in ijs vnâ, quæ de Vitâ meâ est, & Scriptis. Si tanti est, vide. Postremum hoc meum opus; men tor: successit opella, *De Bibliothecis*, & Dis punctio in Italum quemdam, qui proteruè incurrerat, comiter aut & coinicè à me reie catus. Non sum pugnax, ipsa Pacis proles: sed cadere debebam, nisi leui manu petul cum hunc arietem reiecisse. De edendis autem, nunc cùm maximè in manibüs ha bebam *L. Anneum Senecam vestrum*: quidni vestrum? origine, ingenio, eloquio Hispanum

num aut Hispaniensem, & certè æternum tractus illius decus. Hunc audè & iucundè illustrabam, breui Commentario: sed & scorsim *Philosophiam Stoicam*; quâ tenebrosâ, frustrâ facem alluxerim illi. Iuuabat, inquam, hoc opus, quia sapientiam animo, non scientiam solum, infundebat: & mores cum ingenio & lingua pariter formabat. Si viuo tres quattuor menses & valeo, ibit in lucem. *Monita & Exempla Politica* affecta etiam habebam: de *Institutione Juuentutis* libellos tres: *Admiranda Iudaica, Aegyptiaca, Iberica, Gallica*: tum *Historiarum compendium*, si Deus dabit. Nam nos quidem *Tollimus ingentes animos, & maxima paruo Tempore molimur:*

sed ille stat vîte laborumque arbiter, & producit, aut incidit. Ecce ad priorē epistolam habes: estne aliud? etiam, caput scriptoris, sic serio amantem serio me redimare. Louanij, xvi. Kal. April. 1533.

EPIST. LXV. *Madritum.*

BART. LEONARDO ARGENSOLAE S.P.D.

CERTE frater Lupercij es, & quidem germanus. Quam vel in amore mei conspiras? nam de laudibus, omissis: quas dictare iste potuit, debet pudor meus adspernari. Sed amore talibus ingenijs non ego reddam? facio, & tam ex fide, quam Virtutem & Doctrinam amo: cuius utriusque vos veros alumnos in animo laudo & agnosco. O Hispania vestra stirpes has plures proferat! de quâ tu verissime, sentire eam longæ Pacis mala, Luxum, Cupidinem, & quæ sunt aliae virilium animorum pestes. Dicam tibi liberè meum sensum? sed * οὐδὲν δέξαται πάθον, scio. Nouus orbis vietus vos vicit, & insitū antiquitus robur libauit, aut fregit. Numquam aliis fructus mollium diuinarum fuit: vide omne æuum, & dices. Nosipsi Belgæ quid nisi poenas iamdiu luimus aucti luxus? & lueimus: ita astra etiam minantur. Et opes quidem abiuere à nobis, vitia manent: fastus, lasciuia, & extreum malorum Impietas, quæ Belgas à Belgis diuellit. Nam nos, meo hoc tractu, in religione quidem antiquamus: vtinam cetera sic puri! Ac de studijs optimarum artium, ante annos aut lustra aliquid fuit: nunc scito, * πάτερ τοῦ θεοῦ γέλωντι & παύσις εἰ. Possunt aliter per continua & infasta hæc bella? quæ atterunt, non finiunt: nec licet optantibus vel se-

mcl perire. Benignior Deus aspiciat, — qui solus opem, qui summa medendi Iura tenet: & idem me nunc ægrum sospitet, te valentem mi Argensola seruet. Louanij, xv. Kal. April. 1533.

EPIST. LXVI. *Veronam.*

ANDREAE CHIOCCO V. C.

& Doctori Medico S. M. D.

AMO te de hac vnâ & primâ tuâ scriptione, anno mi Chiocce. Quid ita? quia optimum & interiorem tuum animum mihi ostendit; non mei & doctrinæ tantum, sed, quod caput, Virtutis & Sapientiæ amantem. O bona & recta tua in hanc rem iudicia! ô meritas inclinationes in variis istos litteriones!

* Οἴα τη πόλες

Bόσχι γαῖα μέλανα πολυπερέας ἀνθρώπους.

* eniūsmo-

di plures

Nutrit ter-

ra bac ni-

gra impo-

stores &

agyras.

* beatus.

Ego, bono Deo duce (hac parte * εὐθείαν) ab adolescentia spreui falsam hanc lucem: ad solida iui & scriptis meis miscui, quatenus occasio aut argumentum fuit. Parabam magis facere, & totus in Stoicā Philosophiā illustrandā, & ab inferis adeò reuocandā, eram, ad Senecæ mei lucem: sed Deus intercessit, & signum (nisi fallor) discessus clarum mihi misit. Sum quinque iam septimanas non in solito illo & veteri languore, sed in pectoris morbo: qui attetit, tabefacit, & vitæ hanc lampada, itemque labrum, alijs tradere impellit.

*Linguenda tellus, & domus, & placens**Musa:*

neque inuitus faciam, nullâ in parte magis Philosophus, quam in meditatione hac mortis. Ede illa ipsa, quæ iam affecta, inquies. Ita & alij amici increpant. sed mihi sedet Virgili consilium, felicius patrandum, nihil edi, nisi à viuo me, & manu meâ missum, ac perfectum. Ignis edat, quidquid ego non edam. Itaque multa sub terram feram; eruenda alijs aut tenebris obruenda, non refert: non vixi infructuosus aut inglorius: & Sapientia & Virtus viuet,

* *Ipsa suis pollens opibus, nihil indiga nostri.*
Ecce de meo sensu. addam de amore in te nouello, sed serio & acri: paucos me è scriptis meliores simul & doctiores agnouisse. Itaque amo, amo. Fas mihi sit, & vitam & valetudinem sub tali Imperatore (agnoscis Medicinæ veteris vocem) agere ac moderari: libens velim, & vel in manibus ac sinu tuo mori. Plura non possum, serio æger.

R 4

Me-

• *mater
miserorum
sensum.*• *buc om-
nia in loco
aut ludic-
rio esse.*

Memoriam mei tibi commendo, & fiduciā amoris quem tuo p̄festo. Louanij, xvi. Kal. Maijas, &. I.CIII.

EPIST. LXVII. *Lugd. Bat.*
DOMINICO BAVDIO S. D.

S^vAVE simul & triste mihi fuit tuas legēre. Suaue, ab affectu in me veteri & fido, & quem sine fidei hercules iniuriā non mutes. Nam & ego firmiter & fortiter te amo. Triste autem, ob casus aut fraudes quibus iactaris: neque nunc in portu aliquo anchoram iecisti. Onostri Bataui, quid agitis? reuelate oculos, & noscite & admittite, alter aduocandum. Indignor, & * dñs^m ma^m cum Homero, cūm ista ingenia & artes neglegi aut contemni video, quæ omnibus infulis erant exornanda. Quò imus: ad veterem squallorem & tenebras: atque vtinam augur fallam. Eò minus triste mihi, abire & abiungi: quod morbus nunc cūm maximè minabatur. Morbus nescio quis * a^m dñs^m G^m,

* ardor m^b
bi peccus

* Qui lue
tabifca
minuit vi-
res ant-
mumq^m.

Tineedōri συγερή μελέαν ἔξειλητο θύμόν.
Sed Deus ille, auctor mei, videbit: & alterā sententiam, utramcumque me volente, feret. Adolescentem probi oris & ingenij, tinctum optimis artibus, Corn. Vandaliū, libens vidi, & amare non solūm fauere cœpi. Crescent istæ stirpis felicium arborum, vtinā feliciore æuo! Vale mi Baudi. Louanij, postr. Non. Maijas, &. I.CIII.

EPIST. LXVIII. *Ipras.*
IRMIAE PIERSSENÆO Ist S. D.

LITTERAE tuæ mihi pergratæ, & magis Carmina, quæ ingenij tui & affectus in me (iste etiam elucet) monumentum publicasti. Sed & priuato versu me compellasti: ita me Musæ, ad illarum Genium facto, & quod in ipso morbo (is me nunc menes duos habet) leuamen fuit legisse. Ah mi Pierssenæe, quām alieno à Musis æuo Musæ a hæc pangis! quā pauci, non dicā amant, æstimant, sed vel simulant æstimare! Trahunt pedibus hæc talia, & vel simias pluris, quām litteratos censem Senecæ dictum vanitatis arguitur: *Numquam ita in virtutes coniuratū iri, vt non Philosophie nomen sacrum & venerabile sit: ridetur.* Ego iam pridem hæc scio, & ideo tolero, vt solemus vetera & familiaria iam mala. Quid Deus Europæ nostræ destinet, nescio: vtinam ne Honestum à nobis auferat, & litteras do-

ctores eius aut præcones. Quæ fama sine ijs est: & sequitur, *Contemptu fame, contemni virtutes.* Sed de æuo frustrâ querar: fatali hæc lege eunt: te magis hortor, animo stare, & rectum clavum tenere, vel Neptuno insaniante. Constanter ego facio, nec iudicia hæc aliquid in me mutant, nisi fortasse scribendi edendique libidinem: quorsum enim ista imperitis, aut ingratis? Neque tu solus oleum & operam perdidisti in nuncupatione: alij pariter, nisi si qui sint ingenio & ore ferreo ad exprimendum. Age, exsurge, ad meliorem tui partem vertere: atque illa te à terrenis & vilibus ad cælum ducet. Vale mi Pierssenæe. Louanij, xi. Kal. Iunias, &. I.CIII. cūm tuas vidi.

EPISTOLA LXIX.
HENRICO VWENO S. D.

DOLVI discessisse nuper, cūm ipse aduenisse. Scis (sine blanditiâ) quām amore & sermone tuo delector: in quo isto, & suave semper aliquid & prudens, & probum etiam ac Virtuti amicum. Mi Vwene, hoc caput est. hanc nisi amamus & colimus, malo fato venimus in hanc vitam, cum pœnitentiā aut pœnâ finiendā. Sed heus, an non ego breuī finiam? rescribo enim omnia, quæ ad Robianum nostrum optatiora vobis scripseram: vt Luna hic morbus est, imò plus aliquid quām illa, nec in septimanas, sed in dies atque horas mutat. Hoc biduum pessimè habui, nec voto, sed opinione tamen, propono mihi meum finem. Melancholia est, inquies. Sapientia est, & nihil melius quām crebrâ tali meditatione ducere animum ad contemptionem animæ. Multi necessitate aut impetu ad eam alacres venerunt. Nihil est, non nisi ex iudicio & ratione certa illa tranquillitas oritur, ad quam me compono. A libris abstineo, vix has litterulas tales scribo. Vale mi amice. Louanij, postrid. Kal. Iunias, &. I.CIII.

EPISTOLA LXX.
FRANCISCO SWEERTIO S. D.

VNA cum tuis iniunctas è Germaniâ accepi, à nouo aliquo amatore: cui nunc tamen non respondeo, & vt pueræ, procanti paullum me subduco. Valetudo nunc non est his talibus, varia, & anceps, an & præceps etiam dicam? Interdum cadere mihi, & ire palam ad finem videor: interdum exoriri & melius habere. Leviter fero. quis enim queri potest, se in ea conditione esse, in quā nemo

nemo non est? Homo natus sum; & ex quo natus sum, ducor ad mortem. Triste hoc cogitare, inquies. Non mihi. & quid si non cogitem? eò minus ducar? Sicut qui in nauis sunt, dormientes ac vigilantes vehuntur, cum sensu, sine sensu: sic nos eò prouehimur, & aliquando abripimur aut mergimur, velut tempestate. Philosophiae satis est. ad Gruterum si scribis, de valetudine insperge, & amicam salutem adde. Viringo quæ dicta voluisti, factum. Tu me ama; & si quid scitu dignum habebis, fac consortem. Louanij, iv. Nonas Iunias, 1533.

EPIST. LXXI. *Leodicum.*

CAROLO BILLE'O, Equiti, & Sermo
Electori à Consiliis interioribus.

DOLORREM, qui animum tuum percutit, modestus ipse animi audiui: & quamquam amici non desint, quos plures virtus tua & fortuna habet, qui verbis aut litteris solentur; tamen & ego venire in partem volorum, & officium meum vel superuacuum offerre. Atque utinam superuacuum! utinam ad animum iam compositum verba faciam! quod etsi à prudentia tua sperarem, vix ab affectu, quo illam consortem vitæ & thori merito es prosecutus. Optima fuit, suauissima fuit, fœcunda mater, sedula liberorum & domus tuæ curator & custos. Quidni in amissâ doleas, & talem, nutrix quam habiturus, desideres? Permittit etiam Sapientia aliquam hanc confusionem & dolorem: sed aliquam frænat enim mox, & ad rationem reducit, & in eâ tranquillum pacatumque sistit. Quid enim diu aut immodicè lugeamus, quod non posse, sed debere euenire, praesciuimus? Nam mortalis erat: neque amnis aut perennis aliquis fons, sed torrens, qui impetu currit, & decurrit. Verissima imago est: vide hanc vitam. Collectu humorum aliquo nascimur, raptrum cum quo labimur: & alij breuius, longiusque progressi, finimus. Atqui triste illud finire. Triste, si verè tale esset: nunc mutamur magis, quam desinimus, immo nos Christiani, diuinâ clementiam, in meliorem sortem imus. Quis æs aut metallum perire dixerit, cum liquefcit & statua ex eo fundatur? Non perit, sed honestatur: & idem in nobis, qui ex informibus & infirmis in splendidam illam imaginem Dei transimus. Itaque abeat dolor: immo lætitia (det mihi veniam affectus tuus) succedat, ipso affectu eò

ducente. Nempe amasti illā, &amas? quidni optimè igitur illi esse velis, inter beatas æternasque mentes? Nec tamen tota à te abiit: respice liberos, quos numero tibi, & ex utroque sexu, reliquit. Habes grandiores, è quibus fulcra & nepotes iam spores: habes minores, è quibus solatia & gaudia, cottidiano occursu & sermone, captes. Hoste: tori insere, ori interdū admoue: & in istis viuere illam, & te affari, non falso crede. Sed à domo etiam tuâ, ad rem publicam, cui natus & destinatus es, redi. Illa altera tua vxor est, huic iungeris, nec à curâ eius potes auelli. Hanc amplectere; & magnis illis cogitationibus, affectuum scintillas preme, siquæ exurgent. Cogita & Principem, tui amantissimum, & tui profectò egenter: vince dolorem ut huius vaces, & magnitudinem animi indue sublimi viro dignam. In theatro positus es, coniuncti in te oculi: sustine personâ, nec defice circa extremum hunc velut actum. Quid enim tibi blander? ut diutissimè viuas (& ita voueo) tamen pauca lustra supersunt, & sequeris illam præmissam. Ecce, Amplissime & Nobilissime Domine, haud magnam, sed à magno affectu epistolâ: quem in te & tuos constanter seruabo, quamdiu Deus in terris me seruat. Vale, & illo ipso faciente, firmare: quod pectori eum rogo. Louanij, vi. Idus Iunias, 1533.

EPIST. LXXII. *Insulas.*

JOANNI SEYRIO, *Graphiaro in Senatu rationum Insulensi, S. D.*

TITULVM hunc tibi antea gratulatus sum, nunc rem & possessionem. Fallor enim, aut illic agis: debes meo iudicio; & hoc quoque (verbo olim monitum) consortem assuovere, rei & domus tuæ curatorem. Quid in istâ ætate differs? Ea labitur, vita labitur: & sæpè post moram poenitentia succedit, & indignatio. Quare non feci? Fruere annis, ô fugacibus! & ego iam & olim sensi; iam maximè, qui multos egi, & præter me minimis quid seruavi? Aliquid in publicum laboravi fortasse: sed annorum nota, non ipsi existant: neque hæc omnia mihi in magno, qui abiens video, NEC TANTI HUMANA esse. Epitaphia hæc mea inscriptio erit, si Deus & amici volent: ego iussi quidem, nec Timonis aliquo animo, sed Zenonis. Heus, inquies: etiam nunc de Epitaphio? non conualuisse te audimus? Audistifortasse, & ego tale aliquid nun-

nuntiem: sed quām infirma hæc firma nostra sint, quām labi nos in ipso statu facilis, nimis sum expertus. Blandiens ventus non me induceret, quin tempestatem & nimbum mox exspecte. Extra Philosophiam, & communis lingua: meliusculè, sed ambi-
guè valeo; & dies, imò horæ pænè, alter-
nant. Tu vt animo in primis, deinde & cor-
pore valeas, illo me ames vñà cum Rema-
clo nostro viro optimo, meum est votum.
Louanij, III. Idus Iunias, 10. I.C.III.

E P I S T . L X X I I . Bruxellam.

FERDINANDO DE SALINAS,
Consiliario Senatus Principum.

A BEVNTEM Riuum nostrum, veterri-
mum è meis discipulis, & addam feli-
cissimi inter eos ingenij & profectus, elo-
gio an testimonio apud te prosequi, animus
adgit magis, quām res exigit. Quid enim
apud te opus, qui nosti? qui notum amasti?
qui amatum re & beneficentiā iuuisti? Nec
enim me celavit, aut debuit, quā liberalita-
te nuper cum affeceris, & ad culmen illud
honoris euexeris, quod tibi meritò inscri-
bet. Laudandum te vndique. quī optimas
artes ipse colis, cultores alios subleuas, &
instar Dei illius, bonus ipse bonos optas,
imò facis. Opportunè in hoc anno, quod
talia calcat aut præterit: opportunè in isto
eius (Riuum dico) articulo, qui in viâ & sa-
lebrâ hærebat, nisi à te eductus. O fac por-
rò! Vt enim fruges non bonitas soli tantum
gignit, sed cæli Solisque fotus & temperies
educit atque elicit: sic ingenia & artes, non
à Naturæ tantum velut solo alenda, sed ve-
strâ procerum benignitate, & velut cælesti
aurâ, fouenda atque attollenda sunt. Certè
iste noster per aspera adhuc iactatus, viam
non deseruit: spero mitior sors ridebit, &
Comici illud expetet,

*Fortiter malum qui patitur, idem post poti-
tur bonum.*

Hocego amico meo opto, & te Nobilis ac
Clar^{me} Domine, in virtute tuâ, & comite
eius dignitate, diu viuere & vigere. Loua-
nij, prid. Idus Iunias, 10. I.C.III.

E P I S T . L X X I V . Romam.

Io. BAPTISTÆ BARONIO suo.

VI X posui tuas, & respondeo. Amor in
te meus fecit, ille perpetuus (ne ambi-
ge) & paternus. Sed ego ipse quām pænissi-
mè nuper defeci? steti in extremâ Salutis

lineâ, pedem reduxi, & iterum valere vi-
deor, sed languori etiam vicinus. Fragile
vasculum sum, vt rem dicam, & fractum
audietis, priusquam frangi. Tu autem Ro-
mæ? Neapolim isse te tuæ, an Richardoti,
mihi significarunt. Sed & mansionis de-
cretum profers, non pro tuorum h̄c arbi-
trio, vt nuper coram Antuerpiæ audiū. Ego
quidem haud dissentio, & facile æstatem
hanc tibi donem, sub Autumnum suadeam
redire. Non Roma, non Romanus aliquis
(Romanam fugio dicere) vlt̄a tenēat: &
cūm manes, apud te etiam māne: nec laxa
nimis aut diffunde. Vt vinum vigorem &
florem seruat, sed clausum, apertum exha-
lat: si tibi fiet, virtus apud secretum mane-
bit, vanescet si vulgaris. Paucis & bonis
assuesce, atque ijs notis: cetera liber esto,
& præsertim in spectionibus illis antiquis.
O suavies, ô utiles! mihi si liceret, fructuū
capiam quēm non cepi. De Ill^{mo} Baro-
nio, gaudeo sic in me esse: cūm scribam
ad eum (sed materies exspectanda est) per
te fieri, atque aliquid etiam de te inspergam.
Publica h̄c, vt semper ambigua, turbida:
voluntas in Britanniâ noui Regis pariter
anceps, recta, & partes nostræ sibi, & nos
vindicamus. Quies & pax his regni auspi-
cijs conuenit: seruaturum puto, saltem tem-
porariam: ego affectum in te, mi Baroni,
æternum. Vale. Louanij, Kal. ipsis Quintiliis, 10. I.C.III.

E P I S T . L X X V . Gandauum.

MAXAEMILIANO VRIENDTIO.

IIBROS Carminum tuorum diutile an-
te litteras accepi, quas adiunctas tamen
fuisse suspicor, missui illi condimentum.
Etsi quo condimento opus eiusmodi bella-
rijs? quæ, mihi crede Vriendti, veterem
Græciam ac Latium sapiunt, ô suavia men-
tibus, quæ melioris doctrinæ gustum ac
sensum habent. Illæ quidem hæc tua

Iurent Albano Musas in monte locutas.

Alia iudicia assis ne æstima; quæ quid sint
Veneres aut Charites nesciunt, & quidquid
ad Monetam non facit absunt laudare. Nos
& dilecta ingenia oblectasti, Belgarum
gloriæ addidisti:

— *sume superbiam*

Quæ sitam meritis:

imò non sume, & in Modestia finibus siste.
quia si vlla dona à Deo, ista ingenij, & ma-
ximè vaticinij sunt: illi adscribamus, &

Qui dedit hæc hodie, cras si volet auferet.

Vt

Vt nō ille palām, ætas occultè faciet, & cūm in annis grauis eris, lentinudo & frigus aderit, nec felix stili iste calor. At in me amando maneat nec vel æuum refrigeret, meo quidem voto imò & exemplo. Louanij, iii. Non. Quintil. ∞. I.C.III.

videbimus: & quando ipsum te, mi Tregiane? cui gratias ago deboque pro narrationi culâ facti admirandi: admirandi, sed & per me in loco ad posteros (meretur enim) propagandi. Vale: & longior eram, nisi auocarer. Louanij, Kal. Sextil. ∞. I.C.III.

EPIST. LXXVI. Bruxellam.

FRANCISCO TREGIANO, BRITANNO V.N.

LITTERÆ tuæ, mihi pergratæ, et si grata & non grata quædam dicunt. Illud displicet, in Aulâ te hæcere, vbi vada & Syrtes, an & Circe aliqua etiam occurrit? Nec vna, vt fateris: & vides & tides ineptias, qui à vitreâ illâ Deâ alliciuntur, tanguntur, & quid nisi in pecudes, si non feras, mutantur? Amadim suum, & tales scriptores legunt, loquuntur, cogitant: id est * φλυαεῖς inepias. & non gratas, an & * φλεδονίς meras, an & * ὀλέθρευτος λα & peccatis. animorum dicam? Arque hic est * ὄλβος, * felicitas. quem illi putant,

— Kai χάεις ζω —
Θάλμος, αἰδηλεῖ
Θ' αἴμα μὲν φόρμυγι, φαμφώ —
ναροί τ' εὐ ἔπειται αὐλάν.

A me abeant, à te etiam, quæso — * A' χαῖς θεοί, εκεῖτ' A' χαῖοι. Fateor varia studia finesque esse, & cum Thebano vate,

* Μία δ' εχ αἴπατας ἀμφε Θρέψι
μελέτα:

& fateor etiam, optimæ Sapientiæ studium rarum esse: sed tamen ad hoc te voco: ego, an altius ingenium iamdiu tuum? Certè Deus tale dedit: cui si cultus, vt cœpit, accedit, & cursus per viam rectam: quid non sublime & * θαυμαστὸν de te spondeamus? Scripta, quæ vidi, afferunt: & hæc facient, quæ videnda iam misisti. De Republicâ nostrâ quæ nuntias, spem quæcum rem bonâ habent. Sed ista * βερδύτης nostra, quâ sollemniter iam utimur, quid in bello præsertim magnum pariat? Scio nec * περπέτης optabilem aut laudabilem esse: sed tamen maturitatem & quæ Delfinum ancoræ suæ iungat. Fabium in defensione non abnuam; in aggressu Achillem, Alexandrum, Cesarem præoptem.

In vestrâ autem * νάσῳ πολυμάλῳ, quid nouus * σκηπτρός χρονίζει? vtrum * ὁδὸς ὄρθευς ή δίκης καὶ ἀληθεῖς εὐδίσει, ή τις σκολιὰς ή πάτης; Sub initia ægrè diiudices, vbi multa temporibus & hominibus danda, contra animi etiam sensum. Legatum nostrum comiter & (pro more gentis vestræ) splendide acceptum audio: cetera modò respondeant. quod breui

EPIST. LXXVII. Romam.

IOANNI HEMELARIO suo.

Hævs tu, semper te atno, sæpè cogito, ratò scribo: & omnia caussas suas habent. Amor ab amore tuo est, & ab indole optimâ, quam semper in te vidi, & magis exultam, & virtuti assertam, magis amio, cogitatio ab eodem; scriptiorarior ab occupatiunculis, itemque à valetudine, ita me Deus, tenui & negotijs non subsistente. Otiū & quietem flagitat, non solum poscit. Vnius te monui olim, & moneo: in hac ætate vigente & floridâ, plusculū animi & fiducia suime: & te atque alios item noris: te, qui sis; qui non sint, illos. Neque ad elationem voco, quam odi portis inferni deterius, cum Homero hoc dicam: sed ad animi iustum mediumq, tenorem, in quo virtus. Rubenium meum vides? modestia ipsa est: animum? scit cælesti aliiquid se esse, & lucere debere, atque eò contendit. Hominem te Deus fecit, nec ex istâ ingeniorum plebe: cur ordinem descas, & subsellia potius quâ sellam curulem eas insessum? Non meo voto aut iudicio facies: erige te, & pietate volente, sidus in hoc mundo esto. Genus vitæ elegisse Sacrum scribis. Semper te eò destinavi, & gaudeo spem meam affirmasse. Ego alta cogito, alta: id est cælum, quò me languores perpetui isti ducunt, non eniim trahunt. At tu valetudinem integratam gratularis. Falsus es. non est quæ fuit, neque erit: sed vivimus tamen, & metæ vicini non tam reduxi mus, quæcum frænauimus præcipite gradum. Abire etiam non metus aut mora est: à prauis, à turbidis. & Deus ferreo sæculo me inclusit, & quod iniutus metallum non spoudet. Publica eunt, vti consilia sunt: nam Fata iniuste accusemus. Vale mi optime Hemelari, & amande semper ama. Louanij, xiiii. Kal. Septembr. ∞. I.C.III.

EPIST. LXXVIII. Perusium.

M. ANTONIO BONCIARIO S. D.

LITTERAS tuas, amorem & elegantiam spirantes, accepi, & animo caras fuisse, libens profiteor ac testor. Nam amari à nobis

nobis Italiā, quis nescit? & viros certè, si qui in cā, vetere & nuperā etiam illā Italiā, exhibent se dignos. Tu ille es mi Bonciati. quod epistola tua mihi dicit, vna nec diffusa, fateor: sed vt Colossi magnitudo vel in breui sigillo se ostendit; sic ingenium & doctrina etiam in tenui & extemporaneo scripto. Itaque & ab hac caussā te amo: quid cūm Benicum meum, qui heu fuit, velut auspicem amicitiæ adhibes: quomodo non vltro me in vincula ista donem? Facio serio: hoc præfatus tantū, amare me iuxta tecum, aut suprà, posse: paria officijs aut scriptionibus vix posse. quia & sæpè ita disstringor, vt non liceat, & langueo etiam, vt non libeat hæc usurpare. At, vt dixi, amabo, & id iudicio: certiore illo, quām tu in laudes meas iuisti, quas inerrare auribus meis patior, sed non in longū, notitiā mei reuocante & abniente. Sicut tamen Stratocles, opinor, olim Atheniensibus cūm res prosperas nuntiasset falsò: increpātibus deinde dixit, Quid enim mali si meā operā biduum lætiōres egistis? tale aliquid mihi euenire fateor, & breui lætitia perfundi elogiorum talium, sed breui, & perfundi. Ego nunc totus in Stoicis & Senecā eram, post ancipitem sanè morbum: & breui illa videbitis, si mea Parca menses etiam aliquot parcit. Tu vale, Vir inter paucos mihi deinceps amande, atque æstimande. Louanij, xii. Kal. Septemb. ∞. Iōcīii. statim à tuis litteris acceptis.

E P I S T . L X X I X . Neapolim.
IVLIO CAESARI CARACCIOLI S. D.

LLME DOMINE, Litteras tuas accepi, & generosam indolem, & beniuolentiam in me spirantes. Gauisus suu. nam animum meū serio afficit, cūm vos ē stirpe nobili & altâ, dignos cā video, & non incumbentes maiorum famæ tantū, sed à se tradere & propagare eam aptos. Fatemur sanè, vt à radice & stirpe bonâ fructus tales, sic à nobili semine germina talia exspectanda esse: sed quantò optabilius spectare, quām exspectare? In te ego video, qui iam olim optimis artibus, & quæ ad Honorem & Virtutem ducent, imbutus, perseueras easdem colere, atque eos etiā amare & æstimare qui colunt. Hęc res metibi conciliauit, & locis dissilitum coniunxit; affectu quidem. nam vt corporibus, non datur, non dabitur, vt mea quidem valetudo est, haud facta ad peregrinandum, imò nec ad diurnandum. Annis graves non sumus, sed laboribus fessi aut fracti

sumus: & respicimus exitum, vt ij solent, qui in custodiā molestiore tenentur. Nil circa nos, nisi bella & turbæ: & inter disperas agimus, quod liberè & verè apud te profitemur. Scripsi iam nunc ad ANNAEVM SENECAM, & Stoicam totam Philosophiā libauī: eo certè fructu, vt mihi robur impresserim, dū alijs idem paro. Sicut in nauī qui transfert & vehit, idem vehitur: sic mihi factum in Scriptore, quem natum seruatum quæ censeo bono generis humani. Vale Ilustriss. Domine, & Honesta ac me ama. Louanij, Nonis Septemb. ∞. Iōcīii.

E P I S T . L X X X . Bruxellam.

PETRO PANTINO V. R.

R EDITVM ego & salute in ex animo tibi gratulor, belli & morbi periculis euoluto. Vtinam de patriā sic loqui liceat! quid loqui? vtinam sperare! Sed heu, vndique * ἀναχαιτία, cō tristiora, quia caussam ^a θυσίας ^{Infor-}
επλιαν ^b αβενίας, habent. Illa ^a Mala
nuper ad Hoochstratam, quām ^c εποίησε? ^b Nulla
ista ad Buscumducis quām ^d ὀλέθρεια? Et ho-^c Pudenda.
sti quantum accedit, nobis decedet cā ca-^d Exstirpia.
ptā, quisquis planē ^e αρρενός non est, videt. ^e Mentis
Ego tibi de me fatcor, ^f αἴτιος μωρός, cūm con-^f expers.
tinuas istas & οὐανεγκίας video: & nec erigi ^g Males
quidem nostros ad emendandum. Confi-^g euentus.
liorum eamdein viam imus, frigemus, tar-
damus, & planē ^h καθάπτουμε μαρτυρόπειρα. ^h Τάχαν
θελοφύ. Mi Pantine, fato preimur: ⁱ τό sub man-
η μόρσιμος, ^j φύση: erga alia curemus. ⁱ dragorā
Quid? ego animū & me, à Senecā: quem ^j iacemus.
iam denique paro edere, & Stoicam illam ^k Fatalē,
^k ζητάσθαι doctrinam in lucem redigi, ^l εν θνήτῳ ^k Non sine
Intricata res: peruci. ^l Βεβαῖαν non disipli-^l labore.
euisse, gaudeo: nec miror eius cultori. Vale
V.R. & æternū care. Louanij, iv. Idus
Septemb. ∞. Iōcīii.

E P I S T . L X X XI . Brugas.

IANO LERNVTIO semper-suo.

ONGAM, liberam, & verè amicā tuam epistolam: & omnibus his nominibus, in primis ipso Lernutij, gratam. Amplector te, sed animo: brachijs si possum, & ore adfari, quām omnia in notæ fidei sinum hunc effundā? quām me reuelem, & quidquid in aumario pectoris huius condō? Nunc quoque in parte faciam, sed parciūs: & scis chartæ non omnia tutō credi. Audi à principio, vestigia epistolæ tuæ legentem. Commendas primō Robertum Schil-derum: dignum, & ex scrinone agnoui.

Ado-

Adolescens est mente & studijs bonus, & qui ad optimas artes pleno gradu incedit. Quām pauci nostratium cum ipso! quām ludibrio aut contemptui est nomen hoc omne litterarum? Vides mecum & doles, feres etiam ut fortes decet. Meliora tibi ne sponde: ad ultimas inscitiae lineas imus. Interētamen nos aliquid etiam pangimus, & in litore isto sulcos ducimus: quo priuatum aut publicē fructu, non habeo adfirmare. Imo bellē tibi est, inquis. Non pessimē, fateor. si de magnis opibus aut gratiā præsumpsisti; muta, medij in ipsis sumus. Vultus aut sermo quorumdam arridet: qui capiunt pauci sunt, & quod sequitur, seriō ament. Vnum tibi dicam, interpretare. filios si habeam, litterulas me auctore non discant. Addis in epistolā de meis quādam, & putas, liberē. Non liberē, sed amicē & decorē: atque obsecro alias usurpa. Scribis in Politicis cetera exacti operis videri, abesse de Legatis. Verum est, & poterat locus ijs esse inter Administros. Sed quia temporaneum hoc munus (olim quidem) neque illi apud Principes aut Respublicas perpetui, abstinui dicere: & quia rem totam istam non maximi usus censeo, quidquid aliter iudicare hodie consenserunt. Et in Notis tamen dicere destinaram, ac collecta ista habeo: sed augendi aut recolendi eas animus abiuit. Ais dein de Epistolis meis, & de vnā illā * insertā. Quid dislimulem? rem tetigisti, ambitiuncula mea fuit, & quāsita gratia illius, qui in aperto nondum mihi retulit, nec referet, ut tecum quoque opinor. Quid tamen est? benignitas mea orbi innotescat, & quām æqui in aliena ingenia simus, etiam fortasse super equum. Non mihi fit: fieri aliquando, & confide Genio nostro; viuet ac vincet. De annis ætatis meæ cauillari etiam quosdam. Quid hoc est, & quā possunt? In illā de vitā, palam & verè scripsi tali anno & mense me natum: calculatore non opus ad hocœui, quote eos inscribam. Sicubi autem alia aut * aberrans scriptio, non memini, nec puto: si tamen, emendetur. Item de valetudinis crebris querelis, risum habet. Ab alijs etiam audio: atqui, ô boni, miserationem debebat. Non facimus maiora ista verbis, res vtinam non clamet, vtinam non ipsa scripta colorem ab affecto animo & corpore ducant! Hoc fine, & excusandi mei, interdum infero: quid si etiam contra importunos, & irrumptentes istas muscas? Hæc scribere, hæc facere me

I. LIPSI Operum Tom. II.

volunt, suadent, iubent: arripio illam egida, & rationem qui non audiunt, hoc scuto terrente depello. Sed cogitent etiam, seorsim & apud plures non iniuste dicta: quæ nunc in uno fasce adspecta fastidium habent, nec leguntur ut diuisa. At de Busbequij morte, scio errorem: sed adnotabitur. & tamen famam Epistolæ, non historiam iui insertum. Estne aliud? propria etiam tua, sed amica, sed iusta (agnosco) querela, de primis libris meis non semper ad te missis. Gaudeo requirere & poscere, & culpam excusare nolo, sed emendare. Habes hīc Epistolæ: habebis Politica, quæ iam recuduntur. Habebis & magnum Senecam: in quem vtinam dignum aliquid moliti simus! Stoicam tamen doctrinam seorsim illustrauimus, & ipsum breuibus Notis, & (Inuidia audiat) alibi bonis. Omnibus placere, nec spero, nec opto quidem: mihi hoc opus vnā causā, quod fortiorum aut meliorem me fecit. Salue, & ama me ex animo, qui eo tuus sum, mi anime. Louanij, xi. Kal. Octob. 15CIII.

EPISTOLA LXXXII.

I. LIPSIUS IOANNI WOVERIO suo S.D.

FELICITER, acclamo, mi Woueri: vtinam præsens possem! Sed vel sic absens facio, & corde itero: nemo magis ex illo. Evidem iamdiu tibi felicem talem copulam destinabam, & merenti: ut tua probitas & modestia, atque etiam ingenij & morum elegantia est, quā vel imperitos meliorum tuarum artium & partium ad te ducas. Benè est, habes. Nam de dote, vberē audio; de parentibus, honestissimos; de ipsā aliquid ipse dixerim, & probè memoriam teneo vidisse. Suavis mihi visa, morata, proba: si nihil horum esset, apud te fiat. Iungere, fruere, & nouellas stirpes, paruulos Woverios, nobis pange. At me quod velut auspiciem nuptijs tuis optas, vereor ut fiat. Mea ad Senecam iam mitto Antuerpiam: ipse venire imminente hieme, & attenuante valitudine, dissuadeor. Sed venio, non venio, mente & cogitatione adero: teque & tuam, mi Woueri, tam fideliter amabo, quām æternum Numen me velim. Id porro cœpta tua secundet, & ferente aurā in portu votorum tuorum nostrorumque sistat. Vale mi optime. Louanij, v. Kal. Octobr. postridie quām Bruxellā redij, vbi dies duos modò hæsi.

S

EPIST.

EPIST. LXXXIII. Bruxellam.

ÆGIDIO MARTINIO Syndico
civitatis Bruxellensis.

EPISTOLAM tuam fateor gratam mihi fuisse, sicut & sermonem, quem tecum ante menses duos circiter in hac vrbe serbam. Ut enim in isto prudentia tua, & erga me ac parentem olim meum affectus, elucebat, ac iure capiebat: ita in litteris hæc ipsa exprimis, si non clarius, certè firmius, quanto conceptæ scriptioni maior esse fides & auctoritas, quam ex temporali sermocinationi solet. Itaque meritò & rependo affectum tibi, & in filium etiam, quem hic habes, deriuo: quem si non caussam, tamen occasionem huic amicitiae nostræ dedisse, videor posse affirmare. Enim uero quid officij manare à me propriè in te possit, vix video: in filium fortassis aliquid, quem in hanc Academiam, velut ad mercatum optimarum artium, misisti: & dirigere hic eum, atque etiam instruere, pro otij & viuum mearum copiâ, aliquid possum, & volo. Ciuein enim patriæ amantem me profiteor: cui quid amplius conferre aut commodare possum, quam ut liberos cum ipse non habeam, alienos, & præsertim vestros talium, qui aliquando ad rem publicam admouendi sunt, formem ad eam ac concinnem? Adnitam equidem, aut potius tot annos iam adnisi sum, quam scribendo, quam docendo conatus meliorem & doctiorrem reddere iuuentutē. Is enim, Deo teste, laborum meorum finis scopusque est: & Fama si sequitur, non magis huic laborauimus, quamvis qui in Sole currit, vmbra causâ id facit. Sed de filio tuo, tanto libenter manum illi porrígam, quod magis beniuolentia tuæ nunc debeo, & quia ingenium atque indoles etiā eius inuitant, ad bonum honestumque facta. Gaude in tuâ stirpe, & solatia inter afflictæ patriæ turbas, è domo tuâ magis magisque (Deum ita precor) capte. Eumdein, Vir Clariss^{me} & Prud^{me}, vt te reipublicæ, cui laudabiliter operam præbes, incolumem seruet. Louanij, v. Kalend. Octobr. 15CIII.

EPIST. LXXXIV. Antuerpiam.
IOANNI WOVERIO suo.

Et quando magis te meum ostendisti, quam in hoc Eucharistico? à cuius lectio ne duplex affectus me habuit, lœtitia & pudor. Lœtitia iterum duplex. vel quia

laudabar à te. gratu autem & optabile placere ijs, qui ipsi nobis placent: vel quia sic laudabar, id est scitè, doctè, disertè. Hæc enim qui in scripto tuo non agnoscit, aut liuor aut stupor eum habet, & in veruecū patriam à nobis relegetur. Quam inuentiunculae multæ raræ, & argutæ sunt! quam imagines sepositæ, & tamen appositæ! quā ipse stilus sine tumore altus, sine affectatione eruditus! Mihi hæc sic visa, fateor, & placuerunt omnia, præter argumentum. Nam quod me laudandum sumpsi, qui laudem? Pudor ille retinet, quem dixi: qui etiam nunc habet, & pugnat iudicio, & tua cum amem, damno. Non sum ille quem facis, & in sublimi sic locas: descendō, & conscientia me detrahit, & nemo melius quam ipse me novit. Quid tamen est: cum tua relego, pudor iterum pænè exsulat, & videor alius esse, quia tam fortiter & impressè vis esse. Ita sentis quæ dicis, ita tibi approbas, vt me quoque in partes trahas, & credere adigas, quæ nec credo. Non plenè quidē credo. nam tangerete interiores meos affectus, qui de proximo nosti, non diffiteor: & laudabiles conatus exprimere, si non successus. Omnia cur reijciam?

— aliquem mens spirat honorem

Conscia factorum.

Nam vt candidè tecum, & senili quadam libertate loquar, dona habui & exserui, quæ non omnes mei studij aut æui. Iudicium in primis Deo acceptum refero, & ab eo ordinem in scribendo & dispositionem, vel paucis veterum vbique sic usurpatum. In sparsâ quavis & confusâ materiâ seruavi, & partiri semper aptè studui: quod Socrates alibi apud Platonem *diuini viri* censet, ego *diuini doni*. Et ab eo donum alterum adscribo, Eloquentiam: quæ in sermone aut stilo aliqua fuit, atque ea facilis & profluens: quod in strictâ & argutâ breuitate nec habeat quiuis, nec credat. Illa ipsa breuitas, quod imputo, sine tenebris fuit: & multa paucis sic dixi, vt influant & se diffundant, & vel plura videar dixisse. At tertium & præcipuum, quod iudicij, ingenij, eloquij, stili quidquid in me fuit, in publicum contuli, & vsui, non pompæ, volui seruire. Vide mea vel à iuuenilibus annis, semper scintillæ aliquæ ad Virtutem aut Prudentiam præluentes: semper animus ille apertus, amans generosi & honesti. At gradior paulò, non iam occulto aut obliquo trainite, sed palam & rectâ illuc iui. Ego ad Sapientiam

tiam primus vel solus mei æui Musas conuerti: ego è Philologiâ Philosophiam feci. Vide *Constantiam* meam, dicet: vide *Politica*, idem: & hoc vtrumque opus est, cui vita fortasse cum Latinis litteris manebit. Quid in *Tacito*, *Plinio*, *Epistolis*, *Militia*, *Admirandis*, *Seneca*, nōnne finis idem & fructus appetet? Hæc sunt, quæ in censum, sed non à me defero: ingratus sim, nisi diuina dona agnoscam, & gloriam ab ijs etiam tribuam auctori. Sed ecce longius eo. scriptum tuum remittere tantum, & cum vero elogio volebam: de me siquid addidi, apud te licuit, mei sic inmodicè amantem. Louanij, III. Nonas Nouembr. oo. I^oCIII.

EPIST. LXXXV. *Bruxellam.*

MAXIMILIANO PLOVVIERIO.

LITTERAS quas daturum me dixeram ad Buissonium, ecce hîc habes. Mitte-re eas tuæ curæ erit, quam vtrò tibi impo-suisti, pro affectu quem in illum & me ha-bes. In me certè, nuper in sermone largiter declarasti: & si non verba, ipse vultus & oculi tui fecissent fidem. Etsi quid ambige-rem? eadem vterque amamus, id est Bona & Honesta: ex quo sequitur & adhæret, vt inter nos etiam amemus. Senecæ nostri dictum est, è Portieu promptum: *Inter bonos viros amicitiam esse, Deo conciliante.* Est ea veritas. Deus, imò & natura, facile iungunt, studijs & voluntatibus iam iunctos. Itaque sicut credidi promptè & libens de tuo in me affectu, velim te pariter de meo: quem bonum, fidum, atque etiam firmum reperies, nec nisi cùm ego soluar soluen-dum. Id fortasse brevè, vt ætas & valetudo mea sunt: tamen nec paruuus circulus minus perfectionis quām magnus habet, nec Amicitia tempore, sed veritate æstimatur. Vale mi Plouvieri. Louanij, vi. Kal. xbris. oo. I^oCIII.

EPIST. LXXXVI. *Lutetiam.*SEBASTIANO ROLLIARDO I^o.

BRUXELLAE & in Aulâ eram (ô sedem pro Lipsio!) cùm tuas accepi. Gratas, suaues: quid opus me affirmare? semper ve-gesco, & velut effloresco, cùm aliquid à meo Rolliardo. Atquin & libelli tui adiun-cti, dona Musarum: ille de Passeratio, bo-nus, & pius, ac manibus eius ritè ac meritò à te factum. Vbi hodierna gratitudo? quid autem in mortuis speremus? vix viuis ali-qua manuum applosio, & vocis fauentia: &

I. LIPSI Operum Tom. II.

irrisus aut pastoritiæ ovēs excipiunt, & à tergo manus, motæ. Ferenda hæc omnia, pro æui Genio, aut iter hoc famæ deserē-dum. Nuper ego aliquid de *Vestâ*: probare gaudeo, et si melius illud iam damus, & addimus quædam, & mutamus peccata & aegrotias. Etiam *Porticus Sophiam*, in duò volumina distinetam: sed tenue & argu-tum opus, & aliquis dicat *χειρόν μετεῖα*. Äuo nostro obtinent iudicia, quæ olim cal-cata; & scis quā diuersa tota hæc studiorum via. Sed tamen Senecæ causâ id quoque exantlandum fuit: feci, & gaudeo factum. Quod à vestro Autocratore vocatum me, & per honestè, censes: ita est. nec tamen au-diuius, & à patriâ, in hac ætate atque im-becillitate, nemo me commoueat,

* Οὐδὲ μοι τόσα δοίν, δον φραδός τι κόνις τι.
Apud te serio dico. Labet hęc patria nostra,
siue ruat: ego cum illâ ad discriminis aut
fati metas eo. Adeasdem illas, & vtrà, te mi
Rolliarde optime & doctissime amo. Lo-
uanij, VIII. Kal. Febr. oo. I^oCIV.

*Non mihi
si dones,
quantum
est cum
pulvere
arena.

EPIST. LXXXVII. *Florentiam.*

CVRTIO PICHENAE.

LITTERAS tuas vidi, & Inscriptionem veterem adiunctam, fide exscriptam: sanè bonam & rerum veterum, de quā iudi-cium meum ad Mercuriale vestrum iam perscripsi Marcelli honori non esse positam opinabar, sed Caij aut Lucij Cæsarum: quò ratio magis, & æuuum ibi notatum ducit. Felices vos in talibus istis curis, in altâ & bea-tâ pace: nos litui circumstrepunt, & in ipsâ hac studiorum sede, arma & miles. Tædet temporum; & nisi Philosophia subleuerit, iamdiu iaceam, & in parentis magnæ sinu recondar. In Tacitum aliquid à te promi-seras hisce Nundinis: librarius Syllabus ne-gat, & nomen tuum non ostendit. Ego de *Vestâ* nuper aliquid, & nunc melius vbe-riusque damus: item *Stoicam Philosophiam* sex libris comprehensam. noli erigi, non est pro vestrâ Aulâ. Spinæ sunt, aut Para-doxa: & in re fortassis alta, in specie non vi-dentur. Senecam adiungimus, & hoc fine Antuerpiam imus. de quo sic iudicare te, gratum mihi neque inopinatum fuit. Quæ bona mens aliter potest? ego autem etsi proprius te, nec nisi ex scriptis, haud no-ui: tamen tam scio de sensibus tuis, quām de meis, pænè dicam. Vides quid mihi vindicem? nec fallit me scriptorum tuorum cha-racter, in quo probitas & iudicij rectitudo

S 2

com-

comparent. Pauca verba facio, quia ab equi lapsu saucius & æger: ama me, serio & constanter idem facturum. Louanij, iii. Kal. Febr. &c. I.CIV.

E P I S T . L X X X V I I I . Veronam.
FRANCISCO POLAE ^{I^o} ex animo S. optat.

T'v verò Vir Cl^{me} non prouocas me ad amicitiā, sed adigis: nec amore solūm (cui meum quī negem?) sed iudicijs & beneficijs: sic enim *Elogia* tua iure debeo interpretari. Legi, amauit magis quam probauit: nam quomodo tam honesta, vel magnifica potius, de me & ingenio meo possim? Mi Pola, veteres haud temerè Amori oculos clauerunt: affectu, non iudicio, videt: & habet pulchra atque haberi vult, quę ipse censet. At sæpè fallitur: & tamen vel sic amandus est, quia ex sensu suo & candore, sine malā fraude, agit. Tu verò is es, qui iudicio alibi & in alijs præstes, imò etiā in grauioribus caussis præreas: sed verecundia mea & modestia sequi cunctantur & retractant, & de me ad me appellant. Quid tamen facio? quid ipse resisto, & te sisto? quin vela potius affectui tuo pando, & adspiro: & ama vel falsis me caussis, dum ames. Hoc valdè eu-pio: de reliquis ætas sequens dicet, quę Gratiæ aut inuidiæ expers, ingeniis suum cuique pretium rependet. Ego affectui tuo serium affectum: per Genium Famæ iuro. Louanij, prid. Kal. Febr. &c. I.CIV.

E P I S T . L X X X I X . Valentianas.
HENRICO D'OVLTREMANNO V.C.S.D.

DII deæque, tuos versus! stupui simul, & rubui: illud in ingenio tuo, sic acuto, sic vario; istud in laudibus, quas supra modum is in me effusum. Non me fallis, ô amice: fontem à te, non à me habent: id est ab affectu tuo, non merito Lipsiano. Sed benè tamen, quod versus sunt: & vel eo titulo præscribant, fidem non promitti. Ego aliquid subitò in eos lusi, & hīc habebis: sed vix versus. ita humiles sunt, & languidum incedunt, vt vel recto oculo tuos vix au-sint inspicere. Antuerpiæ iam fuisse, nisi casus me tenuisset, & verè casus. Equuleum ex dono habeo, quo vehi soleo ad exercendum & ambulandum; alienis scilicet pedibus, ætate iam grauiore. Ille meus ve-tor mecum lapsus est, & crus & tibiam, sed leuiter, adfixit. Ita domus me habet, nō tamen lectus: & cum iste, tum *Exsequias Lipsio licet ire*. adeò quies mihi inimica est,

& gaudeo ac viuo motu. Bruxellæ etiam fui, & vidi Comitem Stabuli Castelle, Principem iam olim in me affectum. Item in litteras, quas vtinam Deus & Æuum coli magis velint, quam tristem hunc Martem! Sed heus, ecce Versus

* * * *

Iam placetibi in tuis bonis, qui tam malos meos vides. Quæris quod è tam magnâ tuorum copiâ approbem imagini nostræ subscribi? istud, nec voto melius optari potest.

LIPSIA DAE, velū est Timantis, imago. videri Non nisi sub piceā Sol quoque nube potest. Hoc mihi & Modestia meæ amicum, vt o-mittam argutissimam inuentiunculam ce-tera bona, aut optima: sed Inuidiā habeant, me quidé viuo. Ne prouocemus: inter nos amemus, serio, acriter, constanter. Louanij, Kalendis Februarijs, &c. I.CIV.

E P I S T . X C . Perusiam.

M. ANTONIO BONCIARIO S. corde D.

Quas natali meo ad me dedisti litteras Accepi, et si serius, imò tardius: neque enim serò ad me aut frustrà tam amicæ lit-teræ possint peruenire. Amaui te merito, vt primùm ex epistolâ & te, & affectu in me noui: & magis amare cogor, quò proprius certiusque (*Virtus hoc habet*) noui. Nam & epistola hæc certè, optimi & pulcherimi animi index, delectauit: & Carmen tuum ad DIVAM LAURETANAM valdè opinio-nem de te meam auxit. An non faceret sic eleganter, doctè, altè, piè scriptum? Atque ipso tempore venit, quo ego in pari argu-mento eram, aut potius summam illi manum iam imponebam. Nam & ego, mi Bonciari, peculiari semper in Matrem Virginem cultu & affectu, DIVAM HAL-LENSEM scripsi, & beneficia eius ac mi-racula partim solutâ, partim strictâ oratio-ne, suim complexus. Nihil exspecta ad tuum Carmen: aliquid ad animum, quo erga Diuam nolo vinci. De Senecâ etiam meo breuî arbitraberis, fecerimne pretium ope-ræ post Muretum, & Gruterum, & alios: quod profecto, vt rectè iudicas, arduum sit nec alicuius è populo præstare. Non me attollo, nec debedo: sed aliquid contulisse in Sapientiæ illum patrem, res, spero, apud te dicet. Libens autem (vt ad tuas iterum litteras) legi de Carolo Emmanuele Pio à Sabaudiâ, stirpe & ingenio & studio illu-strissimo adolescente: quem quod erga me etiam affici scribis, gaudeo, & in beneficij loco

locò hoc pono. A te, an ab illo accepti? nam & te iudicio aut testimonio aliquid cōculisse, vel ad eliciendū, vel ad augendum affectum, p̄nē habeo persuasum. Etsi talis illa indoles sponte etiā amat, & surgit ad cōpleteōdōs, in quibus Honesti aliquas flāmulas videt. Vt perseueret, à me eum rega, & mutuū facere affirma. Vt tu pariter, mi Bonciari, rogatus esto, o inter paucos Italiz tuæ lumen. Louanij, xiv. Kal. Mart. &c. I°CIV.

EPIST. XC I. Veronam.

ANDREAE CHIOCCO S. D.

AMOREM tuū variè & aqdōs ostendis, neque vlla epistola à te est, in quā non illum nudum videam & expressum: idque sine colore aut fuco. Non redamē te? sic facio, vt Deum me velim: & Deum ipsum testor. Scripsi ad te ante dies quindecim: & iterū debo, vel Bonciarij nostri causā.

^{magis}

scđ.

^{* latipenna} ^{tan' n̄ep̄} ^{cr̄ōptōn} ^{aīerōs}: quod nō eius amo-

manibus

aquila.

^{* super}

meritum.

^{* qui calum}

tangit.

ri, non tuo etiam credam. Nam & tu hīc ^{* r̄m aīz̄as}, & ad extēma laudum iuisti, me non sequente, & in terrā etiam mēa hārente. Non sum aut ero ille ^{* s̄eḡop̄m̄}. Sed ad ipsum Bonciarium scripsi, iam è litteris ad me & famā notum, & certè à niueo isto pectore (vt doctrinā om̄itam) amandum. Nec tu arbitrare de alijs Italiz qui melioris & prisci, vt sic dicam, sanguinis sunit, me dubitare. Fuerit vnuus ille nescio quis hybrida, qui proteruiter in me immereat: sed ab alijs quidni affectū exspectem, & exposcam etiā, quem scriptis dictisque meis omnibus in eos ostendi? Dabunt, & dabor: & crescentes istos ingenij flores mutuo fauore irrigabitur potius, quā liuore amburemus. De * tecum sentio: acre ingenium inudicium est vbi desideres, & addomaturitatem. Stemma illud, tuo commodo, vidisse velim. Ego pluscula nunc ēdo, ad Senecam Notas perpetuas; item Diuam Hallensem; miraculis apud nos claram; item Monita ^{et} Exempla Politica libros duos, in gauſū; item De Magnitudine Hebreā libros quattuor. Quid aīcessauimus hac hieme? Cūq; tuo autem Pindaro, xp̄n d'ēr̄ s̄ib̄eīas b̄doīs s̄ūx̄or̄ uāp̄as̄ q̄d̄. Vale Vir Cl̄me & aternū meus. Louanij, prid. Idus Mart. &c. I°CIV.

De Ill^{mo} vestro nuper ad te, nunc ecce ad il-

I. LIPSI Operum Tom. II.

lum. At tu Flaminium nostrum Valerinum à me amplectere, & grates gratias pro scito Epigrammatio redde. Corām ego hoc face re ūb̄ȳ ēλχouas̄ ḥ̄p̄.

EPIST. XC II. Lutetiam.

IO. VERGERIO AVRANO S. M. D.

GAVDIVM mihi ab aduentu tuo, & feli-ci itineris metā, sed maius gaudium ab affectu, quem purum & magnum in me ostendis. Et accipio equidem, & sine retrac-tatione admitto. vel quia candorem tuum noui; vel quia à meo metior, qui talis talem poscit. Nihil mihi das, sed soluis. Perseuera tantū, & ipsum me, non quæ alij de me, vide. Ille * * cur mihi infensus, vel certè aduersus sit, nescio: non meruisse, hoc scio, & vt alia mihi detrahant, virum bonum sciāt, & candidatum bonarum artium ac veræ Philosophiæ, neque aliud iacto. O miseri, quò rapimur ad emulatiunculas aut calumnias, in alios Lyncei, in nos Homeri? Mi Verge-ri, hoc in primis vitare te hortor & rogo, in alios inquirere, te negligere: contrā fiat, be-nigni in omnes, seueri vel asperi in nos si-mus. Socratis præceptum vetus erat:

^{* O', r̄ti. T̄i ēr̄ μελεγοι κακός τ̄ αγαθόν τ̄ τέρπει.}

Hodie contrā sit, & emissarios omnes oculos habemus. At illi, vt volent, iudicent: ego in viā rectā constanter ambulo, ab æmulatio-ne, ab ambitione prauâ auersus; & quò de-beo versus, id est ad Sapientiā & Deum. De ipsā Galliā, scis quā amem: sed nōn hos nouiūs libros, quos mittis, leuiū & exultan-tium ingeniorum fœtus. Nihil in alijs solidi, maturi, aut, non dicā vetere, sed nuperā Gal-liā digni. MILES ille quidē pālān ^{* d̄eḡop̄} ^{is, i p̄av̄a moī ληρ̄}, Alia de illo audieram: sed cūn̄ legi, et rorem mōu, furorem illius vidi! A. Thuanio ipso Historiam exspectō, vetero amico, nostro, & tum arbitrabor. De doctrinā vel industriā, non ambigo: sed, vt hoc æ-uum est, rarā quadā prudentiā opus ad plac-endū, vel potius non displicendum. Sed qui sapit, polterat, etiā scribit. Nos in lan-guore, plus solito, sumus: sed te, mi Vergeri, & acre tuum ingenium nōn languide amamus: fac mihi idem, vel eo nomine iner-en-ti. Louanij, vii. Kal. Iul. &c. I°CIV.

EPIST. XC III. Lutetiam.

ABRAHAMO BIBRANO Equiti Silesio.

ANTE paucas horas tuas accepi; vide quām gratas: differre in diem respon-sum non potui, & animus adegit statim re-

S 3 ponere

ponere & pariare. Pariare, inquā, ab affectu quidem : quem puto me non tuo magis, quam meritis & huic indoli debere; addam etiam industriæ, à quā magna ego quidem spero. Delectat in animo, cùm video Germaniam sic excoli, & has velut faces accendi, quæ magis magisque illustrabunt. Perge amice, & me vel opinione futuri oblecta: nam rem vt videam, vix in valetudine hac sperem, quæ præcipitat, non iam labitur aut labat. Non sunt verba : tristior vobis fama vereor vt dicat. Nimirum eundum est, & faciendum quod facere nati sumus. Benè, si non omnis mei sub terras memoria ibit. Viuat in vobis amicis aliqua; in te mi Bibiane, quem in hoc album nunc adscribo. Lapidem quem mittis, vidi cum admiratione aliquā, & rarum, perratum, exteris Regibus sic ponì. Vix tamen est, vt supposuerit, nisi doctior aliqua manus : nec credo. Tamen ambiguū etiam reddunt, quæ in historiā haud certa vndique notas : & examinanda sunt, neque temerè & de plano sententiam feram. Illud de plano promitto, amicum te mihi nouum, sed carum esse: perseveremus quod coepimus, constanter. Louanij, xvi. Kal. Sextil. 1004.

EPIST. XCIV. *Burdigalam.*

I. LIPSIUS PETRO BRACHIO S. D.

OGRATVM mihi de te, quid ab ipso te? audire: quem ego quidē fuisse arbitrabar, & in beatis iam locis cum Amatā tuā perenare. Nam anni duodecim & vltra sunt, cùm silentium à te fuit, nec nisi memoriam Brachius apud me vixit. At epistola hæc tua amica, larga, elegans, te, amorem, ingenium, omnia viuere & vigere ostendit: atq; vt diuisit, à proprio. Numine vestigor & precibus quæso. In me certè, idem amortui: non vires aut ingenium, quæ fuerint: & hac parte ruere me sentio, nec gradu sed cursu ad meam ire. Itaque & scripta hæc mea (non enim cessamus) senti illud & effratum fortasse afferent: nec tu me cense flumen perenne (vt scribis) & inexhaustam facunditatem esse. Do manus, & Valetudo vt corpus, sic animum libat: non tamen Sapientia illa decreta, quæ firma in ipso hærent. Dedi STOICA quædam nuper, & nunc SENECAM ipsum: haberetis à me, nisi interualla hæc terrarum impediant, & beneficium meum ex impendio onus reddant. Tuos equidein versus libens viderim: & vis sincerè? libentissime Epistolas, quibus in tuā linguā vix est vt po-

litius, & sine affectatione, maturâ quadam elegantia & alacritate suauius prodeat. Ita censeo. & à me, scio, quos melior Deus tali animo donauit. Hæc nunc pauca, in occasione mittendi subitâ: at via facta est, sæpè commeemus. Me quidem & Iustitia adigit diligere sic diligentem. Vale V.C. Louanij, xvi. Kal. Sextil. 1004.

EPIST. XCV. *Insulas.*

IOANNI SEVRIO S. D.

FRATREM tuum vidi, litteras tuas vidi: illum & istas per-gratas. Casu incidit, vt cursor adesset ab Aulâ, qui dimittēdus cum litteris fuit; & fratri non potuerim dare tempus, quod largum esse affectus meus volebat. Neque enim de eo ambige. sum constans in amore, cuius caussa & solum, vt sic dicam, firmum est: superstruximus, & ædificium nimbus aut procella quælibet non euerteret. Silui, fateor, etiam tu, sed amor in animo est, & cogitationibus suscitatur & viuit. Hoc mihi factum, certò scito: & de te idem spero, non cùm ero solùm, sed cùm hīc non ero, id est verè ero. STOICA nostra vidisse te video: sed lege vt semina aliqua Bonæ Mentis, non vt totam messem colligas, & Æuum nosti. Nosti & valetudinē meam? languemus: Decreta bona sunt, & fortasse Iudicia: sed promere omnia, & decorè producere, illa (Valetudo, inquam) & alia quædam vetant. Vno verbo, volo quæ non possum. At tu fastidire mihi in munere tuo videris, quod alij multi ambiunt: quid caussæ est? Si me audis, quietem specta, & illi aliquod fulcrum: cole deinde animum, & quæ amas ama. Homines sumus, multos imò omnes sequitus aliqua alligat, catenâ aureâ siue ferreâ, sed ligat. Nemo animum. ille emicat, & euolat, & orbis terrarum ei est angustus. Cogita, in libertate es: & pone teneriores illas cogitationes, quas Imbecillitas aut Ambitio dictant. Ad morem vulgi si respicias, nusquam in tranquillo eris: appetes, aut fastidies: ad Naturam, id est Ratio nem, si te vertis, vbiq; portus & quies ostendit; intra & nauim siste. Hæc nunc breuiter. Seneca meus plura dicet, sed ipse. nam ego breuis fui, nec vltio in scripto minus libuit diffundi aut euagari. Cùm illum exanimo, quid addi potest? à nobis nihil, nisi aliquid ad lucem: ab Epicteto multum; quem tu robur & fulcrum iunge. Vale mi Seuri. Louanij, ix. Kalend. Sextil. 1004.

EPIST.

EPIST. XCVI. *Neapolim.*
D. IO. ANDREAE PROCHNICOIO
Legato Serui Regis Poloniae.

BONA fide fatebor, litteris tuis sic candide & calidè scriptis, motu aliquem animi me sensisse, & ipsum quoque incensum esse ad redamandum, & affectum reponendum, quem Iustitiae quadam lege debebam. Quid enim æquius, verius, quam amare qui amat, & quod sponte ac Naturæ quadam lege debemus(homo enim sociale animal) promptius fideliusque præstare, altero inuitante? Inuitas enim me, Ill^{me} Domine, aut trahis potius, eo ipso quo te ostendis. id est, dona animi atque ingenij tui exferis, quæ vberitatem magnus ille Deus in te contulit atque effudit. Non amem te appetentem? si nolis amem, modò ut norim: & vltro facia, quod te video fecisse. Itaque manus offero & iungo: parum est: offero animum & Vulcanio modo iungo, atque amicitiam ineo, non nisi cum soluar, soluendam. Veteres illi astrorum quædam defluvia conciliare nos volebant: ego ad morum consensionem ingeniorumque verius referam, aut certè propius: & qui eadem atque honesta volunt, necessum est ut inter se etiam velint atque ament. O quam ego illum Honesti ardorem vestigijs litterarum tuarum colligo! beatus es, & insiste, eo ipso premium habiturus, quo amas. Me autem etiam amas, quia in ijsdem sensibus tecum putas: nec vanè, si de conatu vides: quia tendo ad optima, et si multa retrahunt, & valetudo in primis, quæ à viginti iam annis votiva non fuit. O quoties in viâ iam aut cursu retardauit, & ad optimam pergentem, mihi alijsque vtilia, desistere coegerit & reduxit! Nunc magis, quam ante: cum ætas ingratiascit, & illa incumbit, ego succumbo, et si animo reluctor, & illo solo stœ etiam & sustento. At tu, quæ tua benignitas est, medicinam etiam promittis: quam audie accipio, non equidem vitæ audius, sed ut munera saltem mea fungi possim, dum vivo. Nam nunc profectò langueo, & in illis etiā deficio. arque ut artifex peritus, si citharam pulsat fidibus solutam aut dissonam, artem quidem tenet, non exercet: sic mihi sit, qui scio quæ non exero, & animum attollentem se corpus deserit, aut humo affligit. Ignoscet tu, & alij: in primis autem, si sponte amasti me, nunc responderi hoc persecuta & præsta: & me inter eos numeras, quos ex asse (Deum testem ad-

uoco) tuos dicas. Amicitia hæc, ut mundus, initium habuerit, non etiam finem. Vale Ill^{me} & Reu^{me} Domine. Louanij, vi. Kal. Sextil. ∞. I^oCIV.

EPISTOLA XCVII.
EVSTATHIO WOLOVICZIO V.R.
& N. Lithuano.

NVMQVAM mihi grata eueniant, nisi grata epistola tua obuenit. Quid ita? quia sic amanter scripta, quia ab homine è longinquis illis oris missa, ad quas vel Lipsi nomen peruenisse multū sit, quid affectum dicā? Nam de æstimatione & laudibus, tibi remitto: et si nec ex ingratæ, fateor. quia nec irridere, nec palpari telcio: ergo amare. Nam iste, iste affectus, est pater earum laudum. Vels ero etiā nostro, inter multa, hoc debeo: qui pararium se & conciliatorem interpolavit honesti nostri amoris. Cuius viri vsum-fructum pñne equidem tibi inuideo: in quo thesaurum earum rerum habes, quæ homini ingenuo appetendæ sint, vel amandæ.

— illo se peccore multa vetustas

Condidit, & maior collectis viribus exit: vetustas, inquam, vel artium vel morum: & vtroque titulo in Europâ nostrâ claret. Sed de me, venio in amorem tui candidè, firmiter: & vis sponcionem? Demetrium Solikouium(ō virum magnum!) in ijs locis amisi; veni in locum, amabo ut amavi. Vltrà non possum: si placet, responde. Munera, quæ ad me mittere scribis, nondum vidi: & via longiuscula est: ego ad te DIVAM meam HALENSEM, amicitiae tesseram: & sic admitte. Vale & me ama, cum ero: memento, cum nō ero. Louanij, iii. Kal. Sextil. ∞. I^oCIV. Litteras adiunxi à populari tuo, qui hīc nunc agit, sic rogante.

EPIST. XCVIII. *Augustum.*
MARCO VELSERO.

IN laudes meas nuper ibas, & Stoicæ nostra, faciebas ADMIRANDA: nondum in accepti Codicē retuli; expungere licet, si pœnites: & vereor, cum legeris, iam fecisse. Primus aspectus, ut in multis, solet imponere: illa æuū ferunt, quæ ad manū relata possunt placere. Sed vt cumq; est, animus meus vobis, & mihi materies illa placuit: hoc etiam, quod absolui, & labore, suprà quam credat vulgus, suum defunctus. E latebris illa mihi educenda, & morose disponenda fuerūt, ut corpus doctrinæ facerem: & sic tamen(hanc legem mihi dixerā) ut nihil nisi ad Senecæ

lucem præcipue esset. Sed edidi: abeant, & famam, quam Deus & Genius dabunt, habent. securus scriptorū sum, vt anxius scribendorum. En hīc ad Wolouiczium, operā tuā nostrum: tu autem merito tuo semper. Louanij, iii. Kal. Sextil. &c. I^oCIV.

E P I S T . X C I X. Mechliniam.

NICOLAO OVDARTO.

SILENTII mei caussa, quod DIVAM nostram exspectabam, vñā mittendam: sed operæ morantur, & tuum desiderium non fert morā, & scire vis de valetudine nostrā. Capē non lāta, mi Oudarte: & ea quoq; silentij caussa. Tres menses iam, & ex quo ultimū te vidi, sūm in assiduo languore: nec releuor, et si omnia conatus. Vires abeunt animi & corporis: & ad marcorem, hydropeim, an vtruiq; imus? Vt Deo visum erit: nam de viā parum est, modò ad optatam metam, id est ad ipsum. Corpusculum hoc est, vt putre & caducum ædificiū: sæpè fulsi & sustinui, vndique nunc labat: & cogitandū est, non quī seruem, sed quī exam. Dolet de Senecā, quod vltimam manū non licet imponere: atque illa est quæ decorem dat, & consummat. Hæc ita scribo, non quia desperem me posse resurgere, sed quia expedīt sic opinari, & præsumere quidquid hominem manet. Nauta in tempestate, & cùm mors ante oculos, omnia tamen facit, & fracto etiā velo aut malo nauigat: idem ego, facio faciamque omnia, & Deo euendum & me permittam. Is te mi optime & amicissime Oudarte post me seruet, quod mihi solatum & altera pñne vita erit. Louanij, xiiii. Nonas Sextil. &c. I^oCIV.

E P I S T . C. Antuerpiam.

I. LIPSIUS IOANNI WOVERIO suo S. D.

SILVI ad tuas nuper: neque rei multum erat, de quā rescribereim; & ego languidus, vel cum illā iustē sileam. Vt tibi dicam, non me reficio, nec in veterem statum gradumque repono: neque valdē nitor aut cupio, vt id quoque liberè promam. Quid opus est: si annos computo, satis diu vixi; si famam, satis; si voluptatem aut mo-

lestias, illam gustaui & his satur sum: Cur non, vt vitæ plenus coniuua, recedam? Si etiam ea, quæ vitæ meæ genus & professionem spectant, intueor; piget videre quæ video, & tempus, antequam alia video, abire. Litteræ vanitas fiunt; malignitas, acerbitas, pugnæ fiunt: vides cottidiana, & à magnis, exempla. Remedium quī demus: ne consilium quidem, aut monitum: partes & religio intercedunt. Tu Modestia, tu Sapientia, quid nisi nomen estis? Atqui & ego prouocor in hunc campum, & publici iam libelli volant. quid censes? spectaculum me fore? Ingenuus sum, & nullum auctoramentum ducet ad hos ludos. Neronis potius mihi votum illud sit, *Nescire litteras*. Reum me facere aliquis potest, nemo nocentem: & ad loquendum cùm iniuria prouocet, arcet & cohibet non ratio solum, sed natura. Ego ita sum, facilius culpam quām proteruiam admisero; & damnari, quām malo more vindicari. Scilicet ego rescripto meo alogias alijs excutiā; scilicet me maiorem aut meliorem, quām sim, faciam, & posteritati iudiciorum legem aut modum donem. Nugæ. & si à magnitudine animi aliquid sumendum sit, iactare me malo, quām defendere. Ego inter mei sæculi ingenia gloriam, si non palmarum, fero: & hoc amicis meis volentibus dicam, confitentiis etiam qui non amici. Et ab aliquot libellis, siue etiam epistolis, æstimemur: sanx doctrinæ, & fortasse eloquentiæ sumus, nec à melioris æui laude nimium segregandi. Quorsum ista? familiariter, & apud amicum: denique gloria est virtus, ait quispiā, nec ostendit se solum, sed imperit. Ad rem redeo: neque vivere nunc valdē appeto, & pugnare etiam fugio, in quemcumque, à quacumque caussâ. Cùm volumus, initia à nostrâ manu sunt; cùm cœpimus, non est finis, & extra lineas res abit. Quisquis aliter, ipse viderit, æui prioris euētus adhuc me docuit, neque scripta ista perennare, neque scriptores in gloriâ esse: & malo apud posteros modesti, quām acris ingenij, censi. At tu amicum me, vt semper, cense mi Woueri. Louanij, vi. Idus Maijas, &c. I^oCV.

A P P R O B A T I O.

Hic liber Epistolarum Clarissimi quondam IVSTI LIPSI diligenter examinatus, nihil repertus est habere contra fidem Catholicam, aut bonos mores. poterit ergo ad multorum utilitatem impri- mi. Quod testor 20. Decemb. 1606.

Egbertus Spitholdius S. T. L. Canonicus & Plebanus Antwerp.

IVSTI

IVSTI LIPSI
EPISTOLARVM
SELECTARVM
CENTVRIA QVINTA
MISCELLANEA
POSTVMA.

ILLVSTR^{MÆ} STIRPIS,
EXCELLENT^{MÆ} IN DOLIS
THOMAE SAMOSCIO
M A G N I I O H . F.
VETERIS AC NOVI SAMOSCI DOMINO
PRINCIPI IVVENTVTIS.

PO STVMÆ huius, & vltimæ LIPSIANARVM Epistolarum Centuriæ, ILL^{MI} nominis tui gloriā prætexere, THOMA PRINCEPS, non tam nostri instituti, quām defuncti Authoris quasi est mandati. Sienim non tantū quæ istis in paginis plurimis locis de Heroicæ virtutis PATRE tuo scripsit, legimus; sed magis quæ sæpè, imò semper de illo dixit, recolimus: tunc subit, non modò omnibus præsentis æui summatibus æquiparasse, sed planè cum olim incomparabilis famæ hominibus composuisse. Nam vt illius temporis vel pauca strictim nomina reuocemus; quid in Catone, Tullio, ipsoque etiam Iulio, sic gloriosa suorum æstimatorum vetustas extulit, quod non meritò in IOANNE SAMOSCIO MAGNO POLONIAE CANCELLARIO ET EXERCITVM PRÆFECTO, ventura posteritas agnoscat & veneretur? Adde, quòd illi adiuti temporibus lætissimis, Italiâ Româque cultissimis: quibus debere mores illos, tam felicitatis fuit; atque ijsdem nostrâ ætate & remotissimis SARMATIÆ in locis excelluisse optimæ maximæque est laudis. Catonem sanctitas, & infractum pectoris robur probauit. Ciceroni, Eloquentiæ decus, & seruatae Patriæ gloria, parem gratiam reddidit. Denique Iulum, non tam à Dis origo, quām per omnia diuinæ potentiaæ æmulus animus, sideribus assignauit. Citra assentationem, MAGNANIMI Patris FELIX Fili, loquor: ánne in illo tuo pariter & Patriæ Parente, rectitudinem Resp. aut constantiam etiam in aduersis vñquam desiderauit? Eloquij sanè disertissimi & salutaris opis bona sic semper subministravit; vt, ne secum desinarent, etiam prospexerit. Postquam enim, optimarum artium cultus quid regnorum præsidibus prodesset, suo satis exemplo confirmasset; Musarum celeberrimum Athenæum, HIPPEI SAMOSCIA-

MOSCIANI cum titulo , publicis & perennibus POLONIAE
 visib⁹ confecrauit. ô laudem, & famæ , quia non interituri fru-
 ctus, æternitatem ! Supereft Cæsareæ imaginis typus , quem
 militiæ artibus , patientiâ , successibus nostro sæculo sic reddidit,
 vt post veterem illam memoriam , vno tantum dissimilitudinis
 genere , ab illâ Veneris (sed quam Mars armatus amauerat) stir-
 pe discesserit. Quibus enim ille armis patriam oppressit , hic
 seruauit. Quibus Gallias ille toto decennio , sed sibi , subiuga-
 uit; hic à S A R M A T I A E limite , bono publico , Dacum , Parthos ,
 ingentibus submouit stragibus; Moschum Lithuaniâ expulit , Sue-
 ciæ Tyrannum non semel fregit. Denique xxiv. annis inter mi-
 litares florentissimi regni viros sic belli præfecturam sustinuit , vt
 gloriâ plenus , offensæ nescius , ab armis non anteà quām è vitâ dis-
 cesserit. Talem L I P S I V S H E R O A , quoad vixit , suspexit ; id-
 que , si fataliſſent , pluribus sempiterni ingenij monumentis te-
 stari constituerat. Verūm ah! non toto vertentis anni ſpatio illum
 ſuum P O L O N I A extulit , huic Europa etiam cum lacrymis pa-
 rentauit. Ita nihil ſummum diu conſiſtit ; & qui humanum fa-
 ſtigium excessere animi , vt i cælo proximi , ita citò ad illam beatifi-
 tudinis ædem & lubenter tranſeunt. Nec aliter tamen (habet hoc
 omnis inclyta virtus ſui p ræmiū) à nobis & terrefribus hiſce
 recessiſſe vterque videri potest , quām à luminis ſui auſpice , &
 roſeā vt ſic dicam matre , antelucanus Sol ſolet. Iſte enim apud
 originein ortumq̄ue totus aſpicitur , quia adhuc terris adhæret:
 ſed mox vbi cæli conuexa ſcandere coepit , omnes bonis illius
 fruimur , nemo intentè aſpicere conatur. Tale meritò fulgidiffi-
 mis hiſce eueniet , in cæleſtem claritudinem , à vitaliſ huius lucis
 tenuitate ſublimatis , quidquid enim à vicinitate mortalitatis , qua-
 ſi nubium nebularumq̄ue adhæreſcere videtur , dies demet ; ſu-
 praq̄ue ætatis ſuæ conſpectum prouecti , ſempiternâ ſæculorum
 veneratione vigebunt. Verūm huiusmodi , & recurrentis dolo-
 riſ ſingultibus æquales , dum cogitationes conteximus ; ecce alte-
 rum mœſtitia huius membrum illis ſupereft , qui deſertam tuam
 pueritiam , annosq̄ue infra primam adolescentiam poſitos , cum
 miſeratione æſtimant. Hos licet indoles tua ſecuros facere poſſit ;
 tamen Illuſtrissimi dignitatibus , coniunctiſſimi ſanguine & ami-
 citiâ S A M O C I A N A quatuorūri , ætatis & familiae tuæ curato-
 res , pro te ſpondent : G E O R G I V S S A M O Y S K I E P I S C O P V S
 C H E L M E N S I S , N I C O L A V S Z E B R Z Y D O W S K I P A L A T I-
 N V S E T G E N E R A L I S C R A C O V I E N S I S , M A R C V S S O B I E S-
 K I P A L A T I N V S L V B L I N E N S I S , S T A N I S L A V S Z O L K I E W S-
 K I C A S T E L L A N V S L E O P O L I E N S I S E T E X E R C I T U V M
 P RÆF E C T V S C A M P E S T R I S . Hem , quanti , qualesq̄ue viri
 te

te manibus suis gerunt, oculis obseruant, cordibus curant! Imò ottum simul SARMATIÆ Regnum, quos à PATRIS tui morte oculos turbauit, in te reficit: te MATERIS tuæ aureum partum, Patrij Non magis sanguinis sobolem, quam virtutis heredem, eum solatio aspicit & amat. Erigere

O decus eximum, & magnis virtutibus auge
tuorum de te conceptam spem, exspectationem omnium. Nos quoque procul positos de te cura exercet; dum quis vultus, ætas, profectus tuus sit, studiosè inquirimus. Cresce & adolesce, GLO-
RIOSISSIME PRINCEPS, vel in reliquæ Europæ inuidiam; & non summo adhuc studio, languidas tuæ fortunæ passim adolescentium institutiones, te superasse audacter cense. Tam enim spernitur hoc futuræ vitæ summum bonum, ut ubique pæniè gen-
tium ignoretur. Omnis tamen ætas docuit, humanitatis artibus,
& florentibus ingeniorum virtutibus, imperia crescere & flore-
scere. Macte tu saltem. nam paterna per vestigia euntem par pro
paribus virtutibus æterna manet.

Vouemus & FELICITER acclamamus,

LIPSIANI TESTAMENTI Curatores;

NICOLAUS OVDARTVS, Canonicus & Officialis Mechl.

GUILIELMVS WARGNIRIVS, Canonicus D. PETRI Louan.

IOANNES WOVERIVS Antuerpiensis.



I N D E X
EPISTOLARVM SELECTARVM
CENTVRIAÆ V. MISCELLANEA.

A	Egidio Schondoncho V.R.	xvj.	Henrico Vanden Eede, cognato suo	lxxij.
	Andreae Chiocco V.C.	xxxv.xlvij.	Henrico Vveno I^o	vij,lxxvij.
	Andrea Schotto V. R.	xcv.		I
	Antonio Persio	xxxvij.	Iano Gruterio	xlv.
	Ascanio Columna S.R.E. Cardinali	lxiv.	Ioanni Aquilario Aluarado	xlij.
	Auberto Mirae Canonico	x, lxxix.	Ioanni Andrea Prochnicio Legato Ser^mi Regis Poloniae	lxij,lxxxiv.
	Augustino Valerio S.R. E. Cardinali	xlvij.		
		B	Ioanni Baptiste Baronio suo	xvij.
	Balthasari Moreto suo	lx, lxxxij, xcij.	Ioanni Bapt. Sacco	xiv.
	Balthasari Robiano, Consuli	vij.	Ioanni Bapt. Salazario	lvij.
	Bartholomeo Petro Lintrensi, Doctori Theologo	xxvij, lxi.	Ioanni Bapt. Siluatico	lxx.
	Bernardo Maciejkowski, Episc. Cracoviensis	xxij.	Ioanni Buissonio Consiliario	xxxvij.
	Bonifacio Beaulaque S.R. E. Cardinali	lxxiv.	Ioanni Chokiero I^o	xxvij.
		C	Ioanni Ganerellio I^o	lxxv.
	Carolo Archiduci Austrie, Fmp. nepoti & pro-nepoti	xcj.	Ioanni Mirae Episcopo Antuerpiensi	xc, xcvi.
	Carolo Duci Croyo & Arschotano	xxv.	Ioanni Richardoto, Præsidi	lxvij, xcvi.
	Carolo Philippo Rodoano, Episc. Brugensi	lxix.	Ioanni Samoscio, Regni Poloniae Cancellario	liij.
	Claudio d' Ausquio, e Soc. Iesu	iv.	Ioanni Vergerio Aurano suo	xlj.
	Curtio Pichena	xxxiv.	Ioanni VVoderio suo	lxxxij, lxxxvij.
		D		L
	Dauidi Hilchenio, Regi Poloniae à Secretis	lvij.	Leonardo Lessio, Theologo Soc. Iesu	xxij.
	Demetrio Soliconio, Archiepiscopo Leopolitano	xxij.	Ludouico Beccatello	lx.
	Dionysio Villerio V.R.	xvij, xxvi, lxxvij.	Ludouico Nonio Doctori Medico	liij.
	Dominico Auengochéa I^o Senatori Regio	xix.	Lupercio Leonardo Argensola	xx.
		E		M
	Emanueli Pio S.R.E. Card.	lij.	Marco Antonio Bonciario	xlix, lxxij.
	Erycio Puteano suo	v, xij, lxvi.	Marco Velsero V.I.	xj, xl, xlui, li, lxxxix.
		F	Matthie Houio, Archiepiscopo Mechliniensis	xv.
	Florentio Vander-Hario Canonico	lxvij.		N
	Francisco Harleo Abbatii S. Victoris	l.	Nicolao Hacquevillio	xij.
	Francisco Maria Sagri Flyrio	xxxij.	Nicolao Oudarte suo	xxxj, lxxxij.
	Francisco Queuedo Viro Perillustri	lv.		P
	Frederico Borromeo S.R.E. Card.	lxxxvij.	Paullo V. Pontifici Opt. Max.	xcvij.
	Frederico Morello	cvij.	Petro Colins	xxxix.
	Frid.Taubmano	lxxxvij.	Petro Orano I^o	xxix.
		G	Petro Pantino V.R.	lxj, lxxij.
	Gaspari Diemeno	lxxvij.	Petro Peckio Consiliario	xcvij.
	Gaugericus Riuij F^o suo	lxij.	Philippe Rubenio suo	vij, xxx, xliv.
	Georgio de Magno Concise Minschez	xxiv.		R
	Gerardo Buytewechio suo	xlvi.	Remaclo Roberti	ij.
	Guilielmo Richardoto suo	ix, xxxvij.		S
		H	Sebastiano Maccio Duratino Viro Perillustri	liv.
	Hadriano Flerontino I^o	xcix.	Seraphino Oliuorio Sacri Palatij Auditori	xxxij.
	Henrico Halmatio V.N.	xcvj.	S.R.E. Cardinali	lxv.
			Simoni Simonida	lvij.
			Stanislao Krzistanouicio	lxxxv.
			Oratio de Calumniâ, loco centesima Epistola.	

IV STI

IVSTI LIPSI
EPISTOLARVM SELECTARVM
CENTVRIA V. MISCELLANEA,
POST V.M.A.

EPISTOLA I.

I. LIPSIUS IOANNI SAMOSCIO, *magnus Regni Poloniae Cancellarius, et Exercituum Praefectus.*



LL^{ME} DOMINE, Deum ego testem capio interioris mæ voluntatis, quām sæpè adspirauerim ad te scribere, & cultum promere quem virtutibus tuis debatum, in isto velut Vestali secreto clausum seruabam. Adspirabam; sed occasio numquam fuit, aut rima aperta per quam erumperet: nunc videtur factum, & Simonides atque Hilchenius tui, manum præbent, & præcunt ut veniam & me fistam. Ego facio: scis quomodo Vir maxime? ut si vel ad Regem aliquem magnum venirem, tui verens reuerensque, & mixto affectu amans. Profectò in omni genere virtutis tuę, in bello, in pace, parem hoc sèculo, imò & superiore: parem? vix similem habuerunt, & libero ore ac puro iudicio profitemur. O Stephanum regem magnum! sed & magno te adiutore & administro: qui alter heros, benè coniunctus cum heröe illo eras. Frustratus Europa vidit, audiuit, & tui etiam nunc sentiuot: & tu gloriā peperisti, quā edax illud tempus non absuimet. Quam gloriam, mihi crede, illuſtrat & auget varia & remotior doctrina, quā ipse es imbutus: & quam in oris illis tuis fuscitas & propagas. O nate in exemplum virorum Principum, atquē vtinam sint qui imitentur! Non me fugit, quam humanitatem, aut potius benignitatem, iterumque potius beneficentiam, nostratium quibusdam etiam exhibueris, qui peregrinati illīc sunt; & inter eos Dousæ filijs: qui Douſa (dolenter scribo) ante dies circiter quindecim fatalem suam metam adiuit. Cui me etiam sæpè valetudo tenuior, & omni motu afflictior, admouet: viuo tamen hactenus, & tuus viuam cultor, mirator, cliens. Ill^{me} Domine, non epistolam hanc eense, sed animi inten-

I. LIPSI Operum Tom. II.

tioris sensum: iterumq; testem illum, quem nemo fallit, inuoco: & tutorem eum tui adiuvoco, venerorq; Louanij, vi. Idus Novembr. 15CIV.

EPIST. II. *Bruxellas.*

REMACLO ROBERTI S. D.

R EMITTO Soranzam tuum, de quo e- quidem benignius iudico, quām de illo Peregrino, ut se appellat. cuius cauſa ab initio ut bona fuerit, corrupit eam malè & asperè agendo. Et in reges cui hæc libertas aut ius datum? Sed omittamus. scio alia alijs iudicia: ego autem Horatianum illud submurmuro,

Non ut porticibus, sic iudicijs fruar ijsdem: cum vulgo, dico. Ad Legatum librum mitto, & cum salutis & obsequij mei delatione trades. Statui omnino, quod scribis, aliquid ad eum pangere: sed opportunitas exspectanda est. Ex animo apud te depono, digniorem hoc & alio honore ego, è nobilitate, in Belgicâ nondum vidi. Sed patriæ nostræ quid fieri? Hostis vigilat, apparat, inuidet: nos sedemus, frigemus, & votis auxilia optamus. Ventura, an iam venerunt? nam herè aures meas fama tetigit, triremes cum milite in Morinos appulisse. Ego autem non tam de milite, quām de consilijs laboro: & Mineruam iungi equidem velim cum nostro Marte. Qui Mars nec Pannonijs secundum se præbet, si vera quæ hīc sparguntur de nouâ illīc clade, an proditione. neque enim distinctè & liquidò etiam scio: si per te, gratum erit. Vale vir amice. Louanij, postrid. Kal. Mart. 15CI.

EPIST. III. *Antwerpianum.*

BALTHASARI ROBIANO, *Consuli.*

A NTVERPIAE vestræ hoc, an Deo & Fato adscribam? sed vtrū, ego melius valentiorque paullò sum, post libatum aërem vestrum, perambulatam urbem, flumen nauigatum, denique post sermo-

T₂ nes

nes suauissimos vestros & conuictum. Non sum quidem (ne fallam) in veteri illo vi-
rium vigore: sed spero paullatim tangere, si
Deus manum non subducit. Spero, non
confido. quid enim certi h̄ic est? & quid
hanc vitam, nisi ut mare, dixerim esse? Sem-
per in eo fluctus aliqui, s̄pē tempestates,
iterumque malacia & risus. Tale in vita:
iactamur, concutimur, curis, aut morbis:
denique iterūm h̄ec meliore & mitiori
sorte, aut valetudine, mutantur. Optem
in republicā nostrā sic esse! alternum, in-
quam, aliquid interuenire. Sed quid nisi
adsiduae procellæ sunt? & iam ab annis plus
triginta oculis non usurpauimus amoenio-
rem aliquam lucem. O Deus, itāne sem-
per iudex & vindic nobis es? numquam
geres & efferes etiam patrem? Spero equi-
dem, & vel vicinorum exemplo confirmor.
qui cūm aut in bellis palām, aut eorum me-
tu essent, pr̄ter opinionem pace fruuntur:
& bonis nobis apertum semper stabit
templum hoc Iani? non stabit: inducas, si
non pacem dabit, & respirare paullūm, si
non reualescere, patientur. Corde eum rogo,
& te V. Clariss. Reip. tuæ, quæ te & quam
tu amas, diu saluū esse. Ecce autem & Car-
men subito scripsi, arguendo quod initio
dixi: habe & lege, si est tanti. Louanij p̄id.
Kal. Iunias, 20. I.CII.

Duos illos nostros saluere cupio, Schot-
tium & Vwenum.

AD ANTVERPIAM, & inibi AMICOS.

ANTVERPIA, vrbium ocale, amata Lipsio,
Et aestimata turbes supra omnes Lipsio,
Quām volupe m̄ te luminibus istis fuit
Vidisse nuper, atque amana mania
Lento perambulasse identidem pede?
Quām volupe pariter, illum amicorum gregem
(Ita dico: plures namque sunt) illum gregem
Sermonibus fruitum esse, vel conuiujs?
O neclar, ô ambrofia, ô meis malis
Leuamen vnum! tibi, quōd animam ducimus,
Adscribo: tibi, quōd tangimus chartam &
stilum.
Tu sola morbi Phæbus audies mei,
Tu sola sofпитator Aesculapius.
Quid me futurum porrò, nouit hoc Deus,
Vitæ arbiter necisque: sed ero, non ero,
Tuus ego viuus, mortuusque. quod hac manu,
Hac mente testor: MAGNVS AVDIAT Devs.

E P I S T . IV. Insulas.

CLAVDIO D'AVSQVIO, è Soc. Iesu S. D.

MANVM tuam agnoui, & libens vidi:
quōd si non illam, stilus tamen pro-
debat. Quām pauci enim sic scribant (ne-
minem dicere religio sit) inter meos Bel-
gas? Sed domum te redisse, & placere eam,
hoc placet: quod idem mihi. Ego cursu
vorsoriam cepi, nec vela aut remi faciebant
satis: adeò fugiebam istos amicos quidem,
sed qui

* Εἰλενάζοι, πίναστε ἀδηπα δίνον.

Corpusculum meum & viriculæ, vt sic lo-
quar, non subsistunt nunc istis. Sermones
alioqui capiunt, & illa coimtas Antuerpien-
sium propria: sed huic quoque mellī fel-
suum, & natali sorte nostrā

a — Οὐποτε φύλα δυπταβίαν ἀρθεόπων

Τερπολῆς ἐπένηρδης ἔλω ποδί.

Ergo pedem struxi, & redij. Apud me nunc
sum, sed nondum ille, qui Italo respondi.
Tunc ^b θυμὸς καὶ ἄγκα, vt ais: nunc intentum
nihil aut feruens, sed ^c πάρεστις καὶ χάλασμα ^d da.
καὶ ψυχρότης. Agnosco imbecillum illud ^e καὶ σανγκή,
ἀργαράσατο hominis, & vitam hanc fluxum
& refluxum vel Euripi illius esse. De Ba-
silio tuo, putem ex illo promisso publico
te posse in utramque aurem. Nam de no-
mine tuo omittendo, & tam insigni pla-
gio, quī possit? Άeuum ad omnia prava,
fateor: sed nondum, opinor, ^f ἀναιδείν εἴπως ^g Ιmpu-
αἰχδλη. Si erit, nos in gyrum reducemus ^h εἴδεις
vel publico scripto. nam mihi h̄ec pet-
nōta. Ad Silium quod attinet, nihil te mo-
retur, si decreuisti. Amicus ille ab Antuer-
piâ, ⁱ μεγαλοπράγμα magis, quām ^j πράξις, ^k magni
nec vlt̄a verba aut promissa res ibit. Im-
parem etiam puto, vt rem dicam. ^l ταῦτα τε ^m hDe Duce,
Δικα, puta ab Alexandro mihi impressam
ⁿ σφρυγίδα σιωπῆς. Sed neque suadeam ad il-ⁱ sigillū
lum, ob caussas quas corām mallem. Vale
V. R. & animo huic care. Louanij, v. Idus
Iunias, 20. I.CII.

E P I S T . V. Mediolanum.

ERYCIO PVTEANO suo S. D.

VIDEO te meas non accipere, atque ita
frustrà p̄nè sumere operam scriben-
di. Cuia culpa est? non mea hercules,
qui tritâ & vt putamus tutâ viâ mittit.
Fraudes vbique, vnum remedium ferre.
Sed hoc mirum, nec Epistolas meas vos

vi-

vidisse? Quinque earum Centurias edidi, & Septalius ac tu in numerum venitis. Amplius, Italo vel tro responderi, quisquis hominum sit; sed respondi. Non merebatur. hoc cordati iamantè, & post responsum meum quiuis dicet: sed exempli interest retundi sic proteruos & fatuos, nec eos solùm, sed (ex priscâ formulâ) QVORVM OPE CONSILIOVE hæc scripta. Audio & alios ibi esse qui hunc Pelian velint recoquere, id est Tacitum necare: faciant, ego vltrà non oppono, nec iudicium præeo, quod haud magis inseri docendo potest, quam gustus aut odor. Dij deæque! quam in animo isto suaue, vidisse meliora, nec secutum solùm esse, sed præiuisse! Alij abnuunt: quid promouent? ille in bono & recto firmus

— per obstantes ceteras

Explicit sua viatora arma.

De Cardinali Borromæo, & eius in optima studio, volupe audire. quod autem quærit, de lapide in aceruum Mercurij misso (in sacris ita scribitur) non aliud arbitror, quam ad mōrem veterem allusum, qui sic habet. Mercurius viarum præses, & Græcis verbis, ὁδος, εὐόδος, ὁδηγος, in biuijs aut triuijs effingebatur trunco habitu, & in lapidem rudem, quadratum, quos *Hermas* Græci vocabant. Ij signum erant & indicina viæ: atque vbi non illi, moris vt lapides aliquot aceruarentur, qui vicem eorum & vsum supplerent. Itaque pauci illi coniecti aut dispositi augebantur pietate an superstitione transeuntium: & Hebræus ille Sapiens nunc dicit, Beneficium aut honorem insipienti dare, assimile esse illi, si quis in aceruum talem lapidem velit iecisse. Nam beneficium quidem est, viatoriputa: sed ne mo impudat, quia dator ignoratur: tale in fatuo, cui beneficium si confers, perdis. Septalium conualuisse, triumpho & gaudeo, virum quem iamdiu habeo optimum doctissimumque, & melioris illius æui germen. Saluta, amplectere; ego te, & tu virtutem. Louanij, xii. Kal. Sept. 1502.

EPIST. VI. Antuerpiam.

HENRICO VWENO I^o S. D.

FILIOS tuos iamnunc apud me int leuico prandio habui; quos libens sane video, & in ijs ipsum te. Placer veriusque indoles & industria, ethi cum aliquo discri-

I. LIPSI Operum Tom. II.

mine, quod in sermone facilius edam. Deum seruare eos tibi precor, virtuti & reip. crescere, heu quam inopiam virorum, aut certè consiliorum, nunc laboranti! Quæfiant, omnes videamus; quæ futura, timemus: & quæ facula bonæ spei allucet? Ego nisi tenebras & confusionem non video: atque inuitus vel in hunc labyrinthum sermonis yenio, implexum, & exitus ignarum. Quæ sentio, dicere non lubet, & sine fructu sit: sileo, & philosophiam meam inuoluo. Legi quæ amicus ille (tuus alter) ad te scripsit: quid censes? miratum me? nihil. Nota & præcepta hæc mihi sunt: & scio à quo fonte sumant. Ecce, hæc suggeri & doceri possunt: ridentur, ad ineptias & futile subtilitates eunt, quæ ipsi *Ingenia* appellant. Ridere nos quoque possemus, si Pietas & Patria non agerentur: nunc ringimur; & quod vnum supereft, frenum mordemus. Beati amici, quos interea ad beatæ loca mittimus! Ego hinc & alibi plusculos hoc anno: securus alaci gradu, cùm euocare Imperatori meo visum. Vellem cum Schottio & Robiniano hæc altercare nobis in sermone liceret, sed non mœstis: paratis ferre & subire quodcumque iugum. Deus imponit, sed Pietate semper saluâ. Insigne documentum, si vlla ætas, hæc dat, & (vñam fallar) dabit, quam sine prudenteria potentia inermis sit, & inefficaces manus habeat. Aula apud nos bis terque fuit: Aula. Aliud non habeo, videre & alloqui amicos ibi opto, hiems prohibet: saluere igitur iubeo, alias (Deus non inuidet) vindicatos. Tuam saluto, & duos amicos, quos nominaui. Louanij, postrid. Kal. Novembr. 1502.

EPIST. VII. Lutetiam.

FREDERICO MORELLO S. D.

S^VAVES mihi tuas, ita Musæ me ament. Nam silueras aliquamdiu, & ego pariter: quid mitum (in me quidem) vbi nubes hæc & mœstitia temporum impendet? Amœna aut amicæ omnia à nobis abeunt: pro virili quisque fatigit tueri se, subsistere, nec aliarum rerum esse. Apud expertum loquor, & hæc Enyo Galliam quoque, & urbem vestram, infestauit: sed minus pertinaciter, & mitior Dea superuenit, & * νονχίν χαρκα adspexit, & sibi vindicauit. O melior Gallæ pars, & animæ huius, ut sic dicam, * μημονει, sic manete: & lucis * pars pre- cipua,

T 3 ali-

aliquam spem nobis facite, à luce illâ ve-
strâ. Omînor, & fortassis <sup>* ex dñi deias tñ-
nivias.</sup> Sed ad tuas litteras. significas De Biblio-
thecis te vidisse, & placuisse. Argumento,
non ambigo: tractatu fortasse, quia aucto-
rem amas. Nam * ευταύρος te mihi, abest à
candore tuo, qui non habet istos φωναισιάς.
Ceterum, libellus exiguis: sed vel præiuisse
in hoc æuo, & immani bonorum contem-
ptu, nōnne magnum est? ^{* Μαγιδίας} fortasse,
vt Homerissem: sed conscientia sufficit, &
viderint qui delinquunt. De Italo, faciun-
dum semel fuit, & istos ^{* καρκοθόλες} reijen-
dum aut reprimendum. Dij boni, quæ co-
pia est? In posterum abstineo,
*Atque arma, defunctamque bello
Barbiton hic paries habeto.*
Te amo, & vtinam fruar <sup>* ἡ της αληθων
φίλων,</sup>

— cuius se pectore Graia cætuſtas
Condidit, & maior colle Etis viribus exit.

Sit & mihi in eodē locus; in meo quidem,
* in annū ^{* Δι' αἰώνα}, tibi erit: sed & Morantium ad-
iungam & curabo, quia tuum, & faxo ut te
factum dicat. Vale ô optime, & <sup>* φιλέντα αἰν-
φίλη.</sup> Louanij, v. Kal. Decembres, ipso die
quo tuas vidi. ∞. I.CII.

E P I S T O L A VIII. PHILIPPO RUBENIO meo S. D.

LVBET adsari te mi Rubeni, in publicis
priuatisque malis, & quibus tolerandis
animus est, vtinam in corpore tamen sa-
no. Audis ruinas nostras, & sonitus vel il-
luc te penetrarint: quid speramus, aut cui
innitimus? Deo, nec præter illum nos iu-
uet. O vanas spes in nouâ dynastiâ! etsi opti-
mos eos habemus, sed nescio quâ fati ma-
lignantate nihil adhuc in nostram rem fa-
ctum. De fato, quâm de culpis loqui malo:
& in id æui venimus, vt tangi eas nolimus;
& verè cum Liuio, *nec remedia nec mala no-
stra pati possumus.* Quid ergo superest, nisi
ad illum aſpicere qui suprà est, & cum po-
tâ dicere,

— Ta dñ. ἀνδρὸς πάτερ μάνει?
Fiat, fileo, ſtilum alio verto. Ad nos, mi Ru-
beni. & ecquid agis? quid in futurum desti-
nas? nam in eo iam te esse vt decidas, ratio
& ætas, sed & ſcriptio tua, dicunt. Deum ve-
neror, vt cum dupli ci bono tuo fiat, interno
externoque: ſi minus, illo. Scripti aliquid
nuper, ſed tibi & αφεγέως: tecum habe, ru-
minare, & verbo veteri LENTE FESTINA. Si

animum Philosophi induis, vt debes & in-
doles tua poſcit; animum curabis eximiē,
imò tantum: cetera non deerunt affectum
modico, & iucundè clamabis,

— Benè eſt, cai Deus obtulit

Parcā, quod ſatis eſt, manu.

Longius ſi imus, extra terminos imus, & in
vastum illud INFINITVM.

*Si animus hominem per pulit, aetum eſt, ani-
mo feruabit, non ſibi:*

*Sin ipfe animum per pulit, dum viuit, viator
victorum cluet:*

ait ille noster, altâ sapientiâ, etiam in ſocco.
Ego de indole tuâ ſic confido, vt etiam ſine
præmio bonum te futurum augurer, nec
vel inter praua & prauos deprauandum. Et
hercules de præmio, ſepone in hoc æuo: quo
Theognidis dictio vera eſt,

Ωὐχειον πίσις μηγάλη θεός, ωχειο δὲ αὐδεῖον
Σωφεσσών, χαρεπις τ', ω φίλε, γλεῦ ἔλιπε.

Imus ad humilia, ſordes, vitia; & qui for-
mandis animis preſunt, quidam eò ducunt.
O beatum me, qui mox hæc relinquam, &
tutò ſpernam! Beatum & altero nomine,
quòd in culpam non trahar, & consilijs aut
actionibus publicis numquam me inſerui
aut communicaui.

Καὶ οὐ γέγονε πεγγυάτως ἔχει πόδα.

Itaque eâ cogitatione & ſimili, quam Sa-
pientia cumque mihi dictat, ſuſtentor,

— & mea
Virtute me inuoluo, probamque
Pauperiem ſine dote quero.

Quid ſi fugerem? bellum daret, & iam Mi-
les ille incompositus & ex professo (iuſſo
non dicam) proteruus, itemq̄e Seditiosi,
noua nunc manus, eò impellant. De iſtis, ſci-
to ad quartuor millia & vlt̄rā iam creuiffe;
hostes iudicatos, nondum repressoſ; & om-
nia agere in agris nostris ac ferre. Si videas
audiasque miſeriam; patriam miſerari velis
nescio, an odiſſe. Hæc publica noſtra ſunt,
& priuatim mihi etiam bella. Ille Italus,
quisquis aut ybi fuit, me ſcedo & inuſſo
libello petiuit: respondi, non vt regeſerem
ſordes, ſed à me abſtergerem. Fortiter feci;
& auſim dicere, non reieci ſolūm huic An-
dabatam, ſed deieci.

Οὐ κόμπος οὐδείς. παῦδιον γέ εἰπεῖν τόδι,
ſi mea modò legetis. Sed apud me, non mea
cauſâ, ingemifco. Heu, quo æuo viuimus?
& cui vos ſurgitis? Sapere hortor, ſed vo-
bis: ſi aperitis, non inuidiam ſed odium ha-
bituros. Timonis illa vetus ſecta publicè
damnata eſt, & euauit: vereor vt aliquis
reuo-

reuoget, cùm homines & iudicia hæc videt.
Benè est, quòd non diu videat,

— *¶ omnes una manet nox
Et calcanda semel via leti.*

Calcauit iam noster ille Micaultius, ô vir probus & pius! qui lento & medicis quoque ignobili morbo obiit, ante paucos hos dies. *Quis etiam?* Vibrandus ille Anskema, plenus spirituum iuuenis, & qui pænè cùm Alessandro manu vna Orientem, alterâ Occidentem tangebat: obiit, inquā, populari morbo & θυρίων λοιμῷ exstinctus. Eamus, altum spiremus: in carceribus nostri cursus sistendi aut abripiendi. Etiam meus Euerardus Pollio, olim in cōtubernio, desijt viuere lenitâ & pulmonariâ tabe exstinctus. Ecce funera: ad viuos redeo, & Io. Wouerium nostrum audiē nimis exspecto. Per Batauos venire dicitur, securitatis an visionis caussâ. Veniat, amplectar, & pocula libabimus memoriarum etiam absentium amicorum: inter eos tuæ, tuæ mi Rubeni. Fac idem,

*Nigrorumque memor, dum licet, ignium;
Misce stultitiam consilijs breuem.*

De Senecâ scio exspectas: dico tibi, ne exspecta. Famæ litare conati olim sumus, nunc Quiet: & Seneca faciat suadeatque, si vivuat. In hoc theatrum a retalogi prodeant & chrestalogi; emaneant qui sine fuco rem, non speciem, præbent. Quām diffundor? cum præsente secare sermones videor: & es animo: opto te sic affectum. Ita vale mi Rubeni! Louanij, vi. Kal. Nouembris. — I.CII.

EPIST. IX. *Patauium.*

GVIELMO RICHARDOTO suo S. D.

RARO aut scribitis, aut ego quidem accipio: & video eamdem culpam, an casum, in meis litteris esse. Quid faciam? feram, ut multa in hoc ævo, non pro altis bonisque ingenij, ut rem dicam. Vaticinari lubet, intra paucos annos, si sic pergitur, Doctrinæ melioris nomen Europæ subducetur, & barbaries ac sordes erunt, quas aui nostri viderunt. τῷ Δὲ Στῶμα μέλισσῃ: mihi, ut bona teneam aut appetam, & immotus stem contra malitiam aut inscitiam ingruentem. Cadere, non cedere, possum. Sed heu illa ora etiam vestra! olim luxit, & radios vel in has oras sparsit: quid nunc? cum Pindaro,

* *Facem
zumo ferre
aptes, pro
imperior
bodie.*

* *Λαμπάδα δὲ εἰς οἴος τη φέρει*

Τῷ αγυρωσίας ἐν νεύ.

Pudet, cùm lego quædam: quid vel illa nostri *Lucij?* et si ego refutaui, verè — *apinas
tricasque, ¶ si quid vilius istis.* Et hæc illâ eduntur, leguntur, fortasse & probantur? ô murcidi, an murci, & ab omni honestiore militiâ iam soluendi. Sed ego ille alienus ab omni pugnâ, tamen refutaui, & mundo ostendi, quām verè olim Hippocrates: * *Σφαλερὴν ἡ πτέραιος ἡ μετ' ἀδολεξίᾳ
ἰχύρως.* Etsi non ἀδολεξίᾳ hîc tantum, sed * βασκανίᾳ: atque ille fons præclaræ scriptoris. Quid tamen efficiunt? vt libere dicam,

* *Præcepta
& labi fa-
ciliis, cum
garrulitate
confidetia.
* inuiden-
tia.*

Multa Diræcum leuat aura cygnum: atque illi tela non peruentura, adeò non læsura, spargunt. Quare igitur respondeamus? non vt vlciscamur, sed vt emendemus: non aliter, quām pueros compescimus lascivientes. Sed de *Lucio* videbitis: nec velim alium vtique *πρεγανός* mihi dari. Non Segetum illum nostrum, et si offert: cui vtinam pro meo voto benè lauteque sit! Sed scribe semel, quid mali fati aut vitij illum premat: * *Καὶ μοι τὸν ἀγθόπουσ ἔθηκαν.* — nam iuuenem, olim inter meos, amo. Fratrem in viâ esse, lexus audio: Deus ad suos & ad me ducat. Tu autem Bononiam? nec illâ pro spe aut voto, fortasse omnia repries. Tamen vel repertis vtere, & quod ille ad Vlyssem,

* *Atque
hoc mihi
offer vera-
cuer.*

Ἐδον διαμόνεζεν, κατέπει τοῦτο.

Oīa παρέστη.

Me autem ama: quod non facies, nisi illa quæ à me amare pergis, id est recta & honesta. Pompa ne te abducat, vide. Louanij, xiv. Kal. Sextil. — I.CII.

EPIST. X. *Antwerpian.*

AVBERTO MIRAEO Canonico S. D.

LITTERAS tuas, & quæ inclusa erant, accepi; atque etiam excusationem, de raritate scriptoris. Scio non à neglectu esse, & mihi atque occupationibus meis dari interpretor libens. Sanè illæ crescunt, & obruent me, nisi recido. De *Ferreolo*, gratum, pérgratum est, tales in Sacro ordine reperi, qui & hæc nostra, veterum illorum Patrum exemplo, estimant ac scient respondi. Mottes Antiquarium illud Carmen: si serium, quid nisi ineptiae & animi error? sin experimentum tantum, abeat, nec per me notam aut laudem ferat. De *Antwerpia*, in sermonem memini nuper nos agere: in meis reperio memoriam eius,

T 4 anno

anno Domini ICCCCXXXVI. Caroli Magni imperio: Normanni Anduuerpiam ciuitatem incendunt, similiter & Vittham emporium iuxta ostium Mose fluminis. Ita Annales vettusti, sed incerti auctoris: nec antè memorari notaui equidein. et si iam tunc aliquid magis fuisse, ex eo quod Ciuitatem appellat, dicas. Iacuisse ab eo incendio aliquamdiu arbitror, sed tamen instaurata: itemque eius mentio, in rebus Henrici III. apud Lambertum Schaffnaburg. anno &.LXXVI. Gozilo, inquit, *Dux Lotharingorum, cum esset in confinio Lotharingiae & Flandriæ, in ciuitate quæ dicitur Antuerpha.* Et paullò pôst: *Marchia, que dicitur Antuerpha.* Vides Germanos paullò aliter ac nos pronuntiare, quod hodieque solet. Vides & situm eundem: si quidem Brabantia nostra tunc Lotharingia: denique vides iam tunc *Marchia* titulo insignitam. Ista nunc præ manu fuit scribere, alia à te (ut industria tua est) addes. De rep. circa nos nunc meliora. Timuimus certè, nec iniuriâ, Batauum validis copijs succinctum. Vnde istæ vires? palam est à se non habere. Vtinam res Gallicæ, & detectæ ibi insidiæ, non dent alterum nobis hostem! Deum precor hæc auertere, nobis intendere & seruare. Vale mi Miræ. Louanij, xiiii. Kal. Sextil. &.I.CII.RR.PP. Schotum & Heribertum saluto. Accepitne prior ille quæ ad Senecam misi?

EPIST. XI. *Augustam.*

MARCO VELSERO V. I.

FECI quod volueras, et si ego haud valde vellem: scripsi, inquam, ad Masium, in re pecuniariâ. Quid tu autem censes? Tagum aut Pactolum nobis fluere? mera hîc inopia, & priuatim ac publicè (pudet dicere) mendici pænè sumus. Ego ille animo diues, & Stoïcorum dogmatis, in metallis istis delinquo, & de fide congiarij anpro laboro. Ego, qui in gratiâ Principum & magnatum esse non diffiteor: sed sic laboramus, & diuturno isto bello afflitti sumus, an exhaustos dicam? Tamen Masius (actor tuus dicet) benignè respondit, facturum omnia quæ in copiâ eius etunt: dolere tantum, quod consilijs eius ante biennium aures non præbuistis. Nam tunc res laxiores. Ista de te, quam solam rem inulxi censem. Carmen N. accepi, & à tuâ interpretatione probavi. Nudum si viderem,

quid afficeret? sed *inuidie vitæ*, vt ais, si hæc trophea, age, in porticu meâ aut portâ suspendam: sed non in *Senecâ*, ne erres. Eum differo, non omitto. numquam scriptorem illum & unicum magistrum è manibus: non tamen ita, vt omnia publicemus. Reuerentia me æui & iudiciorum haber, elimanda sunt, quæ illi conscribimus, & istis delegamus. Sed heus tu, vidi stine qui ex transuerso me petiit? vidisti, et si dissimulas: iudicij autem vel & consilij tui copiam voluissem. At nunc serum est. nam respondi. hîc habes: dic vel nunc quid de utroque videatur. Satin' ego profano, qui non sanum responsi honore sum dignatus? Difficile in istis temperare: et si usque adhuc Europa dicet modestum me, imò & per-patientem, fuisse. Quam multis non respondimus? quos ut infantes vagientes habui, & risu non scripto componendos. Non probo istos, qui ad singulos insultus se parant & exserunt; & in gladiatorem pugnant: nec tu mi Marce, si te antiquorum hominum & morum noui. Philosophi sumus? transeamus. Christiani? patiamur, alieni ab excetrâ illâ delictorum omnium superbiam & vindictam. Sed scriptum habes, iudica. vincar aut vincam, parum est: cum Aristippo, *Ego vicitus abibo iucundius, quam ille vîctor, dormiturus.* Etsi non potest hoc bonis arbitrîs: quem te censeo, & mihi ferro. Adiuncta ad Delrium nostrum eunt: perueniant, obsecro, te mittente. Martialem, qui ad te & tuos, vidimus: multa bona: voluissem strictius quædam dicta. Sed ille caussas suas habet: pro hoc æuo iustas, pro veteri improbandas. At scenæ etiam Roscius seruiat, si viuat. Dij boni quam longus sum? quam morem & ingenium meum migro? Amor est, in te iudicio suscepitus, & æternum, æternum, mi Marce servandus. Si eadem tibi causa, idem fac, & vale. Louanij, xvi. Kalend. Septemb. &.I.CII.

EPISTOLA XII.

NICOLAO HACQUEVILLIO S. D.

TVAS libens vidi mi Hacqueuilli, cur non anteà? Decebat te, si vis rem dicam: & litteris etiam promptè adire eum, quem sermone soles. Sed cum fecisti, satis fecisti: in vnâ re hæreo, litteris Baronis Bonœuillij, quas tuis adiunctas scribis, & nul-

nullas in fasciculo vidi. Considera, periiisse nolim: & si est, sciat ipse non vidisse. Viri illius gentem, & ipsum amo, eoque gratum fuisset mutui affectus tesseram manum videre. De itinere tuo, Deus fortunet; itemque studia, quæ in ipsâ Galliâ (ita audio) amplecti & exsequi te, euidem probo; dum taxat ut tu totâ mente hinc te dones, dum ætas tua & publica ista pax sinit, bona nutrix artium, quarum Gallia vestra ab annis mille quingentis ferax & felix, inter Europæ prouincias, fuit. Si scias, mi adolescentis, quantum in ijs momentum ad prudentiam, sapientiam, & uno verbo, veram felicitatem sit; fortius & arctius amplectare. sed crede nobis, & vanis sepositis hæc vera & solida amplectere, tuo & publico olim bono. Pompa & ambitio sèpè abducit, & quod poëta ait,

— nos vilis turba caducis
Deseruire bonis, semperque optare parati,
Spargimur in casus.

Sed exerce te turbæ, paucis bonisque adiunge, & in tunicâ non lanæ aliquod filum, sed purpura (vt ille ait) esto. Hoc suadeo, hoc voucomi Hacqueilli: & ista si amas (neque enim aliter) me amare. Louanij, Kal. ipsis Sept. 15CII.

D. Legato parenti tuo S. & officia mea defero: idem D. Bani Thuano.

TESTIMONIVM.

QVI subscripti testificor, NICOLAVM HACQUEVILLIVM, domi nobilem adolescentem, in optimis studijs artibusque deditum, hic annos aliquot egisse, me vidi se & frequentasse, ingenio eius & indole oblectatum. Ut in viâ cœptâ longius pergit, eius conatus, nostra spes est & votum: preces etiam apud exterios, ut adiutum prouectumque velint. Naturam benignam reperient, ingenium facile; faucent, dirigant, & ad proprium & publicum bonum (ita natus est) ducant. Hæc breuiter, & testimonij fide

I. Lipsius, Professor &
Historiographus Regius.

Louanij, Kal. Sept. 15CII.

EPIST. XIII. Mediolanum.

ERYCIO PYTEANO suo S. D.

LIBENS tuas vidi, quia ex interuallo: & saluere te didici, & nescio an benè, bono

tamen animo in ijs locis esse. Sic oportet fato se aptare, & tranquillum, atque interiore animo hilarem agere, in omni sorte. De epistolis meis non visis, mirabar iure, nec iure mirabar. Post tot menses non peruenisse? Sed tempora & studia cum cogito, & quibus rebus artibusque pretium nunc sit, mirari desino, atque etiam nugari desino, id est hoc agere publicè quod haec tenus egi. *Sera est in fundo parcimonia*, ait ille: sed non sapientia; & quandocumque ea venit, priora corrigit, & fluctus nihil obstant aut incommodant, qui, etsi serò, est in portu. Deum immortalem! tali æuo nos viuere? & nos omitto: sed illuc, ubi alta & immota pax, & quod sequi videbatur, ingenij artibusque honos; nihil in pretio, nisi pretium, esse? Indignor, sed leuiter: in metâ sum, & laborent aut satagant, qui sequuntur. Italus ille qui metetigit, ego reperclusi: & ius est. neque sapiens sileat, & proteruiam castiget, sed eo animo quo solemus lasciuiam puerorum. Scriptum meum vidi se & Septalium velim, quem animo huic indui: & scio probaturos. Quid vos? ipsos hostes meos, si quos vitio suo, non merito meo tales habemus. Lubet fidenter loqui:

— mens altum spirat honorem
Conscia factorum.

Sed hæc talia, cogita quæcum nos excitet, & ad alia porrò mittant. Illustriss. BORROMAEOTI innotescere, gratum est; melioris qui Principi, & stirpe suâ digno. Septalium in morbo esse, & tali Saturnio morbo, triste: Iupiter & Venus potius respiciant, & optimum ac doctissimum virum publico seruent. Vibrandus Anskema, plenus spirituum iuuenis, & nuper inconsulto maritus, obiit ante dies paucos, tristi & populari morbo sublatus. Etiam Nicolaus Micaultius, ille meus, probus & pius, si quis Belga; sed lentâ & obscurâ tabe absumptus. Denique Euerardus Pollio, olim è meo contubernio: acre & arduum ingenium: & hunc pulmonis exulceratio absumpsit. Vides funera, sed priuata: quid publica dicam? Belgica tota languet, & inualescunt qui religionem & imperium mutata volunt. Quid causæ aut culpæ sit, malo scire quæcum prodere: vos etiam auditis, & quæcum non omnia hinc ex normâ aut more veteri,

Nonit & Arctois si quis de solibus horret.

Quod

Quod in epistolâ tuâ pluribus exsequaris , non hîc refello aut approbo : coram mallem , & iudicia tua audire , sed & formare. Illud velim & adsuadeam , ex Euripide:

* *Sacra fæciam illis potius ipse, quādā fr̄ox Irascar, & recalcitrē, homo cūm Diis.* * Θύσιμ' ἀναυτοῖς μᾶλλον, οὐ θυμεύθυ. Πρέπει καὶ τὸ λακτίζομεν θυτὸς ἀνθρώποις. permitte enim leuiter hæc à me immutari & adaptari. Sed vt dixi , hæc talia incoram malleum, & cūm Homero

* *Admoto capite, & ne quisquā exaudias alter.* * Αγγεῖον παραλλελοῦ, οὐ παντούσιας ἀνδρῶν. Septalij libros audiē exspecto : tunc ad ipsum, nunc salutem plenis faucibus propino, itemque Sacco. Louanij, xii. Kal. Novemb. ∞. I C II.

E P I S T . XIV. *Mediolanum.*

IOANNI BAPTISTAE SACCO.

MIRVM, & non mirum, te epistolam illam meam, nisi editam, non vidisse. Ordinatijs cursoribus tradita est, sed quid tam solleme hodie, quādā fraus aut officij neglectus ? Illud gratum , animum meum tibi conspectum esse : qui certè, mi Sacce, in te propendet, & amans cupit amari. Fac merenti. non eâ parte , quā autumas, quasi Famæ te consecrem : non ea vis mihi, et si voluntas: sed quia iam olim constanter erga te afficior , & addam eximiè, sermonibus scriptisque proditum , & prodendum. Scisne autem , aliquem ab Italiâ (nisi titulus imponit) proteruter mihi insultasse? Sed caput sustuli , & manum exserui, & puto, æquis & iniquis arbitris, hanc quidem palmam retulisse. Vbi sumus? inter quos Lapithas viuimus? Innocentia mea orbi testata est , & industriam approbare quidem conatus sum : ecce conuiciorum plagis excipior , & pñè ad Tarpeium saccum vocor. Tacitum corrupi. Dij hominesque! nullum auctorum hodie (fidenter loquendum est) magis medicam , magis opportunam manum, à mea sensit. Sed isti viderint , qui scribunt , qui legunt , qui faciunt: ego, vt bonus bonis approber , nec transuersus agar ab hoc Calumniæ an Inuidentiæ cœstro. Philosophor nunc , & in Senecam, imò totam Stoam, aliquid molior: si Deus & Fatum emoliri dant & absoluere, ignauiae me absoluet postera aliqua ætas. Vale Clariss. Sacce, & me ama. Louanij, ix. Kal. Decembr. ∞. I C II.

E P I S T O L A X V.

MATTHIAE HOVIO, Archiepiscopo Mechliniensis.

ILL^{ME} & REU^{ME} DOMINE: Petitus ve-
nio, quò non libens inclino, nec nisi con-
silijs & monitis aliorum inductus, etiā me-
dicorum. Multos annos iam tenuior valetu-
do corpusculum debilitat, quod sobrietate
tamen, & dilectu aliquo ciboru, & exercitiij
mediocritate, sustento. Sed vsu iam didici,
piscium solorum usum, & parum alimoniae
sufficere, &, si quid prauia aut melancholici
humoris in me, commouere. Evidē usque
adhuc Ecclesiæ S. Romanæ ritibus & præ-
ceptis libens, vt debeo, parui: & cum sensu
etiā aliquo incommodi, Quadragesimalem
in cibo castimoniam seruau. Scio enim ho-
mini, Christiano præsertim, summam felici-
tatis (vt Seneca ait) non esse in carne ponendam:
& scio etiam primogenios parentes nostros
à Paradisi gaudijs per cibi voluptatem ex-
cidisse. Itaque rediri etiam ad illa, per Abs-
tinentiam: sed iudicio tamen & prudentiâ
temperatam. Non enim per eam caro, vt vit
Sanctus scripsit, sed carnis vitia sunt extin-
guenda. Hac caussâ ad te, sumnum nostrum
Sacerorum Præsulem, confugio: & modera-
tionem, aut remissionem, in ciborum abs-
tinentiâ peto. Sed eâ lege, quam ipse mihi
pono, vt non nisi in necessitate usurpem, aut
mihi indulgeam: id est cum prostratae vires,
deposcere videbuntur. Ego, si impetro, vota
pro salute tuâ & publicâ interponam, cō ar-
dentius, quò magis & meam tibi , Ill^{me} &
Reu^{me} Domine, referam acceptam. Loua-
nij, iv. Idus Febr. ∞. I C III.

E P I S T . XVI. *Audomaropolim.*

ÆGIDIO SCHONDONCHO V. R. S. D.

CVM abijst inuper à nobis , corpore hoc
factum; animo obuersaris , meo qui-
dem, voueo & in tuo sic esse. Sed maximè
in eo opus quod moliris, & cuius argumen-
tum atque ordinem volenti ac lubenti mi-
hi denarrasti: in quo seriò pergere te, atque
feliciter finire, publicâ etiam caussâ hortor.
Enim uero veteris æui *Admiranda* concepi
animo , & partim stilo digessi , aliquid
edidi: nostri & superioris huius, tuum insti-
tutum, ac iam debitum est: quare? suscep-
sti , promisisti. Aurem tibi vello, perge:
educ è tenebris præclaros viros , & facta:
pro-

propone in exemplum: da ipsis lucem, ne per incuriam nostram sit

* Aequali
in fama
virtutis
amoris, &
bifurc.

* E. d' iñ tñmñ nñmñ raxòs; nñl ñ iñdñb.

Fructum, mihi crede, ea res amplum dabit: vis & famam? non spectas, vt tua pietas est; & aliena externis omnibus vita: sed & hanc spondeo, bonam & mansuram quamdiu Virtuti premium erit. Industriā tuam noui, sed & stilum talibus aptum: illam exsere, hunc admove, nec pauculis istis vitæ annis curas tuas circumscibe. Habet ab amico consilium, siue monitum interpretaberis: habes iamdiu affectum, neque nescis; tuum ex æquo mihi præsta. Vale R.P. Louanij, xvi. Kal. Mart. &c. I.C.III.

EPISTOLA XVII.

DIONYSIO VILLERIO V. R. S. D.

DIVITIUS factum est, cùm tuas accepi, nec respondi: sed tuo exemplo (si vis verum audire) factum. Nam & tu remissior esse inscribendo soles: non in amando, hoc scio, & hanc de te fiduciam habeo; velim de me idem. An mutem, aut minuam? augeam potius, si quis gradus ultra summum esse possit. Consistamus. Tardiorem metamen in omni officio, vel ætate, vel valetudine, fieri sentio: nec molestè fero; & desipere appeto, vel desipisse. Saeculum video, & Honesti vix scintillas alibi reliquas: nihil nisi fumum & nugas, & ea quæ mœror est cogitare. Feliçem me, qui cursum pænè decurri! Eram ipso Stoicâ Philosophiâ totus: scis quām non pro Genio æui, quod vel noīmen odit. Itaque mihi meditor & scribo. Inuitas me ad tuam domum. Scisne? si solus sim, haud frustra: iam adsim, & viuam & moriar apud animam amicā. Compedes habeo, soluari ipse antequam soluam. Duci Arschotano (quem solum generosi animi inter omnes processus sum expertus) Carmen nuper scripsi, in HEVRIAM suam, petenti. Editum est, cum Iconisno eius Prætorij, quale id animo (nondum plenè in opere) destinauit. Ita me Deus, bellum & elegans, & Principe viro dignum erit, cùm perfectum. Videbis, aut iam (quę eius in te benignitas) vidisti. Heus, est quod tibi soli significem. Rex Galliæ scribi ad me iussit bene seriò, ante duas trés-ve septimanæ, & in suum regnum, loco & conditione quibus velleim, inuitari. Excusavi, & gratias egi. Iterarunt tamen, & vel adorium, quale in Batavis Scaliger, vocarunt. Ego in sententiâ mansi, id est abnui: nec lubet peregrinari ultra; lubet, vt dixi,

ad metam ire. Melancholia est, inquires. Nostri veterem meum morbum, corporis tamen adhuc magis quām animi: & nisi ipse me fallo, ea pars constat & valet. Te utroque opto, mi amicissime, & quod à puero fuisti in me esse. Louanij, postridie Idus Martij, &c. I.C.III.

EPIST. XVIII. Romam.

IOANNI BAPTISTAE BARONIO suo S.D.

AMO tuam satis crebram scriptiōnem; Satis, nimis non dicam; non, si in dies me cōpelles. Suaue semper à yobis aliquid, & de vobis audire; quos animo huic fideliter habeo insertos. Gaudeo ROMAM venisse, illam olim magnam; augustam, super-admirandam: nunc sanctam, reliquias, venerandam. Sed vel nunc vestigia magnitudinis suæ habet: quæ magis eminebunt, si cum vetustâ lectione cogitentur simul & lustrentur. In uideo vobis (cur mētiat?) quod mihi non iterum calcarea ea loca fas: atque utinam vel futurum liceat, & pænè dicam, Geniali aliquā machinā eò transferri! Nam hūc nubes, tenebræ, horror, terror, & à rebus bonis honestisq; squallor & solitudine. Partes alteræ inualescent, viribus & consilijs: ipsa hæc schola desolatur, & metu aut tædio diffudit iuuentus. Ego me solor & erigo Sapientię studijs, & SENECAS seriò habet: sed vereor, vt mihi. Quibus enim ista? & breui vel nomine ipsum LITTERARVM ludibrio aut contemptui erit. Magnus tamen & rectus animus, recta non deferet: non,

— si tremendo

Iuppiter ipse ruat tumultu.

Carmen tuū ad pontem Metauri fluminis scriptum legi, & amauit. Fac, fac, exserant se interdum & emicent flammulæ istæ ingenij: & pange si non alijs, tibi & mihi. Imo & Rubenio, & quem prædictum oportuit Richardoto: quod consortium tibi gratulor, nec vel vota melius donent. Itaque si illi hanc æstatem etiam Romæ, auctor ulterius manendi: sin redeunt, non sim, & inclinem te redire, & in viâ tamen Germaniam videre. Domesticas tuas res, à fato optimi parentis, inspiciendas etiā tibi opinor. Sed, vt dixi, si illi manent, indulgeo: Deum precatus, vt apud te Sanitas maneat & Amor nostri. Louanij, postrid. Idus Mart. &c. I.C.III.

Heus tu, Carmen & ego ad vos tres subitum scripsi: hūc habetis.

AD

A D

GVLIELMV M RICHARDOTVM,
IO. BAPTISTAM BARONIVM,
PHILIPPVM RUBENIVM,
olim & nunc syos, sed iam ROMAE sistetes,
Phaleuci.

ERGO vos habet illa magna Roma?
Florens olim opibus, superba tectis,
Leta ciuibus? urbium vrbs, & orbis
Princeps? olim ea: nunc modestiores
Inscribit titulos, PIA atque SANCTA,
Et sedes adeo ipsa SANCTITATIS.
Verum vos habet: & meum doctorem,
Quod non me quoque habet! licebat, imo
Libebat, sed & addam ego hoc, decebat.
Quid tamen tenuit? mala illa Parca,
Quae filum mihi neuit, haud abire,
Quae filum mihi neuit, hic obire.
At vos o mea triga, dum fruisci
Iam datur, facite: & vetustioris
Illa Vrbis monumenta, Templa, Circos,
Arcus, Balnea, Porticus, Theatra
Cum lustrabitis, hoc subinde votum
Interponite: DOCTOR ILLE NOSTER
ADSIT LIPSIUS! hoc iuslabit, & me
Ala hac visite cogitationis,
Ala vos ego cogitationis.

E P I S T . X I X . *Cesaraugustam.*

DOMINICO AVENGOCHEA I^o
Senatori Regio in curia Aragonum.

DPLEX à te munus accepi, amorem
tuum eleganti epistolâ oblatum, &
libellum siue μαλίτων, vt inscribis, doctrinæ
simul & innocentia tuæ verum testem.
Vir Amplissime, tanti Lipsius fuit, vt vlt
trò sic adires? Humanitate me vicisti: affe
ctu non facies, vt omnia facias: & hunc
tibi ex pari certè reddam. Atqui id ipsum
te ab adolescentiâ pñè mihi aperis, & Do
ctores tuos, & petegrationes describis:
illos egregios aut primos virorum; has va
rias, & cum vtilitate iucundas. Quæ res
magis & ingenio limando, & iudicio diri
gendo est, quam istæ locorum hominum
que visio aut usuratio? nulla, neque vni
quam sedentaria lectio aut diligentia hanc
æquet. Gratulor suscepisse fortiter, confe
cisse feliciter: & hoc gratulor, quò virtus tua
& prudentia vocabant, eò à Rege maximo
productum, ad fastigium togati honoris.
Quem honorem quod homines improbi

aut liudi obtenebrare calumniarum nebu
lis conati sunt, gaude. Conati sunt: tua
clarior lux effulgit, nec probitatis tantum,
sed ingenij; cuius telum, fortasse alioquin
vaginâ condendum, in hac occasione acui
sti & protulisti. Atque illi vbi sunt? mihi
periisse de plano videntur; & iudex si ad
dicar, non horam hinc morari faciam, nec
censeam AMPLIANDVM. Confide, idem
æqui bonique omnes alij: si iam non fe
ceront. Et censio quidem illa, siue ~~ÆGEO~~
ou, bono & antiquo more apud vos usur
patur: sed vt prudenter mones, cum tem
perie exercenda est, & malitiae reprimen
dæ, non innocentia diuexandæ. At mea et
iam scripta defensioni tuæ placuit inserere:
id est, me honestare. neque aliter interpre
tor hoc iudicium talis viri. quod si ætas,
aut melior propiorque mei inspectio, mu
tabit fortasse: at ne affectum hoc rogo, &
hunc mihi integrum illibatumque serua;
ita te ille MAGNVS DEVVS Louanij,
xvi. Kal. April. 15CIII.

Breuiorem me ægritudo fecit: quæ hoc
ipso tempore habet, & ab amore profecta
est quod scribam.

E P I S T O L A XX.

LUPERCIO LEONARDO ARGENSOLÆ.
S. D.

S VAVES vestræ litteræ, addam etiam
lætæ, parum suavi aut læto meo tem
pore aduenerunt. Neque enim inualetudo
solùm me, sed morbus habebat, & medi
ci aut medicina in oculis: tamē rescri
berendum vel breuiter censui, abeunte Nun
no Mendozio nostro, & Hispaniam suam,
iussu Principum, repetente. Breuiter in
quam, scribo: sed animo largiter: qui vos
tales quomodo non amet? In doctrinam
non affecti solùm, sed eâ perfusi estis:
me serio & candidè (ita solet vestra natio)
amat: & ego non reponam affectum?
Facio, liceret modò sæpius, liceret proprius
vobis frui: suaue huic animo esset. Et,
Deum immortalem! quām tempora hæc
turbida Amicitiam, id est Solem illum
animorum, requirunt? Bella perseverant, ti
tulo Ciuilium tristia, euentibus parùm fau
sta. Auditis, credo, & nobiscum doletis.
Hæc æstas in metu est, ob hostiles appa
ratus: & opidum hoc nostrum iam in li
mite etiam belli: en quò ventum! Scitis
sedem hinc Pietatis & Doctrinæ esse: peri
clitatur

clitur utraque cum illo minui in Belgis, non enim dicam perire. Sed haec tristia.

Quæ procul à nobis flectat fortuna gubernas: aut Deus potius, ut piè magis loquar. Læta succedit. Lætum enim certè quod producis & nominas in eo etiam tractu amicos nobis, id est Doctrinæ: cuius instar aliquod in me (quid enim aliud?) amant. Inter eos Gabrielem Aluarezium, è Societate Iesv, de vnâ epistolâ nosse me puto, quam ante annos duos, tres, Andreæ Schotto benignè descripsit. Redamare me serio dico: non eum falles. Idem de Doctore Bartholomæo Laurentio Theologo, Doctore Bartholomæo Morlanes I^o, quorum doctrinam prædicas, scribere me & sentire sci-to. Quid de Gabriele tuo, lepidissimo puer? hunc ego per te dissuauor, & in optimâ viâ pergere hortor, & ad candidam calcem peruenire. Fauco toto animo, & ad Patris & Patruorum exempla voco. Plura non licet. haec ipse ægræ, & ægrum referent: affectu tamen valido & viuo. Louanij, xv. Kal. April. 15CIII.

EPIST. XXI. *Tornacum.*

P. LEONARDO LESSIO, *Theologo*
Soc. Iesv.

PERGRATA mihi scriptio tua, & cura mei, quod scire te scio, quia & affectum meum non ignoras, magnum, stabilem, & ære vel adamante firmiorem. Ideò & gaudeo, cùm mutua fieri video: & certè solatij vel leuamenti in hoc languore diutino egemus. Aquam aspersisti. Quamquam non sic extrema omnia apud me, vt fama illa prior dixerat: sum quem reliquisti, aut paullò deterior, sed valetudine scilicet vacillante & variante. Dies unus matrem gerit, alter nouercam. Statui Antuerpiam excurrere, & aërem mutare, ac corpus commouere: quod vsu didici firmando mihi esse. Sed corpus attenuatum est, & unius lineæ me hominem dicas. Naturæ tamen meæ illa bonitas est siue teneritudo, vt facile labatur, & lapsa assurgat. Utinam te illuc videam, & amplectar, nunc medium corporis, vt semper partis illius melioris! Intra triduum aut quatriduum, si vires non abnuunt, in iter me dabo. De Spadâ, non ausim etiam cogitare. Salutaris mihi illa aqua; sed neque nunc excussum metum, & faciem illam *σωτερίαν nostræ fugæ.* *Quin*

I. LIPSI Operum Tom. II.

potius videbo, quid peregrinati uncula leuamenti dabit, & vigor hic Veris,

— *cum tempestas arridet, & anni Tempora conspergunt viridantes floribus herbas,*

an non & ego reuirescam? videbo, inquam: & tamen cum Pindaro sciam, Σπάντας επισέλλον μήν, καὶ τελευτὴν απάντων γὰρ δημοσό-μην. Corpus hoc illuc it: anima, quod Deus & tu vocatis. O gratum mihi autem de precibus, te faciente, pro me conceptis! Iuuabunt, iuò iuuuerunt, & meliorem me, si non firmiorem, reddent. Caput in illo est; de cetero,

— *improuisa leti*

Vix rapuit, rapietque gentes.
Tu vale mi Pater, breuî oculis, vt spero, usurpande. Louanij, Kal. ipsi Maijs, 15CIII.

Saluto ex animo R.P. Flerontinum, & P.Schondonchum, quem videbis.

EPIST. XXII. *In Rusiam.*

DEMETRIO SOLICOVIO, *Archiepiscopo Leopolitano.*

POPVLARES tui apud nos sunt, Palatini Sandomiriensis duo filii; mihi crede, hoc nomine gratiores, quod parentem & vicinum & amicum tuum significabant, atque hoc titulo mihi iam carum. Non blandior, sed te, non in Poloniâ tuâ solùm, sed Europâ, inter eximios habeo, & rarum fidus in tenebroso isto, & quod veterem nobis squallorem minatur, æuo. O ex corde votum! adsim & coniuam talibus! sermones & iudicia misceam, doceam inuicem & discam! Fatum meum vetat, iubet inter bella & militares mores aut homines consenescere: si tamen hoc datur, & non Parca ante ipsum senium me tollit. Languor adsiduus dicit, & eò dicit: aciam quidem fui ante duos menses ad ipsas fati portas. Tamen gradum frænaui, redire cœpi: sed nescio an non, vt Eurydice illa Orphei, reuocandus. Epistolas meas ultimas vidisse te censeo, & ad te quasdam: parabam totum Senecam, itemque Philosophiam vnâ Stoicam: vires abnuunt, & animosè cœptis languores isti intercedunt. Te autem, III^{me} & Reu^{me} Domine, longum valere bono Republicæ ex animo opto. Louanij, III. Kal. Jun. 15CIII.

E P I S T . XXIII. *Cracouiam.*

BERNARDO MACIEIOWSKIO, *Episcopo
Cracouensi, Duci Seueriensi.*

NEPOTES tui cùm ad nos venissent, & sedem figere destinarent in hoc, vt ita dicam, bonarum artium foro, & quadam panegyri: non indecorū putaui si hoc ad te scriberem, & simul de operā significarem, quam illis in laudabili hoc proposito voui. Nam et si publicè satis impediō lectionibus, & priuatim scriptionibus (è quibus quædam publici etiā iuris factæ sunt:) tamē decerpendum aliquid temporis censui, quod horum institutioni, aut certè directioni impenderem. atque id Reipublicæ etiam adspic̄tu , cui hi tales è primariâ nobilitate meritò destinantur. Sicut medicus libentiū atque animosiū operā impendit in Rege aut Principe curando , cuius salus saluti alijs esse potest: sic nos in ijs docendis, qui prodesse consilio atque operā pluribus possunt. Progressum iam eos aliquem fecisse ego video, & idoneo Præfecto concretitos aut inspectori : vt porrò in hac viâ pergant , metæ magis & magis accedant, mihi, quamdiu in his locis erunt, serio curæ erit, & pro ingenij atque otij mei copiâ adnitar. In quâ re non aliud equidem, quam ipsos & Rempublicam, vt dixi, spesto; præmij alterius neque appetens , neque (liberè dicam) egens. Tua tantū amicitia, aut certè beniuolentia, si mihi accedit, operæ pretium grande erit: quem ego Virtutis & Dignitatis caussâ colo atque æstimo : Deum precatus, vt te Reu^{me} & Ill^{me} Domine , diutissimè Ecclesiæ & Reipublicæ velitesse saluum. Louanij, III. Kal. Iunias, 20. I^oCIII.

E P I S T O L A XXIV.

GEORGIO DE MAGNA CONCICE MINSCHEZ *Palatino Sandomiriensi, Capitaneo generali Leopoliensi, Samboriensi, Medinicensi.*

LIBERI tui ad nos, studiorum & animi excolendi caussâ, venerunt: atque ea mihi occasio scribendi. Grati sunt, quia à longinquis illis oris , quia à tali parente & stirpe; grati à se etiam, quia inclinationem vel ardorem in optimas artes præferunt, quibus cœperunt imbui iam , non solū tingi. Evidem tibi hanc talem stirpem, & ex eâ gaudium, gratulor: horror porrò ha-

bere in his animorum gymnaſiis, & quidem à te abiunctos, vt virtuti & doctrinæ magis iungantur. Sicut agricolæ, qui plantaria habent, nouellas stirpes transferre & transferere è natali suo solo in aliud solent, vt laxius lætiusque crescant: sic oportet liberos, non genitali solo affixos sterilescere, sed in aliud aliudque translatos robur & incrementum sumere, & succrescere in Virtute. Nec tamen longum hoc nimis esse suadeo. & sicut qui ignem è viciniâ petunt, non illis desident, sed accepto eo domum redeunt, atque ibi accendunt: sic istos censeo velut scintillas & foimites apud exterios quærere , domi deinde accendere, & sibi alijsque allucere. Ita nati sunt, ita à te formati & destinati, vt ad Rempublicam admoueantur , & in magno ac laudabili illo Regno sint utilia quædam membra. Deus hoc dabit: ego, quamdiu hîc sunt, adiuuabo & adnitar , & in viâ benè cœptâ dirigam, & manu ac voce ducam ad salutarem metam. Hanc fiduciam te mei habere rogo Ill^{me} Domine : imò & consilij & auxilij mei in alijs etiam copiam facturum , vbi copia quidem mea feret. Vale Ill^{me} Domine, Regno, Regi, Tuis. Louanij, III. Kal. Iunias, 20. I^oCIII.

E P I S T O L A XXV.

CAROLO, *Duci Croyo & Arschotano.*

ILL^{ME} ET EXCELL^{ME} PRINCEPS, An non extra decori limites (da veniam) Ex^{ta} tua abit , quæ etiam de valetudine meâ inquirit , & solicitam se super eâ ostendit? Non sum tanti , vt tanti Principis curam merear : sed habere tamen iuuat, & hoc etiam vinculo officia mea tibi adstrinxisse. Dicam igitur , quia petis , id est iubes. Paullò melior & commodior videor, sed animo magis , quam corpore; & ne dissimulem , isto videor ad tabern aut marcorem paullatim ire. & vt apud Ex^{ta} tuam liberè me aperiam , non inuitus ire : siue tempora ista , siue vniuersè sortem adspiciam generis humani. Tempora quidem ista , sic tenebrosa aut turbida, vt neminem paullò magis honesti, & vt sic dicam cælestis animi, delectent: imò vix viles & terreni isti subsistant,in adsiduis bellorum nimbis aut procellis. Et quâ meliorum spe? cùm finem belli habebimus, alia timemus quæ non lubet dicere: & ad summam , decretum cælitùs videtur oppri-

opprimi Belgas, aut perire. Itaque an infelix ille, qui præsentia aut imminentia mala euadit, & in portum nauigat ab omni istâ tempestate tranquillum? Si etiam communem sortem vitamque, ut dixi, consideras: per Naturam suaue est viuere, per Rationem non insuaue mori. Vita quid est, aut quid amoeni habet: Qui optimè de cå loquuntur, cum mimo aut ludo comparent, qui intentiùs & seueriùs (addo & verius) cuim carcere aut custodiâ assimilarunt. An natali nostro die, si inspicimus, lacrymæ & gemitus sunt; & cùm grandiores eorum pudet, suspiria & internæ curæ. Quis dies aut hora vna læta, cui non denæ aliae, velut ex decreto, succedant & excipiant? Sicut in mari fluctus semper est, et iam si non tempestas: sic in vitâ motus & angores, etiam cùm non dolores aut lamenta. Vera me dicere, etiam Ex^{tra} tua, in illâ altiore suâ fortunâ experitur: & quid censes homines iniuriæ & cötumeliæ magis oportunos? Atqui in malis viuere, quæ vita est? & quis, cùm portum aut pausam Deus ostendit, refugiat, & eligat iactari? Non mihi ea mens est: qui didici obniti fortunæ, & constantiâ vincere: sed idem, Deum sequi, & cùm ad se vocat, alacri gradu, imò cursu, eò ire. Itaque, Ill^{me} Princeps, nihil mali aut anxij morbus hic meus minatur, aut adferet: homuncionem vnum eripiet; & Deus bone, quot meliores me & grandiores? Tamen, vt in epistolâ & priuatâ scriptione maneam, clientem vnum Ex^{træ} tuæ eripiet, fide & obsequio valde promptum, & heroicis tuis virtutibus addictum. Hæc omitto, & Deo permitto: ad publica venio, quorum cura magis te spectat. In ijs lenta omnia, nec adhuc læta: & nuper Fredericus Spinula eruptus, quod momentum in rebus maritimis habeat, non prompto alio successore. Tremenium administratio, nostris parùm gnara. E Britanniâ scribunt, vndecimâ huius Regem venisse Londinum, & illinc ad arcem Groenwitziam ituruin, donec ad pompam coronæ publicitus imponendæ omnia sint parata. Magna scæna & splendor (ita ingenium gentis est) futura videntur. Scribunt & Legatos Barauos iam appulisse, sed animi parùm lætos, nec in Rege hoc nimis sperantes. Quid sit in re, nescio: illud bonis auctoribus habeo, illum artificem simulandi & dissimulandi esse, si quisquam vimquam fuit. Incendum Rodiensis vrbeculæ non

I. LIPSI Operum Tom. II.

me admiratione afficit: illud de scintillis sic longè iactis, afficit: atque id sine vento. Genij his talibus interueniunt: &, vt in re nouâ aut prodigiosâ nequid mali augurij sit, Deû precor. Eunidem Ill^{me} & Excell^{me} Princeps, vt te columen nostræ Belgicæ incolumem diu conseruet. Louanij, pridie Kal. Iunias, 15. I.CIII.

EPIST. XXVI. *Tornacum.*

DIONYSIO VILLERIO V. R. S. D.

BALTHASAR noster iam apud te est, aut fuit, vt ex litteris eius didici: & etgo ex illo certiora de valetudine meâ iam habueris; certiora, sed non lætiora. Quid nobis blandiamur? sum adhuc in valetudinario: & vt lumen, quod exstinguitur, flammulas interdum iacit; sic mihi fieri videtur. Velut resurgo interdum & exrior, sed fortasse lapsurus. Tamen nunc iterum satis bellè, & ridere mea Sors videbatur. Quid est? vitam noui, factam mori, & cupitor longæ illius numquam fui. Varronis illud placuit: *Non eos optimè vixisse, qui diutissimè vixerunt, sed qui modestissimè.* Hoc verbi postremi amplector: & certè Modum in omni vitâ, sed & Modestiam in animo amaui. Alij philologi aut litterati (audacter dicam, & examina) meo æuo, à vano multum traxerunt: ego strinxi, & interius adduxi; & ad utilia aut profutura, non ad splendida aut famosa tantum respexi. Rarò scripsi, cui non sapientiæ aut prudentiæ, etiam ubi locus vix videbatur, monita aut præcepta sint inspersa. Hanc laudem tecum feram; & illam optimæ conscientiæ, publico elaborasse, nullius famam minuisse, aut per obtrectatiunculas auctum meam iuuisse. Amplius dicam: Pauci an nemo, meo æuo, singularia argumenta aggressi sunt, aut pertractarunt: ego feci, in Constantiâ, in Politicis, Saturnalibus, Militiâ, Admirandis: & sparsim etiam materias, quæ vñi aut oblectationi generi humano essent, disponui & ordine digessi. Ordine, quem in omnibus scriptis aimaui: & super nouos, atque adeò (an non superbū erit?) super veteres usurpau. Sed quò me animus rapit? ille, qui apud te esse autumat, & in sermone liberè, ac licenter etiam, garrisce. Vale vir amicissime. Louanij, postrid. Non. Iun. 15. I.CIII.

EPIST. XXVII. *Duacum.*

BARTHOLOMAEO PETRO LIN TRENSI,
Doctori Theologo.

ANIMO magis, quam verbis profiteor, gratias mihi tuas litteras, & affectum qui illas dictauit, fuisse. Ego verò tale nihil à te meritus, nisi occulto item aliquo affectu, quem bonâ fide testari possum reddere me pari, vel auctiori modo. Inuitas ad hospitium: libens usurpem, si illuc veniam; imò iamnunc promitto facturum, si venio. Veniam autem? an ad alia & meliora loca Deus inuitat, quem Ratio & Necessitas audire me iubent? Videor deserturus hæc infima & terrea, ô optabili permutatione, si diuina benignitas ad illa supera me dicit! **Q**uis, non dicam linguâ efferat, sed mente felicitatem capiat, vbi regnum est Diuinitas, & lex Caritas, & modus Æternitas? vbi vita non nisi gaudium, & sensus omnis in Deo defixus, in consortium felicitatis eius transit? O ego illic Pietatis alis subuolem! ô ego tuis & piorum votis adiuuer, & illo velut vento adspirante perueniam, corporis id est terræ huius securus, quidquid eâ fiat. Pondus est, vinclum, imò carcer: & quam multis Affectuum nexibus nos stringit? Auaritia, ambitio, libido distrahunt; & meas atque alienas catenas video, & quosdam pluribus ijs vinclos. Solue Deus, cùm visum, & in libertatem illam primam assere, tu, generis humani seruator & vindex. Vides Reude & Eximie Domine cogitationes meas, nec inuitus apud te, aut indecorè promo, talium magistrum. Ut tamen de me aliquid toto, id est dupli parti, dicam: laboro, sed perincerto morbo. atque adeò morbus esse non videtur, fortassis ideo gravior, & cum discrimine censendus. Sto, ambulo (nam iacere hæc alacritas vix potest) tamen delinquo viribus & deficio, & nec animus munia sua satis usurpat. Sicut in citharâ cùm nerui detriti sunt, aut dissident, etiam artifex constante licet arte, non eam exserit, & vitium ab instrumentis dicit: sic animo huic fit, per se prompto & gnaro, sed in dissonis chordis concentum non edit. Fero, & colo te & amo, & saluere toto animo cupio. Louanij, vii. Idus Iunias, 1500. I.C.III.

EPIST. XXVIII. *Leodicum.*

Io. CHOKIERO *I^o S. D.*

IN languore me litteræ tuæ deprehenderunt, sed amor animum manumque erexit ad breue hoc responsum. Ais in conuicio te fuisse, atque ibi de comitijs Romanis actum, ac fuisse qui Sexagenarios etiam admitteret: cum quo scito me sentire. **Q**uis enim credit illam ètatem à suffragijs exclusam, quæ à sententiâ in Senatu non rei ciebatur, vbi de summâ republicâ res erat? At proverbiū vulgatum obstat. Non obstat, saniore sensu. Nempe sexagenarij non adacti ad suffragia, liberi erant si vellent: sed & accedebant, si vellent: non aliter, quam milites scribi poterant etiam quinquagenerij, & scribebantur cottidie, sed suâ voluntate. Profectò in tanto populo millia aliquot sexagenariorum erant, quibus corpus & mens valida; cur suffragium ijs adimeretur? Si factum fieri non posset quin apud Ciceronem, aut alios, talis rei crebrius mentio, & quod fraude aliquando euocati à Tribunis venissent, numero augendo. Lis, dico, aut controversia super hac ètatem interdum fuisse. Ego ita arbitror, nec loca omnia Festi, Nonij, Ciceronis aliter euincunt. Noto etiam, hoc de Pontibus suffragiorum recens fuisse, & à C. Mario Trib. pl. latum: proverbiū ipsum puto antiquius, et si alij huc trahunt. Habet breuiter meum sensum, habe & affectum semper in te inclinatum. Louanij, prid. Idus Iun. 1500. I.C.III.

EPIST. XXIX. *Eodem.*

PETRO ORANO *I^o S. D.*

AH triste nobis mi frater, de tuo meoque fratre, an patre dicam? Nam vtroq[ue] loco illum duxi atque habui, illo, ob affectum; isto, ob curam & directionem quam ab illo puer admodum in Vbijs accepi. Atqui abiit, & quidem cùm à vobis & optimâ matre seiunctus esset, cui luctum, scio, æternum reliquit. At tibi quid? luctum, sed ratione & robore vincendum. Ratione, sapientiae mysta es; robore, vir es, & sexus fortis, & vt cum Senecâ dicam, perpetuum magis te fecit. Non diffundor ad plura solatia: aliás apud te in simili casu feci, & iam recenter apud Billeum nostrum, magno vulnere percussum. Deus bone, quot funera

funera ego totidie audio, siue & video, ipse ager & medicorum sententijs iamdiu funus? Tamen perseuero, animi (si non corporis) firmus atque alacer: & vt statua in basi, sic egonixus sto in Prouidentiâ diuinâ. An non ab eâ decretum, quomodo & quando mihi hoc fiet? an non optimè, & ex vsu meo, decretum? Ita credere me par est; & si credere, non repugnare aut detrectare, sed volentem ceruices dare æneo huic iugo. Franciscum nostrum Romæ in omni modestiâ & industriâ agere, ab alijs accepi: nam inquiero, & cordi mihi est, atque erit. Gaudie, & in mortuorum mœstâ memoriam, solatia hæc pete atque adhibe à viuis. Tot liberi, & iam nepotes etiam sunt: & domum ORANORVM fundatam, & validis columnis nixam, relinques. Inter liberos, meam Isabellam per te dissuauior: fac, ne me falle. Vtinam coram possum! volo iamdiu, & valetudo adigit: discrimina repellunt, & omnia vestra intuta. Vale Vir Cl^{me}, & semper germanum in modum meus. Louanij, xvi. Kal. Quintiles, &c. 1511.

EPIST. XXX. *Romam.*PHILIPPO RUBENIO *suo.*

SVAVE est recte vos valere. Ego abire nuper minabar, neque nunc firmiter consisto. vires vacillant, & æstiui isti immodici calores non sunt reparandis. Spadam inuitant aut mittunt multi: sed in auxilio incerto certa nimis pericula terrent. Sæpè ita me Deus, te præsentem optauit: & proprius si absentes, euocarem. Nunc fatis patendum est. Cœpi iterum legere, sed animo parùm vegeto aut alacri: nec de perseverantiâ satis confido. Quid est: homo sum, ad finem eo, & cursum meum non sine aliquâ gloriâ peregi. Valere te & vivere opto, gemmam inter meos Belgas, quod vero præfigio iamdiu dixi. Ama me, egote æternum. Louanij, iv. Kal. Iul. &c. 1511.

Priusquam has obsignarem, alteras vltimasque tuas accepi, quæ erant de titulo doctoratus. Hoc quoque gaudeo, & ex animo gratulor. Tempus vobis emansionis prorogatum non inuitus audio, si non producitur. Æstatem hanc ego lubens donem, vltra non donem, nec censem ex vsu esse. Quid nisi delectati uncula illuc est, & sensuum atque oculorum occupatio? quæ ad animum referatis, pauca, & pauci, qui illi student. Magni etiam ariimi est, ac pænè

I. LIPSI Operum Tom. II.

addam felicis, inter tot præua aut depravantia, rectum stare, & manere in æquâ iudicij lante. Facio equidem, sed apud me: si protam, vix video fructum. Itaque Romanus ille Sapientiæ doctor, quem dare moliebamur, exite in scænam tardat, non plausu, sed pastoriciâ fortasse fistulâ excipiens. Ille quidem

καὶ Λιβαρίου φελλὸς αὐτοῦ τὸ πέπλον, ἀλλὰ μηδὲ διάβολος
sed apud quos, aut quibus? Estisne amatores aut cupidores talibus, numero tot, quot Thebarum portæ? Græcarum illarum, non Ægyptiarum dico. Desino, Timonem non refero: te mi Rubeni amo. Poststrid. Kal. Iulias.

EPIST. XXXI. *Mechliniam.*NICOLAO OVDARTO *suo S. D.*

CREDO rediisse te è peregrinatione Gandensi, mi Oudarte: an non & illuc Vriendtium vidisse? poëtam inter Belgærum primos, & cuius libellos editos missos, quæ ab ipso vidi, & in multis equidem probauit. Ingenium facile, subtile, igneum est, dignum quod amemus & æstimemus. Ego etiamnunc morbi, aut si initius vis me loqui, languoris liber non sum: ideoque & cepta mea iacent, nec Philosophicum illud ædificium absoluo. O arcem altam, munitam, securam in fortunæ insultus, quam è Stoïcæ Sapientiæ ruderibus instituitus! nec scio an exædificatam probabimus, molliori (cur rem non dicam?) & ignauriori huius æuo. Absoluemus tamen, nisi diutiùs languor impedit, per quem ego quidem nihil conor aut scribo. Tantum DE VESTA ET VESTALIBVS *Syntagma* dedi, quod Præsuli vestro & nostro visum est inscribere, vt rem sacrorum. Weerdtius Senatoriæ dignitate, in socii locum, auctus est: quod gaudeo, & titulum hunc in familiâ nostrâ retentum. Etsi propriæ mea LIPSIORVM stirps defecit, & ego vltimus sum huius gentis. Quid refert: stirps pereat, nomen ego propagabo (lubet animosè, & cum poëta loqui)

*— ab ortu**Solis ad Hesperium cubile.*

Publica tangere pænè reformido. Læta scriberem non possum, mœsta non lubet: nec querelas quidem miscere super statu hoc rerum. Dicam vnum verumque verbum, & id animosè: in totâ Europâ, atque etiam Asiam & Africam addo, nihil pro veteri splendore & gloriâ geritur; neque consilijs

V 3

&

& institutis, quæ obtinent, video geredum. Quid gerant? ne capiunt quidem aut intellegunt sublimia, adeò non affectant. Vices hæ rerum temporumque sunt. & vt in anni decursu modò hiems æstasque est, & freta interiecta; sic in mundi & æui lapsu, lux, tenebræ, calor, frigus & quæ media inferuntur. Prudentia hæc videre est, sapientia ferre: & collum sponte submittere fatali illi iugo.

Nam quantum hoc regnum est, quod regibus imperat ipsi?

Vale mi optime Oudarte: &, vt omnia mutent, in amore constemus. Louanij, iii. Non. Quintil. &. I.CIII.

E P I S T O L A X X X I I .

FRANCISCO MARIAE SAGRI ILLYRIO
S. D.

Tv verò non humanitatem meam require, sed fidem alienam, aut fortunam accusa, per quam factum vt litteras ego tuas, præter has vnas, viderim nullas. An silentio dissimulassem? non est meum, vtique erga tales, non solùm eruditione commendabiles, sed loco & habitatione insignes. Si enim rectè verba capio, Ragusia te habet ciuem aut incolam, nobilis Respublica, & quæ Barbariam à nobis diuidit, legibus & moribus polita. Itaque de negle-
ctu tui suspicari omitte. nam vos tales amare ego didici, sed & officijs paria face-
re, quo fine valetudo quidem permittit. Quæ sèpè, immò pluriùm, afflcta, manum conanti injicit, & intercedit ijs quæ honestè aut comiter velim. At in animum ius tamen non vindicat: qui est, vir doctissime, pariter in te pronus, & iamnunc affectu & amore fideliter se iungit. Louanij, v. Idus Iulias, &. I.CIII.

E P I S T . X X X I I I . Romam.

SERAPHINO OLIVARIO *Sacri Palatiij Auditori, & Patriarchæ Alexandrino.*

LITTERAS ad te mitto, vellem animum lin ijs possem: sic tuū, vt cuiusquam ex interioribus, & toto asse amicis. Quæ cau-
sa pignerauit? tua virtus & prudentia, in illo orbis theatro nota & prædicata: & propriè affectus in me tuus, diu me celatus, & qui ad Vestalis fauillæ instar in secreto pectoris tui, o quām mentior? vrbis illius volui dice-
re, latuit: sed & sic mentior, ad me venit,

sermo & facta tua aperuerunt, & didici non certiorem aut fidiorem amicum in magnâ Româ mihi esse. Vnde merui, vir æqui & boni scientissime? non merui: tua virtus & bonitas est, quæ benè mihi fecit, & dixit: ipsa sibi caussa, vt Deo in genus humanum amor & benignitas est. Sed de iudicijs factisque tuis (ita loquendum est) primus mihi bonum nomen MACARIUS indicium fecit: & posteà PVTEANVS meus, qui te vidisse gloriatur & audisse. Obscurò, & PHIL. RUBENIVM meum cum GVIL. RICHARDOTO & Io. BARONIO noris, sed primum illum ingenio & doctrinâ laudabilem inter paucos. Probitatem & Modestiam addo, sine quibus hili non fecerim aut pili illa. Ecce pauca & prima verba: pauca, quia vt in angusto exitu aqua im-
petu veniens intercluditur: sic os aut stilus meus sistuntur ab affectu, qui impetur & calore erumpit. Agnosce, quæ so:& agno-
scensem iam amare persecuera, saltē illo amoris tui fructu. Louanij, xiv. Kal. Se-
ptembr. &. I.CIII.

E P I S T . X X X I V . Florentiam.

CVRTIO PICHENAE.

IAMNVNC litteras tuas accipio, & ecce responsum. Te ego differam, veterem illum meum, & ante viginti circiter annos, cùm Viennæ essem, amicum? Sic appello, & quamquam non dextra aut sermo, tam scriptio & litteraria ista, vt sic dicam, confessatio nos iunxit: & fideliter iunxit, animi studijque non dispares, & iudicijs ad optimam consentientes. Eò gratior ista nunc appellatio, et si ex interuallo: nec mirum: nam & locorum interualla abium-
gunt. Vidisse te mea video improbulo illi rescripta: in quibus quòd te honestè no-
mino, affectui non dedi, sed iudicio, quod in animi penetrali de te concepi soueoqué. Tuo merito ita debeo. pauci bona amare, capere, asserere idonei: tu inter illos natu-
ræ & industriæ tuæ beneficio censeris. De dissensu alibi à me, nihil est: abite mancipia. liberi sumus, genere & sensibus: pro-
mere liceat, cum lege Modestiae, & vt In-
uidentia aut Acerbitas absint. Ego verò nec imperitiâ quorumdam offendor: si simplex ea sit, nec de Calumniâ sumit. At mi Curti amo te pectore, melioris pectoris virum: nosse propriū vñà tecum vñeam, sed vñeam tantum. Nam et si Italiam re-
uifere

uifere mihi votum; intra illud maneo, rei expers, & triste Fatum Belgicæ meæ adstringit. Quid, quod vxorium etiam vinculum, ut de te scribis, iamdiu mihi est? Traho compedes, & longum aut altum subuolare ijs quoque vedor. Edidi nuper Epistolas, doluit (in occasione, & verè dico) quod ad te cum plures dederim, nullas haberem, exemplaribus in migrationibus meis furto, casu, neglegentiâ amissis. Sum nunc in Senecâ, & Stoicis: illum & hæc dabimus illustrata, & ab obliuione vindicata. Nam Stōæ quid præter nomen fere notum est? Hæc agimus, decorè fortasse, in æuo grauiore, grauiora ista & sapientiaæ studia tractantes. Valere te, & porrò me amare, atque etiam affari, opto mi Curti. Louanij, postrid. Idus Septembr. statim ut tuas legi, &c. I^oCIII.

Quæ notasti ad Tacitum etiam, vidi. Illud de Othono, *prætor polluebat*, minùs per placet: alia in ipso Tacito consideranda sunt: neque nunc licet.

EPIST. XXXV. Veronam.

ANDREAE CHIOCCO V. C.

DA veniam, da veniam tarditati scriptoris: & quia medieus es, morbo hoc indulge. Scis quam affligat & vites exauriat lenta illa & verè *Δάνεια νέσος*: cum quâ fatum mihi est conflictari, nec superare. Resisto tamen, & iterum viriculas aliquas à superiore illâ deiectione sumpsi. Vis argumentū? etiam scribimus, edimus: immo iam edidimus breue aliquod DE VESTA ET VESTALIBVS *οὐταγμάτων*, quod tamen malo te è secundâ editione, quam meliorem auctioremque paro, videre & donum meum habere. In istâ, adflauit me alibi morbus, quod agnosco, & emendabo. Sum etiam in SENECATOTUS, & ipsum & obliuiam illam Stoicam Sophiam dabo in lucem, quatenus in raritate scriptorum illorum licet, aut etiam opus est. Neque enim ambitiosè scribiimus, & in Periergiâ quadam Polymathiæ laudem affectamus. Ut illia mi Chioce, ut illia sequi, ut in am sequi, mihi scopus est. Sed videbitis, & arbitrii breui vobis erit. At tibi, o optime, quas condignas gratias pro affectu, atque etiam curâ mei dicam? Habebo facilius, & mente concipiā, quam verbis promam. Consilia autem tua sana, & proba: & communiter vi ijs possum, singulariter haud

facile est in absentia & diuulsione nostrâ. Quod significas esse inibi amantes quoque nostri, gratum est, & Veronam totam magis amo, etsi vel à Scaligero olim vel à te nunc caram. Academiam illam amplector, quam sic attollis, & eius Principem Octauium Cepollam. quid M. Antonium Montanum? cuius ego patrem Clarissimum Medicum iamdiu manibus tero, & pænè mentem teneo, vnicum mihi ab annis viginti in hac interiore & occultâ in ualeudine rectorem & ducem. Saluta, amabo te, & alios illustres viros quos adiungis, Comitem Augustinum Iustum, & M. Antonium Madium Equitem. Viuere me inter tales, & mitiore illo cælo, tu vides, neque ego abnuam: sed ætas & valetudo retinent, & vel Constantia mea, vel Fatum. Alioqui publicæ nostræ res λυπησο, & vel fugæ metum faciunt, vel si honestè vis loqui, discessus. Illæ vestri scripta ad nos non perforuntur: sicut pauca quæ Italia edit. Occasio mittendi si sit, libens video, & pluria tua mi optime, & doctissime, & prudentissime Chio e. Louanij, xvi. Kal. Octobr. &c. I^oCIII.

EPIST. XXXVI. Romam.

ANTONIO PERSIO.

BENIVOLENTIAM tuam veterem erga me, quam nunc denique litteris testaris & aperis, sum amplexus equidein, vt debeo & soleo talium virorum, quibus votum & studium est me probare. Noui te iamdiu de famâ & nomine: etiam scripta tua quædam vidi, in quibus (etsi grauiora studia te vindicant) amorem & scientiam profiteris humaniorumistarum, id est veterum litterarum. Nec ab alio fonte amor iste tuus in me dimanat, qui videtur tibi in hoc genere supra plebem litteriorum aliquid esse. Conati sumus; de successu hæc aut sequens ætas iudicabit. Quod autem scribis esse, qui tuum illud de Calidæ potu syntagma (mihi lectum olim & probatum) impugnant: non miror, vt cacochæthes est huius æui, pænè dicam vñici ad æmulationes aut pugnas. Miror tamen in re tam clarâ & testata posse obduci, quod vel apud improbos colorem habeat Veritatis. Præterea quæ ego in Electis notaui, multa loce quæ ad inferius usque æuum transisse modi euincunt: atque etiam apud exteris & longinquiores gentes. De Eſlæis, in Phrone

lone Iudeo legas: *Vinum per illos dies non præbetur, sed aqua limpidiſſima, alijs quidem frigida, * calida autem his qui inter seniores deſt r̄p̄dūt tenuioris fili aut valetudinis hominibus propinatum. Quid autem? Decoctam, vt aiunt tui quidam refragatores? Ridiculum: & veteres probè hanc distingue norant, & eſt ea inuenti recentioris. In Ammiano, Arriano, alijs, exempla alia ſunt: pudeat adducere, & in Bacelos iſtos acrius pugnare. H abes meum ſenſum: habe & amore, quem fideliter tuo repono. Louanij, poſt Kal. Nouemb. ∞ .I.CIII.*

EPIST. XXXVII. Romam.

GUILIELMO RICHARDOTO ſuo S. D.

PO STREMA tua ſcriptio me lătificauit, verè loquor, cauſâ dupli. quòd & redire ad nos haueres, tui certè cupientes: & quòd bonum rectumque iudicium promeres, in toto genere vitæ. Non æſtimas, quæ hodie multi, plurimi, pænè omnes, vanitates, fumos, fucos: ipsam virtutem amas & quæris, cui nati ſumus & facti. Beatam mentem! & mox ab eâ vitam, ſi perſeueras. Quidni autem perſeueres? imò cum æuo conſummabitur Ratio, & magis magisque illâ duce, contemnenda fastidies, appetenda adhærebis. Iuuaret frui te, & hos sermones ferere, & fructum legeré meæ olim institutionis. Etsi Rubenium etiam illâ habes; fallor, aut paribus tecum iudicijs, & qui ſequi poſſit (malè dixi) imò comitari, aut præire. Decurrите ſimul hanc yiam, quòd ad ſublimem illam Sapientiæ arcem. O ſuaues meos hoc nomine in Senecâ labores! vnâ tamen re inſuaues, quòd dare aliquid æuo debo, & Critica aut Antiquaria miſcere: ſed modicè mehercle, & patrè. Qui Senecam aut me eo fine leget, ne legat. Sed ſatis philoſophiæ: priuatim valetudine mediâ ſumus, publicè malâ. De Busco illo Ducis periclitabamur: nunc minùs, vty idetur, præſidio inducتو, ſed ciue parùm volente. Adhibita tamen à Principe eſt comitas, & Thessalica ſimul quædam perſuasio, id eſt, * mūdāvſu. Ad corpus ſeruandum, membrum ali- quod vri aut angi, iuste non improbemus. Sed heus, Baronius noſter quid? inanet, re- dit, an iam redijt? Sui illum certò exſpe- ctabant hoc Autumno: ego nec ab ipſo quidquam adhuc, nec de ipſo. Actu, ut ſcrio

* violenta
perſuasio.

bis, adde operam vt breuī: cupio videre te, complecti, ſuauiaſi. Louanij, III. Nonas Nouembr. ∞ .I.CIII.

EPIST. XXXVIII. Montes.

IOANNI BVISSONIO Consiliario,
& Syndico Ordinum Hannonic.

ADFVIT mihi Plouuierius, vtrique noſtrū amicus, & litteras à te dedit, & de te quæ vellem nuntiauit. Quid autem magis velim, quām valere te & me amare? Vtrumque dixit, & alterum iſtud etiam tuæ litteræ, quæ foueri à te amicitiæ ignem aſſerunt, imò & oſtendunt ipſæ ab eo ca- lefactæ. Iure amo te, & iſtam tuam ca- naī & ANTIQVI MORIS atque æui virtutem. O mi Buiffoni, quām ab eâ paullatim abimus! quām ad alia, & non meliora, deflectimus! vrit oculos atque animum meum audire cottidie, videre, cogitare. Ego vaticinium apud te liberè pro- mam, breuī fore vt Honestum & Bonum à nobis abeat; Fucus & Vanitas, addam etiam Prauitas, ſuccedant. Quod tamen noſtrum interea inunus? pro noſtriā viri- li illa amare & aſſerere, & ſi non alijs, no- bis tamen appropbare, & nec latum vnu- guem à Decretis fleſtere quæ Virtus diſta- uit. Si publicè res aliò eunt, inceſto ſed pa- tienti etiam oculo aſpicere: & opem ferre cùm non poſſis, velle. Sicut qui in littore ſtat, & periclitantem in alto nauim videt, miſeratur & votis adiuuat, nec ſe tamen in- mare præcipitat: tale nobis, fauere humano generi, & vbi ſas eſt iuuare; cùm non, tole- rare. Prouidentia (ad quam iure prouocas) gubernaculum rerum humanarum, aſpi- cienda eſt; & fleſtendi ad eam non oculi ſolū, ſed animi, & ipſa voluntas aptanda, vt ſequamur non queruli nec refractarij ſu- prenam illam & immotam legem. Ecce Reges hīc in terris & Principes hoc ſibi vindicant, & diſtrictè PARERE nos volunt, vbi conſtat ijs PLACERE: & diuina Poten- tia hoc ius non habebit? Habeat, & Si- piens in animo illud vetus fideliter impref- ſum, DEVM SEQVI. Vides me ad Con- ſtantiam hortari, ſpem meliorum non proponere, niſi cùm ad meliora illa loca, vnde venimus, ab hoc exſilio licebit redire. Fata aspera Belgas premuunt, & prement, vt cursus & ſeries iſta rerū miuantur. Nam etſi in obſcuro ea Deus eſſe voluit, & mihiſſima etiam Spe ſemper temperare: tamen

tamen à caussis istis secundis ad primam licet scandere, & quid ea minetur aut moueat ab his existimare. Sed omitto hæc philosopha, quorum domi tibi est silua: de nostrâ istâ Silua-Ducis credo vos iam audisse, & si quid minus certò aut liquidò, Illus Dux denarrabit. Qui à corpore quidem valet, ab animo non nimis alacer, neque caussas potes nescire. Magnum Principis illius ingenium est, in plerisque rectum iudicium: frigus tamen aliquod (pro saeculi nostri indole) æthereo illi igni optem. Hæc ad te liberè, & alia in sermone aperi- tiùs: neque apud amicum & prudentem virum quidquam sensuum meorum velem. In occasione fiet, si viuo: si non, Boni & bonorum amans morior, & apud te restor. Vale vir Clarus. Louanij, xiiii. Kal. Decembr. 1500. I.CIII.

Seneca meus breui prodibit, ipse auctor optimus (& scio te talem habere) mea scripta ad cum non semper cuiusmodi vellem, & Valetudo aut Æuum vetant.

EPISTOLA XXXIX.

PETRO COLINS S. D.

SERMONES tui comes nuper & benigni, nunc facta. Mittis ad me aucupij tui partem: an venationem appellabo? Evidem gratias duplices debeo atque habeo, vel affectus tui caussâ, quem non temporarium sed radicibus nixum ostendis, vel doni ipsius, quod nos refecit & pauit. A me quid mittam? affectum eumdem: quem repositum apud me scito, & promendum etiam, sicubi usus erit. Amplius, eumdem ad filium tuum porrigidum, quem studiorum caussâ hic habes. Is me adeat interdum (coram ei dixi) appellat, & consilio vel directione meâ vtatur. Crescent hi tales in parentum gaudium, in afflictæ reipublicæ bonum. At tu vale Vir ornatissime, & amaturum ama. Louanij, iii. Idus Decemb. 1500. I.CIII.

EPIST. XL. Augustam.

MARCO VELSERO.

QVID hoc est, quod iterum iterumque amicus ille nuntiat, Italos populariter in me (ita loquitur) coire? Egone aut mea tanti? Et plures iam menses, imò plus

anno hoc agunt: ô partum difficilem, & cui Vulcanus aliquis cum securi merito accedat! quidni? ut profiliat noua hæc Minerua. Et quid tandem ista erunt? vetera, in Bembum aut alios dicacem me fuisse toties refutatum, & res ipsa ac scripta mea cottidie euincunt. Pono in meâ gloriâ, non fuisse mitius ingenium, linguam, stilum, inter litteratos. Atquin aliquid in meis etiam culpabunt. Faciant; & si iure, fauebo: si aliter, quæ gratia aut gloria est? Et fac etiam prius esse. non ego, non aliis, qui olim & nunc scripsimus, extra culpam omnem sumus: alibi aliquid matulat: cur in uno me puram puritatem eunt exactum? Lunam me, non Solem profiteor: tenui luce, nec purâ, imò nec propriâ luce: & multa à veteribus, omnia à Deo habere. Risi nuper qui ad Tacitum scripsit, grandiusculum opus. Quid conatur? vulgariam omnem lectionem, etiam quæ plam falsa aut spurca est, tueri contra me: contra me? imò rationem, imò libtos priscos & fidos, & aliotum scriptorum auctoritatem. Et sunt qui Paradoxa Stoïcorum rideant: hæc non videntur? Est aliis, qui negat Aristotelem me legisse. Quid ita: quia non omne illud de Religione in Politicis, ex eo adstruxi. Ipse fecit, ut audio: atque adeò solam Catholicam nostram tenendam illo auctore ostendit. Mihi Marcè, quis finis erit, si ad vana hæc capita aut sensus vertimur: si Bacchis istis, liceat dicere, aduersamur? Do manus & tergum potius, & resoluam unâ alteraque plagâ. Scribant, lacestant: qui tamen isti? hoc quoque liberè, nouelli Parides, qui pugnare poscunt magis, quam possunt. O Hesperia, misereor! & paucos excipio, verè nunc nomen illud habes. At nos non ideò scribere aut edere cunctamur: lubet obnoxium stare, & paucis ingratias aut malignis, benigniora Europæ elogia obducere. In his triumphamus, & lauream capite ac manu tenemus, non à liuore aut calumniâ eripiendam. Da veniam exultanti, non soleo: sed isti proteruuli & à modestiâ deuij, me quoque extra viam, dum pello, leuiter abducunt: & comitor, dum commitor. Redeo, & sileo, & salvere te Germaniæ tuæ magnum & longum decus opto. Louanij, Idib. Decembr. 1500. I.CIII.

EPI.

EPISTOLA XLI.

Io. VERGERIO AVRANO suo.

VERGERI mihi care, care Musis.
An non dixero? cuius ecce versus
Et sensu lepidos, & elegantes
Verbis vidimus: atque eos bilingues.
Nam linguâ patriâ, & simul Latinâ
Scripti erant: quod amare & approbare
Et vetus queat, & noua hæc Poësis.
Macte. tene ego censem hæc minora
Sic industrie habere? te scueræ
Addictum Sophiæ, & libris sacratis?
Quo tractas iuuenis, vidente in æuo,
Tali iudicio acrimoniaque,
Ætas ut tibi vel senecta cedat.
Vix lanugo tuas genas inumbrat,
Barbaros tamen ipse ego magistros
Te laceſſere, quid laceſſere? addam,
Vidi vincere. perge porrò summa
Laudis tangere: sed Modestia vsque
Affit. factibi laus perennis affit.

Vides? tuus me amor & calor incendit, &
versus adegit fundere, an versiculos? Verè
istos. breues & leues sunt, etsi affectus in
telargus & firmus. Quod bonâ fide, &
veteri Gallico candore, habe dictum.
Vale, in Musæo nostro, III. Nonas Ianuar.
oo. I°CIV.

TESTIMONIVM.

VIRTUTEM qui amat, agnoscit; qui agnoscit,
promouet, & gaudet plures cultores eius
esse. Ideo mihi grata in doles, & cum in dole stu-
dium, IOANNIS VERGERII AVRANI
Baionensis: quem à quatuor circiter annis in
hac urbe & Athenæo noui, optimis semper ar-
tibus operatum, & præsertim Theologie, cui
Principi scientiarum sublime & subtile inge-
nium suum addixit. Quæ experimenta & peri-
cula ego vidi? & nuper utique, cum vi. Kal. Ma-
ias de vniuersitate Theologia, in publico cœtu, solen-
ni Disputatione respondit: sic promptè, argutè,
firmiter, & cum admiratione voluptatem gigne-
ret in animis auditorum. Seriâ fide testifcor,
& Deum precor prouehere hoc ingenium suo ho-
nori, reipublicæ Christiane bono, cui natum augu-
ramur. Louanij, III. Idus Maias, oo. I°CIV.

Iustus Lipsius Professor, &
Historiographus Regius.

EPISTOLA XLII.

IOANNI AGUILARIO ALVARADO.

LIBENS ego te admisi, non ut ad tutela-
rem geniū, sed amicum, & iamolim in
te animo affectum. Anunculum habes, vi-
rum inter claros clarissimum, & verâ virtute
conspicuum, qui hoc à me impetravit, ut vos
suos quoque amarem. Feci equidem seriò,
nunc magis cùm tu à te cauſam augendi
affectus præbes. Epistola tua tota bonæ, &
ut rem dicam, altioris, id est æthereæ illius
indolis ac seminis est: ô mi adolescens, illuc
eamus, & per Virtutis ac doctrinæ viam ni-
tamur. Doctrinæ, inquam, & hanc adde.
Nam neque consummata satis sine eâ ipsa
Virtus est, aut certè parùm ornata, vel etiam
instruēta, ad suum vel alienum usum. Vi-
désne arbores quasdam sine culturâ cresce-
re, & folijs lignisque luxuriare? sed alius
fructus vix adest, & umbram ac speciem
modò præbent. At in cultis, & humanâ
manu factis, insitione etiam emendatis, vi-
des usum multiplicem, & fructificare, non
solùm obumbrare. Quæso te, imitare. no-
men tuum vide, ab Aquilâ est, alta & ho-
nesta pete: ætatem vide, apta institutioni
& velut culturæ est, fruere dum licet, ne
Poenitentia postea succedat, in quâ tu doleas,
alij rideant, occasione lapsâ. Clausula est,
ego te amo & amabo, fauebo & fouebo
quoque: sed si tu ipse te, & dignū geres san-
guine, è quo ortum ducis. Nauigantes Cy-
nosuram respiciunt: tu auunculum, non
aberrabis. Vale, & cum nouo anno nouum
impetum ad optimas artes cape. Louanij,
Nonis Ianuarijs, oo. I°CIV.

EPIST. XLIII. Augustam.

MARCO VEL SERO.

EN ad Polam nostrum. quomodo non
meū, qui sic amat? Etsi iudicium & veri-
tatem requiro, & plures mecum. Ad te satis
longam epistolam nuper dedi, super illâ Bo-
noniensis factione. Crescat, sedeat & fileat,
non magnæ mihi curæ est: vos pauci & bo-
ni, & gnari bonarum artium, me amate.
Ad Senecam omnia Typographus iam ha-
bet: de Pilis vitreis, omitti tuum illud non
debuit, rara obseruationis. Sed pleraq; mea
ad illum, magis pro Genio eius sunt, id est
Philosophia, quam Philologa aut litterata.
Sic decere & debere, mihi usum. Dum hei-
ri suauiter de te cogito, ecce Carmen effudi:
lege, & verum affectum ama.

AD

AD PERILLVSTREM
MARCVM VELSERVM
ii. virum Augustæ Vindeliciæ.

MARCE, dispream, nisi inter omnes
Quos amo, te ego amo. idque iure: siue
Virtutem videam tuam, aut Amorem.
Virtus, Solis ad instar, illa lucet:
Nec tua modò Rætia, sed omni,
Quam lata est; Alemanniæ, & propinque
Gallie, Italiaque, Iberieque.
Addamne ipsam Asiam? addere hac quoq; au sim.
Et splendor tuus ora inhospitalis
Ponti percudit, ipsaque vrbis Byzantis
Tenuit simul & colit merentem.
Quid iam porrò ego debeo? qui amorem
Tam largum mihi candidumque defers.
Certè debeo, quod nec valla lingua,
Quod nec concipere ipsa mens potis sit.
Ergo me tibi sisto mancipandum:
En habe tibi, quidquid est eritque
Ivstvs Lipsijs, hoc ab æuo in æuum.
Louanij, prid. Kal. Febr. & .I.C.IV.

EPIST. XLIV. Romam.
PHILIPPO RUBENIO semper suo S. D.

INVITVS ad te scribo: ne mirare. Vos ego
iam exspecto, iam occurro, iam brachia
pando ad amplexum. Quid iterum à soli
dâ voluptate ad hanc imaginariam vocor?
quid à veritate ad vmbram? Venite, affa
mini, & sistite mihi tres vos illos meos:
quos non dimisi, sed commeatum in tem
pus aliquod dedi. At Italia vos tenet; quam
hoc nomine minus amo, quia vos sic ama
tis. Redite. vis dicam? aut ad alios amores
ego eo. Senesco, canesco: longum exspe
ctare non possum, frui nunc aut numquam
debeo: & fruamur, ita omnia votua vobis
Deus in reliquam vitam dñet. Usuram
breuem ego posco; sed tam hilaris, quam ij
qui ætates disponunt & promittunt. Venite
(iterum dico) tres ad me rectâ: si quis ab
nuit, tu nihil excusa, & indulge vtiusque
(nam & de te arbitror)amori. Sic vale. Lo
uanij, prid. Kal. Febr. & .I.C.IV.

EPISTOLA XLV.
IANO GRVTERO.

LIBENS legi, libens, de Politicis tuis
Dissertationibus: age, vel ob hanc cau
sam fac, vt os calumniæ claudamus, qui

meros litteriones nos censem, nec alterius
seriæ tei. O quam errant! quam diuina &
humana in his veterum monumentis tra
ctamus & indagamus! Sed cum vulgo fru
strâ pugnes, & brachia in ventum iaet s.
Quæris, ecquid Taciti iudicium mihi re
ctum, qui Senecam & Burrum probare vi
detur silentes, ne irriti parricidium dissu
aderent. Dico, non vniuers e hoc verum esse;
& boni consilij viru, atque ipsum bonum,
etiam non audiendum, optima debere effa
ri. Cur non igitur h c Seneca aut Burrus? fa
ctum & personam cogita. Agebatur an
Nero, an Agrippina imperaret. E  enim
ventum, & superstes illa mulier magni ani
mi & grati , Germanici filia, imperium
paceinque turbasset, aut rapuisse: nec ipsa
filio melior futura. Adde, qu d ad hoc  ui
non inter pessimos Nero: poste  fr na exol
uit: ideoque, vt fidi & integri consiliarij,
statui eius priuato & publico ire debebant
consultum. Ergo per tale facinus? absit: non
suaserunt, siluerunt. id est, non approba
ruant: sed vt inter mala, & quia longius Ne
ro iuerat, quam vt reuocari posset, hoc to
lerandum censuerunt. Caput etiam, quod
Tacitus non exprimit: tut  dissuadere non
poterant, & in dissensu, illorum salus age
batur. Simma, in republ  multa interue
niunt, qu  priuatim iniqua, respectu ali
cuius publici Boni aut Quietis tolerantur.
Tu plura dices, & inuenies: examina. De
Senec , dedi operam vt Textus emendatus
esser, ac tu iuuisti. Cetera pompam non ha
bent, fortassis vsum si quis qu ret. De illo
Atheo in Epistolis, diuinasti. Gratulor tibi
in Bibliothec  luxurianti, & à copi , vt scri
bis, p n  oppreso. Mihi ab alijs vacuo
contingat, & vel sepulchrum sicesto. Sed,
dij boni, distrahimur, & ad alia raptainur.
Tu bona & me ama, mi Grutere, idem
constanter facturum. Louanij, Kal. Febr.
& .I.C.IV.

EPIST. XLVI. Lugd. Batavorum.
GERARDO BVYTEWECHIO suo.

SATIS diu factum est c m à te nihil au
diui: e  gratiore ist  postrem  tu  litte
r , et si non grata omnia continebant. Illud
cert  triste de Vxore tu . quam in morbo,
& tali morbo, id est Hypochondriaco ali
quo esse, inuitus audiui. nam scio quale hoc
sit, & quam leniri fortasse medicin  aliqu 
aut cur  possit, numquam vinci. At ego
meli s

meliùs de tuâ etiam spero , nec in hac florenti ætate id genus omnino morbi esse: et si vicinum aliquod fortasse, & notis iunctum. Confide, Deus illi & valetudinem, & ex eâ tibi liberos dabit. Suaue fuit audire de tuâ illâ bellulâ, & opinor iam garrulâ: & mihi quoque desiderium sit videndi , & (verè dicam) suauandi. At quæ spes vtrâ est? ego senesco, & niues caput meum spargunt: & morbus iste tot annos atterens & exedens valdè vacuum virium me concinnat & longæ hîc moræ spem non facit. Nectamen etiam cesso. & breuî *Manuductionis ad Stoicorum Philosophiam* libri tres, *Physiologie Stoicorum* totidem apparebunt: quidni dicam? non pro gustu aut sensibus huius æui scripta. Caussas per te cogitas. sunt vetera, ignota , à scholis spreta : & solum fortasse fructum habeant illustrandi Senecæ , cui equidem destinaui. Sunt enim velut prodromi, & ille consequetur. Iam Antuerpiæ essem, nisi casus equi tibiam meam affixisset ; sed iam ferè persanatam. Scisne autem equum me domi habere , sed ex dono ? Fit illud Aristippi, opinor : — *equus me portat, alit Rex.* De Dousæ scriptis, vellem missæs. priora enim habeo: hæc credo consequentia esse, & non moueor si qua alia à nobis inspergit : nam & firmus ego in talia sum, & yenia mihi facta legendi. Mitte igitur: ego ad te mea , cùm lucem videbunt. Quando autem Scaligeri optatus Eusebius inquire, & in occasione virum saluere à me iube. Exspectamus reduces Româ Richardsonum, Baronum, Rubenium. hunc postremum egregium virum, & Græcas Latinasque litteras perdoctum. Vale mi Buytewechi, & meus perseuera. Louanij, vi. Idus Febr. 20. 1514.

Parenti vtrique, sed & Tuæ, amicam salutem mitto. Scripsi & editurus sum , *Divum Virginem Hallensem, eiusque Beneficia & Miracula:* pijs non displiciturum opus; quid vestri illîc alij dicent? Lipsium Bellerophonæ morbo agitari?

E P I S T . X L V I I . Veronam.

ANDREÆ CHIOCCO.

I AM iamnunc tuas accipio , & lectis respondeo : vide quâm sim ~~amico~~ amico paria reddere , quatenus valetudo quidem (nam occupationem non excuso) permittit. Rogas de acceptis Ill^{mi} Cardinalis & An-

tistitis vestri Avgvstini Valerii libris? Accepi, legi, & vel ipso aspectu delectatus sum , hæc optimarum artium & honestioris famæ illis etiam magnis curæ adhuc esse. Quid, cùm legi? affirmo tibi placuisse, & doctrinam & iudicium viri admiratum esse, in illâ dico dignitate , & multifariâ $\gamma\mu\lambda\alpha\lambda\omega$ (satis scio) occupatione. Italia vestra vel hoc nomine etiam felix, quòd tales quosdam, sed quosdam, in illo culmine habetis: nobis nonnisi votis suspirandos. At legisse te mea *De Bibliothecis, & Disputacionem* significas, & placuisse. Tamen inijs de Politianis & Barbaris, atque hodie etiâ, sed aliâ & vestrâ lingua esse. Mi Chioce, non abnuimus de ingenij in vestrâ gente (neque istæc $\tau\varphi\lambda\omega\mu\alpha\mu\in$ nos habet) sed ad artes veteres respicimus , & quas Græcia coluit Latiumque. Linguam vestram si excolitis, benè est: sed quo imperio ad alias gentes propagandam? quod in vtrâque illâ, vt scis, fuit. Imperio dico, atque item Colonij in orbem terræ missis. Fatorum aliquis orbis est, & surgunt illa , hæc cadunt : sed in linguis obserua, vix tres obtinuerunt ab orbe condito spargi & dilatari. Nos quoque vestra legimus, capimus, & probamus: sed studium idem nónne Gallis est ? & lingua eorum latius patet, certè communius virupatur. Cuique suum iudicium: sed cum Religione veteri, verâ, & Romanâ , stare Romanam linguam & coli debere, ego censeo: magis quia artium & scientiarum veterum custodem. Siquid in vestrâ, Hispanâ, Gallicâ, boni aut venusti est; negabis etiâ ab hac esse ? cuius istæ filiæ, & per vim atque iniuriam, vt sic dicam, dominantibus Barbaris ex eâ productæ. Desino, ne videar quibusdam $\varphi\varphi\alpha\lambda\omega\kappa\mu\lambda\omega\varphi\varphi\omega\mu\in$: sed non tibi, si te noui. De homine autem qui me $\iota\beta\epsilon\sigma\mu\alpha$ fecit, nec nosse vos credo: ne nunc quidé ego. Itulum se prescribit; ingenium, aut illud ingenium, $\gamma\mu\lambda\alpha\lambda\omega$ vestræ gentis, non prefert. Quisquis sit, valeat , aut in Vespasiani illam Morboniam abeat. M. Antonium Bonciarium vel ex litteris noui , sanè insignem virum & $\alpha\zeta\kappa\mu\alpha\mu\omega$: plerosque alios exlectio- ne, quos iuisti nominatum. Inter eos iamdiu Torquatum Tassum, & Speroni quædam. Sed alia nobis curæ , aut auocationes : in otio , quod optem magis quam sperem, libens istis vacem. Vale vir amice, & talis in me perseuera. Louanij , xv. Kal. Mart. 20. 1514.

E P I -

EPISTOLA XLVIII.

AVGVSTINO VALERIO S.R.E. Card. S.D.

BENIGNITAS tua, tum item scripta quae vidi, scriptionem hanc meam elicie- runt, grati animi & virtutibus tuis meriti que addicti testandi caussâ. Nam beni- gnitatem quidem ostendisti, in salute se- mel iterumq; ad me peramanter missâ; tum & sermonibus, quos honestos de me stu- dijsque meis apud plures habuisti. Iam Scri- pta tua quæ publicasti, visa mihi beneficio Andreæ Chiocci Doctoris vestri Medici, qui ad me misit: & lecta mihi fateor cum fructu pariter, & voluptate, cui affectus & veneratio in auctorem se coniunxit. Quomodo enim non colam & amem vi- rum in eâ dignitate, in eâ ætate, hæc studia sic industriè & feliciter tractantem, & ad posteros etiam ingenij sui monumenta pro- pagantem? Colo, & amo: & vnuim certe librum vel argumenti caussâ, quia in eo CARD. BORROMAEVS describitur, ô ma- gnum ille æui nostri (sic appellare liceat) heros! Eum ego semper suspexi, & virtu- tes extra ambitionem omnem admiratus sum: quas tu ita laudes, vt etiam imiteris. IVBILAEVM etiam tuum ANNVM perle- gi; & variam in eo rerum notitiam, cum hominum locorumque descriptione, ama- ui. Sunt seria hæc scripta, & tui loci atque muneric: atque vtinam ætas (nam de colun- tate non ambigo) ferat, plures ex hoc agro ingenij tui fructus prodire! Vt id possit, Deum rogo: & vt is te Ill^{me} ac Reu^{me} Domi- ne, longum Ecclesiæ suæ seruet. Louanij, prid. Idus Mart. ∞. I^oCIV.

EPIST. XLIX. *Perusium.*MARCO ANTONIO BONCIARIO,
nimis, pñne dicam, meo S. Dico.

Ne mirare exordium, mi Bonciari. iam- antè sciebam te meum esse; sic esse, ex epistolâ tuâ didici, quam beneficio Andreæ Chiocci, insignis viri & Medici, iamnunc vidi. Téne tam effusè in laudes meas ire: nec apud me, vbi blâditijs loçus esse possit, sed apud alium, quid alium? apud omnes sic effari & profiteri: nam edidisti, & vul- gaſti. Profectò motus mihi animus fuit cùm legi, non nego: & quamquam saluâ fronte pleraque non possum agnoscere, tamen sua- ue, suaue fuit à te tali hæc tribui,

Σὲν ὁ γένειον τετραγύμνῳ σὸν αἴσθησιν.

Etiam hoc testificor, te sic in mea intima iu-

I. LIPSI Operum Tom. II.

dicio indagasse aut penetrasse, vt ipsi mihi notior non videar, quâ tibi. Quæ hæc saga- citas tua est? quis super omnia candor? Iam verba pensitata, & sensus sic maturi, fidem apud alios astruant, quam apud menon ha- bent. Et mihi tamen hîc fructus: quis? exci- tari & erigi, & vt generosi equi, plausu hoë tuo & fauore acrius ad cursum impelli. At nō in fastu attolli, mi a nice noui me, & im- purum aut imbecillu illud in me hominis; & vt lunonia ausi, cùm plumas adspexi, ad pedes oculos demitto. Sed ad te nunc ani- muim mitto (vtinam totu me possim!) æter- no, æterno tecu vinculo, vt cum me altero hæsuru. Louanij, prid. Id. Mart. ∞. I^oCIV.

Scripsi item ad te ante dies xv. & misi Au- gustam Vindeliciam ad M. Velserum.

EPIST. L. *Lutetiam.*FRANCISCO HARLAEO Abbati
S. Victoris S. M. D.

Et ex sermone cognati tui Harlaei, qui nobis adfuit, & clarius ex tuâ scriptione affectum didici, quem acrem in me præfers, amore Virtutis & Doctrinæ excitatum, quarum scintillas in me (vtinam lumen!) annotasti. Nam & me amare ea profiteor, & crescere cultum cum ipsis annis: quantò magis video alia hæc vana, levia, nihili esse; sola hæc firma, solida, æterna. Itaque meritò & tu ad ea adspiras, & non simplici ac nudâ, vt sic dicam, Virtute contentus, ornatum & velut purpuram adjicis Doctri- nae. Benè est, perge. hæc eminendi & præ- lucendi via est, quò tua te indoles, & maiorum splendor atque exempla vocat. Meam autem amicitiam quòd appetis, in prom- ptu est: vel vltro iungar, quo scumque ta- les repperi: & vt magnes ferrum, sic me honestior indoles consensione tacitâ & συμπαθείᾳ trahit. Ergo sequor, manum do, fidei & amoris non fallacem. Louanij, III. Idus Maias. ∞. I^oCIV.

EPIST. LI. *Augustam.*

MARCO VELSERO V. I.

ERRATVM. nondum vt STOICA nostra videris? sed erratum, aut peccatum (non enim definio) ab alijs quibus commisisti: ego te inter primos habere fructus istos acri-dulces (da verbo veniam) ingenij mei volui: habere, & censere. Fac vel nunc. Mu- sicum illum Etruscum vidi nuper, è tuo do- no, & miratus sum ingenium, dij boni, acutum! Sed ego quām non sim ad hanc

X

scien-

scientiā, publicē sum testatus, & est vitium naturae meae. In Senecā, hæc talia non nimis inquiero: quod ille egit, hoc ago, & ad mores eo. Et quia pompā hæc scriptio non habebit, fortasse & famę minus, vt hodierna sunt iudicia: sed & ea alibi corrigenda aut dirigēda sunt, & in veterem limitem boni usus reducenda. In N. affectum amo, cetera mecum intelligis & arbitraris. Stanislaum Ballam, de cuius affectu in me scribis nobilissimi viri, amo & te velut inducente admitto atque amplector: & gaudeo atque Europæ gratulor tales in eo tractu viros esse. Mirū, mirum, Sarmatiam sic excultam hodie, vel supra Hesperiā utramque (gnarus dico) esse. Omitto litteras, quæ id mihi dicunt: sed sunt & fuerunt in hoc ipso loco nobilissimi iuuenes, qui vagantur & lustrant incensi cupidine doctrinæ. Nostri homines aliter, & veteres Cimbri (Becani hæc assertio) ad Cimmerias ignorantiae tenebras eunt. Sit is quoque inter bellorum ciuilium fructus. *Dina* nostra *Hallenſis* excuditur. Quid tu ad talia? inquires. Imò decuit, & animo libuit ad pietatis hanc aram facere, cui primò natum sumus: & reliqua secundas in hac scenâ partes agant. Mi Velsere saluere te cupio, & me amare: te inter paucos, perpaucos nostri æui, iudicij atque animi rectum. Louanij, xiii. Kal. Iun. &c. Icciv.

E P I S T . L I I . *Romam.*EMANVELI PIO S. R. E. *Cardinali.*

M Antonius Bonciarius (ab amico tibi nomine ordiendum est) cùm sæpè mihi & de virtutibus tuis, ingenijque præstantiâ, & litterarum ac mei amore, ex fide scripsisset: cultum & simul affectum erga te in animo isto genuit. quem in dignitatis tuæ incremento cohibere vltrâ non potui, non item debui, quin erumperet, & tibi se sisteret, probandus, vti spero, & admittendus. Candore quidem hoc mereor: vt alia mea, quæ benignè attollere te audio, omittam. Venio igitur gratulatus purpuræ hunc honorem, veteri, & ab ipsis Imperatoribus familiæ tuæ, non nouum: quem ipsum nuper quoque tenuit Rudolfus Pius Cardinalis Carpensis, ille in exemplum genitus virtutis, doctrinæ, elegantiae, & omnibus in ijs numeris absolutus. Nihil veræ laudis extra gentem tuam quære: illa suppeditabit, & multâ luce vndique circumfundet; et si, iamnunc in eâ luces. Nam eminens hæc tua indoles, & sublime cultumque ingenium,

Pontificem hunc optimum maximum aduerterunt, vt te vltro eligeret & in sacrum Senatum adscriberet, quod non nisi apices & decora prouinciarum adspirant. Sit felix bonumque factum, eminus, sed corde, acclaimo: & me tibi do, dico, Ill^{me} & Reu^{me} Domine, serio clientem. Louanij, iv. Idus Sextil. &c. Icciv.

E P I S T . L I I I . *Antuerpiam.*LUDOVICO NONIO *Doctori Medico S. D.*

DIVAM nostram placuisse tibi, pietatis tuæ in illam est, fortasse & in me affectus. Nam à stilo aut ingenio meo leuiter accessit, quod cōmendaret. gaudeo tamen grata hæc esse (nam & ab alijs sic accipio) & exictor ad similes scriptiones. Similes dico, id est *Historicas*: & tu me eò vocas valdè inclinatum. Itaque iamnuncedo *Monita* & *exempla Politica*, in quibus quid nisi florem historiarum excerpto, & huic scriptioni velut prologo? Deus si vitam mihi seruat, illuc ibo? firmior sim modò; nam iam à tribus mensibus, mi Noni, valdè virium & vigoris interni vacuus sum factus. Te in Hispaniâ iustrandâ pergere, gaudeo: & in Marciani Capellæ loco (inspexi & inquisiui) à tuâ correctione nihil muto. Vera & necessaria est: et si tentabam illud *vniuersa* inuertere, sed non successit. Quæris super Strabonis loco de *Balearium laticlaviâ tunicâ*: meretur quæri. ego autem simpliciter ita accipio, usos primùm *πατροθήμως χειρῶν*, quas Romani senatores usurparunt, sed paulò aliter. Nam Baleares, opinor, in lino, non in lanâ; & ab ijs haud dubiò Hispani sumpserût, sic propinqui. Sanè de istis in Liuio est lib. xxii. vbi de pugnâ Cannensi: *Hispani linteis, prætextis purpurâ tunicis constiterant*. atque in eadem re Polybius dixerat *χιτώνοις πεπούλησαν*. quid ex aliud sunt quæ *tunice laticlavia*: si tamen purpura ea in clauos distincta? Hæc ad Liuium olim notabam, & Strabonis locum adiungebam: tu iudicabis. Publica valdè me suspensum habent, & video certamen omne in Flandriâ cernendum. Hostis copias auxisse, instruxisse dicitur, & rectâ ad nouam expeditionem ire. nos quid? quod tu scitissime à tuâ arte, in Veterno aut Lethargo sumus, nec excitati excitamur. Ades ô Deus; & patriam, aut certè religionem tuam, vindica & tuere. Vale, mi Noni. Louanij, xi. Kal. Octobris. &c. Icciv.

E P I S T .

EPIST. LIV. *Vrbinum.*SEBASTIANO MACCIO DURANTINO
Viro Perillustri S. D.

LITTERAS ad me dedisti triplici notâ insignes, amoris, benignitatis, doctrinæ. Amorem ipsâ scriptione profers, & finem habes ut meum elicias: quid elicias? tuo iure poscas, qui debetur tali viro, & sic amanti. At benignitatis iam tuæ est, quod in laudes meas stilu admittis: cur autem tam effusè? Stringe vir optime, nec affectui tuo habenas omnes laxa, quas iudicij tui rectitudo adducit & coercet. Ab illo enim, non ab isto (ego ita censeo) hæ laudes. & ut per aquam qui videt, maiora omnia videt: sic qui per fauorem iudicat, attollit. Evidem ampla illa non agnoscit: Deus ille Delficus veteri monito aurem vellit, & me ad me mittit. Denique doctrinam ipsâ scriptio tua præfert, & acre eius studium: atque huius fructus, SOTERIDEM tuam: quam ut vide re mihi sit rogo, & mittere licebit via, quam in imâ chartâ subscriptam. Sed ad amorem redeo, quem ut magis probes, sine ullo rualitatis luore (nec enim verius iste habet) alios adiungis & nominas, qui in te cum amant. inter eos Franciscum Mariam Sancti Angeli Comitem, vitum genere & dignitate primarium, itemque Baptistam Guarinum Equitem, Petrum Paciottum Philosophum: & quid dicam, nisi subtiliter affici me, & velut titillari, nullum ingeniorum approbatione vel affectu? Rependo vicein: utinæ & vocem aliquando possim, & pasci sermonibus ac dissertationibus, dirigi iudicis eruditissimorum virorum! Olim optaui, & conatus etiam sum inservire me Italiæ vestrae nouum ciuem: Deus & Principes mei vetuerunt, & patria etiam manum iniecit, eis abituriensi. Quid enim apud nos, nisi assidua, & quidem calaritosa, bella? Pax ingenio scriptisque meis magis faciebat, & excitari per illam ac produci veraque hæc poruissent. Sed quibus ego iam verbis utar, ut benignitati Serui Principis FRANCISCI-MARIAE RYVERI Vrbinatum Ducis, respondeam? Quam tu in me & mea promis: neque insperatam, ut verum fatcar, quia inclita illi familiæ proprium studia artesque fouere atque amare. Sed quod eam extra Italiam etiam mittit, id fortasse nouum, sed magno & capace illo ingenio dignum, quale describis: & quod instar solis aut velocissimi fideris,

I.LIPSI Operum Tom. II.

omnia statim obit ac lustrat. Legi ab eo scripta nostra, votum est, probari supra votum: fruor tamen & excitor, neque aliter erigor aut attoller. Habes ad epistolam tuam, sed voluntate meâ breuius: quia languor, an morbus dicam, manum & stilum alligat, qui iam tres menses me habet. Dens, si ita expedit, sanum me reddat, te seruet Vir Perillustris. Louanij, xxi. Kal. Octobr. 1504.

Si quid ad me placet misereere tuis scriptis, ægrè id potest per Cursores ordinarios, nec nisi magno impendio: at potest bis anno per mercatores, qui Francofurtam eunt. Ad Moretum illuc si mittis, id est, ad Plantinianam tabernam, rectâ & tutâ ad me ibit.

EPIST. LV. *Pinciam.*Domino FRANCISCO QVEVEDO
*Viro Perillustri.**Dij tibi dent annos continentque tuos.*

PATERE enim & me vestu ordiri, & tu illi papulos, quem scitissime sed cum nimia laude meâ preponis. At ego tibi annos istos opere perpetuos: annos, sic in intellectus, annos, sic omni doctrinâ & viritate perpetuos: ita usque ab alijs audio, qui & proprius te norunt, & scripta varia videbunt: quod non nisi datu, ad quos vestra ægrè deferuntur, nec nisi ex destinato inissa. Rarum in illa nobilitate tua decus. quod non tibi magis, quam patriæ gratulor, quam is atque his illis enim videlicet illustratu. Mea de VESTA quod legisse te tenabis & probabis, gaudeo: malem eadē videres aucta & notis illustrata, quæ propedem virga butitur. Sunt enim in triâbus Typographiæ: & effectu ut vel me mittente possis nancisci. Nunc SENEXA VESTER me totum habet, ad quen STOICÆ DOCTRINÆ excerpta præmissi. Non enim cello, Vir Perillustris, et prospora apud nos ferrea, nec artibus istis sed Marti facta. Vos quoque audiatis: auditis, ani & sensitivis! Contage enim mala nostra vos tangunt, & opes ac miles vester hæc exhaustantur aut consumuntur. Scipis ille olim, de Troia? *Comme sepolcrum Europe Afrique!* Ego de Belgica dixerim, quæ ab annis iam paterè quadriginta florem militiae ab Europâ aduocat, & consumnit. Medere tu Deus, & hanc nouum mihi amicum tuere. Louanij, vi. Idus Octobr. 1504.

X 2

EPIST.

EPIST. LVI. *Gades.*

Io. BAPTISTAE SALASARIO.

Ab ultimis Gadibus (vt olim opinio erat) litteras ad me venisse, si non gloriior, gaudeo: & non respōso te solum, quod peris, sed amore dignabor. Idque doctrinæ tuæ merito, & incēnsi studij, quod scriptione hac profiteris. De mē autem doctrinā, vel vt tu, sapientiā, nihil equidem assenserim: imo animus hic sibi conscius repugnat, nec ventulo isto eleuante à terrā se tollit. Sum homo, sum ab humo, in eam ibo, & fama ipsa mea haud latē vagata circa hanc peribit. Dum sumus hīc tamen, suave est altius & melius aliquid agere, & quod bonum proprium Stoici censebant, prodesse. Hoc fine scribo, edo: hoc fine & istas ad te mitto. Quærebas duo. Prius de sensu verbum Ouidij, quibus suadet pueras adiri opportune,

*Sive dies fuerit natalis, sive Kalenda,**Quas Venerem Marti continuasse iunat.*

De Natali, scitum est: dubitas, de Kalendis istis quas ego censeo Apriles fuisse. & quare puellis gratas lātasque? quia tempus tunc anni ad lusus inuitat, & aperit stricta aut clausa. Ipse idem poëta in Fastis, & ipsis illis verbis:

*Et formosa Venus, formoso tempore digna est;**Vtque solet, Marti continua suo est.*

Sed & vulgo celebant tunc Venerem matronæ, puellæque. Idem:

*Ratè deam colitis Latia matresque, nurusque;**Et vos, quis vittæ longaque vestis abest?*

Quia & sacrum eo die Veneri fuisse, præcer poëtam,, Macrobius tangit Saturnalium priuno. Opportunus ergo amori dies, ipsa Venere præsidente & conciliante. Alterum quæsitum, in versibus:

*Iunge tuum dominæ, quæ licet usque, latus;**Et bene, quod cogit, si volit, linea iungi.*

Quæ hæc linea? Alij alia: ego de Circo sermonem esse scio, & in eo sedilibus itaq; accepitio Lineam ipsum ordinem subselliorum, velut lineis descriptum & discretum. Erant Cupæ, inter cuneos Vix, & media Subsellia, lineis suis diuisa. Qui ergo in unis subsellijs sedebant, iungi necessario debebant; neq; declinare fas vel antororum vel retrorsum, aut lineam migrarent. De cali linea, in Marciali etiam versus, me interprete:

Omnis habet sua dona dies, nec linea diues;

Cebat, & in populum multa rapina cadit, Manifeste dicit, missilia in omnes sparsa,

Cap. XII.

atque etiam lineam diuitem, id est Subsellia senatorum siue Orchestram. nam distinguit à populo & popularibus statim. Isto etiam sensu iterum Ouidius:

Quid frustra refugio? cogit nos linea iungi.
Nam Circēsibus viri & fæminæ mixti spectabant olim. Suspiceretur forte etiā aliquis, lineas è ligno antepositas aut admotas, quibus firmarentur sua cuique sedilia, & ut fas inniti, nec prioribus sessoribus incommode. Sed hæc suspicio: ista veritas, me ex via spistolâ te amare, & idem perpetuū à te optare. Louanij, ix. Kal. Novembris. 1514.

EPIST. LVII. *In Poloniam.*

SIMONI SIMONIDÆ.

LITTERAS tuas, & quod libroru adiunctum fuit, nimis libens legi. illas, ab humanitate & affectu mei, quem spirabant; istos ab eruditione variâ, quā præferebant. Ego mi Simonide, vt de affectu dicam, pretium laborum meorum censeo à talibus amari: id est à doctis, bonis, quorum inter apices te pono. vt fama mihi non dixerit (quam & hīc habes) vnum illud carmen tuum in Imagines Zamoschiane diate approbet: quod, ita me Deus, eruditu, antiquum, suave est, & numeros ac phrasim Catulli ac veterum illorum habet. Macte! spondeo tibi, paucos in Europâ esse (& est ingens poëtarum copia, ne apum) paucos, inquam, qui meo quidem sensu sic scribant. Iam illa Stoïca, quām putas ipso titulo & arguento blandita esse? quid cùm cœpi legere, tam multa è Græcis Latinisque, & remotis etiam auctoribus petita: sic adaptata & nostra, subtiliter explicata: quām putas, inquam animo affectum & motum esse? Amo illam sectam, & conatus sum producere, vt vidisti: sed hanc Logicam partem reformidaui pænè tangere, vix otij, certè non languoris huius mei. Gaudeo illuc factum à Bursio, & sic eruditè factum: à Bursio, an vis me magnum illum Herōem vestrum inscribere, quod vix villa ætas credat? Virum in tot, & tam arduis occupationibus, regni Atlantem, sustinere & has litterarias curas ac lucubrationes posse? Diuinum ingenium dicendum est, in admirationem æui, vix in exemplum (quis enim imitetur, vel ausit?) datum. Diu nobis viuat, quem toto animo suspicimus & colimus: diu tu cali patrono felix, mi Simonide, flore itemque viue. Louanij, vii. Idus Novembris. 1514.

EPI.

EPISTOLA LVIII.

DAVIDI HILCHENIO, Regi Poloniae à Secretis.

SILENTIVM, vti scribis, fuit ab interuallo grandiore: quid mirū, in his locorum interuallis? Animo meo te non excidisse, hoc ingenuè & fideliter testor. Amo & ingeniu tuum, & virtutē. Neque hanc, mihi crede, coītio ista inimicorum aut calumniæ decorolorabunt: splendorem addent potius; & vt ferrum ab attritu, sic illa nitescit. Esto quod es, boni fortique animo, & qui bonam causam decet. HABES TUTORĒ VT VIDEO MAGNUM ZAMOSCUM: sub Herois illius scuto quem timeas? non omnes Dolones aut Sinones. Tua etiā Apologia apud æquos aptosq; iudicēs abundē te suspicionū, non solū criminum, purgat: mihi quidem sic vīsum. Quòd autem inuitas me, vt aliquid ad Herōem illum, feci, & tu vide vt audacia nostra benē cedat, culpā in te alioqui transfusura. Ego virū iamdiu amo, miror, colo: sed quæ occasio declarandi fuit? neq; verecundia aut modestia mea temerē irruimpunit. Si viam mihi mittendi tutam & promptā præscribitis, non omittam officium. sed ab eâ laboro, neque cursores nostri publici in Sarmatiam solēt penetrare. Maḡ & Nobilis Domine, saluere te animo opto, & erectum atq; alacrem esse. Stoïca nostra legisti? conductent. Louanij, v. Idus Nouemb. 1514.

Hieronymus Ferrerius, qui apud vos in militiā vixit, Italus, & mihi notus, nuper hīc subitō obiit è defluxu catharii. Frustrā reduceim exspectetis.

EPIST. LIX. Duacum.

BARTHOLOMAEO PETRO LINTRENSI
S. Theologie Doctori.

AMPLECTOR precationem, quam dē more, sed affectu quodam singulari, mihi facis in auspicijs noui anni. Amplector, & largiter ac puriter eamdem repono. Deus tibi det quæ voles; & nil nisi bonum ac salutare, scio, voles. Verē audisti de Diuā Sichemiensi: atque eam iam concinnaui, & ad Typographum misi, priùs tamen auctoritate nostri Antistitis Mechliniensis comprobandam, quod in Miraculorum propagatione S. Synodus fieri mandauit. Ego sanè libens tales scriptiones obeo, & sine molestiā obeo: siue animo, siue Diuā ipsā subleuante, & recreante. At mali aut morosi quidam, & prauè sapientes, non occulte deterrent aut improbant: tamquam à

I. LIPSI Operum Tom. II.

narrationibus parum certis, vt aiunt, & opinione sāpē nixis. Non debere talibus obsolefieri auctoritatem nostram, siquam habemus. Dissentio. & aut istis fides sua certa apud me, & bonos est: aut quid adferent, cur antiquioribus eam præstem? Sunt testes, sunt examina, & quæ in profanā historiā minimè adhibentur: & huic tamen credo, diuinis tātūm refragabor, & assensus mei ostium claudam? Prauitas est: & hi tales per cuniculos subuertunt arcem religiosi nostræ, quæ miraculis est superstructa. Sed viderint: mihi certum pia, recta, vetera sequi; & afferere etiam, pro ingenij aut stili viribus, quas Deus dedit. Reu^{de} & Eximie Domine, precationem itero, & hunc atque alios annos felices agere te exopto. Louanij, xiiii. Kal. Febr. anni 1515.

EPIST. LX. Antuerpiam.

BALTHASARI MORETO suo.

LEGI tuas, & Amici illius, litteras: & in utrisque aliquid sum miratus. In tuis, quòd ægrè & velut rettactans hoc ad me deferres, tamquam triste: in illius, quòd vt rem seriam habuit, & à tali auctore, quem constat mihi non esse. Noli autem tu mi Morete, si meum affectum vis scire, & eumdem induere, hæc talia nisi risu excipere: & quid aliud merentur? Sunt Epigrammatia, leuiora non Pennā inēa, quam carpunt, sed plumā: & addo, sunt inscita, sine sale aut Venere; ac meum noimen tolle, nemo leget. O digna, quibus ille auctor inscribatur! quem haec tenus amicum mihi habui; sed hominem scio; & posse mutari. Si facit ob talem caussam (nam priuatim nulla est:) næ ego & affectum tempero, & iudicium muto, quod perhonestum semper de illo tuli. Quem scripto eo læsi? quem vel leuiter tetigi? Religionem meam aperui: & Nerones iterum sint, qui vetent? Noua suā ferri volunt, & armis id pugnant: nobis non licet vetera afferere, & æui suffragijs atque orbis approbata? Atqui leue, & me indignum scriptum est. Si à tali affectu carpunt; non veniam, sed gratiam debeo: sed quī credam? Scio esse in ijs locis, qui magno emerint omnem famam veterem me decoxisse, & LIPSIA inter oblitterata, aut & damnata, nomina esse. Tamen leue est. Itane? non res talis, nobis qui piè sancteque de diuinis sentimus: non stilus ijsipſis, qui subsannant & illudunt. Hoc scriptum, audi me,

X;

&

& ipsi intellegant, æuum feret cum aliquot alijs, quæ bono generis humani scio me edidisse. Fremat Calumnia, & Liuor pallear: ego ab his talibus famam, imò & gloriam, imò & claritudinem, apud posteros habebo; & ero, cùm omne istorum nomen & factio non erit. Sed de Epigrammatijs insulsis, parum est, nec merentur non dicam responderi, ne legi quidem, aut certè iterari. Quid si libelli prodeant? & prodibunt, aut æui huius, & sectæ illius proterviam ignoro. Sed tam ego eos contemnam, si à talibus & tales sunt, quām versus: quōd si grauius aliquid, & par in arenam venit, dignum cum quo componar, videbo, & pro re decemam. Pugnare equidem semper refugi: sed vbi opus erit, tam virum ostendam, quām duobus illis olim aut nuper, qui non lætantur me prouocasse. Palmarum de me vsque adhuc quis tulit? Neque iactare libet: sed noui me & alios: & in bonâ hac vtique cauſâ, veniant cum Hectore Achilles, non subducam. Istæ quidem pilæ, & velut homines fœnei, qui nunc in circum iacti sunt, non valent ad irritandum, qui ludibria hæc & deliria (vt rem dicam) noui. DA LEONEM. Sed ad Amici litteras tu illi hunc sensum meum scribe, & præsertim de auctore: quem certò reperiet alium esse. Istæ sordes non sunt ab eâ Seplesiâ. Salutem etiam adscribe, & à me amo rem. DIVAM SICHEMIENSEM iam acce peritis, mittente Oudarto: cudite, vt iterum malis male sit, & viuat honos cultus que illius, quem omnes praui (mirum, & certum) ab omni æuo eunt imminutum. Heus etiam! quod ille Amicus suadet, vt poëtæ vestri aliquid meam vicem repenant: per Deum, ne fiat. Ego mihi sufficio, nec Teucer ille sum, qui clypeum desidero Aiacis. Sileamus nunc quidem, & magis seria agamus. Vale mi amice. Louanij, Nonis Febr. 1505.

E P I S T . L X I . Bruxellam.

PETRO PANTINO V. R.

Et ego insidijs capiar, quas ipso te monente fas mihi vitare? Græcorum Morychus sim, aut siquid ~~adversus~~ cogitatur. Hoc fine, non venio, & vel numquam videat me Bruxella. Extra iocum. honore aliquo externo & imaginario, nec mēa sed litterarum cauſâ, si affectū me Princeps vollet; admitto. sin onus adiungitur, imò si munus; respuo, & vel fugâ declino. Mihi tam

certum & firmū, hoc statu rerum, res extre mo digito non tangere, quām ad extrema rerū aliquando ire. O amici, * *Europas* in hoc consiliū adfertis, ego & * *πρόνοιας* velim. Ille, quem vos suspicitis, pleno pectore in rem mēa sapit: & addo famā; quam alijs studijs inculpatam, ne, obsecro, nouis polluamus aut obscuremus. Sit aliquis, vel in exemplū, qui quietem, Musas, se amet, & Numen collat: vana aut vulgata seponat, aut (si superbum non est) spernat. Quid apud te verba facio? ad te redi, & affectū omitte: idem sua debis. Vide * *ἀρχατας*, vide * *ὑεράρχοις*: tu ali quid rei, aut spei etiā melioris, per me exspe- * *imperans*. ctes? Marius Celsus, & Suetonius Paullinus *flos*. sim: de quibus scio quid Tacitus seribat. Magna Respublica, tu me tene, communis Patria, Dei hominumq; ciuitas: ô pulchrū, in eâ locum ordine inque habere, & inter illos Classicos censeri! Quod supereft, * *μόνοις* * *No mihi Gorgonem* γοργίου κυφαλήν: nam bonâ tuâ veniâ: Belgi- *caput*. ca, es aut eris. Vno verbo, fatis obsequamur. neque huc ego natus aut factus sum: * *καὶ τὸ λέπων*. Oudarto etiam meo hæc scribo, * *Nihil sa- por filum*. quem scio inter insidiatores iam diu esse. Sed de primâ tuâ scriptione, Bruxellam sic citò, vt destinaueram, non venio. Est libelli munusculum, quod dedicatum Principi offerre volebā: sed non venit. quid si, cùm venerit, per te facio? Nam fugio iam Bruxellam venire, aut valetudo potius me vetat. Vtinam tu cum Oudarto huc! facite me compotem huius voti, & in cælo me collo cate. Salue mi vir amicissime, cum altero ta li Oudarto nostro. Louanij, statim à tuis letis, vt eram affectus, & spiritus (non nego) plenus. Postr. Non. Febr. 1505.

E P I S T . L X I I . Mechliniam.
GAVGERICO RIVIO *I^{er} & Aduocato, suo.*
CERTE enim te Meum appello. nimis af fectus clamat, qui in verbis tuis eluet. Sed pone, aut sepone metum: meliusculus sum, et si vires non recepi. Brevis illa concus siuncula planè me vacuū earum fecit. Oudartus apud me est, tui amans: quem & scis me esse, ac semper fore. Vale, inter primos vidende, cùm illac (Deus donet) transibo. Louanij, Kal. April. 1505.

T E S T I M O N I V M .

LECTVRIS S. M. DICO.

GAVGERICVM RIVIVM iamdiu indoles, *et* industria, *et* deniq; doctrina, ac virtus ma xime, mihi conciliarunt: que omnia nota perspe- *etaque*

Etaque annorum aliquot consuetudine habeo, & talia ea esse apud omnes EX ANIMI SENTENTIA testor: Me delectauit, & in eis haud fertili nimis talium eminere visus est, & dignus esse quem alius ostenderem: ostenderem: imo & serio commendarem, si qui illa priora amant. Veri magnates, & quibus Respublica, atque eius splendor, cara sint, in primis curare debent, & faculi hec ornamenta fouere ac producere, in huius & futuri faculi usum. Ego rogo eos facere, hunc amatum mihi amare, & in occasione allegiare atque adiuuare. Stirps ista melior irriganda & attollenda est, ut fructum floremque proferat: proferet autem, spondeo, si illud fiat. Louani, Kal. Quintil. &c. I^oCIII.

Iustus Lipsius Professor, &
Historiographus Regius.

EPIST. LXIII. Neapolim.

Io. ANDREAE PROCHNICO
Legato Serui Regis Polonie S. D.

DICIT, & serio mittit, quam ipse non habet. Nam ego (ô vir amice, & quomodo non sic appellem?) iam à duodecimo die in acerrimo morbo fui, qui pænè abstulit, & melioribus locis sedibusque dedit. Noctu acer Paroxysmus me inuaserat, & videbatur Apoplexiæ genus aliquod esse. Ecce triduo post amicissimæ tuæ litteræ, & opportuna munera, quæ ipse Io. Wouerius meus ad me tulit. Sum recreatus, fateor, ab ipsâ beniuolentiâ tuâ, quam sic puram, fidam, magnam in me ostendis: & quædam etiam munerum, ut armillam illam ex Alcis vngulâ, statim consilio medici, & proprio affectu, brachio indidi, non dimisurus, quamdiu vita quidem erit. Accepi & annulos, & quosdam ex ijs collo suspendam, & cordi admouebo, in quote datorem meritò iamdiu inclusi. Si vita mihi erit, an non palam ostendam? *ingratissimus mortuum sim, nisi faciam, & dignus eâ notâ, quâ Sulla Athenienses inuulsi. Multa vellem, nondum possum, nec vires suppetunt: alia Wouerius pro me dicet aut scribet. ego te affectu alloquor, atque utinam amplectar, ô amicum pectus! Vale. Louani, vi. Kal. April. &c. I^oCV.*

EPIST. LXIV. Romam.

ASCANIO COLVMNAE S.R.E. Cardinali.
FATEOR aliquamdiu à scriptione & officio meo, sed inuitum, abstinuisse: neque alia causa, quam peregrinationis quæ ab Urbe te remouit, & in eas oras misit, ad

quas litteræ nostræ haud tam facile quam affectus & memoria cominearent. Certè enim hæc retinui, & veterem illum cultum, fideliter virtutibus tuis & meritis deuotum. Itaque ut aura aliqua nos adflauit aduentus iterum tui in Urbem, ad sacra hæc Comitia, & fidem statim habui, & hac scriptione testari gaudium tui redditus & consignare fidem & constantiam meam volui in te colendo. Atque utinam etiam vel ætas vel valetudo mea tulissent, ut coram me aliquando in dominâ cœi urbe sistere, & vultu ac sermone, quæ dico, probare potuissem! Suave fuisset, & cogitatione ipsâ recreor, sed eadem mox deiicior, cum video irritum illud, & nil nisi votum futurum. Quod tamen à me non possum, habeo è domo meâ & interiore amicitiâ insignem iuuenem Philippum Rubenium, qui coram præstabit, spero, & totum me reuelabit, & Ill^{me} D. Tuæ dabit dicabit. Adspirat enim ille Romam: & quamquam mihi in docendi munere successorem, ut ingenium & doctrina eius sunt, destinaram; tamen visa ea vrbs sic cepit, ut frænum dare huic desiderio non possimus, & vitam non solùm agere, sed ponere in eâ velit. Neque ultra retineo, cur enim Theatrum hoc virtuti eius inuideam? imo commendatione etiam adiuuo, & ad te, Ill^{me} Domine, si commodum est, mitto. Audio Bibliothecam instructissimam & animo ac stirpe tuâ dignam parasse: non est fortasse in Europâ aptior ad hoc aut maius aliquod munus. Doctrina varia est in Græcis Latinisque, stilus in utrâque oratione, prosâ & versâ, elegans, & famæ etiam producendæ, notitia antiquitatum & historiarum: quid mores? ipsa suauitas, ipsa probitas, & qui experietur aut noscet, vera me dixisse agnoscat. Neque enim aliter apud talem Principem debeo, & ita Rubenium meum amare ac producere, ut me & famam meam amem. Sed certus sum quicunque iuuenem possidebit, gratiam mihi tradenti habitum, & plura aut certè distinctiora, quam dixerim, inuenturum. Et quamquam de Bibliothecâ iniecerim, res scilicet studijs eius aptâ, potest tamen & in litteris scribendis aut concipiendis operam decorè & utiliter nauare, & variè cultum factumque ingenium varia obire. Hæc ego Ill^{me} & Reu^{me} Domine, ante omnes scribenda ad te censui, & peccaturus videbar, si gemmam hanc ut sic dicam adolescentis

alteri offerrem. Si tamen ratio aliqua est quæ nunc non admittat, commendatum certènotumque esse cupio, & honorem interdum habere vel adspectus tui vel affatus. **ILL^{ME} ET REU^{ME} DOMINE**, Deum oro seruare te longum Ecclesiae & Patriæ, atque etiam in Patriâ, velit. Louanij, Kal. Aprilis. & .I.CV.

E P I S T . L X V . *Romam.*
SERAPHINO OLIVARIO S.R.E. *Cardinali.*

VOTA nostra & bonorum Deus audiuit, & ad dignitatem euexit, quæ virtutibus & meritis tuis iamdiu debebatur. Animo hoc gratulatus pridem sum: nunc & scripto, cui materiem etiam Philippus Rubenius noster dabit. Nostri iuuenem, & vindisti Romæ: atque utinam interiorem eum totum, & bona egregij animi nosses! Græcè, Latinè, inter paucos doctus est; stilo utroque facilis, & vel ad veterem elegantiam in versu; historias & memorias veteres nouit: & quod caput mihi quideam, iudicij in plerisque omnibus puri & directi. Mores sunt, uno verbo, quos vel in filio (si Deus dedisset) optem. Quorsum ista? Ad Romanum vestram iterum adspirat, et si me, non abnuo, refragante. Nam ego hinc illigare eum, & in Professione mihi sufficere destinabam; & iam cum Principe agere cœperam, imò & impetraram. Quid tamen est? intemperanter Urbem amat, & nescio quis Genius eō vocat: bonus, ut spero, si vos tales fauetis & iuuatis. Atque hoc Ill^{me} & Reu^{me} Domine, fiduciā tui in me & litteras amoris, peto. Commendaui equidem priuatim Ill^{mo} Cardinali Columnæ, ut à Bibliothecā ei esset: sed litteras eas sustineri volui, donec de tuo consilio rem institueremus: & aut illuc aut aliò iremus. Rogo iterum, dirige & gratiā atque auctoritate tuâ nos iuuia. Ego spondeo optimâ & Romanâ fide, non solum pro opinione tuâ, sed supra Rubenium futurum, & usui atque ornamento esse posse, quicumque rari adolescentis hoc decus habebit. Dabis autem veniam sic liberè & reuelatâ fronte hoc petenti: iam dixi, fiduciā amoris tui (de quo alij ad me) factum; & addo notitiā virtutum tuarum factum, quas cum tam multas habeas, fieri non potest quin & in alijs ames. **ILL^{ME} ET REU^{ME} DOMINE**, voto duplici claudio: altero, ut Ecclesiae diu sis superstes; altero, quod animo concipio, ore non promo. Louanij, Kal. Aprilis. & .I.CV.

E P I S T . L X VI . *Mediolanum.*
ERYCIO PUTEANO suo.

IN grauissimâ tempestate morbi fueram, cùm Beemdius tuas dedit: neque emersi etiam, portum tamen proprius specto: si ille non erat verè portus, quò ibam. Homines sumus, & ibi quies. Epidigma tuum Historicum vidi: valdè placuit à robusto & vegeto stilo, nec censem te sic assurge-re. Plura modò fuissent: & cur non etiam in digniore arguento? Litteræ tuæ quædam ad amicos querelas præferunt, & nau-scare illuc videris. At lente & prouidè agendum est, mi Puteane, & suinendi pro temporibus affectus. Alia mereris? fateor, sed rectis iudicijs, quæ istud æuum in nostrâ re non habet. Si solus sis, facile migres, & pedem aliò inferas: nunc comparem habes; solatium, sed & impedimentum. Rogo te iterum; lente, & mecum philosophare. Belgia aut Germania non donet, quod istuc habes. Sed etiam æmulos, inquies. Et credis hinc non esse? vetus & magna fama vix sustinet: quid nouella & assurgens? Si mihi liberè & remoto velo te pandis, consilium non deerit, & auxilium quæ potero. Confide interim, & Deo & te nitere, & animum pro ingenio habe: id est, magna & altum. * Στέργε τοῦ παρεῖσαι, donec <sup>*Acquisita
præfensus
bus.</sup> Fortuna alibi sinum pandit. Louanij, vii. Idus April. & .I.CV.

Postquam scripsisse, tuas nouitias accepi, & Tesseras tertias. Sunt sanè bona & arguta in ijs: sed iudicium, aut consilium potius, non muto; & laudem mihi à majoribus pete. DIVAM nostram acceptam ibi, bene est, & debet in Italiâ: quid censes in Batauiâ? Vapulo, & scripta in me & libelli; etiam è Galliâ nunc, neque hominis indocti, ut appareat. Nostri partium factio-nem. Nos Batauo aliquid reposuimus in fine DIVAE SICHEMIENSIS, quæ iam editur: de Gallo, videbo. Etsi litigare scis quā nos abhorremus: sed obiectunt ea, quæ religionem & famam meam tangunt. O æuum, in quo bonis modestisque multa ferenda sunt! Quomodo? stomacho Ciceronis; non enim licet animo Catonis. Tibi etiā sug-gero, & fer, & feruorem ingenij aut ætatis compescere. Laxa autem omnia in mei amo-rem. v. Idus April. anni scripti.

E P I S T .

EPIST. LXVII. *Insulas.*FLORENTIO VANDER-HARIO,
Canonico & Thesaurario.

TVAS & Legati litteras accepi, & illis quoque respondi, ut h̄ic videbis. At tuas caras habui, non solum quia primas, sed quia amicē & prudenter scriptas. Duo earum capita. prius de excursione mē Lutetiam: & huic rei stimulos vel incitamenta adfers. Quid tamen opus erat, si valetudo frēna mihi laxaret, cūm sponte propendeam & iamdiu animo illuc adspirem? Sed reuerā vltimus iste morbus (de quo audisse te video) sic me adflxit & deiecit, vt suscipere longiusculum paullō iter non audeam, vacuus virium, & leui momento fortasse collapsurus. Alioqui Lutetia quomodo me non trahat? quomodo non ille, qui sic amanter inuitat, & quem tanti facio? Sed & momentum, fateri debeo, tua scriptio habeat; quæ omnibus illicijs illis & blanditijs suggestis, oleum in hunc ignem, vt sic dicam, addit. Sed differre debeo, & spe me pascere, ac cogitatione interea loca atque homines illos usurpare. Caput alterum, de aduersario illo in Diuam & me scripto. Cuius auctorem adhuc quero: sed quicumque sit, consilio tuo nimis acquiesco, de silendo & contemnendo. Et sunt tamen, etiam graues & pij viri, qui aliter volunt, & velut classico me excitant ad pugnandum. Sed cūm naturam meam, cūm ipsam rem, cūm finem frumentique video, inclino quò tu ducis. Natura sanè mea mitis & tranquilla est, vehementiori omni affectui aliena, & ab ingenio meo deserat si irasci velim aut litigare. Respondi quibusdam, fateor: sed co-mitter, non acerbē, & commissionem aut ludum magis dicas, quam pugnam. Non est mecum Thyestæ more, quod hodie obtinet, furere aut saeuire. Deinde ipsa res, vti tu verissime, quid est: duplex, vel in me, vel in Diuam. Hanc Theologi vindicabunt, aut potius iamdiu vindicarant. Quid enim ille homo adfert, quod non à triginta amplius annis refutatum? At in me quæ dicit, duo item sunt: quòd & Tullius sim & Julianus; siue caussam deseruorim, & religionem. De caussâ, parum est: numquam in eam me dedi, nec publicè aliquid attigi, quod scio te quoque scire. Dereligio-ne, ab annis triginta tribus, id est omni matuori meo æuo, constans & firmus in

istâ fui: nec vel in Batauiâ, id est inter medios aduersarios, vacillaui. At in Adolescentiâ mē volunt aliter. Primum, scito illos augere & fortiter mentiri, præsertim quod ad scripta: in dictis aut factis, siquid in communi Europæ motu titubaui, abeat, & hinc estimemur (ait ille) cūm sumus nostri. In alienâ religione, in æstu adolescentiæ, inter blandientes aut terrentes, facile fuit in speciem culpæ venire, si non culpam. Ad Prudentiorem aliquem, id est tui similem, appello. Denique fac me respondere, & hęc omnia obterere ac profigare: quis finis, aut fructus erit? Finis? imò principium litigiorum: & pro vno meo scripto tria rescripta. Gaudent homines his pugnis, & præsertim in nomen aliquod illustre, qualc benignior Fama fortasse mihi dedit. Fructus autem, illeipse quem dixi, odia & pugnæ. Non enim illos meliores ita facimus, aut caussæ nostræ amiciores: contrā est, & alienamus. Quid autem bonos? de me scio & sentio, offendimus, & superbiæ aut contumaciæ taciti nos damnant. Heus, heus, Christiani sumus: sacerdotes pacis, vt Tertullianus ait: & siquid peccatum est, pænitere malimus quam defendere. Hęc mea mens est, & erit: in quā suffragium meum habere, Vir Reu^{de} & Clar^{mc} gāudeo: tu me inter amicos & clientes. Louanij, xvi. Kal. Sextil. 1505.

EPIST. LXVIII. *Bruxellam.*IOANNI RICHARDOTO, *Præsidi.*

TERTIA hęc consolatio est, quam scribo: & me verba pænè deficiunt; an non te animus, in tam assiduo & repetito Fortunæ iſtu? Non opinor, vt tua prudenteria est: quæ & robur sumptissime iam ab vsu debet. Tiro aliquis miles ad primum vulnus collabitur, veteranus sine motu sanguinem suum spectat. Et quid mirum, si consideras, Fortunam in te vires suas sæpè experiri? materiam habet, & numerosam florentemque familiam Deus tibi dedit. Tela in vnum alterumque missa, aberrant: vbi turba est, lədunt etiam quem non pertinet. Fortunæ caussam agere videor, Ampli^{mc} Domine, tuam ago: quia vnum alterumque si tulit, habes in quos spes tuas reclines, & solarium in omni luctu petas. Ecce proles reliquas, ecce tot nepotes! benè fundata domus est, rarefcere potest, extinguiri (nisi inopinabili aliquo fato) non potest. Et vis robustura vnum solatiū promam?

Cogita

Cogita tam multos non habuisse. Olim inter vota erat, & legibus munerata felicitas, tres liberos sortiri: quid? plus bis tres etiam nunc potes (& longum opto) numerare. Et addo, quod tuus iste qui perijt, ascitus in familiam tantum, gener non filius, amore non sanguine iunctus fuit. Quid, quod nec ipse totus perijt? prolem è carissimâ filiâ tuâ tibi, nobilissimæ familiæ gerumen, relinquit. Adolescat, & te ac matrem magis magisq; oblectet. At pater ipse quomodo perijt? vt militari viro, & stirpe illâ dignum erat, in acie, in armis, & spiritum suum patriæ ac Principi impendit. Patienter me audi, habes etiam in quo glorieris, et si tristi casu. Ecce duos iam è tuis, filium ac generum, pro publicâ salute pñè dicâ immolasti. Certè consecrasti; & à tam honesto fine, piâ causa, non solùm in memoriam hominū, sed ad beatas sedes æternâ fruituri gloriâ iuerunt. Hæc te solentur: & quid addam? timidum in tertio filio reddant, quò meus quidem timor te vocat. Antonium nostrum, qui vnicum Richardotorum fulcrum, propago, semen, subrahe ab incertis ictis belli; & satis sit gloriæ vel fidei, Martem duos iam pignerasse. Hoc te rogo, & simul paullò post cogitare de honestâ eius copulâ, & nouis gaudijs hæc ad præterita mala obliterate. Apud te, spero, audiar, & modum dolori prudentia tua ac ratio dabunt: dies apud filijā, cuius primis affectibus cruda hæc auulsio accidit, & frustrâ suadeamus non lugere. Multæ etiâ est: tè fortes & viriles curæ decent, te Respublica & Princeps vocant, neque otium indulgent mœtrori. Mane in hac statione, quam Deus assignauit, Ampliæ & Nobilæ Domine, & diu in ipsâ vitâ hac mane, publico bono. Louanij, iv. Kal. Septemb. 1550.

E P I S T O L A . L X I X.

CAROLO PHILIPPO RODOANO
Episcopo Brugensi.

LICENTIA TVM hunc nostrum, & Canonicum tuum abeunte in nobis ut animo & fauore prosequor, ita commendatione meâ comitari, iterumque sistere Reu^m D. tuæ volui. Ostendisti iam animum, & deuinixisti illum ac me beneficio: rogo ut exhibere eumdem porrò digneris, & beniuolentiâ tuâ meritum complecti. Certè à me præcepta illa siue monita habet, Deo & diuinis piè operari, Antistiti suo obsequi, cum collegis tranquillè & mode-

stè versari. Confido facturum, & Ecclesiæ utilem futurum. Audio Pœnitentiariam, quam dicunt, vacare; quæ de more dari Canonicis affectis solet. Si iudicas hunc idoneum, audeo commendare; sic tamen vt totam eam rem prudentiæ tuæ merito permittam. Deum rogo Reu^m in Christo pater ac nobilissime Domine, diuturnum te in Ecclesiâ & republicâ, atque utinam meliore æuo, esse. Louanij, prid. Kal. Septemb. 1550.

E P I S T . L X X . *Romam.*

LVDOVICO BECCATELLO.

DIVPLICI nomine & epistolam tuam caram, & ipsum te habeo; priore quod me, altero quod & Rubenium meum sic ames. Quod utrumque ex epistolâ tuâ cùm didicerim, merito grata accidit: & in utroque vt perseveres, te rogo. Nam & ego certè affectum hunc iam in te indui, & fide ac candore, quem Amicitiae debeti scio, seruabo. Sed de Rubenio, & ipse tibi debet, ac coram vel soluet, vel certè agnoscer; quod te sic promptè & industriè agente, in familiam Principis illius viri venerit. Et quamquam res auctoritate Ill^{mi} Seraphini peracta sit, tamen te quoque affectu & dexteritate illâ contulisse, & scimus, & faciemur. Enim uero bene fecisse tam bono & merenti viro (Rubenium dico) non preuenit te utramque mi Beccatelle: & si vitam Numen ei largitur, sparget & ipse ingenij sui lumen, & ad exteris ac posteris diffundet. Fiat, voueo. Sed illud me etiam in epistolâ tuâ delectauit, de Cardinali Palæoto, beatæ memorie viro: in cuius familiâ egisse te scribis. quem ego viuum colui, & amari abeo me sensi, & defuncti nomen etiâ apud me est sanctum. Fecisti iacturam in eâ morte dicam, an non fecisti? Transi strem in huius viri domum, quem ego inter primos Europæ esse scio, & cuius benignitas in me quoque affectum largiter ostendit. Ut diu frui possis, meum votum est, & vt inter nos amemus. Vale vir R^{de} & Nobilis. Louanij, viii. Kal. Octobr. 1550.

E P I S T . L X X I . *Perusiam.*

M. ANTONIO BONCIARIO S. D.

RISI in epistolâ tuâ, quâ Laconismum vides: & quid dicam? imitari te virginis, quæ formosæ, modestiâ quâdam formam optant, & tacito sensu sciunt & gaudent se habere. In te est, mi Bonciari. certè

certè in hac epistolâ sic illum exprimis, vt exemplum esse Laconibus possis: & quod palam poscit, argutias & Veneres Atticas vna misces. Me ducem facis? Fateor cædi me à meo milite, & in meis castris. Sed ad rem. Legi quæ de Ill^{mo} Legato Cardinale scribis, valdè in me amica: nec pudor meus passus, neque ratio erat, silentio hæc me præterire. Scripsi igitur ad ipsum, & curæ tuæ erit vt videat: quid etiam? vt probet hanc animi mei declarationem, puram, sine fuso, sine ambitu, qualis mundi ille status est super nubes. Stoïca nostra vidisse te non nolo, magis approbasse. Idem in Monitis: quæ plus fortasse prompti, vt sic dicam, fructus habent: sed Stoïca examinata ad Virtutem ducunt, directa iudicio quod Pietas formauit. Accessit nunc & meus Seneca: & iure mirabar, siquid post multos & magnos illos possem. Potui, & ad scripta ac Notas meas appello. Etsi nihil in ijs quod circulum, id est populum spectet: breuia & adducta sunt, nec nisi examinanti laudanda. Te aliquem lectorem, non è pullatâ turbâ, poscunt. At ego deinceps etiam tuum amorem: hoc magis, quod frui diu fortasse non erit; ita valetudo hæc præcipitauit casu nupero: at tuam ego firmam opto, ô Italiae tuæ (patere me sic loqui) Homere. Louanij, postrid. Idus Octobr. 1550.

Scisne Epistolarum tuarum libros ante annum in Germaniâ recusos? Vides iudicia, & confide defamâ.

EPISTOLA LXXII.
HENRICO VANDEN EDE,
cognato suo.

AMANTE triste fatum optimæ matris tuæ acceperam mi cognate, & in animo meo senseram dolorem. Mihi crede, iacturam fecisti in tali parente, tam industriâ, probâ, piâ, & tui amante. Quid tamen est? communem legem habere in oculis oportet, & illi ac diuinæ voluntati non refragari. Omnes eò imus, & ordine non fine variamus. Benè etiam, & magna vobis consolatio (tibi ac sorori, dico) quodpiè vixerit, assidua in sacratis occupationibus, precibus, locis: vt fiducia esse debeat receptam eam ad beatas sedes, in quibus diuinâ visione fruitur, id est omni felicitate. Hoc speramus. & precibus eam magis quam lacrymis prosequere: ita facturus pij filij officium, & quod ipsa à te ambit. Ceterum ab

illâ etiam oculos ad te reflectes, & vitæ ac studiorum cursum moderaberis, vt eius & amicorum voluntas tulit: hoc est, ad Virtutem simul & Doctrinam ibis. Non propone tibi ambitionem aut quæstum è studijs, qui plurium hodie finis: sed prudentiam propone, & conformatioñem ingenij, ad publicos & priuatós usus. Adiunge deinde finium finem, honorem Dei, & tuam salutem. Hæc obiter nunc moneo mi cognate, ubi aliquando in sermonibus facturus, cum res tuæ ferent ad nos redire. Nunc animum à luctu compone, & ad vetera studia dispone; & memoriam tamen & exempla optimorum parentum (nam & pater talis fuit) in animo habe, & imitare. Louanij, postrid. Non. Octobris. 1550.

EPIST. LXXIII. Bruxellam.
PETRO PANTINO V. R. S. D.

PRO chartis meis nummos à te accepi, & quidem probos, veteres: adeò non gratus solum, sed promptuses, & statim tibi visum. Laudas editionem Seneçæ, modum & formam, & chartam: sed quam mallem ipsas Notas, & quæ à me, non Typographo, essent! Mallem dico, si merui: neque aliter. Et scio in frontem quædam tenuiora videri: sed examinata fortasse pondus habeant, aut certè usum afferant lectori. Denique illustria quædam & à nobis esse, post multos & grandes censores, id quoque, ^{επί την αλαζονώδη θρόνον}, dicam. Sed tu, & qui potestis (pauci in Belgicâ) iudicium feretis. In publicis percussit equestrî clades iamnuper accepta ad Rhenum: etiam Principis morbus, etsi remisisse nunc, immò dimisise, dicebatur. Audistine & classem iterum ex Hispaniâ aduentare? si non aliam, aut maiore instructu, & addam consilio, quam hanc priorem: ubi mens eorum est? Nam hoc quidem planè videatur ^{* επί την πόντα λόγω}, quod Græci tui dicunt. Vale V.R. & nobis care. Louanij, Idib. Octobr. 1550.

EPISTOLA LXXIV.
BONIFACIO BEVILAQVAE S.R.E.
Cardinali, Legato Umbriae.

GALLICAM audaciam vide, & hominem, nisi de nomine fortasse (& hæc tua benignitas est) notum, ad te scripto adeuntem: sed à caussis, vt meus animus dicit, iustissimis impulsu. Dignitas tua est, quam

quam scimus; genus, opes, & quod caput est, virtutes: iisque cultum nostrum merebare, & quamquam in silentio, veneracionem. Sed accessit in me benivolentia, quam M. Antonius Bonciarius, merito ratoris doctrinæ carum mihi nomen, aperuit & litteris affirmauit: quæ vocem siue stimul istum elicuit, & sistere me velut coram ius sit. Quid dictarum? quod facerem, si adfessum, sed vultu, oculis, toto gestu affirmatiu; me noimen inter cultores tuos profiteri, & rogare admittas, fide & officio nemini vel veterano cessurum. Sincerè, & sine moris aut æui nostri verbis, sum animo & affectu inter tuos clientes: gaudebo recipi, & magis, si vsus aliquis mei esse (quî sperem in tam longinquis locis?) esse inquam potest? Scripta & libellos nostros non improbare te audio, & in manus interdum suinere: honos mihi est, & addam, stimulus mihi est, ad decurrentum porro hunc cursum, quem vos plausu & fauore incitatis. Sicut histrio, aut alius actor, gaudet coram Principibus viris specimen operæ atque artis edere: sic nos spectari à vobis, quid approbari? Testor hoc igitur, & gratiam hīc consigno; & quod antè dixi, officium defero & cultuum. Louanij, postrid. Idus Octobr. ∞. Iccv.

E P I S T . L X X V . *In Castra.*

IOANNI GAVERELLI^O I^o
¶ *Judici Legionis.*

QUOD in feruore illo rerum memoriam mei retines, gratum est: & merui in parte, amore meo tui. Scribis distinctè quæ adhuc euenerunt, & sanè læta: atque initia iacta esse, & velut fundamenta melioris Fortunæ, ego tecum spem concepi. Ducem ipsum nostrum video, bonæ Famæ auidum, Deo & Regi addictum, intelligentem, diligenter: cui nihil desit, si occultâ æmulatione quorumdam à Rege ipso (quod abominor) non deseratur. Scis factiones in potentiorum Aulis, suspiciones, delationes: neque semper recto iudicij oculo res aut homines æstimatos. Si tamen ista spes & fulcrum nos deserit; ego nihil video nisi funus nos esse. Placet, bellum translatum in hostilem limitem: & diu siccoportuit: non honoris & decori solùm caussâ (quia turpe est, tam potenterim Regem & Principes, non inferre bellum, sed propulsare & defendere:) non, inquam, ideo tan-

tum, sed quia sic expedit, & nil nisi clades in nostris finibus exspectemus. Multa consideranda in eâ re, quòd hosti subsidia belli imminuimus, nobis augemus; quòd militem alacriorem, & animi fidentiorem, habemus; quod distinemus illorum copias, & ad multiplicem sumptum & impendia adigimus; denique quòd ferociam ilorum atterimus, & docemus suis timere. Mihi ita videtur (& puto in opinione non falli:) si biennium tantum, in illorum finibus copias habemus, cum disciplinâ, & à seditione expertes; hostes valde frangimus, neque aut ipsorum, aut occultæ aduentizie vires subsistent. Sed haec tenus confusio apud nos, bellum aut rebellio inter nos quomodo non partes illorum erigat & attollat? Quòd si classis deinde, bonis viribus & naualibus socijs instructa, ab Hispaniâ accedat: mihi crede, non inclinationem solùm, sed finem belli videamus, & seditiones à nobis in ipsos ire. De Regum occultis consilijs, aut pactis, nihil differo: omnia tamen me fallunt, aut Rex Britannæ amicus illis esse non potest, qui regna tollunt; non item Daniæ, & quicumque magnitudinem suam & securitatem amant. Sed longius eo. capiatur Wachtendonck, tum Meursia, & Cracouia; denique aliud transitus in Rheno fiat; res illorum in arctum evunt, & Fortuna quæ risit, vultum verter. Marchioni dumtaxat robore opus & fortitudine animi, contra occultas fraudes: & sciatis multos esse, qui bellum belli caussâ gerunt; qui dolituri sint in deuergio rerum, & vbi plena victoria ad nostros ibit. Hæc tabes in civili diutino bello: intelligat, & se muniat, & felici pede porro ad gloriam eat. Vale mi Gauerelli: Louanij, v. Kal. Nouembr. ∞. Iccv.

E P I S T . L X X VI . *Antwerpianum.*

HENRICO VWENO I^o.

FILIVM tuum vidi, & amplexus sum, & porro amplector: ita affectus meus in te poscit, ita adolescens ipse meretur, & magis magisque merebitur cum ætate maiore. Spero patri similem futurum, atque vitam supra patrem, te volente! Quòd Senecam nostrum probes; parum est de nostro, id est quæ ego attexui; sed valde cupio & hortor ut ipse auctor placeat, optimus Dux, si quisquam veterum, ad bonam Mentem. A naturâ è duceris, cape direc-

torum

ctorem contra vulgi iudicia & voces, quæ sœpè interpellant. Significas ad primarium iustitiae tribunal te vocari, & iam audieram: sed competitorem habes, quicum scio non libenter te concurrere, & pœnè male vinci. Vis meum iudicium? Gaudet te vocatum, & laudo Senatores recti sensus: opto Princeps eò eat, & homines muneri, nō hominibus munus doner. Benè factum, quod ad Præsidem modestè, & in eam sententiam scripseris: hoc satis est, cetera Deo & Principi permitte. Tuus honos fortasse agitur, res non agitur: & illo augente, hæc minuetur. Scis, quid dicam. Sed pura & constantia tuam & æquanimitatem spectari: nos in te vertimus oculos, & videbimus ambitio, an res publica ducat. Si illa, dolebis in repulsâ: si ista, facies quod olim Cato, & vel pilâ eodem die ludes. Non enim reverâ tu, sed illa repelletur: & hoc virsibi, & donis à Deo, fidens cogitabit, tempestiuum nouum esse admoueri. Ad tempublicam optimi & seuerissimi sapientum, in primis Stoici nostri, mittunt. quidni? animal societati natum, ratione & consilio prædictum, & quibus plures potest debetque iuuare Hoc magis, cùm institutio & doctrina, & addam, usus accessit: quæ omnia in te, mi Vwene, scimus esse. Itaque tu te idoneum ciuem patriæ dedisti, & in promptu ac velut procinctu es, si vocat vltro ingere, non modestia, non mos item volunt. Amo autem valde, quod de magnâ republicâ & mundo, pro intimo meo sensu addis. Ita est. ô illam colamus, si ab hac minore sperniuntur: & quanto graviores, atque etiam suauiores, curas habebimus? Venient in conspectum diuina & humana: nec de terræ glebâ, aut stilelio, ius dicemus; sed cælum, aër, terra, maria, & quidquid Geniorum aut animantium hæc colit, considerationis & arbitrij nostri erunt. Tollere in hunc currum potius, & in ætherem subuola, quam sellam aut tribunal ascendas, ubi cùm federis & caput tolles, videbis quam in humili eris. Satis philosophiæ. quam modestè tractari & haberri, præsertim à vobis patribus familiis volo, & cogitari etiam quos in terrâ habetis & relinquitis, à Deo datos. Non renuntiat ijs curis philosophia, sed temperat: tu fac, & me ama. Louanij, III. Idus Nouembr. 105. I. 105.

EPISTOLA LXXVII.
GASPARI DIEMENO.

An epistolæ tuæ lectione voluptatem, admirationem, iram etiâ concepi. Omnia hæc vno tempore? vno. Voluptati fuit amor, quem serio & candidè præfers, & verbis ita exprimis, vt animo huic imprimas, & persuasus sim nō vulgariter à te amari. Admirationi, ipsa scriptio: à taline talis? Mercurialium te virorum censebam, & sic profiteris: ego Censor titulum mutem, & Musis ac litteratis iure adscribam. Profectò non libasti in iuuentute hæc studia, vt coram dicebas, sed combibisti, & è pleno eorum pectore manant quæ scribis. At hoc ipsum est, quod Iræ fuisse dico. téne ad me venire, & sic callidè tegere & dissimulare? O vulpio, non impones postea: veni, veni, & amplectar te & vinciām, & sermonibus tuis suauius, atque etiam diutiùs, fruar. Non, inquam, sic vt vnum aliquem οὐ τιχάνω, vel accipiam, vel dimittam. Nam amare te deinceps certū est, mi Diemene, & scriptis amorem fouere, ac factis, ubi opus aut usus, testari. Hoc dextrâ istâ fideliter scribo, & do eam animi huius testem. Iam ad tuas litteras. Scribis de bulbis quibusdam selectioribus inmittendis: fac te quæso, & voluptatem hanc meam, quâ pascor, instrue vel auge. Post libros, duæ sunt auocationes, vel solatia: Hortus, & Canes. De fructibus autem ab Hispaniâ, nihil vrgeot tantum, nec illos ingratos vxori fore à nouo amico. Habebis & à me breuî donum magnificum, regium: quod illud? opidum totum, & Lovaniū nostrū, quod iam typis cuditur, intra paucas septimanas mittā. Denostro ibi Vellerio (nec enim amare desij) porrò curare perge, & ne magis in præcepis etiath ruat. Siste, si non potest reduci. Quod Senecam habeas, & ames, ô quā gratum! Mihi crede, non est auctor aut dux certior (de profanis loquor) ad bonam mentem: da te illi, & Mercurio tuo Mineruam istam iunge. Sensum meum interiorem tibi dicam: amo valde hoc genus vestrum, qui curas externas internasq; miscetis, & vulgi bona istis veris solidisque temperatis. Non alia vita Pomponij alicuius Attici, & veterum illorum equitum Romanorum fuit. Vale, & litteræ etiam tuæ me adeant, donec tu iterum, & culpam dictam purges. Louanij, prid. Idus Nouembr. 105. I. 106.

EPIST. LXXVIII. Tornacum.

DIONYSIO VILLERO.

SENECA accepisse te gaudeo, magis ap-
probasse. Nam quid te celesti? In hac æ-
tate ingrauescente, in continuâ inualerudi-
ne, timere de iudicijs incipio, & ne scripta
mea non sint pro famâ priore. Tu aliter di-
cis, & cum cygno me componis; benè est, si
affectui hoc non donec. Ordines Brabantæ
scribi ad me iussi sunt, gratum sibi fore si do
Historiâ patriâ cogitarem: & suscipienti
liberalitatem suam promittunt. Quid tibi
videtur? nondum respondi, & tamen incli-
no: imò sponte iam me cœpi ad ista dare,
vt videbis in LOVANIO nostro. Quod
Duci Croyo & Arschotano inscripsi, & per
occasione nuptiarum istarum (aliter num-
quam) conscripsi. Quibus nuptijs an & tu
intereris? Ille me serio vocat, & iubet: sed
alibi paruero; hîc valetudo vîtar, & pom-
pa minimè Lipsiana. Malim apud te mi-
Villeri fabulari, conuiuari, ambulare. &
siet, vbi Ver primum carceres aperiet ad
excurrendum. De publicis equidem situi,
& quamquam te excitante, etiam fileo.
Quid enim magnè rei, aut vel spei, possum? Nos in limite assultamus, & dñremus: &
veteror ut lente perrumpamus, & sic quo-
que bellum inexplicable habeamus. Longius enim progradientibus maiora & mu-
nitiora occurrent. Ego in veteri sententiâ
maneo, de classe: & sine eâ finem aut incli-
nationem non fore huic bello. Sed classeri
mei sensus atque arbitrij velim, non qualem
Iberia nobis misit, aut mittit. Nam & nunc
in eo esse dicuntur. Multi aliquid ab occula-
to consensu Regum sperant, quibus place-
re vix possunt qui regna tollunt: sed lenitudo
est, & multa interueniunt quæ impedian-
t, aut mutent. Interè Austraci clades ma-
gnas in Turcico limite accipiunt, & tota
regna perdunt. Austraci imò Christiani;
nam commune profecto periculum est ab
immanni illo hoste. At nos cœstainus: etiam
ego, & te valere iubeo mi Villeri. Louanijs,
Idibus Nouembr. 1505.

EPIST. LXXIX. Antwerpam.

AVBERTO MIRAEO V. R. S. D.

CVM apud me esses, optime Miræe, in-
ter varios & delectantes sermones, de
Historiâ patriâ locuti etiam sumus, ad
quam illo ipso tempore Ordines me inui-

tabant. Duxi tibi statim promptè me suscep-
tum: & quid negarem: magnæ parenti
meæ, id est patriæ? Laudem eius & vetera
facta propaginus: & ostendamus exteris,
neque barbaros nos, neque in militiâ aut
pace ingloriosi fuisse. Hanc magnitudinem &
potentiam, quam nunc osti, & atijmos exteris
rum perceperit aut viri, tota ferè à Brabantâ
est, aut certè augmentum & cultus ab eâ
habet. Ergo libens scribam: & decere hanc
ætatem meam videtur, ad propria magis
quam aliena stilum vicerere: ac si quid pta-
dentiæ aur iudicij à naturâ, vel lectione, vel
etiâ vñ habeo, in Historiâ promere, quam
licet Præticam philosophiam vocare. Aliq
bi alia dicuntur, aut suadentur, hâc exercen-
tur, & præter exempla sententijs indicis
que notantur aut suggeruntur. Si quid est de
benit (ait vetus Historiæ scriptor) sed pone ab
Historiographis, que aut fugienda sunt, aut feb-
quenda. Ita est, neque claris speculū râmo-
rum, morum: etiam Fortunæ, & variæ for-
tis rerum, quam in hoc atq[ue] in theatro vbi
præmia pœnasque bonis siue improbis ob-
serues, vbi constantiam aut robustam alitemis
exemplis sumas, siue cum in aliquo exesse
admiraris, siue cum abesse idignaris. Et
dic sodes, nonne hæc melius scribere, quam
augatori alicui aut sycophantæ rescribe-
re? Nam patere mehîc affectui tuo frumentum
aliquid dare, qui super incitabas ad re-
spondendum. Læsic enim Diuam & de in-
quietas. Diuam non potest illa est extra
ictum. Me nec id quidem sagittas in in-
misit, sed in vñst hæsus, nec ad animum
istum perueneras. Miseros nos! si talibus
configi necessum habeamus, quoties illi
Massagetae aut Scythæ iaculauntur. Cutanii
sic appellem? imò omib[us] barbaris immu-
niiores sunt, qui nos modestè, grauitet, &
sine cuiusquam iniuria scribentes immu-
dunt, & lacefunt. Atqui iniuria est in rebus
gione dissentire. Itane? & eñ ventum? Illi
nouitij, & nuper nati (nec ipsi negant), rei
gnum capient, & veteranos possessionem
stiskimâ pellent. O LIBERTAS, quam pre-
scribunt, & pro quâ armantur! Indignor
hæc fieri, & mecum boni: sed mederi alio-
rum est, & à responsione nostrâ frustrâ id
speres. Irritabimus, sicut ignem qui gladio
fodit, scintillas in se plures & stricturas eli-
cit: tale in istis: cæde & dissipâ, acriùs: in-
surgunt. Est hoc ingenium contumelias,
subjici posse, non domari. At enim quæ
famam tuam spectant obijcit. Quæ illa?

Ienæ fuisse. Publicè dudū sum fassus. Quid etiam? Orationes ibi habuisse. Vel vice-nas, non nego. Tales illas improbas & impias. Hoc nego, hoc pernego: & palam editâ Epistolâ ostendi falsimonias istas meras esse. Tamen iterum aiunt. Quid ergo me vis facere? ora ijs claudere? non possum. Parum cauti aut probi sunt, vt rem dicam, qui attendunt: & occulte cupiunt aut esse tale aliquid (nouimus ingenia) aut simulant ambigere, vt in Arenam me proliciant, & voluptati eorum pugnem. Ego faciam? apage, honestior sum, non violo edictum Augusti. Possum alioqui, fateor:

^{Et mihi} ^{* Kai moi d'negra' i'si, n'y a'xidk, ômpal'asur}
^{fute h'aste,} & ostendi, vbi res aut usus fuit: hic non
^{mihi scusa} committar, & cum his, quos nullâ meâ glo-
^{resunda.} riâ vincam. Vno verbo, & breuiter. In fratre
 illo adolescentiæ (nam hæc obijciunt, & ab
 annis triginta quinque circiter repetunt) in
 illo, inquam, æstu ac feruore ingenij ali-
 quid fortasse inconsideratius dictum, aut
 factum: quid iam est? Ex veteri sententiâ,
Hinc aestimemur, cum nostri sumus. Postquam
 curæ alienæ non fui, cum solidæ mentis,
 steti in solido: cetera Pœnitentia defendat.
 cuius portus ex facili hanc cymbam ad-
 mittet, quæ Reges, Principes, Ecclesiæ ipsos
 apices non exclusit. Enim vitam à tot
 annis/ybi vacillat, aut fluctuat? Nequen-
 scio quorundam hodie prauam sapientiam
 esse, frigus præfet medios agere: vt de ijs
 Homericum illuc efferas:

<sup>* Tydideum
 hand noſſes
 viris in
 partibus
 effec.</sup> <sup>* Tacit. 11
 Annal.</sup> ^{* Tu d'ñm d' s' d' y'om' m'reg'oi m'ret'oi:}
 mihi displicuit. Factis, scriptis, dictis ostendit, * vetera nouis, & quietaturbis antehabere: quid amplius poscunt? Inimicitias conciliauit: etiamne lites, & quidem perpe-
 tuas, volunt? Nam hic finis non sit, & orian-
 tur *Tusca iurgia*, quod vetus verbum dixit.
 Ama me, hæc omittit de Divis nostris se-
 curus, quæ fremente impietate viuent, &
 noster in Numen cultus. Louanij, postrid.
 Idus Nouembris. &c. 155.

E P I S T . L X X X . *Mediolanum.*

Io. BAPTISTAE SILVATICO S. M. D.

LIBROS à te accepi, et si non litteras:
 quid etiam ijs opus erat? nam ipsa Præ-
 fatio epistola est, quâ labores tuos (utiles &
 doctos, ita me Deus) mihi dedicatum is,
 & nomen meum tuâ etiam luce illustra-
 tum. Ita sentio, ita accipio: & quamquam in
 hac ætate ambitioni alienior, gaudeo vel in
 testimonio vel in benivolentiâ, quæ utra-

I. LIPSI Operum Tom. II.

queerga me promis. Remotus à vobis sum locorum spatijs: atque utinam nunc propior sim, & Pegaso aliquo possim subuchi! videres mi Siluatice in vultu, oculis, voce affectum erga te, & tuo merito suscepsum: qui non, vt alij, eliere amorem meum, sed pignerare voluisti. Obligor, hoc fateor: pande viam quâ resoluam, videbis Ingrati dicam scriptum mihi iure numquam iri. Dum id fiat, affectu gratus certè ero, & te in animi isto sinu geram & souebo: tu quæso, quem ultrò amplexus es, ne dimitte, & litteris me appella: quoniam ea, in hac locorum intercedine, sermonis vicem debent possuntque obire. Fac, & te rogo. Louanij, xii. Kal. Decembres. &c. 155.

E P I S T . L X X X I . *Antwerpianum.*

BALTHASARI MORETO suo S. D.

R EMITTO, quæ misisti. De numeris in Icone Heuerlea, video si pictor poterit: & dubito, quia breue est tempus. Parum refert: præcipua modò sint notata & incisa. Censes tu tam accuratè hæc examinari? Utinam faciant! & magis illa, quæ scribimus: & semper candidè, ac bonâ fide. Hanc quoties in multis requiro? Occasio & cauſa est, cur dicam. Incidi nudus tertius in nouellum librum, in quo mei perhonorifica mentio: sed alibi nota, *Lipsum Orchadas & Stæchadas insulas confundere*: quod non puto usquam in somnio me fecisse. Alij etiam obliquè aliquid: *Vir doctissimus in Tacitum.* Non tu censeas me esse? neque ob elogium, sed aucto-rem. Quære tamen, notam aut vestigium non reperies in meis scriptis. Talia plura peccant, & præsertim isti nouelli, & vt sic dicā, mustei Critici: qui feruent, qui erumpunt, & laudem suam alienam criminationem censem. *Adde, quod Lipsius non vidit.* *Qui* tibi dicit, non vidisse? & iudicio fortasse, cum satis testium esset, omisit. Sed non viderit: quæ culpa est, aliquid non fecisse? Omissum hic potest esse, non commissum: nec magis culpandum, quam si à te exigam & consciiscam, in Homerum non scripsisse. O vanitates, o ambitiunculas! At ego ad hæc talia sileo, & filui; & magno animo ostendo tales iniurias vel calumnias intra me stetisse. Est quidam, qui in Scholis, vt audio, materiem etiam me fecit, & in verba ac litteras, quid? accentus etiam inquirit. Illeipse, vt rem magnam, ter quater in scriptis iteravit, *Lipsum*

Y 2

cen-

censuisse tesseras frumentarias è plumbō, aut tali metallo, fortasse fuisse: ô flagitium! è ligno, inquit, fuerunt, & Dio dicit. Dic ô bone, vbi hoc Dio? Ille de tesseris ludorum asserit, nusquam de istis: & diuersa sanè ratio est: cur vt geminum aut idem obiectas? Cur etiam obiectas? nam ego disertè scripsi, fortasse & è ligno esse. Ecce in his talibus docti & arguti sumus: vetus simplicitas vbi es? Sceptici olim sectam fecerunt: faciant nunc Psestici, & magna manus erit. Ego illud serio posteros rogem, si qui mea aut aliena legent, vt etiam conferant; nec fidem statim habeant, hoc aut illud obiectanti aut refellenti. Aliter sèpè scripsi, & mente aut verbis alijs; sèpè & non scripsi. Et fac, age, in tam varijs opusculis meis & materie aberrasse: quid magni mut noui est? Fecerunt veteres, nouitij isti imagis; & in Criticis certè, ac diuinatorio genere, pænè est necessum. Sicut ij qui rete iaciunt, sortem exspectant, & sèpè truncum aut lapidem, propisce adducunt: tale in istis. opinio imponit, & addam cupiditas aliquid præter alios dicendi, aut iudicandi. At in scriptis meis stili aut argumenti, vt Constantiā, Politicis, talibus, audacter dicam paucos nœuos aut nœuulos esse: si sunt, culpari nihil abnuo, imò & mulctari. Quidquid est (& hoc fine scribo) modestiam amo & teneo: numquam ad rescripta veniam, nec remedia amabo periculis peiora. Quisquis me carpit, vel hoc ipso sentiat bono viro iniuriam se fecisse. En, mi amice, pluscula, quæ calor iste scriptionis subiecit: tum & cogitatio de quibusdam, quos in hoc genere non stare scio & auferri. Nominasti, nec repeto: sapiamus, & pro dignitate litteras tractemus. Vale. Louanij, XII. Kal. Decembr. & .Iccv.

E P I S T . L X X X I I . *Mechliniam.*

NICOLAO OVDARTO.

QVAESTOR hodie denique ad me misit (antea absurdè responderat) pecuniam aliquam paratam fore, mitterem vxorem. Fiet iam à prandio. Quod ad historiam patrię, non miror illum vestrum haud nimis probare: quia nec institutum fortasse meum nouit; atque ego ista nouitia nunc quidem non tangam. Diuisi in duas partes, veteres nostros Duces; tum istos Austriacos, qui à Maximiliano successerunt. Usque ad illum, quid periculi aut suspicio- nū est? imò pleraque laudum plena, &

generosi ac minimè Tiberiani imperij quod sine fuco aut metu denarres. Ego, cum Deo dicam, in scriptis cautionem & prouidentiam, si quisquam, habeo: & in hac certè ætate, & statu etiam retum, habebo. Sed res gestas fideliter posteris tradere, diuinum si non præceptum, exemplum est; & Moyses alijque Pontifices aut sacerdotes, pace ac bello fecerunt. Vide libros sacros. Quid etiam regius Vates? In memoria eternā erit iustus: iniustus autem cum maledictione & ignominia recitatatur. Hi sunt stimuli bonis Principibus, fræna improbis: & fuere ab æuo, atque erunt, nec vlla sævitia tollet aut abolebit. Evidem inclino in hac ætate, quæ aliquid prudenter habere debet, & potest scriptis inspergore: atque ego Historiam veram & legitimam, ipsam esse prolem & scđum Philosophiæ censeo, quod prisci illi scriptores dicant. Nam isti nouitij meras nugas agūt, & umbram pro re habent. De Riuio, specie: te amo mi optime Oudarte. Louanij, ix. Kal. Decembres. & .Iccv.

E P I S T . L X X X I I I . *Antuerpiam.*Io. WOVERIO *geo.*

GAUDEO, gaudeo, melius iam tibi esse. Sit longum, sit post me ætatem, & in te viuam. Quid destinatur de Imagine meā, & adscriptione, vidi. An intercedam? non faciam: do fræna affectu & in me Honestum à te amari orbis. Si non ego tantus, quid refert? esse volui, & in bono conatus etiam sufficit, cum occasio deficit aut facultas. Prochnicij illius ardenter etiā animum agnosco, & videbo ut liquore aliquo infuso non extinguam, sed aliam. Intra duos aut tres menses sermonis copia inter nos erit; & aut ego ad vos veniā, aut te istuc invitabo. Tum de eo quod suggeris, alijsque. Sed heus, his diebus fui in scriptore superioris, nec * remotinimis æui, Matthæo Parisiensi, qui Historiam Anglicam scripsit, industrie & inquisitè, si non eleganter aut scientè. Sed multa in eo bona & libera iudicia: mireris, si legas. Vnum, quod volui ad te referre super studijs hodierni æui:

Papa considerans (Innocentius Quartus) liberales artes iam in mechanicas penè fuisse conuertas, propter lucrum; ut verè posset dici de Philosophiā,

Prostat, & in pretio pro meretrice sedet: ex quod iam ferè omnes scholares, intabitis,

Gram-

* *Defini*
scribere &
vivere in
anno ..
ccxxiii.

,, Grammatices rudimentis, Auctoribus, & Philo-
 , sophis, ad Leges properant audiendas, quas con-
 , stat non esse de numero artium liberalium. Artes,
 , enim propter se appetuntur, Leges autem ut sala-
 , ria adquirantur. Imò etiam, ut omnibus liquet,
 , adolescentes atate & scientia satis simplices, ex
 , quo nouerunt in paucis Sophismatibus, perfere-
 , pentibus palmis congarrire, cathedras ascendunt
 , magistralis, ut nomine illo usurpato tumeant ele-
 , uati: & facti venerabiliores, sine fundamento
 , scandunt ad culmina celsiora: cùm melius eset
 , & utilius, Scholarum prius imbuī experientia,
 , & sic transcendere ad præmissa.

Addit deinde, Papam elegantem super hac
 re epistolam scripsisse, quā remediū adferret:
 sed eam non intexit, quod doleo, & ve-
 lim vidisse. Examina, te autem quæso, ver-
 ba illius Monachi: putes de suo, an nostro
 æuo scripsisse? Sanè cō ventum est, mi Wo-
 ueri, ut omnis vetus doctrina logi sint, &
 desipere censeantur qui sectantur. Robore
 opus est contra iudiciorum hos fluctus, &
 clavo recti iudicij, qui dirigat inter vndas
 obstantes. Ordines patriæ mecum agi iusse-
 runt de Brabantiae Historiâ scribendâ: ne-
 que abhorreo, & utiliter ac more veteri for-
 tassem possum. Tamen nihil etiam addixi, &
 ðixi. Vale mi optime. Louanij, III. Kal.
 Decembres. &c. 155v.

EPIST. LXXXIV. Neapolim.

Io. ANDREAE PROCHNICO,
 Legato Serui Regis Poloniae.

Si villa epistola ex animo scripta est, hæc
 erit: rogo te audi. Accepi & legi tuas (bi-
 næ enim fuerunt) quibus, præter beniuolen-
 tiæ, etiam benificentiam adiungis, & mu-
 nera mittis à sui pretio, sed quanto magis
 ab animo æstimanda? Lectis tuis litteris,
 non aliud subiit mihi, quam exclamare, O
 amicum pectus! ô animum prisci & aurei
 illius æui! Et rei dixi. Quis hodie virtuti
 & doctrinæ aut affectum aut pretium hoc
 ponit? Et habeo amicos tamen fatigatos, at-
 que etiam beneficēs: sed officijs nempe
 prouocatos. De te autem, quid ego priuatim
 merui, nisi quia publica beneficia tibi in-
 scribis, & alienum æs tuum facis? Sed pro-
 fectò magis deinceps animus hic meus &
 affectus se exserent, & posteri scient talem
 virum vixisse, talem in me & litteras ac
 Sapientiae studia fuisse. Hoc sine iamnunc
 concepi, quod publicabo, si Deus vitam in
 paucos menses mihi donat. Sed ad tuas

I. LIPSI Operum Tom. II.

litteras. Scribis te illa & illa mittere, distin-
 Etè: nondum habeo, & via longa est, &
 prædonibus etiam ac periculis exposita: sed
 tamen ut si habeam gratias ago, & refre-
 ram: quia non ipsa munera, sed animum
 pendere soleo & referre in acceptum. Edidi
 iam denique Senecam, & Summo Pontifici
 nostro inscripsi: ut vel sic orbi constet,
 quem caput Religionis in orbe esse velim:
 Diu me tenuit, & grande ac diffusum fuit,
 addo & intricatum, præsertim si Stoica no-
 stra adiungis. Illum per Woueri meā ma-
 nu inscriptum mitto: missurus & hæc, si sci-
 rem non habere. Publica nostra paullò me-
 liora sunt, per diligentiam Spinulæ. At vo-
 bis in Poloniâ omnia plausu & lætitia per-
 sonant, partim ob nuptias, partim ob victo-
 riæ de Sueco insignem. Deus longum sic
 esse velit, & te, Ill^{me} & Reu^{me} Domine, vale-
 re & viuere, vel in æui exemplum. Louanij,
 postrid. Non. Decembres. &c. 155v.

EPIST. LXXXV. Moguntiacum.
 STANISLAO KRZISTANOWICIO S. D.

AMOR tuus V. C. & dona grata. Ille,
 quia à tali, id est amando & æstiman-
 do: istæc, quia talia, & pretium profectò ac
 bonitatem in se habent. O pulchra illa olim
 mei Demetrij! ô pulchriora pænè dicam
 magni Zamoscij! Semper mihi ille vir inter
 Europæ lumina; nunc magis apparet, cùm
 in ultimo illo effato, ubi simulatio & ambir-
 tio cessant, tam claris certisque verbis soli-
 dam probitatem, veram pietatem expressit.
 Exosculatus suin voces & sensus ab omni
 vanitate & pompâ suū reuocantis, in priscis
 moribus, in priscâ religione, confirmantis.
 Quam forte illud, quam sanctum! Non nasci
 satius, quam in hac non mori. Dicam iterum,
 sciuī semper & habui Zamoscium inter
 prima virorum: nunc magis certisque ha-
 bebo, & à paucis verbis ultimis ad primam
 lineam cum ducam. De filio, opto imbibere
 hæc præcepta aurea, & illinc petere vita
 exempla. Sanè pater docuit quid litteræ
 & doctrina possint, ubi in bonam naturam
 cadunt: & quam viles eæ ad pacis belliisque
 artes. Epistolam meam ibi editam non ni-
 mis gaudeo: & displicet exemplum. Mu-
 nus libri gratum; & remuneror ecce, si
 non pretio, affectu pari. Ama me V.C. ego
 te deinceps. Louanij, III. Idus Decembr.
 &c. 155v.

E P I S T . L X X X V I . Antuerpiam.

IOANNI WOVERIO suo S. D.

CREDE mihi optime Woueri, animo
meo malè factum est, cùm audiui ite-
rato te vulnere percussum: & in illo fratre,
qui familiæ velut columen erat, & quem
noui à probitate & industriâ, atque ideo
amo. Doleo tecum: quid ergo? etiam iaceo,
aut, quod tu, langueo? Absit mi amice,
erigere mecum, & ne supra humanam for-
tem aliquid velis aut tentes. Quid vis? ho-
minem Deum esse. Soli illi æternitas: nos
ex quo nati sumus, non dicam mori possu-
mus, sed morimur; & omnis hora, omne
momentum ad metam illam dicit. Alijs
est alia, si tempus spestes; eadem, si finem.
Ex quod tempus? rideo cùm cogito. discri-
men est dierum, mensium, paucorum an-
norum: & pone plurimos, fæculum dices.
Quàm breue istud? quàm citò abijt, quàm
citò aliud aduénit? Sed minuti animi, &
qui magna non cogitant; qui Naturam re-
rum, quod caput est, non peruident; hæc
habent in magnis. Pueri Saturnalia cele-
brant, & Reges aut Antistites imitantur &
agunt: breue ludicum est, & nos ride-
mus; sed illi sic amplectuntur & æstimant,
vt longus annus sit, donec dies ille illuce-
scat. Quid non simile facimus? nati su-
mus; spes & vota disponimus, in uxorem,
in opes, in honores: & dum scena instrui-
tur, ecce Mors superuenit, & obliquo oculo
ridet & interrumpit. Ita est. illâ damnam-
mur; & cui nasci contigit, restat mori. O
nostra imbecillitas! Homeri versum Pyr-
tho Philosophus in admiratione & ore
semper habebat istum:

* Talis vi-
ta atq[ue] g[ra]m-
maticum
est, qualis
foliorum.

Oī περ φύλων θυσί, ταῦθεν καὶ ἀνδρῶν.
Merito nihil potuit aut verius, aut eviden-
tius dici, in hanc sortem. Vides arborem
illam quæ vere primo folia induit? Pulchra
est, & viret, & umbram, & speciem gratiam
sui præbet: quid tamen est? inox ventus aut
ictus folia pauca decutit, cum æstus aut
fæcias, denique hiems omnibus spoliat &
rudat. En humanum genus! virent, vigent:
ille atque ille moritur, morbo, vi, fraude; &
cum hiems senij superuenit, omnes naturæ
lege. Miseras nostras narras, inquies: ego
solatia exspecto. Iam accipe, & seria. Non
dicam illa ex Epicuri delirio,

Post mortem nihil est, ipsaque mors nihil:
hoc sapienter & piè dicam, Mors intermittit
vitam, non eripit: veniet iterum, qui nos in

lucem reponat dies. Agnoscis Senecam, sed
Christianum eius sensum (quò verba du-
cunt) etiam adde. Quid est hæc vita? nihil,
nisi ad illam aditus & præparatio, illam
æternam, beatam, & cui vni vita hæc viuit.
Sacra tibi non ingero, protrita sunt: sed
Brachmanes illi Indi, veteris Philosophia*,
censebant; Vitam habendæ esse, quasi concepto-
rum in utero statum; mortem autem, partum in
uteram vitam, & felicem quidem ijs qui rebæ
sint philosophati. Est mira sententia, & ex ar-
canis nostræ religionis prompta. Quid hæc
vita? velut formamur in utero, & præpara-
mur ad illam æternam. Itaque Mors no-
men tantum est nobis: & illam timeat, qui
non sperat viuere post mortem. Audis hæc
mi Woueri? admitte etiam: & vis aliquid
pro caue? Cogita abiisse amicos, sed & ha-
bere te hîc amicos. Parétes omitto, aliosque
fratres: en consortein vitæ & rerum duxisti
vxorem: & (vt alios fileam) me inter ami-
cos habes, cui solarium, consilium & auxi-
lium es: & à me eadem exspectes. Cū, quasi
conclamatis rebus te abijcis, & istuc oculos
non reflectis? Ille abijt? nos superstimus:
erige te vel nostrâ caussâ, & scito in hac gra-
ui iam ætate, & duduim valetudine, vsum
mihi tui esse. Sincerè dicam, patientius ego
diem meum exspecto; quia te supetstitem
destino, & eorum etiam quæ post mortem
volo curatorem. Hoc cogita: & sicut Seneca
nostræ de Paullinâ, ego tibi valetudinem
meam commendem: & scito in hoc iuvene se-
nem etiam viuere, cui fatum sine culpâ
non accelereres. Hæc ex animo scripsi: animi
& corporis vites tibi reddi, Deum precor.
Louanij, Idib. Decem. 15. lccv.

Ad Prothnicium nostrum has mitto,
qui valde de te etiam amicè scripsit. An
non Senecam vñā placet? & quomodo re-
soluam me vinculo isto beneficiorum, quæ
indies accumulat? O virum ab auro æuo!
Iamnunc parata est Centuria Epistolarum se-
lecta, quam, siquid mihi continget, in arcâ
meâ repères à te edenda, & illi ex meâ
destinatione inscribendam: quod sine frau-
de rogo te facere, itemque nullâ epistolâ
insertâ aut immutatâ. In Præfatione dic,
quæ ego deberem.

E P I S T O L A L X X X V I I

FRID. TAVBMANO S. M. D.

PLAVTVM tuum veteres nostras defitias
accepi, sed nunc tuum, nouâ & decorâ
istâ facie à te perpolitum. O gratum acce-
ptumque

ptumque donū! non dicam dolo. Certè industria & elegātia simul ingenij tui in concinnando hoc Opere sic apparent, vt alij omnes, qui conati, ad tuam accurationē & lucem lusciosi videantur. Non percutio te palpo: ne verere: expers eo more sum, & apud amicū amicē, id est, verē loquor. Debeo tibi pro hoc dono & dicatione: & quid verbis opus est? cum ipso Comico;

Ego tibi omnia facta cupio, cupiamq; que poles. Sed dics odes, quis iste sacer & Germanicus liber est, de quo petuām memoras? Vidi equidem anno, nisi fallor, editū, sed Anonymū, qui calumniosè & inclementer multa int̄ me dicit. Talis iterūm aliquis pīlū injicit? contemno: & delirent, s̄eu iantque isti laruarum pleni homines, stabula mālitiae & columna audaciæ, non hilum me conçutunt; & susque deque habebo, quod scribant, non scribant. Modestiam natura mihi conciliauit. à vitâ abire cupiam, cùm ab hac abibō. Quid meus SENECA, quām quic-tum de istis me esse iubet? huic ego insistam credere potius, & res alias præ Sapientiā re-lictas habere. Quem tu Senecam in breui, me mittente, videbis, & habebis in fronte amicitiæ tesseram inscriptam. Nundinis proximis siet, neque ante video tutò posse. At tu homo hominum in illo tractu litteratissime, quoniam hoc Plautinum negotiūm sic sub manus successit, adde porrò operam consimilem, & in alio argumento vel scripto iuuentuti benē cōsultum eas, & optimas artes productū atque illustratū. Præsens igitur & posterūm ævum debebit, & nos melius nati aut facti fauebimus, & plausum, vires, animosq; addemus ad can-didam calcem currenti. Delphis hoc tibi dictum crēdo, & dicentem amā. Louanij, Idib. Decembr. 1550.

EPIST. LXXXVIII. *Meditationes*

FREDERICO BORROMAEO S. R. E.

Cardinali.

I AM denique serio intellexi ex benignis tuis ad me litteris consilium quod vsu publico suscepisti, neque tale & tantum id esse animo præsumebam. De Bibliothecā suspicabar, eaque selecta & simul copiosa: sed addis etiam Collegium, atque id noui generis, in quo non iuuenes, sed grandiores alantur, & qui facti aptique iam sint scri-ptis, confilio, voce alios iuuare vel docere. Sanè iamdiu est cùm hoc institutum apud

me approbo: atque adeò publicē aliquod testimonium dedi, in laudando & ape-riendo Muséo Alexandrino. Nam & illud viros admisit tantum & habuit, vel bene meritos iam de republicā litterariā, vel me-rituros. Itaque vtrāque manu & toto ani-mi sensu consilium tuum approbo, & gra-tulor hunc animum, & Deum rogo ūc-cellum & fructum pro eo esse. Erit autē in si legibus bonis firmisque institutum tuu-p̄ alliges: sine quibus diffluet; & vt te viro maneat, functo metuendus est lapsus aut ruina. Ego in similibus s̄apē vidifraudes aut frigora, quæ interueniunt, maximè à Conditoris morte: & ad cauendum, om-nis opera danda, vt electio fiat prudens corum, qui simillimum tui animum & iu-dicium adserere post te possint. Nam, mihi credę, in prioribus vix ego labore, & pru-dentia tua ac tuorum facilè instituet ac gu-bernhabit: postumā cogitanda sunt, & ve-maneat institutum, & vt idonei beneficio-tam grandi fruendo elegantur. Idonei, in-quam, & quantus his fructus, si tales? Vnus alterque quot præsentes & posteros iuuare poterunt, & prælucere insigni aliquā do-trinā face. Atque huic rei, et si grandiores illæ scientiæ principatum tenere videantur; Theologia, Iurisprudentia, Medicina: ta-men paucos è prioribus eligam, nullos ex vltimā, quia vulgo satis grande pretium vel aestimatio ijs est, & commodi excitan-tur. At non idem in linguarum litterarumque scientiā, non item in Philosophiæ: quarum artium, quæ verē pabula animo-rum sunt, & grauiorum item illarum adiu-menta vel fundamenta, suadeam rationem & adspectum maximè te habere. Negli-guntur passim: & quis exitus erit? barba-ries & tenebræ, quas magno opere discus-serant boni prouidiique maiores nostri; utinam nos faciamus, vt ne frustra! Sed tu facies pro tuā parte Ill^{me} & Reu^{me} Do-minū: sequantur duo, tres, in Europā, ô ma-gnum breū & diffusum lumen! Enimuerò s̄apē miratus sum, cùm tam multa paſsim Collegia aut Scholæ instituantur pueris aut iuuentuti formandæ: neminem adhuc fuisse, qui propriè solitus esset & curaret de doctoribus: sīc quibus cui usui omnis illa institutio est? Speciem non rem ha-bet, & multi in cursu sunt, pauci ad me-tam veniunt & verum studiorum finem. Cauendi prospiciendiisque ratio aut hæc est, quam inis, aut nulla: & ipsi eligen-

di, alendi, formandi sunt, qui forment. **I**LL^{us} ET REv^{er} DOMINE, Deum rogo prosperare conatus tuos tam laudabiles, te ipsum firmum & validum diu superesse ad consummandum. Louanijs, x. Kal. Ianuar. anni noui instantis. **1506.**

E P I S T . LXXXIX. *Augustam.*
MARCO VELSERO V. I. S. M. D.

SENECAM nostrum à te acceptum, & vè acceptum, id est gratum, fuisse gaudeo. An nō esset scriptor optimus viro optimo? Quod ais desiderare quosdam reliqua: pauca sunt, & hodie mos obtinet reliquatores esse, imò conturbatores. Detur venia, aut certè mora aliqua, valetudini: & fortasse altera editio dabit. Sunt & in illis libris, quæ volenti haud peribunt. Artu de clogio debere profiteris. Et sic loqueris? iudicio, dicere debebas: & ideo nihil debere. Mihi credo, vt si iuratus in Senatu sententiam dicierem, sic dixi. Amo te iam dudum mi Velsere, sed affectus illam animi lucem non obtenebrat. Sed heus, est quod communi litteratorum nomine commendemus, vel petamus. Andreæ Schotti, magni amici nostri, PHOTIVS Latinus iamdi apud vos est, & quando ipse lucem, nos cum videbimus? Certè inter paucos ille scriptor mereatur: qui solus tot clarissimorum ingeniorum monumenta à fato eripuit: toto dico fato, & saltem nomina & scriptorum velut membra seruavit. Quàm multos ille legit, ex ijs elegit, &c, vt sic loquar, deflorauit, quos nosse nobis aliter non esset? E sacris, profanis, tractatoribus, historicis, oratoribus, poëtis; & nihil est in Græcâ omni litteraturâ, aut vt verius dicam, librariâ, quod ille vir non libarit. Pulcherrimus mos in mensâ legendi, vel audiendi: sed iste pulchrior utiliorque, annotandi, censendi, excerpendi. PHOTIVS fecit, & qui ad nos peruenient solus. Dauid Hœschelius vester, & vestris etiam auspicijs, Græcum primitus & variè atque industriè castigatum dedit: sed nosti quò ventum sit ignauia zui; pauci hæc legunt aut capiunt, & nisi Latina addantur, pænè diçam non dedisse. Ergo A.Schottus, vir bono publico natus, allaborauit, & Latinum totum dedit, & tibi commisit: ecce iure te flagitamus, fac quod soles & natus es, rem publicam vel priuatæ tuæ damno iuua. Mi Velsere, da hanc operam: etsi quàm trepidis & pænè desperatis Europæ rebus? Pannonia, & iam

Illyricum finitimum, sollicitosnos habent: Quò pondus istud verget? vbi ponet minas? Vbicunque, stenus; & in honesto firmi, omnem Fati vim excipiamus, imò vincamus, id est feramus. Vale. Louanijs, post die Natalis Dominici, anno. **1506.**

E P I S T O L A X C.

IOANNI MIRAE Episcopo Antuerpiensi.

MERITÒ scriptionem istâ amplector, tam benigni animi, & à tali viro, testem. LOVANIVM non displicuisse significas, & horraris porrò ad patriam Historiam vniuersam scribendâ. Magnus mihi stimulus, fateor, vel ab auctoritate tuâ, vel à iudicio: & sentio sponte hunc animû meum inclinare, in magnâ parentem, vt debet, affectionem. Cùm tamen vacillantē valetudinem video, cùm etiam seculum & iudicia (neque enim omnes MIRAE sunt:) frigus aliquod subit, & pænè resisto in cursu, cui carceres iam video apertos. Nam & ipse collegi quædā, & Comes Baussigniacus tradi quædam iussit, etsi adhuc per alias manus oberrâtia; & R^{eg}a D. tua offert Dinterum suum, magnum adiumentū ad rem emoliendam. Videbo an D. Prelatus Parcenfis hîc sit, & tradet eum: si non, rogo verbo vel scriptiunculâ velis adm̄pñere. Ego sine iactantiâ proferam, posse me & stilu & iudicium ad historiam adferre, atque eam veteri more & exemplo scribendâ. Si ex vñ & gloriâ Patriæ est, Deus mihi vires donet; te autem, Reu^{er} in Christo Pater & Domine, longum Ecclesiæ atquè eidem Patriæ nostræ seruet. Louanijs, v. Idus Ianuar. **1506.**

E P I S T . X C I . *Gracium.*

CAROLO Archiduci Austriae, Imp.
nepoti & pronepoti.

S E R M E P R I N C E P S,

PLACVIT humanitate istâ in me vti, vt non solum salute impertiri iuberes, sed etiam manu tuâ eam consignares. Obeninitatem ab alto animo / & cui vñ fontem video, amorem erga res honestas & Doctrinam. Dignus ille tali Principe, tali stirpe. Si audaciam mesumere vis, quam ætas grandior donat, sic perge magnæ speci Princeps, & cum Pietatis studio (id primas habet) ista iunge, quæ menti lumen infundunt, quæ clarius res videre & arbitrari faciunt, quæ hominem supra communes istos homines tollunt. MAXIMILIANS Augustus inter proauos tuos exemplum præbeat, qui

qui audire semper doctos aut percunctari, qui ipse legere, scribere & commentari solitus: idque æuo illo, quo caligo adhuc ferè in Germaniâ, nec clara ista fax litteratum satis illata. Doctores, Dei beneficio & Parentum tuorum, habes ad vtraque omnium maximè idoneos: obsecro, utere: & hoc iuentutis tempore fructus velut in horreum collige, quibus reliquum æui suauiter fruare. Significas & à nostris libris non abhorre, & Discipulum meum profiteris: ô magnum mihi & gaudium, & honorem! equidem scripta mea publicè prodeesse multis (eo fine pangimus) cupio & voueo: sed Principes etiam legere & affici, super modestiâ voti mei est. & tamen gaudeo merito, si fiat. Nam è Principe eruditus scio quantus in vniuersam rem publicam manare fructus aliquando possit. Vnus peritus gubernator nauem regit & seruat, vonus Imperator exercitum: tale in vobis, & vniuersitate ac virtus populo est salutaris.

SER^{ME} PRINCEPS, hæc pauca expressit mihi humanitas tua: benignè interpretare; & ab eo profecta scito, qui est SER^{MÆ} gentis tuae, & priuatum TVAE SER^{TIS} deuotissimus cliens. Louanij iv. Idus Ianuar. 1561.

EPIST. XCII. *Antuerpiam.*

BALTHASARI MORETO.

HEM, hem, quid hoc est mi Morete? gratiæ conciliandæ ego illa scripsoram, & affectui in patriam testando: aliorum veritatem, & inuidiam aut cauillo (vt tu quoque audiis) LOVANIVM mihi concinnat. Quâ culpâ aut merito? rogo te audire paullum, & æquâ iudicij librâ pensitare. Parcè enim, neque omnia dixisti, inquietunt. Libens fateor, neque hîc neque alibi omnia dicere amo: selecta tantum & præcipua: & credo tamen insignia pleraque ad laudem (is filius noster fuit) attulisse. Panegyrica quædam, vt sic dicam, ista scriptio, non propriè Historica: & hoc stilus ipse dicet, quæ florem, colorem, non vigorem solum habet. Et ubi tamen historiæ locus fuit, in pugnis, in seditionibus, à lege eius abisse, non censeo, imò vel iuxta veterum exēplum tractasse. Atquin alia nos etiam habemus, aiunt. Aiunt, proferant & applaudam: si tamen pondus habent, & rei momentum aliud addunt. Sed non dissimulo, quosdam esse qui curiosos & peritos se simulant, sed Pythagorico quodam exemplō tacitos: & minantur aut iactant

assiduè edere, nihil edunt. Edunt? nec communicant quidem edentibus: & si quid petis, obliquo oculo, aut renidentes, abnuunt: & Pluris sibi esse, denique, Sibi esse. Per me habeant, premant: nos non premant, qui siquid notitiae nostræ esse potuit, iuimus perquisitum. Petrus Diuæus tristitia, opinor, annos, aut circiter, à ciuicis hîc Regestis fuit: vidit eadem excussumque Io. Molanus Theologus eximius, idemque historiarum cupiens & sciens. Hos consuli, Annales vicinarum etiam gentium adi: quid vltra volunt fecisse? In Vestalia illa secreta penetrare non potui, nec in uitis æditiis excutere Capitolinas istas Flauissas. At quædam etiam aliter dixi. Sanè sequi me tutò in plerisque dictos auctores censi: & siquid erratum, veniam illis mihi quæ vnâ operâ peto. Mihi etiam seorsim, quod approposatum hoc opusculum (in occasione illâ, vt tu optimè scis) Nuptiarum) nec limam aut exactiore curam admisit. Itaque in numeris corrigendum alibi erat: postea factum. Poterant & accuratiū vel uberiorū quædam de Lotharingiâ vel Brabantâ dici: & à me exigunt. Iniqui! & nonne melius aptiusque in suo loco ea dici? Et profiteor apud te ac clamo, animus mihi tunc fuisse tractandæ Historiæ Patriæ: eoque, ex consilio multa omissa, aut certè dilata. At, inquietunt etiam, familias nostras veteres parùm distinctè tangis: ipsum opidum haud annosum satis facis. De familijs; meum non est, faciant * ἀριθμός, quo- * familia- rum scri- rūm hodie manus est, & huic studio vel ptores. * μετρωποί operantur. De vetustate; si erro, * Curiosi, vel nimis. doceant, & bono auctore aliam æ uitatem ostendant: fauebo. De nomine sanè non abnuimus, non item de conuentu aut digniore aliquo loco: & palam hoc * socipsi: sed nihil etiam nunc magis * ἔνδοσις οὐδὲ παθαρί * Lib. I. cap. viii. occurrat, quam hunc ambitum & clausuram origine illâ esse, quam dixi. Quid verbis opus? aliud, inquam, doceant, & fileo: aurifi non, ipsi fileant. Quod ad fabellas aut opinatiunculas attinet; sciant nos exteris posterisque ista, & ideo firmiter, scripsisse: sciant etiam, neque apud ipsos populares nostros sœnum omnes esse. Incalisco, & melius est desinam. alioquin & illi accurent, qui singula Collegia describi, etiam ipsas alimonias (nostro sermone *Bursas*) desiderent, imò iam desiderauerint. Heu Lipsi, heu Lipsiane stile, quò vocamini? Otium agere, aut certè alias res agere melius, nec ad ple-

plebeia arguimenta aut iudicia vltra venire.
Audis? audio: & cum Homero,

* Hoc mihi confiditum est. At ex istis, mi Morete, vides quo præmio posse ut scribimus: & alibi fortasse in gratiâ, domi frigemus. Sic solet, fero, & Geniū meæ patriæ (si Deo visum) elegantiorum votis expo-sco. Louanij, 111. Idus Ianuarias. ∞. IɔCVI.

E P I S T . X C I I I . Mechliniam.

PETRO PECKIO *Consiliario.*

BENEFICIVM sanè mihi tribuisti missio-ne nouitij huius libri è Galliâ. quem ego historicis an politicis magis accenseam, sententia hæret. Vtraque habet, & flore præterea sermonis aspergit, qui omnem se-ueritatem recreet & diffundat. Non sic ve-teres, fateor, & magis restricti atque accisi sunt: & tamen delectat, docetque hæc vberas, & meo iudicio gratiam atque vsum suum habet. Sunt in quibus fidem tamen requiras, & partium studium aut adulatio-nes deprehendas: ignorantiam etiam aut alucionationem interdum in externis. Sed interdum, & compensat alijs virtutibus. Ego pro usurario libro, libellum hunc ecce mancipio mitto, à me donum. Leuis res & scriptio est; & cùm leges, animaduertes calamum alas habuisse. Nam quid dissimu-lum? Seriò hoc argumenti numquam co-gitaueram: alio fine aliquid in Aduersaria conieceram: & incidit vt in nuptijs istis (rogatus eram) concinnarem, & vulgarem. Prædico, vt remissiore animo ac iudicio le-gas, nec acrimoniam tuam vbique adhi-beas, aut meam requiras. Sunt tamen, præ-sertim vbi materies fuit, in quibus ad altiorem stilum assurgo, & historiæ veteris fa-ciem conatus sum referre. Auctores mihi quidam sunt, vt in rebus Brabantiae idem faciam: ego delibero, & ætatem meam & valetudinem, sed & sæculum in alterâ lance pono. Sæculum. nam quām pauci hæc capiunt, siue legunt? Quò igitur pondus verger, nescio: & vernum fortasse tempus dicet. Tu vir Clar^{me} & Prud^{me} vt me ames, qui te seriò, rogo. Louanij, postrid. Idus Ianuarias. ∞. IɔCVI.

E P I S T O L A X C I V .

HENRICO HALMALIO V. N.

LEGISSE te Louanium meum libens au-dio: etsi cùm in tales manus venit, vel-lem accuratiore limâ perpolitum. Nam verè dixi, & subitum & festinatum etiam,

ob instantes Nuptias fuisse: atque ideo ingenuè fateor, aut quædam mihi non di-cta, aut aliter dicta. Sed medebitur aut supplebit siue sequens Editio, siue ipsa Bra-bantiæ Historia, si tamen ad eam ire & per-gere valetudo patietur. Alia quidem res (hoc tibi spondeo) non auocabit, & vltimos istos annos Patriæ libens ibo consecratum.

Quod cùm fiet, non omissam rogare te, vt id quod sponte & benignè offers, re exse-quare, & me subsidijs tuis & apparatu va-rio instruas, in communem vsum. Scio iamdiu te industrium & sedulum conqui-sitorem atque inquisitorem talium fuisse: potes igitur re, potes & consilio ac direc-tione nos iuuare. Coram, vbi Antuerpiam nostram venero, plura & distinctius licebit: nunc nobilis & Clar^{me} Domine valere te, & nos amare, opto. Louanij, postrid. Idus Ianuar. ∞. IɔCVI.

I S T . X C V . Antuerpiam.

ANDREAE SCHOTTO V. R.

NON indelectatum te Louanio nostro, benè est mi Pater, & gaudeo in tuo iug-dicio: sed plebeiaz apud nos voces non sic consonant, & ad nugas suas aut ineptias multi me conuicio trahunt. Cur vetustius opidum non fecit? cur familias illas veteres non inseruit? meam cur omisit? Quid colle-gia? hæc nominat, illa transilit: denique pri-uati vellent & suum alibi nomen legi. Hæc pati necessum est eum, qui res in omnium sensibus oculisque scribit: & ista cogitatio non nihil à Brabantiae rebus me absterret. Noui ambitionem multorum, qui se aut suos volunt esse argumentum. At altior ani-mus Historico esse debet, & caussam æui agere duplicitis, eius quod fuit, & quod erit. Illud vt ex vero repræsentet; hoc vt vtilibus narrationibus, siue monitis interdum, in-struat, nec ad vana aut futile, & pueriles animos oblectatura, declinet. Videbo vt modum teneam, si opus aggredior, & scribam ex patriæ, ex historiæ, & mea dignita-te. Adulari, calumniari, nugari non lubet. Hactenus Musas virgines habui, non pro-stiti pretio aut pellaciâ inductus: perseuc-rabo honesti animi, recti iudicij (Deus ad-iuuet) esse. De Cantipratano benè mones, & iam vidimus, & corrigi in alijs exemplari-bus iuslimus. Sanè sciebam discipulum Al-berti Magni fuisse: sed properantia & calor, quæ in hoc opusculo adhibita pænè neces-sariò, mente obnubilant, aut certè ma-num

num faciunt delirare. Sunt & alia quædam, in quibus nuto, alias corrigenda. Felix recitatio veterum, & aduocati in consiliū amici: nunc deserunt, & Typographia nec penitentiae locum; aut si illi, non emendationi relinquit. De Idolo Hallensi, lumbos niggatori impio frangam, si fustem, id est calamum suum. Sed adhuc tempero, & inhibeo, & Modestiam ingenitam usurpo. Caveat à calore. P. Leonardus noster etiam illuc? dimidium nostri habetis, remittite, aut (si aura admittat) me habete. P. rectorem & illum salutor. Louanij, ad lumen vespertinum, xvi. Kal. Febr. ∞. Iccvi.

EPYSTOLA XCVI.

JOANNI MIRAEO Episcopo Antuerpiensi.
IN amici causa breues has litteras scribo, quem mihi institutio (discipulus enim mihi fuit) & morum probitas, & magis constans pietas, commendarunt. Is est Io. Hemelatius gente Bataeus, insigni ingenio & doctrinā: sed qui patriam deseruit maculosa & infestam. Romanum igitur se contulit, & cùm ad Ecclesiasticum ordinem adspiraret, a S. Pontifice impetravit Canonatum in vestra Ecclesiā Antuerpiensi, in locum defuncti Iacobi Antonij: defuncti, inquam, in memore Pontificiæ collationis, ut scribit. Itaque ius putat clarum & certum esse; petit tantum insinuari R^m D. tuæ, & significari qualis esset. Reuerā spondere audeo gratum acceptumque futurum R^m D. tuæ & Collegis: ita non solum doctes habet, quæ ornamento sint, sed mores suæ & mites, qui delectationi. Nihil tribuo affectui, Reu^me in Christo Pater & Domine, Deum testari possum: quem rogo & vénior, ut te talem Antistitem Ecclesiæ & nobis diu velit superesse. Louanij, iix. Kal. Februar. ∞. Iccvi.

EPYST. XCVII. Bruxellam.

JOANNI RICHARDOTO Presidi.
ET iterum iterumque Fortuna te petijt; & vix cicatrix a priore iestu obducta est, aliam plagam inflxit? O sauitiam! accusare eam liber, & tecum dolere: si tamen hoc remedium sit, habere comites in querela aut dolore. Præstaret qui alleuarent & erigerent & iam conor: sed dicta aut monita ubi reperiā? Solita consumpsi, & eadem dicere nec ex decoro, nec ex more meo, possum. An vnum hoc nouum, & magni animi, succurrat? in Fortunam Fortunæ exemplo repu-

gna. Pertinaciter te incurrit, nec dignitati, nec ætati tuae parcit: induit item pertinaciam; & non ratione solum, sed irâ quâdam honestâ pedem in eam firma. Quid tibi vis? ideo destinor vincendus, quia non vicisti? Hoc ipso sumo animos, & prior victoria de sequenti spondet. Nepotulum amisi: sed anteā liberos. in partu hunc ætate: anteā plenæ ætatis & roboris, & qui propinquam de se spem, aut præfens gaudium, dabant. In isto quantulum perdidit? Flos, non fructus fuit: vix etiam flos; & in paucis non mensibus, sed diebus, natum amisi.

Monstrarunt terris hunc tantum Fata:

atque ecce, firmum solatium, si attendis. Fata, inquā, dederunt, eadem abstulerunt: quid iuuat, aut decet queri? Non iuuat, quia non mutabis, semel abiit: non decet, quia lex à Deo est, in quem impius qui repugnat. Ille firmiter sanxit, quidquid natum est mori, & alternante tempore ac vicibus mori, senes, viros, iuuenes, pueros: nullum discrimen est, & cæca illa Dea per omnes fuit, & datum ius exercet.

Pomæ in arboribus pendet, sic corpora nostra

Aut matura cadunt, aut citò acerba ruunt.

Vetus poëta hoc scitâ & verissimâ imagine scripsit: auellimur, deiiciimur, sponte cadimus, & hæc omnia ex fatali lege. O parea- mus Deo; imò assentiamur! & hoc Christianum pectus decet. Sed ante omnia vir- geo quod tetigi, parvulum hunc fuisse. Vix lumen vitæ ingressus erat, & ablatus est: id est, vix habuisti. In alijs grandiosib[us] remis- nisci licebat facta aliqua aut verba laudan- da, siue amanda; in paullò etiam grandiusculis iocos, blanditiæ, gestus, & quæ pa- rentum affectus exosculatur & notat. Quid in isto? spem modò ostendit, germen, & propago futurus vetustæ ac nobilissimæ stirpis; si Deo visum fuisset: sed non est vi- sum, quid contra æternum cursum moli- mur? Nondum gaudia alia ex illo erant: vix oculo, aut tenui risu matrem, non diçam auum, agnouit: quid ergo fit in æaut solidæ iacturæ est? Excute ipsum te, videbis vmbrae & imaginem adhuc amasse. Si initio concepti foetus parens abortisset, in- nūs doleres: eadem ratio valeat, & infirma adhuc proles non gignat dolorem aut de- siderium firmum. Hæc ex communi etiam Sapientiâ: quid illud ex Christianâ? Putad hanc animalam, & omnis adhuc labis ex- pertem, aut non palam in pura & beata illa loca missis. Ne reuocate: ipse doleat, &

tot

tot periculis, addam etiam curis molestijs-
que, iterum exponi. In spem eos educamus
bonam: sed quam s̄apē fallacem? Optimè
nati, quam degenerant, nec gaudium aut
decus (ut lenissimè loquar) suis donant? De-
honestamenta maiorum multi, propudia
publica: & exempla in isto atque alio xuo
videmus. En, in certâ securitate, in gloriâ, in
gaudio nunc agit: ponite spem metumque,
& applaudite potius ac suspicite sublimatum.
Oblectare parentes poterat, nunc iuua-
re: precibus eius votisque locus est, & apud
Numen fundit. Enim uero apud te, non lo-
co magis quam prudentiâ Præsidem, etiam
hoc solatio utar. Vide non dicam Belgicæ,
sed Europæ, hodiernum statum: quid lœti
aut firmi posteris polliceris? Sunt turbæ,
erunt turbæ; mutationes priuatæ & publi-
cæ; & nisi Deus pacatiore oculo respiciat,
exitia statuum & rerum. Quis in talia liben-
ter suos educet, aut mittat? Sunto & ma-
neant, quos Deus dedit, habituri suam for-
tein: alios voto ne adsciscamus, imò gratu-
lemur euocatis. Hæc apud te breuiter, Am-
pliæ & Nobiliæ Domine: & vides quò fidu-
cia me impellit? Ipse solatij iam compos, fi-
liam tuam solare, sexu infirmam, & graui-
re ictu percussam: & verba robusta aut ex
corde profer, aut ore adsimula & vultu.
Debes illam erigere. maritus non est, nec
alius affectus propior: patrem illa spectat: si
amas, fac ut per te vires recipiat animi cor-
porisque, quod opto. Vrasque, Ampliæ &
Nobilæ Domine, etiam tibi. Louanij,
xii. Kal. Martij, 1561.

EPISTOLA XCVIII.

PAVLLO V. PONTIFICI O. M.

BEATISSIME PATER: Accepi BRE-
VE, quod S. V^{RA} dignata est mihi scri-
bere; & ipsum, ac benedictionem, inte-
riore mentis gaudio & omni veneratione
sum complexus. Inter suprema beneficia,
quæ Deus mihi contulit, hoc recensebo sem-
per, quod à Vicario eius manauit. Hortau-
tur me in eo S. V^{RA} vt stilum & ingenium
ad ornandam Ecclesiam, & magnitudinem
eius propagandam, velim conferre: quod
ego velut diuinitus imperatum suscipio, &
promitto S. V^{RA} me operam omnem huic
rei daturum, quam valetudo mea tolerabit.
Incalui enim merito ab hoc stimulo,
& ostendam paterna admonitio quantum
apud verè filium ponderis habeat & robu-
stæ auctoritatis. Etsi, BEAT^{MS} PATER,

iamantè hunc animum cœpi ostendere, &
publicè militem agere in Ecclesiæ castris.
Nam scripsi & emisi hoc anno libros duos,
priorem, quo MIRACULÆ & laudes DI-
VAE VIRGINIS HALLENSIS contine-
bantur; alterum, quo DIVAE SICHE-
MIENSIS. Non possumus aliâ re, credo,
efficaciū frangere & calcare hæresim, quam
hoc Miraculorum fulmine: vbi non ver-
bis, sed factis disputamus, & impudentissi-
morum etiam oculos atque animos per-
stringimus istâ rerum maiestate. Si dignum
censuisse donū, quod oculos S. V^{RA} sub-
iret, missem ad arbitrandum, & saltem
promptum & apertum meum pro Reli-
gione studium conspicendum. Quod por-
rò etiā dignatur scribere VESTRA ST^{AS} co-
gitaturam se de Pace publicâ procurandâ,
& bellorum apud nos moribus sedandis;
ego eam flexis mentis genibus iterum pre-
cor. Necessitas postulat, & discrimen gran-
de quod toti Ecclesiæ (ita loqui audeo) tra-
montanæ imminet, si Hæresis & Rebellio
limitem hunc Belgicæ perruimpunt, qui
adhuc resistit. Resistit, sed validè concuti-
tur, & vicini etiam aliqui Principes oleum
in hancflammam conferunt, priuatâ æ-
mulatione aut spe, vtinam auctoritate.
S. V^{RA} comprimendi! Atque vtinam et-
iam fidâ inter eos pace; arma contra com-
munes & Ecclesiæ hostes vertant, felicius &
gloriosius triumphatur! Sed hæc Sapientiæ
vestræ, cui cælestis ille Spiritus semper ad-
sistit, & inspirando dirigit, dispicienda &
gubernanda permitto, precatus ab illo
longæuam tuam Ecclesiæ præsidentiam &
tutelam, atque ego,

BEATISSIME PATER,
tuam sanctam mihi benedictionem. Loua-
nij, iii. Kal. Martij. 1561.

EPISTOLÆ XCIX. *Leodicum.*HADRIANO FLERONTINO I^{RS}.

TRISTEM, inquis, nuntium adfero.
Certè tristem, & magnum in animo
isto ictum. Ita Carolum Billéum amisi-
mus, ratâ laude, prudentem, pariter pro-
bum, pius, & vno verbo, optimum Au-
llicorum? Amisimus nos amicum, vos
præsidium, Princeps consilium: & mihi
crede, facilius reperiatur qui locum subi-
bit, quam implebit. Ecce mortalitas! Scri-
pseram ad eum ipsâ horâ, quâ tuas acce-
pi, epistolam, quâ de filio promebam quid
videretur: scripseram, & statim disco non
esse

esse ad quem scripsi. Vis & aliud philo-
phiæ? amare eam soles; & vt sapias, ama. In-
traui cœnaculum meum ambulaturus, &
in cogitatione super Billéo meo defixus.
Conijcio oculos in vitreas; quæ octodecim,
vt scis, locum illustrant: atque ibi amico-
rum aliquot nomina & insignia, amoris vel
doni monumentum. Conijcio; & statim
animum tangit, illum atque illum mortuos
esse. Numerare incipio: & ecce vndecim ex
inscriptis Parca viuorum numero expun-
ctos mortuis adscripsit. Hem quid hoc est?
intra annos nouem? Progredior etiam in
atrium adiunctum: sex fenestras numero,
& è donatoribus quinque fatum suum
obijisse. Vides, inquam, quām densè mori-
mur? Atque isti ex amicis tuis Belgis: quid
in exteris quot amisisti? quid ex ignotis
quām multi cottidie pereunt? innumeris
hic numerus. Solari me coepi: & quid in uno
dolemus, vbi tam frequens vel assidua ia-
ctura est? Huc nascimur: & ipsum nasci, est
non nisi partus in mortem. In caueâ te clau-
de, ferro & ære conde:

Mors tamen inclusum protrahet inde caput.
Cogitemus mihi Flerontine, & prœiuissime amicu-
cum nostrum, quō certo gradu sequimur:
non error abducet, non vis subducet. Benè
precemur mortuo, & gratâ mente ac lin-
guâ, cùm usus, memoriam eius prosequa-
mur: — Td γέρας οὐδὲ θάνατος, vt ille ait.
Vale, & me ama: parentem etiam tuum, &
Timpelium Canonicum à me saluta. Lo-
uanij, Prid. Idus Martij, 1506.

Patruus tuus Prœvincialis heri in prandio
mihi aderat, & multa locuti super Billéo
eramus, & de litteris communiter mitten-
dis. Ille inter primos dolet, scio.

IOANNIS WOVERI Antuerpiensis
ad æquum & amicum LECTOREM
in IVSTI LIPSI V. C.
Orationem de CALVMNIA
PRÆFATIO.

VLTIMAM hac pagina epistolam tamquam
suam expectabat. subtrahi tamen istam ne-
mo emulus tam indignabitur, quām boni omnes
exultabunt, Calumnia crimen, paruis hodie &
magnis commune ingenii, protrahi, imò proster-
ni. Quod quamvis vitium neque nouum, neque
veteribus insolens, in etatem nostram influxe-

I. LIPSI Operum Tom. II.

rit, tanto tamen iniquius nunc exercetur, quan-
tò caritatis & diuina legis prescriptum scele-
stiūs violatur. Amicos enim (immensa eru-
ditionis Afer scripsit) diligere omnium, est,
inimicos autem solorum Christianorum.
Sed aduersus istos ita vindicta hodie obtinuit,
vt nec præsenti planè narrationi desint, qui pro
laudibus criminationes, pro beneficis iniurias
etiam amicissimis reportant. Ah! vel tali furore
plebeiam furere scurrilitatem, vtinam Erebi
ipsi furij placuisse! nunc augetur immensum
hoc dedecus primarie claritudinis designationi-
bus: & litteræ olim ornamenta ingeniorum
cùm Sapientiae ancillarentur, ita auatoratæ ad
has pugnas accedunt, vt à paucorum libidine
insaniaque se astimentur, nihil obstat, quò mi-
nis vanitatis & inhumanitatis nouis nominis
innotescant. Inuisum meritò bonis vitium,
quod homini seipsum eripit. Nec feris inter
se bella sunt; nec, si forent, eadem homi-
nem deceant, placidum, proximumque
diuino genus. Auget præterea remediorum
desperatio sic præsens hoc malum, vt nec mecum
calumniæ abstinentiam à se impetraturos arbi-
trer, qui recidiuæ iniurie malignitatem citius
ostendunt, quām vomici huīus morbi cura-
tionem admittunt. Religiosè enim dicent; pro
Epistola non bonâ fide Orationem editam. Sed
his, ne interni ulceris purulentiam obijcam,
dico; integrum esse, vt primarium apud Saxonie
prætorem dicam scribant, Ienensis, sed non
germanæ fidei declamatoribus; quibus ad ca-
lumniandum tantum otij superfuit, vt iniurio-
sores LIPSI esse non possent, nisi infantis
sue macie, totoque inuidiae pallore, bonam char-
tam male commacularent. Tamen & opere
quoque huius vt compendium faciant; satis ipse
līm nōster uangāris, & grandem hancce, aper-
tissimisque mendaciis instruētam expunxit in-
surum. Cùm hoc quoque satis constet, neminem
non modo melioris, sed & vel sani sensus esse;
qui scholasticorum plumbeas has paginas cum
illius componat; qui unus temporibus nostris
monetam aurei eloquij in vetustatis incude sic
finxit, vt non immerito optimorum iudicio ha-
bitus fuerit (vti Symmachus alibi scripsit)
IVSTVS heres veterum litterarum. Nam
nuperam illam putidissimi liuoris inscitiam, so-
lā dignam miseratione iudico, quā quispiam
Latinè parum LIPSIUM, nec aptis satis ima-
ginibus calestis ingenij opera texuisse, ostende-
re cœpit. Sed quoniam illi homini insanire, &
in omnes paſsim incurrire doctos, tralaticium
est; ego reponere oraculum maximi naturæ My-
ste solum hoc possum: Homines quosdam

Z

vt

ut venena nasci, qui nullum aliud ab omni-
nati spiritus primum nouere, quām odisse
omnia. Tu contrā amare optima, & sic LIPSI-
ANA, beniuole Lector, perge; ac salutare istud
aduersus calumniam eiusque carcinomata quasi
alexipharmacum accipe, & vale.

IVSTI LIPSII DE CALVMNIA ORATIO.

DE Calūniā dicturus hodie, & hoc quid-
quid est vitij in lucem protracturus
sum. Tu Deus qui bonitas, candor, amor
totus es, dirige & prēlucce mihi aduersus ini-
micum tibi vitium; & mentem ac linguam
move, ut generi humano innocentiam in-
stillem, & in vitā, dictis, scriptis probitatem,
pacem & caritatem. Calumniā hīc definio
occultam lassionem, imminutionemque al-
terius in sermonē aut scripto, mixtam frau-
de, dicta ea est à caluendo, quod prisco ver-
bo frustrā habere & decipere significabat.
Omnis enim calumnia mentitur & fallit,
ut mox dicam, & mendacium aut fucum
auctorem habet. Græci οὐδὲν dixerunt. item
appositi, quod quasi traijciat ac penetreret,
& noxiō linguæ suæ telo defigat. Finis scili-
cket illi primus, fallere; quod Latini conside-
rarunt: ultimus, lēdere; quod Græci. Ovitio-
ruin vitium! & tamen quod hodie crebrius
est: quod cuī maiori pernicie coniunctum
rei priuatæ & communis? Addo etiā, quod
neglectum magis à notis scriptoribus &
antiquis? Quare cūm nemo studiosius paul-
lò, quod sciam, de illo aut in illud dixerit;
ita spero ut tractatio eius non solū fru-
tuosa futura vobis sit, sed nec mihi inglo-
ria: qui primus ingredior aperire id & dif-
fundere stilo. De istā igitur tria hæc dicam.
Quām foeda sit: Quām perniciosa: Quo-
modo cauenda. Hæc singula dum subtilius
paullò & vberius persequor, quæ vos Au-
ditores, adhibere mihi non aures solā sed
animos: & vela hæc, ut sic dicam, oratio-
nis meæ, Zephyro beniuolentiaæ vestrae af-
flate atque dirigite.

Et fœditatem quidem Calumniæ, quo
clariū vobis arguento ostendam, quām
istoc dupli? Quod & in fœdissimas ea per-
sonas cadat: & quod fœdissima sit ipsa. Per-
sonas quidem triplici hac notā insignes, Vi-
les, Ignauas, Loquaces. Viles: adeò verè à
me dictū, ut negem, non dicam bonam, sed
mediocriter bonam altamq; infidolem, vnu-
quam hac labo fuisse aspersam. Vetus, & no-

strum, æuum excute. non aliter leges, vide-
bis, audies; quām tristes quasdā malignas-
que naturas, quas sidere suo Saturnus affla-
uit, alijs inuidentes, sibi diffidentes, pronas
ad hoc vitium & factas. Videtisne minulos
illos canes & degeneres, qui hospites alla-
trant, feras non tangunt? tales deteriores isti
hominum, qui lēdere tantū innoxios nati
& vexare. Nati, inquam, quia reuerā ad hoc
vitium ita vergunt & inclinant, ut quies ijs
non sit nisi alijs inquietis. Tum Notā alte-
rā, Ignauos feci. quid clarius? prima scintilla
& fontes Calumniæ otium est: nec vnu-
quam aut vacabit aut lubabit in alienas res
inquirere, quæcum suæ distinebūt. Apud des-
ides & ignauos mala Diua habitat, & apud
eos sedem posuit sui regni. Negat quispiam?
Forum & Basilicas nostras paullisper adeat:
in quibus vberima cotidie calumniarum
seges scribitur, non nisi ab istis quibus vnum
hoc opus est, Ambulare & Fabulari. Publi-
ca illīc & priuata vapulant: Princeps, & ad-
ministri peccant: alius hoc fecit, alius hoc
dixit: denique nulla de quoquā fabula est,
quæ apud eos stet, ut cum poētā dicam, ta-
lo recto. Atque hæc si periti ipsi rerum face-
rent, minūs indignarer. nunc homines non
solū ignauissimi, sed & ignarissimi, rebus
ijs calumniando se miscent, ad quas cogi-
tatione & sensu non pertingunt. Ut in nauis
nemo vectorem ferat qui nautas moneat
idem idem aut culpet, ipse interea imperi-
tus manum non dicam clavo admouere,
sed remo: ita merito importuna nobis &
molesta vascula hæc inaniam; quæ maximè
tinniant, & liquoris minimum habent. De-
nique Notā tertia, Loquaces. & qui potest
aliter? Naturā hoc lingulacis insitū, ut non
multa solū loquantur, sed mala. Siquis
vestrūm adfuit indomitīs istis, & quibus, ut
Pindarus ait, os sine freno: nōnne prēcipuuſ
illorum sermo, non solū de aliquo, sed in
aliquem est? certè. Audita enim & non au-
dia efferunt, quæ vera, quæ vana. & ut in
Iudææ lacu Asphalticæ nihil mergitur, sed
supernatant omnia iniecta: sic in istorum
pectore nihil conditur, superfluunt immo ef-
fluunt cuncta. Et quid alijs parcere eos cre-
das? nec sibi. quoniam huic morbo id quo-
que proprium, ut si in alienos dicere nihil
habeant, in suos dicant, atque adeò in se se.
Ut in longā fame, corpora nostra alimen-
to defec̄ta, ipsa se depascuntur: simile eue-
nit in istis.

Atque ecce personas habetis, quibus gau-
det

det & assidet Calumnia : quod ordo nunc iubet, producam ipsam. & quidem in vero suo vultu. Omne ego vitium detectandum & foedum fateor: verum hoc eximiè. quod non solum in foedis, sed natū & conflatum ē foedis. Poëtae Chimaram suam ē triplici corpore singunt: sed singunt. hīc ipsa res est, & ad hoc monstrum Calumnia consti- tuendum cōctus & mixtio concūrtit trium vitiorum. Nam architecti eius p̄cipui & quasi parentes sunt, Mendacium & Inui- dia: Curiositas autem nutrix. Cogitate ipsi, quām bella hēc proles sit, à bellâ hac vitio- rum trigā. Mendacium inquam, ei pater. quidni? quod animat scilicet & inspirat omnem Calumniam; quæ iaceat, nec vitam aut sanguinem habeat sine illo. Quis ca- lumnior simplici vero contentus vni- quam fuit? quis sicum, dicere sicum & nec potest quidem. quia aliter vim nocendinon habeat, nec finem suum assequatur nisi abeat extra veri fines. Itaque auget malitio- se omnia & attollit. atque vt conuallium ille sonus, quem Echo dicimus, pro vnâ vo- ce acceptâ duas tresque reddit: sic iste gemi- nat visa & audita. Verbulo dō quopiam questus sum? grauiter accusasse me dicet. Leue aliquid notaui? carpsisse omnia. Am- biguum sermonem habui? quod deterius est, eliget. & ad suinam, quod medici de cucurbitis dicunt quas corpori affigunt, non nisi prauum eas vitiosumque sanguinem educere: verius de isto ego, qui adtrahit ad se non nisi mala. Atque utinam adtrahat tantū! sed sāpē à se addit & inspergit: & vt dicta, vt facta refert, quæ nec in somnio nobis cogitata. Sicut araneæ casses & fila- menta mirâ arte ē suo corpore gignunt: sic iste fraudum argutos laqueos suopte inge- nio neicit. Iure igitur Mendacium ei pa- ter: sed mater etiam Inuidia: quæ in illo maligno ingenij vtero concipit, gestat, pā- rit denique hanc infançem. E moribus & factis calumniantium quis id non appro- bet? Rarò enim in viles & sui similes telum hoc armant aut exerunt: sed in eos quos virtute, doctrinâ, aut quâ aliâ laude alios vident anteire. Athletæ in cursu, non eos respiciunt quos reliquerunt, sed intendunt saltum in priores: sic Calumnia dirigitur in meliores. In ludis olim & arenâ obserua- rum fuit, tauros purpurâ & rubore maximè concitari, qui tamen pulcheri sunt colorum: simile in istis licet dicas, quorum virus prouocat ipsa virtus. At postremo Cu-

LIPSI Operum Tom. II.

tiositatem etiam Nutricem Calumniæ ad- didi. verissimè si quia scilicet fouet & nutrit hanc puellamq; esito vndique rumorum & sermonum cibo. Tolle eam à Calumnia: quid poterit? imbecilla, sciuna, vacua sedebit: & quæ nocere velit potius, quām possit. Nam hēc est quæ materiem suppeditat, quæ domi numquam, foris semper, imò in foris habitat; omnium ædes, omnium an- nimos penetrat; vigil assidue & sine som- no. Hēc rumeores passim colligit: &, Heus tu dā dexteram. ecquid noui? in Aulâ quid sit? Qui status in Angliâ? quis in Galliâ? Titius quid agit, quid Seius? Talia ac plu- ra scrutatur atque excipit: numquam tam- men plena & satira. sed ut pædium ac membrum scabiosum fricari semper vult: sic ista sermonibus, & p̄fertim asperis malisque, assidue scabi. Nec verò aures solūm huius prurientes & auidæ; sed acres quoque & acuti oculi. quos cum semel ape- ruit, quid ea non videt? etiam quod non vi- det. Quid non scrutatur? aperta, & operata Tiberium Imp̄m ē oculorum indole fuisse ferunt, vt noctu pariter atque interdiu cer- neret: de hac appositè dixerim, quæ etiam ea quæ in tenebris & solitudine geruntur explorat? Domum tuaq; claudis? penetra- bit. Linguam contines? peccus inspiciet. Homines fugis? ipsa te inueniet. & vt mu- scas atque eiusmodi minuta animalia nul- lā curâ subimoueas: non item vllâ cautione istam. Hēc Curionum illa gens, quam poëta Comicus scitè depinxit:

Qui res alienas curant opere maxima:

Qui omnia se simulat scire, nec quidquā sciunt:

Id quod regina rex in aurem dixerit,

Sciunt, quod Iuno fabulata est cum Ione.

Que neque futura neq; sunt facta, tamē sciunt:

Atque ex his palam videris, quanta fo- ditas sit Calumnia. quæ in turpibus, quæ ē turpibus: quam Mendacium genuit, Inui- dia peperit, Curiositas educavit.

Agite, sequimini me ad Perniciem: quām alterum velut spatiū esse volui mei cursus: Quod tamen priusquam ingredior, reficite paullisper animos, & mecum respirate.

Perniciem ego in Calumniâ Validam & Variam inuenio: quantam nec in ullo (verè hoc, non oratoriè dicam) vitiorū. Validam ideo: quia Acutè imprimis & Occultè læ- dit: Variam, quia in plerâque omni re, & plerosque omnes. Singula hēc breuiter vi- deamus. Acutè dico lædere. & mecum sacer il- le Vates, qui exclamat: *Dentes eorum tela* &

sagittæ, & lingua eorū gladius acutus. Nec dō
gē à mente aut verbis diuini sīri hic Sparta-
nus: qui interrogatus de gladio, *Saxo acutus*
tus esset? Acutior, inquit, *Columnia*. videlicet
hōc significans nullam è chalybe aut ferro
aciem esse, quæ conferti possit cum acie hac
linguæ. Quid enim ea non tangat, autra-
Etum non penetrat? vt fulminis subtilis illa
vis omnia peruidit: sic hēc quamuis seposi-
ta & clausa pérurit. Idque cō efficacius, quo-
niā Occultè, vt addidi, & ex insidijs id fa-
bit. Quā vites telum, quod nec vides? Te in-
pestatē nobis nubes denuntiant, incendium
fumus, hostem explorator: at subita & im-
prouisa pernicies est à calumniante. Minari
cum credis? blanditur: Hostem p̄fserre?
amicū. & eā ipsā linguā quā te sauciāt, ver-
borum priūs, imò & laudum illecebris de-
mulcet. Vt scorpium si manu teneas, ludere
paullisper videtur, mox ferit te obliquā cau-
dā: tale imò amplius in isto est, à quo cūm
lædi nihil timeas, iam læsit. O fraudem de-
testabilem! & ex oraculo ab Historico meo
scriptum, *Pessimum inimicorum genus, laudan-*
tes. Venena mihi nuda & aperta porrige, vi-
tabo: si cibo aut vino callidè mixta, quā
possim? non aliter de Caluniā censeo: quam
bono iure dixerim, Mel venenatum. Hostem
aduersum, ait egregiè Sallustius, deprimere ho-
mīi strenuo haud difficile est: occulta pericula
neque facere, neque vitare, bonis in promptu est.
Itaque Validam ab eā perniciem esse (primo
à me positum) satis vobis liquet: nunc quām
Varia eadem, audite. Lædit enim & tangit
in plerique omni re, vt dixi, & plerosq; om-
nes. quod sanè eximium in Caluniā ad-
notes, & præter sortem aliorum vitiorum.
Quā noxā nocere non negauerim: sed quid
nisi vñā? sed quid nisi vñi alterīve? Nempe
libidinosum me fac: dubis impuritate con-
tamino. Pone avarum: tres, quattuor, pecu-
niolā defraudo. Ebriosum cense; vñus aut
alter obuius verbera manuum mearuin ex-
cipient aut linguæ. At in Caluniā res ha-
bet aliter: quā in omnēm ætatem, sexūm,
ordinem debacchatur; calamitas publica, &
Phaëthon quidā, vt sic dicam, orbis-terræ.
Quis tam felix aut sapiens, qui iactet ab eā
esse liber? nemo. Paratum enim strictumque
liuidum illum dentem in omnes habet: sed
tamen in eos maximè, qui magni. Quicum-
que, quacumque in re, excellit: hunc it de-
presum. & vt ij qui ruere ædificia volunt,
columnas primo subtrahūt: sic hēc cui per-
dere genus humanum libido sit, perdit eos

quibus immixtus publicus hic status. Prudentes, probos, doctos, hostes omnes habent: & eos modò criminationū machinis violentē concutit, modò suspicionum cuniculis calidè subvertit. Varios igitur lædit: sed & variā in re lædit. nec quidquam homini carum acceptumque est, quod non cripi, certè im-
minui, videoas pet calumniae tecūnas. Te opes delectant: si potest, exuet. Aliū hono-
res p̄triaabit. Amici quām p̄tērā vīm suā attēsque exeret: & Lēlium à Scipione, Pyladem ab Oreste diucllet. Iam quid rerum humanarum carius fama? quā iure est bonis, ante bona omnia & ipsām vitā. Nam hēc vitaque cadūca & fluxa sunt: & opes quidem ante nos sapē, vita nobiscū semper abit: nōmen autem & fama ēternant; eaque sola, cūm non erimus, hēc erunt. Atqui hēc, vnicum Sapientūm thesaurum, purissimam vitā gemmam, appetit calumniator assi-
dūt: & subtrahere aut maculare conatur omniſtrāude. Virtutem enīm ipsam quia læ-
dere non potest (summum in nobis pro-
priumque bonum: hāno lædit; splendorē, lucem, & quasi imaginē virtutis. Et quid de hominib⁹ queror, aut rebus humanis? Proh summe Deus! nec tibi quidem par-
cit, & tuo cælo. In rebus enim diuinis & reli-
gione inuenit iam quod exagit; per quod nos, imò te lædat. Tua enim illa vox decre-
tuinque est; tua sanctio, AB DITA MEN-
TIVM CAELESTI MENTI RESERVANDA;
nec pectoris huius fibras pulsandas cui-
quam aut referandas, nīsi qui eas fecit. At
Calumnia aliter. & passim iam (ō labem
nostrī æui!) oculos, linguamque illuc conij-
cit, & adyta interioris huius templi scruta-
tur & calcat. Ille in religione parum purus
est, ille parum fortis, tertius parum apertus.
Et quid iam superest, nīsi vt palam & per
præconem animi nostri sensa citentur ad
Calumniatorum hoc tribunal? Homerus
ille, me quidem iudice, non vatūm solūm
sed hominū (de profanis loquor) semper
Princeps, Aten quāpiam deam finxit: à
quā in populos deriuatæ omnes noxæ. quo
fabulæ inuolucro caluniā eum tegere &
tangere voluisse tam mihi certū, quām lo-
qui me nūc & spirare. Nam ita describit,

*Pernicosa dea (verba eius presē interpre-
tor) que omnes offendit:*

*Que terram non tangit, incedit autem per
capita virorum:*

Que louem ipsum lefit.

*Per vestram fidem, ullusne pictor artifice
suo*

suo penicillo, aut orator vberem stilo, clarius expressiusque signauerit germanam Calumniæ formam? non opinor. Que omnes, inquit, offendit. nonne hoc ipsum est quod docco, passum & omnes ab eâ laedi? Terram montantur, certè, tare enim in viles aut humiles incurrit: sed, quod addit, incedit per capita & mortuum: id est, summa petitis & summatibus. Denique louem ipsum ledit. quipplini? siue quia diuinis quoque actiones calumniatur & carpit; siue quod iam dixi, nec religionem immunem habet improbi sui dentis. Atque hæ noxae illæ sunt, quas priuatim adhuc ludit. vere ludit: si cum ijs compares, quas publicè pectat & in Principum aulis. Hic enim ei sedes: hic admissis equis lascivit & currit, ut in suæ circo. Non mihi fas singillatum persequitur (tempus vetat:) breuiter hoc accipite. Quidquid fraudium, oppressionum, scelerum usquam aut umquam in aulis fuit: id manasse ab hoc capite, ab hoc fonte. Alexandrum illum Magnum in tot amicorum neces quid nisi Calumnia impulit? Socratem vitâ, Rutilium ciuitate quid nisi Calumnia expulit? Tiberios, Caligulas, Nerones, & tot portenta tyrannorum, quid nisi Calumnia peperit? & ne vetera tantum cogitemus: hoc, hoc, miserrimo tempore, fugas, clades, cædes, & maria calamitatum quas patimur, natæ primò non nisi ab iuulio isto in Aulâ calumniarum. Doletis hærere in reip. visceribus discordiarum hæc tela? Calumnia iniecit. Ardere tot iam annos faciem hanc ciuilium bellorum? Calumnia accedit. Nec quidquam malorū videmus aut vidimus, quod non ab hac scaturigine diffusum. Populi in reges, reges in populos, non aliâ re excitati primò atque irritati sunt, quam hoc lingua-rio flabello. ut maria suâ sponte quieta vento intumescunt: sic Principes naturâ sæpe boni aut mires, per incendiarios istos inardescunt. Perniciem igitur Validam, & Variam, in Calumniâ nunc habetis. quam Christiani nostri veteres præclarè intellexisse mihi videntur, cum patrem omnis vitij, immo ipsum vitium, monstrum inquam illud ab inferno, Græcâ voce Diabolum, id est calumniatorem, propriè dixerunt: arbitrati scilicet, nocentissimum hostem, non alio nocentiori nomine potuisse designari. Nec minus indomitam eius vim legislatores prisci considerarunt. qui cum vitia cetera legibus aut poenis coërcerent: huic vni, quod miremur, apertos carceres & velut li-

I. LIPSI Operum Tom. II.

berum campū reliquerunt ad hocendum. Itc enim per omnes hominum gentes: fallo; aut nullam in ihi dabitis, ubi vitium hoc legum frœno aut sanctione comprimitur. Apud Athenienses quidem multa pecunia calumniatoribus fuit, fateor: apud Romanos frons ijs inusta K litteræ notâ: sed nemo erret; non istis meis susurrionibus, dum taxat illis qui in iudicio & publicâ accusatione calumniabantur. Quid ergo? aut tam cæci illi, ut perniciem hanc non viderint: aut tam fatui, ut visam approbarint? Nihil horum. sed scienter & iudicio virtutem extra poenam habuerunt, quod esset extra medicinam. Mediocribus amnibus repagula sua sunt: communī alicui diluviis qui aggeres resistunt? Orbem terræ Calumnia inundavit; hæret & habitat in pessimæ huius naturæ medullis; nec iam inter culpas censetur, sed mores. Quid facerent? opinior, quod prudentes & pudentes medici, qui nec cancro manum temerè admouent nec tabi. Itaque mali magnitudo & diffusio asseruerunt hanc in libertatem: nec comprobata ea, cum desperata est.

Sed ne longiori oratione me fatigem, vos detineam: flectere hanc nauim ad portum incipio, & venio ad tertiam, ultimamque partem, quæ est de Calumniæ cautio-ne. Quam si quis ita accipit, ut immunem tutumque ab omni calumniâ futurum se speret: næ ille errat, & exigit à me quod non est virium humanarum. Prodeat, non dicam Thales ille alumnus Sapientiæ, sed Sapientia ipsa: numquam eum dabunt. Quid ergo est? duos tantum velut clypeos suggestere possum, qui vim aciemque eius incurrentis frangant & redundant. è quibus priorem, Innocentiam, alterū, Patientiam appello. Innocentiâ inquam ante omnia temuni, quisquis effugere vis malæ & hiantis huius diuæ mortis. Nam certè qui vita integri, linguâ cauti, actione modesti: quid ab eâ timeant? Ut locis lœvibus & politis ægræ sordium aliquid adhærescit: sic male-dictum sedem vix inuenit in vita puriore. Itaque sæpe tegmen hoc profuit: mentiar tamen, si dicam semper. Ciceronem scio scribere: *Vt ignis in aquam coniectus continuo restinguatur: sic falsum crimen in castam vitam.* Vrinam tam vere, quam disertè! quam multos enim vel purissimæ & pœnè supra hominem vitæ Calumnia læsit, & lædet? & efficaciter læsit: adeò ut sanguinem omnem ab ijs succinque duxerit bonæ Famæ. Nec

Z 3 mire-

miremur. Calumnia enim, ut docui, mendacio ferè graffatur; & id tuto: quia apud iudicem vnum; & qui non querit plerumque, sed credit. Itaque rem hanc p̄tē magno Oratore vidit melius magni Rēgis adulatōr & copriā: qui ideintidem monere solitus, *Quidvis in quos vir esse configendum: Vt exim, aiebat, vulnus maximum sanet, manib⁹ tamē cœtrix.* Pestilens, sed, itamē Deus amet, ingeniosum dictum: & cui origo, atque item fides, ab ipsā nostrā naturā. Insitum enim, plerisque hominum, non solum patulas sed etiam cedulas aures delationibus habere: & id magis, si ad lēsos eā pertinet, aut lēdendos. Et cū semel aspersus sis, vix est vt plenē eluas hanc labem. Suspicio inquit manet, ubi non crimen. Ergo altero etiā clypeo meritō te muniui: quem Patientiam dixi. Eius viu & vsum hunc esse volo, vt calumnias quas vitare non potes, fortiter & erectā ceruice feras. Vargonis argutum olim dictum fuit de malā coniuge: *Ferendam eam, aut tollendam esse: tu usurpa in pessimā hac viperarū, & tolera, quod non tollis. Feras autem? imo & spernas. Ve bonus & animosus miles leuita & circum galeas crepitantia tela contemnit: sic vir robustus & sapiens dicteria: Quid enim tibi tollunt? Fainam? bona ea semper erit apud bonos. Virtutem aut Sapientiam? non subiacent ea arbitrio humano. Denique cū omnia carptores isti fecerint, dixerint: vero altoque animo clamabis, *Omnia mea metum porto. Quod si infamiae tamen specie moueris: benē, si verā, sin autem falsā, quid ad te? Ne applica tibi, non eam habes. Diogenes ille Cynicus altæ sapientiæ vir, & qui non vicit solum hominem, sed excellit, dicere solitus cū turbæ subsannarent: Illi me rident? ego non rideor. Tu idem fac: & dicta illa omnia siue scommata sic audi, quasi**

iacta in aliena. Nemo ab istis conteritur aut contemnitur, nisi qui ante se cōtempserit. Mi: Cato, Romanus ille Socrates, in os percussus & quodam cūm idem satisficeret, deinde & deprecatur: *Non hercules, inquit, animaduerteram. O eximium & supra viros virum! qui altius meliusque putauit non agnoscere iniuriam, quam ignoruisse. Et vero, si iudicio exalmitamus, quam tula ista sunt, quæ nos turbavit? verum plerumque nihil, sed verborum aliquot nūgæ: quorum maior etiam pars constat vicio interpretantis. Noli ea intelligere, perijt conuictiori consumelia suæ fructus. Hæc vera, Auditores, hæc solida in Cahniam arma sunt: non illa quæ vulgi usurpat, reponete & vindicaret. Vt in via: si canis aut equus luto me adspergat, non exaudiesco statim & vicissim in illum regero, sed potius me purgo: ita hæc faciendum, & omnes isti pro caniculis aut equuleis habendi, qui non iudicio sed impetu & proteruiā lēdunt.*

Sed iam desino, & complico, ut sit dicam, Orationis meæ velæ. Tria hæc audistis, Fœditatem huius vitij, Perniciem, Cautiōnem. Oro, obtestorque vos Auditores per Deum immortalem, spernite à vobis longissimè hanc pestem; nec à linguis solum, sed ab auribus etiā vestris. Peccat enim hinc non modò qui dicit calumniam, sed qui excipit: & vt ferrum ignitum tangere sine noxā non est, non item assistere amburentibus hisce linguis. Blandiuntur & insinuant, scio: verbis comitate, vultu amorem præferunt, vos mihi credite: aspides illæ sunt, & venenum suum inspirant sopiente quodam & fallente morsu. Quod ad ipsos attinet, nihil eos inoneo. voueo & imprecor cum Davide potius: *Muta fiant labia dolosa, que loquuntur aduersus Iystum.*

C E N S V R A.

Hec selectarum Epistolarum Centuria, ex supremis pñne lucubrationibus Ivsti Lipsi V. C. collecta, & in ordinem digesta, quod virum Clariſ. pridem eruptum, Orbi restituat, & quam magnus semper inter Magnos fuerit, luculenter ostendat; meritō typis excusa, diuulgabitur. Actum Antuerpiæ XII. Kal. Iulij. 1577.

Laurentius Beyerlinck Antwerp. S. Theolog.
Licentiat. Librorumque Censor.

IVSTI

IVSTI LIPSI
EPISTOLARVM
SELECTARVM
CENTVRIA SINGVLARIS
AD ITALOS ET HISPANOS,
QVI VE IN IIS LOCIS.

16911 IT&VI

MURKLAND BAPTIST

WILLIAM BAPTIST

CARLTON BAPTIST

TO BAPTIST

ILLMO ET REVMO
F R E D E R I C O
B O R R O M Æ O
S. R. E. C A R D I N A L I
E T

ARCHIEPISCOPO MEDOLANENSI.



NIMVS iamdiu me impulit, munus aliquod ad te mittere: & caussas habui à beniuolentiā, imò & beneficentiā tuā. An non sic interpretēter humanissimā ad me scriptionem, cùm in hæc loca primitū venissem, quā me non dicam in Italiā, sed in domum tuām invitasti? Et iterasti hanc benignitatem sæpius: vt iure obligatū me fatear, nexu quem profiteri magis, quām soluere ego possim. Et ecce profiteor animo, ore, stilo: & hoc nomen in fronte huius libri proscribo. Quem non donum, sed syngrapham ad te mitto. qui autem donum, quod nec meum quidem dixerim? nisi collectione fortasse & ordine: cùm singulæ Epistolæ singulos suos iamdiu dominos habeant, ad eos missæ & inscriptæ. Hoc tamen meum, quod sparsas vel errantes redigi in numeros & GENTVRIAM: si vel eo nomine ac titulo leuis hic miles dignus: qui adeò arma aut ornamenta non habet, vt vix vestimenta. Simplex totum genusest, à cultu omni nudum: & quod sola extemporalitas vel commendet, vel excuset. Prodeunt tamen tuis auspicijs in lucem, imò in aciem: & quidni aciem? ita multi, velut famæ prædunculi, in subfessis hodie sunt, vt properos & incautos istos sermones excipient. quid ad me? imò ad te iam III^{mo}, cui perire eos deinceps aut viuere proclamo, domo ac manu meâ semel missos. Tibi militent. & quam à viribus suis non spondent vitam aut victoriam, à tuā virtute & prudentiā consequantur. quæ vtrāque in te clara sunt, &

— *qua nec ventura filebunt
Lustra, nec ignotā rapiet sub nube cunctus.*

Viuit etiamnunc in te, & heroicā istā indole, vel PIVS QVARTVS Pontifex Maximus, proauunculus tuus; vel patrius CAROLVS BORROMÆVS, magnum vterque æui nostri sidus: cui alteri

Con-

Concilium Tridentinum, absolutum promulgatumque, Christianus orbis æternum debebit: alter ea pietatis & virtutis eximiae signa impressit, ut non cum nostræ stirpis hominibus, sed

(*Fas mihi sanctorum venia dixisse parentum*)
cum illis è primâ & purâ Ecclesiæ luce comparandus, multis & præponendus, videatur. Itaque Mediolanum vestrum talem Antistitem optat semper, numquam sperat: nisi in te fortasse, qui vt nomine & sanguine, sit virtute accedis. nam vt contingere te dicam, bonâ tuâ gratiâ non possum. Sed illum & te omittô: quia, vt poëta cecinit,

Fucati sermonis opem mens conscientia laudis

Abnuit: HIC MA

& vna ac verissima hæc illius laus est, ex vero non posse laudari; tua, nec velle. Ad me & munus meum redeo: quorum utrumque tibi consecro. istud vile aut leue, vt dixi: me, utinam tam, qualem aut iudicas, aut optas! Louanijs, pridie Kal. anni noui . . . Ioci: quem felicem tibi, aliosque, ire voueo, vt ex bono publico,

fliacos aquare senes, aut vincere possis.



AD

AD LECTOREM.

HN tibi, Lector, hanc CENTVRIAM, nono exemplo ad duarum regionum populorum tantum scriptam. Causa nobis huic ab iunctionis faciunt, cum et confusa tolleretur, in omni miscellaneo populo timenda; tum ne iteratio ad varias, eadem de re, eodem tempore, naufragi gigneret in animo Lectoris. Est & alia causa, quam ego scio, aliis suspicetus: & tres iste effecerunt, ut eligerem dispareare. Nec sane omnes etiam ad easiphas duas gentes edo. qui possim? perierunt mea aut arnaniensium incuria multa, & quadam felicius fortasse nata: nec magis recolligam, quam vates illa sua folia,

Quæ desperia volantrapidis ludibria ventis.

Qui etiam debeam? sunt quadam graves, seria, & in quibus de rep. aut consilia sunt, aut indicia: qua submittere hodiernis linguis aut censionibus, non dicam parum tutum esse, sed & hominis parum tute. Ego in his paucis si puncta suffragij tui feram, excitabor ad colligendas reliquias: tui, inquam, suffragij, qui inter bonos doctosq; es, & cuius mentem liuor aut imperitia non habet. Nam de talibus, quid ad me? scio & Momum sum Venerem carpere non posset, sandalium eius obtrectasse: ita hic tales tale aliquid, quod in factioso isto aeo non sit ad huic aut illius gustum. Evidenter eos esse me fateor,

— quos nec

Falsus honos iuuat, aut mendax infamia terret:
tamen si bonis etiam ista non bona, defino; nec scopum me ultrà propono.
Euripidem magis audio:

* Απλᾶς δὲ λύπας ἔχον, τοιοῦτοι διπλᾶς.

* Simplex
malū cùm
licet, haud
feram du-
plum.

INDEX EPISTOLARVM SELECTORVM CENTVRIÆ SINGVLARIS AD ITALOS ET HISPANOS.

AENEAE Visanio Doctori Medico	xxii.	Bonauentura Calataieronensi, Sodalium D. Francisci supremo Praefecto	l-vj.
Alfonso Ciaconi Doctori Theologo	vj.		
Andrea Schotto è Soc. Iesu	xxxvij.	C	
Angelo Spanochio, Patricio &c I ^o	xxvij.	Cæsari Baronio ix, Cardinali lxxi, xc ^v .	
Antonio Couarruiae	viii, lxxvij.	Carolo Lafaillio	lxxxij.
Antonio Posseuino Soc. Iesu	lxij.	Cynthio Aldobrandino, Cardinali	xcvij.
Afcanio Columnæ, Cardinali	xl, lxix, lxxxvij.	E	
B		Emanueli Correa Lusitano	xcvij.
Balthasar de Zuniga, Legato Regio	lxxxvij,	Emanueli Sarmiento de Mendoza, Doctori	
lxxxiiij.		Theologo	lxxxix.
Benedicto Ariæ Montano Theologo	iv.	Erycio Puteano	lvij, lxxix.
			Fer-

F			
<i>Ferdinando Diazio Lusitano</i>	<i>ij.</i>	<i>Ioanni Vincentio Pinello</i>	<i>lxvij, lxxvij.</i>
<i>Flaminio Moro</i>	<i>xvij, xxvij, xxxv.</i>	<i>Ioanni VVouerio</i>	<i>xciv, xcix.</i>
<i>Francisco Bencio</i>	<i>xij.</i>	<i>Julio Cesari Velio</i>	<i>lxxxij.</i>
<i>Francisco Houio</i>	<i>lxxvij.</i>	L	L
<i>Francisco Leonino</i>	<i>xxij.</i>	<i>Ludouico Perezio</i>	<i>liv.</i>
<i>Francisco Orano , xi. viro libibus indicandis.</i>	<i>xxxix.</i>	<i>Lupo Dionygio à Castella</i>	<i>lv.</i>
		<i>Lupo Soarezio, Episcopo Portalegrensi</i>	<i>lv.</i>
		M	
<i>Francisco Sforzia, Card.</i>	<i>lij, lxiv.</i>	<i>Martino Idiaqueo, Regi à secretis</i>	<i>xxxiv.</i>
<i>Frederico Borromaeo, Cardinali</i>	<i>xix, lxxij, xcij.</i>	<i>Matthiae Ouando, Doctori Theologo</i>	<i>lj.</i>
<i>Fulvio Vrsino</i>	<i>xdvij.</i>	<i>Melchiori Zoppio</i>	<i>xxij.</i>
G		N	
<i>Gabrieli Paleotto, Cardinali</i>	<i>xliv.</i>	<i>Nicolao Damantio, Brabantie Cancellario</i>	<i>xxx.</i>
<i>Garzia Figueiroa, Regi à cubiculo</i>	<i>lx.</i>	<i>Nicolao Micaultio</i>	<i>lx, lxxxvij.</i>
<i>Gasperi Schoppio</i>	<i>lxxxv.</i>	<i>Nuno Mendozio Lufitano, à cubiculo Principis</i>	
<i>Gaston Spinula, Gubernatori Limburgensi</i>	<i>lxv,</i>	<i>lxxxiv.</i>	
	<i>lxxx, xcj.</i>		
<i>Guilielmo Scarbergero suo</i>		O	
H		<i>Octavio Episcopo Tricaricensi, Nuncio Aposto-</i>	
<i>Hieronymo Mercuriali</i>	<i>j, viij, xlij, lxxvij.</i>	<i>lico</i>	<i>xxxvij.</i>
I			
<i>Iacobo Mariae Campanacio</i>	<i>xxv.</i>	P	
<i>Iacobo Sirmondo Soc. Iesu</i>	<i>ij.</i>	<i>Paulo Monelie Genuense Patricio</i>	<i>xij, lv, lxvij.</i>
<i>Innocetio Maluasie, Nuncio Apostolico</i>	<i>xx, xxxj.</i>	<i>Petro Enriquez Comiti Fontano, Gubernatori</i>	
<i>Ioanni Baptista Hansenio</i>	<i>xc.</i>	<i>Belgice</i>	<i>xlj.</i>
<i>Io. Baptista Sacco</i>	<i>xiv, xlj, lvij, lxv, lxx, lxxij.</i>	<i>Petro Pantino Decano Bruxellensi</i>	<i>lxxiv.</i>
<i>Joanni Costae, Doctori Medico</i>	<i>xxix, xxxvij.</i>	<i>Petro Pendasio</i>	<i>xxxij.</i>
<i>Ioanni Ferdinando Velascio, Comes stabili Castelle</i>	<i>xlvij, lxj.</i>	<i>Philippo Pigafette</i>	<i>xcij.</i>
		R	
<i>Ioanni ab Hollandt</i>	<i>lxv.</i>	<i>Roberto Bellarmino Cardinali</i>	<i>xcvij.</i>
<i>Ioanni Idiaqueo , ab interioribus consilii Regi</i>			
	<i>xxxij, xlvj.</i>	S	
<i>Ioanni Michaëlio, Equiti , Procuratori sancti</i>		<i>Stanislae Rescio, Legato Regis Poloniae</i>	<i>xij.</i>
<i>Marci</i>	<i>xvi.</i>		
<i>Ioanni Ramirez ab Arellano Jao</i>	<i>lij.</i>	T	
<i>Ioanni Verastegui , Praesidi Censorij tribunalis</i>		<i>Thome Segeto</i>	<i>lxij.</i>
	<i>xluj.</i>	<i>Triumviris Instauratoribus Academie Pataui-</i>	
		<i>ne</i>	<i>xv.</i>
		V	
		<i>Valenti Acidalio</i>	<i>x, xxvij.</i>
		<i>Vlyssi Aldroando</i>	<i>xvij, xxiv.</i>



IVSTI

IVSTI LIPSI
EPISTOLARVM SELECTARVM
CENTVRIA SINGVLARIS
AD ITALOS ET HISPANOS.

EPISTOLA I. *Pisar.*

Ivstvs Lipsivs Hieronymo
MERCVRIALI S. D.



ERTE rarò inter nos scribimus, & id pro affectu meo in te dolet. Quid mihi gratius, quām te affari & alloqui, quem amo & æstimo vnum nunc pēnè Italorum? sed loca nos sciungunt, vt vides; atque etiam miseriæ istæ temporum, & dissidia animorum. Cui rei tamen medicina nunc in parte. Nam ego me abduxì à locis, in quibus vixi haetenus, & transtuli in Germaniam ad loca puriora. Puto me capis: atque occasio erit non solum səpiùs inter nos scribendi, sed etiam liberiùs, remoto omni metu illo suspiciorum, quæ me frustrà premebant. Ego bonus sum, fui, & magis palam ero. Tibi, pro amicitiâ nostrâ, liberè hoc indicatum volui. De Magni Ducis Etruriæ honestâ conditione, quam mihi defert; nihil adhuc accepi, præter ea quæ litteræ tuæ strictim delibant. Tamen, vt nunc valetudo & res meæ sunt, parere & obsequi vix possum, etsi benignissimè vocanti. Italiam vestram amo supra omnes terras, sed frui eâ & vobis multa nunc vetant: vtinam tamen vel cursim iterūm possem inspicere, & vos tales amplecti! digito videar mihi cælum tangere, & beatus esse supra omnes beatos. Videbo quid valetudo feret, in quâ curandâ nunc totus sum, & ad fontes acidulos me confero, ad intemperiem hanc mitigandam aut (ô vtinam Deo visum) tollendam. Vale vir maxime, & semper mihi care. Francofurti ad Mœnum, xviii. Kal. Maijas, 15. xci.

EPIST. II. *Hamburgum.*

FERDINANDO DIAZIO LVSITANO.

SICVT ij qui in suavi concentu Musico

I. LIPSI Operum Tom. II.

secum ferunt; sic nobis à tuo suauissimo conuictu Hamburgi factum, & te, sermones, conuiua loquimur etiam, non solum cogitamus. Nam, per Deum, quæ tua in nos comitas, quæ liberalitas? quæ vita & mores? Cepisti me, è pectore dico: & æternūm inhabitabis hoc ipsum pectus. Enim uero hominem ignotum ignoto eam benignitatem & prothymias, vt cum Plauto hoc dicam, exhibere, mihi haec tenus ignotum: & adscribam meritò occulto alicui astro, quod me tibi temperat & iungit. Iam mores tui, quales? non melius quām Poëtæ verbis descriperim:

— *fæcunda quies, virtusque serenâ
Fronte grauis, seuisque decor, luxuq; carentes
Deliciae.* —

Habes opes, industriam, litteras: sine iactantiâ, procaciâ, vanitate. Felicem animi & iudicij! mane in hoc limite, & inoffenso pede ad calcem decurre. Nec patria te moueat, de quâ in vltimis verbis tuis querebare, & tristiora præsagiebas, quām in re sunt aurerunt. Audi me. nihil noui ei factum. rediit à quibus auulsa est, & post annos CCCCLX. amplius, reliquo Hispaniarum corpori est inserta. At decus eius & imperium periit! regna alia considera, non nouum. Illud Syriæ, Ægypti, Iudææ, Macedoniæ ubi est?

— *quidquid in altum*

Fortuna tulit, ruitura leuat.

& sapiens ille verisimilâ imagine: *Πάρτα τὰ
ὄντα απόχθε, οὐαὶ εἰς Εὐείπω, ἀστοὶ κατέστησαν. Hæc meditemur, philosophemur. & sic ut nube ingruente sub tectum confugimus: sic in calamitate ad Sapientiæ hanc arcem, quam fortuna nullis machinis euertit. Mihi quoque opus, ô amice. & priuati calumniæ, incommoda, damna circumstant: sed vt gubernator fluetus assilientes neglegit, manum in clavo habet, oculos in astris: sic nos oportet, quod bene agimus agere, & mentem ad Deum referre. Ego in eo sum, & consilium meum nosti. neque profectò decebat, cui natura cum bonis esset, vitam

* Omnis
qua sunt,
volut in
Euripo.
sursum ac
deorsum
versantur.
Plato.

A a

yltrâ

vltrà cum aliis esse. Vale, & nouum quidem, sed ex asse amicum habe. Aquis Spandanis, xvii. Kal. Iul. &. 15. XCII.

E P I S T . I I I . *Romam.*

IACOBO SIRMONDO *Societatis Iesu.*

GRATIAS tibi mi Sirmonde habemus & dicimus. quo nomine? inquies: hoc ipso, quòd tam grata illa ad me misisti. Etsi enim non à te, tamen per te accepi. & vt in digniore munere, etiam grati aduersus baiulos sumus, & in uniusculo prosequimur; sic ego te isto litterarum, cuius operâ & curâ sacra illa donaria accepi. Estne caussa scriendi alia? etiam, simpliciter enim agere debeo. Audiui à nostro Delrio ea de studio non virtutis solùm, sed eruditionis tuo, quæ excitarunt me ad amorem. Eum serio nunc defero: si referre placet, siet amicitiae nexus & copula, quæ ante extremum diem metuat solui. Vrbem vrbium, in quâ nunc agis, à Bencio meo desertam, tenui famâ accepseram. cur non autem ipsius litteris? nisi si subitum hoc iter fuit, vt solent vestra. Nos breuî, nisi fallor, Louanium, idque habitandi caussâ: nec aliâ remagis aut spes aut sermones inciderimus improborum. Nisi enim decreto bonus essem, an sic me darem in ipsam bonorum arcem? Et possent nos reuocare aliqua: vt quòd locus nunc infrequens, quòd limitaneus & parum tutus: sed Pieratis illo aspectu omnia spernimus, &

* Deo diri gente, nihil est quod arceat.
cum Pindaro, * Θεος δειχαρτηρία πρηγλων, αὐδή δὴ τὸ κολύνειν. Vale mi Sirmonde, & vota pro me interpone. Leodici, postrid. Idus Iulias, &. 15. XCII.

E P I S T . I V . *Hispanim.*

BENEDICTO ARIAE MONTANO.
Theologo eximio S. D.

MIRA & sagax tua benivolentia. ego vix has oras attigi, & litteras tuas video, aduentum gratulantes. Quis indicium fecit, nisi fama illa, cui ad stipulari nunc possum celeritatis, vel ab hoc exemplo? Sed ita me Deus & omnes cœlites, vt iucunda mihi hæc tua gratulatio. illa tantum beneficia adiuncta, & munus vñā mittis. Nec hoc, sed offers etiam alterum, & inuitas me in Hispaniam, & tuam vrbem, imò domum: nec vt hospitem, aut amicum, sed (eo verbo vtendum est) quasi filium. &, quis mihi crederet? te viuo rerum tuarum consortium,

mortuo successionem ex asse offers. O petus benignū, effusum, & cui quid aut quomodo respondeam? Profectò redigor ad silentium, non excitatus beneficiis tuis, sed oppressus. Atque hæc delatio mhi maior, quia à tali viro. Inter vetera scirè dicta, Crispi Passieni, opinor, hoc est, *Malle se à Claudio beneficium, ab Augusto iudicium:* at à te ego ecce vtrumque accipio, cuius vel iudicij vnius elogio censuerim me beatum. Sed age mi Aria, tu illum imitare ad quem accedis. da beneficia, offer beneficia: non aliter quām arbor pomis grauida, quæ ramos demittit, & quasi inuitat ad carpendū. Ego me communiter olim tuum, qui totum nomen Belgarum opitulando & subleuando in asperis illis temporibus deuinxisti, nunc propriè sic obstrictum sentio, vt non dicam paria facere, sed nec linguâ, stilo, mente concipere possim. Sicut aqua multa per exiguum canalem, quæ vulnere, impetu ipso sistitur & se includit: sic mihi fit, qui copiâ benivolentiae simul & beneficentiae tuæ obructor: atque hanc remitto, illam intimis votis, vt in me serues, deposito. De rebus nostris, pauca adhuc scripserim, recens etiam de viâ: sed aut bonæ erunt spero, aut ego bonas faciam interpretando. Vale vir optime, maxime: & æternum me amat u, pænè dixerim, æterne. Certè ingenio iam effecisti, vt mortalitas tua finiri possit, non vita. Louanij, Nonis Septembris, &. 15. XCII.

E P I S T . V . *Vlyssiponem.*

LVPO SOAREZIO, *Episcopo Portalegrensi.*

QVI D hoc esse dicam non affectus, sed vero verbo ardoris, quòd nulla à te epistola ad Plantinum, quin de me & solicite quæras, & benignè iudices, & amanter salutes? Diu sustinui manum, pronam scribere, & affectum reponere (quid minus possum?) sic prouocanti: donec hæc ultima epistola tua laxauit, in quâ eò descendis, vt vota & cupidinem etiam interponas mei videndi, atque amplectendi. Significans dignitate auctum te, & opes non animum tantum esse ad bene faciendum. Itaque etiam inuitas. Macte ô Antistes! cui vtinam similes (nam pares nolo dicere) plures Europa nostra habeat, felicius tranquillusque regenda. Sed pretium quod artibus istis apud nos sit, pudet vel patriæ caussâ dicere: iacent profectò, atque ij qui eas præferunt & profitentur. Sicut pueri trochos, pilas, pupas &

& leuia rerum admirantur, securi vtilium : sic plerique è nostris ad vana diuertunt, honesta non neglegentes solùm , sed illudentes . Sed & publicè oleum huic lucernæ parcè infunditur : quod dicere tamen magis me scito , quām queri . Nam ego cum illo veteri,

Felicem scui, non qui quod vellet haberet,

Sed qui per fatum non data non cuperet.

In hoc ænum nati, in hanc sortem sumus : apto me ad illud, & hanc fero, sublimi animo, vtinam corpore tam valenti ! Sed illud me deserit, lentum, languidum, & abiungi palam minatur. Quid nouum ?

— *Ibimus omnes,*

Ibimus, immensis vnam quatit Æacus umbris. Atque hæc talia in Thrasæ nostro inclusa ; de quo quæris , & eliciis frustra . Ille caput non profert, & in utero abortit hæc infans . Vale Vir Reu^m & magis tuo merito , quām Regis beneficio magne . L. Bat. x. Kal. Ianuar. &c. 10. XC.

EPIST. VI. *Ronam.*

ALFONSO CIACONI *Doctori Theologo,*
S. D.

SVADET affectus meus, sed & tuus, vt ad te scribam. De meo; quomodo non is ad te inclinet, qui me agnotum beneficio , & quidem in re summa , affecisti ? nec enim ignota nobis sunt, quæ Romæ gesta . De tuo ; illum ipsum amicum mihi esse, tum sermo quorumdam , tum propugnatio famæ scriptorumq; meorum, palam ostendit. Quam etsi iudicio data in arbitror , & cupio ; tamen quod tam prompta , quod tam solicita , adscribo etiam certe amori. Gratum me esse dicam ? sum animo: verbis ægrè possum, minus factis. Delego hoc nomen superis , & illos votos conuenio, vt pro me soluant . Sed tamen iudicij , & actionis tuae , quod minus te panicat, hoc addo : esse me corpore, vt ante animo, apud bone: & mansum , quandiu haec vita. In scriptis ipsis meis , si quid mindus lucet aut liquet ; non offero solùm interpretationem aut emendationem , sed promitto. Hæc puro animo ad te : atque etiam illud , si minuta quædam offendunt quosdam (ita intelligimus) ea ipsa paratos aut corrigere , aut potius delere . Audio esse, qui de Bembo aliquid liberiū dictum impatienter ferant . Atqui virum eum depresso non iuimus, sed iuuentutem retractam voluimus ab

imitariunculis quibusdam, vt nunc quoque censemus, ineptis. Scimus in versâ & prosâ oratione virum illum valuisse: sed in vtraq; extra omnem iudiciorum aleam positum esse, non consentimus. Quid si cum modo & modestiâ illaipsa diximus ? mihi videor : & si ab iis abiui ; nihil recuso liberâ admonitiunculâ intra limites compelli. vtinam tu usurpes ! audis enim iudicia illuc & voces nationis , quam nolo equidem offensam. Sed velle iudicia semper, & nequid effectus officiat. quia vt oculus, in quem humor illapsus est, parum clarè videt: sic mens, in quam ille. Ego hactenus ita censi . vt in musicâ concentus quidam discors probatur, sic esse in studiis, nec liberum aliquem dissensum improbari, si citra conuicium aut item. Sed uno verbo, tu iudex hinc atq; alibi esto: & siue mitius ea dici, siue non dici volles, fieri. Librum tuum de *Signis crucis* vidi- mus, libenter & opportunè, vt qui in simili iam argumento versamur, *De supplicio crucis*. Baronius si notus , aut potius quia notus, velim à me saluat, vir quem meritò boni & docti amant. Idem de *Consaluo Pontio Leone*, cui iamdiu in pectore isto locus. Vale Vir eximie , & nobis care. Leodici , postrid. Nonas Iulias, &c. 10. XCII.

EPIST. VII. *Pisas.*

HIERONYMO MERCVRIALI S. D.

EXCVSARI me ante omnia meritisimo cupio, quod ad litteras tuas siluisse ait : quas testor sancte, præter illas de Etrusco negotio, vidi nullas. Atqui ad illud respondi, & ex Wittendellij litteris video meas quoque perlatas. An ego Mercuriali meo respondere grauerer, qui de plebe hominibus operam hanc defero? absit. Vtique in seriâ istâ & graui re, & que ab eo profecta, quem caput agnosco Reip. Christianæ. De quâ vt breuiter & candidè respondeam (ita ingenuum meum, & amicitia nostra postulant) sic habe . Ego me honore summo affici, quod à summatis illis viris dignis loco illo in primâ vrbium iudicer, intra me sentio, & gaudeo: cum tristitia tamen illo morisu , quod nec eorum voluntati, nec meæ inclinationi, fas mihi, hoc quidem tempore, parere. Hæc enim, mi Mercurialis, & implicamur veteri nostro morbo : qui meioreta hunc vitæ usum mihi adimis, & non sinit esse earum res, ad quas aptus videor, & vos vocatis. Tu scis, quæ vis & effectus

Aa 2

Attræ illius bilis sit: quam nos diluere & mitigare (tollere, vix ausim sperare) conamur, vsu fontium acidorum, qui sunt in hoc tractu. Iuuare aliquid videntur. si plenè & bonâ fide, cum denique seriò agere & deliberare mihi libeat, de honestissimo munerे, quod defertis. Ego Italiz amorem non exui, parentis olim & nunc ingeniorum, & altricis : nec stimulos volo qui illuc impellant alios, quām internum hunc affectum. Quid etiā, quōd auctoritas, immutatus summi mortalium, mihi pro omni illicio & suaſione sit? meritò: qui ignosco obnoxium & subiectū esse debere, quidquid in terris est, capiti huic diuino. Sed cauſa illa magna, & verè ſontea, valetudo, efficiet nō ut negem, fed ut differam obsequi: donec Deo viſum, firmiorem comodioremq; me reddere, & parem inuneri, cui destinatis. Id eum rogo, ſi mihi ex vsu & salute eſt: teque Clarissime Mercurialis animo amplector & ſaluto. Leodici, xii. Kal. Iul. 15. xcii.

E P I S T . V I I I . *Toletum.*

ANTONIO COVARRVIAE S. D.

O MY Couarruuia, quām lacum luben-
temque Lipsium tuūm fecisti! deulis
opus sit ut credas, manus hec non est expri-
mendo. Ergo tam amicas, post tam longum
interuallum, litteras? ô candorem, ô fidem!
Atquin ego nec esse te, nec talem certe in
me esse, in omnium illec amicorum silentio,
iam sciebam. Caussam dicas candide, &
gaudeo, atque etiam appiobeo. Quid enim
excusem? offendimus diuini illec morā
& cūm fluctus isti magni nos eieculent
stationem illam habere fortasse licuit, non
licuit portum. Sed purgat animus in primis
iste, Deo teste, propior semper bonis: tum
etiam fortis hec mea discessio, fortis & imò
prenē violenta. ita me eripui iis, quā vi quā
astu, qui arctis lentisque vinculis detine-
bant. Deus mi Couarruuia fuit, Deus qui
adivuit. Ego & mea (mea, id est scripta &
libri) iam salvi sumus: nec Leodici vltra,
sed quod gaudeas, Louanij in ipsâ bono-
rum arce. Numquid magis palam possum
ostendere in esse, qui sum id est, pietati &
tegi consecratum? Atque ego (Deus fauca)
hanc mentem habeo, quandiu vitam. In
scriptis nostris siquid obscuri aut ambiguui
est, aut siquid etiam praei-declarabitur.

* Nam tibi
firmiter
nac, & nimi-
que ex mē-
ze profa-
mū.

2. 10 to 15 lbs of good dry peatmoss, or potting.

De me hactenus. Illud in litteris tuis & no-
uum & iucundissimum , de viro Principe
Ioanne Silvâ Comite Portalegrensi : quem
non amicum solum litteris, sed etiam nobis
significas , rarum in illustribus illis hodie
bonum. Atque is, quod meas etiam ad te
miserit, quam me deuinxit? Si occasio est,
significa: & non moris dicisque caussâ, sed
ex pectore, pectus hoc illi dona. Amamus
veneramurque meritò tales, olim in vestra
gente crebros: cur non nunc? & ad laudem
militiae, qua per omnes, immo super omnes,
gentes flotent, hanc quoque adiungunt sa-
pientiae & litterarum? Fiet paulatim, spero;
vtique cum Principem nostrum ire hanc
viam audio, & institui singique optimis ar-
tibus, quae culmen illud orment: De studiis
nostris siquid queris; paramus ordine da-
re Historicos plerosque priscos : & nunc
velut extra ordinem damus tres libellos de
Cruce. quo argumento? inquiet. mixto, &
partim sacram, partim profanam historiam
iis illustramus. Quidquid in supplicio illo
olim fuit;

* Ex ῥῷ ταῦτα εἰς τὸν χεραλίν τοι πάγιτ' ἔσθι.
vt cum Aristophane dicam. Videbis breui,
saluebis, & me amabis. Louanij, III. Idus
Octob: ccx. D. xcix.

E.P.I.S.T.E.M.I.X. Roman

CAESARI BARONIO S. D.

IAMDI V est cum animo feci, quod re-
nuncio prosto. Scripsi in quantum ad te; &
coire voluit amicitiae quoddam sedulus. &
nonne mea iuuent virtus & emulatio tua
multiplex, & clara per Christianum orbem?
Addo sicut & benivolehiam, quam nuper
estendisti palam, in aemula curadâ & com-
mendandâ. Quod sadis amam meam perti-
nere visoin; id vtrò du sapisti, & laborasti
pro me, quasi pro amicissimo, aut ipso te
posses. Ego hæc non scribo in oblitioneis
aquis et amore iam olim in agne Baioni, &
deinceps in agis magisque volo. Sum tunc
denique purus, tamen putos: & hoc quod
agitatum de *Politica* meis corrigitur, ipsi
fecimus, ut amicus noster (nam & tuus cer-
te) *Heuri Cuyckius*, eximius Theologus, di-
cet aut scribet. Ad summam, amo te & co-
lo: ut alterum mihi facias, te rogo. Lou-
nij. lxxv. Kal. Jun. 1510. xcli.

三、二、一

THE LITERARY EPIC.

EPIST. X. *Patauium.*

VALENTI ACIDALIO S. D.

Tv verò quid facis mi Acidali? Amici-
tiam meam ambis? abi, abi, frustrà:
quid ita? iam diu habes. Testor Kalendas
anni huius auspices, & ita mihi felix ille eat,
vt te amauit cùm prium fætum illum in-
genij tui vidi, *Velleianas Notas.* Leuiculas, in-
quis. Auctor dico, & in hac modestiâ
consta. O ornementum iuuentutis, pudor:
seges veræ gloriæ & doctrinæ! Alij, inquam,
omnes inclius de te, quàm tu sentiant: &
sic parua tibi videantur quæ feceris, vt ma-
iora cottidie possis. Vix autem faciet, qui fa-
cere se iam putat. Sed ad amorem, in clau-
sulâ illius libelli tui, quàm veri & viui ignes?
sensi, tetigi, & me quoque iamtunc accen-
derunt. Quid nunc, cùm ventilas eos velut
flabro suauissimarum epistolarum? vno ve-
roque verbo, Amo: & velut ad aras tibi,
cum poëtâ, spondeo:

σέ θεα εκ δηλιόσματος, δέρπ' αὐτὸν ἔχειν
Σωτῆσσα μητέω, καί μοι φίλα γάμωνται δέρψει.

Certè, naturâ ipsâ duce, amo ingenia, quæ
rectiora video, & ire ad bonam famam. Ia-
num Guilielmum, popularem tuum, quanti
ficerim, ipse sciuit, atque etiam posteri, si
vita aut gratia meis scriptis. Tu succede.
quoniam Deus illum eripuit, optimum quo
pessimo, & constituit in felici illâ sede. Nos
quoque (an aliquid vaticinabor?) breuî illuc
imus, vt valetudo hæc dictat, vacillans, te-
nus: tu viue nostri memor, & vale. Louanij,
Kal. quas dixi anni 15. XCIII.

EPIST. X I. *Romam.*

FRANCISCO BENCIO S. D.

Mihi verò exclamare magis lubet, O
negligentiam, ô perfidiam! & non
dum meas tibi redditas esse? tibi vni? imò
& Baronio & Bellarmino, ad quos utrosque
scripsi. Quid autem scripsi? benignè & can-
didè, quod in animo sentio, rem totam me
permittere arbitrio ipsorum. Misericordia &
notas, vti hîc correxi, censore publico
Henrico Cuyckio probante. Mi Benci,
alibi molles fortasse simus: in re pietatis, sic
vt ferrum. Prima illa & summa opinio est,
nihil hîc sapere præter id quod Ecclesia pri-
sca, id est nostra. Nam qui aliquid libauit è
Patribus aut Conciliis (nos fecimus) scit il-
lam esse vnam. Sed frustrà, opinor, hæc ite-

I. LIPSI Operum Tom. II.

ro, & nostras iam accepistis: nostras, in-
quam, nam Cuyckius adiunxit. Accepi nûc
nuper epistolam à Stanislao Rescio, Deus
bone qualem, & quàm nô eleganter solùm,
sed nouiter scriptam! Me in Politicis imita-
tur, & frustula sumit ex auctoriibus priscis,
atque ea nequit. me imitatqr? imò superat, &
coronam hanc è capite meo illi dono. Ecce
ad eum litteras vicarias, virum & titulum
probè non noui (scripsisti Legatum Regis
Poloniæ esse) ergo tu pro me inscribe, & de-
còrum hoc serua. Id ipsum proximis tuis
significa, quia percolere amicitiam cum il-
lo viro mihi est in votis. Salve mi Benci, &
per te quoque tuasque preces fac me magis
saluum. Louanij, xiii. Kal. Septembres,
15. XCIII.

EPIST. XI I. *Neapolim.*STANISLAO RESCIO,
Legato Regis Polonie.

Obstupvi ad tuam epistolam, & vt le-
gere coepi, statum non tenui (rem nar-
ro) sed resilui & retrocessi. Tene, aut quem
alium, in hoc genere tam subtiliter, tam sci-
tè, & tam familiariter etiam loqui? Cecidi-
sti me in meis castris, fateor; & aut trium-
phum de me cape, si pergis: aut ciuicam, si
seruas. Non hæc sunt verba. quis tu in alio
trito genere, qui in hoc subito & inopinato
sic excellis? Sed in laudes tuas parco, quas
in me quidem congregasti nimis benignè. O
vim amoris! nam is elucet in tuâ epistolâ,
& video eum vt si in ipso corde. Ille est, qui
hæc iudicia tibi dictat, ille qui ad me mit-
tit, & iubet petere, quod debebam deferre.
Sed in ordine peccatum sit: in re non præ-
uerentes, & pari passu tecum decurrat sta-
dium hoc amoris. Nam eum quoque affe-
ctum in me cadere, Bencius tibi dicet, qui
de religione non celauit. Ea prisca in nobis
est (sepone omnes curas) & erit, auctore ipso
fidei adiuuante, quamdiu ero. Enim uero
quem modicè peritum antiquæ historiæ &
ecclesiæ, in Græcis Latinisq[ue] Patribus ver-
satum, ceperit hæc nouitas? quæ surrexit ad
turbas, vtinam non exitum, Europæ. Nos
abhorremus, & claro fortique exemplo do-
cuimus, auulsi à locis in quibus ea erat. Ad
bonos venimus, et si iacentes & exhaustos:
quia finis mihi non ditiori, sed meliori esse.
Gratia tibi magne Deus esto (tuum hoc
munus:) numquam alacrior aut erectior
fui, quàm in iacente hac publicâ & pri-

Aa 3 uatâ

uatâ nostrâ fortunâ. Sed publica, vt spero, resurget: & à quâ parte æquitas stat, felicitas etiâ stabit. Ego intereâ in quiete, libris scriptisq; nostris inuolutus; quæ voluptati mihi sunt, vt pietas saluti. Hanc saluté toto animo tibi voueo, & meipsum deuoueo deinceps tuum. xvii. Kal. Septemb. oo. 10. XCIII.

EPIST. XIII. *Antuerpiam.*

PAVLO MONELIAE *Genuensi Patricio S. D.*

ANTVERPIA vestra plures amicos mihi dedit & nuper ostendit, quosdam veteres, quosdam nouos; atque inter hos te, mi Monelia, animo planè meum. Affectus tuus in me, & bonas artes, ita clarus & ardens est, vt Pyrrho si sim vix dubitem, & redimare cogar sic amantem. Facio profectò, & hoc in chartâ istâ consigno & testor. Italia vestra plura ingenia ab omni æuo dedit, & aluit: fac vt tuum inter ea censeatur, & Ligures quoq; vestri veniant in hanc famam. Habes inter tuos, qui eminuerunt, aut eminent: atque inter eos scriptorem historiæ Lusitanicæ, mihi prudentem & probum. Tua quoque vidi ad ius scripta, laudanda profectò, sed haec tenus, vt gradus tibi sint ad maiora, non vt meta. Ætas adest, ingenium, industria, opes etiam; id est, omnia quæ ducere te ad alta aut ad summa possint. Hor tor & faueo; siquà possum, etiam iuuuo. Experite. Louanij, Nonis Nou. oo. 10. XCIII.

EPIST. XIV. *Mediolanum.*

Io. BAPTISTÆ SACCO S. D.

QUOD te non fugit, varias, & à summis etiam viris dignitate aut doctrinâ, litteras accipio: sed tuæ me inter primas delestarunt, & voluptatem inopinatam animo infuderunt, Ioannes Baptista Sacce. Quid ita? non ob caussas, quæ tibi cum aliis communes, sed ob vnam hanc eximiam, & in te propriam; quòd in eâdem domo & familiâ egeris magni illius viri, heu quondam nostri. Pectus meū mouit ea lectio. quia mortuum etiam nunc colo & veneror, & manes illius æternum mihi sancti. Benè fecit mihi, fateor: mihi, parùm est, sed etiam reipublicæ, & toti, vt verbo dicam, Christiano orbi. O consulta eius consilia! quibus utinam aut semper, aut non tardè vñi essent magni reges! Prudentiæ imaginem in terris si quis pingere aut cernere voluisse, credo eun-

dum fuisse ad hunc nostrum. Iam animus quantus, & quām altus? pariter vt corpus. Quid probitas & benignitas? summa. quis amor in artes & litteras? magnus: & eò minùs mirandus, quòd plerasque illas sciebat. Pulchritudinem peruiderat, & ideo amabat. Sed vide, quām in ipso initio eam extra calcem: te alloquor, & de alio loquor. Hoc ipso disces, quām magni mihi illa caussa, quam amicitiæ nostræ prætendis, quòd ille apud me tam magnus. Seriò & ex animo loquor. Amavit te? te amo. Amasti illum? magis etiam amo. Et accedūt hæc alia, quòd mea & me æstimas, & ultra pretium suum (cur rem non dicam?) dilaudas. dilaudas tamen cum iudicio, & liberè etiam aliquid mones. Hoc est, non dicis te amicum, sed probas. Illa ipsa quæ de religione suggeris, iam aut vidimus, aut moniti ab aliis sumus; & Politica nostra recuduntur, cum immutatione aut lenitione, quâ erat opus. Tibi nihilominùs gratia. & tales mihi sint amici, qui vtroque calculo vtantur, albo & nigro etiam cùm est opus. Nam laudare in promptu est, & sine labore peragitur: iudicatio cum intentione & peritiâ est, & virū quærit. Scribis deinde de iudicio quodam nostro, quod super *Consolatione* feci, falso (ita sentio, & sensi) Ciceroni inscriptâ. Moueri te auctoritate meâ scribis, sed requirere tamen caussas, quibus eò sim inductus. Proimprias, mi Sacce, iam olim, & publicè vulgauit Plantinus noster in eo ipso libello, quem excudit. si voles, pete. Etsi fortasse quædam etiam illîc calida: vt est ratio mea scribendi, præsertim in epistolis, nec nego: ne excuso quidem, ne bis peccem. Verè hoc quoque notas in epistolâ, vbi de eâ re * παρέπησεν: * obire: sed quid faciam? candidè hoc apud te promoto, talia ista impetu & calore quodam scribimus. Neque id peccatum fortasse; sed illud, quod vulgamus. Amici inducunt & trahunt, mollem naturâ, & facilem sequi. Sed & illud audi liberè. miror vos viros tales, qui & iudicij maturos; eruditione perpolitos (talem enim & *Folianum* habeo) ambigere in istâ re, quæ mihi extra litem videtur. Affectus aut præsumptiones ponite: quid in eo libello, re aut dictione dignum Tullio? vulgare aut frigidum totum negotium. nec excusat vir doctus, quòd in dolore. Ille vero facies etiam admouet, & facit omnia magis excitata. Quis auctor tamen sit, haud temerè dixerim, suspiciunculas moui. & vos vel nūc dicite, vbi vetus illud & primogeniū exemplar?

plar? vbi repertum? à quo? quis asseruat? Vnum id argumentum commenti, nisi profertur; vna reuictio nostra, si profertur. Aliás, nein ab animo hoc impetrabit, vt Tullij esse censem, in quibus vim & spiritum Tullij non sentiam; & nihil pro illo viro, cui in facundiâ simile non natum, non nascentur: post quem, vt ille verè canit,

Conticuit Latiae tristis facundia lingue.

Sic ego sentio: nec assentiendi cuiquam legem pono. Ultrà in hoc certamen non descendeo, nec habeo tanti. Iam in fine, quo magis amorem promas, inuitas amanter in tuam patriam, & in Italum illud solum: laudatum & amatum nobis semper, sed patria hæc tenet, in quam redij, & scito Louanij, in prisâ Academiâ (vt nûc appellamus) publicè me docere. Rex, & patriæ Ordines, honesto auctoramento me habent. In uitarunt nuper & Veneti, & summus noster Pontifex; sed excusaui, & valetudinem etiam prætexui, vtinam nō verè. Illa nobis vacillat mi Sacce, firmando cùm Deo videbitur, & tum quoque in scriptis à nobis exspecta aliquid magis firmum. Vale V. C. Louanij, prid. Kal. Feb. an. 15. XCIV.

EPIST. X V. *Venetias.*

Ad III. viros Instauratores Academie Patauinae.

MAGNO me honore afficitis, cùm in locum & successionem magnorum illorum vocatis, *Siganij, Robertelli, Bonamici, luminum non Italiæ solùm vestræ, sed Europæ nostræ. Agnosco non beniuolentiam modò, sed hoc ipso beneficium; quoniam, quod in vobis est, datis, cùm capere sit in manu nostrâ. In manu? addo etiam in mente, & voluntate. Cur non igitur sit? quia vires, & valetudo, negant: ista quidem pertinaciter tristis, & illæ imbecillæ. An decipiā & frustrer vos? Lipsium vocatis & exspectatis, & adferam eius umbram? bonâ fide hæc profero. Si benignus, & in omnia potens ille Deus, ista duo ex voto mihi daret, omnia essent pro voto vestro. Scio equidem apud vos medicos esse, peritiâ primos; scio benignum Patauji aërem; fontes in viciniâ & thermas: & quid non ad sanitatem, aut voluptatem? Sed chronici & diurni isti morbi, quâm remediis nullis aut peritiæ cedant, periti vestri medici sciunt. Ad summam, vnum hoc excuso: in cetera vtimini Lipsio, Ill^{mi} & Clar^{mi} Domini, tu nomina-*

tim Ioannes Michaëli, vt vestro. nec vulgi more prolatum hoc scitote. Louanij, prid. Kal. Mart. 15. XCIV.

EPIST. XVI. *Venetias.*

Io. MICHAELIO, Equiti, Procuratori Sancti Marci, III. viro instaurande Academie Patauinae.

MVLTA ad me signa beniuolentiae tuæ perferuntur. Amici, qui inuisunt ab iis partibus, loquuntur, litteræ alienæ testificantur: quid opus est? tuæ sic palam præferunt, vt manu tangere & tenere videar hunc affectum. Benè sit litteris, quidquid earum in me est: quæ tales viros inclinant & iungunt. Atque vtinam votis tuis fas obsequi, quæ in Italianam & ipsam Scholam vestram ducunt! Per honestum mihi in eâ luce spectari: & qui quis etiam tenebrio, pñè dicam, ibi illustretur. Quid tamen me tenet? quæ publicè dixi, & priuatim candidè, imò sanctè, apud te reuelo. Valetudo mea est, quæ incitatum hunc animi cursum inhibet: mala & præceps, non solùm anceps, & deterior etiam quâm in primore fronte exhibeo & ostendo. Sicut struthionē aiunt volandi speciem habere, non volare: sic de me dixerim, in adspectu sanum aut medium, in re non esse. Misereare. & vbi cumq; sum, tuum cense: tuum tantum? imò & tuorum cense: quia certè hoc agimus, vt quidquid possumus, diffundatur ad plures & prospicere. Sicut in publicam popularemque viam omnes seinitæ conueniunt: sic scribentium nostræ stipes, in commune generis humani ærarium inferuntur. Itaque vnu etiam me vestrum interpretare: animo quidem, vtr I IS OPTIMVS MAXIMVS QVE EST, do me vobis ac dico. II^{me} Domine salutem, inclytæ Reip. tutela & decus. Louanij, prid. Kal. Mart. 15. XCIV.

EPIST. XVII. *Bononiam.*

Vlyssi Aldroando S. D.

NOMINE & famâ mihi notus fuisti, vir eximie, priusquam scriptione. Etsi enim absimus, locorum vasto spatio disiuncti, tamen commenium multitudo est, & eorum præsertim, qui è nostra iuuentute ad vos se conferunt, optimarum artium causâ. Ex eo numero Hadrianus Romanus, & Thomas Fienus, vterque nunc medici titulo donatus, sæpè mihi laudes tuas prædicarunt,

carunt, & seriam atque ab ambitione remotam doctrinā. O mi Aldroande, quām suave est, variis præsettīm his epulis pasci? & animum permettere ad res superas, medias, inferas, & quidquid spiritūm aut animalium iis continetur? Tu cottidie facis, & arcanum illum naturæ simum excutis, fructus quoque effusurus aliquando in publicum & nostrum bonum. Atque vtinam sint Reges & Principes, qui fuerunt! non teneret te caussa illa ab edendo, quæ nunc tenet, & thesaurum hunc redimere vilioribus his thesauris. Sed bonâ fide, languet optimarum rerum artiumque amor, vt ipsæ res optimæ; & quidlibet in pretio magis est, quām quod pretio nullo digno æstimetur. At nobis ignoscendum est nostrisque, quos ciuilis iste Mars vexat, & auertit ab omni honestâ atque altâ cogitatione: vestri Dynastæ, in gremio ipso pacis, cur negligunt? cur Italiae hanc famam detrahunt, non coluisse solum semper, sed excitasse ingenia & artes? Sed est cursus hic nunc rerum, & lex quædam, nisi fallor, mundi: vt honesti honestaq; iaceant, & exsurgat quidquid turbidum est, aut prauum. An ea quoque lex, vt optimæ artes à nobis vobisque abeant, ad orbem secretum magis & longinquum? Mihi crede, incipiunt, & frigidus ille Septentrio excolitur, & nouo hoc amore inardescit. Quid ad ista me diffundo? amoris est, & iamnunc familiariter apud te loquor. quem amorem firmum apud me futuruin polliceor tibi, vir eximie; & te, qui tuum aperuisti, eodem hortor. Vale. Louanij, iv. Kal. Sextiles, 10. xciv.

E P I S T . X V I I I . Bononiam.

FLAMINIO MORO S. D.

V NDE, quis, & quare, ad me scripseris, statim in fronte epistolæ tuæ vidi. Locus, Bononia, vetus & vera studiorum mater; tu, minimè omnium quod * diceris, sed scientiæ & sapientiæ alumnus; caussa, amor in me & mea, quem acrem profectò præfers. Hæc omnia, an grata mihi, quæris? sunt mi More, sunt: & vel vna quælibet ista res traxerit me ad redamandum. O Italia, quam olim infedi, si nunc videam! si oculis usurpem insignes aliquot viros, mei sic amantes! profectò exsultem, & non capiam gaudij mei modum. Vnde tamen hic in me fauor, nisi à numine? Deus est qui impellit, & benigni cælites: quos scito mi More, piè

* Moru, id est studiis.

& purè à me coli, id est ritu prisco. Opinorum hæc aura pestilens, quæ cælum nostrum infecit, me non afflauit: & inter eos multos & caussarios sanus ambulo, in hac quidem parte. Argumentum tibi dabunt libelli nostri de *Cruce*, quos vel hac causâ scripsi, vt præcones testesque essent, non doctrinæ meæ, sed auitæ pietatis. Ergo tu non solum ita senti, sed vt alij sentiant facito, pro virili quidem tuâ parte. En manum meam, en affirmationem, non fallimus in his talibus, in quibus se primum fallit, quisquis alios conatur. O miser, qui aliam hîc linguam habet, & mentem! Sed vt, quæ causa scribendi tibi fuit, in eâ definam, amo te amantem, & id quoque fide prisca. Vale. Louanij, iv. Kal. Sextil. 10. xciv.

E P I S T . X I X . Mediolanum.

FREDERICO BORROMEO Cardinali S. D.

G RATA M tibi fuisse scriptiunculam nostram, id verò lætor, nec tamen miror. Pro ceterâ humanitate tuâ est, quâ me amplexus & amasti, & vtrò ad scribendum prouocasti. Ego verò illi respondeo, amore tantum? imò & cultu: quorum alterum affectui debeo, alterum dignitati. O Italia semper hoc nomine felix, quod non ingenia solum habuisti, sed etiam qui fauerent, & fauerent! Nobis hoc deest, liberè dico, qui diuturno isto bellorum æstu inuoluimur, & perit apud nos, quidquid elegans aut honestum. Vtinam illa tantum! sed maiestas imperij, & ipsa pietas periclitantur: si umquam, rebus nostris infirmis, & spectantibus lapsum. In Deo spes est, atque eo solo nam humana, nō dicam auxilia, sed & consilia valdè labant. Vos auditis haud dubiè, nec lubet hæc publica & tristia in epistola ediscere. Illud me in tuâ pupugit, de Benicio: de quo iam anteà audieram, fateor, sed parùm certò, & spes adhuc aliqua frænabat dolorem. Qui nunc erumpit, & agnosco ac toto animo profiteor, amisisse me inter amicos tempore, fide, ingenio primum, aut certè iuxta primos. Mi Benci, quæ tibi mens sic abeunti? me præeuenti, qui tot iam annos langueo, & fatum meum exspecto? Sed scilicet plus impuri & terreni in me, quod depurandum sit; te ille Deus, in sanctitate istâ vitæ, vocauit ad puras & æthereas sedes. Salue, salue, & vt nos tales aliquando, aut potius brevi, precibus tuis adiuta. Quò

Quò abeo? abstrahor à te Illustrissime, sed per te, qui pectus mihi fodiisti Bencij mei mentione. quod sic apertum tibi consecro, & quidquid Lipsius, aut in Lipsio, tuus est & tua. Louanij, Kal. Sept. 15. XCIV.

EPISTOLA XX

INNOCENTIO MALVASIAE,
Nuncio Apostolico.

VT legi litteras, quas ad me dedisti, varie fateor me affectum, & velut distractum. Gaudiū mihi fuit, in vocatione tam honorificā, & iudicis talium virorū de me benignis. Quid ad gloriam mihi amplius, ad commoda utrius, quam in vetustissimam & celeberrimam Academiarum venire? quæ non falsò se dicit, & inscribit, studiorum Matrem. Ego totam Italiam vestram amo, & veneror: tacitā quadam inclinatio- ne naturæ, tum etiam ob illa ipsa studia quæ colimus, quibus fons illinc & sedes. Quòd si voto meo dirigenda vita sit (sed Deus; & id quod fatū vocamus, superant:) Italia me videat, teneat, cineres etiam meos condat. At enim multa obstant, quæ pro prudentiâ tuâ, me facente, vides. Et possum fortassis reliqua vincere: vnum illud de valetudine, forte & decretoriū est, vt ita dicam. Ego ille imbecillus, in decennali amplius langore, atque eo pessimo, & qui pertinaciter spernit curam, qui veniam in Italiam vestram? & si venerim, quid faciam? Par esse muneri imposito possum? par opinioni conceper? disido. Hæc causa vna est cur tardem & abnuam, & votis vestris nō iungam mea vota. Deliberabo tamē etiam, & Deum in consilium, imò & in auxilium, aduoca- bo: si forte sub verū ceteripus vires aliquas maiores mihi donet, aut spem de valetudi- ne firmorem. Interea priuatim, gratias e- quidein habeo pro benignitate in me tuâ; quam ex ipsâ scriptione vestigiis totis colligo: & ex animo addictum me esse: & fore, verati calamo consigno. Illæ & Recæ Do- mine in bonum publicum, & tuum, vale! Louanij, viii. Kal. Mart. 15. XCIV.

EPIST. XXI. Bononiam.

FRANCISCO LEONINO S. D.

QUOD me compellas, nobilissime iuue- nis, proficiisci video ab amore virtutis & literarum. Ideò te iure amo, qui sic ista. Vna ipse nolim te falli, si eximia illa duo

in me esse censes: non sunt: sed cupido ta- men eximia, & omnem vitam hoc egi, ve- eas mihi parte aliquâ conciliarem. In Italâ vestrâ (felice artium virtutumque parente) illi viri sunt, quos merito admireris, quos ad imitandum proponas, generosi & honesti omnis exemplar. Siquid tamen aut ego co- gitatus, aut scripta mea lecta eò faciunt, gaudeo, & perennem mihi hunc fructum studiorum opto. Vnus enim ille mihi finis: non vt maior, sed vt melior siam, & alij per me tales. Vale nobilissime iuuenis. Louanij, postrid. Kal. Mart. 15. XCIV.

EPIST. XXII. Bononiam.

ÆNEAE VIZANIO Doctori Medico S. D.

DVO me fateor in scriptione tuâ mira- tum, & quòd scribis, & quòd sic amas. De isto magis, quia me & mea qui noui, vi- reperiò quidquam magni, quod conciliet mihi viros istos magnos. At benignitas ve- stræ est (non enim iudicij error) quæ impel- lit ad amandum etiam eos, qui alta & ho- nesta amant: & cupido apud vos gratiæ lou- cum inuenit, non solum effectus. Longum mihi hæc alloquia, hæc testimonia sint: quæ velut stimulos habeo, ad pergendum in du- pliçia hac viâ Scientiæ & Virtutis. Iungo eni- nim quâ possum: nec Deus ille velit, poste- riorem hanc à me vñquam disiungi. Prior illa voluptate in animis gignit, hæc fructum: illa dum vivimus, hæc cum viximus otiam vñlis opportunitaque est. Vtraque in te es- t. Vizani, vel hinc colligo, quòd studiosos & candidatos eatum ames. Fas mihi semper, & cum sénore affectum eunadem à me refecit. Louanij, postrid. Kal. Mar. 15. XCIV.

EPIST. XXIII. Bononiam.

MELCHIORI ZOPPIO S. D.

QUOD me & mea amas, sed cum iudi- cio, id vñto amo, & in animo isto lan- da. Etsi enim me fortassis sine exceptione amare possis, & toto, quod dicunt, pectora tuæ in meis profecto aliud est, imò elati- nio, cum iudicio, & alibi notâ, legenda esse. Nam mi Zoppi, quid sumus nos omnes, quæ aliquid esse videorur? homulli, & in quibus æhereæ illius partis aliquid emicat fortas- se, sed non sine adiunctâ terrenâ suâ facies. Itaque caligo, hesitatio, error, agnata sunt uerbis: & nihil tam eximum ab homine eximio, in quo nō ea deprehendas. Atq; egd

vt

ut liberè ista fateor, sic libenter inspici ac tangi ab aliis patior: nec sum ille mei admirator (ah, absit) qui extra iudiciorum aleam me ponam. Subiicio, subiicio; & si vlla virtus placita mihi vñquam aut placet, ea Modestia est, & apud te testor. Si coram me videres, & sermonis morumque meorum arbiter es: idem dices, nec aliud mihi magis vindico quam istud. Itaque de Plauti altero loco, liberè fateor, me quoque iam aliter sentire: de altero hæsito, nec firmum video cui innitar. Tuum studium rerum talium & inquisitio grata fuit, amor & affectus in me gratissimus; quem ita mihi serua, si meum tibi reddo. Louanij, postrid. Kaled. Mart. &c. 15. xcvi.

E P I S T . X X I V . Bononiam.
VLYSSI ALDROANDO S. D.

Q uod libente animo ad vos soleo, do lente & tardante nunc scribo. Caussa, quia quæ vultis velle non possum, & cogor nunciare, quod sit præter animi vestri sensum. Quid id est? frustra circumeo, me non venire. Mirum & pñne dixerim miserū negotium, volumus vtrumq;, nec sit quod volumus: quia aliquis supra nos & contra nos vult, cui non repugnamus. Rex est, & eius Consilium, qui me hñc sustunt, qui suum esse habitatione volunt & incolatu, ut sum nativitate. Succumbimus, mi Aldroande, tam gradi auctoritati, et si Italiam, & Bononiam vestram, in intimis istis sensibus amamus. Addo valetudinem, sic affectam (non inten-
tior) vt credam me, Homeri verbo, *μηδείας* & breuis vita ac moræ in hac terrâ esse. Quid me commoueam, quid vos aliisque excitem, & mox deseram, vix à vobis visus, aut certè non bene inspectus? Externa mea, facies, verba, habitus, modica sunt, nec pro exspectantiū opinione: in scriptis, & publicâ actione, fortasse aliqui sumus, & ostendit se illis, si quid in nobis melioris auræ. Ah, cuj non licet mihi theatrum illud fano celebrare & vegeto? spernerem omnia, & aut soluerem vincula aut rumpere, quæ me ligant. Nunc vetus illud fiat & sapiens, *τέτοιος θραψ, & quò ille ducit aut abducit, sequamur. Quæ si, ac per sanctum Amorem rogo te, mi Aldroande, ne aliter interpretare: & scito me affectu vestrum esse, cùm re non possum. At tuus sum priuatim etiam, inter primos: ne defineamare me, qui aliam & interiorum amandi caussam habuisti. Louanij, xi. Kaled. Iun. &c. 15. xcvi.

* Deum sequere.

E P I S T O L A X X V .

IACOBO MARIAE CAMPANACIO,
Bononienſi Senatui à Secretis.

Q uòd litteris tuis benevolè & prudenter scriptis (fateri debo) me affaris, gratiam habeo mi Campanaci; & sentio quantum obliger vobis, qui velut consensu & conſpiratione sic me amatis. Amatis tantum: imò & honoratis. Vocatis enim in locum, quem primarij Italiz, vel Europæ potius, viri infederunt: quod magni equidem facio, & (testor Deum) iubet hic animus & impellit patere. Quid tamen diffimulem? teneor & obligor à rebus meis, ab uxore & familiâ, à Rege & Ordinibus patriæ, denique à valetudine: vt non sūm expediendo. Trahitis vos absentes, isti praesentes validius retrahunt, & assertum cuncti fibi. Obsecro te Vir prudentissime, tu quoque hæc considera, & cogita rumpere ista non fortis solùm virti esse, sed felicis. Hoc postremum Deus fortasse mihi abnuit: quem alioqui testor, cumulum me felicitatis habiturum, inter insignes istos viros & Italiz apices, si in vrbe vestrâ conferescam. Senatui tuo si in occasione hoc indicas, beneficium mihi dederis: & maius, si pro meo non tuo senfu, id est fortiter & ad suadendū, hoc dices. Scio enim & te inter cupidos mei esse, eoque minus aptum caussæ approbandæ. Louanij, vii. Kal. Iun. &c. 15. xcvi.

E P I S T . X X V I . Patavium.

VALENTI ACIDALIO.

Q uid tu ais? redire te? at vix etiam visa tibi Italia est: certè non eius præcipua pars, & inclita illa Roma. Faciam transiens, inquis. Meo consilio, insideas potius & inhabites, & fieri cum tuo bono. Scito certò, nescio quem genium loco illi esse qui ingenia poliat, iudicia formet: & in iuventute experti vobis videinur. Præmia etiam ingenio tuo vis? illinc pete, & aureum vellus Iason refer, sed sine vllâ Medeâ. Addis de quodam qui *Politica* nostra carpat, & minetur contèta scribere. Itane? faciat. ego solidum hoc corpus puto, & quod non metuit Saturnium aliquem dentem. Sed mi Valens, ita res est. vbi etelkoff fama surgit, adhæret statim altera: & ignavi atque ignoti tantum ab eâ immunes. Ut piratæ in mari onustæ nauis insidiantur, vacuâ negle-

neglegunt: ita h̄c fit. Poëta hoc pulchrè:

* Τές αγαθές ἀλλος μάλα μέμφεται, ἀλλος ἐπανεῖ.
Ταῦ δὲ πρεσβύτερον μηνὸν γῆρατον ἔδειπνά.

* Namque probos alius carpit male, laudat ac alter; Praeaurum porrò mentio nulla bominum.

Hoc solemur nos, & illum mittamus: certi, nihil placere omnibus, *præter placentam* (verteri verbo) *& vinum*. Sed heus, de *Martiali* quid tu monstribus illum in viciniâ vestrâ cum meis *Notis*? Numquam scripsi, numquam misi: & miror te quasi ambigentem quærere. Nónne h̄c ad manum familiares mei Typographi sunt, quibus commenda-re? Fraus aliqua est, & fortasse è libris meis collectanea, quibus titulum hunc impo-nunt. Quæris in istâ occasione de Poëtæ eiusdem loco, in Cotylum quemdam, qui scitus & bellus videri affectabat:

*Qui scit, quam quis amet, qui per conuiua currit:
Hirpini veteres qui benē nouit auos.*

Quis iste, inquis, *Hirpinus*? non è familiâ aliquâ Romanâ, ne eres, (et si ea quoque fuit) sed equum h̄c intellegit in Circo no-bilem, & multarum palmarum. Nam ea et iam insania, vt steinma & proauos equorum talium quærerent factionarij, atque inter se celebrarent. Statius in *Siluis*:

—Romulei qualis per iugera Circi
Cum pulcher visu, TITVLIS GENEROSVS
AVITIS,
Exspectatur equus: cuius de STEMMATE
LONGO

Felix emeritos habet admissura parentes!

Ecce. vides titulos auitos, & stemmata specta-ta in his equis? De *Hirpino* etiam propriè Iu-uinalis: — *Corithe posteritas & Hirpini*. sed clarissimè lapis vetus, quem Romæ olim vi-di & exscripsi, iste:

AQVILO. N. A Q V I	HIRPINVS. N. A Q V I
LONIS. VICT. CXXX	LONIS. VICT. CXIII
SECUND. TVLIT	SECUNDAS. TVLIT
LXXXVIII	(conditor factionis
TER.	Russata) qui dextrâ ba-
TVL.	culum, sinistrâ pabulum
XXX	tenet: & virum secus duo
VII.	affilientes equi.

Habes ipsum h̄c *Hirpinum*, atque adeò eius auum *Aquilonem*. Nam illud N. in lapide *Nepotem* notat. Vides & palmas vtriusque, & plures etiā in auo. Sed accipe & vltro locum alium in eodem Poëtâ. Lib. x. Epitaphium est i matronæ cuiuspiam, atque ea loquitur:

*Bis mea Romano spectata est vita Terento,
Et nihil extremos perdidit ante rogos.*

Quid vult? vixisse se & vidisse binos Sæcu-lares? nihil magni aut memorandi, in illo Domitianianæ. Nam Claudius ecce Sæcu-lares dederat anno vrbis DCCC: iterumque Domitianus, quasi erroris illum arguens,

DCCCXL. Itaq; anni intersint tantum XL. Puto litterâ additâ scribendum, *vitta*: quod valdè sententiam mutet, & ad matrimoniū ducat. Nam *vitta*, vt scis, maritarum. Itaque gloriatur, se tot illos annos nuptiam, & in theatris vittam suam spectatam. Vale mi Acidali, & de mansione aut reditu tuo (sed si me audis, illâ) fac me scitiorem. Louanijs, iv. Kal. Octobr.

E P I S T . X X V I I . Bononiam.

ANGELO SPANOCCHIO,
Patricio & Fæ primario S. D.

NON venio mi Spanochi, ne per amba-ges te ducam, & statim effundam, quod tibi (addo & mihi) molestiae est aut dolori. Causæ sunt, vt innam ne tam iustæ, & quas fonticas antiqui vestri consulti iuris ap-pellabant. Valerudo enim, valetudo, vt alias omittam, in primis vrget; & hæc venire me non vult, cum exiguo vestro aut nullo vnu. Atqui melior ibi fiet, inquis, posset pro-fectò recreari aliquid ab aurâ non tam Italæ, quâm benivolentiæ vestræ, qui sic pa-lam & ex animo amici estis: sed recreari, non firmari, & ego (nequid cœlem) de eâ pænè despero. Ad aquas acidulas iam imus, si quid iuuabunt: ceterum mens, corpus, manus, omnia à tam lento & longo mor-bo languent. Tu vale illustris Spanochi, loci & professionis tuæ decus. Louanijs, vi. Ka-lend. Iun. 10. XCIV.

E P I S T . X X V I I I . Bononiam.

FLAMINIO MORO S. D.

IN dolore me das amicis tuis litteris, mi More. Idemtide vocas & reuocas, amo-rem & pænè iram misces, & non spem so-lùm, sed etiam metum proponis. Ah, quâm non opus istis, si quod volo liceat mihi vel-le, dicere, facere! Non licet mi More, crede. nec aliud me tenet aut terret, quâm quæ nu-per distincè & largè tibi indicaui. Fidem non habes? supremum numen iuro & ad-uoco, ita esse. Valetudo quidem sic affecta est, vt iam nunc ad Spadanas acidulas eam, vix instaurandæ illi (quî sperem?) sed fo-uendæ. Atqui alij, inquis, aliter credent, & loquentur. Scio pænè quid velis. Sed cuius sapientiæ, aut etiam fortunæ sit, omnibus placuisse? omnium iudicia aut suffragia me-ruisse? Ut in mari alij aliâs venti, gubernator tamen rectum cursum tenet, nec deflectit men-

mentem aut oculos à proposito portu: ita nobis esse debeat, recta petere, prosequi, nec eiici viâ, aduersante aliquâ iudiciorum aut sermonum aurâ. Caput rei pietas, salua mihi est, & (spero) erit: nec tu cense eam, vbi nunc sum, ambiguam esse, aut intutam. Louanium mihi sedes, ipsum eius domiciliū, arx, asylum. Quidquid turbatum in his locis, hæc firmiter stetit, & vicina omnis contagio aërem hunc non infecit. Ibi sumus, ibierimus: & si vsquam pedem mouemus (quid tempora ferent, nescio) ad te & Italos imus fortasse, etiam inuocati. Hæc ex animo More: tu me in tuo gesta. Louanij, vi. Kal. Iunias, 10. xcv.

E P I S T . X X I X . Bononiam.

Io. COSTAE O, Doctori Medico.

T ARDA & pigrâ manu scribo, me vobis negare, quod sic honeste & amanter vultis. Quid enim faciam? sum in alienâ manu, nec frontis meæ est resistere meo Regi, & Ordinibus patriæ, qui sustunt & tenent. Quid hîc sit, quid apud vos mihi futurum sit, non ignoro: sed cogor cum Vlyssè Homericò, si comedimini, deplorare,

*Quod non
sicut in Di
felicia de-
creuerunt.

* Ως ε' μοι τοῦτον ἐπέκλωσα θεοὶ ὅλοι.
Patiamur. vobis quidem exigua iactura, qui & alios viros facile nanciscemini; & quod caput est, validiores, eoque diuturniores ad hoc in unus. Nam mea vita (ne ominis quidem cauſâ silebo) breuis est, & valetudo hæc indies afflictior, parùm de eâ promittere iubet aut sperare. Te interea amare cogor, mi Costæ, mei sic amantem, & hunc affectum in eum feram ad meliora & supera illa loca. Vidi Ill^m Cardinalis Paleotti honesta verba de me, & iudicium. Obstrin- gor summo viro, & verè inter magnalumi- na Italiae vestræ. Vale. Louanij, vi. Ka- lend. Iun. 10. xcv.

E P I S T . X X X . Madritum.

NICOLAO DAMANTIO,
Brabantie Cancellario, Præsidi & Curatori
rerum Belgicarum.

M ILITIAM meam cùm Principi inscri- psem, nec offerre eam esset in meâ manu: ad te confugi Vir amplissime, quem subire has vices meas & decere arbitrater, atque adeò (ignosce fiducia) debere. Quis nescit te eximium ibi inter Belgas esse, & patriæ nostræ res publicâ auctoritate &

missu curare? Atqui inter Belgas etiam ego sum, & corporis illius commissi tibi mem- brum. Suscipe me, aut potius hospitem meum librum, & ad illas aras ac sacraria te mystagogo inducatur. Placere adspectum statim posse, non assero: fortasse inspectum. & certè insunt, quæ in materie Principi- bus dignissimâ, primi produximus & misi- mus in claram lucem. Cetera Præfatio mea dicet. Ego te rogo, per communis patriæ iura, ut huic Telemacho verecundanti qua- si Minerua esse velis, & apud magnum il- lum Nestorem sistas. Cuius iudicij libram si testimonij tui momento in fauoris par- tem inclinas: tibi ego, & mecum litteræ de- bebimus, quæ nimis diu est cùm apud nos, perciuica hæc bella, iacent & languent. Eri- ge & attolle: ita Deus te hîc felicem ad illa alta & æterna. Vale regi & patriæ, Vir Am- plissime. Louanij, prid. Kal. Sextil. 10. xcv.

E P I S T O L A X X X I .

INNOCENTIO MALVASIAE,
Nuncio Apostolico.

H UMANITATEM tuam, quâ præsens in me usus es, sæpè ruminor, & dolorem aliquem in animo hoc reliquit. Quid velles cum tuis & desiderares, vidi: & idem me velle, nec tamen posse, hoc doleo & in ani- mo queror. Quid faciam? multa occurunt & interueniunt, quæ non sinunt nos esse arbitrij nostri ac spontis. Sumus sub imperio alieno, in eo nati & educati: addo vires & valetudinem non ad omnia aptam: addo vxorem & familiam, denique & patrimo- nium & amicos: quæ omnia in oculis habe- re debemus, cùm de migratione, præsertim tam longinquâ, deliberamus. Et primum, quod ad imperium attinet; Regi meo sub- sum, potenti, magno, & in triplici iam orbis parte timendo aut verendo. Ille me retinet, inò liberalitate nouâ inuitat: quæ frons mea aut pudor sit abnuentis, aut spernen- tis? Certè ante omnes illi me ratio, & mos eiam, obligat: nec soluimus eiusmodi vin- cula, nisi necessitas aut summa ratio impel- lit. Quid patria? manus mihi iniicit, & iun- ctis suffragiis vetat deseriri & abire. Alterum quod posui, Valetudo est. Testor æternum, & quod omnia videt ac scit, numen, me ab undecim iam annis in aduersâ eâ fuisse, len- to ac tabente morbo affectum; nec corpo- resolùm, sed animo & his ingenij functio- nibus laborasse. Atqui ad eas exferendas à vobis

vobis vocor. Quid si breuis & paucorum mensium, an diçrum, vita mea sit? Non ludo, serio ita sentio, decurrisse me pænè hunc cursum. Cur vobis sumptum, mihi molestiam addam, sine certiore aliquo fructu? Tertium, Vxor, res meæ, & amici. Obscero te, patiaris & hæc me inspicere, et si priuata, in publico negotio: sed ita priuata, ut sine iis, aut aduersantibus iis, haud commode satis & tranquillè viuamus. Vxor igitur ætate iam declivi, & corpore parùm valido; ipsa ignara sermonis illius & rituū, ægrè transferri & inseri velit in nouitium illud solum. Addidi res meas, siue patrimonium & agellos; quæ à maioribus habeo: curam & inspectionem meam ista desiderant, præsertim afflita per nimbum hunc ciuilis & intestini belli. Denique cognati & amici non queruntur sed increpat, & pænè impietatis me accusent si relinquam. Ista sunt, quæ quisque rerum humanarum & ciuilium gnarus, per se consideret, & caussæ meæ ac decreto suffragium fortassis nolens etiam addat. Sed mihi opponetur aut opponitur, Cur spem igitur fecisti? cur non abhorrire te à locis & conditione eâ ostendisti? Agam simpliciter & ingenuè, vt mos meus postulat: ideo spem aliquam feci, quia mihi ipsi spes aut votum erat; & quia nulla vocatio (plures habuimus) sic delapsa in animum hunc, non solum aures. Viri primores in eâ ciuitate, qui ad me scripserunt, valde vel auctoritate vel affectu suo commouebant: & uno verbo, ipsa Bononia, vetus & fida studiorum mater & custos, incipiebat. Non ego cogitarem locum amoenissimum pænè Italiam, & ubertum (vidimus enim, & his oculis usurpauimus:) tum etiam viros & antecessores, qui locum eum docendo scribendoque illustrarunt: Cogitavi & velut faces subdi mihi & admoueri sensi ab hac memoria, & trahi, vt pedem ponerem in vestigiis clarissimorum & perennium ingeniorum. Itaque inclinaui, non nego, & nunc proficeor: sed in litteris tamen meis ac sermone (ad te Ill^{me} Domine appello) cauta omnia & adstricta fuerunt, & deuincta ad duplex caput, Regis voluntatis, & Valitudinis nostræ. Velle ostendimus, sed semper cum duplicitate exceptione, si aut ille vellet, at hæc pateretur. Repugnant utraque, vt dixi: atq; ita veniam mihi tribui à vobis etiam puto, si voluntati & petitioni vestre non dominum. Consigno hoc iam nunc & testor, Italianam à me amari, & in Ita-

liâ Bononiæ: sed incoli à me & insideri, ob caussas iam dictas, non posse. Quas vt Ill^{me} Domine bonas æquasque iudices, votum meum est: & per te inclytus ille Senatus, cui etiam absens cultum omnem defero & affectum. Vtraque hæc seorsim tibi, qui me priuatim humanitate tuâ & coinitate deuinxisti. Louan. Kal. Jun. 15. XCV.

EPISTOLA XXXII.

IOANNI IDIAQUEO, ab interioribus
Consilii Hispaniarum Regi.

IN aquis Spadanis cùm essem, bona sorti refero acceptum, quod notitia mihi cum Gastone Spinulâ fuit. viro genere & prudentiâ illustri. Multus & cottidianus inter nos sermo: sàpè etiam de te (cur dissimilem?) vt est ille vir & cognitor virtutum tuarum, ideoque mirator & præco. Is me impulit vt ad te scribereim, & facilius persuaserit, quia occasio etiam esset: quod nunc nuper libros DE MILITIA Principi nostro inscripsisse, & misisse. qui à se minus fortasse commendabiles, iuuari producque possent gratiâ & auctoritate tuâ. Scimus enim quem locum apud magnum Regem nostrum meritissimò teneas: cui consilium & leuamen es, & Loui illi, vt sic dicam, Pallas. Felicem Regem talibus ministris: qui præter prudentiam & fidem, probitatem etiam adfertis & modestiam in sublimi illâ fortunâ. Quod Catoni suo poëta adscribit, tibi conuenit:

In statu cultor, rigidus seruator honesti,

In commune bonus.

Priuatim vt etiam in me bonus sis, & trepido aut hærenti libro nostro manum porregas, te rogo. qui multos iam annos studia hæc honestissima colo & orno, nec magnâ, nisi à conscientiâ, mercede. Vale vir illustris, & virtuti tua addictum, beneficio etiam obstringe. Louanij, VIII. Kalend. Sextil. 15. XCV.

EPIST. XXXIII. Bononiam.

PETRO, PENDASIO S. D.

QUOD tu quoque me affaris, ô eximie, & non animum solum in me aperis, sed coniunctionem appetis, & corporibus quoque istis vis vñâ osse; id mihi vero gratum, vel potius volupe fuit, & intimos istos sensus diffundi sensi, ac gaudij quadam tentari. Tunc ille, quem norunt & laudant;

Bb

qui-

^{* sapientia plurima noscens, * Omnibus excusus virtutibus.} quicumque Virtutem & Sapientiam norunt? qui non solum es - ^{* πεποιηθεια μαθηται ειδωται,} sed cum eodem poëta vt dicam, - ^{* περισσης απεργησιν επειδη θεος.} Debeo deinceps tibi priuato hoc nomine, mi Pendasi; & si fastus aut iactantia me tangant, videar aliquis mihi esse, quia tibi sic placemus. Sed non hoc irrepas. humanitatis tuæ sit, laudasse & æstimasse: mei iudicij, eadem tibi, sed ex vero, rependisse. Proh Deus & omnes superi, cur non videre mihi fas istas puriores animas? cur non amplecti, & ab amplexis non diuelli? Fata vetant, & manere me volunt in hoc natali solo, nec aliâ fortassis re (venia dicto sit) nunc laudando. Nostri illud vetus,

^{* Ως τε δια βασιν ουκ επειδη θεος.}

& accedit auctoritas siue iussio magni Regis, qui cogit. Breuiter & verè tibi ista, vir amice (talem enim habeo, & habiturus sum:) ac precor, vt etiam si collegij vestri futurus non sim, sim tamen in amore confos & affectu. quem tibi fideliter offero & voueo, ita me ipsa Fides & Amor ille æternus ament. Louan. XII. Kal. Iun. &c. 15. xcv.

E P I S T . X X X I V . Madritum.

MARTINO IDIAQVEO, Regi à Secretis.

MIRABERIS cùm hanc manum vides, nomen legis. Quid mihi tecum? inquies. Repono, Quid tibi cum optimis artibus? quarum, omniū elogio, cùm & amans & intellegens sis: mirum tibi & insolens, si ego adeam earundem ambitor & cultor? Iungit nos hoc vinculum: nec vt in profano amore, dissociamur & æmulamur, qui sumere gestimus ex uno riuo. Itaque ea causa fidei me ad te misit: atque adeò cum munere, quod Principi inscriptum, id est Regis filio & futuro Regi, debetur in parte etiam Regis ministris. Accipe, inquam, nostra De MILITIA: accipe me auctorem vñā, nouum clientem siue amicum dici voles. quem, si non aliud, amare vetera & honesta studia, eadem ē tenebris & caligini educere, pro virili vides: atque igitur si illa amas, me ama. Ita te Deus & Rex, iste in ætatem, ille in ætum. Louanij, v. Kalend. Sextil. &c. 15. xcv.

E P I S T . X X X V . Bononiam.

FLAMINIO MORO S. D.

M E vs es mi More, & semper eris. Posterior epistola tua amorem & beni-

gnitatem pariter adfert, priores spirabant & iram, sed illam quoq; ab amore. Acquiescis in consilio meo: magis faceres, si scires quām iustæ eius mihi caussæ. Nihil in speciem, aut pro tempore, dicimus: sed valetudo caussa, caussa illa fontica, utinam non sit qualem describo! Ecce ad Acidulas iui (audi tristem nostrum casum:) Nuncium illic Pontificium repperi; globus prædonum ē Batavij inopinatò inuasit, & pænissimè omnes nos abduxit. Quām illa excusatio legitima futura, sed nō pro meo gustu! Deus solus fuit, qui eripuit, & vires atq; alacritatem non ad cursum, sed ad saltum, addidit, vt Centauros illos euadetemus. Nam & equites erant. sed trans sepes aliquot ego cum comite uno salij, & contra quadrupedum impetum repagulo illo me musui. Nuncius ipse in templo asylum habuit, non sanctimonij defensus, sed foribus & munitione obiecta. Ecce fortunas. Cur ad nos non venis, inquires, vbi hæc non eveniunt? Vellem, sed causam nunc, & causas alias apud te dixi. nec suspicere aliud in hac re esse. Candor in me est, atque is præui huius moribus nimius: & priuatim sæpè læsit. Quod queris de Libro quem iussi diuulgari, is est de Milicie Romana, ad Polybiū: opus minime pro vulgari gusto. Totum in antiquitate est, & scis quām omnia tot sæculis immutarint. Quæ tunc bella & valida, hodie ridicula. aut imbecilla sunt: sed usum habeat tamen, vt volui, in historiâ & scriptoribus illustrandis. Velim ad te mittere liceat, tanto interuallo: profectò hoc & alia à me haberes inter amicorum primos. Ceterum, apud alios illuc, vt offers, me excusa, & fac vt me sentiant virum esse (de ceteris non labore) probum. Omnia mihi detrahantur: Pietas & Virtus manent, quæ mecum feram in sepulchrum. Eodem & tui amorem, mi More. Louanij, postrid. Kal. Sext. &c. 15. xcv.

E P I S T . X X X V I . Romam.

ANDREAE SCHOTTO è Soc. Jesu S. D.

I TALIAM & urbem dominam te retenturam, mi Schotte, non opinabar, & videbaris spem fecisse non litterarij huius colloquij, sed mutui adspectus. Sed ab alieno nimis arbitrio cùm pondes, res ista in tuâ manu non fuit: nec aut dissuadere aut tristari possum, te esse in luce illâ loci ac hominum, sciunctum à nobis veteribus quidem.

dem amicis tuis, sed & à turbis & ciuilibus dislidiis, quæ sine intermissione tot annos adfligunt nos & vexant. Quid quòd ipsi homines per ea mutati sunt? non est præca illa humanitas aut comitas Belgarum, non honos aut amor meliorum artium, ferocia est in plerisque, & contemptus, & barbari quidam ac Martiales ritus. Vt in ille, qui exspectatur, ALBERTVS AVSTRIA-CVS, vt animum, sic vires habeat medendi! nam de illo non dubito, & fuit egregie etiam in ERNESTO defuncto: quo Principe nihil melius aut benignius Sol vidit: denique qui totus Pacis proles erat, eamque fortasse nobis reddidisset, nisi eum cripusisset.

* Pare
buc, laudia
qua domina
ipsa soli est.

** Moēg ἀπολῶτα πατέρις ἀλαζόπε.*
Pantinum nostrum cum Heroë illo venire, id mihi volupe, & solarium vel auxilium erit. Quod ego etiā tibi esse velim mihi Schotte, in illis ad Senecam: quæ vidi nondam, nec temerè per viam iusserim ad me deferri, & ipse Antuerpiam censeo me iturum. Ego verò cùm videro, quid censem, prescribam; & quidquid opis meæ erit, fieri, *Vt non dispereant tui labores.* Sed Faber multa egregia notauit, & nos tamen quædam habemus: sed ita nunc toti in MACHINIS tum & POLITICIS sumus (nam & hæc cum Notis recuduntur): vt alij nulli curæ vacemus, imò vix has sustineamus. Sed vt dixi, videbimus, & omnia pro amico & publico (id quoque agitur) faciemus. Vale Reuerende in Christo: Pater & amice. Louanij, xi. Kal. Nouemb. 10. XCV.

EPIST. XXXVII. Bruxellam.

OCTAVIO Episcopo Tricaricensi,
Nuncio Apostolico.

I AMDIV in tuo ære me esse fateor, & inter eos quos iudicatos habes & nexos. An non sic obstrinxerit me eximia benignitas, quâ Coloniæ in nouum tibi, nec nisi nomine notum, es vsus. Vsurasti eam iterum Leodici, nuper Bruxellæ: & quid ad conciliandum ego attuli? præter cultum, & egregiam de virtute & prudentiâ tuâ opinionem, nihil: quæ imputare non possum passim & ab omnibus delata, quibus gustus aliquis & notitia est tui. Itaque in ære isto manere, fortasse & immori, debere me sentio: tamen, vt boni animi ac sanguinis debitores, confessionem, cùm non solutionem, offero, & debere me ac debitum hac velut

I. LIPSI Operum Tom. II.

syngraphâ consigno. Cui & libellum iunxi, De CRUCE, ppter à me editum: non ita vt dem munus sed vt accipiā, si benignâ fronte admittas. In vacatione aliquâ à curis legis. Spondet tua ingenita benignitas, atque eadem constantiam in me tui affectus. Da ô Deus, & idem tibi, Ill^{me} & Reu^{me} Domine, ea quæ merita tua, & vota nostra poscunt. Louanij, x. Kal. Januar. 10. XCV.

EPIST. XXXVIII. Bononiam.

Io. COSTAE S. D.

ANTE virum probum! desiderasti me, inuitasti calide, si quis umquam excusationem tamen accipis, & amici rationem habes, non solum affectus tui. Ex osculor te absente, sed animo, qui solidè se copulat tibi & iungit. Per fidem te rogo, ama in Lipsio, quod ubique, quod semper est: & corpus, non nisi ob illud. Isto quoque iungi volebam, & nunc vellem: sed quæ praetendi, res fuerunt, non fucus aut color. Valetudo & vires exiguae, & in diutino languore ipse animus, lingua, stilus (quid diffitear?) non qui solent. Tuis hæc, non tibi solum imprimere, & unum cum Moro meo ito me excusatum aut defensum. Ego mihi Costæ, vir Illustris, animo persevero tuus esse, & æthereâ istâ parte in æthere spero iungi. Louanij, postrid. Kal. Sept. 10. XCV.

EPIST. XXXIX. Romam.

FRANCISCO ORANO, XII. viro litibus
indicandis in sacro Tribunali.

ANTE biduum litteras tuas accepi, quibus gratum tibi votuumq; esse ostendis, Franciscum tuum apud me agere, litteris, moribus, & omni bonâ disciplinâ imbuendum. Quem suscepisse me haud promptè initio, fateor, & scit eius parens: non quin vestrâ causâ omnia vellem: sed quia vetus meum decretum & mos erant, mihi vivere, nec solitudinem, & ex eâ quietem, consortio adolescentium interpellare. Quos bonos modestosq; casus dare potest: sed idem alios. & præsertim in nostrâ hac Belgicâ, in quâ, per hæc bella, mores à præcis illis valde demutarunt, & proterua, vanitas, ferocia sœpè habent iuuentutem. Hac causâ, vt dixi, abstinui & renui. sed peruiicit denique tuus, & pænè dicam meus, frater (talis & tam arctus inter nos amor est) tuus & tui aspectus, quem valde hoc velle, idem

Bb 2

mihi

mihi ingetebat. Feci, nec pénitet. apud me est, ex meo vestroque voto, molescens trans quillus moribus, studiis industrius: neq; quod desiderem reliquit, nifueretur. Quidni faciat, & naturæ bonitate, &c. atuo illustri exemplo? quem ille & cogitat adsiduè, & sèpè loquitur: merito, familiariter uersæ decus, & propriè ipsius spem & præsidium: quem ego (vide quod eam) commendatum mihi à te, vtrò commendo, & vt in gratiâ tuâ firmiter ponas, rogo.. Metetur, magisque cum annis merebitur: atque utinam diem videam, quâ te educente & attollente, ad fastigia honoris veniat, quod desti, nastis. Deum precor, vt rata hæc vota sine: te autem, Vir Amplissime, vt me tuum atque Oranorum censeas in omne æuum. Louahij, prid. Kal. Nou. 10. xcv.

E P I S T . X L . Romam.

ASCANTO COLUMNAE, Cardinali.

TETIGIT meum pectus tua scriptio, & effodit intimos istos sensus. Téne illo genere, illâ dignitate & famâ, sic benignè, si vtrò, ad me scribere? beniuolentiam tuam testari, & offerre? hæc omnia honestissimis iudiciis cumulare? Verè dixi, commouisti totum Lipsium, qui non nescit & maiorum tuorum, & tuas dotes. Atenim argumentum etiam totum sumis, & amoris & honoris in me plenum. Hortaris vt veniam in Italiam, propior vobis sim, & spem atque occasionem dem mutui etiam affatus. Quæ vna res, vt fatear, obnubilat serenum illud tuæ scriptioñis, & triste aliquid adspexit lætitiae iam conceptæ. Examino & libro omnia, sedeo iterum ad consilij, vt sic dicam, calculos: sed cum dispunxi & subduxì, negans illa pars potior esse videtur. Quæ te, Illustrissime Domine, mecum paullisper considera (si à seriis magis vacas:) & te iudicem in causa hac ipsâ sumo. Æras iam mea inclinat & deuergit in senium, ac proximo Octobri ingrediar cum bono Deo annum quadragesimum nonum. Mutare aërem, sedes, mores, difficile est, & sèpè, in huiusmodi ætate, infaustum. Pono hoc, & vicerit, age, meus affectus: sed valetudo subsequitur & excipit, quæ negat quassari & commoueri. Nec recens ea, aut subitò triſtior nobis est, sed ab annis vndecim affiduo languore, aut tabe, afficit nos & premit. Quæ spes h̄ic vincendi, aut emendandi? ipsi medici vestri dicent, commorientes

quosdam esse lentos istos internosque morbos. At demus etiam venire me, morbum spernere: quid, cùm venero, fiet? umbram mei ad vos adferam, & hominem, vt ille ait, monogrammum? qui par ero susceptæ functioni? conceptæ opinioni? atque ea res, non nego, animum istum mordet. Aiunt ab Alexandro Magno inuitatu' quicquam, in magnâ famâ penitè sagittandi, vt specimen coram se ederet: atque illum recusasse. motum autem obstinatione Alexandrum, iussisse duci hominem, vt sui contemptorem. Illum in viâ dixisse, non pertinaciâ, sed ingenuâ verecundiâ deterritum, ne forte in senio manus aut ars aberraret, & coram tanto Rege dedecoret veterem famam. Idem si ego dicam & prætendam, an peccem? Scio alacritate quadam & vigore opus ad docendum dicendumque, scio memoriâ & eloquio: nec nego fuissile in me aliquas istas partes: atquin morbus etiam eas libauerit, non ausim sperare aut profiteri. Totum me reuelo & retego apud tam fauitem arbitru: & addo minora iam alia, quæ extra me, sed me circumstant. Ecce vxor mihi, annis me maior, quæ pedem patriâ suâ numquam extulit: quâ suadâ effecero, vt audiatur & sequatur in terram cælo, moribus, lingua diuersam? Deserere autem hanc comparē, non diuina, non humana lex dabit. Quid amicos & cognatos dicam, quibus solatij aliquid in me, aut consilij? quid res & patrimonium meum? perdo hæc omnia, si deserō: & vincula hæc etiam sunt in animo purgato, & sapiente. Denique Rex & patria etiam retinent, imò recenti liberalitate ligant. Quæ frons mea erit abeuntis, & exteros velut in ignominiam vtrotumque præponétis? Enim uero extra honesti fines, imò & æqui, abiit me censem, si in causâ pari & commodo, istos non anteponam. Hæc in meâ parte sunt præcipua: in aliâ, ea quæ tu, Illustrissime, disertè ponis. Italia, quæ vocat; frequentia & splendor auditorum; res pacatae, & quod super omnia mihi est, Pontificis summi ditio & tutela, ad quam vocor. Ex animo fateor, duo hæc magna apud me esse, Pontificem & Italiam: & vt semel decidam, rumpam alia omnia, si valetudo sola commeatum det & permittat. Quid denique tua auctoritas? suades enim, & pænè rogas. Suffundor rubore in hac parte, & iam scutum illud valetudinis pænè abiicio, quod sumpsi. Sed enim te rogo, cuius non benignitas minor est quam auctoritas & virtus,

ne

ne eò me compellas, quò non dicam com-modè, sed honestè vix eam. Vires enim idem tidem examino, quas dare aut reddere solus ille Deus potest: et si animum erigere & excitare auctoritas tua. Non mentiar, plus me mouerunt binæ litteræ tuæ, & collegæ Illustrissimi Palæoti, quam omnis vocatio, scriptio, machinæ, quas priuatim aut publicè adhibuerunt. Sum enim is qui procères reuerear; & præsertim Ecclesiæ; & præsertim istos, qui in eâ eminent virtute, prudentiâ, eruditione. Talem te esse, Illustrissime & Amplissime Cardinalis, & me hoc nomine cultorem tuum ac clientem, coram supremo illo numine testor. quod ipsum rogo & veneror, te talé sibi, Ecclesiæ, Italiae diu seruet. Louan. v. Idus Sextil. 15. xc.

EPISTOLA XLI.

PETRO ENRIQUEZ COMITI FONTANO,
GVERNATORI BELGICAE.

ETSI coram me breuî sistere, & sermone gratias agere tibi constitui; tamen profectò animus me adegit, stilo & scriptione quoque id facere, & testari deuinctiōnē quam in magnitudine noui huius beneficij haberem. Quid enim honestius aut aptius dari mihi potuit? atque ego fateor, et si numquam id egi aut ambiui, tamen in animo & voto habuisse semper id munus, cuius nunc compotem benignitate tuâ video & gaudeo me factum. Quòd studia mea deinceps quieta & libera à curis erunt; quòd res gestas tradere & scribere poterō in vsum posteritatis; id totum tibi ego acceptum refero, fortasse & illa ipsa posteritas, si Deus vitam & famam meis scriptis dabit. A magno isto F O N T E ingenij mei riuiulus manabit, & fructus quos assidua hæc irrigatio gignet, iure merito sibi vindicabit Regis liberalitas & tua. Id testari breuiter nunc (ita mos meus est) sed fideliter volui, EXCELLENTISSIME & ILLVSTRISSIME PRINCEPS, quem Deus seruet & dirigat in suam Regisque gloriam, & in publicum bonum. Louanij, xi. Kalendas Február. 15. xcvi.

EPIST. XLII. Pisæ.

HIERONYMO MERCVRIALI S. D.

NON fecellit te noster Monelia, qui de affectu meo in te & honestis vbiique sermonibus est testatus. Nihil nimium po-

I. LIPSI Operum Tom. II.

tuit dicere, siue ad amorem, siue ad iudicium: & in utroque sumus inter primos, qui te vel diligunt, vel colunt. Tu verò Mercurialis, ille es qui Romæ mihi in adolescentiâ primâ innotuisti, paullò me maior, sed virtus tua & doctrina etiam disparem me cepit, & arcano lentoque vinculo tibi iunxit. Variè postea peregrinatus sum, variè etiam in his patriæ meæ turbis iactatus: sed vetus ille amor firmiter hæsit, nec Mercuriale meum villa tempestas mihi excusavit. Ego verò iam ante menses aliquot in eo eram, vt Italiā vestram, & te videreim; reperiendum mihi & complectendum, vbi cumque in eâ fuisses. Necenim tu lates, illustre in eâ sidus, & exteris quoque cura & notitia est tui. Sed id consilium cùm valetudo remorata est, tum Rex meus abrupit, qui hîc esse voluit, & vt honestissimè possem effecit. Præter enim munus lectionis publicæ, Historiographi me sui titulo donauit, addito in hanc rem salario annuo, in quo vel cupidor aliquis acquiescat: quid nos modestiæ & continentiæ amantes? Enim uero res laxas aut splendidas numquam appetij, nec id vitalitate aut abiectione animi; sed iudicio & decreto, quod sapientia mihi dictauit. Quid ista externa omnia, nisi in usum meum habeam? & scio virtutis & bonæ mentis sæpè naufragium factum, cùm superfluunt & redundant. Adduco vela, nec totis finibus ea pando, aut fortunę adspiranti permitto. Delectatio autem nobis, sed & occupatio, quæ solet, in honestissimis studiis: quæ & tu quæ ames, etiam inter tua seria, non dissimulas, cùm de locis quibusdam consulis me, & quæris. de quibus seorsim, quid sentiam, hîc habes. Ut me quoque porrò ames, inter fastigia est votorum meorum. Louanij, XII. Kal. Mart. 15. xcvi.

EPISTOLA XLIII.

IOANNI VERASTEGVI,
Præsidi Censorij Tribunalis.

LAETVM simul & triste mihi fuit, audire de munere, quod magnus Rex noster benignè tibi donauit. Lætum sanè tuâ causâ, quia dignitate augeri te videbam; tristem meâ, quia diuelli à nobis, & ad loca ire quò non nisi litteræ nostræ peruenirent. Sed in pugnâ tamen istâ affectuum, prior longè vicit: quia verâ amicitiâ inducor, tuum commodum supra meum habere: tum etiam, quia ad honestissimum locum

Bb 3

& functionem vocaris, quò & ego nuper & nunc iterùm liberalissimè inuitor. Est enim ibi Cardinalis Borromeus, decus ordinis sui, qui in cohortem familiamque suam adscriptum me cupiat, largo & insolito sanè honorario: sed addictum iam & alligatum Regi, quod te nō fugit. Sed & alios insignes viros vrbs ea & Senatus habent: gratulor igitur, gratulor quòd è nostris turbis, ad quietem & lucem illam ibis. Quod autem petis à me de Oratiunculâ, libens fecero, si capita breuiter ad me misericordia dicendorum. Nam in talibus parùm vñu doctum esse me, non nego. Qui has tradet cognatus meus est, cui aliquid negotij apud Comitem Fontanum: si id tale est, vt à te decorè possit iuuari, aut saltem admissionem impetrare, rogo facias: si aliter est, non rogo. Deum autem, vt felix & tutum iter tibi tribuat, & in optatâ illâ metâ sifstat. Ego memoriam absentis seruabo, & per litteras etiam renouabo: meritò, hominis tam candidè mihi amici. Louanij, vii. Idus Mart. oo. 10. xcvi.

EPIST. XLIV. *Roman.*GABRIELI PALAEOTO, *Cardinali.*

LITTERAS tuas & vnà librum, scripta aut missa ad me Decembri superiore mense, nunc denique hoc Iulio accepi: quod non quia mirer scripsi, (grande locorum interuallum est) sed vt excuser, si cogitatio forte incidisset silentij mei, aut tarditatis. Ego verò, Ill^{me} ad tales epistolas, ad talia munera, non fileo: quæ & honorem, & gaudium, mihi adferunt. certè tuus liber, quem in serio illo & graui argumento, non libenter solùm, sed auidè euidem legi. Eò sanè iam veni, & Deus, ætas, iudicium hoc mihi dederunt, vt vana aut curiosa multa studiorum incipiam spernere, & animum oblectare maximè aut pascere iis, quæ propria animi sunt: id est, quæ Virtutem, Sapientiam, & ipsam immortalitatem spectant. ad quam occulto nisu, etiam in vanis istis, adspirat. Omnis gloria, quæ scribendo quæritur, quid nisi posteros etiam cogitat, & monumentum sui? Atqui abeunt, ne diuturna quidem sunt, non dicam æterna: sola illa nobiscum perennant, quæ animus sibi è tribus illis induit, & fideliter adscivit. Ergo, vel hoc nomine, gratus iucundusque mihi tuus liber: sed etiam argumento, etiam tractatione: quorum illud in me quoque conuenit, si non annis, valetudine senem;

ista, proba & composita est, bono ordine, bonis verbis. Nam & hęc bona appello, non quæ fucum aut quæ sita scitamenta habent, sed quæ rebus apta, grauia, significantia: cuiusmodi attulisti. Didici non ex libro solùm, sed ex ipsâ ratione tuâ scribendi, falsum illud Lucretij de senibus:

Claudicat ingenium, delirat linguaque, mensq;. Imò contrà verissimum illud alterum, boni Poëtæ veteris,

Quod periti sumus in vita, atque vñu calle- mus magis.

Ita sanè est in senectute, quam iuuentus non debilitavit, nec vitiis suis effætum corpus illi tradidit. Ego me tibi Ill^{me} & Reu^{me} Domine trado, deuinctum reliquæ virtutis tuæ caussâ, tum hoc dono: & habe me inter fidos tuos clientes. Louanij, xii. Kal. Sextil. oo. 10. xcvi.

EPIST. XLV. *Bruxellam.*GASTONI SPINVLAE,
Gubernatori Limburgensi.

GAVISVS sum in conspectu tuarum litterarum: dolui in primâ statim lectione, vbi conquereris memoriam me tui depositissime, & argumentum capis à silentio meo ad iteratam tuam scriptionem. Primum hoc testor, nec si fileam quidem, amorem aut cultum tui à pectore hoc migraturum, in quo radices satis altè iam egit: deinde nec siluisse me, & nullas omnino tuas, nullas inquam (verè hoc repeto) sine responso omisisse. An ego quid te, quid me deceat ignorem? & si tu non graueris appellare me, in illo gradu positus, ego respondere parcus aut tardus sim, qui ultrò omne officium tibi debeam? Ne cense; sed hoc potius, malè traditas litteras per incuriam aut fraudem (nam nec ea his temporibus rara) periisse. At illud deinde in epistolâ tuâ gratum, valere te, tuam, & tuos: atque etiam auctam familiam esse accessione filiolæ, quam vxor tibi peperit, Deus dedit. Iste idem seruet, & inter publicas curas & saepè mestitias, domestica hęc gaudia firma tibi esse velit. Evidem in rebus non Belgicæ solùm, sed Europæ nostræ solicitor interdum, & mecum dispuo: *Quis exitus erit?* quò fædera hęc erumpent palam aut occulte (scis quid velim) in nos inita? Sed & auxilia, siue militaria, siue pecuniaria, carda sunt, & saepè post occasiones. Audimus sanè Regem classem magnam instruere, vnicum finem

finem belli, si portum & successum deinde habeat: sed quando id quoque erit? Apparatus adhuc sunt, nec vlt̄: nisi quia retardant fortē, quæ scire nos nihil opus est, & quædam inter Reges occulta. Licet hæc in melius interpretari: & de N. nescio quid non solum fama, sed litteræ ex Italâ palam iam scribunt, à partibus nostris eum stare. O rem optandam, si ita sit! ô velis remisque in auxilium eius properandum! Nam si deferritur aut differtur, metus est ne à vicinis & suis etiam opprimatur. Nam partes, ut scis, in eâ gente, & à religione factiones: quam nouam qui fouent, in nos vtique non propendit. Sanè, nisi tale aliquid ex inopinato interuenit, consilia inquam, & auxilia occulta: res regis nostri in arctum eunt, stipatae à tot hostibus, sed tamen vi Fati & numeris (ita semper mea spes & opinio fuit) explicandæ. Speremus in fauore cælesti erga Austriacam Domum, tam claro, tam recenti: speremus eò magis, quod caussæ bonitas & iustitia sufficiat. In Hungariâ tamen vulnus accepimus, & satis grande: sed bene quod hieme, alioqui metus à progressu maiore erat. Etsi in Agriâ amissâ damni satis est, & maioris ferè quam in ipso exercitu. quia hic reparari, illa recuperari haud facile potest. Et est sanè limen atque aditus in Poloniā, Morauiam, Silesiam & vicina. An non ea res Polonos excitabit, vt in tempore se iungant? Sed nec Itali, spero, cessabunt: quorum rem in Hungariâ & Austriâ agi, satis scimus, atque etiam Venetorum. Illum ignem vicinum habere qui vult aut patitur, quid nisi comprehendi & comburi ab eo vult? Nam hæc natura magnorum semper imperiorum, proxima amplecti. Sed, vt rem tibi dicam, ego nec Turcam & Asiam totam metuo, si res modò Regi nostro pacatores aut firmiores sint: si & militia instauretur, à quâ sic dissoluta & turbida vix magni aliquid contra magnum hostem speres. Germania re ipsâ discit, & in assiduis exemplis, nihil collectitum & subitum hunc militem esse, male ducibus & inter se notum: nihil, nisi cædem hostilem aut prædam. Sed satis de publicis, in scriptione quidem: plura & liberiora in sermone vellem. De priuatis meis, quod aīg te ex Hispaniâ nil audisse: nec ego quidem, nisi quod litteras commendaticias ad Cardinalem accepi, sed sine ullo effectu. Res magnæ & arduæ facile excusant Principes & qui iis adsunt, si ad hæc minuta nunc non at-

tendunt. Litteris & doctrinæ laus & fama sit, præmia rara, & vt verum fatetur, nec nobis sperata. In tranquillitate animi si exigere vitæ hoc spatium licet, cælestia meditari, humanæ intelligere & spernere; beatus sum, nec Regibus inuidet, aut omnibus purpuratis. Hic meus sensus, sed priuati hominis: vobis aliis & altior esse debet, quos ad alia & altiora Deus vocavit. Illustrissime Domine valere te & familiam opto, atque hanc à me saluere. Louanij, vi. Kalend. Februario, 15. xcvii.

EPIST. XLVI. *Madritum.*

IOANNI IDIAQUEO,
à Consilio magno Regi.

ETSI scio raro, & nisi in magnâ causâ, vos tales adeudos; tamen beneficium à Rege nuper acceptum, qui mille aureorum congiario me donauit, impulit vt scriberem: & per te gratias maximo Regi agerem, quem humilior nostra conditio decorè non compellat. Per te? imò & tibi gratias agerem: quia neque hoc nescio, tuam auctoritatem, & in me benignantem, hoc totum vel promouisse vel confecisse. Quo autem meo merito? priuatim nullo: quo magis obligor, & animus seriò auet aliquo gratitudinis signo id testari. Sed viam vitae quam ingressi sumus, vides: remotam à rebus, actione otiosam, nec nisi in lectione aut stilo occupatam. Neque pænitere potest, cùm pretium aliquod iis apud Principes meos quoque esse videam. Nam de te vir Illustrissime qui possum dubitare, qui & ipse largiter gustasti, aut potius imbibisti, optimas artes: & hunc quoque gradum ad culmen illud prudentiæ tibi struxisti? Vetus autem est, *Qui non intelligunt artes, non amare artifices:* & contrà quod in te equidem expertum me, fateri debeo: atque vitam tibi & bonis studiis mea approbem! quæ dirigere deinceps in honorem Principum meorum, & bonum iuuentutis ac publicum, voluntas largiter mihi est, faxit Deus vt & facultas. Exemplar vnum MILITIAE ROMANAЕ, correctæ nouiter & auctæ, ad te misimus: spero perueniet: miseri breui, ADMIRANDA, siue de MAGNITUDINE ROMANA. Deum precor, vt te Illustrissime Domine Regi, Reip. & nobis seruet. Louan. ix. Kal. Maias, 15. xcvii.

EPIST. XLVII. *Romam.*

FVLVIO VRSINO.

LAETVM mihi fuit à te, Fului, amico peruerteri, nouum beniuolentiæ testimoniū adipisci. Quid magis optem, quām à magnis viris amari, & in loco aliquo haberi? Quod mihi contingere, etiam supra inerita, in animo isto fateri debeo, & capio assiduè exempla. Vel nunc, cùm de beniuolentiâ Ill^{mi} Sfortiæ Cardinalis ita serio significas, & veterem etiam tuam addis & renouas: in vtraque exsultare me fateor. illâ, ob magnitudinem & splendorem viri: tuâ, ob eruditionem & virtutem, quæ vt fax vnica in Italiâ nunc lucet. **Vnica**, inquam. nam vbi alij illi nostri Musarum antistites nunc sunt? abierunt, & paucos superesse credo, quos ego aut fama nouit. Etsi quosdam tamen esse, qui has cum grauioribus artibus misceant utiliter ac temperent, non nescio: sed omnium scilicet rerum suus quidam orbis, & vt sic dicam, transitus est: etiam studiorum, ingeniorum, quæ alias alibi florent, aut viuunt. Sed de Ill^{mo} illo viro, equidem iamnunc destinabam ad eum scribere, & huic beneficio (sic interpretor iudicia hæc & testimonia) non gratiam, sed confessionem ponere: nisi reuocasset me, quod melius visum cum munere adire, id quod breuī **MILITIA** mea recusa dabit. Hanc initiam, & simul deuincti animi mei testes litteras, quarum loco vocem tuam nunc aslumo, & rogo vt velut legatiunculâ istâ apud eum fungare: Clientem eius esse ac cultorem, ac fore in reliquam istam vitam. Tibi quoque, Fului, de fide & amore meo recipio, quæ cœpta ante triginta annos, non nisi mecum desinent & morientur. Vale vir Cl^{me}. Louanij, XVI. Kal. Iunias, & IO. XCVII.

EPIST. XLVIII. *Mediolanum.*

IOANNI FERDINANDO VELASCIO,
Comeſtabili Caſtelle, Gubernatori Mediolanensi, Praefecto supremo militia Regiae per Italiam.

ILL^{mi} & EXCELL^{me} PRINCEPS,

ME verò non gaudio ſolūm, ſed admiratione adſicit hæc tua tam ingens in me (ita loqui debeo) beniuolentia: quam non scriptis ſolūm, ſed rebus oſtendis. atque id in iminerente, certè inopinantem.

Non delector ambitione aut ſplendore iſto extero, quod ſciunt qui interiū me no- runt: delector tamen, fateor, & in animo iſto paſcor, tuâ iſtâ benignitate, & propenſione. quid ita? quia ſolida & vera in te bona miramur, & iſpum te, non ſolūm ea, quæ circum te ſplendent. Rarum in hac potentiâ & altitudine; ſed eò pulchrius, & maiori à ſapientibus laude ferendum, cùm tot externa adſint, ad interna te conuerti, & cenſeri velle à virtute, ſapiențâ, doctrinâ. Nihil tibi è conieeturâ damus, ſunt in hac iſpâ Vrbe oculati olim arbitri & teſtes, qui te: ſed hæc apud te omitto. Ad epistolam autem tuam ſic benignè ſcriptâ, & ad mu- nus illud adiunctum è bibliothecâ Duciſ Allobrogum deromptum, quid dicam, niſi quod res eſt, gratias & agere me, & cùm egero, debere? Certè publicè etiam proderit tua cura iſta & liberalitas, cùm **POLIORCETICA** noſtra hoc additamento ibimus ornatum: quod breuī fiet, opinor, & **MILITIA** noſtrâ (quæ iterūm cuditur) abſolutâ. Habemus & alia quædam noua in manib⁹; ſed quod verè apud te depono, vale- tudo nimirū ſæpè interpellat & ſiſtit:um & cottidianæ occupatiunculæ, quas in lectio- nib⁹ publicis, aut priuatis ſcriptionibus, cogiuntur collocare. Mihi verò vtinam vita ſuppeditet, donec testimonium aliquod da- re mihi fas tuæ virtuti, non aliâ quām æui & exempli cauſâ. Nam velle & debere me ſcio, & adamantino, vt ſic dicā, vinculo ob- ſtrictum manere tibi, Ill^{me} & Excell^{me} Prin- ceps. Louanij, III. Non. Iun. & IO. XCVII.

EPIST. XLI X. *Mediolanum.*

IOH. BAPTISTAE SACCO.

EN, quām verus auctor tibi de valetu- dine mēa confirmatâ Puteanus! ego iam dies ſedecim in morbo fui (omitto ve- terem meum languorem) & à quo pericu- lum tabis non abeffe medici muſſant. Ho- mo ſum mi Sacce, & ex quo natus ſum huc ibam. Quamdiu etiam hæſi in viâ? ſanè præter meam & aliorum opinionem, qui- bus ſemper, in tenui corpusculo & viribus, * ὀλιγοχερόν ^{brevius} viſus ſum eſſe. Sed adhuc ta- men ^{axi} uifinui, & nunc quoque omnia po- tiūs, quām animus relinquet: qui ſecurus vitæ aut fati, Deo ſe permittit. Habes hūc libros de MAGNITUDINE ROMANA, le- ge & cenge, ſi me amas. Certè argumen- tum pro vestrâ gente eſſe debet, quam lau- datum

datum iuimus & cælo pænè insertum. Sed heus, noster Puteanus quid, aut vbi agit? post vnas litteras nihil de eo auditum est. Probus iuuenis est, litterarum amans, & sciens quoque pro ætate: sed nondum * ~~magistrorum~~, & multa ei in communi vita & moribus discenda. Vale mi Sache, & valetudini breviorem scripturam fer acce-
ptam. Ad heroem vestrum librum misi, itemque epistolam, Principera semper mihi suspiciendum Louanij, xi. Kal. Maij,
oo. 10. XCVIII.

EPIS. T. VI. *de Antwerpam.*

LVDOVICO PEREZIO.

AH telum, quod quasi catapultâ mis-
sum in me venit, de morte optimi
Arie, communis illius nostri. In quo et si
priores partes iure tibi tribuo amicitiae (diu-
tius enim, & arctus iuncti estis:) tamen vix
amoris, si meum hunc animum consulo,
mirifice in virum illum affectum. Merue-
rat ita ipse amore, etiam beneficiis: quæ, et si
illo mortuo, æternum apud me vivent. At
tu solatum à me exspectas. ignosce, non
possim: mens, cogitatio, voluntas etiam,
excussa aut certè concusa mihi sunt. &
quamquam recepi & collegi me non nihil
à priuio illo nuncio: tamen ut in mari post
vehementiorem ventum, commotio &, ut
sic dicam, crispatio adhuc manet. Quid ta-
men solatio opus est: de quo, & apud quem?
Ariam nostrum libenter, & pænè dicam
audie ab his terris turbisque abiisse ausim
dicere: & dissensum hunc vestrum, fortasse
primum, voluntatum fore, si reuocas aut
recepas. Dia ille vixit, & ad ultima huma-
nae ætatis venit: vixit in bonis, asperis re-
bus: & gustauit abunde è dupli dolio;
quod ille supremus Symposiarcha nobis
miserat. Quid illum in rebus humanis de-
lectauerit, sic gnarum earum & peritum?
ventum, fumum, uugas esse sciebat: atque
utinam non vere addam, fraudem, fucum,
scelus. Inter haec haberi eum placet, iactari
inter dissimiles: & re si non pollui, tamen
aspectu vel contactu? Abeat, cum bono
Deo se subducat, ab isto carcere in libe-
rum illum & læticantem locum. Quem
nunc insidere eum, beatum inter beatos, vi-
ta integritas & candor ille spondent. At
apud nos bonam famam, & in templo Me-
moriæ scriptis suis consecratam reliquit: al-
teram scilicet & diuturniorem vitam. Hoc

de ipso cogites: de te, quid? virum esse, cui
cum omnibus cōcordia, cum Fortunā sem-
per contentio fuit, ne vī deiiceret, ne fraude
supplantaret. En, magnus & celebris hīc
agon. compitus es cum ingenti luctu, qui
inuadit & stringit: eripe & eluctare, & Ra-
tionis auxilio nexus illos nodosqū esolute.
Hanc nisi aduocas, & totum affectui te per-
mittis: quis Deus adiuuerit? Imò vt in tene-
bris ambulare & currere qui amat, impingit
& ruit: sic in te, nisi præfers & præpan-
dis lumen hoc mentis. Ea te docebit, vt fo-
lia rosas, sic vigorem & vitam nos relinque-
re: atque adeò non hominem, sed nec ele-
menta & mundum esse æterna. Cogite-
mus, & ipsi paremur, quandocumque Deo
visum, ad casum similem: quis scit quando
subeundum? Non anni, mensis, dies, hora
excepta sunt: non hæc ipsa, quā scribo,

Et certam præsens non habet hora fidem.

Tu vale vir Nobilis & Cl^m, & animo, vt
foles, consta. Louanij, xi. Kalend. Iulij,
oo. 10. XCVII.

EPISTOLA LI.

MATTHIAE OVANDO, *Doctori Theologo,
Principi à concionibus.*

EPISTOLAM tuam quidni libens vide-
tim, à tali viro testem rari in me adfe-
ctus? In gratiâ & famâ esse velle hominum,
homini est insitum: sed magis apud illu-
stres, & eos qui vtramque suo merito ha-
bent. Tu is es eximie Ouande; quem vir-
tus, eruditio, addo & eloquentia comen-
dant, & in gratiâ apud Principes, in famâ
apud omnes ponunt. Itaq; oblationem ami-
citiae tuæ sic amplector, vt Amicitiam ip-
sam vellem, si conspiciendam se mortalibus
oculis daret: sed tu habitaculum & sedes
eius esto, & in te venerer hanc & eam. Vis
dextram fidei meæ testem? habes hīc im-
pressam: et si coram ipsam etiam dare &
iungere mihi spes est, cum Aulam vestram
videbo. Interea librorum meorum Indi-
cem (ita petis) mitto: quos ab Hispaniâ
tuâ æstimari & appeti quodq; ais, gratum
est: cur abnuam? imò hoc fine scribimus,
vt appetantur. Sicut gloriam mercedem
boni operis habere boni non debent: ita
possunt comitem, & hīc in terris eo velut
melle temperare quod in virtute est ama-
rum. Dico gloriam, id est testimonium
bonorum. nam vulgi famam & auram tan-
tum, quis sapiens captat? Sed ista præter
rem

rem omitto, te in animo teneo, & tuo teneri voueo ac rogo. Louanij, iiii. Non.
Iul. oo. IO. XCVII.

E P I S T . L I I . *Roman.*

F R A N C I S C O S F O R T I A E
S. R. E. *Cardinali.*

BENIVOLENTIA & inclinatio tua in me, quam è Fuluij Vrsini, & aliorum litteris certo cognoui, duplarem affectum in animo isto genuit; & gaudium simul, & tui cultum. Nam quomodo non gauderem in iudicio & affectu talis viri, quem & dignitate, & stirpe, & animi ingeniique dotibus, inter primos augusti illius Senatus esse scirem? Ego verò gauisus sum, & velut stimulo incitari me sensi ad porrò colendas eas artes, quæ commendabilem me vobis reddunt. Iam de cultu etiam & veneratione tui, verè dixi. quem iam antè fama melior, imò & adspectus, notum in nostro quoque orbe fecerant: ubi & nomen & gloria tua viuunt: & nunc benignitate tuâ allucio, ut propius inspiciam, noscam, collam. Hoc enim virtutem & prudentiam sequitur, & rapimur ad eas suspiciendas, eosque qui habent. Quod iamantè indicare & scripto profiteri, in votis mihi erat: sed represli & sustinui, donec possem cum munusculo. quod nunc mitto, & spero ab argomento non ingratum Italici sanguinis atque animi Principi fore. Certè affectum meum in Romanum & Romanos abundè testatus sum: & siquid omisi aut minus feci, non illius, sed ingenij delinquum sit & culpa. Ill^{me} & Reu^{me} Domine, ut me deuotione tuum censeas, rogo, & locum aliquem vel inter insinæ classis clientes tuos adsignes. Louanij, x. Kalend. Maij, oo. IO. XCVIII.

* De Ma-
gnit. Rom.

E P I S T O L A L I I I .

I O A N N I R A M I R E Z I O
A B A R E L L A N O *JC^o.*

SVAVE mihi fuit, non mentior, & ipsum te nuper videre, & nunc à litteris tuis adiri, quæ id ipsum quod sermo, id est affectum in me, cum niueo quadam candore, præferunt & ostendunt. In me tantum? in optimas etiam artes nostras: à quo velut fonte, scio, manat ad me hic riuis. Amo, laudo. hoc magis, quod haud multi hodie illas; & non dicam imbui, sed tingi Helico-

niis aquis spernunt. At tu vel mergi, ut sic dicam, velis: & ideo ad nos quoque, id est Louanium, veterem illam Musarum sedem adspiras. Quod utinam tibi liceat Ramirezi! mihi libeat, & iuuet versari tecum saepius, & sermones miscere animis vtriusque nostrum vel formandis, vel recreandis. Optem ego: quid possis, tu vide, & quocumque tamen loco nō sit. Louanij, vii. Idus Sextil. oo. IO. XCVII. Ad discipulum tuum hūc habes, utinam ad bona calcar.

E P I S T . L I V . *Bruxellam.*

L V P O D I O N Y S I O A C A S T E L L A ,
nobilissimo iuueni.

LITTERAS tuas, præfertim sic Latinas, exosculatus sum; & animum, qui impulit ad scribendum. Quid enim ille, nisi beniuolentiâ mei æstuat, qui aperire honestam hanc flammat voluit, & per litteras reuelare? Quas (iterum dico) exosculatus sum: & maximè ob elucens in iis studium tuum, & ardorem in res artesque honestas. Omnipotens iuuenis, genus tuum cogita, ætatem tuam, sæculum nostrum; nihil dignius aut aptius videbis generi, ætati, sæculo, quam tingi te & formari his artibus, quæ non scientiam solùm, sed prudentiam, imò & sapientiam donant. Ecce genus tuum illustre, & ab ipsis Regibus: quid magis huic conuenit, quam non censeri in reliquo nobilium grege, & dotibus ornamentiisque ingenij, non solùm fortunæ, eminere? Vide & ætatem; flos ipse est, & anni isti faciles & ad omnem disciplinam sequaces. Vide sæculum; turbidum est, res magnæ in motu & exspectatione. quid tam necessarium, quam rebus magnis magnos item viros admoueri, qui administrent feliciter & gubernent? Mihi crede autem, felicitas illa ex prudenter oritur, & diuinus ille fauor semina & caussas in nobis habet. Neque ita tamen hæc differeo, quasi ad scholas aut libros tantum te vocem: absit: memini tui loci & generis, & spei ad quam educaris: sed inter illa externa, & militaria vel aulica, locum etiam te facere suadeo optimis artibus, quæ animum excolant & forment. Exæ imbibuntur per lectionem & libros: & habes rectorem & doctorem idoneum, qui infundet. Felicem te, qui sub tali etiam Principe educatis! vide & nota omnia in exemplum: quia nihil ille facit aut dicit, quod non sit

fit exemplum. Sed monendi nec h̄ic locus est, nec meum munus: nisi quòd amor impulit, quem iamnunc in pectus hoc vnā scriptione tuā, velut philtro, immisisti. Itaque siquid est in toto LIPSIΩ, quod totum aut in parte seruire v̄sibus tuis pos- sit; habes promptum volentemque. Vale Nobilissime iuuenis, & animo ac corpore cresce, Deo, Regi, Tuis. Louanij, vi. Idus Sextiles, 20. XCVII.

EPIST. L V. *Genuam.*PAVLO MONELIAE, *Patricio.*

M E M O R E M te nostri esse, nec men- tem diuidi etsi multi montes & ter- ræ diuidunt, gratum est, mi Monelia, vt cum Plauto dicam, vel contra aurum. Vi- deo firmiter fundatam amicitiam no- stram, nec ex leui verborum aut blandi- tiarum arenâ surrexisse. Pergamus inædi- ficare, & officiorum & litterarum etiam commerçis; quas equidem istas crebr̄ dabo, & illa vbiicumque v̄sus erit. Sermo- nem & spem illīc esse de meo in Italiam aduentu, non nolo mi Monelia: etsi quis sparsit? nihil enim decretum etiam. Iu- uat tamen & me ea cogitatio; & bonâ si- de inclino, si aut valetudo mea, aut ij per- mittent, qui ius in me habent. An ego non libens amatam semper, & gustatam aliquamdiu, Italiam reuksam? tot in eâ præclaros viros & ingenia? tot monumen- ta præclarorum operum, aut virorum? Sanè quām libens, & non potui tempera- re, quin hunc affectum bis terque expri- merem in ADMIRANDORVM libris, quos nunc vulgau. Ij sunt de MAGNI- TVDINE ROMANA: quam ignotam aut non creditam hodie adstruxi, & benè meritum me censeo (sine superbiâ dicam) de gente & solo vestro. Certè illa sustuli & laudau: & quām ex animo, scriptio ipsa mea tibi dicet. Exemplar, Deum te- stor, nullum mihi ad manum est quod mittam: sed recudetur mox liber, & malo te correctius vberiusque habere. Sustine igitur paullisper, & me ama, vnā cum Clarissimo Mercuriali: cui brevī item exemplar. Louanij, xiv. Kalend. Iun. 20. XCVIII.

EPISTOLA L VI.

F. BONAVENTVRAE CALATAIERONEN-
SI, *Sodalium D. FRANCISCI supremo
Præfecto.*

I NOPINATA mihi accidit hesterna hu- manitas tua: inopinata, sed grata. Ho- minem certum vltrō ad me mittis, visendi à te & salutandi caussâ: & quid amplius? mu- nus etiam adiungis eius generis, quod sani & pij homines iure æstimamus: Beneficia mecum communicas sparsi vbiqüe terra- rum tui coetus, & ex tot virtutibus merce- des vis ad me in parte redundare. Quid ego h̄ic dicam, nisi non habere me quod dicam? Ut oculi, in quos subita & magna lux venit, connuent & clauduntur: sic mi- hi pectus, largâ istâ humanitate perfusum, & pñè addam confusum. Quid tamen est? aperit illud, & me erigit hic animus, conscius sibi semper eximij in Sodalitium vestrum affectus: atque eo saltem meruisse videor aliquem hunc à vobis. Iure eum habui. quidni in eos, qui pietatis omnes numeros persequuntur, aut habent: & eam in aliorum animis excitant aut depanguunt? Est hæc communis laus vestra: illa tua pro- pria, quòd in afflicto hoc rei Christianæ statu, nuper maximos duos Reges pacifi- casti: atque utinam inter se iunctos, reli- gioni & reipublicæ instaurandæ! Quæ felici- tas sit? quis splendor ex his tenebris illu- ceat? Neque despero fore: & Deum calido ac suspirante animo precor. Euindem et- iam, vt te Reu^me Pater sacro tuo coetui diu præesse, & vniuerso populo Christiano prodesse, patiatur. Louanij, vi. Kal. Iun. 20. XCVIII.

EPIST. L VII. *Mediolanum.*

ERYCIO PVTEANO S. D.

F AVSTM & felix sit te in Italiam venisse, te apud Illustrissimum illum Principem agere, loco & lege quam scribis. Quem Principem magnum esse scire debes, non à genere tantum aut externis: sed à veris illis intēnisque bonis, quæ Deus aut industria largiter ei dederunt. Tu place, & demerere: quod mihi quoque studium esse fateor, et- si non alio fine, quām vt cerni à nobis vir- tute in illam & coli sciat. Itaque MILI- TIAM meam recusam ad illum misi: in quā recensui quædam, vt solet, & clarius aut fir- mius

mius dixi. in quibusdam tamen etiam nunc suspenso pede iui, & quasi super oua, vt ille ait, & aristas. Quid mirum in rebus æuo, & paucitate scribentium, obscuris? Sed alias addet fortasse, & illustrabit, & volentem me atque alios docebit. An non iam nunc facere intellego quemdam,

* Qui mihi
præstas, &
est diuin
quoque ca
vier ipsiſ:

* O's μετά ροιαν, Ε φίληγες αδωράτοις;
Faciat liuor aut calumnia in me non cadet. Otiabar nunc aliquid post ADMIRANDA nostra edita. sed fortasse ut qui saltum cogitant, recedunt; sic ego, & maior post otia hæc virtus. Saccum ibi amo, pro meo ingenio virum, & doctum simul & candidum, si quid litteræ animum reuelant. Et quidni reuelent, certus illius (à veteri verbo) character? Te etiam amo mi Puteane. quem hortor & oro, dignum præstare elo-
giis & testimoniiis, quæ dedi. Ut enim mai-
or dolor est, cùm nauis onusta perit, & in
ipso portu: sic nobis iure, si tu ad alia eas
aut mutes, qui in virtute & litteris sic pro-
mouisti. Sed non facies: ita Deus te seruer,
& honestum magis magisque reddat. Louanij, Nonis Septembrib. & 15. XC VIII.

Exemplar Testimonij, quod huic dedi.

QVICVMQUE HAEC LEGITIS,

TESTOR apud vos ex animo, ERY-
CIVM PVTEANVM, benè honeste-
quæ natum, educatum, institutum: ingenio ad
optimas artes faciliter tenaci, in utravis lingua
Græca & Latina peritum, versu & prosa bo-
num, vitæ moribusque modestum: & plura
etiam reperienda in eo, si quis pernoverit, quam
hic dicam. Habet Matheism, Philosophiam,
Musicam quoque: & plane dignissimus est,
cui benè velit, siue benè feciat, quisquis Doctri-
nam, Elegantiam, aut Virtutem amat. Commen-
do vobis talibus hunc iuuonem, & mea quoque
institutione & manu profectum: ac spero, vel
confido potius, gratiam me debitutum quidem
siquis mea causa benè fecerit, sed & habituros
michi sicut proprius aut familiaris sibi iungent.
Rogo, fides mihi sit sincerè scribenti; rogo, ipse
gratia aliqua & subsidium, in mea scriptione.
Louanij, III. Nonas Sextil. & 15. XC VII.

I. Lipsius, Professor & Historio-
graphus Regius ipse scripsi.

EPIST. LVIII. Mediolanum.

IOH. BAPTISTAE SACCO.

ANTE inensem ferè scripsi ad te & Pu-
teanum: nunc iterum, uno hoc argu-
mento, vt hunc quem vides Nicolaum Mi-
taultum, libenter videas: quia & ipse me-
retur, & ego rogo. Vir est inter digniores
Belgas, stirpe & opibus: doctrinâ & vitæ
instituto Theologus, & ritu nostri æui Li-
CENTIATI titulum adeptus. Fuit mihi a-
amicus, & plures annos sedulus auditor. Por-
rectâ fronte eum excipe: & si quid visen-
dum apud vos, ostende. Ipsum Principem
videre & affari si posset (certè vel à me ei
notum) in voto haberet: sed non temere
peto, nec illius benignitate erga me abutor.
misí ad illum & te nuper ADMIRANDA
nostra, per cursus publici præfectum: ac-
cepistisne? verbo significatum velim. Ego &
langueo etiam mi Sacce, & senesco: atque
annum quinquagesimum primum ordiri
parabam (si peruenio) hoc mense Octobri,
propinquo. Interea epistolas meas aliquot
colligo, & editioni apto. Vale, & saluebit
noster Puteanus, à quo ad meas exspecto.
Louanij, prid. Kal. Sept. & 15. XC VIII.

EPIST. LIX. Romam.

NICOLAO MICAVLTIO.

ROMAM enim inscripsi: & nostro voto
atque opinione iam peruenisti. Si ita
est, gratulor: & vt ea mansio iucunda, ho-
nesta, fructuosa tibi sit, Deum venetor &
animō procor. Sed ecce, quæ te velut aduen-
ticia excipiat, Dissertationculam nostram
super CYRSORIBVS, quam in sermone, per
occasionein discessus tui, agitatam misi te
petente in scripta: & si vacas, h̄ic lege. Vides
& fidem, & diligentiam: tu obsequium aut
suffragium etiam adhibe, nec, vt in sermo-
ne, ambigere aut repugna. Etsi quid possis, ha-
bes omnia distincte h̄ic, & per suos au-
tores: quibus vulgus fortasse aliquid abnuat,
tu rerum artiumque veterum, non debes.
Audi igitur: Cursorum tria genera facinus,
hominum Peditum, Equum, Animalium.
De peditibus præmito, qui antiquissimi-
mi, & quos Græci (verba Liuij) * Heme-
rodromos vocant, ingens uno die spatium eme-
tientes. Quantum? inquieris. Iam dicam, si
prius aliquid de ipsis spatiis, per quæ veteres
aut nos metumur. Nisi enim ius cognitis,
&

* Diarios
curvores.
Lib. xxxi.

& comparatis etiam aut pariatis ; frustra , & apud suspensum te aut vacillantem, cetera addam. Græci per *Stadia* ferè computant : atque ea etsi alibi alia, tamen communi more & usu , *sexcentorum pedum* hinc sunt. Pes autem Græcanicus Romano semiuncia est maior. Romani per *Millaria* metiuntur, quibus à mille passibus est nomen. Passus autem *pedes quinos* continet : & pes Romanus vulgari nostro paullò est maior. *Oeto stadia* paullò minus (ita Plutarchus) in *Milliare* vnum imputantur: etsi Suidas. septem cum dimidio distinctius profert. Nos hodie per *Leucas* ferè computamus : atque eas horario spatio finimus. Nunc queritur, quot prisca siue Romana milliaria in Leucam nostram veniunt? vulgo tria asserunt : nec male, si hodierna Italica aut Romana spectemus. Si vetera , vereor ut errant. Antonini Itinerarium qui inspicit, & comparat, videbit palam, milliaria illa vinci ab hodiernis. Qui lapidum interualla, qui hodieque in veteribus viis, signa milliarium, cum numeris suis exstant: idem censebit. Idem, qui haec nostra mox producenda comparabit. Si enim tria tantum milliaria in vnum nostrum sumes: surgent spatia diuina ab homine confecta, supra omnes humanas vires. Sed illud de lapidis bus, per mihi firmum est: & exstant cum alibi hodie, tum in Lusitaniâ, viâ militari ad Emeritam Augustam, ubi singula milliaria singulæ suæ columnæ inscriptæ distinguunt. Qui spatiū dimensi sunt (inter alios, annicus noster Carohis Clusius:) certò asserunt, quatuor ea venire in vnam Leucam. Hoc igitur sequemur, ne nimia mitia dicamus: & narrationem iam ordinamur. Cursores pedites ingens spatiū fecisse dixi, & exemplum primum sit in *Philippidâ* quodam: qui bello Petiso ab Atheniensibus Lacedemonem auxiliū petendi causâ, missus, confecit biduo *stadia mille ducenta sexaginta*. Ea sunt Romana milliaria centum quinquaginta septem & semis: ergo nostræ Leucæ, circiter quadraginta. Fecerit in diem eas vi- ginti: rem haud nimis magnam aut mirandam. Magis in *Euchidâ*, qui ignis sacri petendi causâ, ab iisdem Atheniis Delfos missus, uno die iuvit rediuitque, *stadia mille emen- fusi*, id est, Romana milliaria *cxxxv*: nostra, *xxxvi*. & quod excedit. Magis iterum, in Anisti Lacedemonio cursore, & Philonide Alex- andri Magni, qui à Sicyone Elin, uno die, mille ducenta *stadia cucurrerunt*. Sunt Leucæ no-

stræ, *xxxvii*. & semis. Sed in stuporem me dat, quod alibi idem Plinius, de hoc ipso Philonide: *Ex Sicyone Elin, mille et ducenta stadia, noue diei confecisse horis: indeque, quamvis declini itinere, tertia noctis hora remensum*. Tótne illa *stadia, nouem horis?* cursores nostri equi non faciunt. Sed fuisse æstuas & longas horas, ponendum est: & de reuersione (quod rem auget) capiendum: quinque dumtaxat horas quieuisse, iterumque sic redisse. Stupebam, sed excitat Plinius, qui vt reī notam & vulgatam tradit: *Nunc quidem in Circo quosdam clx. millia passuum tolerare non ignoramus. Audin' tu? quadraginta nostra milliaria vno die, in illis Circi spatiis remetiendis, præmij caussâ, consecrare quidam. Quid amplius? Nuper (addit idem) Fonteo & Vipstano Coss. annos octo genitum puerum, à meridie ad vesperam, *xlv. millia pas- suum cucurrisse*.*

Hem! itane tantillum puerum? itane à meridie? Quid dicas aut censes, nisi Genij alicuius subleuantis operâ factum? Et si profecto hoc non fuit: sed usus & exercitatio, & præmij acris cupido. Enim uero & posteriore æuo, sub Leone Imp. By- zahtino, *Indacus* quidam fuit, homo & ro- bore & celeritate præstans. qui in eundo con- spectus (veteris scriptoris verba, apud Suidam) subito evanescebat fulgoris instar, nec cur- renti magis quam volanti adsimilis. Certè quod iter homo, mutatis equis, uno die confucere non poterat, hoc ipse suis pedibus, & sine mo- lestia, conficiebat. Licet his mirandis ad- nectere singulare exemplum *Pbilippi*, no- bilis iuuenis in cohorte Alexandri. Is pedes *Curtius* (*incredibile dictu*) per quingenta *stadia vectum regem comitata est*, sapè equum suum offerente Lysimachq: nec tamen ut digredetur à rege effici potuit, cum *LORICA* induitus *ARMA* gestaret. De spatio, non nimis miror: de ar- mis, magnum est & pæne *incredibile*, vt Curtius dixit. Atque hi Cursores Græcani- ci: quibus usu, non operâ similes, quos re- ges *Inga* nuper habebant, in vasto illo noui orbis Peruanō tractu. Iis casulæ dispositæ, per publicas regni vias, erant, dimidiati milliaris quoque interuallo. In casulis duo cursores, cum lata quisque uxore agebant. Re- igitur aliquā nunciandā, ad primum illum voce (nam litteris carebant) deferebatur, quidquid hoc erat. Ille cursu intento, à suā casulā ad proximam pergens, iam vicinior altâ voce hoc ipsum inclamabat: atque alter accipiens, item pergebat ad proximam: ac sic per manus ad fines regni. tantâ celeri- tate,

Plin. lib.
viii. & Ac-
mil. Prob.

Plutarch.
in Aristide.
Plin. vii.
cap. xx.

Suidas in
l. d. a. o.

Curtius
lib. v. iii.

P. Cieca. i.
cap. xlii.
August.
Satrat. i.
c. xiiii.

tate, vt Hispani scriptores fateantur, omnium equorum cursum ab iis superatum. Neque dissimilis ratio, quam maiores nostri Galli usurpabant. de quâ Cæsar: *Vbi maior atque illustrior res incidit, clamore per agros regionesque significant: hunc alij deinceps excipiunt, & proximis tradunt, ut tunc accidit. nam que Genabi Oriente sole erant gesta, ante primam confectam vigiliam, in finibus Aruernorum sunt audita: quod spatium est millium passuum circiter CLX.* Nihil nimium est: & minor esse, qui diffidant. Quid? nonne longè mirabilius, quod Diodorus Siculus, in rebus Eumenis, tradidit: cùm ille milites & arma expediret, quosdam Persarum, qui XXX. dierum spatio abeſſent, eodem illo die hoc cognosſe? Fide maior res videtur: sed ille ita denarrat. *Persis, inquit, pleraque montana est & vallibus interrupta. in montibus, opportunis locis speculae sunt, in quibus consistunt homines maximè vocales: speculae autem ita diuīsa, quantum vox ab una ad alteram venire & excipi potest. Re igitur nunciandâ, unus inclamat proximo, ille alteri, & sic deinceps per omnes Satrapias, ad extrema regni.* In numero tamen illo reūxarta īueſſo, siue triginta dierum, subsisto: & vereor ut reſolv, siue trium, sit satis. Habes Hemerodromos, & pedites cursores: nisi quod Turcarum Peichi me etiam ſiſtunt. Hi in comitatu Principis & antecursors, cùm opus est huc illuc mittuntur: tantâ velocitate currentes, cum ſecuriculâ in manu, & item phialâ odoratâ aquâ, ut adfirment eos Byzantio Hadrianopolim die ac noctu peruenire. quod interuallum est milliarium Romanorum circiter CLX. Ad diuersum genus videtur quod Laōnicus deſribit, & Vlacidas appellat. Hi, inquit, citatissimo gradu magnum iter peragunt. & ſi forte equus occurrit, eum deuicit, ipſe equum conſendit: iterumque ſi alium, idem facit, & defeſſum equum ei tradit. Corpus ſuccingant, ne adeat in curſu. Ex Peloponeſo Hadrianopolim ſcānus regios iſtos cursores veniſſe, intra quinque dies: quod iter XV. dierum ſpatio egrè eques perege rit, etiam festinus & expeditus. Mixtum hoc poſtremum genus, & Equitibus aliud, ad quos nunc imus. Vetus id inuentum, ut per dispositos equos, & certas stationes currerent: quod Cyro, in Perſide quidem, Xe nophon adſribit. Is conſiderans, inquit, quantum ſpatij uno die equus poſſet conſificare, ſic ut labore non ſuccumberet: in tali iſto interuallo Equilia conſtituit, inque iis equos ex eorum curatores. Tum etiam in quoque loco virum

Lib. viii.

Lib. xix.

Lib. ix.

Lib. viii.
itē Herod.
lib. viii.

idoneum, qui acciperet litteras, & curſu ita perferret: quem nec noctu interdum intermit tunt. Nota de die, & rationem nostram hodie diuersam, qui diſponimus ferè per horas. Atque iſti ſunt, quos Persæ Angaros appellant, itemque Aſandas. Græci an usurparint hoc genus, firmiter nescio. in Li uio tamen lego: *Ti. Sempronium Gracchum acerrimum iuuenem, per dispositos equos, propè incredibili celeritate, ab Amphibâ Pellam tertio die perueniſſe. Quid Romani veteres? & de iis ambigo: eti in eodem Liuio lego, Censores locaffe currules equos præbendos: ſed ego ad Circenses traham.* In Cæſare etiam ſcriptum: *Vibullium, omnibus opidis mutatis ad celeritatem iumentis, ad Pompeium contendiſſe.* Iterumque in eodem: *Nuncios, per dispositos equites, de victoriâ Cæſaris, Messanam allatos. Fuit ergo res in vſu: ſed vix publico ſumptu aut curâ. at dixerim priuatos, lu celli cauſâ, equos ſic elocati & præbuſſe, præſertim magnatibus notisque viris. Illud certum, Auguſtum rerum compo tem, curſum denique publicum ordinatſſe.* de quo Suetonius: *Quo celerius, ac ſub num, annuciari cognoscique poſſet, quid in prouincia quaque gereretur: iuuenes primò (nota Peruanam illam rationem dictam) modis interuallis per militares vias, debito vehicula diſpoſuit. Commodius id viſum eſt. ut qui à loco iudem perferrent litteras, interrogari quoque, ſi quid res exigeret, preſent. Ergo in ve hiculis, Auguſti inſtituto, iſi curſus: in quibus commodiū ſolliuſque ſane tranſuehi, quām ſingularibus equis aut Veredis, qui tamen poſteā etiam acceſſere. Sed do modo huius curſus, quod præcipue inſtitui, videamus. Liuius tradiſ, M. Catonem, quinto die Hydrunto Romam, INGENTI CVR- SV perueniſſe. Ea ſunt millaria, opinor, paullò plus CCCC: ſed alij longè viceſſunt. Cæſar ipſe Iulius, de quo Tranquillus Longiſſimas vias incredibili celeritate conſecit, expeditus meritoria rheda, centena paſſuum mil lia in dies ſingulos. Nota de meritoria rheda: & nondum igitur publicè fuſſe. Affidet huic ſpatio, quod Plutarchus ut magnum prodiſit, Cæſarem octauo die ab Urbe ad Rhodanum veniſſe. Nam ea ſunt millaria circiter octingenta. Supra Cæſarem longè Icelus ille Galba libertus (in Plutarcho) qui ut pa tronum imperij nunciō, & cæde Neronis, primus laetificaret, ſeptimo ab Urbe die Cluniam, (ferè in medium Hispaniam) perueniſſe. Etiam vicit Cæſarem Mithridates, quem Appia-*

Appianus, mille stadia uno die, mutatis equis, confecisse tradit. Sunt millaria CXXV. Supra istum Annibal (in eodem Appiano) qui vicitus à Scipione, Adrumetum uno comite venit, biduo & binocchio tria admodum stadiorum millia emensus. Sunt millaria CCCLXXV. ergo in diem nocte inque CLXXXVII. & semis. Vicit & hunc nuncius ille, qui à Maximo Rotnam missus, ut cædem Maximini narraret, tanto impetu (verba Capitolini) mutatis animalibus cucurrit, ut quartâ die ab Aquileiâ Romam veniret. Atquin, ex Antonino, spatiū interib⁹ DCCCLXXXVIII. milliarium. ita in noctem diemque imputes CC. ferè millaria; quæ ipsa iusta conficit Tiberius Cæsar, pro exemplo (Plinio iudice) summi cursus. Nam is, inquit, cùm frater Drusus in Germaniâ agrotaret, nocte ac die longissimum iter, vehiculis tribus est emensus: in quo fuore ducenta millia passuum. Obserua, quod admirationem augeat, vehiculis tribus: id est, ter tantum mutatis equis. Imò & de Vehiculis mirum; atque omnino expeditissim videatur in equis: quod Valerius etiam vult ita factum. Nam ipse hoc narrat: Iter quam rapidum & præceps, velut uno spiritu corripuerit, eo patet: quod Alpes Rhenumque transgressus, die ac nocte, mutato subinde equo, ducenta millia passuum, per modò denitam Barbariam, Nandabao duce solo comite contentus, edidit. Tamen Plinij dictio instituto Augusti magis firmatur: & quid incommodi tunc in Vehiculis? cùm vias publicas & militares, stratas vbiue lapide aut glareâ sciamus: atque ita æquabiles, & sine salebris, faciles & meabiles curribus fuisse. Equi tamen, ut antè dixi, & ex Procopio aliisque liquet, sucofsere. atque ita Socrates in Ecclesiasticâ Historiâ scribit, sub Theodosio fuisse Palladium quemdam, animi & corporis viribus eximium, qui tridui spatio, ab urbe Constantinopoli ad fines Persarum eques iret, totidemque diebus iterum rediret. At Hercules ea sunt (ad Eufratem si numeras) millaria plus DCC. atq; essent in diem nostratia paullò minus LX. Possintne cursores nostri hodie, nescio: et si ratio ista horaria mutationis percommoda est, & maximo cursu apta. Cui auctor apud nos Ludovicus XI. Galliarum rex fuit; dum Carolo Audace cæso, Artesiae & prouinciis nostris imminet, & nuncios rerum in horas exspectat. Ea de Equitibus: addatur miraculum de ipsis Equis. quorum unus aliquis spatiū confecit sensibus fideique nostræ

I. LIPSI Operum Tom. II.

ægrè insinuandum. Probo Imperatori oblatuſ è capriuis equus Scythicus, (Vopisci verba) nec decorus, nec ingens, qui centum in die millaria currere diceretur, ita ut ad octo aut decem dies continuaret. Exclamas, te non admittere. Quid ergo Plinio facies, qui adauget? Sarmata, inquit, longinqua itinera acturi Lib. viii. i media pridie preparant eos, exiguum tantum potum imperantes: atque ita per centena millia & quinquaginta, continuo cursu euntibus insident. Vides Pegasos alatos: atque ab iis ad ipsas Alces (quid enim aliud supereft?) veniamus. Eas præcipue intellexi, cùm Amantes dixi currere: quidni celeriter istas, per liquidas & vbiue peruias cæli oras Regi Ægyptio Marrhe fuisse cornix ab Elia- no proditur, sic edocta, ut litteras quaqua uersus præpete volatu deferret, indicio tantum loci facto. Cui etiam mortuæ sepulchrum, meritissimæ memorię ergo, rex condidit. Columbas olim & nunc hoc officium subliſſe, præsertim in obſidionib; *alibi docui. & addo, quod bello Sacro cùm Tyrus à Christiano exercitu clauderetur, columba ſæpius emissa, immisca, litteras & alloquia hostibus ferrēt. Quæ obſeruata denique à hoſtris, clamore tanto à terrestribus nauibusque copiis simul excepta est, ut trepidat ales, tamquam turbine moti cæli acta, in terram delapsa, prædæ & gaudio, & mox etiam vſui eſſet. Nam demptā epistolā lecta que, cùm inscriptum repperiſſent, breui auxilia ad futura, ſumerent animos, atque expeſtarent: nostri, Barbaricis item litteris exararunt. Virtuti & fidei ſatis eos feciſſe, Fortunam deſeffe: nec ſpem auxiliij, interclusis ab hoſte itineribus. Ita columba demissa subditiuam chartam retulit, & dolo non ſuo urbem reſerauit. Legi & in Bernardo quodam Bredenbachio, qui maiorum æuo Syriam atque Ægyptum perlustrauit: Alexandria prefetum (Sarraceni tunc tenebant) quem ipſi Amiralium vocabant, ſemper apud ſe columbas habere, ſic edocetas, ut quocumque delata fuerint, mox ad eius domum mensamque reuertantur. Itaque earum duas aut tres, ſpeculatores, qui emittuntur cottidie ſcaphis in mare, ad naues explorandas quæ peregrè adueniunt, ne miles aut fraus lateat; eos inquam ſpeculatores, columbas ſecum ferre: & cognitis quæ vſui, ſtatim ſcidam inscriptam collo columba illigare, ac dimittere: hanc autem ad prefetti mensam bonâ fide ſtatim ſe ſifttere. Idem fit in alterâ, tertiaque, ſi quid aliud forte incidit: coque inuenito portum eius urbis adiutumque

Cc 2

egre-

Oforius
Lusit. Hist.
lib. II.

egregiè tuentur. Sed à cælo ad terram iterum redeo, & venia mihi esto Canis etiam huic narratiunculae inferendi. Is quoque, inquam, defert litteras, fideliter ac celeriter, hoc exemplo. Rex Fessa, subitario milite collecto, Tingin properabat, erupturus eam, ut censebat, Christianis. Improuisa res erat, & Menesius tamen per occultos indices resciuit, qui præterat Arzillæ. Quid faceret? volebat, nequibat, ad Tingitanum præfectum mittere, & periculi iam instantis admonere, viis omnibus obseptis. Excoxitat astum. catella relicta, proximis diebus, per obliuionem Arzillæ erat à ciue Tingitano. Hanc litteris illigat ad Præfectum illum, & sub noctem in litore destituit, acriter ibi verberatam. Catella iam libera cursum, quantum potest, Tingin intendit: manè peruenit, litteras ostentat, & ciues militesque periculi admonet, liberatque. Hoc spatum est milliarium circiter LXXV. nisi me Io. Leo Afer fallit. Sed hem, hem, quod eo: hoc est epistolam scribere, an Chimaram pingere? Triplici facie certè habes, è Pedice, Equite, Alite: tu lege, nec lege, ut volles. Vale mihi saltem, & in beatâ Italâ benè beateque age. Louanij, prid. Kalend. Octobr. 10. XC VIII.

Carmen, quod honori tuo scripsoram, hinc habes:

Reuerendo & Nobili viro
NICOLAO MICAVLTIO
NICOLAI F.

cùm SACRA LAVREA donaretur,
ODE SYNCHARISTICA.

QVIS NAM hic quis nouus occupat
Ardor? quis trepidum rapit
Docti ad culmina montis
Phœbo operatum?
An verus vetus est amor
In te clare M I C A V L T I?
Clare à stirpe, opibus, magis
A probitate.
Ille est. ille meum ferit
Thyrso pectus, & intima infundit gaudia, cùm videt
Inlyto honore
Augendum. date lilia,
Flores spargite duplices,
Sertos sine solutos,
Thura adolete.

Iam scandit Sophie arduas
Arces, iam capiti decus,
Æternum veniet decus,

LAVREA SACRA.

Qualis Scipio, murice

Insignis, Capitolia,

Victis hostibus Afris,

Aurea scandit.

Plebes atque patres fremunt,

Hic eingit, subit, hic praedit:

Illius nona tentat

Gloria pectus.

Perge o tu quoque numine.

Dextro vicit, & affere

Antique fidei sacra;

Heu violata.

Quæ non flagitia adspicis?

Quas labes scelerum? ruit

Doctrina illa vetus patrum, t)

Patria virtus.

Vt cum precipitingo,

Curru non renocabili

Impetu fertur, equi negant

Obsequi habenisi

Nec spes villa super, nisi

Nostra o Belgica, bellicis

Tandem libera curris,

Munia pacis

Amplectare. cape, o cape,

Quam CLEMENS hominum pater,

Quam Regum Ille PHILIPPVS

Maximus offert.

Quæ mora vos Batavi tenet?

Quæ vos Mattiaci? date

Dextræ, & veteri iugo

Subdite colla.

Tunc tristes superum mina,

Tunc Mars & Furor impius

Ibunt, asque redibunt

AVREA SAECLA.

I. L.

E P I S T . L X . Madritum.

GARCIAE FIGVERÖA, Regi à cubiculo.

DVPLICI dolore, & quasi ictu, sum affectus, cùm tuam epistolam accepi. Etsi priorem non tam intulit ipsa mihi, quæ illatum renouavit, mentione mortis Ariæ Montani nostri, o magni rariisque viri, & nobis etiam longinquis & exteris ob virtutem & doctrinam cari! Imò credo nobis in pretio pænè maiore, quæ vobis fuisse: ut ferè solent in leui(nō dicam in vili) haberet viri magni, apud notos & populares. Certe

Certè ego à multis annis amabam virum, amatus etiam ab ipso: & in isto animo sentio doloris hanc plagam, prudentiâ tamen & constantiâ minuendam, aut sanandam. Quod idem & te facere hortor, Illustris Garcia. qui sine fructu ullo lugere eum potes, at cum magno fructu non lugere. quo illo? roboris, quod animo tuo indues, & paullatim assuefacies ad humanos istos casus. In theatro hoc magno sedemus, spectatores aut actores, & eximus alij, inimus alij: nec mirari aut indignari debemus, in communi & receptâ ab æternitate lege. At vulnus alterum, quod cum epistolâ tuâ venit, non tamen in ipsâ. Is enim qui tuam mihi mittebat, idem de fato maximi regum Philippi nunciabat: quod me percussit, ut quod publicam Christiani orbis salutem, aut certè quietem, spectaret. Videbatur enim ille Rex, certo tam & firmo consilio, ad Pacis metam sua omnia dirigere: & in parte effecit, magis pleniusque fortasse, si vita etiam aliqua ei fuisset. At ô clare Sol occidisti, & nos in caligine istâ reliquisti & nimbis ciuilium bellorum. Etsi non occidisti, sed in filio tuo isto PHILIPPO TERTIO viuis & luces: quem vouemus salubrium consiliorum tuorum, ut potentiaz atque opum, heredem. Quidni autem erit? tali stirpe, educatione, indole: imò ut nō uum & salutare fidus exortum eum speramus, ad illustrandum & vegetandum vtrumque orbem. Deus vota nostra audiat: & illi confilia atq; animos donet, bonè decernédi, fortiter partandi. Hæc publica, mi Garcia: quod ad me sum in veteri iterum languore, id est in via quam Arias noster decurrit. Etsi paullò tamen nunc melius: sed ætas hæc valdè me affecit, & pñne adeò consercit. ADMIRANDA iamdiu ad te misi, & ad vtrumque Idiaqueum: necc culpa nostra est, si litteræ aut libri non sunt perlati. Curanimus per bonos & fidos amicos Antwerpiae: sed casus mariis, & manus ubique sparsas prædotum, non ignoratis. Nunc parabam me dare ad MONITA ET EXEMPLA POLITICA: si Deus tamen æsum & otium dabit. De imagine aurea nostri tunc Principis, nunc Regis, quam signicas ad me missam, non equidem accepi: & per quem ea missa, ignoro. Si videtur, uno verbo indicabis. Scire etiam percupiam, quo loco nunc sis apud nouum Regem: spero equidem bono & virtutibus tuis digno: atque eo nomine (si ita est)

I. LIPSI Operum Tom. II.

iamnunc tibi gratulor, & amici bona, mea puto. Vale Ill^{is} Domine, & in animo te gestari à nobis scito. Louanijs, XII. Kal. xbre, oo. 10. XCVIII.

EPISTOLA LXI.

Io. FERDINANDO VELASCO, Magistro equitum Castellæ, Gubernatori Mediolanensi.

M INVS mirari, aut indignari debeamus, si nostræ plebeiorum litteræ perent, aut tardius reddantur, cùm ea sors per hæc tempora vestras Principum etiam tangat. Nam priores quidem quas misisse te adsignificas, vna cum libro Puteani nostri, planè perierunt, alteræ succedaneæ tardius etiam ad me venerunt. Quod præmitto, ne accusari tacitâ cogitatione cessatio mea possit: cui apud ralem Principem nullum alioqui velum sit aut color. Vidi autem postmodum *Puteani Reliquias*, & cultum illum tui sanè amauit. Adolescens est, sed specimen ingenij præfert, ad magna surrecturi, si ætas & peritia rerum dirigunt etiam & formant. Ego ab aliquot mensibus solito languidior eram, & eâ causa, tum etiam quia affectus iamdiu suadet, statui seriò Italiam reuise, idque sub annum iam instantem Sæcularem. Præter ea quæ dixi, Religio etiam vocat; & quod non diffiteor, cupiditas tui coram videndi, & cultum officiæque mea deferendi. Virtus tua in meo animo maiora meretur, & id sine omni blanditiâ vel adulatione scribo. Inuitant me etiam Romam viri in sacro ordine Principes: quibus parebo, sed dumtaxat ut peregrinatio non emansio sit, & mei me Principes ac patria habebunt. Itaque si viuo, & vel modicè valeo, in proximo Autumno me vobis sistam. Deus facit; vt se, Ill^{me} & Excell^{me} Princeps, saluum, atque in iis locis reperiā: alioqui desiderium hoc peregrinandi valdè minuatur, & languescat. Louanijs, XII. Kal. Feb. oo. 10. XCIX.

E.P.I.S.T. L.XII. Mantuan.

ANTONIO POSSEVINO Soc. Iesu.

V IDI iamnunc epistolam, quam ad P. Sallium dedisti, & in eâ benignam honestamque mentionem nostri. Non est nouum. publicè ostendisti quid de me & religione meâ sentires: quæ postrema attestatio per gratia mihi fuit. Nec eius poenitentiæ ages, ita Deus me seruet. sum enim, & ero

Cc 3

in

in veteribus militiae sacrae castris, nec trans fuga vinquam ad nouitates villas ibo. Tranquillo animo hinc viuo, Deo & studiis me consecrans. studiis, quæ pro ingenij mei copiâ adiutum, aut illustratum eo, et si non in arduo illo genere, quod vos tractatis. Tu verò nunc etiam ingrauescente ætate non omittis: ô laudabilem conatum, atque operam! nam speciem, & ideam operis vidi, quod paras, varij, laboriosi, utilis, quod ab interiore animo testor. Deus tibi vires, annosque ad emoliendum det; & mihi largiatur non scripto solum, sed sermone te affari. Id enim meditor, & si valetudo patitur, sub annum sacrum Sæcularem in Italiam vestram me sistam, & vel de viâ flectam, ut te complectar. Optime Pater salve, & me precibus tuis apud superum numen velis adiutum. Louanij, iv. Kal. Febr. 10. XCIX.

E P I S T . L X I I I . Patavium.

THOMAE SEGETO.

GAUDEO in Italiam incolumem venisse, gaudeo in domum magni Pinelli admissum: quem virum, æuo & gloriâ iam veterem, Italia vel inter veteres suos præferat & iactet. Quod id beneficij à me habes, & imputas, iucundum est: & libens equidem adiutum eo istos, qui cultum aliquem animi nobis debent. Sed & libens audio, agnoscere eos & fateri. Tu fac & emite re, vt quem te promisi pretestes: nec abripiant te aut vana illâc aut prata, quorum copiam etiam beata illa regio donet. Sed vt in vrbe, ubi lues est, si agas, vites domus apie vias totas eâ infantes: sic hâc moneo, fugere te homines & loca virtutis nota & infesta. Ætas tuâ allicit: fræna. Populares abducunt: resistit. denique & posteritate in cogita: nec posse, quin illa infamiam cum nosâ pariter apud te rekindat. Ali, quam suave animo iam maturo erit, meminisse pugnæ & victorie: integrum sese à labe, & corpus ab ægritudine asseruasse! Hac monco, mi Segete, non quia opus fortasse: sed quia amor inducit, cui agnatam curam aliquam, inò & metum esse, non ignoras. Quidni autem in ætate istâ sit?

* Mens homini sit vernior in iuventute.

Hoc non videlicet invenit, sed dicitur: ait poëta ille sapientis. Quidni etiam in regione eâ sit? suavis, bellâ, diuite: sed in qua deliciae aut luxus sui hærent: Vita, vita, & horridulam virtutem & me amâ. Deum ita

precor, & eumdem in ambagine ornâ aut caligine ducem tibi & lucem. Louanij, v. Kal. Ianuar. 10. XCVII.

T E S T I M O N I U M .

QVI, H A E C, L E G E T I S,

TESTIMONIUM apud vos scribo, hac meâ manu, THOMAM SEGETVM gente & domo Scaturi, notum mihi à pluribus annis fuisse: inò ab ipsâ primâ eius adolescentiâ, meum vel discipulum, vel auditem. Eo omni tempore, probis se probasse, ac mihi in primis, ob acre & excellens ingenium, ardorem studiumque discendi: atque ita profecisse, ut in meliori umbrâ literaturâ, paucos sibi æquales habeat, in æquali quo. Addo & moribus modestum ingenuumque esse, & dignum quem tales omnes astinent arque ament. Peto igitur atque absens rogo, vt hunc in occasione adiutum cœlitis, fauere animis, consulis, fatis: bene locuturi beneficium, quodcumque in eum conferetis. Stirpesq; souende & attollendæ sunt, in commune reip. bonum, cui boni omnes studemus. Louanij, vi. Kalend. Sext. 10. XCVII.

J. L.

E P I S T . L X I V . Romam.

FRANCISCO SFORTIAE, S.R.E. Cardinali.

Ego vero tertium scribo, nec indecorum est in tantâ tuâ benignitate. Nam & Micaholius iamnunc indicium mihi fecit sermonis & curæ, quam de me & indecoro meo habessi. Quod iter, Ita me Deus foruet, suscipiam, religionis quidem primâ, sed & tuâ causâ; qui vltro hanc ptolixant beatiuolenlam in me ostendis: qualish capi & molliri bne fatear, sim profecto lapis aliquis aut securum. Quanquam & ipsum fornum vt à magnete trahiuit, & occultâ vi allicitur, sic me à tuâ virtute testor. O ycerè magnum; & vt verbo dicam, ROMANVM tuum amissum? qui vel hoc arguimeno validè virtutibus abundas, quod alienas sit ex citas aut armas. Nihil blandi aut apud tuâ causâ dicam, sed triutnen supremum appelllo, esse me & fort. cultoretur tuus, quando in terræ me huius esse idem munus volerit. Sed vt de re dicâ, ad iter me passo in Autumnum proximum, & Septembri (cum bona Deo) dabo me in viam. Ideo eniim paulò matutius, quia & amici in viâ alibi tenebunt fortassis & exigua spatia confidere suadet hæc valetudo. De effedo quod officebas,

planè

planè opus non est mitti. Hic enim facile paramus, & comites item honestissimi non deerunt, atque adeò quidam etiam è contubernio aut disciplinâ nostrâ. De ratione itineris totâ, certò nondum dixerim: quia incidere aliquid potest quod turbet. tamen, vt nunc est, censem per Germaniam me iturum, & Alpes Tridentinas, quæ molliore cliuo esseda & currus etiam transmittunt. Si non; Galliam transiero & obiter videro, vbi amici item plures qui inuitant. Sed Romam cùm venero, certum mihi est rectâ ad te Illustrissime. & vt Iuno illa Homerica, in concilium Deorum veniens, à nemine poculum nisi à Themide accepit; sic ego tuo inter omnes hospitio & beneficio utar, quod mihi comiter & liberaliter offers. Tum denique in sermonibus ea, de quibus scribis. Deus modò Ill^{me} & Reu^{me} Princeps te seruet, & me voti mei duplicitis damnet: prisci illius, Romam reuisendi; & huius noui, te visendi, quod animus iste (vt vero verbo dicam) ardet. Louanij, xii. Kalend. Maias, 80. 10. XCIX.

EPIST. LXV. *Mediolanum.*

IOANNI BAPTISTAE SACCO S. D.

AVDI rem lätam, vt est tuus amor, cui fideliter eisdem respondeo amore. Rem, inquam, lätam, meum in Italiam aduentum. Quando? inquires. sub Autumnū proximum, ne longius etiam hoc producam. Labet esse in anni Sæcularis initio Römæ, quò magnates aliquot inuitant; & inter eos Cardinalis Sfortia, haud dixerim quām in me pronus. Audis tu ista? crede firmiter, nisi Vita, aut Valetudo prorsus destituit, sic futura. At illum Principem, & heroëm nostrum ante omnes videbo, qui in ditione vestrâ præst. Præsit etiam tunc modò, nec in mutatione rerum istâ aliquid mutetur. Sanè id mihi triste esset, quia acte desiderium concepi eius videndi, ac venerandi; atque id merito solo virtutis. POLIGRÆTICA nostra recusa sunt, cum figuris additis, quas ille Princeps mihi submisit, quem breuiter, sed fideliter laudaui. Micaultum, quem commendaueram, sic benignè & honestè à te habitum (ipse largiter scripsit) quidni lätor? At non hoc, silere nostrū Puteanum, à quo iam à pluribus mensibus ego nihil. Viuit; valet; apud vos agit? per te sciām, si tardat etiam ipse. At tu vale, mi Sacce, & salutat à me Clarissimus Septa-

lius, qui melius de valitudine istâ ominatur, quām ego. Sed viuam, valeamque in paucos menses modò: videbor, & videbo. Louanij, xii. Kal. Feb. 80. 10. XCIX.

EPIST. LXVI. *Patauium.*

Io. VINCENTIO PINELLO.

Si quis in Italiâ hodie veteri & meritâ famâ est, eum ego te censeo Vincenti Pinelle: & ideò iam à pluribus annis tacito quodam affectu & colo & amo. Non fuit occasio sermone aut litteris declarandi: utrumque fortasse erit, certè nunc alterum; & stilo te vt conuenirem, duplex mihi causa fuit. Prior, vt gratias agerem pro benignitate quam in Thomam Segetum, ex communi quâdam commendatione meâ, consultisti: quod ex eius litteris intellexi, & eâ re debere me tibi obstrictumque esse, & sentio & testor. Altera etiam causa, vt hunc adolescentem Franc. Sassenum, in vrbe istâ natum bonis honestisque parentibus, ipsum benè educatum & institutum, hactenustibi insinuarem, vt videndi audeundique tui copia aliquando sit, & consilio, si opus sit, etiam iuues. Nam cetera ei non desunt, & dumtaxat studiorum & rei medicæ causâ, ad loca illa venit. Sed de sermone quod initio dixi, nec id quidem despero, & valde certè opto. Spero autem ideò, quia pænè decretum mihi, sub annum instantem Sæcularem in Italiâ me sistere: & absit, vt eâ exam, nisi vt te videam & amplectar. Quid exam? imò cùm inibо hoc fiet, opinor: & inter prima & calida desideria mea est, vt hoc reddam effectum. Viue, viuam; nisi casus aut vis impedit, videbo. Louanij, vi. Kal. April. 80. 10. XCIX.

EPIST. LXVII. *Genuam.*

PAVLO MONELIAE S. D.

SI ENTIVM aliquod fuit, mi Monelia, sed quod ego unica istâ scriptione, & nuncio pensavero, & dabo te in gaudium, si amorem tuum noui. Quid igitur nuntio? venturum me in Italiam, ante annum hunc Sæcularem, si Deus vitam, & aliquas vires donet. Ita plánè decretum est, idque sub Autumnum proximum, vt orium sit Italiæ ipsius, & amicorum videndi. Atqui non domicilij causâ, ne erres, sed pietatis primò, tum etiam animi causâ veniemus: & invitante item Cardinali Sfortiâ, qui in

me se exhibet valde benignum. O quam libens te quoque inter amicos complectar! et si tu à viâ procul: sed aut ego deflectam, aut tu excurses, & omnino fruemur in mutuo aspectu ac sermone. Eâ spe pauciora verba faciam, de rebus aut scriptis meis nihil addens: quid opus, cùm tibi me sistam? Ita faxit ille Deus, & te meque in paucos illos saltem menses seruet. Scribe autem interea de ratione itineris optimâ, si quid habes, & has ad Mercurialem nostrum mitte. Louanij, Kal. Febr. 10. XCIX.

E P I S T . L X V I I I . *Pisas.*

HIERONYMO MERCVRIALI S. D.

CONSTANTEM amorem tuum amo, quem numero inter Italæ veterimos, suauissimosque. Et hortaris ut scriptione eum excolamus: quod lubens fecero. sed quid si aliud etiam epos tibi cantem? inopinato tibi fortasse, & hoc gratius erit. Ego, mi Mercurialis, statui certò (Deus modò & vita velint) in Italiam vestram venire, non habitandi, sed visendi, & regu standi caussâ. Vultum tuum videre, & verba audire videor exclamantis, Quando? Iam breuî, iam intra quinque aut sex menses ad iter me dabo, & lubet esse in fine æstatis in aditu Italæ yestrae. Annus facer Sæcularis me vocat maximè, sed etiam viri quidam principes qui inuitant; & vos amici trahitis, omnino ante excessum videndi. Tum de valetudine, tum de scriptionibus, & studiis, sermo nobis sit vel in multam noctem, si dies non exsatiat: & certè explere oportet desiderium, & famem, ut sic dicam, diu ieconi & audi amoris. Ergo pauca nunc scribo, tuas ad Wittendellium misi, tuas item ad me exspecto, ecquid consiliuin nostrum probes. sed quid ambigo? ore, stilo, pectore, scio, probabis. Vale. Louanij, Kal. Febr. 10. XCIX.

E P I S T . L X I X . *Romam.*

ASCANIO COLVMNAE S. R. E. Cardinali.

MICAVLTIVS significauit mihi de honesto & beniuolo pariter sermone, quem de me habuisses. Etsi quid opus fuit? ipsæ tuæ litteræ hoc mihi dicunt, quas ante biennium ad me, illustri testimonio vel iudicij vel affectus, dedisti. Quas ego, non mentior, ut Palladium aliquod Romani olim, aut sacrum depositum, afferuo. Ita-

que non credere solùm me par est; sed affectum aut potius cultum rependere, quod dignitas tua postulat & fortuna. O beatam, ô illustrem Romam his, vt sic dicam, sideribus! quæ non splendore genetis solùm, sed luce propriâ virtutum & laudum micanat. Ac mihi iamdiu animus est & cælum illud Italæ (liceat manere in hac imagine:) & vos in eo astra intueri proprius: ac fieri sanè breuî, si vitam mihi in paucos menses proroget supremus ille rector. Nam annus facer Lustralis cùm instet, occasio siue caussa est veniendi: & simul factis, ac desiderio meo, litandi. Quod significare me tibi illustrissime Princeps cultus hic animi adegit: animi, æternum virtutibus tuis deuoti. ita propitius mihi sit ille Æternus. Louanij, XII. Kalendas Maijas, 10. XCIX.

E P I S T . L X X . *Mediolanum.*

IOANNI BAPTISTAE SACCO S. D.

NI HIL ambigebam, mi Sacce, quin latificassem te nuncio mei aduentus: ita mihi notus & seriò creditus est serius tuus amor. Et tu quam eum ostendis? nec celari sanè solet hic ignis. Inuitas in domum tuam; & hospitium molle, vbi ego curer, tamquam Regi Antiocho oculi solent (liceat iocari) offers. Accipio mi Sacce, accipio: & vbi sim libentiùs, addo etiam liberiùs? Accipio tamen ita, nisi imperio aliter cogimur, cui leges non damus. Scis me de Principe intellegere, qui perbenigne certè in nos est affectus: & fortasse apud se etiam voler esse, aut ex eius metatione accipere domum. Quidquid erit, utinam tuam! Sed in paucos tamen dies, quia in amatâ illâ Italâ plura loca hominesque vivendi nobis sunt: & ante omnia, inclita illa Roma, in quâ etiamnunc animi & virtutes Romanæ. Nam percurrere Italiam nobis decretum tantum, non hercules insidere. Cuius rei si vel suspiciacula proceres nostros tangat; non dimittar profectò, nec ullo titulo impetrem commeatum. Atqui nihil tale est. sacra & amici trahunt, & ipse meus Genius, qui loca ea & homines nescio quo naturæ ductu amat. Tu mi Sacce, & hunc etiam adolescentem libens aspice, mihi auditorem & amicum, in litteraturâ, & Poësi præfertim; inter paucos præstantem. Louanij, VII. Kal. Maijas, 10. XCIX.

EPIST.

EPIST. LXXI. *Roman.*CAESARI BARONIO S. R. E. *Cardinali.*

QUOD animo & voto sèpè facimus, vt te alloquamur, & quasi coram videamus; id nunc stilo usurpo & repræsento, in occasione quam NICOLAVS MICAVLTIVS mihi præbuit, iste quem vides. Putat gratiæ mihi aliquem locum apud te esse (nec diffido, in animo isto conscius, quanti te faciam Christiani orbis fidus:) putat, inquam, aliquid apud te commendationem meam posse, è libentius dandam, quia tali. Nam vir est, & claris apud nos maioribus, & ipse planè probus, industrius, & vetus auditor meus; et si illum Deus & animus ad diuina studia traxerunt. Nam in Theologiâ eò iam peruenit, vt etiam titulum & testimoniū publicè acceperit: & nunc in Italianam & urbem sacram se contulit, videndi discendique causâ. Beabis eum, si & tuo interdum aspectu frui, & vel brevi colloquio, liceat: quod longum, scio, occupationes tuæ non donant. Hæc pro Micaultio: de me an aliquid addam? addam. Pietate impulsum, & cupidine vos illustres viros videndi, in Italianam venturum sub annum hunc sacrum & Lustralem, qui instat. O Deus mihi det caput illud Ecclesiæ, non dignitate magis quam meritis inclytum, vel eminus intueri & venerari: vos autem propriùs adire & alloqui: quod inter præcipua mea vota esse fateor, & animus mihi dicit, FIERI. Ill^{me} & Reu^{me} Domine, idem Deus Ecclesiæ suæ lucem & tutelam te seruet, cui sincerè testor me toto animo addictum & consecratum. Louanij, vi. Kal. April. 15. XCIX.

EPIST. LXXI I. *Mediolanum.*

Io. BAPTISTÆ SACCO S. D.

NE ambige, ego venio, cum vnâ exceptione Fati. Si publica mortalitas, aut priuata mea, Italianam non inuidet; ipsam videbo, vos amplectar. Ad Illustrissimum Principem parco nunc scribere, donec de tempore & totâ viâ meâ certò scribam. Etsi de tempore propemodum scio, & statui ipso mense Septembri: sed de viâ aut limite murant turbæ, contagia, & eiusmodi evenitus. Quacumque viâ, certum est Mediolanum vel per ambages deflectere, illius Heróis & vestrâ causâ. Statui & Antuerpiam brevî ire, & scripta mea quædam apud Ty-

pographum deponere, vel mortuo me e-denda, si quid humanum contingat. Mis litteras nuper ad te alteras, sed per adolescentem nostratem N. N. quem commendaui obiter, neque nimis velim, & ambigo (vt apud te liberè) de moribus & vitâ. Etsi certum nihil, sed ex suspicionibus habebam, quibus vir probus non nimis indulget. Idem ille ad Puteanum à me habet, cui in studiis commilitauit. Cardinales Romani, inter eos Sfortia, in me sunt benigni: video illa lumina, nisi Deus hæc mihi claudit, vt initio dixi. Vale mi Sacco, cui iam nunc animo circumfundor. Louanij, Pri-die Kalend. Maijas, 15. XCIX.
Nostrî hîc ægrè me dimittunt; tamen temporarium hunc commineatum à præcipuis Aulæ iam impetraui, in senos dumtaxat menses.

EPIST. LXXIII. *Roman.*

FREDERICO BORROMAEO

S. R. E. *Cardinali.*

ANIMVS me iussit, & hic cultus quem tibi deuoui, significare consilium, quod in re meâ cepi. Statul enim seriò, in-stante iam anno sacro Sæculari, Italianam vestram & in eâ urbem Dominam inuisere: quò pietas me primùm, sed & cupiditas aliqua (non nego) vos illustria orbis lumina videndi, inuitat & trahit. Inter ea cùm clarâ luce fulgeas, & iam olim honore me beni- uolentiaz & litterarij affatus tui affeceris; iure inter primos ad osculum manus tuae veniam, & domicilium ostendam, cui animus includitur virtutibus tuis seriò deuotus. Deus mihi det perficere, & te Ill^{me} & Reu^{me} in columem diu Ecclesiæ superesse! Louanij, Prid. Kal. Maijas, 15. XCIX.

EPIST. LXXIV. *Mediolanum.*

PETRO PANTINO Decano Bruxellens.

GRATVLABOR? animo feci, & nunc scripto: etsi venisse te Mediolanum, fama adhuc, non litteræ tuae mihi dicunt. Sed gratulor, & veram hanc famam, quia valde cupio, puto. Ah mi Pantine, quam Principes illos nouos patria desiderat! quam brachia aduentantibus, vt sic dicam, pandit! Non ille ipse Albertus sic nuper ad suam sponsam, quam nos ad illum & illam anhelamus, tot malorum medicinam & leuamen. Venite, & nouam lucem Belgicæ in-

infundire, tu Sol, tu Luna, & diem noctemque nostram pariter illustrate. Quām calida vota nostra sint, potes scire, quia suprema. Quæ enim spes, præter hanc, ultra superest? Iacta est è fatiscente naui nostrâ sacra hæc anchora: & ea duplex nisi sistit, cum Tragico exclamo,

* O' mo, μέγας θεούς ως ανθρωπος
Καρδι;

vno verbo, perimus. Sed abite male omnia verba: illa quoque Iunonia auis nobis cecinit, * Εσταρά καλός. Et profectò erunt, si nostri illi bonis prouidisque consiliis vententur: quibus nimis est opus. Nam affectus & obsequia nostra non adsunt, sed superfluent: adsit ille auriga modò, qui pérítè moderetur & temperet, & cui Minerua aliqua (illa illa, vt spero, Isabella) in consilio adsistat. Sanè prudentiâ opus, & si distinguere placet, prouidentiâ, in hoc articulo temporum. quia vt iis qui è puteo extrahuntur, tunc maximè periculum lapsus est, cùm ad oras summas venerunt: sic nobis, qui educi iam incipimus, ne à spei culmine ad barathrum * θυελπίας relabamur. Veta ô magne Deus, & benigno. semel oculo Bellgas tuos vide. Sed vtcumque cadet, magni animi hoc regis vtriusque factum: illius, qui dedit, huius qui approbavit. & ingenis gloria, non esse solum magnos & felices, sed fecisse.

Habere regnum, casus est, virtus dare.
Sed publica sepono, de quibus coram affatim, quia tu prudens eorum es, quæ ibi acta: nunc audi & priuata. Valemus, velolemus: id est, viuimus magis quām valemus. sed quī noster Couarruia, ille senex senis Homerici æuo dignus? sed non etiam Homeri fato, quo tamen audio & doleo cum affectum. O virum corde mihi, non ab annis, sed à lustris iam amatum!

* Οὐδ' αὐτὴ τολύμητις αἴπλαστος ξερὸς Αἰθάν.

Inuideo tibi, qui vidisti & amplexus es, vtrinam medio me par illud diuellente! Sed heu, quām diuulsus à nobis Winckelius! ô spes & destinationes humanas! Ille diu luctatus cum suâ forte emerserat, & iam terram non videbat, sed tenebat: in ipsâ terrâ spei suæ ac nostræ naufragium fecit, atque adeò ipsius vitæ. Nam Genuæ fato suo functum audiuimus, & suspiriis prosecuti sumus: quid iuuat? magis hæc vota, vt vir quietissimi animi, in quietis illis locis, fruatur æternâ & beatâ pace. At tu de me etiā audi * πίματα ή θείματα? vt ait Orator. In eo

* Hēmo.
malorum
quām
abyssus
panditur?

* Erūt omnia recta.

* desperatio-

* Quem
manibus
proprietate
cordata
Minerua.

* verba, an
portenta?

sum, si vel leuiter moramini, vt vos in locis iis opprimam. Quī potest? inquires. potest. quia statui ad urbem sacrā sub sacrum hunc annum ire, & simul animum à noxis lustrare; simul perfundere eum spectandi illa honestissimâ voluptate. Spectandi, inquam, & illustres aliquot viros (in iis lo. Ferdinandum Velascum, regiâ ibi vice Gubernatorem) & loca regionesqne, antiquitatis gratiâ, sic amata nobis & culta. O quām desidero! nec mei aut mea teneant; — * ε δ' επει π οιδηπα Νοματ' ιχνοι: si tamen valetudo non sistat, illa mea Ate, quæ in turri æneâ inclusum iamdiu me habet. Quis Jupiter liberabit? an ille summus, & sub novo Principe nouum vigorem dabit? O fiat, & ego te hīc, aut ibi, saluum salutis videam!

* non si me
vel vincula
ferre astria
gunt.

*Da pater omnipotens, atq; isthæc omnia firma.
Vale vir Reuerende & amicissime. Louanij,
III. Nonas Sext. 10. XCIX.*

E P I S T . L X X V . Bononiam.

IOH. AB HOLLANDT S. D.

LITTERAE tuæ loquuntur multum te in libris, atque etiam Senecâ nostro esse: quod ex animo gaudere me fateor, & gratulari tibi hanc bonam intentem. Si ab villo haurienda ea est (sacra semper omitto:) cum Senecam esse certum habeo. quem ego nunc meditabar illustratum & correctum edere, & hunc quoque fructum dare (pro ingenij mei copiâ) præsenti & futuro æuo. Totus in eo sum. Valetudo autem semper anceps, plurimum aduersa; & vincula hæc euolanti ingenio summus arbiter. dedit. Quid nisi seramus, & ferendo adeò vincamus? quia in pugnam hanc compositum cum Fortunâ siue Fato sumus: atque vna hīc victoriæ ratio est, arma submittere, nec pugnare. Nævius olim:

*Pati necesse est multa mortalem mala.
Te in florenti Italiâ esse, gaudeo: florenti
ingenii, pace, opibus: vide, vt vidisse te
olim iuuet: id est, quæ bona, & in rem
tuam, excerpte, cetera nec tange, nec deliba.
Nam & rotis suæ spinæ adhærent: atque
illas legere licet, & ab his non lædi. Ani-
mus mihi erat, & acris cupidio loca ea reui-
sendi hoc anno Sæculari: Deus verat, vt
verbō dicam. Vale mi amice. Louanij,
IX. Kal. Octobr. 10. XCIX.*

E P I S T .

EPIST. LXXVI. Bononiam.

FRANC. HOVIO S. D.

TESTIMONIVM h̄c tibi curauimus, quod ad parentem misimus, atque ad te per illum. Finem impone, meo iudicio, & ad nos tuos ex longā peregrinatione redi. Quod familiariter mihi scribis de iudiciis ibi aut sermunculis, gratum est, quod ad tuum affectum: nam quod ad me, ne scire quidem cupio, adeò non diluere aut excusare. Tantum si quid in Religione erit, fortiter purga & pugna, ut debes. Scis enim falsò & insidiosè me peti, de aliis, permitte Famæ & Posteritati, quæ Genius meus mihi spondet non iniqua. Illi, qui se oppnunt, aut sistere conantur benigniorem hunc cursum, nihil agunt: sese edunt aut atterunt, me aut mea non delibant. O quietem in hac parte nostram, & securitatem! Optimo animo feci, dixi, scripsi, quæ vsui reip. aut iuuentuti fore censui: si quis meliora se putat posse, largiatur & promat. ego sum inter eos, qui finum pudent, & supinis manibus excepta in eum recondent. Illud tantum risi de Aristotle: non legisse me à puerō p̄nē, verè ita dixerim: & scripta mea vbiq; habent notas. Sed mittamus, illud modò dico, POLITICA illa iam recusa ante triennium, probata non nostris modò Censoribus, sed Romanis. At & eos culpant, aut suspiciunt? Improbos, non solum inuidos, si ita faciunt: & quas ego non magis curio, quām v̄cum Horatio hoc dicām, — et μεγάλη θέση, τούτης ἀρχής. Quod ad iter pacificum omissum, Valetudo sola est in causâ: nec aliam tu aut alij quādriat, non reperietis. Rob. Titium amare me puto, ex quibusdam publicis eius testimoniis: ego cum video sedulò nati ad attollendam rem literariam, quæ certè in iis locis (o mutationes à Leonino sèculo!) nunc squallet & iacet. Fata videtur, tu mi Houi salut, & per te Io. ab Hollandt, quem amo. Louanij, vi. Kal. Octobr. 10. XCIX.

EPIST. LXXVII. Toletum.

ANTONIO COVARVIAE S. D.

BENEFICAM tuam naturam, ô Covarvua, qui nec petenti, quid petenti? nec cogitanti beneficium offers: quod & cui piebam maximè, & usui futurum studiis meis censebam. Accepi enim Græcanicos

libros manuscriptos, quos per nostrum Pantinum misisti: quo nomine quantum & animo huic tuo & muneri debeam, lingua & stilus mihi hærent efferre. O cur non Pax Europam respicit! cur non maria & terræ apertæ commeantibus sunt! profectò interioris votum meum sit, Hispaniam vestram cursim semel, & te in eâ, visere: te * (μάνιος αρχείος αρχόπλοος) Hispaniæ tuæ magnum lumen. Pantinum ipsum à redditu nondum conueni: hauc valde, & de te tuisque audire, quæ opto. Ego nunc in Annæo Senecæ eram, & perpetuum Commentariolum ad eum scribeam. Scis quid voleam? apud te & in tuâ bibliothecâ paullisper esse. Nam haberé te vel à libris, vel ab ingenio, rario- & selectiora, præsertim in Senecam patrem, mihi constat. Hoc nunc agebam: postea ad alia me datus, si vita & valetudo erit. Tibi illam longam, & hanc bonam, merenti à Numine posco. Louanij, xv. Kalend. xbris, 10. XCIX.

EPIST. LXXVIII. Patavium.

IO. VINCENTIO PINELLO S. D.

MALO fato & raro factum est, vt una epistola missa nec semel perueniat. Haud magna alioqui iactura, nisi quod testimonium cultus mei & affectus retardarit, non tamen opprescerit, vel tuac ecce reuelandum. Nam ego tuum nomen ab adolescentiâ primâ denoui, & annui, & veneratus adeò sum: vt debui eius, qui virtutem & doctrinam eximiè coleret, & in se haberet, in aliis excitaret. Sunt iste breues, sed vix etiæ laudes quas in his annis & maturiore aucto quia pernocti, magis etiam amo. Si aliqua similis affectus tui scintilla in me, triumpho, non solum gaudeo: & esse cum aliorum litteræ, tum tuæ loquuntur, ante dies mensis plus minus ad me amâter scripsi. Ergo amare amatum me possum dicere; & vt semper possim, te per genium tuum Virtutis & Honori sic amicum, rogo. Louanij, Kalend. Decemb. 10. XCIX.

EPIST. LXXIX. Patavium.

ERYCIO, PUTEANO.

ITA est. fraudes aut iniuriæ in nostris lit- teris intendis interueniunt, & pereunt, aut certè eunt, quæ non mitantur. Per amicos in primis vide ne vñquam, quas saluas quidem voles. Nam illi aut neglegunt,

aut

aut resignant & abiiciunt, aut ut optimè cedat, tardè reddunt. De meis ad Pinellum, in primis dñi. nam diu est, quod virum illum inter primos Italorum, & qui verâ virtute nînt, habui; eoque amari ab eo, sic ut amabam, hauebam. Benè tamen de affectu cecidit, quem meo parem ait, & ego ex litteris etiam eius vidi. Itaque iterum nunc ad eum scribo, feliciter spero, dandas. Quod ad studia nostra, sum totus in sene-
câ Philosopho, quem perpetuo Commen-
tariolo; sed manu fatili, illustro aut emen-
do. Spero graibus cordatisque viris hanc illaudatum hunc laborem, & publicè nec in fructuosum fore. De meâ hîc mansione dolere quosdam ibi, non doleo: affectus si-
gnum est. obloqui alios ferò, et si scio quod iniuste, nec nisi valetudo me tentit toto animo eò anhelantem & propendentem. Quid autem nunc tu apud illum virum vi-
des, ut dignum aliquid; cum & illud, ut in gratia eius esse perseveres. Mihi credit, verò & sine fuso, magnus vir est. Principes no-
stri noui hîc fuerunt, mrauimus in herba, publicè coram iis diximus: sed pænè ex tempore, cum ipsi paucis horis ante ita im-
perassent. De successu rameum non quoniam tu vale mihi Puteane. Louanij, Khl. Dcccmo.
oo. 10. xcix. i. impedita gressu belli. in
Caro mortis, subito etiam mihi hîc natum iacet gaudia publicas non nîl
diu tenet nîl. o. mil. vi. i. lib. 1. 1. 1.

IN LEGENSE S. SERV. C. T. DISCE-
INGRESSVS PRINCIPVM,

ALBERTI ET ISABELLE,
LATITIAE ET AVSPICII INDICES.

EPIGRAMMA.

AEMVLVS assugebat, nebulae in tribus
Igne foras ignis via, templo quoq; ignam
Quæ causâq; ignis, amore flagram nunc brama
amore, Princeps ipsa uxer. Princeps, & populus. V
Ille atque hec, utriusque, utriusque ille,
utriusque.

Dij facit, aternum mutuus hic sit arbore.

IDE M. PLATUTEPGV.

Qvòd latit flagrat ignis in plateis, &
Quod fons occupat, & domus sacrata
Quod domus sacrata occupat profana: non
Non miraberis hospes. ecce flamma
Multa hac venit. ipse flamma Princeps,

Vrit, vritur: idem & eius uxor.
Ille hinc, hæc magis illum, utrumque Belga.
Nam suos amat ille & illa Belgæ,
Suos obsequio & fide perenni.

Quid Belga? ij quoque amant illum & il-

lam,

Et colant fibi cœlitus dicatos

Principes Dominosque. flamma felix!

Vre atque viret tu caterua triplex,

Domec machina dedala ista mundi

Eatali ruet & peribit igne.

I. LIPSIUS calore deuotionis effudit.

EPISTOLA LXXX.

GASTONI SPINVLAE S. D.

AFFECTVS quoque meus ferebat, vt tibi valedicerem, & ratio decori im-
pellebat: sed vterque excusamur (ego cer-
te, nati de te nihil opus) cum subitus tuus,
& ius tuus Principis dictissus, eripuerit hanc
facultatem. Atqui animo officium hoc
præbui, & eodem deferò tibi & deferam
omnem cultum. De PARVTA ego iam
compongi iussi, vt commodè possit legi.
Opus grandiusculum est, nec habeo ad-
huc quod de eo in alterutram partem di-
cam. E Seneca qua publicè dixi, ea decer-
pta fuerunt è libris. DE CLEMENTIA,
Cap. III. verbis, quorum initium: Illius
deinde magnitudo stabilis fundataque est, quem
annexat supra se esse, &c. Exemplar co-
runt quæ dixi (et si sobitanè ea, me iudi-
cet non tanti) dedi D. Petro de Toledo, at-
que etiam III^{mo} Legato Regio, quem vi-
num cum gudio meo noui: & tibi quo-
quatenus potest beneficium hoc debemus. Ut-
nam Hispania plures tales mittat. Quod
autem de Seneca libris queris, quem ex-
cellere sentiam: sunt sane plerique omnes
exhibitos viles: sed EPISTOLAE tamen,
meo animo, eminens & deitade. DE TRAN-
QUILLITATE ANIMI, & uno verbo ceteri
vix diffractos. Magnus & magni animi ille
vir fuit, & hunc certè lectoribus suis in-
fundit. Spero me brevi publicaturum eum,
cum nostro Commentario, qui vobis lu-
cem, plerisque locis, dabit. Nam adstri-
ctum scribendi genus habet, eoque sub-
obscuum. III^{mo} Domine, tuum me cepisti
& tuorum, quibus obsequia mea defero,
nominatum Dominae & liberis. Louanij,
iv. Nona Decemb. oo. 10. xcix.

EPIST.

EPIST. LXXXI. Bononiam.

CAROLO LAFAILLIO S. D.

QVAE à Titio misisti, lubens vidi: sed vi-
di adhuc tantum, & celeri oculo liba-
ui. Placent. & ego pariter mea misero, cùm
noui aliquid erit. Senecam in manibus ha-
bebam, Commentariolo perpetuo illu-
strandum: & intra paucos menses videbit
lucem, si tamen tamdiu ego. Quod ad
imaginem nostri, ego Velio eam mitto,
cum breui epistolio. Sed heus tu, nos hīc in
triumpho. Principes Louanij fuerunt, so-
lennia auspiorum fecerunt, Scholas quo-
que viderunt, & me audiuerunt dicentem.
Rarum exemplum & nobile in feminā.
nam & ea interfuit, & tota illa * *yuvae viris*.
Subita tota res fuit, nec meditationi nostræ
spatium: sed Deus adfuit, & illo propitio,
Principes habuimus propitios & volentes.
Houius noster mihi scribit de quoruīdam
ibi parūm dextris iudiciis aut vocibus, &
præsertim super nostrā hīc mansione. No-
lim vos contendere, nec protectores mihi
esse: quid enim opus? nec sentio illa tela vo-
latica; & nec lēdar, si sentiam. Qui in publi-
cā aliquā famā sumus, aut utramque exci-
pere debemus, aut nullam: & satis, si melior
præponderet. O ita sit, & hactenus certè
sensi. Vale mi amice. Louanij, postrid. No-
nas Decembr. ∞. 15. XCIX.

EPIST. LXXXII. Bononiam.

IVLIO CAESARI VELIO S. D.

AMOREM tuum video, mi Veli, & pa-
rūm sim qui sum, id est, humanitatis
& virtutis studiosus, nisi cumdem tibi red-
dam, & æquā, nisi fallor, lance. Non nego
erga plures mihi hunc affectum esse: sed vt
sol radios latē emittit, & lucis nihil amittit:
sic ego amoris, vt ita dicam, hos radios va-
riè spargo, & lucere aut ardere ipse non de-
fino. Petis imaginem meam mitti, inter il-
lustres viros ponendam. illud facio, hoc non
postulo, imò nec mereri me planè scio. Su-
mus aut erimus, quos fama nos esse & æter-
nans ille Genius volet. at illud mihi vindicō,
toto puroque animo ad bonum publi-
cum propendisse, & dotes ingenij mei (quas
ille * *dormiūtū dedit*) huc contulisse. Nec
queri adhuc de benivolentiā publicā pos-
sum: et si interueniunt etiam Aquilones ali-
qui aut Noti, qui secundantes & suaè spi-

I. LIPSI Operum Tom. II.

*bonorum
dator, id
est Deus.*

rantes Fauonios istos turbant, nec tamen
pellunt. Parūm est, nihil liquidi in rebus hu-
manis: in alto hoc erit, quò te meque, mi
Veli, Altissimus ille & *υψηλός* ducat. Louanij,
postrid. Nonas Decemb. ∞. 15. XCIX.

EPISTOLA LXXXIII.

BALTHASARI DE ZVNIGA, Legato Regio.

LITTERAS quas Antuerpiā ad me, sanè
quām beniuolās misisti, lubens legi,
& gratulatus mihi sum de serio tuo in me
affectu. Ut vt eo, rogas. & quidni fa-
ciam, si occasio sit? Sed meæ res & vita, ut
scis, in tranquillo consistunt; nec spes meas
aut vota ad magna aut longinqua mitto.
Hæc est felicitas mea in paucis esse felicem.
Studia solita me habent, & nunc totum SE-
NECA: quem breui, sed perpetuo, Com-
mentario illustratum dabimus cum publi-
co, ut spero, fructu. Interea fortasse breui-
culum aliquid ad nouos nostros Principes:
& id ex occasione natum, quòd audiendi
nuper nos honore in publico affecerunt.
Concepi, si pergo & perago, inter primos
scies. Gaudeo conuentum à te P. Schottum,
veterem amicum meum, & ante annos xxv.
etiam hīc auditorem. Sed & Antuerpiam
placuisse, & eius pompam, gratum est, nec
tamen nouum. Præsumebam enim animo
omnia splendida & decora, & ab ingenio
ciuum, & à genio ipso urbis: quā vnā glo-
riari Belgica nostra potest, ocello & velut
gemmā in hoc orbe terrarum. Librum, cu-
ius mentio in ADMIRANDIS, hīc adiun-
ctum Ill^{me} Domine habes. Illo meisque
(quidquid erit) vtere; & me, si non ex me-
rito, ex benignitate tuā ama. Louanij, x. Ka-
lend. Ianuar. anni noui, ∞. 15C. quem vo-
tiuum decurrere tibi, Numen precor.

EPISTOLA LXXXIV.

NVNO MENDOZIO Lusitano,
à cubiculo Principis.

AFFECTVM tuum, qui ad scribendum
impulit, quomodo non gratum ha-
beam? Ego verò valdè ab humanitate, & iis
studiis quæ profiteor abeam, nisi & illum
amplectar, & meum vicissim tibi reponam:
quod facere me, hac scriptione sedulò te-
stor. Pauci profectò sunt, & præsertim è ve-
strā nobilitate, qui optimis honestissimisq;
studiis se applicant: & vestra etiam gens ma-
gis adhuc armorum gloriam æmulata est,

Dd

quām

quàm Musarum. Itaq; eò magis amplectendi & æstimandi nobis sunt, qui vestrūm amplectuntur eas & æstimant: etsi fructus vobis est, etiam sine approbatione aut iudicio nostro. Te & animum tuum appello. scio internâ & solidâ voluptate perfui, cùm ad amoenos illos hortos, vt sic dicam, Musarum diuertis: atque ibi lectione aut meditatione pasceris rerum vel elegantium, vel sublimium, & à profano isto vulgo remotarum. Nam de prudentiâ, imò & sapientiâ, quid dicam? quæ originem & fontem istum habent: sicut & ipsa probitas, & honesti amor, siue à præceptis illis saluberrimis manat, siue à pulcherrimis exemplis. Itaq; gratulor tibi, Vir Ill^{me}, verâ nobilitate dignam hanc mentem: & felicem prædico, qui præceptorem habueris melioris mentis ac iudicij virum, qui ad meliora & altiora hæc duxit. De me verò sic statue, & amantem vicissim tui esse, & cupidum etiam videndi ac fruendi, vbi prima occasio erit: quam post istas peregrinationes Principum aut inueniam, aut faciam. Vale. Louanij, x. Kalend. Februar. ∞. 150.

E P I S T . L X X X V . *Roman.*

GASPARI SCHOPPIO S. D.

ROMAE te esse mi Schoppi, & gratulor & gaudeo: Romæ, id est, in luce illâ gentium, in arce olim imperij, nunc pietatis. Quam pietatem veterem & puram te amplexum esse, quis non in tali indole atq; ingenio gaudeat? Macte adolescens, decurre hanc viam, quæ & hîc gloriam tibi pariet, & posteâ illam æternam. Quòd calatum autem stringis in illos qui deflexerunt; facito, sed (meo monito) cum modestia semper, imò & amoris, erga eos notis: vt allicias magis quàm alienes, & docere videaris non pugnare. O vtinam plures è tuâ Germaniâ æmulentur hoc exemplum! regione semper mihi amatâ, ob gentis ingenium naturâ rectû, probum, & virtuti candidæ amicum. Deum ex animo precor eam respiciat, & caliginem hanc nebulasque nuper offusas disspellat. De ADMIRANDIS meis illîc recudédis, fiat vt vobis & magnis ibi viris (ita scribis) visum: sed exemplar secundæ editionis tamen sequendū sit, in quo & mutauia liquid, & auxi. Mutauia autem de Frumentatione, in quâ fortasse aliquid parū *ex modo. *perelac dixeram, nec firmo auctoritatū fulcro nixum. Sed & quædam alia infirmiora

stabiliui: & omnino ea vobis habenda, atq; vulganda sit. De rebus tuis scire aueo, satíne ex voto sint? spero, neque Romæ certe defuerunt vimquam, qui ingenia talia fouerent attollerentque. Raphelengium vtrumque nostrum, si illic, saluere velim: & te longum, mi Schoppi. Louanij, in acri frigide & insolenti. vii. Idus Febr. ∞. 150.

E P I S T . L X X X V I . *Roman.*

ASCANIO COLVMNAE S.R.E. Cardinali.

TARDE admodum in manus meas Oratio tua venit, in Hispaniarum regis funere scripta; & ideo excusandus sum, si tardiùs de cå scribam. Gratam fuisse & ipsam, & hunc animum in me tuum siue iudicium, quidni fatear? & legi auidè, & quid censem, breuiter & aperte dicam. Video inuentione fœcundam esse, ordine dispositam, verbis figurisque politam, numeris rotundam, membris & periodis suis plenam: atque uno verbo, magno vel Ora-tore, vel Rege dignam. Hoc magis, quòd à te scripta. id est, viro loci generisque dignitate inter Principes, in assiduis arduisque semper occupationibus: vt concipere vel conari talia, admirationem habeat; quid sic agere, quasi unum hoc ageres, & semper egisses? Felicem ingenij prædico, & Româ illâ vetere dignam prolem: hac quidem in parte. Nam & nouam hanc etiam ornas, & pietatis munia, quâ dote commendatur, ipse usurpas, atque illustri exemplo aliis præcis. Audio iam nuper adeò, augustis illis sacratissime mysteriis initiatum esse: quod gratulamur, & toto animo faustum ac salutare coincrecamur. Simul illud optamus, plures eiusmodi in hoc Christianæ reip. ædificio COLVMNAS: quod si esset, turbines isti ventique parum in illud possent, qui nunc quatunt validè & mouent, præsertim in misero nostro axe. Deus sedabit, cùm volet, & Te Ill^{me} & Reu^{me} Domine, longum bono publico, & decori tui ordinis seruabit. Louanij, vi. Idus Februario, ∞. 150.

E P I S T . L X X X V I I . *Roman.*

NICOLAO MICAVLTIO S. D.

AMARE debedo diligentiam tuam, natam haud dubiè ex fonte affectus, vel potius amoris. Semper à te litteræ, semper gratæ: etsi vercor vt paria faciam, aut facere pos-

possim (nosti occupatiunculas) in respondendo. Nam de amando, securus esto: vel a quo, vel antecedo. N.N. litteras tandem vidi. nihil secreti aut magni erat, cur opus illo à Secretis tamdiu exspectato. Sed quisque ut volet. ego vana, aut quæ eò inclinant, aspernari incipio, & vela minus minusq;e pandere non dicam ambitioni, sed famæ. Quid hæc omnia sunt, opinio, laudes, elogia? venti. In quiete maneamus, quæ à Deo & virtute sit: & huic cibum litteras, aut sapientiæ potius studia, demus: in quibus nunc sanè eram. Nam Senecam totum edere parabam; perpetuo Commentariolo illustratum, atq; ipsum & verba eius imprimis correcta & probè distincta. Gaudabo, si absoluero. Præmisisti autem (ita volentibus amicis) *Dissertatiunculam ad Principes extemporaneam*; & ut huic breuiculæ & leuiculæ pondus adderet, adiunxi *Panegyricum Plini*, immortale opus, item Commentariolo illustratum. O legant Principes, o delectentur, & æmulentur! Sed quando tu ad nos? iamdiu animo te reuoco, & nunc etiam hoc calamo: redi ad nos tuos. satis visioni, satis & religioni est datum. Ad Card. Columnam litteris misi per nostrum Houium, qui serio à me ad illum Principem petebat. Non dubito quin & te conuenerit (nam ad te priùs ire iussi, siue monui:) & epistolam illam iam destinarit. Quod ad Pigaferrā, seorsim h̄c habes quod ei legas. Vale mi amice, & saluant à me Lombardus & Desboysius. Louanij, 111. Kal. Mar. 150.

sideri gentis vestræ. Rogo te, Ill^{me} Domine, vt vel hac cauſâ opusculo meo faueas; tum & illâ, quod auditoré te illius *Dissertatiunculæ* merui, & postea approbatorem. Librum *De officiis aule Constantinopolitana* nuper misi, & spero recepisse: mittam & mea, siue ad præsentem apud nos, siue & absentem, si vera fama est, quam talem opto. Louanij, Kál. Mart. 150. DC.

EPIST. LXXXIX. *Salamanticam.*

EMANVELI SARMIENTO DE MENDOZA,
Doctori Theologo.

TALES ne epistolas ex iis oris, & à Theologo? Plures accepi, fateor, & amicos illi alibi habeo: sed Deum testem inuoco, nō aliud scriptum litterarius, aut teritus, & toto genere eruditius vidisse. O pax, cur nos non aspicis? ego per te profecto tales viros, & doctrinæ & mihi sic amatos & amicos. Sed iamtaur veteribus illis procellis, nec duo illa sidera adhuc sedarunt, quæ Hispania vestra misit. Fatales & diutinæ nostræ turbæ, inter alia mala cladesque; hanc occultam permisciem intulerunt, spermendi Pacis omnes artes: id est, nostra studia, quæ, mihi crede, à paucis vel per paucis potius, h̄c non dicam coluntur, sed æstimantur. Atque ut est rerum omnium orbis, futurum video atque auguror, atque etiam opto (cur dissimilem?) ut ad vos & longinqua loca migrant: loca iam olim sic feliciter illis infessa: & quis Græciæ Helicon aut Parnassus, super priscam Hispaniam fuit? Scripta & diuina illa monumēta loquuntur æternorum ingeniorum: in quibus Seneca, quem nunc cùm maximè in manibus habebam, & perpetuo Commentariolo illustratum ibam. Cur non audie & pñne iuste hoc facerem? Dederam Tacitum, prudentiæ (tuo quoque iudicio) patrem: debui, certe volui, & Senecam, sapientiæ fontem. Sed de Tacito, dici non potest quām me tua elogia delectent. Nam quosdam esse, qui pressum illum eunt vel abiectum, non ignoras: à quibus ita disfentio, ut æternæ Prouidentiæ beneficio datum, seruatumq; in parte scriptorem illum arbitrer, ad ingenia & consilia vel illustranda vel dirigenda. In eum quas Notas commentatus es vidi, & subtilitatem vbiique, iudicium nō semper (verum amo dicere, & tu audire) probau. Nam scalpro aut cultro nimis interdū indulgere mihi visus, nec ausim sic recidere veteres omnes membranas. Fran-

EPISTOLA LXXXVIII.

BALTHASARO DE ZVNIGA, *Legato Regio.*

CVM meus iste Bruxellam iret, litteris salutē libari tibi libuit, & redditum gratulari ex peregrinatione, quam cum Principibus nostris obiisti. Quid redditum? an & abiutum precari prosperum, nisi fama nos fallit? Nam ea nobis insuffrat, parari conuētum & actionem super pace Britannicā, atq; ei te quoque inter primos interfuturum, aut præfuturum, ut locus iste est, quem tenes. Si hoc fit; toto animo precor, & exitum eius rei tibi gloriosum, & patriæ salutarē, quæ profecto & consiliis & solatiis, si vñquam, éget. Ego, quod nuper scribebam agitare me, nunc decreui, & ad Typographum *Dissertatiunculam* meam coram Principibus misi, tum etiā (ne perse leue illud munus sit) *Plini Panegyricū*, breui Commentariolo illustratum, quem Traiano dixit optimo Principum, & claro

I. LIPSI Operum Tom. II.

Dd 2 ciscum

ciscum Sanctum Brocensem, iam anni multi sunt, cum noui, amo, colo. Probitas & eruditio viri merentur, & te rogo non salutare tantum, sed collum ille inuadere, & pro me amplecti. Ille Mercurius, ille Apollo est, Hispaniae vestrae. atque utinam multos excitet trahatq; ad splendidas verasque artes; neque arnis tantum, ut semper, sed ingenii etiam, ut olim, floreat ille tractus! Vale vir Reu^{de} & Eximie, cum quo amicitiae foedus libens iamnunc coeo, non nisi cum anima (si tu voles) discingendum. Louanij, prid. Idus Mart. &c. 150.

Qui has defert, honestus est vir, & inter meos Auditores, nūc Licentiatus iuris. Pater eius, inter primores Aulæ ministros, ad visendam Hispaniā alegauit. Amplectere.

E P I S T . X C . Rōmam.

IOANNI BAPTISTAE HANSENIO S. D.

GRATVM est, quod scribis mi Hansenii, neq; ingrata quæ scribis. Primum illud, de viro summo (ita loquendum est) in cuius contubernio agis, valde tibi gratulor, & tu diuinū hoc beneficium habē, & fruere aeterno tuo bono. Affectionem autem eius quod etiam in me nūcias, iam ex litteris eius didicis & gaudere me in eo fateor, atq; adeò exsultare. Nam is sine meliore aliquo iudicio de me esse non potest: cui autē magis probari optauerim, quām viro quem Deus hominesque iuxta probant? Pluris hoc mihi, quām Principum isti aduentus, vel interuentus, in Scholas nostras: quibus tamen quæ tunc dixi (et si pauca sunt) iam vulgamus, cum Plini^j Panegyrico addito, quem leui manu illustramus. Ipsum opus Plini^j nouo Principe dignum: atq; utinam legat, capiat, obsequatur! Heu, consiliis in hoc statu rerum quām egemus! Quid statu dixi? fluxu debebam. ita res nostræ labuntur, & nisi Deus sistat, iam ruunt. Sed in eo, in causâ, in Principum pietate & probitate (utramque vterq; habet) confidimus: & quamquam initia vacillant, paullatim res & consilia itura in exitum meliorē. Hæc moesto oculo sèpè aspicimus, & quietæ Italiae vestrae desiderium redit: sed quid dicam, nisi in ictâ manu fisti & teneri me à Fato? Ita valetudo, amici, alia interueniunt, quæ iam in procinctu pñne arcuerunt vel arcent. Itaque omitto, mente & cogitatione adeò, & eâ sèpè me oblecto. Officia quæ defers, & præsertim in Vaticanâ Bibliothecâ, non refuto, imò in tempore fortasse ytar.

Nunc quidē in Senecâ eramus, cuius exemplaria plura vidimus, & alij alibi: nec operè pretium sit te inspicere, nisi vnum aliquod sit eximię notæ. Quòd autem iniicis de loco honestiore dextro, in Electis à me scriptum: non muto equidem, et si concusslit me tamen ille tuus, & Beccani hac in re, patronus. Sed quædam à nobis ita palam sunt, vt refelli vix videantur. sicut illud de *Latere claudendo*, quod certò est Sinisterioris, & minùs honesti. Docui ibi ex Suetonio & Eutropio: & adde, si vis, veterē Iuuenalis Scholiaſten à Pythagore editum, qui in hunc versum, *Dimitis hic serni claudit latus: Aut in medium (inquit) seruum mittit, aut in sinistrâ ambulat.* Iudeos ita habuisse olim, Sacra docent: & Christianos veteres, nisi fallor, D. etiam Maximus Episcopus Taurinensis, in Homiliâ de Sanctâ Pentecoste! Scribit ad verba illa, *Dixit D. D. meo, sede à dextris meis: Cuius autem ad dextram filius esse dicitur, inveniat aliquem fortasse.* Licet enim dignitatis gradus non sit, ubi plenitudo est diuinitatis, tamen idèo ad dextram sedet filius, non quæ preferatur patri, sed ne inferior esse credatur. Et statim: *Pater Christo filio throni sui offerit Sublimem confessum,* & *HONORIS gratia ad dextram suam illum eternâ sede constituit.* De Ouidij versu scripsi in Electis, quæ visa: & ęgrè muto ob Horatij illum, — *nec tamen illi Tu comes exterior, si iussit, ire recuses.* Vbi exterior palam est inhonoratior: ergo contrâ, interior. Alioqui valde placeat illud Vaticani codicis, anterior. Sed in Electis meis recusis, aliquid etiam resinx, poste à tibi vindendum. Hæc, si tantū, diiudicet ille magnus arbiter, à quo non appello. De Gallorum in nos bello quod scribis, nihil equidem inaudiui: nisi quod N.N. quædam in me dictoria iam pridem legi. Sed ille in me ita ex superuacuo & sine causâ incurrit, vt credam hoc ipso minùs grauem gratumque iis esse, quibus anteā fuit. Equidem nec læsi nec lœdam quemquam. pacis ingenium habeo: si me alius, videbo. & in leuibus, silentij tenore in seruabo: si quid grauius aut dignius, fortasse rumpam. Vale, mi Hansenii. Louanij, VII. Kal. April. &c. 150.

E P I S T O L A X C I .

G A S T O N I S P I N V L A E,
Gubernatori Limburgensi.

DO LEO, & pñne indignor, me præuen-
tum rogatione tuâ, in re quam sponte
& vltro faciebam. An non libri mei exem-
plar

plar ad te mitterem, vt soleo, atq; etiam (ita loquor) vt debedo? Nam beniuolētia certè tua in me insignis, & palam testata, ita postulat: & mea etiā obseruatio, & tui cultus, impellebant Faciebam ergo vltro: sed cur distuli? simpliciter rem dicam, quia pauca exemplaria compacta, &, vt sic dicam, vestita habebam: nudum autem mittere verecundabar. Quid, quod nec ad Principes alios viros misi (Legatum Hispanę excipio) ad quos solebam? Itaque de morā ignosce & fac mihi gratiam: quam alias sanè libens emendabo, cùm videā lucubratiunculas nostras sic gratas tibi esse, non à sui pretio sed accipientis affectu. Quòd porrò Spadam aut & Limburgum tuā incuitas: mentiar, nisi dicam me velle, aut potius gestire. Sed quid promittam? omnes pericula mihi obiciunt, & liberas grassationes hostium in Eburonum solo. Neq; nego terrori me, vt qui semel periculo nimis fuerim propinquus. Tamē valentudo mēa anhelat ad illas salutares Aquas: etiam ad te ego Ill^{me} Domine, & cupiam passi ac refici suauibus simul ac prudentibus sermonibus tuis. Nam ista, quæ in rep. nostrâ video, haud sanè vsquequaque mihi placent: & loquamur liberiū de iis, quām scribamus. Vale cum Dominā & liberis, quos Deus corpore atque animo attollat. Louanij, VIII. Kal. Iunij, 100. 100.

EPIST. XCII. Romam.

FREDERICO BORROMAEO S.R.E. Card.

SICVT Telemachus ille, apud Homerum, Nestorem vider & affatur cum subdunctione & pudore, sed incitat & persuadet Minerua: sic mihi sit in isto alloquio, quod etiā non primum ad te, tamen cunctanter profero, nec nisi Micaultio incitante. Ille à te recens, depuro affectu tuo in nos ea retrullit, quæ suauiter in pectus hoc illapsa me recrearunt: & simul impulerunt, gratias has & preces ad te deferre. In præteritum, gratias; in futurū preces, vt sic in me perseveres, non mei meriti, sed constantiæ tuæ, causâ. Nam de me quid dicam? nisi aut à famâ te, aut tuā benignitate falli: qui parūm ex propinquo me aspicis, & in lumine claro cernis. Sicut eminus stannum, argētum, plumbum, conspicienti eadem videantur, admotus discerat: sic vereor vt in meis dotibus, & longinquitas pretium iis addat. Itaq; cautè à me factum igitur, qui venire ad vos distuli, & cōspicuum me dare: manete in suaui mihi er-

rore, & vel immerente amate. Etsi quid mentior? nulla hīc cautio. ardor est, qui fuit: sed valetudo intercessit, & alas mihi iā subuolanti incidit. Itaque, vt iterū ille Telemachus, *"H'σο μὴν οὐ μυητήρι, φίλων τε πημάθος ἡπερ;"* * Ipse processus inter mari eti corde sedebat.

EPIST. XCIII. Romam.

PHILIPPO PIGAFETTAE S.D.

LITTERAS à te legi, quas ipsa Humanitas tibi dictauit. Quidni autem benignè ita scribas, qui benignè in me & famam meam is consultum? Nam MAGNITV DINEM nostram ROMANAM significas te vulgare in Italicā vestrâ linguâ: quod iam aliunde diceram, sed libentiū certiusq; te nunciente. Mi Pigafetta, an mereatur à me hunc labore, nescio: à se ineretur, & quamvis fidenter apud te, eius scientem & amantem, dicam. Ecquando tale, tam diurnum, tam compositum imperium aut fuit, aut erit? Vel illares argumento, quòd plerisque logos & fabellas narrare videmur: nec verisimilia quidē adferre, cùm vera, & vt sic dicam, oraculis certiora dicamus. Incomprehēsa est (de vulgaribus ingeniis loquor) illa MAGNITVDO. Quid de vulgaribus? me ibidem pono. Omnia feci, culmen non attigi. sed tamē vt in magnis signis, vbi caput non est tangere,

Ponitur hīc imos ante corona pedes:

sic ego ingentem illam Romanam veneratus, sertum hoc ingenij vel ad pedes eius consecraui. Tu aut alius caput ei coronabit. Sed tu tamen ista magnificas & attollis, & eminere inter scripta nostra, vt Homeri illam Nausicaam (eā imagine vteris) inter alias virgines censes. Nescio, & velim, pro affectu meo in Romam, ita sit: tamen hoc scio, plusculum me iudicij & dispositiō collectionis in hoc opus contulisse, quām celeri mente aut oculo aliquis arbitretur. Qui insistet & rimabitur, non culpabit. Nisi quòd quædam tamen omissa etiam nobis, quorum partim in secundâ Editione (eam habere te velim) iam addita: partim in sequenti addenda. Sic ut illud, pro ambitu magno vrbis. quod Plutarchus in Niciā scribit, *"urbem Syracusas fuisse Athenis non angustiorem:* atqui Syracusæ CLXXX. stadia in ambitu habuere, Strabo-

ne teste: ergo & Roma, quam cum Athenis Dionysius comparauit. At enim illa tot stadia iustè efficiunt **xxii.** millaria illa cum semisſe, à me adstructa. Item de humeroſo illo populo(in quo paſſim audio abnuere, etiam qui obloqui non poſſunt:) de illo, inquam, Suetonius valdè affirmat, ſed me emēdante. Leges in Nerone eius, cap. **xxxix.** inter magnas rarasq; clades, *Pefilientiam Romæ vniuersitatem*, quā *triginta millia funerum in ratione Libitinae* veneſunt. Tuam sagacitatē hæc cīne res magna aut memoranda, toto Autumno in tantā vrbe? Ego adſero, & res eſt, in vnā aliquā noſtrā vrbiū hanc pefilitatē, in paucis mensibus, ſic fuſſe. Ne ambige, quin *trecenta millia* ſcripſerit: & meis, ſi voles, in fine Dialogi **iii.** lib. **iii.** adde. Sed & percuſlit quosdam de laxitate domorum, quod ſcripſi lib. **iii.** Dial. vlt. Audiant Scenecam: *Non habebant (prisci illi) domos inſtar vrbiū: ut nos ſcilicet habemus.* Iterū audaciū: *Ædificia priuata, laxitatem magnarum vrbiū vincentia.* Plura ſunt talia: & tu à te, atque aliis ibi fortaffe, quædam habes, me volente inſerenda. Nam iuuari, moneri, doceri, cur abnuam? à quocumque volo: & cum Euripide,

* Dudum
iſta / edit
animo huic
ſententia.

* Παλαιάς ποτέ εἰς τὴν ἡμέραν μόνον.
Hoc etiam, te talem amare, atq; adeò colere, inter eximios Italiæ fœtus. Non enim lectio tibi ſolū multa, ſed peregrinatio dedit: varia & multiplex, vt audio, per Europæ noſtræ, atque etiam Asiae oras. Faueo. tu nobis priuatim & publicè: id eſt, me ama, me cum aliis doce. Louanij, prid. Kal. Sextil. **∞ .i.c.** Haud abſimili ſententiā (non verbis) epiftolam à me aliam habes: ſi tamen accepiſti. Si non, prouide hæc ſubmiſſa.

E P I S T . X C I V . *Hifpalim.*

IOANNI WOVERIO ſuo S. D.

O VOLVPE mihi, te eſſe ſaluum! ô magis, te animo eſſe ſanum, nec inter inepta, vana, improba pollutum! O ſic ſemper, ô magis magisq; ad illa pura, æterna, alta: quò melior Deus & natura tua, addam & institutio mea, vocarunt. Mihi hoc nunc crede vſu perito, quò magis te in hoc ſalum vitæ penetrabis, amara plura reperies & queacescant: quid remedij? ſcire, ſpernere, & Sapientię decretis ſe munire. Vt Vlyſſi illi naufragio Leucothea vittam ſub pectore ponendam dedit, quā tutus à turbine & tempeſtate eſſet: ſic tu hac Sapientię te præcinge, &

audies — * εδίνει τοι μαθέειν δέ Οὐ, εδόθη λέξη. * nil vere
re pati, nec
mortuus periſſe.
Sed hæc domi olim ſæpius: at nunc recole, & quando iterū licebit: quando vultus & sermones iungere? Pænè diffido, cùm valitudinē meam video, quæ præcipitat & ruit ad metam. Itaque & de *Seneca* pænè diffido, etiſi medium opus peregrimus: imò nihil etiam egimus (ita mea ſunt) niſi extrema hæc manus accedat. Patria videtur animam ageare, ita consilia omnia Principum & optimatum ferocis miles turbat. Plura nolo, nec te ſuadeo ultrà tam liberè quām nuper: quid ſi recludantur? non quia improbi aliquid (ab eſt ab utroque noſtrū) ſed quæuis liberior censio odium hodie habet. At nos æternum inter nos amorem, & ſic mihi vale. Louanij, **iii.** Idus Iunias, **∞ .i.c.**

E P I S T . X C V . *Romam.*

CAESARI BARONIO S. R. E. Cardinali.

DIETAS, & quidem duplex, hanc ſcriptionem à me expreſſit: ſiue quam Deo, ſiue quam Patriæ debemus. Sacrum luſtrelē annum qui obire in ipsâ Vrbe & sanctis locis non potuere, ſiue morbo, occupatione, inopiā, aut alio vinculo impediti: benignitas SS. Pontificum iis quoque, iam more veteri, ſubuenire confueuit, & Iubilæum ad alias exteräsque oras propagare. Opidatim ſolet inſtitui. & quia Louanium noſtrum, & inter vetuſtissimas Brabantiaꝝ vrbes eſt, & religionem veram & priscam ſemper (quod non aliæ) habuit illibatam: videtur mereri prærogatiuam iſtam, vt ſacri illius beneficij publicatio illīc inſtituatur. Senatus & Academia valdè velint, & apud S^{mum} noſtrum agi per certos homines procurarūt. Sed quia commendatio etiam veſtra, Ill^{me} Domine, facere huic negotio potest, & me aliquid apud te poſſe censuerunt: rogarunt, & rogo, vti ſuffragij tui calculus piæ petitioni accedat, & nos publicis meritis iamdiu obſtrictos, etiam in hoc priuato arctiū velis deuinſire. Ill^{me} & Reu^{me} Domine, Deum precor, te Ecclesiæ ſuꝝ, magnum & rārum lumen, diu lucere patiatur. Louan. **vi.** Idus Sept. **∞ .i.c.**

E P I S T . X C V I . *Vlyſſiponem.*

EMANVELI CORREA Lufitano.

Et epiftola tua me exhilarauit ac diffudit (ita loquor) & is qui eam dedit Nunnus Mendozus, olim in tuā disciplinā. Nam epiftolā tuā quid mei amantius? quid in

in iudiciis honestius? vt ruborem mihi lectio pñè incuteret, naturâ modesto, & gna-ro alioqui non esse in eo culmine, in quo me ponis. Sed ponis per amorem: nec iudicij tui censeo hunc errorem. Iam ipse nobilissi-mus vir qui attulit, scriptione mihi anteâ notus, sermone se, & addo gestu ac vultu ip-so, probauit: planè melioris commatis ac monetæ, vt Græci loquuntur, & qui genus suum illustret atque etiam gentem. Gentem illam vestram dico, id est, Lusitanos: iam olim armis, imò & litteris inclytos: quas pri-mus Sertorius intulit, & Græcis iis Latinis-que (Plutarchus auctor) imbuit vestram iu-uentutem. Crede mihi Correa, semina eius instituti etiam nunc fructificant: & ardet in animis vestris semel accensus honestior ille ignis. Audimus certè, non in alio Hispaniæ tractu magis veteres artes coli: & exempla ac scripta sunt, quæ ad nos quoque ma-nant, & testantur. O Deus, cur bella in haud magno interuallo nos dirimunt! terras & maria intuta reddunt? Absque iis esset, iam-diù in voto, nunc in leui habeam, ligneo e-quo ad vos currere: videre loca & homines, in quibus bona & boni, atque etiam ego sic amor. Te mi Correa videam, pectori applicer, collo adstringar, atque ipsâ hac cogita-tione liquefco & moueor: quid si re frui de-tur? Sed vt tempora fluere, vt meam vale-tudinem labi video: non dabitur, nec nisi sub vimbrâ voluptatis haec ludam. Sed ta-men hoc datur, animis adire, affari, iungi: id est, optimâ & cælesti illâ parte nostri, à quâ est, si quid in me amasti. Et hanc igitur veloci alâ iamnunc ad te mitto, & pange-re iubeo.

Fædera, non vllâ dissoluenda die.

Vale vir, optime & doctissime. Louanij, viii. Kal. Nouemb. &c. 15c.

EPISTOLA XCVII.

CYNTHIO ALDOBRANDINO
Cardinali tit. S^{ti} Georgij.

EFFABOR ex animo, Genium aliquem videri mihi impulforem esse ad te scri-bendi. Bonum haud dubiè, ad omnium vocibus sic bonum, & qui eximiè vnuſ reti-net priscam & Romanam illam non probi-tatem solum, sed libertatem & candorem. Ita ad me omnes qui illinc veniunt, qui il-linc scribunt: & addunt, quod propriè me tangit, inclinantis tui animi in me affe-ctum. Beatum me qui habeo, nec merito vl-

lo meo conciliatum, sed tuâ benignitate oblatum. Sicut arbores fructibus grauidæ inclinant ramos & demittunt, & offerunt carpi: sic vos isti verâ virtute vberes, & be-niuoli & benefici vltro estis, & in uitatis ad fruendum. Ego verò & coram frui, & vide-re, hoc anno sacro fæculari censem: Deus aliter, qui tenuit, & Valetudinis hoc vinclo ligauit. Venit tamen iste è disciplinâ olim: mē Io. Hemelarius, gente Bataus, mente & pietate Romanus: quem ego seriò com-mendare ausim (apud viros Principes quâ fallam?) & ingenij doctrinæque titulo, & edecumatæ, vt sic dicam, honestatis. Rogo, Ill^{me} Domine, in hunc quoque fauoris tui libra deuergat: sed in me maximè, eius si non merentem, certè cupientem, & fide atq; obsequio semper meritum. Deum testem aduoco, & eumdem Ill^{me} & Reu^{me} Domine, virtutis tuæ atque æui propagatorem. Loua-nij, vii. Idus Septemb. &c. 15c.

EPIST. XCVIII. Romam.

ROBERTO BELLARMINO, S.R.E. Cardinali.

G R A T V L A R I non tibi, sed nobis & Ec-clesiæ dignitatem tuam & hanc purpu-ram, animus iamdiu fuit, nondum occasio: & fateor me inter eos esse, quos Verecundia aut modestia continent, nec temerè pro-rumpunt. At nunc os & stilum mihi soluit adolescens iste quem vides, olim è mē disciplinâ, qui inter omnes te elegit cui vellet offerri & commendari. Facio libens, & pñè dicam securus de successu: quia inge-nium eius noui, industriam, progressum in optimis artibus, & addo (caput rei) probita-tem morum, cum puritate religionis con-iunctam: quæ omnia amari à te scio, & in titulis laudum spectari. Fac periculum Il-lustrissime Domine, plura prædicatione mē reperies: & in ipso homine nescio quid venustum & lepidum, quod occulto velut vinculo ad se ducat. Quod si fortè ad alium eundum sit, rogo vt fiat te auspice: ego me & debitum gratiam fateor, & fortasse (li-berè dixerim) cum mihi, qui me tradente compos gemmulæ huius erit. Sed quod ini-tio proposui, ego Ill^{me} & Reu^{me} Domine, honorem hunc tibi corde gratulor, non do-num, sed præmium: & Deum rogo, velit te in eo Ecclesiæ suæ tutorem & vindicem diu superesse. Louanij, vi. Idus Septem-bris, &c. 15c.

EPIST. XCIX. Hispanis.

IOANNI WOVERIO suo.

TRISTE mihi(rarum in tuis litteris)quòd significas meas non acceperisse. Scripsi tamen, & bis quidem in Hispaniam. Ad te neglegerem? è tuo affectu puro sinceroque noris & æstima meum. Itaque nec excusatione vtor, quâ iure apud alios, Occupatio-nis aut Valetudinis: tu mihi eximius, & ne-scio quomodo animo huic insitus es & in-nexus. Semel dictum, semel crede. At gra-tum, quòd iam arrideat magis illa ora:gra-tissimum, quòd Sapientiæ studia non dese-ris, solum nepenthes in tristitiâ huius æui. Perge, perge mi Woueri, alta aspice, & vnde veneris, quid veneris, serio attende. Cælestis tibi origo & imago: quid terrenum aliquid delectet aut teneat? Occupatiunculæ sunt? non abiice, sed subduc semper aliquid aut eripe: & illas tamen potius, quâm te relin-que. Sed philosophare maximè in seriis, id est, quæ mores, vitam, & ipsum te tangunt. Pulchrè aliquis apud Euripidem:

* Que ma-ximè opus est, hec mi-heras Sa-pientia:
* A δέ μάλιστα, τάντις οὐδενός:
tibi hoc sit, & quæ opus est, non quæ di-scunt, disce. serio autem, & in facta disce. Vt pluvia illa inutilis, quæ in lapides aut rupes cadit, & supernè irrigat tantum: sic doctri-na, quæ in ore & verbis, in pectus non de-scendit. Sed heus, comésne tibi in honesti-simis studiis Lucianus Negronius? laudas mihi ex animo virum, & ego iamnunc in animum hunc demisi. Saluta, amplectere: atq; vtinam in Hispaniâ, bonâ ingeniorum matre, plures! Ingenia certè supersunt: ne-scio quo fato institutio aut æstimatio defi-cit, sed hæc quoque (Deus audiat) accedent. De repnblicâ nostrâ, audistin' cladem? sed animum viresque recepimus, Principe ipso animosè præeunte. Heroicum illud, & à stirpe sublime, ibi ostendit. Tamen etiam languemus, longo lentoq; bello tabescimus: & auxilia ab iiis oris tarda, si non sera.

* Quod dif-feras, non facio simile censio.
— * Τὸ δὲ μέλλων, ιον διαρρέεια λίγη: ait ille. Vale mi Woueri. Louanij, iv. Kal. Septem.

EPIST. C. Romam.

GVILIELMO SCARBERGERO suo.

IN silentio tuo, vt scribis, curam imò an-gorem aliquem habui; & suspensum te-nuit valetudo aut fortuna tua. In longo & vario isto itinere, scio qui casus interueniant: inopinati sæpè etiam sapientibus, & res no-stras & nosipso sæpè inuoluunt, aut euer-tunt. Sed liberasti me omnis sollicitudinis hac scriptio: quâ significas valere te, et si minùs valuisse. Benè est quòd silueris, & gaudere de restituâ hac malo, quâm time-re in affectâ. Enim uerò mi Scarbergere, vt parens aliqua in absente suâ prole, sic ego in vobis à domo & disciplinâ meâ afficio, & omnes in sinu isto pectoris circumfero ac gesto. Sed morbus ille fuerit, tu nouum robur indue, & ad nos (si me solens audis) redi. Diu inuersari & sedere in iis locis, quem so-lidum fructum tibi gignat? Ætas tua iam maturuit, vñus es, sed & orbus es: veni, veni ad quæ vota nostra te vocât, & hîc apud nos tuam aliquam cape. Cum poëtâ inquam,

Uxorem quere, firmamentum familie:

Afua.

cuius familiæ, nîsi à te propagatur, stemma filiumque Ætasiam incidit. In me idem, & vltimus ego (heu res humanas!) omnium Lipsiorum. La-faillium apud te esse gau-deo, bonum modestiisque ingenium: an non & ille ad suos? fortasse tecum. De bello Sabaudico, hem malè narras. sed satin' vt certò? Hîc quoq; rumores; quos tamen auer-samur, & scintillas, vt huc etiam peruolent, timemus illius ignis. Apage, apage. vni huic lento Marti vix resistimus: ille alter feruidus & ὀμβριάθυμος accedit?

Aī aī τὴν μηχαλαν ἡμαρτεγον ἀχτον.

• Heu-ne-stros la-tinos, hem-pacrie ge-mineus.

Sed fata viderint: tu vel ad res turbatas ve-ni, sed non (meo consilio) per turbata ea lo-ca. Gallia aliâs, aut non, lustrator. Vale, mi Scarbergere. Louanij, vii. Idus Septembr. Nostri omnes valent, Oranus & Baronius honore & titulo consultorum iuris mox au-gendi. Antonius, nisi fallor, te cum fratre Legato ibi opprimet.

A P P R O B A T I O.

HÆC selectarum Epistolarum Ivsti Lipsi Viri Cl. ad Italos & Hispanos Centuria, utiliter admodum euulgabitur.

Gulielmus Fabricius Nouiomagus, Apostolicus
& Archiducalis librorum Censor.

IVSTI

IVSTI LIPSI
EPISTOLARVM
SELECTARVM
CENTVRIA SINGVLARIS
AD GERMANOS ET GALLOS.

1911
MV SAUDER
MV SAUDER
Chandelle 1911
July 20, 1911

ILL^{MO} ET REV^{MO} DOMINO
D. OCTAVIO
FRANGIPANO MYRTO
EPISCOPO TRICARICENSI,
NVNCIO APOSTOLICO
CVM POTESTATE LEGATI LATERALIS.



ITTIMVS ad te exiguum munus, imò non
mittimus, sed ipsum spontè ad te ibat. Ad
GERMANOS ET GALLOS Epistolæ sunt:
vtraque natio suum sibi patronum asserebat,
& lucem hanc nominis præscribi affectabat.
Quis nescit in Germaniâ te per plures annos,
nec vno sacrorum Principe, sacra & religio-
nem direxisse, deferidisse, propagasse? Idque
eà curâ, industriâ, & quæ propria tua laus est, prudentiâ: vt exem-
plum à nemine accepisse, posteris tradidisse, ab æquis peritisque
arbitris iudiceris. Et si arbitrio aut testimonio quid opus? res vo-
ciferatur, & Germaniæ ea pars confusa antè aut tenebrosa, sta-
tim vbi tuum illud lumen affulsit, mutata in melius, antiquam
iam pietatem & felicitatem spondere sibi audet. O regio,

Rebus opima bonis, multâ munita virûm vi:

fauemus, & tamen inuidemus: atque ecce ipsum illud sidus ad
nos traximus, consilium & auxilium in rebus nostris turbatis
dicam, an desperatis? Non hoc dicam, sub optimis Principibus,
& talibus adiutoribus: age Ill^{me}, tu quoque naua operam, &
Summi illius CLEMENTIS auspiciis, praua hæc & nouitia opi-
nionum pelle, calamitatem & cladem non Belgicæ tantùm, sed
Europæ. Mone, doce, persuade: vis ingenij & oris adest: adest
auctoritas simul & comitas, illa venerabilis, hæc amabilis: & ne-
scio vtra efficacior ad mouendum & trahendum. Imò ista, me
quidem iudice. quâ sic vteris, illâ saluâ, vt in omnium pectora te
insinues, & gratiâ impetres, quod nec imperio alius cogat. Itaque
virtutes tuas & inspicimus simul, & suspicimus; & tamen acce-
dimus, facili illâ humanitate inuitante: vt elogium hoc verè sub-
signem, neminem fuisse quem prouincia nostra magis reuerita
sît, minùs verita: & quæ duplici isto affectu tota in te fertur Ve-
nera-

nerationis pariter & Amoris. Nolo secundâ oratione diutiùs hæc attollere: & fateor oneri me non subsistere: GALLI etiam ad se vocant, qui pariter nomen hoc tuæ gentis carum iamdiu & clarum habent. An non habeant, ab illo FABIO FRANGIPANO patruo tuo? viro, vt verbo dicam, omnibus virtutis & prudentialiæ numeris absoluto. Qui *Calatinus* primò Episcopus, mox *Nazarenus Archiepiscopus*, sextum legatus in Galliam, funestis illis & pænè exitialibus dissidiis, à *Pio Quinto*, *Gregorio Decimotertio*, & denique *Sixto Quinto* Pontificibus missus: in salutem florentissimi regni non operam & vires tantum, sed vitam contulit & impendit. Obiit enim in ipsâ eâ legatione: obiit? corpore quidem: sed nomine & claritudine æternum in eâ gente viuit. Hic te ita sibi sanguine proximum amabat & pectori induerat, vt laborum simul & virtutum, exque iis dignitatum, heredem destinaret: quod factum est, & velut faciem ab eo acceptam in hoc Legationis laborioso, sed glorioso cursu, indefessus retines ac præfers. Vides III^{me} Domine quām verè dixerim, fauente, imò vocantे vtrāque natione, tuum nomen huic opellæ inscribi. Vtinam operi possem dicere! nam hoc debebatur: sed vt benignitas tua communiter in omnes, priuatim in me est, & ab annis decem fuit, ab optimo maximoque animo hoc etiam leue accipies, quid? confessioriam, non liberatoriam tabellam. Deuincti meritis tuis omnes Belgæ, ego inter eos, sumus: & grates laudesque verbis dicere possumus, rebus factisque referre non est in nostrâ manu. Fatemur, consignamus: D E V S H O M I N E S Q V E T E S T E S S V N T O: & ille tutorem se porrò tuum ILLVSTRESSIME & REVERENDISSIME DOMINE, isti fautores in æcum præstent. Louanij, III. Idus Februarij, 100. 15CII.



AD

AD LECTOREM.



IDES ad GERMANOS ET GALLOS CENTVRIAM:
sed vel duas potuisses. Quasdam enim epistolarum consilio,
ut te non celerem, differimus; quasdam prater animum, qua
nobis ignoris inuitisq; perierunt, aut certe sunt in manu eorum
ad quos missa. In memoria plures habeo, quas decebat inter
alias, immo ante alias fortasse ponit: quid facerem? perierunt ut dixi, meā an
alienā negligentia, culpā an casu, tamen perierunt. Monet, ob amicos quos-
dam: quibus hoc, quantulum est, honoris & amoris debebam, & animo
dabam. Re non licuit: licebit, si exemplaria ad me mittere tanti censem.
Quamquam & in Centurijs AD BELGAS intercurrunt etiam ad alias
nationes: magisq; in MISCELLANEIS, quas dare nunc coepi. Hac scire
te volui Lector, & saluere.

INDEX EPISTOLARVM SELECTARVM CENTVRIAÆ SINGVLARIS AD GERMANOS ET GALLOS.

A	DAMO Gallo Poppellio, Baroni Lobko-	Demetrio Solikouio, Archiepiscopo Leopolitano
witio	xcvij.	xlv, lxxxij.
Andrea Viritio	lxj.	Dominico Baudio
Andrea, Episcopo Vratislauensi, &c.	vij,	F
xij.		Florimundo Ræmundo, Senatori Regio
Antonio Fabro Boderio, Legato Regis Gallie	lxiv, lxxvj, xc.	xxij,
Antonio Fabro I ^o	lxxxix.	lxij.
B		Francisco Aerzenio
Bartholomeo Buchouio, Pomerano	xcix.	Francisco Leifringo
Bernardo Montgallardo, Theologo Ecclesia-		Francisco Pythæo I ^o
fæ eximio	lxxix.	Frederico Morello
Blasio Huetero, Principibus N. N. à Secretis		Friderico Lindebruggio
xxxvj.		Frontoni Duceo Presb. Soc. Iesu
C		G
Christophoro Harleo	xvij.	Guilielmo Barclayo
Claudio Boucaultio	l, lvij.	H
Claudio Groullarto, Präfidi	lij.	Hadriano Turnebo Had. F.
Consulibus & Senatui Imperialis opidi Franco-		Henrico Ranzouio, Vicario Regis Danie
furtensis	lxvij.	ij.
Cyrillo Magno Archimandrite Alexandriae &		Hermanno Comiti à Manderscheidt, &c.
Exarcho	lxxxiv.	lxv.
D		Hieronymo Ferrerio V.N.
Danidi Hilcheno, Regi Polonie à Secretis	xliv.	I
I.LIPSI Operum Tom. II.		Iacobu Augusto Thuano, Präfidi
		xxxv, xl ix,
		lxxj, xcij.
		Jacobo Bongarfio
		xxj.
		Jacobo Monanio
		xv, xxxvij.
E		Iano

<i>Iano Grutero</i>	vij.	<i>N</i>
<i>Iano VVovereno</i>	ij.	<i>Nicolao Brullario, Silerio, Presidi</i> xlij, xcij.
<i>Ioanni Alnpeckio, ciui Leopolitano</i>	lxxvij.	<i>Nicolao Redingero</i> xxxvij.
<i>Ioanni Baruitio, Cesarì à Consiliis & Secretis</i>	xxix.	<i>Nicolao Rigaltio</i> xcij.
		<i>P</i>
<i>Ioanni Buchetio, Theologo</i>	xxv.	<i>Paullo Moreo</i> xl, lir.
<i>Ioanni Dyenbergio à Remen</i>	xcvi.	<i>Pietro Pythæo I^o</i>
<i>Ioanni ab Hollant</i>	xlvij.	<i>Philippo & Ferdinandio utriusque Bauariae</i>
<i>Ioanni Osleuio de Leuenhaim</i>	xxij.	<i>Principibus</i> v.
<i>Iosepho Scaligero Iulij F.</i>	xvi, xxiv, xxvij,	<i>Philippo Cosperano</i> lxij.
<i>xxxij, lix, lxxxvi.</i>		
<i>Isaaco Casaubono</i>	xlj, lxix, lxxiv.	<i>R</i>
		<i>Renato Pincæo, Senatori Regio</i> xliij.
<i>Liuino de Succâ</i>	x.	<i>Richardo Baroni Starnbergio</i> xij.
<i>Eudouco Swartzmaiero, Cesarì à Consiliis</i>		<i>Roberto Denyæo U.N.</i> xcviij.
<i>xxx.</i>		<i>Rumoldo Mortierio</i> xlviij.
		<i>S</i>
<i>M</i>		<i>Sebastiano Rolliardo I^o</i> xlvj, lxvj, lxxv,
<i>Marco Velsero</i>	j, viij, xij, xiv, xvij, xxvi,	<i>lxxxvij, xciv.</i>
	xxxij, xxxix, lij, lvij, lx, lxvij, lxxij,	
	lxxxij.	
<i>Mariæ Gornacensi</i>	xxvij.	<i>Simoni Toelmanno I^o</i> ix.
<i>Marquardo Frehero I^o</i>	iv.	<i>Stephano Piglio</i> xxxij.
<i>Martino Delrio Presb. Soc. Iesu</i>	lxxx, lxxxvij.	<i>T</i>
		<i>Thomæ Mermanno, Medico & Consiliario Du-</i>
		<i>cis Bauarie</i> lv, lxxvij.



I V S T I L I P S I
EPISTOLARVM SELECTARVM
CENTVRIA SINGVLARIS
AD GERMANOS ET GALLOS.

EPISTOLA I. *Augustam.*

I. LIPSIUS MARCO VELSERO S. D.

Lv verò seriò me amas, qui è longinquis illis oris aurā ad me mittis tui affectus, eamque in litteris etiam nunc calentem & spirantem. Quis ego sim, nisi redamem? non dicā humanioris viri nomine, sed nec hominis quidem dignus. Accedunt plura quæ inuitant, eruditio, cultus ingenij, & ea quæ vidi in tuis scriptis. Mi Marce, ne blandiamur inter nos: amo te, & dignus es amore. De libello ad me misso gratiā habeo. cœpi legere, non perlegi: ita hīc interpellamur amicorum salutationibus, colloquijs, cōuiuiolis, & quæ solennia esse scis in recenti aduentu. Vēni enim iamnunc Francofurtum, & valetudinis curandæ causâ in Germaniâ vestrâ, aut eius limite, paullisper cōmorabor. Tu vtinā propior sis! profectò te viderem, & sermone atque ipso vultu hunc affectum declararem, quem nunc scripto. Quis scit, an non aliquando fiet? Nunc salue, & Velleium nostrum à me accipe, quem iam vulgauit. Francofurti ad Mœnum. xviii. Kal. Maias. &c. I. xci.

EPISTOLA II.

HENRICO RANZOPIO, *Vicario Regis*
Danie S. D.

LITTERAS tuas accepi, & mœstus legi, ob optimum filiū video, in magnâ indole virtutum, & spe honorum: & in hac senili ætate tuâ, sentio quām sit hoc grande vulnus. Reuerā tecum doleo, & quod à me petis faciā, vt monumentū aliquod extet celebrandæ eius memoriæ, & leniendo dolori tuo. Profectò optima illa pietas siue gratitudo in defunctos, laudare & meminisse. Cœpi iam aliquid pangere, sed totus in curādâ valetudine sum per fontes istos Spadanos, quibus dies, imò septimanias aliquot iam vtòr. Vbi illa paullò firmior (Deus, vt spero, dabit) hoc

I. LIPSI Operum Tom. II.

quoque, quod cœpi, dabò perfectum. Te int̄tereà oro atque hōrtor, ne luētu te abſicias, & me inineris loci atq; ordinis quem tenes; & quām nihil à te geri dīcīve potest, quod nō in voceſ atque oculos incurrat aliorum. Præsta te dignum famâ illâ, quæ de prudentiâ tuâ & eruditione iamdiu sparsa. Præi exemplo patribus, quomodo orbitates & hæc vulnera ferenda sint, quæ infliguntur à diuinâ manu. Solari te nolui, & tamen solor. Quid enim queri aut dolere possumus, si hæc à Deo? Atqui esse ab illo, Christiani nos non scimus solūm, sed cotidie profitemur. Imò rogamus eum *ut fiat voluntas eius*: facta est, feramus. Sed hæc in scriptū ipsum differamus. De me scito, non reuersurum in Batauiam, & iam petiisse missionem. Caussa est valetudo; tum etiam adiunctæ aliae, quas pro prudentiâ tuâ facile diuinabis. Nobis displicet, in bello aut partibus vltrâ esse. Itaque sumus nunc in agro Leodicensi, atque in cā liberâ ditione diutiū subsistere meditabamur. Quid deinceps consilij capiam (probi semper apud probos:) ego te non celabo, quem verè amicum sensi, atque vt deinceps esse pergas, te, Vir illustris, ex animo rogo. Aquis Spadani. xviii. Kal. Iul. &c. I. xci.

EPISTOLA III. *Hamburgum.*

IANO WOWERENO S. D.

Mi lane, ego ad vos non reuertor. Doles & vultum contrahis? noti, valtudo sic postulat, quam decretum mihi firmare (nisi Deus abnuit) aquis istis Spadani. Ex in Leodicensi tractu sunt, famâ inclytæ, & salutares iam multis. Tibi & tuis studijs ex animo faueo, adiutum etiam volo: & faciam, vbiubi occasio se dabit. Nunc ἀληθίαν, vt cum Homero hoc dicam, nec corpusculum hoc nisi animo sustento. Ideò nec scriptioni longæ sum, nec monitioni: hoc instillo tantum, antiqua & antiquos amar: imitare etiam, sed cum modo, & citra affectionem; quæ sœpè huic

Ec 2 tiro-

tirocinio se iungit. Voices illæ rariores & priscæ, mihi crede, eloquentiam non faciunt: & quamquam lectionis aut doctrinæ aliquod specimen præferunt, tamen iure hanc **xançnian* damnat & appellat Augustus. Me qui in eâ classe censem video. Vide de nostra: aspergi tale aliquid, sed ut salem videbis; non superfluere aut abundare. Plura aliâs. nunc parentem vtrumque à me saluta, & dic affectus & comitatis memorem esse, quam in domo exhibuerunt, & pietatem fore. Tu mei, mi lane. Aquas, xviii. Kal. Iul. & I. xci.

E P I S T O L A IV.

MARQVARDO FREHERO I^{mo} S. D.

Si quisquam in eo tractu, ad quem ex animo & libens scribo, fateor te eum esse. Ita me cepissi; cùm humanitate & benevolentiâ, quam coram ostendisti, tum promptitudine & fide promissi beneficij (de Ammiano loci me scis) ut Lipsium plane & verè censere dehinc possis inter tuos. Regione disiungitur, magis quam censeturam. nam tunc statueram circa Moguntiacum aut Confluentiam hærere? sed quid ad rem, si animis cohæremus, quos nulla intercedo sciungit? Scribamus inter nos, & quod caputes, amemus inter nos: fruerint etiam absentes verè amicitiae gaudio & fructu. De me, Romanâ fide tibi promitto. Sum Leodici in studijs, & hoc tátum. Nam otij & quietis, atque etiam solitudinis cupido, ad hæc loca me perduxit. Valetudinem fontibus refocillo & curo, quantum datur: **pluvialis* sed anni tempus & constitutio hæc **terwðm* impediuit, tum etiam Aula quæ ex transuerso venit ad nostras Aquas. Ita me fugavit, sed breui, nisi fallor, reuersurum. Plura non habeo, quam hoc iterum inculcandum, me ex animo esse & fore tui amantem. Leodici, postrid. Nonas Sept. & I. xci.

E P I S T O L A V.

SERENISS. PRINCIPIBVS,

PHILIPPO Episcopo Ratisbonensi, & FERDINANDO, vtriusque Bauariae Principibus.

SER^{MI} ET REV^{MI} PRINCIPES,

AFFECTVS qui mihi & bonis omnibus est erga inclytam familiam vestram, fulcrum hodie & columnam pietatis, me impulit ad scriendum: tum etiam vestra

L I P S I

propriæ humanitas, cuius gustum cepi in colonia Treuirorum iam nuper, et si transiens & per viam. Gatus in animo sum aspectu veltri, fateor, & magis, recordatione studiorum & vitæ, quam elegistis. Illa, ad bonum publicund & prudentiam directa, hanc ad pietatem & salutem; ad quam hinc pessimum, male & infelicer decurrimus hoc quidquid est vitæ. Ut athletæ in stadio oculos ad metam & beatitudinem intendunt: sic nostra mens debet ad cælum, & æternam illam palinam. Cetera caduca, omittunt & abeunt nobiscum; nec Lipsi, aut genus, aut opes sunt, quæ extingue nos aut nostra à mortalitatibz hæc legi. Fama tantum longa bonis studijs artibusque parari potest, ac vita æterna bonâ hinc vitâ. Neque ego hæc inone dico, sâ dico Ser^{MI} Iuuenes (domi habetis qui inoneant, & ætas iam vestra, quæ a se intellegit, & sapit) sed excitandi magis, & in optimâ via quam iniustis confirmatidi. Germaniam vestram intuemini, apertis aut occultis dissidijs laborat: Europam reliquam, ardet ciuibz ferè externisque bellis. A vobis talibus (juxta Deum) spes & medicina his malis: crescite, & venite ad tutelam reip. & clauum, & eripite eam pro virili è fluctibus, quibus iactatur. Deus vobis, SER^{MI} PRINCIPES, hanc mentem det, & una robur. Valete. Leodici, xvi. Kal. Octob. & I. xci.

E P I S T O L A VI. *Dantifcum.*

IANO GRVTERO S. D.

Ego verò diligentia in scribendo herbam porrigo, diligentia, sed non amori. Sæpè me compellasti, fateor, atque ego filii: quid mirum in hac peregrinatione &, Scythæ in morem, instabili circumactione? Vis breuite nosse in eum iter? E Batavis Hamburgum, hinc Francofurtum, hinc Colonia: atque illinc, cùm in metâ me esse censebam, iterum retrouersum Confluentes & Treiros, & per magnas denique ambages, Spadanos fontes. Quis locus ibi aut opportunitas scribendi fuit? imò ægrè corpusculum hoc sustentauit, imbecillum ut scis, & vix tot molestijs ferendis. Tamen viuo, & mediocriter valeo. Caussæ discessus quæ mihi fuerint, nec tu inquiris, nec ego nunc expromo: hoc tantum, deliberatum mihi, quod nunc peregi, ante annos quinq; & memoriâ tenes me

me aliquando Bremam vsque. Caussæ et si occultæ, tamen iustæ, & quæ à nullo temporum lapsu dependent. At tu etiā de mutando? ego te illīc stabilem censem, & quasi tabernaculum collocasse tuæ vitæ. Sed video caussam aliquam arcanâ esse, & quæ Gruterum ipsum tangit: quam non eleuo aut refello, suadeo tamen ut omnia modestè. Æuum mi Grutere semel noueris, & vbiique multa ferenda. *Suspicionum* tuarum librōs vidimus, nec pauca in ijs peracuta. Calcar testimonij & iudicij mei hoc habe, perge: sed hīc quoque modestè. Quid opus in *Liberum* illum tam liberè? ego pro amico suadeo, desiste. At enim meretur. Deus bone, quis finis scriptionum, si in eos omnes incurrimus, qui castigari merentur? Quin meum exemplum vide, nec in eos quidem qui incurruunt. Ita N. nuper neglexi, & nunc Domanum: & quod in Diodorum, nescio an velim infectum. et si res illa grauior, & digna tractatione. Ob hæc quidem leuia, & verba & litteras, quid alteri alteros flagellamus? Melioris sententiæ testis & arbitra semper erit hæc aut alia ætas. Vale. Leodici. III. Non. Oct. ∞. I. xci.

EPIST. VII. *Augustam.*

MARCO VEL SERO S. D.

MENTEM ad te sæpè mi Velsere, litteras raro mitto. Ignoscè. naturâ atque animo alacer sum, sed languidam manum & corpus reddit hic languor. Quem sublatum aut leuatum iri sperabamus his Fontibus: nondum factum, & ferimus, quo animo oportet decreta illa omnia diuina. Hoc solatur saltem, quòd animo interiori quies parta per hanc peregrinationem, imò vt rem dicam, migrationem. Nam certò emanemus è Batauis, & credo ab alijs te iam audisse. In hac vrbe nunc sumus, non vt domo tamen, sed hospitio: & nisi fallor, hoc Vere migrabo. Quòd nondum constitui, & patriam vellem, sed ea sic turbat, vt vix prudenter de eâ cogitemus. Vocamur tamen ad veterem sedem nostram & Musarum, Louanium: etiam in Italiam, à magno Etruriæ Dynastâ. Neque nolle, vel Medicææ stirpis caussâ, fataliter pænè dixerim natæ ad hæc studia instauranda vel fouenda: quod Cosmus, Laurentius, Leo dicent: sed imbecillitas me tenet, neque per eam decido. Pseudo-Velleiana illa vidi. & an ego à te dissentiam? primo oculi iactu.

LLIPSI Operum Tom. II.

agnoui & deprehendi falsum illud metallum: quod miramur (imò non miramur, vt homo fuit) *Lazium* venditasse pro auro. Sed tu ad Lydium lapidem affricuisti (sine blanditiâ dicâ) accuratè & doctè. Nos multa in hoc otio colligebamus, disponebamus, summa in manum vix imponebamus, quia Typographus non hīc ad manum. Etiam hoc addo. ambitiunculam illam scribendi aut edendi, abire paulatim à nobis, qui scimus supremo illi iudici non scripta nostra approbanda, sed facta. Vale mi Velsere. Leodici. Idib. Nouemb. ∞. I. xci.

EPIST. VIII. *Vratislaviam.*III^{mo} & Reu^{mo} Domino.ANDREAE, EPISCOPO VRATISLAVIENSIS,
vtriusque Silesie Praefecto.

EPISTOLAE tuæ partem vidi, quæ de me erat: ô Deus, calidè & cum affectu scriptam. Vnde autem mihi à talibus hæc benignitas? quibus ne nomine quidem (euinem Deum testor) notum me censem. Sed nimis ut portus in mari ille idem statuit, iactatis refugium: sic vos magnos patronos, quibus in turbidâ fortunâ recurremur. Voces amicas & laudes offers: eas tantum auxilia & opes, & denique domum ac contubernium tuum, quid vel felici magis optandum? Sed candidè agam, appetere hæc me fateor, non tamē accipere. primū, quia valetudo ab omni longiore viâ arcet & auocat; tum etiam quia familia & vxor, nullâ Suadâ in longinqua ea loca perducenda. Duo hæc nisi sint, imò alterū istud nisi sit, utrū hac invitatione, & veniam ad condicium: saltem vt viderem, fruerer, gratias ore agerem, pro beneficiâ hac rarâ, nec nostri æui. At tu, Germaniæ tuæ decus, nihilominus me tuū cense, si non vñi, tamen mancipio: sicut & fundum aliquem in peregrino solo possis, numquam à te visum. Sed an non videndum? ambigo: & motus aut inclinatio aliqua rerum (quæ apud nos in præcipiti) facilè non mittant me ad vos, sed pellant. Ill^{me} & Reu^{me} Domine longum vale publico, cui natus es, bono. Leodici, Kal. Mart. ∞. I. xcii.

EPIST. IX. *Coloniam.*SIMONI TOELMANNO Ist S. D.

SVAVES mihi amicorum litteræ, sed eorum maximè (non nego) qui sunt è disciplinâ & velut sinu nostro. Natura hoc dedit,

Ec 3 vt

ut beneficia nostra amemus: tum vtiq; magis, si grati sunt, in quos collata. Eum te esse scio & video, mi Toelmann: ita amanter, vel ardenter potius, scribis. Querela tamen interponis, sed eam quoq; ab affectu, quod Coloniam transiui, nec te vidi. Ita est, sed verbo tuo ipso me excusas: quia verè trāsiui, subsistendi nec copia nec causa fuit. Quod si aliās (& quis scit? nondum enim sedem fixi) si, inquam, aliās illac iter; ego te videbo, adsidebo, nec sermonibus solum vestris, sed conuiuijs dabo. En, nōnne satisfeci? vtinam in aliā parte epistolæ tuæ possim, quæ est de *Suetonio* publicando, & meis ad eum scriptorem Notis. Plures vellent, & egerunt mecum, fateor: quid si ego ipse velim ante omnes? Diu eum triuimus, docuimus, vt scis, in publico: nec mirum, si dixerim esse, quæ scribere aut cōmentari vtiliter possim. Nec tamen faciam nunc quidem, mi Toelmann, nec debedo: quid ita? quia Læuinum Torrentium scire debes, amicum nostrum, iterū parare Commentarios suos, & correctius & vberius scriptos. Imò iamnunc credo excudi. Quid ergo? vis, cōcurrere me in eodem opere, & eodem tempore? Æmulationem ea res habeat, & quantumuis amici simus, occultam offensiunculam aut morsum. Non ego fecero. & alia spatia in hoc vasto campo, per quæ industria nostra decurrat: si tamen valetudo, & hæ turbæ publicæ permittent. Illa anceps, fragilis; hæ magnæ, assiduæ, & quæ parum promittunt laxamenti. Si tamen non cessabo, & alijs etiam me natum cogitabo. Vale. Leodici, postrid. Kal. Mart. &c. I. xcii.

Hartgerum dimisi cum eiusdem pænè argumenti litteris, sed & has submis, si ille fortè tardius (nam circumagit) ad vos veniret. Ipsum *Hartgerum* amo, iuuenem honestum, & talium amantem.

E P I S T . X. *Coloniam.*

LIVINO DE SVCCA S. D.

Quod bis in viam & discrimen te dede-
ris, videndi mei causâ, atque id fru-
strâ; doleo tecum, mi optime Succa. Vides
Deū nolle, & amorem affectumque tuum
prorsus deputare velle, & ab omni externo
aspectu aut specie, reuocare ad interna.
Quid est, quod tu aut boni ametis in Li-
pilio? ea quæ videtis, etiam cùm illum non
videtis. Corpusculum hoc vile, fragile: in
animo aliquid fortasse est, quod altum sit,

sed ab alto. Amplius addo, si me videas, me & famam meam quæras. Nihil in nobis splendidum, nec in habitu, gestu, aut verbis, ad ambitionem huius æui. Quidquid sumus, introsum sumus: excipio cùm cathedram aut suggestū conscendi, illīc quoque externa aliqua Venus fortasse circumfunditur, & nobis adest. En, quām simpliciter me tibi aperiam, & (quod solari te possit) etiam absenti ostendam. Eādem simplicitate accipe de scripto, quod editum in nos fremis & indignaris. At non ego. Quid mirer & indigner in re, quę ab aliquot iam annis assidua, cùm nihil magis crebrum inter litteratos, quām digladiari & conuictari? Quod malo more fit (fateor) & pessimo etiam publico litterarum. Quis eas amet, aut æstimet, quæ tales efficiunt sui cultores? Quamquam iniusta hæc culpatio sic, & prauī isti animi adferunt vitium, non abijs trahunt. Atqui ego etiam in virtute, & in seculi mei culpâ, si respondeam, & lacescenti opponam arma. Modestè, inquies. Hoc ipsum pugnare erit, etiam si modestè: & nescio tamen an vlla res minus admittat modum. Facilius compesco animum à pugnâ, quām in pugnâ. Ergo ingenia ista liberè sic lasciuant? Quidnī? donec ætas aut melior ratiō ea domet. Scilicet ego frenum dabo aut sītam, si rescripsero: quin magis excitabo, & efficiam vt, velut missâ mappâ, in me currant. Non superbè, sed liberè dicam. caussa aliqua scribendi ijs est, me rescribere, & in famam venire per nostram famam. Tamen purgare te, inquis, obiectorum criminum debeas. Feci in quibusdam, apud quosdam: sed per epistolās, & priuatim. E quibus tamen vna ad *Monauum* edita etiam est, vt audio: nec probo, aut lætor. Et quæ autem ista crima sunt? *Vitulus* dico aut *Sesquiasinus*. Deus bone adiuua! periculum est ne subito, & quasi Circæa virgâ, in illa muter. non ea vis verbis nostri Westphali, & quamquam in barbaris, non agnosco magicum murmur. Quid amplius? *Oldenburgum, nidulum* dixi. Quod mare me purget? Atqui ita olim patriam Vlyssis Cicero: nec opidulum, sed insula ea fuit. *Summatibus etiam duobus viris* me pretuli. Egone? Non, inquit, sed alias quispiam, qui in carmine ita de te scripsit. Ergo etiam alienorum verborū sententia, aut veritas, præstanta mihi est? Scilicet nesciuimus, & insolens est, præsertim in Germaniâ, immodicas illas laudatiunculas libris præfigi;

qui-

quibus quām delecter, ego & amiciscimus; nec vīquam tale aliquid in nostris, nisi verecundiā recusandi. Et quod tamen superbū illud dictum? *Me astrum esse, illos stellas.* Est sāne Gygaenæ vox, & petit cælum? Sed ipse atque alij audiant, non ego astrūm sum, nec quidem inter stellas: terrā mē esse scio, & siquid cælitūs infusum nobis, minus opinione vestrā est, qui fauetis. Sed talia sunt reliqua illīc crimina: nisi quōd vnum non excuso, dictum alibi lasciuus aliquid, aut liberius, in eius gentem. Vtinam reuocare fas sit, atque etiam delere! Faciam, si viuo. Habes, mihi Succa, longā, & pro animo tuo, epistolam, nō meo sāne, qui vt in vitā parimoniam, sic in verbis amo. Vale. Louanij, v. Kal. Sept. &c. I. xcii.

EPIST. XI. Viennam.

RICHARDO Baroni STARNBERGIO S.D.

VIENNAM has ad te misi, et si incertus an ea te haberet. Sed vel in casum dare litteras malui, quām me in silentij culpam: & addo ingratitudinis, quia cultum & officia eximiæ tuæ in me benignitati fateor debere. Obliuiscar quis in me absens, & corām nuper Francofurti fueris? mei citiūs, & illius ingenij, quod ad humanitatem & gratitudinem Natura voluit propendere. Sum et iamnuīc Leodici: & quō eam? Patria turbare pergit: nec ego quidem modum, imò vix spem video componendi. Bellum à nobis & in nostro solo geritur: sed consilijs & auxilijs qui immixti sint, puto nec te ignorare. Omnes magnam rem, nec falsò, Belgiam putant. & vt Isthmus ille inter Ægæum & Ioniū mare, et si breuis, vetat vandas concurrere & misceri: sic mihi ista videtur, et si haud maxima prouincia, magna imperia retinere & sistere, ne omnia peruant & inundent. Tu me intelligis: & velim etiam in tuā re audiendum. Sermone & scripto consulisti, de militiā tuā Gallicanā: abnui, nec muto. Quid illinc petas? mercedulam? te indignū est, non eges. Honorem? vereor vt, qui eunt, huic litet. E peregrinatione fructum? vix ceperis hoc tempore, & tali vinculo, quod liberè te vagari non sinet. Alias Galliam videto, sed pacatam: hanc sic turbidam & calentem illi,

Quos calidus sanguis, vel rerū inscitia vexat. Ecce meam mentem, nec quibus ea tutam est, damnent. Apud vos etiam bella surge-re audio, à potente illo hoste: ad quæ (si

pugnare omnino sedet) honestius sanè cas, & pro patriā ac pietate palam te impendas. Nec si quac tui velint, valde equideū retentem. Sed tamen ætas tua, & nondum dominus stabilis, magis in pacato manere suadeant, & artes illas colere, quæ in togā & militiā sint salutares. Fac, fac vt cœplisti, & ijs imbutus patriam tuam & Cæsarem hon manu tahtum, sed mente & consilijs iuuia. Voueo, & me tibi deuoueo, Illustris Domine, clientem. Leodici, iii. Kal. Octob. &c. I. xcii.

EPIST. XII. Augustam.

MARCO VELSERO S. D.

VENISSE me Louanium, et si ex famâ scire te arbitror, debes tamen à me quoque, nisi parum diligens sim amicitiae institutæ cultor. Ea sedes mē habet, intet medios bonos, palam sensu bonum, vti-nam & vitā! Non sunt tranquillæ res, fateor, ne securæ quidem: tamen in Deo fidentem quid turbet aut terreat? Scripsimus DE CRVCE libellos tres, id est, de supplicio ipso Crucis, ad lucem historiæ sacræ & profanæ. Videbis, simul prodierint nam in eo sumus, vt emittamus. Vtinam tui aliquis similis vel hīc vel in viciniā, cuius iudicio interdum vtamur! sed soli sumus, & excitare tamen conabimur optimas artes, per pessima hæc bella afflietas. Tu si quid agis, imò quia agis, fac sciam. Epistola imposita ad eum it quem vides, ignotum mihi, atque ego illi fortasse: sed causa pia est, quæ ad scribendum impulit, & ingenitum mihi pudorem detrahit. Feci rogatus, hoc excusat. Tu vale, & tui amantem ama. Louanij, iv. Idus Nouemb. &c. I. xcii.

EPISTOLA XIII.

ANDREAE EPISCOPO VRATISLA-VIENSI, Praefecto vtriusque Silesiae.

AFFECTVM tuum in me, non verbis solū promis, sed rebus palam probas. Illa honestissima scribis; has vltro offers, & muneribus me affici non ex merito, atque adeò inexspectatò. Nuper quid detuleris, memini: vix gratias egi; ecce donum, & quidem carū, quia in eo tuus vultus. Quod hoc certamen est? Citiūs defatigabor gratias agendo, quām tu promerendo. Extra blanditias, maius aliquid mittere potuisti, vix gratius: quia quem absentem colo,

cœpi habere præsentem. In metallo effigies tua est, sed muta; & corporis: in epistolis imago animi, atque ea spirans. Ergo totum te possideo, sed animo. Nam ab oculis ad istum redeo; & in eo te recondo. Ille ipse quis in te sit, vult magis ostendere, quam potest. ut in angusto canali aut tubo, ubi aqua aquam trudit, sistitur, nec inuenit egressum: ita hoc ipso, quod multa simul dicere volo & debeo, dico pauca. pauca, sed sincera. Amo virtutes tuas, non fortunam; te, non externa in te colo, & colam, quamdiu orbem hunc colam. Louanij, prid. Kal. Ian. &c. I. C. XCIII.

E P I S T . X I V . Augstam.

M A R C O V E L S E R O S. D.

O R T E L I U S ad me misit ea, quæ tu ad ipsum; id est, & litteras, & exemplar pauimenti, atque in eo imaginum, apud vos reperti. Libens illas legi, & hæc vidi. Illas, quia mei amica mentio, atque etiam conspectus desiderium, quod vereor ut te fallat. Qui Venetias me iturum dixerunt, pro aliorum magis mente locuti, quam pro mea. Vocarunt sanè Veneti, & honestissimè vocarunt: sed ego refragor adhuc & tardo, valetudinis maximè causâ. Quid enim ad eos adferam?

— Dignitatem corporis?

Animi virtutem? an vocis iucundæ sonum? Inò nihil nunc horum, & pænè cum eodem poëtâ dicam,

Sepulchris similis, nil nisi nomen retineo.

Nec enim deserit, mi Marce, vetus ille internusq; languor, aliàs auctior, aliàs remissior, languor tamen, & velù aut impedimentum nostrè mentis. Quid querar? quid natus sum scio: imbecillum corpus, fragile, ad omne in contumeliam proiectū, morbi pabulum, mortis victima. En, sume spes & animos cras nō future, aut alibi future. Sed quid philosophor? Hæc talia cottidie mecum, & studia etiā non deserо, in publicis priuatisque malis leuamentum. Tu quoque in ijs quæ cœpisti perge, ô patriæ tuæ verum lumen. Louanij, x. Kal. Nouemb. &c. I. C. XCIII.

E P I S T . X V . Uratissauiam.

I A C O B O M O N A V I O S. D.

M IHI verò graue numquam à Monavio appellari. Illóne, qui me sic calidè, & quidquid honesti est, amat? O

me inscitum, si faciam, inò insanum pænè dicam, & quem aliquis iure ponat
— *secundâ in gente MenenI.*

Mihi honor, mihi beneficium est, à vobis talibus, & amati, & appellari: facire, apud volentes semper, etiam si aliquando silentem. Quid mirum est? nimis variè distracti inur, nec quod volumus licet, inter occupatiunculas, quæ velut lectores circumfistunt & abducunt. Rhodomanus tamen nunc respondi, viro insigniter eruditio, & poëtæ vel ad veterem Græciam eleganti. De scripto, quod à Gallo satum Germania yestra edidit: scio, scio, & vidi pridem. Quid ultra? nihil. nec opus est, me quidem judice, in hunc athletam progredi ad scaenam. Stilum meum carpit, sed quis? qui bonâ fide, cuius coloris prisca & germana Latinitas sit, nec in somnio vidit. Etsi cùm legi, non tam me, quam qui me imitantur, tangit. Quæ autem hīc mea culpa est? non magis quam Sallustij, si quis Arruntius varo pede eum est secutus. Sua cuique laus aut culpa à se esto, alienâ nemo surgat aut cedat. O sæculum, in quo iacentia & languida quædā probantur, & hoc vocant Tullianos esse! Mea verò dictio aliquid & eruditum, & acre, & non calcatum habeat: sensus præferat, & ingenij non lumen solùm, sed calorem. Sed omitto. quid autem ais de nouo Westphalo? Arietet pro suo nomine: rupem me habet. Abite caniculæ. ego ad vestros latratus exciter aut mouear? siam ipse non aries, sed veruex. At tu vale mi Monavi, & carum mihi nomen Redigerum saluta. Louanij, postrid. Idus Decembr. &c. I. C. XCIII.

E P I S T . X VI . Leidam.

I O S E P H O S C A L I G E R O I V L I I F I L I O S.
optat.

M ENVS libri tui, mi Scaliger, accepi, ex quo memoriam mei vigere apud te & video, & lætor. Nam de me quid dicam? ita maneant, aut fiant mihi, quæ optem, ut tu & tua mihi semper magna, nec affectum aut iudicium illud muto. Nos quoque sulcos ducimus, sed in puluere minùs eruditio. Scripsimus AD POLYBIVM DE MILITIA, addimus POLIORCETICA eidem rei. Minùs valere te intellexi, & doleo: mihi idem est, sed iam vetus. In tam diutino languore viuere & spirare me, si non alij, ego miror. Fuit apud me Gurses vester, adolescens nobilis, contubernio tuo dignus; & ideo sic mihi

mihi gratus, ut ipse dicet aut scriber. Si
quis talis, mitte etiam. O si ego te, tu me
spem non pono. Nunc animo video, &
amplector salue. Louanij, xii. Kal. Sext.
oo. I. xciv.

EPIST. XVII. Augussum.

MARCO VELSERO S.D.

PERICLITARI apud te de constantia
amoris possem, aut certe fide officij, in
longo isto silentio, si mea hæc culpa. Cuius
igitur nullius. Quem enim accusem, nisi
cum Homericu illo Polyphemo *Vin?* Ne
ænigmata diutiùs loquat, scripsi ad te mihi
Velsere, dinas misi, & neutras video acce-
pisse. Quo modo igitur perierunt iuxta te-
cum scio, & ideo *Nemizem* accuso. De vni-
tamen, prope modū scio: sed quid ad rem,
aut quid caussam meā iuuet? Hoc maxime,
quod bonā fide me culpæ & silentiū purgo,
& nunc ecce Ortelio submoneat, iterum
scribo. Quid autē quod prius, accepisse me
tua de *Augustanis rebus*, profectò mihi augu-
sta. Seriò hoc audi. si populare argumētum
sit, per ora populi votes: nunc pietas te in ar-
ctiorem gyrum & famam compegit, sed vel
sic apud bonos doctosque bonā, Stoicorum
nostrorum scitum est, *Gloriā multorum indi-
cij constare, Claritatē paucorum: tibi & mihi*
ista sit, & malimus apud paucos boni ma-
gniq; esse, quam apud plures. *οι μείσοι ρενοί,
aiebat olim sapiens, & nimis cottidie vide-
mus. Credo idein mihi eueniet in **POLY-**
BIANA MILITIA, quam Commentatio
illustro. Res minimè pro hodiernis mori-
bus, & multa subtiliūs edifferenda, aut lon-
giūs arcessenda. Labor in tenui, sed non te-
nus. **FAX** nostra mox sequetur, sed per par-
tes. Imbecillior valetudo non vult quæ vo-
lumus, & currentes sistit. Vale mihi Velsere.
Louanij, iii. Idus Oct. oo. I. xciv.

EPIST. XVIII. Lutetiam.

CHRISTOPHORO HARLAEO S.D.

Vt Harlæi nomen in epistolâ vidi, fa-
teor me excitatum. Tûne viri illius in
Gallij, immo in Europâ clarissimi, filius es?
tu ad amicitiam meam sic audie & vltro
venis? Evidem accipio, & admitto te, toto
animi mei, ut sic dicam, sinu: non solùm
quia amor sic meretur, quem in me pro-
mis, sed quia morum & ingenij elegantia,
quam epistola tua ostendit. Age vero mi-

Harlæi, veraque illa cole, mores dico & in-
genium: sed omnia ad priscum ritum: nec
pietatem aut doctrinam aliam astima,
quam quæ sic antiqua. Galliaq; vestram,
quæ lumina sapientiæ habuerit, video & exstudi-
cta. pleraque sunt per hoc bellum, & noua
aceendenda, quæ in orbe nostro, ut soleat,
lucent: horrort & opto, te inter ea esse. Nam
quid deest? interna & externa orationia ad
hanc spem adfunt, & manu te erigit, & at-
tollit ad hanc gloriam ipse pater, iam in
summo. Utinam hæ publica calamitas inde
dō oblit, quæ vestram & nostram Galliam
attefit, sine modo, siue fine! Quid se hinc ex-
ies? Thebanum aliquod patet, & commone-
rientium pugnam video: nisi subita aliqua
pax partes animosque iungat. Quod equi-
dem hinc humane fieri vix posse puto: ita
odia factioq; sunt, & obstinati mul-
ti, perdere aut perire. Quorsum ista? læta:
aliqua maluisse, in hoc auspicio & con-
tesseratione amicitiae: vix potest, cum Gal-
liani cogito, amittam mihi semper, &
amandalim. Amici mihi in eâ gente, scio: &
tu deinceps inter eos esto, mihi Harlæi, quem
pro mea parte eidem amo. Louanij,
iii. Idus Sept. oo. I. xciv.

EPIST. XIX. Muisipontem.

FRONTONI DUCATEO Presb. Soc. Iesu S.D.

ANNVS se circumegit, cum litteras tuas
accepi, nec tu à me responsum. Ita ne
soleo? si cultor esse officij? non soleo, mihi
Fronto. Sed partim peregrinatiuncula meæ,
partim occupatiuncula, & in primis quod
nein se offerret qui ferret, omissiorem
fecerant: quod ita nunc purgo, ut emen-
dem. Grata mihi tua scriptio: in quâ non
benevolum solùm te præbes, sed benefi-
cium etiam offers. Scribis habere te Chry-
sostomi quædam ad ludos, vel quod magis
puto in ludos Circenses, non edita adhuc,
aut publicè visa, missurum te, si velim. Non
recuso, mihi Fronto: — * οὐ γὰρ αὐλωνοί, nec enim
αὐλῶν εἰσί, quod ait ille. Sed tamen ut munus
spreuisse decorum est.

vtinam Gallia vestra sit, quę olim fuit: sedes pietatis, schola humanitatis, gemma & decus orbis terræ. Mutauit & decidit, & vt iterum mutet, & in gradum se reponat, critne nobis videre? Evidem voleo, & illum, qui omnia potest, precor. Vale mi Fronto. Louanij, Nonis Mart. ∞. I. xciv.

E P I S T . X X . *Lutetiam.*P E T R O P Y T H O E O J^{as} S. D.

Bis ad me scriptum de studio in me tuo, & curā. quid si non scriptum? tamen liqueat mihi mi Pythœe, qui te et si incognitum noui. Te inquam internum, illud quo es, diuinam tuam partem. *Nescio quomodo inter se animorum lumina vident*, ait scriptor quispiam: & ego scio ita esse, & conspirare ac conuenire etiam absentes, quibus cognatio est aliqua cælestis. Certe consentimus in studio ad virtutem, ad scientiam: & iam olim hoc nos iunxit. Velut symystæ quidam sumus, & libamus ad has aras: tu etiam litas. Sed quā de re, tuo nomine & iussu, ad me scriptum, respondi Thuano communis nostro, & apud eum videbis. De sensu meo dubitare non potes, quin vos amet, quin loca illa amet, ô viris magnis olim infessa. Sed res magna est, aduocationem peto, & sinite deliberem. Louanij, postrid. Kalen. Nouemb. ∞. I. xciv.

E P I S T . X X I . *Lutetiam.*

I A C O B O B O N G A R S I O S. D.

Amica, & planètui pectoris, ô Bongarsi, epistola ad me venit. Inuitas, quō nec inuitandus sim, si tempora, & non dicam pax, sed modica tranquillitas permittat. Qua indiu, & quoties, solem illum Europæ, regnum regnum, animus mihi fuit videre? salutare & amplecti illustria illâc lumina? Hactenus Fortuna mihi inuidit, mea non vestra, vt autumas: & carere hoc fructu, tum voluptate, meus dolor est damnum. Vel nunc facito, inquies, cùm sic vocaris. Subito non potest, multa impediunt, & nos qui vxores & familiam habemus, cùm sedem alibi fiximus, non vt Scythæ moueimus. Priuati aliquot aspectus, an affectus, tenent: tum & publici, quòd apud vos parùm etiam serenauit. Quid si bella & arma, vis me inuolui? quis mei porrò usus erit, nati & facti ad alias artes? Summa est, delibero: nec tu, si iudicium non affectum

solum consulis, improbabis. Pro quo quidem affectu tam puro, tam veteri (scio & semper agnoscam) gratia tibi esto mi Bongarsi, & paria mefacere scito. Louanij, postrid. Idus Nouemb. ∞. I. xciv.

E P I S T . X X I I . *Burdigalam.*F L O R I M V N D O R A E M V N D O,
S e n a t o r i R e g i o.

HESTERNA vesperâ libri tui munus accepi, & legi statim, quod in eius fronte tuâ manu ad me præscripsisti. Agnosco affectum, video de me iudicium: illum amplector & repono; hoc verecundè amolior, & velim esse quem tu me facis. At ipsum etiam librum inspexi, & Capita aliquot libauit; quæ placere debent pijs, & addo etiam eruditis viris, proposito, tractatione, & stilo. Propositum utile, tollere & expungere errores, qui in Religionis ignominiam irrepserunt; tractatio, dispositione & ordine commoda, stilos, contra popularem errorrem, populi, benè & iudicio à te electus. Nec nos refugimus talia vestra iam olim legere, satis gnari, bonam mentem in omni lingua promere se & reuelare. Age mi Ræmunde, perge his atque alijs assertum ire piam & priscam veritatem; perge ipsum imperatorem militiæ nostræ, id est summum Pontificem, quem telis imo & machinis variè petunt. Nos sumus in tuis & Ecclesiæ castris, sub CRVCIS illo vexillo, quod descriptum & explicatum nuper à nobis, placuisse significas, & lætor. Quidni, in causâ pietatis? quæ mihi in oculis, fateor, cùm illa scripsi. Vale V. Cl. Louanij, viii. Kal. Sept. ∞. I. xciv. Collegatum, iam olim mihi amicum, Petrum Brachium, velim meis verbis saluere.

E P I S T . X X I I . *Pragam.*I O H . O S L E V I O *de Leuenhaim* S. D.

Quo d coniunctionem meam appetis, mi Osleui, bonitate naturæ tuæ magis fieri existimo, quā merito meo. Quid enim in nobis (ex animo loquor) eximum? Voluntas fortasse aliqua & cupiditas ad scienciam & virtutem: sed quā lento pede orbitam hanc presserim, ipse sentio, & quā parum etiam promouerim in tot annorum conatu & motione. Cùm alijs de cauissimis id fit, tum maximè valetudinis meæ vitio; quæ pondus affigit, & velut pluimbum, alæ

alæ huic honestæ cupidinis , me extollenti. Patiendum est. & hoc saltem litteræ & philosophia me docuerunt , nosse humana , ferre, imò & aspernari. O ludum, ô theatrum, quidquid hoc vivere vocamus! & fatetur tædere me spectaculi, nec inuitum auditurum signum , quo cœtus hic abeat & dissoluatur. Interea tibi, mi Osleui, pro affectu tuo in me gratia esto, sed & pro iudicio, quod honestissimum deme facis. Esse me talen non fateor, velle esse profiteor, & toto animo ac viribus hoc ago. Louanij, postr. Kal. Mart. &c. I. xcvi.

EPISTOLA XXIV.

IOSEPHO SCALIGERO IVLII F. S. D.

MEVM istum videre te(nobis, heu, negatum) sine litteris meis nolui: vt per has interpretes te alloquerer, quoniam ore ad os non licet. An & licebit? turbæ è turbis, catenata bella, ætas & valetudo magis magisque inclinans, spem minuunt aut tollunt. Hæc eadem ardore in studijs, & frigus aut ignavia mentem & stilum habet. **POLIORCETICA** breuî ad te mittam non legenda tantum, sed censenda. Quæso, facito: te iudice placebit pænè ipsum damnari. Casauboni ad Suetonium vidi, eruditum opus. Adolescentem magni ingenij, & si viuit ac temperat, omnibus numeris perfectum. Louanij, xviii. Kal. Jul. &c. I. xcvi.

EPISTOLA XXV.

IOANNI BVCHAERIO , Theologo S. D.

EXHILARATVM me litteris tuis debedo fateri , et si id verbum vix decorè his temporibus usurpem. Tamen & exhilaratum: ita gratus mihi accidit affectus & sensus de me tuus , quem vtrumque in litteris promis. Vtrumque tibi à me redi, quid redi? datum iam olim esse, ex vero addo. Amaui te, vt primùm vidi, & ex sermone, vultu, gestu * ἀφελὲς illud tuum & probum cognoui , & planè pro veteri candore & niue Gallorum. Vbi nouelli isti sunt, morum virtutumque degeneres, * πακαλομόντι, θόλων ἀποι, vt Homerus suum Vlyssem describit: per quos Gallia non labi iam, sed ruere incepit? Sed præiuerat & æstimatio tui, concepta ex scriptis , quæ erudita & per paucorum planè hominum vidi. Itaque, etiam in silentio mutuo, mutuū amasse nos, adfirmare tibi possum: & vt deinceps

faciamus, rogare! Fructum quidem illum præsentia, quem aïs, frui nos vellem: sed quid sperem? tempestas etiam nunc imminet, & in æstatem minatur

* Δεινὴ μυστηρία εὐθεως ἐλέγοντα θεάλλα.

Fœdera & coitiones has vides: quæ turbare tamen possunt, sed non mergere. & spes ea firma mihi manet: et si Deo hæc permitto. Heu, quāta quies, illi sed dare, ab eo pendere, decreta eius sine murmure exequi & subire! Cottidie me sic assuefacio, nec sapientia solùm eò, sed necessitas impellit. Quot tela angoris aut metus excipienda sunt, nisi clypeo hoc munimur? Ecce iamnunc tristia, dum hæc scribo, de copijs nostris, aut copiolis potius, ad Turnhoutum cæsis. Sed leue vulnus est, admonitio tantum, vt cautiùs in posterum agant, nec contemptu hostis peccent. Ego te vir eximie valere opto, & amantem me amare. Louanij, vi. Kal. Febr. &c. I. xcvi.

EPIST. XXVI. Augustam.

MARCO VELSERO S. D.

AMOREM tuum, sed cum querelâ, in epistolâ Ortelij nostri vidi: quoru vtrumque me delectauit. Ille suauiter, hæc cū morfu & punctiunculâ aliquâ cessationis meæ: quam & ego, vt rem tibi dicam, accuso. Sed mi Velsere, quæ debedo & volo, haud vndique possum, in æstate hac & viribus labentibus, in occupatiunculis, quæ (vt ille ait)

— *¶ caput, ¶ circa saliunt latus.*
Adest & publicus quidam mæror siue torpor, in his perpetuis nostris turbis; quibus vt non deiici, magnæ constantia est; ita non affici, vix humanum. At nec publicè cessamus interea, vt vides, & pangimus assidue aliquid, vtinam tam vtiliter quam libenter. Toto animo huc nos damus, & iamnunc in manibus est. **POLITICVM** aliiquid, quod videbis. Nam & istud argumentum iterum tangimus aut diffundimus, vescificantes alienis iudicijs, quibus nec decorè repugnamus. Tum ad **FACEM** meam redeo, quam velim ante funebres meas faces concinnatam & accensam. Inscriptionem à Schotto nostro missam vidi, nec satis liquet cuius cooptationis aut collegij sit: dignioris quidem alicuius, quoniam viri principes etiam inserti. An sacerdotum aut Flaminum Augustalium? in quod primores ciuitatis ambitiosè venisse & adspirasse, non nescis. In decurias tamen distinctos, haud

* *simplic*

* *meno
veris
fraudum
puni*

haud alibi legi, quod iudicium, sed & alio-
rum erat. At ipse Schottus noster de his a-
lijsque coram fortasse aliquando, qui visi-
rus te sperat, ut ipse pridem ad me scripsit:
Vt in am nobis peregrinatio uncule copia! to-
to corpore tibi circumfunderer mihi Velsere,
quod animo nunc facio; & serio ac feme
amantem tui testor. Vale. Louanij, 11. No-
nas Febr. &. Id. XCVII.

E P I S T . X X V I I . Bruxellam.

M A R I A E G O R N A C E N S I S. D.

REDIISSE te Antuerpiâ, & ex animi sen-
tentia rem confecisti, id gaudeo. mea
virgo & soror; non illud, te ad tuos tam citò
redire. Tuos præsertim sic afflitos, & (ve-
reor equidem) affligendos, vt nubes ista bel-
lorum minatur, quæ impendet. Nam de pa-
ce aliquâ, mihi quidem, exigua spes est; &
vestri malo fato non nimis inclinant. Sed
niimirum hæc sunt, quæ robur animi &
Constantia vincit; hæc, in quæ sapientia nos
armat, cuius studium (ò raram tuâ laudem!)
in hoc sexu profiteris. Perge virgo, & viris
præi, & duc ad illum collem.

*Despicere unde queant alios, passimque videre**Errare, atque viam palantes querere veri.*

Habes comites in hac viâ, apud quos diuer-
faris; quos benignos in te esse, ita mihi gra-
tum, vt si in me essent. Salutabis à me vtrum
que, & (quod polliceris) ante discessum et-
iam scribes de tuis oīnibus rebus; imò &
siquid de publicis, miscebis. Vale. Louanij,
111. Non. Maias. &. Id. XCVII.

E P I S T O L A XXVIII.

Ios. SCALIGERO IVLII F. S. D.

ABIT iste ad te, & vult commendari. Ec-
ce breuiter & verè. Amat litteras, vt qui
maxime; amat te, vt in ijs maximum. In-
spice & nosce, redamabis. Louanij. vi. Idus
Sextiles. &. Id. XCVII.

E P I S T . XXIX. Pragam.

I O H A N N I B A R V I T I O , Cæsari à Consiliis
& Secretis, S. D.

VETVS & noua mihi caussa ad te scri-
bendi; illa, à cultu virtutum tuarum;
itemque à beneficio quod à Cæsare, sed non
sine te, accepi: ista, à consilio quod in vitæ
genere iam recenter cepisti. Cogitas enim
matrimonium, aut potius iam cogitaue-

ris, cùm hæc ad te venient: atque eam ob-
rem non potui quin & animo gauderem,
& stilo tibi, cùm voce non datur, gratula-
rer. *Feliciter, ô Baruiti; Feliciter;* & toto pe-
ctore hoc acclamo. Tu quoque electione
tuâ & prouidentiâ fecisti, vt omnes meri-
tò hoc speremus. Vidisti animi tui oculis
nympha in his longinquis locis, sed ele-
ctam formâ, moribus, virtutibus, mihi cre-
de: & vno verbo, coniunctione tuâ dignam.
Scribo fidentius, quia videre & nosse mihi
ipsam datum est: cùm Præsidi Richardo-
to eius auunculo & velut patri, nobis ami-
co & patrono, non semel adesse. Enim
uerò ipsi ubique gratulor: & illud appre-
cor, quod vterque yestrûm tacitè aut pa-
lâm vouet, liberos è tali cōsortio & stirpem.
Sit Baruitius post te & ex te alius, qui pa-
trem puer iuuenisque delebet, aut foueat,
qui vir Cæsarem & Rempublicam consilio
iuuet, aut firmet. Erit, erit spero, & numen
supremum appreco: itemque concors &
alterno amore matrimonium, eximum in-
ter humana bona. Vale Amplissime Do-
mine, & Lipsium scire, & ideo æstimare
virtutes dotesque tuas, scito. Louan. vi. Kal.
Sext. &. Id. XCVII.

E P I S T . XXX. Pragam.

LUDOVICO SWARTZMAIERO,
Cæsari à Consiliis.

EPISTOLAM tuam optimi animi in me
testem accepi, & animo hoc ipso exoscu-
latum esse quidni fatebor? Suaue in dissitis
ijs locis me aut mea nosci: quid probari, &
amari? quid à viris etiam dignitate & pru-
dentiâ primis? Suaue est, iterum dico: & ex-
citat me non in iactantiam aut vanitatem:
(absit) sed in fiduciam & constantiam, atque
vt in ijs perseverem, per quæ probari me il-
lis video, quos proximi à Deo & rerum do-
mini probat. Nam & Wolfgangum Fremo-
nium, illustrem virum, sacerdotum tuum, so-
ciū in hoc affectu vel iudicio asseris: quem
successisse in locum veteris amici mei Iaco-
bi Curtij gaudeo, præsertim cum hoc elogio
virtutum, quas publica fama ei donat. Felix
Germania, felix Cæsar talibus ministris! &
egit profecto in his ciuilibus extensisque
urbis, quibus magnum illud Imperij cor-
pus varie concutitur aut tentatur. Nam &
barbarus ille hostis iterum assultat: non
metuendus, si coniunctio animorum & vi-
rium sit: si etiam nos pacati, qui velut
vene-

venenum hoc dissidiorum spargimus in viciniam nostram. O miseri Belgæ, quot non dicam annis, sed lustris iam, pessimi internisque bellis iactamur! & quorum pessima etiam causa. Sed quid huic? nimis ut quibus parte aliquâ corporis dolet, etiam ignari manum illâc habent: sic nos linguam in afflictione. Quam ad te iterum verto, & gratias pro affectu sic aperto habeo: eumdem repono, & cultu in etiam tibi ac Fremonio adiungo. Louanij, vi. Kal. Sextil. &c. xcvi.

EPIST. XXXI. *Coloniam Traianam.*

STEPHANO PIGHIO S. D.

VIDI, mi Pighi, præloquium tuum in vi. Annalium, & id mei alloquium: in quâ re & facto tuo si gauisus sum, noli querere: ego tibi adfirmo, nihil suauius pænè in hac vitâ accidisse. Quid ita? quiā ne ambo hæc talia? quia *φιλοτιμία cor hoc obſidet? non ita est, fateor: nec communes aut populares laudes, sed nec iudicia, valdè moror; à Pighio tamen aliquo amari, estimari, laudari, id cupio (candidè dicam) estimo, amo. Mihi verò & hoc gratum, à tanto silentio & diſiunctione item diuturnâ, spirare tamen & viuere in te amorem: quem si ego pectore isto umquam exui, tum me vitâ exuat ipse Deus. Itaque nunc quidem grates tibi gratias dico habeoque, pro hoc affectu & iudicio: & de me quid reponam? nisi me & mea tua esse, non isto nouitio & aulæ more, sed prisco illo & Saturnio, cùm diffidium adhuc non erat cordis & linguae. Vulgai nuper MILITARIA & MECHANICA, quæ non vidisse te solū vellem, sed censuisse. Proh Deum immortalem, quâmi mihi & volupe, & fructuosum sit, hoc tempore, Pighio meo posse frui, illum adire in scriptiunculis nostris, & consulere? qui, vt cum Homero dicam, —— Πατέρ' ἵψασεν τὸν πολυδρόπονον. Sed optabile hoc, non sperabile: illud magis & voueri & effici potest, vt saltem videamus inter nos ante fati nigrum diem, & ego senile tuum pectus caputque amplectar, & tu mirere & videoas incipientes item meos canos. Hoc, inquam, non despero: si Deus laxationem aliquam & quietem à bellis miseris Belgis det. quod cum rogo, & te mi Pighi, diu viuere & vigere in hac ætate, quâ robur animi & ingenij cum I.LIPSI Operum Tom. II.

miraculo prodis. Louanij, Nonis Sextilibus, &c. xcvi.

Ista scripseram: Λημναῖον est, quod subiungam. Notabilis res in historiâ, discessus Pompeij ab Vrbe: & qui notarunt, videntur aberrasse. Plutarchus, vbi de Mundensi pugnâ: Τὸν μαχλὸν ἔρινος (Καισαρ) τῇ τῇ Διονυσίῳ ὥρῃ, καθ' ἣν λήψει τῷ Πομπεῖον Μάγον τὴν τὸ πόλεμον ἀξιωθεῖν: Pugnam hanc Cæsar pugnauit & vicit, ipsis Liberalibus, quo item die dicitur Pompeius Magnus ad bellum urbe egressus. Notat tristem, & à fato, concursum, quod eodem die filij victi, quo patet Vrbem, & eum fortuna, reliquit. Orosius consentit: Et quidem eo die bellum hoc actum est, quo Pompeius pater ab Urbe bellum gesturus aufugerat. Quando igitur hæc Liberalia? sic enim rectius ego, quâm interpres qui Διονυσία, Saturnalia vertit. Mecum certè Hirtius, aut quis alius, in hac pugnâ: Ipsis Liberalibus fusi fugatiq[ue] sunt hostes. Sed quando, inquam, Liberalia? in decimum sextum Kal. Aprilis Kalendarium marmoreum vetus confert: & ex eodem Hirtij diario, circa hoc tempus rem gestam liquebit. At si hæc vera, quomodo de Pompeij fugâ verum? quam Cæsar is tota narratio lib. xi. ostendit ab initio anni statim fuisse? Ipsis Kalendis Ianuarij, inquit, captum agi de provincijs: & mox, ante vii. Idus peractum. Ipse deinde sine morâ Ariminum: & Consules ac Pompeius in fugam. Quid Cicero ad Atticum, qui harum rerum velut ephemeridem conscripsit? Vide plusculas eius epistolas lib. vii. omnes euincit hanc fugam valdè maturorem fuisse. Ecce vñâ scribit: Vidi hominem (Pompeium) xiv. Kal. Februarias, plenum formidinis. Et ubi vidisti? in Campaniâ, ubi ipse tunc erat. Aliâ deinde palam & signanter: Pompeium Brundisij concendiſſe naues, & reliquissse Italiam, quarto Kal. Martias. Si tunc Italiam, quanto citius Romam? Neque Ciceroni hæc ignota aut incerta esse potuerunt. De die olim Liberalium ambigere incipiebam, & an non aliter ante digestos Fastos Julianos: sed detraxit hoc pallium ille Hirtius, qui pluribus diebus ante Mundensem pugnam, opidum quoddam à Cæsare captum scribit, undecimo Kal. Martias. Igitur post id tempus Liberalia, de quibus illi sermo. Ego hærebo. iuuas me Pighi? quod *Latinè audis, à me cape.

* Id est
Cormam.

FF

EPI-

EPISTOLA XXXII.

IOSEPHO SCALIGERO IVLII F. S. D.

EN tibi ADMIRANDA nostra, mi Scali-
ger, heu quād diuersum à tuo munus!
Tua verè talia sunt, nostra titulum ha-
bent, quo tamen apud populum fas sit vti.
Populum, inquam, quid enim negem? vo-
bis paucis vix hæc sunt scripta. Si legis, be-
neficium est; si censes, voti summa. Atque
vt censeas, & meā caussā id velis, rogo. O
quād sāpē mihi in mente inuidere istis,
quibus corām consilio, iudicio, doctrinā
tuā fas vti! & in eorum scriptis vestigia no-
tamus maioris cuiusdam pedis. Nobis non
hoc, non proximum datum: * *μοράμπινες*
ωῶλαι sumus, vt ait ille, & soli peragimus
hunc cursum. At tu salue tibi, alijs, atque
etiam nobis. Louanij, vi. Kal. Apriles.
oo. Iō. xcvi.

E P I S T . XXXIII. *Augustam.*

MARCO VEL SERO S. D.

SEMEL excusaui silentium meum mi Vel-
sere, & affectum affirmau, quem scire
debes augere in dies & calere.. Amor tuus
in me hoc facit, quem magis magisque ex-
seris: faciunt & merita tua ac beneficia plu-
ra in rei litterariam & communem. Ad-
do virtutem & probitatem, omnium ore
laudatam. Sed omittamus ista, quæ tamen
à Lipsio, non ab amico dicuntur: vt inam-
tam fideliter tu miratus fueris mea ADMI-
RANDA! Sed Schotti nostri affectus pri-
mū ipsi, deinde tibi imposuit: at mihi cre-
de, haud multa in eo opere vobis doctiori-
bus probanda, præter ordinem aliquem &
argumentum ipsum, cui non humaniori
gratum? Res tibi dicet, me in meis vera di-
cere, & mox videbis. Nam habebis certè
inter primos, tu me serio inter tuos. Louan.
iii. Idus Feb. oo. Iō. xcvi.

E P I S T . XXXIV. *Lutetiam.*

HADR. TURNEBO HADR. F. S. D.

EXCITOR haud inuitus, ad tibi scriben-
dum, ab illo, qui iuuari se commendatione
meā apud te censem. Quid animi tui
in me sit, firmiter nescio: quid mei in te,
scio, optimi, & quam (vt verbo dicam) in
parentem tuum, illud Galliæ decus, habui
semper. Viuit amor in mortuum, & vir-

tutes eius conciliauerant: viuit in te vi-
uu, & amor tuus in epistolâ olim expressus
conciliauerat, vides quād acrem? etiamnūc
calet. Etsi tempora hæc infausta triplici
Galliæ, commercia illa sermonis, sed & ad-
spectus (nam & videre ac videri statueram)
abstulerunt: sed animos diuellere non vis,
non hostilitas potest, fidei illo adamante
colligatos. Hæc duo dicta volui: illum fa-
uore tuo dignum esse, quem ex testimonio
meo nosces; me amore mutuo, quem con-
stanter sic seruo. Louanij, postrid. Kal. Apr.
oo. Iō. xcvi.

E P I S T . XXXV. *Lutetiam.*IACOBO AVG. THVANO, *Præsidii*, S. D.

VIR nobilissime, iamdiu factum, cùn-
ad te nihil dedi: quid caussæ? quam
non dicens dixerim, disiunctio hæc & disili-
dium publicum, per quod priuati nostri
sermones malignitate aliquā interpretan-
tū parūm tuti. At nunc & pacis benignior
spes affulsit, & res (spero & opto) breuiū erit.
enim uero iungi & coire hos reges, ut meum
iudicium est, sit ex regiis, & ipsorum
item, vsu. Sed publica valeant. si tu, gau-
deo; magis, si me amas. Quod si facis,
hunc quoque commendatum tibi censem;
qui auiari apud nos, spero & apud vos, præ-
buīt se dignum. Louanij, postr. Nonas
Aprilis. oo. Iō. xcvi.

E P I S T O L A XXXVI.

BLASIO HVETERO, *Printipp. N.N.**& Secretis.*

EGO verò vt litteras tuas accepi, paraui
me ad parendum. An aliter possem in
voluntate, id est præcepto, Principum?
Itaque inspexi, collegi, descripsi: & hîc ha-
bes. Tabulam aliquam depingi significas,
in quâ *Leopoldus* Dux Austriæ argumen-
tum sit, & insigne eius factum in Ptole-
maïde nobis asserendâ. Vis vt locum, rem,
& quidquid circumstat, aperiam ac stilo
delineem: vt penicillo deinde possit Princi-
palis ille pictor. Vide igitur, lege, explica:
& à te, si quid opus, adde. *Ptolomæus* Syriæ
opidum, olim nobile, eâ eius parte quæ
Phœnix est dicta. Nomen à conditore Pto-
lomæo, Ægypti rege habuit: etsi aliud et-
iam *Aconis*, vel postea *Ace*, item, vt volunt,
à priore conditore. Hodie in ruinis queri-
tur: sed errant qui cum *foppe* confundunt,
inter

inter eos Nicetas Choniates. Mare adiacet in promontorio, quod Occidentem adspicit; à rērga & Oriente est terra Galilæa; ad Austrum: currentem ēbison, & ultra eum montem Carmelum habet, qui distat ferè quatuor leucarum intervallo; à Septentrione, nobilis illa Tyrus adiacet, item ad mare. Opidum olim triangulā ferè formā, cuius dūx partes mari alluerentur, tertia terram tangeret, fertilit̄, felicem, hortis vicinique distinctam. Duas leucas in diametro habuisse, alibi amplius, auctor mihi Bernardus Breidenbachius, qui proauorum æuo lustrauit. En, locū habes: de re & facto, sic fuit. Ea vrb̄s cum reliquā ferè Syriā, Christianis accesserat, felici & æternū gloriosā illā expeditione, cui præfuit Godefridus Bullionæus. Retenta est nonaginta paullò minus annos: cùm dissidio & æmulatione, in se magis nostri, quām in hostem verfi, & hanc & statim ipsa Hierosolyma amiserunt. Is fuit annus ∞. C. LXXXVII. Auctor cladis Saladinus, Sarracenorum Princeps, acer animi & militiæ: & facta sine obnoxio affectu si videas, cum quo quis magnorum Imperatorum comparandus. Sed pulsi igitur nostri vrbe sacrâ, cùmque ijs infelix rex Guido, Tyrum diuerterunt: quæ sola prouinciarum vrbiumque reliqua, & portu ac situ opportuna, spem recuperandi fouebat. Nam Tripolis infido, vt fertur, Dynastā, iamtunc autabat, & ad victores inclinabat. Itaque Tyrum coactæ & collectæ reliquiæ, & crescebat quotidie manus: cùm tristia & inopinata hæcuenta ex Europâ, pietate & indignitate nobiles quoque animos excitarent. Eminuit inter eos Guilielmi regis Siculi opera, qui statim XL. nauis viris, armis, commeatu instructas, ad mare tenendum & Tyrum, misit. Venit cōdem Conradus Marchio Monferraten-sis, propriâ etiam pietate motus, quia pater eius Bonifacius, captus apud hostes tenebatur. Affluxere & alijs è Galliâ, è Belgicâ: atque inter eos Iacobus Aueniensis, Brabantia Ducis Matiscallus, toto hoc bello clarâ operâ & virtute. Sed & Veneti ac Pisani adfuere: iamque visę vires ad inuadendum, & placuit Guidoni regi (is Hierosolyma tenuerat, & nunc titulum) Templarijs, alijsque locorum peritis, Ptolemaida ante omnia eripere hosti. Obsessa igitur est: & Pisani ac Veneti à mari curabant, à terrâ alijs: qui duplii vallo ac fossâ se munierunt, duabus portis relictis ad excurrentū. Hanc

L. Lipsi Operum Tom. II.

curam & cautionem dabat hostis. Saladinus, qui aduenerat, & totam Orientis barbariam in nos trahebat. Castra habebat in vicino monte, & grauitet nostros premebat: quibus omnis commeatuum spes in solo mari erat. Aduenere per hos dies & Teutonici, interque eos Leopoldus Dux Austriae, cum pluribus Episcopis ac nobilibus: inter quos & Lantgrauium (sive aliâ additione) Annales quidam ponunt. Henricus item Comes Campaniæ; & è toto Christiano orbe: adeo vt iam supra centum millia in piorum exercitu essent. Trahebatur tamen obsidio, quia & validum in vrbe præsidium, & priuisi commeatus; & hostis, captato vento, mari inferebat. Nec naues nostræ vetare poterant. Machinæ structæ, & turres erectæ (pro more eius æui) ad inuadendum: sed ignis in eas immissus deleuerat; & hostis Saladinus, quoties nostri inuadere conarentur, signo per fumum à suis dato, aderat, & à tergo vicissim inuadebat. Tracta igitur in biennium obsidio. cùm ecce & duo reges adueniunt, Philippus Gallorum, & Anglorum Richardus. Ille prior circa mensem Iunium: iste in cursu tempestate Cyprum tenuit, & Græcis obiter eripuit. ac cùm Ptolemaida iam veniret, nauim grandem obustam milite & commeatibus, alioque apparatu, quæ ad hostilem vrbem ibat, oppugnauit: & fortiter resistentem, missis occultè vrinatoriis perforauit, & in oculis hostium deprefsit. Mersi in eâ mille trecenti, viuìa nostris seruati ad ducentos. Circa medium Iunij rex ille appulit: quem magnis lētitiae signis, sonitu tympanorum ac tubarum nostri excepérunt, datâ ei firmissimâ castrorum parte, in quâ castellum instar arcis emunitum erat. In tertium annum iam obsidio traxerat: placuit totis viribus aggredi. tormenta machinæque admotæ, & præsertim Petrarie, quæ magnis lapidibus iactis & muros turresque frangerent, & domos supernè diruerent, & nihil vsquam tuti in vrbe patrentur. Fessi malis tandem opidani, aut vi expugnantur (vt quidā tradunt) aut vt plures, vrbem conditionibus dedunt: salutem paci, si quindecim millia captiuorum Saladinus redderet, itemque Salutarem crucem in prælio amissam, & pecuniæ magnam vim. Negant pacta seruata: eoq; Præfidiarios omnes ad duò millia & sexcentos interfecitos. Is finis obsidionis fuit: & recepta vrb̄s quinto Idus Iulij, ∞. C. XC. anno,

Ff 2

post-

postquam à Saladinō capta fuerat, quarto.
Quis ordo in castris, apud *Mattheum Parvum*
 Anglicanū scriptorem distinctè scriptum:
 sed nescio an satis verè, & nominadeprauat
 aut confundit: tu, si videtur, vide. Atque
 hæc ita in obſidione coimmuniter gesta: de
 nostro nunc *Leopoldo*, quid didicerim, ha-
 be. Eximiam aliquam eius operam fuisse,
 auctores mei significant: qui & turrim cum
 Germanis suis cepisse producat, atque illīc
 militaria sua vexilla defixisse. Displicuit
 id ingresso regi Richardo, qui suum vnius
 decus captæ vrbis voluit: ideoque & vexil-
 la ea ignominiosè detrahi iussit, & in ter-
 rain abiecta calcari. Non impunè. cùm
 posteā per Germaniam rediens, in famula-
 ri habitu, agnitus captusque à Leopoldo,
 nec nisi grandi pecuniâ datâ promissaque
 dimissus est. Hæc ita consensu ferè prodi-
 ta. illud singulare est, quod Cuspinianus
 ex Auentiao, & Episcopo aliquo, cuius scri-
 pta nondum vulgata, prodidit: *Leopoldum*
*illum muros Aconis superasse, albo paludamen-
 to induitum. quod totum hostili mox sanguine
 tintum apparuit, eā parte dempta, que bal-
 theo tegebatur.* Inde factum, inquit, ut area
 rubicans, cum fasciā sine segmento albo medium
 dirimente, insigne deinceps *Austrii* esset: idque
 permisso vel induitū *Henrici VI.* tum *Impe-
 ratoris.* Nobile factum, fateor, & fauemus:
 vix Lazius, qui cauſsam insignium aliò ret-
 culit, & ait, *Austrasia, sine Lotharici regni iam
 olim hæc fuisse: quo labente, Austria Duces, qui
 ab ijs orti, retinuisse, sicut & Comites Louaniens-
 ses.* Vera sunt, & Lotharia & Louanium et-
 iam hodie insignia hæc prætendunt. Est &
 tertia sententia, qui fertilem & alibi ruben-
 tem terram Austriam significari ijs volunt,
 eamque Danubio medio albicante sectam.
 In caligine ferè istæ origines. ego non absur-
 dè censeam, auctorem primum, colore eo
 dupli belli & pacis, significatum fuisse,
BELLO ET PACIS se præstare. Vtcūque ista
 se habent, de *Leopoldo* non ambiges quin
 huic bello, & * hoc tempore, interfuerit:
* Id estiam
 anteā anno
 c. lxxx
 ii. v. An-
 nal. Austr.
 traditum, quem alij *Austria*, alij *Orientalem Ducem* ap-
 pellaunt: & malè Guilielmus Neubrigensis,
Humboldum indigetauit. Fuit secundus Au-
 striæ Dux (anteā *Marchiones* erant) nominis
 tamen eius sextus: qui in Genealogicis qui-
 busdam scriptoribus hodie perperā editur
Ludouicus. Obiit lapsu equi, non diu à redi-
 tu, anno c. xciiii. Fuit & alia expeditio
 subid tempus, anno c. xciv. cui cū Ger-
 maniæ proceribus *Fridericus Dux Orienta-*

lis interfuit: filius iam defuncti Leopoldi:
 atq; ipse in bello eo perire, fratre *Leopoldo vir.*
 successore. Quem ipsum tradunt, loca sa-
 cra anno c. xvii. cum *Andrea* rege
Hungariæ iuisse, & in *Damiata* (*Médesium*
 antiquorum putatur) capienda strenuam
 operam nauasse. Hæc addere libuit, confu-
 sionis vitandæ: tum & gloriae *Austriorum*,
 qui sic ordine sese pietati & bello sacro im-
 penderunt. Parui, Vir Nob. & Mag. man-
 dato Principis, pro mea copiâ: patebo sem-
 per, quamdiu vita erit. Louanij, vi. Kal.
 Maijas. c. xcviii.

E P I S T . X X . X V I I . *Vratislauiam.*

IACOBO MONAVIO.

E P I S T O L A tua, quæ tota de Redingero
 erat, effecit ut ipse ad eum scriberem, &
 maximè ob schedulam eius inclusam: quæ
 sanè affectum spirat, & animi quoque egre-
 gium cultum. Amo corde vostales: & vnum
 dolet, non vicinos magis esse. Ortelius no-
 ster (quod haud libens nuncio) lento mor-
 bo distinetur, & vereor ut fatali. Nam me-
 dici aquam intercutem autuunt esse. Me
 quoque valdè abiecit morbus, qui initio
 Aprilis inuasit, & totum mensem habuit:
 neque nunc vires recepi seriò, & nescio quid
 etiā vereor à tabe. vereor? rescribo hoc ver-
 bum, suspicor volui dicere: nec sanè in me-
 tu sum eorum, quæ ex decreto Deus immittit.
 Sequor benignum illum parentem, &
 quidni cùm proprius ad se vocat? Tu vale mi
 Monaui, & plura à firmiore expecta: quod
 idem apud Redingerum excusa. Louanij,
 xv. Kal. Jun. c. xcviii.

E P I S T . X X X V I I I . *Vratislauiam.*

NICOLAO REDINGERO.

D e me scripsisti ad Monauium nostrum,
 ego ad me interpretatus sum, & vides
 me respondere. Quid respondere? amore
 primū tam insignito amori tuo; deinde
 & verbis, quæ internum illum exprimant,
 & in parte tibi fstant. Totum, vix potest.
 Nam duplex mihi in te amor est, alter vetus
 & à fratre tuo, olim meo, Thomā Redin-
 gerō, quasi hereditate in te deriuatus: quem
 cùm & coluerim seriò & amauerim, cer-
 tè etiam te debeo non sanguine solùm, sed
 magnitudine animi & honestissimatum
 rerum artiumque studio, verè & germa-
 nè fratrem. Sed hic nouus, qui ipsum te
 cauſam

causam habet, non ego, præponderat. cùm sciam ea in te esse, quæ bonos omnes elegantesque allicit, detineant, vinciant; & uno verbo, ament te etiam si non amentur. Quid igitur me oportet, quem vltro tu aduocas? verecundè fateor, sed hoc magis attrahis: vt vanos istos amantes

— proditor intimo

Gratus puellæ risus ab angulo.

Extra iocum, & ex ipso pectore, carum mihi est haberi inter tuos caros: atque ego si clausum anteà affectum meum habui, viâ fata, magis nunc aperiam, & vt ignis per obstantia eluctatus, clariore flammâ emicabit. Hec sit prima scriptio, & quasi contesseratio amicitiae: si restipularis & inuicem dextrâ porrigit, commeabunt sæpius litterarum hæc alloquia, & sæpiissimè cogitatio, ac mente, quem in mente habeo, videbo, adfistam, tangam. Vale vir Nob. & Cl. Louanij, xv. Kal. Iun. ∞. I. xcvi.

EPIST. XXXIX. *Augustam.*

MARCO VELSERO S. D.

INVALETUDO me tenet iam deceim die-ruin, & ea grauior, vt vetet scribere aut serium aliud usurpare. Tribus verbis tamen salutandum te censui mi Velsere, hunc librum mittendum, nescio an vltimū meorum operum, nisi Deus alias vires brevī donet. Vale, & ama, & reminiscere. Louanij, Idibus April. ∞. I. xcvi.

EPIST. XL. *Lutetiam.*

PAVLLO MORAEO S. D.

AMICAE & perhonestæ tuæ litteræ, quas tamen à priore illâ parte amplector modò & admitto. De amore inquam, & gratiam habeo, & eundem refero: at de iudicio sic honesto, ignosce, si illi non subsigno. Principes litterarum, quo me titulo is affectum, in Galliâ vestrâ nuper fuerunt: an & nunc non sunt? certè brevī (ita auguror) erunt. Ingenia vestra excitata id suadent, pax ista & tranquillitas consuadet, quâ Dei dono affecti estis, illâ Musarum & meliorum artium altrice, siue matre. Ea nos quoque adspexit, sed in parte, & lumine, vt sic dicam, altero: at altrinsecus Mauors ille manet, & ciuile classicum etiam nunc inflat. Heu mei Belgæ, quâ mala sidera nunc vobis lucent! Sed Deus hæc quæsta componere potest, cùm visum,

I. LIPSI Operum Tom. II.

& vt poëta ait, — *benignâ Reducere in se-
dem vice.* Quod eum animo rogo: te autem mi Moræ etiam stilo, vti me, & meâ causâ Barclayum ames: qui & meret, & merabitur, si ingenium viri noui. Louanij, postrid. Kal. Sextil. ∞. I. xcvi.

EPIST. XLI. *Lutetiam.*

ISAAQO CASAUBONO S. D.

NIMIS mihi grata istæc scriptio tua, sic ex interuallo. Mihi quidem nam quod scripsisse te & dedisse dicis: scito feriò & ἀδελλω, nihil me tuū vidisse à discessu meo ^{sine fratre} è Batauis, id est, ab ipsis octo annis. Atqui publicè tua vidi, & Deum testor, amauit. Quid opus blandiri? vero animi sensu, ^{H. or. γι. Μέσο' εδίθαξε Διδούτας, ή τε γ' Απόλλων.} <sup>Vel se
Musæ Ioniae
proles do-
cuit, vel
Apollo.</sup> Mi Casaubone, perge te & æuum illustrare, & fugitiwas iam pænè è Galliâ Musas (certè per bellum iacentes & timidas) sistere & excitare. An autem non Lutetia te habebit, illud Orbis theatrum? sic vrouebam, & iam sperabam ex tuo illuc aduentu: at tu in fine addis, Volcas tuos Arecomicos iterum abi- re. Scribe, te quæso, quid eius rei sit. et si ego arbitror abisse redditum, & ad res modò tuas componendas De Lectio, iam diu amo illum virum: sed silentiū quid nobis impo- fuerit, non te aut illum fugit. Si scribis, corde à me saluta. Quod autem de testimonio addis, apud magnos illos vitos tibi à me da- to: ita est, & alibi etiam dedi. Quî aliter pos- sem? inimicus mihi esto, facerem. Nam ve- rum amare didici, & tales quoque viros amare: tu mihi idem facito, & diu saluc. Louanij, xiv. Kal. Nouemb. xcvi.

EPIST. XLII. *Lutetiam.*

NICOLAO BRULLARIO, SILERIO, Præsid.

FILIVS tuus ad te redit, & id mandato tuo. Ideò libenter cum dimittimus; et si nec libenter, si ipsum & consuetudinem eius spectemus. Vero enim fidoque testimoniio dicam, mores, modestia, indoles eius nos ceperunt: & votum sit, tales è iuuen- tute Athenæum hoc frequentare. Sed quo- niā & tibi aliter visum est, & occasio tam bella sece offert Italiæ videndæ; desiderium nostrum imperio tuo cedit, & in animo isto approbamus etiam consilium, quod in eo reuocando cepisti. Adhæreat tibi in itinere, sub tam magno magistro discat, & te aspectu ac sermone item delebet.

Ff 3 Nos

Nos nihilominus & absentem illum, si non oculis, animo gestabimus, & te Amplissime & Nobilissime Domine, merito virtutum tuarum, colemus. Louanij, postr. Kal. Nouemb. &c. I. xcviii.

E P I S T . X L I I I . *Lutetiam.*

RENATO PINCAEÒ, Senatori Regio.

MAGNA tua, & vete dicam, inopinata mihi benignitas, qui ex communione quadam non commendatione, sed testimonio meo, adolescentem nostratem non prodixisti, fauisti, iuuisti; sed ipse in dominum tuam recepisti, & discipline liberorum regum atque institutioni praefecisti. Quid dicam? iudicio meo hoc datum? obligor. Voluntati? magis: & iure tibi omnia cupiam faciamque, qui meâ gratiâ sic exhibes te proximum & benignum. O Brissoni noster, ubi es? tu ille conciliator & proxeneta huius amicitiae, quæ in bonis fidisq; pectoribus radices egit & fructificauit. Viuere te optem, & deceat: Deus noluit: amicitia in nobis viuere, hoc opto mihi, atque adeò æternam esse. Quidni sperem? nam amicitia quæ de sinere potest, vera numquam fuit. Louan. postrid. Idus Decemb. &c. I. xcviii.

E P I S T . X L I V . *Rigam.*

DAVIDI HILCHENO, Regi Polonie
à Secretis.

PISTOLAM tuam posui, & manus meas quid si dicam ab eâ caluisse? certè quidem animum: ita amanter, imò ardenter scripta, me quoque talem fecit. Sicut faciem ad accendendum frustrâ admoueas, quæ ipsa non accensa: sic ir amore conciliando euenire sensi, & frustrâ eum poscir, qui nō adfert. At tu, vt dixi, largiter: & quod mirer, ab ultimo & frigido illo axe. Ergo Cupido etiâ ea loca inhabitat? nam Venus profectò, quæ vnâ cum Gratij, epistolam tuam infedit. Euge mi Hilchene! semina illa diuina vbique, vt video, sparsa: & meliores mentes, etiam non meliore cælo, Deus disposuit. De tuâ fateri debeo, quæ virtutem, doctrinam, & omnem honesti amorem ac studium exspirat. Præter epistolam, etiam scripta tua adiuncta mihi dicunt: scripta, quibus astipulari debeo elegatiæ & doctrinæ. Quæ vtinam tu tam verè in me, quam benignè extollas! Sed vereor, vt quemadmodum Mucius ille Scæuola scribam pro

rege habuit, & appetijs, quòd esset ornatus regio: sic tu me inter serio doctos, argumento scriptionis & librorū. Qui si boni, bene est: & opto esse, & per me errorem hunc sibi non tollam. Si enim amari à te cupio, ut cupio, cur hanc immixuam eius affectus caussam? Tu serua, & in cotamen non erra me veræ atque utilis scientiæ percipidum esse; quæ iudicia mihi & decreta former, quæ virtutem & mores ad hanc & aliam quietem componat. Certè ego ille sum,

Quæp non umbigui fasces, non mobile vulgus;

Nas leges, non castra tenent:

placida illa virtus & vita capiunt, atque huc omnem ingenij aciem intendo, omnes animi nervos contendō.

* *Tε πράτη πεδασθε, επ. ἐν ασφαλεῖ ζει:*
imò nec multa inquirere, aut meditari. Ut nihil profit clavis aurea, quæ non aperiat: sic splendida illa doctrinarum, quæ ad hæc sacraria non ducant. Ecce, breuiter & candidè descripsi tibi me: nec in æstimatione mei volo te falli. Hipparche olim, virgo nobilis, cum Cratetem Cynicum, id est mendicum, ipsa ultro ambiret, & nuptias eius vellet: ille in medio plurium, coram virgine se reuelauit, & gibbum in dorso, & siquid aliud vitij ostendit; tum & baculum, & peram, & suas illas opes: Hæc mea sunt virgo, inquit, hic ego: placebo & placent ista ducam. Simile ego, mi Hilchene, amorem meum vis, & eo iungi mecum? ecce iungor, sed talis, qualem dixi. Si placebo, age. Vir nobilis & magnifice, iungamur æternum: & hoc audiat ille Æternus. Louanij, iii. Kal. Januar. anni &c. I. xcix.

E P I S T . X L V . *Leopolim.*

DEMETRIO SOLIKOVIO,
Archiepiscopo Leopolitano.

DAVID Hilchenus, vir ingenio & stirpe nobilis, serio mihi scripsit de inclinato tuo in me animo, & quem in sermone sapè aperis, effuso in meas laudes. Deo, tibi, gratias agam, an vtrique? Deo, qui immisit; tibi, qui admisisti hunc affectum: ô gratum, ô suauem, sed cum morsu aliquo pudoris mei, quia conscius mihi sum, non esse præconijs aut præconibus tantis dignū. Tamen vt vel imæ sortis homines, sibi & alijs crescunt ab alloquio aliquo & comitate Regum: sic nobis fit, cum vos admouetis proprijs, & esse aliquid videmur, ab æstimatione vestrâ. Enimuerò & nomen & fama

fama tui ad nos quoq; venerat: quem velut Nestorem quemdam iure magotus ille tractus veneratur, cōfilijs, legationibus, actionibus clarum, pro salute aut dignitate publicâ suscepis. Atque hoc est verè philosophum, imo sapientem esse: exercere & ostendere in sole atque opere, quæ alijs in umbra & otio differuntur.

Ego odi homines signav' opera, philosophia sententia:

aiebat ille: ego si non odi istos (neque enim omnibus ex vires animi, aut corporis etiam, sunt:) tamen initio certè alteros, qui in res medias eunt, & Stoicorum decreto veteri, vivunt moriunturque in actu. Nobis non ista lors. & in otio Deus constituit: nec tamen ignauo, & voce aut scriptis saltem aliquid iuuamus & conferimus in magnam hanc parentem. Sicut nauis, quæ è litore spectantibus stare videtur, celerrimo cursu sèpè labitur: sic est aliquod etiam actuum orium, cui nos consecrati sumus. At tu, Vir Ill^{me} & Reu^{me}, * *ἀνὴρ Σταύρου ἡλαχεῖς,* mane in hac gloriosa functione: vtinam & in mei amore. quem si anteà famæ tantum, nunc homini tribuo, & petenti, & amanti, & colenti. Louanij, III. Kal. Ianuar. oo. I. xcix.

EPIST. XLVI. Lutetiam.

SEBASTIANQ. ROLLIARDO I^{mo} S. D.

SCRIPSI nuper, & misi per legatum regis vestri Boderiuim, insignem & estimatum mihi virum: spero iam accepisse. In occasione tamen tria etiam hæc verba libuit, vt scires officio me functum, quod amori tuo debebam. Amori? imo & ingenio, atque animi dotibus, quas Agrocharis tua * *ἀφθόνως* præfert. O versionem feliciter * *διπένοντινειν!* Gratulor Galliæ vestræ, cum hæc & talia video: cui post deieetas tempestate grandes aliquot arbores, istæ nouellæ succrescunt, æquaturæ illarum cacumen. Quidni speremus in beatâ istâ pâce, quæ ingenia fouebit & rigabit? At nobis bella, infelicitato patriæ, cui nec respirare quidem vel per inducias breues licet. Si hoc esset, vide quâm me ceperit Agrocharis, iam rusticus fortasse essem, & Iscanum prædiolum me haberet.

* *Ἄλλης οὐδὲ πεισθεῖται πάντα τοῦτο.*

Opto vt tibi tua, & salve ex animo mi Rolliarde. Louanij, postr. Kal. ann*noui*, oo. I. xcix.

• *At non impiter omnia patras, que mediatur.*

EPIST. XLVII. Lutetiam.

RVMOLDO MORTIERIO S.D.

GRATA mihi hæc scriptio tui Mortierii, & animi significatio propensi in me, & quod maximè amo, in literas & virtutem. Quæ se per Deum, veraque hæc iungit, in eâ vrbe in quâ virtutum & vitiorum exempla non desunt. Scribis esse quodam, qui cauillentur aut mordent: quæsor transi, nec attende. Etati tuæ hac in parte noli indulgere: nos quidamius paullò viximus, & vsu callemus magis, scimus hunc omnis ævi morem an in orbum, æmulari apti & calumniari. In his unis ego san:

* *Ἄρεσσαν δ' εἴ τις ζει τὸ χρόνον γένεται.* Et profectò meremur interdum, & lapilli corrigi possimus, quod bona mens erigi interpretatur. Sed de te, scito fuisse me ingenio & studijs, te ipsum amare: & hoc fore, quamdiu talis eris. Louanij, viii. Kal. ann*noui*. oo. I. xcix.

* Nemo hominum in terra, quem non reprehendere fas sit.
Homœt.

EPIST. XLVIII. Pragam.

JOANNI AB HOLLANT S. D.

DIVPLICI nomine grata mihi tua scriptio, & quod saluum te ad tuos venisse nunciaret; & quod affectum & memoriam nostri fidam præferret. Gaudeo utrumque esse, & voueo ita manere. Me quidem & mōrum atque ingenij tui elegantia cepit, cum hīc es, id fateor: & qui corām auditor aut discipulus, nunc absens amicus eris, & libens sacrum hoc nomen tibi doneam. Oro autem te & hortor (si opus est) excolere optimam indolem, & naturæ, vt sic dicam, agrum; quem Deus ferace in optimarum artium ac rerum dedit, si industriae aratro scindis, & semina scientiarum iniicias, vt cœpisti. Ut cœpisti, inquam, & iam adeo in eo es vt metere incipias, & colligere laboristui fructus. Qui tamen vt benè maturingant, & quasi concoquantur; mihi haud displiceat solem Italiae adhiberi, & loca illa atque homines te lustrare, olim & nunc quoque laudata, & prudentia præsertim ac iudicij notis commendata. Video te sponte hoc agere, sed deliberare quod potissimum te conferas, Senas an Bononiām, & via iudicij etiam mei calculum addi. Ecce habeb; si lingua eam aut iucundæ amicæ næque habitationis res sit, Senæ placeant, locorum & hominum ingenio amabiles.

& apta sedes ad tranquillam vitam. Sed cùm discere etiā tibi propositum, & à vario aspectu atque auditu te formare: suadear sanè Bononiam primò eligi (in quam affectus meus nec nunc quidem claudit.) Bononiam dico, non studijs solùm ac studiofis aptam aut frequentem, sed & nobilitate atque insignibus viris infessam. vbi sit quod syndique iuuet discere, artes, mores, lingua. Atcā familiariū iam paullò notā, tum pedem proferre adsuadeam, & Romam petere, illam olim & nunc (et si in aliā potentia) verticem & culmen rerum. Ibi, quidquid laudabile in orbe pñne est, videre tibi fas in compendio: variarum gentium Legatos aut proceres, variarum item artium candidatos aut mystas. Sed falli te nolo, vbi magnæ virtutes, magna item ferè vitia aut crebra, & curæ iudicijque tui erit, bona excerpere, alia spernere ac vitare. Sic ut Ulysses ille blandientes, sed insidiantes scopulos, surdā aure præteruexit, oculos tantum habuit apertos: sic multa tibi illuc (atque adeò in reliquâ Italiâ) obiter videnda tantum sunt, non in aures, minùs in animu in admittenda, Iter etiā omne tuum & emansio breuis sit. biennium si impendis, satis est: ac longior mora oblectare magis potest, quām formare. Habet meum sensum: tu abi & redi felix, in usum tuum ac tuorum. Louanij, 11. Nonas Ianuar. 15. XCIX.

E P I S T . X L I X . *Lutetiam.*
IAC. AVGVSTO THVANO, *Præfidi*, S. D.

RECREASTI me scriptione amicâ, & veteris tui affectus. Neque vlt̄rā de perseuerantiâ fogo, ab hoc tot annorum experimento securus iam eius & certus. Illud rogo, vt mutuum à me fieri censeas, bonâ & veteri illâ Gallicanâ fide. Scripta tua vidi, quę pleraque sparsim antea, nunc decorè corporata & iuncta. Parabates egregius, & multis locis vel ad priscum cothurnum. Carmen à fine, me quidem iudice, poterat omitti: nec tu negaueris, natum tibi in calore. Vides quām liberè? ergo amicè. Notas Merceri nostri ad Tacitum vidi, animo & voce (nam alij aderant) laudaui. Ita me Deus, acutæ sunt, eruditionem raram & candorem habent. Candorem, qui si abest ab istis scriptis, nebulæ & liuor habent, nec illustrabit eā diuturnior lux famæ. Ergo Mercerum amo, & Galliæ vestræ cum magno illo Casaubonó Merceros opto. Sed

quis Sauellus ille? numquam videre mihi cum fuit, & beneficium capiam, si quis mitat, aut (nisi longus sit) transscribat. Dico transcribi faciat, vel meo impendio & sumptu. Nam Commentarios Taciti auxi & reformati, atque edere paro: quibus certum hæc Merceriana addere tota, & sine deductione. De Baudio, quæso te, amas: quod serio ego facio, sed in re illâ aquanobis hæret. Funem ego tetenderam, ^{et} ~~et~~ ^{non} ~~non~~ ^{et} ~~et~~ ^{et} ~~et~~ ^{et} ~~et~~ Vale Vir Cl^me. Louanij, vi. Kal. ^{transit.} Mart. 15. XCIX.

E P I S T . L . *Lutetiam.*

CLAVDIO BOVCAVLTO S. D.

LITTERAS tuas seriūs accepi, non tuâ, sed ferentium, credo, culpâ: tamen accepi, & calidum tuum affectum in me (ita loquendum est) vidi. Amo hercules cum, & iam Louanij scintillas ieceras: sed liberiū, vt fit, aperuisti absens, & per litteras, quæ veteri verbo non erubescunt. Etsi quid apud me vetecundere, aut rubeas? qui vlt̄rā aduocare ciusmodi meliores mentes soleo, & mihi applicare. Quod nunc in te facio, mi Claudi; & cœpta beniuolentia non claudet, si tu eam duplici illo pede fulcies, Probitatis & Doctrinæ. quam vtramque in te vidi, & hanc alteram magis magisque cum ætate (ita ominus & voueo) augendam. Sanè ingenium tibi adest, industria non deest: quod vel ex scriptione video, quam varia lectio aut obseruatio colorauit iam, & tinxit. At tu magis magisque immergere in liquido illo Musarum fonte, Lutetiam dico: quæ ingenia magna fouit, aluit, tenuit aut emisit. Vale mi Claudi. Louanij, vi. Kal. Mart. 15. XCIX.

E P I S T . L I . *Lutetiam.*

DOMINICO BAVDIO S. D.

BAVCA herè scribebam, illâ meâ fuligine & ^{μεταχολίᾳ ποιεδηδύ}: quam discussi leuiter, & statim animus manum tibi iussit operari. De re tuâ primùm, id est, ipsâ re, & quæ ad vitam facit, vellem h̄c, aut illuc aliquid factum. Proh Iupiter, b̄lenni aliquot, & buccones, ad culmina honorū veniunt: meliora & altiora ingenia arcentur? tamen rem dicamus, ita æuum est, & paucos nuda virtus aut doctrina euexit. Ego si quę velim, possim, quid labores? sed ingenuè tibi dico, plus mihi gratiæ, quām potentiae esse: vel quia

quia amoui me semper à publicis, vel quia naturā mitiore sum, & parum efficacē. Nec in meis quidem possum prensare, & bene Deus, quod pleraque mihi vltro delata. Vtinam per Brullarmū aliquid vel Thūnum fiat / ad quem iecrūm de te arhanter, imō non amanter, sed iudicio scripsi. De publicis, miror in Edicto illo sic pertendi: et si fatigor Galliae præsentis statum haud usquaque mihi novum. Sed tñs necessitas exprimit, quid opus? cur non in quiete hac manent, & vitano innouare, id est, turbare? Quod si fiat,

* Cetera la-
mū pria-
mus Pria-
mis no-
• insulare. H̄as ydīos, Np̄iau, Pp̄mō n̄ nāde. Nostri de Pace etiam nōc sp̄erant, quia de Britannia inclinatio[n]e non desperant. Si illa obdūrat, & auersatur, certum est, nos nostri non mollescent, & pergent.

* Bellum
infirmitum,
& pugnas
pugnare
mutatis. A' esporor πόλεων πολεμεῖ, οὐδὲ μέχρι. Sub aduentum *Infantis* (is apud hos exercitus & propinquus habetur) aliquid necessarium est decerni in alteram partem: pacem semel fruamur, an eternūm sed fugio. & e nos miseros, si ita erit! Ego cogitationem, ac pñne decretum, habebam euadī in Italiā: quō subannum hunc Sæcularem à principibus viris euocabar. Si eo, etiam hoc pñne stat per Gallias vorsorianā capere, & insignes ibi viros amplecti. Iosiam Mercedrum iam olim inter eos habui, & valdē se mihi nunc probauit, eruditis, & probi animi iudicijque, ad Tacitū Notis. Vidi enim, & quamquam à me interim diuertit, laudare & amare vitum debeo: quia & cum causâ, & cum modo facit. Vtinam sic in studijs nostris alij! utinam ne Critice hæc ludus fiat, & arena, vt sic dicam, bestiariorum! At bona hæc via, cōferre sine liuore, sine æmulatione, in publicum; nec detractum ire in genijs, vt tuum attollas. De Casaubono, audio ad vos certò venturum: cui salutem dici, & hoc etiam velim, me ante menses duos circiter scripsisse. Propior cùm erit, fortasse sèpius: si tamen valetudo non impedit, quæ valdē hac hieme anni aduersa fuit. Tu vale mi Baudi, & amaturum semper ama. Louanij, v. Kal. Mart. 10. XCIX.

EPIST. LII. Augustam.

MARCO VELSERO S. D.

ERGO ad te hæc Schottus? & me præuē-
nit? nollem, meum erat indicium hoc
facere tibi, quem serio habeō inter amico-
rum primos. Sed quod scripsit, ita est: cogi-

taurus Romanū hoc Autumno proximo, sed peregrinaudi primo, non manendi. Sa-
ter ille annus me vocat, tum & viri aliquot
Principes, qui benignè inticant. Dabo me
ijs ad menses pauculos, & simul corpus hoc
movebo, quod sicum aut veterum con-
trahit ex aliud quæste. Arte ita viuam, vt
statui & vœui videt inter primos: si tamen
turbæ aut ipsorum hoc iter nebis non inter-
cludunt. Nam vel tuā causā Germanicū
bonū tractum rōsere iterū gestio: neque
abnuo de hospitio, quod offers. Sciant omnes
inter nos sic amare: & vt posteretiam
(si fama adspicit meis scriptis) erit cura.
Vale mi Velsere, & cùm in viam me dabo;
distinctius de cā expecta. Ab Aulā nostra
missionem peti, nondum impetravi: spero
tamen non grauare dandam, titulo vel va-
letudinis vel religionis. Louanij, xvi. Kal.
Maijas, 10. XCIX.

E.P.I.S.T. LIII. Rotomagum.

CLAVDIO GROVLLARO, Praefat.

I AMDIV est cùm scintillas affectus tui ad
me mittis; in materiem sanè non dicam,
promptam ardere, sed quæ iam arsit. An
non ita inciter cogatque tua virtus, pruden-
tia, doctrina? quæ triga omnium iudicijs per-
clus tuum habet: & addo, quod in cā beni-
volentia mei vchitur, erga immarentem fa-
teor, & ideo magis merito redamantem.
Quid verba facio? non solent vehementer
ab amore sauj, & magis in conspectu ami-
cæ obstupescunt: simile mihi, qui te videre
videor, & coram nunc affari. Nunc in ima-
gine, an non in re aliquando & veritate?
plaudit mihi aliqua spes, & in Italianū cùm
nunc eam ad annum Sacrum, in redditu li-
beat Galliam vestram visere, & te inter eius
illustria lūmina, ô vir dignitate & meritis
clare, bonisque omnibus & mihi percäre.
Louanij, desubitō, cùm hic ciuis vester abi-
ret, xii. Kal. Jun. 10. XCIX.

E.P.I.S.T. LIV. Lutetiam.

PAVLLO MORAO S. D.

ITANE typographi vestri meas epistolas?
me inuito, me ignaro? colligunt, transcri-
buunt, edunt? Improbum facinus, barbarum
facinus, vt verbo dicam. Ergo mihi non li-
cer animi sensa priuatim apud amicum de-
ponere; iudicia promere; laudes, vituperia,
aut notas miscere, nisi vt ea in publicum
pro-

protracta vulgentur? id est, examinetur; censentur, culpentur? neque enim aliter exspectandum ab insidioso & factioso hoc (venia dicti sit) aeo. Omitto quod negligenter sacerdotem, & animo aut manu patrum auctor scribimus: at isti flores omnia esse volunt, ubi lappae sunt aut spinæ. Ad summum mihi iudicium in meis debebatur vni: & non ratio solum, sed mos haec tenus & ius quoddam gentium volebat. Si vestri migrare, causa mihi erit iuste haec iniusta culpandi, idque vel publico scripto. Res mihi cordi est, non negotio: & te vel alij, cui cor sit, arbitrum sumo. Itaque si potes, mi Morat, quod offens praesta. Tribunus esto & intercede tam iniquæ actioni. Valde me deuincies: & per me vna haec epistola non quidem edatur, sed apud omnes legatur. Vale V. C. Antuerpiæ, quod me contuleram animi & valetudinis causâ. Kal. Iunijs. ☽. I. C. XCIX.

E P I S T . L V . *Manachium.*

THOMAE MERMANNO, *Medico et Consiliario, Ducis Bauariae.*

Quod petis à me, V. Cl. in amicitiam istam admitti, ita libes facia, ut vel visu fuerim percitus. Verba ex animo promoto audiui laudes & elogia tua è veraci Fieri nostri ore: ex eius tantum timore & aliorum, quos Germania vestra ad nos misit. Itaque iamantè amavi, & amicus corde fui: ore me esse nunc profero, & dextrâ hac fœdus scribo, nullâ die (quod ad me attinet) abolendum. Re videbis hanc rem, & non verba esse. Quid autem? an non coram mihi fas haec sanciendi? Spero vel confido potius, quoniam in Italiam brevius iter institui, ad annum Lustralem sacrum, & Germaniam (ut votu & opinio mea est) in transiit videbo. Te, te in eâ inter primos, & salutabo, & cum poëta *Fucundum os oculosque suos* uiabar. Magne Deus hunc diei mihi representata, & si fas erit, Seruos etiam Principes adire & manum contingere: illos quibus Germaniae dignitas, & certè Religio prisca est innixa. Fiemus nostrum quod ames, & auctum honestumque velis, gaudeo: meretur. atque ille de Salisburgensi deliberat: si apud tuos Bauaros locum habere possit, iamnunc decernat. Sed haec & alia, Deo prosperante, intra paucos menses coram: ille te meque in optatum tempus seruet. Vale Vir Clm. Louanij, viii. Kalend. Iul. ☽. I. C. XCIX.

E P I S T . L VI . *Lutetiam.*

GVL. BARCLAYO S. D.

ITER nostrum Italicum differtur. Quid causa est? duplicit, priuatæ & publicæ; utiusque bonæ & æquæ. Priuatim valetudo me p̄plus solito adfligit, & imbecillum, aut vero verbo ineptu, ad longum hoc iter concinnat. Publicè autem, lues illa pestilens Italiam siccis iam invasit; & hasturam ibi quis non arbitretur, sic naturè sequentem, & tam paratâ tam uberi materialia ad bonis plendum. Itaque ex ipsâ Urbe metum hunc mihi faciat, & ij qui invitarunt, differunt que sint. Hoc sciro te volui: ego per te quid N. N. illuc noster, & quâ agat. Scribit ad me, queritur, sed parum aperi: & vclus aliquod sermonum eâ veste tegi equidem odoror. Si leue curatu, paru est: sin prauum aliquod & d'uoitru, doleo causâ præclaris ingenij, quod scis (ah temerè, ah stulte) in barathrum & præceps dedit. Quis illigatum te triformi Pegasus expediet Chimeræ? Sed meliora opto, fauco, & quâ possum iuuo. Louanij, iii. Kal. Sextil. ☽. I. C. XCIX.

E P I S T . L VII . *Lutetiam.*

CLAVDIO BOCAVLTIO S. D.

VNAS ad te litteras dedi, tu plures, fateor, & amo diligentiam cum affectu. Paria ut ego faciam, caue exspectes, qui non occupor, sed distrahor, & vero verbo ita est loquendum. Scito me sic differri, ut pñè gemmorum fabulosam illam matrem. Sperabam à senio, si non missione, laxamentum: at etiam intendit. Itaque, quod fugitiui, à pedibus auxilium sumere erat animus, & Italiam cogitabam: sed id quoque Deus abnuit, & quæ in oris eius grassatur lues. Etiam hic, ne nescias, & crebra funera sunt, & ad Philosophiam compellimur, id est, *μελίτην θαράτην*. Tibi recte ab animo, à corpore, à conditione esse cupiam: & corde fauemus, etiā operâ, sicubi vsus erit. Barclayum saluto, ad quem ante biduum dedi, itemque ad N. N. *ne quo aliqua audimus non volentes.* Vale. Louanij, postridie Kal. Sextil. ☽. I. C. XCIX.

E P I S T . L VIII . *Augustam.*
MARCO VEL SERO S. D.

VAERIS & doles de itinere meo Italiano, quod distuli, aut (quid tibi imponebam?)

nam?) omisi, ob causas quas breuiter & cum fide hinc dicam. Prima & summa est, Valetudo. quam, experiendo & paullum hinc circumuectando, didici non esse ad semissim eius viæ. Fracti morbis, fracti & laboribus suimus, & annos iam plus triginta publicè legimus, scribimus, ore & stilo docemus iuuentutein. Ferrum aut rupem esse me volunt? Deus & Natura nolunt, & fragilem ac mortalem me, etiam ante ceteros, fecerunt. Quod tamdiu durem & resistam, ego qui me noui, in parte prodigijs, aut exercitio diuinæ benignitatis, habeo censere. Ergo prior hæc causa absterret, & tetragona, id est, corpus retinet; etsi animus & ignis ille, præpere pennam euolabat. Altera causa, quod non obscuris indicis didici, videri me in Italiâ sistentum. Quid autem tibi dicam? amo tellurem & homines, si quisquam (& debemus sanè fontem illorum litteratum: sed eam nunc mihi non esse aut facere, ut insideam quidem & pedem figam, animo hoc teste scio. Fallam ipsos, fallam me. ipsos, quibus non donem Lipsium, quem expectant: me, qui filium illud tenuerit vitæ, si non in viâ, in ipsâ certe regione abscindam. Egone nunc nouos mores, nouas mensas, omnia oculis sensibusque insolita captem & usurpem? tritum de arboribus est, quæ vetulæ recusant transferri: idem in hominibus esse, medici & vsus dicunt. Atqui præmia ibi, & in magno theatro plausus. Si capi me negem, mentiar, nec ingenui illius sensus omnino expers sum, nec cum poëtâ, corneâ quâdam fibrâ. sed tamen olim magis, quam nunc, his mouendum; & ultimam illam tunicam, quam Plato dicebat, paullatim ponere & exuere me, hoc quoque addo. Paullum mihi æui supereft & spithama vitæ, ut dicunt Græci: quid in tempestiuo ambitu captem sedes aut spes nouas? Non capto, mi Velsere, maneo: atque adeò ex pectori hanc vocem audi. si belli aut alia vis cogant abire, Germania vestra me habeat, grauitate & modestia sua olim mihi nota, atque etiam amata. Sed quò eo? longius facio, quod breuiter poteram, & binas causas binis signasse verbis. Affectus in te largus est, qui me & stilum producit: cuius affectus tam certum te cupio, & in loco etiam promendi, quam in claro meridie Solis illius lucentis. Quæreas etiam de scriptis meis. pauca in hac valetudine possum: & grande tamè opus suscepit, atque adeò iam affeci, Perpetuum

Commentarium in Anneum Senecam, sed breuem, & non vobis Senatoribus tantum, istis etiam è mediâ aut imâ classe litterarum aptandum. Videbis, si Deus volet, post hanc hiemem. nam tunc maximam partem finiuero: & mox ad alia mea me dero intermissa. Ea sunt Pers Admirandorum altera, Monita & Exempla Politica, & plura, si vita erit. Ea tibi longa, tibi fausta currat, mi Velsere. Louanij, Idibus Septemb. 10. xcix.

EPISTOLA LIX.

JOSEPHO SCALIGERO IVLII F. S. D.

MANILIVM tuum libens vidi, audie cœpi legere, & perlegam ut soleo tua. Omnia me intellecturum, minus arbitratum, ne existima. vos in igneas cæli atces itis; nos huinus nostra tenet, aut certe non ita altum subuolamus. A Deo hæc partitio est,

— * Ω'σε Μίδασ

Aρδαστρ ἀλφησῆσιν, θπως ἐβέληση, ἔκεστρο. Seneca me totum nunc habebat, quem utili potius (ita mihi videbatur) quam ambito. Commentario illustramus. Vetus meum votum, Adesses! reperirem, opinor, * ἀνεψιμόνας Μεσάνθη Θύρας, & Aristophanæ scommatis securus, statem, * λάρες νεχλεώς. In Italiâ iam essem (audisti credo institutum) nisi valetudo me tenuisset, tum & ille, ne tenerer, metus. Nam hoc quod æui reliquum, & paucorum passuum an graduum est, ibi decurrere neque placet, neque ratio sit. An non etiam spes aliqua melior pacis affulget, & bella tandem ad Thracas ibunt? ego voleo, & te videre. Louanij, III. Non. Decemb. 10. xcix.

* qui nem pe assignat
Ingenijs sua
dona, ut
vñsum est
cumque
cuquo.

* apertæ
Musarum
fores,
* Larus
bians.

EPIST. LX. Augustam.

MARCO VEL SERO S. D.

BENE affectui tuo, qui sic in me viuit: sed & in te meus. Ne sit ille dies, quo alteruter langueat. non enim dicam moriat, quod vix in ipsâ morte potest. At tu gratularis mihi mirifice super DISSERTATIVNCVLA corâ Principibus: nec magnâ, quod ad me quidem causâ. Subito enim, & velut deprehensi, diximus: quod ipsum, quale sit, totidem pñne verbis vulgamus, & videbis. Nam etsi illam claudi aut perire, nihil intersit publicè, interest tamen exercitium prodi, quod tu nostro quo raro, imò

vn-

vnicum, licet dicas. Audistine(nam vidisse non potes)fæminam etiam Principem, tali stirpe & titulis, in Musæa hæc nostra venisse, sedisse, audisse? Nam quidam & intellexisse addunt, mihi non nisi cum experimento credendum. Sed quidquid sic, exempli res est: & illud dum prodimus, fortasse infantiam etiam nostram. quod parum est, & fama illa viuat vel cum infamia nostrâ. Quam tamen tegere nisus sum veste meliore atque aliâ, à Plinio sumptâ. cuius PANEGYRICVM vnâ edo, cum perpetuo meo Commentariolo. Dignus ille Principibus est: & ijs, quiq[ue] circa eos (id est, Palatinis) magis labor hic noster seruijt, quâm vobis eruditis. Videbis, iudicabis, & mox de Senecâ: in quem si quid aliud rarioris obseruatus (talia sunt tua) habes, sodes mitte, ad usurum & imputaturum, vii inter bonos decet. Ama amantem, mi Velsere. Louanij, xvi. Kal. Mart. ∞ . I.C.

EPIST. LXI. *Dantiscum.*

ANDREÆ VIRITIO S. D.

VIDI litteras, vidi CONSTANTIAM tuam, an meam dicam? Certè tuam fecisti, dum tuis, tuâ linguâ, tuâ industriâ eam donas: faxit Deus, ut tam utiliter, quâm benè & disertè. Nam vtrumque mihi visus es assequi, ut & fides in versione tuâ sit, & eloquentia, atque adeò numeri & concinnitas non desint. Ego verò an hæc talia altioris & remotioris sapientiæ pro æuo isto sint, nescio: paucorum gustui facere, id vereor, & amo tamen ibi, in illo etiam axe, esse istos paucos. Omundi rector, quando miserante oculo nos aspicies! quando turbas, dissidia, factiones à nobis pelles? Hæc sunt fateor, in quæ Constantia nos armat: sed quanto suauius, nec armis nec pugnâ istâ opus habere? Quidquid sit aut erit, iuuat præiuisse ad alta & ætherea: capiat qui mente est tali; qui non, tenebras suas amet, & iactetur in vindoso mari.

*At tua securos portus, blandamque quietem
Intrabit non quassa ratis.*
quod verâ & priscâ pietate duce tibi precor, mi Viriti. Louanij, vii. Kal. April. ∞ . I.C. Nam litteræ tuæ diu in viâ.
Consules vestros sic in me amicos saluto, quantum potest, amicè.

EPIST. LXII. *Lutetiam.*

PHILIPPO COSPÆANO S. D.

LIBENS equidé & Tentamenta tua & epistolam vidi. In ijs ingenij & doctrinæ signa; in istâ affectus in me tui non magnitudinem solū(de cùm antè liquebat) sed constantiam. Itaque in illis gratulor; in istis horror, & si vis obsecro, vt porrò perseueres. Valde, inquâ, me ama, & fortiter me ama: quidni facias tui pariter amantem? CONSTANTIÆ porrò meæ libellos aliquid tibi in hoc sublimi argumēto præluxisse, votum meum: & satis tamen, si alluxisse. Nam vos subtiliori filo illa texitis, quæ nos densius, & pro vulgi magis captu. Perge autem in luce illa hominū te ornare, imò in te patriâ: quæ, ah mi Cospæane, quâm subsidijs & fulcris nunc eget! O ruinas, quas præuideo, nisi Deus & optimi nostri Principes (tales scito esse) retineant & sistant! Sedisio, confusio, rapinæ apud nos: at tu in aliâ & beatâ pace, quam Fatum benignius illi genti, benignæ semper in exterios dedit. Fruere, & vale mi Cospæane. Louanij, vi. Idus April. ∞ . I.C.

EPIST. LXIII. *Lutetiam.*

FRANC. AERSSENIO S. D.

I AM non dicam annus, sed anni sunt V.C. Ex quo nihil litterarum ad me quidem peruenit. Si fuisset; an sic me tui, imò mei, oblitum censes, ut humanitatem silentio repellerem? Numquam factum, aut futurum; nec animo huic aut pater aut tu estis clapsi; cuius alterius beneficia in me agnosco, in alterum mea quædam (quoniam ita vis) amo. Sed hæc commemoratio non necessaria: illud quod litteris sedulò egisti, à me etiam actum, ex inclusâ hâc epistolâ vides. Si placente ea quæ scribit, porrò curabimus: & tu pecuniam Antuerpiam (nec enim id antè opus) per litteras traijei, ut solet. In studijs meis aut repor aut frigus aliquod est: & quid mirū, cùm sic feruent hæc bella? quæ Galliam illam, quam nunc insides, bono Deo reliquerunt: apud nos propriam videntur elegisse sedem. O dolorem meum, & bonorum! quæ occasions constituenda Pacis & Reip. labuntur? Sed hæc missa facio, si non ingrata, fortasse intempestiua. Tu bona bonosque, & me tui iam olim amantem ama. Louanij, vi. Idus Ianuarias anni Sæcularis ∞ . I.C.

EPI-

EPISTOLA LXIV.

ANTONIO FABRO, BODERIO,
Legato Regis Gallie.

FILIUM tuum inibi comindendas, venturum ad lectiones nostras. Gratus erit, iuuabo, dirigam, & te ostendam me tuam causam hoc & alia velle. Spes nubis de eo bona est, et si iuuene: quia video indolem adesse, & excitatum ingebium, quod equidem in iuueniente amo. Utinam amorem honestitudinem, & Gallie vestrae ciuem domum, ipsi & Regibus valem, si qui operam citius ita spero videntur. Surgane istae scriptae, & quas per hanc bellam misisti, in locum eorum arborum, veniant, sicut execharum, & pulchro atque subili fructu. Blura verba non do, rem in malo: se non mea culpa sit, si non mei vultus. Tu Atopissime & Nobilissime Domine vale, & me obsequio tuium habet Louanij, v. Kal. Maijas, 100. I.C.

EPISTOLA LXV.

HERMANNO Comiti a MANDERSCHEIDT
& BLANCKENHEIM, Cesaři a Conflitu,
Legato nunc in Bataviam,

CERMONE beniuolentia in te nuper, & unica scriptione affatim ostendis. Quid rependam Illustris Comes? quod vnum in me amas aut aestimas, animum: & cuius scintillæ aliquæ, in scriptis meis sparsæ, affectum hunc in te accenderunt. Nam externa in nobis, obscura aut modica. sed ut stellæ per tenebras etiam fulgent: sic per ista, ingenij aliquod lumen. Quod ut proprius certiusque possis noscere (ita enim petebas) ecce Indicem scriptorum meorum, quæ edere cœpi ab annis iam amplius triginta. Atque id inter turbas istas, & ciuiles continuos nimbos: quos utinam Legatio vestra minuere possit aut pellere, & in pharis Barauiae accendere clarum illud lumen Pacis. O quam mecum omnes boni vouent: vouent, sed, ne mentiar, spe frigidâ, cum aut illa aut nostra vident, parum vel inclinata vel allicientia ad quietem. Sed mutant hæc potest supremus ille.

• Iupiter,
qui belli
quæsitor &
dipensator
est boni-
vibus.

Mutet, mutet: in te tuendo atque attingendo constes. Louanij, xii. Kal. Sextil. 100. I.C.

LIPSI Operum Tom. II.

EPIST. LXVI. Lutetiam.

SEBASTIANO ROLLIARDO I^o S. D.

ITA, ita, venit ad nos libellus tuus, Deum immortalem, venustus, lepidus, & propriâ re libellus. Venit autem cum debuit, & redditus nobis vespere in ipsâ mensâ: non quidem

— dum furit Lycaus,

Dum regnat rosa, dum matibz capilli:
publici & priuati nostri mores hoc spectant: sed tamen diuin remissiores suimus; & animo inclinati garrire aut ridere. Ominus autem tale hoc genus

Seras tutius intrat ad lucernas: in matutinæ frontes rugas fortasse ducant. Sed

et refat sim dicere nequam! Nouios, Pomponios, Titinnios, Petronios, quidquid hoc genus Atellanas, Mithos, Satyras scripsit, vincit aut equas. Imo uno vincis quod salvo pudore & probitate iocaris. Quid iocaris serio loqueris, & de illo quod Græci Neces-
ri vocant, necessariò, atque id apud indices agis. Meum & meorum risum! quam frontes, quam substrictâ autre, Callij & Catones vestri hæc audirent? Quid autem ille Baro? tu patrono vir erit, aut fieri magnam vim cuius Mercurij & Marsyæ: atque iterum Cænus, Arcicon, Cofficius celebrabuntur. Extra iocum, argutus tulus libellus & in re seriâ, nec seriâ, serio doctus. Vnum tamen etiam querero, vel te augure Corninæ nobis radicula hæc propagabit? Cui tamen fanere me fastor, ob sacrum illud nobis nomen. Illius autem misereor, quæ tuam operam fortasse Tantali aliquo fato cōtabescet. Sed abite istæ res: in meis quid: ah, quam alibi occupamur!

Totus do tetricæ dies Mineruae. Nam ecce, in Senecâ eram (ipsum nomen non ad hæc iuuenilia) atque eum perpetuo & brevi, nec operoso, nec ambitioso, Commentario illustrabā. Alius hodie mos, scio: & ideo iudicia fortasse huic labori non secunda: sed nobis **MORES ANTIQVI** placiti, velex solenni meo scito. Asconius, Seruius, Cornutus, & quidquid Scholia statuū superest, haud aliter scripserunt. Vidistin' autem PANEGYRICVM nostrum PLINTANVM? ad hoc exemplum Annæus erit. Tu, si tanti, submone & iudica, si tamen legisti. In Gallia vestrae finibus iterum motus & belli fluctus, vt audimus: sed in finibus: nos autem, ^{* in flut-} vt ille ait, ^{annum v-} ^{sumus.} ^{sumus.} ^{sumus.} Quis nu-

Gg

euoluet? non Pax sed Parca, ut ego auguror: quæ sera ad te véniat mihi lóhiarde, Louan.

vii. Kal. Octobr. 10. I.C.
Epistolas etiam nostras dñe inducere para-

bamus, saltem duas trésve Centurias.

EPIST. LXVII. *Augustum*

MARCO VEL SERO S. D. libri 13

ACCEPI iconem meam, à se gratam, vix
cum elogio quod inuidendum subscri-
psisti. Nam præter te, auctorem quem suspi-
cer? aut quis ibi sic me amat? & nisi sic amet,
sic aberrat? Ex corde, modicum aliquod
maluissem, & quod pudor aut merita mea
non prorsus damarent. Nosti me? hæc al-
tæ abhorreo, & cum Solone,

Neque me esse primum vestrum, aut immo-
bius existimare. Sed eat, non regoco, nec possum: quisquis
ligeret, sciat ab alterius estimatione, non mea
esse. Nos in Senectate lente, tñò, vix pergitus.
Quid diffitear? quatuor iam annos feria-
tum me, ab illo quidem opere, viderunt:
Caussa est, fastidium, & velut grauidatum
quidam languor, quem conciperé soleo in-
opere longiore. Itaque intermixxi leniter, &
quo constiitio (meminissim: nuper scriptio-
nis). Epistolas coepi colligere & paratae
editioni. Centuria vna aut altera prodibit:
sed scin' quod cum tuo aliquo periculo
certè nisi tu aurem yellisses, vix fecissem. De
Plinij loco bene inquiris & confessam cen-
sione certè egem. Necim antem adire te Dio-
dorum lib. i. qui aliquid iuuabit: & P. Bel-
lonium, quem scio scripsisse super hoc ar-
gumento scotsian, & olim vidi, nunc te-
quiro. Vale V.C. cui in amoris hoc certa
mea numquam dedero palmam. Louanij,
vii. Kal. Octobr. 10. I.C.

EPISTOLA LXVIII.

CONSVLIBVS ET SENATVI
Imperialis opidi Francofurtensis.

ADEO ad vos SENATO RES incluyi, cauf-
sâ dupli: & vt gratias agam pro ope
quam tulistis, & vt ostendam iure ac me-
ritò à vobis latain. Oratiuncula prodierat
in meo nomine, in quâ aliud meum non
erat: monitus ab amicis, vos monui: au-
distis, illam à Catalogo vestro abdicasti;
id est, vitâ & luce (quod in vobis erat)

priuastis. Gratias, inquam, ago hoc nomi-
ne: & ~~predicium~~ yestrum quia merui,
spero nunc & iudicium; si hæc pauca legisse
otium & soluntas vobis erit. Evvt sñ, per
vrbis vestræ Genituer, & iustitiae sacrum
nomen, rogo. Oratiunculam illam negauit
meam efferi quidiea & quia tales ipsa dissident
phrasis non conuenit, & facies tota scriptio-
nis. Inse, quid tam alienum à mea mode-
stia, & rhombis, qualia spera illa & insolu-
tanta scribere? Neque enim mea vera illa
professio, nec Theologum vel in formalo
assimilatus. Quid etiam si scriberem
sic vulgariter & sordide? sic, quod caput
est, improbe in modo impie. Nam ille est ne-
ster sensus, SENATOR RES antiquare in reli-
gione; & omnia maioribus sapere; ne dilupi-
catumnia aut vis vlla, non dicam sexu et
nobis, sed exiret. Neque negotiis hominum
vixisse, vbi hæc alia? sed non ideo abire
ego aliis, & si quid a verbis aut scriptis
forte excidit: vere excidit, & pœnitentiam
talium ago.

* H'p' n' nōm' d'mu'p'li' r'v' a' sp'c':
ait poëta ille sapiens: & vel hoc sufficiat, ad
scriptiunculas istas omnes vna pogiā eluen-
das. Sed in haec re, non eò confugio, in modo
dixi, non scripti in qua: & præter matr' ign,
dictio & scriptio ipsa claram. Cognates aut
cerebrum pituita sic obruit, vt vel inspectis
ijs, ms. & filium invenit non requirat. Ele-
taque omnia non dicam languida, insi-
sine Chatice aut Venere: sed multa: for-
dentia aut absonta, quæ non solum puritas
& elegans, sed norma & Grammatica re-
spuat Latitatis. Et horum ego sim auctor
Sine superbia dicam. ab illis suis iuuenilia
bus annis studium mihi & successus fuit
purior & venustè scribore, priscois imitari
qui in hoc genere regnasse. Cur non hæc
comparant, vt in Taciti mīcā *Prefatione*, vñ
Antiquis lectionibus, quas sub idem tempore
vulgauit? Hæc satis apud sapientes iudicet, id
est vos SENATOR ES crām: & vñ non solum
plagā in me nulla criminis, sed nec suspicio-
nis macula hæceret. Sed huber: tamen expa-
tiari longius, & toto campo discurrere, non
laborantem, sed insultantem. Age, ex ipso
scripto, quid si palam elicio & efficio, me
scriptorem nō esse? Nam vt faribus aliquid
ferè ad indicium; sic mendacibus soler exal-
dere, ad agnoscendum. Titulus libri præ-
fert, Oratione in hanc in Lugduno vrbē typis
excusam. Quero, in vtrā in Celticā illā lon-
giniore, an in hac nostrā viçinā? neutribi.
Sed

Sed cum rem inquisiuimus, compertum est; TIGURVM Helvetiorum, theatrum esse, ubi scena haec calumniæ instructa. Per fidem, hoc est fidem querere, in ipsâ fronte atque aditu sic videnti? Quis autem typographus latet, nos alius ibredimus, quâ Hoc meritus ille VATES. Sicut Pandatus, apud eumdein, grege sociorum tactus, ex insidijs Menelaum vulnerat: sic iste, & calumniæ sagittas spargit, in communij illo grege typographorum delitescens. Quin prodis ô homo? si vera, si certa affers, quin te verum certumque auctorem tenemus? sed inscriptio etiam examinetur. *Oratio dicta Iena, xxiiij. Iulij, anno cI. I. LXXIV.* Itane dicsta? & hoc te dicere, satis est? Quid si Magnechmus aliquis furiosus tibi?

— *Be sacram coronam surripuisse Ioui?*
Te in carcerem compactum, & virgis sub furca cœsum?
satis acceptum habeamus haec facta? atque utrinam duo facienda! Sed bona fide, SENATORES, quis innocens erit, si hoc dixisse sufficiat? Quis non aliquid meum aut alienum adumbrare potest, & sic protrudere? si illud valebit,

* Non licet aut fas sit, quia dixeris aduersari.
• *O'ux ῥ' & δὲ τοικε τὸν ἐπὶ αὐτοῖς.*
Latus ad calumniam limes, & in quo liberis quadrigis illa inuehatur & exultet. Claudi-te. & quod mos, quod ius postulat, si quid meum assertitur, subseratur & à me scriptu? Manum, inquit, meā deposito: ut germanum aliquid sit meum. Heu, quid feci? misser, in quæ vincula me indui? Vulcania: Mars tenetur, adeste dij reliqui, spectate, ridete. Certè ridebitis, nec magis in Atellaniis ullis aut manis. Cùm enim ab ipso illo typographo, in vrbe vestrâ, quereretur, meâ illa Oratio, & an manum meam haberet? Omnino, inquit, ipsa: & è chirographo eius expressi. Argutulus ille meus reposuit, Quæ igitur, sodes, illa scriptura? Bellissima, inquit: omnia munda, nitida, atque adeò capitales clausularum litteræ minio notatae. O noster Apollo, ô Pæan! non potuisti magis scopū tangere sagittâ certiore. Ego bellis & mundulis scribo? vellein: sed totam Europam testem * *γαλλικας huius habeo, & querelas sæpè, quod autographa mea ægrè vel non legant.* Quid amplius? minio Capita noto. Tuum sic mentientis decebat, sed stigmate prius inustu. Sed tamen aliud ecce manus meæ argumentum. nam *Volgus, & Volnus, & Volcus* scribitur: illo sci-lacet antiquariorum more, quorum ego vo-

I. LIPSI Operum Tom.II.

his dux & caput designat. O Blitomamma! — *en pliōs opéras ī xero puerita Z. S. Ego vſ. quam aut vñquam sic scribo, sic scripsi?* Rudeat aliquis non te, sed me, si insistam: & profecto cum Eupipide, — *kai hēs dūs p̄s, dūwōtēs rōs, m̄s oōpōc. b. Et hē graue est.* Vno dicto hoc rotu destruam: inca dilectam! Poseo eam, & urgeo: si profertur, ego Mætius siam, & ardeat illa in igne. Sed aliud etiam in titulo: dictam Ienæ ultimo Julio, anno LXXIV. Hein, hem! haec portenta sunt, quæ nullus expiet aut explicet ab Etruriâ aruspex. Quid ait? dic iterum, ego tune lena? Ienæ. SENATORES, ad Plautinam fabulam configendum est, & Sosias ille aduocandus, qui perindeat posse fieri,

tempore vero,
Homo idem, duobus vt locis finitus sit.
Nam ego non dicā illō niense, sed quatuor ante mensibus Ieniae non fui: è quâ migraui primo Mætio, & Vbiorum Coloniâ veni, nec Turitigos equidein vtrâ vidi. Quomodo igitur illi me? nisi, cum eodem Sosia,

Egomēt me illuc reliqui, & si forte oblitus fui. Haec vera sunt, & scriptis meis editis, & testibus semper affirmanda. At erratum est in numero. Non apparet, nam & ille antiquario isto mōte, consulto LXXIV. est scriptus. Haec in titulo mendacia: in ipsâ Oratione quæ pluscula, sed vnum etiam bellum. Facit me dicere: Ardet adhuc in vertice nostro sanguineum illud sidus, quem Cometam vocamus. Itane Cometes illo anno? Eluce,

* *Mēturas ἡδη, & πρὸς ἔξεστη σπένδε.*
Nos scimus, cometam vnum miti & Iouiali splendore fulsisse (non sanguineum arsisse) ipso anno LXXII: itemque alterum, grandem, minacem, caudâ inscopas porrectâ, anno LXXVIII. Vbi autem, & quando, tuus hic intermedium? nos in Europâ nulli vidi-mus: tu noue Eudoxe, ita illum in cælo, vt me Ienæ. Vah poëta huius fabulæ! quâ inalè & inconspecte cōpositi hoc argumen-tum? Nimirum magnum illud Numen est, & tutor etiam nostri Genius, qui mentem his talibus eripit aut obnubilit: & efficit vt non palam falsa solūm, sed inconsistentia dicant. Perierat innocentia, ait ille, sine qua nancia esset prudentia: non est. & volun-tatem magis nocendi, quam artem habet. Satis, satis, manum mentemque ab his sor-dibus: ad vos incliti SENATORES conuer-tor. Sperrite, ut cœpistis, eiusmodi calum-nias: spernite? immo & coercete, quod mu-nus vestrum, quod utilitas publica, à vobis poscit.

poscit. Si quis opes creptum cat, punitis: & non magis istos famæ & boni nominis prædones? Nam *fama quidem & fidelis danna* (ait verè Liuius) *maiora sunt, quam que esti- mari queant*: quid cùm ita publicè, & scriptis editis, inferuntur? Nam ore si quis calumniā aut conuicium facit, apud paucos, & in uno aliquo opido, potest: qui libris, & Typographiæ hac tubâ, quid nisi insonat & inflat eas in Europæ totius aures? Apud Indos legem fuisse olim didici, vt qui semel mentitus esset, ab omni magistratu, honore, munere exsors haberetur & repulsus: ô in istis reuocetur, qui tot improbis mendacijs caput & famam petunt innocentum. Quid innocentum? benè mereptū etiam dicam. & quid aliud tot annos egimus, atque agimus, quām vt nostris vigilijs & scriptis erudiamus, & viam ad optimā sternamus iuuentuti? Fecimus sine dolo: vt porrò sine noxâ aut metu liceat, vos SENATORES, & qui alij PRINCIPES ac rerum domini estis, rogamus. Imperium & coercitio vobis in improbos: vt imini. quia PRINCEPS (vetus vox aurea) QVI CALVMNIATORES NON CASTIGAT, IRRITAT. Ita vos cum rep. vestrâ, SENATORES, Deus floentes beatosque faciat, in hoc & illo æuo. Louanij, III. Kal. Octob. 150.

E P I S T . L X I X . *Lutetiam.*

ISAACO CASAUBONO.

ANIMADVERSIONES tuas in Athenæū accepi, gratum sanè donum te mitten-te. Agnoſco amorem, quem iure tamen debet mihi ſcio amanti. Quod ad ipsas, quid niſi te dignæ ſint? nec vel conetur aliquis tale, niſi interiore quadam & variâ doctri-nâ: quam tibi consenuſ tributum imus Caſaubone, qui aliquid ſapimus aut iudicamus. Fruere, atque etiam vtere: & vt hacte-nus, in publicum dimanent ab uberi hoc fonte aquæ. Fauere nos, hoc ſcito. & quid aliud? vna decurrere hoc ſtadium cùm lan-guor vetat, ille meus vetus; tum neſcio quod fastidium, quod vel tempora vel ætas in nobis gignunt. Laborum iam veteres ſumus, præmia ijs quæ noſti: extrema hæc ætas, quid niſi ſe aſpiciat, aut potius illa alta, quo imus? Nos & noſtra paullatim deficimus, & vidēnus ipſa illa ingenij opera

*tabescere & ire**Ad scopulum, ſpatio atatis defeffa vetusſte.*

Itaque vt in extremo cursu agitatores, cal-cem respicimus, & adſpiramus ad quiete. Erām quidem in Annæo noſtro, & pars magna peracta, ſed cuncto & obhære in reliquis, an ſpiritum & impetum recipiam, neſcio. volo, nolo, æſtimō, conteanno. Hoc ſerio volo, vt me ames tui peramantem: quod corde & fide dico.

*Zac. 8. Εὐτίσαρποις θεοὶ εἰς τὸν θεόν.*Vale. Louanij, XII. Kal. Nouemb. 150. *Deus mihi eſto, & omnes calices.*E P I S T . L X X . *Lutetiam.*

FRIDERICO LINDEBRVGGO.

PLVRIES te ſcripſiſſe quod adſignificas, id credere me par eſt: ſed & hoc te mihi, nullas accepiffe (vnas in Batavis datas excipio) quibus vices non derulerim respondendi. An in te parcā mi Lindebruggi, qui hu-iuſ officij paſſiuām, vt ſic dicam, operam ita largior, vt negem benigniorem in Euro-pâ manum eſſe? Gratulor tibi aduentum, & magis moram in eā regione, quæ tota hu-manitati facta, non dicam dabit, ſed augebit in te eius ſic ſtudioſo. Viros ibi habes in-ter Europæ lumina: noſce, accede, accende-re, & melior, doctior, clarior ab ijs redi. De legibus Longobardorum, & quæ adhærent, auidè exſpecto: & magis Glossariū. nam & ego in ijs (ſed meo ingenio, & ſine Theseo) aliquid inquisiui & indagaui. De typogra-pho autem noſtro, ſi ita ſtatuis, ad eum ſcribi: ego ſecūdas facere non abnuo, & eum adhortari. Cafaubonum illīc eſſe, mihi vo-lupe: an docturum tamen publicè, an in priuatis ſtudijs (non enim otio) futurum? Scripti ad eum, & pariter, credo, accipietis: vos & pariter me amate, ſic affectum inta-les. Louanij, XII. Kal. IX. breſ. 150.

E P I S T . L X X I . *Lutetiam.*

IACOBO AvgvſTO THVANO V.C.S.D.

DOMO & cōtubernio meus hic eſt, quem vides. Quid commendem? iam feci: & hoc nomine, ſcio, carum habebis, quia meum. Hoc petit, poſſe interdum aspectu, & (ſi vacat) affatu tuo frui: quod ſibi volu-ptati & fructui, ſed & honori apud alios ducet. Nomen ſummi viri patris tui iam olim te illuſtrauit: accessit à te lux altera, ne radium inuide ijs, qui à longinquis oris venerabundi accedunt. Hoc de Baronio: quid

quid ultra de me, quod nolim & nolis, sem
in morbo, nec illo veteri & familiarii tan-
cum, sed & nouus ad eum, & humor se insi-
nuavit in pectus, qui tredecim iam dies af-
fligit, & quamquam non lecto, tamen do-
mo & cubiculo sener. Quid nec solent, nisi
communis lex, Nationes precessa? I mulo

*Passi recessus est unde mortalium maledictio :
Ut tu, Vir amplissime, raro & sero, Deum
precor. Louanijs, viii. Idus Novemb.
15. Casauboni vsum fructum tibi gra-
tulor : cius litteris ante dies aliquot respon-
di, & hic itero salutein.*

E P I S T . L X X I I . *Burdigalas.*

FLORIMVNDQ RAEMVNDQ , Senatori.

Ego vero, Vir Cl. scriptum tuum contra
fodum & veterem errorem illum iam-
diu accepi, & accepisse me litteris sum te-
status. Ex ipsis etiam nunc inter meas sci-
das. An ego huic amori tuo non responde-
rem, quem sic acrem in me &, pñne dicam,
igneum ostendisti? abeam valde non ab hu-
manitate tantum, sed à peculiari meâ indo-
le, quæ verbis rebusque benigna est, & se-
exserit ubi copia cumque datur. Enim uero
delectauit me scriptum tuum, testificor,
suavi simul & argutâ eloquentiâ, tracta-
tione eruditâ, quam pietas ubique inter-
currit & commendat. Sed quid ego iudico?
habes magni illius, an summi potius viri,
testimonium, quo gloriari etiam ipsa Mo-
destia possit. Faveo tibi & gaudeo: mihi do-
leo, quod illum aliosque ibi rei Christianæ
apices visere & adire non fuit, ut animus
& votum meum erat. Verè enim hoc tuus
filius (quem reducem tibi gratulor) narra-
uit, & desiderasse me, & desideratum for-
tasse fuisse: sed Numen illud, quod nostra
gubernat & temperat, consilijs meis inter-
cessit. Valetudine me afflixit: quæ etiam
nunc languida, & à parui roboris filo pen-
det. Parca incidet, cùm volet: sed affectum
meum erga te non minuet, quem animo
insirum secum ille ad meliora loca ira vo-

ueo) feret. At de coniugio, quod tu à Mercurialibus nostris audieras, quam risum mihi mouit? Ego, vir optime, non recens in eam nassam veni, sed annos iam vigintisex custodia hæc me habet. Liberos tamen nullos genui, nec hunc coniugij fructum aut lenimentum Deus dedit. Tuos vt tibi, te vt ipsis longum seruet, corde cum

I. LIPSI Operum Tom. II.

rogo Vale vir Cl^{as}. Louani, xvi. Kal Decembris. I.C. 1700.

**Adolescentem quem mihi commendas,
iam meus est, & fauco & amo.**

EPIST. LXXIII. *Augustam.*

Maryland Venerables

MARCO VELSERO.

Aed Puteanum cùm per te scribo, an non
ad te vna? Docere arbitror, int̄o & de-
bere, cùm præsentia quod nunciem habeā,
de valetudine mē paullūm firmiore. In
lapsu ea fuit mi Velsere: & videbānur pa-
lām ire ad plures. sed Deus meus adspexit,
temuit, & in veteri statione iterū locauit.
Insistam, dum auoce, & turbida hæc liqui-
dis ijs mutem. Seneca meus iam mēnses ali-
quot sepositus iacuit: & testor Numinis, ani-
mus sæpius fuit deponendi. Ut nauis in ma-
laciā hæret: sic ingenium in hoc languore,
cui melior aura non adspirat. Quid igitur
pangam? luceum aut bliteum aliquid, &
quod priora nostra de honestet? Non semel
mihi is metus est: & ô te aut alium serio
amicum, si quis serio moneat, & aurem vel-
lat! Addo, quod etiam tempora & quum vi-
deo (falsus Calchas sim) quibus brevī non
dicam pretium, sed vix vita sit optimis ar-
tibus, quas iuimus & imus cultum. Tene-
bræ & barbaries imminent, & diffundent
se per Europæ nostræ campos. Sed Deus cu-
rabit: interea CENTVRIAM EPISTOLA-
REM tertiam edo, sed ad Italos aut Hispanos
tantum: & caussa mihi fuit sic disponendi.
Sequitur aliae, in quibus Velserus meus
agmen ducit. Martialis Raderi quando in
lucem? alij minantur, & antecedent. Mo-
ne, saluta, & tu V.C. corde salue. Loua-
nij, xii. Kal.x.bris. ∞.I.C.

EPIST. LXXIV. *Lutetiam.*

ISAACO CASAVBONO S. D.

ANIMADVERSIONES in Athenæu tuas
nuper vidi, nunc legi, quid sentio? tuas
esse, & vel ad inuidiam laboriosas & cru-
ditas. Fruere his Dei donis mi Casaubone
in eius tuamque gloriam, in nostrum om-
nium usum, qui meliore quidem illâ Musâ
capimus, id est, priscâ. At de Polybio tuo,
— ταῖος οὐ εἰπεὶ φύσις ἀδιάτατη; tu ut te- * ^{quod}
mebris æternis illum damnes? sic enim am-^{verbum de}
bigis & loqueris (obseruaui :) ah vanè,
^{clausis}
^{exiit oris}

Gg ; ah

* Nocti
per cultum
sublan-
dior.

ah stulte, & reuoca illud verbum? Quid verbum? facta pro me, & ipsum nobis dā in clara luce. Potes, aut nemo hodie. Hac tibi candidē, * undī tūq; abdū. **Quod nōmū** Neque nescio concurrere te in parte operis mecum: quid refert? Lipsij omnes hac in res sint, & mulatio cesseret, sed & figuræ istæ & morsus, quibus pereant petrinuicem literati solemus. Malo more, damnemus: īmō quia iuuamus potius & monēmus alij alios, ex priuato & publico vsu? Nelle, vēlis: & fac mihi age in MILITIA, quam tertiū imas reculū. Gratum erit; & corām si simus, ex ore meo videoas internū hunc candorem. Qui has tradidit, meus contubernio fuit. si comitatem ci exhibes (& rogo facias) mihi impul- tabis: De eodem nuper ad Amplissimum Thuanum: cui nunc corde salutem voueo. Louanij, iii. Nonas Decembris. 150.

EPIST. LXXV. *Lutetiam!*SEBASTIANO ROLLIARDO I^o.

Ego te, cum Varrone hoc dicam, mo-
do sc̄enatili tetigerim? * *εδωλος δημητριος μαιναληστριας*. loci fuerunt immoxij, puti, & niueos dicam, quia & frigus, credo, habuerunt. De morib⁹ tuis ne mihi verbum, scio sanctos esse: aut scripta tua mihi mentiuntur, character ille interioris mentis. Sed hoc mitto: in victoriā & triumpho tuo p̄nē ipse triumpho. O bona sententia, an censura, in se-
zum non semper bonum! & valde eum soluit, credo, & fibulam verēcundiae laxauit, licentia hæc bellorum, quæ tu incivilia iure appellas. Quando apud nos terminanda? nam vos nonne finem videtis, cùm extra fines ea ablegastis?

* At nobis
aliy obue-
niunt alii
de dolores.

Η' μη δ' αλλοθει δημητριος μαιναληστριας.

Queri, ac p̄nē indignari libebat, tñistem Belgarum sorte: nisi ille coēceret, & ingereret,

* *O farni,
dixi qui
successe-
mus iniquem* beo, ore dico, pro Carnine bello & erudi-
to, quod Senecæ meo præfigendum misisti. Præfigam enim: et si iam diu desij, ut obseruare potuisti, hoc genere scitamento-
rum condire dæpes nostras, ob asperos quo-
dam Morychos, qui has laudatiunculas in
meam culpam & superbiam trahebant. Q-

uoque oculum in huncq; mei ingenij igna-
tost. Exiliens & rite sum civili poti calu mi-
nijs segetam ipse tribi serauit, tñam Epistolas edam: in qua huma sp̄ito mo esse. Est can-
tū, dona vota & consilia amicorum audiam:
dum̄ boni etiā libet dicant, quod Dci &
ipsorum benignitate adhuc fui. Sed heus,
fas est te & qui me ambiā. *Salutis sacrificare:*
ita ab ipsis p̄nē Orcicantibus nuper sum re-
directus. Vivo tamen & spiritu, & tuus semper
mihi Rolliardo. Louanij, postrid Nonas
Decembris. 150.

EPISTOLA LXXVI.

JULY 11 1504
ANTONIO FABRO BODERIO,
Legata Regie Galliarum.

Quod petebas à me; etiam si nec p̄fis-
ses, faciebam. Amo & euro iam di-
adolescentem nostrum, quia à te commen-
datum, quia per se etiam commendatum;
& in deo est, quæ meretur produci. Quan-
tò autem libenter promptiusque faciam,
te sic rogante? cui vt gratificari & obsequi
velim, virtus tua & sine colore probitas
facit. Omnitto alia externa, quæ splendent
circa te, sed quibus origo est ab illis. Ergo
de præceptore in Græcanicis iam prospexi
illi nostro. unde? è meā domo: nec aptio-
rem potui aut fidiorē elegisse. Est adoles-
scens mihi à manu & studijs: cuitas operā fa-
cile caruero diurnam horam unam; quam
cùm illi impendet, etiam mihi sicut cupien-
ti. Fateor equidem decorum magis, quam
necessarium esse totum hoc Græcari: sed
in adolescenti cui ætas & ingenium flo-
rent, cur spernamus etiam & conspicere no-
limus hos doctrinarum flores? Sicut arbo-
ribus, quarum propria dos & finis est fru-
ctum ferre, etiam folia videmus congenita;
& flores: idem in studijs, & ornatum ha-
bent ac poscent, præter nudum illum pru-
deriæ aut sapientiæ fructum. Quidetiam
quod fama sic postulat? pone mihi litterarum
vitum in cœtu similiū, ubi lectio aut
sermo de Græcis: turpe obmutescere, &
cur tubore inscitiam fateri. Addo, quod
vix hodie nou dicam Latinè, sed Gallicè
quisquam scribat, qui non ex cā lingua in-
termiscat: hæredit ibi noster, & qui va-
dunt hoc transferat, exceptet? Nolim: non
tu quoque scio; Vir nobilissime, & vel fra-
tris tui (nunc inter beatos) illius multilin-
guis admonent exempla. Finio, & à magno
Dco

Deo tibi valetudinem firmam, mali bosci
uolentiam tuam deposco. Louanij, xii. Kal.
Januar. &c. Ioculam nunc nullam est
quam uero ibi non invenimus.

EPIST. LXXVII. *Motachium.*
THOMAS MERMANNUS, *Datus Medio-*
Conscriptio Ducis Balearie.

CURA tua pro Fieno nostro me quoque
afficit V. Cl. & ipsum illud in te amare
cogor, quod quem amo sic amas. Bono fa-
to Spadana ille uenerit, ubi te nouit, insinua-
uit, & amicidiam perpigit, quae affactim ei
non velupratis solum adfert, sed fructus.
Honestissimum enim hoc munus, quod
apud Principem vestrum obire in eius ma-
nu est, vni tibi debet: & suscipiendi, fateor
me auctorem semper fuisse. Quod ab initu-
to animo verus in teum amor expressit. nam
me tantum aut nostra si consuluissem, ma-
neret potius, & usui priuatim nobis, publi-
cè splendori esset. Usui inquam. nam & ego
imperatore hoc in morbo vtor: qui me la-
tens, ignobilis, tria iam lustra lancinat & di-
uexat. O triste fatum! quod & tibi conge-
nitum audio, & doleo: non tamen sine solu-
lacio aliquo mei, quod illinc deriuo & tra-
ho. Subit cogitatio, Tunc indignere & de-
querare in assiduo languore esse, cum medi-
corum isti principes non sint exfortes? En-
Mermannum tuum, eam non periti solūm,
sed prudentiam virum, & addo virtute, iacet,
nec se alte vllā erigit: tu erigere, & cogita
auctorem illum nostri occulta ea morbi se-
mina sic indidisse. Ut arbores aut stirpes
interdum folijs floribusque marcent, ob-
scuro vitio & ab radice: sic nobis sit. fera-
mus, & cum poētā dicamus;

* Namque οὐδὲ πολὺ ἀπλάσαντο θεοὶ Δηλοῖς Βεργίνοις
ita decre-
runt mor-
taliū im-
mortales
Affidi ve-
nient.

Sed ad Fienum nostrum. ille verò iam apud
vos esset: nisi eum quoque inuictudo, &
maioris metus tenuisset: quod ex litteris
eius satis disces. Nam profectò Istro falla-
cior sit, si apud tales Principes ludat. Publi-
ca apud vos parùm lata audimus, Canisā
nuper captā: & nobis etiam noster Mars
non ridet. Etsi Principes tamen optimos
habemus, & inuidia fati erit, si non felic-
es. Quod abominor: & te meaque V. Cl.
tandem propitiato numine saluero toto
animo voueo. Louanij, ix. Kal. Januar. an-
ni &c. Ioculam

-EPIS. LX X V PPI. *Lutetiam.*
FRDERICO MORELLO.

Div. filiuimus, lāguore tu ignauia, nescio:
sed illo potius, qui iam non hospitium;
sed domicilium me habet. Si camen & ista
mixta, haud excuso. & ut in morbis peccati
sum est, non habere mali sensum: sed bid
nō agere etiam spei, qui & mea mala sine cul-
pas agnosco. Agnosco: in te & emendo. at
que ecce manum ac stilum mihi laxasti,
quem vides, & quem dominus mea ad vos
misit. Qui est stirpe non est ē me aut mei
camen institutione & disciplina. & hos ca-
les, quasi adoptione propter Deum plures ut
hi dedit. Crescent, boni persistant, & tales
autem: inter eos te mihi Morelle. quod iste
gnarus mei sensus & iudicij, facit. Norit
inquam te proprius, fas conuenire interiū.
nam ipse vos & vestra videudi, atque ab ijs
descendi, finem. * Σπόδηνας habet: quia ado-
lescens etiam est, & vt ille ait,

* Οὐδὲ πολὺ μένοις αππέσπιντο πυκνοῖσιν.
Da, quæso, admissionē me petente: & à me
pariter siquid voles, scriptum factumque
cense. Louanij, iv. Kal. Ian., &c. Ioculam.

EPIS. LX XIX. *Bruxellam.*

BERNARDO MONTGALLIARDI,
Theologo Ecclesiastice eximio.

SALVTEM mihi à te non uiauit, & tuam
supereā curam, is qui hanc defert. An non
delectari me faceat? immo & erigi, ac inclinari
rem fieri, & paret, ut sic dicam, tuā hac curā
curari. Quāti te merito tuo semper fecerim;
qui me norunt, sunt testes: quibus crebro
aliquid de ingenij & eloquij tui laudibus
fuit audiendum. Quod si est: quid ambiges;
quin ab eo quem sic aestimem & aīem, vo-
tuū mihi sit amari? Atque ego ex famā
communi, raro fallaci arbitrā, priuūm te
noueram: ipsum deinde vidi, conueni, &
quod ante omnia pono, in publico audiui.
Quem? Homericum illum non senem, sed
quod admirationem augeat, iuuenem:

* Τῆν δὲ γλωττική μέλιτον τούτων ποιεῖ αὐθόν.
Profectò ita est. & Hercules Gallicanus illq,
quem maiores nostri coluerunt eloquentiæ
presidem, in te reuixit: & tu ille es, qui vel-
ut catenis devinctos trahis audientiū ani-
mos, in quam partem cuique cibis uisum.

* Cuius ab
ore fluit
vix retin-
ere dulcior
ipso.

Ovtinam mihi fas regustare tua mella: quia vt iij qui à dipsade percusſi ſunt, magis inagisque ſitunt: ſic nos, qui ſemel à telo tuæ lingua. Quia ita tibi tamē diſerta eſt, vt pia ſimul & fructuosa ſit. atque vt floribus alij ad odorem aut aspectum videntur tantum, medici etiam ad ſanitatem: ſi tu iſtis doctriñæ & eloquentiæ, non ad voluptatem, ſed in agis ad ſalutem. Maneo iñ voto, vt audiām: & id meo magno, quid ſi etiam tuo aliquo, bono? Non enim vt fonti qui hauiſit, luci qui vidit, nihil profuit: ita h̄ic eſt: ſed contrā, intellegens auditor & in rem ſuam eligens, aliquid etiā illi, qui docuit & effudit. Nam in vulgus quam multa pereunt? & tantuſcē eſt ijs vitreū, quanti margaretum: apud nos aliter. qui, ſine ſuperbiā dicā, bona arbitrari poſſumus & aſtimare: & quod caput eſt, arripere & imitari. Deus mihi det, & te longævum V. R. & Eximie tuendæ ſimul & propagandæ pietati faciat. Louanij, iii. Kal. Ianuar. 1551.

E P I S T . L X X X . *Gratium.*

MARTINO DELRIO, Presb. Soc. Iesu S. D.

I AMNVNC tuas accepi, mi frater, gaudij & doloris anceps: quia & illud capiebat, ob felicem tuum aduentum, & h̄ic non abibat ē diutino silentio tuo conceptus. Scis quanto? quintus inensis iam fluebat, cùm vidi tuas: scriptas anteā fateor, ſed vbi aut cuius culpā h̄æferint, noſter tamen metus ille fuit & angor. Obſecro, ſi me antiquū amas, enitere vt & ſcribas citius, & certius mittas. Nos valeamus, vt ſolemus: fato tamen nuper vicinillimi, & alibi iam pro functis habiti. adeò fama periculum interpretata eſt, & ſolens auxit. Abiit, viuimus, legimus, vix etiam ſcribiuſ, & Senecæ noſtro aqua h̄æret. Conabor cum viribus & animuim recipere, atque adeò ardorem: ſine quo mea quideim Camœnæ nihil poſſunt. Publica h̄ic ſunt, ferè vt reliquisti: etiam tumultus illi militares, paullum fracti quidem & minū tumidi; ſed vt in mari valdē moſto, etiam vibratio eſt & tremor, post tempeſtatem. Cetera ſilent, aut frigent. niſi quod Galli nos excitant & in ſe intendūt, magnis properiſque ſuccesibus in Allobrogico bello. Enuolui nos, boni timent, alij ſperant. Eſti nunc calidi & densi rumores de pace erāt: da vt validi, o tu ille pacis auctor. Nobis expediāt, vobis etiam illūc expediāt: qui-

bus valdē timere incepimus à Canisſa capta. Heu fraudem, ignauiam, an quo nomine appellem, ducum militumque! Sed & finitimi Germani, non dicam auertunt pericula ſua fortiter, vix ſerio aduertunt. Sanè iungi Principes noſtos inter ſcopus, quod conari omni ope Ponifex dicitur: utinam efficiat, & ſenac tristia h̄æc bella l̄at̄is & glorioſis illis mutet! EPISTOLAREM CENTVRIAM SINGULAREM (ita in ſcripsi) nullic edo, ad Italos & Hispanos tantum. Quid? contemno alios, & meos absit: ſed cauſas habui, quas aut videbis expreſſas, aut diuinabis. Radero iamantè meo ſubmiſi quædam in Martialem: & alia velim, ſi yelit occupatio, aut valetudo. Vel ſerum te vidiffe, & talem iudicaffe, gaudeo: neque ambigebam. Magnus ille vir etiam in priſco & magno ævo fuifet. Toto animo eum amo. Scis quod etiam te, mi Pater, æternū rogo fac mihi, & rariitatem illam ſcribendi emenda; neque ſimul per tuas preces. Louanij, vi. Kal. Febr. 1551.

Adfuit mihi hodie Ger. Riuius Typographus, qui Magicis tuis fecit primam, ſed illuſtrem, lucem. Cuperet tuā veniā recudeare, & Additamenta habere. Si potes, gratificare viro bono, & ego quoque rogo. Chartam, typos, omnia ex voto tuo promittrit. Reſcribe, quæſo, quid animi tui ſit: ſi potes, idem quod noſtri. Iterūn vale. In acti frigore, & per quod manus mensque torpet. Ideo ab alienâ hæc manu ſunt, ne mea incondita ſit moleſtia.

E P I S T O L A L X X X I .

MARCO VEL SERO S. D.

CENTVRIA noſtra prodijt, & mitti ad te iuſſi. Aliæ ſequentur: ſi tamen tutā à calumnijs hæc via. quas folas ſi fugio (nec enim laudem h̄ic appeto) ſatis eſt, & officium hoc largimur amicis. Officium. nam ego cā mente facio: in meliori ære vel operā exhibitus, ſi opes viresque meæ eſſent. Quem h̄ic vides, amicus noſter eſt, in re lautā elegantiarum & antiquitatum appetens, carumque amor in Italianam traxit. Neſas putauit te non videre, quem melior fama notum apud nos & longiū ſecit: tu mea cauſā vel leuiter fruendum te dona, & me ſerio taum ama. Louanij, x. Kal. Mart. 1551.

EPIST.

EPIST. LXXXII. Leopolim Ruffie.

DEMETRIO SOLICOVIO,
Archiepiscopo Leopolitano.

MAGNUM mihi gaudiuin, imò exultatio fuit, in scriptione tuâ tam amicâ, tam honestâ: sed quod tamen velut animi lumen nubecula aliqua mæroris an pudoris obduxit, cùm cogitarem videri me in officio cessasse, quod prior & vltro dignitati tuæ debebam. Videri, inquam, nec enim recessavi, sed ipse scribendo præueni: et si in missione nescio quid, casu an fraude, turbatum sit aut commissum. Annus iam & menses labuntur, cùm à Dauide Hilchenio monitus de tuo in me affectu: gratias litteris egi, & quanti facerem iudicia de me tua, quia maximi ipsum te ostendi. Verba hæc non esse, ipsam rem auctorem do, ecce meas litteras, quas iniunxi huic chartæ. At quin alias villas tuas, præter has, non equidem vidi: & benè sit viro nobili Hieronymo Ferrerio, qui iter istis aperuit, per tam longa viarum, felici successu. Quod autem benignè scribis, etiam in illo Sarmatiæ Europæ margine (verba tua sunt) illustre mihi nomen esse: lætari me id, sed cum aliquâ animi contractione fateor. quia conscientia vereri me adigit, ne parùm firma ea lux, & velut in aëre caducæ stellæ. Quid enim (pectore hoc promoto) magni in nobis nostrisque, præter animum & conatum! illum amicum virtuti, doctrinæ, & magis sapientiæ, non nego: & hunc, qui tentat gignere aut producere ea in animis aliorum. Hoc fine scripsisse atque edisse me scio: quæ utinam postuma, ut præsens hæc ætas, prober! Nam cùm aliter, & sera illa iudicia demutant: quid miserius hac classe nostrâ scriptorum? Nam cùm plebeijis istis & ordinarijs simplex atque una corporis mors immineat, nobis etiam illa ingenij: atque ita verè dixerim, vitæ vltoris cupidine, bis nos mori. Sed tamen, vt cumque posteri, fruimur interea hunc frustum; atque in re istum alium, quòd animus, dum talia pangimus, seriò abducitur à cogitatione circumstantiū vndique malorum. O noster, ô vester, imò ô Europæ status! quis eum fixis animi oculis videat, & non, cum loue illo Homericō, * aquarioras ac vñās destillet? Et illud inter omnia coquit maximè, capitale & sumnum, per disli-

dia hæc ciuilia, religionem cuniculis suspendi aut concuti: evertendam deinde bellis, quæ hostis ille Christiani nominis strenue, & heu feliciter, infert. Mala hæc nostri æui: in quis tamen & bonum esse licet, ac iuuat, & per vestigia maiorum (conari me firmiter scito) è fluxis his rebus transire ad illas æternas. Eas, et si pietas & virtus tua tibi conciliant; vt serum tamen id sit, & diu terris luceas, nostrum est votum. Vale, ô re magis quām titulo Ill^{me}. Louanij, xv. Kal. Maijas. &c. I. C. I.

EPIST. LXXIII. Leopolim.

HIERONYMO FERRERIO V. N.

QVID, quid hoc est? Sarmatia te habet, quem ego in Daciâ esse censem? quid magis etiam miri hoc est? tu Latinè ad me scribis, & ita vt si in grege nostro essem, vetus harum litterarum & solens? Mi Ferri, ab adolescentiâ in bellis te fuisse scio, & Martis illa castra coluisse, non hæc Musarum aut Mineruæ. Prodigium, non mentior, mihi visum: & nomen tuum agnoui, ipsum in scriptione abnui: sed vel inuitus & gaudens denique adsensi, te illum meum amicum, & crebrum inuisorem esse. Sed per Deum, cur totum hoc litterarum studium me celasti? cur, quâsi hospes in Latio, auertebas à talibus & sermonem & vultum? Homericus ille Vlysses mihi in mente, quicloquentiam callidè dissimulans, statbat initio immobilis, vt inquit, * καὶ χθονὸς ὅμιλοι * in terram lumina πήζει, & plane * αἰδηψ φαντάσαις: at cùm lo- fixus, qui cœpisset, tum emittebat illa* — Επί τα πρόσωπα τοῦ οὐρανοῦ. Cum eo te compa- milibus: rem in parte, qui hoc Latinè loqui aut scri- * verba ipsi- bere, callidè an modestè nos celans, nunc deniq; effundis copiosâ epistolâ, & Deum testor, decorè scriptâ. Quid tamen mirer? inter eos ibi viros agis, qui olim barbari, nunc nos tales faciunt: & è Græciâ simul & Latio pulsas aut spretas Musas apud se comiter habent. Itaque gratulor tibi in ea loca aduentum; & nec illi infido & vafro, aut fortunæ tuæ potes irasci, quæ tristis visa, duxit te ad res fructuosas simul & lætas. Atque illud etiam vnicè gaudeo, quòd magno illi Demetrio, re magis quām nomine Antisti- ti, innotuisti, atque adeò te probasti: ô viro quem yeneramus pariter & amamus! iam olim ex famâ, nunc ex tuis, magisque eius litteris, docte, prudenter, amanter ad me scriptis. Ac bene à te factum & * περονόττος, * decorè, quid

* fasidic, quid *περονώντας*? imò * *μαρτυρός*, quòd asseveraueris yltron me scripturum & priorem fuisse, si de tam insigni eius voluntate mihi constitisset. Profectò enim ita feci: & simul David Hilchenus (de quo scire aueo viuāne & valeat) simul, inquam, ille mihi tetigit de isto heroë eiusque animo: scripsi statim, & Fortunæ iniquitas non mea in se sita est, si litteræ hæ amissæ. Sed hæc de ipso, magis ad ipsum. de te, subindicas brevè ad nos redditurum. quod equidem non dissuadeo (quî possim, contra animi mei sensum, qui te frui desidero?) sed tamen quæ scæna etiam rerum apud nos sit, & scire te velim, & cogitare. Tristis est, & procul à nobis illa, quæ vicinis arrisit, * *εἰρήνη ἀγλαόποδος*: lensus Mars habet, rapinæ, seditio, & uno verbo, thesaurus malorum. Aliâ facie nà nouâ istâ facie status exspectabamus: sed frustrâ, manet illa tempestas quam Jupiter immittit (cuim Homero dicam)

* *τὰν μορθάντης οὐδέ πειστονταί μου χαλεπόν.*
* *Οὐτε δῆν' αὐδίσσεις κοπασάμενος χαλεπόν.*
irascitur atque minatur.

Sed hoc mala auget, quòd vix spes non dicam finiendi, sed leuandi sit: nisi quòd in Italiâ vestrâ mirificos apparatus audiimus, & planè regios, nec tamen in ipsâ (vt aiunt) explicandos. In barbaros ibimus? & tandem magni aliquid concipient patrabuntque magni isti reges! O Deus donet, & ponere aut seponere hæc minuta & atterentia bella: nec alio ferè fructu. Quia autem de bellis, age, tua * *Πολεμικὴ* quando luceam, & nos ipsa videbimus? quæ auxisse & poluisse te scribis, & quidé in Latinâ veste. Prodeant horrors, multa boni iudicij & peritiæ scio olim me in ijs obseruitasse. Bella etiam in tuâ viciniâ, vt tangis: & quidem vtrimeque: sed tangis tantum. Cur non uberior? iuuet nos audire longinquos illos fragores, magis quâm propinquos excipere hos nimbos. Scribes igitur, si illâ manes: sin autem, quid opus est? dices coram apud tui tuorumque sermonum auidos & amantes. Louanij, xv. Kal. Maijas, ∞. I.CI.

* *Consan-*
guineum
* *adfinis*
pernuptias, * *frater eius*
mea luno-
duxisse.

Ille, qui se * *διαιτησε* meum dixit: non est, ne * *περονώντας* quidem *κατ' ὑπερηφάνιαν*, nisi quòd Cetera, vir bonus est: & si quid ei benè factum meâ gratiâ, non est ingratum.

E P I S T . L X X X I X . Leopolit.

CYRILLO Magno Archimandrite Alexan- drue, & Exarcho.

HEVs heus, quid istud est * *οὐτε ποτε αὐτὸν εἴπεις* a venerabilis vir & doctissime mā Sarmatiâ, tu è mediâ Græciâ? Epistola enim tua sic dicit, pectoris * *πεπτικού μέντος* scripta: quam cùm legi, quid aliad mihi visus, quam * *χρήσθη τὰς τέμεντα σύμβλατα*; Atque tu etiam suavi cogitatione eò me pennâtuâ, velut illâ Pegasi, transfers: dum scribis, * *πάτερ πατέρων Σοληνόθεος έπειτα μὲτοις* d *Reuocatio* *διστι* *λέντος, ωσε καὶ τὰ πονηματά με* (ita loqueris) *έπειτα μὲτοις* *πέμψας*. O virtutum amoris, nescio an iudicij, præclarum! Egône aut, mea tanti, vt in illam cultissimam olim munidi partem, ista * *ρακώματα* mittantur? Et de amore quidem, f *χαρεῖς μὴ δὲ αὔτοις* f *gratias illi πεπλάνεις ὄφελον αἰδεῖς*: at de iudicio, ε *καὶ σαφῶς* multis debere scio. *μοι σύνοδος εἰς δέξιαθεντι τέτοιον*. Etsi tamen ea g *non μεταβλέπεις*, ωσε τὸ ἀντόματον ēν ἡμῖν περὶ αὐτοῦ *καὶ οὐ τοπεινόν*, *διπλέον περονώντας* *καὶ στιμονίας*. Atqui & tu mea vidisse scribis, & ipsum me cupere, si quis Deus daret. O si te, si me audiat! libens latusquid voti huius damner, & animum & corpus in quo tam candidus ille habitat, vna amplexar. At nunc cùm nostra, cùm vestra video, & utroque *πολέμων δεῖλας*: cùm et iam meam valetudinem sic tenui filo nemam, καὶ δὲ μηρᾶς αἰσφερδύνην ῥαπῆς: equidem k *leniamento suspen-* diffido *χαρίσεις τέτοιο τὸ χαρίσα*, & non nisi pensam: *ανιμοτείνειν* videbo, in eoque gestabo. l *gaudiorū me hoc* Faciam certè. & te *οὐ ωὐτε λογισθεῖσα, μὴ τὸν γαudium,* λόγιον, φιλῶν ē τιμῶν διατελήσω διζήσε. Louanij, m *οὐτοῦ* *doctissimum,* xv. Kal. Maijas. ∞. I.CI.

E P I S T . L X X X V . E Ódem.

IOANNI ALNPECKIO, cui Leopolitano.

NEC mussa, nec excusa, si me alloqueris, litteris neque inscritis, & certè affectus optimi in me plenis. An ingratum habeam in illo quoque axe me amari, mea aestimari? Facite, nec in redamando imponam: utinam mea tantum firmiter habeant id pretij, quod ijs nouitas aut vester amor indixit. At de Ioachimo noto mihi olim (& cuius frater vxoris meæ sororem coniugio habet) gratum, quòd ei et si in iustâ causâ, meâ

quem nō osti tuō nexum ac pēnē insitum
esse. Sic sit æternū, & vale. Louanijs,
viii. Kal. Maijas, &c. I.CI.

Epistolæ nostræ minore modulo recudun-
tut. sustine quæso, vt sic habeas, commo-
diōes translattit. Breuī fiet. Salutat te P. Leo-
nardus, & contubernium meum.

EPIST. LXXXVIII. *Lutetiam.*SEBASTIANO ROLLARDO ^{1^o}.

LITTERAS tuas vidi, nondum Batoniūm
qui præmisit securus. Quod fauoris
tui auram adspicasti inueni, gratum acce-
ptumque habeo: & is finis Galliam visen-
di, vt vos tales videret &, si daretur, insinua-
ret. Benigne & comiter à te factum: gra-
tias habet, ad eo non requirit aut queritur.
& ego me fateor illi vinculi eius partem ve-
nire. Tene nos, solvi non lübē: dies tan-
tum illa, quæ vīdictā manūmittit, afferat
in libertatem. Ego in otio, sed segni & quod
depeccer, si Numen aures votis meis dō-
net. Valerudo abiecit, & litterulæ nostræ ia-
cent,

*nam mibi
dij curas
alias pepe-
terane.

Quod V. C. Gosselinus sic benignè deferr,
vtraque mariti arripiam; si sim qui soleo:
hunc animo. & gratias (serio rogo) à me ha-
be, & non abracré me tamen; sed differre
donec possim vti. Quid autem vos illi acres
& instantes, in hac altâ pace? ubi scripta;
& eius fructus? An si forte litteræ à vobis
quoque abeunt, ut orbis est hic terum; in
alium orbem? Ego ijs diuturnam aut stabili-
tem sedem apud nos non omissor: inuitus;
sed res eō ducunt. Omitto. * Θυμόν μύθον
te amplector, & saluto. Louanijs, prid. Kal.
Maijas. &c. I.CI.

* Sermo-
nem mor-
derem
animum:

EPISTOLA LXXXIX.

ANTONIO FABRO ^{1^o} S. D.

Nunc Roma.

TENE, Vit clarissime, per ambages cir-
cuire & vehit excusare, quod ad me scri-
bas? Ah, tales s'apè Fabri strepant circuim-

* Qui cum Palladea-
rulea mult. fassa
atq; artis ^{1^o} * O's μήτ' Αὐγαίνε γλαυκόπιδος αγλαστρα
domis mortales. ^{2^o} Αὐθερωτος εἰδίστησθε χθονός.

id est Vul- Certè ex illo es, & iamdiu agnoui, cùm
canes. * multa & * πλευράλατα scripta tua viditus, quæ Thé-
elaborata

mide & Musa fauentibus, an dictantibus;
emissisti. Et tu talis, sic vltro, sic benignè, me
compellas? agnorem defers, & poscis? Acci-
pio mi Faber, teneo, in Vulcania vincula
compingo: & vñā me illaqueo, libens cum
tali Venere ætatem hæsurus. Nostri Apol-
linis & Mercurij Homerici vorum, quod in
mente habeo & imitor, illorum si non sa-
cerdos, minister aliquis & camillus. At tu
me attolis, frustra, non secuturum. Pondus
meum me detinet, & simul modestia: quam
vnam virtutum amare, me fateor eximie,
reliquarum parentem, & Sapientiae ipsam
prolein. Quid ego aut mea sumus? non
magna, nisi à vestro amicorum affectu.
Quid ipsi illi magni, & mirandi? riuuli aut
canales diuinorum munerum: & imputare
nobis nihil possunt, nisi accepisse. Itaque
laudes vestras audio, non imbibo: amo ta-
men, & habeo veri amoris testes aut iudicia,
cuius prima illa nota est, cæcum esse. O mi
Faber, vñam videre & videri in sanctâ illâ
vtbium licuisset, valetudo derituit, non oc-
cupatio, vt tu suspicaris! & illam ipsam vi-
cissim fortasse aut spreuissem, si gnarus
fuisse in talesibi Vulcano aut Cynthios et-
iam esse. Nam & hunc addo. Cynthiorum il-
lum, inquam, purpurei senatus columbæ, &
virum virtutibus proprijs claram, & alienis
aureum! quem ego faueo non huic Rō-
mæ, & pñne inuideo, veteri illâ dignum.
Sed quod abeo? vereor vt tu, priusquam illuc
hæ litteræ quæ tamen cessatio non mea est,
sed eorum quibus scripta vestra commissa:
& herè demum fasciculus ille ad me venit.
Hoc scito, excusa, ante omnia me cultorem
tuum olim, nunc amicum amam. Louanijs,
prid. Kal. Maijas. &c. I.CI.

EPISTOLA XC.

ANTONIO FABRO, Legato Regis.

Gallie S. D.

ADOLESCENTEM nostrum migrare,
Amihi quoque è re videbatur, nec diu-
tius in illo puluere vñitari. Eò iam per-
uenit vt bullam ponere, & togâ liberâ pos-
sis insigniti. Sed tamen ita liberâ, vt inspe-
ctor etiam sit qui coercat, & videat ne in
isto flexu ætatis alicubi hæreat ad metam.
Videor inibi repperisse idoneum, qui & no-
biles aliquot, idem fete ætatis, in contu-
bernio habet, & eosdem priuatim etiam
docet ac format. Tuum adiungi si placet,
dabo

dabo operam, vt modico impendio, & magno eius commodo, fiat. Nam definire aliquid aut transfigere cum altero non visum est, neque debui te inconsulto. Si igitur suffragium tuum accedit, porro imus, & rem hanc, cum bono Deo, dabimus confectam. Ego ipse autem non definam & curare adolescentem, & in oculis habere, & te, Nobilissime Domine, in hoc corde tibi deuoto. Louanij, iii. Idus Maijas. &c. I^oCI.

EPIST. XC I. Lutetiam.

NICOLAO BRULLARIO, SILERIO,
Præsid.

CVM è Romanâ legatione, re feliciter & ex vsu gloriaque regni, ex voto Regis tui confectâ, redisse te audirem; animus adegit gratulari, & simul affectum scriptione renouare, quem virtutibus tuis, sed & in me affectui, fateor debere. Louanij, cum illo Nestore vestri regni, benignè me vidistis & vtrò cōuenistis: hæret in animo comitatis huius memoria, sed & filij tui, quem apud nos ducendum formandumq; reliquisti. Eum pro votis, aut supra tua vota esse & assurgere, equidem ominor: vt indolem illam vidi, modestâ virtute & acri ingenio laudabilem: quæ, spero, Italia non libavit, potius adiecit atque auxit. Felicem, qui in tuo illo cōtubernio! vt virtutem laudemq; non stirpi tantum debeat, sed exemplo. Ego me tui cultorem, illius amantem, corde profiteor: & Deum precor tibi seruet, illi conciliet dignitatem, quæ regno, regi, vobis vtilis, honesta sit, & salutaris. Louanij, prid. Idus Maijas. &c. I^oCI.

EPIST. XC II. Lutetiam.

IACOBO AVGVSTO THVANO, Præsid.

CVM hæc occasio esset salutis scripto libandæ, feci: vtinā oris sermonisque tui libandi, quò sæpè & iamdiu adspiro. Nec enim nego, Galliam & res quattuor in eâ oculis usurpandi acre mihi desiderium: sed vereor vt hoc tantum. Ego paullatim eo, — quò dines Tullus & Ancus: & conscientiam saltēm inecū feram, quòd, si non iuuerim, certè amauerim, coluerim, adiutas proœctasque voluerim optimas, id est veteres, artes. Nouitia hæc omnia parùm ad meum

I. LIPSI Operum Tom. II.

palatum: mores & viros antiquos amo, & — hos vtinam inter

Heroas natum tellus me prima tulisset!
Frustrà, in hanc scenam an arenam damnatus sum: partes meas ago, aut potius egi, bona & bonos amavi, te mi Thuanc. Louanij, prid. Idus Maijas. &c. I^oCI.

EPISTOLA XC III.

FRANCISCO PYTHOEI I^o. S. D.

BENE sit Malinæ, hoc quoquenomine magis meo, qui viam scriptioni ad te aperuit, iamdiu inter animo huic caros. Etsi quid Malinæ? tibi etiam debeo, qui beneficio & dono eam eliciisti. Gratum est: sed & illud, quòd in Senecam auxiliari polliceris. quem eidem in parte absolui, sed Epistolæ restant. O me beatum, si coram frui & consulere detur! Fatum inuidit, ego huic qui fecit & faciet: etsi optimi commatis virum pænè iuxta ac me amo. Rogo te mihi aliquid affectus eius largire, quem scis me in fratrem (nunc beatum) & in te constanter habuisse. Ita blanditiæ audiat Fides, audiat Veritas, hæc ab ipsis esse. Bruxellæ, quòd anxi caussâ iueram, Kal. Jun. &c. I^oCI, in circumstantiâ amicorum.

Si quid in Senecam, quæso matures: atque vtinam operam conferat ille Faber! Poterunt tutò Antuerpiam mitti, ad Moretum.

EPIST. XC IV. Lutetiam.

SEBASTIANO ROLLIARDO I^o.

EN iterum à me, quem produco. Vides adolescentem? scito ingenui animi ac morum esse, non sine comitate quâ delecteris. Rogo admittas, & visi, amari, coli ab eo patiaris. O si mihi primum esset! duo alia feci & faciam semper. Louanij, viii. Kal. Jul. &c. rāx̄sa inter appellantes.

EPIST. XC V. Lutetiam.

NIC. RIGALTIO, S. D.

LITTERAS, & cum ijs donum à te accep-
ti, Vir Cl^{me}. donum, quale meo animo lubesceret, id est è gazis Charitum & Mu-
sarum depromptum. Certè ex interiore lit-
teraturâ, & vt sic dicam, **μεμνήσις carum* ^{sopofitis} _{qibis}

Hh ista

ista sunt, quæ tu ingenio & industriâ in lumen protulisti, victura in tuam famam & publicum usum. Satis id mihi acceptum est, nec fidem mei dicti ætas mutabit. Itaque gratias dico habeoque, animo quam verbis largius: & illum tibi offero, etiam, si non acceperis, tuum.

*Istæ dictæ te experiri & operis & factis
volo.*

Iamantè & Onofandrum tuum videram, & in ^{*scintillam} eo ^{eternam} altioris meliorisque huius mentis: felicioris, quod duces aut directores non desunt ad bona aut honesta. Inter quos profiteris Pythœum illum, à puerò amatum mihi nomen, ô virum (viros utinam possim dicere! sed alter abiit) & clarum patriter & magnum, sed non pro magnitudine etiam clarum. Adeò virtus illa se contenta lucem non querit, quæ ultra tamen circumfunditur, & vir ille ^{sacerdotum} ^{et} ^{Cælestis} in honesto, ob ipsum, delectatur & acquiescit. Pergit suum cursum,

— *ficut cælestia semper*

*Inconcessa suo voluuntur sidera lapsu:
voluntur, & sine aliâ spe iuvant & lucent.
Tu mi Rigali illum æmulare, me ama, bona fide (dextram accipe) amaturum. Louanij, iv. Kal. Iulij, 1501.*

E P I S T . X C V I . Pragam.

IOANNI DYENBERGIO A REMEN
S. D.

SERA tua scriptio, aut certè tarda videri poterat: quippe post biennium: sed humanitatem, gratitudinem, beniuolentiam ita vberem præfert, vt recens in te non solum affectus, sed aspectus noster vivere videatur. Profectò radices ille egit, & assurgere in legitimæ amicitiae arborem potest, si litterarum hoc affatu foueatur & velut irrigetur. Cui tu quidem originem à virtute aut eruditione nostrâ facis, addisque humanitatem: quam solam agnosco & amplector, aliarum quid nisi studium in me proficeror? Sed humanitatem certè libens erga tui similes, mi Dyenbergi, exerceo: quos honesti amor ad nos & longinquas alias oras mittit, & per Academias circumagit, id est per fora quædam & ^{nauis} ^{artium} bonarum. Quibus pretium quod in tuâ illâ nobilitate etiam esse significas: volenti profectò mihi est, nec miranti, qui iamantè in eo tractu erectas & ingenuas

istas mentes vidi, & ausim dicere, reliquias & semina quædam Romanæ gentis. O si Pax, mater artiū, vos adspiciat! si Barbarus ille hostis aut fortiter minus, aut feliciter, pugnet! beati vos, & illæ sedes, in tranquillo & moderato imperio, super reliquam ferè Europam. Nobilissimi viri Adami Galli Poppellij manum vidi & exosculatus sum: quid nisi à tuâ prædicatione sic in me affecisti? Ipsi respondi, vt debui: tu & tuum erga me amorem serua, & illius (nam certè cupio & aestimo) si opus est, foue. Vale mi Dyenbergi. Louanij, III. Kal. Iul. 1501. Litteræ tuæ seriùs mihi redditæ, nec virum illum nobilem Hatthardum Spehe ego vidi. Alioqui me & mea, te commendante, prompta habuisset.

E P I S T . X C V I I . Pragam.

ADAMO GALLO POPPELLIO
Baroni Lobkovitio.

DIVINVM aliquid (non blandior) hæc tam exuberans humanitas tua habet. Ita non ultra meamas solum, sed adis, & honestissimâ scriptione compellas? Mores communes si video, non solet, non decet: si tuos, debes, pro indeole quidem quam melior Deus dedit. Ut enim ille ipse beneficia sua vel ignaris, vel certè non potentibus donat: sic à te factum, & affectum affatumque offers, quem meum erat eliciuisse. Capi me fateor, & iamnunc vide re te videor.

*Tranquillum vultus, submittentemq; modestè
Fortune vexilla tua.*

Quem ego quidè eò pluris facio, quò magis à fastigio tuo descendisti: & quod referram non habeo, nisi, non dicam gratias, sed cultum & venerationem tui, deinceps in pectore hoc sedem habitura. Etsi quidquid illud est quod honoris mihi habes, facile intellego per me optimis artibus habitum: in quibus utinam sic promouisse me, animo hoc teste dicam, quantum tuo vide mur. Sed conati tamen sumus, & à puerò candidati earum fuimus: si quid minus promouimus, vel temporum publica hæc miseria, vel privata mea inualentia causam sustineat: cum quarum utraque, fato quodam, conflictati sumus. Et ecce tam anni grauiores, & cani me incipiunt spargere: abimus, non nisi conscientiâ optimæ voluntatis felices. Scripta quidem mea aliquot ex-

exstant : sed fortasse in numerum , sicut

— *vaga cingitur astris*

Luna, & in Oceanum riui cecidere minores.

Vt cumque est , odiisse ea non debeo , quæ vos tales mihi conciliant : postera modò ætas sic iudicet , aut sic erret . & tunc profectò

Attingam solium Iouis, & celestibus æquer.

Illi te, Illustrissime Domine , incolumem , & tibi sartam testam hanc BONAM MENTEM seruent. Louanij, prid. Kalend. Iul. 151.

EPIST. XCVIII. *Gisorium.*

ROBERTO DENYAEO, V.N.

Q uod litteris tuis gratiam mihi habes , pro curâ aliquâ & affectu erga liberos hîc tuos , gratum sanè est , sed vix opus , si morem aut indolem meam nosse. Ita enim non assueui solum , sed natus sum , ut libenter me impendam , sæpè etiam serijs relictis , in commoda iuuentutis. Etsi quæ seria magis sunt ? & aut ego fallor , aut recip. accedit , quidquid in istos confero , qui illi crescunt & adsurgunt. A iuuentute bonâ aut malâ , factâ aut rudi , res publica aliquando talis erit , cùm illi inter rectores & præfides eius erunt. Est etiam hîc caussa alia . quod faueo nationi tuæ & factum volo , cuius inclinationem in me & benignitatem semper sensi. Denique & tua humanitas accessit . coram vidi , conueni , & quid dicam ? quod res habet , captum me à te esse : tu & tui vitaminis , si quid possum aut me decet. Louanij , iv. Non. Iulij. 151.

EPISTOLA XCIX.

BARTHOLOMAEO BUCOVIO

Pomerano S. D.

GRATVM ante menses te videre , gratum nunc in litteris recognoscere , & agnoscere perannantem affectum. A me idem nuncio , nec claudicabit mutua hæc affectio. Belouium tuum porrectâ etiam fronte & comi sermone excepti. E nimuerò post breue colloquium ego quoque ad stipulari ei modestiæ & honestatis potui , & acris desiderij lustrandi & di-

scendi.

Quod vbi iudicio fit , & rerum hominumque obseruatione & adnotatione , incredibiles in animo fructus gignit. Te eodem hortor mi Buchoui , & post Gallias Italiam illam lustra , artium & elegantiarum omnis parentem. Quæ profectio ut votiva tibi sit , & in eâ postque eam salueas , superum numen rogo. Louanij , vii. Kal. Sextil. 151.

EPIST. C. *Spiram.*

FRANCISCO LEISTINGO S. D.

S AEPIVS tuas accepi , nec meas reddidi , quia amorem aut officium præferebant tantum , vix quod exigeret responsi vices. At nunc & publica quæ significas , & priuata eò vocant : & si non aliud , tua quoque assiduitas manum & stilum mihi soluat. Certè quæ de affectu , quid affectu ? re ipsâ & testatione amoris Ioannis Mintzbergij , Prioris Carmelitarum , nuncias , gelidum aliquod & lentum pectus moueant : magis meum , quod natum factumque fatior incalefcere & amare. Cum poëtâ hoc dicam ,

— *potius fugientia ripas*

Flumina devinas , rapidis aut ignibus obfes , quâm amantem redamare me vetes : præser- tim vbi dotes & virtus , quæ inuitent. Felicitatem hanc meam censeo , & sine typho ia- cito , à multis bonisque amatum esse , amasse pariter : & id pluris facere ,

Quâm si me liquidus Fortune riuis inauret. Itaque audacter illi de mutuo meo affectu sponde , neque noxam (ex veteri monito) exspecta . non fallam , neque ero — *ferre iugum pariter dolosus.* Sed haec priuata : pu- blica quæ tangis , parùm læta. Electum ad dignitatem quem dicis , auersâ aure boni audiunt : et si mutandum eum aliqui optant aut sperant . vix ego , in hac æstate : — *nec amissos colores Lana refert medicata fuso.* Sed Deus hoc viderit ,

Potens vel imo tollere de gradu

Mortale corpus , vel superbos

Vertere funeribus triumphos.

Atque vtinam de Afiano illo hoste vos triumphetis , quem aduentare audimus iræ minarumque plenum : nostris adhuc desidentibus , & velut exspectantibus ut iniuriæ opportuni fiant. Alexander Macedo vbi es ? cuius illud innotuit , *victorem fuisse , NIHIL DIFFERENDO.* Tamen in Italia

Hh 2 appa-

* Μέγας αὐτὸν Θυμὸς ἐπείδει

Δῆμον εἰς αὐλοδαπὸν ἔτει.

— LIPSI: Operum Tom. II.

apparatus , imò aggressio , & classis iam octoginta triremium , Auriâ duce,in com muncin illum hostem oram soluit ; quò tamen , & quâ peculiari destinatione , ne scimus . Apud nos Ostenda obsidebatur , imò oppugnabatur strenuè , & robur item obfessos non deserebat , optamus ut for terna . Bercka ad Rhenum , parte alterâ , clausa item ab hoste : & copiæ nostræ ductæ ad liberandam , spe & metu , vt fit , alternante . dies vhus aut pauci hoc decer-

nent . Te autem , mi Leistingi , omne æuum firmum in amore mei cupio , quem in te certè habui , habeoque , ventilante velut flabro virtutis , modestiæ , & comitatis tuæ accensum . Serua istas , blandas conciliatrices non ad amorem solùm , sed honorem : ad quem , Doctrinâ etiam alleuante & manum porrigente , conscendes . quod ita voueo & ominor , tuo tuorumque gau dio , & patriæ bono . Louanij , postrid . Kal . Sextil . 1551 .

A P P R O B A T I O.

Hac ad Germanos & Gallos i. LIPSI V.C. Centuria digna est qua ad publicam studiosorum utilitatem in lucem exeat.

Gulielmus Fabricius Nouiomagus , Apostolicus ac Archiducalis librorum Censor .



IVSTI

IVSTI LIPSI
EPISTOLARVM
SELECTARVM
CENTVRIA PRIMA
AD BELGAS.

I. Lipsi Operum Tom. II.

Hh 3

Істілапі
ЕПІСТОЛЯРЫ
СЕЛЕГАРЫ
ЦЕНТУРИЯ ПРЫМІ
АДЕЛОВ

**ILLMO DOMINO
D BATHAS ARI
DE GVNIGA
REGIS
HISPANIARVM ET INDIARVM
LEGATO.**

ENTVRIAM hanc EPISTOLARVM ad te
 ire volui, et si ad Belgas ea esset. Nam quam-
 quam non tu è nobis (Hispania veteri &
 inclytà stirpe dedit) tamen es in nobis, &
 maximi Regis missu Letatum apud Princi-
 pes nostros agis, id est consilij & ingenij
 tui copiam in rebus arditis facis, & salutis communi nostræ cu-
 ras. Publica si omittam, & ipsum te adipiciam : magis etiam
 velle debo. siue quia virtus singularis & doctrina tua (rarum
 in hac nobilitate ornata) ita exigunt : siue affectus in
 me , quem ab initio aduentus purum magnumque declarasti.
 Et quidni purum? nihil in me , aut circa me , quod adumbrare
 inducat: quicumque talium magnatum ostendit amorem, etiam
 habet. Sed tamen iste ipse affectus ortum ab illo tuo in studia
 doctrinamque ducit : quæ , vt dixi, inter paucos eximiè colis,
 eaque laus Præcipui quodam titulo tibi debetur. Quidquid
 temporis à Regijs publicisque negotijs vacui habes , huc con-
 fers :

— animusq; vicissim

Aut curam impendit populis , aut otia Musis.

Atque utinam plures tuæ classis ita sint animati ! non verear
 dicere , illorum ornamen to , reip. præsidio id fore , & con-

sultius feliciusque administratum quædam iri. Veteres illos magnos Imperatores aut Reges si videam; tales facere: si amicos coram aut administratos tales. Atque æcum hoc nostrum ante centum circiter annos, cum ceperit lucem nunc videtur & rebus inferre: iterum, nescio quo iniquo Europæ fato, suppressit, & dignissimas honestissimasque artes, ab aula, à nobilitate, à purpurâ, ad scholas tantum & medium pullatamque turbam velut relegavit. Fata Tursum humi fragant: ego ad te meum, & si quidquam cuiquam, bono atque interiore animo, tibi **ILLVSTRISIME DOMINE**, hoc quidquid est libelli do, dico: utinam virtutis tua tam perpetuum, quam mei affectus cultusque sincerum monumentum! Louanijs, ix. Kal. Mart.

¶. I C C II.



AD

AD LECTOREM.

APE ad BELGAS tres Centurias mi Lector. Quid? ita copiosus es? Vides, & semel dare cum cœpi, toto horreo admetior. Commasculani frontem: utcumque res cadet, * ἐπίφθω κύβος. intra epo
alca.

Scio equidem & bonas quasdam (ut in meis) que de talibus, aut ad tales erant, me omisisse: nimirum quia vitare calumniam elegi, quam deprecari. An & sic effugiam? agere in hoc genere: quod simplex, calidum, candidum, me & mea, etiam interiora & parietibus clausa, exponit. Speculum animi liber, vetus verbum fuit: sed verissime de Epistolis dicitur, in quibus & affectus nostri, & penè cogitationes

Votuā veluti, pateant, depicta tabellā.

Quid ad me? esto. Linium Drusum memini olim magno animo dicere architecō, qui ultrò pollicebatur domum struere ab omni aspectu aut respectu liberam: Quis tu, siquid in te artis est, ita compone ut omnium in eam oculi coniici possint & admitti. Pari, inquam, animo, videant me & mea, familiares etiam sermones & sensus. Sed videant tamen recto aquoq; oculo,

— procul atra recedat.

Inuidia, atque aliò liuentia lumina flectat.

Nam illa, aut Calumnia, si accedat: quid tuti hic est? nec Pallas agide suā me tegat. Illud ultrò profitemur, leues quasdam aut tenues intercurrere: & ut aenam aut loliū in meliore fruge. Quid mirum in hoc numero? facilis emendatio. non lege, sed elige: quod licet, & in quavis epistola aut incipis aut definis. Vale.

INDEX

EPISTOLARVM SELECTARVM

CENTVRIÆ I. AD BELGAS.

A ntonio Beffæ Negrino	lxvij.	E manueli Ximenio, Lusitano	xxxvij.
Antonio Richardoto suo	lxij, lxxiv.		
Asconio Columna, Cardinali	xlij.	Erycio Puteano	lxxxix.
C		F	
Cesari Baronio, Cardinali	lv.	Francisco Montmorencio, V.N. Bersei Topar-	
Carolo Desderio	xxix.	che	lxxxiv.
Carolo Malinao, à consiliis maritimis	xlvj.	Francisco Orano	lij, liv.
Christophoro Assonillio, Cōsiliario intimo	xxxv.	Francisco Vander-burchio Decano	xx.
Claudio Dausquio, è Soc. Iesu	lxij.	Friderico Taubmanno P.L.	c.
ad Contubernales suos, &c.	xliv.		
Cynthio Aldobrandino, Cardinali.	lxxvij.	G	
		Gaspary Tayo V.N.	lxxvij.
D		Georgio Austrio, Preposito Louaniensi & Aca-	
Dionysio Villerio, Candnico & Cancellario	ij,	demiae Cancellario	xcij.
lxxj, lxxxv, xcj.		Gerardo Corselio I ^o	vij.
			Gerar-

Gerardo de Hornes, Baroni Bauffignaci, Toparchae Iscano	xxv.	Marco Aurelio Vallenfi, Illmo Nuncio à Confiliis & auditionibus	lxvij.
Guilielmo Breugelio V.C. Consiliario Regio	j.	Marco Velfero	lxxv.
Guilielmo Scarbergero suo	lxj.	Maria Gornacensi	xxv.
H		Martino Delrio, Presb. Soc. Iesu viii, x, xxxiiij,	
Henrico Sedulio, Ordinis D. Francisci	xxviij.	xcv.	
Henrico Strauio, I ^o & Canonico	xxxij.	N	
Henrico Vannetten, Presid. Aerarij P.P. in Brab.	lxxvij.	Nicolao Brandio, Consiliario	lxxiiij.
Hieronymo Berchemio	xxij.	Nicolao Damantio, Cancellario Brab.	xcvi.
Hieronymo VVingio Canonico	xvij, lxxxvij.	Nicolao de VVeerdt I ^o	lvj.
Huberto Audeiantio suo	lxvij.	Nicolao Fabro, doctori iuuentutis	xxxvij.
I		Nicolao Oudarto, Canonico & Officiali	xxiv,
Iacobus Bonfræo, è Soc. Iesu	xlix.	xlij.	
Iacobus Carondeletio, Cancellario & Canonico	xiv, xix, lxxxij.	O	
Iano Lernutio suo	xxvj.	Ottavio Episcopo Tricaricensi, Nuncio Apostolico	lx.
Ioanni Baptista Perezio Baronio suo	lvij.	Othoni Hartio I ^o V.C.	xij, xxxvij, lxxxj.
Ioanni Baptista Sacco	lxxix.	P	
Ioanni Bernartio suo iv, xvij, xxxiv, lxv, xcix.		Petro Boschia, I ^o	xxx.
Joanni Boifoto	xvj.	Petro Iardino, Rectori Scholæ Athenensis	xc.
Ioanni Dullardo Canonico & Archidiacono	lj.	Petro Orano I ^o	ix, xcviij.
Ioanni Hemelario suo	xlvij.	Petro Pantino, Decano	xij, xxij, xxxj, xl,
Joanni Sarraceno, Archiep. Cameracensi def.	xxvij.	lxxij.	
Ioanni Viuiano	ij, v.	Philippe Ayale, def. Legato in Galliam	xlv,
Ioanni VVouerio suo	xlj, xlviij, lvij, xciv.	lxix.	
Iosepho Martio	lxxxvij.	Philippe de Croy, &c. Comiti Solrano	lxxxvij.
L		Philippe Masio, Conf. & Graph. Ordinum	xj,
Leonardo Lessio, Theologo Soc. Iesu	xxvij.	lxxx.	
Ludouico Septalio Doctori Medico	lx, lxx.	R	
Ludouico Tribaldo Toletto	lxxxvij.	Remaclo Roberti	lxiv.
M		Rhetoribus Collegij Aquicinctini	l.
Marcello Vestrio Barbiano, S. Pontifici à Secretis	xcij.	Richardo Baroni Starrenbergio	xcvij.



I V S T I L I P S I
EPISTOLARVM SELECTARVM
CENTVRIA I A D B E L G A S.

EPISTOLA I.

I. LIPSIUS GUILIELMO BREVGELIO V.C.
Confiliario Regio, & Cognato.

DIVTIVS iam in scribendo cessauit, at non in amando. quia affectu certè tibi alligor, quem iudicium mihi, non cognatio sola inseuit. Sed nubes hęc temporum, & factio ciuillum dissidiorum, si subducit nonnihil aut tegit amicitiæ hunc solem: non tamen extinguit aut tollit. quin ecce iam perrumpit, & in ista occasione radium aliquem ab Océano ad te mittit. Audi hunc amicum, & crede: gnarus ille mearum rerum, sed & sensuum: ac planè habui ipsum velut arbitrum huius cordis. In studijs non cessamus, & CONSTANTIAM nostram iam videris: nisi quòd languor etiam refrigerat, tum tristitia hęc temporum, vix spe iam alleuanda. O Deus & cælites, quis finis erit? Qui me priuatim etiam exercent, & grande vulnus accepi in sororis meæ vnicæ nuper morte. Quam si apud te laudem, matronam omnibus sui sexus virtutibus perfectam, frustrà sim. iuxta enim mecum nosti, & pñè dicam amasti. Sed abiit, me reliquit vnum & ultimum Lipsiorum: tum etiam duos paruos liberos, in ipso dolore onus. Obscro te, dū absūm, vicem meam subi consulendo, dirigendo, imò & regendo: quem enim, præter te, in exiguo amicorum numero, idoneum aduocemus? Obscro & rescro, is nunc esto: donec mihi fas reuise ea loca, ad quæ animo adspiro. Vox rem, cognata m semper mihi caram, saluere vñā tecum cupio Cl^mc cognate. L. B. prid. Kal. Mart. ∞. I. C. LXXXVI.

E P I S T . II. *Tornacum.*

DIONYSIO VILLERIO, *Canonico*
& Cancellario S. D.

Ego te expertem consilij mei & gaudijs habeā, quod ex eo capies? absit. Veni ad Spadanos fontes, post longas viarū ambages, saluus tamen, et si nō sanus. Si affectum tuum noui, gratulaberis ex animo, & subsi-

lies tanto propiorem tibi esse Lipsiū tuum: quem ex longo interuallo regustare & recognoscere gestis, certè ego te. Osuaues semper & fidi, amores primi! ego experior: nec cogitatio vñquam aut sermo animum auréve tangit veterum sodalium, quin comouear & exsultem. Atqui tu, litterarum etiā missione & commercio, iamdiu pristinam notitiam renouasti; & firmato vtrimeque iudicio, perduxisti in solidioris amicitiæ iura. Ea maneat, dum nos manemus: nec incidat hunc nexum vlla dies, quām ea quæ vitæ hoc filum incidet. Mihi propositum, in liberis istis purisque item locis, diutius subsistere. apud quos? inquies. apud ipsum me: & efficere ut ratio aliqua comparat solitariæ huius, nec interpolatæ, quietis. Alij aliò vocant: mihi naturam sequi certum est, quæ abhorret ab omni ambitione, & paullò magis actuosâ vitâ. Et alioqui ea de rep audimus & videmus cottidie, ut viro sapienti & probo occasio non sit ad eam vel leuiter adspirandi. Quæ fraudes passim, libido, luxus? & ad summam ea omnia, quæ exitio esse cuicunque statui solent, & debent: mirabor, si non conuertent istum. Non enim dicam euertent. & Deus meliora, & fatum magni regis: in quo vtroque (non nego) mihi spes est. Vale. Aquis Spadanis, vii Kal. Iul. ∞. I. C. XCI.

E P I S T . III. *Aquafrani.*

IOANNI VIVIANO S. D.

LEGI libellum, mi Viuiane, & sententia tuae prorsus accedo, quæ est, Silere. Ad hęc talia quid respondeam? cum dignitate non possum, imò nec cum grauitate. quid enim serijs in hac tota re? Mea fuerunt ioci, & boni stomachi, ut censem, dicta. Non concoquunt, conuicia & calumnias regerunt: sed illa insulsa, & has vanas: quid opus reiectione? illud tamen fateor, modum fortasse alibi non tenui, & plusculum aut acerbius dixi. Excuset, quòd Epistolæ sunt, id est extemporanea quædam,

* Nec restrictim cogitata, & omnibus rationibus:

vt ait poëta. Menter istam vtinā videant!

quæ

quæ numquā fuit (Æterna illa mens testis) ad lædendum: & si fecit, pœnitet. Quid volunt amplius? non ego pertinaciter tuendo culpam, culpam alteram committā. Atque adeò, si videatur ita amicis, omnes illas epistolas vñâ spongiâ delemus. Vtinâ ipsi tam niuei, nec verba mea per malitiâ attollant, & gladium, quod olim Brennus, adijciant in hanc stateram! Sed eâ de resatis. Parùm me pungunt ista, aut turbant: & quamvis imbecilla frons, ait ille, magna conscientia sustinetur. Te, vxorem, & quod ex eâ est, itemque Rotarium nostrum, saluere volo. Leodici, postrid. Kal. nouas, ∞. I. C. II.

Comment. v. 111. Ad quæsitum tuum in Hirtio, seorsim hîc habe. Consului librû, qui peruetus apud me à Torrentio: sed is totidem verbis hæc repræsentat: *Fasces vbi confederant (nam in acie sedere Gallos consueſſe superioribus Commentariis declaratum est) per manus, stramentorum ac virgultorum, traditos.* At tu duo ambigis. & vbi hoc Cæſar? & quomodo credibile, maiores nostros in acie & pugnâ sedisse? De loco Cæſaris, credo Hirtium adspicere istum è *Comment. III.* Galli, farmentis virguleisque collectis, quibus fossas Romanorum complerent, ad caſtra pergunt. Non dicit in ijs sedisse apertè, fateor: sed tangit fortasse & adſignificat. At quis id credit? inquires. Mercuriè nec ego tecum, nec capio. quomodo vbi ordines disponendi, tela & manus mouendæ, ignauī homines fuderint? Ego vel à Celso hoc verbum *Aciei* esse, non pro ipso proelio aut procinctu, sed pro bello arbitrer: id est, vt in caſtris, & tempore belli maiores nostri fuderint. aut potius, *Otij* voce permutandam. Vt velit scribatque, Gallos, cùm otiosi, etiam in ipsis caſtris plurimum sedisse. Quid miri? inquires. Imò est, pro Romanis moribus. nam ſeffio minùs apud eos cibra, ambulabant magis, aut iacebāt. At barbari aliter. quod & Tacitus de Germanis notat: & Strabo de Hispanis, loco qui valdè huc facit. Libro III. scribit *Vettones venisse ad Romana caſtra: vidiffe Cenſuriones & Tribunos quosdam per ſpatia obambulantes, & se vertentes. Illos, arbitratos inſanire homines, accurriſſe, & manibus nutibusque ad tabernacula ſua deduxiſſe. quasi neceſſum effet, aut ſedere in otio, aut in acie pugnare.* Verba vtrima Græcè ſic habent: *ως θέων, η μηχεις νονχιας υπεττας, η μηχεις.* Vides barbaricum ſenſum & morem: pro quo tamen etiam legi in Hirtio poſſit, ante aciem.

EPIST. IV. Louanium.

IOANNI BERNARTIO ſuo S. D.

In ipſo principio epiftola tua peccat mi Bernarti, ceteta ex meo voto. Nam quid ita tibi viſum excufare, quod ſcribas, aut quæ hîc impudentia? Tu vero ac tui ſimiles ſemper me appelle, atque id etiam mihi imputate. beneficium enim eſt, & ſic interpretor, dum meliores iſtæ mentes ad me inclinant, & conceptum amorem ſcripto etiam conſignant. Nec nimium te depreſſum iueris (etſi moideſtiam amo) quia non ſolū candidatum iſtarum artium te video, ſed, ut ſic dicam, inter magistratus. Epiftola tua variam & prifcam lectionem redolet, & Latinæ linguae quaſi parentes, quos in ſanguinem iam vertiſti & ſuccum, atque ideò facilè imitariſ. Plato olim di-
xit: * ὁ καλός λέγω, καλός τοὺς αἰγαδός. ego cer-
tiūs, * ὁ καλός γε ἔρων. certior adeò mihi cha-
racter animi ſtilus videtur, quām ſermo. * Qui bene
ſcribit.
At tu quoque noſtra attollis, & eis ali inge-
niū ſtilumque tuūm viſ & paſci. obſe-
cro mi Bernarti, affectum ſepone. qualia illa aut ego ſum, ſi æquipares ad antiquos?
iacemus, & ſubærata hæc omnia noſtra,
quæ ſplendere viſentur, erunt, ſi examinēs
ad illud aurum. Etſi non nego, iuuare hæc
aliquid eos poſſe, qui in viā medius, digitum
ingredientibus oſtendit ad iſtam metam,
& quā ire cœpit, eundum dicit. Sed heus,
peccasti in fronte epiftolæ, an non etiam in
calce? Indicas aliquid editum à te & euul-
gatuī, quod veritus ſis ad nos mittere.
quid tu aīs? ita reliqui omnes mitiores in
iudicando, præ quām ego? erras. illi iudi-
ces fortasse: ego arbiter, & in hac ætate tuā
scripta iampridem didici examineare non
ad lineam rubram. multum, ſi alibi acu-
men & reſtitudo iudicij appareat: vt hæc
vbique, non eſt poſtulandum. Florem mo-
dò videre deſidero, poſteà fructū. Nos iſpi-
nōne à decimonono anno ſcribere, atque
edere, incœpimus? & quamquam pœnitet,
etiam non pœnitet: quia audaciā illâ gra-
du struximus ad maiora & meliora. Illa
vna ingeniorum pestis modò fugiatur, ne
perueniſſe nos putemus quò adſpiramus.
Seneca illud aureum: *Puto multos ad ſapien-
tiam potuiffere peruenire, niſi putaffent ſe perue-
niſſe.* Modeſtia eſt, quæ omnem ætatem de-
cet, ducit: & ſinc hac præcipitat juuentus. At
tu

tu illa mitte, & monitione quoque seu directionem exspecta, si alterutram opus. nam amare te occœpi, & hoc tuum ingenium, de quo magnum aliquid Belgis meis pollieor, atque ideo etiam curare. Vale. Leodici, Kal. Januar. &c. I. C. II.

E P I S T . V . *Aquaſgrani.*

I O A N N I V I V I A N O S . D .

I N rectisti, epistola tamen tua pænè lœta mihi fuit. Quî potest? primum, quia me participem tui luctus fecisti inter primos: argumentum & amoris in me, & fiducie de me, quasi affiendo (nec erras) tristibus tuis siue lœtis. Enim uero, ubi animorum illud vinculum (Amicitiam dico:) etiam affectuum vncitio & paritas quædam sit oportet; aut sinceram non esse illam. Deinde me erexit, idque maximè, quod te quoque rectum videbam, & non ambitiosè quidem, tamen fortiter ferre hoc vulnus. Solaris ipse, & Musas aduocas, sed illas sacras: & verum solatium ab alto petis, id est solatij & roboris omnis fonte. Deuin ita voluisse dicis, & Prudentię hoc decretum: o sapientem vocem, & quæ sola sit dolori omni mitigando, aut tollendo! Summum bonum fecit; benè fecit. Prudentia statuit; prouide statuit. quod ipsa vox dicit, & in tuum ac prolixi vsum. Certè quidein in prolis palam. nam quid ei factum? terris crepta est, in cælum inducta est: turbas & dolores hinc reliquit, fruitura illic æternâ quiete & beatitudine, hoc est Deo. Puer qui hinc erat, pænè sine mente, sine sensu; virum iam illuc agit, atque adeò super omnes viros sapit, Sapientiae illis radijs non cinctus solum, sed perfusus. O beatum, qui ex puro illo sereno turbida hæc nostra videt: videt, sed miseratur etiam & ridet. Te quoque beatum, si quām beatus ille sit, serio cogitas ac sentis. Hæc sunt mihi Vitiane, quorum semina in tuis versibus: quæ ego eduxi & diduxi paullum, in liberiore hoc sermonis campo Quæsote, non cogita hæc tantum, sed recogita; propior gaudenti eris, quām dolenti. Ut sumus & caligo, quamvis crassa, cum sublata est, dissipatur & spargitur: sic dolor omnis, cum mens ad supra fertur & æterna. Sed homines plerique aliter, & quidquid triste aut acerbum est, acriter & intentè voluimus; quod lati inest aut boni, vix leui cogitatione delibamus. Atquin secius oportebat. & ut torrem semiustum è

I. LIPSI Operum Tom. II.

foco qui tollit, non eâ parte arripit & tractat quâ incanduit, sed quâ ignem nondum accipit: sic nos deceat non acerba hæc & vrentia casuum tangere, sed magis benigna in ijs aut lœta. Nempe tuus iste abiit. sed unde? è terris. quod? in cælum. Te deseruit; sed Deo adhæsit. At enim immaturus obiit, & in primo flore. Quid immaturus? ad mortem maturi omnes sumus, ex quo nati, imò etiam antequam nati. Quām multis in ipso utero, vix benè infuso spiritu, spiritus est eruptus? Multos habet peritus ille agricola flores, ut sic dicam, herbas, fructus. Scit quando hunc & illum opus sit tollere, in ipsâ opportunitate & ^{auxiliis} ^{vigore.} Denique tuus, non ita puer obiit: fructus es optimam & iucundissimam illam æui partem. Quid ergo queri possis, si is reuocat qui dederat fruendum? Ecce nos orbos, qui numquam gustum cepimus penetrantium istorum gaudiorum: & tamen ferimus: quid vos, qui largiter sumptistis? In conuiuio si benè sedeas, cibus & conuiuæ placeant; eâ impudentiâ sis, ut apposita nolis tolli? non facias, scis enim illa ad teimpus & vsum aliquem tua esse. Idem hinc fiat. & puer ille certè mancipio non fuit datus, nec ut proprium perpetuumque bonum. Reuoca etiam in mentem, quod nuper ad me, in occasione prisci lapidis reperti scripseras: *Vitam esse velut aniculam, quæ pueri manu tenetur, & sapientia in ipsis primordijs euolare.* Hæc ipsa verba tua sunt: en factum, quod senseras & scripseras: quid miraris igitur, aut doles? Noli. ita Deus reliquos tibi seruet, qui quasi cum colono, partiario iure, nec id rigidè, tecum egit. Plures enim manent, & ut maneant (si tibi ipsiusque expedit) eum rogo. Vale, & firmare. Leodici, III. Kal. Febr. &c. I. C. II.

<sup>* Ea image
in sepul-
chrali la-
pide.</sup>

E P I S T . VI . *Louanium.*G E R A R D O C O R S E L I O I^o S . D .

E P I S T O L A tua per se grata futura, in fronte pertulit philtrum illud *VVameiani* nominis: quem virum dilexi viuum, & nunc mortuum gratâ memoriâ prosequor, & stirpem eius affectu. Mihi Corseli, in te sunt hæc, quæ te mihi conciliant, probitas, modestia, eruditio: sed si illa non sint, satis vel Auunculus ille proxeneta & interpres, vir, ut breuiter dicam,

^{* A pœtrœ eis, & perlew r̄p̄ wœḡtœḡy èr̄w̄.}
<sup>Virtus et
prisci tom.
poris aqua-
parans.</sup>

Cum quoquid amicitia mihi fuit, etiā nunc

I i gau-

gaudeo: & quamquam ille in vitâ aliâ , ta-
mén in animo meo viuit & viuet, quamdiu
dabitur, vt cum poëtâ loquar:

* — zw̄v, & op̄v q̄āv m̄n̄o.

Hoc ex animo scribo. sicut & illud, gratias
mihi tuas litteras fuisse , quibus & amorem
in me exprimis , & meum inuitas. Paratus
est tui similibus, Corseli: & si aliud capiat
me aut delectat, hoc illud est, ab ijs qui vir-
tutem amant amari, & amare. Itaque ambi-
tione nihil h̄c opus: patet fores huius pe-
ctoris , quod candidum esse experiemini
omnes vos candidæ mentes. Louanium et-
iam me inuitas. vtinam liceat! quis locus in
Europâ magis sit ex meo voto ! Omitto
amœnitatem , & nescio quid in solo ipso
atque aere quod alliciat: sed profectò inge-
niorum illud simplex & * ap̄lē semper me-
cepit. Atque iterum , vtinam res patriæ eō
loci , vt nobis tutò & tranquillè esse liceat
in eo loco ! Sed iactatur & fluctuat illa, vt
yides: & vix qui amicus quieti est (me vni-
cē esse fateor) non dicam sedem, sed pedem
nunc in illâ ponat. Itaque etsi in limine
eius sum , & auram illam optatam haurio:
tamen vereor, vt iterum me retroagat infe-
lix eius sors, nec ad metam pertingere detur
desiderij nostri. Deus vrbi vestræ tutor
hactenus, fateor: &, spero, etiam erit. sed
quis nunc tamen nostri vsus aut fructus, in
loco, quem Mars magis possidet, quām Mi-
nerua? Dixi antea. quietem amamus, & va-
letudo mea sic postulat: tympana & armo-
rum strepitus, non ad meum Genium aut
Musarum. Tamen video, & mens es iam
aliquot consilium omne proferam : si in-
tereà benignus ille Deus mitiore oculo aspi-
cere Belgicam volet , & in eâ vibem ve-
stram. Quod eum calidè rogo ; & te, mi
Corseli, vti me sic ames. Leodici, postrid.
Kal.Mart. 20. I. C. XCII.

E P I S T . VII. Romam.

PHIL. WINGIO S. D.

VOLUNTATEM simul & occasionem
mihi ad te scribendi præbuit Otho
Venus noster, quem nosti. Illam, dum stu-
dium tuum virtutis & litteraturæ com-
memorat; hanc , dum facultatem mittendi.
Quod scribo hoc vnum est, amati te à me
vt popularem, vt earumdem artium conse-
craneum & consortem. O Wingi , quām
pauci hodie , qui serio & vtiliter ad illas
eunt! plerisque ambitio proposita, & scien-

tiarum vana: qui solidum crepent, & virtu-
tem veram cum sapientiâ ament, verè pau-
ci sunt , & vt poëta iocatur , vix tot quot
Thebarum portæ. Tamen de te, non ex sor-
monibus solùm boni aliquid mente conce-
pi, sed etiam ex scriptis, quæ missa inib[ne]
nescias) à Dionysio Villerio , insigni viro,
super Cruce. Nos eam materiam, argu-
mentum & instrumentum salutis nostræ,
cum curâ tractauimus: & subiecit ille, quæ
Morillonus * οὐδεὶς οἶδεν olim sensit, &
quæ tu , euincendo illi atque obducendo.
Legi, & tua probavi, atque ex ijs igniculus
in te amoris: quem tu in veram legitimam
que Amicitiae flammam suscitabis, si flatu
eum iuuas sermonis & alloquij epistola-
ris. Venius quædam ad te scribet , opinor,
de quibus h̄c ambigimus, aut certè for-
mam ex veteribus monumentis velimus,
vt de *Iugo Curruli*, & si quid aliud tanget. In-
quire, & nos iuuia. Ecquid notitia tibi cum
Fulvio Vrsino aut Cæsare Baronio ? vtro-
que insigni viro, illo amico vetere, & quem,
si adsim , utilius paullò quām olim norim.
Quid Bensium ? nostin' ? ille verò meus,
& ego illi deuinctus adamantino planè
vinculo. Si occasio est , omnes saluta ; &
pium, aut certè inter pios me esse, hoc signi-
fica: imò planè pium, quod ad sensum qui-
dem attinet, vtinam quod ad vitam! Siquid
illīc Antiquitatum repertum aut erutum,
participare , & nos obstringes. Leodici,
xvi. Kal.Iun. 20. I. C. XCII.

E P I S T . VIII. Leodicum.

MARTINO DELRIO S. D.

EXSPECTABAM litteras tuas, imò iam fla-
gitabam & subaccusabam diligentiam:
sed reddidit eas benè manè baiulus, bonum
auspicium diei. Soli h̄c sumus, sed magis
videor , cùm nec tecum litterarius iste fer-
mo. Quæso eum frequenta, non delectan-
dis nobis solùm, sed iuuandis. Domus ple-
rumque me habet : quomodo non in hac
aurâ? & tamen eâ tristi potamus, & aut blan-
dimur nobis, aut iuuant fontes. Est vnu[s] &
alter Italus , & cum ijs interdum sermo,
sed vix ex pectore, tralaticius tantum ille &
ciuilis. Ancillam iisse quò iusserā, gratum:
gratius, si audiam petuenisse , & peregisse.
Dedi in mandatis disertè de domo Paulli-
nâ, & si ea locata alteri, si posset redimi siue
recipi : quia commodum & suaue mihi,
haud longè habitare à yestrīs. Si potest, fiet:
sin

sin aliter, quod potest hoc fiet. Amo te de
scriptione ad P. Lessiu, & eius argumento.
Ita fac mi Pater, nunc me cum maximè &
operâ & consilio iuua, & præmeditemur si
quid vsus ante factum. Nostri Homericum:

— Peχθε, Δέ τι μίμησο Εγώ.

Factum
fatus no-
nus. Nam ego, ex animo fateor, in omni hac ac-
tione quæ ad salutem, externam omnem pru-
dentiam ab initio seposui, & impetu feror:
spero bono, quia in optimū fine m. In diui-
nis, quid spectem nisi Deū? Tamen si quid
monito opus, mone. Etiāmne de N. præ-
struendū aliquid videtur? fiet, si censes. Ego
ipse ad Cuyckium, sed tunc cum aliquid à
Lessio, pro cuius scriptioæ aptabo nostrā.
Velim certum aliquid me intellegere de
actione legatorū Leodicensium: quia aliás,
non hīc sine metu. Audimus prædones ali-
quot circa Aquisgranum hærere: sed quo
fugiemus aut ibimus? ad Deum, qui mihi
tutor, & qui me, spero, seruabit, ut sim ar-
bor que penes aquas seritur, & in folijs peren-
nat, & tempore suo fructus agit, quæ non ignem,
non securim videbit. O vtinam! & tu fac mi
Pater quod facere te dicis, atque ego scio.
Aquis, 111. Non. Iun. 15. XCII.

E P I S T . IX. *Leodicum.*PETRO ORANO *Ist S. D.*

Tu files, ego scribo: hēc promissa? Tu iu-
ris & iustitiae sacerdos, æquum bonum
hoc censes? Desinenda mihi hēc opera est,
si mutuo nullo sermone & alterno noster
elicitur. Nec longas tamē epistolas exigo:
tria verba sufficiunt, quibus constet non
neglegi aut contemni. Quamquam si lon-
gas, nonne meo iure? Legati redierunt; res
ad me spectat quid egerint, quid non ege-
rint: tu files. Atqui silua rerum est, è quā de-
sestam materiam aliquam & electam ad
nos mittas. Fac, aut non dicā minus amabo
te, sed minus colā. Nam illud non possum.
ita altè insinuauit atque, ut sic dicam, illa-
tebrauit in animum hunc Oranus. Aquis
Spadanis, Idib. Iun. 15. XCI.

E P I S T O L A X.

MARTINO DELRIO, *Sacerd. Soc. Iesu.*

N VNCIABO tibi quod mireris, fortasse
& dolreas, ut est tuus in nos amor. Ite-
rūm nobis pugna. in quem? non in aliquem
ex profano & nupero illo grege, sed ex ipsis
Musarum mystis P. Fabrum. ille in te, in-

I. LIPSI Operum Tom. II.

quies? Ille. & initio miratus sum fateor, cùm
legi quædam velut de industriâ in me iactâ.
Mox ad sedem & velut fontem veni hu-
ius (molliter loquar) affectus: & ecce caput
integrum in AGONISTICO, in quo plagij
& malæ fidei me accusat. Non nominat
sanè, sed iuxta clare ac si nominasset. Ait
me ex libri secundi Semestrium duobus
Capitibus concinnasse bellum illum & ele-
gantem (puto verba sic esse) Saturnalium
librum: idque ne tenuissimâ quidem eius
mentione factâ. Quid ego hīc dicam, aut
suspicer? æmulationem cadere in illum vi-
rum? non ætas, non eruditio eius perimit-
tunt: quatum illa grauis & inclinata est,
hæc meo semper iudicio magna. Multa in
viro illo variaque lectio, accurata collectio,
& in penetrando digerendoque iudicium
pariter & acumen. Culpam igitur in me
esse? potest. Utinam non alia tamen grauior:
quia hēc vix est ut nomen illud teneat apud
inculpatos. Dic bonâ fide, bone Faber, quid
te læsi? scripsisti tu aliquid de gladiatori-
bus, etiam ego: scripta nostra exstant, nec
tuis per me aliquid detractum. Quid si,
non dicam melius, sed certè pleniū & ma-
gis composite scripsi? non negabis: & tigna
tu fortasse aliqua ad hoc ædificium suppe-
ditasti, ego id struxi, & fastigium imposui
nostrâ manu, arte, stilo. Quid si nec suppe-
ditasti? ignosce, & audi quod verum est. In
communi positi scriptores à quibus petis, &
in illam siluam sæpè iuimus, atque idein
ius, ut opinor, meæ securi. Nemo veterum
aut recentiū in hac re sic egit. Exposita enim
illa sunt, & sunt eius qui haurit velut ex
populari lacu. Quòd si coniectura aut acu-
men aliquod tuum nouum: sanè tum im-
probus, si vindicaui. Doce factum. Istud
quidem quale est? Seneca, aut Dio, aut Lam-
pridius hoc scripsit: scilicet nos non eos
vidimus, aut occupata hæc omnia quia ta-
cta. Vir magne atque etiam nunc mihi ca-
re, omitte hæc talia, quæ tuum honorem
radunt, meum lambunt. Sed ego ad illum
Pater, cùm hæc ad te institui. Scilicet et-
iam in isto etatis ac morbi frigore incalesci-
mus: & ne non moueri quidem, sine aliquo
motu, possumus. Adspergit in ijsdem libris
quædam contra meas coniecturas. Quid
magnum facit? coniecturæ sunt, nec ego
Oracula proscripti. Illud pro viro bono, &
qualis est atque erit (aut omnia me fallunt)
quòd ne tunc quidem, cùm carpit, depri-
mit, & amore quoque iræ suæ miscit. Fac
Ii. 2 tu

tu atque ego omnia mi Faber (iterum ad te) scriptis fortasse dissidemus, animo numquam: atque ego te in diuerso licet stili scriptioñque genere, tu me aestimabis, teste illo & iudice qui non fallit. Si verba alia, damus verba. Hæc & serò & subito ad te, mi Pater, recens à lectione eius libri: quem ipsum quid caussæ est quin cras videas? Et si à Fabro sententiam feres, ecce me paratum agnoscere culpam, si serum emendare. O litteræ, litteræ! quam semper à vobis aliqua vanitas! & quam illud hic verum, Oportere omnibus corydalis cristam inesse. Salut. E nostro Musæo, ante cænukam.

E P I S T . X I . Bruxellam.

PHILIPPO MASIO, Consiliario &
Graphiario Ordinum.

AMICITIAE veteris recordatio, quæ mihi tecum ac cum fratribus etiam tuis fuit, impulit ad scribendum. Quoq; fine? hoc uno, vt tibi affectum meum nunciem, & tuum vicissim prouocem: quem ipsum, nihil immutatum tamen esse, ab amicis serio accepi. Rogo vt perseveres, & eum me censes, qui bonus inter bonos viuere iamdiu votum habuerit, nunc etiam Deo auxiliante successum. Louanij enim sumus, in veteri nostrâ sede, sed non eâ facie quâ olim. Deus bone, quam mutauit, & inclinauit! sed sic, vt sperem posse assurgere, si illustrissimi Ordines pergunt manum ei porrigit, & curam adhibere, quam cceperunt. Qui quod in me etiam vocando decretum honorifice interposuerunt, debeo sanè ipsis, ac publicè breui significabo: quæ caussæ me abstinet, ne nuc priuatim. Sed abeo extra finem scriptioñi nunc propositum: qui est, renouatio & conseruatio amoris, quem aut dexter exigo, quia fideliter praesto. Vir. Clarissime vale. Louanij, xiiii. Kal. Sept. &c. I. xcii.

E P I S T . XII . Toletum.

PETRO PANTINO S. D.

CVM epistola tua grata, mi Pantine, tum cius initium, quod est de reditu in patriam communem. Quod utinam, & te tuique similes fas sit hic amplecti! Nam ego cum in eam redij, quam paucos è veteri amicorum classe repperi? imò quam non multos veteranum morum? Duellij hic & Trebellij regnum possident,

* In pugna
fabilis tel-
lum bellare
perus.

* E idōtes, ἐπειδὴν δῆμος μέλπεται ἀρνητικός.

Virtus & Doctrina, inane nomen. Atque utinam res etiam eo loco, vt te alliciam? sed profectò iam per biennium caussæ bona haud valde promovit: imò contrà, pars increvit & gradum cottidie addit insolenter. Sed publica omitto. nos in studijs, quatenus largitur valetudo, & paramus in historicos plerosque Latinos FACEM diu nobis elaboratam. Ex eâ depositum aliquid magnō nostro Principi, quem lati libentesque audimus optimis istic artibus tingi. Nunc DE CRVCE libellos tres dare paramus, utiles ad Historiam sacram & profanam. Sed vno verbo, mi Pantine, non excitamur, talium omnium rerum hic despretione & contemptu. Couarruiæ in Senecam grata mihi, qui & ipse libro veteri usus sum & non pauca obseruaui. Conferam illa cum meis & cum Nicolai Fabri notis emendationibusque ad eosdem libros. Anne vidi-stis? Lutetiæ prodijt, sed Fabri nomine non adiecto. Vir doctissimus, & in dignitate, non tanti habuit inscribere operis eius frontem. Quod rogas de Procopij Oeconomicâ historiâ: editam non opinor. Bon. Vulcanium scriptram habere existimo, si tamen memoria me non fallit. De Georgij Chronico, nec id publicè exstat: asseruabatur nuper in bibliothecâ regiâ Lutetiaz, & vidi qui usi sint & ex eo delibarint. In ceteris non te iuuo. Vale mi Pantine, quem serio amo & amabo. Louanij, Idib. Octob.

&c. I. xcii.

E P I S T . XIII . Bruxellam.

ORTONI HARTIO I^o S. D.

IAM ride, litigo. Quod per iocum prædiximus, incidi in tuas manus, sed non magna præda. Quis ex me fructus? verbotum aut litterularum: nec miraberis, hæc ipsa sunt quæ amamus. Externa quam nos non capiant, sœpè testamur: an bonâ semper fide? Ego ipse ambigo, & vereor vt ille verè: Opes facilis inueniri, qui vituperet, quam contemnat. Ecce ego, dum eripiuntur, de ijs pugno: sed datus hoc non tam ingenio nostro, quam mori, atque etiam vxori, cuius propriè hæc caussæ. Denique dum viuo etiam, non neglego instrumenta vitæ: quæ adesse mihi volo, non superesse. Probo, vt ille inquit, Fortunam velut tunicam, magis concinnam, quam longam. Satis philosophiæ: de te, commisi eam Boschio iam olim nostro: sic vt te consulat, si quid opus. Nam grauioribus to occu-

occupari, satis scimus: & sufficit consilium tuum & directio. Vale. Louanij, xiii. Kal. Nouembris. &c. xciii.

E P I S T . X I V . *Leodicum.*

IACOBO CARONDELETO,
Cancellario & Canonico.

NON valedixi, excusa: aut te aut tuos potius accusa. Nam aliquotiens domi quæsitum non repperi: & addo, quod iter meum subitum fuit, & natum ex occasione. Ea fuit, & incolumes ac tutos Louanium perduxit, quod nunc me habet. Destino quieti & firmæ mansioni nostræ hanc sedem, nisi aut publici aut priuati hostes interpellent. Nam utrosque nobis esse non ignoras; & istos (priuatos inquam) nos omnes velut more & lege experimur, qui pullum suum in clariore famâ. Ut flamina firmiter non surrexit vix quam sine fumo: sic nec illa, sine nube aliquâ liuoris. Apud Euripidem aliquis exclamat,

* Αἴρετος δύσθελας δίφυτος αὐθεόπικος καρόν.

Hoc si omni æuo, qui non isto factionum & partium pleno, & cum carceres aperti ad calumnias specie pietatis? Nos Deum adspicimus, in illo fidimus, humana omnia mala tam alacriter ferre parati, quam alij inferre. Si virtutis & bonæ famæ causâ petitum: benè est, & cum poëtâ,

* Α' εἰ τοῖς με πόλεμοι διώκουσιν.

Inuidiam non placabo, ijs relictis. Aliud quod scribam nunc non est: publica vos scitis, ego hinc nec tenui, adiunctu[m] ea libo. Siquid habes dignius, significa, & me dum viuo tuum anima. Louanij, viii. Kal. Sept. &c. xcii.

E P I S T . X V . *Cameracum.*

MARIAE GORNACENSI S. D.

LITTERAS tuas cum gaudio vidi & legi, Virgo nobilis. Ergo tam vicini sumus? Ardet animus videre te, & alloqui; quod non diffido vel hac æstate futurum, si Duacum, aut vicina loca, visendi causâ accedam. Nam nunc quidem fontes Spadanos cogitabam, valetudini curandæ. Ea nobis, o Virgo, imbecilla, animus alacer: nisi quod cum quoque, velut nube, interdum inuoluit atra hæc & fumosa bilis. Mihi crede, nec ille officium suum sæpè facit, quod tamen agnoscit, sed vult nec potest. Quid faciemus? homulli sumus, id est pars optima & celestis in terram inclusa: felices, qui libe-

L. LIPSI Operum Tom. II.

ri ab eâ & soluti. Tuus patet iam est. Nuncio tibi, si nescis, renouo, si iam scis, periisse, quid dixi? abiisse à nobis magnum illum virum: *Montanum*, inquam, nostrum ad alta & æthereos illos montes. Ita scriptum ad me Burdegalis, & quia litteras tuas veteres esse video, arbitror te quoque sensum iam habet huius plagæ. Sed quid malum factum? rideat ille nos, si sciatur dolere: quem opinor in ipsâ morte hilarem eam suscepisse, & victorem etiam eius, cum ab ipsâ vinceretur. Iuit, ibimus: quidni desideremus, per publicas priuatasque istas calamitates? Gallia vestra vasta cladibus, Belgica nostra attrita; & maximè hæc loca, in quibus nunc versor. Omissa vincit hic animus, nisi quod morbo interdum succumbat, contra cuius pertinacem vim nullius ingenij aut sapientiae vis resistit. Resistit dico, non ut vincatur & iudicia sua mutet: sed ut vacillet in officijs, nec ille qui est se ostendat. Vereor ut videas, si me vides: nec Lipsium illum veterem, sed eius umbram. Tamen ut sol interdum per nubes medias se exserit: sic in nobis interlucet melior ille ignis. Hoc nunc satis, amo te Virgo, sed sic ut Sapientiam amo, castè: fac idem mihi, & quoniam pater tuus ille obiit, cense me fratrem. Louanij, ix. Kal. Jun. &c. xciii.

E P I S T . X VI . *Bruxellam.*

IOANNI BOISOTO S. D.

ENIMVERÒ tu rem & verba simul ad me mittis: ego quid nisi verba? Pudet gratias agere, nec debeo, tam expositæ, tam obuiæ beneficentæ: quæ ut fontes, sponte irrigat & dimanat. *Seneca* utriusque mentionem facis, & laudas. Profectò debes, & tu & omnes, quibus curæ aut cordi est ipsa virtus. Christianos scriptores excipe, quis omnium veterum magis ad eam duxit? & maximè iste, qui Philosophi nomen vulgi titulo vindicat, meo sophi. Magnus vir est, nec suadet, sed ingerit optima; & impellit ad ea, non dicit. Quis ubique ardent, & quæcumque pectore verba? & miror, aut indignor etiam, si aliter vixit. Dio, & quidam asserunt, ego ambigo, & cum lego quæ *De beatâ vitâ*, velut ita excusationem sui scripsit, calculum album palam pro eo ferro. Diues fuit, cuius noxâ aut iniuriâ? confluxerunt aut congestæ sunt in eum opes: admisit, eadem æquitate & statu animi dimisurus. Tacitus magnus & ipse, ac super

Ii 3 Dio-

Dionem vir, idem liberi iudicij ac stili, multus in Senecæ rebus est: sed laudanti semper propior (vide & examina) quam carpenti. An ille nos celet tam insignita scelera, cuiusmodi Græcus ille obiicit? scilicet post aliquot saecula eruta, & tunc denique venerunt in lucem? Imo calumnia peperit; cui proprium, magnum aliquid astringere viris magnis. Et addo, quod Dio nusquam propitius valde Philosophis sit, ne dicam ex professo eorum hostem, Hæc apud te, velut in sermone. At de Tragico quid iam olim senserim, in his quæ mitto, vide.. Tua quæ corrigis, mihi certa sunt: & cur non aliquis ad manum, cum quo talia possim? multa morientur mecum, credo, eiusmodi inuenta vel iudicia: parvum est, Deus in tempore dabit, qui hæc suscitabit. Per ista quidem bella, quid omnibus Musis nostris dixerim, nisi **κλαύει καὶ ὀμψίζει?* Interea virtus, & optimorum amor, si non adeptio, solabitur: & inter externa, nostri horti, quos magnam partem tibi debemus. A Clusio pyxidulam etiam accepi cum bulbis varijs, sed sine indice aut nomenclaturâ. Videbo quid verabit. Vale mi Boisote. Louanij, Nonis Nouemb. *oo.* I^o. XCIII.

E P I S T . X V I I . *Tornacum.*
HIERONYMO WINGIO, *Canonico S. D.*

BENIGNE non solum accepisse te munus nostrum video, sed etiam legisse. Benignè enim profectò iudicas, nec sine suffragio aliquo affectus. Reuerà autem mi Wingi (numquam sensi aliter:) præter titulum aut materiam, haud multum in eo libello altum & laudabile est: sed nec fortasse potest. Illud, fateor, iudicio notasti de methodo, quâ delectamur in his talibus vti. Et tolle eam è scriptione, quid est? congeries, & ut lignorum aliqua strues, cui faber deest. In mundo hoc quod nos delectat, supero inferoque, ordo est: in illo perpetuus, in isto instabilis: sed tamen ordo, quem nihil errim, si vitam & animam ipsam dixerim esse mundi. Paro nunc ad editionem alia è *Face Historicâ*: in quibus & recondita multa esse audeo profiteri, & rem totam, non sine intentione & labore nostro in methodum redactam. Videbis, si Deus volet, cis paucos menses, & me amabis, nouum, sed fide veteri, amicum. Louanij, viii. Idus Mart. *oo.* I^o. XCIV.

** Flere &
plorare:*

E P I S T O L A XVIII.
IOANNI BERNARTIO *P.* S. D.

VCIVS apud nos fuit, atque heri discessit. Curiosus eram scire & audire, ecquid de te sentiret aut diceret: sed repperi omnia proba (ex animo loquor) & in te benè affectum. Quidni esset? scio equidem te mereri, & caussam deterioris iudicij non dedisse. Minuta quædā si interueniunt, aut sermones parvum decori, aut forsitan pungentes: cogitā quorumdam ingenia sic esse, & talia sexcenta ferenda, cùm versamur in mediâ hac vitâ. Hactenus in secessu & studijs fuisti, inter équales, Louanij in domicilio quietis: aliæ illis turbæ & mores, & uno verbo, Bruxella. Tirocinium in istis tuū molestiæ aliquid habebit, sed frontem & animum mox durabis. Vellem multa tecum in sermone (& fieri aliquando) sed caput hoc est, in isto ævo & initijs tui progressus, toleranda multa esse, & quedam etiam contra Geniuū usurpanda. Melior Deus posteà leniet, & cum dignitate aliquâ tranquillitas & otium affulgebit. Louaniū si esset quale fuit ante annos viginti, profectò te huc cuocarcim: nunc quid apud nos spares, ubi iacent omnia & algent? Apud exterros non deesse mihi honesta iudicia & amicos, tute scis: hinc sumus, ut unus ē multis. Non patienter solum, sed tranquille fero, & te mi Bernarti ad hanc **tranquilitatem* & compositionem animi in primis voco. Quamdiu æquor hoc vitæ nauigamus, tamdiu fluctus & interdum serenum aliquod si blanditur, decipit, & ferè tempestas maior succedit. Alia & alta cogitemus, & nostra etiam ista ingeniorum opera, quæ apud posteros saltem pretium aliquod & decus habebunt. Oudartum nostrum (sæpè vides, credo) salutabis. Tuos item parentes, quos equidem tuā causā etiam amo, & videbo, si quando res & iter meum ferent. Nunc non opinor, & aut Bruxellâ aut Vilnordiâ Antuerpiam ibo. Quando tamen, adhuc nescio: litteras Moreti exspecto. cum quo de Statio tuo seriò agam. Vale. Louanij, xi. Kal. Maii, *oo.* I^o. XCIV.

E P I S T O L A X I X.
IACOBO CARONDELETO S. D.

REDISSI SE teè Gallicâ legatione libenter audiuius, & eam tibi iucundam fuisse (etsi in re tristì aut seriâ) non dubitamus.

Vi-

Vidisti loca, homines, variâ laude & hac literariâ nostrâ celebres; & cum ijs sermones etiam te iuuerunt. Quid si fuisset Lutetia, cuiusmodi olim solet? id est, verè ^{compensum orbis.} Româ, ut quispiam Romain appellabat. Sed flaccescit non vrbs ea solùm, sed totum regnum: cui senium suum est, ut omnibus rebus humanis, & aliquando fatalis meta. Non lubet ista; nec in aliena mala inquirere; domi nostra sunt, nec longè exitium ab oculis, nisi pax salutatis medeatur & faciliter. Multus hîc de cæserino, multa spes: certamen aliquid, aut caussam spei, nisi quia vtrinque expedit, haudcum cerno. Ad vos ego brevi, vestrâ & fontiū item vestrorum caussâ. Te inter primos video & amplectar, & de studijs libellis que meis affabor & communicabo. MILITIA excusa est, exceptis Præfationibus. It ad Principem Hispaniarum, suasu Procerum hîc in aulâ Louanijs, Kal. Maij, 15. XCV.

E P I S T . X X . Mechliniam.

FRANCISCO VANDER-BURCHIO Decano.

DOLORREM meum si apud te promam, quem in Amplissimi viri patris tui morte accepi, vereor ut tuum renouem, quem dies & ratio iam, ut spero, mitigarunt. Sed tamen testari apud te debeo, publicâ hanc iacturam me censere: & regi, patriæ, curiæ, ministru, ciuem, collegam eripi, quem haud facile reparabunt. mihi quoque priuatim patronum & amicum: cuiusmodi fideliter illum in me repperi, & quem impotuno meo tempore amisi. Sed ista à Deo & fato, ferenda sunt, præsertim nobis Christianis, quibus certum & impressum est, vitam hanc non mansionem, sed viam esse ad alteram vitam: eoque felices, qui hac quam matutinè defunguntur. Tu tibi plura dices, ut prudentia tua & pietas est: ego hoc obiter rogo, ut parenti vicarius sis, & in amicitiâ quoque velut heres. De me, affectum erga te & gentem tuam pondeo, & gratam memoriam parentis in omni vitâ. Louanijs, v. Non. Sexil. 15. XCV.

E P I S T . XXI. Iperas.

HIERONYMO BERCHEMIO.

AB SOLVIMVS MILITIAM, & hîc vides. Illam veterem, inquies. Quid? tu quoque nouam à me exspectabas? Nec possim (aliarum ego artium:) nec velim si possim.

Iudicio hoc dico. non quia omnia nostra superbè damnem, & quidquid boni, in vetus ævum includam: sed quia in militiâ quidem pauca sunt quæ me delectent, sic solutâ, prauâ, & ausim dicere, parùm etiam fortis. Apud te ausim; si vulgo, qui clamores? Nonne tormenta nobis ænca sunt, inquit, & sulphurei illi ignes, qui sonitu & adspe-ctu fugent veteres omnes hostes? Nescio mi Berchemi: & in animo agitavi sæpè, & dubitavi. Hoc facile dederim, sub initia terribidos Romanos fuisse nouitate ipsâ, & inopinato iœtu: sed ubi rem vidissent, & plus strepitum, vix plus vulnerum, quam à suis illis telis, facile etiam recepturos animos, & qui fuissent futuros, id est fortes, felices, & victores. Non est meum iudicium: sed Matthias ille Hunniades, rex Pannoniæ, quo nemo à multis sæculis melior, prudenter, militiâ clarior aut felicior, & addam veterum rerum (inter Principes quidem) doctior fuit, palam ita sententiam tulit: In coronâ illustrium hominum coram ipso sermo erat de præstantiâ nostri æui, & artibus ac machinis bellicis plerique omnes veteri anteferebant. Ille autem renidebat ore, Si centesimam partem antique militiæ etas nostra teneret, illi disciplinam haberemus illi patrem; profectò Turcarum istud regnum non fuisse tam longè lateque diffusum. Nec tamen antiquitatem nuncupo, qua quingentis ipsis aut sexcentis annis continetur: sed Romanorum illud eum apicio, quod cum alijs belli artibus, cum machinis & tormentis præclare fuit instruatum. Hæc ille rex, peritè & cum iudicio: & cui res atque euentus adstipuletur, si quis magnus Princeps temet. Esi fateor, nostra quoque tela bona esse; sed validiora, si quis cum priscâ militiâ misceat temperetque. Sed desino. tanti regis rectum & inopinatum illud iudicium celare te notui: quod amabis, scio, & me vna. Louanijs, III. Kal. Ianuar. 15. XCVI.

E P I S T . XXII. Bruxellam.

PETRO PANTINO, Decano Bruxellensi S.D.

AM denique scio & sentio Pantinū meum rediisse, anteà opinabar. Si enim certò, an non ille ad me scriberet? imò an non (ut meum quidem desiderium erat) veniret? Nec enim telamus te nostrū affectum: habemus & habuimus te iam ante plures annos in p̄simis amicis, idq; absente: sponare mutuum potui, imò debui, ut probitas

tua est, & cum priscâ doctrinâ prisci mores. Sed largiter satisfecisti vnâ hac scriptione, cui & munera adiuxisti: munera, qualia nos decebant, libros. Amo te, amabo: & certe debo, ut est raritas talium virorum in nostro aye. Oudartum tamen, communem nostrum, nouisti: ille est ad Genium meliorem & nostrum, vir quo probiorum nec optes quidem. Adebat amor & studium istarum artium: sed & peritia ac rerum usus adest, & cum poëta, * *ad eius dñeas id est opem annam.* Vno verbo, si me amas, virum ama. De Cattullianis Notis, & Inscriptiōibus antiquis, gratum est: videbo: & quidquid fructus, à te erit. Gratius, intellexisse de valetudine instauratā Antonij Couarruiæ, quam afflīctam aut depositā esse Stephanus Yuatra, regi à Secretis, mihi indicarat. Addiderat Homeri fato affectum, & iam cæcum esse. Gaudeo aliter habere, quia ignotū de facie virum, tamen acriter amo, & censeo lumen ac fidus esse illius tractus. Plura alias: hæc salutatio modò & gratulatio apud te sit, quod saluus ad nos veneris, per maria, per montes: atque ut diu in patrio isto solo sis, Deum veneror atque oro. Libri mei de MILITIA traditi Principi sunt: ut ad me scribunt, grati: sed de re, quam tu exspectas, ego adhuc nihil, nisi hoc tuū, exspectare. Siquid erit, scies, etiam, si nihil erit. Schottum nostrum Romæ effescis, à quo nuper litterę, & unā ad Senecam patrem Notā. Sunt bonæ & eruditæ: sed in plerisque præuenit eum Nic. Faber, quem puto te vidisse. Vale mi Pantine. vi. Idus Mart. 15. xcvi.

E P I S T O L A XXIII.
IOANNI SARRACENO, ex Abbe Vedaſtino
Archiepiscopo Cameracensi designato.

Ego verò gratulationem meam & gaudium animo conceptū prodere scripto & stilo debo, cùm voce & sermone coram non detur. Gratulor, inquam, & gaudeo ex animo, incohata m' nuper dignitatem tuam iudicio & suffragio Catholici Regis, nunc quoque summi Pontificis calculo & auctoritate firmatam. Habemus ergo te Cameracensem, veteri & illustri honore, Archiepiscopum, adiunctā etiam laxā gubernatione & dominio externo: atque ut diu habeamus, & Ecclesia, Respublica, Litteræ (nam & eas addam) fruantur, ex animo Deū precursor. Enimvero virtus tua etiā ianthinè campanum habuit in quo se exerceret, itemque

prudentia: tamen utraque nunc amplius, ut sic dicam, theātrum habet, & in oculis est Belgicæ, vicinæ Galliæ, ac pænè dixerim Europæ. Quò magis illud apprecamur, ut personam tantam aptè & decorè sustineas, ex Dei gloriâ, tuā famâ, usu omnium: cui rei nec vires, nec voluntatem tibi deesse sciimus, vouemus tantum ut ventus diuini fauoris aspiret, & inter fluctus nauim hanc dirigas ad tuæ & publicæ Salutis portum. Reuerendissime & Illustrissime Domine valere te & perennare cupio. Louanijs, xii. Kal. Octobr. 15. xcvi.

E P I S T O L A XXIV.

NIC. OVDARTO S. D.

INVITAS me amicè (nōnne animū tuum noui?) ad colloquia & conuiua, cum Pantino & Hartio nostris, quibus adeste maximè equidem vellem. Quid me tenet igitur? id ipsum quod fortasse deberet propellere, valetudo solito infirmior, quam vel cibi isti * *draſpoi,* vel alia cauſa conciliauit. * *finſam-*
Vix ausim per eam cominouere me, & tamen serio credo in vestro vultu & colloquijs leuandam illam aut ponendam. Mi Oudarte, iamdiu te amicum habeo, & per litteras animū tuum noui, priusquā ipsum te & totum hominem nossem: sed in omni amicorum clasē non est, quem probitate, & candore, & fide tibi præponam. Iure ergo ad te propendo, & eò magis quia fortasse diu frui mihi quidē non licebit. Sentio corpusculum hoc deficerè, & internum illum hostem, qui hepar ipsum obſidet, vires sumere, viribus meis æuo & tædio imminutis. Quid malis est? mihi crede, quò proprius & diutius res humanas intueor, magis aspernari & fugere eas libet, & toto alio orbe disiungi. Heu vanitates, heu malitias, heu inceptias etiam, quas video! & ipsum istud legere, scribere, discere, quid nisi oculos magis aperit ad videndum & noscendum? Qui cum ludo & mimo comparauit totum hoc nostrum viuere, is mihi rem visus intellegere: sed cant, persedant qui volent, & spectent: ego saturabitur, & theatrī portas specto. Utinam & superas portas! è quibus animus hic demissus, auet & debet iisdem recipi: quod spero in illo, qui me fecit, aluit, seruauit. Vale mi Oudarte, & nunc de adventu excusa: alias vel inopinatus te oppressero, si Deus firmitatem dabit. Louanijs, Kal. Martijs. 15. xvii.

EPIST.

E P I S T . X X V . Bruxellam.

D. GERARDO DE HORNES, Baroni
Bassignaci, Toparchæ ffcano.

LITTERAS tuas datas ante tres septimanas, ante biduum deum accepi: nec siluissem sanè tamdiu (vt meus in te cultus est) si priùs vidissem. Neglegentia tabellariorum interuenierit oportet, in tantillo intervallo. Hoc præmisi, vt silentium meū excusares: at de ipsā re, quid dicam, nisi gratissimum mihi hunc affectum tuum & in me, & in Iiscanum tuum, esse? Ego verò amo locum; & affectum, vt vidisti, etiā publicē, & alieno pñē loco, expressi. Utinā facies ea esset, quæ solebat/ valdē nunc deformis, cùm ob duplia incendia, tum & quia homines ac mores non sunt, qui solebant. Infausta hæc ciuilia bella, inter alia mala, hanc quoque labem morum induxerunt, & homines necio quomodo feroce, prauos, impios reddiderunt. Paullatim hæc tuā etiam prudētiā & curā emendari possunt, & restitui locus atque homines in veterem splendorem. Quò inuitare profectō pax hæc debet, quam cum Gallis certō habemus (vt vndique nunciant) confectā. Ita securitas ijs locis erit & quies, & liberiūs exerci auctoritas tua atque imperium poterunt, & mutari aut tolli quæ videbuntur. Ego certè, si tempora indulgebunt, non solum crebrò illuc commēem, sed etiam secessum illum senectuti atque orio meo (si Deus dabit) seponam. In eo & te aliquando, Nobilis Domine, vide re atque affari mihi votum sit, cum Domina, quæ heredem tibi donet. Louanij, xiii. Kal. Iun. ∞. I. xcvii.

E P I S T . X X V I . Brugas.

IANO LERNVTO, suo fido & veteri S. D.

SILVI mi Lernuti, post gratissimū tuum Carmen, quod me in animo isto interiore affecit, non ob laudem, sed ob amorem. Amo, amavi te; & amari à te, hoc quoque valdē amo. Silui tamen vt dixi, quā causā? quæ nec ipsa causa esse debuit, valetudine impeditus. Ea mihi tristior est, & fuit ab illis castionię & abstinentię nostris diebus; & in languore sum & ignauia etiam, assiduā comite huius mei morbi. Atqui alij passim me incitant ad scribendum aliquid, & cundendum: hem, nec nunc quies? O æxum, quod exigis officia, non reponis! Nam tū-

lisquidem & iudicijs in me honesti sunt, in recessatores. Quæ tamen culpa Quæstorum potius, quām Principum est: sed quid refert? illi nunc habent regnum. Deus, rex, tempus emendabunt. tibi si benè, sanè, & iucundè est, gratulor, & toto pectori vouco talem perseuerare. Filius valet, studijs operatur, me amicum habet & habebit. Louanij, Idibus Maijs. ∞. I. xcvii.

E P I S T O L A X X V I I .

P. LEONARDO LESSIO, Theologo Soc. Iesu.

IN varijs & pñē cottidianis sermonibus nostris, de Notis fabulati sumus: quartum usum crebrum vel assiduum veteribus, uterque consentiebamns cū fructu & bono publico reuocandum. Sed quî fieri exoleuerunt illæ, & fuisse magis, quām quid & quā facie fuerint, scimus. Ostédebas te non nolle ut aliquid huic rei colligerem, collectum ad te deferrem, melius sic certiusque arbitrandum, an tanti tota res esset. Facio igitur: & cuius caussā magis velim, aut debeam? Tuuin est, vt Homericō versu dicam,

* — οἳστο μηδέπειραν χαράντε ποσίται
καὶ δίνε.

Notas hæc appellamus, scripturæ quædam compendia, cùm verba non prescribimus, sed signamus: celeritati, & excerptiōni repertas. Ipse qui hoc facit, Notarius dictus. Glossæ: Notarius, ταχυερός: velox scriptor: à fine. Suidas: Notarius, οὐργερός: quasi dicas Exceptorem, ab usu. Iterum Glossæ: Notarius, οὐργερός: qui per signa scribit, à modo. Hinc Ausonij quædam Epigraphæ: Ad Notarium, velocissime scribentem. Augustinus, de Doct. Christ. Ex eo genere sunt etiam Note, quas qui didicerunt, proprie iam Notarii appellantur. Itaque duplex apud veteres scribendi ratio, Scripturæ & Notarie: illam ταχυερίαν, hanc ταχυερίαν dicebant. Scriptor aliquis, apud Suidam, de Origene illo, Græciæ stellâ, utinam non caducâ: Α' μέρος, inquit, πολλὰ ιερώνας ἐνθεωριασάμενος, τοὺς ταχυερίους ἀντι ταχυερίους θεωρεῖ, ταχυερίους δὲ πάλιν, ἐργατῶν τούτοις ζεῖς θεωρεῖς: Ambrosius (quidam inter potentes) multa cum orans & adigens, & septem ei Notarios, plures scriptores alios apponens, commentarii cum sacros libros curauit. Fulgentius & has intellexit: In omnibus artibus sunt prime artes, sunt secunde. vt in puerilibus litteris prima est Abecedaria, secunda * Notaria. Rationem scribendi per litteras, vt faciliorem, primam disce-

* quantum
equidem
possim ma-
nibus pe-
ditibusque &
Robore con-
nici.

Lib. II.
cap. xxvi.

III. My-
thol. in
Orpheo.

* Sic legi-
mus vulgo
corrupta.

Aug. cap.
lxiv.In eius
vita.Lib. I.
cap. xxi.

In Chron.

Lib. LV.
Actis anni
DCCXLVI.

discebant; tum istam. In Suetonio huic sensui iam olim emendauiimus: *Nepotes et litteras, et notare* (sive Notarium) aliaque rudimenta per se plerumque docuit: ac nihil aequè laborauit, quām ut imitarentur chirographum suum. Vulgo quidem natare scribitur, & defendunt alij: sed rem & textum Suetonij qui attendet, nisi praui periculax est, ad me ibit. Sed Notarum istarum quis primus auctor? Ego libenter Grēcis gloriam dederim, & nominatim Xenophonti, philosopho & historico de quo Diogenes: *καὶ περὶ τοῦ οὐποτεστάτην τὰ λεγόμενα, εἰς ἀνθρώπους ἥγανεν*: Primus notis excipiens dicta (Socratis) in lucem hominesque protulit. At Latini ad se trahunt de quibus ita Isidorus: *Vulgares Notas Ennius primus mille et centum inuenit*. Appellat vulgares, ut à Iuridicis & Militaribus, de quibus subiicit, distinguat: & quia hæc in communissimo vsu. Sed ita auctor Ennius? nusquam lectum, & ipse Isidorus mox abnuit: *Rome primus Tullius Tiro Ciceronis libertus commentus est Notas, sed tantum prepositionum*. Post eum Tertius Persannius Phalangyrus, & Aquila Mecenatis libertus alias addiderunt: deinde Seneca (patrem puto intellegi) contracto omnium digestoque numero, & aucto, opus effecit in quinquemilia. Quis h̄ic ille Tertius? nullus in libris scriptis, quos ego vidi: & vox abest. Itaque legam, Post eum Persannius: & idem nomen suprà reponere ausim: *Vulgares notas Persannius primus: non autem Ennius*. Ita dicat istum repperisse primum tali numero Notas: et si paucas anteà Tiro Tullius, & ut addit (si ea quoque verba sincera) prepositionum tantum. neque enim commodè h̄ic ingero aut digero prepositiones: tu iuuabis, si potes. At Plutarchus. Ennium quoque reiicit, & magis pro Tirone est. nam scribit in Catone Uticensi, unam eius orationem prostare, exceptam Ciceronis operā, qui in curia celerrimos sribas disposuerat, praedictos Notis et signis vti. Addit deinde: *Οὕτω γέ συνονοεῖται τὸν τελευτὴν τὸν καλεύθυντον οὐρανοφαῖον*: Nondum enim instituerant, neque habebant, Notarios dictos. Sed magis hoc clare Eusebius: *M. Tullius Tiro, Ciceronis libertus, primus Notas commentus est*. Dionem Caſtum mente refragari istis non arbitror, et si p̄nè verbis. nam scribit, & laudat inter alia Mecenatem: *οὐ περὶ τοῖς οὐρανοῖς τὰ γεγονόταν οὐδὲ τὰ χρόνια*: quod primus Notas quasdam ad celeritatem scribendi inuenit. Non hercule primus omnes, sed quasdam ex ijs, & auxit. Imò re-

uerà nec Cicero, nec ipse: sed liberti eorum, vt ex Isidoro clarum: et si Plutarchus & Dio patronis attribuerunt. Seneca noster magis ingenuè: *Quid loquar verborum Notas, quibus quamvis citata excipiatur oratio? vilissimum mancipiorum ista commenta sunt*: Tironis, Persannij, Aquilæ, libertorum aut seruorum. Hæc inuentio, propagatio, auctio: quis usus? duplex, publicus & priuatus. Isidorus suggerit: *Notarum usus erat, ut quidquid pro concione, aut in iudicijs diceretur, librarij scriberent complures simul adstantes, diuisis inter se partibus, quos quisque verba, et quo ordine exciperet*. Ait fuisse complures simul: quod necessum, ubi citata & longa oratio, neque unius mens aut manus sufficeret. Ait, adstantes: at liber scriptus, addentes: ex quo possis, audientes. Ait denique, diuisisse partes, et verba: id est, ut primus sex prima verba (pro exemplo) secundus sex altera, tertius tertia: aut tali diuisione, & postea simul iuncti & conferentes, membris insitis, orationem explerent. Ac plurimum ita fuerit, certiusque ita fuerit: arte tamen adauctâ, nihil ambigam vel unum sufficisse. Igitur publicè h̄ic usus, orationes & dicta excipere, ac prouulgare. Ita Asconius tradidit, orationem Ciceronis pro Milone, ipsam quam dixerat (nam hodierna hæc scripta modò est) exceptam fuisse, quæ suo tempore existaret. Et Fabius queritur orationes aliquot suas circumferri, neglegentiā excipientium in questum Notariorum corruptas. Culpat non de facultate, sed de intentione: & quod tantum in questum, non fidem, exceperint. Factum idem in Actis iudicialibus & documento hodieque aliquot Christi martyrum: in quibus omnia verba ultrò citroque dicta referuntur. Vlpianus hac occasione censet: eos qui Notis scribunt Acta iudicium, reip. causa videri abesse. Ammianus, Jūdicii assistentes hinc inde Notarios facit. Manilius de Iurisprudente:

Hic etiam legum tabulas, et condita verba Nouerit, atq; Notis leuibus pendetia verba. Quia crebro scilicet earum ibi usus. quod tamen Iustiniano displicuit, ob cauſas: ve- Cod. de vtroque enigmata Codicis sui textum conscribi. Publicè igitur h̄ic usus: at priuatum, plurimus sine in epistolis, orationibus, scriptis alijs subito dictandis; siue in excipiendo statim, & sine iacturâ magnâ lectionis, adnotando. Plinius minor, de maiore: Semper ei, etiam in itinere, Notarium ad latum fuisse, cum libro

Epist. xc.
Nec dā-
namus tā-
men Ad-
stantes.
Lib. vii.
cap. III.
Lib. XIV.
vte encl.

C.P.V.

Et pugillaribus. Idem de sese alibi: Notarium
voco, & die admissio, quae formauerat, dicto. Quis
neget grande in eo commodum? & quod ca-
lor vel intentio dictantis mora non tempestivit
aut frangitur? Hodie si in lectionibus publi-
cis, ubi dictatura regnat, usurpetur: quanto
bono, & quo temporis scenore fiat? Nam
mira hinc in excipiendo celeritas: quae finis &
fructus propriè huius inveniuntur. Celeritas in-
Epist. xc. quam tanta, ut quamvis citata (verba Senecæ)
excipiatur oratio, & celeritatem lingua manus
sequatur. Quid sequatur? impo præueniat: &
ita Martialis in lemiate, Notarius:

*Currant verba licet, manus est velocior illis,
Nondum lingua, sicut dextra peregit opus.*

Lib. iv. Manilius, de eodem:

*Quiq; Notis lingua superet, cursumq; loquetus.
Aulonius ad suum Notarium:*

*Tu sensa nostri pectoris
Vix dicta, iam ceris tenes,
Tu me loquentे præuenis. Et addit pulchre:
Quis, queso, quis me prodidit?
Quis ista iam dixit tibi,
Quæ cogitabam dicere?*

De vitâdo susp.con- Ideò Furta verborū Hieronymus dixit: Ex-
temporalis est dictatio, & tantum ad lumen lucernula
facilitate profusa, ut Notiorū manus lingua
precurreret, & signa ac furtæ verborum volu-
bilitas sermonis obrueret. Furta, inquit, vel quia
cripiunt & præripiunt verba: vel etiam, quia
tegunt & cōpendio quasi clepunt. Sed quid
aut quales fuere igitur? inquires. Communi-
ter possum dicere, videri duplices fuisse, Lit-
teras & Signa. Litteras, ut cum una aliqua
hoc aut illud verbi notat. P. Publius: eadem,
Pupillus: eadem inuersa, Pupilla. Item C. Ca-
ius: conuersa. C. Caia: & quæ talia passim in
libris aut monuimentis. Sed cum ea paucæ
essent, Signa reperta, plerisque verbis notan-
dis: quidni plerisque cum ad quinque mil-
lia fuisse à Senecâ, suprà dictum? Ea autem
aliâ quadam & minutâ facie, ut iure à litteris
distinguuntur. Iurisconsultus: Notis scriptæ
tabulae non continentur editio, quia Notas litteras
non esse Pedius scribit. Sidonius: Tribuit
& quoddam dictare celeranti scribarum sequa-
citas saltuosa compendium, qui comprehendebat
signis, quod litteris non tenebant. Signa igitur,
in Catone. & patua. atque ita Plutarchus notificat:
*Σημεῖα τοῦ πρεσβύτερου Βεργέντιου πολλῶν γεγρα-
μάτων διάφορά ἔχοντα: Signa in paruis (et) brevi-
bus figuris, multarum litterarum vim inclu-
dentiā. Aufonius Puncta appellat:*

*Punctis peracta singulis
Ut una vox absolutur.*

Et benè singulis vnde & sic appellantur. Cod. de
Iustinianus in Constitutione Græcâ: Σημεῖα
τοῦ πρεσβύτερου Βεργέντιου πολλῶν γεγρα-
μάτων διάφορά ἔχοντα: Notis in
scripturâ, quas Singulas appellant. Sed de Punc-
tis, etiam Prudentius, de Cassiano mar. Περὶ στοφῆς
τύπε, doctorē eis usce artis: Hymn. ix.

*Prefuerat studiis pueribus, & grege multo
Septus, magister litterarum federat,
Verba notis brevibus cōprendere multa peritus,
Raptimque punctis dicta præpetibus sequi.
Et addit, cum damnatum, & adiudicatum
ipsis pueris, qui stolis fodorent & conficerent,
imitatione illius artis. Itaque clamant:*

*Reddimus etcē tibi tam MILLIA MVI TAK
notarum,*

*Quām stando, flendo, te docente, excepimus.
Pangere puntâ libet, sulcisq; intexere sulcos,
Flexas catenis impedire virgulas.*

Ex quibus videas & Puncta fuisse, & Lineas,
& Flexuras ac Catenationes. Nec plura reppe-
ri. aiunt libros alibi in bibliothecis existare
harum Notarū: cur non edunt? quanto uti-
lius, quam nugas quasdam hodie atque he-
ritatas? Enim uero periisse utilissimam (ita
censeo) artem, dolendū est: & reparabilem
tamē, si libeat adniti. Sinenses hodieq; cha-
racteres habent, quibus tota verba signant:
sed operosos ferè aut implexos. Expeditus
aliquid oporteat. & credā à sagacibus viris,
in paucis diebus, repertum ire, si iubeantur.
Finiui mi Pater, tu iudicabis, & tabellam di-
mittes, me animo tuo & precibus includes.
In Musæo nostro, hodie horis matutinis.

E P I S T . X X V I I I . Mechliniam.

P. HENRICO SEDVLIO, Ord. D. Francisci.

LI BRVM tuum accepi, neque uno nomi-
ne libens vidi. Quia argumentū pium
erat, quia de capite & principe Ordinis ve-
stri erat; quia à te ipso erat, quem iampridem
cum veneratione quadam (serio loquor)
amo. Vidi igitur libens, & legi libentiū: ita
me & res, & ipsa scriptio tua, & iudiciū tra-
hebant. Multa opportune misceisti, ad fi-
dem, ad intelligentiam, ad vitam & mores:
quam partem in his scriptis ego maximè
requiro & amo. Non dicam de stilo tuo, qui
gravis simul, & præter communem morem
disertus est: sed illum adesse etsi gaudeo; ta-
men si absit, ipsa etiam res sic tractata dele-
bet. Ordo, & iudiciū, & optimus ille finis,
ea sunt, quæ in re Pietatis me capiunt: &
tum maximè, cum à spirante animo & in-
censo veniunt, & qui sentire se ostendit quæ
dicit.

dicit. Fateor me ijs moueri, trahi, rapi: factu sæpè mi Pater, & in Dei honoré, & nostrum bonum, scribe. Loquentem olim audiui cum fructu; recognosco nunc in scriptio[n]e. Quod dixi, amo te, & veneror: illud prius tu mihi facito, & precibus etiam iuuua. Louanij, x. Kal. Sept. ∞. I. xcvi.

Adiunxi mynusculum belliorum, quæ valetudini tuæ seruire toto animo opto.

EPIST. XXIX. Montes.

CAROLO DESIDERIO S. D.

GAVISVS sum, cū per te intellexi, venisse incolumem quò velles, & iam in auspicijs esse muneris tui quod suscepisti. In quo siquæ molestiæ erunt fortasse (imò quia erūt, vt sunt res humanæ) sustinere eas magno animo & vincere oportet, aspectu isto dupliciti. quòd & splendidū atque illustre munus impositum tibi sit; & quod tua in eo cura, ad Remp. ipsam in parte spectat. Non ignoras Principes istos adolescentes qui assurgunt, quasi fulcra & colūnas esse in magno ædificio; quod ijs aliquando innitetur, firmiter & fideliter, si institutio sit à fideli & eruditâ manu. Vtrumque tibi hoc adesse censemus, & Fidei plus satis, & Eruditionis quantum sit satis ad illum, & grandiores etiam, poliendos & formandos. Deus rogetur tantùm, vt laboranti tibi adspiret, & nobili ingenio amorem & affectum erga doctrinam & docentem simul inspiret. Enim uero quin breuî vel hæc vel alia Academia vos sit habitura (sed hanc mallem) non ambigo: & tum licebit pleno gradu pergere iter, quod suspenso aut resistente alibi pede est nunc tibi calcandum. Certè nos tunc operâ & voce iuuare possemus, nunc voto & hortatu tantùm. De Galliâ terrores quòd illic habetis, nos hîc nullos: imò de pace creber & certus sermo. Quæ mihi tamen ambigua erit, quidquid colloquia & tractatus instituantur, donec audiam pertractasse & conuenisse. Faxit Deus: & te cum Ill^{mo} Duce, & Nob^{mo} discipulo incolumes seruet: tibi autem illius beniuolentiam, huius reuerentiam & amorem. Louanij, vi. Idus Novemb. ∞. I. xcvi.

EPIST. XXX. Bruxellam.

PETRO BOSCHIO, I^o & Iudici exercitus Regij.

Pono frontem, & ad te venio petiturus, quod vix res tuæ patiūtur, scio: sed ami-

citia nostra patitur, imò animus in me tuus ad maiora animum mihi addat. De mutuo meo, sanè in isto sum certus. Peto autem iuvari à te in extremâ istâ metâ rei nostræ, siue litis: quam tangere non potest, & hæret sine operâ tuæ manus. Cedo eam quæso, quantumuis leuem & breuem. nam vicarium alium dare ægrè possumus, qui eam norit: & vt norit, spes mihi est (sincerè dico) in mente & manu tuâ. Vale. Louan. xvii. Kal. Apriles, ∞. I. xcvi.

EPISTOLA XXXI.

PETRO PANTINO, Decano S. D.

DVPLICITER dolui epistolâ tuâ lectâ: primùm, quòd inualetudo te haberet, quæ adurgeret Spadâ ire: deinde, quòd mihi coitem esse non licet, vt tu, quid tu? imò & ego vellem. Nam reuerâ & languor meus vetus illuc trahit, semper ibi aliquâ allcatione: & in tuo consortio iuuet esse, & inter rupes ac siluas illas ambulare, garrisce, ride-re. Nam & hoc in eo loco opus, & seriæ cogitationes aut curæ tradendæ ventis sunt, in mare, vt ille ait, ferendæ. Volebâ igitur, vel potius hauebâ: sed pericula me absterrant, & iure Batauos aucupes metuo, quorū arundo alas mihi verberauit. Audisti confusio[n]em & fugam nostram, cùm nuper illâc fui. Itaque hac æstate differo; & pax me illâc restituer, si tamen Deus speratam eam dabit. Quem commendasti, cupio & faciam, vbi occasio erit. Nam hæc subita esse non possunt. Vale Reu^{de} & Cl^{me} Domine. Louanij, prid. Kat. Iun. ∞. I. xcvi.

Quod oblitus sum dicere, ego Aquas hîc bibo, procul à fonte suò, & ideo minus efficaces, fareor: sed tamen vel sic iuuant.

EPIST. XXXII. Bruxellam.

HENRICO STRAVIO, I^o & Canonico S. D.

Ex litteris tuis vidi, quid in rem & famam meam amicè fecisses. Quæ tu æstimabas & loco aliquo habebas, voluisti item ab alijs: & libros meos in Italiam, ad viros illos magnos, misisti. Benè cessit, mi Straui, & iudicium pro voto tuo rettulisti: quid tuo: etiam meo, negare non debeo, & Italiae indicijs me & mea probari, semper habui inter votiva. Quidquid hoc est litterarum reliquum, illis debemus; quidquid etiam ego in hoc genere profeci aut possum, magnam partem debeo viris quos tellus ea dedit. Sed & ipsam vidimus, & iudicia etiam nostra ad ele-

elegantiam aliquā formauimus in meliore illo cēlo & solo. Confuetudo virorū aliquot summorum, qui tunc viuebant, & incitauit me ad hæc studia, & bonā rectaqué viā perduxit. Itaque, vt dixi, amo iure & amabo Italiam, & amari aut probari ab eā æstimo. Sed sic, vt excitet me ea laudatio, non attollat aut vano vento inflet: cùm sciam nec maxima mea esse, & quidquid sunt, non à me esse. Sicut locus à sole illustratus, splendorem, sed alienum, habet: sic nobis euenit, quibus lux hæc omnis à supremâ illâ luce. At tu mi Straui, vt concludam, amicè: & debere me gratiam sentio, & habeo, & animo affectuque tuum esse seriò testor. Vale. Louanij, iv. Idus Iulias, ∞. Iō. xcviī.

E P I S T . X X X I I I . *Leodicum.*

M. ANTONIO DELRIO S. D.

et ex animo optat.

I AMN VNC tuas vidi, sed egóne vt sileam
in tanto meo gaudio pariter, & dolore?
Dolui, dolui tuos casus,

*dura nauis,**Dura fuga mala, dura belli.*

Omnia conspirarūt in te, sed pro nobis, certè pro me, qui te vbiicumque retineo, & animi finu inuoluo, sed propiorem malo, & sæpius aut litteris aut aspectu etiam frui. Quis vel hunc mihi eripiat, cùm in Belgicâ es? adibo & repetiam te vbiubi locorum eris; & si Leodici, iamnunc promitto in æstatem, & reducem gratulabor & amplectar. Omitte, per Deum, in posterum has cogitationes, quas ille improbat: nónne vides? & illi gratias, non tibi, debemus, qui fugituum retraxit. Ignoscé huic verbo, amor dicit, & dolor etiam, sed quem gaudio multo. mane apud nos, viue, & morere, cùm hora illâ erit. Tarda sit. meama, asperge aquam languido tuis litteris, ego non deero mutuum facere vtrumque. Ad lumen scripsi, nec diu potero, gemina illa sidera mea caligare incipiūt, & ad vitrea auxilia deuoluor. Heu homo, heu æthereæ etiam partes! fascitis, aut peritis. Louanij, viii. Kal. Novemb. ∞. Iō. xcviī.

E P I S T . X X X I V . *Mechliniam.*IOH. BERNARTIO *Cognato* S. D.

E ST vt dicis, aliquot menses silui. Sed mi Bernarti, apud plerosq; omnes hoc iam vsurpo, nec nisi necessariò scribo. Valetudo
I. LIPSI Operum Tom. II.

ista & multiplex distractio iubent: neque me censueris * *ναζίαν τεῖσαις οὐ δύναται, εἰδόταν, νοέτων, ντεῖται*, *ντεῖται*. ^{Naxiam inter persas alias correm.}
hoc cum Pindaro dicam. Etas etiam attērit & delibat, ac quinquagesimum primū annū iam sum ingressus. An plures addam? tu trepidas & malè ominaris, & juc hoc Italicum nescio quid fatale præfigis? Noli mi amice. bonis votis omnibusque prosequere, abeuntem duim taxat bono illo & Pietatis fine. Sacer annus & sæcularis est, qui me inducit: si in conatu ipso moriar, præsentanea & perpetua merces erit. An & hoc indecorum, homini morum & studiorum veterum, mori in eorum altrice & parente Italiâ? Deo decretum hoc in arcano & tacito consilio: fiat, si ita est: redeam, si non est, & vobis iterūm fruar. Nam redire mihi quidem certum est, nec vllæ blanditiæ aut promissa me fistant, imò nec retardent. Paucorum mensium iter est: nec plura de eo, ne & saliuam tibi moueam, an iam moui? Nam fallor, aut vñā velles: sed compedem tuam vide, quâ custos ille te ligat. Mane, mane, voto me exspecta, & ARAM FORTVNAE REDVCIR para. Quamquam hæc maturè satis (aliquot enim menses intersunt) sed scriptio tua eò traxit. Louanij, v. Idus Mart. ∞. Iō. xcix.

De Cōmentario tuo Statiano iam sciebā, & Moretus ad me scriperat. De inscriptione, nihil deliberandū censeo quin ad Archiepiscopum nostrū eas, virum à se & virtutibus clarum, & præconijs etiam nostris meritò faciendum. Nam de alijs apud nos Dynastis, omitte. Oudartum tamen audire potes.

E P I S T O L A XXXV.

CHRISTOPHORO ASSONVILLIO,
Confiliario intimo.

PRO veteri & perpetuo meo cultu, quem tibi meritò defero, referre consilium meum debui, quod in re meā recenter cepi. Id est tale. Instat annus Sacer siue Iubilæus à Bonifacio VIII. Pont. ad incitamentum pietatis, & noxis purgandis, institutus: ad quem me religio priūm, tum & viri aliquot in Italiâ Principes, sed & valetudo inuitat. Religio ante omnia. & cùm Deus viuere mihi dederit (si tamen viuo) verè sæcularem & centesimum illum annum; vtar hoc beneficio, & Lustralia illa sacra in sacro ipso loco obibo. Sed & aliquid tribendum primoribus illis in Ecclesiâ aut Rep. viris videtur: qui cùm crebrò iam inuitent,

K k &

& mansionem ijs meam pertinaciter negauerim, liceat indulgere breuem hanc peregrinationem & visionem. Breuem, inquam. nec enim aliter statui, quam ire in Autumno proximo, & in Vere primo redire. Certè Principes & patria mea me tenebunt, nec in hac ætate & valetudine ingrauescente noua consilia aut sedes quæram. Hoc rogo ut tibi alijsque (si opus erit) persuadeas: tu & illud, sperare me omnino per hunc motum & mutationem aliquid in valetudine mutatum iri, que certè nunc lagueret. Eius enim curam aliquam me gerere, & ratio vult, & vos patroni atque amici mei, ut spero, non abnueatis. Hoc iterum rogo Ampl^{me} & Nobil^{me} Domine: Deum autem, ut bono publico, cui natus es, te diutissime seruet. Louanij, vii. Kal. Maijas. &c. I. C. xcix.

E P I S T . X X X V I . Bruxellam.

NICOLAO FABRO doctori iuuentutis S. D.

Tu verò acriter litteras meas desideras: sed quo argumento donem? Laudes in me congeris; non admitto, nec quidquam in ijs probbo præter affectum, qui expressit. Ut oculus, in quem humor aut phlegma illapsum, parum videt: sic animi acies, quem Amor inumbrat. Fit tibi mi Faber, tibi. & Lipsium quia valde amas, valde aestimas: utinam re sic attollendum per haec iudicia & mutandum! Sed animo tamen non attollar, absit: mei gnatus apud me manebō, nec inter Aquilas censebo, quæ sublimes cæli plaga petunt, sed inter Struthiones aut marinos passeress, qui curriculo, ut ille ait, volant. Terram rado, aërem capto: & quid me detinet aut detrahit? corporis pondus, & præsertim hoc morbi, qui tot annos adhæret & opprimit, etiamnunc medium & incertum vitæ an fati. Verè loquor, per hos menses ille meus hostis sic inualuit & saeuijt, ut ultra vix sim ad munia & functiones publicas, quas obimus. Vide remedium, quod petere institui. unde? à Deo & pietate. Romam ire ad annum sacrum Saecularem mihi decretum est: & si non sanior, melior certè rediero puriorque per lustrationem istam publicam diuinitus ibi concessam. Quid si & ipsa peregrinatio ac motus iuuabunt & alleuabunt? Spero & opto: tu mecum pro amore tuo, mi Faber. Quem redamo, & saluere iubeo. Louanij, xv. Kal. Iun. &c. I. C. xcix.

E P I S T O L A XXXVII.

OTHONI HARTIO V. Cl. S. D.

Ecce fortasse quod libeter audias, in Italiam nunc non imus. Litteras accepi ex ipsâ Vrbe, quarum exemplar ad te initio: & videbis morbo, qui est aut imminet, iure nos terreri, imò & teneri. Quis molestias nescit, quas in singulis vrbibus Italæ ferre necesse est, vbi vel minima contagionis suspicio? at nunc ipsum regionis aditum ac limen obserdet in parte. Longius etiam, ut anni tempus est, se sparget fortasse: quid tum nisi frustra suscepimus iter, nec irriti fatum, sed irrisi? Ergo lente & cautè præstat: quò me etiam ducit vel inuitum valetudo, tristior & cui symptomata quædam noua. Alioqui assidue in uitationes excitabant, & fortasse ambitioncula aliqua (cur negeam?)

— neque enim mihi cornea fibra est, ut Poëta ait) ambitioncula, inquam, etiam trahebat. Videre Principes viros atque vribes, videri & excipi, optabile erat, si Deo & Fatis visum fuisset. Nunc depono cogitationem, & magno Rectori me attemporo, cui infelix qui recalcitrat aut observit. Ad Oudartum nostrum scribam: scripsi iam nunc ad D. Thesaurarium, cuius intererat hoc scire, & ob affectum in me (serio cotidie experior) & ob cogitationem de Cognato. Cl^{me} Domine, valere te cum tuā & tuis ex animo opto voueoque. Louanij, viii. Kal. Sextil. &c. I. C. xcix.

E P I S T . X X X V I I I . Antuerpiam.

EMANVELI XIMENIO Lusitano S. D.

EPISTOLAM tuam legi beniuolentiæ in me testem, & curæ quæ tibi de te & tuis est veniendi ad virtutem. Illâ & hac delector: & in istâ libens etiam iuuabo, si quid consilio possum. De te ipso tamen res mihi facilis videtur; & tu tali ingenio atque indeole (Deus ea dedit) in portu esse iam potes, imò es etiam, si esse te censes. Fluëtuatio ista & timor abiendi sunt: genus vitæ sumendum, & in sumpto firmiter hærendum, atque id molliendum est (nam dura semper aliqua euenient) cogitatione meliori aut lectione. Sortem humanam si bene nouimus (nosse autem Philosophia docebit) quid mirum, aut acerbum, in vitâ hac erit? Imò tibi multa læta, quem supra tot millia extulit benignior ille Deus. Hoc cogita, quos præcedas,

cedas; non quos sequare: & similes eos posse, quos sequeris, iactari suo metu ante spei et stu: Duo isti affectus vitam exagitant, & ut vettet mare hoc nostrum, per se quietum, turbant: vinci eos planè aut ejci frustram suadeari, temperati eam posse, & à Sapientiae ac Quietis studio debent. Ad hæc & istiusmodi solatia libros factos si addis, culmen ædificio imponis, & rectum te praestabo: contra Iuriias nimboisque humanos. Libelli, quos hominas, boni sunt: at in ipsis Biblijs quid melius sapientiusque Sapientie, Proverbiorum, Ecclesiastis illis libris? Sunt breviter multa, fateor: sed ea me capiunt, & amo hæc monita talia esse, sicut leges & sanctiores quasdam vitae. Satis de te, & tu tibi (conate tantum) sufficis: de filio, quid suadebo? Curam hanc & affectum veterum laudo: & quas meliores firmioresque illi opes, quam in has Virtutis & Sapientiae relinques? Ad utramque igitur ducendus est; & nunc decendus, dum ætas hæc mollis, & quasi cera, signa melioris doctrinae & monitorum admittit. Domini tamen tute, in tenera hac æate, adhuc haberi stradeam: si tamen Schola & institutio publica displiceret, quam illis laudata m habetis. Inter plutes non libenter solum, sed plus etiam discunt. Pædagogum velim ex voto tuo, & vsu pueri esse: ac despiciam, si quis hic talis erit. Sed nunc infrequens nostra Schola, & lues, quæ grassari incepit, plerosque abegit: Cum fedierint, serio cogitabo. Nam de incâ domo, si consideras, profecto immaturum est: & progressus paullò grandiores oporteat eum fecisse, si utiliter in hoc constitubemus nostro sit futurus. Post annum vel annos, si voluntas tua, & occasio aut opportunitas mea erit, profecto non negabo, & ostendam me in te amicum esse. Publica, quæ tangis, patum læta sunt: & quid mirum est? mirum, si aliter in consilijs & viâ, quæ initur: Iudicia mea haud libens interpono, & nimis antiquorum hominum videamur: tamen libet & stricte dico, istis nouitiis moribus & consilijs, nescio an augebimus imperium, utinam partum retineamus. Bataui in exigua potentia, ostendunt Ordinis & Oecorisq; vim magnam esse: nos, sed desino & quiete, & silentem fortasse dolorem, non tam tollunt. Vale vir Nobilis & magnifice, & me cense animo atque operâ tuum. Louans, irr. Kal. Sept. ss. 15. xcix.

I. LIPSI Operum Tom. II.

EPISTOLÆ BRUXELLOM
PHILIPPO RUBENTIO meo. S. D.
ALIQUOTIAS litteras accopli, legi sicut
Abes, suauiter & beneficium, non solum
officium, ut constet, prestisisti. Quod quoque
amatus, otiamq; sences hibenter in litteris
videamus; & adeoque amus litteris, quas
summum solatum, & utilissimum instru-
mentum (Philosophia semper excipio) cen-
seret hæc vita: Ergo eas missas, &
in iuste videamus, publica etiam videamus
præsentia solum: sed genere quodam fusa-
ra. De Germanis, ^{προτερον της επιθεσσε, & spem} hoc fateor: sed bene opinari nondum desij,
& Deus aliquis ad suum, id est bonum fi-
nem hæc aptabit. Caligo mentis humanæ
in nullâ re magis, quam publicâ, apparet:
sue quia ipsi Principes & eorum consilia re-
condita, recta: sue quia Fata, & illa implexa
rerum series, semper in obsevo: Homeris
& prisci levem in nubibus habitantem, &
^{καλλιεργεῖται, appellant: ab hac ipsâ}
causa, quia decreta & consilia eius obse-
ra, nec peruvia humanæ menti. Radiorum
tamen aliquid interdum, ut fulgur, emicat:
& sagaciores vel acutiores mentes vident,
& illâ luce ad futura etiam eunt. Ego de me
nunt fateor, caligare, ironio cæcutire: & ra-
diuum illum exspecto, quem geminum no-
strum sidus exferet, in auspicijs istis actio-
nū. O si Minerua ijs adsit, & armata! nam
veroque nunc opus & Prudentia, & Armis.
Ωντα δὲ μερικές λέων ἀριστῶν τὸ δύλων
Δοτας, ὅποις καὶ δόλιος οὐδὲ κίλον αἴγων:
talia nostros oportet nunc Principes, pericu-
lis & insidijs fortasse cinctos. Bataui magna
spirant, magna etiam quædam patrant: ab
ordine, fateor, & disciplinâ suâ adiuti, sed
fortasse & ab ijs, quos indicare malo, quam
nominare. Mihi hoc firmitum est, nisi Mil-
tiâ corrigimus, atque eam ante omnia, bel-
lo quidem nihil nos prospere acturos: faxit
Deus, ut pace. Sed seria omisso: sestiuâ ve-
stra quâ habet? Toti estis in apparatu, in or-
dine, ut sic dicam, ludorum explicando, ut
audio: sed non ego eò festino, & pacatior
lætorque in otio meo ero. Otio, non otio:
sed ut Homeri similitudine utar,

* Ως ὅτις δαλδυ αρδη ἐνεργεια μελαίη,
Αγρες ἐπ' ἐχατης, ω μη καρδα γαίας αννοι,
Σπέρμα στρόπος σεληνης
sic ego me chartis & libris in solitudine ista
intuluo, & igneum aliquem aut lucem è fo-
seruans sibi
semina:

K k 2 mentis

* redire
dies:
mentis eliciam & dabo. De reditu vestro, vellem. Sed vereor, ut iterum hoc cum Poëtâ, ne nondum yenerit vobis ^{* vostus} nômap: quia Apollo pestifer, propior etiam nobis factus, & sagittam letalem in viciniam nostram misit. Tu manes, & obdurans? inquies. Fortiter, Deo fîsus, Fato fîsus: & si illi ita volunt, cum obsequio & quiete exspectans. Tamen, ne nihil pro coimmuni more aut homine, si periculum præsentius appareret, ego dispergo, & secessum aliquem mihi & reliquis meis querero. Satis. vos ibi hærete, donec aurem vobis vello: & D. PRAESIDI officia mea, filijs salus delata sunt. Louan. iv. Non. Sept. ∞ . I. C. xcix.

E P I S T . X L . Bruxellam.

P. PANTINO Decano S. D.

* - floruit
hoc poëtus,
latrataque
lingua est.
Quomodo non tibi gratuler ex tam longâ, & plenâ periculi peregrinatione, reduci? Ego verò animo & stilo facio, & non FORTVNAE illi REDVCI, sed Deo seruatori & tutori gratias ago. Equidem recrebar iam animo, & spe alleuabar, cùm te ad Insubres venisse incolumem, litteræ tuæ dicerent: at nunc plenum solidumque gaudium gaudemus, & sine vllâ, quam cura aut solicitude faciat, deductione.

* pruden-
tium
1' ávñ xpad'ın, γήδησ η γλῶσσα.
Fruemur te, fruetur patria, fruentur & Principes: quos talium, id est, bonorum & simul ^{* φερίμων} operâ ac consilijs vtinam nre iubeat egere! Ancipi enim fato Belgæ sumus, et si libra inclinare ad Felicitatem & Tranquillitatem videtur: quam vtramque ô alter & altera Principes nobis donent! Sed seria non lubet nunc tangere, cùm remissa & festiuia vos habeant: voto finio dupli, quorum alterum Superis soluo, te reduce; alterum concipio, vt sub nouis Principibus faciem hanc innouent tristioris diu status. Libellos à Couarruiâ, tuo commendo, exspecto. Hic, qui istas defert, meus amanuensis est: poterit & illos deferre. Vale R^{de} & Cl^{me} Domine. Louanij, iii. Non. Sept. ∞ . I. C. xcix.

E P I S T . X L I . Latetiam.

Io. WOVERIO suo S. D.

ITA est, lætificasti me fateor; & quia feli- citer aduenisti, & libentes volentesque illos amicos in te meq; repperisti. Magnos

viros vidisti, & videbis, mi Woueri, in illo tractu, adi, æstima, hauri quantum datur. & si non aliud, ipse vultus & breuis etiam sermo, aliquid te iuuet. Sicut nautas in tenebris leuis intermicantis sideris illustratio dirigit: sic nos in hac vitâ vel inspecti illi viri. Admiratio enim excitat, & in viam camdem vocat, si non pari felicitate ad metam ducit. De Thuani in nos & Roillardi animo, nihil mirum, Debent hoc (audacter dixerim) huic meo: qui iamdiu illum, & hunc recens, sed actiter tamen amat. Tu, vt facis, soue, & te quoque dignum affectu præbe. At N. quām in te, præter morem (ita audio) benignus! Aiant alioquin hominem esse per paucorum hominum, qui Timonæum aut Bellerophontæum aliquid sapiat, sibi viuens,

* hominem
vestigia
vitam.
— *Πάτον ἀγέρναν ἀλεῖσαν.*
Non inquiero, & fortasse vel nimis sapit: si tamen hoc ipsum sapere est, Nimis. Ianus Wœuerius cognominis tuus, si non gentilis, quām bona tecū fœderatio! Optimum par, nec vel Dij dederint magis ex vñu aut ex voto. Modestiam & probitatem in eo adolescēte semper amauit; & vt vidi primū (Hamburgi id fuit ante annos ix.) vñà laudatum illam indolem iui. Viuat, crescat, & lampada à nobis in hoc cursu iam fessis accipiat: me libenter & iudicio tradente. Sed heus, Fredericum Morellium ecquid vidisti? Videsis ocis, ipsam Virtutis & Musæ item prolem, nihil illo vtriusque amantiū. Est & Josias Mercerus, olim & nunc inter meos, nam ego certè non mutauit, imò vel magis amauit, postquam in meo studio, id est rusticō, esse audiui. Beatum curarum! maneat, & vrbanas illas pallentesque fugiat, & Floram, Pomoram, Segetiam amet, adiungatque nostras Deas. Sed in hac scriptione ingemui: nobis hoc non licet? ne spem quidem etiam esse? nam de pace pauci & fracti sermones: & sine eâ, ne cessus quidem nobis ad agros. De Italiâ autem nihil spera, aut vltra suspira. sic ea cogitatio perijt, vt fabæ in extremâ viâ solent. Valetudo vetat, & Deus adeò vetat, sine quo mens hæc non mutasset. Baudio nostro quid à malâ lingua aut manu obiectum? Quām puriter amem, tu scis: & nec in somnio aliter de illo non dicam dixi, sed sensi. Multos amicos habemus, & diuidi hic animus videatur: sed quod Philosophi de illo dicunt, totum in parte esse, idem de meo possum in istâ reamoris. Valde quos cœpi amo,

amo, & longum ac constanter amo. In ijs te mi Woueri, idem mihi facturum. Louan. viii. Kal. Nou. ∞. I. xcix.

E P I S T O L A XLII.

NICOLAO OVDARTE *planissimè suo S. D.*

EPISTOLA tua non latu me repperit, sed fecit. In Autumno isto languido, lagubbam (& nosti valetudinem:) sed bonâ Romanaque fide, ad nomen mei Oudarti, quid ad scriptionem? reuixi & surrexi,

Vt solet affuso surgere flamma mero.

Hoc magis, quia interuallu iam fuerat scriptionis: & audiū ad cibos imus, post abstinentiam aut famem. Neque negabo, mirabar silentium, & tacitus expositulabam: sed absentia tua abunde purgat, nec opus aliâ aduocatione. De meâ mansione quod securus es, esto. fœdus mihi iamdiu cum patriâ & velut nuptiale pactum, non diuertere aut disiungi: nisi fortè peregrinatiunculâ. quod etiam in legitimo coniugio scis & fateberis licere. Atquin Italica illa suspecta est, & ne quis Paris Helenam rapiat aut teneat: ecce ergo Penelopen, domi maneo, & vel frigidum istum lectum foueo ac seruo. Securus ab eâ parte esto, mi Oudarte. et si Ulysses noster lentè aduenit, lentè aiat: sed quid ad rem? ego ipsum fortiter, & vel neglectus perseuero. O vtinam modò facies aliqua veteris & pacatae Belgicæ sit! vtinam tutò meare, reineare! mihi crede, saepius in sermones & amplexus tuos ire, & ab amico affatu vires huic **λεπτας χωρι*, & quasi nouum spiritum inflarem. An vñquam erit? dic sodes, dic liberè quid videatur. Nam mihi (apud te hoc possum) aulæ nostræ hic lento, aut frigus placet, non placet: placet, si cum modo; non, quia fortasse nimius. si tamen nos occulta illa, & **χριφια* aulæ inuestigamus. Nam de pace communi, & operâ consilioque inter se arcano Principum conciliandâ, sermo iamdiu me tetigit, imò & fides huic animo insinuavit: quæ res si fallit, quid spei reliquam sit, ego non video. præsertim in flagitijs istis (liceat dicere) militæ, & nec togatâ administratione vndique inculpatâ. Sed mittamus hæc non nostra. philosophemur potius: quod ego quidem seriò cottidie facio, & in ipsam Sapientiæ arcem me immitto. Quomodo? SENE-CAM commentarii incepi, vt non ignoras: pergo sedulò, & in ipso labore fructum eius capio, formari & emendari. Semper ille

I. LIPSI Operum Tom. II.

mihi magnus vir apparuit: sed vt solent vere magna, magis magisque inspectus & tractatus se approbat, & credo post Sacras litteras nihil in vlo orbe, in vllâ linguâ, scriptum utilius meliusque. Deus in ihi det absoluere. hoc saltem breui nec operoso Commentariolo (ita confido) assequar, vt quiuis legere Senecam & capere possit, qui modò Latinæ linguæ rudis non sit: & ex illo campo messem legere, ad vitæ suæ & morum tutelam. Me aut meam ambitionem hinc non specto: publico hunc laborem imputo, breui (nisi quid interuenit) vulgandum & dedicandum. De aduentu meo ad vos, vix potest. docemus, & sollennes nostras operas edimus: quin tu magis ad nos, tui amantes & cupientes? Tu, inquam, cui vacare magis licet, atque adeò negotij prætextu aut iudicij peregrinari. Nihil hinc culpæ aut criminum? puri omnes sumus? tantò magis appropera, & qui pura amas, veni ad hos puros. Vale, mi Oudarte. Louanij, v. Idus Nouemb. ∞. I. xcix.

Mea & mei te salutant: rogo etiam te vt Cl^{mum} Breugeliū cum vxore, & Bernartium nostrum cum suâ, an non etiam grauidâ? Si est, manum meam in sacro fonte offer.

E P I S T . X L I I I . *Romam.*

ASCANIO COLVMNAE, *Cardinali.*

ILL^{ME} & REU^{ME} Domine, me verò mordet, de aduentu in Italiā meo dilatum, aut, quid dissimilem? desperatum esse. Ita me valetudo tenuior & incertior exercitum habet, vt non dicam medicorum, sed & meo iudicio, et si valdè velim, par non sim huic viæ. Quid ergo restat, nisi vt affectu, vt semper, & interdum scriptione vos adeam & colam? quos merito dignitas, virtus, eruditio in luce & famâ etiam posuit apud exteriores & longinquos. In eorum numero & hic per honestus adolescens est, auditor etiam meus, cuius pater inter primores nostræ patriæ, CAROLVS DELLA FAILLE, quem vt Ill^{me} Domine benigniore oculo videre, interdum admittere meâ causâ digneris, toto animo rogo. nam pater valdè mihi est inter amicos.

ILL^{ME} & REU^{ME} Domine Deum rogo, te inter vere columnas & fulcra Christianæ reip. seruet. Louanij, pridie Idus Ianuar. anni Sæcularis, quem heu, vetitum mihi obire.

EPISTOLA XLIV.
AD CONTUBERNALES SVOS,

Franciscum Oranum.

Io. Baptis̄tam Perezium Baronium.

Guilielmum Richardotum.

Antonium Richardotum.

Guilielmum Scarbergerum.

Cornelium Anchemannum.

Io. VVouerium.

Baldinum Iunium.

Philippum Rubenium.

Hubertum Audeiantum.

ADESTE mei iuuenes, oculos atque animos paullisper huc date. Ludi in Circo faciendi sunt mihi, & *Canes* in arenam producendi: vt pugnent ipsi? non, sed vt proijs ego, & quorum fidem, industriam, blanditias, s̄apē sum expertus, semel ipsi stili mei operam, quam extorquent isti, qui cauillantur palam aut mordet in hoc genus meum affectum. Vidistis ipsi frontes fimbriatas, & voces notastis: quas eo breuiter refutatum, & canes assertū, benē meritos & meritos de genere humano. Agite, tuba canat, committamus hos ludos. Negant p̄imō, decere conditionem nostrā hoc contubernium aut comitatum: sed eos magis, qui Martem colunt aut Dianā. Quid ita, quiāne Musarū clientes sumus? aiunt. Ego contrā repono & obduco, si vlos mortalium caninum hoc consortium, litteratos deceire, & eloquentiæ ac sapientiæ candidatos. Ægyptij hoc mihi asserunt, qui Anubin suum canis specie fingebant: quia videlicet vtriusque regionis ille Deus, supera atque infera permeabat, vt Hecate quædam Græcorum. At quin nos illi sumus, qui alta, qui ima scrutamur, & canis exemplo peruigiles noctu diuque agitamus. Quid, quod ijdem cùm virum diuinis deditum, vatem aut sacrorum doctorem, Hieroglyphicis exprimerent, canem signabant? quod scilicet, præter sagacitatem, clamare ac quasi latrare istos deceat, in improbos & bonis insidiantes. Et Sacra ipsa nostra non refungiunt imagine hac vti. Iam Græci, eosque secuti Romani, Mercurio canem comitem siue adstitem dederunt: quia, vt Plato ait, sagax & ingeniosum hoc animal, conueniebat facundissimo & promptissimo deorum. Si autem Mercurio, id est, artium nostrarum præsidi, assiduus ille comes: cur à nobis arceant, qui artibus istis operamur?

Et arcent improbè. cùm iam olim heroibus, altique animi viris, affeclæ isti & stipatores. En Telemachus, apud Homerum, in concionem cùm prodit:

* Αἴσα τῷ γε δύο κύνες αὐρηλίους.

Virgiliano Euandro procedente,

Necnon et gemini custodes limine ab alto

Procedunt, gressumq; canes comitantur herilem.

Neu censeas venatus causâ hoc fuisse: idem Homerus distinguit clarè,

— Οἶοι τε ξαπλωθῆνες κύνες αὐδρῶν
Τίγρωντ', αὐγλαῖνες δέ ἐνετες κορύεσσον ἀνακτες.

Agnoscit, inquam, mensarios canes, et animi ac voluptatis causâ alitos tantum. Poëtas lo-

quorū ē cælo Genium aduoco, qui eò ducit.

Raphaël ille, qui in Tobię solatium missus, vna cum eius filio canem comitem viæ su-

mit. Itaque habuerunt & amarunt Iudæi, Ægyptij, Græci, Romani, Barbari: nec v-

lum magis animal ipsa natura nobis iunxit.

Videte autem quām ipsi sint * φιλάνθεροι! * amantes

Omne genus aliud efferatur, & siluas ac solitudinem tolerat aut quærerit: solum istud homini adhæret, atque adeò cum eo viuit,

vt absque eo nec viuat. Bella ciuica nostra hoc docuerunt. cùm agri, villæ, pagi vasti,

errabundo eos destituerent: atque illi tabe, morbo, rabie mox absumpti. Adeò dome-

sticum, inquam, & cicur hoc animal: atque ideò merito Laribus dijsque Penati-

bpsolim consecratum. Itaque Natura communis conciliat: sed mihi propria etiam quædam (apud vos fatebor, mea. Pater ille,

nunc inter beatos, singulariè amauit & fouit hoc genus. Idem mater: neque vt ei pla-

ceret, sed fecit hoc ipsum defuncto iam superstes. Ab hoc ego ortu, inter quinos qua-

ternosque semper canes educatus, mirum est si à femine duxi, à lacte susxi, à consuetu-

dine traxi hunc affectum? Quem Ratio etiam nunc defendat, non Auctoritas solū,

quam dixi, & Natura. Nego esse animal magis suo merito amabile, laudabile, mirabile: & id à dotibus animi corporisque, quas

diuinitus (pænè diuinæ scripseram) habet. Quatuor ex ijs feligain, Robur, Ingenium,

Vigilantiam, Fidem, & leui atque extempora-

neo sermone diducam. Robur, in illâ mole corporis, habent, quo æquant aut superant ceteras animantes. Agilitas mira est, impe-

tus, ars, pertinacia, & vel ferocissimas hel-

luas in pugnâ lassant aut vincunt: apes, vr-

fos, tauros, leones, elefantos. Claudianus,

de Britannicis canibus:

Magnaque taurorum fracturæ colla Britannæ.

Sym-

* Simul
bunce ca-
nes duo
concomi-
tante.

Lib. 11.
cap. lxxvi. Symmachus hos Scotos appellat, & ostendit Romæ in Circensi pugnâ exhibitos, & à mirante populo spectatos. Sed robur vno exemplo satis adstruxerim, quod Plinij ipsius verbis ponam, Indianam petenti Alexandro

Lib. viii.
cap. xl. Magno, rex Albaniæ dono dederat inusitatæ magnitudinis vnum: cuius Specie delestatus, iuſſit turfos, mox apros, & deinde damas emitti, contemptum immobili iacente eo. Quâ segnitie tanti corporis offensus Imperator generosi spiritus, eum interim iuſſit. Nuntiavit hoc fama regi. itaque alterum mittens, addidit mandata, ne in paruis experiri vellet, sed in leone, elephanto, &c. Duos sibi fuisse: hoc interempto, præterea nullum fore. Nec distulit Alexander, leonemque fractum protinus vidit. postea elephantum iuſſit induci, haud alio magis spectaculo luctatus. Horrentibus quippe per totum corpus vallis, ingenti primùm latratu intonuit: mox ingruit affultans, contraquæ belluam exsurgens, hinc & illinc, artifici dimicazione, quâ maximè opus esset, infestans atque euitans, donec aſſiduā rotatum vertigine affixit, ad casum eius tellure conuasa. Videntisne leones & elephantos esse cùm proſternant? nec diſſimile in Indicis canibus, quos eidem Alexander rex Sopithes donum dedit: de quibus Diodorus, Strabo, Curtius docebunt. Et ſanè magni animi animal, & quod homini etiam, in acie & iuſtâ militiâ, opponatur. Valerius Flaccus de Caspijs populis:

— clauſtrisque profusi

Caspia, queis turba canum non ſegnius acres
Exſilit ad lituos, pugnaſque capeſſit heriles.

Idem Magnetes fecere. Iulius Pollux: καὶ ποὺ Μαγνεῖς μὴ τὰς ἔθνα Μαγνέρων θεοφύλακας, πολέμου ὑπαστισάς: Etiam Magnetas ad Mæandrum canes alere, auxiliares in bello. Sed & in Plinio legetis: Propter bella Colophonij & Castabalenſes cohortes canum habuere. ea prima dimicabant in acie, numquā deſrectantes. Quid Cimbri? idem Plinius: Canes defendere, Cimbris casis, domus eorum plaustris impositas. Et nunc quoque Germani canes ad currus ſuos militares habent. Quid Galli nostri? Strabo: Κοπίζοντες τὸν Βρετανικὸν καὶ κύνες ἀρχεῖς τὰς κυνηγοῖς. Κέλτοι δὲ καὶ πρὸς τὰς πολέμους χρῶνται τὰς κύνες, καὶ τοὺς βασιχωρίους: Adducuntur ē Britanniā canes ad venatum optimū: Galli autem iſdem ad bella etiam vituntur, ſicut & indigeni. Imò & ad ſatellitium ijs vſi vulgo. Appianus ſcribit, Bituli regis legatum ad Cn. Domitium veniffe, & in reliquo comitatu ac pompā, ſatellitio canum succinctum. Addit etiam: Δορυφόρον τὸν καὶ περὶ κυνῶν ὁ τῆς Εὐρώπης:

Nam communiter etiam à canibus ſtipari & cuſtodire ſolent eius regionis Barbari. Benètib⁹ ſit Appiane hoc notanti, & me etiam more vetuſtæ patrię vindicanti. Nec Galli tantum: Garamantum regem (Plinij verba) ducenti canes ab exſilio reduxere, præliati contra reſiſtentēs. Hodie in eādem Africā, regem Ceſale ducentos canes ſtipatores habere, afferunt qui viderunt. Quid Maſanissa iam olim? ſalutem ſuam (ait Valerius) cuſtodiā canum vallauit. Hæc ſatis Robur oſtendunt: & cum riſu uestro finiam? meo arbitrio & imperio, etiam hodie ſit in militiâ eorum aliquis vſus. Adeóne absurdum ſit? Romani olim in Sardiniā cùm bellum non explicarent, hostibus in saltus ſpecuſque profugis, & ex occaſione inuadentibus: M. Pomponio Prætore, canes ex Italiâ arceſſiuerunt, & eorum operā è latebris eductos inuenerunt, id est, vicerunt. Idem nuper in Peruā Indiā Hispani. qui ſiluas & vastum illum tractum canum commilitio excuſſerunt, & ſubegerunt. Meini historiolæ facetae (nam ridere cœpimus, & huius ſcriptionis is finis) cui auctor Petrus Cieca. Ait ſe cum aliquot ſodalibus egressum, ad Indos uestigandos: canem comitem habuiffe, ad iſta longo vſu doctuim. Ecce fæmina vetula appetet, fugit in montes, canis aſſequitur, & iam prehendebat: illa in genua ſe abijcit, canem Domum appellat, & blandè orat, ac pænè adorat. Iſte placatus an contemnens, crux tollit, & fœmillam illam permingit atque abit. Et ſanè ſenſus aliquis precum aut ſubmiſſionis ijs eſt. ideoque & Vlyſſes apud Homerum, cùm canes inuaderent; Εἴτε περδοούσι, ait poëta: aſſutè ſedit: quoniam hoc ſubmitti & cedere interpretantur illi. quâ mente Plinius: Imperius eorum & ſauitia mitigatur ab homine confidente humi. Idem Aristoteli ſcriptum. Sed de Robore ſatis: ad Ingenium imus. Miſticum habent, & plānè iuxta hominem. Plinius: Soli nomina ſua, ſoli vocem domesticam agnoscunt. Itinera, quamuis longa, meminere: nec vlli, præter hominem, memoria maior. Enim uero mira facilitas in diſcendo, memoria in vſurpando, & cottidiè nos, imò & vos videtis. Nónne hunc Mopfum meum? nihil ei bis præſcriptum, quod non haueſtit: & post menses aliquot, inopinantibus reddiderit. Bruxellæ, me puero canis fuit, Britanni generis, ex illis grandioribus, quibus cerdones hīc vti ſolent ad currum co-rijs onuſtū in forum & ē foto trahendum.

Lib. ix.
cap. xi.ii.

Ille, præter hanc operam, doctus fuit ad macellum ire, pecuniam ferre, carnem referre. Id ita fiebat. corbem vimineum collo appendebant, pecuniâ in tot libras carnis impositâ. Ille rectâ & nusquam resistens ferebat, in macello apud notum lanium se sistebat: carne acceptâ redibat. Sed eueniebat interim, ut in viâ canes alij odore moti adspirarent & accederent, quasi erupturi: tum ille corbem deponere, in orbem propugnare, fugare. & si copiâ aut robore vinceretur, vnâ irruere, & partem de prædâ capere. Hæc publicè nota erant, & à nobis alijsq; iucundè spectata. Sed maius etiam ingenij & ratiocinationis (pænè rationis dixeram) specimen, in cane qui ante triginta circiter annos in hac Louanio vrbe fuit. Is litteras millo siue collari insertas & aptatas, signo ab hero accepto cursim Bruxellam deferebat, in notam ibi certamque domum. Atque illi ibi religabant, canem pascebant, litteras à se aut aliunde acceptas iterum inferebant: & fidelissimi, sed & celerimi nuntij vice, canis eodem die referebat. Sed his nouitijs vetus etiam adiungam eiusdem industriæ exemplum, à Plutarcho: singulare quidē & ipso quoque stupente, & firmiter tamen narrante, quia oculis usurpauit. Vespasiani imperio canis fuit, mimo dormino. Is canis varia argumenta & personas in scenâ repræsentabat, ut nemo histrio doctius aptiusque: atque inter alia, hominis veneno, in specie, tollendi. Panem suinebat siue offam, sapore temperatam (fingebatur autem venenum esse:) ac repente ad simulabat tremere, lapsare, grauedine tentari. Denique cadebat, ac porrectis membris in mortuum iacebat: tractus, sublatus, elatus, ut argumentum poscebat. Dein cum tempestiuum esset, ipso sermonis articulo, primùm quasi ex somno ad se reuerti, leuiter caput & membra mouere, oculos aperire & circumferre, tum denique surgere, & lætus gestiensque ad illum ire & se exhibere, cui debebat. Hec sic decorè & efficaciter, ut totum theatrum, & ipse Cæsar (aderat enim) commouerentur, ac mente quasi afflatâ exclamarent. Auditus rem demirandam: & minus iam erit quidquid dicam, tamen & dicam. Idem auetor, canem fuisse qui amphoræ oleariae infadiaretur: & cum parum plenâ, non pertingeret, lapillos paullatim iniecisse, donec oleum adsurgeret, & ad os redundaret, sic ut lambere linguâ posset. Hoc acumen est: enim uero & prudentiam aliquis eis, ac cum

iudicio dilectum donet: ex facto quod Nicetas Choniates ita narrat. Capta Thessalonica à Balduino Flandriæ nostræ Comite & Latinis erat: iterumque paullò post à Græcis recepta. Cædes ibi vtrimeque variæ & multæ. sed canes Thessalonicenses nullum omnino cadauer Græcū tangere, quasi amicis popularibusque parcentes: at contrâ, Latinos nostrosque vorare, tantâ rabie, ut etiam sepulchris conditos eruerent & lacinarent. Simile, & magis recens, Sabellicus denarrat. Tenebant Rhodij equites, Decad. III. acres illi tutores Christiani nominis, opidum in orâ Cariæ, exaduersum Cooinsulæ, opere & præsidio inunitum: quod sancti Petri vocabant. Id Christianis, si qui seruitutem Turcicam fugere possent auderentque, certissimum refugium & asylum: canum eâ in re mirâ sagacitate. Nam habebant opidani quinquaginta admodum canes, quos (laudabili more) custodiæ caussâ, & contra insidias noctu extra muros excubare iubebant. Ii, si quis Christiani generis accederet, comiter adire & blandiri, ac gannitum quodam & velut plaues ad opidum deducere. Siqui autem barbarorum, statim intonare, inuadere, lacerare. Dicite vos, vnde ijs sensus hic dignoscendi? ego nescio: haud magis, quam quod in eadem discretione nunc dicam. Fuit Iustiniano Principe agyronas. ta, qui Byzantium venit. Populum contraxit, & mox anulos cuiusque in aceruum medium conijci rogauit siue iussit. Cum factum: canem, quem circumducebat, accedere, & cuique seorsim atque ordine suum reddere. quod ille sine morâ & sine errore effecit. Idem canis interrogante domino, quis spectantium diues, pauper, quæ mulier virgo, marita, vidua, meretrix esset, & id genus alia: singulas notabat, idque circumiens & accedens, veste cuiusque ore prehensâ. Desino, & vereor ut extera canem ad Genium eam, qui profecto potuit hinc misceri. Sicut & in canibus Gallicis, patrum memoriâ. cum bellum inter Heluetios Gallosque esset, canes ingenti numero, qui heros suos secuti fuerant, paucis diebus ante prælium, relicis Gallicis castris, Nouariam & in Heluetiorum stationes venisse narrantur: eorumque pedes lambendo, & caudâ adulando, quasi futuri euentus præscios, se mox victoribus submisisse. Quo velut diuinjus oblato prodigio Heluetij animati, alacriter in prælium manusque venere, & nobilem illam victoriam perperrere.

re. An & illud sine culpâ sileam, cui ætas & notitia nostra adstipulatur? Nam scio fuisse canem, cuius generis *Mopsulum* incum videtis: atque is apud Principem virum agebat, qui bellum tunc, & in Belgicâ nostrâ castra, habebat. Ea adorti noctu animosè ad l. v. millia circiter Hispani, certi & destinati rectâ ad Principis illius tentorium ire, & viuâ eo an mortuo potiri. Et absque hoc erat, fecissent. nam veniunt, fallunt vigiles aut opprimunt: nec longulè ab ipso iam tentorio. cùm ille sagax in vultu dormientis insilit, scalpit pedibus & excitat: qui auditu demum strepitu, ægrè se è manibus propinquantiū eripuit. Hunc ipsum canem & diuinationis peritum habuisse dicitur: & ex eius blanditiâ aut auersione, de mente & interiore affectu adeuntium, non semel ex fide comperisse. Sed hæc aliquis, vt dixi, ad Genialem operam referat: nos ad alias, & à Naturâ dotes, imus. Nam *Vigilantia* sequitur: Deus immortalis, quanta & quam testata! Lucretius expressit:

Et levissima canum fido cum peccato corda.
Vix me hercules aut leuiter dormiunt, semper intenti, circumspecti, & supra omnes stationarios solliciti ac curiosi. Itaque Latini merito *Catulum* dixerunt, propter sagacem sensum, ait Varro: & eumdem *Canem*, à canendo, quod in custodia dat signum. Non diu noctuque auditis meos ictos vigiles? siquid increpuit, primum leuiter insonant, mox canunt classicum, si proprior fides aduentoris facta. Veteres recte, qui non priuatim solùm ad suas quisque ædes, sed publicè adhibebant, ad templa, arces, opida custodienda. Et volumus vnum alterumque Vigilantiae exemplum? In Aeliano legi, ciuem quemdam Colophonum, Teon Ioniae mercatum iuisse, seruo uno & cane comite. Ille, seruos dico, sacculum pecuniae ferebat: & in viâ, vt fit, naturâ citante, secessit paululum ad leuandam aluum. Canis ei comes erat. ille sacculum depositus, exonerat se, surgit, abit, sacculum obliuione deserit: at non canis, qui pertinaciter adhæret & seruat. Veniunt destinatum locum, emunt; pecuniam dum expediunt, abest. Perciti retrò iter legunt, sacculum reperiunt, & iuxta custodem canem: at hunc frustrâ. nam miser fame sitiique enectus, in ore eorum obiit, & vna cum deposito animam tradidit. Alterum. Athenis, circa Plutarchi narrantis æsum, canis in æde Æsculapij custos erat, cui *Capparo* nomen. Fur nocte venit,

irrepsit, donaria aliquot abstulit. Capparo tamen non ignato aut silente, nam baubatur, & templum personat: at æditui alkum stertunt. Fur abit, iste insequitur: & quamquam lapidibus petitus, non desinit observare. Sed cautè & callidè, de die longius paullò, periculi metu; de nocte propriorem se faciebat, & nusquam ex oculis amittebat. Viatores autem si qui obuij, statim illos blandius assilire, prehensare, tuin conuersus furem adspicere & allatrat: tantum non clamans illum esse, & opem suppetiatumque poscens. Ecce autem & æditui assequuntur, viatorum super cane indicio: & captum à Cromyone usque reducunt. Quid Capparus? ille gannit, subsultim præxit, & gestibus vocibusque prædam & capturam illam suam facit. Et erat certè. nec Athenienses abnuerunt: qui cibum è publico ei decreuerunt, gratæ memorizæ honorisque ergo. Iam Fides est ultima, vt vero verbo dicam, prodigiosa. Plinius sic extollit: *Fidelissimum ante omnia homini, Canis & Equus.* Et vero quād dominiñ suis adhærent? quād æmulantur, si quis alius? quād tuentur & propugnant? imò & mortem cum ijs, proque ijs obeunt: & accipite exempla. Nam in his talibus verba perdit, si quis sine ijs verba facit. Pyrrhus quidam fuit, non ille rex, à quo mortuo canis non abscessit. cùm efferretur, ille lectum eius adsilire: cùm interrogam deponeretur, insilire, atque ibi ultrò passus se comburi. Simile in Polo, histrione celebri: simile in Lysimacho & Hierone rege, ne diffusè hæc iterentur. Quād multi alij, hero mortuo, inediâ & mærore contabuerunt? In Eupolide poëtâ, in Iasoni Lycio: & in auiâ meâ paternâ domesticum exemplum cur omittam? *Margareta Eekhoutia* fuit, quæ canes, & ipsi illam amatunt. Fuit unus rufulus, parvus, ex illo genere qui cuniculos terraneos subeunt, & inde apud nos habent nomen. Is toto tempore valetudinis, quæ ei suprema fuit, a lecto non abscedere, ne depelli quidem: & cùm iam exhalasset, ille v'lans, caudâ reductâ (etiamnunc videre videor, quæ puer vidi) in hortum se proripit. Ibi sub corryo arbore pedibus scrobem leuiter fodiat, imponit se, & spiritum deponit. Hæc totâ familiâ nostrâ teste sunt gesta. Sed ad alia. In Corsicâ agrestis fuit, venationi deditus, vt gens ea amat. Quodam sereno die, scorpione suo instructus, & cane subsequâ, iugum alti montis confiscavit. Cùm in

in eo est, nix densior cadere; ille calidè & temerè pergere: donec confusis vestigiis, animi incertus hæret p̄timum, deinde in rupē consedit. Ibi frigus occipat, dirigit, atque obīt. Sequenti luce fratres & populares eum requirere in montem scandunt, tandem enim conspiciunt & inclamant, silente eo, quod erat suspicari, accedunt. Sed canis (ō intempestiuam, et si laudandum fidem!) herum tuetur & stipat, illos, ut prædones, ferociter arcet. Fratres placare conati, è quorum manu solitus cottidie cibum capere, non proficiunt: denique eò comis pulsi, ut, cadaver si velint tollere, alterum ei addant, atque ita sagittis petitum, simul animā & fide exuunt. Aliud. Romæ Ticius Sabinius, splendidus Romanus eques, Tiberij sauvitā perīt. Is in carcere strangulatus, in Geminas scalas projectus, ubique fidem assecram canem habuit. Mœstos vulnatus deinde edentem populus stipat: & cùm quidam è coronâ miserans cibum obiecisset, ille acceptum ad os defuncti reuavit. Quia cùm cadaver in Tiberim iam missum, adnatauit, seque supposuit, sustentare coñatus: merito aeternâ multitidine, in animalis tam nobili fide. Triste est, & me mouit: sed historijs actisque publicis populi Romani testatum. Aliud. Pyrrhus rex Epri iter fortè facieris, populum videt limiti adsistenter. Accedit, querit, audit, viderque canem ibi esse, qui militis interfecti, heri sui, cadaver adhuc stat, triduum iam sine cibo. Miratur & miseratur alium sepeliri iubet, hunc comitem sibi duci. Post aliquot dies exercitum lustrat, sedet in altiori loco & spectat singillatim transentes. Canis ad pedes accubat, hæc tenet quietus: sed eum percussores domini transiuent, exsiluit cum ferociâ, & inuasit: idem se tamen ad Pyrrhum reflectens, & quasi significans istos esse: Motus ipse atque alij, capiunt, examinant, conuincunt, plectunt. Simile in Hesiodo, poëtâ illo nobili, qui à Ganyetoris filiis clam occisus, indicem & vindicem canem habuit. Arminius antiquum quod D. Ambroſij fide se protibat. Antiochiae miles in publico imperfectus iacuit, incerto auctore. Canis additit, asservauit, fide luctuque suo populum traxit. Ecce & percussor le miscuit, quem ille statim agnatum insiluit, mordicus tenuit, & mox de capto confessosq; penas exegit. Aliud etiam recentiss., Ditmaro Episcopo scriptum. In palatio Henrici Imp. cognomento

Aucupis, in multo populo, canis quemdam considerarem conspicatos, clam & tacite accedens, manum eius dexteram rabido morbi inuasit & abstulit: tum quasi rebore gesta, capite & caudâ plaudens, ad suos rediit. Mirari omnes, ille ultrò confiteri, diuinâ ultione merenti hoc sibi accidisse. Nam diutius factum, inquit, cùm herum huius inuasoris mei donec eorem in via repperi, malo Genio atque animo impudente occidi. Ibi istum impugnatrem, insequentem, vix evasi: & nunc, cùm obliuione sepulta hec cœferebam, inopinatè me inuasit, & (Deo ita placitum) punxit. Hæc Episcopus. Sed omnia dicta, aut & alijs dicenda, fortasse superat, quod in Galliâ euenissem verbis ac fide Iulij Cæsaris Scaligeri ponendum est. qui ita dixit: Offensus amici sine potentia siue perfidia quidam Regis aulicus, cum ex insidijs obtruncat, atque in auro agro sepelit. Venaticus canis ibi tum forte comes hero fuerat. ut amore violitus, diu sedet in tumulo. Posteaquam fames pietatem superauit, atque in aulam sine domino renuersus est, rati illius contubernales, bestiam temere vagari, cibum ei dari iubent. Satur ille ad tumulum reddit. it, reddit toties, ut primum suspicio inuidet animos incertam quadam fluctuans: mox etiam certi esse sibi viderentur, heri id fieri desiderio. Abeuntem prosecuti, deprehenso telluris tumore, effossum cadaver atque agnatum afficium, sepulturâ. Canis, exequijs pernubis, socius fit eorum, quibus fuerat dux ad inuestigandum. Tandem aliquando in aulam ubi homicida rediisset: cum canis conspicatus, magnis ilicè editis latratibus, regre ab impetu cohabetur. quo tanquam indice aucta suspicio, in multorum animis certa fides evasit. Ceterum bestie perseverantia in illius odio atque persecutio, etiam Regem mouit, ut iuberet hominem causam dicere. Ille negare factum, persistere inficiatione. Canis eius orationem latratibus atque affutibus obscurare. ut eam interpellationem pro facinoris exprobatione, quotquot aderant, interpretarentur. Eò res deducta est, ut ius Regis homicida cum provocatore singulare certamine dimicaret. Picta est canis victoria in canaculo quodam regios! Pictura vetustate dilutor atque obscurior facta, Regum mandato semel atque iterum instaurata est. Dignus proorsus, Gallicâ magnanimitate, que are fufli ussequatur perpetuitatem. Atque hic definebam, iuuenes: sed paternæ memoriae & pietati virtutum etiam, et si minius alti cothurni, dandum est: quod sic habet. Fuisse ei Genetta, canis fæmina: cui hoc nomen aequi

Lepora- * equi Hispaniensis specie, quâ eximiâ inter
Vertagos eminebat. Donum acceperat, ab
Emmanuele Sabaudię duce. Ea cùm in alijs
fidem præferre, vt subsequi semper, nec in
villâ turbâ falli aut pelli; ad lecti pedes iace-
re, nec accedentem pati. ne matrem qui-
dein meam, nisi Hero experrecto & coërcen-
cente: tum in vno facto memorabilem, hoc
isto. Pater in conuiuio erat. ibi fortè inter
assidentes rixæ, pugna etiam, & pugionibus
eductis se petunt. Meus dum medium se
facit, & disparat: canis opinata illum peti,
vtrumque pugnatorem scorsim inuadit, læ-
dit grauiter, & læditur, nam pugionibus ter
quaterque corpus medium, quod exile ha-
bebat, transfossa cecidit. Pater cum dolore
& indignatione abiit, illâ pro mortuâ reli-
etâ. Quid facit? surgit, & lapsabunda se-
quitur: tardè domum venit, fores pulsat
(ita assueuerat, sublato naribus pensili fer-
ro) mater audit, & indicat: pater abnuit, &
mortuam adfirmat. Iterum sonus, visunt,
inducunt aut potius inferunt: in stabulo
deponunt, chirurgum adhibent & medi-
cantur: ac posteà conualuit, & sæpè fidam
operam patri exhibuit. De me tunc puero
addam? ego cottidie ægram visere, cibos
offerte, adstare vel accumbere: & quid
dissimulem? allacrimare etiam. vt eram æ-
tate atque animo tener, & iam tunc (initio
dixi) mirificè in hoc genus affectus. Sed sa-
tis lusimus, tuba missione insonet, ite, valete.
Heus, heus, manete etiam. pauci versiculi
sunt, canum meorum laudi siue memoriae
facti. Tres eos habeo, vt scitis, gradu quo-
dam magnitudinum discretos: Paruum,
Maiuscum, Magnum. eos depingi in tabulâ
iussi, & notas ac carmen cuique præscribi
aut subscribi:

Saphyrus catellus, gente Bataus. corpore albet,
capite auribusque purpurat, discriminâ tamen al-
bo à summo eo, inter aures, cuneatim ad os de-
scendente. senecio nunc est, & tredecennis: cùm
in flore, pulcherrimus & lepidissimus catulorum.

Gemma dedit nomen. sum verè gemma catellum,
Quotquot terra habuit Belgica, habebit, habet.

Tale decus vultus, talis Venus. adde lepores

Ingenij, humanum qui sapient Genium.

Et sanè est aliquid mi hominis. vis argumentum?
Vina hibo, & vino nata me habet podagra.

Mopsulus catulus, domo Antuerpiâ, donum à
Cl. V. Arnoldo Borcoutio, amico veteri, & ^{180.}is
corpore albet, capite, auribus, atque altero oculo
sufflauis. rostrum è rubro albicat, bteue & ob-
tusum, & nare prorsus repandâ, crassulus, argu-
tus, mordax est, ætate bimus.

MOPSULVS aſt ego ſum, domini conuiua: quid
ultra?

En etiam lectum participo domini.

Eſtne aliud? domini dominus, ſi dicere fas eſt:

Uſque adeò forme huic iungitur improbitas.

Sed formæ, quæ rara cluet. ſi examine iusto

Pēdor, quod nec ames eſt mihi, plus quod ames.

Mopsus canis, gente Scotus. colore crasso spa-
diceo; ſed circa oras aurium, & in ipſo ore, dilu-
tiū ſluo. ſuper oculum vtrumque orbiculi æ-
quales duo; itidem ſluo. idem color in pedibus
interioribus, intra femora, ſub caudâ, & in ano.
at pectus latum & honestum, pantherinâ pro-
fus ſpecie, album & maculis ſpadiceis ſparsum.
tales ipſi imi pedes. annum agit tertium, ad in-
uidiam pulcher.

MOPSVS ego, formâ qui vīnco ſæcla canina;

Quod nolim, in magno corpore nil habeo.

Quodque vēlim, dominum, dominam, ancillām-
que volentes

Conciat probitas ſimplicitasque mihi.

Ille canis redeat, meruit qui cælica templa:

Si certet, terra hunc, me ſibi cælum habeat.

COROLLARIVM, EX SEXTO

EMPIRICO LIB. I. PYRRHON.

HYPOT. CAP. XIV.

I LLE de ingenio Canis ſic philosophatur.

Elecciónem habet. nam capit que ſibi com-
moda ſunt, fugit noxia: edulia persequitur, fla-
gello intentato omittit. Sed & artem habet com-
modorum comparatricem, Venatoriam. Nec
verò Virtutis eſt expers. nam cùm iuſtitia ſit
vnicuique ſuum tribuens; canis familiares &
benè meritos adulatur, cufodit, tuetur: inuidit
externos, aut iniuriam inferentes. Videmus &
Prudentem. vt etiam teſtatus eſt Homerus, qui
Vlyſſem ſuis omnibus ignotum, à ſolo Argo
agnitum facit. Secundūm autem Chrysippum,
etiam illius tam celebra Dialecticæ particeps
eſt. Ait enim eum tertij notitiam per alia non
probata conſequi. vt cùm ad triuim venerit,
& cùm iam duas vias indagauerit, per quas
fera non iuit, tertiam ne odorans quidem aut
dubitans iuit, & magno per eam impetu fer-
tur. vēluti ratiocinans: Aut hac, aut iſtac,
aut illac transit fera: neque autem hac, neque
iſtac: ergo illac. Sed & medicus eſt. ac ſi feſuca
ſit impacta, eam extrahit dentium ministerio. Si
vulcus alibi (quoniam ea ſordentia agrè, facile
autem munda curantur) cuſi tabem inde fluen-
tem abſterget. Sed & Hippocratis præceptum
adſeruat. & quoniam pedis medicina, eſt eius
quies; hunc læſum ſurſum attollit, & quantum
potest

*potes̄ seruat à motu. Cūm verò prauis humorēs
aggrauant; gramine vescitur, eiusque ope quid-
quid noxiū erat expellit. Itaque non mirum,
• Cynici. si philosophi aliqui se huius animalis nomine
voluerint commendari.*

E P I S T O L A X L V.

PHILIPPO AYALAE, designato Legato
in Galliam.

VT audiui designatum te à Principibus, qui Legati in Galliā munus obires, facteō ex animo me gauisum. Inter partes aut munia reipub. præcipua, est illud tuum, quod impositum sustines; & parem teferrendo esse, animus hīc meus, sine vlo blaudimento, dicit. Age, aggredere, exsequere, & afflīcta huic Belgicæ, pro tuā virili medere. Ego tibi non culmen, sed gradum statuo hanc dignitatem ad ea, quō Deus & tua virtus ducent. Me rogo seriò tuum ama, sed & Neptem (patiaris me addere) quam hīc habes virginem per honestam. Louanij, v.Id.Martias. ∞.I.C.

E P I S T O L A X L VI.

CAROLO MALINAE, à consilijs maritimis.

EN, etiam ad te V. C. exemplar lucubratiunculæ nostræ. An merebatur? nescio, neque res magna est: sed Plinius tamen, & hoc eius scriptū, inter ea quæ à te, & primæ etiam classis siue eruditis siue sapientibus, legi mereantur. O libellum stilo, acumine, monitis laudandum! atque vtinam legant, capiant, audiant, quibus est scriptus! Nisi quòd hodie paſſim voces, vetera hæc non esse pro nostro æuo. ineptâ & fatuâ sententiâ: quasi alia natura rerum aut homines, & non illa recta & suprema Ratio semper habens temperet in hoc mundano curru. Pro temporibus, ingenij, locis, scimus variari aut flecti quædam: sed capitalia illa, vt sic dicam, monita firma manent; & infirmi ipsi erunt qui infringent. Sed quid philosophor? in sermone mallem: meum tamen facio, & sollennia vel sapio vel insanio, vt ille ait: quia in priscis his studijs & sapientiâ à puerorum deditus, nec vlla res incident aut efficiet, vt pœnitiam vel mutem.

Sibi habeant sua regna reges, sibi diuitias divites:

ego cum bonâ mente quiete & modestiam, in modico censu. Fallor, aut in animo tuo mecum sentis, et si Respublica te habet: at-

que vtinam plures habeat tuæ notæ! Vale V.C. & nos seriò tuos ama. Louanij, prid. Kal. Maijas. ∞.I.C.

In Oratiunculâ nostrâ nihil additum vel auctum voluimus: tum quia perpetui moris mei nihil refingere; tum quia, si cura aut liria appareat, amittat gratiam illam extemporalitatis.

E P I S T . X L V I I . Hispalim.

Io. Woyerio suo S. D.

TEMPESTAS te exercevit, mi Woueri, & nos exercet: atque vtinā non absorbeat, quod minatur. Res valdè hīc in turbido: & vereor vt, cum ciuili, etiam intestino bello impliceāmur. At Deus & Principes medean- tur. Quid ad ista tu? rides, vel culpas: & cur non in Italia? inquis. nec nūc volo, et si ami- ei omnes vellent velle. Patria cara est, vale- tudo quæ curas non longè iaciat, denique Philosophia quæ etiam in tristibus & tur- bidis serenum quietumque reddat. Hanc amplexemur. nam nec tibi nunc, aut post- ea, omnia pro votis cedent. Dic autem, diu ibi hæres? Mineruæ an Mercurio, an vtri- que vacas? studiorum illīc notitia aut amor? sodalis aliquis compar? scribe omnia, & si quid in publicis etiam tutò potes. Ego co- ram Principibus, in aduentu eorum, publi- cè aliquid differui, sed ex tempore. tamen edidi, & si facultas mittendi esset, facerem. Tu, si tanti est, per tuos cura, & à Moreto pete. Vale mi care Woueri, & Menti Bonæ semper sacrificia, semper lita. Louanij, vii. Idus Maijas. ∞.I.C.

E P I S T . X L V I I I . Hagam.

IOANNI HEMELARIO suo S. D.

QVID tu ad me timidè? túne vetus ille meus, & inter caros? accede, pete, im- petra: quidquid in meâ manu est, imò quod & in amicorum meorum, à me aut per me habebis. Itaque in Italianam ire si decretum (& valdè ego suadeam) Minerua fuero, & monitis atque etiam litteris iuuero te Vlysfem. Ad nos priùs veni, & illa & has habe- bis. Ausim pænè recipere, si deviatico tibi prospicis, me ibi de loco honesto & domo. Nam de filio Præsidis, id tardum aut se- rū est: & iam aut iuit, aut iuerit, intra dies pauculos, familiâ omni instructâ. Quid, quòd in Sequanis duos aut tres menses hæ- ret? non tibi suadeam: comites aut nunc non

non deerunt, aut certè sub Autumnum: nec longa ea est mora. Summa, si decernis, priùs ad me veni, apud me diuersare, & à me cum bono Deo in beatam Italiam abi. Louanij, III. Idus Iun. ☽. I.C.

E P I S T . X L I X . Duacum.

IACOBO BONFRAEO, è Soc. Iesu.

AMOREM tuū in menon significas tantum, sed probas. Quî magis possis, quām publico isto munere THESIVM, quas tui mihi inscribunt? Tui, inquā: id est, ipse tu. Nec enim nescio non solūm dirigente te & hortante, sed iuuante ac faciente hēc concepta, scripta, missa. Sicut in scēnam actores prodeunt, poëta latet: ita hīc factum. & tu ille auctor muneris es, alij quasi latores. Sed muneris mihi gratissimi. quod testatus apud eos sum: & tu, si videbitur, leges. Enim uerò seriò laudo hoc instituendi & exercendi genus: utinam plures imitentur, & paulatim iuuentus in gustum amoremque duatur veterum artium rituumque, id est, optimorum. Non ita hēc prompta aut obvia, fateor. sed vt qui geminas vel aurum querunt, non summam terræ cutem leuiter stringunt, sed in viscera eius penetrant & immungunt: sic qui veram mansuramque doctrinā, altius necessum est in scriptorum loca & sensa sese immittant. Felices qui faciunt, talibus doctoribus! Et scio D'Ausquium & Heribertum nostros, monita operasque conferre. Saluta, amabo te: nos te quando incorām? veni, deinceps cum illis seriò amande. Seriò, inquam, mi Bonfræ. & reperies in nobis, cum Euripide,

* Sincera
fraudis po-
bus, os
affabile.

* Αὐτοὶς ἡθῷ, ἀπεσθῆσαν τόμα.

Louanij, III. Idus Sextil. ☽. I.C.

E P I S T . L . Duacum.

RHETORIBVS Collegij Aquicinctini S. D.

INOPINATÒ vidi & affectum vestrum in me, & eius tesseram THESES, quas dedicatum mihi iuistis. Fateor animo, gratum mihi virtuineque accidisse. affectum, quia ex eo eumdem in bonas honestasque artes colligo. cur enim aliter me ametis? Dedicacionem, quia non tam honorem hunc habatum mihi interpretor, quām ipsius studijs; in quibus nomen aliquod vestra & benignior fama mihi dedit. Amplector, ô mei iuunes. quid rependo? inonita, vt in hoc casto & pulcherrimo amore ætatem perse-

I. LIPS. Operum Tom. II.

ueretis. Doctores habetis, fato natos (fas ita loqui) ad optimas artes, & cum ijs pietatem excitandam: audite, sequimini, & militate sub felici illo signo. Constantino olim cælitus ostensa & deformata sacra illa crux, cum inscriptione, *In hoc vince*: vobis simile dictum ingestumque esto. & sub sacri illius nominis ductu auspicijsque *Vincite*: quid? ignauiam, & cum eâ superbiam, duas pestes iuuentutis. Fores animi si his aperitis: eruditio numquam init, prudentia, aut sapientia. Fugite, vel potius fugate. & sub optimis illis gymnastis assidue formamini ad doctrinam & virtutem. Assidue, inquā. neque enim vt in agro satis est semel sementem iecisse, & ille accipit, fouet, profert: sic in animis. qui cottidiano, vt sic dicam, vomere proscindendi, & obserendi sunt ad meliorem illam frugein. Video & gaudeo vos facere, & ludi isti non ludi mihi dicunt: quos ego quidem habeo & aestimo super omnes Agones sacros. Utinam interesse fas! ora videre, voces accipere, & fortassis interponere! sed locorum abiunctio, & magis valetudo, vetant. Ergo igitur votis adspiro tantum, & animi isto occulto fauore ac plausu excito iam commissos. Athletæ mei pergit. & sicut Mercurius ille apud Homerum talaria, siue vt ipse appellat, *χλαπίδια* sumebat: quæ ferrent eum

* — H' μὴ φέρειν,
H' δὲ απέγρα γάλα, αἷμα πνοής αἵματοι:
sic vos alam duplēcē Pietatis & Doctrinæ, quā subuolētis & emineatis super omnia humana. Deum veneror ita sit, & vos tales aut faciat, aut seruet. Louanij, III. Idus Sext. ☽. I.C.

* seu super
undam,
Seu super
immensam
terrā,
auras aqua-
perans.

E P I S T . L I . Leodicum.

IOANNI DVLLARDO Canonico
& Archidiacono.

LITTERAS tuas vidi, vel illo arguento gratas, quod per se tamen ingratum non ignoras. Quis vel constatissimus calumniis velit appeti? et si cùm factum est, spernit, calcat, vincit. Sed gratum, vt dixi, te scribere, & in litteris (corām non datur) alloqui & frui. Utinam viarū securitas iter non impedit! diu est cùm Fontes me haberent, & ab illis Liberalia vestra. Moriar enim, nisi coniunctus, fabellæ, candor, benignitas iucunda mihi semper apud vos, & voto usurpanda. Sed nūc voto. rem abnuunt Harpyiae, quæ omnia infestant & foedant. De Oratiunculâ

L I autem

IVSTA I
autem illâ, quid tu ais? dic serio, non aperit ipsa & reuelat fraudem vel inspecta? Quid enim in cā Lipsianum est? non stilus, non res, non color: & malè nimis sustinet histrio personam. Sed iamdiu hæc talia præuidi- prouidi quoque, quod in me quidem fuit, publicâ denuntiatione & velut præconio, quod in fronte libellorum de Cruce exstar. Nam vetare hæc quî possum? non magis quam Pandari sagittam Menelaus arcere, quam ille furtim & à socijs tectus, immisit. Vndeunde hæc fraudes, à petulanti & improbo ingenio sunt, mali exempli sunt, & Principibus merito castigandi. Illis permit- timus, te Vir R^{de} & Cl^{mc} saluere iubemus, & communem patronum atque amicum nostrum, in occasione Billéum. Louanij, ix. Kal. Sept. 80. I.C.

EPISTOLA LII.
FRANCISCO ORANO
PETRI F. LEODICENSI,
I.C^{TI} TITVLVM HODIE ADEPTO,
I. LIPSIUS gratulatur.

QVIDNI autem? è meâ domo & discipli- nâ es. & sicut arboreni qui posuit, fru- etus ex cā cum voluptate carpit: sic nos hæc gaudia ex ijs, qui si non sat? è nobis, tamē ut sic dicam insiti sunt, & in meliorem que- mandam succū directione & doctrinā traducti. Fortes creantur fortibus, ait ille: & tu habes, quo parentum inscrip- tione glorieris.

— nec enim externa monitore petendus
Virtutis tibi pulcher amor.

Ecce Patrem habes, illum iuris & æqui non interpretém solùm, sed arbitrū & ad- ministrum; virum quo nec Iustitia iustior, nec Integritas integror, nec Amor pènè dicam amabilior est in illâ comitate & cado- re morū. Patrios etiam habes, an habuisti? alterum certè habuisti (& doleo) illum Ro- manæ vrbi in amore pariter & cultu: virum incertum an modestiâ quietiorem, industriâ promptiore, honore clarior. Quem su- mi nostri Pontifices in summo illo xii. vi- rûm tribunali collocarunt: in quo æquitas, peritia, sagacitas eius orbi lucerent;

— rapidus & dulcia nautis. Iuli
Tumina noctuage tollit Pharus emula Lunæ.

Quid Patruum dicam, quem etiâ nunc habes? & quidem facri illius & fructuosi Ordinis, qui nominis quod supra omnino-

LIPSIA

men est, titulum gerit: in quo vel censem laus est, quid? sed fileo, & modestia eius, ac contemptus vel odium potius gloriae, os mihi frænant. His, dico, maioribus & hoc sanguine, quid nisi ad magna & alta natum te, tu alijque censeant?

Doctrina sed vim protulit insitam: & si quid rude in te, poluit; si quid inchoatum, perfecit. Nam parentis curatione, tuâ inclinatione,

— studiis te protinus anni

Formauere rudes:

& primū quidem illis rudibus: sed felici sidere non in ijs hæretis, nec vt ille apud Euripidem,

* — παλλάς γερμανῶν τιμᾶν κατέβεσ: ^{funes} doctrinā
peruadis, eniteris, & ad ipsam Iurispruden- ^{doctrinā}
tiæ arcem contendis. ^{colens.}

Felix curarum, cui non Heliconia cordi

Serta, nec imbelles Parnaſſi è vertice laurus.

Quid autem video? euge, peruenisti. apud se collocauit

Astrea virgo, siderum magnum decus.

& coronam hâc Antistitum soorum manu imposuit, quâ clarus honestusq; fulgeas, donec in cælo illæ stellæ fulgebunt. Sed vt eæ quoque non sibi, sed huic orbi, lucent: sic ad alios nunc ingenij cui lux perueniat. Sicut nauta aliquis,

— aſiduo cùm Dorida vicerit vſu, [—]
Iam clavum totamque subit torquere carnā: sicut post quinquenni legitima pericula & curricula, ad reipub. hanc nauim accede: ô in hoc turbido quâm fluctuantem! Accede, inquam, &

Hic confulta Patrum leges hic iuraque trades: sed cū fide (nam peritia adeſt) & religione:

— Phalaris licet imperet, vt sis
Falsus, & ad moto dietet periuria Tauro.

Sicut amnes, mare qui influunt, salfu- ginem eius non mutant: sic in te quicunque affectus, ne diluant Iustitiae seueritatem. Ori- ginem & ipsum nomen tuū cogitas? ORA- NVS es, CAELESTIS es. alta igitur & pura cogita: ita Deus te ab hac humo & turbis ducat aliquando ad illa secura & alta. Sed quid facio? Agamemnon apud Homerum, cùm alios prælio animasset, ad Aiaces venies negat se id facere, neque decere apud spon- te sic promptos: item ego in te stimulis par- co, eorum non egenti. Vota addo tantum,

Dū feruate pio genitori gaudia tanta

Prolis, & vtrumque hunc patriæ feruare ro- ganti.

Louanij, v. Eid. Octob. 80. I.C.

EPIST.

EPIST. LIII. Bruxellam.
PHILIPPO RUBENIO suo S. D.

Vix abistis, ecce scribo: an non hoc affectus est? Fator, tamen & occasiuncula est, vt has tuâ operâ Lutetiam curem mitti. Qui cursui publico præst, is accipiat: & vna à me salutem, & gratias etiam pro officijs quæ exhibuit benignè. In vestrâ re aliquid decrevit ille prætor? De Italiâ quidem, vt anni tempus video, * ψυχρὰ μὲν ἀλπίς. Tamen, cum poëtâ,

* Πολλὰ δὲ ἀλπῖς κείμενοι θόρι: & h̄c fortassis erit. Magis, si Antonium Se- quani tenent, & ea quæ sperata eius iam, an sponsa? nam si ille non abit, facilius parens hunc dimittet, fratri Legato etiā solarium, vt alias caussas omittam. Siquid horum est, scribe. Quid etiam de publicis, quæ curare nos, sine curâ tamen, non nescis. Galliæ regi res in Allobrogibus succedunt? pax an bellum porrò sperantur? Noster & nostri cef- sant? At mea domus calet, & Baronius iam in apparatu sollennis pompæ. Non idem in N.N. qui vercor vt aliquot etiam menses cogatur differre. Heu res intricatas, inquies. Ita sunt, vbi bellua illa multorum capitum se miscet. Sed peccatum etiam à nostro, quod non statim in Catalogum relatus sit: neque pro studio censem, qui non inscriptus. En caussam moræ, ipsi mihi que molestatam: sed mihi eius caussâ. Hoc scribo, ne quid in illo Carmine festines; in altero, non sufflamino te aut fisto. Vale mi Rubeni, & nostrum Guilielmum à me saluta. Louanij, v. Kal. Octob. ∞. I.C. In Haechtianâ re ecquid fit? serio equidem commendaram, & velim scire de successu.

EPIST. LIV. Romam.

FRANCISCO ORANO suo S. D.

PERVENISSE te iam, quod intenderas, id est, beatam illam Romam, opinio nostra est & votum. Si ita, quid restat, nisi vt alaci pede in viam & vestigia te des Amplissimi patrui tui, cuius fama & gratia illīc etiam flagrant? Fac ô mi alumne, & Probitate, Industriâ, Modestia duçibus ad fastigium laudis & honoris conserende. Manet te corona, si adniteris, & in aperto stadio sine ignauia curris. Commendati summati viro Baronio Cardinali: repères & a lios tui volentes, quosdam etiā e sodalibus;

I. LIPS. Operum Tom. II.

eum quibus cautè & iudicio tamen versare. Antonius noster illīc est, item Lafaillius, & Houius: iij boni honestique, & potes debesque amplecti. vulgus illud populariū tuo- ruim ne prehendē, qui fraudem, fucum, vi- tia sæpè afferunt, & affricant rudibus ad- huc & motum ignoraris. Hæc ego tibi,

* veluti
pater ipse,
Ex animo
cupiens,
consuadeo.

Ex Thym. φίλων τητέλλομαι:

audi & sequere, & quid in re aut spe tuâ sit, scribe. Louanij, viii. Kal. xbris.

∞. I.C.

Morbus me grauior habuit quattuor ferè septimanas, capite emersi, corpore adhuc teneor, & animo bono cetera languent.

EPIST. LV. Romam.

CAESARI BARONIO, Cardinali.

ILL^{me} & Reu^{me} Domine, Vereor peccare apud te, & ingeniti mihi pudoris limites transilire, dū sæpius adeo & in alienâ causâ ac gratiâ interpollo. Sed quî me subtraham? isteipse non solùm è disciplinâ meâ, sed è domo est, & plures annos modestè atque industriè h̄c egit. Itaque aditum ad te auidè querenti, da veniam, si breui hoc scripto struam: præsertim cùm is ad beatos (ita confidimus) abierit, qui coram potuit debuitque commendare. Is erat patruus eius, vir clari gratiâ nominis, Franciscus Oramus, in Duodecimūtali apud vos concilio: cuius memoria vt nepoti gratiam aliquam conciliet, ego eius vicem rogo. Modestum, probum, iuris veteris non imperitum (pro ætate quidein) hunc quoque repères: & me semper, Ill^{me} & Reu^{me} Domine, inter fidos addictos quetus clientes. Louan. viii. Kal. xbris. ∞. I.C.

EPIST. LVI. Bruxellam.

NICOLAO DE WEERDT, I^{so} & Cognato.

Ego verò tui non obliuiscor, nec vlla occupatio mihi subducat. Flores tamen non misi: quid ita? in pœnam, vt rectè iudicas, absentiæ tuæ, & quia vadimonij diem non obisti. Excusas, sed aures nūc mihi clausæ, atque etiam manus. Sed heus, à cognato tuo tamen Batzonio nōnne aliquid accepersti? Dedi equidem, atque inter alia Colchicum album, quod nunc debeat florere. Mito & semina tuliparum, statim deserenda. Quid videtur? an bonâ fide satis irascer? velim, si possim: imò nolim (absit) nec vni-

Ll 2 quam

quam in tam mihi caros. Tamen legē aliata tibi dicam, ut hoc verno tempore circa Māium nos inuisas, cūm hortus meus variè floret: atque ibi corām arbitrere & eligas, quid velis. Spondeo, habebis: ex ijs quidem quæ pluscula mihi erūt, & diuidi apta. Hoc tempore, terrā omnia condita, nec possim ipse discernere quid mittam, non mittam. Itaque fer breuem moram, & clementiam meam prædica, qui eā solā contentus sum pœnæ vicem. Vale mi optime cognate, cū tuā & meā carā, & vtrāque prole: quando & tertiā? Da nobis, & in sacris initijs mystagogum & alterum parentem me voca. Louanij, v. Kal. Octob. 150.

E P I S T . L V I I . Hispalim.

I A N O W O V E R I O s u o S . D .

VALERE me nuntio, mi Wōueri, sed non valuisse. Tūne vsque? placent, & haeres etiam in ijs locis? Iterūm egrotē, nisi ægrē mihi est te sic abesse. Sed vincat voluntas patris, & tua vtilitas, si tamen ea adest. Res nostræ rursum eunt, & pænē spes nos relinquit. Quid singillatim denarrem? alij faciant, mihi morbo sit vel meminisse. Ab illo astro an auxiliū? In Pannonijs Canisia, vni ca in immanem hostem arx, amissa. In Allobrogibus bellum, & serpere ad nos vso quē minatur: nisi Pontifex tamen, quod conatur, restinguat. Sed abite publica, id est, tristia: in priuatis quid? cessare nos aut languidē agere, vt à languore. Tamen Centuriam vnam damus Epistolatum, sed Italicarum aut Hispaniensium: & in numerum hunc tu venis. Separauimus enim à Gallicis aut Belgicis, & in fronte earum videbis caussam. Illam de Vitā meā, & Scriptis expressisti: descripta est, sed semel: seruatur, & in publico fortassis videnda. Cetera noster Rubenius, quem amo, quem amari à te volo, vt fratrein. Liberale ingenium est, & ad optimā quēque factū. Heus, scis tu ante bidui in Batauos Antuerpiam tuam venisse nauibus, Prætoriam nostram abduxisse, & septem aut sex alias ē portu? O miseriam! si nec modica illa pars Scaldis immunis manet ab incursu & vastatione. Quid dicam aut censeam? nisi quod ille

* rex regū Zā's Kegrid̄s, vñat@ xpeioran,
Saturnia, hostibus dat robur & gloriam:
* noſtraqz. — H'μέτεργ δὲ μόνος οὐ χειρεγες ἐδίπω.
marus vi-
ruqz liga-
uit. Ita videtur. sed in exitu latiora spero, voueo,
& pro causa successum. Tu mi suauissime

vale, tutu inquā primò, id est, animus, & ab illo corpus: Louan. 111. Non. xbr̄s. 100. 150. Luciano Negronio V. A. & à te laudato S. mitto.

E P I S T . L V I I I . Lutetiam.

Io. BAPTISTAE PEREZIO BARONIO suo.

IUTETIA te habet mi. Baroni? cur per te non scimus? & tamē aduenisse iam ante dies plusculos debes, si bonus Genius (ita confido) iter tuum fortunauit. Si es, bono & usui tuo vt sis opto & moneo: & mores ac iudicium formes, polias, tum & linguam. In consuetudine multum est, & eam iudicio elige, proborū, & quos Deus ac virtus amarunt. In tanto illo populo, etiam inter populares tuos, ne cense gerimmas & aurū omnes esse. Elige, vt dixi: & grandiores atque honestiores maximè, à quibus & prudentiæ aliquid trahas & splendoris. In primis autem, destinata & consilia tua omnia ad Sapientiam, id est, ad Deū refer: certus, hæc nihil esse, in quibus versamur, vinculis istis, & velut carcere, compediti. Sicut rota, quæ in terrā voluitur, parte imā & minimā eam tagit, cetera exstat & est in alto: sic nos oporet decurrere per hæc humilia, optimā & maximā parte altos & subleuatos. Eò facient precepta veterum sapientū, & lectio, quam, per Deum, ne omitte. Sicut limites in agris confundi non sinunt & misceri: sic salutaria illa monita coērent, & animum neque diffundi ad vanā illa, nec misceri. Sed monitionum satis tu de te, de amicis ibi, de publicis etiam tange: si quid est instruendis nobis aut recreandis. Tum has litteras etiam trade, quibus inscriptas vides: & alterum nosce, bonum sine exceptione, vt opinor, alterum. sed scis quid non dicendo dicam. Vale mi Baroni, semper noster. Louanij, postrid. Non. Decemb. 150.

E P I S T O L A L I X .

OCTAVIO EPISCOPO TRICARICENSI,
Nuncio Apostolico.

IN vnā re duplex beneficium fateor me accepisse: & quod miseris libellum mihi legendum, & quod talē. Illud enim prius, nonne à benignitate tuā est, & curā aut estimatione etiam aliquā mei? certe: nec vel in mentem venisset, nisi ego essem sapienter in mente. At ipse libellus, non mole sed bonitate pretium habet. inuentione nouitius, dispo-

dispositione, & totâ tractatione, laudabilis. Theologus est qui scripsit? agnoscis igitur & Theologiam, sed modicè; &, vt salem, inspersam. Philosophiam varie miscet, à naturâ, à moribus, à ciuili gubernatione: & hæc omnia ingenio & subtilitate commendantur. Dicam quod res est. si hic liber breuior etiam fiat; id est in methodum & velut tabulam contrahatur: plus laudis, atque etiam fructus habeat, cùm in uno aspectu utrumque hoc corpus, & Humanum & Ciuale, liceret intueri: idque à nouo isto Prometheo ad fabrè aptatum & iunctum. Nam excursus etsi haud magni, tamen leues sèpè aut proprij sunt, nec nisi Galliam ferè tangunt. Ecce, Ill^{me} & Reu^{me} Domine, meū super hoc scripto arbitrium: sed arbitrium, & quod iudicium tuum spectat. quem Deus suo honori, Ecclesiæ bono, & nostris usibus vel trias fæcla seruet. Louanij, prid. Idus xbrs. ∞. I^ocⁱ.

EPIST. LX. *Mediolanum.*LVDOVICO SEPTALIO *Doct. Medico.*

ECCE ad te litteras ab eo quem amas, qui te amat: nōne hęc satis iusta caussa scribendi? Vt vulgo amantes nihil aequè auent, ac colloqui: sic puto in verâ animorum amicitiâ esse, qui gaudent affatu se aperire & iungi, aut certè scriptione eius vicem. Facio mi Septali, te adeò, & munus adeò offero. quod illud? pande sinum, in eum accipiedus sum, ego ipse qui scribo. Me inquam offero: vis à me grandius aut melius? & cum fide offero, in principio iam antè tuum, nunc usu etiam & litterarum commercio, si voles. Voles autem, aut quæ scripsi rescribo, & mē recipio, qui volens non nisi voluntis esse possum. Vale, & Puteanum etiam nostrum tecum ama. Louanij, xv. Kal. Ianuar. ∞. I^ocⁱ.

EPISTOLA LXI.

GVIELMO SCARBERGERO *suo.*

GAVDEO, gaudeo ex animo mi Scarbergero, saluum te in Italiam, ex Italiâ in Galliam, & ô si ad nos, venisse. Quando fiet? non tui te magis & tuus sanguis, quam ego exspecto: & videre desidero stirpem illam nostram, quæ iam in virti robur & modum, vt opinor, adoleuit. Diu hercules per-

I. LIPS^I Operum Tom. II.

egrinari te, non ego auctor. & Platonii prior sim, vetanti ciues à suâ Republicâ diu abesse, imò (nisi in certâ ætate) abesse. Etsi turbæ tamen nostræ caussam vel prætextum absentia præbent: sed quando sedandæ? Exul ætatem à patriâ sis vereor, si tranquillitatem & quietem apud nos expectas. Apud te, apud te potius mi Scarbergero. & animo sic componere, vt gaudium & quies tibi ex te sit, cetera vt flumen censes labi. Veni igitur, & ad nos primitus. nam & via per nos te dicit ad parentes. Vale optatissime. Louanij, iv. Kal. Ianuar. ∞. I^ocⁱ.

EPIST. LXII. *Duacum.*

CLAVDIO DAVSQVIO, è Soc. Iesu.

TVA libens vidi, libentior legi & ruminatus sum: sanè polita, & quibus lima mea deterere aliquid potuerit, non leuigare aut ornare. Itaque eam insuper habui, nec libuit, nec mos meus est, * ἀεργάζεσθαι. Mⁿ ^{*superflua} ^{agere. Ne} οὐαὶ τοι, nisi recta hæc, non * ἐλιξεῖ, lo- ^{diuernus} ^{sim,} ^{fuxa,} quar. Voluissem inquirere alibi in senten- * ^{tim,} tiam, fateor: sed ipsius Basilij copia mihi aut inspectio non fuit. Quid autem opus est? te in istis ante me & alios etiam, qui proceres sibi videntur, esse, liquidò scio: sume fiduciam ex merito, sed non superbiam, quæ nec in ingenium tuum, nec vitæ genus cadit. Morbus me nuper concuslit, & insultauit deiecto victor: sed ille summus iterum erexit, & stare in muris dedit, si non in acie pugnare. Senecam affeci, an confessurus eam prouinciam nefcio. nam præter languorem & alias occupatiunculas, etiam fastidium irrepit, & tedium habet vniuersi laboris. Epistolas cœpi dare, & nunc CENTVRIAM SINGULAREM ad Hispanos & Italos: ordine ad gentes alias meosque Belgas, si Deus & fauor etiam publicus volunt. Nam valdè excitari nos, non dicam: & publica siue priuata video,

* Κίδεα μοι καὶ μᾶλλον ἔτι φρεστὸν, ἢ περ ἀεθλα. ^{* Cura nūc}
Saluere te mi Dausqui, animitus opto, & ^{image sunt,}
meliorem mei partem per tuas preces. Lo- ^{quam pra-}
uanij, xii. Kal. Febr. ∞. I^ocⁱ. ^{mis pedoro}
Seriūs tua scripta accepi, id est ante dies ix. aut x. ne tarditatem accuses. Epigrammatum habes, quod tuis præscripsi.

IN D.BASILII SELEVCIENSIS ORATIO-
NES versas à CLAUDIO DAVSQVIO
Soc.Iesu, I.LIPSII Epigrammat.

GRAECA vertere, vertit in frequentem
Vsum nunc hodie, sed ànne laudem?
Non hercles. neque versio omnis audit
Fida sensibus, aut polita verbis.
Quod qui præstigit, ille laudis omne
Punctum, iudice me, tulit: tulisti
Omni iudice tu, erudite Dausqui,
Qui sacrum Basili⁹ & elegantem
Librum, ueste decenter induisti
Romanā: atque adeò decenter, inquam,
Ut iam pallia spernat, & Seleuci
Vrbem præ Latiare mutet orbe.

E P I S T . L X I I I . Romam.

ANTONIO RICHARDOTO suo S. D.

Meas te nondum accepisse video, etsi missas ante binos ferè menses : at ego tuas iam ternas. quam diligentiam amare me fateor, quare? quia te ipsum. Suave audire de te, & à te : & in litteris quasi videre atque alloqui, cùm incorām non datur. Delectatetiam in tuis litteris, quòd Roma te capit: etsi quem non, qui sit ingenuā & altā mente? Multa ibi vetus & noua inspeccio, multus splendor rerum atque hominum: & denique confluxus quidam ex omni orbe, quos vel sacræ vel profanæ caussæ (sed magis illæ) eò traxerunt. Itaque non tam in vrbe, quām in altā quadam speculâ atque arce mihi esse videtur, qui Romæ agit: vnde dispeccio & inquisitio sit in omnes partes, & quod sequitur, cognitio rerum varia, cum fructu maiore nescio, an voluptate. O beatum te peregrinationis! præfertim quam sine curā aliâ subis, in contubernio Amplissimi fratris tui, cuius munus & dignitas omnia tibi & peruvia facit & tutu. Fruere igitur, & dum licet amplectere, & in sinu te merge formosæ illius Diuæ: me riuali & æmulo, non nego. & quamquam canescere iam capite, amor hic etiam me habet, & feram mecum ad Orci illum thesaurum. Sed mihi amare, tibi potiri etiam datur: vide quòd eam, fungete & meam vicem, ac vide & obserua quod narratum etiam nos doceat aut delectet. Delectet inquam, cùm redieris:

*Et non antè mihi languescant lumina morte,
quām tua illa meis applicem, & reducem*

brachijs istis teneam & stringam. Publica, quæ illīc, per te didicí: de nostris reponere velim, sed vtinam læta! In te non sunt, spes fouet, etsi frigida; quia non actio solūm omnis, sed sermo elanguit de pace. Atqui bello vt res tranquillemus, vt pertinaciâ & loco munitas partes vincamus, votum est: quod vtinam ille Deus ratum reddat! Vtinam & de pace inter Gallum atque Allobrogem, quod fama recens iam nunc adserit! Nam profectò illo rege, non dicam inimico, sed dubiè amico, res spesque nostræ in arctum coguntur, & hostis caput atque animos valde tollit. Sed quid ego

— *eternis minorem*

Consilijs animum fatigo?
Deo, & qui illi proximi sunt Principibus, hæc relinquo: te valere cupio, & semper

Quòd te cœlestis Sapientia duxerit, ire.

Louanij, x. Kal. Februar. eo. I CCI.

Mea Iuno & mei te salutant. Est ibi Io. Hæmelarius in familiâ Cardinalis Cæsij, gente Batauus, honesti animi ac studij adolescens. an videris obiter apud me & noris, nescio: si non, adi & iam nosce, familiaritate tuâ dignum. Iubilæum trans Alpes iturum sperabamus; & inter primos frui: si non, feremus

Quidquid corriger est nefas.

E P I S T . L X I V . Bruxellam.

REMACLO ROBERTI S. D.

ACCEPI vnà cum litteris tuis libellum, quem legendum dederam: atque is secum alium etiam traxit. Legi. ornata sunt, sed non sine affectatiunculâ, quæ mihi semper odiosa. De pâce cum Allobrogum dynastâ. Deus fortunet, & ratum esse velit. Res magna est, & multis inopinata, pro ingenio, vel regis, vel gentis. Sed benè sanè & opportunè cecidit, non solūm nostris rebus ictis, quas in arctum id bellum cogebat, sed vniuersè Europæis, & periculum præsens imminebat ab immani & iurato illo hoste. Et iam nunc imò imminet, sed fœdere & iunctis viribus facilius depellendum. Utinam diem hunc fidi mutuiq; consensus inter reges videam! sed pro æui moribus, subdola multa & flexuosa interueniunt: & clàm per machinas fraudesque noxij sunt, qui palam & honestè non possunt. De te tuâ priuatâ, vellem prolixior spes esset. sed & hanc accissam ego fouere non desinam & vegetare nouâ commendatione, vt cupis, apud Legatum:

tum: utinam tam efficace!, quam volente! Quod scribis submissurum te quædam interim publica, si nuncium aut hominem certum haberet: ecce tibi istum qui has tradet, nota fidei & industriæ potes, me sponsor, vti. Liber epistolarum cum venerit (sed vereor ut plusculi dies intercedant, ob hoc frigus quod retardauit:) sed cum venerit, statim habebis, & per te Legatus. Vale vir amice. Louanij, Nonis Febr. 1501.

EPIST. LXV. Mechliniam.

IOANNI BERNARTIO S. D.

ECCÆ epistolas, quas tu cum alijs, sed tu calidè, expressisti. Quid ais? serio & more maiorum, sunt tanti? an singulæ placere fortasse potuerunt (ita est in hoc genere) vix vniuersæ? Sed vñcumque iudicatio erit, res facta est; &, vt poëta princeps ait;

Oὐδὲ τι μῆχος
περιθετὸς κακὸς εἰς ἀκοὴν ἐπειν.

O quoties ego vobis, quos subsannare solebam, pænè inuideo! vobis dico, qui Genium vestrum propitiatis, ab arte & operâ vestrâ viuitis, securi potentium & Aulæ. Mihi credere, ne muta. sapere pulchrum, sed sibi sapere: famam & scripta hoc æuo spargere, vereor ut adsidueat filio Græcanici apud Troiam regis. Sed nobis vela vertere, serum est: complicare ea & tollere, hoc licet. faciemusque etiam cum excusatione justissimâ: quia profecto

nos fortior etas

Jam fugit, & votis tantum precibusq; iuuamus. Tu vale mi Bernarti, & meliori æuo te tuosque Deus seruet. Louanij, ix. Kal. Mart. 1501.

EPIST. LXVI. Mantuam.

ANTONIO BEFFAE NEGRINO S. D.

EPISTOLAM tuam ego verò gratam habui, in quam tam viuus & ardēs mei amor expressus. Itaque nihil opus de Velsero meo, Hercule vestro, aut alio proxenetâ interponere: ipse mihi per te carus esse poteras, & præsertim ab ijs dotibus ingenij tui (scriptio docet) commedatus. Quod imaginem mei vidisse te scribis, missam à Velsero, benè est: illud mutem, si possum, deelogio, quod ille vir nimis amater superscripsit & subscriptis. Non sum ille, quem me facit, esse conor: & has tales laudes, non iudicia habeo, sed monita & incitamenta. Simile in ytroque versu

tuo ad me misso: in quo omnia, præter fidem, laudo. Et verò mi amice (sic iam appellō) quid magnū effici à nobis potest, vel priuatim inter languores meos, vel publicè inter turbas? Eæ manent, & inuidere pænè dicam Italæ vestræ cogunt, vbi nunc

Pax secura locis, & tranquilla otia vita,
Et numquam turbata quies.

O fruimini, & interdum miserantes oculos ad nos reflectite, qui iactamur, & sine spe portus. Certè Parca mihi lumina claudet; priusquam Deus limita hæc nostri lani. Ferro, & Herculem Achillem in oculis (animi, dico) quem benignè sic iudicas in me affectum. Idem à me repone, soluam, & tempore à vobis vinci potui, in modo pariabo: Louanij, xvi. Kal. April. 1501.

EPIST. LXVII. Bruxellam.

MARCO AVRELIO VALLENSI, filio Nun-
cio à Consilijs & auditionibus.

LITTERAS ex Italiâ te mittente accepi, gratiores (ingenuè dico) quia te sic benignèmittente. Priuatim aliquid merito me, non possum dicere: sed iamantè & ex sermone, & ex vultu ipso tuo vidi in me affectum. quem redamare & estimare magis debedo, quia, vt dixi, nullo meo beneficio vel officio prouocavi. At velle me, hoc fateor; & serio rogo si vsus mei non dicam tibi, sed tuis sit, significatum velis, id est, impetratum. Nam voluntati tuæ (quam honestam semper fore scio) mea hæc deuincta: quod credere te equidem cupio, & magis, experiri. Louanij, Idibus Martij. 1501.

EPIST. LXVIII. Brugas.

HVBERTO AVDEIANTIO suo S. D.

BENE est vos peruenisse incolumes, velim & te redisse. Nam non nego, operâ tuam desidero: et si libens aliquot etiā dies cōcedo, vel rei, vel animo tuo. Sed tu ad nos, quantum commodè potest: etiam studia tua te poscunt. quæ si peragere apud me visum tibi tuisque, licet, & gratum te semper habui & habebo. Magni oneris aut auocamenti numquam imponam. Anchemanum nostrū video Brugas vestras citò ire desertum.

Méras avtòs θυμός ἐποίησε
Δῆμος εἰς αἱλοδεπτὸν ἔρει:
quod Deum precor cum securitate faciat & fructu. Molem belli ne in vos ingruat, vos

mem. nupt.
illam acris
adurget In
terras alias
proficiet.

timetis, nos suspicamur: sed tamen in bivio sententiæ, donec hostis alibi certò sistat, & pedem firmet. Vah, eò ventum, vt illi pauculi & nuper imbecilli, non contenti repugnare, vltro lacestant? ventum, & plura indigna fient, nisi domi bellique emendemut. Sed desino querelaruim: ad amicū nostrum Wyngardum lætiore cogitatione eo, quem

^{* salut:} corde ^{* duximus}: quando brachijs factus? tu spem inijs, nescio an fulcro nixatus sed vt erit, amo virum, magno illi & æterno amico nostro (Busbequium dico) amicum & heredem. In quæ Carmen nostrum, fitanti est à sese, (affectu scio bonum) vulget, sculpat, vtatur, vbi & quando ei visum. Sed heus, de floribus, veteri & ingenuâ nostrâ delectatione, quis spem ibi facit? quis tam almicè offert? ille dictus, an Pamelius, an quis alius? quicumque, næ ille me grato munere honestarit, qui submittet. Addo & opportuno. nam hæc hiems & niues, quidquid mihi elegans, enecarunt. Ecce ^{* πένθος}, vbi ^{* μνήσεις}? omni Helenâ acceptior, si quis protupinat. Quæris de hoc aut illo flore: nugas. omnes grati meliores aut rariores, sed inter omnes Tulipæ selectiores, quas ^{* idonea} quâdâ amo. Tu me & bona, mi Audeianti. Parentem vtrumque amicè resaluto. Louanij, xi. Kal. April. 1591. Lernutio nostro iterum salutem & vxori vñeo.

^{* lucrum,}
^{* leuamen}
^{luctus?}

^{* propria}
^{affectione}

nuper plagâ. Nam Canisæ turpiter amissæ accessit de Transiluaniâ turbatâ dicam, an & ipsâ amissâ? Ego hoc vereor, vt initia & progressus sunt, dehinc vt animi populatritate Austriacis auferri. Deus mitiora donet, & te Vir Nobilis & Cl^{mc} in munere tuo dirigat, è re Principum, & tuâ famâ. Louanij, viii. Kal. April. 1591.

E P I S T . L X X . Mediolanum.

LVDOVICO SEPTALIO V. C.

A MANDO me anteuenisti, fatej debo: at non scribendo, et si casus aut mala frustis litteras meas retardauit, an oppreslit? Sed scripsi hercules, & misi: atque en hîc exemplar. Interè de amore, debere me tibi fateor tamen: quid fateor? rescribo, & reddere me tibi ampliter adsero, non debere. Solo tempore, non modo aut magnitudine me antecadas. Quod facio equidem iustissimè, non ab illo solùm affectu impulsus, quem in ipsum me habes: sed & quem propter me (ita intellego) in meum Puteanum. Quem iuuenem raris ingenij dotibus, & animi virtutis cædore, ad vos misi ornandū tuerendumque; quoniam parùm opportuna nunc ei hæc patria, tota armorum & turbarum. At Italia quiescit, viget, floret, mihi ipsi optata nuper & sperata: quod si fuisset, quo in eo gaudio? quoniam vos tales, animo iunctos, etiam corpori appressissim?

— quod subdere robur

Illa dies, quantum potuit demississe senecta? Ita loquor, de senectâ. quæ matuor ingruit, & per tædia hæc temporum occupauit. Summi poëtæ illud nosti,

* Αἴτη γάρ εὐ καύτη βεγού καπανηράσκων. ^{Nam cito}
Nam anni alioqui non premunt, & LIV. iam ^{& anno}
eram ingressus, an ad calcem decurrentum? ^{dies, venie}
Deus viderit, æquo me in utramuis partem: & te Vir Cl, alterum Æsculapium tuæ ^{in morte}
patriæ, mihi amicum seruet. Louanij, ^{senecta.}
vi. Kal. April. 1591.

E P I S T . L X X I . Tornacum.

DIONYSIO VILLERIO S. D.

LIBENS imò latus litteras tuas vidi, veteris & puri in me affectus testes. Inuitas in domum tuam: & quidni sequar? Micaultius redocat, amicus & ille fateor: sed tu æuo & tempore certè antecedis. Itaque si in loca vestra umquam venio (spero autem & destino, breui: rectâ in tuam domum, &

& corpore ac contubernio sociabimur, qui animo iāndudum sumus iuncti. O suavis mihi in hac ætate recordatio priorum & iuuenilium annorum! ô firmam & inconcussam, in omni motu temporum, tuam fidem! Quæ certè animum meum titillat, imò percutit, sed suavi thyrsō voluptatis. Utinam publica materiam sic lætam suppedent! quæ nunc quidem (apud te dixerim) flūtere mihi videntur aduersa non Austriacis tantum, sed Christianæ rei. Ciuitalia hæc & finitima bella omitto: quæ aliqua pæctio aut fortuna ponat vel abrumpat: sed illa Pannonica & Dacica, quid nisi iugulum nostrum & salutem petunt? Inualescit ille Barbarus hostis, agit & fert res vrbesque nostras: & nuper Canisiâ, nunc Daciâ amissâ (ita audiebamus) aut certè alienatâ, quid nisi latus & tutus illi limes in penetralia Europæ nostræ? Dolco & excrucior, cùm hæc audio: nec ob euentus ipsos, sed eorum caussas. quas è secordiâ simul & superbiâ nostrâ esse, utinam ne vere dicam. Intera gens finitima nobis, pacata agit, & surgit in suis finibus: & paullatim vires colligit, citò aut serò in nos exercendas. Enim uero supremum illum aurigam video currum hunc nostrum regere & flectere, sed ad Murciæ ædem, non ad Solis & optatas illas victoribus metas. Feramus, & philosophemur: quod olim consilio, nunc necessitate faciendum: & alijs excusli, ad Constantiæ illam anchoram adhærescamus. Sed hæcomitto tristicula: ad vos adspiro (sed in tempore) alacer & sepositis curis,

Pinguis ut inde domum possum pbaexque reverti.

Tu talis me exspecta, & talem (Deus audiat) redde. Louanij, iii. Idus April. oo. I^oCI.

E P I S T O L A L X X I I .

P. PANTINO *Decano Bruxellensi.*

VIDES inclusam epistolam, non etiam quod in ipsâ. Quid? inquies. mortuale aliquid, & Epitaphia inscriptio, quam concinnauit forti viro & duci Gaspari Zapenæ, rogatu Ludouici Blasci. Ad hunc mitto, & rogo ut si quid mutandum, de tuâ sententiâ fiat: ad quem sanè rectâ ire poterant, me non appellato. Quid enim ego hîc melius? sed fatum nostrum est his talibusque distrahi, ut destinatis nostris scriptiunculis

vix sit locus aut tempus. O Politiane, quâm sæpè mihi querela tuâ similis in mente! & tamen assero, & liquidò etiam iurem, plures menses me perdere & perdidisse, & perditurum etiam addo, in hisce auocationibus, quâm te dies. Etsi reuoco illud, perdisse. nam benè & sæpè utiliter opera sumuntur, quæ amico aut officio imputatur. Talia pleraque ista. nam quòd ambitio mea ad hæc non eat, satis ego scio. Valere te opto, Vir Reu^{de} & Cl^{mc}, & breuī nos spolia illa tua è Græciâ videre: è quâ iam nunc ad me epistola à Cyrillo, magno Archimandritâ Alexandriæ & Exarcho (ij tituli sunt) sed scripta * ἀλογίων, vt captus est captiuæ quidem huius Græciæ. Iterum vale. Louanij, xiiii. Kal. Maijas. oo. I^oCI.

E P I S T . L X X I I I . *Bruxellam.*

NICOLAO BRANDIO, *Confiliario.*

Ex longo interuallo, en meam manum. Curnon anteà? inopiâ non amoris, sed argumenti: nec id te fugit. Nunc cùm EPISTOLAS cœpi edere, en tibi libamentum, quo volentem te iterum & propitium reddam, si tamen subduxisti aut contraxisti. Utinam & manum tuam laxem? Quid hoc est? inquies. quod solet: ad fontem vherem venio, & aquam postulo: arborem onustam concutio, & fructus velim legere. Sine ambagibus. ecce meus hortus cladem accepit, hac acritate hiemis, plusquam Cannensem. Pauci militum melioris & ingenui sanguinis supersunt: ad seruos redigimur, & honesto nomine Volones. Tu aliquid suppeditas? Quid? inquies, defini. Iam dixi, Volones me quærere: ergo quidquid tu voles. Nam bonâ fide, non iam eligo, nec quo expleam aut ornem requiro: sed quonouum velut hortulum paragam. Iuua, iuua: & tuæ mortalitatis quoque memor, amici funera subleua & solare, non lessò aut verbis, sed manu & factis. Quid tibi videor? vrbam, imò fori vestri, frontem sumpsi, & aliás vel ad vitium verecundus, totam illam pro salute horti, id est delicij mei ynici, posui. Vale V.C. Louanij, v. Kal. Maijas. oo. I^oCI.

Carmen hîc habes, in re hortensi meâ subito scriptum: quo fine? vt tuum aliquid eliciam. mitte.

IN

IN PINVM ARBOREM EX OPACO
ET OBSITO IN HORTVM SVVM
TRANSLATAM.

ARBOR, que meliore celo & aurā
Nostro pangeris hortulo, arbor olim
Sacra DIs tribus: & Deūm parenti, &
Fauno capripedi, simulque Pani:
Arbor mystica, que comā virente
Gaudes crescere, & es perennioris
Naturae nota: tu meo virenti
Sic viuas vireasque semper horto,
Ut quarto quoque numini sacreris.
Nam Musam colimus: sacratur ipsi
Musæ hic hortus, & hortuli colonus.
Cresce ergo hāc mihi lege, tolle culmen
Cæli ad sidera, tolle nomen vñā
Musæ: audebōne dicere? & coloni.

EPIST. LXXIV. *Romam.*

ANTONIO RICHARDOTO suo S.:D.

SEMPER enim te meum appellabo, & nec
tempus eripiet, nec loca diuellēt. Quam
diu autem ibi volente & nolente me, vt
rem dicam. Nam esse te quidem in illâ luce
gentium, improbare non possum: sed satis
diu fuisse, animus mihi dicit, & suadet pro-
piorem fieri nobis. Aetate parentis & tuam
cum video, velim te quò destinari ire, id
est ad coniugium, & grandæuo parenti tuo
nepotes eiusdem sanguinis & nominis etiam
date. Vnde hoc mihi in mente? quia &
GuilielmuM nostrum, qui mihi adest, iter
illud velim ingredi, & te regredi illo vicario
quasi dato. Hæc à voluntate eius pendere,
contra quem nihil velle debes, scio: sed ad-
eum in occasione ego scripsi, & puto di-
uersum ab hoc consilio non esse. Tamen
sustinendum est, & decretum illud exspe-
ctandum: interea à virtute & modestiâ non
abeundum. Ab hac minime. que omnes
tuas dotes alias (Deus largiter dedit) com-
mender: & per quam verè sis, quod poëta
dicit de suo Mercurio,

— Superis Deorum Gratias & imia.
De me autem, exactis his Ieiuniorū diebus
mediocriter valeo: per eos langui, & animo
& corpore penè collapsus. EPISTOLAS edi-
di ad illos aliosque Hesperios, & inscripsi
Card. Borromæo: illine aliosque satis proba-
tas? Lubet audire iudicia: non quia sequar
semp, sed quia nec spernā. Ceterū ipsum
Cardinalem semper ego in magno habui

colere, vel virtutis eius quæ eminet, vel be-
niuolentia in me, causâ. Misimus & ad te
exemplar: & voluissem ad te vnū, vt primus
traderes, si in mēte mihi fuisset. Domus
mea nunc minùs frequens, & paullatim in
solitudinem, id est quietem redigor, meis
ordine singulatim digressis. Nam alios non
sublego: non quia priores displicerint, sed
ne displiceant sequentes. Varia ingenia,
nec lubet vltra periclitari. Quod ad publi-
ca, nihil nuncio, quia nihil agimus aut pa-
timur, extra pacem magis (vt nunc res est)
quam in bello. Sed utinam ipsa illa pax (ô
Dei summū munus!) nos respiciat tam be-
nigno vultu, quam vicinos: qui fruuntur eâ
& fruentur, nisi malâ ambitione aut cupi-
dine ipsi eam pellent. In Italiâ nuper miri-
ficos apparatus audiebamus, & magnarum
rērum minas: sed minas, & nunciant nunc
diuulsas eas copias, & partem ad nos ad-
uentare. Malleū in Thracas, ne mentiar:
nisi tamen, quod bello hīc manente, miles
opus est, utinam tamen compositus & sub
disciplinâ. Reges, & Rex ille regum, vide-
bunt: ego humana æquo animo atque oculi
aspiciam; te illo, quando & istic mi Ri-
chardote? Deus brevē faciat, & te spei pa-
rentis & nostræ seruet. Louanij, prid. Kal.
Maijas. &c. I.CI.

EPIST. LXXV. *Augustam.*

MARCO VELSERO S. D.

BEFFAE Negrini litteras per te accepi, et si
iam ante simili arguento & pænè ver-
bis alteras, quibus cum responderim, non
videbatur operæ nunc iterare. Ad Delium
nostrum ecce habes. Satin' vt te utimur, an
abutimur? Sed hæc tua benignitas est in
omne litteratorum nomen, que te ad cele-
stem gloriam effert, vt Augusti verbis hoc di-
cam. De epistolis nostris, quod Billiodo
dante videris, gratum est: sed an non & me
mittente? Mis enim certe, & te velut inter
familiares Lares habeo, quibus primis offre-
ram hæc libamenta. Utinam melioris rei?
& tu tamen virges vt reliquas: dabo, dabo,
gratia an infamia vestra suasorum esto. Ac-
cingebā me ad iter in nostros Neruios, quos
finitimos nondum vidi: et si amici illic bo-
ni & multi. Nunc me ijs datus dies ali-
quot eram, & corpus atque animum refe-
cturus, si Deus annuet: quem tutorem tibi
mihique, ô virorum optime, precor. Loua-
nij, prid. Kal. Maijas, &c. I.CI.

EPIST.

E P I S T . L X X V I . Bruxellam.
GASPARI TAIO V. N.

DEVS bone, tuam benignitatē! Munera mittis multa, rara, & quibus in gaudiū et si datum me fateor, tamen addo & ruborem. Nam quo meo merito? Promiserā, inquies. Imò potius spem feceras, nec actio certè mihi tecum ex stipulatu. Totum, vt dixi, est benignitatis tuae: & tantò plus debeo, quò minor fuit eius caussa. A me certè nihil elicuit nisi fortè insitus animo huic in magnum parentem tuum (nunc inter beatos) amor simul & cultus: quem virum Bruxella nostra habuit, in tenebris turbisque istis temporum, ductorem, tutorem, vindicem contra mala & malos qui imminabant. Deus illum eripuit, te eius germen reliquit, vestigijs ijsdem insistentem probitatis, fidei, & priscæ virtutis. Sed hæc desino, gratias agere paro, sed paro. Verba defunt, animus superest: & scito tamen breuiter & fidè, nihil te potuisse gratius pro ingenio meo mittere, qui illis hortensibus delicijs vnicè delector & velut pascor, vbi animum vel languor vel occupatio deiecit siue exhausit. Debeo ergo tibi non vt amico tantum, sed vt medico: qui & animum meum recreas, & corpus reficias: quæ utraque, Vir Nobilis, vt diu sana habeas, intimum meum est votum. Fratrem tuū aduenisse in columem, gaudeo: spero, Louanium suum reuiset, nos vna, & amplectemur. Ibidem, prid. Kal. Maijas, ∞. I CCI.

E P I S T . L X X V I I . Romam.

CYNTHIO ALDOBRANDINO
Cardinali S. D.

DECORI limites egredi, & exclamare statim initio cogor, O benignitatem! o quo alio nomine appellé hunc mixtum ex amore & promptitudine affectum? Promptitudine, quæ te in isto culmine (ignosce) non decet. Tûne ad vnas trias bis scribas & respondeas? nam ita factū: semel ipsis, & anteā exspectationi earum & spei. Iterūm, o benignitate! quâ me quidem sic capis & tuum facis, vt si ære olim & librâ emisses. Itaque vt in pauca sed fida verba conferam, inancipio me tutum habes: imò mancipiū, si tamen id verbi tuus meus que ingeniuus animus admittat. Quem animum serio Illustriss. & Reuerendiss. Domini-

ne ad te mitto: habitet atque hæreat, quamdiu in corpore iste habitabit. Fas & Fides audite. Louanij, Kal. Maijs, ∞. I CCI.

E P I S T . L X X V I I I . Bruxellam.

HENRICO VANNETTEN, Präsidij Aerarij
Principum in Brabantia.

FILIVM tuum reducem libens vidi, & vel ex eo gaudium tuum cognoui. Si enim nos alieni afficimur erga notos vel discipulos: quantò magis parentes erga sanguinem suum & stirpem? Gratulor ergo tibi hoc gaudium, & vt alat idem ac foueat, Deum precor. Destinas eum ad forum mittere, vti scribis: quod equidein probo. quia, vt nostri hodie mores sunt, limen id est ad honores. Tamen libare eum suadeam tantum: nec diu in ijs tetricis, & pænè tricis dixeram, haberi vel ingenium eius velit, vel poscat v̄sus. Ad maiora eum Deus, tu, & sua virtus ducent: id est ad ipsam rem. o vitorum quā nunc engentem! Mitte, mitte meliores has stirpes, & labantem eam teneamus his fulcris. Equidem (Deus vota audiat) omnia bonaominor & pænè spondeo de tuo filio. ita in doles mihi videtur, ita institutio: & tua manus ac directio accedent, sicubi per ætatem vacillet. Etiam auctoritas tua in producendo accedit, quam merito virtutis tuae habes. Iterūm voueo, Deus te illi tutelam, illum tibi gaudium seruet Louanij, postrid. Kal. Maij. ∞. I CCI.

E P O S T . L X X I X . Mediolanum.

Io. BAPTISTAE SACCO S. D.

ACCEPI Cardinalis Borromæi litteras, & vna tuas. Ille gratum habet, tu gratias agis, quod inscripti librum, quod libro inserui: utrumque à melibenter & merito factum. Certè de te, mi Sacce. qui & amorem iamdiu acrem in me ostendis: & eā virtute ac doctrinā es, vt inter paucos veterem Italiæ gloriam sustentes. Hortaris me porrò ad alia scribenda ac vulganda: quod facio ac faciam pro viribus. quas tenues tamen esse scito, & æuo ac morbo deficientes. Beatos ingenij alios/quibus cum eo & sahitas adest: nec functiones aut fructus eius halitu morborum adflantur aut int̄repiuntur. Deus mihi non dedit, ferò fortē, &

— leuius fit patientia,
Quidquid corrigere est nefas.

Tu

Tu mihi diu salue, optime Sacce. Louanij,
postrid. Non. Maijas, ipsâ horâ quâ vestrâ
accepi. ∞. IɔCI.

E P I S T . L X X X . *Bruxellum.*

PHILIPPO MASIO, *Consiliario & Graphia-*
rio Ordinum Brabantie.

S V A V E nuper fuit(ex animodico)renouata
re & quasi vegetare in sermone veterem
amicitiam, contractam in adolescentiâ &
litterarijs istis castris. in quibus ego quidein
iam consenui, te ad Remp. Deus, & tua virtus,
& maiorum etiam exempla duxerunt.
Sed quamquam loco & vitæ genere disun-
gimur, rogo tamen ut animorum ille nexus
maneat: quid rogo? ipse vtrò ita nuper ob-
tulisti & affirmasti. Itaque mearum hoc
partium, vt ipse eum omni officiorum ge-
nere constringam: quod facturum me ani-
mo semper, etiam operâ, vbi eâ opus, sancte
& Romanâ fide promitto. Edidi EPISTO-
LARVM nuper librum, imitto: si tamen in-
ter seria tua & tot negotia,

Quæ caput & circa saliunt latus
(vt cum poëtâ dicam) diuidere tempus his
nostris potes. Sed nihil opus, accipiantum,
& vna animum, Nobilis & Cl^{mc} Domine,
æternum addictum. Louanij, postrid. No-
nas Maijas. ∞. IɔCI.

E P I S T . L X X X I . *Mechliniam.*

OTHONI HARTIO, *Consiliario supremi*
Senatus.

A MICAM in uitationem tuam accepi, &
mouit mihi dolorem. Animo obsequ-
bar, & vobis aderâ: re prohibebar, & com-
pedes meæ me tenebant. An non vellem,
& adspirarem ad tam amicos, & Oranum
præsertim meum, iam diu, nisi animi oculi-
lis, non visum? Profectò facio, & vix ita, qui
sunt, ad fontes: sed ligant me cùm solennes
occupationes, & tenuior semper valetudo,
tum ædificatio, quæ nunc feruet. Domus
meæ pars caduca erat, instaurare cœpi, &
loculos meos deplere. Domini oculus hîc
vñi est: nec sine incommodo præsentí a-
uellar. Tamen velim mihi (& iam nunc ro-
go) significari, ecquid ibi hæsurus Oranus
& collega sint? Si dies octo aut decem, dabo
me in viam, ad vos veniam, & illinc Bru-
xellam & Nerios (quò item inuitor) per-
gam. Etsi iuste, vel ipsâ Iustitiâ iudice, Ora-
no succensem, qui ita ad vos, vt nos de in-

dustriâ videatur fugisse. Nónne per hanc
urbem via recta & prætoria ducebat? Nón-
ne ipse spem fecerat scriptis, imò pænè pro-
miscerat? Hoc dico, saluta, & tu salue; & me
etiam absente Hilaria agite, sed tamen do-
lente, imò inuidente. Heus tu, éstne pocu-
lum quod Amicitiae sacræ & fidæ libes? fac
meo nomine, luam præsens. Louanij,
iv. Eid. Maijas. ∞. IɔCI.

Orano meo, Oudarto meo, iterum plenam
salutem.

E P I S T . L X X X I I . *Leodicum.*

IACOBO CARONDELETO V. R. & N.

E C C E Epistolas, quas bonâ fide remitto,
sed descriptas in finem illum edendi,
quein adsuades. An tanti sint, nescio: sed
tamen amicorum voluntatis magis, quâm
nostræ fortasse famæ ratio ducetur. Itaque
Centurias aliquot etiam paramus. SENECA
noster lentè procedit. ætas, valetudo, tem-
pora non calfaciunt, nec stimulos ad hæc
quidem studia addunt. Enim uero cùm res
nostras video, cum Homericō illo Vlyssē
dixerim:

* Kίστα' μοι δὲ μελλον τὸ θρόνον, ἔπειδε θάλασσα.
adeò tristia pleraque omnia aut adsunt, aut
instant. Optimi sanè Principes nobis: sed
fortunam pro virtute ijs fluere nondum vi-
demus. Itaque aduersarij insultant, & supra
spem suam faciunt progressus. Sed omitto.
re mage
nūc, quām
ludicra pe-
dore no-
fro.

ego mei reficiendi causâ Tornacum nuper
excurri, & Villerium nostrum amplexus
sum, ô virum omnibus elegantia & comi-
tatis numeris perfectum. In domo eius dies
aliquot egi, non dixerim quâm suauiter,
molliter, & facete: nec corpus solùm, sed
animum istum oculosque paui inspectione
Gazophylacij (sic appellem) quod instru-
ctum omni genere vel antiquitatum vel
elegantiarum habet. Audiueram sanè, &
magnum aliquid animo præceperam: vicit
tamen omnem exspectationem. Itaque, ite-
rùm dico, valde acquieui in tali hospitio.
& omitto amorem, illum fidum & acrem
in me ab ipsâ pueritiâ: quem iucundè ve-
stigijs relegimus, & fabellas, lusus, deliria
narrauimus primæ illius ætatis. Hæc apud
te, id est pænè alterum Villerium: & scio
quâm illum virum, & cum illo me ames.
Vos quoque ego videre profectò hauebam,
& vina atque aquas magis vestrâs bibere:
sed absterremur periculis, quæ certa nobis
esse experti scimus. Igitur hunc quidem af-
fectum

fectum coērceo , amorem largiter ad te mitto, vt tua fides est, reddendum, Louanijs, III. Kal. Jul. & IOCI.

E P I S T . L X X X I I I . *Romam.*

IOSEPHO MARTIO.

EPISOLA tua, quæ ipsa, & suo nomine, grata esse poterat, magis fuit Bencij mei inserto, ô magni illius & fidè amici nostri! Quem quòd tibi quoque talem fuisse significas, eoipso te meum facis: nec vñquam ille amauerit, nisi ab ingenio & virtute amandum. Itaque mi Marti, (etsi minimè pro tuo nomine: Musarum enim totus es) mi inquam Marti, certò ita habe, vinculum aliquod amicitiae vñ hac scriptione te inieccis, arctius stringendum si iterabis, & colloquio illo magis magisque iunges, & nodum hunc animorum velut adduces. Enim uero si Fata (ita loquendum est. nam voluntas mea adfuit, vel superfuit) mihi induxisserent Romam illam coram videre & venerari: te quoque in eā licuisset, & libuisset, atque externis istis oculis contemplari, quem nunc animi tantum datur. Sed vel hoc iuuat, & linea tuæ paucæ ductæ; si non Apellem, aliquem eius discipulum ingenerunt & producunt: quem ego vt fauore, sic hortatione etiam (etsi opus fortasse non est) prosequar, pergendi in optimâ viâ & ad calcem decurrenti. Hæc studia sunt, quæ animo tuo fructum, apud alios gratiam aut famam sunt paritura. Apud me quidem, iam nunc amorem: quem & tu mihi ætatem serua. Ita vale mi Marti. Louanijs, Kal. Jul. & IOCI.

E P I S T . L X X X I V . *Duacum.*

FRANCISCO MONTMORENCIO, U.N.

Bersei Toparchæ.

QVID QVID manus hæc excusat, animus me accusat. Ut abierim non viso te hei ri, & solennibus illis dictis factū: & Deum testor, sine meā culpā. Decretum ita fuerat, & in essendo te visere: interruptus auriga, qui à domo tuā aberrauit, & abnuit flectere aut redire. En peccati nostri caussam: nosse, & ignosce. At qui mansisses apud nos, inquires. Id quoque voluissem, nec sum ille Cauca so abruptior, vt precibus non mouear; sed bonā fide, mea & mei me reuocant, men sem totum iam ferè erronem. Sed in istis amicitia non est nixa: quam detractā omni

I. LIPSI Operum Tom. II.

pompā & velut personā colamus, sedulō à me faciendum. Evidem duo ad te adfero, Beniuolentiam & Obsequium: quorum illâ frui te rogo, isto vti. Tornaci, in ædibus Dionysij Villerij, qui te amat, colit, salutar, XVI. Kal. Jul. & IOCI.

Andream Hoyum da mihi veniam vt per te salutem.

E P I S T . L X X X V . *Tornacum.*

DRONYSIO VILLERIO S. D.

Novum tibi, immane, incredibile erat, de liberis, quos veteres paſlim exponebant vel abijebant: & alienum non à ratione ſolum cenebas, ſed à naturâ. Omnia conſentio & cedo, ſed non in fide: quia certò res ira fuit, & communis ac paſſiuā adi, vt dixi. Si viſ homines accuſare, qui hominem non ſolum parentem exuebant, in te nellâ & innoxiâ plantulâ extinguendâ, non abnuo, recum immò accuſauero: ſed de facto, non de qualitate quæſtio nobis erat. Ego autem pertendo & vel scripto nunc doceo, ſic fuſſe. Quid ſi lege etiam apud quasdam gentes permifſum, atque adeò pænè iuſſum? Aristoteles dicet in Politicis: Lib. viii. atque adeò ipſe inclinat, numerum definiri cap. penul. prolium procreandarum: & ſic uis augeat̄ ac duplacet̄, priuſquam in uitam veniant, abortum effe procurandum. Scilicet quia hoc mitius, quam iam natas abijci ac necari. Quid ſecuti iſti ſint, apparet. nimirum nemiam propagatione angusta loca & fruges ac fructus fierent: ſed o diuinæ prouidentiæ parum gnaros! quæ in hac mundi œconomia omnia pariate potest & ſollet; & ſiquid redundant, aliâ viâ recidere vel auferre. Tamen, vt dixi, moſ ille: non apud barbaros aliquos tantum, ſed politos & humanitati factos Græcos: & Comœdiæ palliatæ paſſim clamant. Iuſſio aut voluntas patris exspectabatur, tollendū quod natum, an abijciendum eſſet: atque iſtud ſepiùs, in fæmineo & minùs aſtimato ſexu. Immanitatem! tecum adfero: & Romulus rationi propior, qui lege tulit (apud Dionysium) Lib. i. Από τούτων διόπειρα γαρ εἰς την ἀνθερήν την πέρι τούτους. αποκτητούσαι δὲ μηδὲ τὸ οὐρανόν περιτεγμένους, πάλιν τὸν γένετο παιδίον αὐτοῖς περιπέπτεν, οὐδὲ τὸν γένετο παιδίον αὐτοῖς περιπέπτεν. Τοῦτα δὲ τὰ εἰδώλια εἰπεῖν τούτους, διπλαῖς εἴσαρτας τορπεῖς πάντες αἱδεῖσι τούτους, τὰς κακέντος συνδοκῆς: Omneſ maſculam prolem educari, & è femellis primogenitas. Nihil autem quod natum eſſet occidere, ante

M m trien-

trisennij tempus; nisi aliquid mutilum, aut mortuorum statum à partu effet. Hæc enim talia non retinuit exponi, sic tamen ut parentes prius quinque viris è viciniâ ostenderent, si & ijs ita videretur. Benignior, inquam, hæc Romuli lex: & quæ colore in magis æqui boni, sed

Deit. l. colorē habet. Ad eam Seneca: Portentosos fætus extinguimus, liberos quoq; si debiles mortuorumque editi sunt, abijcimus. Sed longius ab

Lib. x. de Afina.

Apolog. cap. ix.

v. Hera. cxxiiii.

Lib. viii.

Lib. vi. cap. xx.

Lib. v.c. ix.

Adv. x. cap. v.

**Stob. 476.
Dioc. 71.**

multos statum à partu effet. Hæc enim talia non retinuit exponi, sic tamen ut parentes prius quinque viris è viciniâ ostenderent, si & ijs ita videretur. Benignior, inquam, hæc Romuli lex: & quæ colore in magis æqui boni, sed colorē habet. Ad eam Seneca: Portentosos fætus extinguimus, liberos quoq; si debiles mortuorumque editi sunt, abijcimus. Sed longius ab eā Apuleianus ille pater, qui peregrè proficiens, mandauit uxori sue, vt si sexus sequioris edidisset fætus, protinus quod esset editum necaretur. Vbi enim hīc triennium exspectatum? Et alij vulgo longius: qui passim abijciebant. Christiani scriptores sèpè Romanis obijciunt. vt Tertullianus: In primis filios exponitis, suscipiendos ab aliquā prætereunte mātre extraneā. vt Ambrosius: Pauperiores abijciunt parulos, & exponunt, & deprehensorib; abnegant. Et quid est Exponere: plerumque in aliquā solitudine, feris in prædam. Suidas: Επιδίαι τε Ερέων. αὐτὶ τῇ εἰς βοπὰ δημιους, οὐ κατάλλει εἰς σύγχθοπας, οὐ διατίθεται εἰς ικνήας: Exponere liberos. pro eo quod est feris in cibum, aut aliter in exitium, solitudine aliquā deponere. Quintilianus Declinator: Velut expositos in aliquā solitudine, aut in maria projectos. Imò & strangulare interdum ipsi solent atque oblidere. Arnobius: Vos enim (Romani) video procreatōs filios, nunc feris & auribus exponere, nunc ad strangulatos misericordias genere elidere. Lactantius: Non possunt innocentes existimari, qui viscera sua in prædam canibus obijciunt, & quantum in ipsis est, crudelius necant, quam si strangulassent. Idein iterū: Qui natos ex se pueros aut strangulant, aut si nimium pijs fuerint, exponunt. Tertullianum hanc impietatem damnare & in his verbis arbitris: Quærenda nobis opera sunt (liberorum) quæ & à gentilium profanis trahantur, quæ legibus locantur, quæ parricidijs expugnantur. Negat Christiano, qui de aliâ vitâ cogitat, valde coniugia aut liberos querendos, ad quos, inquit, liberos gentiles, legum præmijs pœnisque vocantur & velut conducuntur: quas tamen leges etiam parricidijs expugnant, tollentes & strangulantes iam natos. Sed mitiores paullum illi, qui in publico aliquo urbis loco exponebant: ut fas saltem ab homine tolli, vel in seruitutem. Athenis, aut iuxta

ea hoc fuisse Suidas indicat. Κυνόσαργες, inquit, τὸν θεόν την Αἰτιανὴν, τὸ φέτος τὸν μαδηταρρον: Cynosarges, locus in Attica, ubi spuriros infantes ponebant: & caussam addit, quia

Herculis ibi templum, qui & ipse inter spuriros fuit. Sed & Romæ Lactaria columnæ de qua Festus: Lactaria columnæ in Foro olitorio, quod ibi infantes latte alendos deferebant. Victor, in descriptione Vrbis: Forum olitorium. in eo columnæ lactaria, ad quam infantes latte alendos deferunt. Id genus Altellos Latini dixerunt, ut Graci ὅπερε, siue etiam χαροπλάτε, Humi-repertos. Tetigi in seruitutem sublatos: & ita mos siue lex fuit. quam Declinator apud Senecam ingerit: Expositi in nullo numero sunt, serui sunt: hoc legislatori visum est. Et tamen quæstio subinde exorta, an tales non possent adseri in libertatem? proponitur à Plinio, cum Proconsul Bithyniæ esset, Traiano: Magna, Domine, & ad totam provinciam pertinens quæstio est, de conditione & alimentis eorum, quos vocant ὅπερες. Et is respondebat: Quæstio ista, que pertinet ad eos qui liberi nati expositi, deinde sublati à quibusdam & in seruitute educati sunt, sèpè tractata est. Et ambigit ipse quid respondeat. tamen concludit: Et ideo nec assertionem denegandam ijs, qui ex eiusmodi causâ in libertatem vindicabuntur, puto: neque ipsam libertatem redimendam pretio alimentorum. Quod ultimum satis nouum, ne intimum dicam, videatur, ne alimenta quidem reponi ciqui educasset: certè aliter in Senecâ patre, ubi lib. xx. cont. iii. lex est: Expositum qui agnoverit, solutio alimentis recipiat. Et hoc nisi indulges, quid nisi vetas aut tardas tolli? Nota autem, quæstionem tantum esse de liberis natis: non herculè seruis. nam & ijs exponebantur. Declinator: Nascentur, inquit, quidam aliquā parte corporis multati, infirmi, & in nullam spem idonei: quos parentes sui projiciunt magis, quam exponunt. Aliqui etiam vernulas, aut omne infarto editos, aut corpore inuadidos, abijciunt. Ait Vernulas. qui nempe à dominis abiecti. Omnia foedâ, serua, & ideo à Christianis Principibus coëtcita. Primi fuerunt, opinor, qui veterunt Valentianus, Valens, & Gratianus: quorum lex in ytro que Codice Theodosij & Iustiniani exstat, Ad legem Corneliam de Sicarijs: Siquis necandi infantis piaculum adgrediāve sit, erit capitale istud malum. Qui putant hoc iam antè legibus cautum; quia in Pandectis lxxxix. mulier ex filio damnatur, quod visceribus suis vim intulerit (intellege in abigendo partu:) errant. quid posset? cum testimonia, quæ dedi, vulgati illius moris, tertiora sint Pandectarum scriptis. Itaque abortus tantum ibi veratur: & merito, quia nesciri de partu vili,

utili, inutili, quidquā etiam potest: & odium item suberat prioris mariti. At Christiani, vt dixi, damnarunt. & est etiā Canon Concilij Vasensis, qui ait: *De expositis querelam proceſſe, eos non misericordiae iam, sed canibus exponi: quos colligere calumniarum metu mens humana detracet.* Ideo mox decernit, iuxta vetera statuta Augustorum & Principum, ut quisquis expositum colligit, Ecclesiam contestetur, & nisi intra decem dies repetatur, sit eius qui collegit. Hoc totum pertinere & spectare Traiani rescriptum illud videtur: quia certè calumniarum metum gignebat, cùm nescirent an liberum tollerent, id est mox, & sine pretio, reddendum. Itaque deferebant. sed Concilium misellis subuenit, & contrà, vt audisti, censet. Hæc cruda veterum, sed non omnium. nam Iudæi aliter, de quibus Tacitus: *Augendæ tamen multitudini consulitur, & necare quemquā ex agnatis nefas.* Vbi gnatis legendum monui: aut certè ita capiendum, quasi nefas esset tollere eos qui adnascentur. nam primos, quis velet? Etiam de Germanis idem scriptor: *Numerum liberorum finire, aut quemquam ex agnatis necare, nefas habetur.* Vbi de finitione habes, in Aristotele suprà expressum. Estne aliquid? imò olim Indis consimilem illi Romuleæ legem fuisse, de quâ Curtius: *Gens, & barbari, sapientia excellit, bonisque moribus regitur.* Genitos liberos, non parentum arbitrio tollunt, aluntque; sed eorum, quibus spectandi infantum habitum cura mandata est. Si quos insignes, aut aliquā membrorum parte inutiles notauerunt, necari iubent. Satis meuū dictum firmaui, vt Deus tibi valetudinem, rogo. Louanij, x. Kal. Iulias. ∞. I.C.I.

Ante biduum de priuatis ad te scripsēram: hæc libuit in otio contexere, & velut corām sermocinari.

E P I S T O L A LXXXVI.

PHILIPPO CROYO, Comiti Solrano, Equiti aurei Velleris, Gubernatori Tornaci
& Tornacensis.

DOLEO equidem nec tuo, nec meo desiderio, hoc quidem tempore à me satisfactum. Nam neque Condati te vidi, vt volebas & benignè inuitabas; nec Bruxellæ ad manus tuę osculum veni, quod non cupiisse me tantum dicam, sed destinasse, imò promisisse. Quid ergo impediet festinus meus transitus, & quia domum me, cùm tenuior valetudo, tum & res incæ vocabant. Rogo

I. LIPSI Operum Tom. II.

Illustriss. Domine istam mihi veniā dones, aliàs ex arbitrio, vel imperio tuo, emenda-turo. Remitto scriptum, quod super Repub. nostrâ prudenter (ita me Deus amet) legi conceptum. Ovtinam consilia locum ha-beant, quæ Principibus augendis, rei nostræ firmandæ sint! Et spero aliquando habe-bunt, & fides nostra, integritas, amor perspi-cientur: quæ inter omnes gentes, propria nobis Belgæ vindicamus. O Deus audiat! & te Ill^{me} & Excell^{me} Princeps, bono Princi-pum & nostro diutissimè in columem ser-uet. Louanij, xii. Kal. Iul. ∞. I.C.I.

E P I S T . L X X X V I I . Madritum.
LVDÖVICO TRIBALDO TOLETO S. D.

TEV verò ad me perbenignè, mi Tribal-de: quod mihi gratum acceptumque esse è talibus locis, & à tali ingenio debeo adfateri. Longè à nobis abeltis: scripta ad vos & fama mei, & quod caput est, amor atque aestimatio venit, vtinam ex vero, non opinione aut præiudicio, concepta. Sed ve-stra hæc cura sit; mea rependere affectum, & in uitantibus, benignè verbis atque animo respondere. Delectauit me autem epistola tua & scitè scripta (rem dico;) & in cā iudicium de summo viro, qui fuerunt aut erunt, & cuius magnitudinem non nisi magni capiunt, nec plenè etiam ipsi. Is Homerus est, ô apex ingeniorum, ô fasti-gium & culmen scientiæ, prudentiæ, sapien-tiæ, quò pertingere homini quidem datur. Nos ita censeimus,

Nil oriturum aliàs, nil ortum tale fatentes.
Et probamus igitur vtrāque manu, non so-lùm pollice, iudicium super eo tuum: sed non illud, quod rescribi velles ijs qui nuper cum detrahere conati è loco, quem omnis antiquitas cōsensu adsignauit. *Quis sapiens aliter iudicauit? quis non maximè talis, ta-lem habuit, & conatus pñè dicam*

Stellæ inferere & concilio Iouis?
Equidem sensum meum liberè apud te pro-mam, non arbitrari me sine numine & en-theâ quadam vi præclara illa scripta scrip-ta, & aut ipsum (si fas dicere) Genium fuisse, aut Genium adstitisse: ex illis quidem magnis, sublimibus, & valdè confortibus supremæ illius Mentis. Duo in eo singula-tia. & quod primus, certè inter primos, Poë-sim colere coepit, eamdemque perfecit: & quod semina omnis scientiæ, prudentiæ, sapientiæ in cā aut expressit, aut ostendit.

M in 2 Et

Et aliquem huic conferemus? aut Virgilium
aliquis anteponet? ipsi viderint: ego quidem

— *vix lumine fesso*

*Explorem, quām longus in hunc despectus ab
illo.*

Sed omitto. tu me ama vel hoc nomine,
quod Homerum tuum amo, imò veneror,
imò pænè adoro. Louanij, prid. Kal. Iul.
oo. I.CI.

E P I S T . L X X X V I I I . *Tornacum.*

HIERONYMO WINGIO, ^{I^o} Canonico
S. D.

EGO verò tria verba ad te debedo mi Wingi, quae centena ac millena tam suauiter tecū miscui, cùm vnā essemus. Crede mihi, volupe fuit, & nunc item iuuat, apud candidas illas & virtuti amicas mentes egisse: cuin uno illo morsu, non semper licere.

*O crebro memoranda dies, quæ mente reporto
Gaudia!*

Ipsa mea scriptio incitata dicet, è calido & aperto pectore hæc esse, & fucum abesse. Veni igitur ad nos sæpius, inquieres. Imò quod iustius ego reponam, vos ad nos, & amulamini exemplum. Seriò hoc rogo, & tam auidè me Deus in cælestem illam domum, quām egovos meam, recipiat, teneatque. Quid ais? stipulor, repromitte: & Villerium adhibe, non ut testem, sed exactorem, & qui se se teque vnā sistat. Facite, facite: ita Deus longum vitâ, valetudine, amicis frui vos faciat, & si quid optatis. Louanij, i.ri. Nonas Iul. oo. I.CI.

E P I S T . L X X X I X . *Mediolanum.*

ERYCIO PVTEANO.

AMICO illi gratia, per quem tandem nostræ Septalio redditæ. nam nuntij illuserant, & miramur iure improbitatem. Tuas ultimas, & cum ijs *Σωτήρια* De Distinctione accepimus: bonum sanè, vt ijs scriptum qui in studiorum velut incude etiam sunt, & tuo malleo formantur. *Promulgatis Epistolaris* quando ad nos? auidè exspectamus, vt ipsam illam olim, qui à gymnaude aut balneo veniebant. Consulis me autem ^{*sacerdotale} seriò de genere vitæ, & ecquid *τρόποι* in illo probem, quò libra deliberationis tuæ vergit. Ego verò toto animo, mi Purcane. nam te cùm video,

*Est pudor ingenuæ mentis, tranquillaq; morū
Temperies:*

id est, indoles, tranquillæ huic vitæ facta. Addo studia, quæ es amplexus. quæ caue alibi felicius, addam & utilius, tractari censes, quām in hac togâ. Viden' tu philosophos veteres, & plerosque abhorruisse hæc nuppiarum vincla, vt verè compedes quafdam liberae & sese efferentis mentis? Ita sunt, expertis crede. & si quietem, doctrinam, famam amas; ama libertatem & otium, quò istis vaces,

*Expers curarum, atque animum virtute
quietâ*

Compositus, semperque tuus.

Hæc mihi sic visa in te, quem alta & seria capiunt: quid si in alio, quem vilia & externa? Eorum etiam hinc seges, nec paratior alibi (vt Attici Oratoris dictum usurpem) <sup>dilectum:
factum:</sup> aurea illa messis. Itaque ego quidem, te præser-
tim inclinante, huc ducam, imò impellam:
& si me audis, * *ἀμα ἵνος, ἀμα ἐπειον:* ne ite-
rūm fortasse de cælo in cœnum. Numquam
me aut huius consilij, aut te facti pœnitentia-
bit. Salve, cum Septalio. Louanij, v. Id.
Iul. oo. I.CI.

E P I S T . X C . *Athum.*

PETRO IARDINO, Rectori Scholæ
Athensis S. D.

IVRE dolui, & præter animi mei ipsa men-
tem fuit, quod rediens te non vidi. Cur fe-
cisti? inquieres. Festinabam, mea me reuoca-
bant, & vel inuitum ad solita munia admo-
uebant. Scis honestam aliquam seruitutem,
nos qui publicam personam toleramus, sed
tamen seruitutem sustinere: quæ apud te,
rogo, excuset, & animum, si non factū, pro-
bet. Illum certè iamolim scito tuum & il-
lius loci esse: quem suauiter, & addam utili-
ter, in primo tirocinio meo velut castra aut
palæstram habui, animo huic exercendo &
formando. O iucunda cogitatio!

Quæ mihi flexanimo mætem perfundit amore.
Et verò, fateri debo, aliquid noui ignis à te
etiam adspirasse: quem sic benignum in me
repperi, & ex animo volentem. Quid pos-
sum rependere? me ipsum: etsi iam totum
olim vobis debo, &

Quod monstror digito prætereuntium,

Quod spiro & placebo, si placebo, tuum est,
ô Athum meū, ô diatriba pueritiae meæ &
schola! Quam tu diu & feliciter rege, quod
facis, tuæ laudi & patriæ bono. Louanij,
III. Idus Iulias. oo. I.CI.

EPIST. XCII. *Tornacum.*
DIONYSIO VILLERIO *V. R.*
& Optimo S. D.

DONE metū mi Villeri, valeo. quid istuc tam timidi & an xij amoris est? Vultus meus in discessu visus pallidior? non à morbo, sed ab amore fortasse fuit, quem in Nervios vestros concepi. Citra iocum, vultus ille meus sāpē imponit; & alterutram valitudinem fallaci colore mentitur. Sed à vobis equidem, vt meus habitus est, benē sanus redij: & animo certè alacrior, quām de more. Qui tamen animus sāpē ad vos reuixit, & vix auello hærentem. Oserimones, ô conuiua, ô ambulationes! ô, quod caput est, pectora niuea & aperta! Iterare opto, atque etiam spero: sed te præeunte, & choream hanc apud nos instaurante. Ita facies, si amare aut amari vis: & cur non instantē hoc Autumno? fruamur.

— improvisa leti

Vix rapuit rapietque gentes.

De Bibliothecā tuā optimis libris adornandā, curā est & erit: Audeiantius meus Indicem breuī mittet. Iube siquid vlt̄rā volles, ego hoc vnum, AMA. Louanij, xvi. Kal. Sextil. 1501.

EPIST. XCII. *Romam.*
MARCELLO VESTRIO BARBIANO,
S. Pontif. à Secretis.

BENEFICIO me à te affectum quidni agnoscam, in missō Diplomate illo, quod SVMMVS noster PONTIFEX, te scriptore, vulgauit? Ipsa missio animum & mei memorem & volentem significat, gratum à talibus viris: & Diploma delectauit, inuentum & publicatum ad tutelam rei Christianæ. Vtinam ne mālo nostro sciremus, quos progressus immanis ille hostis fecerit, dum Principes parūm inter se concordes, quisque res suas agunt, & omnes paullatim vincuntur, dum singuli pugnant. Vdit hoc nostrum illud Caput, monet, clamat, & remedium interā auxiliūque à se fert, vtinam & audiendus, & imitandus! Quām vertatur mox alea rerum? quām gloria & victoria ad nos redeant? quām fines & fides ipsa Christiana propagetur? votis à nobis optandum; factis, ab ijs qui possunt, iuuandum. Sed, vt illuc redeam, tibi gratia esto & pro animo in me tuo, & pro Diplomate: in quo te scriptorem agnoui, & eā parte vt

I. LIPSI Operum Tom. II.

tuum suum amplexus. Deus tibi porrò det utiliter & decorè hæc agere,

— tantamque verendi

Mentem implere PATRIS, iufisq; ingentibus

vnum

Sufficere:

& me inter cultores tuos censere & amare.
Louanij, xv. Kal. Sextil. 1501.

EPIST. XCIII. *Bruxellam.*

D. GEORGIO AVSTRIO, *Præposito Louani.*
& Academæ Cancellario.

DELECTAT meritò apud te esse. qui ser-
monem & conuictum non solùm co-
mitate condis, sed nectare quodam misces
rerum veterum, aut obseruationum rario-
rum. Multa legisti, vidisti: & præter histo-
rias, locorum etiam situs & ingenia nosse
tibi cura fuit,

Quā parte debacentur ignes,

Quā nebula pluviisque rores.

Itaque in his tabulis inquiris, doces, audis,
regeris; & plurimū *Iaque aequo* (vt ille ait)
iudicas & definis. Velut nuper, cùm in men-
sā Amplissimi Præsidis Richardotii esse-
mus, dissertatiuncula de itinere Annibalis &
ingressu eius in Italiam à te iniecta: ac dixi,
quæ memoria tunc suppeditabat. sed quia
non omnia, nec tam compositè, vt solent
deprehensi, & sermocinantes: libuit ea &
plura scripto complecti, in otio à te legenda
atque arbitranda. De itinere Annibalis,
triplex opinio. Alij * *Peninis iugis intrasse* * Monte
volunt, alijs *Grajs*, tertij *Taurinis*. Primi au-
ctorem Plinium habent: *Alpiū fauces Graiae*
atque *Pœninae*: his *Pœnos*, *Grajs* *Herculem*
transisse memorant. Ammianus in eādem par-
te: qui à *Pœnis Alpes excogitatas Pœninas*
scripsit. Quid, quod ipsum *Liuium* eōtrahit
Paullus Iouius? *Liuius*, inquit, *grauissimus*
historiarum scriptor, *de transitu Annibalis am-*
bigens, non *Grajs*, sed *Pœninus* eum *traieciisse*
memorat. Sed verè trahit, inuitum & in alia
omnia (mox dicam) palam euntem. Alterā
sententia de * *Grajs* est. quæ auctorem * Monte
Æmilium Probum, seu quis alias scripsit in
vitâ Annibalis habet: *Ad Alpes Annibal ve-*
nit, *quas nemo ante eum cum exercitu*, *præter*
Herculem Graium transierat: *quo facto is bodie*
Saltus Graius appellatur. Silius accedit, apud
quem ipse Annibal gloriatur:

— quā ponere gressum

Amphitryoniadæ fuerit labor, isse sub armis

Pœnorum turmas.

M m 3

Et

Et Liuius fauere videtur, in oratione Scipionis: *Vtrum Annibal hic sit emulus itinerū Herculis, ut ipse refert.* Itaque plerique litteratorum hodie in haec manu & voce inclinant. At tertia Polybij est & Liuij, de Taurinis: quam ibo assertum. Polybius clarè scribit, *οστιγέντα σταδια από Rhodano Annibalem progressum, επ τυν ιρέαν πρὸς τὰς Αλπάς αναβολής: ini- tium fecisse ad sensus sui ad Alpes.* Computa & metire, fodes: non inuenies hoc inter uallum à Rhodano aptari posse ad villas, nisi ad extimas has Alpes. Iam clarius idem apud Strabonem adfirmavit: *Τέτταρες δὲ Πολυβίος (inquit Strabo) υπερβάσεις ἀναμέτρησιν. διὰ Λυ- γίων πλὴν οὐκέτι ποτὲ Τυρρηνικῷ πελάγῃ, οὐδὲ ταύ- εταν, οὐδὲ Αἰγαίας θαλάσσης εἴσται οὐδὲ Σαλαστῶν, τε-* *ταῦτα δὲ διὰ Ράτεν:* Quatuor transitus Alpium Polybius agnoscit tantum. per Ligures, qui proximè est Tyrrheni mari; per Taurinos, quæ Annibal transiuit; per Salassos, & per Rhetos. Hec ita sensire etiam Liuum dixi: quid certius scrutanti? Nam facit Annibalem flexisse à Rhodano in Vocontios, inde in Tricorios, mox transisse Druentiam: ac tum demum scadisse. Vide & gentes, & ipsum maximè flumen: non potest vel Graias, quæ interiores sunt; vel Peninus, quæ etiā magis, nisi flexu & reditu trāsisse. At quæ caussa irriti laboris fuisset? quis redisse eū scripsit? cur etiā fecisset, cùm Gallos viæ duces habuerit, quibus loca ea nota? Plura sunt, sed in ipso Liuio, si placet, videnda: cuius verba super hac re dabo, illustrabo, emendabo. Nam ab eo Prætore arbitriū maximè huius litis pendet: & tu ad ipsum appellabas. Scribit lib. xxii.

Sedatis certaminibus Allobrogū, cùm iam Alpes peteret (Annibal) non rectâ regione iter instituit, sed ad leuā in Tricastinos flexit: inde per extremam oram Vocontiorum agri tenevit in Tricorios, haud usquam impeditâ viâ, priusquam ad Druentiam flumen peruenit. En non rectâ ad Alpes (quod fuisset per Peninas aut Graias) iuit: sed flexit in ulteriora, ut ad Coctias postea dictas veniret. Ad leuā, inquit, quomodo? profectò ad dextram: nisi sive legerē iter, & transire iterum Rhodanum voluit. Tabulas Geographicas vide: & Glareanum, qui Liuum incurie vel erroris hīc notat. Ego legendum putem, à leuā: & verum est. nam fluuium ad leuam reliquit, & ab eo flexit in Tricastinos, & mox Vocontios. Pergit Liuius:

Annibal ab Druentia, campestri maxime itinere, cum bona pace ad Alpes incolentium ea loca Gallorum peruenit.

Transito igitur Druentia, cœpit scandere, & ut ipse statim addit, erigere in primos clivos agmen: quod factum putem circa Ebdunum opidum, quod hodie Ambrunum dicunt: atque ita descendisse per aut iuxta montem Vesulum (hodie Vijo) ad fontes Padi. Sed videamus propriè verba, in quibus ambigit disseritque de hoc transitu: cùm narrasset, quæ in Alpibus fecisset passusque Annibal esset:

Hoc maximè modo peruentum in Italiam, quin- to mense à Carthaginē nouā, quintodeci no die Alpibus superatis. Et statim: Quanta co- piæ transgresso in Italianam Annibali fuerint, nequaquam inter auctores constat. L. Cincius Alimentus, qui captum se ab Annibale scribit, confundit numerum Gallis Liguribusque ad- ditis. Ex ipso autem Annibale audīse, post- quam Rhodanum transferit, triginta sex millia hominum, ingentemque numerum equorum amississe in Taurinis, quæ Gallis proxima gens erat, in Italianam digresso. Id cùm inter omnes constet, eò magis miror ambigi, quānam Alpes transferit: επειδὴ vulgo credere Pœnino: atque inde nomen τὸ iugo Alpium inditum, trans- gressum. Cælius per Cremonis iugum dicit transisse. qui ambo saltus cum non in Tauri- nos, sed per saltus montanos ad Libuos Gallos deduxissent. Nec verisimile est, ea tum ad Gal- biam patuisse itinera; vtique cùm quæ ad Pen- ninum ferant, ob septagentibus semigermanis fuissent. Neque Hercules montibus his, si quem fortè id mouit, ab transitu Pœnorū villo Veragri incola iugi eius norunt nomen in- ditum: sed ab eo quem in summo sacratum vertice Penninum montani appellant.

Lustremus verba. Amisisse in Taurinis. In solis ergo Taurinis tanta ea iactura? imò modica ibi, aut nulla: in ipsis Alpibus perie- rant. nec tamen xxxvi. m. (nimium sic) sed xxvi. scribe. Hoc primum. de Taurinis autem, viderunt Glareanus & Sagonius, conatiq; mederi: in Taurinos. quasi ab Anni- bale hoc Cincius audierit, digresso iam in Taurinos. Logi: distinguo, & lego: aliorum- que inmentorū amisisse. E Taurinis, quæ G. p. g- erat, in Italiam digressum, cùm inter omnes con- stet: eò magis. Firmat ipsa res, tum & libri prisci, in quibus amisisse, Taurinis, sine voculâ illâ mediâ scriptum. Vides igitur clarè, in Taurinos descendisse. quod & Liuum, ut solet, secutus Silius expressit:

His tandem ignotas trāsgressus casibus Alpes, Taurinis ductor statuit tentoria campis. Sed de ipsis Taurinis addit, quæ Gallis proxi- ma

*ma gens.] An non igitur Taurini tunc Galli? non, sed Liguribus videntur accensiti. Strabo de ijs: *Ligurum natio.* quod ad originem fortasse verius referas, & situ tamen Galli erant: ideoque h̄ic rescribas, *qua Gallie.* Ea gens Gallie, proxima Italiæ erat, in illo tractu. Pergit, *Vulgò credere.*] Siue potius, *vulgum.* Audisne porro vulgum hoc credere de Penino, non Liuiū, qui aper-
tè nunc & in sequentibus damnat? ut ne-
sciam ubi mens Ioui fuerit, cum Liuio hoc
affinxit. Item: *Per Cremonis iugum.*] Hec Co-
lij sententia est, & incidit in nostram secun-
dam de Graijs: quam & nunc Liuius ad-
spernatur. Nusquā tamen lectum hoc *Cre-
monis iugum:* & ideo Glareanus inclinat le-
gere *Centronis,* quia populi Centrones in eo
ipso tractu. Atqui *Centrum* tunc potius di-
xisset. Leuis mihi suspicio, ne *Greionis,* vel
Graionis iugum sit vera lectio: quod à *Graijs*
Alpibus non abludit, & Plinius ibi *Graios*
populos locauit. Germanicæ originis vox
est, & *Gravvi* dicti fuerunt: hodieq; is mons
Gravv-alp tabulis quibusdam inscriptus.
Caussa autem, cur abnuar hac aut illac
transfisse, additur: quod iij ambo saltus cum non
in Taurinos, sed per saltus montanos ad Libuos
Gallos deduxissent.] Verbum obserua, & me-
cum sperne. qui *saltus montani?* aut potius,
qui *saltus non montani?* adhærent ista: & in-
āmœna etiam repetitio sit vocis iam ante-
ēuntis. Itaque scribam, * *Per Salias monta-
nos: quos in eo tractu, & circa Ticinum, Li-
uius disertè lib.v. agnoscit.* An magis placet,
Salias Montanos? nam & valles & montes
habitassem eos, Strabo prodit. Alterutrum sa-
nè verum. Pergit argumentari de Penino,
vt ipse appellat & scribit: *Neque ab transitu
Pœnorum collo Veragri.*] Vbi scripti codices
verborum monstra ingerunt, sed in nati-
uam formam ducenda. In ijs: *Pœnorum
nullo sed raro vel acri.* Lego: *Pœnorum collo
Seduni vel Veragri.* Vtrumque hunc popu-
lum Cæsar, Plinius, alij, montibus his im-
ponunt. Negat igitur Liuius à Pœnis *Pœni-
num* dictum: vnde? sed ab eo, inquit, quem in
summo sacratum vertice.] siue potius, *verti-
cem,* cum priscis libris. Nam hoc dicit, ip-
sum verticem & caput montis sacrum esse,
barbaro ritu, qui & alibi obtinebat. Docui
ad i. Histor. Taciti: & addo in Sacris Con-
cilijs nostris vetari aliquoties, *sacrificari ad
saxa aut petras:* consimili hercle supersticio-
ne. Intellegit autem Liuius verticem, qui
post quoque nomen tenuit, & leges in An-*

tonini Itinerario: *Summo Apennino: corruptè
pro Summo Pennino.* Sanè *Pinnas* aut *Pennas,*
locorum vertices etiam nunc nos Belgæ ap-
pellamus. Perambulaui hæc Liuiana: &
quis de eius vtrâmente ambiger? At enim
dixit in oratione Scipionis, *emulum itinerum
Herculis.* Ita, sed ~~et~~ rō ~~et~~ & laxè, quod
vterque pér Alpes ierit, sed non signatè eas-
dem earum partes. Quæ mens & in Silij
suprà, fortasse & Æmilij verbis. Anniba-
lem verò per Taurinos saltus venisse, cùm
dicta suadent, tuim & illud, quod Gallos vię
duces habuerit; Gallis autem vetus is trans-
itus & solens. Ipse Liuius lib.v. *Galli per
Taurinos saltusque Iulie alpis transcederunt,*
*fusisque acie Tuscis, haud procul Ticino flumine
condidere urbem.* Vbi mira tamen hæc *Iulia
alpis:* & quomodo iam tunc sic dicta? an
~~coegerit~~ Liuius anticipat? Posset, sed video
Julias alpes: in Carnis & Rhætis, non illiç
poni. Corruptio est: & bonus meus codex,
saltes qua mlie ante alpes. Alterutra emen-
datio vera: siue, *Taurinos saltus, quæ mini-
mè altae alpes,* res enim ita habet: siue, *quæ
inuic ante alpes.* Ut concludam. transit per
alpes, quæ *Cœlia* postea dictæ: et si itinere
patrūm commodo, & per fraudes vel erro-
res (in Liuio notatum) aspero: & quod
posteritas videtur desississe. Cn. Pompeius,
apud Sallustium, in epistolâ ad Senatum:
*Hocstes in ceruicibus Italie iam agentes, ab Al-
pibus in Hispaniam submouit, per eas iter aliud;*
atque Annibal, nobis opportunitus patet feci. Ita-
que frustrâ hodie quæras, & suo nomine
designes. De ipsis Alpibus, earumque discrimine & sectione, dici quædam poterant
opportunè: sed epistolæ modum excessi,
& iam nunc veniam video mihi opus esse. Lar-
gire, Deus tibi valetudinem & vitam, Do-
mine illustris & Reuerende. Louanij,
xi. Kal. Sextil. co. I.CI.

E P I S T . X C I V . *Hispalim.*

IOANNI WOVERIO meo S. dico.

SED & robur item precor. nam quid istud
iacere aut trepidare est? turpe mi Woue-
ri, in ictu non maximo, & qui tuum nil
petiuit. De re aliquid detractum est, omnia
tua sarta & recta habes, si tamen tam ip-
sam veterem tuam mentem. Ego adeò non
solor te, vt gratuler etiam hanc occasio-
nem datam desinendi, & spes illas inciden-
di, quæ catenam negotiorum necabant.

M m 4

Satis

Satis tibi Dei benignitate & parentum virtute partum est:

— *defiste, nec vltra
Sollicitam in vastas puppim dimitte procellas:
Collige vela, collige animū, & melioribus
eū studijs, quibus natus est, defige. Dij boni,
quousque aliorū potius iudicijs & sensibus,
quā tuis sapies? Quando erit illud tuū,
Ætas per tacitum fluens?*

Iterūm dico, omittē nugas, & vnum hoc
Sapientiæ studium amplectere, quod

*Aequè pauperibus prodest, locupletibus aequè,
Aequè neglectum pueris senibusque nocebit.
De Italiā parens mihi scripsit, & quod per
eam redire te patietur. Sed meo consilio, re-
dire tantū diutiū insidere te, & à nobis imò
à teipso abesse non suadeo: veni, & illud So-
phi nostri audi: Composita mentis signum est
posse consistere, & secum morari. Quid opus est
pedes & corpus hoc circumferre? quantò
iucundiūs utiliusque animus peregrinatur
per grande hoc vniuersum? Quod ego sāpē
facio, imò in ambulatiunculis meis coti-
dianis cælum hoc, terras, maria, nouū pri-
scumque orbem, & caussas rerū indago vel
lustro. Veni, ades, & hæc talia inter nos suauiter
alterceimur, cum mutuo etiam fructu.
Epistolas habes ad duos amicos: si ad ali-
quos è grandibus, pete, submittam. Est & ad
Vestriū, illīc in auctoritate & gratiā: pri-
ma mea est, trade. EPISTOLARVM tertiam
CENTVRIAM edidi, in eā ad te vnam alte-
ramque. Videris, aut videbis, & me ac BO-
NAM MENTEM, vt soles, amabis. Louanij,
ix. Kal. Sextil. ∞. IōCI.*

E P I S T . X C V . Grætium.

MARTINO DELRIO Presb. Soc. Iesu.

FALSVS sum in tuo discessu. doliturum
me in absentiā sciebam: sic doliturum
nulla opinio fuit, sed res condocefecit. Se-
riò, destitutus mihi videor: de scriptis &
ingenio etiam loquor,

— *labat incerto mihi limite cursus
Te sine, & orbatae caligant vela carinae.
Sed dolor etiam à te increscit. quò iuisti?
ad quietem? censem, aliter evenit: in tur-
bas & flammarum rerum. Animum tuum
noui parem fortunæ aut supra eam: sed in
certamen te venire hoc ætatis, & necessitate
nullâ producente, noluissim, si quod ego
tu & Deus voluissent. Loqui me de bello
& discrimine propinquo intellegis, an pace
ponendo? scribis, & risi. Colloquantur,*

adsimulent, nihil fieri, & poëtae olim tui
hoc audi:

*Mars grauior sub pace latet.
Nos sine ambage in bello, & res ad Ostendam
valde calent. Bteuī nostrā fore, spes &
sermo erat: sed validū tamen intus præsidiū,
& Britanna rem suā facit, & sic tuetur. Ta-
men ea etiā de pace, & litteræ nuncijq; non
desinunt commeare. Interea Bercka nobis
crepta, & Bataui Romanū in morem vallo
& fossis clauerant: quod nostri miretur, vt
nam imitetur. De SENECA virges. quid opus
sit, si qui fui ego sim? Volo enim hercules,
sed & potui: nunc valetudo abiicit, & ma-
num pēnē tollere cogit & fateri viētum. Au-
non etiā (sine superbiā) partes meas in hoc
theatro functus sum? non licet personam
vestemque ponere, & me redire? Da tu alij-
que veniam: si non, à me sumendam. Siquid
lucis in nobis & à nobis olim; non lubet te-
nebras inducere, & ostendere*

*Dilapsam in cineres facem.
Tamen EPISTOLAS nunc edebamus, & in
ijs ad te quasdam: omnes nam nefas, nec
arcana & μυστεῖα nostra sciant ēθηλοι isti
& profani. Editas nuper, habebis his Nun-
dinis. Vale, & cùm aliás, tum in sacris vo-
tis memor esto*

Dete pendentis, te respicientis amici.

Louanij, Idib. Sextil. ∞. IōCI.

P. Leonardus te salutat, ego ex animo
P. Deckerium, & illum Satyræ duplicitis au-
ctorem quando videndæ? A titulo malum
omen est, Vespertilio timet lucem.

E P I S T O L A X C V I .

NICOLAO DAMANTIO, Cancellario
Brabantia, & à consilijs Status.

BENIGNITAS tua aditum mihi ad te fa-
cit, sed & aliena importunitas, qui reni-
tentem impellunt. Cognatus hic meus est,
qui litem in tuo Tribunali habet, quæ Li-
psianū nomen in parte tangit. Nomen, non
rem: & est quæstio de titulis & tabulis, quæ
videntur, obscurando illi & maiorū meri-
tis, in alienū locum inductæ. Si ita est, rogo
tuā auctoritate ius nostrum consequamur,
nec aliud. Nam ego te Iustitiæ rigidum Præ-
sidem scio, & gaudeo: & absit vt ylla insi-
nuatio mea aliud velit aut possit. Talem te,
Nobilissme & Amplissme Domine, ille Deus
diu seruet Principibus, patriæ, & nobis. Lou-
anij, xvi. Kal. Septemb. ∞. IōCI.

EPI-

EPISTOLA XCVII.

RICHARD. Baroni STARREN-
BERGIO.

AGNOSCIS hanc manum? Lipsij est, ilius qui iam olim te nouit, colit, amat. Per locorum spatia, quæ nos abiungunt, non fuit promere hunc affectum: sed est qui ante, vtinam in te sic perennet. Etsi cognati tui, quos iam nunc vidi, adolescentes ingenui vultus ac sanguinis, & in quorum ore habitat atque offere se nobilitas, idem mihi adfirmarunt, & in sermonibus, immò laudibus tuis, Lipsium multum esse. Ab iisdem didici, in coniugio & quiete agere, à publicis remotum: gaudeo, gratulor: atque illud mihi, non ista contigit. quia malo fato Belgarum

*Nos rursum in bellum resorbens**Vnde fretis tulit astuosis.*

Erigo me tamen & compono, quà datur: id est animo, & inter medias turbas Musis studijsque operor, & videris illi cō opinor, industriae meæ aliquos fructus. Parùm coctos aut maturos fortassis: sed si non illos, vt me ames tui amantissimum rogo. Louanij, xii. Kal. Octobr. 1551.

EPIST. XCVIII. Leodicum.

PETRO ORANO 1^o.

TVI h̄c fuerunt, tenon vidiūmus, & semper aliquid est quod Oranum nobis subducat. Ego int̄erā Antuerpiæ, & h̄c cauſa silentij, quam nec tu damnes. De filio, ô gratum! ô benignum illum in te tuosque Principem! ô Billéum etiam amicum! nam & hunc operam nauisse non ambigo, & partem ei beneficij iure inscribas. Pecuniam Taboletō adnumerai. In studijs, EPISTOLAS edebamus, & Centurias eaurum plures. Tum & SENECAM recipiemus, nescio quo frigore aut fastidio sepositum ac pñne relegatum. Sed recipiemus, vt dixi: auctor est cui meritò laborem, immò vitam imperiam, nato ad sapientiam animis infundendam. Vestri collegium h̄c meditantur, & domum iam emerunt: cedet

vñsi & gloriæ Eburonum, vt speramus. Valere te mi amicissime opto. Louanij, xii. Kalend. Octob. 1551.

EPIST. XCIX. Mechliniam.

IANO BERNARTIO suo.

QVID hoc est mi Bernarti? monstra & prodigia clamas, & quasi lapides pluerint, flumina stiterint, iuerintque à mari sursum. Quid factum? Mechliniam vidi, & te non vidi. Peccatum fatear, si hoc fatear. Quid ergo? vix dicam vidisse me Mechliniam, sed transisse. ita cursum inquam, vt vix Ladas aliquis aut cum Pegaso suo Perseus. Vt reī scias, Antuerpiæ cùm essem & destinatum certò te in reditu visere & amplecti; ecce nūntius Richardotum meum à patre reuocari, in Italiam mittendum. Rem moram non ferre (& vides ipse anni tempus) eamdein velle, ante discessum vt conuenirem. Itaque statim manè facto celocem consendi, ventis fluctibusque aduersis Willebrokam veni: inde curru conductio in vestram urbem: sed sic serò, vt de curru in currum fuerit transscendendum, si Louanium eo die vellem. En factum, quod rationi adfideret, non monstrō. Dixisse hoc satis est, & simul purgasse. A te quidem mi Bernarti,

*Mē nec Chimeræ spiritus igneæ**Diuellet vñquam:*

nec alia vis aut fraus, securus eius esto De nuptiis quod audisti, ita est. domum meam fera Venus intravit, & ancilla viro iungitur grauior iam in annis. Hoc potius si non monstrum, monstrellum dixeris: aut non dixeris, si noris sexum. Nuptiæ cæ proximâ septimanâ celebrandæ, si vis interuenire, licet, & gratus eris: si post venire, iam tempus dixi. In Boëtio videbo, & adminiculabor, quod copia temporis aut ingenij mei feret: & Versiculos pro eo ecce habes. Sanè Versiculos, inquies. quid refert? ipsi breues, tenues, ab animo tamen amplio longoqué sunt; & hunc amabis. Ita vale cum tuā tuisque. Louanij, xi. Kalend. Octob. 1551.

IN BOETI CONSOLATIONEM

à IANO BERNARTIO L.C.
 & cognato suo illustratam.
 & emendatam.

EN BOETIVS ille, qui sophorum
In primis sophus esse gloriatur:
 Qui doctum nimis, & satis disertum
Scriptum hoc edidit, omnium bonorum
Bonum iudicio. sed id tenebras,
& ui aut ingenio suopte, habebat.
Quas BERNARTIVS ille, flos meorum
Belgarum pepulit; facemque claram
A se prætulit. hanc sequere, quisquis
Doctrinæ sapientiæque cultor
Non audire, sed esse, concupiscis.

EPISTOLA C.

FRIDERICO TAVBMANNO, P. L.

TVNE ad me sæpiùs? credere me par est,
 sed & te mihi, vnas has vidisse: atque
 eas serotinas. nam Maio scriptæ, hoc vlti-

mo Septembri ad me venerunt. Nihil miri. rara per hæc tempora fides est, atque ea citra verba ferè consistit. Illud miri, si veteri meo more & ingenio expers ego factus, tibi huīanissimè prouocanti, & optimas nostras artes profitenti non responderem, aut communione affatus mei censerem indignum. Ah, fuge credere. non est mihi præligatum pectus, quod molle & affectui penetrabile gero: vtique in tales, qualem te sentio magis, quam dico. Quid, quòd singulari iudicio, aut certè raro, Plautum nostrum amas? vel te ego ideo, vt alia absint. Nemo illum, quem non melior Musa & Phœbus. Persuades hoc ibi tuis? dic serio. non solent, & vidi nouellæ eloquentiæ ad dictos, & qui magistrorum dictata vel orationculas, crederent

— Albano Musas in monte locutas.

Scilicet imperitis tanti vitreum est, quanti margaretum. Nos sapiamus, inter nos amemus, àme tibi promptum. Louanij, ix. Kal. Octobr. 1501.



IVSTI

IVSTI LIPSI
EPISTOLARVM
SELECTARVM
CENTVRIA SECVNDA
AD BELGAS.

A D
ILLVSTRES DOMINOS
PRÆSIDEM ET SENATORES
CONSILII PRINCIPVM SANCTIORIS.

EPISTOLAS has nec si mittere aliò vellem, possem; nec si possem, vellem. Certè non debeo, neque decet, eas quæ priuatim semel vobis misse & velut consecratæ sunt, in aliud nomen & mancipium publicè transire. Pleraque enim harum ad te IOANNES RICHARDOTE Præses, te CHRISTOPHORE ASSONVILLI, vetustissime Senatorum, olim iuerunt: & nunc quoque destinatione meâ constanter pergunt. Ut hoc non esset, an non dignitas & splendor vester me alliceret? qui in alto illo culmine constituti, lucetis in Belgicâ, imò in Europâ; & Solis instar, communicatis splendorem, si quis applicat se vobis, aut applicatis. Iam in patriam merita, in Principes officia, nos deuinciunt, qui vel illam amamus, vel hos colimus: eoqué, iure testimonia aut elogia damus virtutis, prudentiæ, fidei: vtinam pro voto nostro, pro meritis vestris, diuturna! Quid priuatim de me dicam? in quem ab annis decem, id est ex quo in has patrias sedes, Deò duce, reueni, non benignitas solum sed beneficentia vestra apparuit: vt animo quâm ore potius promam, & paria vnâ rē faciam, imparem me non solutioni sed profesiōni confitendo. Hoc velut publico præconio nunc facio: legant & credant, quisquis hæc mea: vos vt tutelaria numina quædam habui, inter nubes & nimbos publicos, inter columnias aut susurros priuatos: denique quod Genium meum & Musarum propitiare, quod in honesto utiliisque etiam aliis (ita spero, certè voleo) otio agere fuit, vobis adscribo INCLYTI SENATORES, & inter vos duobus apicibus, quos nominaui. Nunc quoque in hac ipsâ EPISTOLARVM, id est simplicium sermonum & cogitationum editione, vos adspicio: date manum & præsidium, sicubi opus: defendite, imò producite non tam me, quâm optimas artes: sine quibus parùm ornata aut instructa resp. villa aut fuit umquam, aut erit. Apud vos audacter dicimus, olim eatumdem cultores, nunc patronos: nec ipsæ indignentur ante omnes Mercurios aut Apollines vos adoptare. Facite, & hanc etiam Academiam, veterem earum sedem, caram sanctamque habete: ita vos Deus magnos & felices, & consiliis vestris Principes faciat, seruetque. Louanij, vii. Kalend. Mart. &c. IOCII.

INDEX

**EPISTOLARVM SELECTARVM
CENTVRIAÆ II. AD BELGAS.**

A NDREÆ Hoyo	xxv.	Horiberto Rasvveio, è Societ. Iesu	xxxvij.
Antonio Besancenoto	lxxvj.	Hieronymo Berchemio ^{Fæ} Canonico	xxvi.
Antonio Richardoto suo	lxij, lxvij, lxxxj,	Hieronymo VVingio ^{I^o} Canonico	xxxij.
	lxxxvij.		I
Antonio VVingio, Priori Latiensi	xl.	Iacobo Carondeleto V. N. ^C R. vij, xiii, xx,	
		lxx.	
	B	Iacobo Varicio I ^o	xv.
Bartholomæo Lintrensi, Doct. Theologo	xc.	Iacobo Urveno	lj.
	C	Iano Lernutio	j. l.
Carolo Billéo, Consiliario	xxij, xxix, lxxxvij,	Ioanni Bernartio	vj, xij, xxvij, lv, lxxv, c.
	xcvij.	Joanni Boisoto	xvij.
Carolo Broomano	lxxxvij.	Jo. Clementi Xandrino, I ^o Canonico	xcv.
Christophoro Assonillio, Consiliario	x, xiij, xvij,	Ioanni Hemelario suo	lxxxv.
	xxvij.	Ioanni Orano, Presb. Soc. Iesu	lxxij.
Claudio Cabeitio I ^o	lxxij.	Ioanni Richardoto, Præfidi	v, xix, xxx,
Cornelio Anchemanto V. N.	xxxix.	xxxv, xxxvij, xlj, xluij, xlvij, xlxi, lx,	
	D	lxxxiii, xciij.	
Dionysio Villerio Cancellario ^C Canonico	iiij,	Ioanni Viuiano	xvij.
	lxxxix.		L
Dominico Lampsonio	iij.	Luca VVyngardo V. N.	lxxvij.
	E		M
Erycio Puteano suo	lxix.	Martino Delrio Presb. Soc. Iesu	ij, xxxvij, liij.
	F	Maximiliano Sestichio Canonico	lxxxij.
Ferdinando de Salinas, à consiliis arcanis	lxij,		N
	lxxix.	Nicolao Fabri	xlij.
Francisco Montmorencio, Berseij Toparchæ	lxxxj.	Nicolao Micaultio V. R.	lxvij.
	G	Nicolao Oudarto, Canonico ^C Officiali	xxx,
Francisco Orano suo	lxxvij.	xluij, xlvj, lvij, lxj, lxxx, xcix.	
		Nicolao de VVeerdt I ^o	lxxxvij, xcij.
Guilielmo Assonillio Christophori F.	vij, xxij.		O
Guilielmo Breugelio Consiliario	lxij.	Othoni Hartio V. C.	ix, xxxij, xlvij, lxv.
Guilielmo ^C Antonio Richardotis fratribus	lij,		P
	liij.	Petro Carlerio, Presb. Soc. Iesu	xcij.
Guilielmo Richardoto ^C Philippo Rubenio,		Petro Coreto Theol. ^C Canonico	xxxij.
suis	xcvij.	Petro Orano ^{Fæ}	xj, lix.
Guilielmo Richardoto suo	lvj, lxvij, lxxij.	Petro Scriuerio	xcvij.
	H		R
Henrico Cuyckio, Episcopo Ruremundenſi		Remacio Roberti	xxij.
	xxij.		V
Henrico d'Oultremanno Senatori	xcij.	Vibrando Anskema	lvij.
Henrico Stramio, I ^o ^C Canonico	xlv.		

IVSTI

I V S T I L I P S I
EPISTOLARVM SELECTARVM
CENTVRIA II. AD BELGAS.

EPISTOLA I. *Brugas.*

I. LIPSIUS IANO LERNVTIO S. dico.

NIHI audio. in ius ambula. At solam Epistolam debebas mihi? imò etiam carmen, ad Tacitum meū illustrandum nomine amico. Neglegis, & facis te subitò magnum. An & tu Biturigas euocatus es? Moriar, nisi risu solutus sum in epistolâ amici cuiusdam mei super hoc Lacone. Iam neglego valetudinem, & abire Morboniam volo: ne videam, ne audiām ista. Vos autem quid? an satis bellè in hoc bello? Ego in isto Lugdunensi otio consenescō. nec medicina vlla nisi à litteris: non istic amoenoribus, (lusoria hæc tela aduersus Fortunam sunt) sed ab illis robustioribus. Philosophiam dico. in quam me penetro: & quidem Stoicam. Rides, & exspectas, vt me videoas? vultum non mutavi, sed animum. Humanitas in nobis eadem, imò fortasse maior. Scio vnde ista haurias, inquies: à Senecâ. Imò ab Epicte-to & Arriano, quos in pectus penitum demisi, & in animum. Incredibile est, quām me in hac vitiorum hominumque colluvie iuuent. Taciti Commentarios videbitis breuī; sed dumtaxat volumen prius, id est Annales. Quæ tamen ratio maxima est. nam reliqua non habent eamdem obscuritatem. Iudicia vestra aut legam, aut corām audiam. Vale. Lugduni, Prid. Kal. Ianuarij. Saluta vxorem à me & meā.

E P I S T . I I . *Leodicum.*MARTINO DELRIO, *Prefb. Soc. Iesu.*

MISERVUM me & beatum, qui tam pro-bè tibi adsum, nec adsum. Epistola tua afflictum & inualidum me recreat: quid spirans ille sermo? quem breuī, et iamsi omnia impedian, gustabo. eo magis, quòd latere me video parūm bonā fide. A Lampsonio hodie litteras plures, vnde ille scit? te quidem & tuos scio extra

I. LIPSI Operum Tom. II.

culpam. Sed caussa non est cur hīc quasi ignotus hæream, & neglegam agere quæ necessariò mihi peragenda. Etsi de rebus in Batauiâ bona mihi spes est: ita vxoris industriæ fido (cui ante discessum omnia hæc iam mandata) & in primis Deo, qui dux & auctor huius consilij diriget certò in bonum finem. A Batauis etiam ipsis cur, aut quid metuam? amant me & ægrè carrent, fateor: sed nos deuincti nemini mortaliū sumus in vnam horam. Itaque honestè & primo tempore missionem pettam, constet modò mihi de translatione rerum mearum, quas nolim equidem amissas. Et tamen ita sit: perierint. quid tum? ego & optima illa pars mei salua. quod cùm erit, ita sum affectus, vt spernām ex alto & rideam omnia hæc extēna. Vt ij qui cum Rege aut Principe in aulâ versantur, viliores res hominesque fastidiunt: sic qui animum ad diuina applicant, tenuia hæc & humana. Nimis ea mihi nota, nec nisi suis pretiis apud me æstimantur. Falsa geminula puero aut rusticulo potest imponere, gemmario mangoni numquam: tale est hīc. Non diu nimis viximus: sed tamen abundè gustauimus quidquid fellis aut mellis est in rebus humanis. & illud exsuperat. In vno Deo requies, & beatæ mentes quæ se applicant ad verè beatam æternamque illam Mensem. Ego volo, & vt possim Deus me (spero) iuuabit, & tu quoque precibus tuis facris apud ipsum. P. Oranum saepius conuenio, & solatium ac consilium ab eo, quamdiu hīc erit, mutuabor. O cur non etiam à te? sed breuī fiet, si Deus me in paucos modò dies seruat. Ille idem te, R. P. meo voto, vel Sibyllæ æcum. Spadanis Aquis; vi. Kal. Jun. 10. xci.

E P I S T O L A III.

DOMINICO LAMPSONIO
gaudium nuncio.

QUOD illud? cuius cupiens maximè es: ego ad te venio. Bonâ fide? opti-

Nn 2 mā.

<sup>* sine morā
aut dilatio-
ne</sup> mā. Quando? * ^{αἰδοῦ μεγλωτίς καὶ ταῦθεντάς} (nisi quid humanitus) sub hebdomadis huius finem. Ergo sanus planè? inquies. non, sed quasi sanus. comedam, bibam, garriam ut vos sani. Mansurus hīc etiam aliquor dies eram, sed nescio quid rumor occultus ^{* οὐαρχόγυροι} de Prædonibus. Apage autem, mihi non lubet obtorto collo iterū in Batauos. Denique si fontes isti ^{* οὐαρχό-} exādes, alibi in viciniā iis vtar. Nam hic infimus & paganus, transferri quaquaersum potest, & solet: illo autem vtor. Non quin alter famā nobilior, superior ille inquam: sed hic vſu melior, mihi quidem. Ergo veniam, & siquid litterarum alicunde ad me, recipe, & serua nec transmitte. O quām te vtor, siue abutor? sed exclusiūs, quōd libente. Apud sic amantem, sic amans, non peccat. Salve. Aquis, vii. Idus Iul. ∞. 15. XCII.

E P I S T . I V . *Tornacum.*

DIONYSIO VILLERIO *Cancellario*
& *Canonico S. D.*

E st quod timui, profectò meas illas Spadanias non accepisti. Cur enim fileres? & in hoc epistolio, quod ad me recenter mittis, de meis verbum nullum. Tamen leue damnum est: atque adeò non damnum, quia exemplar ecce ipsum remitto, vt constet tibi saltem de officio meo in te & affectu. Decanum Santelium incolument ad vos venisse, ego gaudeo. nam viæ quām intutæ nunc passim sint, probè scio: qui tres totos menses, in longâ & diffici peregrinatione hac iactor. Cogita Lipsium, cogita Germaniam (per eam enim circumuagati sumus) & quid passus alter ab alterâ sit, non ignorabis. Deus tamen, dux auctorque nostri consilij, mirabiliter & præter spem, robur dedit; & huc deduxit, vbi nunc in otio & tranquillitate hæremus. Amicos hīc habemus complures, in iis etiam Carondeletum, virum grauem, serium, & studiis ac tibi, atque vtroque nomine mihi amicum. Est & Lampsonius noster, lepidissimi ingenij senecio (talis iam vel inuitus audiet) Flandriæ vestræ ornamentum. Sunt plures, sed tibi, vt opinor, ignoti: inter quos, & səpiùs inter libros, tempus suauiter fallò. Quid si conuiuiis etiam interdum, vt cum Plauto meo dicam, diem comburimus? profectò sit, & səpiùs quām ego aut valetudo

vellet. Quā si tamen aliquo loco est, breuī pariemus aliqua iamdiu nobis concepta. Alij enim aliâ re prodeste reip. possunt: hæc mea Militia est. nec ingloriam, nec infructuosam eam censem, si velut tubicen saltem excitem alios, stilo & voce, ad Virtutem & Doctrinam. Valetudo & imbecillitas nostra, & si verum nomen vis, desidia, non plus possunt. Vale. Leodici. vi. Kal. Sept. ∞. 15. XCII.

E P I S T . V . *Bruxellam.*

IOANNI RICHARDOTO,
Consiliario Regio intimo.

I G N O T V M me ad te scribere, mirum fortasse sit; nisi omnibus nota humanitas tua, prudentia, virtus. Prior inuitat, reliquæ spondent, non ingratum tibi fore officium, quod ab effectu manat & cultu quođam tui. Eò minùs, quōd haud planè ignotum tibi me, litteris *Oudarti Canonici*, & *Hartij Ist* persuadeor: qui imò spem faciunt beniuolentiæ tuæ, & inclinantis in me affectus. Quod si ita est, adeò non pecco si scribam, vt peccem nisi scribam, & magis magisque beniuolentiam tuam mihi firmem: quod valdè fateor mihi esse in votis. Non ob ea tamen (dicam liberè) ob quā vulgus: non enim ambimus ea quā vulgus: sed quia amare & colere magnos viros virtutesque soleo, sed ob ipsos. Hoc ita esse, facile nosces, cùm interius me nosces. cui rei occasio aliquando fortasse erit (ego spero & opto) cùm propior vobis, ipsum me tibi sistam, & sermone testificabor, quā nunc scripto. Nam Batauos, Deo duce, tandem deserui: verè Deo duce, quia & ipsi inuiti me dimiserunt, & mihi in viâ longinquâ incommoda & discrimina varia obiecta, quā illo tutore euasi. Sum nunc in Spadanis aquis, valetudinis caussâ: & hærebo hīc, aut in viciniā, aliquamdiu; tum quia vxor etiam nunc in Batauis, quam exspecto, tum quia nobis qui ex hostiō venimus (et si reuerà nunc & semper amicis) non tutus in patriam sine Diplomate regresius. Mihi siquā tali re opus (vide fiduciam) ad te, vir amplissime, audacter ibo, & auctoritatem tuam auxiliarem sumam, conscius mihi animi in te, qui est & erit æternū deuotus. Aquis Spadanis, ix. Kal. Iulij, ∞. 15. XCII.

EPIST.

EPIST. VI Mechliniam.

IOANNI BERNARTIO.

STUDIVM tuum & affectus iam olim mihi nota, magis se asserunt & ostendunt in postremâ epistolâ tuâ, & adiuncto scripto. Quî magis te potes meum ostendere, quâm quòd pro me subis discriuen, & arima capis in proteruum illum hostem? Amo, & meminero semper huius affectus: sed quo vno contentus nunc sum, rem mi Bernarti & pugnam nolo. Meum exemplum vide, qui omne hoc tempus silui: non rei, stili, aut ingenij inopiam, sed animi quodam decreto, & quia sic magis decebat, atque adeò expediebat. Turpe nobis commoueri & conuerti ad eiusmodi inclamatiunculas: & si fecero, quid euincam? Causa mea facilis apud bonos & æquos est, & tribus verbis potest peragi: apud istos qui malâ libidine nos incurruunt, numquam me probabo. Contrascribi hoc querunt, vt iterum possint contrascribere, & vt bella scilicet hæc pugna spectetur, Lipsius compositus cum Domanno. Amplius. vitam eiusmodi libellis & famam damus, si respondeamus: solitarij per se corruunt. Olim quâm multi in magnos viros, atque adeò à magnis etiam viris, libelli eiusmodi editi sunt? cedo vnum, non habebis. Pereunt scilicet in flore hæc talia, & in Famæ templo non dedicantur improba & petulca monumenta. Credo à Demosthene scriptum:

*Calumnia in occasione apud audientes valer, tempore infirmatur. *Διαβολὴ καιρὸς μὴ ἰχυεῖται ἐργάζεται τοῖς ἀκέσοι ή ταύλην, χερῶν δὲ πατετοῦθενέται γίνεται. Itaque, hoc vindice, Tempore inquam, nos temur. In me aut in mea incurvant: quid quid ego aut illa sumus tempus aperiet, & tunc magis cùm non ero. *Suum cuique decus posteritas rependet.* De illo hactenus: nunc de meâ fede, quam Louanium esse gratularis & exsultas. Atque ego ini Bernarti libens & alacer eò veni, sed pænè cecidi animo cùm tam fractam & collapsam eam vidi. Heu, ubi vetus illa mea es? vix agnosco eius vmbram. Tamen si aliqua quies hîc aut securitas, potest resurgere, opinione etiam celerius, quia vt ait Lyricus,

Ω'κεῖα δ' ἐπειγομένων θεοῖς περίεις, ὁδὶ περιβεγχεῖαι. Certè diuinus fauor & tutio palam in hanc urbem: & speramus porrò fore. Tu cùm veneris, me pro opinione tuâ reperies, imò supra opinionem, comem in tui similes & volentem. Amo bona & amabilia ista in-

I. LIPSI Operum Tom. II.

genia, & infundere ego in ea pronus, si quid melioris nectaris infudit nobis Deus. Veni & experire. Louanij, viii. Kal. Sept. &c. 10. XCII.

Oudartum, si illîc est, animitus saluto, ad quem ante dies paucos scripsi. Ipsum interiorem Oudartum noui, corticem tamen & velamentum eius velim etiam videre.

EPIST. VII. Leodicum.

IACOBO CARONDELETO, Canonico
& Cancellario S. D.

EPISTOLA hac testor memoriam tui, vix aliud. Quid enim scribam? mea sunt, vt solent, in quiete & studiis: nisi quòd publicè etiam legere ante paucos dies cœpimus, nec sine fauore iuuentutis. Quæ aliqua hîc, non nimis frequens tamen, ob metum magis quâm ob mala quæ circumstant. Nam reipsâ quieti, & tuti etiam videntur: homines cogitationes longius iaciunt, & prudentiam putant, timere non timenda. Præfectum nostrum obiisse, iamdiu auditum haud dubiè vobis: nec euénit illi hoc Platonis, * & Διφηνία πελετᾶ. Multi de illo multa: & audaciū lacerant iam defunctum. An iure, nescio; & solet hoc euenire, vt miseriæ maledicentia plerumque sit adiuncta. Supplicatio hodie publicè hîc habita, ob felicia auspicia noui Gubernatoris. Deus audiat: solatio valdè egemus. Bonus de eo sermo est: quis tamen ipse, aut quo ingenio, haud firmiter adhuc scimus. Sunt qui in tempus modò præfuturum eum dicant, & donec adueniat filia Regis, vxor Sabaudi. Non nouum, vt scis, Belgis * γυναικεῖος. De rebus Galliæ aut Pannoniæ (nam & illinc metus) si quid habes, gratum si participas. Vale. Louanij, postrid. Non. Decemb. &c. 10. XCII.

EPIST. VIII. Bruxellam.

GUILIELMO ASSONVILLIO,
CHRISTOPHORI F. S. D.

AVIDIS oculis epistolam tuam legi, non solum quia magni affectus in me testis, sed magis quia studium ardoremque tuum præferebat in virtutem & doctrinam. Sunt ijsainè gradus ad veram gloriam: nec aliunde exempla, quoniam à domo tuâ petas. Vides illustrem parentem, iamdiu inter patriæ decora, imò fulcra: & tu quandoque eris, si viam quam inisti, firmo pede calcas.

Nn 3

An-

Ante biennium, cùm in Batauiâ etiam essem, venit in manus Oratio tua, publicè in hac vrbe dicta; testis & non fallax argumentum cùm studij tui in optimis artibus, tum progressus. Et adiunxisti iuris etiam prudentiam, necessarium futuro gubernatori reip. instrumentum. Itaque (vt ad epistolam tuam veniam) quòd redditum mihi in patriam gratularis, sed sortem tuam doles, quòd me non audias: alterum admitto, alterum minime. quid enim mēa, aut alterius editione tibi opus, qui iam quasi fastigium imposuisti ædificio huic doctrinæ? Non quin discenda tibi aliqua superfint (eius rei, quamdiu viuimus, nūquam inopia) sed quia id quod reliquum est, per te potes addere, & expolire. Ego quidem initium lectionum inearum brevi cogitabam facere, idque in historiis. Faxit Deus, vt cum bono huius scholæ, & audientium fructu. Certè quod ad scholam, iacentem & squalidam eam repperi, & longè aliâ facie quam reliqui. Sed potens est Deus exsuscitare, præsertim si aula & magnates etiam admittentur: inter quos illustris parens tuus plurimum potest. Cui vt affectum meum nuncies, & cultum omnem à me deferas, serio te rogo. Ego id coram aliquando facturus sum, si viuo: & cùm primùm Bruxella mea me habebit, pulsabo fores, & limen vestrum nouus. salutator accedam. Dum id fiat, amemus inter nos, Vir nobilis, cò purius, quia sola interna nòs iungunt. Vale. Louanij, Prid. Idus Nouemb. $\infty. 10. XCII.$

E P I S T O L A I X.

OTHONI HARTIO $J^{\text{a}}.$ S. D.

P VER tuus, vt prisci loquebantur, vt nos hodie, minister aut famulus, apud me fuit, salutem dixit, quam repono breui scripto. Aliud profectò in re mēa non est, nisi me totum esse in priscâ ROMANA MILITIA, ô quam diuersâ ab hac nostrâ! Iuuat & pascor occupatione, ita multa reperio prudentiæ, imò acuminis plena. Mihi crede mi Harti (etsi quid apud te affirmem, talium iamdiu gnarum?) sed mihi crede, in omni genere viri illi fuerunt, cuiusmodi nec voto nos simus. Pudet & piget, cùm flagitia ista audio nostrorum & video. Nam & video quoque, cùm hac scilicet iter habent. Quæ agmina ista, crebra non calonibus, sed fæminis? quas aliquis ambigat plures,

an viros, esse dicat. Erneste alter vbi es? veni, vt sit quò venias. Nam profectò, per hunc statum, vix est vt diu steinus. Neque ego culpo qui rebus præsunt, nec possum aut degeo: aliunde fortasse culpa est: unde tam, apud nos est poena. Sanè prudentes, & qui in futurum prospiciunt, negabunt hunc ægrum diu spirare posse, sine celeri medicinâ. Sed hæc apud te: in calamum venerunt, alioqui minimè querulo, aut talium sermonum. Mihi viuo, cum paucis loquor; & si loquor, de publicis ratiō, nec cum affectu. Vide quam Tranquillitatē studeā, publicè breui Senecæ hoc argumento & titulo libros suin lecturus. Vtinam aliis imprimam, quod in parte contigit mihi. Tu vale mi Harti, semper noster. Ad Vvenum nostrum si scribis, salutem adscribe, & gratulari me utriusque vestrū dicito, in victoriâ hâc apud multos inopinatâ. De Scorzæ re loquor. O triumphum vestrum, in lauro, an in litterâ detractâ? Louanij, XII. Kaland. Ian. $\infty. 10. XCIII.$

E P I S T . X. *Bruxellam.*CHRISTOPHORO ASSONVILLIO,
Consiliario Regio intimo.

B ENIVOLENTIA & affectus, quo me nuper excepisti, nec verbis tantum, sed toto pectoris, vt sic dicam, sinu, impulit vt ad te scriberem: etiamsi alia caussa scribendi non esset. An non hæc satis iusta, agnoscere quid debeam, & gratitudinem si non exhibere, stilo & verbis offerre? Quod equidem facio, sic ex animo, vt magis non possim: & scit ille qui interiora hæc nostra videt & arbitratur. Vtinam manare aliquid à me possit, non dicam utile tibi (id non potest) sed gratum & acceptum! non libenter solum, sed auidè id facerem, & quâ scio, an non occasio erit? imò erit, si Deus vitam & valetudinem mihi dat, & concedit per partes efficere, quæ pluscula cōcepi. Tibi Amp. D. (quod vnum hoc litterario affatu volui) obnoxium & addictum me defero, futurus admirator & cultor tuus æternū. Louanij, Nonis Nouembris, $\infty. 10. XCIII.$

E P I S T . X I. *Leodicum.*PETRO ORANO $I^{\text{a}}.$

E CCCE & meam tertiam. quid obloqueris? erro, & calculum revoco, est quarta. Nec ego responsum tuum exspecto, sed preuenio;

uenio; & quasi per voluptatem tecum loquor. Ita est. delectas me cùm in mente ruminor, cùm stilo alloquor, magis & maximè cùm sermone. Malè prædonibus, malè fautoribus, per quos ad vos non licet. Si scias qui vir nunc sim? paria tecum possum vel ad mensam: idque etiam in conuiuo meridiano. Nam de vespertino, iam olim te vici. Sed faxit Deus, ut præsens videoas, siue in meā domo, siue in tuā. Atque utinam, utinam, illud fiat! quis scit ecquid proxima ætas dabit? hæc quidem Regi & reip. parùm felix, & quod sequitur, parùm læta bonis: etsi nos tamen seponimus curas & abdicimus, idque decreto. Ut flores quosdam esse scimus, qui non nisi ad solem se vertunt: sic nos mente in nubilis istis auertimus, vel ad diuina, vel ad amœna. Inter amœna, scis litteras nostras esse, in quibus pangimus quod non deleat hæc ætas atque alia, si peragere nobis datum quæ iam cœptum. Sed priuatim etiam turbamur: & ne scio quis (ita nunciant) à Germaniâ iterum minitatur. Per fidem Orane, quieto mihi, qui neminem inquietauit, esse non licet? Quæ hæc æui proterua, & licentia est? Clamem iure cum poëtâ:

*Nunc certè pudor in mortalibus est extin-
guimus. Terrarum improbitas occupat im-
perium.

* H' dn̄i vuū aīd' w̄s p̄l̄w c̄ aīd' eph̄wōs: ðl̄w̄l̄w̄.
A' r̄p̄ d̄r̄d̄eīn yāl̄w̄ ðn̄s p̄p̄er̄ay.
Sed illi faciant, non ego deterior, immo nec obscurior. quin ut stellæ in cælo per ipsas tenebras fulgent; sic nostra fama per obstantes has nubes. Louanij, prid. Kalend. Sept. oo. 10. XCIII.

EPIST. XII. Bruxellam.

IOANNI BERNARTIO I^{ro}.

Me venire ad tua sollennia, commune nostrum votum est: sed hoc tantum. A Kalendis huius anni noui (malum auspicium) morbus & domus me habuit: extra quam pedem non posui, ne sacrorum quidem caussâ. Itaque nec tu venire me velis, si me amas: & scio amas. Carmen tamen aliquod mitto, quod in remissiore morbo panxi dicam, an effudi? Res dicet: sed qualcumque, debui, volui, & pro viribus feci. Vale mi amice, & cùm hæc leges, fortasse iain cognate. Louanij, xvii. Kalend. Februari. oo. 10. XCIV.

IN NVPTIAS
IANI BERNARTI I. C.
ET
CATHARINÆ BREVGELIAE
Gratulatorium.

DIERIDES quondam culte mihi, verba præte
Versibus, & liquidum diffundite gutture
carmen.

Musa Venusq; volūt. iubet altera, & altera Diu:
Musa quidem studiosa viri, Venus ipsa pueræ,

Quis nunc sollennes thalamos Hymenæ parasti.
Nam venit illa dies Parcarum condita fausto
Vellere, quo IANVS CATHARINAQ; ve
derā iungent,

Fædera perpetuum mansura, manentibus ipfis.
Que nullæ possint violare aut soluere luges,

Que nullæ possint violare aut soluere noctes,
Excipio te Nox eternum continuanda.

Surge, age, mi Vates, Musarum cultor, & idem
Eunomia, ac voti tandem satiare petiti.

Illa tua est. curas licet & suspiria ponas,
Fræna momordit amans, subitque iugalia vincla.

Talis in Eurydices complexus Thracius Orpheus

Venit, & extinxit quos suspirauerat ignes,

Molliter alternis & carmen & oscula pangens.

O iuuensis, cui Dij certatum dona tulerunt
Nascenti, crescenti, ad culmina consendentis

Fortuna! & tantum Liuor neget. En tibi Juno

Quam faveat, qualem dederit, qualique parente!

BREVELIVS pater est, iuris legumq; peritus

Arbiter, & magni pars idem magna Senatus.

Vir quo nec Probitas probior, nec iustior ipsa

Iustitia, & Græco par Romanoque Catoni.

At tu Virgo etiam, stirps o mea, tu quoque gaude,

Iam tali iungenda viro. quem Musa benigno

Excepit sicutque sinu: quem Jupiter, omnes

Corporis atque animi dotes largitus, honestat.

Hoc fruere, & stantes vritis velut implicat vltimos

Auxilium fulcrumque sibi, complexa maritum

Stringe. licet tenerum nunc ablegare Pudorem:

Lex, ritus, materque volunt. o mibi coram

Hec fari, & tenuifas instillare susurro!

Fata negant: aliter te spose & sponsa viderem.

Te quoque, quin nostris spes unica & vltimarebus

ERNESTE Austriadum, properas, decus: alma

deorum.

Progenies, idemque deos aliquando dature,

Omina nisi nostræ docuerunt vana sorores.

Sed propera. ventis feruet mare, mergitur vndis

He cratis, atque omnis laterum compago fatiscit.

Niveniens, nimboisque fugas solemq; reducis,

Cūq; tuo ZEPHYRO iaspiras mitior AVSTER.

EPISTOLA XIII.

CHRISTOPHORO ASSONVILLIO,
Confiliario Regio.

MVNUSCVLVM meum ad te venire si-
ne litteris nolui, quibus misitandis
occasione in iamdiu quæro. Non enim è
sermone solùm aliorum, sed còrām ipse
cognoui affectum in meum, & honesta
de me iudicia: quibus ut par sim, opto ma-
gis quām spero. Sed profectò ut aliquid ta-
men possimus, fulcro & alleuatione ve-
strūm talium indigemus. & ut vitis iacet,
nec fructum fert, nisi ad stipitem aut arbo-
rem applicita: vix etiam nos, nisi gratiâ &
fauore vestro subnixi. Quem contigisse mihi
ut gaudeo, ita ut retineam nitar: & dabo
operam, pro ingenij huius viribus, ut si
quid dotium à magno illo Deo accepi, id
refundam in publicum bonum. Nunc pe-
to, ut libellum hunc, Amplissime Domine,
non ut munus, sed ut animi mei pignus ac-
cipias; qui virtutibus tuis & meritis in pa-
triā debet, & iamnunc vouet, omnēm
cultum. Louanij, postrid. Kalend. Febr.
∞. IO. XCIV.

EPIST. XIV. *Leodicum.*

IACOBO CARONDELETO V. R. & N.

CVM nuper aderas, parùm commoda va-
letudo mihi erat, eoque serm. parùm
fortasse liberalis, etsi tempus etiam exclu-
debat. nam tu properabas. Alioqui iuuisset
profectò horas aliquot tecum absumere,
qui rarò hīc video amicos melioris illius
animi & fortis. Siqui ad nos, ferè ab Aulâ
sunt: quam scito non esse Francisci regis
aut Alphonsi. Interdum aliquot exteri, sed
tari ob has turbas. Veneti non cessant me
non dicam compellare sed pñè compelle-
re. ita litteris aliis alijsq; vrgent, etsi palam &
sine exceptione negau. Faciunt idei Mediolanenses & Senatus ibi regis, scribente
pro iis Ioh. Baptista Sacco, viro mehercu-
les docto. Sed quid? sors mea est, credo, hīc
quiescere, & fortassis vilescere. nam pretium
mihi, quid mihi? immò omnibus artibus no-
stris esse apud eos qui præsunt, magnum
haud dicam. Iuuentus tamen & qui hīc in
studiis, amant, & spero iij omnes, qui hone-
sta. Tu inter eos es, & perseuera. Louanij,
postrid. Id.Iul. ∞. IO. XCIV.

EPISTOLA XV.

IACOBO VARICIO, F. S. D.

Ex epistolâ tuâ, mi Varici, affectum
tuum in me liquidò & certò cognoui;
illud quod scribis, incertò: Significas enim
magis, quām promis: & ut ego verum fa-
tear, nullum munus noui, cui idoneum me
vel mores, vel valetudo reddant. Ad publi-
ca eam? ingenio & iudicio abhorreo. & si
hoc non esset, quis mediocriter sapiens vel-
let, hoc rerum statu? Quæ facies ac forma
rerum sit, vides: ambitionis, confusionis,
corruptionis pleraque plena: ego inter ista
iāster tiro & rudit, & consilio fortasse aut
iudicio, quām animo melior? Scis enim
mollem mihi frontem esse, videre & dicere
magis vera, quām contentè afferere: quæ
omnia aliena ab Aulâ, & moribus hodier-
nis sunt. cùm vix sapientia in pretio, nisi
quæ pompam & colorem habet; immò etiam,
quæ duritiam aut impudentiam habet. Alia
multa sunt, quæ auocant. imprimis quietis
studium, & amata mihi semper expers
publicæ priuatæq; curæ tranquillitas. Quid
studia nostra, & Musæ? ibunt ad fasces &
purpuram? id est, iacebunt aut peribunt
inter ciuiles strepitus, aut splendores? At-
qui & hac parte vtiles esse Reipub. possiu-
mus, & iam fuimus: nec malè olim, qui fe-
cere duplē remp. Paruam & Magnam.
illam cuique genti propriam, ut Roma-
norum, Atheniensium, Belgarum: hanc
coimunem omnium mortalium, id est
orbe ipsum. Ecce ad paruas respuplicas
quām multi admouentur, aut adspirant?
iidei illam, & sepe per eam, iuuant? Ma-
gnam haud æquè multi: & salutaria præ-
cepta aut consilia, quæ non præsentibus so-
lùm, sed posteris, non iuxta modò positis,
sed longinquis & exteris prosint, haud om-
niū in voto aut manu est dare. Stilo pang-
mus, quod hæc & alia ætas legat, Principes
& ciues formamus: & partem reipub. non-
ne tangimus? ô negotiosum hoc otium,
cuius fructus per homines & ætates spar-
gitur, & quo usui aliis sumus, etiam cùm
non sumus! Mentem meam vides, nec fa-
cile dimouebor, nisi aut euidens patriæ vti-
litas (quod vix credam) aut imperium & vis
cogant. Quidquid sit, post audiero: tu qui-
dem fidem silentij nihil violasti, qui hoc
tantum indicasti, aliquid de me agi. Excita-
sti me ut paratiq; sum & maturior, siquid
pete-

petetur; & officium amici fecisti, quem esse te scio, & me quoque tibi vicissim non ignoras. Vale mi Varici. Louanij, iv. Kalen. Octob. 20. 15. XCIV.

E P I S T . X V I . Aquasgrani.

IOANNI VIVIANO S. D.

BINIS me occupas, quid excusem nisi quòd occupatum? Toti enim in MILITIA edendā eramus, & Typographus vrgebat, cui damno sit vel leuis mora. Ut igitur oculi, et si agiles, supera & infera simul non aspiciunt: sic nec ista mens dat se vno tempore ad diuersa. Poteram leuiter & breuiter respondere, fateor: sed tuæ aliquid etiam poscebant. Priùs quidem abscessè negandum, de responsione super meo Stilo. Itáne hoc argumento? itáne illi, qui nisi quòd nomen meum præscribit, nihil in me, vix de me, dicit? Risi, cùm legi, adfatis: etiam te, si petere hoc seriò imbibisti. Et quid dicam? me & mea laudem? hoc necessum est, neque aliter excusem. Atqui nisi æuum, & tacitus iudiciorum consensus hoc facit; frustrà omnis conatus huius sim ego. Loquar, fileam: si Genium & Venerem scripta mea habent, viuent. si non, eant iamnunc, quò Volusi olim annales. At calumnias ferre, graue est: & ferendo, alias inuitas. Ego contrà censeo. nec graue esse animo persuaso & destinato: & vbi consilium hoc & robur esse, non frigus aut conscientiam vident, ipsi aut sustinent se, aut mutant. Mihi crede. aranearum telæ sunt omnes isti calumniarum contextus: minuta animalia inhærent, fortiora spernunt & perrumpunt. Itaque omittamus, non quidem cum Homérico Achille,

Θυμὸς δὲ σύνθετος φίλος δημόσιαν τε ἀράγκην:
non, inquam, necessitate animum vincentes, sed ipso animo, id est ratione. Alterum, quod petebas, erat de Ciceronis loco an locis. & adhæsisse me fateor: sed nunc denique videor expedisse. Erant isti, è libro VII. ad Attic. epist. xv. Pompeius ad legiones Actianas profectus est. Iterum epist. xx. Cnaus Luceriae esse dicebatur, adire cohortes legionum Actianarum non firmissimarum. Quæris, quæ istæ legiones Actianæ? Non ab Actio Varo, aut Actio Peigno: qui Auxini & Sulmone cohortes habuerant: sed cohortes, non legiones, atq; illas subitò scriptas, & ante hoc tempus dilapsas, aut ad Cæfarem transgressas. Ex ipso Cæfare discas. Quæ ergo? nus-

quam ego reperi, sed emendatiunculam fuggero, Appianas. Nam intellegit profectò duas illas legiones, quæ à Cæfare per speciem belli Parthici abductæ, & Pompeio traditæ, circum Luceriam hærebant. Eæ veteranæ. & ideo (vt idem Cicero) *omnis spes in duabus penè inuidiosè retentis legiunculis.* Eæ circa Luceriam, aut in ipsâ. Lukanus, lib. II.

— commissæ deseris arcem

*Scipio Luceriae. quamquam fortissima pubes
His sedeat castris, iampridem Cæsaris armis
Parthorum seducta metu.*

Ita ibi legendum, non Nucerie (quod editur) & res & meliores libri dicunt. Sed quare Appianæ istæ? Plutarchus dicet: Περὶ δὲ τῆς Αἴτιας αφίετο κομιζών τὴν Γαλατίας ἡ ἔχειν Πομπέου Κατορεις σεριῶν: Præterea Appius redierat, è Gallid adducens legiones, quas Pompeius Cæsari vtendas dederat. Sunt istæ duæ: & res ex Hirtio, Cæfare ipso, aliisque nota. Appianæ igitur à Legato suo dictæ: sicut paßim illo æuo Africanæ, Fabiane, Varroniane. Mihi sic visum: quid tibi? rescribe. Louanij, XII. Kal. II. xibres. 20. 15. XCIV.

E P I S T . X V I I . Bruxellam.

IOH. BOISOTO S. D.

DVO me tenerunt, quò minus gratias adhuc egerim, pro florum munere ad me misso, Pudor & Occupatio. Ille non iniustus, aut rusticus. quid enim rebus tuis tories reponerem nuda verba? & mallem habere etiam gratias, quæ agere, si fortuna mea aut occasio ferret. Quid tamen est? scio magno animo te hæc dare, nec in aliam spem gratiæ, quæ hanc, quam fideliter reddo. In animo beneficium tuum repono, & illâ parte omnes mortales gratitudine lacerro. Caussa altera silentij, Occupatio. Ab ædificio hoc me non explico, & video Dædali labyrinthum esse, & mihi quoque opus tandem fore Theseo. Sed quo? qui non filum, sed aurum præferat, nec Minotaurum, sed nomina nostra occidat. Arculæ quidem nostræ venimus ad fundum. Sed terrenus aliquis Iupiter nos iuuabit, & impluet aureum imbreui. Extra ioca, fortiter & cum fiduciâ ædifico, quod in vacillante hoc statu reruin multi mirantur. Sed illi parùm sciunt, quæ ista me non alligent: quæ ego habeo, non habeor, & cùm opus est relinquo. Reuerà tempora dura & ferrea: & hoc magis occupatiunculae aut dele-

delectatiunculæ quærendæ , quæ auocent aut solentur. Sed inter eas litteræ nostræ eminent, interiores etiam illæ & philosophicæ, quas seriò tracto. Addo hortulos, & eâ parte nihil nego me esse in castris Epicuri. Tu noster hîc imperator, & cui Clusius ipse dexterum locum cedat. Nam hortum eius Francofurti vidi, & scio tuum ab omnibus copiis instructiorem. Fruere longum, mi Boisote, & studio tuo otio, & beato cælibatu. Louanij, postrid. Nonas Novemb. ∞. iō. xciv.

E P I S T O L A X V I I I .

CHRISTOPHORO Assonvillio,
Consiliario Regio.

AFFECTVS in me tuus impellit (affatim mihi notus) vt consortem te habeam consilij, quod summam rem meam tangit. Consortem? imò etiam arbitrum, & in alterutram partem adiutorem. Res breuiter ita est. Pænè triennium hîc iam egi, in exiguo stipendio, & quod alendo mihi non fuerit, nisi vetus parcimonia aliquid suppeditasset. Non dissimulo, sperasse me vt à maximo Rege nostro subsidij aliquid acciperem, & ad stipendum, quod Ordines subministrant, additamenti. Nihil est factum, temporum haud dubiè culpâ (nec aliter interpretor) quæ turbida & militaria, vix patiuntur pretium aliquod nobis esse, aut artibus his pacatis. Intercà tamen constanter perseueraui, & vocaciones etiam aliquot à magno Dynastâ Etruriæ, Venetis, Summo ipso Pontifice, reieci aut spreui, spe mutationis semper, & meliorum. Nunc cùm id non fiat, imò in peius ire res videantur; nemo impudentem me arbitrabitur, vt opinor, aut intempestiuum, si de rebus meis ad vos proceres, & capita consilij Regij, referam, & seriò petam aliquid aut tribui mihi, aut permitti. Tribui dico, si manfio mea hîc placet. alendus enim sum, & id, pro conditione ac studiis nostris, honestè. Si id sit, ecce me, vocent orbis Principes in ipsas insulas beatas; figo pedem, nec turbæ aut procellæ à Rege meo aut patriâ abducent. Si tamen non, & necessitates publicæ largitionem aliquam non ferunt; benignè equidem interpretor, nec reiectum me censebo, sed dilatum. Sed tum est, quod velim mihi permitti. nempe, vt cùm aliò etiam nunc inuiter, idque in locum pietati & studiis amicum, & Regi non alienum

(Bononia enim est) rogo, inquam, vt cum bonâ gratiâ agere & pacisci mihi cum illis liceat, saltem in paucos aliquot annos. Nam bonâ fide, cùm turbæ istæ refederint, si patriâ etiam tum me requirit aut desiderat; is respectus & cultus meus in Regem & illam est, vt omissis omnibus sim venturus. Amplissime Domine, æquum me pertere, spero in animo tuo tibi dices. Quod si ita censes; tum illud pro magno beneficio mihi adde, vt ne diu anceps & incertus sententiæ vestræ hæream: ne occasiones mihi prouectionis (quæ præcipites esse solent) elabantur. Addo etiam verecundè, vt si decernere aliquid & addere Maiestas mihi Regia volet, solutio ne ardua & incerta sit. quod nobis studiosis, & qui ad legein viuimus, quâm molestum sit, contigit mihi etiam in stipendio isto Ordinum experiri. Scripsi de hac re (sed breuius & minus fortassè expressè) ad Præsidem Vander-Burchium: cum quo si putabis communicandum aliquid, me volente fiet, qui totam hanc rem prudentiæ & benevolentiæ tuæ gubernandam permitto. In animo meo iamdiu ita sensi, ex animo te mihi amicum esse, & me tibi fidum clientem. Nob̄me & Ampl̄me Domine, opto diu saluum te Regi, Recip. & nob̄bis. Louanij, v. Kal. Mart. ∞. iō. xciv.

E P I S T O L A X I X .

IOANNI RICHARDOTO,
Consiliario intimo Regio.

ESTSI verècundia, & pænè religio mihi est, interpellare te, vel in grauissimis curis tuis, vel in luctu, qui te nuper cepit: tamen cùm amici identidem peterent iterum commendatiunculam, in negotio N.N. qui lectionem publicam hîc ambit: non potui non refricare memoriam commendationis veteris, & testimonij quod de illo dedi: & dedi ex vero, certè ex intimo animi mei sensu. Vir moribus compositissimus est, doctrinâ variâ, non iuris tantum, egregius: atque ego ex re Academiæ & iuuentutis censem, talem promoueri. Sed enim cùm calatum sumpsi & fiduciam scribendi, cur non etiam breuiter, in hoc luctu tuo alloquendi & solandi? In quo si tarda aut superuacua mea cura sit; velim & optem: atque hoc vnum tamen assequar, vt animum & cultum meum tibi probem. Amisisti vxorem optimam, diu vitæ & tori consortein, tot liberorum parentem: vul-

nus

nus eò tibi grauius, quò magis à domo in Rempublicam virtus & fortuna tua te traxit. Curæ, quæ diuisæ anteà erant, in vnum incumbunt, &

Tota domus caput nunc unus esse tuum.

Quid tamen est? subsfidium à te, & ab animo tuo, tibi petendum; illo animo ad magna nato, ad omnem prudentiam à doctrinâ & vsu facto. Quid te ralem virum communis legis admoneam, quæ nascentibus dicta est, mori? & incertò quidem mori, limite aut termino nullo nobis fixo, nisi quæ Deus in tabulis prouidentiæ suæ scripsit. Tua igitur obiit: sed, quod omnes facturi sumus, fecit; & quām multos in spatio & cursu ipso vita superauit? Non in auspiciis matrimonij, & in crudo statim amore erupta tibi est: sed suauiter, diu conuixit, solatia dedit, etiam post te & illam mansuta. Respice florentissimam familiam tuam (& diu talis sit, precor) quomodo non viuere eam putabis, è cuius sinu & sanguine tot viuunt? Propone tibi ora quorumdam: non dubito quin imago & vultus etiam maternus in iis spirent. At enim hoc ipsum dolorem auger, liberos videre altero fulcro orbos, & quibus fuauissimum illud nomine iam periiit *Matri*. Apud vulgum ita sit: te verò excitet. & amor in mortuā, caritas in viuos iubeat, animum attollere ad eos attollendos. Te intuentur, à te pendent: nec luctui solùm iis luctus tuus est, sed cladi, si iaces. Sed non conuenit in te hoc verbum, quem ratio, scio erigit; tuin etiam publici aspectus, vt priuatost iam omittam. En in summo Patriæ consilio te summus noster Rex constituit, columnes & tutela (verè profiteor) apud nos rerum: tu luctui te dabis, id est Regi & rebus subduces? Non facies. sed vt magni illi viri olim, in media negotia ibis, & solarium ex ipsis petes. Tiberium Principem legimus, vnico filio Druso orbatum, tanti Imperij destinato successore, eâ firmitudine animi fuisse, vt defuncto ne cum sepulto, curiam sit ingressus: Rempublicam scilicet velut filiam amplexus, & in eâ conquiescens. Huc te voco. Non sunt viro politico, & ad bonū publicum nato, digniora solatia, quām quæ actio suppeditat: & apud alios vincendus rationibus aut die dolor est, apud hunc mole negotiorum obruendus. Philosophia id ipsum suadet, abducere animum à cogitatione & solitudine: quæ duæ velut nutrices sunt dolorum. Vt ij qui amore laborant, fugiunt & peregrinatione excutiunt affe-

ctum: sic qui dolore, utiliter se abducant. Ipsa loca illa vitanda sunt, quæ memoriam aut desiderium excitent: & exigua sæpè punctura cicatricem rupit, iam coëuntem. Sed quid ego hæc? prudentia tua super omnem nostram est: nec Deus sruerit, vt obnubilet eam & subducat dolor. Ego eundem Deum precor, à quo verum robur & fortitudine, vt te Amplissime & Nobilissime Domine magis magisque erigat; firmum valentemque Patriæ, tuis, & nobis reddat. Louanij, XII. Kal. Decemb. 15. xciv.

E P I S T . X X . *Leodicum.*

IACOBO CARONDELETO V. R. & N.

Excvsas raritatem scriptionis, & sum ego in eâdem culpâ, si tamen culpa. Sed tu caussam pro vtroque agis, & certè hoc mihi probas, litteras planè vacuas rerum & inanis esse haud debere. Interdum tamen vel salutationis obsequium libandum tibi à me, hoc fateor: vel eo fine, vt tibi probem veterem illum me esse, id est tui amantem & colentem. Fiet magis serio publicè in libris *POLIORCETICΩN*, in quibus sermonis tibi partes, cum Billeheo, Furio, Orano, Lampsonio: nec quidquam editionem moratur, præter meam præsentiam, qui imaginum caussâ debeo adesse. Paro me breviter ad non longinquum hoc iter. Transiit hac ante biduum *Vicarius Lindenus*, & salute in te dixit: tum etiam læta quædam de Hungaricis rebus. Deus victorias aliquot illuc dedit, utinam seriam vnam & grandeim, quæ præmium opida aut regiones secum trahat! Sed fiet, spero, in tempore. Gallus Feram obsidet, si nostri opitulantur, video certamen, aut turpem illius abscessum. Si certamen, res totius Galliæ huc aut illuc inclinant: id est, vt resurgent, aut vt planissimè cadant. Tu siquid in Turcicis certi (ita soles) ne grauare ad nos mittere, nos, qui semper tui. Louanij, postrid. Kal. Ian. anni huius 15. xcvi. qui felix tibi esto.

E P I S T . X X I . *Bruxellam.*

REMACLO ROBERTI.

CVM fide remisisti Montanum meum, can nostrum potius, quia vos quoque eum amatis. Profectò vir ille magnus est, & factus ad mores iudiciumque formandum, sed maximè ad robur animis ingñendum, sine quo quid nisi fluctus hæc vita?

Affl.

Affiduè in metu, spe sumus, & ab omni vndâ cupidinum rapimur: firmat hæc Sapientiæ anchora, quam ille nauigio nostro aptat. Litteræ eius apud me sunt, sed paucae, & pluta talia apud Franciscum Raphelengium memini me deposuisse. Siquid tamen dignum lectione tuâ aut aliorum repetero, videbis. Nunc quidem distinebar concinnandis quibusdam, quæ ad Militiam priscam spectant. Hanc quoque videbis, sed nescio an ad vestrum, & praesentem usum: imò vix ad istum, sed ad Historiæ tamen lucem, cui scripsi. Vale, Louanij, Non. April. 15. xcvi.

EPISTOLA XXII.

GUILIELMO ASSONVILLIO
Bouchauti Domino S. D.

CVM è cognato tuo Præposito Arienensi intellexissem, de virtùe conforto, quam capis; affectus meus in te, in parentem cultus, iussit utrique vestrum gratulari, & appetiri felix hoc consilium & salutare. Utique, inquam, vestrum gratulari tibi, qui genus virtutis suscipis, coercendis vagis cupiditatibus diuinitus institutum; patenti, qui posteros & nepotes ex te (ut spero) videbit, quod unicum felicitati eius deest. In summis honoribus vir ille, tot annos, in omnium laude & gratia vixit: opes non timias, sed tamen honestas & dignitati sufficiendas peperit: quid deerat, nisi quod vota occulta & à natura insita trahunt, videre natorum natos, & ex optimâ arbore frutices & stirpes propagatas? Mortales sumus, imò nec diuturni sumus: una ratione diu supersumus, si proseminalamus qui supersint. Viuimus in pauperibus, & non quidem anima (absit hoc dicere) sed tamen indoles & igniculi in eos transiunt: & amamus eos, & amiamur. Vagum aut barbarum genus hominum, vagos & indefinitos amores etiam habent, copiam & incertitudinem vxorum: nos pri & compo-siti Christiani, diuinâ lege adstringimur, unus unius esse. Hoc est quod Plato philosophatus aliquando subabsurdè videtur, sed mente & fine bonâ: homines olim è mare & feminâ constitisse: diuisionem & velut sectionem corporum esse factam: sed manere desiderium veteris iunctionis, & ideo appetitum hunc copulæ in nobis esse. Fabella est: sed hæc veritas, à Deo insitam illam cupidinem. quam pauci vicerunt,

nisi quos idem Deus supra communem sortem extulit, & ad se traxit. Ij casti, puri agunt, felici sorte, & quam miramur plures, quam imitamur. Sed nec nos, qui secundarij, vt sic dicam, sumus, contemnendis aut improbis imò id quoque laudabile. & pium est, qui planè non abstinet, unâ contentum, ab aliis abstineret. Et habet hæc vita suas. Venieres, honestissimæque voluptates. Ecce primum aspectus ille familiaris & mutuus, quem non delectet: aut quid est (vt Varro ait) quod homo masculus libenter videre debet, quam bellam uxorem? Adde colloquia, ambulationes, conuiua: & hæc omnia cum sincerâ & tutâ delectatione, cui cauio aut metus non miscentur. Illa est, in tuis finum lœta, in cuius finum tristia hiceat deponere: illa, cui tutò fidere donum, pecuniam, liberos: excipio arcana, si quis rempt. tractat. Etsi in rep. video fuisse honestarum coniugum etiam partes. Liuia, vt moto exemplo utar, Augustum suum sèpè temperauit, & modestè atque opportunè instruxit. Angebatur ille & insomnes noctes agebat, deprehensâ coniuratione in se L. Cinnæ. Sensit, & blandè exquisiuit Liuia: Et potes, inquit, fæminam audire? Omitte consilia de puniendo, cogita de ignoscendo. Vindicta & seueritas quod hactenus non dederunt, vide ah. benignitas & clementia dabunt. Paruit Augustus, ignouit: & in posterum (is fructus muliebris confilij) liber ab insidiis vixit. Possem & nostri ævi magnos reges dare, quos nihil pruduit publicas etiam curas cum hac sui parte miscete: sed parcere & caute tamè faciendum, & præstat oratione in priuatis nos manete. Iam voluptas alia, quanta & quam penetrans? videre natos liberos, lusitantes, balbutientes, mox garrientes, souere sinu, iungente ori, apprimere pectori: & habere in egresu, in regressu, tristibus etiam rebus, lœtificantem hunc occursum. Quid ipsa vxor, & honestus ille amor, quam inardescit, præsertim in aliquâ absentiâ? Qui stimuli ad redeundum? quæ gaudia in reditu, & complexus?

Omnis amor magnus, sed aperto in coniuge maior:

Hanc Venus, ut vivat, ventilat ipsa faciem. Iucunda adhuc narrò: utilia etiam volo. Vxor est, quæ curas tuas diuidit, & partem ad se trahit. Illa familiam, & rem familiarem tractat: illa parcere & reponere suader, natu-

naturâ ita facta. Pulchrè hoc Xenophon: *Quoniam hunc sexum, inquit, custodia & diligentia Deus assignauerat, idcirco timidiorem reddidit, quam virilem. nam metus plurimum confert ad diligentiam custodiendi.* Iam in ægritudine aliquâ tuâ, quis fidelius aut sollicitius assideret, curat? in senectute aut imbecillitate, mollius fouet? Quæ omnia vera sunt, si amor, si concordia adsunt: assidue comites, nisi vitio aliquo partium pellantur. Homerus Vlyssem Nausicaæ ita facit loqui, & ad coniugium hortari:

* nam nil
pulchrius
est melius-
que
Quæ cùm
vir mulier-
que suam
concorditer
vna Æta-
tem degunt.
in quo dolor
hostibus ho-
rum. Sed fit
gaudium
amicu.

H³ δος ὁμοφεντος νόμωσις οὐκονέχεται
Αὐτὸς ἡδύων. πολλ' αλγεα δυσρήπται,
Χάρηται δὲ σύριπται.

Quod ego tibi, Vir Nobilissime, & tuæ opto: & simul liberos, reip. etiam caussâ. Sint Affoniij aliqui, & parui Christophori, qui ad curas auitas succrescant & educentur; qui Regi, qui Patriæ, fidam operam nauent & salutarem. Sed quò labor? teneo te, aliis iam intentum. mitto, abi, validè vale. Louanij, Nonis Maij, 10. XCVI.

EPIST. XXXIII. Leodicum.

CAROLO BILLO, intimo Confiliario Serenissimi Electoris.

LIBROS hos quos SERENISSIMO ELECTORI nostro inscripsi (nistro. nam & ego me inter clientes eius habeo) eos ad te mittimus, porrò ad eum, pro iudicio tuo, transmittendos. Serium & grande magis opus esset, si vires pro voluntate essent: sed vel sic non displicebit, spero, quia materia alibi subtilior, operosior, & acri & sublimi ingenio Principis non indigna. Utinam pictoris mihi pro libitu copia fuisset! accuratius & elegantius quædam oculis subiecissimus. quod nunc non licuit, sed & Typographi defugiunt hos sumptus. In iis autem libris, quia Dialogi sunt, tuum quoque nomen, velut emblema, inserui: nec indignaberis, et si vanitas est, cùm sprem à decoro & conuenienti non abisse. Certè affectu & iudicio inductus feci, cùm te diligam pariter & colam: atque ea ratio prompta mihi visa & commoda, utriusque rei testandæ. Nobilissime & Clarissime Domine, diu superesse te cupio, Principi & rebus. Louanij, XII. Kal. Sept. 10. XCVI.

I. LIPSI Operum Tom. II.

EPISTOLA XXIV.

HENRICO Cuyckio, Episc. Ruremundensi.

GRATVLO R tibi ex animo felicem aduentum in locum, & ad homines, fidei tuæ coimissos. Quibus, non dicam ut fructuosa & salutaris (nec enim ambigo) sed ut grata etiâ cura & gubernatio tua sit, Deum precor. Enim uero onus aliquod grauius in iis locis esse, utrique hosti vicinis, & Pontificio & Regio, facile suspicamur: sed peruincer, ut speramus & voulamus, cùm pietas & prudentia tua, tum & patientia, quâ ipsâ in summo culmine sæpè, imò vel maximè opus. Nos hîc qui solemus, quod ab aliis te scio audire. priuatim ego in meâ quiete & solitudine, nisi quod à magnatibus induetus sum, haud libens sanè, ut quosdam in domum & contubernium meum recipere: quod nescio an ex re meâ futurum sit, scio quod non ex voto. Louaniū mihi, cùm ob alia placuit, tum ob tranquillitatem, & sine turbâ aut fastu vitam; quam degimus in eâ qui volumus, nisi ab altiore axe ventus turbet. Sed ferendum est, & molestiæ cuique pro suâ sorte subeundæ. Ab iis te quantum licet immunem, & gregi tuo diu superstitem Reu^{me} Domine opto. Louanij, XIV. Kal. Octob. 10. XCVI.

EPIST. XXV. Duacum.

ANDREAE HOII S. D.

IBRVM à te accepi, & putabam esse cominune & pluribus destinatum donum: at ego propriè meum etiam repperi, mihi inscriptum & dedicatum. Quid dicam mi Hoiij, nisi inopinantem me beneficio affici, adeò non merentem? Quò magis id gratum est in isto animo, qui & plurimi facit optimas artes, & te insignem earum cultorem. Atque utinam tibi honos sit pro meritis, aut gratia! sed fatum huius æui nostri, quo iacent & vident omnia ferè, quæ olim honesta & magna. Ista occulta clades, inter alias apertas, à Marte est: quem utinam Venus ista fuget, quæ ab Iberiâ exspectatur! Sed ut ad librum, legi equidem, & pleraque supra vulgum, & ideo nec placitura fortasse vulgo: tu autem mihi & Musis, quod audacter dicam. Vale, & memorem me beneficij fore (sic interpretor) in omni loco & occasione scito. Louanij, VIII. Kal. Ianuar. 10. XCVII.

Oo EPIST.

EPIST. XXVI. *Iudas.*
HIERONYMO BERCHEMIO, *I^o*
& Canonico.

QVID hoc est mi Berchemi? rogare te ut afferam, & rationibus euincam, Deum esse? Sanus es? Ego quidem, inquis: sed amici illius causâ, de quo tecum egi. Egisti, fateor: sed vellem ipse, & medicinam coram afferre licet huic non impietati solum, sed infelicitati, quæ in hominem cadere supra potest. O iam hoc ipso nec hominem! certè non ratione præditum: quia vbiunque aliquid eius lumen est, notitia etiam ista & fides, numen, rectorem, tutorem vniuersi esse. Da mihi quemcumque voles, sanum hactenus,

Possit qui rupem & puteum vitare patentem: ipse ab interno animo dicet: & tuus iste an noster (nam & ego noui olim & amauimus) quod aliter loquatur in acrimoniam istam ingenij, sentit an per delicias differit & ludit? Peccat, siue hoc siue illud: & aut docendus, aut coercendus est; & hoc quia non possum, alterum faciam pro ingenij mei copiam. quam vbi promptius aut dignius impendam? Ades mens, stile, manus, exsurgite & incalescite ad illum afferendum, qui vos fecit, direxit, mouit. Tu quoque; ades mihi Berchemi, & siquid illi mouendo dicam (neque enim tibi haec scribimus, nisi illo fine) transfunde & insinua, & Deo & nobis vindica ingenium, quod male ab vtrisq; abiuit. Nam mihi quidem quæ non dicam amicitia, sed usus vel notitia cum illo sit, qui à communi societate & sensu hominum se abiunxit? Ita dico. & Deum esse, inter communes receptas quæ illasnotiones est, quas Natura parens omnibus, quæ vbiique orbis sunt aut fuerunt, gentibus insevit. Aristoteles: Πάντες ἀθεοτοι μετὰ θεῶν ἔχοντες ταῦτα: Omnes homines de diis habent existimationem & sensum. Seneca: Nulla gens usquam est adeò extra leges moresque projecta, ut non aliquos deos credat. Verissimè alia alibi religio est, vbiique aliqua: nec in veteri & nostro solum orbe hoc apparuit, sed in rudi illo nouo. vbi inter barbaros, feros, homicidas, homiedones, quis angulum adhuc repperit, quem religio & numen non vindicaret? Adeò verum est, hoc deo ab ipso Deo nobis insitum, & animam ab æthere adferre secum, etsi confusam, tamen firmam hanc opinionem. Vniuersum genus

humanum hoc dicit, & dixit: quis tu unus alterve es, qui opponis? Imò Diagoras etiam olim, & Prodicus, & Theodorus. Nescio. deos planè & plenè negasse, haud arbitror: sed illos, quos tunc colebant, hoc opinor: & ideo & cognomine affectos. Sed esto. etiam duo trésve illi negauerint, insanis homines aut monstra: ideo erroris vniuersum genus humanum damnemus, & quidem in re suminâ? Non facimus: & arguat nos ipsa haec societas hominum, & iure legibusque devincti cœtus, aliquod non caput solum rerum sed vinculum esse, quod conseruet. Age enim in hac malitiâ nostrâ, quæ leges satis validæ sint, nisi opinio & frænum de Numine accedat? Atqui falsa aliqua opinatio nec tam efficax, nec tam diuturna vim quam sit: est igitur reipsâ Numen. Tertio, ab animo cuiusque suo argumentum. Consule te, ille ipsis qui dissentis. in rectè factis ecquid latari aut diffundi te sentis: contrahi in sceleribus & angi? ne dissimula, sentis: atque id etiam in occultis. Vnde autem ille alteruter sensus, nisi quia animus iudicat iudicem alium esse, & aliquid homini præter hominem timendum? quod profectò est Numen. Quartò, est etiam interior animi motus an metus, qui in omnibus, & malis præsertim, se prodit. Quis ad tonitru non concutitur? & ut cum poëtâ dicam,

— cui non correptunt membra pauore,
Fulminus horribili cum plagâ torrida tellus
Contremit, & magnum percurrunt murmu-
ra celum?

Isti ipsi qui Deum spernunt, Deum tunc agnoscunt, & vel inuiti oculos animosque ad cælestes illas minas demittunt. Audi Suetonium de Caligulâ: Cùm deos, inquit, tanto opere contemneret, ad minima tamen tonitrua aut fulgura connuere & caput oboluere, ad maiora vero proripere se è strato sub lectumque condere solebat. O noster supra Iouem Iupiter, quid aut quem times? Eiice naturam, eiice rationem, redeunt: & ad cæli murmur metuis, quem debebas vereri. Adeò verum, sensu quodam, illud poëtæ est:

Primus in orbe deos fecit timor:
etsi non fecit propriè, sed aperuit & ostendit. Quintò denique ab ipso etiam te. in quo nempe Mentem aliquam agnoscis vegetantem, sentientem, gubernantem: & non vis in magno hoc vniuerso esse? præsertim cum vetus Sapientia comodissime dixerit, Hominem esse paruum quemdam Mundum. Si ergo in te, sit in illo; non tuam vides, non

nō illius; sed ab affectibus nempe tuam, sic & hanc agnosce. Atque homine relicto, ad effectus istos, & extra eum ibo. Age, Motum primò hunc rerum vides? cælum volui & reuolui? astra habere diuersos vel aduersos inter se cursus? Atque eos omnes certos, & ad legem: dic mihi à quo præscriptam? Sibi certè nemo normam hanc adsiduæ seruitutis indicet. Alius igitur? quis? adscende, & gradibus peruenies ad iminotum illum, & omnia mouentem. Ut in horologio, cùm gnomonem serpere sensim vides, non illuc fistis, sed ad rotas rotulasque abis & miraris, & denique manum & ingenium auctoris primi: idem hîc fac, & Deum repperisti. Secundò, Ordinem in vniuerso intuere: qui cum admiratione vel stupore potius examinetur. Supera illa locum suum habent & seruant; tum media, & ima: nihil exorbitat aut mutat. Ignis in terram non descendit, terra in cælum non ascendit; aër, mare, flumina locum, flu-xim, cursum suum seruant: omnia ex vsu & decoro, ut melius pulchriusque nihil possit: & non auctorem horum agnoscis & rectorem? In domum aliquam magnam si venisti, ubi aulæa expansa, pauimenta conspersa, sedilia disposita, vasæ exposita, succincti & pexi ministri: an non ab ipso illo ornatu dominum, cùm non vides, præsumis? Fac in verè hoc mundo, & Deum habes. Tertio, Conseruatio rerum è ducat. Dissident elementa inter se, & à naturâ iis est luctatio & pugna: cur autem alia non interimunt, aut vincunt? cur tanto æuo in modo & finibus suis perseverant? Ipsæ animantes dente, cornu, vngue, veneno noxiæ sunt, aliæ alias insequuntur: quid tuetur quodque genus & seruat? Nos homines sic asperi & assidui in bella, in mutuas cædes, quomodo non perdimus aut perimus? Marent omnia, eriguntur aut coercentur: & vis profectò atque imperium est quod tam diuersa continet atque adstringit: id autem est Deus. Quartò, à fine rerum ad principium & caput est peruenire. Nónne agunt singula, atque etiam inanima spectant & tangunt certum aliquem scopum? Atqui nesciunt illum, nec à se eligunt: tangunt igitur aliquo dirigente, qui sciat eligatque. Ut sagitta sponte ad scopum non peruenit, oculus est qui collineat, manus quæ impellit: sic in istis, & ductorem & directorem habent, quem nisi Deum? Dixi effectus, qui mundum tangunt: age iam, vide mihi ip-

I. LIPSI Operum Tom. II.

sum, & quæ in ipso. Potest melius, pulchrius, aptius aliquid cogitari? quid in toto est non mirabile, delectabile, & quod animum oculosque simul mulceat verbaretque? Vide rotundam illam Vniuersi formam; vide connexionem inter se partium; vide varietatem, & super omnia magnitudinem & spatia finita, nec tamen oculis & vix mente finienda. Quis insistit & scrutatur, & non simul magnum, pulchrum, bonum auctorem horum sentit & admittit illabente? Vis partes videre? tolle in cælum oculos, & mirare illud sine colore cœrulum, sine igne lucidum, sine quiete & sine fatigatione motum. Tot astra in eo scintillantia, & æternū lucentes faces: atque has minores, maiores, iunctas, disuntas, sine numero, & in numerum choreas suas ducentes. O aspectum illum oblectabilem an venerabilem, cùm nigra nox terras tegit, cælum aperit;

— currumque sequuntur

Matri lasciuo sidera fulua choro.

Vix auellor: sed tamen ad Aërem te demittit: quid fluor ille videtur, & tenui filo puritas? sed puritas (aliter quām in cælo) incerta, & sèpè ventis, niuibus, grandine, sèpissimè pluviis turbata. Quid in aëre ipsi ignes, & imagines quædam astrorum? Sunt stellæ cadentes, sunt horribiles cometæ, aliique ardores in trabem, facem, capram. Iam Aqua nos excipit, multiplici facie. vides fontes perenne manantes, fluuios obliquis rectisque meatus recurrentes, ipsum mare arcana & pænè aliam naturam. Hoc ventis modò inhorrescit & attollitur, nunc placidâ tranquillitate subsidet, & malaciâ blanditur: & tanten in omni statu, statas suas habet crescendi & minuendi vices. Terræ denique nostræ insiste, & totam conspice, sic grauem, sic brutam, in medio aëre, naturâ librante, suspensam. Partes dispice, quas pulcherrimè variat, & in ardua montium, accliva collium, depressa vallium, plana camporum distinguit. Quid deinde ex eâ: alibi arbores stirpesque attolluntur, & velut coræ matrem inumbrant; alibi fruges, herbae, flores, vestiunt & exornant. Flores, quoruim vnum si videas acrius & scrutare: mentior, nisi in eo ipsum Deum. Ita omnia in subtili corpusculo, formâ, odore, colore, bella, suauia, descripta: ut mens stupeat, & manus aut ars nulla sit æmulando. Iam quæ supeream vide. tot illa genera clas-sesque auium, quæ tamen in eâ nidulantur,

Oo 2

pascunt,

pascunt, insistunt: tot animantium, formâ, labore, ingenio dissidentium, quibus illa habitaculum est & alimentum. Singula dividit & rimare. quid non in suo genere pulcherrimum, perfectissimum? ita dico, ut homini numquam satis sagacis ingenij sit, ad vnum culicem aut formicam plenè dignoscendam & doformandam. O mira! ô super omnia mira, rex & caput animantium Homo? quis ille, & quâm condescens, erectus status est? quid caput in vertebris suis mobile? quid oculi ignei, in altum pertentes? manus & pedes agiles? omnia membra in mutuum auxilium apta & nexa? Stilus deficit in exteriore illâ formâ describendâ: interiores dotes audebit libare? ita, sed libare. Deus bone, quæ mens illa nostra est? quâm celeris in eâ cogitatio, & ictu oculi cælum, terras, maria peruadens? quæ memoria sic capax, sic adseruans? quæ ratio subtiliter colligens & concludens? quod ex omnibus iudicium dirigens & decidens? Profectò tanta vnius illius animalis pulchritudo, dignitas, vis & vigor est: vt si Deus non est, ipse sit Deus. At qui non est, agnoscit auctorem alium: ego patrem, pater auum, auus proauum: & quis primum illum fecit? qui solus est infectus, Deus. En, vt eò reuoluat vnde incepit, Homo homini clamat & ingerit, Deum esse. At enim, inquiunt, quæ tu attollis & magnificas, hæc omnia per Naturam sunt. Ita enim loquuntur & sentiunt, & tuus etiam acrulus, vt dicebas. Per Naturam? quid ea est? vis aliqua non sentiens mundo huic insita, & per partes eius omnes permeans? Ita, inquit. Ita? & hæc igitur sine sensu, sine mente, tam pulchra, tam varia, tam distincta facit, ordinat, atque etiam ipsa, quæ animam atque animum habent? Quomodo potest ignobile in nobilius, deterius in melius agere, & viam suam efficaciter exercere? non sequentur, & parebunt. At sentiens, intellegens, & animata quædam illa vis est, dicet alius. Si ita, iam conuentio inter nos est: & hoc quod Naturam sic appellas, ipsa est Deus. De nomine quid litigem? nisi quod turpe tam, cum qui nasci omnia facit, & quod sunt esse, non à gignendo dici sed nascendo. Vides ab Homine, ab Euentis, ab ipso Mundo, rectorem in eo esse: & pulcherrimè Tertullianus: *Habet Deus testimonia totum hoc quod sumus, & in quo sumus.* Sed adiungam etiam aliquid de *Signis*, & quas

ipsa diuinitas adsiduè suggesterit sui notâs. Proh Deum, Deum aliquis abnuit aut ambigit, qui Diuinationem videt? Et quis non videt, & ab omni æuo vidit, vates furore instinctos, somnio monitos, aliter edoctos, futura edicere, idque in sæcula & ætates? A se ille Martius, aut Sibylla habent, an vis alia superior & doctior est quæ inspirat? Si à se, cur non alij pariter homines? cur non iidem illi omni tempore & semper? Clarum est: idemque in Magicis, in Miraculis, in tot operibus præter aut supra Naturam, ubi Nuimen & Genij eius administri se miscent. An hæc non sunt? non omnis vetusta lectio & hodierna obseruatio dicit? Hærent. & obscura sunt, inquiunt: ita, sed iis quibus prima illa cauſa obscura est, à quâ solâ palam hæc manant. Iam Geniorum etiam lusus aut illudia, apparitiones, præstigiæ, & plura notata & notanda cottidie, aliquid super hominem & communem Naturam adfirmant: frustrâ rationibus indaganda, nisi hoc fundamento superstruas, Deum esse. Veni Diodore, renascere Epicure, non aliud habebis dicere: & solum hoc à Signis rem confecerit, vt rationis capax iudex nihil hinc diffindat. Vnum etiam, & defino. obseruatum crebro, nedicam semper, istos Numinis palam spretores, pœnas palam luisse ab ipso immissas, & plerosque infelicem vitam tristiore morte consummasse. Caueant, & Euripidem audiant, de Pentheo:

*Eἰ δὲ τὸν θεόν διαιρέων ταῦτα φέρει,
Εἴς τούς δὲ θρήσκεις θάνατον, ἡγείσθω θεός:
At si quis est διυπάντιος πουλερεῖ,
Is fata in huius intuens, putet Deos.*

Finiui mi Berchemi, ô vtinam cum eius bono, cui hæc vis scripta! Etsi ego quoque noui, qui in isto erroris barathro: sed ferè adolescentes, & quos proterua aut lasciuia magis, quâm ratio aut destinatio impellit. Quos equidem Platonicis ipsis verbis compellim: Ω̄ παῖς, νῶς εἰ̄ ταῦτα φέρει σε χεῖν x. de Legibus. πομόσει πολλὰ, ἀντὶ τοῦ δοξάζεις μεταβαλόντα, δῆλον τὸν αὐτοῖς τιθεῖς. πειμανοῦντος εἰς τόπος κειτης πολὺ τοῖς μεγίστω γένεσις. μέγιστος δὲ, οὐ τοῦ αὐτοῦ τὴν οὐ, τὸ, πολὺ τούς θεούς ὅρθος διεργονθεῖται, λίγην καλῶς: O adolescentis, iuuenis es etiam. Οὐ sequens etas efficiet, ut multa quæ nunc sentis in aduersa commutes. Differ igitur in id tempus iudex de rebus maximis esse. maximum autem, quod nunc pro nihilo ducis, de diis rectè opinantem, VITAM RECTE INSTITVERE. Hæc illis, hæc tuo dixerim. qui ætate non mente maturior, amplectatur cum bonâ religione & talern

talem vitam. Vis tria verba? ab istâ malâ, malus hic sensus. Vale. Louanij, III. Idus Ianuar. & IO. XCVII.

E P I S T O L A X X V I I .

IOH. BERNARTIO, *Cognato & amico S.*

SANE gratæ mihi tuæ litteræ istæ vltimæ fuerunt, quæ & valere te ac tuos (en frustum coniugij) dicerent, ac bene & commodè te agere, quod maximè desiderabam. Anteà punctiunculæ aliquæ in tuo animo, ob desideria nostrarum virginum, & nondum plenè te ceperat iunxeratque cælestis illa Astræa. Vides quâm honorificè? & sanè ita sentio, si habes tractasque ex dignitate. Quâm multos iuuandi ac deme rendi tibi fas, per bonum fidumque patrocinium? nec mouet, quòd dedecorant multi, qui splendorem eius Deæ non vident, oculos animumque habent tantum in splendore auri. Non tu ex illis, scio: rectam viam ipse ini, atque aliis præi, & forum tuum iuuua atque orna etiam exemplo. Mane, inquam, in tuâ Iuliâ, quam Imperator ille sumimus tibi iunxit: nec ve to tamen veteres amicas respicere. in quas meus pænè amor (certè studium, aut cultus) elanguit, cum hoc languore. Qui me grauius solito iam vrsit, ab aliquot septimannis. Heu, quando finis! quando ad lætos illos locos

Fortanatorum memorum, sedesque beatas?
Nam harum turbidatum iam tædet: & tu vale mi Bernarti, ac pænè dixeram, vale vita. Louanij, Idibus Maiis. & IO. XCVII.

E P I S T O L A X X V I I I .

CHRISTOPHORO ASSONVILLIO,
Confiliario Regio intimo S. D.

DOLOREM meum, quem ex obitu filij tui accepi, seriùs fortasse testor; sed hoc ideò, quia nec ipse libenter in sermonem hunc veniebam, nec apud te illum refri cabam. An defunx, qui solati sunt? copia tibi amicorum, scio, quos beneficia & merita tua, cùm publica, tuin priuata paraue runt: & quidem magnos principesq; viros. Quidego festinarem interuenire, & nebulam hanc, vt sic dicam, spargere inter eas stellas? Et verè nebulam dixi. nam lucem illam animi, aut alacritatem, ad solandum non adfero: quia & me priuatim dolor ille tangit, vt qui filium tuum amavi; &

I. LIPSI Operum Tom. II.

illum viciuum semper benignum in me sensi, & peramicum. Cùm initio in hæc loca veni, paucos habui quibus nouitas mea niteretur: te inter primos, Vir Amplissime repperi, ad quem acclinarem, & vnâ filium tuum, qui velut manu iniectâ duceret ac commendaret. Ac perpetua deinde nobis amicitia litteris, etiam aliis officiis, culta fuit. An igitur non doleam, in iacturâ & amissione eius, sic immaturâ? ex animo doleo: atque vtinam, vt fluimen in riuos plures sparsum minuitur; sic tuus dolor, communicatus cum aliis, leuior minorque fiat! certè ego quoque inter minuentes essem: ego inter canales, qui exciperem & deriuarem. Sed vereor, vt hoc ipsum augeat, & cogitatio tibi subiiciat, maius illud bonum esse, quod tam multi amissum lugent. Itaque huic parti non insisto: et si in vero amore, & paterno affectu: grande solatium, filium amississe in bonâ & florente famâ. Incerta sunt omnia rerum humanarum. qui hodie virtutem amplectitur, cras vitium potest; qui nunc bene audit, cras male; & nemo liberos vel optimos habet, vt non cum gaudio & metu aliquo aspiciendos. En, magnus ille Deus, tuus atque illius parens, hunc eripuit: in optimo quidem æuo, sed & in famâ optimâ: acquiescamus, & sciamus sic expediuisse. Sic ut hortorum peritus cultor, plantas quasdam priusquam degenerent, euellit, & vtitur; quosdam florum in calice, quosdam & fructuum in acerbitate decerpit, & in mel saccharum recondit: scito sic facere magnum illum mundani horti cultorem, alios aliosque alias carpere, quemque insuum vsum. Atque en, alterum inclusum hinc solatium: Deus facit, Deus tollit. quid mortalis ô homo obstrepis, & voces aut lamenta spargis? Quin scito, nihil ab eo nisi tempestiù, nisi utiliter, & ex salute nostrâ fieri. Certè Christiani sic edocti sumus, vitam hanc esse carcerem, peregrinationem, misericordiarum abyssum: quid ergo querelis prosequimur, quod votis debebamus? Ille obiit? à vinculis ad libertatem iuit. Oblit? à curis & angoribus ad gaudia, vti speramus. Obiit? absoluít iter, decurrit stadium, palmam & coronam habet. Quisquis luget, videat ne ab inuidente propior sit, quâm ab amante. Atqui priuari iucundissimo & familiarie eo aspectu graucessit, disiungi à parte nostri sanguinis, viscera, vt sic dicam, cuelli & in putrem hanc terram dari.

Oo 3

Hi

Hi sunt affectus paterni, non nescio, aut nego: sed Ratio quæ homini propria, & telum in omnia fortuita data, quid dicit? non nōnum esse: legem communem, quam alij subierunt ante nos, nobiscum subeunt; post nos subibunt. Quot parentes orbos vidi, aut vides? & quidem omni stirpe & prole. Ecce tibi benignus Deus alterum ramum seruat; & ex isto ipso iam detracto, fruticem & stirpem. Atque ut diu seruet, supplex eum rogo. Solare te igitur, & occlus ab illo, quem Deus & cælum habent, ad hos mitte, qui etiam nunc supersunt in nostrâ terrâ. Habes filiam, habes neptem: habes ubi cogitatio, ubi & vultus tuus conquiescat, cum à Curiâ & rebus grauibus domum redis. Quin solare etiam te ab ipsâ Curiâ, & sollennibus tuis curis. Ille sapiens & potens noster Rex, ut annos te habuit, arcani, magnique consilij capacem & confortem: in fluctibus tenebrisque rerum, cum alij vacillarent aut caligarent, tu firmus obnixusque stetisti pro Deo & ipso: fer tecum egregiam hanc laudem, si publica non turbarunt, nec priuata dimouisse te à clavo. An iacebis, & in filij iacturâ manum remittes, aut languebis; quem cadens circa te, pœnè dicam, ipsa Belgica non commouit? qui ruuentem in licentiam, & ab hac in exitium, quantum vñâ manu poterat, retraxisti & firmasti? Age vir magne, firma te quoque his cogitationibus: munus tuum inspice, & stationem quam in orbe hoc tenes. Non es tui iuris, vel affectus: Respublica totum te iam pridem habet. Ne deseris id quoque gratum illi filio tuo, qui amantisimus patriæ, è cælo (ita spero) & superis locis, robur tuum lætante oculo videbit, & votis etiam iuuabit. Sed & hoc gratum Regi, Serenissimo nostro Proregi; qui, in tumultu hoc rerum, consilij animiq; tui egent. Ea igitur ut Deus (nam & illius ope opus est) tibi det; Amplissime Domine, toto petore eum rogo. Louanij, vii. Kal. Iulias.

oo. 13. XCVII.

E P I S T . X X I X . Leodicum.

C A R O L O B I L L E O , Ser^{mo} Electori
ab intimis consiliis.

A MPLVM, atque adeò duplex munus à Principe accepi, sed per te mihi missum. Addam & per te datum? non mentiar, & in animo sentio post Principem, & pœnè cum ipso, hoc tibi deberi. Otuam benigni-

tatem, eò clariorem, quò obscuriora mea in te officia! neque id animi vitio, sed occasio- nis aut facultatis inopiam, quâ vsque adhuc fateor & doleo me destitutum. Certè animi tamen testis erit, quamdiu scriptum illud erit, nominis tui insertio in POLIORCETI- CΩN Dialogismos: & alibi fortasse clarius promam, si Deus etiam vitam & valetudinem mihi producit. Ad quam quia Fontes vestri facere videntur, ad eos adspirabam, & simul ad vos, ut coram gratias agere: sed pericula me terrent, & occupatiunculæ etiam tenent. Occupatiunculæ dico litterariæ. nam à publicis aut ciuilibus mihi feriæ: & semper erunt,

—nec ifac

Otia diuitiis Arabum liberrima mutem.

In iis ut securior etiam aut instructior perseuerem, fateor liberalitate vestrâ factum: quam hîc calamo, in animo velut stigmate imprimò, non delendam. Amplissime & Nobilissime Domine, voueo te Principi & rebus diu saluum. Louanij, Idibus Juliis.

oo. 13. XCVII.

E P I S T . X X X . Mechliniam.

NICOLAO OVDARTO, F^a. Canonico,
& Officiali S. D.

E go verò mi Oudarte, te cum Hartio nostro nuper libens vidi, atque utinam occasio sèpè sit huiusmodi sermonum! Ut herbas crescere scimus à pluviâ, sic mihi & huic animo fit à tali röre. Nam te quid amicius? quid Hartio suauius? qui, ita me Deus amet, totus ex leporibus & Veneribus factus mihi videtur. Atqui etiam amicum tertium mihi adiunxit Antistitem Massiū. Vbi is nunc est? si apud vos, ne abeat sine meâ hac salute. Sin autem abest, quæso vel per litteras (nam scribere te arbitror) mitte. Vir prorsus est dignus eo honore, quem bono publico sustinebit. De scriptis meis quod audiuisti, ita est. POLITICA emendamus, quia sic moniti Româ fui- mus: ubi liber ille in pretio, sed quædam quæ apertiùs dici volunt, aut non dici. Fé- cimus: videbis, cum ipse lucem. Augmen- tum tamen nunc ne exspecta: sumus in aliis curis. & mi Oudarte (ut liberè agam, quod apud te non possum, sed debeo) quid valde ad scribendum nos ihuitet? Iudicia? apud exteris benigna sunt, hîc non nisi apud vos paucos. Atque utinam non essent, qui ca- lumniarentur aut præmerent: quod lar- giter

giter mihi factum hos tres annos. Nisi Deus adiuisset, non fuisset resistendo. At nunc tamen caput paullum tollo, & vna ad studia stilumque redeo; & incitat etiam iuuentus, quae hic in nos prona. Si vestri proceres, videbo: & tibi atque Hartio nihilominus debebo, quia beneficia ab animo metior, non a successu. De Rege Galliae, & hoc mirabili eius facto quid censem, quæris. Mihi verò mirabile est, arque etiam laudabile, si rectâ mente consilioque suscepsum. Cur id non credam? multa sunt quae me inducant, quidquid alij diffidant. Regem & Principem eum esse, ac tali animo: quād fæda autem ista fraus, & nullo præmio suscipienda? Alij alia, reges infamiam curant, aut certè debent: quae ipsum apud præsentes & posteros maneat, si iterum mutet. Sunt & alia quae teneant. Maxima pars Galliae, antiquâ in religione: ipsi proceres plerique tales, & præsertim ij qui è cognatione eius, & quos *Sanguinis* vocant. Hos alienet omnes aut offendat? non expedit, non faciet. Et caput denique rei, quod caput religionis nostræ, id est Pontifex, recipere eum iudicauit, & bonis sociare: quis bonus igitur abnuet aut diffidet? Habes breuiter meum sensum. nec tamen dislimulo, hæc non esse pro bono aut augmento nostri Regis fortasse: sed pietas, vt scis, prædit, & primas in humanis dicit. Opto illi salutem, & per eum toti regno. Vale mi Oudarte, cum Hartio nostro, quem censeo & cupio hac ipsâ epistolâ me affari. Louanij, XIIII. Kal. Sept. 10. XCVII.

E P I S T O L A X X X I . OTHONI HARTIO I^o & V. C. S.D.

ANTONIVS verò tuus rediit, qui ita vivinus mihi, vt pænè contubernalis & in eâdem domo censem possit. Sed de domo parum est, animo non emigravit: in quo & ipse fese, & tu eum asseres, qui veterem & firmam in eo sedem habes. De Præsidis in me benivolentiâ & scio, & triumpho: & ab illo igne accensam hanc flammulam, quae in Principum animis eluxit, non ignoror. Egi cum eo de filiis nuper, & dixi quod ipsa res est, ex re eorum fore ut peregrinarentur. Ætas iam adest & paullatim admouendi sunt, quisque ad munia, quod pater destinavit. Ego vrbe hac totâ geste possum dicere, benè, modestè, industrie eos se gerere & gessisse: sed nempe nec in

beatorum insulis inclusum sedere me iuuet, & alaci huic adolescentiæ plura & plures videndi sunt. Absit vt tanti sit vnuis Lipsius, nec vel immortalitatis lege Circe retinuit Vlyssem. Eant, videant, prudentiæ atque etiam auctoritatis aliquid absentiâ colligant: tum ad nos redeant, patrem oblecent, patriam iuuent. Antonium quidem si pater fulcrum &, vt verbo hoc vtar, destinam familiæ destinat: cur tardat? Iam adoleuit, iam & coniugio maturuit, è quo Richardos posteris etiam donet. Hæc ad te, vt tu in occasione apud patrem: cui stare equidem hanc sententiam puto, sed ne labascat, aut nimis protollat. Quod ais de munere ab Aulâ; nosti me, serio, serio paucis contentum, nec inter hiantes illas aues. Quid si tamen obiiciant? non abiiciam, vel uno isto fine, vt hic & in Iscano meo ædificem, alterum necessitati, alterum voluptati. Nam hic pars domus meæ ruinam minatur: Iscanum prætoriolum partim incuriâ collapsum est, partim hostili nuper igne consumptum. Et quād me iuuet tamen secessum aliquem animo & viribus recreandis habere? Spero, Principes mei quae vsui sunt saltē suppeditabunt, si non quae voluptati. At hæc tibi, quid mentior? per te etiam aliis, sed melioribus amicis, si qui volunt & possunt iuuare. Occasionem fortasse breui dedero de me cogitandi, editione *Panegyrici* quem Plinius Traiano dixit: qui diuinus planè liber est, & nouo Principi, Dij boni, quād aptus? Illi Oratiunculam subiunxero, quam hic extemporaneam dixi. Utinam meditationi locus fuisset, dignius aliquid ipsis & me dedissem! nunc parendum fuit, & quærenda non ingenij, sed obsequij gloria. Vale V. C. Louanij, postridie Kalend. anni Sæcularis 10. XC.

E P I S T O L A X X X I I .

IOANNI RICHARDOTO,
Præsidi Consilij Regij.

SVSTINVIE, & cohibui iam aliquam diu à scribendo, etsi animus & caussa impellebat: tamen locus vbi esses, & res in quibus esses, dissuadebant. quid ita? quia casta & turbæ te habebant: & verebar calamo aut verbis tibi obstrepere, inter armorum sonitus & tubarum. Sperabam etiam, breui te ad nos & ad quietem reuersurum: & tunc duplici nomine gratulaturum, & dignitatis partæ, & retentæ incolumentis.

Oo 4

Nunc

Nunc cùm longius id fiat, ego indecorè silere mihi visus, & abrudi, & laxauit frænum affectui, qui gratulari tibi iamdiu non cupit, sed gestit. Caussa publica est, & omnes, atque in iis me, tangit. Rex noster magnus primarium munus tibi detulit, & caput ac præsideū declarauit Consilij sui sanctioris. Liceat dicere quod res est, eras tu iam antè ipsâ te caput, & eminebas: quod prudenter tua singularis, & usus rerum, & dexteritas quædam rara agendi, tibi dabant omnium concessu: sed auctoritas & testimoniū à primo capite accessit, & is tibi præmium diu debitum non dedit, vt hoc quoque verè dicam, sed soluit. Ergo gratulamur tibi, qui in senio iam & ætate ingrauescente conquiescis, tum in factorum conscientiā, tum in Regis testato iudicio: sed magis gratulamur Reipublice, & ipsi etiam Regi, qui tali electione te ornat, illam & te curat vel auget. Beatum statum ominamur, ubi præmia talia ex merito sunt: nec aliud certius optimi & sapientissimi Regis argumentum, quām boni sapientesque ministri. O Respublica, o Belgica propriè nostra, quām eges? Et mihi atque aliis spes accessit, aut potius fiducia, rerum meliorum & tranquilliorum, sub tali Prorege, qualem Publica felicitas dedit, sub tali Præside, qualēcū eadem illi adiunxit. Ut periculum mare, & hiemis tempore, qui ingreditur, consulere & interrogare solet de gubernatore & nauarcho: sic popularium animi intenti, per turbida hæc tempora, in eos qui ad clavum nostrum sedent. Ille & tu sedetis, cum bona Deo: atque vt diu sedeat, & turbas has sedetis, idem numen rogo. Ecce in Galliā res non pro spe aut voto fortasse: nihil est: magni non solum animi, sed fortunæ indicium est, obniti, & non cedere ad incurrentem aut aduersantem aliquam sortem. Vetus illud dictum fuit, *Et agere, & pati fortia, Romanum esse:* est profectò & illorum omnium, qui res magnas animo voluunt. Atque aduersa ista quædam hoc etiam boni habent, vt doceant, aut certè moneant, in posterum non nimis tardare, & occasionibus rerum temporumque vti. Sed quò ego delabor? gratulari solum mihi propositum, toto & effuso animo (velim ipsum videoas) tum & hoc, post publica, priuatum significare, tuis apud me bene esse. Vterque, inquam, filius valet, & magis magisque indies se mihi & aliis probat. Non vt apud patrem hoc loquor, imò

liberalius si non apud patrem. Guilielmus planè etiam se erigit, corpore & animo fit valentior & alacrior, & iam dubitare incipio, vtrum tuorum magis probem. Maneat semper hoc certamen, hæc mea suspensio: & ipsi alios vincant, inter se dubia in faciant palmam. Amplissime & nobilissime Domine vota concipio, vt diu nobis Præses sis, remp. iactatam constituas, & tuos (cùm idonei erunt) admoueas ad aliquam eius partem. Louanij, Idib. Octob. 10. IC. XCVII.

EPIST. XXXIII. Tornacum.

HIERONYMO WINGIO ^{Fr.}
& Canonico S. D.

LEGI epistolam tuam ab ipsâ Beniuolentiâ tibi dictatam. Iamdiu noui hunc animum mi Wingi, nec in pectore solum, sed in vultu tuo habitantem. Dicam tibi breuibus & fidis verbis: redamo vero & pleno affectu, ac Deus mihi det semper & probari talibus, & probare. Doctrinæ partes tuas habes, sed eam solum spectari à me aut æstimari si censes, ah quām falsus sis? Amo candorem, virtutem, & eius studium: cetera huc eant & subseruant, atque ipsa doctrina modò sit ornamentum vel adiumentum. Misera & ambitiosa vita, quæ finem tantum habet scire aut sciri! Multi celebres improbi fuere, & quorum gloriam nihil æmulamur. Sit nobis hīc benè viuere, cum modestiâ & prudentiâ æquor hoc transfire, sæpè tumidum & vndosum: sit ab istâ tranquillitate, ad posteram & æternam beatitudinem venire. Hæc facere te pro parte tuâ scio, & nos conamur: atque isti consentientes sensus firmiter nos iungunt. Quòd autem rogas me, vt ipsum hoc corpusculum vobis sistam: velle bonâ fide, & mecum meditor: sed hac hieme, id verò nō potest. Ne valetudo quidem suadeat, vt scis, tenuis fili & imbecilla. Æstate si possum, faciam: et si compedes me ligant adolescentium aliquot honestiorum, quos in contubernium admisi. Eos solos deserere, & sine capite, scis quām nec ex re ipsorum sit, nec ex honore item meo. Tamen videbo. amoliri hæc onera in istâ ætate velim, & nauibus atque quadrigis, vt ille ait, petere Tranquillatis portum. Vale vir Reuerende & Clarissime. Louanij, postrid. Non. Nouembr. 10. XCVII.

EPIST.

EPIST. XXXIV. *Tornacum.*

PETRO CORETO, *Theologo,*
& Canonico S. D.

NON imposuit is, qui non de memoriam meam tui solum, sed & de affectu narravit. Ita enim profecto res habet, saepè mihi amica mentio aut quæsitio de te fuit, quem in primo illo scholasticæ militiæ tricinio noui, & ex eo firmiter in istâ mente habui inclusum. Renouauit memoriam, & affectum addidit liber, quem pie & eruditè scripsisti in id genus hominum, qui Politiae prætextu pietatem mouent aut eiiciunt: quæ pestis, inter alias, misero quoque hæc æuo nata est, & utinam non viuat vigeatque ubi minimè deberet! Hæc igitur à me in te fuerunt: gaudeo apud te eadem. & quod notitia adhuc aut in occulto amor fuit, age, sit amicitia: quam ego tecum sanctè coeo, & per has litteras pacisco. Spero & coram sermone, dexterâ datâ, me facturum: si Deus valetudinem aut viæ securitatem in æstate annuet. quâ mihi decretum excurrere, & urbem vestram visere, & in eam amicos. Tempora haud læta sunt, fateor: quid si erunt? quid si misericordia nostri ille Deus, inopinatam lucem & quietem; post tenebras & tumultus insanos dabit? Spem fecit, & Iris aliqua à Galliâ apparuit: ô serio & fideliter fiat, & sol ille pacis erumpat! Vale. Louanij, iv. Kalend. Ianuar. &c. 10. XCVIII.

EPISTOLA XXXV.

IOANNI RICHARDOTO, *Praefidi.*

AVDIVIMVS læti de discessu tuo (nec id indignare) non quia ipsum gratum haberemus, sed quia eius causam. Deus bone, quis Belgarum non gaudeat & extiterit ad Pacis illud nomen, tot annos pulsæ & exsulantis? Ad quam procurandam te mitti in primis interest, ob ea quæ nihil opus est apud te dici. Si hæc inopinata lux nobis affulget, quæ exsultatio erit? quæ tua etiam gloria & gratia? Iterum dico, lætor in tuo discessu: quem Deus breuem tamen faciat, celerem redditum det & successum. Amplissime & Nobilissime Domine, abi, perfice, redi. Louanij, iii. Kalend. Febr. &c. 10. XCVIII.

EPIST. XXXVI. *Leodicum.*

MART. ANTONIO DELRIO.

ABIIT muliercula nuper sine meis litteris, sed non sine affectu aut cogitationibus, quas ad te misi. Cur non & illas audi non tua, id est vana & mundana. Nutrias in domo mea habebam: quid hoc est? inquieres: nam liberos non habes, aut qui in domo tuâ te tangunt. Fateor, sed vxor mea in urbe habet, qui sanguine & affectu iunguntur: inter eos sororis filium, qui vxorem duxit, & quidem (ô meam bonitatem!) in meam domum. Ego incepias illas omnes tolerari, conuiua, saltationes, potationes, & si quid adhæret. Beatos vos, qui hæc auditis tantum! & me tamen in propinquo gradu, qui video tantum, ad animum ea non admitto. In theatro aliquo cum maximè tunc mihi esse videor, & spectare non coquor, sed minimum aut Attellanas. O curas, ô occupationes hominum! interea vita labitur, & isti miseri numquam aut raro quid sit verè viuere, nisi cum desinunt, vident. Sed habes excusationem, à te fortasse accusandam, aut ut optimè cedat, ridendam. Quid interea ADMIRANDA tua? dices. Illa sufflaminatur in fine cursus à magno nostro Gubernatore vel aurgâ, cui habenas eorum in manus dedi. Nam ipsi, ut significasse me puto, inscripsi. Ecce autem hæsatio est de Titulis, & utrum illum *Sacra purpurea* omittemus: quod Rex in litteris suis facit. Consului ipsum Aulæ oraculum. dictio[n]em retuli, exspectandum aliquamdiu esse, donec ex Hispaniâ confirmantes aliæ litteræ venirent. Itaque exspecto, & Typographus mecum, etsi non libens. Scis & in ipsâ Præfatione aliquid dicendum aut non dicendum esse, prout Zephyrus ille adspirabit. Publica autem nunc in magnâ & erectâ spe, per colloquia & conuentus hos de pace. Sunt verò, qui & conuexisse iam inter Reges putent, & hæc Parerga nobis pingit. Faxit ille Deus, & quia video in bello nos parum calere, libenter frigus nostrum ducam ad pacem. Huic matrandæ Rex in Britanniam Gallicam copias Hispanorum exposuit ad sex millia, ut dicunt. Hoc non affero, de pecuniâ affero, quæ tandem huc pedem tulit. In mensis xviii. suppeditata dicitur certò, & in singulos ccl. millia aureorum. Ecce Carmen (ad nostra enīm redeo) Burdigalis scriptum in

mor-

mortem I. Spondani; ibi mei quoque men-
tio satis scita, & totum carmen bellum &
eruditum: ideoque ut volebas, mitto. Præ-
fert autorem Ioh. Sammartinum Aquen-
sem. Quis sit nescio, nisi doctum & pium
esse. Dominicus Theologus hic ægrotabat,
aut potius moriebatur tibi confe-
stus. Cetera ferè sunt ut reliquisti: aut si-
quid mutat, per alios hæc scitis. Te vale-
re opto, te publicè dicere & scribere opto,
vti iam cœpisti. Louanij, prid. Non. Febr.
∞. 15. XCVIII.

E P I S T . XXXVII. *Antuerpiam.*

HERIBERTO ROSWEIO, è Soc. Iesu, S. D.

E RGO tu etiam nunc Antuerpiæ? tacitâ
obiurgatione te verbero, quod illîc
tamdiu, & tam propè, & sine alloquio no-
stri. Sed factum nunc tamen, vnaque illâ
epistolâ mihi satisfactum. Scribis N.N. li-
bros te vidisse, atque in iis quædam de me,
alia in me: quid miraris mi Heriberte? Ita
mores & litteratura huius æui est, & præ-
sertim in Criticis, ut vix aliter litare se pu-
tent in his sacris. At vide quâm ego curio-
sus, audieram iamdiu à nostro Orano, neg-
lexi inspicere, & nec nunc quidem te mo-
nente vidi. Quid hoc est? famæ negligen-
tia, aut iudiciorum contemptio? non est: sed
non lubet tangere aut propriùs adstante hunc
morbum, ne & in me contagium transfun-
dat. Appello quicunq; mea legerunt, can-
dorem in iis & benignitatem esse, sine mor-
su directo vel obliquo: vnicam Satyram ex-
cipio, quæ ipsa quid est, nisi in vniuersum
genus innoxius quidam lusus? At ille bo-
nus etiam defensione nostrâ offenditur in
Cruce: quæ tamen nuda defensio est, & scu-
tum modò præfert, gladium non stringit.
Nec stringit vñquam hæc manus, ne in
Germanos quidem quosdam proteruos, qui
stilo me lacebunt. Ego verò extra culpas
non sum, nec extra notas esse cupio: hoc
velim, ut sint modestæ, & quæ humanitati
concedeant, quam profitemur. Tu &
Schottus noster ADMIRANDA valdè pro-
batis: sed ego ipse iamnunc quædam im-
probo, & editio altera emendabit. Suggeri-
te interea, si quid habetis. P. Schottum sal-
uere iubeo, cum aliquâ pænè irâ. Quid
enam ille nimis amicè ADMIRANDA no-
stra apud Augustanos deprædicauit (ex
Velseri litteris vidi) & famam excitauit,
quam non sustinebunt? Comprime meo

nomine, non amorem eius, sed laudem.
Vale mi Heriberte. Louanij, postrid. No-
nas Febr. ∞. 15. XCVIII.

E P I S T O L A X X X V I I I.

IOANNI RICHARDOTO, *Præfidi.*

E GRAVI & grandi legatione istâ te redu-
cem esse, & sic reducem, quis amico-
rum tuorum non gratuletur? imò quis ci-
uium, & mediocriter bonorum, non gau-
deat & gratuletur? Caussa profectò iusta est,
si fuit vñquam; cùm rem perfeceris & ar-
duam, & non Belgicæ solùm, sed Europæ
optabilem & salutarem. Dissidia inter po-
tentissimos Reges, quæ cauſas veteres aut
nouas habebant, quæ variis flabellis etiam
excitabantur: ea prudentiâ tuâ & Collega-
rum, addam & felicitate quadam ac fauore
numinis, composita sunt, & simul tot ma-
la & clades sublatæ, quæ triplicem Gal-
liam hanc vastabant. Et non iure omnes
gaudeamus, gratulemur, gratias agamus?
Facimus profectò, ore & animo; & nos
amici hoc magis, quod iste tam splendi-
dus velut aditus, & auspicium sit, nouæ tuæ
dignitatis. Quomodo magis ea insighti vcl
decorari potuit, quâm tam sollenni hæc al-
ctione? quæ non finibus locorum nostro-
rum aut temporum continebitur, sed in or-
bis spatia & æui totius ibit. Quamdiu An-
nales & rerum memoria erit (semper autem
diuinâ quadam prouidentiâ erit) & inclita
hæc actio, & tuæ in eâ partes ac normen ce-
lebrabuntur. Itaque non tibi solùm hunc
titulum & splendorem, sed etiam posteris
tuis gratulor: qui hanc nobilem famam, &
velut ius imaginis, inter cetera, à parente
fuo habebunt. Cresce animo ô noster Pa-
pes, & hunc quoque longius mixte à tam
felici incepto, quò vota omnium nostrum
vocant. Quò? ad totam plenamque pae-
nam: quam si hilium sapient Bataui nostri, iam
habeamus & fruainut. O non pertinaces
solùm, sed male sagaces! alij præueniunt;
fortasse & præuenient; & portum cùm oculi
cupauerint, patientur in flūstibus vos iacta-
ri. Audite Deum, Regem, nos, qui sic ex
animo cupimus vobis factum. Sed quò
eo? in Batauos affectum mihi esse non ne-
go (qui tamen boni inter eos sunt, atq; esse
volunt) atqué is me à te abduxit: et si hæc
ipsa auersio te spectat. Felicem nostrum
Gubernatorem, si vobis admittentibus & au-
xiliantibus, hoc quoq; dissidium componit,

&

& infausta ciuilia bella ad Orci tenebras relegat! Fiat, fiat: & tibi quoque ouatio ex hoc successu debeat. Ego toto animo Deum illum pacis rogo: & eundem, ut te Amplissime & Nobilissime Præses, diu frui partâ gloriâ, & nouam parere, in fastigio isto dignitatis sinat. Louanij, prid. Kal. Iunias, &c. 15. XCVIII.

E P I S T O L A X X X I X .

I. L I P S I V S
CORNELIO ANCHEMANTO
B R V G E N S I V . N .
IVRISCONSVLTI TITVLVM GRATVLATVR,
ET AD VSVM EIVS PRÆIT.

QVARTVS è meâ domo prodis, qui legum & Iustitiæ sacraria inis: quod felix, lætum, vtile tibi, tuis, patriæ esse, illo animo voueo & opto, quem nosti. Versu & altiore sono volebam, & fortasse debebam: sed ad pedestrem sermonem valetudo mea abiicit, & Spartanos imitari adigit. quos, vt tibia in pugnam, non tuba animavit: sic ego te ad honesta,

Errabunda regens tenui vestigia voce.

Quidni regam? serio nunc hoc iuris & legum pelagus intras: in quo scopuli & vada, imò & Scylla sua & Charybdis est: & quainquam natura & institutio iuuant ac dirigunt, tamen, nescio quomodo, vitio humani ingenij,

— proclivior usus

In peiora dator, suadetque Licentia luxum.

Coërcebo igitur, & quod in me est, efficiam vt verè I.C^{us} sis atque audias,

Candidus, & talos à vertice purus ad imos.

Sicut viatores circulis quibusdam vasa adstringunt atque alligant, ne quid effluat: sic ego palicis monitis tuum animum, ne humor ille melioris doctrinæ, quem combibisti. Tria suggero, ad usum fructumque tituli: SCIENTIAM, ABSTINENTIAM, CONSCIENTIAM. quæ si usurpas,

— ô fidere dextro

Edite, multa tibi Diuum indulgentia fuit.

SCIENTIAM aduers nunc quidem: sed recolenda, atque adeò augenda est:

— dubius vt litibus addere finem

Noueris, & mersum latebris educere verum.

Recolenda primùm. quia vt apud Iudæos illa animalia pura, & sacræ apta, quæ ruminant: sic huius Diuæ aris ille mystes,

qui iura & leges repetit identidem, & apud se colit. Sed augenda etiam. nec leges has solum à Romano principe hauries, sed illas veteres, &

*— tabulas peccare vetantes **

Quas bis quinque viri sanxerunt.

Iuuabit ab ipso capite & origine ius petere: iuuabit longius ire, & Platonis, Aristotelis, Charondæ, Zaleuci, & talium leges addere: quid leges? etiam historias, alia scripta, si qui è Sapientiæ & Prudentiæ libris hauserunt, & ad usum generis humani contulerunt. O suauem mixtionem, & cinnum! Ac sicut lupini, per se amari, aquâ perfusi dulcescunt: sic tetrica ista legum à tali temperie mitigantur. Quod modo & iudicio fecisse, profectò

Attingit solium Iouis, & celestibus aquat.

Alterum, quod suggestum eo, ABSTINENTIA est. quo sensu? vt seriò sis

Vindex auaræ fraudis, & abstinentis

Ducentis ad se cuncta pecunia.

Pestem, dico, illam auaritiae vites, Iustitiæ ipsum exitium & pestem. Thebani olim argutè, Iudicum statuas scalpere & effingere ita soliti, vt sine manibus essent, & oculis auersis: nempe vt ne aurum caperent; imò nec cuperent, & possent eius, quamquam

— ingentes, oculo irretorto

Cernere aceruos.

Iasonas & Argonautas hodie vides? fugi, non ad Astræam, sed ad Medeam & auream pecudem nauigant: quos scænicè, sed verè & liberè tetigit olim Aminianus. Hi, inquit, nec fas ullum præ oculis habent, sed tamquam Auaritiae venumdati & usucapti, nihil preter inseminatam petendi licentiam norunt. Et si quem semel intra retia ceperunt, casibus mille implicant, per morborum aut occupationum simulationem vicissim consultò cef-santes: vtque peruulgati iuris lectio una proferatur, septem vendibiles parant introitus, dilationum examinâ longissima contexentes. Et latuus hic locus sit. quoniam ab isto ferè capite, &

— fonte, derivata clades

In patriam, populosque fluxit.
Sed stringo,

— nec plura adnecto, tuisve

Moribus indubito:

quos puros ab hac labore fore, spondet mihi & altior tua indoles, & ipsæ opes, quarum largiter Dei virtute & maiorum habes. Tertium monitum CONSCIENTIA: & an non in eo omnia? possis includere. Qui hanc,

hanc, id est rectam cælestemque Rationem consultit: Iustitiae sacerdos re, non verbo, erit. nec vt histriones, qui Regum Principes personam agunt, veste, gestu, sermonē similes, introrsum nihil eorum habent: sic iste apparebit

Introrsum turpis, speciosus pelle decora.

Ille vero toto animo & mente Iustitiam diligit, promet, asseret:

— rectique tenorem

Fide etere non odium, non vis, non gratia, coget.

Procul ab eo isti, quibus in hoc studio vnum studium,

Verba dare vt caute possint, pugnare dolosè, Infidias facere, vt si hostes sint omnibus omnes.

Malè, & ô malos! ille Deum, iura, se intuebitur: & finem semper, pacare & sedare. Da vt possit fallere, &

Noctem peccatis, & fraudibus obiice nubem: mundo teste geri arbitrabitur, quidquid supremo illo teste geritur: & habebit imprefsum pectori,

E'stō δίκης ὁφθαλμός, δε τὰ πάντα ὄρα:

Est æquitatis oculus, omnia qui videt.

Satis (vt tempus est) monui: tu tria hæc seruabis, ô noster. Neque enim vnum ali- quod satis est. sed vt in citharâ si vel vnica fides discrepat, concentus & harmonia tota periit: sic Iustitia, si quid horum delin- quat. Non erit, precor & ominor.

— sed, vt altus Olympi

Vertèx, qui spatio ventos hiemesque reliquit, Celsior exsurgit pluuiis, auditque ruentes Sub pedibus nimbos, & cæca tonitrua calcat, si tu super INSCITIAM, AVARITIAM, AFFECTVS, spernes ea & calcabis. Facies quod magni animi scito tuo præfers, PACEM SVMMA TENENT; ita Deus hoc atque alio æuo illam donet. Louanij, III. Kal. Mart.

∞. IC. CI.

E P I S T O L A X L.

ANTONIO WINGIO, Prior
in Abbatia Latienſi.

EPISTOLAM tuam libens vidi, no- tam & characterem animi quem ser- imone nuper expressisti. Quid nisi pieta- tem & modestiam iste & illa spirant: atque ea insita animo, non ascititia aut efficta? Gratulor, moueor, & à contactu isto sen- tio me quoque ad ea excitari & adduci. Ut aqua igni admota calescit; sic nostrum frigus ad hunc ardorem. Et licuit tibi in- ter paucos esse splendido, & vt amici, in-

genium, opes erant, magno: spreuisti & spernis,

— & tud

Virtute te inuoluis, probamque

Pauperiem sine dote queris.

Felicem! & quid hoc est, nisi æternum de- cuss, pro his fugacibus, meditari, & se se ter- ris subductum

Stellis inferere, & concilio Louis?

Atque equidem non te tantum regustare, sed & locum illum videre aueo, pietati & quieti consecratum: qui insignes viros de- dit & dabit, lumina & stellas in tenebras huius æui. Aueo inquam: & si Deus votis meis annuit, effectum hoc dabo, non sine Hieronymo fratre tuo comite, quem in Neruiis videbo. Placet? precibus ergo tuis nos adiuua, vt quod animo volumus, viri- bus possimus. Louanij, Kalend. Iuniis.

∞. IC. XC VIII.

E P I S T O L A X L I.

IOANNI RICHARDOTO, Praefidi.

A BEVNTE ad te Rubenio tuo, mihi in- decorum, tibi inopinatum esset, venire eum sine litteris. Quas haud magno ta- men argumento mitto, nisi illo veteri, (& gaudeo sic semper esse) liberos tuos benè & industrie agere, & viam rectam perge- re ad Virtutis & Honoris templa. Enimue- rò hoc tibi lætitiae & solatio esse debet, in- ter quædam nubila aut tristia, quibus vita humana distinguitur ex communi quâ- dam lege. Sicuti dolens equidem intellexi Cognatæ tuæ fatum properum & impor- tunum, in ipso vitæ & rerum eius flore. Sed quid, nisi pati & modicè ferre, sapien- ti viro reliquum? Est mare quoddam, hæc vita. Fluëtus in eâ assidui, sæpè tempesta- tes: & iterum malacia aliqua & tranquilli- tas distinguit. Felices, qui, vt periti & du- riores nautæ, assueuerunt: nec ad singulas concussiones nauseant & ægredunt. Pru- dentia hoc robur tibi dedit: & confirmare debet etiam dignitas, qui in alto illo pos- tús, vitam viuis in exemplum. Ad quod vt liberi tui adspiciant, & cursum suum di- rigant, Deum oro: & eumdem, vt te Amplissime & Nobilissime Domine, ex voto nostro & publico, diu patriæ seruet. Loua- nij, prid. Non. Sextil. ∞. IC. XC VII I.

EPIST.

EPIST. XLII. Bruxellas.

NICOLAO FABRI, *Moderatori iuuentutis.*

SCRIPPIO tua, Vir optime, affectum tota spirat, sicut & nuper sermo. Originem ei & fontem das scripta mea, & quæ in laudem nostram adiungis: parcè à me agnoscenda, qui nec maxima ea noui; & si essent, à primo illo fonte bonorum manare scio, id est, Deo. Agamemnon ille Homericus hoc ingerat:

* Robore si
valens,
tempore bec
funt mune
ra Diuūm.
* E' μάλα κάρπεγς ἐστι, Θεός πάντοι τού γένεων.

Itaque intra modestiæ limites meritò mestis, nec euehar aut educar vanitatis vllâ aurâ. Atego te coram amauit, & tuum institutum vitæ, quod in iuuentute moribus & litteris formandâ occupatur. Præclarè occupatur, ne ambige. & apud veros iudices, apud ipsum Deum, præmia tibi & laudes, super vulgi istas laureas aut coronas. Quid Respublica omnis sit, sine hâc institutione? quid spei in hâc nostrâ, si ista neglegitur? Imò quia olim neglecta fortasse, hinc labes istæ morum & lapsus rerum, quos dolemus & miseramur: nec medicinam iis ego spero, nisi à iuuentute, id est, aliâ quasi semente virorum, quæ puriter & seueriore disciplinâ sit imbuta. Fac, fac pro tuâ virili, & de patriâ benè merere, in re magis quàm in specie, & bonorum animos tibi sic pignera, meum inter illos. Vale. Louanij, III. Nonas Decemb. &. 15. XCVIII.

EPISTOLA XLIII.

IOANNI RICHARDOTO, *Præsidii.*

FILIVS tuus heri publicè dixit: & quid ego verba faciam? habes ecce testé, imò testes. Ita Deus mihi omnia bona faciat, vt benè, vt optimè dixit, & cum approbatione vel & admiratione (eo verbo vtendum est) auditorum. Nomen in hac Scholâ perperit, quod venturi aliquot anni non extinguent. Gratulor tibi, ipsi, mihi: & Deum precor, vt hæc bona si non auget (augebit tamen) seruet. Te vnâ Amplissime & Nobilissime Domine, communis bono. Louanij, XVII. Kal. anni noui &. 15. XCIX.

EPIST. XLIV. Mechliniam.

NIC. OVDARTO, *I^o & Canonico S. D.*

Ego verò consortem te, vel consciū non quidem vocationis (iamdiu eas I. LIPSI Operum Tom. II.

spreui) sed in uitationis facio: quam mihi pñè decretum obire. An renuam tam amanter elicienti, & quod ipse iamdiu affe-
cto? Nam Italiam, & urbem sacram, in sa-
cro illo anno, videre vetus, & pium est
meum votum. Si Deus vitam, & vires ali-
quas dat, peregrinari certum est, sed in pau-
cos menses. Patriam non deserо, nisi Deus
me ad cælestem illam euocat; quod tam
hîc, quàm illîc potest. Fatalē meam nec
horam, nec locum effugiam. Et ipsa Roma
si mihi sepulchrum sit, quid mali? imò
optandi fortasse aliquid (sepono religio-
nem) homini in Romanis studiis, scriptis-
que versato, & ab iis etiam (ne superbum
sit) laudato. Sed hoc vt Deus, & Parca mea
volent. Interea an non tuo quoque, & ami-
corum concessu, post xxx. amplius anno-
rum assiduos labores, aut scriptiones, men-
ses aliquot valetudini, & honestæ volunta-
ti dederim? mihi videtur: & si ij qui nobis
imperant, recusent, aut tergiuersentur: quid
dicam, nisi immites dominos esse? Sed non
facient. clientes sumus, non mancipia, &
nobis quoque iuris aliquid est in nobis.
Hæc satis maturè ad te scribo: multa cade-
re possunt inter os & offam, vt aiunt: sed
garrire tecum libuit, & primas etiam cogi-
tationes conferre. Eadem hæc cum Hartio
nostro, quem nunc tecum esse opinor, aut
breuī fore. Sed cum duobus vobis tantùm:
hoc rogatus esto. Quid enim opus hæc in
ora hominum venire, & variis iudiciis agi-
tari? In tempore indicabitur, quibus opor-
tet: tu nunc habe, & vale mi optime Oti-
darte. Louanij, xi. Kal. Feb. &. 15. XCIX.

EPIST. XLV. Bruxellam.

HENRICO STRAVIO, *I^o & Canonico.*

ACCEPI litteras, quas Româ ad me Illus-
trissimus Cardinalis Sfortia misit, Deus bone quàm benignas? Nèque enim
diffimulo apud te earum argumentum.
quod cùm cetera beniuolum & honestum
sit, tum etiam in uitationem habet ad an-
num sacrum Sæcularem: quâ equidem eò
magis puto me usurpum, quia spôte propen-
debam. Italianam, & urbem dominam reuise-
re, arcum mihi iamdiu votum est: sed re-
uisere tantùm, & patria mea (nisi Deus, &
Fatum impediunt) iterum me habebit. Hæc
ei respondeo, & sub conditione valetudinis
addico. rogo vt tuâ operâ sciāt, & has acci-
piat: tum etiam Illustrissimo Nuncio cul-

Pp tum,

tum, & obsequia mea deferas, nec consilium
hoc meum celes. Apud alios propalare nihil
opus, quia adhuc iminaturum est, & plures
menses intersunt. Vale Reu^{de} & Cl^{mc} Domi-
ne, & me tuum cense. Louanij, viii. Kal.
Febr. oo. 15. xcix.

E P I S T . X L V I . *Mechliniam.*

NICOLAO OVDARTO ^{I^{as}}
& Canonico S. D.

O MNINO id rectius tutiusque, mi Oudarte, non epistolam nostram, sed quædam fortassis ex eâ transscribere, si tam en vñs ita videatur. Nam ego nec hoc nimis probem, vel ob vnicam hanc caussam. quòd nos procul à rebus constituti, & consiliorum ignari, velut per caliginem iudicamus, & laude aut culpâ prosequimur interduim, quæ neutrum mereantur. Vniuersè aliquid dicere de Rep. possumus: distinctè & ad rem illi, qui rebus miscentur & intersunt. Itaque vt vitâ abstinemus & abiungimur ab hac parte; sic mihi etiam placeat iudiciis, & certè scriptione. Nam de sermone parùm est, qui benè an malè prolatus, abit mox in auras. Quod ad iter meum, iterum miror te dissentire, miror nec tamen queror, quia ab amore esse censeo, non ab animi iudicio hunc dissensum. Et dupliciter fortasse times, siue valetudini, siue constantiæ etiam nostræ. Illi, vt iter parùm toleret; huic, ne precibus aut suasionibus Italorum succumbat. De priore, in manu Dei esse sci mus, & hîc quoque certè non bonam aut firmam eam esse: de alterâ, securum ego te, & per te alios, esse iubeo, tam certus & destinatus redeundi quâm eundi, si vita & spiritus tantum mihi adsunt. Et quæ caussa etiam diffidendi est? ne vocatus quidem olim, & honestissimè vocatus ac reuocatus, parui: nunc mutabo aut nutabo in senio isto, in rebus meis compositis pñnè ad votum? Nam & in stipendio acquiescimus, nec pñnitet gratiæ, quam in aulâ aut apud magnates habemus; & superest etiam fauor & benivolentia iuuentutis. Denique patria hæc est, quâm non omitto aut deserco, quamdiu ea me non deserit aut spernit. Observo te, apud alios ita affirma & loquere: hac in re nihil equidem fallam. At verò peregrinari mihi & vel animi caussâ (omitto religionem) menses paucos non concedere, quæ, vt leuiter dicam, inhumanitas sit? Annos plus triginta iam hoc saxum

volumus, scribentes assiduè aut legentes: corpus fractum, & animus etiam labascit aut fastidit: nemo qui Lipsium amat, arceat eum ab hac breui & honestâ voluptate. Liceat oculos amato aspectu iterum passere, liceat animum reficere sermonibus illustrium virorum. Prodest sanè hoc omnibus, & vigor à peregrinatione sumitur: sed nobis manifestius, quibus continua hæc desidia & pertinacis studij continuaatio, non tristitiam aut tedium solum induxit, sed morbum. Age, patiaris tē vel hoc te lo deiici: & Lipsium si diu esse vis, imò si esse vis, permitte exspatiari, varietate & motu refici, & reddi (ita Deus faciat) sibi ipsi. Vale mi optatissime Oudarte. Louanij, vii. Kal. April. oo. 15. xcix.

E P I S T . X L V I I . *Bruxellam.*

IOANNI RICHARDOTO, *Præfidi.*

CONSILII, quod cepi, consortem facere te inter primos meritò debeo; siue pro cultu quem tibi defero, siue quia eâ res tuas quoque cogitationes in parte tangit. Est autem tale. Instat Romæ annus Sæcularis facer, quem Iubilæum dicimus: ad quem & Religio me, & viri aliquot Principes inuitant. Decreui obire (quod cum bonâ tamen veniâ vestrâ fiat) & hunc capere ante obitum pietatis fructum, siue etiam voluptatis. Non enim dissimulo, suaue mihi erit ea loca olim visa recognoscere: sed & valetudo fortasse melior, per mutationem hanc & motum. Ut aquæ diutino situ vitium contrahunt: sic nostri animi assiduâ hâc vel sessione, vel quiete. Ingenio denique & stilo proderit, discuti nonnihil & excitari hunc veterum, qui, fateor, ab aliquot mensibus me nunc habet. Ista sunt quæ suadent, Amplissime Domine, & rogo vt assensus tui calculus accedat, quo vel solo mihi & aliis decretum meum probem. Cur id non sperem? breuis emanatio erit, si Deus volet, nec nisi mensium aliquot hibernorum. Nam in Autumno proximo ire statui, redire cum primo Vere. Quòd aliquis suspicetur de emanatione aut altiore cōsilio, falleetur: & testor æternum Numen, nihil esse, & si vita mihi adsit, ad futurum iterum vobis sub tempus dictum. Hæc in consilio de me sunt: sed idem, vt dixi, te etiam aliquâ tangit. Nam liberi tui in meo contubernio sunt, atque iis quid fieri velis, in tempore deliberandum est. Enim uero satis diu

cos

eos fuisse in vno loco, sub vnis ductoribus & quasi signis, serio dico; & ex re atque etiam ex more sit, alia aliosque lustrare. Sed nihil praeo: prudentia tua super nostram est, & fortasse iamnunc consilia habes (vt amor & cura paterna est) præmeditata & explicata. Ego testor serio & ex penitissimo pectore, consuetudinem illorum caram mihi esse: & ita se probasse modestiam, industriam, obsequio, vt animo eos induerim, nec nisi fato ex eo delendos. Amplissime & Nobilissime Domine, habes consilij mei summam: quod iterum rogo probari à te, imò & iuuari, si opus erit. quod equidem à beniuolentiâ tuâ, quam eximiam semper sensi, spero aut potius confido. Vale. Louanij, VII. Kal. Maijas. 10. xcix.

E P I S T . X L V I I I . Mechliniam.

O T H O N I H A R T I O , in supremâ curiâ Senatori.

S V A V E nuper fuit, mi Harti, sermonibus vestris, sed & epulis pasci: cur negem? & hilaris illa ac libera per Liberi pocilla diffusio, est vegetandæ & recreandæ nostræ menti. Scis quam adsiduè in tristibus aut seriis curis simus, scis quam sœps in languore & caliginosâ illâ bile: age, vel ex Senecæ præcepto, non solùm consilio, potiuncula interponatur, non tamen ut mergat nos, sed ut curas deprimat: quia & Cato ipse

Explicit vino contractæ seria frontis.

Sed in sermonibus, sedulò tunc agitatum de Recitatione veterum: quam ego laudatum ibam, & pro meo voto reuocatum. Certè si quis mos hodie ytilis, in hac copiâ scribentium aut scripturientium; ille sit, vel sistendis quibusdam ingeniis, vel dirigendis. O quam optabile, etuditorum & beniuolentiū, id est vestri similiū iudiciis sensibusq; scripta & publicanda recensere: quod Recitatio illa dabat, licebatque per eam

Egregio inspersos abstergere corpore nævæ.

Vt videas, cuiusmodi olim fuerit, distinctè dicam: & notâ eâ, non dubito quin in partes & vota mea cum Oudarto nostro ibis. Vetus ea Romæ. saltē inter Poëtas: quod vnum aut præcipuum tunc genus scriptorum: & reperio apud Valerium, *Collegium Poëtarum* iam liberâ Republicâ fuisse. quid nisi ut recitarent inter se, iudicarentur & iudicarent? Et mansit etiam postea *Schola Poëtarum*: quam Martialis nominat bis ter & agnoscit. Ouidius hoc amplius, etiam diem

I. LIPSI Operum Tom. II.

fuisse quo conuiuia annua agitarent, ipsis Liberalibus: & dolet ac queritur exsuli sibi hoc solatij erectū. Scio nos in Batauis olim usurpasse; & cum delectione, dico & fructu, usurpasse. Ab hoc exemplo, nisi fallor, propagata ad alios scriptores Recitatio; siue etiam à Græcis, quos caussas & testimonia habeo, quibus inducor habuisse. Sed unde origo, duplex tamen Recitatio: Priuata, & Publica. Dico illam, quæ domi & inter amicos tantum notosq; usurpata: istam, quæ publicè, inter plures, & ignotis etiam aduocatis. Hæc plus speciei aut ambitionis habuit; illa prior plus fructus, & hæc est quam mihi votum usurpari. Fecit Horatius: qui de se.

Nec recito ciuiquam, nisi amici.

Fecit & Augustus, de quo Suetonius: Nonnulla (è scriptis suis) in cætu familiarium, velut in auditorio, recitauit. Sed Auditoria igitur Publicæ Recitationi erant. cui primus auctor Asinius Pollio, sub Augusto, cum ingenia scilicet florerent, & se efferrent, ac pasim proferrent varios & suaves illos fructus. Is (vt Senecæ patris verba sunt) PRIMVS omnium Romanorum, aduocatis hominibus, scripta sua recitauit. Nota aduocari homines. nam ita solebat: atque ij voce, codicillis, libellis inuitabantur. De voce, ridet ambitionem istam Epicetus Arriani, & verba quoque exprimit: Αὐτὸν μια σημεῖον διελέγομεν τὸ τῆς ὀντότητος Καρδεῖτος: Audi, sodes, me hodie differentem, in domo Quadrati. Atque hoc quidem apud familiares & obuios fiebat; alij monebantur per scripta. Plinius in Epistolis: Nunc otiosissimus quisq; multò antè rogatus, & idem admonitus, aut non venit; aut si venit, queritur se diem, quia non perdiderit, perdidisse. Et clarius alibi: Hunc librum cum amici recitare voluissim, non per Codicillos, non per Libellos, sed si commodum sit valde vacaret admoniti; fædissimus insuper tempestatibus, per biduum, conuenerunt. Distinguit autem inibi Codicillos à Libellis. quia illi mitti ad amicos aut notos solent, vicem epistolæ; isti, sparsim & in publico proponi. Tacitus, siue Fabius, Dialogo de Caussis corruptæ eloquentiæ: Bassus cum toto anno unum librum extudit & elucubravit, rogare ultrò & ambire cogit, ut sint qui dignentur audire: & nec id quidem gratis. nam & domum mutuatur, & subsellia conductis; & Libellos dispergit. Id sic bat, die edicto. Iuuinalis:

— Letam fecit cum Statius urbem,
Promisitque diem.

Pp 2

Vides

Vides breuiter totam scenam ambitionis: quam fatendum est, largiter rei initio optimæ superuenisse. Itaque inuitabant auditum, sed & inducebant & alliciebant, principiis operum publicatis, velut ad gustum. Plinij verbis dici hoc videtur lib. II. Epist. Nec aliâ ex causâ principia librorum circumferruntur, quâm quia existimatur pars aliqua etiam sine ceteris esse perfecta. Domum etiam, ut dixit Fabius, mutuabantur. nempe tenuiores, & quibus à se laxa & magna atria non erant. Nam in iis scilicet recitabant. Iuuenalis:

*Frontanis platani conuulsâq; marmora clamant.
Semper, & assiduo ruptæ lectore columnæ.*

Platanones iuxta atria, & in istis columnæ: quas rumpi dicit à recitante, ob vim pronunciantis, vel plausum strepitumque auditorum. Ita idem de Statio, placente:

frègit subsellia versu.

& Sidonius de quodam: *Hunc olim perorantem, & rhetorica sedilia plausibili oratione frangentem.* Potes & ad diuturnitatem referre, & homines, imò columnas, audiendo fatigatos & fractos. Sed de Domo, idem Iuuenalis alibi:

— at si dulcedine fame

*Succensus recites, Maculonus commodat edes,
Ac longè ferrata domus seruire subetur,
In quâ sollicitas imitatur ianua portas.*

Vbi etiam Satyricè ridet & naso agit excubias, dispositis ad portam, quasi in bello, qui admittant venientes aut excludant. Addit autem Fabius, & subsellia conducti, nimis quæ in atrio disponerentur, sessui, orbe quodam & ordine, ac theâtrico exemplo. Iuuenalis iterum:

*Nemo dabit regum, quanti subsellia constat,
Et qua conductio pendet anabathra tigillo,
Quæque reportandis posita est orchestra can
theâtrum.*

Tria ostendit in his Auditoriis fuisse, Subsellia, Anabathra, Orchestra. Subsellia, in medio ac planicie, atque, ita ut dicam, aquæ atrij: Anabathra ad latera, quæ ad surgent gradarim & per scalas, theâtral more: denique Orchestra, è cathedris, quæ ante ipsum suggestum posita recitantis. De Anabathris, quæ sic in orbe in, aliquid intruere & iuuare Diogenes Laënius videtur in Menedemo. quem dicit fuisse dñs viri, qdà tñc xolm̄s ad xepoegi. Ovn̄ yñ, inquit, m̄n̄ m̄n̄ ñn̄ pñp̄ dñr̄s Bl̄t̄p̄v̄, q̄d̄ bñd̄q̄ wñd̄q̄. dñk̄v̄, q̄l̄ s̄ d̄ ñxas. ñxuq̄ wñp̄t̄q̄. d̄. xñt̄h̄p̄v̄, m̄n̄ q̄d̄ dñr̄s tñt̄v̄ tñ tñp̄t̄v̄ dñxep̄p̄v̄: s̄mp̄lci n̄ḡl̄-

gentia, & eorum que ad Scholam pertinerent, indifferentem. Neque enim erat ordinem aliquem apud eum videre, neque sedilia aut gradus

in orbem dispositi erant: sed ubi quisque ambulans aut sedens forte erat, ibi & eum sic affectum audiebat. Sed & Suetonius in Claudio: quem refrigeratum dicit, cum initio Recitatio-

nis, compluribus subsellis obesitate cuiusdam defractis, risus exortus esset. Si plura subsellia ab uno defracta; nonne consequens est, ex-

structa alia super alia fuisse? Et plane ita:

decorum aptumque ad audiendum: & cur

non vel in Scholis publicis hodie imitan-

tur? Sicut & illa patua Orchestra in thea-

tris fuit: in quâ, primore scilicet parte,

honestiores sederent & velut Senatores.

Aperte etiam Arrianus, in hos ambitiosos

recitatores: Tēto ἡ τὸ θύμα, δε τὴν τὸ χίλια * Suspectum

βάθεα, καὶ τὸ γεγλυπτῖνα τὸς ἀκοσμηθῆναι, ταὶ

οἱ κομψῶν σόλων ἡ τελείων αναβάτα δὲ τὸ πρό-

ένον, ἐγεγένεν πάντας Ἀχιλλέας ανίσθια: Hac ut

fiant, oportet collocare mille subsellia, & uocare audituros, & teipsum in nitida togula auge-

palliolo pulvinum concendere, & describere

mortuentem Achilleum. Qui præter Anaba-

thra siue gradus, hominem ipsum describit

recitaturum,

— peiumque, togaque recenti,

vt Persius: & ascendentem in Pulvinum, siue

vt idem poëta,

— sed legentem Celsa,

in quâ tamen pulvinus, molliori sessui. In

Orchestra cum sedisse, Scholiares vetus ad

Iuuenalis hunc locum scribit: Orchestra;

inquit, spatiū in theatro dicitur, quod Pan-

tomus saltans vacat. eiusmodi autem &

Poëta eligit, in quo stans recitet ante tabu-

lata. Ita haec emendamus, et si non appro-

bamus. & sed sit profecto, non stetit poëta,

atque adeo, vt diximus, in pulvino.

Iuuenalis autem mentem arbitror, Subsel-

lia, Anabathra, & in fronte, ante ipsum re-

citatorum Orchestra fuisse, plane ut in

theatris: ubi inferiore & primore illâ par-

te, primores & Senatores sederant. Itaque

huc cathedras aliquæ dispositæ honestioris

bus, extra auditorum plebem. Plinius de se-

recitatu: Positio ante lectos cathedras amicos

collocari Martialis viuencie.

— circum pulpita nostra

Et steriles cathedras bina sola crepant.

In nostris audioribus poëtarum, nihil lo-

riunt aut ad quæstum, amores, & basitanci-

tum. Reportandus autem cathedras eas Satyricos.

dixit: vel quia usq; rarae, vel quia conductae:

vel

vel denique ab suis locis huc collatæ. Atque hæc igitur in Domibus recitatio: fuit etiam in publico loco, quo? Apollinis templum alij volunt, ex Horatio:

—*hæc ego ludo*

Quæ nec in æde sonent resonantia, iudice Tarpa.
vbi Apollinis Palatini ædem Scholia etiam vetera interpretantur. sicut & hoc eius loco :

—*& vacuam Romanis vatibus ædem.*

Nec refellam: et si de Athenæo, magis mihi liquet. Inno & Horatianus quidam Scholia: *In æde, in Athenæo interpretatur.* Hæreco tantum & quæro, an Athenæum siue Mineruum illud sic Romæ antiquum. Postea tamen fuit, & huic usui frequens. Capitolinus in Pertinace: *Processionem, quam ad Athenæum destinauerat, ut audiret Poëtam, distulit.* Lampridiūs, Alessandro: *Ad Athenæum, audiendorum Græcorum & Latinorum Rhetorum vel Poëtarum causā, frequenter processit.* Ac noto etiam ibi theatraclam illam posituram graduum fuisse. Ita enim Sidonius Athenæi cuneos dixit. & alibi: *Quo recitante, crepitantis Athenæi subsellia cuneata quaterentur.* Nota cuneata, nota & quassa, à plausu & strepitu, ut dixi. Nam hunc mirè captabant. Adsurgebant igitur, clamabant, plaudebant. De primo, Martialis:

Sapiùs adsurgam recitanti carmina? tu fas,

Et pariter gemnas tendis in astra manus.

Quod est hominum scilicet admirantium, & nec sede suâ se tenentium. De clamoribus autem, & qui fuerint, idem poëta:

Effætè, graniter, citò, nequiter, euge, beatè. & sàpissimè, καλῶς, σωφῶς. De plausu autem, passim. Sed pulchrum, quòd conducebant etiam id genus operas, aut iamantè præpararent. Iuuinalis:

Scit dare libertos extremâ in parte sedentes Ordinis, & magnas comitum disponere voces.

Nempe isti Sophos illud acclamabant, & modulatè laudabant, spottulis inuitati & cænis. Sæpè Martialis tangit, & Plinius iunior: qui etiam * Sophocles, & Laudicenos facetè appellat. Addit autem, quòd rideant vel seueri: *Heri, inquit, duo nomenclatores mei (habent sanè etatem eorum, qui nuper togas sumpererunt) ternis denariis ad laudandum trahabantur. tanti constat, ut sis disertissimus.* Hoc pretio quamlibet numerosa subsellia complentur, hoc ingens corona colligitur, hoc infiniti clamores commouentur, cum μερόχοεις dedit signum. Opus est enim signo apud non intellegens.

I. LIPSII Operum Tom. II.

tes. Lepidè, & vel exscribens rideo. Sed de Mesochoris & Signo, Scholia stes Iuuinalis illustrat in Sat. XI. ad verba *Testarum crepitus. Testis nam anteà (inquit) percutiebat saltantibus Pantomimis, quidam huc non erat ut mesocori percuterent manus.* Legendum: quia adhuc non erat, ut Mesochori. Ergo nouitium hoc inuentum, ut ille in medio quasi laudantium & cantantium choro consistet, & manu percussâ signum daret concinendi. Hæc igitur Publica Recitatio, & sæpè vitiosa: in quâ laudes, non iudicia captabant. Sed vtebantur etiam vulgo. ut Ouidius ille:

Carmina cum primùm populo iuuenia legi. Ut Silius, de quo Plinius: *Nonnumquam iudicia hominum Recitationibus experiebatur.* Ipse Domitianus Princeps, cum studium Poëtices ad simularet, recitauit etiam publicè, ut Suetonius scripsit. Sed & Claudius Imperator, *Historiam in adolescentiâ, hortante T. Lilio, scribere aggressus, frequenti auditorio commisit.* Quid, quòd Principes ipsi audirent? magnus studiorum honos, aut calcar. Augustus certè (in Suetonio) *Recitantes & benignè & patienter audiuit, nec tantum Carmina & Historias, sed & Orationes & Dialogos.* Legi alibi, & Claudium Imperatorem vel inopinatò recitantibus quibusdam superuenisse. An non studia atque ingenia, tali auditorio excitarentur? Sed ex Suetonij illâ de Augusto notâ, apparet raro Orationes legi solere; plurimum Carmina, Historiasque. Quod etiam Plinius ostendit, & damnat, epistolâ XVII. libri VII. Poëmata autem, ob suavitatem, recitata & auditæ creberimè. idque Iulio mense maximè vel Augusto. Plinius: *Iulio mense, quolites maxime interquiescunt, positis ante lectos cathedris, anticos collocaui.* Et addit, se versus suos recitasse. Iuuinalis autem quasi ex more notat

—*Augusto recitantes mense poëtas.*

At Plinius iterum Aprilē, ut sollennem, ingredit libro II. Epist. *Magnum prouentum poëtarum hic annus attulit. toto mense Aprili nullus ferè dies, quo non aliquis recitaret.* An quia præuenient, & graue iis exspectare Iulium vel Augustum? an toto anno licet, & solebat? Hæc Recitatio, & usus eius vel abusus. Sed usus in bonâ è profecto magnus fuit: ac verè Theophrastus, Αἱ ἀισθητικὲ ποσὶν ἐμένει τώτερος: *Recitationes pariunt emendationes: quod scitum & breve dictum, Laërtius ei adscribit.* Optima autem ratio, quam

quam Plinius se vſitatum esse refert, lib. vii.
Nullum, inquit, emendandi genus omitto. ac pri-
mūm, que scripsi, mecum ipſe pertracto; deinde
duobus aut tribus lego; mox aliis trado adno-
tanda, notasque eorum, si dubito, cum uno
rursus aut altero pensito: nouissimè pluribus
recito. Macte Plini! hi gradus ad limam
sunt, hi ad vitam: atque utinam nobis fa-
cultas (voluntas esset) imitari! Sed claudio
hoc totum de Recitatione, recitatiunculis
sive fabellis. Seneca narrat comiter de quo-
dam: *Recitator historiam ingentem attulit, mi-
nutissimè scriptam, arctissimè plicatam.* Et mag-
nā parte perfectā, Desinam, inquit, si vultis.
*Acclamat, Recita, Recita, ab his qui illum
obmutescere illico cupiant.* Magis lepidè, pa-
ter eius in Suasoriā pro Cicerone: *Sextilius
Enna fuit, homo ingeniosus magis, quām erudi-
tus, & poëta inequalis.* Is banc ipsam proscri-
ptionem Ciceronis recitaturus in domo Messallae
Coruini, Pollionem Asiniūm aduocauerat. Et in
principio hunc versum, non sine affensi, re-
citauit:

*Deflendus Cicero est, Latiaeque silentia lingue.
Pollio Asinius non aequo animo tulit, & ait:
Messalla, tu quid tibi liberum sit in domo tuā,
videris; ego istum auditurus non sum, cui mu-
tus videor. atque ita consurrexit, ne interfueret
recitationi eorum. quod Cornelium scio: cui non
aquare displicuisse hunc versum quām Polliom,
apparet, quod meliorem quidem sed non diffini-
lem composuit. Intellegit hunc versum:*

Conticuit Latia triflī facundia lingue.

Sed quod ad verba de Cornelio attinet, cor-
rupta sunt; mihi sic emendanda: *consurre-
xit. Huic interfuisse recitationi Seuerum quo-
que Cornelium scio;* & sic cohæreat narratio,
alias soluta aut inconcinnia. Fabellam ter-
tiam Plinius porrigit. *Paffenus Paulus,* in-
quit, *splendidus eques Romanus, & imprimi-
eruditus, scribit Elegos. Is cùm recitaret, ita cœ-
pit dicere, PRISCE IVBES. Ad hoc Fabellam*
Priscus (aderat enim, vt Paulo amicissimus)
*Ego verò non iubeo. Cogita, qui risus hominum,
qui ioci. quod est omnino Priscus dubia sanita-
tis. Concludit, & subiicit: Tam solicè reci-
taturis prouidendum est, non solum vt sint ipſi
fani, sed etiam vt fanoſ adhibeant. Habes, quæ
de more hoc præcipua occurserunt, satis ad
eum noscendum: quid iuuabit? utinam
ad reducendum. Nam mihi crede, hoc no-
stro æuo (iterum dico) vtile; cùm Typo-
graphia statim nos protrahit & diffundit,
nec vel locum pœnitentiae aut emendatio-
ni relinquit. O si igitur Recitatio! sed cùm*

Plinianā exceptione, vt fani aduocent, & ad-
uocentur. Tu diu inter eos mi Harti, & mei
amantes esto. Louanij, xvi. Kalend. Mart.
oo. ID. XCIX.

E P I S T . X L I X. Bruxellam.

Io. RICHARDOTO, Presidi.

C ONSILII mei copiam in hac re filio-
rum tuorum petis, quam ingenuè fa-
teor haud satis mihi suppeditare. Egōne vt
plus aliquid, quām tu, videam? certè absit:
& si meum sensum dicam, vt vis, palam &
sine ambage, hoc quoque fateor, distrahi
cum vtrimeque, & rationibus impelli. Ire
meum posse, & expedire, hæc suadeant.
Primūm communis mos, cui sua certè est
ratio, adolescentes id ætatis in longinquas
aliquas diuersaque oras mittendi; siue vt
linguam discant, mores videant; siue vt iu-
dicia forment, & ex variâ rerum notitiâ ad
prudentiam aliquid addant. Ratio altera
ab eorum affectu. valdè ambiunt, & ve-
reor vt remittant aut languescant in studio-
rum hoc cursu, si stadium hoc iis claudis.
Atque is affectus per se alioqui haud ma-
gni ponderis, tamen id accipit ab exemplo:
quod vident quosdam, aut plerosque, è con-
tubernio nostro mecum ire. Itaque moeſta-
tia quædam ex eo & tedium oriatur; cui
etiam seuerum parentem par sit occurrere
aut mederi. Tertia denique causa aliqua
à me sit. cum quo pluscula certè videbunt,
quām si cum gregalibus suis inceant. hoc
iter. Nec ipsa via otiosa planè aut fetiata
fuerit, sed sermonibus aut monitis meliori-
bus peragenda. Quid quod aditus nobis
(ita spero) ad plerosque magnates erit? quos
preium aut usus sit, vidisse & nouisse. Hæc
in istâ parte sunt: in alterâ, quod reno-
ratur etiam aut sistat. Primūm, ætas illorum
viridis adhuc & planè iuuenescens: atque
expedit fortasse paullò grandiores, firmo
magis dilectu & iudicio, res hominesq; in-
tueri. Alterum, quod non longa emanſio
mea futura, nec nisi ad Italiam, Galliam,
Germaniam (nam & ea loca tangemus, aut
transibimus) libandam & gustandam. At
tu manere & imbui eos fortasse malis, &
seruum aliquem capere peregrinationis fu-
ructum. Est & tertia ratio in animo p. pa-
rentis (qualem te scio) valida. quod casibus
exponuntur, qui itineribus se coimmittunt:
Insidiæ, vis, morbus, fatum denique, ti-
menda; & quidquid in fragilem hanc for-
tem

tem cadit. Quæ eadem etsi domi etiam nos manent; tamen prouocari magis & lassis discursibus videntur, & tristore omnino telo, si euenerunt, feriunt parentes. Hæret illa cogitatio: Cur passus abire sum? cur domi & in meis oculis, aut certè iuxta, non habui? Et quamquam, ut prudentia tua est, scis decteta hæc talia ab æterno: tamen in uno filiorum cum ictum exceperis, & Italia eum tibi remiserit non qualem optabas, iuste in istis timeas; aut si non tu, pro te ego. Quam triste mihi, immo pænè letale, in comitatu meo talè aliquid euenisce? Etsi nolo malè ominari, sed nec plura addere: & rem totam ad tribunal iterum tuum remitto. Ad me autem quod attinet, gaudeo probari consilium, etsi de viribus diffidis. Ego verò spero & opto firmiores eas ipso itinere redditum iri: quod non semel equidem sum expertus. Si etiam aliter est, quid? nonne & hic Parca mea me assequetur & deprehendet? Neque improbum sit in sancto illo conatu nec inglorium in urbe Dominâ mori. Sed diffundor: ego me ante abitum tibi fistam, & Vale etiam illud dicam, in Salve, ut spero, contumandum. Deus faciat, ô Deus: & te Amplissime & Nobilissime Domine nobis servet. Louanij, xiiii. Kal. Iun. 15. XCIX.

E P I S T . L . Brugas.

IANO LERNVTIO suo S. D.

IT A est, mi Lernuti. Romam imus, sed & redimus, nisi Fata aut Vis maior obstant. Animus quidem iste est in patriâ, nec dona aut promissa eum auertent. Quid autem ibi queram? opes aut famam? utraque in hac ætate, quod satis sit habeo: neque illas audiè vñquam petij, & hæc etiam super vota adest. Acquiescamus in partis, adolescētoribus ingenii relinquamus consilia & spes nouas. De filio tuo voluisseim & potuisseim si præscissem: nunc duos admisi, & alter est Audeiantij filius, quem commendas. Sed breuis mea emansio cum futura sit, non video quis magnus filio tuo fructus, etiam si eat. De Itinere hæc sunt: de Iracundiâ tuâ nescio quid significas, neque vñlâ cogitatione indago. Mens hæc sibi conscientia nec facto, nec dicto, nec seipsâ te lassisse: ideoque secura, siue prodis hoc siue tegis. Sed illud facito, & aut purgationem, aut (siquid fortè commisi) satisfactionem exspecta. Vale mi Lernuti, &

nos veteri illo & fido amore anima, eo ipso æternum amande. Louanij, ix. Kal. Iul. 15. XCIX.

E P I S T . L I . Nouiomagum.

IACOBO VWENO S. D.

Et fratrem tuum Henricum iam diu, V. Cl. & te nunc incipio amare. Quid dicam incipio? mentiar, iamantè amavi ex sermonibus tui fratris, & affectu quem litteræ tuæ crebriuscum in me declarabant. Sed hoc voltu dicere, declarare me nunc amorem, cui viam liberam & apertam scriptione tuâ munivisti: per quam licebit multai affectus isti interdum decurrant, & sibi occurrant. O si libertas illa maior etiam sit? si pax hæc disuncta iungat, & unius patriæ quondam ciues factionibus aut partibus non diuellamur! Diuturnum hoc malum fuit, & velut tabes animos consumpsit: sed medicinam tamen nunc speramus, aut æternum deponimus hunc ægrum. Noster quidein Princeps cum illâ consorte suâ aduentat: sed & Germani, ut sagaciores quidam mussant, specie armorum ad quietem & pacem nostram eunt. Fac fac ô magne Deus: & seru si non sanitati plenè, necat vel respirare. Quod autem de abitu meo audisse te scribis, & dolere: nolim sic loqui, nec abiçre ego à meis Belgis vel per somnum cogitaui. Sunto miseri: hoc magis amo & adhæreo, ut solent parentes quoque affici erga prolem imbecillam. Sed peregrinatio dumtaxat propensa mihi fuit à Principibus viris, & à meis suscepta: sed vereor ut verbo suscepta, re non representanda. Ut tibi aperte dicam; valetudo & vires meæ abnuunt: & periculum iam in leuibus motiunculis feci, & non vult caducum ædificum hoc transferri. Quid, quod pestis contagio iam in iis locis est? ut nec si vires cum voluntate conspirent, prouidè aut honestè possim. Itaque iter hoc differo, ad scripta & libelles meos redeo, & quod cœpi in iis pergo. Sum in SENECA expoliendo & illustrando, nec quidquam est quod anteruertam huic curæ: adeò & utilis ille generi humano scriptor est, & intimis sensibus meis carus. Alia, de quibus scribis, non aspernor aut abnuo, sed alias me iis donem. Heus autem, quam tetigit me & titillauit suauiter Pighij nostri intentio! Ergo valet, viuit immortalitate ille dignus senex: valeat, & scri-

P p 4 bat,

bat, planè alter Liuius, *indefessi calami & stili*. Mirabilis vigor in illâ ætate, & quem ego nec voto adspirem. At tu vale Vir Clarissime, & deinceps palam inter meos, ego inter tuos sumus. Louanij, Kalend. Sextil.
oo. ID. XCIX.

EPIST. LII. Bruxellam.

GVIELMO

& RICHARDOTIS fratribus S.D.
ANTONIO

AB utroque veltrum litteras pñè eiusdem argumenti accepi: ergo utriusque simul fas sit respondere, imò decorum, quia fratribus, & domo, studiis, animo iunctis. Gaudeo vos incolumes aduenisse; manere suadeo, donec maneat hñc ^{*pernicio-} illa, ^{sui morbus.}

Nam & nunc perseverat Apollo ille,

^{*iaciens lo-}
^{gloriari,} ^{— βλ̄ον ἐχεδνὲς αφεῖς:}
& funera sunt, et si rariora quam pro vestrâ illâ famâ. Ego verò philosophor, id est, mortem inedito: etiam parte alterâ, quod SENECA me totum habet. Illud opus emoliri si possum (potero si hiemem hanc viuo) licebit in hoc ^{*ορανώδης}, quod duos optimos autores protraxerim, & lucem dedecrim. Tacito & Senecæ: illi ad prudentiam, huic ad sapientiam duci. De publicis, latum Principes aduentare: minis, in castris inopiam, atque utinam pecuniae tantum, esse. Ego verò nec consilij magnam copiam, sed nec concordiae, video: & de magno aliquo successu quid sperem? Vos, si quid amplius erit, scribetis: vel stili vestri causâ, quem exerceri sic utile: sed & meâ, cui gratum à vobis appellari. Valete, salute cum fratre, sorore, Rubenio. Louanij, VI. Idus Sextil. oo. ID. XCIX.

EPISTOLA LIII.

MARTINO DELRIO S. D.

ERAT animus ad te venire, & garrire, ut solebam: domi tenuit valetudo. Garritum tamen non potuit, & vel in chartâ ad te mitto. Docui hodie in Suetonio, & illud in Vespasiano eius, cap. IV.

Id de Imperatore Romano prædictum, Iudæi ad se trabentes rebellarunt: cæsōque Præposito, Legatum insuper Syrie Consularem, suppicias ferentem, raptâ aquilâ fugarunt.

dixi corruptum videri, imò emendaui. An recte? subito incidit, atque excidit: sed tu vel post iudicium meum iudicato. Corru-

ptum, inquam, hoc de cæso Præposito aiebam: nam quis ille fuit? Per hæc quidem tempora Felix, Albinus, Florus: sed nemo eorum cæsus, quod in Iosepho quidem, aut Hegesippo eius interprete legas, qui hæc curiosè & partite executi. An antè alias? de Sabino iniciunt interpretes, aut Metilio: quorum ille sub Augusto turbas dedit, nihil ad hoc æui, & tamen eas ipsas effugit. Alter nec Præpositus prouinciæ fuit, neque item cæsus: ad scriptores illos appello. Itaque vana ista: vide an mea emendatio, *Gesumque Præpositum*. Certe ex historiâ est, & *Gesum* siue *Gessum* Florum rebellantes Iudei fugarunt, & mox Cestium Gallum Syriæ legatum. Nomen gentile hoc rarius aut ignotius, fuerit loco & sententiæ vitiandæ. Sed hoc te post factum consul: illud ante. In codem Vespasiano, cap. XVIII.

Ingenia & artes vel maximè fouit. præstan-
tes poëtas & artifices coemis: item colossi
refectorem insigni congiario magna que mer-
cere donauit.

Coemendi hñc verbum suspectum vel improbum, quidquid conentur. Assero scriptum fuisse: *& artifices scena, item colossi.* Quisquis insolens aut hospes non es in Criticâ, quid crebrius, quam confundi sic & repeti syllabas? quod factum in *coemis* item palam: sic ut litterula à fronte ab anteriore voce sit retrahenda. Frequens, tibi notum: & ipsi item *Artifices scena*, qui sunt Græcis *τέχνη* dionys: id est, scænici actores. Seneca de Beneficiis, Ammianus, alij sic appellant: ipse Suetonius in Julio, cap. LXXXIV. Sequitur autem mox appositè, de Terpno & Diodoro scænicis ab eo donatis. Cap. etiam II.

Infensus Senatui, Caium nequo non genere
officij demeretur.

Non ipse herclè, sed Caius Senatui infensus. atque igitur lego, *infensum*. Cap. V.

Singulos repente ramos à frutice dedit.

Inepte, à frutice non creuerunt hi rami, sed ab ipsâ arbore: ideoque scribam, *ramos an frutices*. Ambigit, quia ex ex imâ parte hæc enata, ramos an verius frutices appellat. Habet garritum: quid videtur? destinata tetigi, an aberraui? dic liberè, id est ut soles. De publicis, nihil: nisi Gubernatorem nouum in finibus iam esse, ô si innouandis his rebus & emendandis! Vale, ego pessimè, cui & destillatio, præter solita mala, accessit. In Musæo nostro, ab ipso prandiculo: nam tale fuit.

EPIST.

EPIST. LIV. Bruxellam.

GVILIELMO

& RICHARDOTIS fratribus S.D.
ANTONIO

ITERVM ego ad vos, & affectus vester,
sed & sedulitas inuitat. Crebri estis in literario hoc affatu: quod delectat, siue quia
grata nunciatis, siue quia qui nunciant, grati. Si negem in animo isto partem vos habere, mentiar: consuetudo inferuit, sed magis honesti studium, quod in indole vestra libens laetusque obseruauit. Id verò educendum magis magisque, & explicandum est;
& semina ista sparsa à magno agricolâ, fo-
uenda & maturanda in suam frugem. Quo-
modo fiet? ipsâ viâ, quam inistis, litteratâ Prudentiâ, & amore serio Virtutis. Alia, mihi credite, sumi, quisquiliae, campæ sunt:
illa sola & hîc vobis

modi cognatorum & usus est, & à naturâ in eos affectus. Quod solatum? Illud com-
mune, sed Deus bone verum, mortales nos esse, & illam atram Diuam cuique no-
strum super caput cottidie stare. Quâm
hodie Louanij experimur! serpit enim et-
iam illa popularis lues; serpit ramen, non-
dum grastatur. Si istud faxit, tum videro
de rusticâ aliquâ domo ad secessum:
quam amanter offerri à Socero tuo, gra-
tum. Nam de tuâ vrbe & domo, absit ut
cogitem. in aliâ occasione & lætiori viden-
di amici sunt; non in hâc tristi & apud
quosdam metuendâ. In SENECAM iam
eram, quem publicè dare molior. sanè
opportunè, & ille me erigit, & aduersus
hâc talia munit. Ille mihi cum poëtâ tuo,
clamat:

*Quidquid habent ortus, finem timet: ibimus
omnes,*

Ibimus: immensis vrbae quatit Æacus vmbriæ.

O caput ô finem Sapientiae, hæc meditari
mortem habere in animo, in oculis; & quæ
ad felicitatem post ipsam ducant, præpara-
re. Faciat mi Bernarti, senes, iuvenes.
neminem ætas immunem facit: & cùm ma-
ti sumus; subiicimur hec: tributor. Vale
cum tuâ tuisque. Louanij, xi. Kal. Sept.

∞. 10. XCIX.

Oudartum illam nostrum saluto, quâ-
tum animo & stilo possum.

EPISTOLÆ LVI.

GVILIELMO RICHARDOTÆ suo S.D.

Tu vero non cessas in scribendo, ergo
nec in amando, & hæc diligentia unde
nisi à me diligentia? Itaque vicem tibi re-
fero. vtique cùm tam bella nunc occasio, &
Scarbergerus à nobis abiret. Sed subito ab-
iret, nec moram indulgeret longæ scriptio-
nis. Quid etiam opus est? breui te vide-
bimus;

* ut mihi
menti Inij-
ciunt dini.

Nam quod feratis illa Dia. vtrâ vos arcet,
nihil est: & nunc (Deus dicto faciet) li-
quida oronia & pura ab eâ apparent. In
Parthos inerit aut Thracas, & Musarum
hanc sedem Æsculapius cum Higelia sua
reuisant, & firmiter colant. Opro. & vos
valere, patrem autem vestrum (si id possit)
reip. immortalem est. Louanij, pñd. Idus
Sext. ∞. 10. XCIX.

EPIST.

EPIST. LVI. Louanij, xxi. Kal. Oct. 10. XCIX.
I. ANO BERNARTIO suo S. D.
In memorie avunculi tuâ causâ dolui, quia
et aguantem tui fuisse dicis; & quia eius-

E P I S T . L V I I . *Mechliniam.*
N I C . O V D A R T O *suo* S. D.

PRINCIPES apud nos fuerunt, excepti pro urbis copiâ, honeste, & certe benevolè: quod & ipsi agnouerunt, ac vicissim affectum hunc rependerunt. In ipsam Academiam & Scholam nostram venerunt: & me etiam audierunt. quomodo, aut quâ occasione? inquies. quam ipsi quæsierunt & suggesserunt. Vocauit me circa vndecimam matutinam ad se Princeps, benignissimo vultu & verbis excepit, de valetudine meâ (insolitum illis) tum etiam de studiis percontatus. Hæc omnia Latinè. tum adiecit, Velle se audire me docentem, &, Numquid post prandium possem? Nihil decorè, aut pro dignitate vestrâ, inquam: sed tamen imperium omne, ut debeo, accipio. Imò fiat, inquit: veniemus. Sed Infante videre etiam vult, illi te sistam. Hoc quoque factum. & ego mox domum, & duabus horis meditor aliquid, & me paro. In scholis Theologorum res gerenda erat, post Actum aliquem, ut loquuntur, Theologicum. Itaque surrexi, & cœpi dicere. Quid? inquies. Präfatus aliquid pro tempore, Senecæ pauca verba è Cap. IIII. lib. I. De Clementiâ, quorum initium: *Illius demum* (Principis) *magnitudo stabilis, fundataque est,* quem omnes tam supra se esse, quam pro se sciant: & pauca etiam quæ sequuntur. Ea, inquam, Senecæ verba, & in iis imunus Principum explicauit. & denique addidi de Fructu qui tunc maneret, nempe Benioulentiâ & Fide subditorum, quam nos Belgæ vtrinque semper erga Principes habuissimus, erga ipsos haberemus. Quid plura dicam? auditu ita benignè sumus, ut Princeps oculos à me non dimouerit, non animo solùm sed corpore in me inclinatus. Idem alia Nobilitas, quæ frequens adfuit: & in eâ Legatus Regis Hispaniarum, vir doctus & in me volens, quod scire te cupio. Ipsa etiam Infans adfuit; quid intellexerit, aut an intellexerit, tu cogitabis. Habes quod hîc gestû, satis raro, imò nullo fortasse exemplo, quod etiam fæmina Princeps in has auditiones venerit. De Republicâ ipsâ melius sperare ego & qui quis prudens incipiat, quia Principes dare se magis suis Belgis & eorum moribus palam incipiunt. Saperent modò Battavi, sese nosque in veterem, id est felicem & tranquillum statum, vindicarent. Vale

L I P S I

vir amicissime, & Hartio etiam nostro scripta hæc sunt. Louanij, pridie diei, qui D. Andreæ sacer, 10. OC. XCIX.

Accepi antequam ob-signarem tuas, quibus amicè inuitas, sed non venturum. Egône ad pomparam, quam hîc iam vidi? quâ magis, quam tu ad nostram? Sed circa Quadragesimam, si Deus volet, cum Senecâ meo Antuerpiam ibo, & (si potest tuò) te amicosq; ibi video: inter eos Cl. Masium, & Reu. P. Sedulium, quos saluto. De Carmínibus tuis, omnino faciendum est: atque ego ad Moretum (etsi nihil opus) tamen vel ex superuacuo scribam. Carminum autem mentio facit & meum hoc mitti, ex tempore nobis inter ignes hîc natum. Et tu, si voles, mitte in ignes.

E P I S T . L V I I I . *Mechliniam.*

VIBRANDO ANSKEMA S. D.

S E R I O mihi placuit in epistolâ studium illud Quietis, quod præfers. O persecuta in eo mi Vibrande, sperne istæc vanâ, &

— omitte mirari beatâ

Fumum & opes strepitumque Rome.

In nobis est, quidquid mirabile: alta & diuina illa pars, quam si colimus, quod hominè dignum est facimus, & meliore illâ origine nostri. Quomodo colemus? virtutis & sapientiæ studio, quò nostra hæc studia nisi ducunt, valdè à recto abducunt. In paucas mentes hæc cadunt: debent in eas, quas benignius sidus nascentes adspexit, &

Quis meliore luto finxit precordia Titan.

De me, ego ex animi sententiâ pollicor fidem & consilium: & apud patrem etiam lenimenti si quid possüm. In ceterum, ut ille dicebat Militemus, sic nostra sit tessera, Sapiamus: & ne calor aut vanitas abripiant. Agam cum Lamberto vestro, & ad me vobabo, ut quidquid decorè à me potest (aliter nolle debes) fiat. Vale tu, & quoniam Deo ita placuit, Tua. Louanij, III. Kal. Octob. 10. XCIX.

E P I S T . L I X . *Leodicum.*

PETRO ORANO *I^o.* S. D.

E go inter eos sum, mi Orane, qui serio & fideliter, quos amant, amant: & ubi occasio est, libenter quod animo inclusum est, rebus factisque prodo. Eò promptius nunc ad te venio, veterem & fidum amicum, opem rogatum pro virginè piâ & honestâ,

nestâ, & de me (ita loquendum est) benè meritâ, cùm apud vos vixi. Ea est ANNA, quæ has litteras tradet: & non litem, sed rem habet, arbitrio tuo cum aliis (sed tuo, ipsâ eligente) commissam. Obscero te, quantum me amas, vt ei quod ius fasque sit (nec vltra) ad sis: & ita censeas, hoc sic mihi gratum fore, vt accepto relatus sim, & meo Codici inscripturus, quidquid in illam amicè à te fiet. Vale, & me adamantino vinculo tuum ama. Louanij, prid. Kal. Febr. 150.

E P I S T O L A L X .

IOANNI RICHARDOTO, *Præfidi.*

HABES ecce Antonium tuum, cur non & meum addam? Formasse me aliquid fateor, amare etiam & curare: atque adeò inuitus pñè eum dimitto, nescio an inuitum. Sed voluntas tua, & visus eius, reuocant: tum etiam vtriusque ætas. quia ille succrescit, nos inclinamus: & interea auctoritate tuâ, velut manu, producendus est, & paullatim ad res admouendus: quò, mihi crede, in doles & natura eum vocant. Habes plures liberos, & gaudium ex omnibus, aut spem gaudij: sed accipe sponsorem me de isto, per vestigia tua ibit. Vero & veteri verbo, lignum est è quo Mercurius fiat. Per egrinatio in Germaniam & Cæsaris aulam mihi probatur: sic tamen, vt non nimis diuturna si Loca & mores videat, linguam disscat: ad Æs redeat, sed Italiâ, Galliâ (si volles & Hispaniâ) obiter lustratâ. Hic deinde ei sedes, vxor, dignitas sint, te conciliante. Vides quò eam? ignosce, si consilium etiam vltò ad te mittam, consilij omnis fontem. Sed amor hoc facit, & cura quam nec in absentem deseram. Atque vt aucupes nobiliores illas aues non patiuntur liberè euagari, sed loro illigatas reuocant aut retinent: sic ego in metiore hoc ingenio, & monitiunculis interdum ducam vel fistam, nec ubi ab illâ veri honoris, vt sic dicam, prædâ aberret. De Guilielmo potrò filio, fiat quod tibi videbitur, aut potius iam visum est: quia nec opinor id immutasse. Itertuum & eius causam, Deus fortunet, qui tibi intimo meo voto, Amplissime & Nobilissime Domine, secundam hanc palmarum, apud præsentes & posteros præbeat, confecta Britannica etiam pacis. atque vt in aī deinde tertiam illius Batauæ, id est, propriè nostræ; ô vtinam! & te gloriosum, nos felices! Louanij, Kal. Martiis. 150.

E P I S T O L A L X I .

NIC. OVDARTO *suo* S. D.

O REMPUBLICAM nostram, vt vacillat aut labitur! & caussas videmus, & mala quæ premunt: sed quid censem nisi fato fieri vt videamus, nec medeamur? Vbi que prouidæ & honestæ voces: res manent, & feruntur viâ illâ, quâ cœperunt, ad. Abrumpo. tu sperare me iubes: ego verò confido etiam, & animo non cadam vel in casu hoc rerum. sed vt amans patriæ ciuis, quām vellem & optarem eam firmari! Quām facile etiam sit, si consiliis sanis reūisque, addam & priscis, vt amemus: quæ alius tamen à me donet. Iamdiu publicè feci, vtatur non vtatur qui volet. Itaque in Plini Panegyrico nihil præter Commentariolum habebis: nihil, inquam, ad Politica, & aliò reseruamus. En querelas. in iis desinis? inquietas. Imò solatium meum vetus & internum hīc configno, in Principum consiliis altius aliquid latere, in tempore prodendum: imò breuî & post Britannicam hanc pacem prodendum. Si nihil est, clamo,

*Spes & fortuna valete,**Nil mihi roboscum est, ludite nunc alios.*

Ephemerides tuae prodeant, & hīc & aliibi certè gratæ. Louanij, xi. Kalend. April. 150.

Qui has tradet, olim mihi hīc bonarum artium partiumque caussâ notus fuit: commendauit Bernartio, & nunc tibi, si quid facuerit ei potes.

D. Consiliario Hartio intimam salutem.

E P I S T . L X I I . *Bruxellam.*ANTONIO RICHARDOTO *suo.*

EN tibi Testimonium: quid opus erat? Ipse à te vbiique dabis. Sed accipe vel meâ caussâ, & vt apud alios effundam, quod parciūs apud te dici aut non dici, disciplina domestica & tua modestia voluerunt. Tu hæc iam nunc vera magis magisque facies, perseverando vel potius augendo. Vale ô mihi semper care. Louanij, Kal. Iuniis. 150.

T E S T I M O N I V M .

ANTONIVM RICHARDOTVM, adolescentem nobilem, Amplissimi patris PRAE-SIDIS sanctioris consilij filium, etsi ab in dolo & moribus suis commendandum, si quis propè noscet;

noscet; tamen eorum mei iudicij ac testimonij calculo producendum ornandumque censui. Quippe à contubernio et disciplina mea, in qua tres amplius annos egit: ita modestè, industrie, laudabiliter, ut mibi affectum sui aeternum reliquerit, et alius famam bonam et exemplum. Obscuros, si qui Lipsij causam aliquid vultis, in hoc ostendite, et ut in mei partem transfundite et deriuante. Falli aliquando in testimonio possimus, fateor:

** namque hominum misericordia est mens, — spem tuam quia te opere avidego, at ille: sed tamen ita de hoc adolescente de quo ingenio eius facto ad virtutem et prudentiam imbibit, ut confidam eum, velut arborem ad flumen irriguam, ad omnem laudem magis magisque resurrectum, et suis honori, patriæ usui futurum. Quod Deus ille donet, quo teste haec scripsi. Louanij, Kal. Iunii. 1500. 150.*

E P I S T . L X I I I . Bruxellam.

FERDINANDO DE SALINAS,
à consiliis arcanis.

*V*IDI litteras tuas, & in iis erga me affectum. vidi inquam: ita calida atque acria verba sunt, è pectore profecta, non nata in summis labbris. Quid nisi gaudere me dicam in tuis iudiciis, & votum apponam, mereri? De nepote porrò quod scribis, ego verò fautor adiutorque illi & fui & ero, quā potero: idque tuā maximē, tum & eius gratiā. nam & ipse per modestiam & industriam meretur. Sed te ipsum non elicit & huc transfēret ista Panegyris? Ad optantes venies, me in primis, qui te, Nobilis & Clarissime Domine, iamdiu est cùm seriō æstimo, amo, colo. Louanij, 111. Idus Iunias, 1500. 150.

E P I S T . L X I V . Bruxellam.

GVLIELMO BREVGELIO Consiliario,
cognato suo S. D.

*I*N reditu vos non vidi, ob caussam quam vxori tuæ nuper scripsi. Neque alia sanè fuit, quā illa: & nos tenelli, sicut iumenta defessa, domum scilicet properamus. De Baronij nostri sollenni die quod petis; ego arbitror non ante finem proximi huius Septembribus futurum: et si hoc non nihil etiam pendet, ut scis, ab arbitrio Doctorum. In tempore autem certum tibi significabo. Auus, pater, amici aduenturi videntur; ut mens quidem illorum erat, cùm reliqui. Nam tempora si quid immutabunt, quis

dicit? non pro meo quidem voto aut sensu ea sunt: & hi tumultus militares tam diuturni, vereor ut in summā aliquid turbent. Demiror, non placari. A Galliā enim nimbi minantur: si vera, quae de bello in Sabaedium audimus. Nam Rex Hispanus necessariò descendet in partes: & nos, si non ut membrum, ut appendix traheamur. Quid precabor? illum vniuersi rectorem & tutorem, ut nos seruet. & sicut Minerua illa, apud Homerum, Pandari sagittam arcuit ab interiori corpore Menelai, cutem dum taxat eius passa stringi: sic nobis salus sit, et si attritis & afflictis. Quam tibi & vxori, Amplissime & Clarissime Domine Cognate, diuturnam & solidam precor. Louanij, 111. Idus Sextil. 1500. 150.

Spero futurum, & iamnunc rogo, ut tu & vxor, & liberi apud me sitis in Encæniis vribis nostræ primâ Dominicâ Septembribus.

E P I S T . L X V . Mechliniam.

OTHONI HARTIO, Consiliario
in supremo Senatu.

*C*VRA quam meritò in tuos, & propriè in hunc nostrum habeo, adegit me pauca ad te scribere, & quasi (da veniam) aurem vellere negotio eius indormienti. De Italicâ peregrinatione loquor. quam si ille hoc anno suscepitur est, quid tardas? Ecce æstas abit, hiems in manibus: & viè difficiles, imò clausæ, si quid etiam protollis. Ipse toto animo eò propendet: quid mirum est? Amat iuuentus peregrinari, & sodalium exemplo etiam incitatur. Sed, quod caput, utilitas eò vocat: & præsertim cùm locus ei sit in contubernio Duodecimuiri illius, amici tui, vbi sine magno impendio tuo agat. Obscurum Harti cogita, vigila, fores ei aperi (liceat ominari) ad dignitatem & honores. Roma multos beavit, & præsertim qui sacræ vitæ, ut tuus, se dicarunt. Vale Vir Clarissime cum Oudarto nostro longum. Louanij, x. Kal. Octob. 1500. 150.

E P I S T . L X V I . Tornacum.

NICOLAO MICAVLTIO V. R.

*T*ANDEM à te aliquid, ego autem vel ipsum te exspectabam. Sed inquisiui, & disco moram ibi longiorem requiri: in qua et si doleam, cur dissuadeam? cùm ex vsu tuo ita sit, & vitæ etiam genus, quod elegisti, velit honestam illam sedem. Age ergo, mane;

in

in diuinis oblectare, apud optimum illum virum, quem iudicio elegisti, & magistrum. Quæ de notis N. N. scribis ad nostram CRUCEM, vt liberè dicam, nulla carum placet, præter de forinâ Furcæ: quam tamen & nos ante Theognidem natum, quod dicitur, nouimus: & videbis in posterioribus editionibus aliquid nos mutasse. Quod superest, Criticam exerceste non omnium est, nec ingenium aut doctrinam solum ea res, sed iudicium, id est animam Sapientiæ, quaerit. In meis rebus, sunt sollempnia. Valetudo tenuis, sæpè prompta abiungere: studia nunc & lucubratio in SENNECA; ab Aulâ subsidia, quæ fuerunt. Nam cur mutent? Historiographi quidem titulo ea mihi data: sed reipsâ velut pensatio aut præmium mansionis, cum Itali, ut scis, maiora longè offerrent. Et animus aut ætas tunc non abhorrebant peregrinari. Sed tamen quod ad Historias, nec ab iis scribendis fugimus (leue nobis opus) si quædam antè peregerimus iam concepta: & tempora si campum aperient liberæscriptioni. Blandiri, laudare, insultare, non est meum, nec eorum quos melior Fama aut posteritas amet. Desboisium tuum semel vidi, iuuenem mitem, comem, & ingenio planè ad virtutem & pietatem facto. Deus illum, te, me ad ista ducat, aut seruet. R. D. Decanum, quantum potest, saluere cupio, cui gratias pro beneficiâ in Hub. Audeciantium meum & debeo, & ago. Louanijs, vii. Kal. Octob. 150.

EPISTOLA LXVII.

GWILIEMO RICHARDOTO suo S. D.

LIBET nec libet scribere, vt rem dicam. illud, ob affectum, qui in te calet: istud, ob languorem, quem epulæ (ô Lipsio dignam caussam !) nobis gignunt. Per hos dies aut conuiuator ego, aut conuiua: & velut Penelopes aliquis sponsus. At tu etiam Solem me facis, & tibi proponis, ad quem Aquila subuoles. De te, agnosco: ferris pulcherrimi amoris alâ ad lucem illam puram doctrinæ & sapientiæ: at de me quid dicam? esse vt ipsam hanc Autumni auram, fuscâ mente & nubilâ, atque utinam melior ille ignis pertrumpat! Sed docti hæc ferimus, & regno subiiciuntur, quod, vt poëta ille ait,

— regibus imperat ipfis.

De puero, quod me consulis; illud mihi,

I. LIPSI Operum Tom. II.

quod parenti tuo videbitur, videtur. Haud nego decorum fore: & veniat cum præscripto fidei & modestiæ, quam debet adferre. Cetera coram. Rubenius noster salueat, cuius uberi & accuratæ epistolæ responsum debeo: sed nunc debeo, nec nomen expundo. Louanijs, iii. Nonas Octob. 150.

EPIST. LXVIII. Bruxellam.

ANTONIO RICHARDOTO suo S. D.

CVM magnus hic amicus noster adesset, dimittendus sine scriptiunculâ ad vos non fuit. Simul & prospera tibi vouenda, cum Amplissimo parente, iam in itineris (ita audimus) procinctu. I mi Antoni, & redi, & negotium tuum in publico isto age: id est, obserua, disce, & vnde hauri quæ faciunt ad prudentiam & virtutem. Vtramque enim debes iungere, & utile te mox pluribus atque ipsi patriæ præstare, ô quam viris & auxiliis egenti! Siquos illuc amicos aut beniuolentes Gallos reperis, quæso salutem & affectum à me quoque nunciato: nominati, si Cancellarius ibi *Bellevarus*, vir merito Galliæ suæ Nestor. Si & Præses fortè Rhotomagensis, *Grollartius*, iam olim supra meritum in me pronus. Mandata alia non habeo, nisi illa sollennia & numquam obliteranda, Virtutem, Doctrinam, me ama. Louanijs, v. Idus Mart. 150.

EPIST. LXIX. Mediolanum.

ERYCIO PVTEANO suo.

LAETVM mihi, lœtum, te muneri huic publico admotum, in quo exseri atque exerceri ingenium & industria tua possint. Fac, dum ætas & occasio adsunt: & gradum hunc sterne ad altius culmen. Neque enim, vt meum votum & præsagium est, hinc fistes. De modestiâ quod polliceris, nimis gratum est: ego eam fulcrum omnium virtutum & vinclum habeo, quæ labuntur aut diffluunt, nisi eâ nixæ, nisi eâ neæ. Ita te attolle semper ab humo, vt absit à fumo. Sicut ille ab igne, oculos morsicat & inumbrat: sic iste ab ambitione, lumen omne mentis. Pinellum nostrum in eo esse vt abeat, doleo magis quam queror. Nonne ætas ei acta est, vt pulcherrimè ac per laudem acta? Vt in scænâ partes qui pergit, personam vestemque ponit, & libens domum abit: sic noster hic animus, à temporario theatro in ætheream illam sedem.

Qq

Ad

Ad quam, mi Puteane, quām pānē ego nūnc nuper translatus? Iuro hos oculos, digitum vix abfui ab iis claudendis. Deflu-xio acris in pectus incubuerat, febricula accesserat, tabes & ~~μαρτυρίας~~ minabantur aut aderant: tamen Deus in gradum me reposuit, et si nondum illum priscum. Vi-res ægrè recipio, & sum, ut ita dicam, medi-us sanitatis & morbi. EPISTOLAS tuas editas libens video: vos breuī CENTV-RIAM nostram tertiam, quæ ad Italos aut Hispanos est, aut siqui in iis locis. Saccum hīc nostrum & te alibi agnosces. Saluere illum iubeo, semper huic animo inclusum: item CLL. VV. Quintium & Septalium, quos vel quia te amant amo. Louanij, XII. Kal. Decembris. 150.

E P I S T . L X X . Leodicum.

IACOBO CARONDELETO V.R. & N.

DELECTARVNT me amicæ tuæ litteræ, & refecerunt in ipso morbo iacentem. Quattuor enim septimanas is me tenuerat, & abire iam videbatur, sed lento & plumbeo pede, & halitus eius etiamnunc afflabat. Sed reuerà tua scriptio recreauit. & sicut nautis vel eminus conspecta Pharus lucem & solatium adfert: sic nobis afflictis etiam absentium amicorum affectus. Redij quidem ad docendi meum munus, sed ad lucubrandi aut scribendi nondum possum: & SENECA meus vnà mecum iacet. Sine vigore, imò sine calore, nihil ego fecero, quod fama aut ævum probent. Sed Deus, quod ex re erit, dabit: cuius voluntati certum mihi meam subiungere, & vocantem sine murimure comitari. Sed hæc priuata. publica nostra quietem & pānē frigus habent, vides. A pace tamen longinqui sumus, & adeò actio de eâ non est, vt vix spes, imò sermo. In Allobrogibus res calement: Montis-miliani arx, situ & ope-re permunita, dedita nunciabatur, non sine macula fidei in Præfecto. Quid hæc ad nos? inquieris. Imò ad nos, si bellum ibi perseuerat: & veremur vnà cum Ibero inuolui, à quo imperio abiuncti, non fœdere sumus. At de Imperatore quod scribis, non ita ~~κρύψοις~~, & iam ante dies octo nobis auditum. Etiām hoc triste vnà, Canisiam in potestatem hostium venisse. Si vtrumque verum, libeat exclamare:

*Πάλε τ' ἀρέστοι τάδε ἔργα; τί πέποιδην ἐνθύμην λέγες;
Nām in Germaniā magni & decumani flu-

* Qualia erunt hec facta quid aggreditur, obhe-ros?

Etus surgent: & quis componet? Distracti animi religionis causā: auersi multi ab Austriacis: & nisi tamen ex iis caput imperio sit, quis limitem tuebitur contra potentem illum hostem? Res intricatae:

* — χαλεπὸν δὲ θεὸν αἰεὶ περιπέπτειν Δίνεται εἴπερ. ^{*-difficile} immortalis diuinum Con-silia explorare.

Omitto igitur, te valere Vir Reuerende & Nobilissime opto. Louanij, vi. Kalend. xbris. 150.

E P I S T . L X X I . Romam.

ANTONIO RICHARDOTO suo S.P.

SVAVE mihi fuit intellegere de aduentu tuo Romam, suave: sed & illud, quod conspecta iam ea plāceat, & animo tuo vnà cum veneratione ingignat voluptatem. Quoinodo non faciat? aut quis honesti ingenij, vetera illa cogitatione recolat, & non locum ac vestigia tot viris, tot virtutibus in seffa, miretur atque amet? Atque ea vtraque, si iudicio inquiris & eligis, etiam nunc sunt; & repieres ex Europā nostrā virorum primos, quos vel pietas, vel negotium, vel etiam voluptas eō traxit. Innotescere te istis, quibus potes, meum consilium & votum sit: atque iis peregrinis maximè, quorum consuetudine aliarum regionum etiam mores atque ingenia condiscas. In ipsā Romā varie quasi peregrinari & circumire te fas est, ab hoc meo monito: quia varij ibi hominum, & compendium Europæ iure dicas. Sed hæc ad te quid opus est? qui fratrem illīc habes in dignitate & prudentiâ, qui te, velut parrens alter, diligit, dirigit & curat. De statu nostro, credo vos illīc, imò scio, omnia audire. et si quid audiatis? quies & cessatio est, & minæ magis armorum, quām arma. non sic in Allobrogibus, vbi Gallo res succedere nunciabatur. Multis importunum hoc bellum videtur, & quod duos magnos Reges iterū fortasse inter se committer. Si fit, nostræ res quo loco? & an non inuiti quoque in partes trahemur, & inuoluerimus? Sed publica mitto: priuata aliquid mutarunt à tuo discessu, & Oranum ac Baronium dimisimus laureâ Iuris donatos. Illum alterum, puto, Romæ iam habes: alterum Gallia elicit, & linguæ causā aliquamdiu tenebit. Cetera, quæ fuere: nisi quod valetudo mea nuper inclinavit, grauiore morbo concussa, à quo etiamnunc titubat & tremit. Te, mi Antoni, valere opto, virtute & prudentiâ crescere in paren-tis

tis tui gaudium & tuum bonum. Louanij, v. Kal. xbris. oo. 150.
Amplissimo Domino Legato, fratri tuo officia & salutem à me velim deferri.

EPIST. LXXII. *Leodicum.*IOANNI ORANO, *Presbytero Soc. Iesu.*

ALVMNVM nostrum fines Italiæ attigisse & hibernas Alpes sine noxâ transisse, volupe mihi auditu est. Amo eum serio, & quod adhæret, etiam curo. Scripsi ante biduum ad illum, & pro illo ad Card. Baronium: id est, ut aditum ad eum habeat, & magno illi viro innotescat. Deus reliqua vota mea audiat, & per vestigia patrui ad Honoris templum, sed per illud Virtutis, ducat. Te illuc in quiete & subdutione esse, equidem gaudeo, & gratulor dicam an inuideo? O beatum vitæ statum, qui h̄c interna gaudia præstat, & postea spondet æterna! At nos iactamur, & publicè ac priuatim circumstrepunt turbæ. Has minuere & lenire consilio licet: in illis, quid nisi tolerare superest? Et piget tangere quæ fiunt, non fiunt: præter spem multorum, etiam prudenter, qui sub optimis Principibus (tales sunt) destinabant sibi optimum statum. Sed Deus est, qui hæc occulto suo decreto temperat, neque abnuit fortasse, sed differt. De Canisiâ, quam in Pannoniâ turpiter amissimus, grande præsidium Germaniæ, credo vos audisse & doluisse. De ipso Imperatore & eius sanitate, fama occulta non bona. O Deus adiuua, & miserante oculo adspice labentem hanc Europam! Idem te Reuerende P. seruet, & mihi veterem & purum tuum affectum. Louanij, postrid. Kal. xbris. oo. 150.

EPIST. LXXIII. *Vesunctionem.*CLAUDIO CABEITIO ^{I^o}.

NON nego gratam huic animo esse satis frequentem tuam scriptionem. Vnde enim ea nisi ab amore? qui ipse etiam gratus, quia caussæ eius laudabiles & honestæ, studium scilicet virtutis & honesti: quod coram in te semper notaui, & nunc perseverare aut crescere potius, ex litteris tuis dico. Perge verò mi Cabeiti, nec huic rei vocem meam aut doctrinam desidera; cùm ipse aut à te, aut ab aliis, abundè quidquid eo facit, haurire possis. A quibus autem aliis? fidis illis verisque doctoribus, id est

I. LIPS I Operum Tom. II.

mortuis: quorum libros, sodes, lege, relege, & in iis præcepta & monita ad omnem prudentiam, atque etiam constantiam, quam animo tuo ire te quæsitum nunc scribis. Turbæ enim, inquis, circumstant aut imminent, & nimbus aliquis à tempestate, quæ in Allobrogibus sœuire cœpit: & credo metum aut vaticinium tuum (nisi Deus tamen illa serenat) non vanum esse. Imò amplius credo, etiam nos remotiores illâ nube inuoluendos, nisi idem ille Deus amo-uet & disspellit. O Reges, ô Principes! cur arma in alium hostem felicius non vertitis, communem illum Christiano orbi? qui nunc per interna nostra dissidia crescit, & in Germaniæ limite firmiter pedem ponit. Nam de Canisiâ amissâ credo vos audisse, & aditu scilicet patefacto in Stiriam, Carinthiam, & finitimas regiones. Tristia sunt, & magis quæ exspectantur: quid solati? quod Sapientia suppeditat, ad quam vnam te mitto, & supremam hanc eius legem, Ex-terna spernere, sola illa animi æstimare. Hæc æterna, illa fugacia: hæc amâ igitur & amplectere, & me vñâ, mi Cabeiti, tui peramantem. Louanij, xv. Kalend. Ianuar. oo. 150.

EPIST. LXXIV. *Bruxellam.*GVILIELMO RICHARDOTO *suo.*

IN hoc certè sensu non aberras. & coram mihi gratus suavisque es, & absensis tui scriptio, quæ velut imaginem tui exhibet ac sistit. Sicut solem qui iucundum habemus, etiam cereum noctu aut candelam: sic in amicitiâ, cùm præsertim caussa aliqua subduxit, grata est scriptio, quæ vicem eius refert. Facile autem de causâ euocationis tuæ suspicabar. quæ tui ornandi & augendi est: & nos gratulamur; & Amplissimo parenti tuo, quas gratias dignas dices, pro re tuâ sic ampliter auetâ? Quamquam ille gratias summas vnasque habet, si ipse in te ornando virtutibus litterisque pergis: quod sedulò te fecisse vsque adhuc, debeo adstipulari. Imò ardorem tuum in hac re & vidi sæpè, & laudaui: quia nihil nimium h̄c potest, & valet illud ~~παραμετίς~~,

* — ἀνέγει λαβε, νῷ μέσον ἔγεισ. * medium
Idem ille ardor te breui ad nos ager, puto & os tenet,
cupo: & exspectant te epulæ nostræ, id est, capi sum-
pastus illi animorum. Veni, sed prius. mnum.

* — τὸ δὲ μοι χρήματα ἔλθωρ, * desideriū
vt cum Homero dicam: & has litteras in istud perfec-
nostrum.

Qq 2

Sequa-

Sequatos tuos ferendas certo alicui homini committe. Vides cui inscribantur. & is iam s̄æpiculè ad me scripsit, & affectum & gratitudinem calidè expressit. De publicis, pauca tu & dubia: nos h̄ic certiora, de Allobrogicis quidem rebus, quæ Gallo fluunt valdè secundæ. Arx Montis-miliani dedita est xvi. Kal. Decembres, & conditiones habemus expressas: quid expressas? etiam impressas (liceat cum vulgo loqui) Lutetiae: idq; cum veniâ vel auctoritate Senatus. Utinam pax excipiat hæc turbida, & nobis metuenda, si perseverant. Tu me & honesta amare. Louanij, xiv. Kal. Ian. 1501.

E P I S T . L X X V . *Mechliniam.*I. B E R N A R T I O *suo*, S. D.

VOTA tua vti animo signasti, ita eodem accepi: & Deum precor, vti ea & solui velir, iterumque signari. Valerudo quidem nunc paullum surrexit. nam iacebat, & infra humum adeò imittere minabatur: nisi potens ille & beneficus Deus respexisset, & salutari manu erexisset. Itaque solita munia, id est studia litteraria, me habent: imò ipsæ litteræ, quas sparsas colligo, & paullatim editioni apto. Italicæ & Hispanicæ iam lucem intra duas tréscæ septimanæ videbunt: & ego plausum an sibilum, quo publicè excipientur. Ut ille aut hic erit, pergam, resistam: et si animus trahit ad Gallicas & Belgicas, quas item concinnaui, & vt sic dicam, corporaui. Sed heus mi optime Bernarti, an sæculum è vocat? Nam certè

*civilia passim**Bella tonant, trepidumque quatit discordia mundum.*

Nisi quòd Sapientia tamen firmat, & nauim hanc nostram, inter medios fluctus, rationis illâ anchorâ sistit. Cuius beneficio claimem:

Expers curarum, atque animum virtute quietâ Compositus, semperque meus.

quò eodem te voco. Quid tu Boëtium illum, verum Sapientiæ mystem, tenebris damnes: cùm eius maximè nunc usus, & ignes isti passim accendendi sint, ad trepidos vel naufragos dirigendos? Hoc facito, & quod facis ne omittito: vt capax tua mens est, utrisq; curis sufficiat, & in fructum huius atque illius æui. Ita valetudo tibi faueat: ita

*Troica vincas**Secula, & Euboici transcedas pulueris annos:*

Louanij, v. Idus Ianuar. anni 1501.
Tuam saluto, tuos amplector: & vtrumque Oudarto nostro.

E P I S T . L X X V I . *Dolam.*

ANTONIO BESANCENOTO S. D.

LIBENS epistolam tuam vidi, & in eâ animum sic erga nos affectum. Iuuat habuisse in disciplinâ gratos & memores, & qui in seriis artibus ita promoverunt, ut patriæ, amicis, sibi, visu decorique esse possint: & vos (nam & fratrem includo) futuros non dubito, si fastigium & culmen imponitis ædificio iam pænè exstructo. Quo equidem hortor & impello, & delectatus ingeniosis vestrīs semper, delectandus & honore ac commodis, quæ vos manent. Quod ad publica, nusquam hercules læta aut ex voto sunt. nam de nobis quid dicam?

— vicina pericula surgunt

Vndique, & impositi radiant cervicibus enses.
Bataui & Britanni obdurant, & ad nomen omne Pacis aures animosque claudunt: imò palam noua arma & noua foedera parant. Nam & Mauretaniae regem, qui legatum in Britanniâ habuit, aiunt trahi in partes. At Gallia magis prudentes mouet aut turbat. Disiungitur ille Rex? quæ salus nobis vndique sic cinctis? Et ne disiungatur, magnus iustusque metus est, si bellum hoc Allobrogicum vires sumit & perdurat. Sanè vos vicini, &, quod caput est, soli: nisi spes in Heluetico foedere sustentat, quod Galli haud temere ibunt violatum. Sed quid ista? abite tristia, spei lætam toto sinu admitto & excipo, & nuncios qui iam nunc nos adflant de Allobrogicâ pace. Pontificem valdè niti, id certum est: vt perficiat, non Belgicæ solum nostræ, sed Europæ ergo, Deum veneror & rogo. Barbarus in istâ pedem valdè promouet, nisi foedere & viribus iunguntur Christiani. Fiat, fiat, & mecum vouete, & tu fraterque saluete. Louanij, xvi. Kal. Febr. 1501.

E P I S T . L X X V I I . *Romam.*FRANCISCO ORANO *sua.*

BENE est, te meas accepisse: optimè, te valere, & vt video, in Româ tibi non disPLICERE. Ego iamnunc binas tuas: sanè gratas, non mentior, & audire te iuuat (quem animo huic indui) cùm te non possum. Constitui etiam paullatim à te rem fami-

familiarem & disponi, approbo: & cā si te honestē tolerare potes, (vt puto posse) non equidēm auctor sūm in vincula te des, etiam si purpurea, imō aurea, parentur. Tibi viue, Deo, & studiis; ac Fortunam augurāmur non defore, Oranis in eā regione amicam. At tua regio, id est, Eburones, vereor vt diu sit in tranquillo: & nubes cogi, & turbines inflare incipiunt, etsi occultius. sed plebem tuam nosti, & quæ semel mota ægrè sedeat, & accipiat frēnum. Nescio quid cūm vicinis Gallis quidam clām pacificantur aut machinentur: speramus impeditum aut dissipatum iri, & Princeps ipse aduentat. Non nobis, non vobis expediāt (præsertim vobis Clæflicis) si quid infimates isti turbellarum cicant, paratis aliis longiū ducere, & catenam aliquam necēte malorum. At Deus auertet. sicut audimus nimbos illos Allobrogicos iam posuisse, & optātam pācem omnia serenasse. Et hercules cā opus in Christianā republīcā, nisi consultō eam barbaris proditum imus, qui in Germaniæ limite mirum quantum inualeſcunt. Scimus & adſiduē audiūmus curam in hac procurātione summi nostri capitū: quod Deus seruet fœderi alicui inter Reges ſanciendo, ipſi gloriā perpetuā, nobis bonū. Sed ad priuātā Antoniū nostrū ibi esse, gaudeo: & potes honestē ac iucundē eo frūi. De altero, qui omnia magna iāstat, quid dicam nescio, niſi ingenium non deinutasse: quod vtinam ſemel firmiter liget & occupet in certo genere vitæ. Te inter eos esse nolim,

*Quos tulit ad ſcēnam ventoso gloria currū:
firma & ſolida appete, idque virtute & do-
ctrinā ducibus, quō tui te vocant. Vel pa-
truum cogita & æmulare, nauis tua eſt in
portu. Vale mi Orane, & in Occaſione (nam
otio nolo dicere) ad nos ſcribe, atque etiam
publīca, quorum illīc eſt ſeges. Delectari
nos ſcis, quamquam quies habet.*

*Et ſecretum iter & fallentis ſemita vita,
Louanij, xi. Kal. Febr. ̄. 15C1.*

E P I S T . L X X I V . Brugas.

EVCAE WYNGAERDO, V. N. S. D.

Q uod Audeiantius meus, de voluntate mēa & ſtudio promiſit, in te quam petebas: id ex animi mei interioris ſenu fecit. quem fortiter affirmo ita etiam in funerium & beatum nostrū Busbequium propendere, vt nihil ſit quod mea copia

I. LIPSI Operum Tom. II.

poſſit, quin ultrō velim honori ſive memoriæ eius delatum. Oblitus ego ſum fidi illius in me affectus? oblitus prudentiæ, virtutis, & quæ hæc condiebat, doctrinæ? Non fuit, non erit: amo, ſuſpicio, in pectore & ſæpè in ore gero virum, quem inter æui nostri primos vero elogio eſt prædicare. Itaque & faciam libens, quod petis: & tibi heredi amici nostri amicitiam etiam ultrō defero, & voſo in conſortium iuris, quod cum illo ſanctum mihi fuit. Si voles, iam nunc

— collato pectore mixtos

Fungat in abrupta Concordia longa catenā.

Fiat atque ita ſalve. Louanij, prid. Kalend. Febr. ̄. 15C1.

Carmen adiunxi in noſtrum amicum, ſed breue, leue, & vno verbo ſubitum. Nescio an aliquid Audeiantius meus, quem à probitate & ingenij dotibus commando, Brugis vestrīs non indecorem futūrum.

I N

A V G E R I G I S L E N I B V S B E Q V I T R I S T E M , M O R T E M , E T S I T V M .

A VGERIVS iſtic eſt ſitus BVSBEQVIVS,
Quis ille? quem virtutis & prudentiæ,
Habuere carum, gratiā, ipſi Cæſares.
Hunc aula eorum vidit, aula & extera
Afīæ Tyranni. quæ virifelicitas!
Probauit hac, & illa. in omni tempore,
In munere omni, Nestorem ſe præbuit
Linguā atque mente. Iam quies eum ſibi
Et patria hac ſpondebat: ecce ſuſtulit
Viā per ipsam miles incertum, an latro.
Sed ſuſtulit, ſimulqué fidus Belgica,
Quod nunc choreas fulget inter aſtricas.

I. LIPSI Operum magno amico
exiguum monumentum P.

E P I S T . L X X I X . Bruxellam.

*F E R D I N A N D O DE SALINAS,
& consiliis arcanis, & maritimis.*

*I*n dono miſſo ego donum à te accepi, tam amicam epistolam, tam benignam interpretationem, & mei meorumque æſtimatiōnem. Quæ ab affectu grata habeo, & admitto: à re & à iudicio equideū rei- cito, qui probè ſcio non me, non mea tantū eſſe. Sed incitamenta hæc magis ſint, quam testimonia: & certè grata, à tali viro, à tali animo profecta. De republīcā noſtrā, quis tecum nō dolet, & instantes etiam nimbos videt? valdè augendos, ſi pax illa Gallica,

Qq 3

non

non coit, & bellum in Allobrogibus perseuerat. Regem enim Hispaniæ misceri, aut miscendum, omnis ratio postulat: & si illum, vereor ut nos, qui ita seiuicti sumus, vt tamen ab eo deuincti pendeamus. Sicut maiori naui cymba sua adhæret & sequitur, sic dixerim h̄c esse. Enim uero in consilia aut actiones Principum non temerè me immitto aut penetro: sed tamen an pro re Christianâ, an pro tempore præsenti, & certè statu nostræ Belgicæ sit, grande illud bellum suscipi, prudentes controuerstant. Quantumuis potenteim regem pluribus simul inuolui & distrahi, non è re videatur, neque exemplo Principum, qui consulte & feliciter imperarunt. Sed quid hæc ego? apud me maneo,

— nec aternis minorem

Confiliis animum fatigo.

Reuerà enim hæc à supremo rege & fato sunt: iure nobis non æquo, & assidua magnaue hæc vitia

Iustificam à nobis mentem auertere Deorum.
Te valere, Vir nobilis & Clarissime ex animo opto. Louanij, III. Idus Mart. 1501.

EPIST. LXXX. Mechliniam.

NICOLAO OVDARTO V.R.S.D.

SILVI equidem ad tuas vltimas: sed nec rei multum erat, & occupatio aut & languor me habebat, ab his cibis, qui vires aut spiritus corpusculo non addunt. Rogabas de Nummis tuis: quos vedit & ordine lustrauit Nicolaus Rokoxius, vir vt morum, sic artium veterum; sed negabat electum aut rarum aliquid esse. Idem ego censeo, & gratos tamē habeo, quia ab illo Ovdarto, qui non hæc sed animum, scio, ipsum mihi donet. Momus ille olim in fabricâ humani corporis requirebat, fenestras non esse quis interiora pectoris lustrarentur: in te nec illeipse desideret, si candidum illud tuum probumque norit, & oris, vultus, animi consensum. Sed hoc de Nummis: de EPISTOLIS Belgicis vrges, & vereris ne (vt tuis verbis vtat): Lethæis tandem aquis mergam: Non hercules faciam, & legi vel amicorum caussâ ac viuere cupio: sed meâ etiam caussâ adhuc premi. Sunt mihi aspectus vel metus certi, quos haud facile etiam pello: si inclinatio aliqua aut p̄petræ rerum sit, decidam. Imò & si ea non sit, & spe meliorum semel sublatâ, mapam iis mittam, Annatus noster iam diu ia-

cuit, reprehendam, & illi quoque faciam lucem. O quando ea patriæ nostræ!

*Non semper imbras nubibus hispidos
Manant in agros:*

canit Lyricus: & nos ergo serenum aliquando, ex rerum lege, speremus. Deus donet, & te mi Oudarte seruet. Louanij, VIII. Kalend. April. 1501.

EPISTOLA LXXXI.

FRANCISCO MONTMORENCIO,
Berseij Toparchæ.

VERSUS tuos cœpi legere, id est, mella & fauos gustare. Non mentior. suauia omnia sed cum punctiunculis, sine affectatione polita, sine scabritie antiqua. In quibusdam inuentio aliena est, sed quam facilitate ita tuam facis, vt surripere vel ipsis possis, nec ausint vindicare. Si ausint, iudex aliquis captus contra eos donet. Ego pro gemmeis istis vitrea mea mitto, EPISTOLAS, quas amicorum nescio an consultus fauor edi expressit. Sed factum est tu donantis saltem animum, si non donum, ama: & vt aliis, non illo me vinces. In Musæo nostro, à meridie scripsi.

EPIST. LXXXII. Traiectum.

MAXIMILIANO SESTICHO
Canonico S. D.

ET donum tuum gratum habui, & litteras gratissimas: quæ vtraque amorem tuum, istæ & gratitudinem miram referebant. Gratularis tibi, & gratias agis, pro manuductione & doctrinâ, quam hausisti: & maximè in Sapientiæ studiis, quæ æstimas, amas, & amplecteris, vt sic dicam, vtraque manu. O suave mihi lectu, te sic affici! Atque vt ille Darius, aperto malo Punico, gratisque vbertim effusis, rotidem sibi Zopyros optabat: sic ego mihi discipulos, eâ mente, & eâ curâ. Amœniora studia tractare & præse me, fateor: sed Numinen testor, eo fine, vt via ad sapientiam & medicinam illam animalium sint: non vt occupentur ibi ingenia & adhærescant. Itaque in ipsis lectionibus hæc talia aut misceo; aut ex professo etiam tracto, vt in Senecâ nostro, te audiente, factum. Quem virum amare te ita suadeam, vt ipsam Sapientiam: quia reuerâ ille

— iudice me pulcherrimus auctor
Nature verique.

Acer

Acer in scriptis; & verba in animo, non à summis labris profundit; stimuli & subiti ictus sententiarum, quibus qui non excite-
tur, non inter frigidos, sed mortuos, à me habeatur. Enimvero alta illa & Prouiden-
tiā, item vitiorum odium, & rerum ex-
ternarum contemptum, nemo magis infi-
derit: nemo, inquam, ex omni gente aut
æuo, cuius scripta quidem existent. Itaque
moliebar illum correctum & beriter illu-
stratum hominibus nostris dare: sed resisto
aut reuocor, cum æuum video magis ma-
gisque turbidum, & talibus non dicam
auersum, sed inimicum. Heu Belgica! non
res & opes tuæ solūm, sed mores & artes la-
bant aut rubunt. Fereandum est, philoso-
phantum est: quò de, et si initiatum, voce
& corde, mihi scistichi, voco. Louanijs, Kal.
Aprilib. aequatoris 11. 1601: ad. 1602

E P I S T I C L X X X I I I . B r u x e l l a m .

N I C O L A O D E W E E R D T, *et cognato.*

V IDI quæcum fabro hostro egisti, &
simul ab eo qui litteras tñplit, intellexi
Gratiam tibi debeo & præ operâ, & pro
successu. Nam ego eousque rem deductam
gaudeo, acutu sùs Hædonicum nobis in
hâc parte non faueat: & villâ venditâ aut
alienatâ, actio in personam periusset, per
sententiam parta. Itaque transactio vñlîs;
& præsertim ista, inquâ, etiam re certâ, al-
quis acquiescat. Ergo approbo acta, & hoti-
tor ut finem affirmatorem impñnas: id
est, ccc. illos accipias, anno tamen excesso
pro vestigalisi quod nunc pedit. De quo ipso
pacisci tibi permitto, vñ semel & vñperi-
se finiamus. Pararam pecuniam existimor
& tu eam recipere: quod bic etiam auctor agit
ad iudiciorum dixi. De horio quod imilicis,
ut rem suauem & dñeabilen: ita sanè
fuit, sed suis. Nám nunc, o funera, loquac-
hiens ista dedit! Clades Canicensis est, ut
sic dicamus, in meo horio: flores prostrati;
occisi, & vix tercia pars superto scopiarum.
Quid tamen, etiam amico aliquid supera-
est interiori, & tibi. Veni, atque illos vide:
vñorem & liberos adducito, quod te sub
hoc festu in Pascharis valde rogo. Feriæ ibi
erunt: acque cas apud me postulum vñfor-
pa. Domus mea nunc laxior, & pars eorum
abiit, qui stipabant. Vale. Glor. D. Cognato,
cum vñore carissimâ, qdam amicis salutato:
Louanijs, III. Idus April. 1602. m. sup

E P I S T O L A. L X X X I V.

I O A N N I R I C H A R D O T O, *Præsidi S. D.*

V IX legi litteras tuas. (o humanae & be-
nignè scriptas!) & calamum sumpsi,
atque huic chartæ improssi, & simul meam
mentem. Etsi quid opus erat? clarè & ve-
rè scripseram, me eam rem facere arbitrij
tui. Enimvero, Deum testor, adeò gravis
tuus non es, ut gratus iucundusque sit, istâ
indole, probitate, comitate: quibus non di-
gam mercatum, sed & vxorem cepit, ita
ut cum eorum eximiè habuerit atque ha-
beat inter omnes. Haec res est. & si quis
Deus mihi tales in contubernio semper
spondeat: semper admittam & habeam,
cum mea voluptate, cum illorum fructu.
At hodie quâ multi alij, & idèò mihi
mens alia, & post horum discessionem (non
enim dimissionem) certum mihi ad quic-
rem & solitudinem redire, nec prece vel
auctoritate aliò flecti. Sed de tuo tamen
quod subinonueram, id ipsius causâ, non
mea factum. Ecce Vir Amplissime, arca-
tem habet, apud me annos paullò minus
quinque tegit, in studiis optimam viam fir-
miteriam ingressus: quid supereat, nisi vi-
te volente alia etiam loca hominesque leui-
ter videat, vñsum aliquem & peritiam han-
riar, tuum redeat, maneat, te oblectet. Co-
gitabam & de Antonio tuo-meo (paterem
me sic loqui) qui iam quod satis sic Italiano
forasse histravit: & tan non illo rêuocato,
hunc vicarium dare, ex vñsu vñriusque esset.
Nepotes quidem & florenteam familiam
habes, sed adhuc è sexu altero, & qui no-
men tuum ad posteros non propagari: no-
strum illum cum pari suo iungi, paullatim
ad res adipoueri, non dicam consilium,
sed est meum votum. Habes liberè (ita
imperabhs). interioris mei animi sensum:
quem ut latrem in exortib; tibi tuisque devi-
ctum denicas, Amplissime & Nobilitati
mea Damne trogo. Louanijs, IX. Kalendi
Maii. 1602. m. sup. m. sup. m. sup. m. sup.

E P I S T I C L X X X V. Romam.

I O A N N I H E M E L A R I O *suo S. D.*

I ACES mi Hemelari, non oportet. Dij
boni, tale ingenium? vtinam te sine su-
perbia notis! Sed erigere, & fiduciam à vir-
tute sumere! Quanto alij altiores, qui non
dignitatum: sed desino: me audi; & mo-
destiam

destiam ita ama (caput virtutum) ut ad ueroduplex illam, & sui contemptum non descendas. In saeculo isto multi forti, multi fuci interueniunt: non fugabunt bonas vtillesque apes. operas tuas exerce, & iu aluearibus mella conde. Vbi illa sapientiae praecepta, alta, sed o vera?

Quem neque pauperies, neque mors, neque vincula terrent.
te vultus adductior, aut sublimior, te fastus aut fastidium alicuius contubernalis? Omitte nugas, & totum hoc viuere spinas & aculeos suos habere scito: sed iis maxime, qui velut vltro ingerunt se & opponuntur. Quedam non videnda, non audienda sunt: & si sunt, transmittenda vt venti. & quid aliud sermones sunt? Numquain progediatur, qui tunide nimis explorat omnia & reficit. Bonus animus & sibi conscius, summum bonum est: summum etiam gaudium est, si non patiare infuscari aut deminui ab externis. Multis sola impudentia, aut avadaria quedam & stupor, hoc dedit: & vides quam illi se proferant, & quod ascendat: tibi Sapientia non dabit, saltem stare & non deiici a vanis istis rerum? Obscrote, tolle cum vultu, quem erectum Deus dedit, etiam animum: & simplicem virtutem ipse ama, sequere, sed in aliis tolera mixtionem, & homines Chocios etiam in sacrâ illâ vrbe esse censei. Dic mihi serio, siquid voles vltre a me factum aut scriptum: fiet, & tuâ caussâ prenè vel vltra decoris limites eam. ita serio te & acriter amo. Vale. Louanij, prid. Kalend. Maias. oo. 10CII.

EPIST. LXXXV I. Leodicum:

CAROLO BILLEO V. N.
& Amplio S. D.

*O*FFICIVM ego feceram, id est libri mei munusculum (verè tale) ut te miseram: quid tu? o benignitatem! beneficium reperdis, & quidem duplex. Nam & carnicâ scritione me affaris, quae animum recreet: & munus etiam adiungis, quod corpus pascat. Debeo tibi, & libens debeo. nam in hoc certamine vinci a te fateor, & cupio: amorem tamen excipio. quem ego ita æquo pondere (an graviore dicam, & verè dicam?) tibi repono, ut ipsa Aequitas si iudicet, sententiam a me donet. Perseverabo. te rogo. Amplissime & Nobilissime Domine; vt idem facias, non meriti mei,

sed constantiae tuæ caussâ. Louanij, iiii. Nonas Maias. oo. 10CII.

EPIST. LXXXVII. Bruxellam:

CAROLO BROOMANO S. D.

*Q*UOD voleisti, feci mi Broomane: & amici illius absentis, & tuâ præsentis & presantis caussâ. Bonâ fide, vtore me sicuti vsus erit: reperies primum & affeatum. Nam et si familiaritas non iunxit, tamen iam inde a parentibus aliqua notitia (neque tam oblitus sum) & certe

*sistodes iunctaque Camene
Sunt nobis, multisq; pares bacchanur ad aras.*

Quæ ipsa causa Billiodum mihi conciliavit, in eleganti ingenio, elegantiarum veterum & artium amanticem. Amo ipsas, amo eos qui ipsas: nec vt in profano amore ab iungit bibere ex eodem riuo, sed magis stringit. Ceterum quod ad ipsam rem, egicum Patribus, & dilationem concessuri videatur: ægræ tamen longam, quia vnum illis hoc exemplar. Matura igitur, & fidem tuam meamque libera: fed nos æternum ea tangat. Louanij, viii. Kal. Iunii. oo. 10CII.

EPIST. LXXXVI. H. Romam.

ANTONIO RICHARDOTO suo S. D.

*O*METVM nostrum, o nunc gaudium! Bruxellam veneram, & a parente istud triste audieram de tuo morbo. Numinen testor, sic me sollicitum fuisse, vt ipsam: Romam enim noram, & quam anticipes, ne dicam præcipites, ibi istæ febres. Itaque inquires mihi: animus, & spes metuque suspensus: donec hunc mihi ademerunt tuæ litteræ, & quidem a tuâ manu, quibus nec dedisti nec dabis gratiores. Euge, conualesc, & plena sanitas tua plenum gaudium nobis donet. Egò in Nervios & illâ loca, animi ac valetudinis caussâ iuelram, & nunc ante biduum redij, valetudine quam soleo, id est tenui, & quæ tertio ad componem illam matram ducoit. Quid malerit? imò a malis auellemur, quorum seges succrescere in dies videtur, & sub optimis Principibus patria non optime habet: quod, et si fortes & fermi Stoici, tamen dolere fatemur, & angeli, an & indignari, promptis remediis quæ sed omicto, mearum, vesicis reruin, & publicarum amans magis, quam curans. Neque mea sanè hæc curatio est: te magis nunc cogito, & tuam valetudin-

tudinem, quam vt ex voto nostro Deus tibi restituat, calidè cum rogo. Mi Antoni, sic esto. Louanij, xi. Kal. Iul. & 1501. Legatum fratrem tuum saluto, & obsequia defero.

EPIST. LXXXIX. *Tornacum.*

DIONYSIO VILLERIO *Canonico*
& *Cancellario.*

INVITVS ad te scribo mi amice. quid hoc est? quia scribo tantum. Ita me afficerunt sermones vestri, consuetudo, conuicia, & ante omnia inaffectionata illa comitas & candor, vt desiderem eadem, & languor aestivum mihi sit carere. Sed nimis

*Non semper idem floribus est bonus
Vernis, neque uno Luna rubens nitet
Vultu.*

neque nos in suavitate illâ & diffusione semper animorum. Reduxi & contraxi, & apud me maneo, in functione munorum, quæ Parca adsignauit. Interea non possum, quin mente & desiderio sèpè ad te recurram, quem olim amavi, sed nunc totum novi, & sic mihi indui, vt Sosia Plautini verbo congreginasse nos dicam, & duos ex uno, imò in uno esse. Nihil blandior. nec Deus aut Genius mihi vñquam, nisi te quasi me habeo atque amo. Satis, satis, de re librariâ quod mandaueras, Corselio & mihi curâ erit: atque ego ecce quædam eius generis rariora ad te mitto, quæ vt donum à me (quid aio?) imò à te tibi habeas, cupio siue rogo. Iubeo pñmè scripseram: & hoc quoque licuisset. De Neruiis, nondum inquisui. scripta & exsignata quædam habeo: sed distinebar, vt solet post absentiam, & amici, litteræ, lectiones interpellabant. Alias fideliter & plenè fieri. De publicis, quod nunciem vix habeo, nisi in exspectatione tristium aut lætorum nos esse. Bataui Berckam ad Rhenum obsident, flumine & Germanicis commerciis compotes futuri, si portiantur ipsâ. Præsidium intus validum est: sed ego à circumuallatione metuo & operibus, quæ isti ad Romanum morem & disciplinam hodie struunt. Nostris Principes in Flandriam iuerunt, vt fama communis & vestra etiam vota sunt (scis quid dicam, & quæ è re vestrâ sit urbem eam capi) ad Ostendam expugnandam: vt occultior sermo inanat, ad insulas hostium tentandas, triremium nouarum aduentu. Actio pacis instituta cum Asiatico hoste: & comitia et-

iam futura super electione noui Rom. regis. Sed quorsum ista? aliunde audis: à me illud, amo te, me ama; valeo, vale. Louanij, III. Non. Iul. & 1501.

Reuerendo Domino Decano in occasione salutem & officium à me defer.

EPIST. XC. *Duacum.*

BARTHOLOMAEO PETRI LINTRENSI,
Doctori Theologo S. D.

IRA me cepit humanitas & beniuolentia, quam vtramque vultu, verbis, factis in me prompsisti, vt non conquieuerim, nisi & deuinctum hoc nomine faterer; imò & amicum vltro tibi offerrem. Calidè à me fit, fateor: sed & candidè, & quæ promptè offero, tam fideliter cultum à me iri amicitiam, Numine illo teste promitto. Virtus tua mihi aliisque nota est: & hanc etiam inuitò te amabimus. patiaris vt te vñâ, in quo domicilium illa legit. Voluissem equidem diutiùs & te, & vrbe vestrâ, alterâ in Belgio Musarum sede, frui: sed cupidini legem & occupatiunculæ nostræ dabant, & munus quod sustinemus: neque diutiùs abesse vtraque illa permittebant. Itaque frænum momordi, abij, in animo te gestauit Reuerende & eximie Domine, nec temerè dimittam, donec illum ipsum emitam. Louanij, Non. Iul. & 1501.

Collegij Regij Præfectum, virum, uno verbo, mihi carum, bonâ tuâ veniâ saluto. Libellum EPISTOLARVM mearum adiunxi, in quibus si non aliud, pietatis alibi aperta professio te iuuabit.

EPIST. XCI. *Bruxellam.*

NICOLAO DE WEEERT, I^{mo} & cognato.

MIRA hæc cæli obstinatio, fatendum est: à quattuor amplius mensibus vix pluit, nisi siquid leuiter rorauit. Magni interea æstus, & siccitas inaudita. Hortuli nostri quæ languent? quæ ego cum illis, cui hæc constitutio sic aduersa? Et tamen non nimis insolens aut noua, etsi nobis sic visa. Lego in Liuio, anno Vrbis CCCXXII. non cæ- Lib. iv.
lestes modò defuisse aquas, sed terram quoque ingenito humore egentem, vix ad perennes sufficiisse amnes. Defecti & alibi aquarum circa torridos fontes riuosque, stragem siti pecorum morientium dedisse. Iterum anno DLXXII. Siccitate Lib. xi.
& inopia frugum insignis annus fuit. sex menses numquam pluuisse memoria proditum est. Sed hæc

hæc in alio cælo & solo: quid nostro? Germanici Annales produnt, anno Christiano ∞ . CC. XXVIII. tantum fuisse aestum, ut messis terminata fuerit (verbis eorum vtor) ante festum S. Ioannis Baptista. Iterum biennio post: ut per Iulium & Augustum menses oua in fabulo coqueretur. Et anno ∞ . CC. LXVIII. Non pluit duodecim septimanis, fuitque aestus maximus. Anno ∞ . CCC. III. Annus calidus fuit admodum, sine pluviâ. molis aquæ defiebant. Botri maturi in vigiliâ S. Joannis in Alsatiâ videbantur. Simile in anno ∞ . CCC. LI. Itaque non hæc adeò noua: sicut nec frigus quidem, quod immodicum nos iam biennio pressit. In Liuio scriptum: *In signis anni hieme gelida ac niuosa fuit: adeò ut via clausæ, Tiberis innavigabilis fuerit.* Quod de Tiberi sanè in illo cælo perrarum est: sed quid de ipso mari ibidem adstricto & clauso? Annales produnt: Anno ∞ . CC. XXXIV.

* Vult dicere, Adriatico.

biemem asperram fuisse, adeò ut in mediterraneo mari institores Venetiani, cum oneratis summariis, per glaciem transirent: quæ videlicet hiems non parvam, per totam Italiam, in vicinis iumentis, & oliuetis intulit cladem. Simile Zonaras, sub Constantino Copronymo, in mari Pontico, & fretu vicino: *Sæuissima hiems fuit, adeò ut non fluuij solùm prorsus congelaserent, sed ipsum mare ad multa stadia, & angustias item freti, quo ex urbe Chrysopolim traicitur. Niue deinde in glaciem decidua, atque ipsa etiam congelante, homines fretum pedibus transibant, atque ipsa etiam sagmaria iumenta, & boues onusta plaufra trahentes. Hoc & in aliis maribus tunc accidisse fertur.* Addit subinde: *Hanc hiemem aestus secutus est ingens, ut & fluuij perennes arescerent, & fontes penitus deficerent.* Nec diu post, altera, hiems secuta, quam Marianus Schottus in Caroli Magni imperium (id est, annis aliquot post Copronymum) refert: Anno, inquit, XXXII. regni Caroli, fuit gelu magnum & amarissimum, quo pelagus Ponti usque ad centum milliaria, in Oriente, in glaciem versus est, habens cubitos à superficie in profundum quinquaginta. In nostris deinde partibus, Ludouico Caroli filio imperate, anno DCCCXXI. hiems in tantum prolixa (verba Annalium) & aspera fuit, ut non solùm minores riui ac mediocres fluuij, verùm maximi amnes, Rhenus videbaret, Danubius, Albusque, ac Sequana, ceteraque per Galliam atque Germaniam flumina, adeò solidâ glacie stringerentur, ut triginta, vel eo amplius, diebus, plaufra hoc atque illuc, velut pontibus iuncta, sustinerent. At vero an-

no ∞ . LXXXVI. Schafnaburgensis prodidit: *Vim hiemis tantam adeoque iugem fuisse, vt * à * Nouembris mensa. feffinitate S. Martini, Rhenus, fluuius, penè usque ad Kal. Apriles pedestri itinere transmeabilis maneret.* Et interdum intempestiuum hoc frigus. sicut anno ∞ . LXIII. (in Hermanno Contracto) tempore veris, medio mense Aprili, per quattuor dies hiems saeva, ventosa & niuosa, aues & pecora frigore extinxit, arborum & vinearum maximam partem perdidit. Et anno ∞ . CXXV. (Robertus de Monte) Hiems tam valida, ut in * Brabantio anguillæ innumerabiles, propter glaciem è paludibus, quod mirum dictu est, exeuntes, in fænibus fugientes latuerint, atque ibi præ nimietate frigoris competruerint. Vix tandem arbores floruerunt Maio mense. Voluit dictum, fronduerunt. Sed quorsum ego ista? ut opinio illa nouitatis eximatur, quæ male in omni dolore aut querelâ blanditur. Numquam tale, nemini tantum. nugæ, & plebei sermones: quos Historiae refutent, & serio lectæ hunc quoque Constantiæ fructum in animo gignant. Faciamus mi Cognate, & corpore atque animo salueamus. Louanij, Postrid. Kal. Sextil. ∞ . ICXI.

E P I S T . X C I I . Valentiam.

HENRICO D' OVL TREMANNO
Senatori S. D.

ERGO tandem à te litteræ, mi d'Oultramne? Animus apud me dudum innotuit, fateor; & quia innotuit, se innexuit: cur autem scripto non coiuimus amicitiæ veræ pactum, quod calliditas, vis, ipsa mortalitas non abrumpat? Cupiens eius fui, & nunc te stipulante restipulor, & per quidquid sacrum est firmo. Fui equidem haud longulè à vobis nuper, & animus eò ferebar vel tui causâ: pedes restiterunt, & vorso-riam domum ceperunt, quò res vocabant. Alioquin non sum ille hominum, imò nec conuiuorum, fugitans,

*Nec frons triste rigens, nimiusque in moribus horror,
Sed simplex bilarisq; fides, & mixta pudori Gratia.*

vt me verbis alienis tibi, sed liberè & verè describam. Neruij hoc vobis dicent, apud quos benignè & comiter excepti fuimus atque egimus, nec magis apud Phæacas Vlysses. O Villerium illuc mihi amicum! & plures alios: atq; inter primos Coretum, illum à titocinio studiorum familiarem. Magis nunc

nunc amo, quia & te video: & benè ille, qui de amico meo sermone super te (nam ita fuit) nunciauit. Vt inam Viuianus vobis superstes! alter funis erat, qui me traheret: sed vel tu impetrandi validus, & si viuo, regionem vestram aliquando, non ex negotio, sed affectu petam, & quem nunc animo, corpore amplectar. Vos cælites dominate me huius voti. Louanij, ix. Kalend. Sextil. &c. 15C1.

EPIST. XCIII. Valentianas.

PETRO CARLERIO, Presb. Soc. Iesu.

OPIDVM vestrum, Collegium, & te vivere in isto tempore mihi non fuit: et si voluisse fateor, & pænè decreuisse. Sed Nerviorum beniuolentia intercessit, & dies vestros suos fecit: adeò, vt nec Duacum nisi cursim videtim, & illinc properè domum properauerim, pænè dicam,

*Ocio cervis & agente nimbos**Ocio aurâ.*

Ita familia, studia, res meæ reuocabant: quibus parui, & tibi tamen in animo isto gratias scripsi, pro amicâ illâ exspectatione. Patri verò Manaræo quid iam olim debeam, scio: qui nunc quidem omnem simum, vt sic dicam, beniuolentia suæ effudit, & per collegia illa vestra sparsit. Nam & consimiles litteras Tornacum & Duacum scripsérat. cui ego vota, non gratias (quî possum?) reddo: & Deum precor vt talem virum Ecclesiæ & Societati vestræ seruer, qui reuera

Troïca dignus

Sæcula, & Euboici transfēdere pulueris annos.
Vale Reuerende Pater. Louanij, ix. Kalend. Sextil. &c. 15C1.

EPIST. XCIV. In castra ad Ostendam.

IOANNI RICHARDOTO, Presidi.

REFGEREM ad te scribere inter bellicos strépitus & tonitrua, quæ hucusque (mirum, sed verum) audiuntur: nisi filij tui res esset, quam nuntiare. Sicut autem Hector, apud Homerum, vel galeam ipsam posuit, & filium paruum est osculatus: sic tu paullisper te dabis, & audies de illo, quod delectabit. Respondit publicè de Iure ante triduum, uno verbo, OPTIME: nec vlt̄ iam teneo. vt vos ita rem illâ geratis, æternum Numen precor. Louanij, vi. Kalend. Sextil. &c. 15C1.

EPIST. XCV. Brugas.

IO. CLEMENTI XANDRINO, I^{mo}
& Canonico S. D.

DE B E O tibi, mi Xandrine, debeo, qui tam promptè & vlt̄ significasti quæ ibi gesta. In exspectatione sanè sumus: & quis non bonus? quia famam & dignitatem Principum, salutem etiam Flandriæ, verti in obsidione eâ arbitramur. Benè, quod adhuc prosperâ: & meliora, atque adeò ipsum finem magni incepti, te augurante brevi exspectamus. Non negamus rem arduam esse, sed tanto plus famæ, atque etiam fructus, in confectâ. Heri tristiores nuncij (nescio an certi) nos percussérunt de Berckâ deditâ. Aiunt cuniculis partem murorum dirutam: & compositione demum nostros egressos, honestè & sub signis, sed egressos. Triste est, diluite & temperate nuncio illinc lætiori. Sed heus, in tuâ priuatâ re quid ita files? opera mea si vslui esse potest, rogo, vtere: & inter serio tui amantes me cense. Louanij, prid. Non. Sextil. &c. 15C1.

EPISTOLA XCVI.

PETRO SCRIVERIO.

TVAS accepi, sanè gratas, vbi? Antuerpiæ, cum eò me animi, atque etiam negotioli causâ, contulisse. Quid autem excusas scriptionem? caram à talibus habeo, vti ipsos vos caros. Nostri me vel ex scriptis vel ex famâ, & in vtrisque indolem factam benignitati, imò comitati. Itaque communica & adi, numquam repellendus, nisi cum ipsâ Virtute & Doctrinâ: quod non fiet, neque me ita circumtonet, vt cum poëtâ dicam, *gaudens Bellona cruentis*. Senecæ locum, diu ambiguum, firmas hercules notâ tuâ & illustras. Fac in aliis, si quid habes: & scito nomini tuo inscriendum. Pergere animus est in optimo scriptore, et valetudine an fastidio sepositum menses plures habui: sed recipiam & consummabo, si Deus mihi viuere dat & valere. vtrunque intimo meo voto tibi, ô Scriueri. Antuerpiæ, in Plantinianâ domo, vi. Idus Septembr. &c. 15C1.

EPIST.

EPIST. XCVII. Brugas.

GVIL. RICHARDOTO, & PHILIPPO
RUBENIO, suis.

ABITIS, imò abistis, & Vale illud, et si
mæstis, dicendum tamen fuit. O quan-
do iterum Salve? Eritne ut videam, & vi-
uam? Voueo,

*Et non antè mibi claudantur lumina morte,
quàm ego vos brachiis istis claudam &
alstringam.*

*Quorum ego manantes oculos & saucia vidi
Pectora:*

nec meis quidem illis siccis, aut hoc illæso.
Sed ite & redite felices, Italiam videte, in-
genium polite, iudicium formate: aut po-
tiùs (rem dicam) quod formastis seruate.
Nam ego, cum Attio,

*Probis probatos potius, quàm multis velim.
Nostis æxum, vanitatem, luxum, delicias,
ineptias:*

— non ita Romuli

Præscriptum, & intonsi Catonis:

neque hercules meum, ut tot annos audi-
stis. Sed heus, tu Rubeni, nubem illam
^{*Indissensu} doloris circumfusam Carmen tuum * πο-
τεύειν non nihil dispulit, ô dij boni, bo-
num. Palpo non te percutio, sed cum Sy-
racusio,

* πληρές τοι μέλει τὸ καλὸν σόμα:

Ô os Gratiarum & Musarum! Vulgari po-
test, siue à te siue à me, sed vulgari. Vísne ut
ego per Moretum? promptiùs fecero, nisi
sint laudes meæ, & quidem superfluentes.
Sed vale mi amice,

— τὸ εὖ τοι πάντα τὸν ἐταῖον

Ios: εἴης χεραλής:

& caput hoc ipsum tango. Testimonium
hīc habes, fidei simul & amoris plenum.
Louanij, xv. Kal. Octob. 100. 1501.

TESTIMONIVM.

OMNIS ORDO, QVISQVIS HAEC LEGES,

Ex fide & vero scies scripta. PHILIPPVM
RUBENIVM, domo Antuerpiâ, annos
P. M. quattuor in familiâ & contubernio meo
egisse, mensa participem, sermonis, & disciplinæ.
Probitatem à naturâ & modestiam attulisse,
item semper aliqua doctrina, quæ immane quantum
in spatio illo breui auxit: Latinâ & Gra-
câ litteraturâ promptus, utravis oratione siue
scriptione disertus, solutâ & nexâ. Historias
& antiquitatem addidit, & quidquid boni,

bonitate & celeritate ingenij haufit, iudicio di-
rexit. Adeò supra rem nihil astruo, ut pro re
non dicam. quis fidem? experire, & sub mo-
destia illo velo, sed paullatim, retege quæ dixi
& quæ non dixi. O vos, quibus Virtus &
Honos cara, carum hunc habete, producite, ap-
plaudite: ita utraque illa vos respiciant, & hunc
Fortuna, quæ pro meritis nondum risit. Scripsi
& signauit

IVSTVS LIPSIVS, Professor &
Historiographus Regius.

Louanij, xv. Kal. Octob. 100. 1501.

EPIST. XCVIII. Leodicum.

CAROLO BILLE' O, V. N. & Ampl.

SCRIPATIO mea, præter gratulationem,
vix aliud habet. Sed ore cùm id non
possim, affectus adigit stilo facere, & tecum
& cum tuis gaudere, tuis te redditum, imò
pænè dicam tibi redditum ex longinquâ
satis peregrinatione esse. Etsi enim eiusmo-
di laborum gnarus & vetus es, tamen in
hac ætate quies, scio, allubescit, & tacitum
gaudium infunditur,

Cùm mens onus reponit, & peregrino

Labore fessi venimus larem nostrum.

Hoc igitur animo gratulor, illo intimo, &
qui fucum & fraudem non habet. Significo
& in occasione, primores vestros sacri ordi-
nis hīc fuisse, domum emissæ, sanequām op-
portuno loco sitam, quæ Collegio aptari
possit in usum & gloriam illius gentis. Fa-
uere te talibus inceptis scio, qui posterita-
tem etiam cogitas, & curas tuas non vni
æuo impendis. Cum Deo hoc commune
habent magnæ animæ: qui ut te Nobilissi-
me & Amplissime Domine, suæ & Princi-
pum gloriæ, & publico usui seruet, meum
& bonorum est votum. Louanij, XIII. Ka-
lend. Octob, 100. 1501.

EPIST. XCIX. Mechliniam.

NICOLAO OVDARTO suo.

SEMPER mihi insonas de Chronico, nunc
iterum magnâ voce. Sed bonâ fide, vi-
res & otia mea nosti? illas valetudo & fre-
git & adsiduè frangit: hæc eripiunt mihi
non solennes solum occupationes, sed no-
uæ, quæ ut fluctus in plenilunio, augescunt.
Deum & cælestes omnes testor, prouerbio
olim sed veriuerbio in me dici, *Vix otium se-
pè ad aures scalendas esse.* Ita viti interturbat,
ita adolescentes, ita fæminæ: ita indigenæ,
aut

aut exteri. & horum cottidianus ferè aduentus. Dic sodes, quando lectioni aut stilo sit locus? Vespere, inquies. Vacuum ferè id tempus, fateor: sed quid si illud quoque conuiuiola eripiunt sèpè, & in sollenni aliquo & honorario actu, cui ægrè me subduco? Esto, non fiat: quid oculis meis faciam, qui iam fessi obtenebrant ad adscitium lumen? Rem tibi dico. ego ille olim Lynceus, aut ut fabulam omittam, visu serpens, defeci, & pro æthereis illis oculis ad vitreos configi. Hi negant lucubrare. Et tamen animus est obsequi, & usus etiam publicus, quod benè ingeris, eò vocat. Ergo post SENECAM videbo, & admirar: vel sepositis *Monitis & Exemplis Politicis*, si tamen ita vobis (nam & Hartium iungo) videtur. De SENECA autem, quòd suades etiam Philosophum me agere, quid censes? Differere me & diffundi? abnuo, & non sit ex more veterum interpretum, quos mihi certum sequi, spreto nouitio hoc & ambitione, qui inoleuit. Philosopher ego coram illo Philosophorum apice, imò in illo? Indecorum mi Oudarte, imò inutile. ille unus actor sit & emineat, nos excipiamus & velut secundas agamus. Deus mihi numquam benè aut votiuè faciat, nisi cùm illa erecta, incitata, ætherea lego, cadit mihi stilus & manus, & nugas censeo totum hoc quod molimur. Ah, qui sensus illi, & quæ dictio etiam est? quantum animi habet, quantum inserit? quantum etiam calor? Me quidem inquitum semper dimicat, & plenum ingentis fiducia. Videor mihi ille esse, aut certè futurus, qui

Celsior exsurgit pluviis, auditque ruentes

Sub pedibus nimbos, & caca tonitrua calcat.

Itaque nullum opus libentiū commentari aggressus sum, nullum ægriū aut maiore non dicam labore (falsum sit) sed fastidio, peregi. Langueo, & tædeo, cùm mea video, cùm illa video: & vnā re excusor atque exercitor, si nihil tale coner. Interpretam agam, sed purum & simplicem: & ne te vtrà teneam, qualem in Plinij Panegyrico egi. Pompam non habet hoc genus: mihi crede, habet usum. & quid alios moror? longo æuo & exercitio eò veni, vt iudicia non accipere solùm possim, sed dare. Cum fiduciā dicam, Aut bonum illud genus est, aut nemo veterum quod bonum est vidit.

Non mihi si cunctos Helicon indulgeat amnes,
Et superet Pimplæ sitim:
guttulam vnam in illa aliena aut longin-

qua effundam. Pede presso illum sequar, explicabo: cum fructu publico magis, quam mēa gloriā. & hoc si non præsens, alterum æuum dicet. Vale mi Oudarte, & de inscriptione (oblitus eram) quod suggeris, cogitabo: & iamnunc illabitur, et si nondum sedet. Disputabo tecum, & dispungam. Louanij, v. Idus Octobris, 1501.

Hartio alteri nostro saluere.

E P I S T . C . Mechliniam.

I A N O B E R N A R T I O Cognato.

Cum abisses à nolente ac dolente, nescio an tu vtrumque, & satis si alterum; sed cùm abisses, ruminatus sum sermonem nostrum de *Coronis*: imò & scripta mea inspexi. Non solet mihi (sine fastu aut fascino dixerim) usque adhuc mentiri memoria: & videbar certò de *Aureis* illis, non tantum laureis, aut ex quercu aliave fronde aut herbâ, legisse. Neque nescio aut nego sollennes & frequentes has fuisse: sed illas addo, & Romæ in commissionibus aio usurpatas. Audi Suetonium, in *Vespasiani* cap. xix. *Apollinari Tragædo quadringena; Terpio Diadoroque citharædis, ducenta; nonnullis centena; quibus minimum, quadragena festertia, super plurimas Coronas aureas, dedit.* Explicandus ita Plutarchus in *Catone Uticensi*. *Ts, inquit, Φανερία καταστήσεις. Οὐ διοργάνως, τά πάλλα τῆς ἀρχῆς ἐπιμελεῖσθαι τὰς θράσης δέσποινται τὰς θεάτρους, διδόσαι τῷ τοῖς Θυμελαιοῖς σφύρας & χρυσούς, αλλ' ὁπερι τὸ Ολυμπία, κατηνεν: Fauonio Ἀδιλε factō, cùm alia magistratus eius curauit, tum etiam ludos in theatro obiuit, dans *Thymelicis* siue *Scenicas* non aureas coronas, sed vt *Olympia* solet, ex oleastro. Nam hoc notat ex parcimoniam & modestiam à Catone factum, quòd spreuerit morem receptum de coronis aureis, dederitque viiores Græcanico ritu. Plinius & ipsum monrem, & originem eius ingerit, lib. xxii. capite III. *Crassus Dives primus argento auroque folia imitatus, ludis suis coronas dedit.* Nota quòd etiam ex argento. atque hinc lucem pete *Ælio Lampridio in Alexandro: Scenicas* numquam aurum, numquam argentum, vix pecuniam donauit. Nónne pecunia ex auro vel argento? ita: sed dictum intellectum que voluit, non dedisse coronas ex auro vel argento. Nota amplius, quod Plinius ait, folia imitatus. Ergo coronæ erant, velut ex oleastro, lauru, aut quercu: formâ, inquam, illâ*

Rr

illâ foliorum, sed tamen ex auro effictâ. Martialem sic interpretor, ludentem in Phialam tenuem & minimi ponderis, quam ab amico acceperat, lib. VIII. Epigram. XXXVII.

*De Prætoriciâ folium mihi Pauille coronâ
Mittis, & hoc phiale nomen habere iubes.
Detraxisti, inquit, folium de coronâ, quam
Prætores dare soliti per ludos, & hoc appellas Phialam. Nec enim maximi sanè pretij
istæ coronæ non, non. sufficiebant leues &
ludicræ ludionibus istis: imò fortasse & fal-
sæ. Non verum, inquam, semper in iis au-
rum, sed speciosum. Isidorus: Coronarium
æs, ex duæli ære tenuatur in laminas, tauro-
rumque felle tintatum speciem auri in coronis
histrionum præbet. Transcripta è Plinio, qui
totidem ferè verbis libro XXXIV. cap. VIII.
Coronarium tenuatur in laminas, taurorumque
felle tintatum, speciem auri in coronis histrionum
præbet. Etsi profectò aliter hoc, & verius,
interpretare. non de Coronis quæ datæ præ-
mij vice, post actionem: sed quæ inter
agendum capitî impositæ. puta cùm regem*

aut personam sustinerent, quæ coronata es-
set. Itaque magis est, ex vero auro plurimùm
illas donaticas fuisse. Ad hoc genus referes
Varonis istud, lib. IV. de L. L. Corollarium, vo-
cabulum factum à corollis, quod hæc cùm placue-
rant actores in scenâ dari solitæ. Item Arno-
bij, libro IV. Exoletis & irrisoribus numinum
dona instituuntur, & munera, ab officiis otium
publicis, immunitas & vacatio cum coronis. &
hoc è lapide prisco:

M. VLPIVS. AVG. LIB. APOLAVSTVS
MAXIMVS. PANTOMIMORVM
CORONATVS. ADVERSVS. HISTRIONES
ET. OMNES. SCAENICOS
ARTIFICES. XII.

Lego & in Vopisci Numeriano: Versu autem
talis fuisse prædicatur, vt omnes poëtas sui tem-
poris vicerit. Nam & cum Olympio Nemesiano
contendit, qui omnibus colonis illustratus emicuit:
Ac velim scribi: omnibus coronis. Sed hæc po-
strema fateor & ad tuas vulgatasq; Coronas
posse duci: priora tamen liquida & certa
mihi visa. quæso, vt tibi semper meus amor.
Louanij, III. Idus Octob. 1501.



IVSTI

I V S T I L I P S I
EPISTOLARVM
SELECTARVM
CENTVRIA TERTIA
AD BELGAS.

I. LIPSI Operum Tom. II.

Rr 2

A D
CONSVLES ET SENATVM
P. Q. ANTVERPIENSEM.

SI QVA vrbium in orbe terrarum (audacter sic loquar) affectus meos possidet, eam ANTVERPIAM esse, Amplissimi SENATORES, ex animi mei sententiâ possum profiteri. Multa me in eâ capiunt: Homines, Locus, Genius ipse loci. Homines quidem, quos quis non honesti boniq; appetens, tales amet? Sunt Mercuriales apud vos, fateor: sed iidem virtutis, prudentiae, quidam & sapientiae candidati aut mystae. Et vniuersè si inspicimus, grauitas vbiq; & modestia, sed & comitas quædam adiuncta & decens alacritas animorum. Parcimonia est, sed cum elegantiâ; pecuniæ studium, sed sine detimento melioris studij, id est artium & virtutis. Non blandiendo hoc dicam: multi apud vos magni bonique, non ob opes, sed merita, appellandi. Iam ipse Locus quis? ad flumen pulcherrimum, pulcherrima planicies: & in hac iuxta illud pulcherrima vrbium, quas Europa, Africa, Asia videt. Iactemus nos Belgæ. structurâ, ordine, symmetriâ, mœnibus, ædificiis, viis, vniuersâ elegantiâ, non est quæ nostrâ istam superet, imò æquet. Scio singula si spectentur, quasdam excedere: sed omnia corporis, ut sic dicam, membra iunctim qui exploret, suffragium iudicio meo dabit. At ipse Genius loci, quâm potens, felix, & altioris quidam classis ordinisq; est? Consideremus, ab annis circiter centum, è quali quanta vrbis vestra facta fuerit: mirabile erit, incredibile erit, nisi iüs qui oculis sensibusque sunt arbitrii. Deus bone, surgere in hanc frequentiam, splendorem, opes, cōmercia, vnum aliquem locum, & subito verticem pænè cælo inferre? Factum est: & hoc quoque laudi vestræ accesserit, in eam magnitudinem venisse, quæ etsi vera, fidem veritatis vix mereatur. Sed hîc mihi suspirium. heu, hæc tanta & talia, quo malo fato collapsa sunt? decor ille, & flos omnis quomodo exaruit? Agnoscite, ut in mari, fluxum hunc Fortunæ & refluxum: & quâm yerè poëta:

Augeant alia gentes, alia minuantur.

Lucretius.

Prouidentiae occulta ista lex est: attollit, deiicit, iterumque attollit: & vobis (vera ominor) fiet. Intereâ animos erigite vos inclytæ vrbis SENATORES, præite exemplo ad robur & CONSTANTIAM ciuibus, illam, quam ante annos septemdecim velut præsagus vates ad vos misi. Eguistis, & egetis: omnia etiam nunc pressa, mare & portus clausi, ædifica dominos, homines atque ipsa iumenta opus suspirant. Et tamen ut formosa corpora etiam in morbo vestigia decoris sui retinent: sic vos pristini splendoris. Confidite autem: deliquum aliquod velut Solis est, non interitus: exsurgetis. Ita me credere, firma vestra in Deum pietas, in Principes obsequium cogit: ille & iste aderunt, & Genius in primis vester, potens & perpetua TUTELA. Habetis caussas mei in vos affectus: accipite & signum, EPISTOLAS istas, quas nomini vestro inscriptas nunc emitto. Leue munus, sed vobis debitum: quia & nomina pleraque vestra, SENATORES, aut & ciuium intercurrunt. Videbitis, si tanti est legere: nec virgo, illud valde, ut me qualem ostendi, erga vos vrbemque vestram esse, atque æratem fore, serio creditis. Louanii, v. Kal. Mart. 1501.

INDEX

EPISTOLARVM SELECTARVM
CENTVRIÆ III. AD BELGAS.

A	BRAHAMO Ortelio	xij, xvij, xlj.	Henrico Schottio I ^o @ Syndico	xliij.
	Ægidio Schondoncho Sacerd. Societ. Iesu		Henrico Vvveno I ^o	xij, xxvij, xtvij,
	xlviij, lix, lxxix.		lvij, lxix, lxxxij.	
	Aluaro Nonjo, Doct. Med.	ij.	Hieronymo de Francia, Preposito	xxxix.
	Andree Schotto Soc. Iesu	xxxvij, l, liij, lx,	Hieronymo Rouelasko	xx.
	lxx, lxxxv.		Hugoneo Grotio	lxij.
	Antonio Vacquerio suo	xcvij.		I
	Arnoldo Cordesio	lxij.	Iac. Carondeleto V.N. & R.	xxxj, lxxx, xcvi.
	Auberto Miræo, Canonico	xlix, xcij.	Jacobo Colio Orteliano	lxxj.
B			Iano Dousæ filio	ij.
	Baldino Bucquio, Canonico	c.	Iano VVouerio suo	xxvij.
	Balthasari Moreto suo	xxij, xxvij, lxvij,	Ignatio Basseliers, Sacerd. Soc. Iesu	xcij.
	lxxij.		Ioanni Baptista Perezio Baronio suo	lj, lxij,
	Balthasari Robiano, Senatori	xxv, lxxvij,	lxvij, xc.	
	xcij.		Ioanni Bernartio Jao	ix.
C			Ioanni Bochio, Sen. à Secretis	xi.
	Carolo Clusio	xlj.	Ioanni Brantio, Graphiaro	vij, xix, lxxxij.
	Carolo Houio	lxij, lxxxvij.	Ioanni Chokiero	lij.
	Carolo Lafaillo I ^o	lxxxvj.	Ioanni Liuineio, Canonico	xij.
	ad Contubernales	lvj.	Ioanni Moreto, Typographo	xlv, xcix.
	Cornelio Kiliano	xxix.		L
D			Læuino Torrentio Episcopo	xvij.
	Dionysio Villerio	lxxxvij.	Lamberta Vander-burchio, Decano	ij.
E				M
	Engelberto Masio, Senatori	lxxv.	Martino Delrio, Presb. Soc. Iesu	xxij.
F			Michaeli Vander-haghen	xcj.
	Francisco Aerffenio	vij, xxxvij.		N
	Francisco Buffereto, Episcopo	tv.	Nicolaus Oudarto	xiij, xlj, lxxij, lxxxix.
	Francisco Houio suo	xxxvij, xcviij.	Nicolaus Rokoxio, V. N. & Sen.	lvij, lxvij.
	Francisco Svveertio	vij, xl, lxxij.	N. N. & N. N.	xxxij.
	F. Francisco Villerio	lvij, lxxvij.		O
G			Othoni Hartio I ^o	xxx.
	Gerardo Buytevvechio I ^o	lxv.	Othoni Venio	lxxxij.
	Gerardo Sandelino	xxij, xxxij.		P
	Godefrido Vereyckio, Doct. Med.	xlj.	Petro Orano	xxii, xxij, xxxij, lxxxij.
	Guinelmo Cripio Secundo	xvij.	Philippo Rubenio suo	xc.
H				R
	Henrico Halmilio V. N.	xxxv.	Remacio Roberti	lxxvij.



IVSTI

I V S T I L I P S I
EPISTOLARVM SELECTARVM
CENTVRIA III. AD BELGAS.

EPISTOLA I. *Ultratitulum.*
I. LIPSIUS LAMBERTO VANDER-
BVRCHIO, *Decano.*

LACTVRAM profectò magnam fecimus in morte cōmuni amici nostri N., & propriè vestra Resp. quæ metuo vt in nouos fluctus turbasq; incidat, amoto quieto & perito illò gubernatore. Sed Deo & communi fato quis se opponat? Iuit quò imus omnes, nec meta sed tempus nos fecernit. Alij paullò longius, alij breuius, sed omnes in eādem viâ currimus, & ad eundem finem. atque illīc pœna, aut palma. Quòd te in eius quāsi locum substi- tuis, Vir Clarissime, de amore non erras: iampridem te tuo merito amavi: quòd etiam hospitium tam benignè offers, humanitatis est, cui fareor me deuinctum. Videbo quid bonâ gratiâ amicorum, aliorum possim, et si reuerâ animus ad te inclinat. Sed hac æstate, quæ iam in exitu, vix est vt fiat: sp̄ero proximâ, eaq; ineunte. De O- pere tuo probè meimini quid in sermone aliquando significâris: atque ego tibi hunc laborem exhaustum (quantæ enim lectio- nis ea res!) gratulor, & ad vulgandum seriō horror. Famæ tuæ ea res faciet, & multò magis publico bono. Quòd instituisti au- tem vitam cuiusque viri Principis perstringere, laudo: sed, meo iudicio, perstringere tantūm, & remittere Lectorem ad eos qui ex professo scripserunt. Scio quām difficile sit hīc modum seruare, qui gratus sit omnibus: quoniam aliud ferè vulgus, aliud docti amant. Sed, si te noui, tu facile at- temperabis, vt neque breuitas obscura illis, nec diffusio molesta istis sit. In re præsen- ti si essem, possem si non prudenter tamē liberè quid mihi videretur dicere. quoniam ita soleo apud eos qui petunt, & quorum amicitiam simul caram habeo, & fainam: Mihi decretissimam est proximo Vero (vita modò adsit) excurrere ad Leodienses Fon- tes, idque valetudinis causâ, quæ assidue

imbecilla. Antè te video, & consilij mei faciam consottem. Ama me, & si amas, vtere. Lugduni Bat.

EPISTOLA II.

I. DOVSÆ FILIO S. D.

CERTE peccares, nisi scriberes: & nōnne- velle debes ad sic volentem? Potes au- tem semper in isto otio, quo fruitur ferè hæc vestra ætas. Publica aut priuata (nōbis id nimiris sæpè) non vos auocant, aut turbant. Mitto Carmen, quod poscebas, in Trium- uiros illos nostros, & tuas Notas. Quas edi à te gaudeo: tantūm illud moneo, vt nihil in his talib; nisi quod indole istâ tuâ & ingenio dignum. Certè omnia magna mihi de te spondeo, supra eos qui nunc, & qui fuere in Batauiâ (non in flandi tui caussâ di- xerim:) viue tantūm, & cursum hunc quem cœpisti tene. Sed heus tu, vidistin' libellum in me à Septemtriōne? rigidum, & dignum illo axe: an & me dignum? Liceat hoc dice- re, honestius vapulare poteramus, & vité aliquâ Centurionis: idque vél in peccato. Etsi quo peccato? lusimus & risimus: & vos quoque credo, cùm hæc yidetis. Valete, sal- uete, pater, tu, fratres. Leodiel, postrid. Idus Ianuar. 10. XCII.

IN TRES POETAS
A IANO DOVSA FILIO ILLUSTRATOS
IVSTVS LIPSIUS *exedias.*

PHOEBI delicum, Mineruæ amores,
Patris délicium, meique amores,
Qui te glorior imbuisse primo
Succo & nectare, DOVSA, Litterarum:
Quām gratum mibi, quām fuit suave,
Quòd ternos meditaris in Poetas
(Dœtos, Iupiter, & bonos Poetas!)
NOTAS scribere? quas, scio, probabunt
Iij quos Aonia probant puelle,
Quique ipsi Aonia probant puellas.
Perge Dovsa meus, tuumque nomen
Patris subsere nomini, in patris
(Hoc pater vovet ipse) vinte nomen.

Rr 4 EPIST.

E P I S T . I I I . *Antuerpiam.*ALVARO NONIO, *Dottori medico S.D.*

LITTERAS tuas hodie accepi, & in iis duo vidi: magni Etruriæ Ducis honestum de me iudicium, & tuum in me amorem. Neutrum mihi nouum. Nam & de munere ab eo proposito, iamdiu inaudieram; & tuus affectus olim mihi innotuit, cum ante decem plus minus annos haberet me vrbs vestra. Sed quod ad Ducem, ita me Deus amet, ut doleo non posse obsequi. Causa est non quæsita vlla aut affectata: sed ipsa valetudo, sine qua nonquam me admouerim iis, ad quæ destinamur. Iter longum est, regio olim quidem mihi visa, sed ad habitationem nunc noua: & cum ibi ero, quid faciam? Languebo? umbram pro Lipsio ostentabo? Medicæa domus, & hic ipse Princeps, mihi magnus est, & velim eius causâ multa; sed supra vires nihil possum. Ipse Pontifex, caput nostrum, recenter nunc me Romam inuitauit: sed excusamus verissimo illo valetudinis prætextu. Sumus quidein in eâ curandâ, sed melancholici & chronicci isti morbi, tu scis quam laneo pede veniant, & plumbeo, ut sic dicam, receendant. Deus dedit mihi hanc sortem, ferepsa est. Scripsi in similem sententiam, ante menses tres; ad Hier. Mercuriale, illum medicum, & tibi notum: qui primus mihi aperuerat mentem Serenissimi Ducis. Scio illum accepisse, & iam indicium fecisse, ubi debebat. Ego te non celo, animum mihi in patriâ esse, et si afflîctâ. Deus hanc & me releuabit, cum ei visum: & te stan- tem firmumque seruabit, Vir Cl. Leodici, VIII. Kal. Iul. &. 10. XCII.

E P I S T . I V . *Antuerpiam.*LAEVINO TORRENTIO, *Episcopo.*

QUOD Romani olim peregrè reduces, ut nuncium præmitterent sui aduentus: idem ego, sed cum altero nuncio bonæ valetudinis, quæ* sera, tamen aliquando nos respexit. O quam animus mihi floret? ij intellegant, quos habuit chronicus aliquis & teter eiusmodi morbus. Ut serpen- tes positis exuuiis redire dicuntur in nouam iuuentutem: tale mihi, qui nunc deum auspicari videor vitam. Si ad salutem ea res perseueret: sin ad lasciuiam, abeat, & simus potius qui fuimus, aut etiam non si-

* sed non
formæ: re-
ditæ alia.

mus. O quam utile multis, frenum & coëf-
ficio hæc morbi? Nam reuerâ, sicut Athenienses de Pace non nisi atrati cogitabant, prisci oratoris dicto: ita plerique nostrum, vix de Deo nisi afflicti. Ergo hoc eum ro-
go, ut non quod volo velir, sed quod expe-
dit: etsi hoc fateor, valetudinem non qui-
dem velle me, sed malle. Eam tibi magne
Antistes, ex voto nostro, & bono publico
opto. Leodici, Kal. Iul. &. 10. XCII.

E P I S T O L A V.

I. L I P S I V S N. N.

CERTE cum dolore meo intellexi dolorem tuum: atque eum duplcam, qui vno pænè temporē matrem & filium tuum amisisti. **Q**uis negabit iustè dolere te? natu-
ra & mos ita iubent, aut permittunt: sed ia-
cere te & affligi, negamus & dissuademus.
Tolle ad alta oculos: erigēris. Vnde tibi hoc
vulnus? à Deo, dubitate non potes; & æter-
num illud fatum temperat & disponit fata
cuiusque nostrum. **Q**uod si ab illo, id est,
à solo & summo bono: quid nisi bonum
est? Atqui inopinatò mihi accidit. Tua hæc
culpa est, qui præscire non potuisti tantum,
sed debuisti. Age, nónne, ab ipso die nata-
li, adhæret nobis mori? Nónne tot imma-
tura & acerba funera, non dicam vidisti, sed
ipse deduxisti? Atque in aliis mirum aut
nouum tibi non fuit: cur nunc in tuo est?
aut quis te exceptit à communi illâ & æter-
nâ lege? quam vates altâ & quasi præconiâ
voce expreſſit:

* ————— xyp̄s ēp̄sāōn ūavān̄o

Mueāy, d̄t̄ & ī ūavān̄o βεγ̄n̄, & δ̄ ūavān̄y. * Perce
mortaliib⁹
infante
Millena.
quæ nemo
hominum
vitæ fu-
giārve.
Homer.

Vt in pyro aut pomo arbore, cum vndique
fructu suo onusta est, alia confertim & im-
petu, alia seorsim & singula, sed tamen assi-
duè cadunt: sic in nostro hoc genere, &
densi aut singuli morimur, proprio vel
communi aliquo fato. O imperitum, aut
stultum, qui miratur? Ecce solem oriri cot-
tidie, & occidere, sine motu videmus: vos
Bataui, mare adire & abire: quare? quia af-
sueuimus, & naturæ hunc ordinem scimus.
nónne idem in vitâ & morte est? Atque
age, non sit hæc lex data: vide quò descen-
dam; ego audacter dixerim poscendam à
Deo esse. Inspice miseras huius vitæ, se-
riò inquam inspice & examina: mala quæ
corpori, quæ animo, adhærent; quæ in no-
bis, in liberis, cognatis, aliis sentimus, vel
audimus: dic sodes, iuuet inter ista immor-
talem

talem esse? Ego verò sentio, vt in turbido mari, optandum defungi; & felices, qui quām celerrimè venerunt ad portum. Illum, inquam, mortis portum, vbi liceat tutò dicere:

—spem, vota, timorem

Compositus placido fine relinquo aliis.

Tuis igitur hoc factum, mi amice: gratulari si non potes, noli queri, aut (quod ipsi certè nolint) reuocare. Ecce ego haud longè à metâ (valetudo mihi dicit:) absit, absit reduci, & ad carceres iterùm reponi. Malus & præposterus athleta, qui ipsos non illam spectat. Hæc pauca tibi firmando, quem & naturâ satis fortem cognoui, & lectione sole excitari. Fac nunc, & quæso abi ad nostrum Senecam aut Epicetetum: & illos profectò si oculo & mente legis, nou luges. Leodici, prid. Idus April. 10. XCII.

E P I S T O L A V I .

FRANC. AERSSENIO S. D.

APATRE amor in te deriuatus est; quia illum vti singulariter amo, ita etiam te, qui pars es illius, & ex stirpe illâ raimus. Sed auxisti tu quoque hunc affectum, cùm pronum & volentem te ostendisti ad virtutes, & bonas artes: hortor autein vti perfueres, idque tuâ caussâ. Cui seritur hîc, aut meritur? tibi. & mihi crede, si ver hoc æui sine semente abit, dolebis posteà, & horrea aliorum plena aspicies, vacantibus tuis per tuam culpam. Non sunt hæc verba res cotidie clamat, & audire ipse potuisti voces eorum, qui per desidiam aut incuriam neglexerunt. Quām illi nunc pænitent? quām vellent reuocatos priores annos? Exempla vide, & tibi cape: & dum licet, velis, quod voluissé gaudebis in omne æuum. Secordiæ breue, & pænè sine sensu, gaudium est: diligentiæ fructus se exserit, neque nunc solùm, sed in futurum delectat. Caduca & fragilis res, homines sumus: sed vt simus etiam cùm non sumus, & vt bona fama (sæpè etiam pecunia) mortuis nobis supersit, pendet ab industriâ iuuenili. Fateor esse, qui prioris ætatis culpas gnauiter, sequenti ætate & diligentia, obliterarunt: sed raros: laudo eos, qui bonâ ambitione, non subsequi eligunt, sed præire. Deus & superi istis fautores: & cothurnatus ille philosophus rectè,

* Namque * Τοὶ δὲ παντὶν καὶ θεὸς συλλαμβάνειν.

allaborat & laborant
ii Deus.

Mi Aersseni, in animum hæc conde, ac me vñâ; qui tui amans sum atque ero, quam

diu priores illæ caussæ erunt & fomenta. Ut ignis sine materie languescit, aut deficit: sic noster amor, sine Honesti alimento. Leodici, vi. Kal. Sextil. 10. XCII.

E P I S T . V I I . Antuerpiam.

FRANC. SWEERTIO S. D.

ACCEPERAM iamantè, mi Sweerti, icosnes quas ad me miseras duplices; vnam non visam mihi anteà, alteram illam de Venere Lucretianâ ante triennium, aut ampliùs, ex Italiâ acceptam. Gratias tibi hoc nomine habeo, & est vtraque imago scitè & venustè facta. Nos in docendo iam sumus, faxit Deus vt cum fructu. Nam iuentuti Belgicæ fauemus, & ducere eam vellemus in rectam viam studiorum, quam pauci hîc viderunt. De Poloniâ, mira sunt quæ memoras, sed nec in expectata: iam dum audio occultas ibi factiones & cœtus fuisse. Deus bone, quis Europæ tandem status? aut quis noster? Nam res mihi neglegi videntur, sic vt nauis quæ permitta ventis. Sed fortem & felicem, qui non angitur, qui cogitat in supero illo consilio iamdiu decreatum, quid terrenis his rebus regnisque fiat. Ipsa Belgica, quota pars magni mundi? ego & tu, quota Belgicæ? Vt folia cadunt & nascuntur, sic homines: nec frustrâ cum iis comparauit maximus poëtarum. Illud fateor, ingenii infelix esse æuum, & quo ægrè se attollant aut exserant rectiores mentes. Prurigo ista de religione differendi & ligandi, quæ pessimum aut vilissimum quemque tenet, caussam his malis dedit & dabit. Wingium in Italiâ obiisse, credo te audisse: nec doleo, abiit ad meliora loca. Fuit insignis alioqui iuuenis, & longiore æuo, sed in bono sæculo, dignus. Ortelio nostro scripsi, Michaëli vander Hagen quæso vt amicam salutem à medicas. Louanij, III. Kalend. Decembr. 10. XCII.

E P I S T . V I I I . Antuerpiam.

IOANNI BRANTIO, Graphiaro S. D.

AMO plures in vestrâ vrbe, & ab iis amor: tu mihi deinceps inter vrosque es, & qui exhibent & quibus exhibeo hunc affectum. Litteræ tuæ primæ, tessera & quasi confarreatio sunt huius societatis. De me, videbis quasi ignem esse qui facile comprehendo, vbi materia apta ad honestiorem flamam. Gratularis mihi & vrbi, in

in quam veni. Atqui vt semel scias consilium & scopum mei aduentus, Quies fuit. Iactari apud eos, qui in bello armisque sunt, displicuit: & pedem extuli locis, in quibus alia omnia copiosa & benigna. Sed longius prospexit, & temporis quoque eius rationem habuimus, quod post nos erit. Sit hic omnis felicitas: quid si Fama & Salus laedantur, quām illa infelix? Nec leuitatis crimen erubesco: imò delector conuicio, quo meliorem me agnosco. Hæc tibi, sed non tuā causā. Confido de optimo tuo iudicio: quod nisi esset, non sic me amares. Nemo fideliter diligit, nisi qui probat. Sum ergo Louanij, rebus meis bonis, et si non laxis. Tranquillitate fruor, atque etiam securitate vel inter circumfusos hostes. Deus manifestò protector huic opido, & vix cadet nisi cum causā bonā. Quòd addis audisse te scribere me aliquid de Cruce: verum est, aut potius iam scripsisse. Opus tamen quod nolim in exspectatione apud vos esse, quia nihil in eo magnum præter argumentum. Pietas huc duxit. illa ipsa quæ vobis & Senatui vestro in oculis, cùm salutare hoc signum in vrbe mediâ erexistis, trophæum in illius hostes. Si decorè alibi potero, meminero: possem, si ad vos ire, vti in CONSTANTIA feci. Nunc tamen vix arbitror, & alij sunt qui primitias quasi iure suo volunt. Videbo, & te qui me sic amas meritò redamabo. Louanij, III. Kalend. Mart. ∞. 15. XCIII.

E P I S T . I X . Bruxellam.

IOANNI BERNARTIO I^o S. D.

AEGRE tibi esse, mi Bernarti, quòd à me abes, id verò mihi non est ægrè. Delector hoc tuo angore, & ita ille crescat; vt breuī ad nos redeas, nec nisi alloquio meo illum ponas. Parentes tibi illīc, scio, fratres, cognati, & omnia quæ naturæ ductu ames: sed ecce hic quoque parentes, quos iudicio elegisti, & qui internum illum Bernartium foueant & forment. Me inter eos pone, imò primum, si res est affectus. Quod iniicis de inuidis quibusdam homuncionibus, per Deum hanc curam pone. Quòd virtus perueniet, si sistitur ad has remoras? vt gloria illi comes, sic inuidia: sed hanc adeò non curat, vt vix cernat. Minuti qui non se attollunt, nolunt etiam alios: & factis cùm obstat non possunt, conantur linguis, & spargunt verborum leuia ista tela. Atque

id eminus, vt Parthi fugientes. nam cominus non se componunt, ne rectis oculis splendorem nostrum intueantur. Mi Bernarti, quis nostro æuo (ad vetera non te mittam) paulūm modò altior, detractiunculas has non sensit? Cuiacum vide, me vide. ille ab improbabâ, ego rusticâ etiam manu vapulamus: quid vapulamus? sic vt in somnio, non sentimus, nisi imagine & opinione. Nemo nos tangit, nisi ipsi volumus, & fregit hæc omnia tela, qui contemptit. Indue hoc robur, & in primis ab iis caue qui insurrant, & specie benevolentiae nocent. Memento non credere, nisi illud, quòd te amo ex quo noui, dignissimum cui hoc fiat à bonis. Cetera corām. nam te reuoco, & mihi quoque ingrata absentia tua, si longa. Capita bina carduorum altilium accepi, gratias tibi & parenti ago. Oudarto, si illīc, pro me complexum & salutem dato. Louanij, postrid. Nonas Iul. ∞. 15. XCIII.

E P I S T . X . Antuerpiam.

IOANNI BOCHIO, Senatus à Secretis S. D.

QUOD iamdiu facere te aut me optaui, factum est, & fundamenta posita amicitiae nostræ. Ego decreueram in affatu & sermone id præstare, cùm apud vos essem: opinione meâ & voto, extremo hoc Septembri. Sed benè quòd præcepisti. & hoc plus tibi debeo, quòd affectus tuus calidior (maior non dicam) ad vinclum me duxit, cui iamdiu cupio illigari. Ex animo Bochi. pauci sumus meliorum artium inter Belgas: quid optabilius, quām nosse inter nos, & cohærere? Etiam aliarum animalium quæque aggregant se ad suum genus: ergo inter homines meritò, quibus est similitudo & paritas aliqua vel artium, vel ingeniorum. Credo hæc in nobis esse. & noui te iam ante annos aliquot è scriptis, quæ sparsim edita, aut non edita etiam, apud amicos vidi. Non multa, inquier. Esto, sed è lineâ, vt scis, artifex artificem dignouit. Sed quid opus ista? blanditiæ absint, iudicio me facere puto, si te amem. Hoc satis; & addo mansurum me in hoc fœdere, quod nunc pangimus, quamdiu in me, qui es eris. Vale mi Bochi, & hæc sint pleni sermonis, quem spe iam occupo, limenta. Louanij, postrid. Kalend. Septemb. ∞. 15. XCIII.

E P I S T .

EPIST. XI. Antuerpiam.

IOANNI LIVINEIO Canonico.

En tibi *Cuspiniani Panegyricos*, quos volebas. Vtore, & ede mox in tuam famam, & nostrum bonum. Pluscula in eos adnotata mihi, & nunc ad Plinianum mitto. Non sumus parcii aut condi talium: libenter participamus, & præfertim iis qui iudicio electuri & usuri, quod de te confido. Hesychiana emendatiuncula vera est, & tibi inscriptam in calce Notarum videbis. Puto me etiam rectè iudicasse in Dionis loco, vbi ḥor restitui, & *Thensam* sum interpretatus: miror te verbo non adprobasse. An dissentis? significas, & caussam. Ecce aliun Dionis locum, de Triumpho Cæsaris:

Lib. xlii. Καὶ Αρσινόη τὸ δέστα, καὶ βασιλίς ποτε νομάδεσσα, ἐν τε δύναις, δὲ μήποτε ἐν τῇ Ρώμῃ ἐγένετο, ὁφθεῖσα πάντων οἵτων ἀνθρώπων. Καὶ τότε δὴ τῇ αὐτοφάσει ταῦτη καὶ τῷ ἀκεῖνῳ πάθῳ παρέδυστο. Quod esset: Et Arsinōe, quæ mulier τῇ aliquando regina fuisset, in populis conspecta, multam sui miserationem mouit. & per hunc mox pretextum, Romani propria sua mala palam deflebant.

Displacet illud εἰς δύναις. nam quid noui aut mali in publico adspici reginam? Puto εἰς διαμονήν fuisse: in vinculis. atque id miserabile, nec antē ibi visum. Bella autem conclusiuncula, & interiori Quiritium affectui explicando: quam certum mihi esse ab Homero. Quid enim ille vir occultum non vidit & protraxit? Nam ita de fæminis captiuis apud Achillem, quæ Patroclum lugebant:

* Sie dixit
lacrimationis.
alio mox
collacrima-
runt,
In specie
Patroclum,
in re &
sensu sua
damna.

* Ως ἔφετο ἡλαύος. δῆ δὲ σενάχοτο γυναικεῖς
Πάτεριλος περφασι, οφει δὲ αὐτῷ ἄλγες ἔκαστη.
Simile & in Statio:

Prospektant matres, seuque infensa pre-
cantur.

Oenida, tacitoque simul sub pectore regi.

Sed hæc talia quando coram? si viæ tutiores, iam esset: si vel intutæ, fieri, & cum præsidio aliquo ad vos ibo. Nimis lubet veteres ibi amicos recognoscere, & oculis usurpare.

— spes anxia mentem

Extrahit, & longo consumit gaudia voto.

Vale mi Liuinei, & interim litteris nos adfare. Louani, iiii. Kalend. Nouembr.
oo. 15. XCIII.

EPIST. XII. Antuerpiam.

ABRAH. ORTELIO S. D.

NON multos tibi commendo aut inge-
ro, nec meus mos est: sed hunc singu-
lariè, Ger. Buytewechiūm, qui anno & sex
mensibus apud me egit: tantâ modestiâ &
probitate, ut suprà nihil fatear vidisse. Is ad
suos nunc redit, videre & salutare te voluit:
rogo ut illi pateas, atque etiam bibliotheca
tua. Pauca verba facio: si tu totidem cum
illo, satis se ipse commendarit. Louanij,
iii. Non. April. oo. 15. XCIV.

EPIST. XIII. Antuerpiam.

HENRICO VWENO I^o.

PRIMA est hæc tua scriptio, & pergrata.

Affectu & cogitatione sæpè inter nos
loquimur (opinor de te, ex meo iudicio) sed
fiat stilo quoque interdum, scis quâ lege?
cùm valdè vacabis, aut si id tibi rarum,
cùm valdè voles. Hanc legem tibi dico:
mihi duriorem, & nolo excusati nisi vale-
tudinis caussâ. Sed grata, inquam, tua scri-
ptio: tum quia in eâ animus ille tuus ni-
ueus apparet, & in ipsâ niue (quod mire-
mur) ardens. Amas me puriter, iamdiu vi-
di; atque etiam liberè, quod nunc probas.
Subiicis iudicia quorumdam de libello no-
stro (semper mihi tali, nec umquam ma-
gno) cetera bona, in eo duriora, quòd vi-
deor quædam dicenda non dixisse. De usu
salutaris eius signi inseri volebant: quod
potuit opportunè, fateor, sed mi Vwenc
semel hoc nosce, tractata aliis non libens
retracto. Nónne pridem istud Theologi?
nec unus aut alter, sed multi & è summis.
Me hoc iterare, fortasse nec decorum sit,
nec iis gratum. Non illud, quia extra meam
Spartam, quam colo: non istud, quia redi-
dici, non amare eos, qui scandunt in illo-
rum fines. Et meritò. nam profectò fit cum
periculo erroris aut lapsus. sicut iis euénit,
qui non edocti, fabros aut tegularios imi-
tantur, & per culmina domorum aut tecta
incedunt. Habes caussam vnicam, & mihi
etiam nunc firmam. Ne philosophiam qui-
dem attingo, ne offendam: vult me aliquis
Theologiam? restlio. At tu, mi amice, hæc
& alia audacter nihilominus suggere: amo,
etsi non nunc possum, in aliis audire. Lo-
uanij, quo die in curiâ olim Cæsar. oo. 15.
XCIV.

EPIST.

EPIST. XIV. *Machliniam.*

NICOLAO OVDARTO S. D.

CARMEN accepi castigatum, & vna tuas litteras. Respondissem citius, sed reue-
ra distrahor, præter alias occupatiunculas,
etiam ædificando. Nam domum emi, re-
paro, & dum leue opus censeo, crescit cot-
tidiè, & bulga mea decrescit. Stultum me
(fateri debo) qui cœperim : & fortasse il-
lud quod Crassus olim Deiotaro, mihi ali-
quis dixerit, *Duodecima hora diei ædificare cœ-
pisti*. Nam etsi per ætatem possim viuere,
nescio an per valetudinem: cuius ipsius cu-
ram cogor deponere per hæc tempora, nec
salutaris Spada me videbit. Inuitor sanè ab
amicis Leodicensibus : sed multa impe-
diunt itinerum difficultas aut pericula, &
nee in ipso loco securitas: tuim etiam, ne-
quid mentiar, sumptus. Non tam laxè me-
cum agitur, vt his omnibus sufficiam. Rex
donum nuper dederat, sed adhuc in titulo:
re nihil etiam accepi. Hartium nostrum
rediisse audivi, sed vt censeo, cum exiguâ
spe pacis. Quæ quamdiu non est, frustrà
in pretio esse velimus pacis nostras artes.
Senecam de *Tranquillitate publicè hîc do-*
ceo, priuatim ad me apto. Si cura illa ædi-
ficandi reipsâ non mordeat, cetera pæne
sim tranquillus. Opto te mi Oudarte, fa-
lura, sicubi vides nostrum Hartium. Lou-
nij, x. Kal. Iunij, 15. XCIV.

EPIST. XV. *Leodicum.*PETRO ORANO 1^o.

PER hunc æstum langueo mi Orane, &
planè valetudo mea eget fontani refri-
gerij vestri. Sed quid faciam? multa impe-
diunt: pericula in viâ, & in loco: iam &
ædificatio, quam institui, in domo recen-
ter emptâ. Benè cedat, inquires. Deus fa-
xit, sed bulga mea exhaustur, non ab Al-
phonso aliquo aut Leone implenda. Fui
Antuerpiæ vt mea quædam ederem, quo
tamen hodie fructu? Plaudunt, laudant,
vt pueri Iunonis auem, ait ille: & hæc sunt
præmia nostra. Hæc & talia in sermone co-
räm, si venio, sed serenâ fronte: nec id
impediuerit tranquillitatem nostram, imò
nec iocos. Vale mi Orane, & saluta fra-
tres à me tuos. Louanij, x. Kalend. Iulij,
15. XCIV.

EPISTOLA XVI.

ABRAHAMO ORTELIO S. D.

AH tristes mihi litteras, super Bencij
mei fato! nimis me ille vir amauit,
ego illum; & id vsque à primâ iuuentute
nostrâ. In ipso flore ætatis amicitia Romæ
coaluit, & paucis annis me præcedebat.
Quid autem hoc est, quòd ego æger iste
animam tam diu traho, & tot validi præ-
cipiuntur? nescio quid Deus etiam seruare
me videtur, utinam in publicum usum! Sed
adnitar, & adnitor. etsi nunc valde sanè
distrahor ædificatiunculis nostris. O incon-
sultum consilium in emptione! Gallorum
hoc vetus est, *Famam faciendam parare, do-*
mum factam: ego in vtroque peccavi, & luo-
ac luam poenas. Sed extra iocum, domus
dat negotium, cœpra, & ideo perficienda.
Vellem cum Moreto nostro videre tibi se-
mel animus sit, atque utinam cum Viuia-
no! cuius viri memoria & affectus in me
vigent, & cogitatione sèpè exfuscatantur.
Scriptione rarius, quia nec argumentum
est, & desidere in hoc genere ac remittere
incipio: quod scire velim amicos, & igno-
scere. A Scaligero nobilis iuuenis Gorges
apud nos fuit, multa dixit quæ volupe au-
dire. Quod ad inscriptionem illam Roma-
nam, ne dubita quin EX VISV sit ex som-
nio, & significat se monitu diuino id fecisse.
Sèpè in lapidibus notaui. Vale mi Ortelii,
xi. Kal. Iul. 15. XCIV.

EPISTOLA XVII.

LAEVINO TORRENTIO,
Episcopo Antuerpiensi.

NON aliam à te epistolam accepi (etsi
sèpè tales) magis benignam. Non
aperis pectus & affectum, sed effundis;
quod gaudio & solatio mihi esse, in publi-
cis priuatisque molestiis, debo fateri. Nam
publicè quidein, quid non triste? & ita, vt
deteriora etiam sint in metu. Hostis inua-
lescit, nos languemus, & pæne veteri illo
Demosthenis dicto, quasi mandragoram
qui biberunt, iacemus. Ne magni quidein
isti ictus nos excitant? Nisi quid tamen oc-
culti consilij alibi vel auxiliij, in quod non
inquirō. Sed de priuatis, domus me etiam
tenet, quam lente, & vt operæ istæ sunt, per-
gimus ite exstructum. Cui ornanda & ve-
rè illustrandæ, quod vltro tam liberaliter
polli-

polliceris, accipio, vti & à Prunio nostro. De voluntate yestrâ cùm constat, cutatum hoc ego porrò reddam. Quod ad Ordines, totum tuum esto, si agendū, & quando agendum. Evidem cùm tempora intueror, venit in memorem subuteri interdum etiam de firmitate solutionis: quam N. iste expedit, sed hoc quoque, vt meæ opere, lente. Si in vrbe yestrâ Antuerpiensi (in quâ nescio quomodo plerique mei amantes) delegatio ea facta fuisset, magis id ex meo yslu fortasse, & certè voto. Sed vereor, vt seruum sit immutare. Ego tamen, ob hæc & talia, nihil etiam de migratione cogito, quantumvis exteri inuitent. Nisi vis aut iniuria me pellant, æternum sum voster. Accepi nuper Poëmatia tua, gratum mihi donum ad Bernartium Statijs codicem misi. Illustriss. Borromæo respondi, & ad te mitto: vnâ hunc animum, qui serio semper estruus. Louan. xiv. Kal. Septemb. 15. XCIV.

E P I S T . X V I I I . *Raremundam.*

GVL. CRIPIO SECUNDΟ S. D.

SERIVS ego litteris tuis respondeo, quia redditæ mihi serò. Alias, profectò non tamdiu vices istas scribendi protulisse, vel tuâ vel parentis clarissimi causâ, quem iam olim & colo & amo. Eum aīs (me dolente) in morbum venisse. meo similem, id est pestilium morborum. Vexat, trahit, lancinat, idque per interualla, & omnino est pro Tyranni illius voto, qui homines *sic mori* volebat, ut sentirent se mori. Decem amplius annos in eo furn, vespertilio (vt sic dicam, & iocer) nec inter sanos nec ægros, & mediæ cuiusdam sortis. Non inter ægros dico, palam ægros. ambulo, fabulor, alia vt alij ago, & plusquam alij comedo ac bibo. Nam habet hoc iste languor, vt homines edones faciat, & in cibum ac mensam statim suâ horâ, vel ante horam, imminentes. Quam bilis mihi tunc prompta, si non ei bi? & facit hoc calor atque æstus, circa imum stomachum inclusus. Obstructiunculae illuc

- in venulis mesaraicis, quas medici vocant, heu, nimis mihi notis. Inde flatus, inde vapores, qui caput petunt & sacrâ hauc mentis sedem. O quis Deus aliquando me libera? quis annum det vnuim vacuum ab hac noxâ, quem lucubratiunculis meis impendam! Nam nunc quidem, cùm parata multa habeam, vix digero aut effero: ita horæ & dies labuntur, in vinculis & nexu tristio-

I. LIPS I Operum Tom. II.

ris illius morbi, nec temerè appello vincula. non enim corpus solum ligat, pigrum tardumque reddit: sed linguam, sed mentem, & uno verbo, ex homine cadaver pænè reddit. Querelas habes, tu solatia, vel auxilia quæreas. Unde habeam? nemo medicorum dedit, aut, credo, dabit. Quod tamen yslu me iuuit, aut didici, cape. Primas tenent acidulæ Spadanæ, aut aliae tales; quæ propriæ mihi videntur (si iudicio vtare) in hunc morbum. Imò recentem cum tollere possunt, non dubito: veterem, salem alleuare. Sperabam repetere hoc remedium istâ èsta: sed multa impedierunt, & viæ in primis non yutæ. Alterum quo vror, Aqua inybi stillaticia, quam aceto aut vino leuiter tenuero, & manè admixto pauxillo aniso & faccaro bibo. Mitigat æstus, aperit præcordia & subiacentia, denique ad tempus iuvat. Sed ad tempus carnifex ille redit, & solita mox admouet tormenta. In cibis abstineo ab omnibus calidis, non etiam in potu: & video vina Rhenana, aut siquæ talia dulciora & penetrantia, auxiliari. Opus etiam iisdem, & interdum largioribus, ad furmos aut tristicias pellendas, quæ congenitæ huic morbo. Plura non habeo dicere. amo te, Patrem venor & saluto. Louani, iij. Nonas Sextiles, 15. XCIV.

E P I S T . X I X . *Antuerpiam.*IOANNI BRANTIO, *Graphiaro* S. D.

STEIPSE inibi tuas tradidit, qui meas nūc tibi. Grata tua compellatio, animi memoris & affectus in me index: quæ vtraque de me tibi potes polliceri. Ego verò cogitationes & animum sæpè mitto, quò non inanum aut litteras: & is quoque cultus amicitiae est, desiderare & meminisse. Vos mihi Antuerpiæ amici aliquot, fateor, imò plures quam in aliâ vnâ vrbe, ac prouinciâ pænè dicam. Vtinam, vtinam infelicia tempora permittant inuisere interdum & alloqui, atque, vt solet, arbitrio nostro ire, redire. Suauior vita esset, & valetudo ipsa melior, temperata. sic amicis alloquij & coniunctu. Non datur, non dabitur quod peius est, vt res quidem publicæ eunt aut potius fluunt. Ego, nisi arcana aliqua consilia regum sunt, de his quæ in aperto nihil boni auguror, domi militiæque disciplinâ corruptâ. Æmulatio, contentio, rebellio passim, atque etiam confusio, nec data consilia aut imperia opportune, nec capta. Larga querelæ mat-
ries,

ties, sed non sapienti, qui altiorem in his caussam inspicit, & scit hæc sequi. Prouidetia & currum. Triumphat in eo æternus ille rector, & nos sequimur. liberi ac velut milites eius, si volentes; captiui ac serui, si nolentes. Illud simus, mi Branti, boni beatique etiam in malo æuo. Socerum tuum & vxorem saluto. Louanij, pridie diei qui Lucæ facer, cùm ingrediar ætatis quadragesimum octauum annum. &c. 15. xciv. Consulem Malinæum & Secretarium Bochium amanter resaluto. Addo Thesaurium Robianum.

E P I S T . X X .

Eodem.

HIERONYMO ROVELASKO S. D.

ALLOQVI verbis me poteras & sermone isto litterario, mi Rouelaski, etiam si res non adfuisset: id est, etiam si munuscula & semina non misisses. Nam ego te commendatum mihi ab alijs, poste à te ipso, amavi cùm Louaniū venisti; & magis magisque, quò magis noui. Vidi seruum tuum ingenium, ad recta natum, cum iudicij bonâ normâ: quod caput ego censeo in homine & vitâ humanâ. Si ea norma obliquat aut se inflectit, prauum exspecta quidquid sequitur: & tela omnia aberrant, vbi collineatio fallit. Gratulor tibi hoc bonū, quod à Dco & à naturâ est: sed magis hortor, vt idem iuves industriâ & lectione. Crede mihi, inspectio rerum & peregrinatio, actio ipsa & inuersatio, multū iuuat fateor, & momentum ad prudentiam adfert: sed pluri- mū lectio, si bona, si bonorum. Hæc præter prudentiam, constantiam etiam adfert & robur quoddam animi, quo in hac vitâ turbidâ egemus: denique sapientiam, quæ in vulgus hominum non cadit. Quòd adhuc Antuerpiæ es, non miror. nam quò eas? quis in Europâ locus aut tutus, aut quietus? Italia tua videtur: sed vereor vt & illîc bella, quorum semina certè video: & faxit Deus, vt vaticinâdo errem. Nam dili- go gentem, & voueo illi perpetuâ hanc quietem. Vocarunt me Bononiâ nuper, candidè & per honestè: retineor, quid dicam à fato, an à meis? Splendidior ille locus, scio, fortassis etiam ego ibi vtilior: sed vt dixi, arcanum illud in nobis dominans vincit, Prouidetia siue fatum. Te mi Rouelaski amo, & meum esse semper cupio. Gratiam pro seminibus habeo, & Patri tuo V. C. salutem dico. Louanij, v. Kal. Maij. &c. 15. xcvi.

EPIST. XXI. Leodicam.

PETRO ORANO Ist. S. D.

QVID doleam, quid scribam, haud pla- nè etiam scire me fateor: & tamen do- leo, ac scribo. Estne ictus ille qui te & fami- liam perculit, an rumor vanus aures istas percussit? Utinam istud sit: sed ecce iam- nunc cùm scribo tristior iterum nuncius, & qui audita illa adfimat, & distinctius de- narrat. Heu tristia, heu tragica! quæ nec nūc plenè lubet credere: & tamen vel sic ambi- gentem amor impellit scribere, & vt in cer- tâ calamitate amicorum solari. O si verbis, & vultu, & lacrimis cùm liceat! nam & has sparsissimæ, inferias optimæ patronæ, quam gens vestra Eburonum vidit. Fateor me ad- uersus hæc fatalia decreto animi iamdiu satis firmum: tamen hîc motus sum in mor- te tam inopinatâ, & quam fraus aut insolens nimis casus dedit. In mensâ vene- num? inter amicos, inter plures, in publicâ hilaritate, & quo turba hominum simul petita? Hæc deiijciant mi Orane, nisi melior ratio & sapientia fulciant: quam tu, per Deum, & illam ipsam quam luges, admitte. Functa est inopinatò. quid refert? fun- cta est, & cotidie in magno hoc orbe ta- les inexspectati casus. In eo peccamus, quòd quisque de se suisque tantum cogitat: & insolentiam aut iniuriam interpretatur, quod in familiâ non vidit. Quòd si oculos per vniuersum mittas, si facta olim & facienda cogites: nulla hîc nouitas, & videas omne hoc genus esse sub eodem Fati iugo. Atqui in bono etiam æuo perijt. Quām multi præter illam? etiam ex ipsâ stirpe & prole tuâ quidam æuo meliore. Denique omitte hoc, perijt: error aut mendaciū verbi est; abiit, transiit in loca altiora. Hoc ex nouâ & Christianâ sapientiâ si cogitas, si apud beatos beatam agere: dolori tuo quis hîc locus? Aut si dolori, non est amor: cuius hoc proprium, etiam cum suâ noxâ benè factum velle illi quâ ames. O si pauca ver- ba ingeminare tuę in aures tuas detur? Quid fles aut suspiras mi Orane? Meū abscessum? vide vbi sim. Tuam solitudinem? non diu erit. Præiiji, sequēris, & omnis illa caterua è nobis nata. Liberi & nepotes, quos Deus vi- dere & frui suauiter dedit, hîc (ita spes est) me amplectentur: pergent modò in pietate & virtute, quam à stirpe & præceptis no- stris hauserunt. Lugere, vix viri est; certè Chri-

Christianus non est, cui mors est ipsa hæc vita. Hæc illa, & addam. munus etiam & statuonem tuam cogita, quâ hîc in terris Deus voluit fungi. Consilia aut iudicia publica tractas: sustine personam, nec priuata calamitas in patriæ noxâ vertat. Olim Q. Marcius eo robore animi fuit, ut ab ipso rogo filij, & quidem vniç, in curiam veniret, & Senatu quem mose tunc habet oporteret, euocaret: non mirare tantum, sed imitare, & priuato luctui, eruptu publicis vslibus te reddere. Vna & vera cogitatio obseruetur ad fiducie, commune hoc mori esse, æquè atque illud nasci: & utrumque certo suo die & horâ à Fato deuinatum. Nec hominibus tantum, sed opidis, terris, eleméntis: & quidquid hoc nos sustinet, alit, cingit, imminet, magno illo die vertetur aut peribit.

Omnia funeta

Aut peritura vides. obeunt noctesque diesque,
Astraque, nec solidis prodest sua machina terris.
 Mihi crede, mens quæ ad ista adsurgit, ad luctum non demittitur: & scit mortem generi humano non tam supplicium esse, quam tributum. Cogita, & te vel propter tuos etiam firma, quibus vnicum nunc præsidium es & fulcrum. Scripsi. & cum aliquis tuorum certiora suggeret, fortasse vberius: atq; ô vtinâ hæc vana esse! Louan. postr. Id. Feb. 15. xcv.

E P I S T O L A . X X I I .

GER. SANDELINO S. D.

Quod saluus adueneris, quod tuos, & in ijs Buytevechium videris, gratum est: sed hoc gratissimum, quod nos cum non vides, cogitas, & visere iterum optas. Ista certi affectus signa sunt, in quo ut cõstes perpetim, in animo isto volo. Nam amo te Sandelino; & quod sequitur, volo amari. Quod non omnia illuc ex cogitato aut voto sint, nolo te mirari aut moueri. Vbique gentium & locorum sic erit, imò ut poëta ille ait,

medio de fonte leporum

Surget amari aliquid, quod in ipsis floribus angat.

Temperies hæc & mixtio est in humanâ vitâ: noli fastidire, sed quod in nauis solet, contra naufragium hanc te firma, quo? Pharamaco à Sapientiâ, & è Senecæ nostri officinâ. Vrum & libros eius nosti. Robur & æs triplex circa pectus induendum est, ut nunc sunt homines, tempora, mores. Fac, & ita valeas. Louanij, iii. Idus Jun. 15. xcv.

Carmen, quod honori tuo scripsoram, hîc habes.

I. LIPSI Operum Tom. II.

GERARDVM SANDELINVM
IC^{ti} TITVL O ET HONORE
D O N A T V M.

SANDELINE eximie in meis amicis,
Quem virtus mihi & elegantioris
Coniunxit studium eruditio[n]is:
Grator & faueo tibi hunc honorem,
Quem nunc Iustitiae manus seueræ
Alumno tibi donat atque myſta.
O felix honor, ô beata cura!
Priuatis simul esse publicisque
Rebus præsidium: bonos tueri,
Malos opprimere. euge mi GERARDE
Surge atque exorere; esto sol, & istas
Quæ passim obtenebrant, fuga tenebras.
Sis tutor miseris, probis asylum;
At terror scopulusque sis scelestis.
Sic Deus tibi pluria & que donet,
Sic gradus modò hic esto, & ampliorem
Nanciscaris honore ab hoc honorem.

E P I S T . XXIII. Louanium.

MARTINO DELRIO, Soc. Jesu.

SALVI sumus, mi frater salui: & id palam beneficio diuino. Vide rei seriem. Kalendis ipsis Iuliis Nuncius. Apostolicus INNOCENTIVS MALVASIVS litteras à Præfecto Limburgensi accipit, quibus nunciatur Batauos transmisisse Mosam, equites ad trecentos: & occulto bonoque auctore se habere, Spadam rectâ venire. Ille cum legisset, statim ad me hominem suum misit, & ipsas litteras, ut viderem & arbitrari. Dixi me subsecuturum, & coram sententiam dicturum. Dum paro me, ecce ab illo aliis, cum alteris etiam litteris à Præfecto Geldriensi, quæ eadem fortius adfirmarent, & caueri monerent. nos enim certò peti. Ergo proprio, colloquimur: & aderat in hoc senatulo Marchio Malaspina, vir militaris. Illi vterque propendere, imò vrgere ad abeundum, & iam ante aduentum meum conuasari iusserant: ego contrâ (non abnuo imprudentiam) ad manendum & resistendum. Aiebam subitum periculum non videri. si trecenti essent, magnam manum ad prædandum, nec posse fallere: vndique mox nuncios venturos. Quid autem, aiebam, si in Galliam eunt, regi illi suppetiatum, neque nos petunt? Maneamus, exploremus,

S. 2 rusti-

rusticis emissis, qui per compendia viarum exquirere possunt & nunciare. Non sum auditus, quod gaudeo: & illi sub horam post meridianam secundā Francimontem, in arcem se receptū, discesserunt. Ego subsistē adhuc deliberabundus, non an irem (vndiq; enim de periculo iam nuncij) sed quō irem. Stabuletum peti tūtius videbatur, atque ibi delitescere, quām Francimontem: quō tota ferē aquantium turba concesserat, exemplū magis, vt solet, quām rationem secuta. Tamen & ego mox Francimontem, quia P. Leonardus & Smithus vestri cō inclinabant: quos vna cum famulo meo, comites habui huius viæ. Vespere peruenimus, omnia plena aduentorum, loci nihil in hospitijs: ipsa arx nec Nuncio adhuc patebat. Itaque, Deo bono inspirante, porro iuimus in pagum proximum, cui *Tēum* est nomen. Grandior ille, & vel opidulo similis, creber ædificijs incolisque. Placuit, & omnia ibi tutā visa: cēnamus, dormimus, ad templum manē imus. atque ego peracto sacrificio, ad P. Leonardum, Quām mox ad Nuncium? audire lubet, ecquid magis certum aut lātum. Imò prandere mihi animus Spadæ est, & tibi ac collegæ condico. gallina caput conuiuij erit. Garrimus imus: ecce obuius ipse Nuncius (quod saluti ei fuit) cum Marchione, & famulūtio paucō. Occupat, Quō vos? ego ad te Lipsi. Et cur herè in cānā non adfūisti, securior futurus in arce? Ego ridere. & omnia hīc tutissima, inquam. vides frequentiam, & magnitudinem? non ausint huc vel alteri trecenti adspirare. Videamus, inquit, ambulemus, sacris mox operaturi. Facimus otiosè & securè, & ad templum iam dirigebamus: cū pallens à lateralī viā rusticulus, Vestri Francimonte capiuntur. Obuertimus. quid ais? inquit Marchio. nos iam illinc: homo ludis. Verba vix dicta, ecce

*Quadrupēdum ve-locipedum sonitus qualitatis au-tes.
* sed me Deus ipse Erupit, vires dedit & velocia membra

I'ππιαν ωκυπόδων αρφὶ κτύπος οὐατὰ βάλλει.
ecce tuba insonat, & ipsi conspicui in tergo nostro. Eram Nuncio ad latus, sequebantur alij: diffugimus. plerique omnes cum Nuncio ad templum: ego subsequentē P. Leonardo in transuersam angustam semitā, quā ducebat ad hortos. Nam turbam sequi, non erat consilium. At ecce ea semita peruvia non erat: sep̄ obiecta, quā à viridario disparabat. Hīc hæsimus:

Αὐτὸς ἦμεν τεῖχος
Εἰπούσας δέ μοι ἐπώρος μηδὲ λατύνεα ποιῶα.
eripuit, inquam, me Deus, & sepem illam

aliāmq; transseendimus, pallijs, & quidquid intrabatur, abiectis. Impetuū euaseramus, nondūm periculū: veteramur enim cīngi & inquiri. Itaque ad montana, rustico vno ducce, cōfugimus, inde ad silvestria, & densi que Freponem pagū, vbi nātūgatio & flu-men. Nuncio, inquires, quid factum? euasit hoc modo. Templum intus decluserant, & Campano sonitū dabant ad rusticos vndique excitandos. Hostis intērā terrere, inuidere, quidā ex equis desēndere, & ariete portā velle diffingere. Sed Marchio & famuli viriliter agere, & qui primus hostium accessit, glande eum traijetē. Id reprēslit ceteros. & simul incolæ atque accolæ conuenire, & sanctimoniam templi velle tueri. Francimonte igitur, & mox Spadam repetunt, captiuos abducunt ad viginti è Belgis: ipsos Eburones, Germanos, Gallos spoliānt & prædantur. Nuncius & Marchio euadunt, iumentis impositi nos consequuntur, & gratulamur mutua in salutem. Nauigio vectos Leodicum habet, etiam nupētū pidos à casu, & à fatigatione adfectos. Deus firmabit, tu gaude & votis auxiliare mi Pater. Leodici, iv. Non. Iul. 15. xcvi.

EPISTOLA XXIV.

BALTHASARI MORETO suo S. D.

MIGRAVI his diebus, sed è cubiculo in cubiculum, & bibliothecam dumtaxat transtuli: tamen rem, ita me Deus amet, negotiosam. Omitto, disponere iterū: sed caput molestiæ & culmen est, chartas excutere, secernere, & purgare. Dum facio, incidi in Valeriana quædam olim mihi concinnata, vt ad vos mitterem: si fortè auctorem illum recuditis. Notis scilicet meis addenda aut inserenda. Tu curæ erit: si tanti tamen hæc erunt, nam meliora aut grauiora prior deflorauit electio. At tu vide, & habe. Lib. i. cap. v.

At Cæcilia Metelli, dum sororis filie adultæ etatis virgini, more prisco, nocte concubia, nuptialia petit, omen ipsa fecit.

Putarem: nuptiale petit omen, ipsa fecit. Ipsa videlicet suā voce omen fecit deditque, quod petebat. Sequentia dicunt. Lib. ii. cap. i.

Nulli enim tunc alienorū matrimoniorum confessores oculi metuebātur: sed pariter & videre sanctè & apisci mutuo pudore custodiebātur. Obscurum, & in scriptis reperio custodiebātur, singulari numero. Elicio, custode dabantur: & allusio ad Rom. morem, quo fēminis sui

sui custodes. Eodem libro, cap. x. de prædonibus, qui admiratione ducti ad Africatum visendum venerunt:

Quod ut prædones animaduerterunt, dimissis militibus, abiectisq; armis, ianuae appropinquasse. Itane milites cum prædonibus? non ego opinor: & fecitbam, dimissis militaribus abiectisque armis. Lib. iii. cap. iv.

Vnde processerit, aut quò peruenierit, statue ipsius titulus abundè testatur, seruili cognomine & regiæ appellatione perplexus.
De Seruio Tullio sermo: at nullū ei cognominet, sed nomen ipsum seruile. Scribe ergo, seruili cum nomine. Eodem libro, cap. ii.

Cum pro castello, cui præpositus erat, dimicaret, Cneiisque Pompeij præfetus, iussu eius, summo studio & magno militum numero ad id capiendum mitteretur; omnes qui propius accesserant, interemis.

Fœdata hæc glossis aut insertis, quod intendentī promptum. Nam quis iste *Cn. Pompeij præfetus?* Legatum dixisset: & historia ac res abnuit, scimusque Pompeium ipsum in re præsenti fuisse, & satisisse. Scribā: *Cneiisque Pompeius summo studio & magno m. n. ad id capiendum mitteretur.* Pluscula deleo, etiam vōcem *Praefetti*: pro quā si quis præsens volet, aut *præfetus*, potest. Libro v. cap. i.

Liberalitati quas aptiores comites, quam Humanitatem & Clementiam dederim? quarum prima inopia, proxima occupatione, tertia anticipata fortuna præstatur.

Apertius & tamen acutius esset: quarum prima inopia, proxima occupatione. Nam hoc dicit: Liberalitatem inopis fortunæ subuenire, Humanitatem occupationi & inuolutæ, Clementiam ambigua & periclitanti. Eodem libro, cap. iii.

Gaudio exultans Caietam cœcurrit, & viderum, omittit quod amplissime dignitatis, certe salutis eius auctorem, studio etiam præstantis officij priuatim sibi venerandum, rugulum prebere insit.

De Popillio ista, & Cicerone. sed libri scripti, quos consului, pro his verbis *salutis eius auctorem, vnicum hoc habent, salubritatis.* Et verò damnanda illa sunt. nam et si vere dicat *salutis auctorem ei Ciceronem*; tamen non fecit, sed postea addit, *studio præstantis officij venerandum*, hoc nempe defensionis & tutelæ sensu. Itaque legam ex libris: certè celebritatis, studio etiam. Cicero, inquit, fuit vir amplissimæ dignitatis, itemque celebritatis & famæ. Libro ix. cap. x.

M. Flavius Tribunus plebis ad populum de I. Lipsi Operum Tom. II.

Tusculanis retulit, quod eorum consilio Veltornos Priuernatesque rebellaturos diceret.

Imò non futuram culpam, sed factam æquius punire erat, & res etiam fuit. Neque enim rebellatur illi erant, sed iam fecerant; quod ex Liuij viii. libro discas. Itaque omnino h̄c scribendum, rebellatos. Nouitas verbi ne offendat, ita Palatos pro Palantes, & plura prisci: hoc ipsum etiam in Tertulliani v. adu. Marcionem: *Quæ gratia à non offendendo? quæ pax à non rebellato?* Sunt alia, sed minora fortasse, nec nunc exscribenda. Tu valebis, mi Morete, & nos amabis. Louan. iv. Kal. Januar. 80. I. xcvi.

E P I S T . X X V . Antuerpiam.

BALTHASARI ROBIANO, Senatori S. D.

A MICA epistola tua me affecit, vt sermones & conuersatio solent. Fateor enim candidè, exhilaresco & vegetor cùm apud vos sum, viros beniuolos, prudētes, doctrinę & mei amantes. Affectum illum verum in vultu atque oculis video; quomodo non cumdem rependam, & deuinciar mutuo quodam nexu? Enim uero facio: & si vlos mortalium, vos aliquot Antuerpię calidè & fideliter amo. O probitas, ô candor, si tales apud plures sint: aurea sæcula redeant, & viuamus in terris cælestem aliquam vitam. Sed non hæc felicitas huius sæculi, quo maximè Biantis illud verū est, * oī māēsū kxkā. * plures malitiae Speramus emendationē, aut leuamentū aliquod, à nouo nostro Prorege, quem latitari varie audīo, etiā ab ijs qui interius nouerunt. Faxit Deus, vt firmā rectaque mente sit, nec abripiant cum aut flectant praua nostra & detorta. Eligat & discernat, quibus credat, & quos audiat: caput, nisi fallor, imò & pedes, in bonâ gubernatione. Diuturnum hoc bellum ciuile labes multas aut corruptelas inuexit, & pro virtutibus pœnè quædam habentur: magnitudine animi opus est ad corrigendum, sed & prudentiā, vt seculim & sine motu. Bataui vicini nostri si sapient, pax & boni inores ad nos redeant: bellum & vitia extra fines istos eant. Sed illi peruicaces; & de plenâ medelâ vix sperandum, quamdiu pater iste malorū Mars erit. Durēmus, peiora tulimus: & aliqua tamen serenitas per nostrum hunc Serenissimum, spem: illicebit. Te valere cupio mi Robiane, mei amantem & memorem. Louanij, postr. Kal. Feb. 80. I. xcvi.

EPIST. XXVI. Antwerpam.

BALTHASARI MORETO suo S. D.

MORTEM auiae tuæ, et si matura ea fuit, & iam ipsa in metâ æui, tamen tristis audiui. Matrona fuit bonis probisque moribus, sine fuso aut pompa, viri olim amas, domus suæ & œconomia intelligens & curans. Et satis hæc in fæminâ: plures laudes qui quærunt, vitia fortasse congeret, in specie virtutum. Mulier, quæ ulta mulierem sapit, non sapit. Carmen tuum libens vidi, & lacrimas, quibus meritò ei parentasti. Extremum officium est, sed & decorum officium est: & laude ac memoriâ bonâ prosequi defunctos, ratio & sapiëtia probant. Mihi ab amicis haud aliter eueniat, nec lessō aut plâctu, ut ille ait, funera quisquam mihi faxit. Misere te autem interdū actuosæ tuæ vita has meditatiunculas aut scriptiunculas, tibi quoque & animo tuo vtile: quem nūquam ita merge vndis istis rerum, vt non emergat interdum & resipiat inter litterarum flores, aut poëeos pigmenta. Sed & pascat eum interdum fortior lectio, & Sapientię collēt, illum lustret. Fac, & vale mi Morete. Louanij, vi. Kal. Sept, 15. XCVI.

EPIST. XXVII. Antwerpam.

IANO WOVERIO suo S. D.

EN, habes sodalem tuum veterem, citius quæm opinio tua aut nostra ferebat. Sed ita fert mare, violenta pars inuidi, & cub ne mo imperat, præter illum qui cunctis. Eruere igitur eo paullisper (nam nec diu aderit) & tedium hoc pelle, quod in animo tuo scribis innasoi. Remedium petis, à me ne? cur non potius à libris, ad quos te misse. Nam mihi crède Woveri, in eâ officinâ herbae, succi, medicamenta, quibus honestam voluptas in animo excitetur, quibus & virtus, ac robur, in omnes res aduersas. Atqui hoc ipsum subinde dolet & truciāt, auulsum sic esse. Gaudeo hunc dolorem tuum, & maneat: sed tamen sic, vt quemadmodum amantes abiuncti paullulum aut exclusi, acrius amant, aut redeunt: sic tu quoque vel furtim fruare, & visas identem ad nostras illas Nymphas. Vnum Senecam tamen, ad firmandum animum, vel maximè tibi ingero: ceteros, ad docendum aut delectandum. Eum nunc legebamus publicè, nescio an cum iuuentutis magno

fructu (quæ tamen frequens satis & alacris audit:) at cum nostro certè, qui honesta illis fortibusque monitis erigimur, & subletramus, quod necessum est in multis aduersis aut tristibus, quæ publicè & priuatim suppeditat hoc æuum. Vale mi Woueri, & amandus ama. Louanij, prid. Non. Mart. 15. XCVII.

EPIST. XXVIII. Eodem.

HENRICO VWENO I^o D. S.

PRO amico fecisti, quod libellos qui me tangebant, miseris. quos legi statim: & quid dicam? parùm aut nihil me repperisse, præter voluntatem ledendi. Designant magis reum, quæm peragunt, & communiter contenti. Antiquitatis inuidiam nobis obiecisse, desistunt. Mira hæc accusandiratio, pedem non conferre proprius, non loca ipsa aut phrases notare & excerpere, quas damnes. Interè cum bene abicerunt & contempserunt totum hoc nostrum scribere, metuunt ne iuuentus imitetur, & preciis monitisque eam auocant & abducunt. Quid timent? si Venetæ aut lepores in ea nulli sint? si barbara, ut aiunt, & spurca? Scib conscientia ipsos quoque convincit (testor. eam & appello) stilum nostrum aliquid vivuum, alacre, sed & eruditum habere: quod ipsi ore magis, quæm corde spernant. Novimus hoc genus. miselli, manet in suis preceptiunculis: Hac Exordium, hoc Narratio est: Hac Allegoria, hic Metaphora: & præclarè censent Ciceronem sc. interpretatos, tum & Ciceronianos esse. Quo argumento? quod clumbat quædam, & exsanguia scribant: quod a centia verbis, sensibus, numeris: quod denique sic algemina, ut refrigerare possint Germanicas suas viues. Et o ridiculum! nec ad Ciceronem quidem serio nos vocant: sed ad Melanchthonem sūmam, vitam, mihi, nisi à religione, haud aspernabilem, sed nec interduces aut ante signans ad eloquentiam ponendum. Hunc admirantur, hunc tollunt, numen cum altero suo numine habet: de quo verissime Bonamicus in Italiâ interrogatus dixerat: Videri eum Latinè loqui incipere, & tentare. Reuerat ita est. isti velut in margine & finibus Latij bætent, adspiciunt elegantiam, & mirantur initia pectus, aut linguam, non admittunt. Atqui nos obscura & intricata scribimus. Nescio, dicam liberè, mihi de me non videri: imò hoc in laudibus meis vel maximè censeo, quod

quòd in breuitate nubes vita! Dicant & iudicent, qui Latinè modicè intelligunt: dicant, qui vel leuem gustum habent politioris litteraturæ. Quòd si ad istos occupatos aut ignavos vocamur, qui supini & oscitantes nos inspiciunt; cum supercilios, sed & fastidio, innotescunt præjudicio iam legunt: quid speremus? Et faciant tamen dicantque, misericorditer Orationes & Carmina: en me vates (quæsto, libetam hoc potius, quam sui perbum sit) viuent scripta quædam Lipsij; & ad posteros venient: imo ipsa Germania, in quâ flammulas has inuidiæ excitant, ipsa Pannonia, & Polonia approbabunt: Nam de Gallicanis & Icalis iudicijs, eâ parte securi satis sumus. Nec tamen nego esse aliquid alibi in meis scriptis vel vetusius fortasse, vel concisius dictum: quod sic solum protatum, in culpam possit cadere: sed idem excusari & erigi, si quo loco, arguento, vel ad quem scriptum sit, videatur. Nempe ecce in Critica, ubi ex professo literaria & antiqua traecto: quid mali sit, vocem aut phrasim esse interdum antiquiorum. Ut in epistola ad vitum subtilem, & doctum: cur non breuius aut eruditius scribam? Fecit Cicero ille, & variauit, cum ad Lentulam, Pompeium, Calium, aut Atticum scriptaret. Nec affectatio ea in nobis est: an quam errant eodem calamini tenore & impetu, illa mollia aut vulgata, & hæc strixiora aut meliora scribimus: quod sciunt, qui à manu mihi fætunt. Sed caput tam criminacionis viuit, inquires, nec inciditur, Tullianum se non esse. De isto aliás, & fortasse publicè: atque utinam, Tullio ipso iudice, certare hanc litem possum! Sed hoc tibi modo dicam, quod ipse attigisti. istæ iaculationes, isti lapides, in nos pluunt ab vnâ hac caussâ, quòd fortiter & feliciter deservimus illam causam. In qua tamen corpore potius, quam animo fui- mus: quod nouit ille, qui hunc & recessus eius intuetur. Non expedit Lipsum in admiratione esse, quitacitus & exemplo par- tes eas damnat: tacitus? imo iam nuper apertâ professione & scriptis. Hoc morderet, hoc purgit, hoc vices excitat languentes & fractas; & quæ in medio spatio deficiant, priusquam metant. Habes de libellis breuiter: quibus an aliter etiam respon- deam, meæ deliberationi relinquo. et si mundi non videbantur tanti. Vale, & saluta optimos viros amicos nostros, Prunium, Robianum, Scotium, Ortelium, Bochium. nam

Malineum scimus, & gaudemus, Bruxellæ & publicis iam consilijs esse. Louanij, iii. Idus Februarias. &c. Id. xcv.

E P I S T . X X I X . Eodem.

CORNELIO KILIANO S. D.

ETYMOLOGICON tuum nuper vidimus affectum, & speramus nunc conjecturam. Industriæ testimonium dare possumus, utinam & præmium labori! Vtli labori, fatendum est: & qui in publicum plus conferet, quam multorum speciosi, addam & famosi libri. Sed æuum nempe nosti, certè debes in eo iam vetus, & inclinare aut ruinam spectare quidquid hoc est litterarum. Eas tantum probitas & virtus abeunt, ac bella ista & mixti exteri Belgicam, ut sic dicam, è Belgicâ tollunt.

Hoc fonte deriuata clades

In patriam populosque fluxit.
Sed quid ista? hoc volebam, testimonium tibi reddere, & gratiam spondere, si non isto, meliore & post-futuro æuo. Testimonium quidem subscripti: si non ipsum, animus placebitui volens. Vale mi Kiliæ. Louanij, Kal. Mart. &c. Id. xcv.

IN CORNELII KILIANI
ERUDITI VIRI

Etymologicon.

QVIS & VIIS Belgica amare, Belga, verba
Audes, hanc quoque amare **KILIANVM**
Aude. qui egregio suo labore
Sermonem tibi patrum propinat,
Iam purum nitidumque. qui fusset
Aut aui, aut proauis tui, meilæ.
Non hic Galle tuas, tuas Ibere,
Tuas Itale nunc reposce voces:
Nostra hac fabula, scena tota nostra est.
Ite exotica verba: **KILIANVS**
Dat pura & pura Belgica. & quid ultra?
Et pura & pura dat simul Latina.
Duplex gloria. gratia esto duplex:
Et Belga hunc amet, atque amet Latinus.

I. LIPSIUS exedit.

E P I S T . X X X . Bruxellam.

OTHONI HARTIO I^{to} S. D.

LITTERARVM exemplar, quas R^{ex} mea gratia ad Proregem scripsit, ad te mitto, ut videas breue & seriū de me testimonium:

Sf 4 sed

sed præter iudicium, vt opinor, nihil ad me accederet. Quod factum est, pro rato erit: & reuerà vltra nihil specto, nec vota mea longius mitto. *Quisquis de accipiendo cogitat*, ait Seneca, *oblitus est accepti*. Non sic ego. & scio alioqui quantum naturæ satis sit, & hoc me rura mea Iscana ante biduum docuerunt, quæ inspexi. O si viuere illuc in securitate & tranquillo otio liceat! apud te non nego, adspiro. Et profectò, vt res publicæ grandibus passibus nunc eunt, breuî mutatio aliqua insignis speranda in Regis & nostrum bonum. In Caletibus res magna gesta est. quid in progressu ab eo spores, qui sic incipit! quæ opera erunt, cùm hæc rudimenta? Evidem quin Rex de mari & classe cogitet, non dubiro: atque vñica ea via est mittendi in compendium belli. Sed ad me. De MACHINIS libri quinque finem mox spectant: cui dedicabimus? ALBERTO opportunè in nouâ hac vietiâ, & expugnatione per Machinas: sed sistit hoc vñū, quòd Principi Electori Coloniensi ante annum hoc ferè addixi, aut certè spem feci. Ipse liber ita compositus, quasi ad illum velit ire: & Leodicenses amicos, interlocutores feci. Itaque non muto, & nostro aliud alias erit. Louanij, vii. Kal. Maias. ∞. I. C. xvi.

E P I S T . X X I . *Leodicum.*
IACOBO CARONDELETO V. R. & N.

SIGNVM mihi non fallax affectus tui est literata hæc scriptio, imputanda mihi, non excusanda. Nihil gratius Libros meos Mechanicos breuî habebitis, sed nolim res maximas exspectari, nec id argumentum tulit. Profectò allidimus ingenia ad arenas quasdam aut vada scriptionū, vt sic dicam, & in alio argumento facilius & felicius plenis velis ferremur. Sed id factum est sicut & de inscriptione, cui Præfationem & alloquium haud ieenum aut indecorū fortasse subiunximus. Ipsos libros per te tradi, mihi in voto sit: sed videndum, an non per Bellum præster, Principi, vt scis, intimum; & mihi, vt sensi, amicum. Eius quoque ratio habita in ipsis libris, & facio interuenientem & loquentem. Quod tu suadebis, id fiet. De N.N. libro nouello, nondum h̄ic vidi: & notet ibi me an alium, nescio; sed hoc scio, quòd si me, non curantem aut attendentem. Iamdiu morbum hunc aut teneritudinem animi deposuimus, ad singula iudicia concuti aut moueri. Scriptionum

genus quòd hactenus ferè institimus, pila- littera-
rīus & an- λyptiky φιλαρχεων: tale est, vt vniuersè probari nquarium.
possit; in partibus, semper aliquid desiderari aut notari. Nosti illud Horneicum:

Oud dñe tristis
E' caries' epoies' dñe' etra φημ' ούδε. Nondam
tur uni
Omnes
in rebus
quarum
dolumq
duere.
Certe in istis, quæ ab antiquitate petuntur, quæ cœcturis, opinionibus, variâ lectio- ne & testimonijs constant, siquid iniūs ali- bi certum est, & aliâ aliquâ lectionculâ in- firmatur; non mouemur, non miramur: fe- cimus ipsi alijs, ab alijs nobis fieri. Quod ad publica, iam quies est & tacitæ cum Gallo velut inducię. De apertis sermo euā erat, sed vix puto Regem nostrum id facturum sine rei pretio, cùm pressum premi, ei maximè conduceat. Habet sanè hoe noster Philippus & Crassorum omnium Crassus, vt ducere bella possit, perenibus ærarij fontibus, quos alij requirunt. De Massiliâ obsessâ aut obsi- dendâ, h̄ic sermo fuit & litteræ, nec abnuam ego, quia valde firmandis rebus in Italia & toto illo mari sit vrbis eius possessio: sed an ex facili paranda? Porro audiemus. Turcica læta satis, excipio de Clissâ. Sed quid aliud exspectandum, in Vscochorum, id est præ- donum incerto imperio? Si rex aliquis aut Princeps insedisset, sibi mius, credo, munius- set & tenuisset. Ego & alij, qui res papillō priores Turcatum legerint, mirati debent hanc illorum nunc negligiam vel impo- tentiam. Sed ignauia potius, & à fato veretur: num: quia magna imperia limites suos ha- bent, quòd cùm venerunt, sustunt, retroeunt, fuunt. Vir Reu^{de} & Nobil^{me} salue. Louanij, iv. Idus Julias. ∞. I. C. xvi.

E P I S T O L A X X I I .

N. N. S. D.

DOLVI seriō, quòd non licuerit mihi stu- per respondere, cùm id parantem face- re, subito exteri interpellarent ac distin- rent; atque ij, quibus honestè me negare aut subtrahere non possem. Nosti hac in re for- tem meam, & talibus salutatoribus tempus & me sèpè dandum esse. Sed magis dolui, quia res tua seria erat, in quâ consulebar. Audi nunc igitur, ex animo & affectu. Pro- ponis duas vias vitæ, à parente tui amanissimo ostensas: quarum altera, ad quietum & salutare genus dicit, Ordinem Ecclesiasticum; altera, ad commune & ciuile, & ad sæculi dignitatem. Evidem difficulter ali- quis tibi dixerit, vtra ineunda sit, præter ip- sum

sum te. Si enim ad matrimonium adspiras; & videris sittie consorte non posse viuere: prius illud omittendum est; & cum bono Deo alterum hoc amplectendū. Sed tamen quia nescio decretūm hoc tibi esse (imò puto non decretūm) si omnis deliberatio in integrō est; debeo libere & ingenuè priorē illam vitam, id est sacram, anteferre. Omnis ratio calculos huc confert. Naturam tuam si inspicis, quieta & non ambitiosa est; si studia hactenus usurpata, eò ducunt; si vota parentum, eò; sed quod caput est, in mundo isto tranquillitas, in futuro salus, eò vocant. Non, quin etiam secundā illa via illuc ducere possit (tñi nego, nec sic insano:) sed quia plures in ea remorat, saebræ, turbæ, pericula; & nobis, qui experti sumus, atque experimur, hoc crede. Omnis modò difficultas initio est, & lucta aliqua cum calore isto iuuenili: qui cùm deferunt; Deus bone, quām non facilia solū omnia, sed iucunda? Si externā etiam consideras, hæc vita opes habet, dignitates habet, imò supra illā in sāculo: si quis tamen ea quærat, & me auctore non quæreret. Si adiijcantur, esto: finis ille non sit, sed Deo placere, & te in tranquillo ac tuto collocare, inter istos mundi fluctus. Habes breuiter sententiam meā: quæ tamen alterum ita laudat, ut alterum nec damnet. & ut initio dixi, tecum serio disputa & te examina, non solū quid velis, sed quid possis. Si distinetius ad me scribes, respondebo etiam distinctius, & te amātem mei (hoc enim scio) & amabo & curabo. Louanij, xvi. Kal. April. &c. I. xcvi.

E P I S T . X X X I I I . *Leodicum.*

P. ORANO suo S. D.

En tibi libros POLIORCETICON, in quibus fabellas nostras videbis, nec miraberis, gnarus scilicet & moris & licentiae, quam Dialogi habent. Mentiri illis non solū licet, sed oportet, si seruum aliquid & extra vulgus sumus dicturi. Imitationem veritatis Dialogi habent, non tamen ipsam. Certus porro amoris tui, laudes non quæro: mallem iudicia, siue tua, siue aliena. Nos enim qui doceimus, discere etiam possumus: atque ego eo ingenio sum, ut serio velim. Sed & tota hæc res intricata est: monitore alibi egere possumus, aut doctore, præsertim in fabrilibus, quæ non sunt propriæ meæ artis. Hæc ad te, & per te ad alios.

illud etiam, ut de Præfatione mihi significes, sítne ad gustum? Blandicella nimis verba dare, non est meum: series laudes makimus, & quas cui damus, & qui audiunt, patiter agnoscant. Ipsum volumen Principi destinandum ad Billéum nascimus, virum amicum nobis, & apud Principe in auctoritate & fide. Iudet nos vel iudicium eius, vel amor: qui meus in illū quoque hoc scripto apparebit. Vale mi Orane. Louanij, xii. Kal. Septembri. &c. I. xcvi.

E P I S T O L A XXXIV.

GERARDO SANDELINO I^{do} S. D.

SALVVM te gaudeo, saluum ex illâ tempestate an naufragio, &

*Suspendisse potenti
Westimenta maris Deo.*

Mihi quidem improuisum hoc periculum fuit, & in tranquillo ac summâ malaciâ vehi te iam censebam. Sed nimurum

Quid quisque vitet.

Disce, disce cauere & timere nec timenda; & magis disce, ferre & excipere, cùm euenerunt. Para te etiam ad alia: quia catenata hæc inter se, & easum excipit casus. Misericordia nostra! nisi tamen animo stamus, & confidimus, solo hoc decreto beati, neminem ab his externis miserum esse. Facile hæc dogmata tibi nunc canam, quia cottidic hoc ago in Scholis, & Senecam nostrum DE CONSTANTIA SAPIENTIS (secundus de Tranquillitate inscribitur) explicamus iuuentuti, utinam talium capaci! Sed & à me facile, qui plures annos ista iam meditor, & stilus ab ijs, spero & animus, colorē aliquem dicit. Quid tu? veni, veni in easdem curas: aut si es, mane, & esse te intellego, in vrbe inquietâ quietè agentem, in studijs, in libris,

*Curantem, quidquid dignū sapiente bonoq; est.
Perseuera, & ætas atque usus magis dicent,
me vera dicere: nec pretium ullum homini
in humanis, nisi à se esse. At tu putas, etiam
risu & naso suspendisse nos pericula vestra.
nósne? securi scilicet, qui nunctrumphum
& iocum dedimus vobis; & ecquid ali-
quid de Louanio, aut longius, garritis &
speratis? Sed*

*O nauis referent in mare te noui
Fluctus. ò quid agis? fortiter occupa
Portum.*

Quem portum? quietis & pacis, si me au-
ditis. Sed ridetis tu quoque fortasse, qui fieri
non

non potest, quin fiduciæ aliquid trahas, inter tam fidentes. Quid tamen classicula illa in Iberia? nihil vos commouet?

— *cras folijs nemus.*

Sed defino iocari: & reuerâ hæc publica, vix, nisi ut ludi, me tangut. De priuatis, benè est; si corpusculo & valetudini melius paullo esset. Sed si quoque benè; quia ferre iam non ratione solùm, sed assuetudine possum. Te ex animo valere opto mi Sandeline, & interdum per litterulas nos affari. Scripsi postridie eius diei

Quo fracta virtus, & miraces!

Turpe solum tetigere mento.

Louanij. oo. I. C. XCVII.

E P I S T . X X X V . *Antuerpiam.*

HENRICO HALMALIO V. N. S. D.

OCCASIONEM scriptioñi tuæ Scarebergerum dedisse, id gaudeo; & hoc magis iuuem amô, quod amicitiam inter nos palam, & quasi fœdere inito, conciliauit. Enim uero liberè hoc dicam, sunt in urbe vestrâ plures quos æstimo & amo: ad eos te aggregari, quem etsi non consuetudine, tamen famâ meliore notum habui, fuit mihi votum. Atque in eo te mecum consensisse, & ex lucubratiunculis nostris affectum aliquem in me haussisse, & credo, & lætor: atq; ut perseveremus in mutuo hoc iam amore, te rogo. Quod ad Scarebergerum sanè tuum attinet (quidni tuum, cui auunculus & tutor, & velut pater iam loco es?) quod ad illum, inquam, is hactenus se mihi probat modestiâ, & discendi cupidine: & spero aut confido potius, parem eum opinioni vestrâ futurum. In quo opera mea, aut directio, non deerit: quæ eò prolixius adhibeo, quia & quoque hac ratione deuinctum iri scribis. quod ex animo cupio, & studia atque officia mea (si qua facultas aut occasio erit) fideliter tibi probare. Vale Vir N. & Cl. vi. Kal. Junias. oo. I. C. XCVII.

E P I S T . X X X VI . *Eodem.*

FRANCISCO Hovro suo S. D.

De horto nostro cogitare te, te ipsâ ostendis; & id gratum animo meo accedit, quem scis in vnicâ illâ delectatiunculâ refici & laxari. Nam publicè alioqui, aut priuatim, quid solatij est? turbæ è turbis, vexatiunculæ, lites, & quæ solent in rebus humanais. Nuper & hostis vicinus nos terruit, &

armati scilicet in mœnibus stetimus: quid censes? si Demetrius Poliorcetes ille venisset, Rhodios suos inuenisset, O bone Deus, quām tuas vites & tutelam video, cūm nostram inopiam aut imbelliam considero! quæ nusquam clarius apparet, quām cūm in vnum cogimur, pauci, debiles, inermes. Tamen spiramus altum, & loquimur: & hæc fiducia quoque an non à Deo est? Sed audi tamen, cautelam etiam adhibere incipimus, & de oppido muniendo serio deliberatur. Deliberatur? immo disceptatur, nam controversia est, & Senatus urbanus extiorem murum firmari vult; noster Academicus intiorem, & portas ac repagula ei addi. Hæc nunc agitantur, quæ scribo ne nihil scribam: tu mihi, pro hisce nouis rebus nostratis, sedulò Italicas submitte, quas iuuat legere, et si sàpè yanas. Vale. Louanij, vi. Kal. Iun. oo. I. C. XCVII.

E P I S T . X X X VII . *Eodem.*

ANDREAE SCHOTTO Soc. Iesu S. D.

AN sileam in tuo reditu? ipsum quidem te exspecto, & cum poëta, breuī *Iugundum os oculosque suaviabor:* sed tamen & epistolam hanc præmittere ad te debui, animi gaudijque mei indicem, & redditum tibi ab interuallo in patriâ gratulantem. Benè & feliciter veneris mi Schotte, feliciter agas, diu agas. Ecquando ad nos? Longi dies & horæ huic voto, quod festinat, & amplecti amat pænè veterissimū amicorum. Non plura, si redamas veni. Louanij, iv. Kal. Iulias. oo. I. C. XCVII.

E P I S T O L A X X X V I I I .

FRANCISCO AERSENIO S. D.

NON tu libentior aut frequentior ad me scriberes mi Aersseni, quâ ego responderem, si assidue meæ aut occupatiunculæ, aut interpellationes, paterentur me quod vellem posse. O hominem amicum quieti, & ab eâ semper alienum! Malo sidere natum me dicerem (câ quidem parte) si aut pietas aut sapientia paterentur diuinis refragari. Illa sic me voluerunt esse, vivere, & lucere alijs: fiat, & ipsa inquieta sidera mihi erunt in exemplum. Breuiter & semel hoc excuso, vt si interdum sileam, caussam prænoueris, & fugias aliud suspicari. In libris optimis te versari, & occultè ac paulatim illo rore imbui, gratum mihi est, tibi

tibi vtile in omne æuum & iucundum. Non sunt alia gymnasia ad virtutem & prudentiam, præ istis: exercere, & in omnem fortunam te firma, ad omnem conditionem & statu te forma. Historia, Philosophia, Geographia, omne hoc genus te habeat: sed vt fructuosè, semper cum pugillariis & stilo. Excepanda inquā sunt, & in locos quoque dirigenda, Plinij illius exemplo: de quo alter Plinius, *Nihil tñquam legit, quod non excepere*. Initio tedium hoc aliquod haber, posteà voluptatem, cùm crescunt opes, & miratis ipse tuas messes. De SENECA quod ait, obfcura & dubia tibi quædam esse: non ambigo. sed & hæc ab illis Excerptis paullatim peruades; & ego aut alius (quod optas) publicè forrasse iuuabimus. certè ego, si ex voto meo viuo aut scribo. Sed aliena ambitio aut imperium aliò nos trahit sæpè: ferendum est, & hoc quoque sciendum à Deo esse. Dat metas ingenijs, quò & quatenus currant: & idem in famâ. Vale mi Aersseni, cùm parente mihi peramico. Louanij, iii. Id. xbre. &c. I. xcvii.

EPIS T. XXXIX. Ariam.

HIERONYMO DE FRANCIA,
Præposito Arienſi S. D.

PERGRATVM mihi fuit epistolam à te videre, & in eâ affectum ac memoriam mei: quæ utraque à nobis tibi reddi, certò te velim scire. Ita vixisti apud nos, eo studio pietatis, cultu modestiæ & industriæ, vt Schola nostra in te habuerit & ornamen- tum & exemplum. Votum meum sit, tales è iuuentute & optimatibus ad nos venire, tales abire. Esse te nūc in quiete tuâ & firmo domicilio, quò Deus & dignitas tua vocarunt, equidem gaudeo: & spero stabilem ac firmam eam sedem tibi futuram, nisi tamen idem Deus & virtus tua ad alia & maiora te vocant. Interea in sacro illo otio, non ambi- go quin studijs & optimorum librorum tractatione sæpè te delectes. quod hortor vt facias, & monita ex ijs haurias ad pruden- tiam & virtutem. Enimuerò & in meis li- bris esse te significas: qui vtinā eódem con- ducent ac iuuent! Conati sumus certè, & hunc finem scriptioonis mihi fuisse, atque et- iam esse, Deum testor. Abite litteræ, & tot labores, si nomen aut fama tantum, id est nugæ & vanitas, ex ijs querantur. Conamur idem in docendo, vt scis: & vocem ac præ- cepta dirigimus ad animos formandos &

firmandos. Hæc de nobis: de republicâ, mi- ror in litteris tuis nihil esse. sed hoc fortasse ideò, quòd nihil nunciare haberet, quod delectaret. Sumus tamen in magnâ spe, ob magnanimum hoc decretum Regis, & do- nationem nescio an sæculis ullis auditam. O magne Deus, dirige hæc consilia ad Bel- gicæ, vel ad Europæ potius, tranquillitatem & salutem. Cum Galliâ si pax aliqua aut induciæ sint, nauigemus in portu: nec diffi- do, ob statum Galliæ afflictum, turbidum, & quietis egenem. Vale Reu^{de} & Nobili- lis Domine, & nos tuos ama. Louanij, x. Kal. Ianuar. &c. I. xcviii.

EPIS T. XL. Antuerpiam.

FRANCISCO SWEERTIO S. D.

GRATVM mihi de nuptijs tuis intellegere, atque inter hæc omnia tristia pæne læ- tum. Ætas tua iam eò vocabat mi Sweerti, nec longè ab Hesiodi tricennali illâ anno- rum lineâ es, quam ipse ad coniugij cursum aperit & demittit. Sed & pater eò, & res et- iam tuæ ducebant: quas facilius feliciusque tractabis, adiuncta vite & curarum illâ con- sorte. Quid naturam dicam? ipsa vel in pri- mis incitabat: & nec vocata illa (vnde ei no- men) Venus ad nos venit,

Omnibus incuties blandū per pectora amorem. Itaque Deus statim facto homini confor- tum hoc addidit: suave, honestum, vtile, si quis decorè & sapienter habet. Ut possis mi Sweerti, non cunctabor diffundere me in pauca præcepta, & quasi viam hanc tibi præire, ipse in eâ iam vetus. Primù, imò meo iudicio & sensu, vnum est, vt Concordia sit in matrimonio: nec corporum so- lùm illa iunctio, sed magis animorū. Sicut in fidibus concentu nihil suauius, offendimur dissensu: tale istic. & temperies illa atque harmonia, vt sic dicam, matrimonij delectat, neque ipsos tantum, sed amicos, imò & alienos. Ut autem ea sit, Amore in primis opus est: & vt ab ipsâ habeas, tuum affer. Vetus illud est, venenum & philtrum efficacissimum amoris est, amare. Aristip- pus olim, cùm aliquis de Laide obiecisset, *Ab eâ non diligi. Parum est*, inquit. nam nec vinum me aut pisces, quibus tamen fruor. In- pte. voluptatē ille solam, & corporis illum fructum quærebar, de animi inclinatione securus. Aliter verò in coniugio & affe- ctu, vt dixi, quærendus emerendusque ille affectus est: atque etiam comitate quâdam morum

morum & sermonum. Antiqui Mercuriū cum Venere in eodem templo soliti dedicare: quid nisi significantes, sermonem & blanditiam conciliatricem amoris esse? & debere igitur adiungi. Fac pro tuā parte, sed cum mixtā quādam & virili grauitate: à quā lasciui & iuueniles illi ioci vel fabellæ absint. Faciat & illa. ac scitè Solon olim nouæ nuptæ præceperat, gustato Cydonio malo, sponso accumbere: non tam leuem breuemque illam oris fragrantiam spectans, quā maritum caperet ac teneret. Sed alterum etiam huic Concordiæ præceptum, pati quædam, & connuere, aut nec videre. Fallitur enim, qui in primo isto contubernio omnia ad votū animumque facta exspectat, aut exigit: fallitur, & aspera quædam aut certè acerba interue- nient, vt sunt animi & turbidi isti affectus huiani. Sed ferenda, vt dixi: & vt vuam acerbam non statim abscindas aut reiicias, sed patienter exspectes,

— dum tibi linidos —

Distinguat Autumnus racemos

Purpleo varius colore:

ita hīc faxis, & dictum factūmve aliquod immitius, iuuenilius, superbius, dissimula, nec auge interpretatione vel attolle. Imò contrà potiūs, mitiga & hoc & ipsam. Sicut equorum domitores, ferocientes eos non flagellis exasperant, sed popysmis blandè tractant & demulcent: sic in fæminis. & præsertim sub initia, crudo adhuc, vt sic dicam, illo connubiali iugo. Blandire igitur, submitte: mox ipsa vtrumque, & imperio tuo firmo in volentem & submittentem vtère. Diomedes ab Homero scribitur nec Veneri pepercisse, in bello: tales mariti quidam lœui, imò leues & ignei, qui & vxores suas, ah turpe dictu est, & silebo. Tu cauebis. & scies non mancipium tibi illam, sed coniugem, id est alterum te esse. Et sanè imperium mariti in istam: sed quale? vt patris in filiam; aut vt melius dicam, vt animi in corpus hoc nostrum esse debet. Ecce hæret vtraque ista pars; ille regit, sed & curat; ad honesta dicit & vocat, sed nec lædit aut deserit renuentem. Suadet magis, quām cogit. Sicut Dictator cùm Romæ creatus, ceteri magistratus abdicabant, solo illius imperio: sic maritum vxor cùm acceptit, illi vni paret & aspicit, non vltrā iam in parentum manu vel amicorum. Sed nempe ciuibus imperabat, & ipse ciuis;

nec nisi solo illo titulo super ipsos. Ergo & asperitas & superbia à coniugio absint. & sicut prisci illi cùm Iunoni lugæ faciebant, fel ex hostiâ reuulsu abijciebant: sic bilis, iracundia, iurgia spernantur à sacro hoc coniugali. Sed tertium etiam ad Concordiam, est Castitas. Non placeet illud, et si ab Imperatore dictum: *Patere me per alias exercere cupiditates meas. nam vxor natus est dignitatis, non voluptatis.* Imptobè, quamquam argutè. & contrà ego obduxerim: *Vxor virtus que nomen est, & dignitatis & voluptatis.* Quomodo amor viuet aut aleatur, vbi se mea cius, vt ita dicam, in alieno solo sic abijcis & spargis? Cautè, abstine, & in hac vñâ, quam Deus & lex dedit, deditus tu es. Romani Aquam & Ignem coniugis sollemniter præferebant: quod præter alia, huc quoque ego traxerim. quasi Ignis ille maritus esse debeat, & honesto calore acq; amore fovere & tepefacere suam Aquam. Tepefacere, inquam: nam vt niuis illa calcari, non ex mariti, aut ciuis vñi. *Vetus hoc Co- micum legi, sed egregium:*

— que mulier suum virum.

Vulet sibi obsequenter effe atque devitum,
Modicè atque parce eius seruiat cupidines.

O, inquam, egregium & occulti vñsi! quod tua atque aliæ vtinam sciant! Sciant, & faciant, & Lacænam illam imitentur: quæ cùm nupta iam interrogaretur, *Ecquid mari- tum complexa effet? Bona verba, inquit: non ego illum, sed ipse me.* Sic oportet. & tu quoque cùm facis, cum blandâ quādam severitate, sed & cautione fiat. Numquam in publico nugaři, aut iocari, minùs tangere autos libare. M. Cato Censor quemdam Senatu mouit, & caussam subscripsit, *Quod vxorem coram filiâ nubili osculatus effet: benè, & pro sapienti illo Catone.* Neque enim pudor solum in te atque illâ per hæc talia, sed paulatim & castitas perit: quæ sedem & basim in pudore habet. Martialis illa conuersatio non sanè aloën aut absynthium, sed tamen vinum referat: quod gratâ quādam austerritate nos capit. Dixi de Concordiâ, id est omnia. nam mihi crede, vbi ea est, felicitas illa coniugij adeſt: quam tibi tuæque vñeo mi Sweerti: & in hoc initio temperatum & firmum quemdam, vt in materie, non vt in stramine, ignem. Iste perit, ille viuit: vt autem mox ex vobis alij, in ætate etiam coniuges, Deum precor. Louanij, vi. Idus Mart. oo. I. xcviii.

EPIST.

EPIST. XL I. Antuerpiam.
ABRAH. ORTELIO S. D.

ARГОNAVТICA tua, scitè facta, accepi donum à te mi Orteli, & video nec in languore te languere aut cessare. Nam tristis sāne hoc audiui, valetudinem tibi ab aliquot septimanis parùm ex nostro & pubblico voto esse. Sed recuperabis illam veterem spero, tum tuā industriā & continentia, tum & benigni Veris auxilio, quod genitali suā aurā iam adspirat. Alioqui homines sumus, id est non diu sumus: & cùm vel ad extimum vitæ terminum venimus, quām breue id est? Vbi meæ vitæ anni, quos dēcurri? ut flumen transierunt. Quid præter memoriam ex ijs. habeo, & si quod opus animo aut ingenio peregi? Sola hæc restant, & tu, mi Orteli, ab eâ parte esto immortalis. O quām me delectet, hæc & talia vel cū amico aliquo sapiete & bono, vel in Iscanâ meā villulâ solum meditari? si tamen Deus & tempus hoc darent, quod videtur ire (vt opinio multorum est) ad aliquam quietem. Sed equidem de plenâ eâ diffido, et si eum Gallo fortasse transigemus. Vale, aut reualesc mi Orteli: ex animo precor. Louanij, iv. Non. Mart. 15.XCVIII.

EPISTOLA XL II.
CAROLO CLVSIO S. D.

PERGRATA mihi epistola, quæ de meliora valetudine tuâ nunciabat mi Clusi. O longum ita sit, & in hac ætate vel serpantis instar (si vera est fides) iuuenescit. Me hæc hieins, & mea bilis semper tunc acrior, ad fatim exercuerunt: tamen adsurgo, & vires ac spiritus recipio pauxillatim. Magis vtrique, si beata illa Pax adueniat, quæ è nubibus caput paullum exserit & se ostentat. Si monstra non impediunt, fruemur: & ego te fortasse ac veteribus amicis, quos loca ea habent. O Deus, da pondus huic voto. Quod quæris de Giselini mei natali aut mortuali die, scio certum me non scire: neque h̄ic copia est quærendi. Noui ab annis triginta virum, & credo fuisse quinquennio aut sexennio me maiorem: obijt autem, vt mea memoria est, ante annos circiter septem: id est circa quinquagesimum ætatis. Placitus possum dicere, & te mi Clusi opto valide valere. Louanij, viti. Kalend. Mart. 15.XCVIII.

LIPSI Operum Tom. II.

EPIST. XL III. Antuerpiam.
GODEFRIDO VEREYCKIO Doct. Medica
S. D.

GRATIAM tibi debeo, V. Cl^{me} atq; epiam habeo (ore quidem & animo) pro istâ beniuolètiâ mei, imò & curâ. Ulro de morbo meo scibis, & remedia suggeris: non amanter hæc solum, sed prudenter. Atque animus sāne est experiri & vti. et si nescio quid longius inisse mōribus meus videtur, & ne apud te distinulē, ad tabern vel matcorem inclinat. Cuius caussa tamen non à Pulmonibus, fortasse nec Hepate, sed ab inferiorum viscerū & Mesenterij caloribus, quos ingentes & crebros sensi. Itaque frigoribus afflidi vti mihi opus: & scis cum quā stomachi noxā. Quid faciam? quod Deus volet, & fatum meū libens excipiām: & tē Vir Cl^{me} deinceps amabo, mei sic amantem. Vale. Louanij, inter varias nunc appellations: & scis Encænia nostra esse, vii. Idus Septemb. 15.XCVIII.

EPIST. XL IV. Antuerpiam.
HENRICO SCHOTTIO I^{do} & Syndico
urbis Antuerpiensis.

CREBRI nobis sermones, atque etiā ioci, de lingua nostrâ & Becano: qui, vt scis, non antiquam & elegantem solum sed primogeniam facit, & ceteras ex eâ velut matrice educit. Nostri atque exteri erecti, — stupuere omnes tentam̄a tanta
Conatusque nouos:
multi & rifere. Quid ego? virum amavi, & ingenium acre, facile, felix etiam miratus sum: felix, si in aliam rem & materiem vertisset. Nam ista quem fructum, imò quam fidem habet? Nostram esse antiquissimam, fætam mysterijs & arcanis Sapientiæ: cui persuademus? De antiquitate, vereor vt sacræ ipsæ litteræ & prisci patres annuant, qui Hebræam p̄t̄ponunt: & ratio certe aut arguinetita non eō ducent. Nósne h̄ic in frigido axe primi hominum? nos soli (ð cæli beneficium) intemeratam linguam & sine mixtione setauimus: nos ad alios, contagijs credo missis, propagauimus? Risum, vix oppositionem, merentur: & mentem qui per volumina temporum, per vasta hæc terrarum mittet: inueniet à primâ illâ confusione linguarum, Sacris libris expressâ, infinitum easdem mutasse, variasse, multiplicasse: vt gentes hominum confusæ

T. t. mixtæ-

mixtæque inter se fuerunt, & iterum propagatae. Nostrum orbem lustra. vbi vetus Latij lingua, quæ sub Latino rege aut Cartamenta fuit? vbi quæ sub regibus Romanis, quæ sub Decemviris? vbi ipsa, quæ sub Principibus, nisi in libris? Idem in Gallia, in Hispania, in Britannia: pereunt illæ, aliæ succedunt, & vt nos mortales, sic ista è nobis. Una illa noua Gallica, id est è Romanâ traducta, quâm à trecentis annis, aut circa, mutauit? & post trecentos magis faciet, nec posteri fortasse agnoscent. Leuissimis caussis hæc eueniunt. gentium nouo aduentu aut coloniâ, imperio nouo, pulsione, immigratione: & quas alias ex historijs & obseruatione est haurire. Quòd si in Nouum etiam orbem imus: eadem. Peruanum ibi regnum vastum, cùm Ingis (ita Reges suos dicebant) paruit, linguam communem ab ijs per septingenta & plura milliarium spatia accepit: & singulæ tamen valles (centenæ sunt) suam quæque habuit propriam, & diuersam à vicinâ. Non credis nunc Hispanos & exterios qui immigrant, multa è suâ inferre? certum est: & fit tam multiplex diuisio, vt Homerus, ille fons arcanae sapientiae, non alio epitheto aptius censuerit nos appellandos, quâm * μιγνας ἀρθρωτας. Hæc cùm ita usus & obseruatio vbiique doceat: quâ prærogatiuâ nostra lingua ab ipso Adamo usque perennarit?

— credat Iudeus apella, Non ego: ait ille. Et quî credam, cùm exempla aut testimonia habeam insigniter mutatae eius ab annis sexcentis, aut circa? Censebo mille ac mille annis suprà constitisse, cùm in breui noteque spatio varie videam vacillasse? Appello ad libros maiorum æuo scriptos: multa vocabula desita, multa obscura, nec nisi coniecturis indaganda. Et vis in pauculis videre discriben? Nithardi, nepotis Karoli Magni, Historia beneficio Pythœi exstat, de dissensionibus filiorum Ludouici Pij. Ibi iuramentum est, quo concordiam inter se sanciunt Ludouicus & Carolus: Ludouicus quidem Romanâ linguâ (id est corruptâ hac Gallicâ) sic peroravit:

Pro dō amur, & pro Xpian poble, & nro cōmun saluament, dist di en auant in quant ds saur & prodir me dumat si saluarai eo tist meon fradre Karlo & in adiudha & in cada huna cosa si cum om̄ p dreit son frada saluar dist ino quid il mi altre si fazet & abludher nul plaid nunquam prindrai qui meon voleiss meon fradre Karlo in danno sic.

Quis hæc ceperit, nisi comodum interpretatione adiuncta in veteri Germanicâ lingua? Sic enim idem Nithardus: *Quod cùm Ludouicus explesset, Karolus Teudisca lingua sic hæc eadem verba testatus est:*

In godes minna induites Xpanes folches ind unser bedhere gealtnisi von tesemo dage frammordesso Fram so mir got gewiz ei indi madhfurgibit so bald ihtis an minam bruher scal intbi utha zermig soſo madno indunit laherem in nothe in mit hing nege gango themi nam willon imo ce scadhen verben.

Sed nec ea ipsa intellegenda, nisi composta inter se dent lucem, & interpretatione item nostrâ addamus. Vidi Psalteriū vetus apud insignem & optimarum artium virum, Arnoldum Wachtendonckium, circa eadem illa tempora scriptum: Latinum quidem, sed inter lineas, ad singula verba, Germanicâ interpretatione superscripta. Delectauit, lægi, & studiosè elègi, quæ abire ab hodiernâ lingua videbantur. Pauca velut in gustum dabo, rariora magis aut subducta: & primò

N O M I N A.

- Abalgi*, Ira. vide *Balgon*.
- Abirthou*, Postea.
- Arusin*, Curis. vt Galli *Ruses*.
- Adro*, Diluculo.
- After*, Secundum.
- Afterallo*, Usquequaque.
- Abtiuga*, Numerum.
- Aleudi*, Insulæ.
- Aleiuon*, Reliquæ.
- Ambachtman*, Ministri: quod Cæsar & Fustus, Clientem Gallis significare notant.
- Anagen*, Principium: &
- Anagenni*, Initio.
- Aubardon*, Ascia.
- Anfreson*, Interitus.
- Ando*, Zelus. vide *Andoda* verbum.
- Anliton*, Vultus.
- Anlucce*, Facie. vide *Anluccon* verbum.
- Antomi*, Frænum: nunc *Toom*.
- Anst*, Gratia: alibi, *Enst*.
- Angust*, Angustia.
- Anuarnunst*, Intellectu.
- At*, Escas. vide *Atoda* verbum.
- Asca*, Cinis.
- Andarn*, vel *Andran*. In vanum: nonne Italorum est *Indarno*?
- Agetali*, Oblivioni.
- Ana*, Extra vel Præter.
- Arug*, Peruersa: nos Arg.
- Amunendeliken*, Intolerabilem,

V E R-

* homines
diversilin-
guæ.

V E R B A.

- Asterthunsun*, Detrahēbant. *Astrithunsundi*, Detrahētis. *Aktiden*, Persecuti sunt. *Albati*, Illuminā. *Anastandunt*, Insurgunt. *Anastandardan*, Insurgentibus. *Anariepon*, Irruerunt. *Andredit*, Timer. *Andredandi*, Timēntes. *Andradandoro*, Timēntium. *Andradondi*, Timēntibus. *Anlucon*, Aperuerunt: sicut *Belucon*; Concluserunt. *Antloc*, Reuelā. *Antheban*, Prohibeo. *Anthatta*, Prohibui.

B.

- Balon*, Cicatrices. *Baldo*, & alibi, *Bolatico*, Fiducialiter. *Begithe*, Confessione: nos *Bichtē*. vide *Begigan* verbum, & *Giet*. *Behatuo*, Retrorsum. *Befuicheide*, Scandalum. *Bethiu*, alias *Bithiu*, Propterea. *Bilithires*, Figuli: & *Gebilithe*, Imagine. *Bivie*, Quare? *Bismer*, Opprobrium. *Bisa*, Turbo: vt Gallis, *Vent de Bize*. *Bispilla*, & alibi *Spella*, Parabola. *Blasma*, Flamma. *Buokeſtaf*, Litteratura, vel potius ipsa Littera. *Burgiſli*, Sepulchrum: quasi tegmen hominum & operculum. *Burthon*, Oneribus. *Buteric*, Vter: & *Butrice*, Vtrem.

V E R B A.

- Barida*, Germinans. *Befillidi*, Prosterneret. *Beko*, Proba: alibi, *Bekunno*; *Tenta*. *Begegunſta*, Coepi. *Begian*, & *Brian*, Confiteri. *Behofcodon*, Subſanauerunt. vide *Hosce*. *Belgon*, Iraſci. *Belgonsal*, Iraſcetur. *Bilgiſtuthi*, Iraſcere. *Befediwit*, Obscurabitur: quasi à *Schaduw*; *Vmbrā*. *Befeuergi*, Præcipita: & *Beſorgingū*, Præcipitationes. vide *Gefcurgidi*. *Befeuuit*, Soporatus. *Befuick*, Supplanta. Suprà, *Befuicheide*, Scandalum. *Befuikit*, Decipit. *Bethadon*, Absconderūt: alibi, *Bethaton*; idem. *Bethunnendero*, Deprimentium.

LIPSI Operum Tom. II.

- Biuollon*, Infecta. *Biuollona*, Inquinatæ. *Biuellan*, Prophanabo. *Bewildi*, Posſedisti. *Bizzedon*, Fremuerunt: à *Biza*, suprà.

C, vel K

- Kellera*, Promptuaria. *Keuera*, Bruchus. *Kimo*, Germen: & *Kuni*, Semini. vide *Thindekunni*. *Kippon*, Compedibus: à Latino *Cippo*. *Cocare*, Pharetra. *Krepinda*, Reptilia: quasi *Cruypende*. *Kunnea*, & *Kanni*, Generatio. *Kuosmeer*, Butyrum.

V E R B A.

- Kestegoda*, Anxit: an à castigando? *Corodos*, Probaſti. *Criedon*, Cognouerunt.

D

- Dfiant*, Diabolus: quasi *De rwyande*. *Drohtin*, & *Druhtin*, & *Druftin*, Dominus. *Druftene*, Domino. *Drugina*, Dolus: vnde *Bedriegen*. *Drumbon*, Tubis: nunc *Trompen*. *Duiři*, Ianuas. *Dumba*, Stultus. *Dumpheide*, Insipientia. *Duom*, Iudicium: & *Duoma*, Iudicia: & *Duomot*, Iudicatis. *Duomis*, Templum.

V E R B A.

- Duelont*, Errant. nunc *Dolen*.

E

- Egiſſo*, Pauor. *Egiſin*, Hörtoris. *Egiſlikis*, Terribilis: & *Egiſliko*, Terribiliter: nos *Eiffelik*. *Edit*, Opprobrium. *Eht*, Verò. *Eſt*, Autem. *Eino*, Solus. *Einodis*, Solitudinis: & *Einodi*, Solitudine. *Eintſe*, Antiquos: à Latino, vt videtur, vt nos *Antiksche*. & *Eintſen*, Antiquis. *Eitir*, Venenū: an *Eitten* nostrū, id est *Pus*.

Elelendig, Extraneus: &

Ellendiga, Aduenam: &

Elelendis, Peregrinationis.

Eldi, Senecta: & *Vreldi*, Senium: Nam *Vr* auger.

Emiceio, Seimper.

Ercetere, Medici.

Era, Corona. vide *Gehereedes*.

T 2

Eruri,

Eruri, Pauimento.quasi *Eryrij*, quòd ter-
ram tueatur.

Ereude, Fines.

Ereue, Hereditas.

Euuia, Lex:& *Euuun*, Lege.vide *Vuitur*.

Euuuenlari, Legislatorem.

Euuuethon, Æternum.

V E R B A.

Ehton, Persequi.

Ehton sal, Persequar.

Ethindon, Persequentibus.

F

Fakinga, Dōmitatio:nos *Vaeck*.vide *Facon*.

Farbrokanussi, Präuaricationes.

Fardruncon, Crapulatus.

Farkutha, Abominabilis.

Faruuathana, Maldicti.

Faruuathanussi, Abominatione.

Faruuet, Abominatus.

Farseggeni, Excusandas.

Fastira, Munita.

Farthroz a, Tædio.

Felis, Rupem.

Ferreno, Longè : nos *Verre*.

Ferte, Excessu.

Fetheracco, Alarum: nos *Vederen*.

Fio, Pecora: nos *Vee*.

Fiu, Pecuniam.nota sic à *Pecude*, vt Latinis.

Filoberth, Präclarata.

Filuberthon, Präclaris.

Filoscire, Präclarus. in his talibus *Filo* , est

Veel, siue Multum.

Filohardo, Vehementer.

Fillunga, Flagellum. an quia cutem radit,
quasi *Villen*?

Finistre, Tenebræ: Germani hodie.

Forthora, Dextra: &

Forthoron, Dextris.

Freison, Interitu , & Interitionibus. alibi,
Froison.

Frihof, Atrium: &

Frithojo, Atria.

Fremitborona, Alienigenæ: quasi *Vreemtge-
borne*.

Fruo, Manè:nos *Vroech*.

Fuetkippon, Compedibus:suprà in *Cippon*.

Fulitha, Putredo: quasi *Vuylicheyt*. & *Fuli-
thon*, Sordibus.

Fullethon, Abundantia.

Fuotscamel, Scabellum.

Futhon, Austro.

Fullust, Adiutorium.vide *Folleisten*.

Furist, Princeps:& *Furistingo*, Präpositione:
nos *Vorst*.

Furitekin, Prodigium:nos *Voorreecken*.

V E R B A.

Facon sal, Dormitabit.

Facodon, Dormitauerunt.

Farlithon, Transferunt:& *Farliet*, Transeat.

Farbelgeda, Exacerbavit.vide *Belgan*, & *Fr-
belgiden*.

Farfift, Expugna.

Fardiligo, Dele:nos *Verdilgen*.

Faruuellunt, Prophanauerunt. vide *Biuuellan*.

Farschiton, Conciderunt, mediâ longâ.

Farnozzanwurthan sal, Consumetur.

Fellon sal, Destruet:nos *Vellen*, Deiciet.

Ferterrion sal, Perdes: nos *Verderuen*.

Fertherithu, Perdas.

Ferwerthan sal, Peribit.

Ferwerhet, Pereatis.

Folleisten, Opitulentur.

Forhuor, Prodijt.

Framforithu, Recessisti.

Framgeneian, Declinare.

Framgeleidon, Abdixerunt.

G

Gaienwerde, Conspictu:& alibi *Gaienweier-
de*: & *Genwert*.

Garo, Paratus: & *Garn*, idem.

Galenderi, Incantantis.

Galico, Subitò.

Garioun, Manipulos: nos *Geruen*.

Gedrust, Turbata.

Geberge, Cubilibus: ab occultando.

Gegräuannussi, Sculptilia.

Vn-gefremit, Imperfectum.

Gehuorda, Fornicati.alludit, ad *Hoere*, mere-
tricem.

Geliui, Consensu. an *Geliui?*

Geliuore, Libera.

Gelibedelic, Deprecabilis.

Gelende, Accola. vide *Elelendig*.

Gemerke, Terminos.

Guieri, Libera.vide *Guere*.

Genuhete, Abundantia. ab eo quod nos , Ge-
noech, Satis.vide *Genuhetegod*.

Genuht samori, Vberi.

Gequalhit, Coagulatus:vide *Geuallit*.

Gerichtnussi, Refectionis.

Gescendidi, Confusi.

Gesigenero, Inclinato. *Gesifte*, Visione.

Gescathor, Condemnatus: an propriè Mul-
ctatus?

Getelt, Tentoria. *Getugel*, Linguosus.

Getuwing, Disciplina.

Getunft, Pactum.

Geuerthe, Iter. vide *Verthe*.

Geuuede, Vestimenta.

Geuesannussi, Substantia: &

Geuumin,

Geuin, Possessio.
Geunst, idem.
Geuitti, Scientia.
Geuutscopi, Testimonia.
Geuuso, Etenim, Enim.
Giuersunthedion, Opportunitatibus.
Gipondi, Patens: nos *Gapende* forte.
Giheita, Vota: alibi *Gibeta*. vide *Heitinga*
Glauuon, Prudentia.
Githune, Disciplina: suprà *Getuwing*.
Giuepene, Arma: quasi *Gewepene*.
Giuitte, Abundantia: suprà *Fullethon*.
Giuittenon, Afflictus.
Glidir, Lubricum: &
Glideri, Lapsu.
Gothehten, Cogitationibus: nos *Gedachten*.
Gruoua, Lacus: quasi *Groeue* nobis *Fossa*.
Guolike, & *Guilike*, Gloria: & alibi, *Guolicheide*. vide *Guolian*.
 V E R B A.
Gebalthon, Irritauerunt. vide *Balgos*.
Gebredauerthift, Fundatur.
Geherides, Coronasti: & alibi,
Geruuit, Coronat. itemque,
Geredostu, Coronasti.
Gehirmon, Quiescere.
Gehirmeda, Quieuit.
Gehirme, Quiescam.
Vngehirmelick, Incessabilis.
Gelyoda, Complacui. vide *Licont*.
Gefungan, Adiicies.
Getououurthun, Obriguerunt.
Gemutos, Mutabis.
Gemeini, Communicabo.
Giueri, Libera, Imperandi.
Geuereda, Liberaui.
Geueran sal, Liberabo.
Genuhtegod, Aburidauit.
Geodon, Abdidorunt.
Gequicco, Viuifica.
Gequicceda, Viuificet.
Geruuon, Parare: *thu Geruuidos*, Parasti: *Ge-
ruuon sal*, Parabit: *Geruuidon*, Parauerunt:
Geruundi, Præparans: *Geruuida*, Parauit:
Gegeruuot, Ptaeparabitur.
Gespuredos, Inuestigasti.
Getimbrif, Ædificatur.
Getrimbedos, Fabricatus.
Getocon, Adiiciam: suprà, *Gefugan*.
Genuegit, Vexatus.
Geuujt, Benedictus: &
Geuujunga, Benedictio.
Geuinfos, Visitas.
Gidolot, alias *Gitterlot*, Superbiti.
Gemacoda, Concinnabat.
 I. LIPSI Operum Tom. II.

Ginroda, Genuit.
Giminoda, Diminuit.
Gigeroda, Parauit.
Gimarsada, Mirificauit. vide *Gomarda*.
Gisuiundon, Accelerauerunt.
Gimikloda, Magnificabimur. vide *Mikil*.
Gibresti, Desit.
Gieruunsal, Hereditabit.
Gistatodun, Locauerunt.
Giet, Confitetur. vide *Begihte*.
Giscurgidi, Expulisti. vide *Bescurgi*.
Gomarda, Mirificauit, à *Mär*, Fama.
Goumauirkint, Epulentur.
Guolican sal, Glorificabo: &
Guolican sulimi, Glorificabunt.
 H
Hasta, Captiuitas. In *Vbijs* hodie, ita *Cancer*.
Hardo, Valde, Nimis.
Harman, Calumnijs.
Hategon, Æmulatione.
Hatongon, Iracundiam.
Heigero, Pellicano.
Heimodi, & *Heitmodi*, Furor.
Heitinga, Vota. Hodie Galli, *Soub-haiter*,
 compositè. Vide *Geheita*.
Hera, Cilicio: quasi *Haera*, à pilis: & *Heren*,
 Cilicum.
Hereberga, Castra. Nos latius, pro omni di-
 uersorio: sed illud propriè & primò.
Heribergo, Castrorum.
Heuode, Possessio. suprà *Gevin*.
Hero, Lutum. vide *Horo*.
Hiera, Hic.
Hiret, Ceruus.
Hiuusice, Familiæ: quasi *Huysche*, à domo. &
Hiuuscù, Familias.
Hlochu, Præda. an *Loe nostrū*, quia sèpè sorte:
Hobtuodi, Captiuitas. suprà, *Hasta*.
Horo, Scrcus: &
Horouue, Stercore: &
Horve, Lutum.
Hofce, Subsannatio: & *Hosc*.
Hoscoui, Illusiones. vide *Bohoscodon*.
Horscomo, Vehementi.
Hue, Quis. nos *VVie*? &
Huo, Quanta.
Hundestiga, Cynomyia.
Hulilos, Inops. quasi *Hulpekoos*.
 I
Jagere, Fenerator.
Ibeuanda, Suspiciatus.
Iemer, Æternum.
Ieuuescon, Æternus. vide *Euuicon*.
Io, Semper.
Io bin, Sum.
 Tt 3 lob,

Iob, Nónne, Nunquid?
Inmethron, Visceribus.
Inneronthingon, Inferioribus.

V E R B A.

Intlouc, Aperuit. vide Anlucon.
Irbelgedon, Exacerbarunt. vide Farbelgeda.
Irfangon sal, Increpabit: &
Irsienge, Increpasti.
Irferon sal, Obstupefacies.
Irquicke, Excita.
Irquickon sal tu, Viuificabis.
Irscal, Increpuit.
Irruort Werthe, Commoueat.

L

Lap, Oram vestis.
Legerstede, Cubilibus. vide Geberge.
Lepera, Labia.hodie, Lippen.
Letiston, Nouissima.nunc Lesten.
*Liua, Vita: & Liues, Vitæ: & Lif, Vitam. Nos
Leue. tamen & vulgò, Bij liue, illo sensu.*
Lifuara, Cibaria: quasi, Lijf waere.
Lockis, Capilli: & Locka, Capillis.
Losen, Dolo sum: &
Lofin, Doloso: &
Lofonga, Dolos.
Los, Sortem.
Lucucumin, Paullominus: nos Luttelkemin.
Luftika, Pusilla.
Luzzilon, Paruulis: & Luticon, idem.
Luogirda, Rugiés: & Luonde, Rugiétes, alibi.

V E R B A.

*Licont, Placent. vide Geliconda: & Licon sal,
Placebit.*
Ludon sal, Tonabit. nos de ære Campano.
Luwethu, Præstitisti.

M

*Mancreste, Maiestas. ipsa vox tamen Viri
robur magis significat, Mans-cracht. Sed
alibi, Megincraft, Maiestas: & Megincrefti,
Maiestatis.*
*Mangon, Maxillas. si recta scriptura: nos
VVangen.*
Melm, Puluis: nos Malm, & Gemul.
Meistero, Maximo: nos Meeste.
Mendisle, Lætitia. vide Mendian.
Miedon, Mercis.
*Mikil, Magnus, Multa, Copiosa: & Mikilon,
Magnis: & Mikilo, Magnifice: & Oimikilis,
Magnificate. vide Gimikiloda: & Mikile,
Magnificentia.*
Muodis, Mentis. Nos, Moet.
Muos, Esca, cibi. Nos pro Olere.
Musca, Passer.

V E R B A.

Mendian sal, Exsultabo.

Mendida, Exsultabit.
Mendit, Exsultate.
Mendodun, Exsulta erunt.
Mendon sulun, Exsultabunt.

N

Nano, Sed: & Naio, Pænè. Neok, Nec.
Neriando, Salutare: & Neriando, Liberator.
*Nen wiht, Nequam: quasi dicas, Nullius pre-
tij aut ponderis.*
Nieuwicht, Prauum.
Ninneht, Non. & Nuueht, idem.
Nieuuergin, & Niergin, Vsquequaque.
Northaluon, Aquilonis.
Nouan, Sed. suprà Nauo.
Nouanthog, Veruntamen.

V E R B A.

*Nerukiat, & Neruokit, Nolite: & Neruoki,
Noli.*
*Niet, Posside: & Nieton sal, Possidebit: &
Nutun, Possidere.*
Nosada, Impediuit.

O

Ouiranungiscoht, Superuacuè.
*Ouirboriga, Præuaricantes: vel potius, Man-
datum spernentes.*
Ouita, Pomorum. Nos, Oof.

V E R B A.

Oigi, Ostende. ab oculis ductum.
*Ogimon, Ostendit: & Ougoda, idem: & Ougon-
sal, Ostendam.*
Ordon, Habitabat. Horda Tatarorum.

P

Prisna, Vsura.

Q

*Quena, Vxor. Anglis hodie Regis vxor ξέ-
χως, siue Regina.*
*Quiccate, Animalia: quasi, Quicvee, Viuæ pe-
cudes.* V E R B A.
*Quat, Dixit: & Quethe, Dicat: & Quit, Dic.
Nobis māsit geminatione vītiosū, Quetterē.*
Quizzodos, Allisisti. Nos Quetsen.

R

Ratanufi, Irritatione. vide Ratodon.
*Radiuagon, Currus. quasi Raedt-wagen, à
iunctis rotis: an & Reed-wagen, ab vñu?
Istinc Reda.*
Ref, Venter: & Reuis, Vétris: & Reue, Vente.
Ripoton, Maturitate. nobis Rijp mansi.
Ritha, Torrens.

V E R B A.

*Ratodon, Irritauerunt: & Ratuot, Irritat: &
Geratot ist, Concitus est: & Ratanufi,
Irritatione.*
*Ribaridos, Denudasti. sic nobis compo-
sum, Openbaeren.*

Ribar-

- Rebarnufsi, Reuelatione.*
- Refangā, Arguā: & Refagnufsi, Redargutiones.*
- Respias, Arguas. Nos componimus, Beriffen.*
- Ruecont, Fumigabant: quia Roc, Fumus: sed & alio sensu, Riechonsulun, Fumigabunt, ab odore.*
- Rodiuarthan, Mouebitur.*
- Rundon, Susurrabunt.*
- S**
- Saca, Rem.*
- Salda, Salutare: & Saldo.*
- Salethu, Tabernacula: & Selithou, Tabernacula: & Selitha, Tabernaculum. Nos Salleta, paullò alio sensu.*
- Sammung, Synagoga. Vnde Versaemen, & Summungun, Cleros, caufsâ collectionis.*
- Scalc, Seruus. Vnde Maris-scalcus, qui Equis curator.*
- Scathon, Pudore.*
- Scaphon, Ouili.*
- Scama, Reuerentia.*
- Scarsahs, Nouacula. Nam Sabs, Cultrum notat: vnde Saxones Withikindo.*
- Scefti, vel Scopfti, Sagittæ.*
- Scepeno, Iudex. hodie Scepenen, Scabinî.*
- Sceihton, Verticem, & Sceton.*
- Scerni, Subsanatio, & Scern, Illusio.*
- Sciéri, Lucidum.*
- Scimo, Splendor: nos Schijne.*
- Sciumo, Citò.*
- Sclot, Sera.*
- Senifti, Mitls. Germani: & Senifti, Matisucti: & Senihte, Marsuetudinis.*
- Serin, Tribulato. vt Zeer doen, Belgæ.*
- Setti, Sedes.*
- Sethelyangi, Occasum.*
- Seranada, Crimatum.*
- Serimbre, Protecter. an à Schirmē: an Strijme?*
- Sidin, Moris: nos Seede.*
- Sivoliatdun, Septuplum: quasi Seuenwoude.*
- Sien ogun, Pupilla oculi.*
- Sigmatari, Victor. in Tacito, Seigneurus.*
- Siu, Ut quid?*
- Slapigraui, Sepulcrū: quasi dicas Dormitorū.*
- Slahta, Generatio: & Slahten, Semini. Nos compositè, Geßlache.*
- Spieris, Hastæ. Nos, Spieß: Nomen priuogenitum à mucrone, Spiers.*
- Sprinco, Locusta.*
- Spel, Parbutario: & Spelle, Parabolā. v. Bisfille.*
- Sluymo, Velociter. Cōfestim: & alibi Sluymo.*
- Solre, Solium: an Solarium?*
- Sowilcan, & Sowelix: Quacnataque.*
- Stowington, Increpatione. Nos pro Stimulacione.*
- Staf-fwert, Framea.*
- Stedinussi, Stabilitatem.*
- Stros, Strati. vide Store.*
- Suga, Armentum: & Suegon, Armento.*
- Suliton, Salsuginem.*
- Suitho, Nimis.*
- Suero, Dolorem.*
- Sufte, Pestilentia.*
- Suenot, Coagulatus. vide Gequallit.*
- Sûle, Columna; & Sul, Columnas.*
- Smerenne, Adipe.*
- Sneue, Niuis.*
- V E R B A.**
- Scathan sal, Damnabit. vide Gescathot.*
- Scedeuon sal, Obumbrabit.*
- Sculdun, Increpuerunt. Nos Schelden, & compositè, Beschulden.*
- Surgi, Auerte. vide Bescurgi.*
- Scutta, Excuslit.*
- To-Store, Desirues.*
- Stibtan, Ædificabis.*
- Stincan, Odorabunt.*
- Stukida, Irritauit. vt nos metaphorice Stoke.*
- T**
- Thefeuuon, Dexteram. & Theseuun, Dextera. vide Forthora.*
- Thegenliche, Viriliter. Nos Degentlijck, paulò alio sensu.*
- Thiat, Gens: & Thiade, Gente: & Theado, Gentiu: & Thiadon, Nationes: & Thiede, Gentes.*
- Thiadekunni, Generationes. Vide Kuni. nam compositum est.*
- Thierno, Iuuencularum. Nos Dierne. de vegetâ fæminâ.*
- Thinnongun, Tempora capitis.*
- Thio, Femur. Nos Dië.*
- Thurthic, Egenus: & Thurtegin, Egeno.*
- Thuwe, Ancille: & Thurwon, & Thuwō, idem.*
- Tothiti, & Totithi, Apud.*
- Touferes, Venefici. Nos Tooverers.*
- Trego, Dolor: & Tregon, Dolore: & Trege, Dolores: & Trehast, Dolens.*
- Trilon, Fimbrijs.*
- Trifeuorin, Thesauris.*
- Triumbon, Tuba. Nos Trompen.*
- Twifolda, Anceps. qui in duo distrahitur. vnde & Latinis, Dubito, quasi Doubto: & Græcis Διστάλω.*
- V E R B A.**
- Tefuor, Defecit, Perijt.*
- Tefarando, Deficientes.*
- Thenit, Intendit: & Theneda, Tendit: & Thennon, Extendet: Thenin, Extendant:*
- Thenodos, Extendisti: Thenedor, Extenderunt.*

Thinoda, Seruuit: & Thianinvi, Seruiamus nos. Inde Dienen hodie.
Thion fullun, Abundabunt.
Tholon, Patientur: & Tholindon, Patientibus: & Tholodit, Sustinuisse: Tholoda, Tribularer.
Thunsi, Extraxisti.
Thurofremidos, Perfecisti: & Thurofremig, Perfecta: & Thurefremigero, Perfecto: & Thuroframingon, Consummati.
Thuroliton sal, Pertransibit. Nos Doorlijden.
Tian, Enutries. Nos Tijen, & Optijen.
Tilo, Accelerat: & Tilont, Festinant.
Tilagon, Exercitationem: & Tilon sal, Exercitor: & Getilot, Exercitatus.

V

Verthe, Itineribus. suprà, Geuerthe.
Vla, Olla. Siburgihodie, Ulengasse, Platea figurorum.
Unera, Reuerentia: & Uneron, Pudore.
Undirthudig, Subiecta: & Undirthudiga, Subditi. Nos Underdaedich.
Ungesceid, Vacuè.
Vn suoti, Molesti.
Vn, Vsque: & Vntes, Donec: & Vnt, idem.
Vmbewallan, Immaculatus.
Vmb-wath, Quare? quasi Om'wat?
Vorton, Timore.
Vrkundun, Testes: & Vrkuntscap, Testimonium. Est valde noscere: nobis mansit in Formulis, Oirkondt.
Vrsagō, Excusationes. Valde & multa dicere.
Vtriston, Extremis. Nos Vuytersten.
VVala, Abyssus. VVal, idem.
VValalicondi, Beneplacito.
VVambon, Vtero. VVan, Spes.
VVanda, Vestiementum: &
VWat, Vestem, Vestsimenta.
VVashemo, Fructus. à Crescendo: & VVafmo, idem.
VVelimo, Singulos.
VVerolt, Sæculum: & VVerold: & VVerildi VVerildis, Sæculum sæculi.
VVether, Nunquid?
VVige, Prælium, Bellum: & VVigis, Belli: & VViga, Prælia. Reperio & VVi, Bellum.
VVirte, Holera: & VVurti, Herba. Inde VVirtespurgum, Herbiopolis.
VVirscapandis, Epulantis.
VVithersacco, Aduersarius. quasi, VVederfaeck aut VVederfagger.
VVitti, Prudentia.
VVitut, Lek: & VVitute, Lege: & VVitutdraghere, Legillator. A promulgando, & longè lateque spargendo.
VViolango, Vsquequo:

VVoligis, Vtinam.
VVop, Fletus: & VVophis, Genituo: & VVopindi, Lugens.
Vurisit, Gigas.
Vrrehton, Iniquitatibus. quasi Onreche.
Vferdi, Exitus.
Vutstandilico, Desolatorijs.

V E R B A.

Vardilgodos, Delesti.
Vorrebet, Compungimini: quasi Berouwet.
Vpflagoda, Distulit: & Vpflagodos, Distulisti.
Vtuualle, Scateat. de Fontibus.
VValdan sal, Dominabitur.
VVandos, Existimasti.
VVelida, Elegit.
VViepon, Fleuimus: & VVopindi, Lugetes: & VVopan wir, Ploremus. Vide VVop, suprà.
VVilid, Possedit: & VVielde, Possediti.
VVitonodon, Tribulauerunt: & VVitinunt, Tribulant: alibi, VVizcinunt: & VVitinnunda, Tribulantes.
VVeigoden, Vexauerunt.
VVedan sal, Induam. suprà VWat.

Habes quod sufficiat in specimen: & dices fodes: pleraque omnia quam à sermone hodierno diuertunt? Verba plura ignota & desita, ipsæ terminaciones, Casus & Coniugationes (vt Grammatici appellant) differentes. Et possim pleraque horum interpretari, aut ad origines suas ducere: sed non hoc agimus: illud vide, quata ab annis circiter septingentis mutatio: quid igitur ab alteris alterisque illis fuit? Errat enim, qui in re instabili maxime, id est lingua, querit finitimaté. Quaintarnen aliquam à litteris dari fateor, *vna si deli custodia rerum*: sed ybi ex maioribus nostris fuerunt? Græca & Latina quod perseuerant, sive Hebræa: est à litteris & libris. Totale, vestigium non extet: ac simile iudicium de Germanicâ, de Gallicâ veteri lingua, cur non fiat? Fateor quidē latè patuisse nostram illam: atq; hanc causam fuisse, cur diutius perseuerarit. quoniam finitima ipsæ gentes, quæ miscebantur aut immigrabant, in eâ conueniebat. Rodericus Toletanus scripsit. Teutonia, Dacia, Noruegia, Suetia, Flandria, @ Anglia, vnicam habent lingua, sicut idiomatisbus dignoscatur. Hoc ille ante annos nondū quadragesimos: paullò suprà, potuisse & Gallians addidisse. Non enim nos Belges tantum, sed ulteriores atq; interiores Celte, & quidquid Franci occuparunt, lingua etiam eorum, id est Germanicâ, vñi. Exstat Canon Concilij Turonensis, sub Carolo Magno: *Vt Episcopus Homilias aperte trasferre student in rusticam Roma-*

Romanam linguam, aut Theotiscam, quò facilius possint cuncti intelligere. Itaque apparet Theotiscam tunc honestiorum & nobiliū fuisse, rusticos & viores Romanā illā corruptā, id est hodiernā Gallicā, vsos. Quæ tamen mox inualuit, illā pulsā. Atque vt Franci suam eò, sic Longobardi in Italiam intulerunt. Paullus Diaconus, *De gestis eorum* scribit: *Rectorem prouincia, Schuldabē ab ijs lingua propriā dici: qui est Schulteiz Germanorum.* Item *Argam, inutilem & inertem*: siue prauum & peruersum, vt hodie. quod nostrum est, et si assidet Græcorū ἀργός. Item, *Lamam, piscinam*: *vnde quidam Lamisio dictus, quia infans de piscinā extractus.* Nos *Lanam* dicimus hodie: et si Festus quoque *Lanam* pro *Lacuna* agnoscit: & in Glossis sunt *Lama*, πλάδις τοποι. Idem Diaconus, *Campos patentes sermone Barbarico Felden appellari*: quod nos agnoscimus. Et Alboinum, occiso Cunimundo, *caput abstulisse, & ex eo poculum fecisse, quod Scala dicitur.* Item, *Stratorem dici Marpauis*: quod est, *Marpaise*. nam *Mar*, equus. Item, *Scilpor, Armigerum*: & talia, quæ linguam nostram satis adfirmant. Simile in Britanniā, quam *Angli* & *Saxoniā* immigrarunt, & veteri pulsā, suam, id est nostram linguā intulerunt. Planè nostram, vt olim quidem fuit: nam postea Normanorum è Galliā superuentu mutauit. Beda notat: *vocari locum Anglorū linguā Hefensfelth, quod dici potest Latinè Cœlestis campus.* Nam *Hefen*, siue *Heuen* (vnde nostrum *Verheffen*) *Sublime* notat siue cælum. Item *Midil engli*, inquit, *Mediterranei Angli*: *Denises Burna, Dionysij riuis*: *Heruteu, Insula cerui*, quasi *Hert-aw*. nam *Au* regio vel insula. Sic *Elge* (malim *Elgeu*) à copiā anguillarum dicta, quasi *El-geu*: g. insito euphoniaz caussā, vt in *Rüngow*. Idem Beda, *Aid barne, Ad nemus*, interpretatur: & incertus de rebus Britannicis scriptor, *Per ministrum nomine Thunre*, quod *Tonitru* significat. Idem, *Edgaro regi* (anno DCCC. LXXIV.) *in siluā vocem insonuisse, incertum vnde missam, Vuelisti, id est, Benē est tibi. Diuidē, Vuel ist eu.* Matthæus Paris, in narrandâ morte *Vualtheri Episcopi Dunelmensis*: *vñus ex Anglis patriā linguā dixit, Short red, good red, flea ye the Byshoppe*: quod est nobis, *Kort raedt, goet raedt, flaet ghy den Bisshop*. Sunt plura: quid recensitu opus, cum constet sic fuisse, & integra etiam scripta ab eo æuo existent? Lateigitur nostra patuit: sed vt ad *Becanum* redeam, ne credamus tamen in orbem terræ sparsam esse. Atqui voces

multæ sunt in Hebræis, Græcis, Latinis, quæ adsonant vel consonant. Quid tum? non magis hoc argumentū sit, à nobis illos, quām nos ab ijs sumpsisse. Tu sic pertendes, ego aliter: quis decidet? *Nil agit exemplum, item quod lite resoluti.* Fatendum sanè est, & ego obseruo, vt ratio communis hominum, sic & verba alibi esse: siue traductione & gentiū mixtione, siue casu potius, an genio administrante. Sed in quibusdam maior conuenientia aut crebrior. vt in Persicā, quod miremur. Nam ij & voces plures nostras habent, & flexus coniugationum haud nimis diuersos. Illorum est,
Anuar, Ouer, Super.
Aual, Aenual, Initium.
Achterratt, Achterraedt, Cautio.
Band, Bandt, Vinculum.
Beradar, Broeder, Frater.
Batsa, à Latratu, Catulus.
Begrijft, Fleuit.
Benaßt, Claufit.
Bewaſtand, Clauserunt.
Cah, Caf, Palea.
Cäl, Cael, Caluus.
Casti, Caffe, Cista.
Cebar, Gebaer, Rumor.
Coda, Godt, Deus,
Dandan, Tand, Dens.
Däre, Duere, Ianua.
Dochtar, Dochter, Filia.
Drog, Bedroch, Mendacium.
Fadar, Vaeder, Pater.
Griſt, Begrijpt, Tenuit.
Garm, Gram, Ira.
Garph, Graph, Profundum, transpositione litteræ, vt sæpè.
Iock, lock, Iugum.
Madar, Moeder, Mater.
Madach, Maechde, Femilla.
Mach, Maen, Luna.
Na, Nee, Non.
Nam, Naem, Nomen.
Nambar, Naembaer, Nominatus.
Nau, Neu, Nouus.
Neber, Neue, Nepos.
Nazdu, Naslich, Propinquus.
Nuh, Nun Germ. Nouem.
Phristar, Vrijster, Ancilla.
Stär, Sterre, Stella.
Quid dicis? nónne germanitus hęc Germana? nisi quis item moueat, in Madar, Cäl, Casti, Jock; quæ & Latini possint vindicare. At ijdem magis certò ex eadem Persicā,
Chus, Sus.

Du,

Du, Duo.	Bos, Os.
Deleri, Deletio.	Calix, Kelck.
Lab, Labium.	Capfa, Cäfe.
Mast, Mustum.	Caules, Koolen.
Mucz, Mus.	Cellarium, Keller.
Nectar, Optima pars.	Ceres, Coren: mutatione E. in O. crebrâ, &c.
Parah, Pars.	prisco ptonunciatu,
Sag, Canis. quasi Sagax.	Coccus, Cock.
Tu, Tu, & Tuus.	Colei (autrum tuarum veniâ) Col, & Cul.
Biua possit addi, Vidua.	Corona, Croon.
Sed & Italicas ibi voces vestigo. vt Mesquine, quod ijs Pauperem notat: nonne est Italorum Mesquinus? Item Maschargi, Persicum, quod ludum & iocum: nonne Mascari adsidet, ludionibus & personatis? Mixturam vi- des: sed & in aliâ gente. Apud Ægyptios & λας τὰς τληνας (verba Agatharcidæ) αερογε- νέστι κάτας: vestes quas dā coætiles vocant Casas. Acue in vltimâ, habes nostrum Casack, diffi- cili alias originatione. Balari Corforum lin- guâ, Exsules dicuntur Pausaniae: nostrâ Bal- ling, & Ballarts. Apud ipsos noui orbis Indos similia. Illi Pa-godi, Idola dicunt: & Dei nomen agnoscis. Guâiras, Flabella, quibus in argentarijs excitant ignem: sunt nostri VVayers. Topos, Tegmen capitî: à Top, quod verticem nobis sonat. Iam Lama, Onis: pa- lâm est Lam. Sicut & Latinis adsidet Auro, Dies: et si à significatione leuiter abit. & Chonos, Canis, vocalibus immutatis. Si lon- gius eam, vbi non aliqua paratio? vtque in Hebræis & Græcis multiplex: quod viri docti iamnuper ostenderunt. Idem in Latini- nis. neque negamus sexcenta esse, quæ pro- fus Germanissent: sed ancipi, vt dixi, argu- mento ab ijs esse. Imò contrâ ego certius dixerim, quædam à Latinis sumpta: cùm ij imperium in nostras has oras proinouerent, & simul ad limites Germaniae vtriusque. Quis abnuet, Vinum, Oleum, Ficus, & talia ab ijs ducta, cùm nec rem antè haberemus? Sed & aliæ voces manserunt, leuiter immutatae, truncatae, aut & totæ. vt	
Abies, Abeel.	Mustum, Most.
Ager, Acker.	Nebula, Neuel.
Altare, Autar.	Pellis, Vell.
Angustia, Angst.	Piscis, Visch.
Arimus, Arm.	Pix, Peck.
Auena, Euen.	Plancae (lati asseres) Plancken.
Auris, Oir.	Puteus, Put.
Bacia (poculi genus) Back.	Raudus (rude & asperum) Rav.
Becario (idem) Beker.	Remus, Riem.
Bestia, Beest.	Rota, Rat.
Boccolla (item poculum) Boccael, vt & Itali.	Sal, Saltz Germ. nobis Saus.
Boia, Boien.	Scribo (I longo) Schrijne.

Scylla,

Scylla, *Scol.*
 Semen, *Germ. Saemen*, *nobis Saet.*
 Sicula (*I longo*) *Sjöckel.*
 Sparus, *Speer.*
 Stramen, *Straw*, & *Stroo.*
 Speculum, *Spiegel.*
 Spuma, *Scuym.*
 Squama, *Squame*, vel *Squabbe.*
 Strundus, (*in Glossis*) *Strondt.*
 Succus, *Soch.*
 Tabella, *Tafel.*
 Tego, *Decken*: & *Tectum*, *Dack.*
 Tener, *Teer.*
 Vacillo, *VVachele.*
 Vallus, *VWall.*
 Vannus, *VVandt.*
 Vellus, *Vellen.*
 Velum, *VViel.*
 Ventus, *VWindt.*
 Verres, *Beer.*
 Verum, *VVaer.*
 Vermis, *VVorm.*
 Ver, *VVeer*, paullò communius.
 Vidua, *VVidue.*
 Vietum, *VVeck.*
 Vimen, *VVýmen.*
 Vinco, *VVinne*: In his plerisque *V.* Consonante, transeunte in nostrum Digamma.
 Virago, *Birague*, siue *Biregue*: de feminâ masculi animi corporisque.
 Volo, *Germ. VVolle*, nos *VVille.*
 Vulgus, *Volck.*
 Plura etiam sunt, sed timidiùs adfirmando. et si cur timidè *Caput* originem faciâ nostri *Cap*, deinde *Cop?* Nam truncare, peculiare nobis est: itemque Vocales illas alternare. Sic à *Cantharo*, *Kan* scindimus: à *Nomine*, *Naem*: ab *Oculo*, *Oc*, & *Oog*: à *Labio*, *Lep*, & *Lip*: à *Iuniore*, *Iong*: à *Blenco*, *Blendt*: & quæ plura liceat, si libeat, adferre. Video & mutationes quasdam auribus nostris insolentes, sed, ita me Deus, usurpatas. *Sol*, *nobis Son* est: *Mas*, *Man*: *Stella*, *Ster*: *Nox*, *Nacht*: *Lux*, *Lucht* Germanis, & tenuiùs *Liecht*: *Frux*, *Vrucht*. in quibus *X.* Latinum in *cht* mutatur, vt audiis. Quid si *Cornu*, *Horn* esse dicam? *Porcum*, *Percken*, & deinde *Vercken*? *Anatem*, *Ent*? *Nepotem*, *Neue*? *Glebam*, *Kley*? & alia, in quibus aliis sciactet. Sunt item occulte ducta, vt *Noen*, à *Nona*. Nam ita nos horam cibi vocamus, cur, nisi quia olim *Nona* legitima erat? Credam & à *Circo* *Kirck* nostrum esse: quia veterum tempora, instar Circi, rotunda. quod tamen alijs à Græco *xupax* esse placet. *Boeck* etiā ynde *Librum* dicimus, nisi

quia è ligno, & fago, acere, buxo olim Pugillares? Prudentius: *Buxa crepant cerata*. In alijs linguis eadem. Imò & verba rariora quædam aut antiqua apparent ibi rediuiua. Sic ut *Petilum*, Gallis *Petit*: *Ufsum*, *Uefie*: *Mar* pro stulto Siculis, quid abit à Gallorum & nostro verbo, in personatis? *Combinones*, sunt *Compaignons* Gallis: *Ebriacus*, est *Ebriaco* Italorum: *Cloppus* pro claudio, eorumdem *Cioppo*. Quid *Charoigne*, nónne *Charonium* alludit? Sunt & noua aut ficta, vt *Canaille*: quod in Annalibus alibi redditum legi, *Canile lignarium*. Sed conuicij hæc vox nata videtur à prisco more, de quo Otho Frisigenis De gestis Frider. libro 11. cap. xxviii. *Vetus consuetudo pro lege apud Francos* & *Sueuos* inoleuit, vt si quis nobilis, ministerialis, vel colonus pro huiusmodi excessibus (prædæ aut incendijs) reus inuentus fuerit, antequam morte puniatur, ad confusionis sue ignominiam, nobilis canem, ministerialis sellam, rusticus aratri rotam de Comitatu in proximum Comitatum gestare cogatur. Et addit: Hermannum Palatinum Comitem, cum decem complicibus suis, Canes per Teutonicum milliare portasse. Eadem Guntherus in Ligurino, libro v.

Quippe vetus mos est, vt si quis rege remoto, Sanguine, vel flamma, vel seditionis apertæ Turbine, seu crebris regnum vexare rapinis Audeat, antè graue quam fuso sanguine pœnam Excipiat, si liber erit, de more vetusto Impositum scapulis ad contigui Comitatus Cogatur per rura canem confinia ferre.

Sed & in aliâ causâ & culpâ, ignominiaz gratiâ sic tulerunt: quod in Dodechino & alibi leges. Iam vetò & Gallorum *Garzons*, manifestò sunt *Garriones* Latinis, à garitu: sed f. mediâ in consonantem fortius translatâ. In Cedreno legas: *Constantinopoli* conflagrasse incendio τὸ μετίαλον & μεγάλης σκληρᾶς, τὸ λεγόμενον Γαρσοναστῖον: medium Aulam templi magni, que *Garsonastasium* dicitur. In margine scripti libri notatum: Γαρσοναστῖον, ιπολ θονεῖ παιδοσάσιον. Γαρσονιον γδ̄ τοῦ Δραγα Λατίον τὸ παιδίον: *Garsonastasium*, mihi videtur esse Puerorum statio. *Garsonium* enim Latinis, est Puer. Optimè ille. & nescio an huc faciat Luitprandi Ticinensis scriptio: *Obtuli mancipia quattuor Carsamatia*, Imperatori nominatis omnibus gratiofiora. *Carsamatium* autem Greci vocant, amputatis virilibus & virgâ puerum Eu-nuchum. Imò huc facit, & Græci illi inferiores leuiter corruperunt. Atqui & voces sunt, in certis finibus aut limite natæ, quæ mox diffunduntur. Sic nobis *Coker* pro thecâ sagit-

sagittariâ aut aliâ, ad nouellos Græcos abiit, quibus est natus. Sic Ruter, Eques, non hercules à Græco pūp, quasi pūtrop, Protector, ut ingeniosè excogitant: sed à Rutâ siue Turmâ militari. Guilielmus Neubrigensis: Rex, inquit, per stipendiariam militiam, quam Rutas vocant, expugnato Isonduno. Nos Rottas etiam nunc appellamus: & fuerunt propriæ fanè Brabantis. Idem scriptor: *Rex stipendiarias Bribantionum copias, quas Rutas vocant, accersuit.* Vides nos Brabantes intellegi: nec sine gloriâ: quòd etiam à regibus euocare-mur, ad stabiliendam eorum fortunam. Robertus de Monte eosdem intellegit, in anno Dominico 1074. *Quod audiens rex (Henricus Angliæ) misit Brebenones suos, & quosdam de milibus suis ad eorum auxilium.* Itaque robur & militia nostra à tot seculis celebris: non etiam innocentia & abstinentia: & dānati in Concilio Lateranensi, Alexandro Pontifice, anno 1075. saeuitiae nomine sumus. Canon Concilij: *De Bribantionibus, & Arragonensibus, & Nauarriis, Basculis & Coterellis, qui tantam in Christianos immanitatem exercent, ut nec monasterijs deferant, nec viduis aut pupilli, non pueris aut senibus, non cuilibet parcent etati aut sexui, sed more paganorum omnia perdant & vident, similiter constitimus, ut ipsi qui eos conduxerint, vel tenuerint, vel fouerint, excommunicati publicè denuncientur.* Nos, inquam, illi sumus, et si variè, & pronunciatur fere Gallico, scripti. propriùs ad hodiernum sonum poëta, qui bellū Philippi Regis Francorum contra Othonem Imper. scripsit:

*Territat in primis nostros comes iste Louani Henricus, sacer & miles nunc factus Othonis, Innumeris cum Brabantis, quo senior alter Vix usquæ est populus bello, aut affuetior armis. At Bragates diuersi sūt. qui alibi, & in M. Alberto Argentinensi sic nominantur: Turicenses cum quattuor millibus peditū armatorū, duobus millibus Bragantum, & ducentis equitibus armatis egressi. Videntur pedites fuisse, sed leues aut inermes: & inde Brigantes etiā hodie in conuicio aut contemptu. Alioqui vox à veteri nomenclaturâ nostrâ non dissideret: quia regio hæc Brachanto dicta, vel Brachamento. In veteri scripto, de partibus Caroli regis, quas contra Ludouicū fratrem (vterq; Ludouici pīj filius erat) accepit: *In Brachanto Comitatus quattuor, Cameracensium, Hanionum, Lornensem. In Hasbanio Comitatus iv. Agnoscis Brachantum, nobis Brabantum: sed aliter eodem etiam æuo scriptum, in Diuisione ipsâ**

Ludouici Imp. ante mortem factâ: *Ad Baiuariam, totam Toringiam, Ribuarias, Aloarias, Saxonias, Frisia, Ardenas, Asbania, Bragmento, Franderes, Menpiston, & quæ sequuntur. Vbi & Frandere, siue nunc Flandria nostra, vetustissimam puto esse mentionem, Sed exclamabis meritò mi Schotti,*

Quòd tantū mibi dexter abis? huc dirige gressū. In viâ & linea redéo, à quâ patriæ amor (sit venia) me abduxit. Satis igitur docui, & ante me alij, miscellas inter se linguis esse: nec firmū id telum, quo de Primatu pugnant. Etsi patiationes, aut originationes, quas Beccanus adfert, quis sepè sine indignatiūculâ autrisu legat? vix Heracleus, si vivat, aut Lucilianus ille Crassus. At argumentū eius alterū, Antiquissima, quę simplicissima: talis est lingua nostra: ergo & priùs. Quòd simplicissima, ex eo paret, quia tota ferè monosyllaba: & verū est examinanti. *Quid tum autē antiquissima?* negatur. Si in rerū naturā & geniturā manes, fateor, simplicia præire: non idem in sermone, si cum altero comparetur. Neq; enim iste talis & talis à naturā est, sed ab instituto, arte, casu. Et tamē positioni si adnuam, nec sic obtinebit. Nam Sipenses ecce pleraq; voces hodie vniuersitatis habent, easque variae significationis (ita ex ijs locis scribunt) nec nisi accentu aut tono, in pronunciando discernendas. Itaq; ij de palmā certent. Sed desino lusum: verè talem, nec alio fine aut fructu scripsi. Delectat, fateor, & inuentæ originationes specie acuminis capiunt & detinent: sed non me nimis. Ad meliora & grauiora eamus: tu ad rem publicam tuam mi Schotti, cui valentem & diuturnum te; eius bono, tuæ gloriæ, opto. Louani, xiv. Kal. Ianuar. 1090.

EPIST. XLV. Antwerpian.

IOANNI MORETO, Typographo S. D.

VARIE in litteris tuis, vir amicissime, sum gauisus. Primum de filiâ, quā nupti tradis Theodorō Gallæo Philippi R. quod precor Deum felix faustumque ipsis esse, tibi & tuis letū. Et verò fallor, aut nunc & posteā etiam erit. Ingenium & mores sponsi valde placent, cuius modestiā (semper mihi originem & matrem virtutum) & industriam pattim coram vidi, partim aliorum testimonij cognoui. Et tu nostin' Dionysium Villerium, Tornaci Canonicum? insigne virum, & idoneum vel testem, vel iudicem: is futurum hunc tuum misericordie prædicare solitus, à consuetudine imo

inò contubernio notū. Itaque cœpta iniici vincla porrò nectite, & adstringite inabrupto illo nodo. Iterūm voueo, felix letumque esto. Sanè vides Deum inter curas gaudia etiam diuidere, & melle tempefare vitæ hoc Falernū. Nam & de filio Melchiore, qui ad sacrū genus vitæ se dedit: scio volupe tibi & amicis fuisse: & confide, ex alijs hæc te manent. Quòd siquid etiam interdū quod vellicet aut pungat: nempe scito vitam hanc ut rosarium esse. flores spinis suis intermixtos: sed illos carpendos, has vitandas aut sepennendas esse, quantū homini datur. Quidni autem detur? ratio & sapiētia est, quā in hæc arremimur: cuius caput, scire conditionem & legem quæ venientibus in hanc vitam est dicta. Quæ similis ipsi aëri, quæ ducimus, & in quo versamur: vt modò sudum, modò venum sit, tempestas, serenitas, & gaudijs præuię aut sequaces curæ. Tu & ego cogitemus mi Morete: magno taliorum magistro docti, Plantinō nostro. cuius virtu inter alias virtutes, singularis fuit illa constantia.

— tranquillique magni

Vix animi, nulloque leuis terrore moueri.

Præceptis hæc alij iacent, ille exemplis. Sed quò eo? à nuptijs ad curas, & gaudijs ad patientiā: nec ineptè. nam & illis hæc interuenient (mone tuos) & genus id vitæ largiter admittit. Quò etiā eo? ad nos, inquis, & inuitas. Vellem hercules aut ego aut vxor possemus, & præsentia testari affectū. Non datur. scis domi octo conuictores mihi esse, id est custodes frue milites? Nam illi profecti tenent, nec commodo meo aut suo patiuntur abesse. Ego animum ædipe: ego illa hortensia munuscula, quæ ribi & Spiringio ad fini tuo simuli inscribam. Crescunt mihi hortenses istæ opes, non valde illæ ab India: quid cum, si acquiesco?

Cui non conueniet suares, ut calces alim,
Si pede maior erit, subsercat; si minor, vres.
 An non ego te multiloquio nescio quomo^ddo nunc iuuit, abrumpo, & vale. Louanijs, xi. Kal. Sextil. 80. I. C. XCVIII.

E P I S T . X L VI . Mechliniam.

NICOLAO OVDARTO suo S. D.

CARMEN plus super discellar meo & planctuit, & verè dicam etiā mouit. Durum est auelli à calibus amicis vel ita breue tempus; durius, & morti esset, si in longum. Ecce istud tu times, & multi varicinantur, iudicantes etiam nostri in Aulâ: sed ego tibi

I. Lipsi Operum Tom. II.

asserò & Fidem ipsam testor, aut redibo ad vos, aut mors aut vincula me ligabunt. Blanditię, promissa, præmia, Lipsiū semel moueris, nihil in hoc animo possunt. Animo, destinato in patriâ viuere, in patriâ mori; utinam tranquillâ aut securâ saltem, & quæ IScanum meum mihi interduin non inuideret. O quām suaue, te aut Hartium in libero illo aëre & loco habete! agellos, prata, siluulas, fontes nostros visere! cænulam sermonibus, deinde & iocis distinguere! Langueo, cùm cogito hoc eripi, & vix spem esse nobis reddi: nisi Deus & Reges aliquid fecerint aut facient ex occulto. Sed heus, de itinere audi hoc etiam. rumor obscurus spargi incipit de morbo in vrbe Româ: qui si verus, aut tollimus iter, aut certè protollimus in tempus Veris. Sed tu intereà quando ad nos? credo Breugelium Consilia-rium hîc futurum intra septimanas paucas, vellem te cum Hartionostro vnâ. & in tempore aduocabo, ac scribam. Vale mi optime, mi fidissime Oudarte. Louanij, iv. Nonas Iul. 80. I. C. XCIX.

E P I S T . X L VII . Lutetiam.

ÆGIDIO SCHONDONCHO
Sacerd. è Soc. Iesu S. D.

A ECEPI primum tuum, sed herculè tri-
stem & verè * Θυμαλγέα μαθει. Itane subi-
tò nobis Linneius noster? ille, vt mihi vi-
debatur, fortis, & nec antis grauis? Nescio
quod meum fatum est, qui in trilustri pæ-
nè morbo supersum tamē omnibus. vete-
ribus amicis. Bonâ fide, pauculi ex ijs supe-
rant, & vides me Priamum aliquem esse.
His exemplis an non inciter ego, alijq[ue]
ad veram Philosophiam, id est, * μαλτεο<sup>* animis
formosus</sup> medita-
tionem? Ita enim, & rectè defanierunt: qui moris
non facit;

Αρχερηθείτε γε, καὶ πάντας στέλλετε αὐτό. Is demus.
At, ô mi Schondonche, quis me inter ipsa
illa tristia letificauit tamē, & suauiter titili-
lauit tuus amor? Reth dico: horus ille qui-
dem mihi antea; sed nunc idenq[ue] scripto, &
chirographo consignatus. Quælo te, dein-
ceps mihi facito affectuon minore, sed re-
strictiore iudicio cui frēnū à ratione da, nec
sic admittit in meas laudes. Ego, ego me no-
vi, ipsum interiorum Lipsiū, quantus est:
&, iuro ribi non esse ad modulum, quem
formas. Sed tamē habeo, si vokes:

*Tu dixi quidem ipsius maxima pars
neque enim ipsum illud iudicium aliud,
sic pugnes amarus;* nam quis
quam

Vv

quām aut Amor, aut proles eius est. Ego
huc in te habeo, habeo: quid nō tanto be-
neficio affectus? Neque enim sileo, & cordi
hūic carum fuit, Vota tua in COTTIDIANO:

AUGUSTO SACRIFICIO pro mē salutē
int̄poni. O sic persevera, & de corpore pa-
rūm est, quod mihi videbatur paullatim
^{sibi facere: sed pro animo isto interpone, id est,} æterno, apud Aeternum. Vale, mi R^{de} Pa-
ter, quem animi brachijs amplector, & vna:
P. Scribanium Rectorem. Louanij, x. Kal.
I. 9. xcix.

E P I S T . X L V I I I . Antuerpiam.

HENRICO WENO I^o S. D.

PIECCAREM, & ipse me non accusarem
sed damnarem, si te consilij experientia
haberem, quod res meas & ipsum adeò inci-
tangit. Noui animum & curam mei: ideo-
que iure ad te hoc defero, non ut consilium
tamen, sed ut assensum petam. Vides ex hoc
ipso, quām decreuerim. & ita est: res eò ve-
nit, ut bonis votis prosequi iher. meum ami-
ci debeant, non monitis aut cautionibus
morari. Ut verbo dicam, addixi Principi-
bus viris me in Italiam venturum: nec ea fi-
des aut promissio, non dicam eleuari, sed
tardari debet. Cur fecisti? inquies. Multa in-
uitabant, ipsi illi primores virtutis, & nimis
me amici; sed religio maximè, quæ à Boni
facto VIII. recepta, culpas omnes in illo an-
nerfacto & Lustro expiandi, qui qunc ihu
stat. Ad hunc vocabar: cur recularem, quoq
vlerò appetere debbam? Non ad affectiones
aut munera publica imus, sed ad pietatis
munia. nemo me reuotet, quod illa tanta
Valeudo etiam mea: si cui curat, eodehi
vocat: & spero planè per hanc locorum, ho-
minum, consuetudinis mutationem, ali-
quid mitigatum iri perpetem illumina quoq
rem nostrum; si non sublatum. Quod su-
spicetur aliquis de qmā sibi ostendit. Deum
nihil esse, nec illos petere, aut agitare: ab
eis facere in obliqua: hanc & imprebari viam,
qui potui rectam & speciem? Scis: votationes
meas plures in hunc tractum de semper spouci;
& canitum ac pedem in partim mē fixi. & a
dem chanci mēris: sed peregrinari. lu-
ber; & ignauiam aut veterum motu aliquod
discutere, quod corpus & ingenium hoc
habep. Dic tu sodes, triginta iam annos ams
plius aut dotu' affidie, aut scripsi & pauel
menses non dabo: ut ad requiem aliquam,
& leuamentū? Ipse Sisyphus in fabulis, qui

perpetui laboris damnatus, suspendit tamē
Orpheo cantante suum saxum: liceat mihi
paullisper calamum & linguam, ad praecon-
ium & carmen, hoc sacerdotū Pontifex nos
vocat, ad sacra non visa, non visenda: ego eo;
qui liber & sine familiarī onere sum, solā
vxore non volente fortasse, sed nec renitēte;
Habes consilij mei summam: sed quando
in rem dandi? Iam sub Autunnā instan-
tem, & September initium viæ mihi erit.
Lubet enim paullò citius, ut hinc & frigo-
re potius, quām vt in æstu veniam: denique
vt Vere proximio etiam revertar. Emanlio
epiph mea tota quinque aut sex mensū erit:
si Deus tamē voler, id est si Italia aut Ro-
mania sepulchrum mihi non erit, Parce male;
ominari, inquies. Nihil malum est, mors hinc &
ibi imminet: nec mihi triste, apud amicam
meam Romanam vel cadete, vel condi. Sed
spero patria iterū me videbit, vt in am lae-
tum ipsa læto vultu, & tristitia at squallori
hic bellorū abierint, quæ nunc eam fædant.
Tu salve mi V. wene, ante abitum etiam vi-
dende: & haec, si commodum est, cum Rob-
iano nostro participa, cui volo scrip̄a. Ei-
dem ex animo siluē. Louanij, xiv. Kal.
Maias. **I. 9. xcix.**

E P I S T . X L I X . Antuerpiam.

AVBERTO MIRAEÓ, Canonico.

Quod dicas, ita erat, distinebar, sane
Bruxellæ, aut potius distrahebar, & an
miseriū belluolentia menec mihi permis-
tebat. Fere induerunt, & vides quām optata
erit bona, scep̄e nascit. **Q**uid amicis
meius? Spiritus nigris diffusa, turbas, &
quod utilissimū erit. Tempus eripit
aut patitur. Simile in fama, quam bonam
omnes boni volumus: si crevit, & latet, se
sparsit, pondus utruque adsert, & illi non
ubriacatum sibi. **O** quām omnia modica
optima, & mihi semper id nosū & studiū
etiam fult, libet legere, vela in alium nob̄
dere: & tamen aura aliqua blandiens aut in
sidians scep̄e prouexit. Vereor ut in Italico
itinere similes ad quod alii & magistates il-
li vires benignè & acriter scep̄e prouocant; sed
mihi quis fructus, nisi distractio fortasse,
erit. Ego amorem obstitui, & spopondi: et
valeudo meo indies tenuiibz tardat, & ante-
pitem in etiā brimis facit. Deum inuoco,
et illuminat quod ē re & salutē nostrā erit.
Quod ad te mihi gaudet. Ante pīz
iam esse, hōnestō loco, in eō honestissimos
opti-

optimosque viros, & florem (ita res est) in co opido Belgarum. Nec enim ipsum solum eminet elegantia aut splendore, sed & ciues atque incolae, nescio quo genio, ad bona & honesta eximiè inclinati. Me quidem versari cum ijs & iuuit semper, & iuuat: nec locus est vbi animus hic magis se explicet, & lætiūs libentiusque diffundat. Itaque benè & ex meo voto, te illiè esse: quod addis de studijs & exercitatione tuâ quam paras, valdè approbo, & toto animo illuc hortor. Ad conciones inquam. quò & pietas ac tua professio vocat, imò & me iudice ipsa Natura: quæ suauiter & grauiter dedit eloqui, nec si ne motu auditorum. Delectabis, excitabis, inflammabis: ut specimen ego in te h̄c vidi. Quid autem alijs gratius, tibi honestius potes facere? ipsa ianua est ad famam & gratiam: et ea finem non habes, scio, sed ad salutem aliorum hæc quoque accedent. Rogas, quos legere ad hanç rem suadeam. Egone? extra meum campū, & velut oleas, meducis: tamen liberè, & quia inspexi etiam sacrorum illos auctores, dicam. Mihi inter omnes Græcos placeat Chrysostomus lectus: qui copiam, varietatem, figuram & flexus sermonis dabit; denique & ornamen tum grande, & quod plausus mouet, similitudines atque imagines, quibus scatet. Inter Latinos, Bernardus me capit. & vsum habet excitandi, ob acrimoniam vbiue & calorem; tum etiam docendi atque imprimenti, ob sententiarum acumen, quas crebro & salubriter miscet. Sed hæc alij tibi melius, aut certius: vnum tamen perpetuum iudicium meum te non celo, quod est, ut mores in concionibus species & formes, potius quam dissertatiunculas aut altiorem doctrinā. Mihi crede, hoc expedit, imò verò necessariū est, si vñquam, in confuso & vitiioso hoc æuo. De religione satis multi loquuntur, pauci vitâ exprimunt, & mores à professione discordant. Ille vir est, ille Deo plenus, qui formabit & corriget: nec Ecclesia solū, sed Reip. optabilem operā nauabit. Deus tibi det velle, & posse, & me amare. Louan. prid. Nonas Iúlias. ∞. Iɔ. xcix.

E P I S T . L . Antuerpiam.

ANDREAE SCHOTTO, Presb. Soc. Jesu S.D.

DE fratri tui filio quod repetis mi Schotte, id verò mihi curæ cordique est, & erit. Quòd ad nos approparet, nihil adhuc opus est: quia non ante medium Septem-

I. LIPSI Operum Tom. II.

brem aut circiter, ituri sumus, si tamen itu ri. Dubitas? inquieris. Dubium me facit tum morbus, qui in Italiæ finibus acriter incipit grassari; tum & mea valetudo tristior tenuiorque facta, ut à vobis discessi. Calidè aut temerè aliquid facere, ratio me vetet, et si animus valdè impellit. Itaque videbi mus, & pro re ac tempore consilium capie mus. Itinerarium tuum ad finem spectare gaudeo: de SENECÀ patre autem quid amplius, præter dicta, dicam? Edi aut tua, aut ipsum cum tuis approbo: sed ut ego aliquid nunc conferam, vix est in mea manu. Lan guor me habet, & harum rerum tedium, nec ad studia aut cogitationes istas adsurgo: ac ne debo quidem. Libellos tuos remitto. Saluto amanter P. Rectorem, & P. Schondonchum, semper meos. Certè viros amo & colo. Louanij, postrid. Idus Iul. ∞. Iɔ. xcix.

E P I S T . L I . Antuerpiam.

IO. BAPTISTAE PEREZIO BARONIO suo
S. D.

T e quoque, ut video, in parte perculit hæc itineris nostri dilatio, an omissio dicam? Sed cauſas tamen iustas vides: siue illas publicas, siue hanc priuatam Valetudinem, & quæ me tangit. Fateri debo, animo me validiorem quam corpore esse, atque illum agitare & concipere, quæ fuscipere atque exsequi negat istud. Mea quidecim cauſa nihil moueri in totâ re decet: quid enim non visum (homines aliquot excipio) videndum mihi? sed vestrâ voluisse, quibus dux & quasi mystagogus esse potuisse ad penetrâlia Italorum. Nunc cùm Deo aliter visum, & velle, non posse, mihi detur: quid nisi tam suauiter acquiescam, quam si numquam ea cogitatio animum occupasset? Mi Baroni, hæc summa vel vna potius sapientia, Deo & fatis obsequi; & infixum habere animo, ab illis dirigi, atque etiam perfici, molimina omnia nostra. Adspicit ille ab alto ventus? vela pando & nauigo: ponit aut se vertit? contraho eadem, & sisto aut flecto. Vitæ longum iter (ita esto) tibi restat: sed semper incertum, turbidum, nisi semel decreta tua ad æternum illud decretum ligas & aptas. Quod vult, velimus; quò dicit, eamus: & nisi facimus, trahendi nihil omnus aut impellendi. Sed satis philosophiæ: de ipsâ re, vereor ut multæ mihi etiam à Romanis machinæ & concussio-

Vv 2

nes.

nes. iam recenter vna , à peritâ & forti Baronij Cardinalis manu directa. Inuitat valde benignè, & hoc vrget vt veniam ad sacra loca & annum, vel in alienum exemplum. Si ætas esset aut vires pro animo ; res facta erat, neque deliberandi aut cunctandi locus. Cùm me intueor, collabasco: & maxime, quia experimentum iam mei aliquoties feci. Sicut Iunonia aus, vbi colorrem & plumas circumspexit, sibi placet & fudit; deicxit, cùm ad pedes se deiecit: tale est mihi, animo valeo & præfido, languisco cùm ad exteriorem hominem me conuerti. De fratre quæ scribis, grata sunt; & vt solet in præteritis malis, suaue est passum esse. At Hispaniæ etiam illam partem, sanè florentissimam, lue tentari, haec tenus nobis inauditum erat. Quid parat ille mundi rector ? Europam bellis, morbis, & omni aliâ medicinâ purgare & curare? De curatione, ô ita esto: purgationum iamdiu affatim, vt nostra quidem iudicia sunt & vota. Sed ille, quod volet, faciet : te, mi Baroni, tuosque seruabit. Ad patrem scripsi: auo tuo, & adfini Marco Ant. Perezio, item Rokoxio salutem multam per te dico. Louan. IIII. Kal. Sextil. oo. I. xcix.

EPIST. LII. Leodicum.

Io. CHOKIERO I^o S. D.

Ego & redditum è Galliâ tibi gratulor, & de constantiâ affectus tui in me non nego etiam gaudere. Gratum & volupe est, eos qui in curâ aut disciplinâ nostrâ fuerût, habere beneficij memoriam: quod nimis facile hæc iuuentus aut elabi patitur, aut ipsa abijcit & fastidit. At qui meliore mente & indole ad virtutem sunt, ij verò aliter: & gratiam præceptoribus suis animo debent, atque hoc ipso habent referuntque. Quid enim præter eam volumus? & hoc quoque, vt scalarum hos gradus ad Sapientiæ collem magis magisque scandatis, donec ad verticem illum veniatis, in quo lux & tranquillitas est, & dispectus simul & despectus rerum terrenarum. Te iam promouisse, & pænè peruenisse, spero mi Chokieri. quem Gallia illa, bona ingeniorum altrix, aliquamdiu habuit, & in matuoriæ ætate tuâ ad iuris & ciuiliū rerum prudentiam formavit. Vidisti insignes viros, scio: sed & desiderasti insignes, quos vltima hæc tempestas belli abstulit, & eminenteribus aliquot titulis Galliam priuauit. Nisi quòd

viuunt etiam nunc tamen in animis & in scriptis: & detractâ inuidiâ, solâ laude no-scuntur. Ad eorum exempla te voco, ad mei amorem hortor: quem scito me tibi reponere, & paria facere ac facturum in affectu. Louanij, pridie Idus Septemb. ipsâ horâ quâ tuas accepi. oo. I. xcix.

EPIST. LIII. Antuerpiam.

ANDR. SCHOTTO S. D.

Ecce, mi Pater, quod Velsero non ipse, sed pro me ego respondi. Etsi quid opus caussas quærere? vtinam ne vna, vna nimis obvia, nimis certa, nimis sonica esset, valtudo. Quâ si quis in leui habet aut spernit; cum cur mihi audientu putem, non video. Cur igitur suscepisti? quia spes impellebat, quia pietas inuitabat: & ista manet, illa defecit. dum leuibus peregrinatiunculis periculū mei feci, & video non esse ad quadrantem, aut si minus dicam, longæ illius viæ. Hæc serio ita habent. Quid caussa altera, & emanendi metus? Sepone, inquis: nemo inuitum. Hoc scio: sed parum teniti mē, & sequacem naturâ esse, hoc quoque scio. Ad summam, mutare melius, quam periclitari: si quis de inconstantiâ obijcit, in tali re nou moueor. haud magis quam si Bruxellam ire constituisssem, & omisissem. Cuique sua iudicia, mihi in me mea: & Homerus communiter hoc prætendat,

— * σπενθαὶ γάρ πεφέται ιδλῶν.

^{* hominum}

Satis de itinere. De SENECAE Notis, bene est: & scis iamdiu meum sensum. Ego in Philosophum paro *Commentariū perpetuum*, & iam in parte affeci. Sed ratio diuersa erit à priore meo genere, in quo plus aliquid ambitus, aut pompæ; hinc rei non minus, plus breuitatis, & simplicitatis. Videbis & censebis. *Bargaeum De obeliscis* si non misi, vbi se posuerim, nescio. Perisse non potest, & excutiam scrinia omnia in otio primo. Quæso, sustenta. Pantinus redijt, libellos aliquot, & litteras à Couarruuiâ ad me tulit: sed libellos tamen nondum misit. Bruxellam autem ego non vidi, & quamquam Principum meorum reuerens & cupiens, tamen sine officij fraude censi vnum caput in tot millenis posse abesse. Domus, quies, SENECA me habuerunt. Vale mi Pater, & RR. PP. Rectori & Schondoncho S. multam dicio. Louanij, Idibus Septemb. oo. I. xcix.

EPIST.

E P I S T . L I V .

Antwerpianus.

N I C O L A O R O K O X I O , V . N . & Senator.

BARONIUS noster tuo nomine munus
libri mihi obculit, in quo collectae Ro-
manæ aliquot Antiquitates. Negem mihi
gratum fuisse: mentiar. delector & re ipsâ,
quæ iamdiu animu[m] hunc cepit: & tuā
beniuolentiâ, quam hoc quoque indicio
ostendis. Enim uero sperabam, & iam de-
creueram, oculis istis visa illa olim monu-
menta reuise: ut ilius haud dubie atque et-
iam iucundiüs, quò maior mihi nūc aliquis
eorum intellectus: sed Deū & Fata noluisse
palam video, quæ sub idipsum tempus im-
becilliorem solito me fecerunt, & nec nunc
ad vires pristinas resurrexi. Itaq; sepono vel
nolens hanc cogitationē: in patriâ meâ ac-
quiescam, & beniuolentiâ vestri similiū:
addam & studiorū illud oblectamentum,
numquā omissum mihi, & nunq; cùm mete
appropinquare me video, acrius in seuerio-
ribus libris amplectendū. In ijs S E N E C A M
elegi, breui à me dandum, si Deus adiuuet,
clariorem & meliorem. Vale Vir Nobilis
& Clm, & in affectu erga me, qui mutuum
facio, perseuera. Louanij, viii. Kal. Nouem.
oo. I o. xcix. D. Perezium saluto.

E P I S T . L V .

*Montes.*F R A N C I S C O B U S S E R E T O , Episcopo
Namurensi designato.

Et priuata & publica mihi ratio est, gra-
tulandi hunc honorem, quem non tam
Principes, quām Deus, meo sensu, videtur
tibi contulisse. Priuatim quidem gaudere
me in honore eius, quem amicūm mihi
sensi, par est: & publicā patriæ causā ma-
gis, cui subsidia ista opus calium virorum;
& in concusso hoc rerum statu velut noua
monumenta. Ut cælo serend, & mari quieto,
minor cura aut inquisitio de gubernia-
tore est: quiuis pñne sufficit: at turbido
hoc & illo, virum nauis quærit, veterem cl-
avi & peritum: sic nunt dixerim, in procel-
lis nimbisque quibus religio patiter & se-
publica iactantur, magni interesse quem
in curam tutelam quæ eius arcelli videamus;
Videmus te, & boni omnes gaudemus: qui
præter scientiam, usum rerum tractanda-
rum aduersis. & quod caput est, puram il-
lam & cum candore virtutem. Hoc qui te

I. L I P S I Operum Tom. II.

norunt, de te loquuntur & sentiunt; hoc
vulgivoces, & illa
sollers deprendere semper. Fama duces.
Qui parem, immo superiore in te fore, & au-
guror, & opto, & intimis amiti vobis
Deum precor. qui te Reu^me Domine, cui
similem seruet: in quo voto alia, & episto-
la in ipsam clando. Louanij, iii. Kal. xbrs.
oo. I o. xcix.

Guilielmus Wargnerius, olim meus, nunc
Sacerdos & Canonicus in æde D. Petri,
gaudium suum per me profert, & obse-
quium offert.

E P I S T O L A L V I .

AD CONVBERNALES SVOS,

*Franciscum Oranum.**Io. Baptisam Perezium Baronium.**Guilielmum Richardotum.**Antonium Richardotum.**Guilielmum Scarbergerum.**Cornelium Anchementum.**Ioannem VVouerium.**Balduinum Iunium.**Philippum Rubenium.**Hubertum Audeiantum.*

Vos verò mihi de Equis etiam molesti
estis; quid? vt alam equum, voluptati &
valetudini: quid? vt exemplo canuin, etiam
laudem. Itane grati? & hoc scriptione meā
nuper merui, vt à negotio ad negotium
vocer. Tamen durum negare vobis ita cu-
pidis: saltēm hoc alterum. nam illud prius;
arcæ non chartæ res est: & hanc potius im-
pleam, quām vacue faciam illam. Ergo ite-
rū ad ludos, & verè Circum: in quo Græ-
co Romanoq; ritu equi nostri currat. Quid
de ijs dicimus? semper in usu & pretio fu-
sse: nec aliud animal, ex quo homini plus
yisionis aut commodorum. Canis venatur;
amat; propugnat: hæc ipsa omnia Equus.
& quid phæreca? terram arat, plaustra tra-
hit, hominem vehit, puncios & litteras
defert, cursus & ludos exhibit; atque ista &
plura in pace. At cūm Mars tubam infor-
nuit, caput & aures erigit; terram pedibus
pulsat, & in militiam vlerò nomen suum
donat. Illuc armatum virum ipse armatus
in aciem defert: eam impetu perrumpit; ad-
uersos peccore, capite, pedibus sternit; ore
lancebat & mordet. Enim uero Malalucor-
um nuper in Ægypto equos sic doctos tra-
dunt, & velut fida quadam auxilia commi-
litasse.

Vv 3

litasse. Sed & Plinio scriptum, armigeri aut satellitis munus aliquando subisse, & tela ore porrexisse ac suffecisse. Iam summa utilitas, in ipsâ fugâ. Illi persequuntur, & assequuntur, imò præueniunt: fistunt, cingunt: & absque ijs, quis suinam manu & optant finem bello imponat? Iure igitur hoc animal Marti sacrum, & ei Romæ & in Oriente passim, grata victima, immolatum. Ista vniuersè: magis partitè etiam de Ingenio, & Fide videamus, & Pietate. Ingenium eorum, pñè ad hominis. audeo hoc dicere? inecum vetustas, quæ adeò adsidere nostræ naturæ voluit, ut etiam iungi posse & misceri. Centauros nónne illi formarunt ex equo infero, & supero homine? Itaque dolicitas eorum inira, & ingenia, ut Plinius loquitur, inenarrabilia. Frænum ore, equitem dorso suscipere; stare, vertere, minuere, augere gradus, ad leue fræni signum. Quid fræni? imò vocis, aut virgæ. De Numidis, certum est, etiam in militiâ equis insedisse & pugnasse sine fræno. Atquin bonus & terribilis, atque adeò pñè exitiosus Romanis, iste equitatus. Claudianus de ijs:

— sonipes ignarus habenæ:

Virga regit. Silius:

— Numida, gens inscia fræni,
Quæs inter geminas, per ludū mobilis, aures
Quadrupedem flectit, nō cedès virga lupatis.
Idem Herodianus, idem Strabo, tradiderunt: ne poëtarum hæc censeatis. Iam vero & inclinare se adscensuro docentur: imò submittere & velut adorare. Dio Cassius auctor, Traiano, cùm in fines Parthorum venisset, oblatum à Satrapis equum, doctum venerari hominem, & ritu adorantis, flectere anteriora genua, capite ad pedes antestatis submissò. Quid, quod gesticulari, saltare, conuiuari, & decumbere, Pyrrhicas edere, & quæ ipsi homines ægrè exprimant, in theatris olim sunt visi? Plutarcho morosè hoc accredat aliquis: sed quis non Iulio Cæsari Scaligero, nouello & oculato testi? Equum pusillum, inquit, deformem circumducebat agyrta quidam; cuius inßu, atque etiam solo interdum nutu, mira ille faceret. Ambulare, succussum properare, currere, saltare vel quadrupes, vel bipes. Unum bibere, inquit, rvidimus, in clunibus sedentem anteriores pedes ad pateram ferre. Peluum sive malluuum cruribus sustinere, quasi à tonsore lauaretur. Humo sternere, prosectorum atque etiam porrectum iacere: ciliorum compressione annuere, caput ad heri nutum tolle-re, in terga vertere: supinus ostendere, quo situ

mulier virum admittat. Ridere vos video: audite & historiolam cum risu pariter, sed & tristitiâ mixtam; Sybaritæ olim delicijs & luxu perditæ, vel prouerbio locum fecere. Inter alia, isti equos adsuefaciebant in conuiuum venire, saltare ad tibiæm, pedes anteriores tollere, ijsque vice manuum gestus certos edere, velut peritos quosdain cheironomantas. Fors fuit, ut tibicen quispiam, contumeliâ adfectus, ab eâ vrbe profugeret ad Crotoniatas, eorum tune hostes. Deserit ingenium & operam, effectuim se ut potiantur Sybaritarum, si audire & sequi se velint. Factum est, copias colligunt, in hostem eunt, tibicine illo duce; qui plares eiusdem artificij apud se habebat. Contrâ Sybaritæ exeunt, fiduciâ & fastu pleni, quod equitatui satis præpollerent. Viciniæ iam acies, & ducis illius iussu vniuersi tibicinae certis modulis conspirant: equi Sybaritarum ijs agnitis sese erigere, sessores excutere, & solenne domi tripudium etiam in acie exhibere. Hostes vi ingruunt, capiunt equites iacentes, & iuxta equos saltantes. Hoc olim: sed & ingenia sua in Circo probabant, populo Romano spectante. Claudij Cæsaris ludis sæcularibus, excusso carceribus aurigâ, ipsi sponte visi currere, oppositos vitare aut offendere, circa metam periælectere: denique septem spatijs legitimè consecuti ad metam ipsam stare, quasi palam poscentes. Et omnium iudicio meruerant: aduersarijs tantum dolentibus, & cum pudore indignantibus, artes hominum (ait Plinius) ab equis vietas. At de Fide etiam videte: quâ dominos suos noscunt, adhaerent, amant; viuos tuentur & seruant, mortuos etiam propugnant aut vlciscuntur. Exempla, id est testimonia, hæc occurserunt. Primum de Bucephalo Alexandri, ob nobilem illum regem ipsum nobile & notum. Agellij purissimis verbis id referendum est: *Equus Alexandri regis & capite & nomine Bucephalus fuit. Emptum Cares scripsit talensis XIII. & regi Philippo donatum: aris nostri summa est sestertia CCCXII. Super hoc 7300. equo dignum memoria visum, quod ubi ornatus erat, armatusque ad prælium, haud umquam insendi sese ab alio nisi à rege passus fit.* Id etiam de isto equo memoratum est, quod cum in eo insidens Alexander bello Indico, & facinora faciens fortia, in hostium cuncum, non satis sibi prouidens, immisisset, conie & isque vndeque in Alexandrum telis, vulneribus altis in seruice atque latere equus perfosus esset: moribundus tamen,

ac propè iam ex sanguis, è medius hostibus regem vivacissimo cursu retulit: atque ubi eum extra tela extulerat, illicc concidit: *@ domini iam superstitis securus, quasi cum sensus humani solatio, animam expirauit.* Tum rex Alexander, partae in belli victoria, opidum in iisdem locis condidit: atque ob equi honores Bucephalon appellauit. Hæc ille: sunt alia. Seuerus Imp. cùm Prætorianos astu circumuentos exarmasset, quod Pertinacem deseruissent & occidissent: & qui inter eos equites, iuberentur deserere equos: fuit vñus, cuius equus retineri aut sisti non potuit, & quamuis ille repelleret, identidem tamen sequens & adhincniens, dominum ita mouit, vt gladio educato illum sequere interficeret: & (addit Dio) equus ille spectantibus visus est libens letusque cum domino mori. In bello Punico secundo, graui & grandi illâ Cannensi clade, eques Romanorum Clælius fuit, atque is in certâ turbâ, vulneribus confectus, pro mortuo relictus. Manè facto Annibal pugnæ locum petit, siue ut spolia reliqua sui legerent, siue ut ipse oculos atque animum immanem spectaculo tristi pasceret. Iacebant lacera corpora, trunci artus, truces cæforum formæ, mortui semimortuis mixti: atque inter istos Clælius, qui ad strepitum caput ac linguam mouens, extremam vocem cum gemitu effudit. Agnouit equus, quem captum Numida iuxta Annibalem insidebat. Aures arrigit, & acri hinnitu edito profiliens, sessorem humo sternit. Currit per cadavera, per arma, & in ore domini iam mortui consistit. & cùm mouere non videret, ipse collo inclinato, armisque submissis, ut soleret, inuitat ad scandendum: diro illo Annibale etiam miserante, & fidem animantis demirante. Recentius exemplum Germania suppeditat, illa equorum virorumque bona nutrita. Inter dissidia ciuilia anno 80. LXXVI. cùm Saxonie Principes pacem vici in issent cum regé Henrico, atque ob sides etiam dedissent: fuere inter eos duo puelli, Vthonis & Dedi Marchionum filii, longè adhuc à pubertate. Iij custodieban- tur in arce quâdam, sub Eberhardi custodiâ regij ministri. Apud quem parentes munusculis euicerant, & ipsa teneræ aetatis misericordio, ut pateretur eos ne tardio aut desidiâ tabescerent, interdum circa arcem vagari, ludere, equitare, et si vix firmiter etiam possent. Accidit ut venatum ipse iret, istis comitibus. Feram excitans, persequuntur cum calore & clamore, ut sit, puerorum

oblitii aut neglegentes (qui enim in eâ ætate fraudem hanc speret?) illi cùm solos se vi- dent, mutuò alloqui, & adhortari ad fugam. Faciunt, equos admittunt, locorum hominum inque ignari, tandem ad Moenium fluuium, Deo duce, deferuntur. Ibi nauiculas piscatorum conspicati, rogant admitti, & Moguntiam transuchi: pretium chlamydulas suas offerunt, quibus amicti Pisca tor trepidationem eorum miseratus, & de nobiliore stirpe ex habitu coniectans, equis delapsos suscipit, in cymbam imponit, abnauigat. Quid equi? dominos non deserunt, impetu flumen tranant, & in ultiore iam ripâ gressum admoderantes cymbam sequuntur: ita, vt cum eunte irent, cùm sistente alibi sisterent; atque id per plura millaria Moguntiam usque: ubi domini eos, dominos cognatus Episcopus hilariter excepit. Dicite, an non humanas animas insedisse hæc pectora creditis? Atque ista fides in mortuos etiam perseverat. Plinius: *Anmissos lugent dominos, lacrimasque interdum desiderio fundunt.* Virgilius de Pal lantis occisi equo.

— positis insignibus Aethon

It lacrimans, guttisque humectat grandibus ora.

Fons istorum Homerus, qui Patroclo occiso canit:

Γερποι δ' Αἰακίδεων, μάχης αὐτούδεσσιν ἔόντες
Κλεῦσι, επειδὴ πεφῆται πυθεῖσθαι μένεχοι
Εἴ τοι δέ τις τοι γένεται πόνος Εὔτροπος διδεψόντο.
O affectum mollem, & minimè brutorum!
At in Plinio vindictæ cupidinem etiam legi. qui scribit, Antiochum regem, cùm prælio Gallos fudisset; Contareti ducis, qui cederat, equum insigni specie consendisse: atque hunc indignatione accensum, spretis lupatis, in abrupta ille, sequè & equite vna afflito. Item: occiso Scytharum quodam regulo, singulari pugnâ & ex prouocatione: cùm victor ad spoliandum hostem accederet, ab equo eius mortibus calcibusque confectum. Habetis & stupetis in Fide: accipite Pietatem. Propriè sic appello-nam in parentes & cognitionem mirificâ sunt reverentiâ, vel affectu. Gallus, bos, ouis, ipse canis matrem init: iste abhorret, & iura naturæ sancta habet. Aristoteles prodidit, Scytharum regi nobilem equum fuisse, & pulcherrimæ sobolis semper matrem. eâ causâ motum regem, ut filium generosum matri admiseret, atque ita stirpem augret: sed illum, et si incitatû à prorigâ, recusasse.

* Acicida
sed equi.
paullum à
pugnâ inde
remori,
Flebant, ut
primâ au
rigam no
noro per
tempum
Hedoreis
manibus,
debetum
in puluere
fando.

Cum autem placuisse tegi matrem, ut immo prudens superuerit: factum quidem, sed mox detecta & agnitâ, flagitiâ impatientia fugam proferasse, & per abrupta se praecipitasse. Simile in Hispaniâ Baticâ nostro saeculo. Equus inter optimos, vnguentis & lenocinijs induetus ad matrem incestandâ, cognito criminе, morsu sibi ipse naturam, cum magnâ adstantium admiratione, abrurpit. Alibi, ipsum prorigam, iustiore omnino vindictâ, legimus ab ijs. intersectum. Sed & erga sorores notitia & amor, libentissime in eo comitatu iugum ducunt. Hæc pietas fortasse, tum & mira promptaque obedientia effecit, ut in ipsis Sacris libris *Equi & Equitatus*, pigrum animas significent: quæ dominum videlicet fessorem rectorumque accipiunt, neque ex suâ libidine, sed eius arbitrio, fleetuntur. Imò & eadem fortasse potentes diuinandi fecit: cuius rei vetera & noua exempla. Homerus, super omnes mystas nature arcana perdoctus, facit Xanthum Achillis equum instantem ei mortem præfati. Cæsar is equos, quos ad Rubiconem fluuium liberos dimiserat, & sacrauerat, insidijs in eum paratis & mox patratis, per aliquot ante & post dies pertinacissimè pabulo abstinuisse, & vbertim fuisse, compertum est. Valentianum Principem pridie quam periret, consuetus non admisit equus, præter morem ferociens, & pedibus erectis repellens. Quod ille indignatus, stratoré militem, quasi eius culpâ factum, volebat occidere. Illustrius hoc prodigium in Alexio Imperatore Byzantino, qui cum fratre Isaacio deiecto, & exculato, imperium inuasisset: numine patrum pie salutato, è templo veniens, equum Arabicum, inter auspiciorum pompas, Principali ornatu, parabat incepere. At ille subduxit, & ore auribusque tremens, oculis sanguineum inicantibus, terram pedibus pulsans, eosdemque anteriores attollens, tergo recipere dediturum scelustum & particidam. Verò multis adstantium poppysmis, & cera uicis palpationibus visus ferociam remisisse, Imperator subito in eum se iecit, & fraternum prehendit. At ille, quasi deceptus, & fessore quem nollet recepto, comelaro hincitu in pedes assurgit, nec destitit bacchari & concutere, donec coronam gemmatam capite eius (quæ & fracta est in parte) atque ipsum dorso excussit. Nec fides prodigio defuit; Alexij imperio turbido, & mox ipso depulso. Sed & ego diuinationis aut præ-

Iliad. v.

Ammian.
xxx

dentiae signum in equo, meâ salute, cepit. Anno ad. lxx. iter in Sequanos institui, adulto iam Autumno. Solus, cum famulo eram, viæ ignarus: atque ille casu erraticam repertam considerat, laboris leuandi causâ. nam pedibus ibat. Venio vespere iuxta Clatevallem opidulum, in libro Sequanicis flumen Dubium à parte dexterâ video, inflatum, & ripas ac viam supergressum. Parte sinistrâ rupes altior & abrupta erat, quam perpetuum iugum pænè opido continuabat. Quid facerem? via deserebat, (aquis ut dixi tecta) & tamen iuxta rupem ferri prior orbita ostendebat. Serum redire & querere, nox imminebat. Animum obfirmo, equum immitto, & rapi quantum poterat admoveo, ut dextrum flumen vitarem. Ille recusat, & obluctantem etiâ dextrouersum paulò ducit. Emergo denique irrepidis & madidus, sed incolæ, qui ab ipsâ portâ viderant permeantem, consensu dixerunt, si proprius rupe in accessum, actum de me & equo fuisse: quia fossæ illâ & voragini, non peruadendæ. Satis, an receptui canimus? an etiam aliquid de exteriore facie habituque Equi adiungimus? opportunum videtur: & species quorundam satis est noua. Iulio Cæsari equus ^{Suet. c. lx.} & Phn. fuit pedibus propè humanis, & in modum digitorum vngulis fissis. quem natum apud se, magna curâ aluit, nec patienter fessoris alterius, primus adscendit. Rudolfi I. Austriaci imperio, equus Basileam venalis adductus, qui bimbi tantum esset, altitudine autem viros plerosque supergrederetur. Indicatus fuit CC. marcis, venditus c. qui sunt Philip + pici quingenti, grande pretium in illo anno. Sed magnitudine & formâ stupendum est, quum fama (nescio an ex vero) sed fama prodidit, & vestigia etiam manent. In Artesia haud procul Lillerio Malanoium arx est, aut potius fuit. nam ipsa per bella diruta, villa tamen & vestigia manent. In cæ Toparcha erat, qui studiosè equitium alebat, & ioco dicere solitus. Sicqui sibi cothurnascerentur, tunc denique ad bellū Sacrum (ea tunc militia vigebat) se itum. Enēnit, & equus grandi formâ, cornibus eminentibus nascitur: cui supra vulgus etiam celeritas & vires. Saltus adhuc eius ostenditur: pedum circiter LX. & columnæ desixæ sunt: quas Illustriss. Princeps CAROLVS Dux Croius & Arthoranus, loci nunc eius dominus, membræ & posteritatis causâ, iussit reuocari. IX. Principis eius nomine finiam, quem

quem vos mecum veneramini, alti animi, acris ingenij, & honestarum artium studiorumque amantis. Louanij, in communi domo nostrâ, III. Kal. April. &c. I.C.

E P I S T . L V I I . *Antuerpiam.*

F. FRANCISCO VILLERIO,
Ordinis eius Diui.

FA TE OR me libentem & epistolam tuam vidisse, & carmen. Vtrumq; me docuit, te inter eos esse qui longè se penetrarunt in litterarum adyta; & posse hac quoque accessione ornare studia tua diuinæ sapientiæ & pietatis. Hoc magis amavi in te, quia in ordine illo & sacro cœtu es, quem vere amo. At quod de Carmine sic serio sententiam meam quæris, habe. Ipsa inuentio arguta, elegans, ingeniosè aptata; nec phrasis dissidet, nisi quod genus ipsum carminis maluisse aliud, & ex usurpatis esse. Quod obscuritatem accusent, illis fortasse, qui vetus nihil legerunt: nobis non est, qui scimus quod aspicias, & sensus aut verba flectas. En meum iudicium: sed affectum magis ad te mitto, & parem tuo repono. Vale, & precibus apud Numen me iuua. Louanij, v. Idus Ianuar. &c. I.C.

E P I S T . L V I I I . *Antuerpiam.*

HENRICO VWENO I^o S. D.

ANIMVS iubet scribere, & tua compellatio poscit: sed aura & glacians hoc frigus negat. Viden' liquorem etiam negare, & sub manu conscrescere? pauca igitur. Laurétius tuus pro voto tuo est, immò vereor ut exceedat, monendumque sit temperare sibi in studijs, quæ calidè nimis & assidue tractat. De scriptiunculâ nunc meâ, cupio te ex Moreto nôstro discere, ad quem misi & *Dissertatiunculam* (sic iure appello) & *Paganoricum Commentario* obiter illustratum: quem utinam, bis utinam, nostri Principes & capiant & legant! Quid de æuo isto dicam, nescio: nouitia in pretio sunt, sed per ea quid boni, quid magni geratur, gerendumve sit, nondum video. O saecula illa & viros diuersa ab ipsis! Sed mirro. puer ille Genialis tuus spem facit mutationis in melius: & libens equidem ista legi. De me si quæris, nou est intactus animus superstitione (si ita appellanda sit) hæc credendi, aut certè obseruandi: & exitus docebit, à bono veraciisque Genio ista sint, an à prauo &

illudenti. A Genio tamen esse, conuenit: & Theologi hîc nostri (nominatim Delrius) ad exitum usque iudicium protollunt. Illud ei non placebat de Nube: & ait obseruitasse, deteriores ferè Genios sic apparere. Desino, ab aurâ iubeor, etiam à Legatis, qui mæspectant. Cæsarcos dico, quos redisse ad nos scito creditum parantes, quo fructu eodem quo venerunt. Omnes Vwene, quām quædam mihi non ire videntur, quod Genius ille & nos vellonus! Sed Deum respicio, & ab eo auxilium posco, & tibi mi amice tutelam. Louanij, VII. Idus Febr. &c. I.C.

E P I S T . L I X . *Antuerpiam.*

P. ÆGIDIO SCHONDONCHO,
Presb. Soc. Iesu S. D.

EN, ad nostrum cœlestem iuuenem, & ex vtriusque vestrûm voto. Ita inquam, ut in Italiam viam illi suadeam, faciam, atque etiam habitationem. Certè si quis Lipsiœ fauet aut vult factum, huic volet, ita calidè commendabo. Vnum illud de Præsidis filio excuso. nec enim potest, & familiam instruxit, & in viam iam se aut dedit, aut statim dabit. Hæredit etiam in Sequanis, rei suæ causâ, aliquot menses. De me, quod subaccusas non venisse: quid facerem? visne vacuum? At ego SENECA M mecum volebam: & hactenus noluit valetudo, quæ tres iam hos menses à scribendo, & pænè etiam legendo, arcet.

* Zd's me pýja regid'z A'ry m'ðhos Capit'.
Si internæ saluti expedit, hanc quoque ex
ternam precibus tuis mihi adiuta mi Pater.
Louanij, III. Idus Iun. &c. I.C.

<sup>* Me Deus
ille gravem
tristamq;
ligavit ad
Aren.</sup>

E P I S T . L X . *Antuerpiam.*

R. P. ANDREAE SCHOTTO S. D.

CERTÈ mi Pater, res nostræ anticipates sunt, & quæ vel constantes etiâ turbenti Me quidem non dolore solùm, sed pænè indignatione adficiunt. Omnia sic regi aut non regi? Etsi Principum hîc nulla culpa; opinor, sed vel ministrorum, vel militum, vel temporum & fati, vt rem dicam, quod acerbum incumbit Belgis. Patiamur, vt aïs, & Philosophiâ nos muniamus. Facio equidem pro virili: sed de SENECA quod aïs, & vt pergam; ita me Deus, vt mens & manus torpent, cum hæc video, audio. & quis scriptiunculis inter talia locus aut usus? Valetudo

doctiā me coērcet, & non lubet frigore dē-
decorare si quid meliore igne scripsi. De
Velsero autem quid narras? ego verò & li-
brum misi iamdiu, & inter primorum pri-
mos, atque etiam tabellam scitulam ad-
iunxi in quā meus vultus. Nam ita petierat.
tu quæso à Moreto inquire cui tradiderit;
ut puto, eius actori: atque illum igitur, si
opus, mone. me autem tui amantem, mihi
Pater, ama. Louanijs, subito & cùm auoca-
ter, xvi. Kal. Iul. 1500. I.C.

E P I S T . L X I . Antuerpiam.
ARNOLDO CORDESIO.

Ecce vir Clariſſ. inscriptionē sepulchra-
lē, quam Prunio tuo, & olim nostro,
libens merito composui. In laudes vbertim
non mē diffudi, quia nec decere illīc arbitrō
sed nec expedire. Sicut pluuiā leuis
& modica facilis in terram penetrat, &
humectat: sic laudes in animos, & adhæ-
rent. Eius, & tuā cauſā, siquid etiam pos-
sim, significa, id est, impera. Tuā, inquam.
qui heres ut opum eius es, ita & beniuolen-
tia in me, quam largiter nuperrimè oſten-
disti. Itaque Plauti dictō,

Ego tibi omnia facta cupio, cupiāq; quæ voles.
Louanijs, x. Kal. Sept. 1500. I.C.

E P I S T . L X I I . Antuerpiam.
CAROLO HOVIO S. D.

ITALICAS litteras iterū tuā operā accepis
& gratas eas esse cur negem? Hoc tamen
nolim, oneris aliquid suscipi à vobis meā
tantūm cauſā. Iuuat verò nunc audire, quæ
in ſabaudia & illo Italiae limite geruntur;
atque vtinam audiamus tantūm! Utinā non
spargant ſe ſcintillæ illius incēdij, & Belgi-
cam etiam nostram comprehendant? Spero
non fieri: aut aspero, & duro bello confli-
mūr, atque etiam ambiguo, præſertim am-
biguis animis populatūm, qui ad Gallia
fines colunt. Scis eos abhorre à bello, ſciſ
genti olim dominæ, nūc ſociæ, parūm eti-
am amicos. Sed Deus ille, tutor adhuc no-
ſter, hæc auerteret, aut in melius, & præter
ſpem vertet. De fratre tuo Franciſco ecquid
audis? manet Romæ, an ad nos ſuos redit?
Ego iſtud muelim, & ſuadeam herclē: niſi
fructuosa aliqua cōditio aut certa eius ſpes,
cum ibi tenet. Satis inspectioni, ſatis & reli-
gioni datum. Sed hec Magus parens tuus vi-
debit, quem ex animo ſaluto. Vale mi Ho-
ui. Louanijs, vi. Kal. Octobr. 1500. I.C.

E P I S T O L A LXIII.
I V S T V S L I P S I V S
I O . B A P T I S T Æ P E R E Z I O
B A R O N I O , V . N .
I. C. H O D I E R E N V N C I A T O
A N I M O E T S T I L O G R A T V L O R .

Nónne iure hunc honorem? ad quem
tibi gradus è meā domo & disciplinā
factus. Nam anni iam quartuor ſunt, cùm
pedem huc tulisti: quid niſi ad bonarum ar-
tiū mercatum, & ut pectus ijs impleres?
Feeeras hoc quidem à puero:

*— neque enim, ceu nescia falcis
Silua comam tollit, fructumque exſpirat in
auras:*

sic tu in laſciuiā & licentiā ſuccreuiſti. Sed
patre auoque curantibus, præceptoribus
ducentibus,

*Iam tibi Pieria tenero ſub peccore cura,
Discendique vices, & amor.*

Qvōd ſi à veſtibulo domū, ab aurorā diem
augurari licet: nos ex ijs ipſisinitijs magnam
quaſndam à te lucem. quā illam etiam ma-
iorum illuſtrares. maiorū, inquam:

*— neque te ſeries in honora parentum
Obſcarum proauis & priſca lucis egentem,
Plebejā de ſirpe tulit:*

ſed clarum teſtatumque tibi genus ab annis
quingentis, è Cantabriā: id est, robustā &
purā illā Hispaniæ parte. de robore, Poëta
dixerit:

*Cantaber ante omnes hyemisque, aſtusque
famisque*

Inuictus, palmanque ex omni ferre labore.

De puritate, quis nescit, cùm Barbā Hi-
spaniam inundarent, eum tractū ab impie-
tate ſimul & peregrinitate expertem man-
firſe? Uline ergo maternū tuum genus, &
pater: vir æquabilis vitæ & modeſtiae:

*— virtutibus ille
Fortunati domuit, numquamq; leuitibus alte
Intumuit rebus.*

Qvīd auuſ tuus maternus, Lv DOVICVS
P E R E Z I V S, ex Hispaniā item nobili ſirpe?
quem vetus & mutuus internos amor lau-
dare me cogit, & vērat. Sed vel ſine amore,
iudicio & veritate hoc dicam: virum eſſe
cū pauſis hodie,

*— in quo veteris cveſtigia reēti
Et mores video ductos meliore metallo.*

AB his radicibus tu ramus, an frutex, ſuc-
cum

cum etiā virtutis & melioris animi traxisti:

Cætusque vulgares ab utram

Spernis humum, fugiente pennâ.

ITAQVE ad omnia honesta, cum industriâ & successu, te dedisti. & Iurisprudenciam præcipue, sed & alias cum eâ artes coluisti: neque id nego, me monitore & magistro. Sicut enim vomere solo terrâ scinditur, neruis in citharâ sonus editur: sed adiungit tamen alia membra partesque opus, decofi, commodi, imò & perfectionis causâ: sic in arduâ istâ artium censemus, esse quæ iuuent aut ornent. Fecisti igitur. quo præmio? primùm ipso illo scientiæ, deinde hoc honoris & publici elogij, quod accessit. Macte! Iustitiae illius nunc mystes & sacerdos es; quæ, Homeri veriloquio;

Tas, ἀρδεώς ἀγοράς, οὐδὲ λύκη, οὐδὲ καρδίζει:

Hos cætus hominum soluit, iungitq; vicissim;
quæ sola efficit,

— ne armorum ferriique potestas

Confundat ius omne manu, sceleriq; nefando

Nomen sit virtus.

Quæ denique, IUS SVVM CVI QVE TRIBUIT: Deo cultum, regibus obdientiâ, maioribus reverentiâ, minoribus comitate, oppressis tutelam, dubijs consilium, omnibus innocentiam. Ah, sacrificia huic assidue & lita: sed in publico. id est, patriæ & civibus eius auxiliator, tutor, rector.

*Vile latet virtus: quid enim submersa tenebris
Proderit?*

Haud magis,

Quælyra, quæ retinet, vel qui non t'editur arcus.

PRO DVCENDA est. & vt Homerus Themidem (id est, Iustitiam) facit Iunoni in concilium Deorum venienti poçulum offerre: sic eius consulti debent regibus & dynastis propinare salubrem hunc consilij liquorem. Tu facio, &

— ego animus tibi

Rerumque prudens, & secundis

Temporibus, dubiisque rectas.

ESTO & modestus. sicut enim ad coruscationem aut maiorem lucem oculos claudimus: sic tu animum debes, ad honoris hunc splendorem.

— non se meruisse fatetur,

Qui creuisse putat.

ET vt claudamus, in omni vitâ tuâ

Sit nec pignaciter, nec iniqua potètia, nec spes

Improba, sed medius PER HONESTA ET

DVL CIA limes.

Louanij, XVII. Kal. Nouemb. prid. IV. mei

natalis. 100. I.C.

A RATAEA tua accepi, gratu huic animo munus. An non sic esset, cum patrem tuum, cum te cogito: quoru ille vetus mihi & discipulus (nō abnuet) & amicus: tu in istâ ætatulâ (sic loquendum est) industria & ingenio effecisti, quod pauci in perfectiore illo æuo? Gratulor mi adolescentis, gratulor: & animo ac stilo te excito, vt recto pede laudis hanc viam curras. Atque vtinam, intimum meum desiderium, tranquillatis rebus faste, patrem, patruū, & veteres ibi amicos resuere! suauè esset, & hæc quasi Lethe sopiat præteritos omnes dolores. Sed voti hoc, vix spei est: vtique cum præsentem rerum faciem video: nisi quod, vt ille ait, * τῷ ἀδοκίνῳ πόρῳ εἴπε Σέος. Is te, mi Groti, tibi modestiam, virtutem, famam seruet augeatque. Louanij, XVI. Kal. xbris. 100. I.C.

*rerum in-
opinaturū
viam Deus
inuenit.

S CRIBO, et si tardè, non meâ sed bona hu-
ius fæminæ culpâ, quæ moras sic nexuit
& tardauit. Pone tamen in lucro, quod scribam. adeò spei eius pænè omnis expers sui
ante tres septimanæ, cum acri morbo con-
flictarer, & à fati limine paucos pedes ab-
esse. Nosti adsiduum nostrum langui-
rein: cui cum alia cœcilio accedit, deijcior,
nec sum ferendo. Tamen, quæ Dei benigni-
tas est, eriam resurrexi, & ambulo, et si ani-
mo ac corpore valde fracto. Ad te cogita-
tiones sæpe mitimur: & quo loco capitalis
tua res, id est, coniugium? Tuos populares
imitaris, & immunis vis agere ab omni iu-
go? Fac si quid facis, ait vetus verbum: & ætas
te admonet, parentum & nostra vota. Ta-
men nequid temerè, & vt oculos habeat
tuus Cupido. A nobis quod significem, ni-
hil est: ne in publicis quideam, quæ si velim
tangere, nec possim. Omnia quasi in vado
quodam adhaerescunt, & frigus & quies est,
an prodromi beatæ Pacis? ψυχεσ μετεπικ, frigida
vt aiunt Graci: & oculi mei claudentur, cro-
do, priusquam Iani nostri templum. In ve-
stris siquid rebus est, tuis dico & amicorum,
significa & nos ama. Ego te fideliter, &
tuos patrem matremque saluto. Louanij,
IX. Kal. xbris. 100. I.C.

EPIST. LXVI. *Antuerpiam.*
IOANNI BAPTISTAE BARONIO.

PLACET consilium parentum de mitten-
do te in Galliam, sine dilatione aut mo-
râ. Quid enim in tuâ nunc vrbe facias, nisi
otiali & vagari? In fructum hoc tempus
cedat, & Gallicis rebus regionibusque de-
tur. Scripsi ad Præsidem Thuanum, vt adire
eum tibi fas & innotescere, qui est inter pri-
mores ibi viros. Ad Rolliardū nuper item:
& eæ litteræ satis te commendarint. Aliás
ad alios, vt occasio scribendi erit. Quod su-
perest, mi Baroni, te ne desere, id est, ab
aniimi curâ & cultu ne ad vana & externa
diuerte. Hæc interdum, & leuiter; illa pluri-
mum & fideliter te habeant. quod gaudio,
quod fructui tibi sit in æuū. Mores gentis,
ad quam tendis, iam sermonibus & iudicijs
nostris notos habes. sunt bona, mala, mixta:
inspice, elige, proba: sed viros reperies ab in-
genio, humanitate, etiā probitate laudados,
atque his adhære tantum. Plura vbi animus
promptior, qui nunc etiā affectus à morbo.
At tu vale, & cum bono Deo abi, mane, re-
di. Louanij, vii. Idus Nouemb. ∞. Iōc.

EPIST. LXVII. *Antuerpiam.*
NICOLAO ROKOXIO, Senatori.

ACCUPERI nummos, quos liberaliter mihi
obtulisti, fideliter misisti. Fateor opportu-
num mihi munus fuisse, ab hoc genere
elegantiarum inopi adhuc & destituto: & si
quid adstruam & accumulabo, tibi debebi-
tur, qui huius, vt sic dicā, ædificij iecisti fun-
damenta. Atqui eò se produxit etiam beni-
gnitas tua, vt non contentus à te dare, alium
induxeris ad imitandum, vel voce tuâ vel
exemplo. Nam Franciscus Billiodus, hone-
sti animi studijque vir, vt audio, vltro tuis
nummis auctorium adiunxit, & inferioris
æui Principes ordine suppeditauit. Et hoc,
& illo nomine, tibi debeo. quid enim aliud
dicam? soluere nec in manu meâ est, nec in
animo quidem, ne mentiar: & libens deuin-
ctus ad strictusque talibus inaneo, qui sic li-
bentes beneficia conferunt, vt capere videan-
tur conferendo. Gratum facere, hoc vultis
tantum: fecistis, & ego memoriam beneficij
æternæ huic parti inscripsi. Vale Vir Nobi-
lis & Clarissime. Louanij, postr. Idus No-
uembris. paullò melior ab inualetudine, quæ
plusculos dies adflicxit. ∞. Iōc.

EPIST. LXVIII. *Eodem.*
BALTHASARI MORETO suo S. D.

OMNINO mi Morete melior est valetu-
do, gaude: & vt perseueret esse (si ita ex-
pedit) Deum vnâ mecum roga. Concupi-
cula hæc satiis vehemens fuit, & pænè mei
euertendi. Restiti & euasi, ac iam iterum ad
iunia mea, id est, amata studia, mentem &
manum verto. EPISTOLARVM partem hinc
habebis. nam ceteras nondum fuit recense-
re: atque istas ipsas nescio an intentè satis &
curiosè. Ideò pro bono censem, specimina
prima ad me mitti à prælo vestro, vt in qui-
busdam soletis: & supremâ istâ inspectione
& velut limâ poliri. In Præfatione eius
CENTVRIA E omnino faciendum est, vt Le-
ctorum moneam de spurio & spurco illa
fœtu, quem suppositum mihi iuerunt: nec
alibi magis decorè potest. Vidi Curtiana ad
Tacitum, & bona insunt: sed plura hercules
à tam vetusto exemplari exspectabam. Il-
lud mihi delectationi, & pænè dicā gloriæ,
vel centenis locis comprobari ab eo conie-
cturas nostras, quas solo ingenio duce, &
timidè sèpè, ponebam. Ultimam editio-
nem nostram non vidit: atque in eâ multa
seria & noua repperisset. Dissentit à me sæ-
piculè. cuique sua iudicia: sed non ideo
ego mea semper muto. Pertinaciam sper-
no vel odi potius: sed ignauia aut mollities
animi sit, ad omnem alienæ sententiæ au-
ram deiici aut vacillare. Nos in plerisque
stamus, & stabimus etiam iudicio sequen-
tis æui. Ceterum ipse Curtius mihi olim per
litteras innotuit: & virum melioris animi
studijque esse, iam tunc vidi. Ex animo mihi
gratum est, tales apud Principes viros esse:
prudentiæ illum fontem nostru amare, at-
que etiam scriptionibus suis iuuare aut pur-
gare. Æmulatio in meam hanc mentem
(Deum testor) non cadit. Patrem tuum re-
dijisse nunc arbitror, & salutem ei dices. Lo-
uanij, postrid. Idus Nouemb. ∞. Iōc.

EPIST. LXIX. *Antuerpiam.*
HENRICO VWENO I^o. S. D.

CERTE ita est mi Vwene, grauis me mor-
bus habuit, atque etiam nunc quasi in
laxâ & senatoriâ custodiâ tenet. Nam vim
eius & impetum euallis videor: plaqz &
damna manent, & corpore atq; animo sum
etiam afflictus. Tamen crescere mihi & ad-
surgere

adsurgere in dies videor. Deus det ut ad tu-
stum & vetus robur, si ita est meo aliorum
que visu. Nam quod tu deplores, praeclaros
conatus meos incedi vel abruptioni: non ne-
go nihil esse: magnum esse non sator: &
ingeniorum ille auctor atque alio alia in
tempore excitabit, quæ impleant vel au-
geant à nobis omissa. Hæc est lex virtutis,
nasci, surgere, languere, mori: & velut lam-
padem hanc vitæ alij alijs tradimus, succe-
sione istâ æterni. Quod de filio me rogas,
holim. illud ipse impera, ut cum licet (sunt
enim ibi sub imperio) ad me veniar, queri
vel hoc nomine, quod tuus es, me duco.
Cutabo, iuuabo, dirigam: & presentim in ea
parte studiorum, quam nos ex professo tra-
ctamus, litterarum & artium veterum: qui
bus utriam pro dignitate pretium hodie esset.
Sed mutui illi rector viderit: ego tibi & pro
curâ mei, & pro gratulatione, gratias ago, &
ut perennis sit mutuus hic inter nos amor,
ab eodem illo Numinis rogo & veterans
posco. Vale V.C. Louanij, III. Kal. xbris.
o. I.C. D.Robiano salutem dico.

EPIST. LXX. *Eodem.*
ANDREAE SCHOTTO V. R. S. D.

Q uod gratularis mihi de restitutâ vale-
tudine, gratiam habeo : et si in spe cā
magis talis, quām in re etiam apparet. At-
que vtinam plenē nobis liceat & iuste ^{zad.}
^{γρα} r̄is: & semel liberari ab illâ Louis filiâ.
Ate, quę tot iam annos ^{* dñi}! Per eam fit, vt
omnia nostra, etiam illa ab ingensio, langui-
da sint aut tarda: & in S E N E C A nostro vi-
des. De quo quòd me rogas, ecquando cen-
seam, & tuis illis quid optimè fiat? respon-
deo, pendere hoc prius totum à valetudine,
quę si læta me respiciat, non diu teneat is
labor. Sed hoc non in meâ manu aut asser-
tione: ideoque de altero censem; fortasse
tutius meliusq; seorsim te à meis dare. Ma-
gis, quia Philosophum duintaxat ego me-
ditor: & tuum vniuersallud debet esse opus. Iri-
quo non ambigo quin præclara notaueris:
quid opus te premere, & paratam tibi glo-
riam, alijs fructum differre? Δρᾶ γ' εἰ πλά-
σις. De Cornelianis illis Notis, mecum, &
Ioue æquo, indicas: bona insunt, & plurā à
codice tam veteri videbantur iure expe-
ctare. Quod à me alibi dissentit, nihil est. li-
cuit, & licebit: absint morsus aut conuicia,
quę canini ingenij homines libenter &
frequenter nimis usurpant. Athletæ in hoc

Radio cuiusdam: palma posita est, quibus
petat, viuis alterius habeat, eai virtus &
Deus dabant. Ille tibi salutem; Pater, &
michi per tuas & Patris Schondonchi (ad-
iungo, & saluto) precis. Louatiij, iii. Kat.
Decemb: 136.

E P I S T . L X X I . *Eodem.*

IACOBO COLIO ORTELIANO.

ANGLICANVM Tacitum tuâ operâ & dono accepi, & Sautilijs vñ à Notas, quas
vñnam iuxta tecum intelligam! Sed scri-
tor & coniicio, & ex verbi vñius alterius ve-
restigis cetera coniectoh. Velix ad lacus
vñjhi sis, vt vques: & grata consuetudo tua
sis, vñb propter magni auinculi memoriam
semper miti sacram. Etsi à te etiam affa-
tim habes, quæ commendorū: vtore, & au-
ge, & in oculis illud exemplum habe. Mi-
Goli, alia nobiscū labuntur & pereunt: vir-
tus, eruditio, & ex ijs fama perseverant, &
si non æterna tamen diuturna sunt. Inge-
nuus animus ad hæc eat, per hæc ad summa
& sola illa bona, quorum compotem te
meque faciat is, qui nos hoc sine fecit. Lö-
quacij, iii. Kal. xbris. oo. ICG.

EPIST. LXXI. *Eodem.*

BALTHASARI MORETO suo S. D.

EN iterum EPISTOLAS aliquot, nec deero submittere in tempore, usque ad legitimam illam, quam iungemus, Hecatombem. Possem simul omnes, fateor: sed relegendæ & eotrigendæ sunt, ut ab aliâ mandu scriptæ, sed & aliter alibi disponendæ. In mosulâ istâ nihil vobis moræ, nedum horæ. At ô de natibus vestris, quam dolendum & pudendum! Quid rām nisi ludus & iocuſ, & ut ille ait, ἔχειν γράμμα δυσπίστεως? O Belgica,

^{A' i d' t' o' m' n' g' p' a' l' a' c' s' a' l' i' m' o' r' G' u' , d' c' o' e' l' e' -}
^{λ' o' y' x' .}
Atque utinam spem, id est, consilia meliora
videam ! quæ damnare tamen nostrum
non est, ab uno aut altero euentu. Ego Prin-
cipes censeo Prometheos quosdam esse, qui
longè prouideant : & ut cælestis illud Fa-
tum, occultâ causarum serie, terra è tristis-
bus sapè nestant. Ratum sit: si aliter, ne-
que nos alij: id est, fileamus, patiamur. quo-
diā ut ille moneret,

En*tib*i litteras ad Wouchium nostrū, quem

& te mecum velim amare. Scribe, & foue amicitiam adolescentis planè cā digni. Ad patrem ego nunc nihil : quid inanibus obstrepare? & satis vel grauibus ad fiducē obruietur colloquijs, scriptis, curis. Salutat ille, mater, fratres, & tu mi Morete. Louanij, III. Nonas Decembris. ∞. IōC.

E P I S T . L X X I I . *Eodem.*

FRANCISCO SWEERTIO F. S. D.

OBLECTARVNT nos tuæ litteræ, valde nunc rē vberes, quas nouas aut inopinatas multas, vtinam lētas & optabiles, hęc aetas donat. De Galli regis progressib⁹ pafsum iam litteræ: etiam de pace, quam conciliatore Pontifice alij magis, quām ego, sperant. Nam vt ingenium regis & gentis video, in tam prospéro cursu vix quiescent: nec desunt ibi quoque Lamachi aut Trebelij, qui ad turbas trahant. Cynæ pauci hodie apud reges, nec audiendi. An non de Hispaniarum quoque narrant, ipsum expedire ad bellum, & in Cantabros venire aut venisse? narrant: nec credam temerē: & si ita est, animo huic peracescit. Nam certè, vt res nostras video, bello etiam Gallico inuolui haud conuenit: atqui inuolumur, si ille. Inter hęc ab Asiā hostis nōnne vjres sumit? & si temperat eas clementiā, vt scribis, & comitate, faciet incredibiles progressus. Nam hactenus nimis omnia sœuiter, & pro barbaris: & extremorum ille metus ad extrema audenda multos adegit. Tolle, submittent, & fidem exuent, & dominum mutabunt. In comitijs Germanicis haud magna mihi spes est. toties vidimus conuentus istos, & decreta auxilia: sed omnia deinde glacie tenui fragiliora, & quibus prudens non insistat. Aiunt & Pontificem parare aut promittere copias: sed quām eæ quoque inopiā, fastidio, morbo facile soluantur, nec bono aut firmo vsui sint, exempla docuerunt. Duces in ijs rem suam faciunt, publicæ patrum accedit. Quid igitur auxilij aut solatiij? inquieris. à virtute: quæ secura

*— immotaque cunctis**Casibus, ex alta mortalia despicit arce.*

In eam arcem te da mi Sweerti: non vis, non hostis ejcier, non capiet aut quatiet eam omnibus machinis Fortuna. Satis: tu ad nos plura talia, cùm habebis. Nam etsi vsui vix sint, nisi vt sciamus: tamen sicut platanos, aut id genus arbores in hortos recipimus, vmbrae & oblectamenti causā: sic liceat in

aures istos sermones, et si tantum delectantes. Quando te aliqua proles hoc voleo isto nouo anno, & te patrem, non solum mari- tum. Salutat te Hub. Audeiantius tuus, & litteras exspectat quas ei promittis. Louanij, postrid. Non Januar. ∞. IōC.

E P I S T . L X X I V . *Mechliniam.*

NICOLAO OVDARTO S. D.

ACCVSO me nunc etiam, quod Masium Consiliarium non viderim Facio apud ipsum in epistolio, quod tradi per te velim, & tuo etiam patrocinio iuuari. Caussa difficultis, imò mala est: ideo vobis talibus fulcienda, aut ruit. Vnum solatur, quod animo non peccati: & fortis, non consilij est hęc culpa. Sed, si Deus vitā dat, emendanda illius & tuo arbitrio: quod pro me sponde. Audisne? Sed & vetus illud, inquieris: *Sponde, noxa adeſt.* Non aderit, ego si viuo exsolvam. Vale & salue cum illo nostro Hartio: qui an non istuc optem. Bruxellæ, prid. Kal. Iun. ∞. IōC.

E P I S T . L X X V . *Mechliniam.*

ENGELBERTO MASIO

Senatori in supremā curiā.

MECHLINIAE me fuisse, nec te vidisse, ita mihi displacebat, vt nec nunc acquiescam, et si per amicos iussi excusari. Sed quæ excusatio vel mihi satisfaciat? Distraictus fui, fateor, illo die quem tibi destinaueram: sed priore debui, aut & aliud addisse. Ecce, quæ contra me scribo: & ex eo pœnitentiam vide, & veniam promptius indulge. Quā tamen lege? quam ipse mihi dicam: vt cùm vestra me vrbs iterūm habebit, totus in potestate tuā sim, vt vel res mancipi solent. Nam ego Cl^{mc} Domine, iampridem te interiorē hoc animo amo ac colo, veræ illius ac priscae virtutis causā: quam Deus tibi, te reip. & nobis seruet. Bruxellæ, Kal. Iun. ∞. IōC.

E P I S T . L X X VI . *Antwerpianam.*

BALTHASARI ROBIANO, Senatori.

ANTVERPIAE etiam nunc esse videor, & vobiscum, ô optimi amicorum, garrire, ambulare, conuiuari. Suaues meherculè sermones nostri, & ab illā animorum coniunctione, & quod sequitur libertate orti, faciles, comes, iocis dictisque mixti, & planè con-

& plane condire ac temperanda vita.
Tolle haec talia: quid omnes epulae?

non Sicille capes nisi illi
Dulces labrabunt saporem.

Non dum cibarum que captus
Atqui litterata aut philosopha interdum mis-
scobantur: & memini de Caminis inieatum

& quesitum, de quibus certius vberiosque
nunc scribam. Nam dicere omnia, sic in-

opinatio: ut r. θεοποιη, difficile: & vix
vlla tam felix obseruatio aut memoria pos-

fit. Nunc pro captu meo siac, & quam-
quam in aui prisci caligine, perambulabo
ædium veterum membrorum, & curioso inge-

nij oculo lustrabo. Dicebam Romanos, sed
& Græcos, non habuisse ista emissaria fu-

mi, siue ab iimo patulas & in arctiis assur-

gentes gulas, quibus Europa hodie vitur:
sed inuenio haud nūmis prisco, et si bono
commodoque. Nam si ante Romæ, imò

in prouincijs: cedò, vbi in tot ædifici-
orum ruinis aut parietinis eorum vestigium?

vbi in Vitruuij aut veterum scriptis me-
moria? Vox ipsa, non nego, exstat alibi,
sed sensu alio: nec nisi fornacem, aut talem
camerationem, vt & Græcis, notat. Nam

à Græcis scilicet Romani hoc verbum mu-

tuati. In Glossis priscis: Καρπος, Caminus,
Furnus, Furnax. & scitè Græci magistri de-

riuant, οδγη ρυποφθη ρυποφθη: quod suf-

fert & sustinet calefactionem. Non aliter
Ciceronem accipies, cum Trebatio scribit:

Camino luculento utendum censor. quia in
frigidâ scilicet nostrâ Galliâ erat. Sed quo-

modo igitur utrebantur? fornaculâ aut fo-

culo in cubiculum aut triclinium illatâ, in
quâ carbones igniti essent. Ea ex æte, ferro,

testâ erant, pro copiâ aut arbitrio cuiusque.
Suetonius in Tiberio: Cinis è fauilla & car-

bonibus, ad calfaciendum triclinium illatis, ex-

stinctus exarsit repente. Alexandri Magni di-

ctum, pro hoc more: εν χρυσῳ, inquit Plu-

tarchus, Εν χρυσῳ φίλων πυρὶ, εἰσώντες αὐτὸν,

ἰχθύες δι μητρὸν πῦρ ἀλίγον εἰσέρχονται, ήξε-

λα τὴ λαβαρὸν εἰσέρχεν κατάδει: Hic me & fri-

gore cum quidam amicorum epulo eum excipe-

ret, atque is paruum foculum & modicū ignem
intulisset. Aut ligna aut thus iusit inferre.

Significans & ludens, talem ignem cum suâ
acerâ magis supplicationi, quam calfactio-

ni conuenire. Etiam Anacharsidis, apud

euindem Plutarchum: Οὐ σφρόντις Αὐταχέροις ἄλλ

ἄττα τῇ Ελλήνων μεμφόμενοι, επήρ τὴν αἴθερον,
θτι τὴν καπνὸν τὴν καταλυπόντες, θνατοῖς πῦρ κατίθε-

σι: Sapiens Anacharsis, cum multa Græcorum

I. LIPSI Operum Tom. II.

aperet, laudabat carbonarium ignem, quod
fumum foris relinquenter, ipsum purum in dor-

num inferrent. Itaque accendebant foris, ac
censum importabant. At postea, ab exem-

pto balnearum fortasse, repertus modus
alius, atque is fuit, vt fornace siue camino

sub ipso cubiculo aut cænatione structo,
per tubos & canales, qui parietibus in or-

beum inhegebant, calorem ab igne mitterent
in dicta membra. Videmus paucum hos tu-

bos ex inbriçे aut regulâ structos, non in
Italiâ tantum, sed prouincijs: & ipso Arma-

mentario ad Rheni ostium in Batavis, scio
me notasse. De his Seneca, De Prouiden-

tiâ: Quem specularia semper à flatu vindica- Cap. iv.

runt, cuius cænationes subditus, & parietibus
circumfusus calor temperauit. Ait, Subditum:

ergo in loco inferiore, ut dixi, & sub ipso
pauimento. Ait circumfusum parietibus: nem-
pe per impressos illos tubos. Rem non ve-

terem plane, ipse ostendit in Epistolâ qua-

piam: Quadam nostrâ demum memoriam prodisse Epist. xc.

scimus, ut speculariorum vsum, & impressos
parietibus tubos, per quos circumfundetur ca-

lor, qui ima simul & summa fueret equaliter.

Dicit, suâ memoriam prodisse, id est, sub æ-

uum Augusti aut circâ. Et verò antè Specu-
laria reperta, nec isti commodè induci po-

tuerunt: quia fenestrâs apertis, calor exspira-

rasset. Ostendit & vsim, quod equaliter una
& summa calefierent. Verum est. & ideò illa

ratio mihi percommoda videatur, ac supra
Germanorum Stubas: imò, si copiosior

sim, imiter eo fouendo corpusculo & usur-
pem. Studijs studiosisque sit aptum. Didi-

ci autem à Nicolao Florentio olim Romæ,
hos tubos foramina habuisse: quæ claudi &

recludi pro arbitrio possent. Illud, in pri-
mo igne adhuc fumido; istud, vbi carbo-

nes iam & fauilla essent, & calor tutò ac
sine fumi noxâ posset admitti. Quamquam

& contra fumum ligna arida ac cocta ha-

berent, de quibus mox addam. Sed de ca-

mino, ad hunc talem Suetonij verba in

Vitellio referam: Nec antè in Praetorium re- Cap. i.

dijt, quam flagrante triclinio ex conceptu camini.

Etiam Arnobij: Lateranus vobis deus foco- Lib. iv.
rum: quod ex laterculis crudis caminorum istud

edificetur genus. Merito, crudis: ad fatim
enim ignis mox coquit. An & Sidonius huc

aduocandus? A crypto portico in biemale tri-

clinum venitur, quod arcuatis camino sèpè

ignis animatus pullâ fuligine inficit. Nam quod

arcuatile dicit, ad fornicationem videtur

referendum. De fuligine autem quod ait;

Xx 2 in

Lib. viii.
Epist.

C. lxxiv.

In Apoph.

Quæst.
Coniuu.
Lvi. c. vii.

adu. Geat.

Epist. ii.
lib. ii.

in longo & crebro ysu, praesertim buccis
apertis, id quoque evenerit. Idem graphicè,
in Burgo Leontijus.

*Que dominis biberno dandas forepit, bic bona
flamma expiat. Innotit in seculum ope-
rari proficia de pasta tristes, sinuata camina.
Ardentia parit vnde glabi, frustoque flagello.*

*Spargit tentatum per culmina tota vaporera
In hiemalibus membrisi inquit, ignis i lucu-
letus ligna apposita siue iniecta depascitur:
quid cum? sed idem ne altum petat, carmoi
sinuato frangitur, & flagellum illud statim
mæ surgentis repulsum, lente per tubos &
latera ædibus inseritur & inestat. Iuliani iu-
Misopogone item narratiuncula est, qua-*

nescio ad istos, an nostros hodie caminos, faciat. Ait *Lutetie Parisiorum se fuisse, in sacra hieme, & tamen, inquit, illam tempore & diebus, ut deputatio & supplicium dederat, omnes eiusmodi fons & aquae in loco eiusdem regimur & postea in omnibus eis est deputatum: nam calefiebat cubiculum, in quo eram, eo modo quo solent illic sub caminis loca pleraque calefieri. Oftendit sane ipsis alium aliquem morem, & diuersum à Romano, illuc usurpatum. & dicit etiam, sub caminis: quod mihi videatur ad nostros magis referendum, quia verè sub illis ignis struitur, non autem in illis. Potuit autem esse in medio tale emissarium fumi, siue caminus, ut & hodie in villaticis quibusdam ædibus esse sciunt: vsu eodem cutini nostris urbanis, et si non formâ. Addit deinde Julianus, se extimuisse calfactionem à camina, ne humor qui in parietibus erat commoueretur: quod noctium in cubiculo recenti aut recensato: ideoque, more prisco Romano, candelentes aliquot carbones tantum iussisse inferri. Nec plura expressa Caminorum vestigia notaui, aut nunc quidé habeo in mente: de Lignis subiungo, quæ in eorum usum. Dixi siccata fuisse, aut potius cocta. Iurisconsultus, De*

L.c.lxxvi. verborum significat. *Titiones* & alia ligna coctane fumum faciant. Sunt id genus, quale hodie in silvis praerimus, & carbonum deinde vice usurpamus. *Cocilia* etiam appellariunt. Trebellius in Claudio: *Ligni cottidiani* (id est, viridis ac vulgati) *pondo mille*, coctilium batilla quattuor. Possis & legere, *cottidiana*. In Pertinace Capitolinus: *Pater eius coactiliariam tabernam in Liguriâ exercuerat*. Error est, & nihil ad rem aut verum, *coactilia*; que Felira quedam & lanea coacta fuisse scimus. Scribe, *coactiliarium*: quia coctilia ista ligna vendebat. Capitolinus ipse initio libri: *Pertinaci pater Aelius Successus fuit, qui filio nomen ex continuatione lignarie negotiationis,*

quod perbaecitor eum vam gereret, post posuisse
faretur. Vide in lignis negotiacionum suis leg.
Talia igitur illa docta, & Graecis ἀντα, fu-
mi expertia appellata unde quibus solitino
Vlpianus capitulo sc̄m scripsit. Quidquid
camberendi causa, sive ad balnei calefactionem,
sive ad doctrinam hypocausta peractum fideat.
Ligni appellationes continet. Nam dubitari pos-
terat, ap̄ h̄c Coctilia, non carbones potius
essent. De ijsdem Plutarchus: Tocore Laco
gymnarcham, qui acapna pr̄buerat, accusare
se dixit, Quod per eum nec lacrimare licet.
Habes Caminos prisbos, atque iterum p̄r
nostris mihi probandos. Isti oculos fulgo-
re, & frumo p̄stringunt aut mortificant;
isti desidiam etiam patient, & ignauos ad
opera apud se tenent. Quod de Germanis
Tacitus, totor dies iuxta focum atque ignem
egisse: de plerisque nostrū in hieme licet
dicas, atque id foci illicio & culpā. Si vero
illa hypocausta & camini subterranei calor
aut tepor sit, & noxae non sint, quas dixi:
Hypocausta appellaui, vt suprā Vlpianus:
& verè talia erant. nec diuersa D. Ambros
suis intellexit, vbi diuites ijs vſos ostendit,
paupereinque solatur: De hieme forsan que-
reris; quia nulla tibi hypocausta ambulantibus
ignibus vaporentur: sed habes solis calorem, qui
tibi orbem terrarum temperet, & hiberno te de-
fendant à frigore. Fuere & in balneis sua Hypo-
causta, similia istis: atque ea nota. Desino,
si hoc monuero, veteres duplia cubicula
vel triclinia habuisse: Hiberna, & Aestiva.
Hiberna, instructa, vt dixi: Aestiva, con-
tra aquis & Euripis subter aut circum la-
bentibus refrigerata. De ijspliās: saluere te
ex animo opto. Sed quid absumpo? etiam
memoriae ſiſtit, quod video huc trahi.
Nam in Athenæo eſt, de Sybaritarum deli-
ciis: οὐδέ Συβαρίταις δένερπι θησαν τὴν πούλαιον, τὸ αἷς Lib. xii.
καταπίνθοι ἐπειλότο. Interpres vir doctus
reddidit: Apud Sybaritas reperta sunt caua et
angusta cenacula, in quibus tanti per dum men-
sis accumberent, calore fouverentur. Et notat ad
oram, πύλαιον hodie nobis seruatam vocem effe,
quia Galli Poelles appellant, locum in edibus
hypocausto teporem. Argutè. an pro mente
verbisque Athenæi, ignoro. Scriptio eius ver-
batim sonat: Apud Sybaritas reperti Aluci,
in quibus recumbentes calefierent. Qui autem
isti Aluei credam thecas lectulorum instar
fuisse, quibus supponerent in testis carbones
ad modicè & paullatim calcifiendū, qui in-
cubaret. Sanè de mēſis sermo eſt: eoq; minùs
libenter ad alueos, aut Solia balnearu retule-
ro,

to, et si à Suidâ didici πύλων quoq; dici εὐπει-
τεία, οὐδα δημόσιον). Solium, in quo lauarent. Sed
illuc ego inclino, quia & mulieres disco talē
iam olim usurpasse, pedibus & quæ supra
pedes calfaciendis. Suidas: Αἴθρανος, τὸ^ν
γυναικεῖον υπόποδον, τὸ ὡς δὲ οὐρανοῦ θηρίου.
νον) τοῦ καρβονοῦ: Aithranus, dictum muliebre
scabellum pedibus suppositū, in quo per foramen
calefiebant carbonibus. Agnoscis hodiernum
fæminicum inorem: atque iterū in iterum
que reipublicæ & nobis salutē. Louanij.

EPIST. LXXVII. Traiectum.

F. FRANCISCO VILLERIO.

VINAS à te litteras accepi, neque alteras
illas equidem vidi. Gaudeo te incolu-
inem eò venisse, & nostri memorem (vii-
nam in precibus!) etiam esse. CRITICA no-
stra parata sunt, & volunt ipsa mitti: sed an
eriam ij, in quorū tu es manu? Neque
enim dissimulo, aliter me ex litteris tuis o-
dorari: quod si est, cur ad ea studia te des, à
quibus illi arcere? Non meo suffragio, aut
arbitrio: & profectò vel summa vel vna vir-
tus instituti vestri, & sacri illius cœtus est,
obedire. Ex hac aliæ, velut catenâ nexæ, de-
pendent & insequuntur. Frustrà te hoc mo-
neam, scientem: tamen, vt inter amicos,
quidni libere pectus hoc mecum reuelem? Et
profectò ad altiora vos sine & destinatione
iris: ad sacra, & ea quæ pietati magis, quam
scientiæ conducunt. Ornat hæc illam, non
nego: sed ornat. & interdum, imò pluri-
mum, simplex & inculta illa placet, vel
ideò quia placere non studet. Habes quid
in animo sentiam: & ideò differam etiam
mittere, donec à te non tam de tuo voto,
quam de illorum iudicio, audiā: quod togo
candidè apud candidū promi. Si in tibi sum
tori cœtu amicus: quem ego diuinitus insti-
tutum scio, magno rei Christianæ bono.
Vale, Louanij, ix Kal. Ianuar. 1551.

EPIST. LXXVIII. v. Bruxellam.

REMACLO ROBERTI S. D.

DVM nuper appropero, fugit me de li-
bro remittendo; quem legi. Vis iudi-
cium? non fuit pro mea opinione, & alia
precepit ex aliorum sermone. Fortasse
& illi plus in eo evident, aut hauriunt: ego
affactus, iras, odia, pauca cuiuslibet prudentia;
& praui animi mihi est totum. hoc scri-
ptum. De EPISTOLIS nostris quod praiu-
xi. I. Lipsi Operum Tom. II.

dicas, vna tecum ego: & puto certè vapu-
laturas eorum linguis, aut calamis etiam;
quos notas. Potestne aliter: quid enim scri-
bere est ad amicū, vt non mecum aliquid aut
& publicū obiter misceatur, quod quibus-
dam ingenij non faciat, & damnent? Age,
discelis vnde scis: & ob caussam, quam scis.
Ad quem notum ego scribam, re illâ recen-
ti, cui hoc non scribam? Atquinolunt, &
indignantur: & volūt me esse, qui non sum,
non fui. Item de bello aliquid aut publicis
ad pacem ecce inclino, & detestor seditio-
nes vel odi: aliqui me, si dicant. Sed mi amice,
EPISTOLAE premendæ in vniuersum
fuerunt, si hæc reseçanda: aut si lux ijs fa-
cienda, etiam affectibus istis siue iudicijs
nostris. quæ boni tamen, vt spero, non cul-
pabunt. Tu de publicis nuper nihil: an quia
nihil est, & temporis hoc frigus animos et-
iam habet? Tamen de apparatibus aduer-
sarium hinc audimus, atque ijs nauium, &
velut ad maritimam aliquam expeditio-
nem. Deus consilia actionesque Principum
dirigat, nos tueatur ac sibi seruet. Vale
Louanij, v. Kal Febr. 1551.

Mitto exemplar ad D. Malinæum Consiliarium maritimum. quia epistola non est
adiuncta, rogo per ministrum tuum mittas.
In re tuâ quid sit? spes etiam est; an aliò (vt
scribebas) te conuertes?

EPIST. LXXIX. Antwerpam.

ÆGIDIO SCHONDONCHO,
Presb. Soc. Jésu.

TANDEM curæ liber sum, pro Hemela-
rio nostro suscepit. Nam cum Homer
οὐχ θάνατον ξεργάδινον φέρει, —
an in vita euim esse dicerem, an in mente il-
lic manendi: & certè video vacillasse, nec
Romanum primâ fronte blanditam, aut pla-
gitâ ei fuisse. Decieuit tamen, & litteras no-
stras reddidit, & fedem patronumque acce-
pit. Ait Cæsium Cardinalem esse, gente at-
que animo nobilem & altum, vt audio, &
qui vetus illud Romanum spirat. Deum
quæso, sit ex vsu & salute nostri iuuensis:
quem ego quod vobis destinaverim, non
est sanè Bacidis draculum, tamen conjectu-
ra mea causas suas habet, & ex ingenio eius
datas & sermonē. Idein Deus faciat, quod
salutare. At mihi vires recuperatas tu gra-
tularis: quod haec tenus accipio, vt omen
aut votum potius. nam in se nondum ille
potior Lipsius. sum, & naturâ infirmitatis

* Dupli-
ter mibi cor-
dinatum.

Xx 3 huma-

humanæ, citius deiici est quam attolli. Attolli tamen incipio, & SENECAM meum oculis tangere, vix etiam manibus: & mi Pater, non valetudo solum, sed occupatiunculae, supra fidem tuam, arcent. Coticidiane lectiones sunt, scriptiones; adde qui interuisunt, & appellant, & omnibus haec comitas mea patet. Itaque de Chronologâ, quod cum Vweno censes & depositis, aduocationem peto: SENECA præeat, & tum videbo. Illud ego à te, vt constes in benivolentiâ mei, & memoriam in mysterijs sacris. Vale R^{de}. Pater. Louanij, iv. Febr. 16. I.C.I.

RR. PP. Rectori, & A. Schotto S,

E P I S T . L X X X . *Londicu[m]*

IACOBO CARONDELETO
V. R. & N.

LIBELLVS à me prodijt, ergo de more & pro affectu habe à me munus. Ecquando, inquires, nostræ CENTVRIAE? Dispiceam, nisi in primis ego velim, & hoc monumentum relinquere amicitiæ cum multis purè & fideliter cultæ: sed tempora quis non videt, auersa cùm ab alijs studijs, tum his simplicibus scriptis aduersa? Da mihi vel * πολυμέχανον illum Vlyxem,

* *Fraudis multinga mortalem consilijs:* E' id óτε παντίς τε θάλασσας καὶ μήδα πυκνία: non euoluet se, quin apud Cyclopas istos teneatur & luat. Ergo adhuc premimus, carceres aperturi, quam primùm ille ab alto Rector aliquam sœculi lucem. O sœculi miseri & iniqui, non Belgicæ solum, sed Europæ! Nam hostis ab Asiâ quos progressus faciat, mœsti quotidie audimus: magis, quia nostri nec sic excitantur, & pergunt, vt in theatro aliquo, sine misione se lacinare. Quid faciemus? illud Homericum,

* *Simus decrevis magni Io- nii obse- quiofi.* H' μετὰ δὲ μεγάλοι Διὸς περιθύεσθαι βαλεῖ. Is tibi tutor esto, Reu^{de} & Nob^{me} Domine, pro tuis meritis, pronostris votis. Louanij, prid. Idus Mart. 16. I.C.I.

E P I S T . L X X X I . *Eodem. i.p.*
PETRO ORANO

Et tu epistolam pro te slistis. Benè excusat: & quis non, si fas rerum culpam verbis redimere? Sed bona fide, non ego sic facilis, & Æacidem aliquem pertinacè irâ vides. Quam auxit, quod ego te vitro quæsiui, & cùm tardares, ipse Mechliniam ad amores meos, vt censibam, veqi. At tuq

verba venti, & te iam equi rapuerant. Quid censes? ita obstupui, vt illa Minois à Thesco deserta,

In solâ sese miseram cùm vedit arenâ. Extra omnem iocum, serio peccasti, qui tam vicinus nee me vidisti, quod desiderij mei si non officij tui erat, nec passus te à me videri, celeri abitione an fugâ. Et quando emendabis? aut ecquæ occasio similis erit? Tempora haec vix spem faciunt: vix ætas nostra aut valetudo, & paulatim eò imus;

Quò pius Æneas, quò diues Tullus & Ancus. ne mihi quidem relictum ad vos aut fontes vestros visere, ob loca à prædonibus illisc parū tutâ. Non oblitus sum vltimi mei periculi, & perendipus dies annuus erit Cannensis illius fugæ. Interea dum te frui non licuit, ad Neruios nostros iui, & in amicissimorum ibi sermonibus & cōuiuijs acquiesci. Inuideas, si scias quam bellè & comiter nobis fuerit. Sed heus, de filio omnia rectè & saluè? Spero, et si iam plusculum temporis est, cùm litteras non vidi. Significa, salue, & me qui etiam Iæsus amo (ô fidein!) ama. Louanij, x. Kal. Iul. 16. I.C.I.

E P I S T . L X X X I I . *Antuerpiam.*

IOANNI BRANTIO, *Graphiaro.*

NO N probo solum excusationem silentij cui, sed quod mireris, amo. Valde enim ex affectu est, & illum magnum firmumque in me ostendit. nec miror etiam siluisse, vt rem dicam. Quid enim te aut me valde excitet si nunc ad scribendum? mœstitia publica temporum est, &

Fortuna seu leta negotio ludum suum tristem pertinaciter apud nos ludit. Theatrum miseriarum Belgæ sumus, & exponimur orbi ad sermones, ludibria, miseraciones, vt cuiusque est affectus. Non inventiar, si dicam in extremâ salutis linea nos Itare: præserum cùm optimi & optatissimi isti Principes nondum fecerint medicinam. Velstrum quidem opidum (ô dolorem nostrum!) palam labitur & ruit, & Mercurius cum bonâ Fortunâ à vobis abit. Quid tamen est, mihi Branti? ferenda sunt, vt par est bonis sapientibusque viris, Deo & Prudentiæ sic visa. Vexemur, ploremus, alij alios inquietemus: cursus & lex illa rerum transebit, fixa & sancta ab æterno. Quid si Deus per hanc viam nos expurgat simul, & explorat? Siicut ventus triticum non rapit, sed paleas socum intau-

ras

ras tollit: sic aduersa ista leues tantum animos auferunt, bonos & in virtute firmos non euertunt. Inter hos sumus, Sapientiam, & inter nos amemus. Louanij, v. Nonas April. 18. Iuxta

EPIST. LXXXIIP. *Eddm.*

PARTEM epistolæ tuæ Doctor Siluius mihi legit, quæ picturam nostram tangebat, iamolim animo deformatain, sed nondum tuâ artifice & Appellæ manu, quam requirebam. Scis quid coram tecum egerim, & quod argumentum voluerim eius tabellæ. Triste, scribis, & spectanti & pingenti. Credo equidem: et si mihi in tributaria illâ letum aliquid & erectum apparet: exemplo scilicet Fidei & Amoris, cui nescio an villa ætas, aut vlla gens, par suppeditabit. Vna Arria nata in hac immortalem laudem, & cui fasces omnes illi Græci Romanique viri & heroës submittant. Itaque placet mihi, nec mutò argumentum: velim etiam tibi. & ut liqueat de totâ historibâ, ecce distinctè à me habe. Fuitus Camillus Scribonianus, Legatus Dalmatiæ, in Claudiū Imperatorem res nouas & arma molitus, legiones traxit in partes: viros etiam aliquor illustres, quos pertesum ignauit illius simul & sœui imperij: atque iater hos Cæcina Pætus eminiebat, vir Consularis. Motus tamen imagis, quâm bellum fuit. quia legiones statim pœnitentiâ ducet, deserto Camillo, ad vetus sacramentum redierunt: atque ipse, desperatione in Issam Insulam ex aduerso Illyrici confugiens, ibidem se interfecit. Conscij & consortes passim capti, inter eos Pætus. Romanum intitulæ, & præsidio militum, ad Claudiū ducitur: vxor Artia sequi auida, & non duelli à mari to, orat milites in nauim simul imponi. Negant. *Quid?* inquit. *nempa* Viro Senatorio & Consulari seruulos aliquot daturi ad cibandum, ad vestiendum, ad calceandum estis? ego sola hæc omnia obiucero. Non impetravit. Magno igitur animo piscatoriæ cymbam conductit, & tritemem cā sequitur, per medios fluctus Adriatici maris: Deus seruat in maius exemplum: ad terram, vibem, Claudiū veniant. Ibi vxor Camilli supplex indicium profitebatut, & consciens edere: vt vel sic veniam vitamque impetraret. Asperè ad eam Arria: *Ego te attidam, in talius gremio maritus occisus est:* & *curvis?* AB-

doctus deinde maritus in custodiam ipsa domum & ad suos: sed certa cum marito morti, nec id celans. Itaque custodieatur a suis intentius. Illa autem Nibil agitis, inquit, & ut male moriar, efficere; ne moriar, non potestis. Cum dicto exstinxit, & caput patet illis sit vehementer ita. Collapsa, & extorta est, & mox sociata. Dixeram, insquit, ceteris, intenturam me quamlibet duram ut mortem tuam, si vos facilem negassetis. Hec illa, cui viuere promptum & tutum erat, Messalinæ maximâ gratiâ coniunctæ. Sed cum maritus iam damnatus, & turpiter carnicis, aut (ut tunc mores) suâ manu honeste pereundum ei esset; homo trepidus, nec ad illam fæminam, differre, lamentari: donec illa & verbis confirmauit, & factò præiuit, sine motu animi non narrando, non audiebo. Strinxit quippe in oculis matiti ferram, pectus suum forte percussit, extraxit, & marito porrexit, cum immortali ac pane diuina voca verba Plinij atq[ue] PATE NON DOLET. Itane ad mortem affluecum vltro & animosè ire, & in eâ, imò pænè post eam, constare sibi & loqui? Amor iste honestus, & addo amor honesti perivit, & ultra Naturæ communis fines duxit. Eccœ factum, quod admiratione me sui semper tetigit: ne approbatione dicam, religio, vt scis, vetat. Depingi hoc a te, & in atrio deinde meo Admisionum ponti, votum sit: præcipue quidem ipsum opus siue p[ro]p[ri]o illud, sed & si a[re]p[er]p[er]a voles circumponere, adsunt. Dixi de Cymbâ, quâ sequuta maritum: exprimi in latere potest. est & aliud factum memorabile, in morbo filij & morte, tale. Egrotabat forte maritus & una filius, vterque dicenso cubiculo, & vterque mortiferè, vt opinio & metus erat. Filius obiit, eximia specie, & indele virtutum. H[oc] illa ita funus (nam Plinij verbis cetera dicam) parauit, ita duxit exequias, vt ignoraret maritus. quinimò quoties cubitalum intraret, viuere filium, atque etiam commodorem esse simulabat. Ac persp[ec]t interroganti, Quid ageret puer? respondebat, Bene queant, Libenter cibum sumfit. Deinde cum duobus lacrimæ vincent, prorumperentque: tunc diebat, tam se dolori dabat. Satiata, sicca oculis, composto vultu redibat, tamquam orbatatem foris reliquisset. Satis. Scio te quoque iam volentem ad hanc floreati penicilllo tuo exorthandam: & mihi crede, Iliipsi ab eâ aliquid laudis, apud tot claros aut illustres, qui nos & simul opus tuum videbunt.

X x 4 Mar-

Martialis versus in pede Tabulæ scribes:
Casta suo gladium sum traderes ArriaPato,
Quem de pescibus traxerat ipsa suis:
Siqua fides, palnus quod feci, NON DOLET,
inquit.
Sed quod tu facies, hoc mihi, PAESTE, dolet.
De pretio coram, quod tu nec à me maxi-
mum(nostri censum meum) capies:nec cu-
pies quidem, vt animum tuum ego noui,
honesti propter honestum amarem. Loua-
nij, xii, Kalend.Iun. 10. I.CI.

E P I S T . L X X X I V . E ó d e m .

HENRICO V WENO S. D.

I N. Neruijs me nuper fuisse, audisse te cre-
ido: sed nunc per me scire volui, & com-
mode & iucundè fuisse. Viri sunt decori &
honesti amantes, suavitate simul & grauit-
tate conditi, & vt verbo dicam, ad Genium
meum facti. Alteram Antuerpiam, & vos
illos caros meos, videbat repperisse. Redij
ante dies quindecim, & sub idem ferè tem-
pus C.V. Doctor Zuerius: quem cum sa-
lutassem, & agide de statu rei siue litis suæ
vobiscum interrogassem, responsum non
ex voto rettuli, nihil factum esse. Dolui viri
boni & amici caussâ: quem propriâ lite, &
quidem cum vestro oppido, vexari, graue
mihi erat: vt fateor ingenium meum pacis
cupidum, & non ex vnu forensium tabula-
rum esse. Neque satis tamen intellegere po-
tui caussam dilatae (non enim abscissæ, op-
nor) concordia: cum ille se semper & prom-
ptum & æquum obtulerit, ad quasvis haud
plane iniquas conditiones. Consilium tuum
hic aliquid, vel plurimum posse, non ne-
scio: quæsto da hoc mihi, vt de pace adni-
xare, & sperem te vtrique parti, gratum inq
utile facturum. Hæc à me scribo, & tantum
duorum caussâ, quos amo, opidi vestri, &
ipsius: quos nolim equidem collidi &
committi. Sed hoc de Zuerio. de me, aut te
potius, scito me filium tuum vidisse, imo &
in publico audisse. Tornaci, dum mihi car-
men gratulatorium recitaret. Libens audi-
ui, & fui quoque tuâ nonnihil caussâ, à
quo in eum amor deriuatur; sed & ipsius,
qui ingenio & indole visus mereri. Deus
sinat, vel faciat potius crescere, corpore,
animo, doctrinâ, inptuum gaudium, priua-
tum eius & publicum usum. Vale Vir
Clariss. & Prudentiss. Louanij, vii, Id. Iul.
10. I.CI.

E P I S T . L X X X V . E ó d e m .

ANDREÆ SCHOTTO V. R.

MIRAEVS mihi adfuit, & tuas dedit, &
de te quæ volui dixit: id est valere, in
libris & scriptis, vymos tuus est, strenue &
diligenter esse. Macte, * in defensione
non idem dñe me, * Omnipotens cor
habens: * nec mihi
cerit. Et in pe-
toribus mons fer-
rea:

NECA noster octo amplius menses iacet se-
positus, & abhorreo à repetendo. De tuo, da
lucem cum bono Deo: quid exspectas aut
differs? Miraeus mihi ait & Elogia Belgarum
esse confecta: libenter videbimus, & gloria-
bimur in gloriam gentis nostræ. Quod putas
apud me * auctor aliquod. Corn. Nepotis ^{nondic}
esse, frustra es: nec est, nec fuit. Si habereim,
tibi certè haberem. Fratris tui filium sic citò
Româ rediisse mirabar: nec dubito tamen
quid de consilio & consensu vestro. Schon-
donchus ignaro mihi clapsus est, nec dedit
vale nec accepit: in cuius locum venisse He-
ribertum gaudeo, iam olim illum nostrum.
Saluta, & in primis R.P. Rectorem. Louan.
xii. Kalend. Sextil. 10. I.CI.

E P I S T . L X X X VI . Bruxellam.

CAROLO LAFAILLIO I^o.

D UPLEX mihi à scriptione tuâ gau-
diu, & quod incolumem rediisse in-
tellegam, & quod mei memorem & volen-
tem. Debes mi Lafailly, si meum vicissim
animum intueare, semper, ex quo te noui,
in te proclinatum & affectum. Itaque ma-
neat hic consensus, & quoniam propior
iam nobis es, non solùm litteris eum soue,
sed adspectu & sermone excita ac confir-
ma. Spero patriæ res paullatim lætiores
eò vocabunt, & iuuabit post istas tem-
porum nubes Hilaria agitate inter gratantes
amicos. O dies veniat! & certè Flandria, in
quâ fortunarum vestrarum bona pars est,
ostendâ receptâ, tua securaq; aget, non
sive liuore Brabantiae nostræ, quæ misera-
tiarum fatalis sedes videtur. Sed & hanc
Deus benigno oculo adspicit: quod eum
corde rogo, & vt te mi Lafailly tuis seruet,
quos reditu isto lætificasti. parentem inpri-
mis, quem saluto. Louanij, viii. Kal. Sext.
10. I.CI.

E P I S T .

EPIST. LXXXVII. Tornacum.
DIONYSIO VILLERIO.

L AETAM tuam epistolam! de aduentu
appliceris, & repræsenta, & non votis
animi, sed corporis istis brachijs amplectas.
Quanda erit dies menses mibi sunt (non
mentior) veni, & ut legem tibi dicam, ante
Encænia nostra, quæ futura sunt post fidic
Kal. Septembres, nisi facias decimam Marti
sam habeas in omne æcum istam. Ego &
inuito, sed non solus, nam & vxoris (fideliter
narro) idem facies, & vices me suæ voluit
fungi. Quid tergiverseris? vetus illud, quod
monumenta habene, cogita.

AMICI, DVM VIVIMVS, VIVAMVS:
nimirum,

Dum res, et ceteras & sororum.

Fila trium patientur atra. Sed in unâ re peccasti, qui virum præmiseris,
an & non peccasti. Nomen tuum si video,
DIONYSIVS es, vini dator, sed extra iocum,
nō sic decebat, me & illuc deplere tua dolia
& plena iterum huc transmitti. Sed amori
tuo frustra pugnem, & ne vincar, vltro do
manus. Wingum nostrum taciti promissi
admoneo: sit comes, si te, si me amat, Scripsi
nuper, & condixi: si quid, ergo addixit. Idem
de Micaultio, quem ego cohorte nostrâ pri
mâ ejcio, nisi se iungit. Adeste Triumuiti
lætitiae & honestæ voluptatis instauran
dæ. Pocula tunc aut numquam bibemus,
OSTENDAE CAPTAE. Serium nihil addo,
in aduentum omnia differo: qui si fallit, ca
ue, & seriò edico, AMICITIA TVA ULTRA
NON VTOR. Vides Manlianum imperium?
ita homo sum, calidus quatumuis, sed idem
candidus, & Fide & Amore & More maioru.
Mi Villeri salutem, & saluus, aut potius vos
Triumuiri salui, ad nos venite. Oyenbrug
gius si se iungat, cumulus lætitiae erit: dic, &
salutem iterum iterumque. Louanij, pridie
Idus Sextil. 1501.

Te domo meâ vti rogo sine iubeo. laxa est,
& pauci nunc contubernales, Itaque si me
vinquā domi tuæ esse vis, hoc non mutabis.
Indicem librorū, quos utiles censemus, A
mantensis mittit: pluscula apud me vide
bis, & loquemur coram. Veni, iterum veni.

EPIST. LXXXVIII. Antuerpiam.
CAROLO HOVIO S. D.

CVM è Neruijs redij, quod animi & vale
tudinis causâ iueram, intellexit tristem
casum, qui familiam vestram adfixit. Et

ecônter primos, ut scire & est pietas tua in
opernum patrem: quæcum Deus ab his
veris turbulæ sciuncta, vocauit in su
picias fides & immorata illam quietem.
Quod misericordia citatus, si prima fronte in
spicias & cogites illud abelli: sed si unde,
& quæ, quod addidi, profecto trahit dô
lor, & bene illi factum debetis interpreta
ri. Habebas sane vos operarios liberos & ob
sequientissimos, in quibus acquiscetet: ha
bebat & uxorem dñm, modestam, mora
getam, & solarium simile & auxilium: sed
tamén, ut tempora nunc fluunt, extra do
mum pedem, cum pomeret, quam multa
præter votum aut opinionem videbat vel
audiebat. Itaque is qui alia tempora &
faciem rerum viderat, & præsettum ve
ram virbum florentem & vigentem: non
poterat non tacito animi mortu stringi;
cum omnia in deterius labi cerneret, atque
id pñne sine spe instaurationis. Non di
cam tedium vitæ, sed tamén fastigio obo
riebatur in cotidianio hoc mæsto specta
culo: & animus Christianæ pietate imbui
tus (cuus ille feruidus & constans culpt
fuit) ambolabat ad aliam illam viram,
qui nati & facti sumus. Haec si cogitabis
mi. Houi, lenies dolorum Ratione duce,
quem Naturâ duce suscepisti: & vinci
hanc ab illâ non patiatis tantum, sed voles,
imò gaudebis. Obscro te, facito: & per
egisse illum laudabilis vitæ cursum scito,
& nos in eodem stadio consequi & paul
latum accedere eamdem illam metam. De
fratre tuo, & amico meo Francisco, ec
quid audieris scire velim: & putésne illum
in viâ esse aut fore, casu hoc euocatum.
Item, si vacas, & nisi alia curæ te distinent,
memoriam non deponas litterarum, quæ
ex Italâ: quarum lectione recreamur vel
instruimur, te suppeditante. Vale mi Ho
ui, & amantem ama. Louanij, vii. Idus
Jul. 1501.

EPIST. LXXXIX. Mechliniam.
NICOLAO OVDARTO.

A RMA, arma. quid hoc est? sic me pe
titis? non litteras, sed libellum pugna
torium mittis: & parte alterâ Bernartius
accusat, & Hartium ait minari. Quid au
tem feci? quod qui quis vestrum in re simili,
nec alios iudices mihi sero. Cursim transi
ti: & sic res poscebat: lege, per Deum, quæ
ad Bernarium scripsi. an ille ceterum? ò egre
giun patronum, si in alijs caussis sic præ
uari.

varicatur! At tu Epigramma etiam in Constantiam meam scribis. Composanimes; ego illam in te mutem? Scia quomodo; & quando? ruant elementa omnia; & vasta hæc mundi machina redeat in suum chaos; ego amore & fide constabo in Hartium meum & Oudartum. Atqui puerum missum, qui indicasset & euocasset. Licebat, fateor, fortasse & decebat, sed bonâ fide, quid hoc aliud erat quam lictores arcessere, qui me susterent & tenerent? Noui vos & vehemens vestrum velle. Ego è manibus vestris non magis me eripuisse, quam Antæus ille ex Herculis nexibus qui oppressit. At qui domi esse me conueniebat, & decorum atque adeò ysus meus poscebat. Noscite igitur capsum, & statim ignoscite, si estis qui auditis, iuris & æqui consulti & administrari. Sic yalet. Louanij, viii. Kal. Octob. & I.CI.

EPIST. XC. Antwerpian.

PHIL. RUBENIO suo S. D.

TRISTIS hæc scribo, & iuxta lacrimas: Non rideo. Saphyrus meus obiit, & id violentâ morte. È carmine subiecto rem disces, quod irâ & dolore recens effudi. Irâ, nam & culpa meorum accessit. O tuam

* simplici-
tatem &
fauoris.
* nec mibi
in illo
Pectora
mem in-
clusa est
ferre, sed
majestatis.

* dñsbar! inquies. Non nego, sic sum, & cum Homero,

O'udī μαρτυρίης
Εὐπάτερος σύνδεσμος οἰδηπερ, αὖλλος ἐλέφων.
Sed hoc mirum, & verum. vix momento ante tristem casum apud me fuerat, in Musæum præter morem concenderat: blanditus quoque insolenter, & quasi extremum vale illud dicturus. Ingemisco & omittere: ad publica venio, nec ipsa, nisi in spe, læta. Quam tamen spem alij qui è castris scribunt, imminuunt, adaugent alij: utri verius aut sagaciùs, res dicet. A vicino illo metum plures faciunt: & ego certè credo eum, cum Demosthene dicam, τοῖς καιεγίς ἐπειδὲν. Osterida quidem si omittitur, quid nisi

* temporum
occasionses
captare &
inhibere.

* ————— χάρης γράμμαθα δυσμήνων?
Tu quando ad nos? vix ante festos publicè istos dies, opinor. Si non, scribe siquid ibi rerum vel nostrarum, vel exoticarum. Nam & de Turcicis, & de classe illâ magnâ Hispaniensi, animi pendemus. In te autem eo propendemus mi Rubeni, ingenij & virtutis tuæ amantes. Louanij, iv. Kal. Sept. & I.CI.

IN SAPHYRVM MEVVM

Biodava.

OLVCTVM. & lacrimas! meus Saphyrus,
Ille gemmula vera, non catellus,
Morte est præcipiti malaque functus,
In vasum miser incidunt horum
Effluentis aqua. miser casello,
Hec te post tria lustra mœbatur?
Quis nunc blanditas brante ritu,
Quis nunc blanditas mouento cauda,
Hero vltra faciet? quis obsidebis
Ostili timens? ingredi parantem
In se gestibus atque vox vertet?
Quis lusa recreabit? o misello
Non vltra facies: abiisti ad Orci
Nigri liminus sit tibi benignus
Frater Cerberus, ipsa Divis uxor
Sit faatrix: & aberro? sit patrona,
Fili delicium novum pararis.
Sed heus, vis & Tumuli inscriptionem tuam
Sepelimus, & quidem inter flores.

HECATAE SACR.

SAPHYRVS DOMO BATAVVS
DELICIVM LIPSI, DECUS CANVM
INGENIO, LEPORE, FORMA,
H. S. E.

TRISTI FATO EREPTVS,
ET FERVENTIBVS AQVIS MERSVS,
CVM VIXISSET LVSTRA PLVS TRIA.
O HERI DOLOR!

TVVM, LECTOR, ADDE
QVIS QVIS LIPSIVM AMAS, IMO
QVIS QVIS ELEGANTIAM AVT LEPOREM AMAS,
QVORVM ISTE THOSAVRVS ERAT,
ABI, FLORES SPARGE,
SI NON LACRIMAS.

PLANGEBAT ET PANGEBAT
I. LIPSIVS OLIM, HEV, DOMINVS,
V. KAL. SEPTEMBR. & I.CI.

EPIST. XCI. Antwerpian.

MICHAELI VANDER-HAGEN S. D.

BINO me carmine compellasti, utroque crudito, suavi, grato: si ipsum, sed non si rem intueare. In ipso nihil, nisi quod ingenium & poëticam planè indolem referret: sed materies tristior, & quæ me sustinuit à respondendo. Litium enim res erat: quas ego sic odi, ut nemo homo Orci portas. At tu me iudicem etiam addicebas. Méne, mi Vander-hagi? experientem potius ali-

aliquem & recollectum patrionum: nam ego in his, sudem & tirohem inde esse dignissimorum solum, sed gaudeo, immo iacto. Illud unum possum, dolere tuam causam, & omnia, qui incidentis in hanc verem malorum lernantur. In qua hydra illa habitat, quam vel Hercules agere domuit, & recesso capite alia renascuntur. Vt namine experire, & rebus dopes, fidem antis verbis subsigiles? Sed tandem animo aduersus talia (quod unum sua pereat) obdurandum est, & mores aut malitia nostra aetui, sic ut pestilens aliquod sidus ferenda sunt. Luculliani illi versus, si vnum quam, nunc obtinent:

*Vni se atq; eidem studio omnes dedere ex arti,
Verba dare ut cante possint, pugnare dolose,
Insidias struere, rur si hostes sunt omnibus
omnes.*

Hec horis nota perfer, nec ad noua obstuta pesce. Alia non ego, non ille ipse de sapientia Socrates possit: Deus animo inserat, & confirmet. Louanij, 111. Kal. Sept. 100. I.CI. 100.

EPIS T. XCII. Brugas.
IGNATIO BASSELIERS, Sacerd. Soc. Iesu.

CLARA benignitiae tuae signa, immo ignorata, vidi, ceipi, in munere florū, quos ad me misisti. Atque eos aliunde, & precibus a te quæsitos, ac pœnè emendicatos. O animorem, cui obligor! Est hec vetus oblectatio nucula mea, fateor: & post seria libenter ad hortos diuertit oculis atque animo volupiem. Et mihi iam causa, ut nec in ijs sim sine tui memoria: quælo ve & mei serues. Quod genus, quod pretio aut raritate flores sint, nondum scio: verum dicet: sed ego à tali animo bonos carosque habeo, & vel aurum cōtra pendo. Ve tu me obsecro, & sacris tuis precibus humili serpentem attollas. Louanij, 111. Idus Oct. 100. I.CI. R.º Patr. Rectori Guilielmo Verannemano salutem & gratias pro munere item horum dico.

EPIS T. XCIII. Antuerpiam.
AVBERTO MIRAEO, Canonico & Theologo.

ELITTERIS tuis duo didici. & studiū pacis, quod in re illâ, quam commendaueram, ostendis: & progressum in opere, quod honori & memorie Belgatum illustrium moliris. Vtrumque gratum est. illud certè prius te dignum, immo tui muneris, quia sacerdotium est cum alia vitia minuere vel tollere, tum dissidia extinguere, quæ ab exiguo somite in priuata & publica mala

sapè surgunt. Adnitete plorò, te rogo, & effectum dñe quod laudabiliter coepisti. At de opere tub, libens equidem ordinem & nos mina vidi, quæ Cenitria primâ tenebitur Prima, nec enim sola, opinor. alioqui sunt mihi in mente, quos non omittas. Hadrianus Iunius, inter Belgarum doctissimos. Adolphus Merkerthus, Petrus Colulus, Jacobus Cruquius, Marcus Laurinus, Iodocus Lommius, & quid noster Goropius? Sunt alij. Nam virros video tē non tangere, & id consilium probo. Sed hæc de ré tota coram magis est, vt loquar hinc quod breui sit, siue me illuc, siue te (ita aitrio) ad nos venituro, titulo qui tibi debetur capiendo. Fac, & vale vir amice. Louanij, ix. Kal. Septemb. 100. I.BCII. 100.

Carmen in ELOGIA tua scriptissimam effudi, ita soleo: sed eu hanc ionis ingenij, sed animi notam habe.

IN AVBERTI MIRÆI R. V.

ELOGIA BELGICA

Scazon I. LIPS. 100.

MIRÆE docte, qui facis meos Belgas
Etate, sine incuria tenebrosos
Nostræ, nitere rufus atque splendere:
Qui singulorum patriam atque natales,
Animique dotes, scripta & ingenii fructus
Signas perire, & acrimoniâ mentis:
Quid tibi reponent pro laboribus Belgæ?
Tituli hunc honorem, SOL MIRÆE BELGA-

RVM.

EPIS T. XCIV. Eodem.

BALTHASARI ROBIANO, Senator.

Ego vero benignitati tue obstrictum me fateor, qui tam promptè effectum redidisti quod optabamus. Cum bono Deo veniatur ad colloquium, & Masio (viro bono & prudente) arbitrio pessima lis finitur. Sed illud peruelim etiam petitum, vt de tempore significes quando conuentus ille futurus sit, vt præmoneret Doctor Zuerius possit. De Schottij nostri inclinatione in pacem non ambigo, & ego per litteras propellam. Quod autem vberius nuper, fortasse & calidius in lites & simul leges aliquid scripserim, ab impetu fuit, non nego: exstoto animo & iudicio illas detecto & damno, non item istas. Temperari aut tecidi cas, meum sit votum: nec male, si quis Rex cone-

conetur. Vale mi Robiano, & saluant in occasione Schottius & Vindous: quos iudicemus illius iudicij non recusa. Louanij, vi. Idus Octob. ad loci. nunc. illa summa est. etiam in nosipon. iudicij. & iudiciorum.

EPIST. XCIV. pro Eodem.

ad. id. ad. g. m. a. l. r. o. d. aut. il. e. u. n. i. t. **JOANNI. BAPTISTAE. BARONIO.**

semper sua.

SEMPER, inquam, meo nec leuicula ista omisso, non enim commisso aut culpa te alienet. Quid tu autem Occanum aut lustrales alias vndas aduocasti nihil opus, purate Athenis, non in illo Martis pago, sed ad ipsam Misericordiae aram causam dicere: & veniam meruisse, cum perejisti. Hoc tantum volo, & pro sententiâ feror, emendari. Sèpè ad me scribe, etiam si hoc tantum, Valere te & tuos. Publica quod nupè tangis & subministras, gratum est, et si ipsa parum grata. Vbi enim Fortuna adhuc nobis risit? non in Africâ expeditione, non in hac nostrâ: quæ nobis propior, animum magis tangit. Utinam sic illum magni Regis! Sed ut Iuno HomERICA, immesso somno, Iouem auertit à Troianis: sic quidam alijs consilijs aliò ducunt, fulcro & fundamento potentiæ (ita ego censeo) relicto. Quid ad nos? Prudentiæ diuinæ alligemur,

Per hanc, neque iratos timentes

Regum apices, neque militum arma.

Quod ducet & traducet, sequeuntur compo-
siti, placidi, læti quoque, si sciemus ab opti-
mo illo optimè omnia regi & temperari.
Hæc & talia meditare tecum mi Baroni in
illo otio, immò meditata etiam alijs lege: pre-
sertim in Epicteto & Senecâ, quos duos
habe certissimos ad sapientiam magistros.
Vide in vrbe illâ tuâ fluctus & curas: quid
si in toto orbe? Ne abripiare cum abruptis,
te muni: quod dupli anchorâ fieri, Sapien-
tia & Constantia. illâ, quâ æstimes & no-
scas res humanas; hac, quâ feras & patiare
æquo animo, & Fatis sponte, vt dixi, subie-
cto. Si faci, mare attollatur, venti sœuant,
studentes & nautas gemant,

*At tibi compositam fundauerit anchora pup-
pim.*

Telluris tu certus eris.

Ira sit & voueo, mi Baroni, & tuto animo
valere. Alium & parentem ex animo salu-
do, iam olim ijs mancipatus. Louanij,
postr. Idus Octobr. ad loci.

operi amicis p. a. d. c. s. t. a. m. a. l. r. o. d.

EPIST. XCVL. ad Eccliticum.

JACOBO CARONDELETO V. R. & N.

Hui, piget, & suppudet tarditatis. Tam-
diu siluisse me ad tuas litteras? ne
mea culpa est, verbo dicas, sed totum
qui auocant, adfidei & interpellant; de
mentem sibi, aut ijs quos habeo in men-
te, non patientur vacare. O tristem sortem,
& quæ cum annis crescit! Patior, & fati-
mam cursum sequor: & vel invitus capti-
vus ducar sub currum magni illius Imper-
atoris.

— A' M' expiditor

Δωρεὴν ἀποτάλει, οὐ καὶ τρέπεται εἰπεῖσθαι.
Feci certè, & faciam: & sol ille citius splen-
dorem, quam ego amorem & culeum tui
linquam. Adolescens quem commendas,
iamantè innoverat, & carior te vel innach-
te erit. De Artesiâ, non equidem antè inqui-
siui: & brevi ad Historica me dabo, tu nè
magis istarum rerum. Haëtenus antiquæ
illæ, vt scis, me habuerunt. Nobis de Os-
tendâ spes nunc affulxit, utinam satis certa:
Aiunt portum alterū pro glauco nunc esse;
quod si est, certò illa brevi nostra. At Pan-
nonica plane ex voto, aut supra, labuntur;
& Budam ob sideri audimus. quid etiam
quid? ipsum Sultanum Tureicum fato, &
quidem inglorio, funerum (peste, aiunt;) ip-
sum certè gloriæ non natum. Quàm de-
gener à Solymanno auro fuit? Sed Pro-
videntia illa sic res ordinat, & cùm nos à vatis
aut ducibus parùm instructi, illisc quoque
inopiam esse voluit, ne Europa regina fer-
uaret. Deus istam, & in eâ Belgicam respi-
ciat, super omnes terras diu pressam. Vale
Reu^{de} & Nobil^{mc} Domine. Louanij, po-
strid. Kal. Nouembris. ad loci.

EPIST. XCVII. Louanij.

ANTONIO VACQUERIO suo S. D.

Vix abieras Carmen tuum legi, non li-
benter solum sed audiè: & dum lege-
rem placuit, & magis lectum, atque etiam
bis lectum. Omitto elegantiam, iudicia pla-
cent: quæ tu super hoc genus Commenta-
rijs recta edis, & certè pro iudicio iamdiu
meo. Longa ista, multiplex, erudita etiam
(est) ad unum aliquem auctorem scriptio:
an quod agere videtur, hoc agit? satin', in-
quam, illum illustrat, corrigit, & in eo pe-
dem firmat? An euagatur plurimum extra
suis

suas oleas, & in alieno non solum scriptore, sed choro, se ostentat? Non dicam ambitiosum videri, præter rem & opus, certè nouum est: nec quisquam vñus veterum huc præuit. Ego in SENECA meo vitaui, simplicem & antiquum morem tenui: placeat, non placeat, mihi deinceps etiam infixum dñmatur^g hæc vitandi. Alius à me

— cōclusas hircinis follibus auræ. Exspiret: si alibi, non h̄c sit locus, in sancto & seuero hoc sapientiæ argumento. Amplius tibi dicam,

* Non ego
diuinandi
aut auspici
bend do
am.

* Οὐτοὶ τι μάντις ἐών, οὐτὸν τὸν σάφα εἰδῶς, sed tamen dicam: præuidere me fore lectores, qui in Senecâ aliud à Senecâ querant, & curiosè in mea non illius scrutentur. O turturillas! vt eius voce vtar. Abeant qui sic affecti, Tullium, Plautum, alium quemuis, non Senecam tangant: qui haud magis iuuabit, quām

Auriculas citharae collectâ sorde dolentes.

Sed quò eo? duo volui dicta, & placuisse Carmen tuum, & iudicium: quod cum meo præiudicio * Δωεῖς ἀρπόλει. Quidni sic loquar? Dorum etiam, id est virorum isti sensus. Vale mi Vacqueri, & bona non ama solum, sed prætende & tuere. In Musæo N. post mer. Nonis Nouembr.

* Dorum
concius.

E P I S T . X C V I I I . Antuerpiam.

FRANCISCO HOVIO S. D.

GRATVLO R ex animo tibi redditum inco-
glumeim in patriam & ad tuos, & longo
satis interuallo. Atque utinam patrem repe-
rire potuisses, cum vtriusq; vestrūm gaudio
& delectatione. Sed Deo decretum aliter,
qui auocauit, & è turbis curisque eductum
collocauit in quietâ & beatâ illâ (ita spera-
mus) sede. Ego libens te videbo & ample-
ctar, et si per hanc auram vt commoueas te,
prorsus recuso: & fortasse intra duos trésve
menses Antuerpia vestra me videbit. atque
ego te ibi: nec opinor iterum ab amicis aut
patriâ diuellendum. In sermone autem, Deo
volente, de rebus consilijsque tuis audiam,
& libēs iudicio aut operâ iuuabo, vt in meâ
quidem manu aut copiâ erit. Vale. Louanij,
III. Nonas Decembres. 1551.

E P I S T . X C I X . Eodem.

IOANNI MORETO S. D.

HEV tristia vndique & priuata & pu-
blica, in paucis his diebus! Hæc omis-
to: sed in illis, ecce duo amici quos corde
I. LIPSI Operum Tom. II.

valdè amabam, vno ferè tempore obierunt: Perezius noster in vrbe vestrâ, & Bernartius Mechliniæ. Ille præter ætatem nihil passus videtur, ad quam ultimam iam pænè venerat: sed tamen vitæ & morum per-
petuâ bonitate, & nunc quoque sensuū illâ integritate meruerat, votis nostris diu-
tiùs superesse: & lugemus (ego quidem)
quasi iuuenem ereptū. Testor numen, post
Plantinum illum nostrum, in vrbe eâ non
fuisse carius aut venerabilius mihi nomen.
At Bernartius in ipso ætatis mediæ flore,
paullum ultra trigesimum annum progres-
sus, desit viuere: magno luctu vxori, &
duobus liberis paruis relictis. Quid de me
dicam, cùm hæc audio? seruari pænè mira-
culo: & ille inualidus tot annos, languens,
& velut in regulâ extremâ consistens, defen-
dor Dei benignitate à lapsu. Si in meūm aut
publicūm bonum (confido:) fac ô mi Ser-
uator. sin aliter, nihil deprecor, & alia meo-
rum funera funus ego antecedam. Tu vale
mi amicissime. Louanij, XVI. Kal. Januar.
anni noui 1551.

E P I S T . C . Traiectum ad Mosam.

BALDVINO BYCQVIO, Canonico, S. D.

COMITER me aggredaris, fateor, & adi-
ctum per humanitatis, vt sic dicam,
cuniculos ad me struis. Scita & elegantia,
sed & arguta quædam, præmittis: quid au-
tem opus, mi Bucqui, erat? Si me noſſes,
nihil: qui facilis, apertus, omnibus pateo:
& vos tales, ex affluorum istâ classe, ultrò
etiam alliciam & inuitem. Scipionem &
Liuum præfers, magna nomina: quæ adeò
mecum non iungo aut pario, vt animo
sentiam vix me esse eorum umbram. Atque
illi multos ad se visendos excitarunt: & ij
cum veneratione aut trepidatione accesser-
unt. Quid simile est? fulgor aut dignitas
illa nos non illustrat: & sicut lucet, vereor
vt leuis brevisque sit, & velut è stramine,
flamma. Nihil impono, aut dissimulo. ali-
quid fortasse melioris altiorisque studij in
nobis, sed studij: rei modicæ successusque
mihi conscius,

— iure perhorreb

Late conspicuum tollere verticem.

Imò hoc quoque, Deo atque animo isto te-
ste dicam, dolet produci aliquando à qui-
busdam, & ceratas istas pennas propiori
Soli admoueri. Icarus fieri possum, sed casu,
non animo: nec is umquam altum sub-

Y uolabit.

uolabit. Virtutem & sapientiam amo, hoc fateor : sed & eos omnes, qui istas amant. Te, te inter hos mi Bucqui : quem video recto ad eas & firmo pede ire. votis professo quor, ut adipiscare & teneas, non solū tangas. Istos vanos, ac multis beatos, sed à vanis caussis,

Dissidens plebi numero beatorum

Eximit virtus:

& calculum ego mecum huic addo. Quando timere aut sperare desinunt? cui Fortunae pares sunt aut subsistunt? meliore attolluntur, iacent in tristiore : nec vñquam æquilitatis, & quod sequitur tranquillitatis, illa trutina animum eorum librat. Quid censes, cùm publici isti nimbi sunt & procelæ? cùm nec peritis quidem nautis sidera sati certa fulgent? Nisi vnum illud immo-

tum, à Constantiæ rigido polo: cui obuersum & inhærentem,

Non vultus instantis tyranni

Mente quatinus solidâ, neque Auster.

Fiat à te, à me, ô Bucqui: opus est: & publicas istas labes aut ruinas cùm videmus, vbi alter firmemur? Heu Buscum-ducis, vetus, inclytum, potens, sed & pium opidum: pericula tua audimus, & tenui à filo pendere salutem. Si cadiſ (sed Deus auertat!) quæ firma ſpes super nobis est? Sagunto capto, nec Alpes & flumina Annibalem repreſſerūt: quomodo nostra iſta iacentia & plana? Sed ad Constantiam redeo, publica Deus eorum auctor & curator dirigat: tu me porrò ama Bucqui, & de me idem, animo magis quam verbis restipulante, crede. Louanijs, Idib. Nouembr. 1601.

APPROBATIO.

*Tres ista I. LIPS I Professoris ac Historiographi Regij ad Belgas Epistola-
rum Centuria, ob genus dictionis purum astrictumqz, magno cum fructu
studioſa Inuentutis excudentur. 17. Decemb. 1601.*

Gulielmus Fabricius Nouiomagus, Apostolicus
ac Archiducalis librorum Censor.



IVSTI

IVSTI LIPSI
EPISTOLICA
INSTITVTIO,
EXCEPTA E DICTANTIS EIUS ORE,
ANNO M.D. LXXXVII. MENSE IVNIO.

ADVNCTVM EST
DEMETRII PHALEREI
EIVSDEM ARGVMENTI SCRIPTVM.

I. L I P S I V S
 FRANCISCO RAPHELENGIO SVO
 S. D.



VANDO ita vis, fiat. Ede libellum, potius quam ut
 alius alibi eum edat: quod ait te comperisse. Ego tamen
 non in hanc spem genui: & scis extemporaliter cura fore
 ante annos quattuor dictata hac nobis, idq; in usum
 captumq; saltem iuuentutis. Iis ipsis multa utiliter
 tunc interfati sumus aut miscuimus, que hic non ha-
 bes, illustranda scilicet rei aut firmando. Nam hac brevia. que tamen ipsa,
 quoniam usui etiam alijs esse posse, tu alijs censem: age, non in video, com-
 munica. sed hac lege ut omnes sciant, discentibus, non doctis; iuuenibus, non
 adultis, hac a nobis scripta: nec cumquam edendi isto fine. Nam hac talia
 seruabamus Dialogis De instituenda iuuentute. Sed, ut initio dixi,
 quoniam vis, fiat: & tu in alijs magè scrijs Plantinianum nomen fa-
 mique propaga. Vale. v. Kal. Nouemb. 15. xc.

IVSTI

IVSTI LIPSI EPISTOLICA INSTITVTO.

CAPVT PRIMVM.

De nominibus varijs Epistole: & de formâ apud veteres.



PISTOLA quâ recte & laudabiliter scribatur, præire mihi propositū iuuentuti. sed compendio: ad vsum, non ad speciem: nec vt omnia quæ ad rem, sed quæ in rem maximè dicam.

EPISTOLAE Græcanicum nomen est, *λεπτές επιστολές*, quasi *Mis̄oriam* dicas: (Isidorus interpretatur *Mis̄am*) sed in veteri tamen Latinorum vsu: & Plautus aliquoties usurpat, & Afranius comediam etiam quamplam, *Epistolam* inscr̄psit. V mediā Politianus & nonnemo hodie scribūt, freti auctoritate librorum & lapidum, in quibus crebro sic reperias: sed, nisi fallor, numquam ante Vespasiani æuum. Et per O sanè rectius scrips̄eris magisque *ἀναλόγως*. Alijs etiā nominibus prisci appellauere, *Litteras, Tabulas, Tabellas, Codicillos*. *Litteras* (poëtē etiā *Litteram*,) ob eminentiā, & quia hoc genus creberimi inter litteras omnes vsus: *Tabulas, Tabellas, Codicillos* à materie, quia *ante chartæ* & membranarū vsum (* Isidori verba cito) in dolatis ex ligno codicellis epistolarum colloquia scribebantur. Vnde & portatores earum *Tabellarios* vocauerunt. Quę transcripta moneo ex Hieronymi epist. XLII. Festus eidem rei: *Tabellis*, inquit, pro chartis vtebātur antiqui; quibus vlt̄ro citroque certiores absentes faciebant: vnde adhuc *Tabellarij* dicuntur; & *Tabellæ missæ ab Imperatoribus*. Inde Plautus Epistolam circumscribens Pseudolo:

Per ceram & lignum, inquit, litterasque interpres.

Et paullò pōst:

Pro lignea salute vis argenteam remittere illi? Eiusmodi Tabulæ Homero etiam notæ: apud quem Proetus litteras Bellerophonti tradit scriptas ē *πίνακα μυτηρίου*, in tabellâ * pli- catâ. Fieri solitæ inductâ cerâ, è fago, abierte, buxo, tiliâ siue phylirâ, acere, citro, ebore. quę omnia exemplis firmare non h̄c locus. Vsi tamen & chartâ ad hanc rem: idque ex Martialis lemmate facile colligas, *Chartæ*

I.LIPS I Operum Tom.II.

epistolares. quod nomen hodieque Epistolæ tribuunt Hispani. Sed siue Tabella, siue Charta, paullò alia tamen eius quām hodie forma. Pagellæ enim erant, & sp̄cies in- muti libelli. Hinc Ciceronis illa capies: * *Ex- trema pagella pupugit me tuo chirographo.** Et, Altera iam pagella procedit. Excipio, quod publicas litteras ad S.P.Q. grādiore formâ, & transuersâ chartâ scribebant, scilicet quasi Historias. Suetonij hæc mehs in * Iulio: Pri- * Cap.lvi. mus epistles ad Senatū, ad paginas & formam memorialis libelli conuertisse fertur, cum antea Coss. ac Duces non nisi transuersâ chartâ mit- terent. Cui Isidorus dat luceim: *Quædam no- mina librorum apud gentiles certis modulis con- sciebantur: breuiore formâ, Carmina atque epistles at verò Historiae maiore modulo scribe- bantur.* Ethinc * Senecam explico: *Epistola* * Ep.xlv. * non debet sinistram manum legentis implere: quod scilicet referendum ad angustias & minutam libelli formam.

CAPVT II.

Quid sit Epistola. & quæ eius partes.

DEFINIO autem Epistolam: SCRIP- PTVM ANIMI NVNTIVM AD AB- SENTES, AVT QVASI ABSENTES. Animi nuntium dixi: quia finis Epistolæ du- plex; aut affectui testando, aut rei signi- ficandæ. illum, ingerit Ambrosius ad Sabinum: *Epistolarum v̄sus est* (inquit) *vt disun- eti locorum interuallis, affectu adhæreamus:* Hunc alterum, Cicero ad * Curionem: * Lib.ii. Hac cauſā inuenta res ipsa est, *vt certiores face- remus absentes, si quid eſet quod eos scire, aut noſtrā aut ipſorū intereffet.* Et ante eum * Tur- pilius: *Sola res est* † *quæ homines absentes, pre- sentes facit.* Recte igitur dixi, *absentes*. sed addidi etiam *quasi absentes*: quod interdum ea usurpata ad præsentes. Ita Augustus * ser- mones grauiores cum Liuiā suā non nisi in scri- ptis & libello habebat. Et idem Iuliam suam in Amphitheatro * admonuit scripto. quin mos ille sub Tiberio principe * etiam presentem scripto adire. quem originem sum- p̄isse à Iulio Cæſare ex Plutarcho colligas: qui primus (inquit) rationem repperit ami- cos per litteras conueniendi, cum coram agen-

Y 3 di

Lib.vii.
Orig.

* Lib.vii.
Orig.

Iliad.7.
ver. CLXIX.
* Siue,
duplīcē.

Lib.xiv.

* Lib.ii.ad
Caeliom
epist.xi i i.

* Lib. ii.
ad Barum
epist. xxv.

* Ep.xlv.

* Apud
Hier. epist.
xxii.

† Velim
transponi,
vt fiat Tro-
chaicus:

homines
absentes
qua pref.

* Sueton.

c. XXCI V.
* Macrob.

II. Satur.
* Tac. IV.
Annal.

di nec occupationes nec magnitudo urbis semper occasionem daret. Atque id genus propriè Codicellos appellabant. Senecæ ea mens ep. LVI. *Video tibi Lucili cùm maximè, audio. adeò tecum sum, vt dubitem an incipiam non epistolas, sed codicillos tibi scribere.* Hæc definitio Epistolæ. ex quâ partes præcipuas eius duas facio: Materiam & Sermonem.

C A P V T III.

*Materies definita, diuisa, & de præmisis
Epistola.*

MATERIEM dico REM QVAE SUBIECTA SCRIPTONI. Ea duplex, Sollennis & Varians. Sollennis, QVAE IN OMNI EPISTOLA, EADEM AVT PAENE EADEM, ET QVASI EX FORMVLA RECVRRIT. Qualia sunt, Præloquium, & Clausula. Præloquium intellego, QVOD EX RITV PRAEMITTITVR: vt Nomina & Salus. In nominibus olim receptum, vt in ipsâ fronte epistolæ bina semper ponerent, Suum & Alienum: illo præposito, etiam ad dignorem. Cum causâ. quoniâ prima legentis cogitatio & desideriū, est scire à quo missa. Etiam hoc seruatum, vt nomina nuda, nec blattientia aut laudantia verba, sibi alteriē tribuerent. excipio, si quis in imperio aut magistratu. Tum enim verbo additum *P. Seruilius Rullus Trib. pl. X. vir Cneo Pompeo proconsuli.* At Epitheta nulla: nisi ad vnicē caros aut domesticos. quos interdum *Humanissimos, Optimos, Suanissimos, Suas animas* appellant, & receptissimo verbo *Suos.* Quod postremum interdū etiam ad leuiter notos usurpabant. vt apud Liuium: *Prætores Syracusani Marcello Suo. Prisci interdū: sed labens ætas paßim & omnibus dedit.* adeò vt Imperatorem ipsum sanequām familiariter *Suum salutet Plinius in magni operis præfatione.* Ab hac mente Martialis:

*Seu leuiter noto, seu caro missa sodali,
Omnes ista solet charta vocare Svos.*

Et in Plinij Iunioris epistolis vix aliter legas: sicut & Pandectarum aliquot locis. Olim ista: Ego hodie temperem ad vsum nostri æui; & alieno ingenio interdum seruia potius, quām meo. Ad doctos, probos, simplices simplicia hæc seruem: ad magnates aliter; nec temerè nomen meum præposuerim, & appellâdi formulâ potius scripserim, *Maxime Rex, Illustriſime Princeps, Ampliſime Domine, &c.* Misera ostentatio scientiæ, quæ risum aut offendam debet; vtique in

epistolâ, quæ tum demùm rectè scripta, cùm videtur illi cui scripta. At de Salute, claram est olim eam post ipsa Nomina adiectam: hand dubiè ex colloquiorum more, quo in occursu statim salutamus. Græcis simile: *Vide Dio-*
In gen. Laet. in Plat.
quibus χαιρειν precari in vsu fuit, aut in dia-
yer: quæ Epicuri salutatio: aut ἀπερρίφη:
quod disputatiunculâ quādam præfert Plato ad Dionysium. Horatius, non præter solitum Græcus, exprelit ista:

*Celso gaudore, & benè rem gerere Albinouano
Musæ rogata refer.*

Omittebat hæc interdum, & præsertim Reges, quasi per maiestatē. Plutarchus notat: In Phocione. *Alexandrum, victo Dario, abstulisse ab epistolis, τῷ χαιρεῖ (illud Saluere, & exceptis quas Phocionis scribebat. quem vnu, sicut Antipatrū, compellabat, post Salutem dictā. Pertinere etiā ad Præloquium: videatur vnu ordiendi formula, S.V.B.E.E.V. quæ in priuatis litteris frequēs; in publicis perpetua, etiam posteriore æuo. Cōcipi solet & his notis S.V.G.E.V. id est, Si valeas, gaudeo, ego valeo. Quæ apud Oppiu de bello Hispanensi lectæ, frustra turbant & ad mutandum impellunt eruditos.*

C A P V T IV.

De ijs quæ ad finem Epistolæ, itemque de Signo.

AD Clausulam venio: quam appello TERMINVM EPISTOLAE ET FINEM. In eâ hæc quinque sollennia ferè insunt: I. *Valedictio.* quæ inserta pariter ex sermonis ritu, quo abeentes alter alteri benè precamur. Expressa antiquis simplici verbo Vale. Ouidius:

*Accipe, quo semper finitur epistola verbo,
Atque meis distent ut tua fata, Vale.*

Interdum *Hauē, Salue:* nec indecorè cum adiectiunculâ mi anime, mi suauissime. Aut alio verbo ad argumentum apto: *Vale & veni, Vince & vale.* Interdum & voto concepta:

Deum precor ut te seruet, consilia tua fortunet, &c. Quæ omnia cum iudicio imitanda aut immutanda pro re & personâ. II. *Loci adiectio.* quæ necessaria inter absentes: nisi si de eo planè constet. Itaque Ciceroni crebrò omissâ: & in pari causâ omittenda nobis.

III. *Temporū.* in quo dies semper, annos plurimū; horas interdum notatas inuenies.

IV. *Subscriptio.* quæ priscis ignota: nisi forte in litteris ad Imperatores; quibus subscriptum per speciem honoris & obsequij, * *Deuotos E.* id est, *se esse.* Nos tamen usurpamus. nec damno apud grandes aut ignotos: apud familiares

vacuum

* Ex Dio-

ne LVI.

Suet. Tib.

XXXII.

Et priscis

lapidd. D.

N.M.Q.

Deuotus

Numini

Maieſtate

tig. cius.

vacuum videatur, immo vile. v. est *Superscriptio*, quæ nobis inter legitima, veteribus raro fortasse usurpatæ. Dabant enim plerumque & mittebant per Pueros suos aut Tabellarios notos; nec aliud in exteriore epistolâ quam Signum & Linum. Illud plerumque

* Sine alia erat. Imago propria, aut alicuius è maiori-
aliquâ, ut Auguſtini Sphynge, ſe-
gnare ſole-
bat, pofta ostendit iv. in Verrem: Signum iste animad-
imagine Alexandri, uertit in cretulâ. Et pro Flacco, Asiaticâ cretam
poſtremum in hac re appellat. Linum fuit, vinclum quo
epistola obligata, & cui signum ipsum im-
poſitum impressumque. Plautus:

Lib. vii. *Cedo tu ceram ac linum: age, obliga, ob signa citio.* Nec aperire epistolam fuit, niſi illo soluto. Inde apud Curtium: *At Parmenio vinculum epistolæ soluit.* Apud Ciceronem: *Incidere linum.* & paſſi qâ vulgataque phraſi, *Soluere epistolam.* Ferè autem signum cum eo fractum: ideoque iubebant ſemper ante aperitionem Signa agnisci, fidei cauſâ. in Plautinis:

Accipe, hem cognosce signum.

Iterum:

Cape, signum nosce.

Cicero in Catil. *Oſtendi tabellas Lentulo,* quæ ſiui cognosceréne signum? Annuit. Eſt verò inquam imago aui tui clarissimi viri. Sallustius: *Pelleat litteris, cum prius omnes signa ſua cognouifet.* Hoc curiosè ideo: quia ſigno corrupto facile & tutum negare à ſe ſcriptam. vtique cum diſtaſſent (vt ſep̄e) & alienâ manu eſſet. Ita olim. ne tamen rigidè abnuo, quin aliquando ſuperscriptum. Plutarchus in Dione, inter plures epistolæ quæ adlatæ, pia d' nr, inquit, *τις δε την γραμμην, της πατερι παπαιου: Vna erat exteriū inscripta, Patriab Hipparino.* Quod pro eorum opinione ſit, qui volunt ea quæ in capite ac fronte epistolæ veterum ſemper legimus, fuiffe Tabellarij cauſâ, in earum dorſo. Sed quidquid huius ſit, nobis ſuperscriptio uſurpanda: ſiue ob ignorantesque tabellarios, ſiue magis ob receptiſſimum mo-rem, cum quo fruſtrâ pugnemus. Quin & Titulis, eodem auctore, vti ſuadeā: ſine ambitione tamen aut professâ nimis adulatio-ne. Hæc Sollénis Materies epistolæ, in quam licet aduocem Epistolæ totas, quas *Formales*

* In Do-
mit. xiiii.
* Lib. ii. Var. Epift.
xxxx. *Suetonius appellat. Eæ de vna aliquâ re, vna ac ſimili formâ, ad plures ſcribuntur: in negotijs publicis, inque aulis Principum etiam hodie uſitatæ, quas ipsas *Canonicas* (niſi fallor) *Castliodorus* appellat.*

C A P V T . V.

De Materie varia, eiusque ſectione.

AT variantem Materiem appello, QVAM DIVERSA IN QVAQVE EPISTOLA EST: IPSA OCCASIO SCRIBENDI ET GAVSSA. Ea multiplex: nec minùs latè patet quam hæc vita. Quid enim rei diuinæ aut humanae eſt, quod non sermonē communiamus? ergo & Litteris, quæ alter sermo. Sed tamē diffusam coercere his terminis poſſe videor: vt omnis ea sit triplex: *Seria, Docta, Familiaris.* SERIAM dico, quæ ad publica aut priuata pertinet, ſed vberiſſea trahat, & cum cyrā. Id genus inter publica ſunt: *Narrationes, Differtiones, Deliberationes, de ſtatū rerum, de militiā, de pace, & his talibus.* Inter priuata: *Cofolationes, Admonitiones, Petitiones, Obiurgationes, Excufationes, Suafiones, Laudationes, & vno verbo, quidquid paullò magis ſeriō ſcribimus, & vna in re velut figentes pedem.* Quod genus ſapè incurrit, & plerumque necessariò, interdum animi cauſâ, uſurpatur. DOCTAM dico, quæ ea quæ ad ſcientiam aut ſapientiam, conſuet; & res non epistolæ, epistolæ veste uelat. Talis triplex: aut enim Philologa eſt, & in amœnioribus ſtudijs occupatur, vt olim Varronis QUÆSTIONES Epistolæ, Valgij Ruffi QUÆSITA per Epistolam. Aut Philosopha, & de Naturâ vel Moribus agit: vt Senecæ noſtri epistolæ, ſed & Platonis. Aut denique Theologa, quæ in ſacris rebus dedita: vt ſunt Augustini, Hieronymi, Cypriani, Basilij, Gregorij, utriusque. Denique FAMILIAREM dico, quæ res tangit noſtras aut circa nos, queque in qſiduâ vitâ. Ea propria & ciberrima Epistolæ materies: & ſi verum fateri volamus, germanæ illius vna. Cui priora illa duo, SERIA, inquam, & DOCTA, ſapè admixta: ſed admixta; variumque ei ſemper nec ſimplex argumentum.

C A P V T . VI.

De Inuentione pauca & Ordine.

SATIS de vniuersâ Materie dictum: de Inuentione & Ordine addendū aliquid eſt: ſed breuiter. Nam ad Inuentionem vberibus preceptis quid opus? Cūm ſemper ea prompta; nec ad Epistolam ſcribendam veniatur niſi argumento concepto, & mente (vt ita dicam) tumente. Quod in

Yy 4 Fami-

Familiaribus verisque Epistolis perpetuum est: in *Serijs* aut *Doctis* paullò aliter. quibus quomodo aggerenda aut amplificanda Materies sit, nihil h̄c ego: sed Rhetorū te libri docebunt. Nec in *Ordine* quidem admodum labore: qui optimus in Epistolā, neglegētus aut nullus. Ut in colloquijs incuriosum quiddam & incompositum amamus: ita h̄c. Adeò ut nec in responsionibus ordine & distinctè ad capita semper respondeantur: sed ut vīsum, atque ut hoc illūdve in mentem aut calamū venit. Omnino decora est hæc incuria: & magnus^{*} Magister recte monuit, *Epistolas debere interdum hallucinari.* Itaque ille ipse hæsitat, scuocat, turbat, miscet: nec quidquam magis curasse videtur, quam ne quid curæ præferret. Tamen in *Serij*, non nego de *Ordine* paullò magis sat-agendum: sed ita, ut semper infra Orationem illam diligentiam consistas, & imitere eam, non æquies. Præceptis cur te alliges? Ut Imperatori in acie certus aliquis ordo est, nec tamen vñus: sic tibi in omni materie, quam pro te, pro iudicio dispone.

C A P V T V I I.

De Sermone. que de eo dicenda; & primū de Breuitate.

VENIO ad Sermonem: cuius caussâ, fætor, Institutio hæc suscepta. Nam de Materie, totum mediocris cuiusdam prudentiæ est: & vix peccatur. at in Sermone, Labor & Error est; nec corpus illud hodie crebro cultum vidimus (libetè effero) decenti hac veste. Sermonem appello, *ELO-CUTIONEM ET STALI MODVM EPISTOLAE APTVM.* Is ut talis fiat, dupliciter eum considerabo: *Universè & Distinctè.* Vniversè; in toto Habitū & conformatione epistolæ: Distinctè; in partibus, id est *Phrase & Verbis.* De Habitū igitur sermonis epistolici, præcipio ut quinque ista serues: *Breuitatem, Perspicuitatem, Simplicitatem, Venustatem, Decentiam.* Prima illa, prima mihi sermonis virtus est: adeoque epistolæ propria; ut, si longior, (cum Demetrio sentio) Libri iam nomen assumat, Epistolę amittat. Cùm tam multa ea nuntiet, quā debet multis? Addo, quod ut in sermone aut fabulis, sic in epistolis odiosa garrulitas. Quam tamen, quod obserues, imperitissimus quisque affectat; & loquentes ferè plurimum, qui minimū eloquentes. Ut corpore tenues, veste se dilatant; sic qui ingenij aut sapientiæ inopes,

diffundunt se verbis. At Breuitas mihi amata, & ijs qui sapiunt: si tamen cum Iudicia usurpata & Modo. Peccari enim & h̄c posse scio: & ut in sagittâ mittendâ, non minus aberrat qui citra scopum, quam qui ultra iaculatur; sic in scribendo, quisquis pauciora quam pro re, aut plura dicit. Modum autem à materie specto. si *Seria* Epistola aut *Sapiens*, diffundi paullò magis velim, & rei per se graui addi verborum aliquod pondus. Si *Familiaris*, contrahi: nec res tenues ac multas onerari laciniâ sermonis. Scilicet ut vela pro magnitudine nauium: sic verba debent esse, pro rerum. Iudicium porro sumo à personis, idque dupliciter: A *Qualitate*, à *Captu.* Ab illâ: ut si ad Ignotos aut Magnates scribitur; vberior & floridior paullò epistola sit. quia stricta illa breuitas apud hos tales, non abest à contemptu. Aliter, si ad amicos aut æquales. A captu: ut si ad leuiter doctum aut acutum; si ad iuuenem. extendam tunc profectò, nectenebras ingenij offundam per se parum claris. Arque id mihi in omni personâ valde notâ: ut illi, inquam, te stilumque tuum attemperes. quoniam caput artis, scribere accommodatè. Quā fiet igitur Sermo breuis? obseruatione tripli: *Rerum, Compositionis, Verborum.* *Rerum*; ut supervacuum nihil admisceas, nil repetas; in primis non capita ad quæ respondes. *Compositionis*; ut structuram & periodum longiore omnem fugias: membris vtare, & asyndetis sāpè. *Verborum*; ut letior omnis phrasis, allegoria, imago abdicetur: parca & pura oratio sit, necessariâ supellectile verborum contenta.

Habes de Breuitate; quæ viris mihi dicta, non iuuentuti, sunt. adeò enim hanc ad eam non voco, ut etiam absterreā: siue quia tutò adsumere vix potest, & Breuitatis imitatio facillimè ætatem hanc decipit: siue quia nec utiliter potest, & iuuenili illo breuitatis studio (sāpè vidimus) aridus plenumque & exsuccus stilos euadit. nec facile ad laudatam illam temperiem venitur, nisi initio vbertas quædam & luxuries sit, quam ætas paullatim depascat.

C A P V T V I I I.

De Perspicuitate; quā peccetur in eam, quā paretur.

VIRTVS altera, *Perspicuitas*; de industria à me Breuitati subtexta, quia periculum magnum huic ab illâ. Quā ardua, quam

quām rara illa Breuitas, quæ non præteruerit aures aut defraudet? in quā legentis sensus non opus sit intendi? Atqui semel hoc imbibē: summum in sermone vitium esse, non solum non capi, sed etiam agrē capi. In quo peccant quidā Naturā, qui ipsi obscuri & reconditi tālia efférunt: plures, Studio, qui nihil doctū aut laudabile putant, nisi reconditū, & quod fugiat vulgares mentes. Stultis quā malē ingeniosus ille, ad quem capiendum opus est ingenio: præser-tim in Epistolā, quæ arbitrum aut interpretem non querit. Clārē ergo scribito, si potes, & breuiter. sed ita, ut hōe laudis esse scias, illud necessitatis. Clarus autem sermo erit, præcepto triplici: Si verba in eo propria; si vītata; si collocata.

C A P V T . I X.

De Simplicitate dupli; & ad hanc monita.

TERTIAM virtutem posui Simplicitatem: intellectu dupli. quia & in Stilo eam exigo, & in Mente. De Stilo: certum, & veterum exemplo testatum est, simplicem eum esse debere, sine curā, sine cultu; similimum cottidiano sermoni. Itaque Demetrius, ut Dialogum, Epistolam scribi vult: & ipse Cicero, *texi eam quotidianis verbis.* Seneca apposite: *Qualis sermo meus esset, si vniā federemus aut ambularemus, illaboratus & facilis: tales volo esse epistolæ meas.* Quod feminas ornare dicitur, non ornari; hoc epistolam. quam sequi decor deber, non ab eā aut in eā affectari. At de Mente: ita intellego; ut simplex quiddam & ingenuum in totā scriptione eluceat, & aperiat candorem quemdam liberæ mentis. Nullā enim ex re magis natura cuiusque & certa in doles elucet (Demetrio verè scriptū) quām ex epistolā. Itaque optima ea tibi repræsentanda, & in primis illi ad quem scribis amica: ut inquam lenium affectuum & benevolentiæ illud, ut sic dicam, saccharum, inspergatur; fiatque delectabilis, & ad legentis gustum. Quo in genere Cicero vnicus, & vnicè imitandus. Præceptis enim alijs res non continentur. Cautionem addo siue exceptionem: pro re interdum epistolam assurgere, & paullò studiosius scribi (ut in Serijs:) sed tamen ita, ut simplicitatem totam non exuat; & ornamenta interdum habeat, lenocinia numquā. Nam illæ quæ ad pompam & ostentationem ingenij scriptæ

(quales Philostrati & Phalaridis, item Syncfij & Plinij nonnullæ) nescio an tueri nomen vero epistolæ possint apud iudices veros.

C A P V T . X.

Funetum de Venusitate & Decentia.

RELIQVÆ mihi duæ virtutes, *Venusitas & Decentia:* et si vix reliquæ. Vtraque enim eiusmodi, ut admonere de eā breuiter possim, non docere. Illa ab Ingenio tota est; hæc à Iudicio: quorum vtrumque spernit ligari præceptorum his vincis. *Venusitatem appello;* cùm sermo totus alacer, vivus, erectus est, & allicientem quamdam gratiam *Veneremque præfert.* Quod natura ferè dat: non nihil tamen & duplex hæc monitio. Primum, ut *Adagia Allusionesque* ad dicta aut facta vetera, versiculos aut argutas sententias vtriusque linguae interdum immiscetas. Secundum, ut iocis salibusque opportune condias; quos animam & vitam epistolæ esse non fugiam dicere.

At *Decentiam* intellego, id quod Græci nō spiner: quæcum in epistolā, cùm omnia aptè & conuenienter scripta. Quod sicut aspectu dupli: Personæ & Rei. Personæ dupliciter; si tuam respicis, & eius ad quem scribis: Rei autem, simpliciter; ut omnia pro argumēto; & sententiarum phrasiumque vestis apta sit corpori rerum. Magna hæc, sed occulta virtus: nec immerito* Cicero monuit, ut in vi-ta sic in oratione, nihil difficilius esse, quām quid deceat, videre. Nec verba hīc perdam: quia scio Iudicij totam hanc rem esse: quod à Deo & à naturā pete, non ab Arte.

* In Orat.
ad Brutum.

C A P V T . XI.

Ad Sermonem distinctè transitum. cum parari Imitatione: ad hanc tria præcepta. & pri-mūm de ijs qui, & quando, legendi.

DIXI vniuersè de Sermone: magis di-stinctè ad partes eius transeo, *Phrasim & Verba.* Illam appello, *VOCES DVAS AVT PLVRES IN SENTENTIA IVNCTAS: Hæc, VOCES IPSAS SINGVLAS.* In illis *Elegantia & Nitor* requiritur: in his *Latinitas & Proprietas.* Ea omnia hodie, vel ex *Auditu* haurienda sunt; vel ex *Lectione.* Ex illo leuiter; quia nec adhærent audita animis, & quæ ac lecta: nec est ferè ut optima audiantur. quia & rarus Latinus sermo, & pauci eā curā loquuntur quā scribunt. Itaque doctissimi ac disertissimi, sapè in sermoncalijs,

Y y s nec

ne temere exemplum vidimus aut videbimus eloquentiae, quam formauit Auditio sola. Lectio igitur magis tuta, magis utilis sic tamen, ut Imitatio ei adiuncta sit: sine quâ languida hæc, immò vana. *Imitationem* dico, SERMONIS NOSTRI AD SERMONEM VETEREM, APTAM CONFORMATIONEM, ET STILO EXPRESSAM. A quâ (vno verbo dicam) spes omnis crescendi huic segeti Phrasium & Verborum. Nam Ars alia, quidquid conentur, non magis differtos fecerit, quâm vates somnium in Parnasso. De illâ igitur cum curâ & ad usum dicam: & quidem hæc tria, *Quos & Quando legas. Quid & quibus feligas. Quid exprimas & quid vites.* In primo: utinam ea copia scriptorum hodie, ut iure ambigua haberi hæc lis poslit! Pauci reliqui veteres: quis controvèrtet quin ij legendi omnes sint nisi fortè nuper aliquot Itali, qui in arctum reductam eloquentiam concluserunt finibus tantum Tullianæ lectionis. O vani & fastidiosi! non solùm præter mentein magistrorum veterum, sed præter rationem præterque usum. Quos nunc non refello; & adhæsse olim me scio paullò iuuenilius, donec repressit & reuocauit maturioris iudicij frænum. Tu mecum, omnes legendos imitandoque tibi certò statue: non simul tamen aut omni æuo. Discriben aliquod temporum est, quod utiliter enotabo. Est *Puerilis* quædam & prima Imitatio, est *Crescens*, est *Adulta*: In illâ primâ, Italorum hæresis mihi placeat: & aliquamdiu Cicero non præcipius solùm legatur, sed solus. Cui fini? ut corpus scilicet illud & contextus orationis primùm serio formetur uno quodam habitu, & æquabili sermonis filo. Nescio an idem censerem, si Caluus, Cælius, Brutus, Cæsar, & alij è classe Oratorum extarent. Sed, ut hodie res est, quis præter Tullium periodos, membra, numeros, & continuatam illam orationis seriem nobis suggesserit? A quâ, me quidem iudice, necessariò initium faciendum iuuentuti. Ut pictor cùm tabulam accepit, primùm hominem totum delineat; colores mox aptos querit, & addit cuique parti: sic meus Imitator, corpus eloquentiae suæ formet, pigmenta deinde varie conquerat. Nisi facit, (crede iuuentus, aut sero credes:) hiulca semper, incomposita, & è varijs varia quædam stili forma gignetur, nec satis sibi constans. quotidie video; & peccati causam non ignoro. Cicero igitur primus pri-

mas teneat: & teneat solus. Sed quamdiu pro ingenij tempus definiam: in molliore aliquo, annum; in duriore, alterum etiam annum. Et addo non inutiliter, sub hanc ipsam curam, Manutij epistolas, Sadoleti, Bembi, Bunelli, atque in primis Longolij nostri, legi posse. non quia ipsi (liberè dicam) valde probi; sed quia puerili quodam affectu Ciceronis illam orbitam anxiò pede presserunt, ideoque per eorum vestigia tutior & facilior tibi cursus. At in *Crescentem* & *Iuuenilem* Imitationem alios admitto: sed successu tamen; nec vt saltu pergas; sed per quosdam velut gradus. Itaque meo consilio, eos hinc primum adeas qui à Cicerone minimū abeunt, & qui copiâ, suavitate, fluxu dictionis, referant beatam illam facilemque naturam. Qualis Fabius in primis, & nonnihil Q. Curtius, Velleius, Luius, Cæsar: similiores futuri, nisi retinuisse & stitisset alia species argumenti. Hos igitur tunc lege, sed leuiter: at cum omni studio Plautum & Terentium; qui semel corpore illo Sermonis & tamquam ædificij forinâ constitutâ, utilissimè adhibebuntur ad poliendas omnes partes. Verborum proprietas à quibus petatur melius? à quibus Phrasium ille nitor Atticus? Iam Venus, & lepor & comitas à quibus vberiùs hauriatur, quâm à meo comicò? Plautum enim hinc solum intellego; & præpono (nec impono: quia ex animo ita sentio) omnibus, qui in Latio aut Græciâ imbuerunt chartaceum hoc æquor. Hi ad Epistolam (de Orationibus enim aliter censeo) & familiarem scriptiōnem in primis apti: quia reuerâ epistola quid aliud, quâm cottidiana dissertatio? ut non errârit Artem apud Demetrium, qui censem eodem modo Dialogum & Epistolam scribi. Et Plinius ab eâdem causâ, epistolas matronæ cuiusdam dilaudans, cum Plauto & Terentio metro solutis eas componit. Quin ipsum Plinium, in secundâ hac classe iure colloco, tersum, acutum, nitidum: sed non sine delicijs molliculum interdum, & parum virum. Cui comitem nouum do, sed maiorem nouis, Etruscum illum Angelum, qui (nisi quod affectatæ interdum & quæsitæ in eo argutiæ) cùm illis ipsis priscis pari passu decurrere posse videatur Epistolarum hunc campum.

Hoc velut tirocinij biennium sit: quo manus hæc stili coercenda nonnihil intra puram togam. cui iam deinceps, in *Adultâ* Imitatione, liberè permittam exserat se & vagi-

vagetur per scriptorum omne genus. Legat, videat, & flores ex omni prato carpat ad Eloquentiae hanc corollam. Sed in primis sua deam Sallustium, Senecam, Tacitum, & id genus brevium subtiliumque scriptorum iam legi, quorum acutâ quasi falce luxurias illa paullisper recidatur; fiatque oratio stricta, fortis, & verè virilis.

Finij de parte primâ: nisi quòd leuiter addo, perutile futurum eumdem illunt Ciceronem legi cottidie & relegi; vespertinis præfertim horis, & si opportunitas feret, sub ipsum somni tempus. Mens tunc nescio quomodo melius artipit, retinet, & concoquit per quietem. Tenta, reperies in leui monito non leue momentum.

C A P V T XII.

*De Excerptis; quo ordine ea instituenda,
& à quibus singula carpenda.*

QVID feligas tibi A quibus, parte in feci alteram. de quâ epîli exemplis dicere facilius possem, quam scriptis; tamen breuiter hæc habe. Lectionem ipsam non sufficere, ne repetitam quidem, imò nec in felicissimâ memoriâ: sed opus esse Excerptis quibusdam & Notis rerum verborumque singularium, quas imitemur: quæ excerpta Memorialibus libellis, tamquam ærario, contineri velim, vnde sermonis illæ opes per tempus & ad usum promantur. Fieri autem libellos triplices: unum, quem Formularum dixerim; alterum, quem Ornamentorum; tertium, quem Dictionis. Duo illi ad sermonem uniuersum magis pertineant, tertius ad distinctum. In primo, Formulæ mihi duplices: Ad contextum istæ: *Ordiendi, Narrandi, Continuandi, Transundi, Abrumpendi, Claudendi*: Ad Materiem, istæ: *Rogandi, Gratias agendi, Operam offerendi, Laudandi, Vituperandi, Affeuerandi*: & quidquid istarum rerum communium est, quæ in epistolam creberrimè incurront. Secundus, Ornamentorum liber est. in quo distinctè & per capita collocauerim hæc: *Similitudines, Allegorias, Imagines, Acutiora dicta, Tentativas, & si qua eiusmodi illustria lumina sermonis*. Tertius, *Dictionis*. quam diuido in duas partes, *Phrasium & Verborum*. Phrases quidem enotari velim, quæcumque insigniores aut nitidores occurrent: Verba, quæcumque rara, noua, aut novo sensu sive flexu usurpata. In Phrasibus dispositionem non video; nisi quòd seorsim eas

poni velim, pro discrimine scriptorum: Tullij solas, Plauti & Terentij solas, Historicorum solas: quod quisque pro iudicio suo aut industriâ facito. In verbis ordinem solùm seruem Alphaberti. Hæc sunt quæ selegi velim. Sed à quibus? non enim promiscuè ab omnibus: sed ad iudicium paucis tibi sic præibo. *Formularum* liber à Cicero-ne maxime compleatur; addo Plinium, Politianum, aut si quid aliundè transferre aut haurire poteris opportunè. *Ornamentorum*, à Cicerone, Fabio, Plinio, Historicis, Senecâ, etiam à Græcis; & in primis Plutarcho. *Phrasium* exempla à Cicerone maxime, & Comicis petantur: non nihil ab Historicis, atque etiam ab alijs quos non attingi, Varrone, Agellio, Suetonio, Iurisconsultis, imò & interdum Appuleio.

Verborum, uno verbo, ab omnibus: nec inutiliter etiam à Grammaticis & Glossarijs antiquis.

C A P V T XIII.

De Expressione & formatione Stili, per tria genera Imitationum.

TERTIVM illud utilissimum sequitur, Quid exprimas, & quid vites. Frustrâ enim priora illa duo, si non istud: nec lectio aut selectio adluuerint, sine probâ expressione. Ea vt talis sit, per triplicem Imitationem distinctè ducam, & quid sequare in unaquaque dicam, & quid vites. In *Puerili*, duo hæc tibi propone. Primo, vt formulas in primis & communia illa contextus totius innitere: secundo, vt ductum, numeros, linearimenta & faciem Tullianæ orationis. Et imitare, non industrie solùm, sed pœnè adfectatè & cupidè: sic inquam, vt color quæsusitus & fucus appareat, imò & furtum. Ut pueros nihil pudet, cum scribere discunt, per singulos litterarum apices alienâ manu duci: non item hîc te. Clausulas, membra, & periodi cuiuspiam partem cum veniâ sœpè inseres, & Centonem è Tullij purpurâ contextes, paullò post datus tuam. Exercitij genus quod olim in Germaniâ huic rei proposui, dicere operæ pretium habeo; et si non dictare. Fuit tale. Hæc sequere: quid fugies? nihil, nisi ea quæ Grammatici vitant. At in *Crescente*, crescat mihi paullisper iudicium, & seruari præcipiam hæc tria. Primum, vt in furtis iam verecundior sis; non enim ultra decet. Secundum, vt in Formulis exprimendis remissior; non enim ultra opus. Sicut

Sicut digitii in cithara ægrè & cum intentione initio ponuntur, ijdem posteà ad chordas & numeros spontè veniunt: sic mens istis paullum assuefacta. Tertiū, vt Phrasēs & Verba meliora vndique assumas; & formes, vt sic dicam, cutem illam orationis tuæ externam. Atque hæc sanè præcipua hîc cura. quid vitandum? vitium agnatum Verborum delectui, nimia asperitas aut antiquitas. Quod in Comicis imitandis præcipuè mihi caue, & ne quid aut sordidum ab ijs dictio tua trahat, aut obsoletum. Nam vt imperiti pictores in facie exprimendâ, rugam, nævū, verrucam facile imitantur, indolem neglegunt, & ipsum vultū: sic sæpè adolescentes rara aut exstantia verba excerpunt, ingeniu omittunt & genium dictionis. Quæ autem verba sordida? quæ iacent, repunt, è fæce vulgi & è triujs sumpta, nec nisi iudicio discernenda. Quæ obsoleta? notæ duplicitis: Naturâ & Opinione. Illa dixerim, quæ reuerâ talia sunt: hæc, quæ sensu dum taxat vulgi. Nam hodie ita inuauit, vt quidquid ignotum, nec tritum aur-

bus imperitorum, obfoletum censeatur; quamquā ab optimis auctoribus petitum, & ab optimo illo æuo. Priora igitur aut planè vitabis, aut non nisi cum excusatione & interfatiunculâ vtēris: ista etiam appetes, & intexes sermoni tuo tamquam gemmas. De quo toto genere, opportuniùs monebo & instruam per exempla. Superest Imitatio vltima, siue *Virilis*: in quâ hoc præcipio, non tam exteriorem illum ornatum spectari debere, quæ virtutes & cultum internum: id est, Figuras, Imagines, Acumina, & ea quæ appellaui Ornamenta. In quo vna cautio, vt cùm oratio perfici iam incipiat & summa illi manus imponi, *καρδιά* vitetur & Affectatio: infelix sanè vitium, & quod obrepit specie virtutis. Ea est, nimium cultus studium, & sine modo. Quod per te ægrè videoas aut vites: felix cui docto hîc aliquis aut monitor amicus.

Hæc dictanda mihi nunc super Epistolis censuri: cum fructu nonnullo eorum, spero, qui audierunt, vereor vt exquo, qui tantum legent.

ΕΚ ΤΩΝ ΔΗΜΗΤΡΙΟΥ ΕΧ ΔΕΜΕΤΡΙ
ΦΑΛΗΡΕΩΣ
ΕΡΜΕΝΕΙΑΣ.
τοντός
ΕΠΙΣΤΟΛΗΣ.

ΠΕΙ' δέ ο Θησείος χαρακτήρ δεῖται ιχνόπτερο, καὶ τοις αὐτὸς λέξοιμ. Αρτέμιων μὲν δι', ο τὰς Αἰγαίοτελες αναγράψας Θησείος, φησί, ὅπ. δεῖ δι' τῷ αὐτῷ τερψιώ διάλογον τε γεράφειν οὐ Θησείος. Εἴναι γὰρ τινὲς Θησείοις, οἷον τὸ ἔτερον μέρος τὸ διαλόγος. Καὶ λέγει μὲν πίστως, τὸ μὲν ἄπαν. Δεῖ γὰρ θεοκατεκυδάδαν πῶς μᾶλλον τὸ διαλόγος τινὲς Θησείοις οὐ μὴ γάρ, μιμεῖται αὐτοχειδίαζονται οἱ δι', γεράφειν οὐ διλέγοντες πέμπετο τούτον. Τίς δοῦιν γάρ τοι διαλεχθῆ πέρι φίλον, ὥστε τὸ φυσάδος γεράφειν τὸ γέρεοντερο, φησί; Εἰ δέ τοις αἴτιος αἴτιος οἰχεῖται τὰς φυσάδας γάρ, ὥστε μὴ κατάγειν, δῆλον τοις γέ-

VONIAM verò *Epistolicus* character Exilitate indiget, etiā de ipso dicemus. Artemon igitur, is qui Aristotelis epistles collegit et cunigavit, aut eodem modo oportere Dialogū & Epistles scribi. Esse enim epistolam quasi alteram Dialogi partem. Et aliquid quidem dicit, non tam omnia. Oportet enim epistolam paullo magis adornari et quasi extenui, quam Dialogū. Iste enim imitatur negligenter et ex tempore dicentem: illa autem scribitur, et aliquo modo mittitur quasi donū. Quis igitur ita sermocinetur cum amico, sicut Aristoteles ad Antipatrum, super senes quodā exsule, scribens ait? Si verò ad omnia exilia iste ita abiit, vt non redeat: manifestum est, ^{non rediatur} quod

quod nemo inuidet ire ad inferos volentibus. Nam qui ita differit, demonstranti magis quam sermocinanti similis appareat. Et solutiones crebra in sermone, quales non decent epistolas: quia obscurum quiddam in scriptione solutio. Et illud Imitatoriū, non tam scriptioris propriū, quam contentioris. Sicut in Euthydemō: Quis ille erat, ô Socrates, cū quo herē in Lyceo differebas? certè frequens turba vos circumsistebat. Et paullus progressus, infert: At mihi hospes quispiam esse videbatur qui cum loquibile, quis erat? Hac enim talis elocutio est. imitatio, histriōne magis decet, non epistolas scribentē. Plurimū autem Morale epistolas habeat, sicut est Dialogus. Ferè enim animi sui simulacrū quisque et imaginem, epistola scribit. Et est quidē ex alia omni oratione videre ac noscere mores scriptoris: ex nullā tamen aquē atq; ex epistolā. Magnitudo autem epistola modica est contracta esto, sicut est dictio. Valde autem longa, et elocutione magis inflate, non, per fidem, epistola sunt, sed Libri aut scripta, Saluere illud habētiā. sicut Platonis plurima sunt, et Thucydidis. Et constructione quidem epistola soluta esse debet magis. Ridiculū enim per periodos ire, tamquā non epistolam sed iudiciale causam scribentem: imo non ridiculum tantum, sed nec familiare aut amicum. Illud enim quod proverbio fertur, Ficus, ficus, epistola oportet accommodare. Sciendum autem, quod non solum Elocutio quedam, sed et Res sunt Epistolis propria. Aristoteles igitur, qui formam maxime epistola concepisse est assecutus uidetur, ait: Hoc tibi non scribo: non enim esset epistolicum. Siquis enim in epistolā Sophismata aut casillos scribat, aut Naturales dissertationes, scribit quidem, non tamen epistolam. Come enim quiddam vult esse Epistola; breue; et de re simplici exppositio, etiam verbis simplicibus. Pulchritudo enim eius et decor, amica benignitas, et crebra Proverbia inserta. Atq; hoc unū sapiens insit epistola; quoniam popularē quiddam est Paræmia, est vulgo notum. Qui vero sententias

καὶ τερπεπόμπος, καὶ δὲ Πτισολῆς ἐπ λαλεῖν οὐκέτι, αἷλα μηχανῆς. Αἴειστέ λης μὴ τοι καὶ δύσθενος πάχει^τ) Πτισολικαῖς. οἵον οἰδαίξαι βελόμβῳ^τ, ὅποιοίς χρὴ διεργετεῖν τοῖς μεγάλοις πόλεις καὶ τὰς μικρὰς, φυσίν. Οἱ γὰρ θεοὶ ἐν αἱμφοτέροις ἴσοι· ὡς ἐπεὶ αἱ Χάρετες θεοί, ἵσται δύποκεσσονται σοι πάρ’ αἱμφοτέροις. Καὶ γὰρ τὸ δύσθενον μήπον αὐτὸν Πτισολικὸν, καὶ ηδὲ δύσθενος αὐτόν. Εἶπεν δὲ καὶ πόλεσι ποτε οὐτε βασιλῶς οὐδὲ φοιτῶντος τοῦ ἀν^τ) αἱ Πτισολαῖ, μικρὸν εἴξηρμόν τοι πάς (σοχασέντος γὰρ τὸν οὐρανόν, φέρειν τοῦ γράφει). Εἴξηρμόν μὴ τοι, καὶ τοῦτο οὐσε σύγχρονον εἴναι διητὸν Πτισολῆς. Θάσες αἱ Αἴειστέλοις ποτὲ Αἰλέζανδρον, καὶ ποτὲ τοὺς Δίων^τ οἰκείους η Πλάτων^τ. Καθόλου δὲ μεμίχθω η Πτισολὴ καὶ τέως ἔρμηνειαν σκηδυοῖς χαρακτήρειν τούτην, τούτην τε χαρίστη^τ καὶ τοῦτο ιχνόν. Καὶ τοῖς Πτισολῆς μὴ τοσαῦτα, καὶ ἄμα τοῖς τοῦ χαρακτῆρ^τ τοῦ ιχνοῦ.

tias loquitur, aut serio cohortatur, non per epistolā iam loquenti similis est, sed per artem. Aristoteles sane et demonstrationibus utitur interdum epistolicis. sicut cum doce-re vellet, pariter magnis et paruis ciuitati-bus beneficiendum esse, ait: Dij enim in v-trisque aequales sunt. itaque & Gratia, quoniam deae, aequales tibi residebunt apud utrasque. Nam et quod demonstratur Epistolicum est: et demonstratio ipsa. Quoniam autem et ciuitatibus interdum et regibus scribimus, sunto eiusmodi epi-stola paullo magis eleuata. (mens enim di-rigenda et in personam, cui scribitur.) ele-uata tamen, sed non uti Liber aut commen-tatio fiat pro epistola. sicut illa Aristotelis ad Alexandrum, et Platonis ad Dionis familiares. Uniuersè autem miscetor epi-stola, quod ad Elocutionem, è duobus chara-cteribus istis, Urbano et Exili. Et de Episto-la quidem hactenus, et simul de charakte-re exili.

F I N I S.





